











LES
MEMOIRES
DE
MONSIEVR LEDVC
DE NEVERS
PRINCE DE MANTOVÈ;
PAIR DE FRANCE,
GOVERNEVR ET LIEVTENANT GENERAL
POVR LES ROIS CHARLES IX. HENRY III. ET HENRY IV.
EN DIVERSES PROVINCES DE CE ROYAVME.
ENRICHIS DE PLYSIEVRS PIECES DV TEMPS;
SECONDE PARTIE.



A PARIS,
Chez LOVYS BILLAINE au Palais, au second Pillier de la grande Salle, à la
Palme & au grand Cesar.

M. DC. LXV.
AVEC PRIVILEGE DV ROT.

MEMOIRES

DE NEVERS



TABLE GENERALE DES MATIERES

CONTENUES DANS CETTE SECONDE PARTIE
des Discours d'Etat de Monsieur le Duc de Nevers.

Preface sur la Seconde Partie des Memoires de Monsieur le Duc de Nevers

Lettre de M. de Nevers à nostre saint Pere le Pape sixte V.

Traité des causes & des raisons de la prise des armes faite en Janvier 1579. & des moyens pour appaiser nos présentes afflictions, page 1.

Aduertissement, 157

Lettre du Roy à M. de Nevers, *ibid.*

Discours véritable sur l'inique emprisonnement & la detention de Mesdames les Duchesses & Damoiselles de Longueville, & de Monsieur le Comte de S. Paul; escrit par Monsieur le Duc de Nevers, en May 1590. 158

Copie des lettres écrites par les Maieur, Preuost & Escheuins d'Amiens au sieur de Sessinal, pour sa deliurance au lieu de Madame de Longueville, 197

Copie des articles suivant les susdites lettres, *ibid.*

Promesse signée par Monsieur de Nevers en consequence des susdits articles cy dessus, 198

Lettre écrite par le feu Roy Henry III. à Monsieur le Duc de Nevers estant devant la Grenache, luy donnant le choix des Gouvernemens de Champagne ou de Picardie, *ibid.*

Deux lettres écrites par le sieur de Seurre, Intendant des affaires de Monsieur le Duc de Guise, à Madame de Nevers, sur le Gouvernement de Champagne, 199 & 200

Copie des provisions du Gouvernement de Champagne & Brie expédiées en faueur de Monsieur de Nevers sous le nom de Monsieur le Duc de Re-sblois son fils, 201

Copie des lettres écrites par ceux du Conseil de l'union estably à Paris, aux habitants de Nevers, pour les détourner de leur fidelité, le Roy Henry III. estant encore vivant, 205

Copie de la lettre écrite par l'Euesque d'Amiens à M. le Ruerend Euesque de Nevers sur la prohibition faite à Madame la Duchesse de Longueville d'aller à la messe, *ibid.*

Lettre de Monsieur le Cardinal Caietan Legat en France à M. le Cardinal Montale, pour assurer sa Sainteté de la deliurance de Madame de Longueville, 206

Lettres du Roy Henry IV. à Monsieur le Duc de Nevers. Depuis le 1. Aoust de l'année 1589. qui fut le premier iour de son regne, iusqu'à l'année 1593. page 207. & suivantes iusques à la page 322.

Autre lettre de sa Maiesté au mesme, 213 & 214

TABLE

| | |
|---|-------|
| <i>Reponses de Monsieur le Duc de Neuers, aux lettres du Roy Henry le Grand,</i> | |
| <i>page 115. & suivantes iusques à la page 376</i> | |
| <i>Autre lettre de Monsieur de Neuers au Roy Charles IX.</i> | 377 |
| <i>Lettre du sieur de Tananet au Roy,</i> | 379 |
| <i>Lettre de Monsieur de Neuers au Roy Henry III.</i> | 380 |
| <i>Lettre de M. de Neuers écrite aux deputez des Estats tenus à Blois en 1588.</i> | 384 |
| <i>Autre lettre du mesme au mesme,</i> | 386 |
| <i>Autres lettres de Monsieur de Neuers à plusieurs particuliers, 1. à Monsieur de</i> | |
| <i>Geure Secrétaire d'Etat,</i> | 387 |
| <i>Autre lettre du mesme au mesme,</i> | 388 |
| <i>Autres lettres du mesme au mesme,</i> | 389 |
| <i>Lettre de Monsieur de Neuers à M. de Villeroi,</i> | 391 |
| <i>Lettre de Monsieur de Neuers à Monsieur de la Grange,</i> | ibid. |
| <i>Lettre de Monsieur de Neuers à M. de Scruières,</i> | 392 |
| <i>Lettre de M. de Neuers à M. le Président de Blancmesnil,</i> | 393 |
| <i>Lettre de Monsieur de Neuers à un Colonel Suisse,</i> | ibid. |
| <i>Lettre de Monsieur le Marechal d'Aumont à Monsieur de Neuers,</i> | 394 |
| <i>Autre lettre du mesme au mesme,</i> | 395 |
| <i>Autres lettres du mesme au mesme,</i> | 396 |
| <i>Autre lettre écrite à M. de Neuers,</i> | 397 |
| <i>Lettre de Monsieur de Geure Secrétaire d'Etat, à Monsieur de Neuers,</i> | 398 |
| <i>Lettre de Monsieur Chabouille à Monsieur de Neuers,</i> | ibid. |
| <i>Lettre de Monsieur d'O Surintendant des finances, à Monsieur de Neuers,</i> | 399 |
| <i>Articles & faits presentez par M. le Duc de Neuers au Conseil du Roy,</i> | ibid. |
| <i>Reponses aux articles cy-dessus,</i> | 402 |
| <i>Lettre de Monsieur d'O, Surintendant des finances, à M. de Neuers,</i> | 403 |
| <i>Discours de ce que fit M. de Neuers à son voyage de Rome en l'année 1593.</i> | 405 |
| <i>Lettre du Roy au Pape,</i> | 415 |
| <i>Memoire presenté au Pape par M. le Duc de Neuers le 5. Decembre 1593.</i> | 417 |
| <i>Autre Memorial presenté au Pape par Monsieur de Neuers,</i> | 425 |
| <i>Advis des Imprimeurs du Roy au Letteur en l'année 1594</i> | 434 |
| <i>Discours de la legation de Monsieur le Duc de Neuers, enuoyé par le Tres-</i> | |
| <i>Chrestien Roy de France & de Navarre Henry IV. vers le Pape Clement</i> | |
| <i>VIII.</i> | 437 |
| <i>Lettre du Roy à nostre saint Pere, presentée par le sieur de La Chetie,</i> | 439 |
| <i>Aduertissement,</i> | 491 |
| <i>Instruction baillée à monsieur de Neuers s'en allant vers le Pape apres la conuer-</i> | |
| <i>sion du Roy, pour luy prestre l'obeissance de sa part,</i> | 492 |
| <i>Addition,</i> | 504 |
| <i>Instruction que Monsieur de Neuers donna de la part du Roy à monsieur de Pi-</i> | |
| <i>sany, lors qu'il fut à Rome,</i> | 506 |
| <i>Instruction à monsieur de Luxembourg allant à Rome,</i> | 512 |
| <i>Lettre au Pape sur ce sujet,</i> | 514 |
| <i>Lettre au Cardinal Neuen du Pape,</i> | 526 |
| <i>Lettre à plusieurs</i> | |

TABLE

| | |
|---|--------------|
| <i>Lettre à plusieurs Cardinaux,</i> | <i>ibid.</i> |
| <i>Lettre à Monsieur de Masse Ambassadeur à Venise,</i> | 527 |
| <i>Lettre aux Duc & Seigneurie de Venise,</i> | <i>ibid.</i> |
| <i>Lettre au grand Duc,</i> | 528 |
| <i>Lettre de Monsieur de Luxembourg au Pape Gregoire XIV.</i> | 529 |
| <i>Fondation faite par Monsieur le Duc de Nevers & Madame sa Femme, pour marier tous les ans à perpétuité dans leurs terres & seigneuries soixante pauvres filles,</i> | 533 |
| <i>Copie de la Bulle en latin, de nostre saint Pere Xiste V. de ce nom, du 10. iour de Novembre 1586. par laquelle sont octroyées Indulgentes & pardons de plenièr remission, à tous ceux & celles qui deuotement & de bon cœur assisteront, estant confessez, repentans & communiez, à l'accomplissement & eff: de la fondation charitable de mes Seigneur & Dame les Duc & Duchesse de Niuernois & de Retelois, Pairs de France, du mariage à perpétuité en leurs terres & seigneuries, de soixante pauvres filles par chacun an, destituées de tout autre aide & moyens,</i> | 571 |
| <i>La forme du procez verbal qui doit estre fait en chacune parroisse, selon & en ensuiuant l'ordre de ladite fondation: lequel a esté cy adiousté à la fin d'icelle, pour seruir de formulaire general en chacune des paroisses où se feront lesdites Eslections, à dresser leursdits procez verbaux, chacun en droit soy en particulier. Aduertissant neantmoins, que s'il se presente quelque changement en l'eslection desdites filles autre qu'il n'est contenu en ce present formulaire, de le specifier par le menu en leur procez verbal, & non s'arrester à la forme & senccur d'iceluy,</i> | 571 |
| <i>L'Estat dressé à peu pres, des parroisses appartenans à mesdits Seigneur & Dame en tout ou partie, aux hautes, moyenne & basse iustice, comme aussi d'aucunes qu'ils ont alienées depuis auoir fait ceste fondation; esquelles toutes doiuent estre estués les filles selon la teneur de ladite fondation,</i> | 567 |
| <i>Estat des frais qui se font annuellement pour l'entreteuement de la fondation desdites soixante pauvres filles,</i> | 574 |
| <i>Particularitez de la vie de Henry le Grand,</i> | 576 |
| <i>Memoire du President de Calignon Chancelier de Navarre,</i> | 577 |
| <i>Recit d'une entreprise faue en l'an 1565. contre la Reine de Navarre & Messeigneurs ses enfans,</i> | 579 |
| <i>Lettres d'un des principaux Magistrats de Bourdeaux, de 1567. où l'on n'a presque rien changé,</i> | 585. & 586 |
| <i>Extraict d'un discours d'Estat de Monsieur de Sancy, General de l'armée estrangere qu'il amena au Roy Henry III. en l'année 1589.</i> | 590 |
| <i>Lettre de Monsieur de Fresne Forget, Secetaire d'Estat, du 7. Septembre 1589.</i> | 594 |
| <i>Autre lettre du mesme,</i> | 597 |
| <i>Declaration du roy Henry IV. de vouloir conserner La Religion Catholique, Apostolique & Romaine, sans y rien innouer, ensemble les habitans de sa bonne ville de Paris,</i> | 605 |
| <i>Lettre du Duc de Mayenne enuoyée par toute la France,</i> | <i>ibid.</i> |
| <i>Assemblée de ceux de la Ligue en la salle de saint Louis du Palais,</i> | 607 |
| <i>Requête présentée par le Clergé de Paris, à Monsieur le Duc de Mayenne: & la response à icelle, avec la forme de iurer l'union recenté, le 14. Novembre 1590.</i> | 609 |

T A B L E.

| | |
|---|-------|
| <i>Memoire enuoyé au Roy par quelque bon François, des choses à faire par sa Majesté, pour prevenir ce que venoit faire contre luy le Cardinal Caïtan, enuoyé Legat à latere en France par le Pape Sixte, costé de la main de Monsieur de Sillery, lors Ambassa- deur en Suisse,</i> | 611 |
| <i>Lettre du Roy Henry IV. au Marechal de Biran le pere,</i> | 613 |
| <i>Instruction de ce que doivent faire les Deputez de la ville de Paris, aux Estats qui se ten- dront à Rheims, & dont l'on pourra tirer quelques articles pour inserer en leur procura- tion auparavant la clause cum libera, leuë publiquement en l'Hosiel de cette ville, le 8. Juin 1592.</i> | 614 |
| <i>Assemblée secreete de plusieurs Bourgeois sailleux de la ville de Paris,</i> | 617 |
| <i>Serment de l'Union iuré par les Bourgeois de Paris, leu dans le Parlement, present Monsieur du Mayne, du 5. Novembre 1591.</i> | 623 |
| <i>Serment de l'Union iuré par les Colonels & Capitaines de Paris, leu dans le Parlement, pre- sent le Duc de Mayenne, du 7. Decembre 1591.</i> | 624 |
| <i>Arrest donné à Paris durant la Ligue, par lequel il est ordonné q'un precedem Arrest sera signé de tous les Conseillers,</i> | 625 |
| <i>Lettres d'abolition oïlroyées par Monsieur le Duc de Mayenne sur la mort du President Bris- son, l'Archer & Tardif Conseillers, du Mardy dixiesme Decembre 1591.</i> | ibid. |
| <i>Ce qui fut publié par les Seize pour empêcher la Conference,</i> | 628 |
| <i>Recit de la reduction de Meaux & de Monsieur de Vitry en l'obeyssance du Roy,</i> | 631 |
| <i>Assemblée des Ligueurs dans Paris, du Vendredy 30. Oictobre 1592. leure de huit heures du matin,</i> | 632 |
| <i>Quod petitio quod rex Nauarræ interpellatur vtiat Catholicus, inepta sit, le- ditola & impia,</i> | 634 |
| <i>Estat de la monnoye qui a esté fabriquée à Paris durant l'année 1589.</i> | 635 |
| <i>Propos tenus entre Monsieur de Mayenne & le President le Maître, sur l'Arrest donné à Paris le dernier Juin mil cinq cens quatre-vingt-treize, par lequel les estrangers estoient exclus de la Couronne,</i> | ibid. |
| <i>Relatio dictorum à Clemente Papa die 18. Decembris 1593 in Consistorio, circa Henricum IV. & statum Franciæ,</i> | 638 |
| <i>Instruction pour Monsieur le Vicomte de Turenne, s'en allant en Allemagne,</i> | 642 |
| <i>Instruction au sieur Vicomte de Turenne, s'en allant en Angleterre 1592.</i> | 661 |
| <i>Instruction au sieur de Bazemwal, s'en allant au Pays-bas 1592.</i> | 666 |
| <i>Instruction à Monsieur de La Fin, s'en allant en Lionnois 1592.</i> | 670 |
| <i>Instruction à Monsieur de La Fin, s'en allant vers Monsieur le Connestable 1592.</i> | 682 |
| <i>Lettre des habitants des Vallées de Lucerne, Veroufe, & saint Martin au Roy Henry IV. l'an 1592.</i> | 692 |
| <i>Arrest solennel contre ce qui s'est fait par La Ligue contre l'autorité du Roy Henry IV. & la memoire du Roy Henry III. avec renouation du pouuoir du Duc de Mayenne, apres la reduction de Paris,</i> | ibid. |
| <i>Lettre du Cardinal de Plaisance à Monsieur de La Chastre,</i> | 692 |
| <i>Response dudit sieur de La Chastre à la susdite lettre,</i> | 694 |
| <i>Ce qui se passa le 7. 8. & 9. Feurier mil cinq cens quatre-vingt-quatorze, sur la reduction de la ville de Lyon.</i> | 695 |
| <i>Escript par lequel ceux de La Religion pretendz Reformée, blâment le Roy de sa Con- uersion,</i> | 698 |
| <i>Lettre de Monsieur de La Chastre, à Monsieur de Mayenne,</i> | 704 |
| <i>Declaration du Roy Henry quatriesme contre le Roy d'Espagne, ses sujets & seruiteurs,</i> | 706 |
| <i>Noms de ceux qui seriront de la ville de Paris, suivant la volonte du Roy, apres la reduction en son obeyssance,</i> | 708 |
| <i>Lettre du Duc de Feria au Roy d'Espagne, traduite en François,</i> | 710 |
| <i>Advis du Duc de Feria, sur la proposition qui fut faite à Bruxelles, en l'assemblée du 27. Aoust 1594. lequel il donna par escript le 27. du mesme mois,</i> | 711 |

TABLE

| | |
|---|-------|
| <i>Les intimidations qui furent faites au Pape Clement V III. par le Duc de Sessa, lors de l'abolition du Roy Henry IV.</i> | 716 |
| <i>Lettre de M. le Duc de Nevers à M. de Sancy, en l'année 1595.</i> | 717 |
| <i>Autre lettre de M. le Duc de Nevers à Messieurs du Conseil d'Etat contre M. le Duc de Bouillon en l'année 1595.</i> | 721 |
| <i>Traduction du Journal fait en Italien par le Secretaire du Cardinal de Florence, Legat à latere du Pape Clement V III. pour la paix entre les deux Couronnes, lequel Journal contient tout ce qui s'est passé en la Conference tenue à Vernus pour la paix, depuis le 6. Fevrier jusques au premier May 1598.</i> | 731 |
| <i>Lettre du Roy à Monsieur le Marechal de Biron le fils,</i> | 764 |
| <i>Traité fait à Paris entre le Roy Henry IV. & le Duc de Savoie, du 27. Fevrier 1600.</i> | 765 |
| <i>Declaration faite par les Deputez de Monsieur de Savoie,</i> | 770 |
| <i>Copie de la Lettre escripte par le Duc de Savoie au Comte de Brandis, Gouverneur du Chastell de Montmelian, le trentiesme Octobre mille six cent,</i> | ibid. |
| <i>Copie de la promesse que le Gouverneur de Montmelian a faite au Roy le 3. Novembre, pour luy rendre ladite place le 16. dudit mois 1600.</i> | 773 |
| <i>Pouvoir aux sieurs de Sillery & President Jeannin pour le traité de l'eschange fait entre le Roy Henry IV. & le Duc de Savoie, du Marquisat de Saluces avec la Bresse, 1600.</i> | ibid. |
| <i>Pouvoir des Deputez de Savoie,</i> | 773 |
| <i>Ratification du Duc de Savoie,</i> | 775 |
| <i>Traité de paix fait à Lion pour l'eschange du Marquisat de Saluces avec la Bresse, ibid.</i> | ibid. |
| <i>Article premier du traité fait entre le Roy & le Duc de Savoie, le 27. Janvier 1601. concernant la decision des differends meus, tant sur la construction du pont de Lanardin, que sur les Hamelans de Longercy, le Molard & Lanoir,</i> | 773 |
| <i>Description particulière de l'estuë & situation des lieux, terres & parroisses reservees par M. de Savoie deça le Rosne du costé du Baillage de Bugy, pour la commodité du passage des troupes qu'on voudra faire passer de Savoie en la Franche Comté, suivant le premier article du traité de l'année 1601. & des lieux, terres & villages de la le Rosne du costé de la Savoie, cedez au Roy par l'article troisieme dudit traité: Ensemble des lieux & terres pretendus en souveraineté par la seigneurie de Geneve, enclenez dans le Baillage de Gex, &</i> | |
| <i>Description particulière de la Montaigne de Surgis, & de celle dite le grand Credo: description particulière du Pont d'Arlo, & de Pierre Chastel, &c.</i> | 784 |
| <i>Atte de la prestation de sermens fait par le Roy, sur l'observation du traité de Savoie</i> | 789 |
| <i>Commission pour faire planter des bornes entre les Pays de Bresse, Beugé & Veramey, & les pays limitrophes appartenant au Duc de Savoie,</i> | 790 |
| <i>Instruction à ces Messieurs pour regler les limites des pays susdits cedez à sa Majesté par M. de Savoie, & les pays dudit sieur Duc,</i> | 791 |
| <i>Memoires baillez au Pape Clement V III. de la part de Henry IV. Roy de France & de Navarre, contre Charles Emmanuel Duc de Savoie, touchant le differend du Marquisat de Saluces,</i> | 793 |
| <i>Extrait de la rephque du Roy,</i> | 796 |
| <i>Premier proces verbal des Commissaires du Roy & du Duc de Savoie, pour les limites de Bresse & de Savoie, fait à Gex en Octobre 1605.</i> | 797 |
| <i>Second proces verbal de. Commissaires du Roy & du Duc de Savoie, pour les limites de Bresse & de Savoie, fait à Gex en Mars 1606.</i> | 816 |
| <i>Lettre de Messieurs de Refuge & de Moubolon au Roy,</i> | 826 |
| <i>Lettre de Messieurs de Refuge & de Moubolon à Monsieur de Genes, Secretaire d'Etat,</i> | 827 |
| <i>Lettre de Messieurs de Refuge & de Moubolon à Monsieur le Chancelier,</i> | ibid. |
| <i>Lettre des mesmes à Monsieur le Garde des sceaux,</i> | 829 |

TABLE.

| | |
|---|-------|
| <i>Inſtruction donnée au ſieur de Bullion, pour l'affaire du Monſieur le Duc de Soiffons avec le Duc de Savoie,</i> | 832 |
| <i>Copie des articles de mariage & des penſions. Année 1609.</i> | 843 |
| <i>Lettre d'un grand Vicir à Henry IV. traduite du Turc par monſieur de la Croix, Interprete du Roy,</i> | 845 |
| <i>Lettre du Roy Henry IV. au Mareſchal de Biron, en 1601. & 1602.</i> | 852 |
| <i>Lettre de monſieur le Mareſchal de Montmorency, au meſme,</i> | 854 |
| <i>Lettre du meſme au meſme,</i> | 855 |
| <i>Lettre de monſieur de Marchauxmont, au meſme,</i> | 856 |
| <i>Lettre au meſme par du Haillon,</i> | 856 |
| <i>Lettre au meſme par monſieur de Villeroi de ſa main,</i> | 857 |
| <i>Lettre au meſme de Monſieur de Genre,</i> | ibid. |
| <i>Devis entre le Roy & l'Ambaſſadeur d'Eſpagne, en Decembre 1605.</i> | 858 |
| <i>Articles ſur leſquels le Roy a déclaré ſon intention, pour ſervir d'inſtruction & de commandement au ſieur de Bullion, allant trouver le ſieur de Lesdiguières Mareſchal de France, & avec luy ou ſeulement, monſieur le Duc de Savoie, pour le ſervice de ſa Maieſté,</i> | 862 |
| <i>Inſtruction du Roy Louis XIII. au ſeuſdit ſieur de Bullion,</i> | 871 |
| <i>Traité du Roy Henry le Grand avec Charles Emmanuel Duc de Savoie, pour la conquête du Duché de Milan, à Bruſol le 25. jour d'Avril 1610.</i> | 880 |
| <i>Traité de ligue offenſive & deſenſive, entre le Roy Henry le Grand & Charles Emmanuel Duc de Savoie contre Philippe ſecond Roy d'Eſpagne, à Bruſol le vingt-cinquième jour d'Avril mil ſix cents dix,</i> | 882 |
| <i>Traité de ligue offenſive & deſenſive entre Henry IV. Roy de France & de Navarre, & Charles Emmanuel Duc de Savoie, & de promeſſe de mariage entre Madame Elizabeth de France fille aînée dudit ſieur Roy, & monſieur le Prince de Piedmont ſils aîné dudit ſieur Duc.</i> | 884 |
| <i>Copie d'un eſcrit de ſon Alceſſe au ſieur Gaſpard de Puſparat,</i> | 885 |
| <i>Récueil d'une autre inſtruction de ſadite Alceſſe audit ſieur de Puſparat,</i> | ibid. |
| <i>Autre propoſition de ſadite Alceſſe,</i> | ibid. |
| <i>Reſponſe du Roy,</i> | 886 |
| <i>Inſtruction de monſieur de Vaucelas,</i> | 887 |
| <i>Concluſion de l'Alceſſe de la vue de Henry le Grand,</i> | 894 |



PRIVILEGE

PRIVILEGE DV ROY



OVIS PAR LA GRACE DE DIEV'

Roy de France & de Nauarre, A nos amez & feaux Conseillers les gens tenans nos Cours de Parlement, Maistres des Requestes ordinaires de nostre Hostel, Ballifs, Seneschaux, Preuosts, leurs Lieutenans, & à tous autres de nos Iusticiers & Officiers qu'il appartiendra, SALVT. Nostre bien amé le sieur DE GOMBERVILLE Nous a fait remonstrer, qu'il desireroit donner au public vn liure intitulé, *Recueil des Negotiations, Remonstrances, Dis-*

cours d'Estat, Lettres & autres ouurages de nostre tres-cher & tres-amé Conſein Ludouic de Gonzague, Duc de Neuers, s'il nous plaisoit luy accorder nos lettres sur ce nécessaires. A CES CAUSES, Nous auons permis & permettons par ces presentes audit exposant, de faire imprimer, vendre & debiter en tous les lieux de nostre obeissance, ledit liure en vn ou plusieurs volumes, en telle marge, en tels Caractères, & autant de fois qu'il voudra, durant l'espace de dix ans entiers & accomplis, à compter du iour que ledit liure sera acheué d'imprimer pour la premiere fois: Et faisons tres expresses inhibitions & desſences à toutes personnes de quelque qualité & condition qu'elles soient, de l'imprimer, faire imprimer, vendre ny debiter en aucun lieu de nostre obeissance, sous pretexte d'augmentation, correction, changement de tître, fausses marques, ou autrement, en quelque sorte & maniere que ce soit, sans le consentement dudit exposant, ou de ceux qui auront droit de luy, à peine de trois mille liures d'amande, payables par chacun des contreuenans, & applicables vn tiers à Nous, vn tiers à l'Hostel Dieu de Paris, & l'autre tiers audit exposant, de confiscation des Exemplaires contrefaits, & de tous despens, dommages & interets, à condition qu'il sera mis deux Exemplaires desdits liures en nostre Bibliotheque publique, vn autre en nostre Cabinet du chasteau du Louure & vn en celle de nostre tres-cher & feal le sieur Seguier, Cheualier, Chancelier de France, Comte de Gien, & de mettre es mains de nostre amé & feal Conseiller & grand Audiancier de France en quartier, les recepisséz de nos Bibliothequaires & du sieur Cramoisi, Commis par nostredit Chancelier à la deliurance actuelle desdits exemplaires, auant que de les exposer en vente. Enioignons au Scindic des Libraires de faire saisir tons ceux qui pourroient auoir esté faits, faute d'auoir satisfait aux clauses portées par ces presentes, à peine de nullité: du contenu desquelles Nous voulons que vous fassiez iouir pleinement & paisiblement ledit Exposant, ou ceux qui auront droit de luy, empeschant qu'il ne luy soit donné aucun empeschement. VOULONS aussi qu'en mettant au commencement, ou à la fin de chaque volume dudit liure, vn extrait des presentes, elles soient tenuës pour denément signifiées, & que foy y soit adioutée & aux copies collationnées par l'vn de nos amez & feaux Conseillers & Secretaires, comme à l'original. MANDONS au premier nostre Huissier ou sergent sur ce requis, de faire pour l'execution des presentes, tous exploits nécessaires, sans demander autre permission. CAR TEL est nostre plaisir, nonobstant Clameur de Haro, Charte Normande, Edits, De-

clarations, Arrests, Reglemens, Statuts & autres Lettres à ce contraires;
DONNE' à Paris le iour de l'an de grace mil six cent soixante & deux,
& de nostre Regne le dixneuuesme. Signé, Par le Roy en son Conseil, LVSTEL,
& scellé du grand sceau de cire iaune sur simple queue.

*Ledit sieur de Gomberville a cédé son droit du present Privilege, à Thomas Jolly
& Louis Billaine, Marchands Libraires à Paris, pour en iouir suuant l'accord fait en-
tre eux.*

Acheué d'imprimer pour la premiere fois, le dernier iour de Septembre 1665.

*Registré sur le Livre de la Communauté des Imprimeurs & Libraires de Paris le 6.
iour d'Aoust 1664. suuant & conformément à l'Arrest de la Cour de Parlement du 8.
Auil 1665. Signé, E. MARTIN Secrétaire.*



PREFACE



P R E F A C E

SVR LA II. PARTIE DES MEMOIRES DE M. DE NEVERS.



MONSIEVR de Nevers estoit dans son Gouvernement de Champagne, & combattoit la reuolte generale des Prouinces voisines par sa fidelité, par la prudence, & par son courage, lors qu'on luy apporta la nouuelle de la blessure du Roy Henry III. Ce coup le frappa presque aussi mortellement que ce grand Prince; mais ne voulant pas que les ennemis de la France profitassent de leur parricide, il prit de nouveaux soins, & se porta à toutes les choses par lesquelles il pouuoit retenir l'emporement des peuples, & s'opposer aux pernicioeux desseins de la Ligue. Il estoit dans cette illustre occupation, lors qu'il receut vne lettre du Roy Henry IV. & vne de M. de Longueuille. Il y apprit que son bon Maistre estoit mort de sa blessure, & que ses assassinateurs n'esperoient pas moins que d'adiouster à sa perte, celle de toute la France. D'abord il assembla toutes les personnes de condition, & tous les Officiers qui seruoient aupres de luy; & apres leur auoir exageré l'enormité du crime qui auoit esté commis à S. Cloud, il les engagea autant par ses larmes que par ses paroles, à vanger le sang & la mort de leur Roy, & à ne pas permettre la dissipation de l'Estat. Mais la plus grande partie de ceux qui s'estoient portez à vn si iuste engagement, changea bien-tost de resolution, & trouua des pretextes fort specieux pour manquer de parole. Les vns touchez de leurs interests; les autres gaignez par les promesses des Chefs de la rebellion; & les plus innocens retenus par le zele de la Religion & par la haine de l'heresie, se declarerent ouuertement contre le nouveau Roy, ou s'estans retirez dans leurs maisons, y demeurerent neutres. M. de Nevers qui estoit l'un des plus feruens & des plus veritables Catholiques de son siecle, se trouua entre deux grandes extremitez. Il scauoit qu'il est descendu aux Chrestiens, de resister aux puissances legitimes, pour quelque rai-

P R E F A C E.

son que ce soit, mais qu'il l'estoit aussi de communiquer avec l'heretique. D'un costé il considere le Roy de Nauarre comme vn Prince qui vray-semblablement estoit appellé de Dieu, pour remplir le Thrône de la France & en estre le restaurateur. D'ailleurs il le regarde comme vn ardent zelateur de la Religion nouvelle, & comme le plus redoutable ennemy de l'ancienne. Il ne veut pas estre rebelle. Il ne veut pas estre Ligueur; mais il ne veut pas aussi combattre pour l'heresie, & contribuer son esprit & son bras, à la desolation de l'Eglise. Apres auoir demandé le secours d'en haut, & decouuert le fond de son cœur à celuy-là seul qui le peut sonder, il se resolut d'estre tousiours bon François & tousiours bon Catholique. Dans vne si iuste pensée il respondit à la lettre du Roy Henry IV. & avec tout le respect qu'il estoit obligé d'auoir pour vn si grand Prince, il luy declare qu'il ne portera iamais les armes contre son seruice, & qu'il luy remettra tousiours entre les mains toutes les places dont il pourra disposer. Qu'il connoist que visiblement Dieu auoir eu pitié de la France, lors qu'il l'auoit choisi pour le successeur du Roy son bon Maistre. Mais que Dieu ne faisoit iamais vn miracle à moitié, & que bien-tost il respandroit dans son ame, les lumieres dont il auoit besoin pour sortir de ses anciennes tenebres. Qu'il attendroit dans sa maison, vn euénement si desiré de tous les gens de bien, & qu'à l'instant mesme qu'il le scauroit Catholique, il iroit à ses pieds luy offrir son bien, son sang, & sa vie. Le Roy ayant receu cette lettre, eut la bonté d'y respondre de sa propre main, & d'enuoyer à M. de Neuers la Declaration qu'il auoit faite en faueur de la Religion Catholique, Apostolique & Romaine. Le Duc receut presque aussi-tost de M. de Longueuille diuerfes lettres pour l'obliger à seruir le Roy. Il fut en mesme temps sollicité par M. du Mayne & par les plus considerables de la Ligue, d'entrer dans le party de l'Eglise (c'est ainsi qu'ils parloient) & ne la pas priuer de la plus forte Colonne dont elle pouuoit estre soustenuë. Mais ayant en horreur vn party composé de parricides, de rebelles, & d'ennemis publics de la Maison Royale, il ne daigna pas mesme faire response à leurs lettres. Il ne voulut pas aussi se laisser vaincre aux tentations de la chair & du sang, ny combattre ses premieres obligations par d'autres moins religieuses. Apres auoir donc deliberé sur cela prés d'un mois, il se determina à remettre le Gouvernement de Champagne entre les mains du Roy, & se retirer dans ses terres, pour y attendre en repos la nouvelle face qu'il plairoit à Dieu de donner aux affaires de l'Estat & de la Religion. Il publia en suite de sa retraite, vne petite Declaration, par laquelle il auoioit que dans les troubles & les agitations dont il estoit battu, il ne luy estoit pas possible de choisir la route qu'il deuoit tenir. Que neantmoins la conscience seule l'empeschoit de seruir le nouveau Roy; & qu'il prenoit six mois pour attendre la volonté de Dieu. Que tous ceux qui n'estoient pas arrestez par semblables scrui-

P R E F A C E.

pules, estoient obligez de se rendre aupres de luy, & d'employer leurs biens & leurs vies pour sauuer la France de l'vsurpation de les ennemis. Il y auoit desia quelques mois qu'il s'estoit retiré à Neuers, lors qu'on luy apporta vne lettre de M. de Longueuille; où il estoit fort pressé de ne plus balancer sur vne resolution auili iuste, qu'estoit celle d'entrer dans le seruice du Roy. Voicy les paroles de la fin de cette lettre. Si vous croyez, Monsieur, qu'en conscience vous ne pouuez pas seruir S. M. en quel estat croyez-vous que soit la mienne? Le me persuade que vous auez assez bonne opinion de moy, pour vous figurer que ie ne suis pas sans Religion & sans foy, & que les esperances de la Cour, & la conseruation du Gouvernement de Picardie, ne sont pas assez puissans pour me faire manquer à ma Religion, & pour m'engager dans vne mauuaise cause. Expliquez-vous donc, s'il vous plaist, sur cela, & ne me refusez pas les conseils que ie vous supplie de me donner pour l'aduenir. La responce que M. de Neuers fit à cette lettre fut fort précise. Il declare à M. de Longueuille qu'il n'est pas constitué iuge de la conscience des autres. Qu'il se contente de ne rien faire contre la sienne. Qu'il a la mesme opinion de luy, & qu'il seroit bien fâché de luy conseiller rien contre son deuoir. Quant à ce que vous me demandez touchant vostre conduite pour l'aduenir, adioustet-il, ie ne vous puis rien dire maintenant, sinon qu'il faut que ie sçache bien précisément qui sont ceux que vous croyez ou vos ennemis, ou vos amis, pour vous donner les conseils que vous desirez de moy. M. de Longueuille qui estoit digne heritier du veritable liberateur de la France, & qui auoit reconnu le Roy Henry IV. le mesme iour de la mort de Henry III. fut picqué de voir que M. de Neuers sembloit reuoquer en doute la haute profession d'honneur & de fidelité qu'il faisoit à la veuë de toute la France, & demeurer dans l'incertitude du party pour lequel il s'estoit déclaré. C'est pourquoy il luy escriuit la lettre suiuiante, avec cette fermeté toute Francoise & toute genereuse qu'il tiroit du sang de ses peres.

L E T T R E D E M. D E L O N G V E V I L L E ,

A M. DE NEVERS.

MONSIEVR, j'ay receu la dernière lettre que vous m'auiez fait l'honneur de m'escrire, & suis extremement surpris de ce que vous m'escriuez qu'il ne vous est pas possible de me donner les conseils que ie vous demande, pour ne sçauoir pas qui sont mes ennemis, & qui sont mes amis. Il me semble que vous ne deniez pas estre dans cette incertitude, apres tant de resmoignages que j'ay rendus de ma fidelité & de ma constance au seruice de mon Roy. Mais puis qu'il vous plaist que ie m'en explique par mes paroles aussi bien que par mes actions, ie vous diray que ie n'ay point d'ennemis que ceux de cet Estat, ni point d'amis que ceux qui sont demenez dans l'obeissance & le seruice du Roy; & qui exposent sous les iours avec moy, leurs vies

P R E F A C E.

pour la manutention de cette Couronne contre les forces ou estrangeres, ou rebelles. Celles d'Espagne & de Lorraine qui sont anjourd'huy iointes ensemble, & qui bruslent & saccagent les peuples de mon Gouvernement, sont des preuues trop conuinquantes & trop sensibles qu'il ne s'agit point de la Religion, & que nos ennemis n'ont pas la main pour la deffense de la Messe, mais pour l'assommissement de leur ambition. Cependant vous trouuez estrange, ce me semble, que ie ne me suis pas conformé à vostre politique, ni demeuré spectateur indifferrent des miseres de toute la France. Je n'ay rien precipité, ni rien resolu sans vous en auoir donné aduis. Je ne croy pas aussi auoir apporté aucun preiudice aux choses qui vous regardent. Je vous ay tousiours veu depuis la mort du feu Roy, dans le dessein de prendre du temps pour vous resoudre, & les six mois que vous auez demandez pour cela, monstrent assez que le party du Roy vous sembloit le plus iuste, & pour lequel vous auiez le plus d'inclination. On vous a donné tout ce temps pour y penser; & vous l'auiez pû faire sans blesser vostre bonneur. Mais i'estois obligé d'en user d'une autre sorte: & quand i'en aurois eu la volonteé, ie n'en aurois pas eu le temps. Car l'estat & l'affiette du pays où ma fortune est attachée, ne pouuoient pas me le permettre. I'auois les Ligueurs & les estrangers sur les bras. I'estois attaqué au dedans & au dehors; & si i'eusse reseauoir moins de chaleur, i'estois infailliblement perdu. D'ailleurs, Monsieur, si tout le monde eust voulu suivre vostre moderation & vostre temporisement, les ennemis nous tiendroient anjourd'huy le pied sur la gorge, & nous empescheroient bien de delibérer. Quand il s'agit dans les guerres ciuiles du changement de l'Estat, il y faut apporter une prompte & ferme opposition. Il faut iouer des mains. Il faut chasser bien viste les usurpateurs. Vous sçauiez qu'en ces conionctures, la neutralité est la ruine de ceux mesmes qui s'en seruent. Mais quand cette verité ne seroit pas aussi constante qu'elle est, mon cœur & mon aage m'auroient reproché, comme le dernier des crimes, si i'estois demeuré les bras croisez. Souuenez-vous, s'il vous plaist, Monsieur, que les ennemis de la France n'auront tousiours en detestation; mais que pour toutes leurs calomnies & toutes leurs attaques, ie n'oubli- ray iamais ce que ie dois à Dieu, à son Eglise Catholique, & à mon Roy. Apres cette declaration, Monsieur, ie vous supplie pour l'honneur de Dieu, de vous resoudre bien-tost. La misere de ma Mere & de vostre Fille vous en sollicitent continuellement. I'aduoué que ce me sera une extreme joye, quand ie vous verray dans le dessein de suivre vos veritables & premiers sentimens. Je monte à cheual, & ie croy que dans trois iours i'auray six cens Gentilshommes & mil bons cheuaux avec moy. Cependant ie vous baise tres-humblement les mains, & supplie Dieu, Monsieur, qu'il vous donne une tres-longue & tres-heureuse vie. Ce dernier Février 1590. à Compiègne. Vostre tres-humble & tres-obeissant Fils HENRT D'ORLEANS. Et sur la subscription, A Monsieur, Monsieur le Duc de Neuers.

Monsieur de Neuers fut fort touché d'une lettre aussi forte que celle-là. Il l'auoit aussi esté viuement par celles du Roy & de plusieurs per-

P R E F A C E.

sonnes de grande condition, & particulièrement par celles de M. le Maréchal d'Aumont son intime amy, qui le coniuroit d'auoir pitié de la France, de prendre enfin vne bonne resolution, & ne plus différer de faire paroître ce qu'il auoit dans le cœur. Mais ce Prince qui estoit tousiours retenu par la conscience, vouloit voir pour lequel des deux parts Dieu se declereroit, auant que de se declerer luy-mesme. La Court ayant iugé qu'il estoit besoin de le presser vn peu plus, que ces lettres ne faisoient, fit faire des commandemens secrets aux garnisons de Bourges & des places voisines de Neuers, de faire sentir aux vassaux du Duc, quelque chose des incommoditez de la guerre ciuile. Cela eut le succez qu'on en auoit attendu. Sur les plaintes des peuples de Niuernois, qui auoient esté maltraitez par la Cavalerie qui faisoit des courées, M. de Neuers fut obligé d'entrer en quelque maniere d'accommodement avec les Royalistes. Mais vsant de sa sage politique, au lieu de se mettre sur la deffensue, il se contenta de faire des plaintes, d'escire à M. de Longueuille & à Mess. de Bourges. La lettre qu'il escriuit aux derniers, est faite avec toute l'adresse d'un esprit, qui ne veut ny tesmoigner de la crainte, ny entrer en tuptute. Quoy qu'elle ne soit pas du stile du siecle, elle merite neantmoins d'auoir la place dans ce liure-cy, pour ce qu'elle sert à l'esclaircissement des affaires. La voicy.

A MESSIEURS DE BOVRGES.

MESSIEURS, Je suis tres-aise de connoistre la bonne volonté que vous auez en mon endroit, pareille à celle que j'ay en vostre. Mais il me desplaist bien de voir que de vostre ville il sorte des mandemens sur ceste-cy & ce qui m'appartient, si preiudiciables, comme ils sont, à mon autorité. chose qu'estant continuée, ie ne la pourrois nullement auoir agreable, & serois contraint & ne pourrois que m'en prendre à vous, Messieurs, permettant que ceux que vous retirez en vostre ville, prennent plaisir d'entreprendre sur mon autorité, & de m'offenser, ne donnant occasion à personne de ce faire. Car j'ay veu passer deuant mes yeux trop d'affaires de toutes qualités, pour ne pas connoistre les dexteritez que l'on use à faire des choses peu conuenables, en esperance de reietter la fauult'un sur l'autre, pour en estourdir la memoire. Ce qui peut seruir pour vne fois ou deux, comme de ma part ie suis contraint de faire pour tout ce qui est passé; mais ie vous prierois bien, Messieurs, de toute affection, de ne vouloir plus permettre, qu'à l'aduenir l'on use en mon endroit autrement qu'il doit estre fait parmy les bons voisins & amis. Car pour vous dire vray, ie penserois estre peu estimé, s'il ne m'estoit permis de m'en reuancher, comme ie me suis resolu de faire de tous ceux qui penseront de me faire desplaisir & m'offenser. Comme aussi de ceux qui me departiront leur amitié, comme j'ay connu par vostre lettre que vous desirez faire en mon endroit. Dequoy ie vous en remercie bien fort, & vous prie, Messieurs, de croire que vous ne la departirez iamais à personne qui de meilleur cœur s'en reuanche en vostre endroit. Ce que

P R E F A C E.

ie feray. Comme vous auez pû connoistre ma complexion, éloignée de faire dé-
 plaisir à personne, ains affectionnement à faire plaisir à vn chacun : l'ay tou-
 jours désiré l'auancement de la Religion Catholique, & le bien & repos de
 ce Royaume. Mes actions l'ont toujours tesmoigné. Vous auez Monsieur vo-
 stre Gouverneur, & Monsieur de Corbueil qui vous peuuent rendre tesmoi-
 gnage, particulièrement le dernier voyage qu'il a fait avec moy, lequel s'il
 n'eût esté destourné de l'orage & furie effrénée, l'estat de la Religion seroit
 mieux qu'il n'est sans comparaison quelconque, comme vous le pouuez bien iuger;
 & le miserable peuple n'eût esté ruiné comme il est, & comme ie crains qu'il
 ne soit encore dauantage, & si auant, que celuy qui aura eschappé les malheurs
 de la guerre & de la famine, ne soit attrappé par celuy de la peste, qui est
 coustumier de suivre les deux precedens. Pour le regard de la Couronne tant
 florissante, qu'elle ne soit expressement brisée, afin de rassasier les ambitions
 des hommes aux despens des sujets d'icelle, par les longues & continuelles guer-
 res, qui dureront iusques à ce que les villes & le peuple ne puissent plus saouler
 l'auarice & l'impiété des soldats. Par le peu d'esperance que nous auons pû auoir
 de l'auancement de la Religion Catholique, & du soulagement du peuple depuis
 vn an en ça par la prise des armes, & par le meurtre de nostre Roy peu bono-
 rable aux François, l'on peut aisement iuger ce que l'on peut attendre de l'ad-
 venir. C'est pourquoy ie regrette infiniment de n'auoir pas le moyen d'empêcher
 tels maux. Aussi i'ay vescu le plus doucement qu'il m'a esté possible du-
 rant ce miserable temps, particulièrement depuis la mort de mon Roy, tant avec
 mes sujets que mes voisins, ainsi que vous l'auez pû connoistre; au moyen de
 quoy i'aurois grand regret de faire maintenant autrement avec vous, Messieurs,
 que i'ay toujours aimez, honorez & estimez, pour auoir désiré, comme ie de-
 sire encore, de vous rendre tesmoignage par mes actions de l'amitié & bonne
 volonté que ie vous porte, comme vous le pourrez connoistre, le désirant ainsi
 en tout ce qu'il vous plaira de m'employer; & en cette volonté, ie me recom-
 mande de bien bon cœur à vos bonnes graces, & supplie le Createur vous
 auoir, Messieurs, en sa sainte garde. De Neuers, ce vingt.cinquiesme Ian-
 vier 1596.

Pendant que les lettres & les Courriers preparent l'accommode-
 ment de M. de Neuers avec le Roy, les armes victorieuses de ce Prince
 changeant la face des choses, leuerent tous les obstacles qui l'auoient
 retardé iusques-là. La grande & memorable bataille d'Iury, qu'on
 peut appeller la Crise de la longue maladie de la France, frappa le der-
 nier coup, & emporta glorieusement tout ce qui restoit de scrupule &
 de repugnance dans l'esprit de M. de Neuers. Il connut bien que Dieu
 l'appelloit par vne si merueilleuse victoire, au seruice du Roy, & ne luy
 laissoit aucun lieu de balancer encore sur le party qui estant le plus iuste,
 luy estoit aussi le plus agreable. Il estoit en cet estat, lorsque M. de
 Longueuille, qui auoit vne grande part à la gloire de l'action d'Iury, luy
 escriuit la lettre suiuiante, & le gagna absolument au seruice du Roy.

P R E F A C E.

LETTRE DE MONSIEUR DE LONGVEVILLE,

A M. DE NEVERS ,

Après la Bataille d'Iury.

MONSIEUR, Aussi-tost après l'heureuse Victoire que le Roy a remportée sur ses ennemis, j'ay trouué ce porteur qui est à vous, qui estoit chargé de lettres pour mon frere. Et sçachant bien l'aïse & le contentement que vous receuriez des agreables nouvelles, que j'auois à vous escrire, ie l'ay pressé de s'en retourner incontinent vous trouuer, pour vous rendre certain de la verité de tout ce qui s'est passé icy. Le Roy ayant mis le siege deuant le Chasteau & la Ville de Dreux, sçeut que M. du Mayne auoit passé la Riuiere de Seine à Mantes avec toute son armée, qui estoit de quatre mille cinq cens cheuaux combattans, tant François, Vallons, Bourguignons, que Espagnols, lesquels il venoit de joindre en Picardie. Sa Majesté leua incontinent le siege, & fit marcher son armée au deuant de luy, qui n'estoit que de deux mille cinq cens cheuaux. Nous trouuasmes l'ennemy à deux lieues au deçà d'Anet; & s'estant le mardy treiziesme de ce mois les deux armées rencontrées, celle du Roy fut rangée en Bataille auant midy. Elle marcha près d'une lieue tournant la teste droit à l'ennemy, qui auoit aussi rangé la sienne dans un petit vallon qui luy estoit auantageux. Elle y fit ferme, & ne bougea de sa place quoy qu'elle fût près de la nostre; de sorte que nous estans ainsi marchandez l'un l'autre le reste du iour, la nuit suruint; & le Roy s'alla loger aux prochains villages. Nous gardasmes nostre champ de Bataille. Pour l'ennemy, il s'esloigna du sien bien près d'une lieue. Le lendemain, iour de mercredi quatorziesme de Mars, sa Majesté eut son armée rangée en Bataille dès huit heures du matin, & marchant droit à l'ennemy, le rencontra en un fort beau champ sur les dix heures. Monsieur le grand Prieur & Giury qui menoiert les cheuaux legers, commencerent l'escarmouche, & furent poussés par l'ennemy assez loing; comme aussi fut l'auant-garde que conduisoit M. de Montpensier. Sur quoy M. le Marechal d'Amont vint à la charge avec sa troupe, & fit si bien, qu'il fit reculer les ennemis. Le Roy qui auoit veu toute son auant-garde ébranlée, & voyant qu'un gros de Cavalerie & quatorze cens cheuaux qui le suiuoient, comme adnouent les Prisonniers, où estoit la cornette blanche de M. du Mayne, luy venoient en mesme temps sur les bras, se resolut à les preuenir, encore qu'il n'eust que quatre cens bons cheuaux avec luy, & les chargea de telle furie, qu'il les renuersa tous, & leur fit tourner teste, quelques efforts qu'ils peussent faire. Je vous iure, Monsieur, que ie tiens cela pour un miracle. J'ay en cet honneur d'auoir esté cette iournée-là toujours auprès de S. M. & Dieu m'a fait la grace de ne le perdre iamais de veüe. Monsieur du Mayne, avec le Cheualier d'Aumalle, & quatre autres prirent la fuite à Mantes. Les Croix rouges n'ont point esté prises à mercy. Il s'en est sauné quelques-uns. Le Comte d'Aigue-

P R E F A C E.

mont qui estoit leur chef, est mort. Quant aux Reistres, beaucoup se sont sauvez. Toute l'Infanterie fut mise en pieces, hormis les Suisses, qui mirent les piques bas & rendirent les enseignes, disant qu'ils vouloient servir le Roy. Tout leur Canon a esté pris. Le nombre des morts est grand, mais il est encore incertain. Chasteigneraye est mort, & Bois-Dauphin prisonnier. Sigongue l'est aussi, qui portoit la cornette blanche, & plusieurs autres que ie ne veux pas nommer. J'oublois à vous dire qu'il y a eu beaucoup de Cavalerie, où commandoit M. le Marechal de Biron, qui ne combatit point. Enfin, Monsieur, apres Dieu, il faut attribuer la victoire au bon iugement & au grand courage du Roy, lequel se fit cette iournée-là, connoistre estre le plus brave & le plus vaillant Prince de la terre. Mon frere n'y estoit point, estant allé par le commandement de Sa Majesté, ioindre les Reistres à Chasteau-Thierry. Nous poursuivis la victoire iusques à Mantes, à huit lieues du champ de Bataille, & de là nous sommes venus à Vernon, qui s'est rendu au Roy. Je croy que dans peu de iours Mantes en fera de mesme. Sa Majesté a mandé à mon frere, lequel a ioint les Reistres, & a mis le siege devant Meaux, de se mettre avec ses troupes de dela l'eau. Je crois que nous pourrons aller à Corbeil; toutefois cela n'est pas encore certain. Ceux de Paris sont fort à l'extremité. J'ay opinion que dans quinze iours on les assamera. Tout commence à bransler. Monsieur du Mayne ne pourra plus avoir de Noblesse. Car ceux qui estoient avec luy ne demandent rien, sinon qu'on oublie le passé, & qu'on leur pardonne tout ce qu'ils ont fait, pour se ranger au service du Roy. Il a enuoyé par tous les pais estrangers pour faire sçavoir aux Princes & aux Potentats, la belle victoire qu'il a pleu à Dieu luy donner sur les rebelles & mauvais François. Je vous assure, Monsieur, que vous estes icy désiré de tout le monde; vous iurant que si vous y estiez, apres la personne du Roy, vous seriez le plus reconnu & le plus respecté de tous. L'extreme affection & la fidelité que ie vous ay vouées, me font prendre la hardiesse de vous dire que le temps est fort propre à une belle declaration, & qu'il est tres-necessaire que vous veniez icy. Vous me pardonneriez, si luy vous plaist, si j'ay parlé hardiment. Car ie suis le plus affectionné de vos serveurs, & qui vous honore le plus. Sur cette verité, ie vous baise tres-humblement les mains, & supplie Dieu vous donner, Monsieur, en tres-bonne santé, tres-longue & tres-heureuse vie. De Vernon ce dix-septiesme Mars 1590. Vostre tres-obéissant à vous faire service, FRANÇOIS D'ORLEANS. Et sur la subscription est écrit, A Monsieur, Monsieur le Duc de Nevers.

A V T R E L E T T R E D E M. L O N G V E V I L L E,

A M. DE NEVERS.

M O N S I E U R, Je vous enuoye ce porteur, sans respondre aux lettres que vous luy avez baillées; car j'espere que mon frere sera icy dans trois iours, & nous vous enuoirons un homme exprés, lequel vous portera nos responses, & un memoire de tout ce qui s'est passé depuis la bataille.

J'oublois

P R E F A C E.

J'oubliois à vous dire que Monsieur de Nemours a esté le premier qui a fuy, & s'en est allé avec cinq ou six cheuaux à Chartres. Vous me permettrez, s'il vous plaist, de baiser tres-humblement les mains à Madame de Neuers, la suppliant de me pardonner si ie ne luy escriis point les nouuelles de la bataille d'Iury. Je n'ay pas oublié d'en aduertir les pauvres prisonnières, qui se portent assez bien selon leurs miseres. Cela leur allegera leur mal, Dieu aydant. Du 25. Mars 1590.

Monsieur de Neuers se rendit à la victoire du Roy & aux raisons de M. de Longueville. Il enuoya au Roy vn Gentilhomme avec des lettres pour se conioiir avec luy, & luy fit dire qu'il n'auoit iamais marchandé avec ses Maistres. Qu'il estoit prest d'entrer dans son seruice sans condition; mais qu'il le supplioit tres-humblement, de faire reflexion sur les graces qu'il receuoit de Dieu. Qu'il pensast que depuis Clouis il n'y auoit eu pas vn Roy en France, qui n'eust esté tres-estroitement attaché à l'Eglise Romaine. Pour luy qu'il ne doutoit point que bien-tost il n'eût le bonheur de le voir sacrer par la main d'un des Euesques de cette Eglise. Que le seul scrupule qui luy restoit dans l'ame de s'engager à son seruice, procedoit de l'horreur qu'il auoit tousiours eu de l'heresie. Mais que sur l'esperance qu'il auoit de sa conuersion, il estoit son tres-humble, tres-obeissant, & tres-fidelle seruiteur.

Cependant on negocioit de part & d'autre, & l'affaire aboutist à vne deputation que le Roy trouua bonne. M. le Cardinal de Bourbon le ieune fut choisi pour en estre le Chef. On s'assembla plusieurs fois avec des Theologiens, & on leua toutes les craintes & toutes les doutes de M. de Neuers. Voicy le Discours qui en fut dressé.

MONSEIGNEVR le ieune Cardinal de Bourbon, Archeuesque de Bourges, Euesque de Nantes; Monsieur l'Abbé de Scalis, autrement de S. Germain; & Monsieur Duret, Aumosnier, Confesseur du Roy & de la Reine, pour oster le scrupule qu'a Monseigneur de Neuers, de prendre les armes pour le seruice du Roy & de l'Estat, en l'année 1590. au mois de May

PVIS qu'il vous a pleu estre esclaircy de quelque ombrage qui s'oppose à la lueur du saint zele que vous auez tousiours porté à la Religion Catholique, craignant avec iustice d'auoir liaison avec ceux qui se sont retirez de l'Eglise, nous vous dirons que cette difficulté semble auoir quelque apparence. Car si elle est considerée simplement en soy mesme, elle semblera de grand poids, puisque conformement à l'expresse parole de Dieu, il est dit que celuy qui sera admonesté plusieurs fois & repris de son erreur par l'Eglise, sera tenu pour payen & pour publicain. Les paroles de S. Paul y sont toutes semblables. Car parlant des déuoiez de l'Eglise, il deffend d'auoir frequentation

P R E F A C E.

avec eux, voire mesmes de les saluer par le chemin. Mais ce mesme S. Paul nous defend de boire, de frequenter avec les auares, les homicides & les paillardz ; & cette obseruation estroite est digne d'un Cbreſtien qui veut atteindre à l'estat de perfection, duquel nous deuons tous approcher autant qu'il nous est possible. Il est tres-certain que pour vser des termes de l'oracle diuin, qu'il est mal-aisé de toucher à la poix sans en estre souillé, & l'Apostre dit que les bonnes mœurs se corrompent par les mauuais propos, ce qui est encore plus à craindre en la frequentation de ceux qui sont separés de l'Eglise, dont quelquefois les persuasions se coulent sous vn doux parler, & par la conuersation & par les discours ordinaires, peuuent ebranler la foy. Aussi que la familiarité & la frequentation particuliere que nous auons avec eux, peut faire tomber les ignorans & les infirmes dans cette fausse opinion, que leur vie & leur doctrine, n'est pas si fort à reietter que l'oucrie dans les chaires & dans les disputes. Pour cette cause saint Iean voyant Cerinthe entrer en vn bain où luy-mesme se lauoit, s'en jecta hors à demy nu ; afin de ne pas participer avec luy. Si cela a lieu en la frequentation, beaucoup plus se doit-il obseruer en la communication des prieres des heretiques, en leurs exhortations & Sacremens. Saint Paul dit qu'il nous faut rompre avec les infidelles, & ne pas tirer vn mesme trait avec eux. Car quelle participation peut il y auoir entre Christ & Belial ? Tellement que les vrais Catholiques se doiuent abstenir de tout meslange & communication, principalement au fait de la Religion, avec ceux qui se sont retirez de l'Eglise Catholique, afin que demeurans dans vne Sainte integrité & vne innocence Cbreſtienne, nous passions cette vie mortelle entre les hommes, sans nous souiller ou relascher de chose qui porte diminution à l'honneur de Dieu, & de l'Eglise son épouse. Voila en sommaire, la premiere consideration d'un vray Cbreſtien. Mais il n'y eut iamais loy si entiere, qui ne recoiue quelque interpretation. Cette loy generale a receu vn temperament par les Docteurs de l'Eglise, qui esclairez de l'esprit de Dieu, ont interpreté les passages de l'Ecriture qui semblent les plus obscurs & les plus exprés, par conference d'autres lieux de l'Ecriture. Mesme les Docteurs qui ont traité des cas de conscience, ont réglé cette composition generale, & dispensé d'icelles les bons Catholiques en certains cas, à scauoir quand l'utilité, la loy, le bien de l'Eglise, la necessité & choses semblables nous conuient & conduisent par raison à nous approcher de ceux qui sont hors de l'Eglise. Mais toussefois s'ils se peuuent reduire par nostre assistance & nostre conuersation. Comme au contraire nostre rigoureuse fermeté, les pourront affermir au prejudice de l'honneur de Dieu & du repos de son Eglise, & de l'utilité publique. Il y en a plusieurs exemples. Mais en ce champ si grand, nous nous proposerons principalement l'exemple du Fils de Dieu, la vie duquel nous sert de miroir pour l'imiter. Il a frequented, beu & mangé avec les Publicains, les vsuriers, les peſcheurs & les peſcheresses, mesmes il a conuersé & parlé avec les Samaritains, bien qu'il fût expressement desſendu aux Iuifs par la Loy. Tellement que par iniure & contumelie les Iuifs l'appelloient Samaritain. Et à quelle fin ? sinon pour retirer les ames desuoyées,

P R E F A C E.

& les ramener au Royaume de Dieu son pere , preferant cette sainte utilité au scandale que les Juifs & les Pharisiens en prenoient , se tenans attachez aux simples paroles de la Loy. Ainsi les Prophetes depuis Samuel jusques à Elie , Elisée , Alichée , Hubenice , & tous leurs sectateurs , que l'on appelloit les troupes des Prophetes , n'ont point abandonné leurs Rois & leurs Princes , bien qu'ils fussent devenus Idolastres ; mais ils les ont frequentez , & par prieres & remonstrances ils les ont pressé de se reconnoistre. Ils leur ont predit les fieux de l'ire de Dieu , & leur ont fait tous les offices des vrais & loyaux Prophetes ; & neantmoins ils leur ont assisté de conseil , de faueur & d'aide contre leurs ennemis en leurs guerres & en leurs affaires : le tout à l'utilité de l'Eglise de Dieu , laquelle ils aimoient mieux conserver , bien quelle fût aucunement obscurcie , que de la voir du tout perdue. A cet exemple tant de Saints Papes , tant de Patriarches de Constantinople , d'Alexandrie , & autres , tant de bons Euesques ont esté près des Empereurs , bien qu'ils fussent Arriens , & des Roys Goths regnans en Italie & en Espagne , la pluspart , & quasi tous Arriens. Ils les ont sollicité avec importunité pour les ramener à l'Eglise ; & qui plus est , ils les ont servy en leurs affaires. Ils ont esté enuoyez en Ambassade pour traiter de paix. D'autres les ont servy d'Animosiers , le tout pour la conservation de l'Estat Ecclesiastique , depeur qu'abandonnans lesdits Empereurs ou Rois , ils ne fissent pis , & ne donnassent lieu à de mauuaises persuasions ; dont il s'en ensuiueroit la ruine totale de l'Eglise Catholique. Si les Ecclesiastiques se sont ainsi gouvernez , les Princes & les grands qui ont esté près des Empereurs & des Rois ont fait le semblable. Et par le conseil mesmes des Prophetes , ce grand Neaman Gouverneur du Roy de Syrie , s'estant lauë au fleuve du Jourdain , & estant miraculeusement guarý de la lepre par Elisée , & par ce miracle ayant receu la connoissance du seul Dieu viuant , apres sa conuersion entra-t'il en scrupule de conscience sur la necessité du seruice qu'il deuoit au Roy son Maistre qui estoit Idolastre ? Apres auoir protesté qu'il n'adoreroit iamais que le seul Dieu viuant , il remonstre au Prophete que son maistre entrant au temple de Renoy , auoit accoustumé de s'appuyer sur son bras ; c'est pourquoy il pria le Prophete , qu'il luy pleust prier Dieu , que quand il adoreroit son Dieu lors que le Roy feroit son adoration en mesme temple , il ne luy fût imputé à peché. Le Prophete luy dit , va t'en en paix. Ioseph esleu de Dieu en la Cour de Pharaon , bien qu'il fust payen ; & Daniel nourry en la Cour de ce grand Roy de Babilone , honoré & chery de son Maistre comme enfant de l'un des Princes des Juifs , bien qu'il vit son Roy Idolastre , ne l'abandonnerent pas , comme ils pouuoient faire. Daniel ne fléchit pas le genouil deuant les Idoles ; mais nonobstant tous les feux & les tourmens avec vne ferme foy , constance & persuerance , il reduisit enfin le Roy son Maistre à la connoissance du vray Dieu : insques-là que ce grand Roy fit publier son Ordonnance , par laquelle il voulut que le Dieu d'Israel fust adoré par tous les Païs de son obeissance. Aussi Jeremie ayant entendu un remuement que le peuple d'Israel vouloit faire pour se soustraire de l'obeyssance du Roy , les reprit aigrement , leur re-

P R E F A C E.

monstrant que les Rois bons & mauvais, estoient donnez de Dieu, & qu'il falloit ployer sous eux, fors en ce qui est de la Religion. L'Empereur Theodose, tenu pour un des meilleurs Empereurs Chrestiens, & fort esloigné de la secte Arrienne, ne laissa pas de se servir d'Astolico, Goth & Arrien, pour l'un de ses principaux Capitaines & Lieutenants de son Estat, lequel il logeoit & traitoit en son palais, & conuersoit avec luy. L'Empereur Heracle, qui avec si grande deuotion remis la vraie Croix en Ierusalem, se seruit des Sarrazins contre les Rois de Perse, & avec leur secours obtint la victoire. Comme aussi depuis plusieurs Empereurs de Constantinople, & nos Rois & Princes Catholiques n'ont pas differé de se servir des Reistres separez de l'Eglise. Ces exemples montrent assez, que soit pour la necessité, soit pour l'utilité vniuerselle de l'Eglise & de l'Estat, l'on peut & l'on doit assister son Roy, & son Prince legitime & naturel, mesmement en volonté & en esperance de le ramener à l'Eglise: & la dilation que nous y voyons ne nous doit pas desesperer. Car, comme dit l'Escripture, il y a douze heures au iour, & qui sçait quand il plaira à Dieu de frapper à la porte de la conscience de nostre Roy? C'est à nous à patienter, & à esperer en la diuine bonté, & à reconnoistre, comme dit l'Apostre, les puissances establies de Dieu. Car qui resiste aux puissances, il resiste à ce qui est ordonné de Dieu. Et saint Paul commande aux seruiteurs d'obeir à leurs maistres, bien qu'ils soient de diuerses Religions; & saint Pierre, voire qu'ils fussent mal-aisez à supporter, & entre parens & conioints par mariage. L'Apostre ne veut separer le fidelle d'avec l'infidelle. Nostre Seigneur dès son enfance a reconnu l'Empereur Auguste payen & idolastre; luy a presté le serment de fidelité estant grand, a payé le tribut à Cesar près de sa mort. Il a respondu deuant les Iuges payens: & à son exemple son Apostre S. Paul s'est aidé des Lieutenans de l'Empereur, leur a demandé escorte pour sa seureté contre ses ennemis, a honoré Felix & Festus Lieutenans des Romains, a conuersé avec eux. Apres tant d'exemples, que dirons nous? Que cela s'entend des Rois establis il y a long-temps? Et nostre Roy n'est-il point estably par une legitime descente & par une longue possession? De sorte que si nous estions en un Royaume eslektif, il y auroit grande raison d'en eslire un qui fust Catholique sans contredit. Mais estant appelé par la descente de ses peres, par la coustume generale du Royaume, nous opprimerons-nous à la volonté de Dieu, à la foy du Royaume, pour mettre en bazard & l'Eglise, & ce Royaume tous ensemble, en nous obstinant contre nostre Roy, & le rendant obstiné contre nous? Cela est pour le general. Mais pour vous, Monseigneur, qui touchez de si près par Alliance à Sa Maiesté, qui auez tant d'honneur en ce Royaume, l'abandonneriez-vous? Le laisseriez-vous, & les bras croisez, comme l'on dit, le souffririez-vous sans vostre assistance, sans vostre conseil? pour voir perir ce Royaume auquel vous auez cet honneur d'estre des premiers Pairs, & consequemment adstrains & obligé à le defendre? Il n'y a aucun de ceux qui connoissent vostre vertu, qui le puisse croire. Aussi nous esperons que dans peu de temps vous en donnerez une preuue si claire, que nul n'en doutera. Ceux qui nous obiectent le serment presté aux Estats, de ne recevoir un Roy heretique, ne reconnois-

P R E F A C E.

ſint pas quelle eſt la nature du ſerment. Le ſerment ſe doit entendre de choſe qui eſt ou ſera en noſtre puiſſance, en noſtre choix & noſtre eſlection. Nous devons deſirer que noſtre Roy ſoit Catholique. Nous prions tous les jours Dieu pour ſa conuerſion, & nous voudrions qu'il nous en euſt conſolé tout ce que Dieu nous a donné en ce monde. Mais eſtant appelé au Regne par nature, eſtant eſtably, ayant la force en main, il nous faut toujours ſouuenir de la parole de l'Apoſtre, qui dit que toute puiſſance eſt de Dieu, & que qui reſiſte à la puiſſance, il reſiſte à l'eſtabliſſement ordonné de Dieu. Ceux qui condamnent les bons ſujets en leur humilité & en l'obeyſſance qu'ils portent à leur Roy legitime, qu'ils oyent S. Paul, lequel parlant de l'obeyſſance du ſerviteur fidelle à ſon maſtre infidelle, dit ainſi. Tous ceux qui ſont ſous la puiſſance d'autrui, qu'ils tiennent leur Seigneur digne de tout honneur, afin que le nom de Dieu & la Doctrine Chreſtienne ne ſoit vituperée; & ceux qui ont des maſtres & des Seigneurs fidelles & de leur Religion, qu'ils ne les meſpriſent pas, encore qu'ils ſoient freres en Jeſus-Chriſt; mais pluſtoſt qu'ils leur ſeuſſent ſeruire; parce qu'ils ſont fidelles participans des graces de Dieu. Si quelqu'un vous enſeigne autrement, & n'acquieſce aux Saintes paroles de noſtre Sauueur & à la Doctrine des Peres, c'eſt un glorieux & oultreuiuidé ignorant, qui s'attache à des queſtions vaines & à des diſputes de parler, dont ſourdent des enuies, des contentions, des blaſphemes, des mauuais ſouſpçons & deſſenſes, des debats d'hommes corrompus en leurs penſées, priuez & deſtituez de verité, & qui ſont eſtat de leur Religion, pour le lucre ſeulement. Voila comme l'Apoſtre deſcrie ceux qui enſeignent autrement. Conſidererez, ſ'il vous plaiſt, ſ'il y en a de cette ſorte en ce temps-cy. Nous pourrions plus amplement dilater ce diſcours parraiſons & par exemples; mais l'excellence de voſtre vertueux ingement, qui voit aſſez clair en ce qui eſt de la verité, ne recherche pas ces longs diſcours.

Pendant ces Negotiations, M. de Neuers plein de ce zele pour la Religion & de cet amour pour ſon Roy & pour la France, qu'il a eu toute ſa vie, voulut en rendre vne preuue immortelle à ſon ſiecle & à ſa poſterité. Pour ce ſuiet il compoſa dans Neuers, cet excellent Diſcours de la priſe des armes en Ianuiet 1589. Il l'ay mis à la teſte de ce Volume, comme le plus illuſtre & le plus glorieux monument qui pouuoit eſtre laiſſé à tous les ſiecles, pour inſtruire les peuples à l'obeiſſance & à la fidelité; & les deſtromper des faux pretextes dont ſe ſeruent les ambitieux & les hypocrites pour arriuer à leur fin. Le Lecteur iugera de la bonté de l'ouurage, par les ſentimens qu'il en recevra. Il ne le faut pas lire avec la delicateſſe du ſiecle, qui ne peut rien ſouffrir qui choque l'oreille. Cen'eſt pas vne piece qui ne ſoit conſiderable que par ſes paroles. Elle a toute ſa beauré & toute ſa force dans les raiſons, dans les exemples, & dans la verité que l'on y voit toute nuë.

Monſieur de Neuers ayant acheué cet ouurage, l'enuoya à Paris,

P R E F A C E.

où il le fit imprimer, & n'en fit tirer que vingt-cinq ou trente copies. Il les fit donner au Roy, & aux principaux Ministres. Cela fait il quitta sa retraite, & s'entra dans la Champagne avec la ioye de tous les bons François. De là il vint à l'armée du Roy avec des troupes considerables. Estant à Gonesse, il escriuit la lettre qui suit.

LETTRE DE M. DE NEVERS,

A MADAME SA FILLE,

qui estoit prisonniere dans Amiens.

MADAME DE LONGVEVILLE, MA BONNE FILLE. Enfin il a pleu à Dieu que ie sois venu icy contre les Croix Rouges, & contre ceux qui par leur ambition veulent ruiner ce Royaume, pour en auoir vne partie, & mettre l'autre entre les mains des estrangers, & par cet horrible desmembrement, en despouruoir le vray Sang Royal de France. Ils ont icy usé de toutes sortes de cruantez & d'inhumanitez contre les bons Catholiques, comme ils ont fait enuers moy & enuers vous, sans auoir eu esgard que ie m'estois retiré chez moy apres la mort du feu Roy, y viuant paisiblement. Ce procedé inouy m'a contrainct de rechercher les moiens d'empescher la suite de leurs pernicious desseins : & i'espere qu'il plaira à Dieu de reduire le Roy à la Religion Catholique, comme il est tres-requis pour esperer le repos necessaire à ce Royaume. D'ailleurs sa Maiesté allant tous les iours aux hazards, peut mourir, & par sa mort laisser la Couronne à vn Prince du sang Catholique : ce qu'aduenant, que deviendroient les villes qui se seroient mises en la seruitude des estrangers ? Elles ne pourroient plus se rejoindre à la Couronne : & ce seroit tous le guain qu'elles auroient fait en s'en separant. Vostre Mary s'en retourne en Picardie, & n'estant pas loin l'un de l'autre, nous ferons le mieux qu'il nous sera possible. Vostre Mere demeure à Nevers, tellement que nous sommes bien escartez : & si par vne bonne reconciliation generale nous ne nous rassemblons, ie ne scay quand nous pourrons nous voir. I'esperois que la prise de Paris vous deust oster, & moy aussi, hors de peine, mais elle a esté faillie pour ce coup, & non pas pour consours. Croyez que ie n'oubliera rien de ce qui sera de mon pouuoir, pour vous mettre en liberté. Car ie supporte impatiemment vostre longue & cruelle prison. Je n'ay autre plus grand ennuy que celui-là, ny de reconfort que de penser que Dieu vous fait la grace de vous consoler en vostre affliction, & vous donne la force & la constance de la supporter, comme ie vous conseille de le faire pour l'honneur de Dieu, lequel n'abandonne jamais les siens. Je m'assure qu'il me donnera bientoist le moyen de vous releuer de telle captiuité, comme ie l'en supplie, & de vous donner, ma Fille, ce qui vous est necessaire. Du Camp de Gonesse près de Paris, ce Mercredy douzième iour de Septembre, mil cinq cens nonante.

P R E F A C E.

Ce bon pere n'e manqua pas à vne si iuste & si geneteuse ptomese. Il tanta toutes choses pour en venir à bout. Il prit des places, il fit des combats, il arresta des prisonniers d'importance, il escriuit mesme des lettres, & protesta diuerfes fois publiquement que si M. du Maine ne luy rendoit sa fille, il iroit mettre le feu dans toutes les maisons de ceux de son patty, & n'espargneroit pas vn Prince de la maison de Lorraine. Mais ceux qui pour leur interest ne vouloient point de reconciliation, & auoient reduit M. du Maine luy-mesme à la necessité de suiure leurs sentimens, ne luy permirent iamais d'executer les siens, & mettre les Princeesses ses parentes & ses alliées, dans la libetté qu'il leur auoit mille fois promise. M. de Neuers se voyant hors d'estat de contenter sa iuste cholere, comme il l'eût bien desiré, voulut par la plume se donner vne ombre de satisfaction. Il escriuit vn discours des rigueurs de la prison de Mesdames de Longueuille, & descouurit mille veritez d'Estat, que Mess. de la Ligue ne trouuerent pas à leur aduantage. Ce discours est dans ce Recueil apres celuy de la prise des armes. Il y a en suite vn grand nombre de Lettres du Roy Henry IV. à M. de Neuers, & de ce Prince à S. M. Elles sont toutes considerables, pource qu'il n'y en a presque point, où l'on n'apprenne quelque particularité de l'histoire du temps. Elles commencent à la mort de Henry III. & vont presque iusqu'au voyage que le Roy son successeur obligea M. de Neuers de faire à Rome. La relation qu'il en a faite merite de l'attention. Quiconque s'y appliquera comme il faut, distinguera bien la difference qu'il est tousiours tres-raisonnable de mettre, entre le respect & la soumission que doiuent les fidelles au Vicaire de I. C. & la fermeté sainte avec laquelle on doit agir dans des occasions importantes, non seulement contre les Ministres de la Cour Romaine, mais aussi contre le Prince temporel de Rome. Pour couronner la belle & sainte vie de M. de Neuers, j'ay trouué à propos de finir le recueil de ses ouurages, par cette celebre & Chrestienne fondation que toute l'Europe a admirée, & par laquelle il a bien voulu engager toutes ses Principautez & ses terres, pour conseruer l'honneur de mille pauvres filles abandonnées; & par vn dot proportionné à leur condition, les tirer des occasions criminelles, & leur faire trouuer des maris. Cet exemple est si grand & si digne d'estre imité, que ie me suis souuent estonné comment il est possible que tant de Princes & de grands seigneurs le sçachent, & n'en soient point touchez. Je prie Dieu que la nouuelle publication qui s'en fait par ce Recueil, soit plus heureuse que la premiere, & iette au moins de la confusion & de la honte dans l'esprit des riches, qui n'ont pas l'ame assez heroïque & assez Chrestienne, pour se porter aux plus veritables & plus solides vertus. Vous trouuerez apres tous ces Memoires, diuerfes Pieces rares qui seruent à leur esclaireissement, & sur tout vn abtege de la vie du Roy Henry le Grand, recueillie des

P R E F A C E.

escrits de ceux qui ont sceu les affaires du Cabinet, & qui ne se sont pas rapportez de ce qu'ils ont dit, ny aux libelles des Ligueurs, ny aux Elcriuains mal-informez.



A NOSTRE



A

NOSTRE TRES-SAINT PERE
LE PAPE
SIXTE V.



RE S-SAINT PERE,

*Si dans l'abondance des larmes que nous respandons , & dans l'excez des regrets & des plaintes où nous oblige la perte de nostre ancien bonheur & de nostre premiere felicité, en ce tres-Cbreſtien , & iadis ſi florissant Royaume, nous n'eussions esperé que Dieu pouuoit par le miniftre de qui bon luy ſemblera, mettre fin à toutes nos infortunes; nostre iuſte douleur euſt infailliblement achené ce que l'embraſement general auoit deſia ſi furieusement anan-
cé. Or entre tous ceux de qui nous pouuions attendre quelque ſoulage-*

II. PART.

A

EPISTRE.

ment, nous connoissons que V. S. en a le plus de moyens, & en doit auoir le plus de desir. C'est donc avec beaucoup de raison que l'un & l'autre party, bien qu'à diuerses fins, recourt à Vous, comme à celuy que Dieu y a voulu obliger non seulement par les belles & rares lumieres dont il luy a pleu remplir son grand & genereux esprit, mais aussi en vous retirant miraculeusement des tenebres d'une infime condition & d'une Bergerie temporelle, pour vous élever à la plus haute & à la plus vive splendeur de toutes les dignitez publiques. Il a constitué V. S. sur la Bergerie spirituelle, de tous ceux qui ont la faveur d'estre aduouez siens, & vous a fait naistre en la plus opportune saison que vous eussiez iamais peu rencontrer, pour déployer les dons & les graces que nous croyons tous, vous auoir esté donnez de Dieu pour en bien user en cette urgente occasion. Car ce n'est pas moins de gloire & de bon-heur à une ame élevée & capable de l'administration des Charges publiques, de se trouuer en un Siecle qui luy produit le suiet & le moyen de faire paroistre les beaux & genereux effets de sa preuoyance & de sa sagesse, que c'est de douleur & de desespoir à ceux qui faute de matiere & d'employ, sont forcez d'étouffer en eux-mesmes le feu de leurs excellences pensées, pour n'auoir pas l'occasion de le faire éclater. Or si iamais il s'est offert un suiet de produire les fruits de vostre diuin & genereux entendement, c'est maintenant, TRES-SAINT PERE, que ce Royaume diuisé, vous en fournis assez pour empêcher non seulement sa ruine particuliere, mais par une suite infaillible celle des autres Estats de la Chrestienté, au grand preiudice & détriment de l'Eglise mesme, sur laquelle Dieu vous ayant establi Chef, & rendu par ce tiltre responsable de ses membres. Ce Royaume, dis-ie, TRES-SAINT PERE, qui a tousiours esté reconnu pour le Fils aîné de la Sainte Eglise, ne vous donne pas moins de suiet de gloire, & d'immortalité par le repos qu'il espere de vous, que Dieu aura vostre entremise agreable, & que la Chrestienté vniuerselle en recoura de profit, la Religion Catholique d'auancement, & vostre ame de récompense éternelle en un plus heureux Siecle, si comme Pere commun & Pasteur Debonnaire vous daignez y apporter, apres auoir particulierement ouy mes plaintes & mes remonstrances, ce qui est le plus necessaire pour éteindre le feu de diuision qui le consume. Mais d'autant que V. S. a cy-denant esté préuenue par ceux-là mesme qui auoient une iuste occasion de craindre vostre courroux, si la verité de leurs actions ne vous eust esté déguisée par les faux aduis qu'ils vous ont donnez, en vous celant l'origine, le progrès, & l'estat de leur rebellion, & le bon droit des Catholiques Roiaux qui s'y sont opposez, i'ay creu estre de mon deuoir d'adresser à V. S. un discours que i'ay fait, ou plustost un sommaire des causes, & des raisons de la prise des armes, & des moyens d'appaier nos presentes afflictions, m'assurant que s'il luy plaist de prendre la peine de le voir, elle aura beaucoup de lumiere & de connoissance de ce qui s'est passé en ce Royaume tant des deportemens des Chefs Catholiques & Huguenots pour assouir leur ambition, seule source de nos miseres, que des artifices desquels chacun s'est serui pour faire trouuer sa cause bonne. Je veux croire que V. S. aura tres-agreable de recon-

noistre

EPISTRE.

nostre les impostures dont les méchans se sont servis pour l'engager en un party manifestement odieux : & d'ailleurs qu'elle receura , comme i'ay dit , plaisir de remarquer les apparens remedes que la Religion Catholique , & l'Estat de ce Royanne doivent attendre de vostre bonté & de vostre pitié Pastorale , n'ayant de ma part voulu rien exposer à la veüe & à la Censure de V. S. qui ne soit à toute esprenue d'une verité irreprochable. C'est pourquoy i'ose esperer que puisque ie n'ay autre passion que celle que fuit naistre la desfence de la verité mesme , & ne m'estant rien proposé pour obiet , que la conservation de la Religion Catholique , & la manutention de l'Estat , soustenant les droits de la Maison Royale contre les Autheurs de toutes les guerres Civiles , vous ne presterez pas une moins favorable Audiance à ce petit discours , que vostre trop grande facilité vous en a fait donner cy-devant à ceux qui n'ont iamais tâché que d'abuser de vostre bonté & de vostre puissance. Permettez-moy donc , TRES-SAINT PERE , que i'éclaircisse bien particulièrement V. S. de ce que i'ay creu ne luy denoir pas estre plus long-temps dissimulé , puisque la connoissance du mal , est le vray moyen d'en faciliter le remede. Ce qui me le fait plus aisément entreprendre , est la creance que i'ay que vous n'estes pas maintenant à reconnoître & à regretter en vostre Ame , les actions où vous ont voulu plonger , ceux qui ont empesché par tous moyens que V. S. ne fust clairement informée de ce qui s'est passé icy depuis dix-huict mois ; ayant à ces fins surpris & intercepté tous les paquets & toutes les Lettres qu'on envoyoit en vostre Cour & ailleurs , pour ne pas permettre que ces nouvelles non moins vrayes que funestes , parvinssent iusques aux oreilles de V. S. à qui cela estoit , comme il est encore , de telle & si grande importance , que ie ne puis croire qu'elle vueille plus long-temps vivre dans un doute si dangereux , & différer de s'éclaircir de la iustice d'une cause qui n'attend que sa decision. Car si tant estoit que vous voulussiez , TRES-SAINT PERE , continuer ces longs délais du secours que ce Royaume se peut promettre de l'obligation que le Saint Siege luy a de si longue main ; & que vous auez si solennellement promis au Feu Roy , que Dieu absolue , de donner à cet Estat en toutes occasions , il y auroit danger qu'on ne vous tint coupable de sa ruine par vostre trop grande dilation ; & vous donneriez un grand argument à ceux qui seront ruynez faulse d'estre secourus par V. S. d'ajouter foy à certain aduis venu de vostre Cour. Car on a publié que quelqu'un se plaignant du peu de secours que V. S. donnoit , au preiudice de la promesse que Monsieur le Cardinal de Montalto avoit faite de vostre part à M. du Conseil General de l'union estably à Paris , on luy avoit respondu que les cinq millions d'or qui sont le sang & la moelle de vos sujets , n'avoient pas esté ramassez dans le Chasteau Saint Ange pour les employer à soutenir la cause de Dieu , mais bien pour enrichir vos parents , & donner moyen à ceux qui épouseront Mesdames vos nieces , d'acquitter leurs debtes. On adionste à cela que vous en auez déja employé une partie , en l'achat de plusieurs belles terres au profit du sieur Dom-Michel , & au prest de six cens mille escus que vous auez fait au Sieur Marc-Antoine Colonna qui a espousé

EPISTRE.

L'une de Mesdames Dames vos Nieces, pour racheter son Domaine engagé. Mais que pour les affaires de ce Royaume, il ne falloit esperer de vous, que les thresors spirituels de l'Eglise. Car lors que l'on vous a parlé des affaires de la France, & dit qu'il estoit besoin de mettre la main à la bourse, vous avez remis les personnes de jour en jour, & d'une Congregation de Messieurs les Cardinaux à une autre subsequente, laquelle enfin se tenoit sans prendre aucune resolution, alleguant tousiours qu'il falloit voir, & que vous desiriez, ce sont les propres mots dudit aduis, d'estre bien instruit des affaires de ce costé-là. Que pour ce suiet vous avez enuoyé querir Monsieur Grimaldi qui estoit en son Archevesché d'Anignon, pour avoir plus de lumiere de ceste affaire, & que vous desiriez d'estre inspiré par le Saint Esprit sur ce que vous auriez à résoudre, comme vous pensiez l'estre bien-tost, par les prieres de plusieurs personnes auxquelles vous avez donné charge de prier Dieu. Mais on adouste que tout cela ne tendoit qu'à prendre du delay, & à ne faire aucune avance, parce qu'on ne pouvoit plus offenser vos oreilles que de vous parler d'argent. Sur ce suiet un de Messieurs les Cardinaux s'est plaint d'avoir esté rabroué par V. S. pour luy avoir remonstré comme il devoit, ce qu'il estimoit necessaire de vous représenter pour le bien de ce Royaume. Tellement qu'il ne falloit plus esperer d'avoir aucun autre secours de V. S. que sa seule benediction; attendu qu'elle desiroit plustost rendre son Comtat d'Anignon tributaire de 6000. écus par an à Desdiquieres Huguenot pour le laisser en paix, que non pas d'employer quelque partie de son Thresor pour le defendre contre luy, & faire la guerre aux Heretiques. Cela doit faire grandement regretter à ce Royaume, le Pontificat de Pie Quint, parce qu'il n'espargnoit rien de tout ce qu'il avoit pour le sostenement de la gloire de Dieu, ainsi qu'il l'a bien fait paroistre en deux ans, pour avoir esté cause de faire gagner deux grandes batailles, l'une en France contre les Huguenots près de Monconscour en Octobre 1569. par le grand & notable secours qu'il envoya au Feu Roy, sous la conduite du sieur Comte de Santa Fior; & l'autre en l'année 1571. contre le Turc, par le moyen de l'armée Navale qu'il assembla par sa prudence & par son zele en proposant la Sainte Ligue qu'il fit contre les Infidelles, bien qu'il n'eust amassé aucun Thresor. Aussi a-t-il laissé apres sa mort une tres-heureuse, & grande memoire. Je ne veux pas croire une autre aduis venu d'Italie, par lequel on dit que V. S. a voulu prestier l'oreille à l'ouverture que Monsieur de Saugy luy a faite touchant la Conqueste de la Prouence sous vostre auctorité, c'est à dire à la charge de la tenir de vous, & du saint Siege, se figurant que ce Royaume fust en aussi mauvais estat que ceux de l'union le luy faisoient accroire, & qu'estant dissipé, V. S. pourroit enfin avoir sinon toute, au moins une grande partie de la Prouence pour l'annexer à son Comtat d'Anignon. Que ceste raison d'Etat l'avoit retenu de s'employer à la guerison de nos maux, desirant plustost de les voir continuer, que d'y apporter remede; pour donner moyen à ceux qui desirent la ruine de la France de la mettre en pieces, & pour en avoir sa part aussi bien que les autres. Chose qui n'est aucunement vray semblable, pour

estre du

E P I S T R E.

estre du tout contraire à la charge de pere, de pasteur, & de successeur de J. C. c'est à dire, à l'obligation de donner vostre sang & vostre vie pour le repos & le salut des Chrestiens. Je n'ay garde aussi, TRES-SAINT PERE, de vous croire coupable de ces manquemens. Je ne puis neantmoins iustificier les grandes longueurs & les retardemens inexcusables que V. S. apporte à la guérison des maux du premier Royaume de la Chrestienté. Il ne faut pas flatter V. S. Elle se seroit incomparablement mieux acquittée de son devoir pastoral, si dès le commencement de nos desordres, & lors que ceux de l'union eurent la hardiesse de s'adresser à elle pour la tromper, en luy faisant accroire que toute la France estoit à eux, & que le feu Roy n'avoit plus d'autorité ny de force; elle eust fait reflexion sur une renolte aussi pernicieuse que la leur, & contre un Prince aussi debonnaire & aussi digne de regner qu'estoit le leur. Au contraire, V. S. sembla appuyer leur rebellion; & bien loin de les confondre par de iustes reproches & les desarmer par des menaces & des fulminations legitimes, elle se contenta de se faire informer de l'estat & des forces de leur party, & de sçavoir quelles Villes, quels Parlemens, quelles Prouinces, quels Princes, & quels personages estoient unis avec eux.

Pour ce suiet elle voulut qu'ils luy enuoyassent les declarations que les villes, les Parlemens, les Prouinces, les Princes & les seigneurs auoient faites, afin de inger par là, s'il estoit vray que leur union fust aussi considerable & aussi grande qu'ils la representoient, pour prendre là dessus ses mesures, & se résoudre à favoriser le party qui estoit le plus fort, encore qu'il ne fuc pas le plus iuste. C'est ce que vous fistes, TRES-SAINT PERE, apres auoir veu les declarations que vous leur auiez demandées; & vous figurant que le feu Roy estoit absolument perdu & qu'il ne se pourroit maintenir contre un si grand nombre d'ennemis, vous pristes la cruelle resolution de fulminer un monitoire contre un Roy Tres-chrestien & Tres-catholique; comme si vostre dessein eust esté d'estre le chef des rebelles, & d'autoriser leur attentat iniqu'à leur faire porter le poignard dans le sein de leur Roy. Il faut bien que cela soit ainsi, puis qu'ils ont entrepris ce parricide sous pretexte que V. S. auoit excommunié ce Prince; & qu'ils ont déclaré martyr, le maudit Jacques Clement, comme estant mort pour auoir fait une chose si agreable à Dieu en vertu de vostre monitoire.

Vous auez bien passé outre. Car apres la mort de ce pauvre Prince vous auez refusé de luy faire les obseques qui se font ordinairement à Rome à tous les Roys Chrestiens, sans auoir esgard aux supplications de la Reine sa veuve, à l'attestation de sa mort, faite par tant de personages de qualité, & à l'absolution qui luy auoit esté donnée par une personne qui auoit caractere pour cela. Vous reiectastes tous ces tesmoignages authentiques, comme si la Reine & tant de personnes d'honneur & de condition n'eussent pas esté, pour le moins, aussi croyables enuers V. S. qu'auoient esté ceux de l'union pour vous faire accroire tant de choses contraires à la verité, sans les obliger comme les autres à veriffier les signatures de tant de lettres & de tant de declarations qu'ils ont présenté à V. S. pour en extorquer un acte aussi violent qu'est celuy

E P I S T R E.

qu'elle a fulminé contre le Fils aîné de l'Eglise.

Vous sçavez bien, Tres-saints Pere, qu'au mesme temps que ce monitoire fut publié, tous les gens de bien se promettoient de la justice de V. S. qu'au lieu de se porter à cette extremité, elle accepteroit avec ioye, la proposition que le feu Roy avoit fait faire à Monsf. de Lorraine, & depuis à Monsf. de Mayenne par M. le Legat Morosini, de se soumettre à tout ce que V. S. & Messieurs le grand Duc de Toscane, le Duc de Lorraine, la seigneurie de Venise, & Monsf. le Duc de Ferrare trouveroient bon de résoudre sur l'estat present des choses. Parce que c'estoit le vray & unique moyen d'arrestter le cours à tant de miseres & de divisions qui ont affligé la France depuis ce temps-là.

En effet s'il eust plu à V. S. sur l'advis que mondit sieur le Legat Morosini luy donna des offies faites par le Roy, & du peu de fruit qu'avoit rapporté sa negociation avec M. de Mayenne, de commander absolument à ce Prince, & à tous les autres Chefs de l'union de poser les armes, de remestre leur différent entre ses mains, ainsi que le Roy avoit fait, au lieu de les exciter à la guerre & à la desolation de ce Royaume par vostre monitoire, ils eussent esté contraincts de luy obéir, & en mesme temps elle eust terminé toutes les affaires au contentement des uns & des autres. Je dis mesme des Prelats, des Princes, & des autres prisonniers, qui par cette voye eussent esté aussitost delivrez comme vous tesmoigniez le desirer.

Le Roy l'avoit sincerement offert par les articles qu'il bailla au sieur de Lenoncourt Bailly de Simiers domestique de Monsf. de Lorraine, pour les luy porter dès le commencement du mois de Mars; & qu'il mit depuis entre les mains de M. le Legat Morosini, signez de sa main avec l'addition, que V. S. pourroit prendre avec soy, la seigneurie de Venise, pour composer les differens.

Le Roy en vous choisissant pour Arbitre, reconnoissoit V. S. pour supérieur & pour Chef de l'Eglise; & se soumettoit à luy donner tout le contentement qu'elle pouvoit souhaiter de luy, touchant l'absolution qu'elle desiroit qu'il luy requist. Mais vous estant laissé vaincre à d'autres considerations moins dignes de vostre Caractere, vous avez donné grand scandale à plusieurs. Car qu'ont-ils pû penser de V. S. quand ils ont veu qu'elle s'estoit plustost portée à proceder rigoureusement, comme elle a fait, à l'endroit du Fils aîné de l'Eglise, par le moyen d'un monitoire fulminé à la poursuite de ses suiets rebellez, que non pas d'embrasser un offre si gracieuse & si honorable que sa Maesté avoit fait de vous prendre pour arbitre souverain en sa Cause. C'est ce qui a fait dire à ceux qui croient n'avoir pas suiet d'aymer V. S. qu'elle desiroit la ruine du Roy & de son Royaume, pour l'esperance d'en avoir sa part, plustost que le salut de l'un, & de l'autre.

Et cette craence est d'autant plus confirmée, que l'on a veu que V. S. s'est laissé persuader par des lettres pleines de faussetez, & par des Envoiez avarugles & passionnez, qui luy ont fait accroire que les Chefs de la ligue avoient enfermé le Biarnois, comme ils l'appellent, près d'Arques & de Dieppe, dans un lieu si resserré qu'il n'en pouvoit sortir sans tomber entre leurs

EPISTRE.

mais mort ou vif, ou sans se jeter dans la mer, & abandonner son Royaume. Que cela estant infaillible, ils supplioient V. S. de leur enuoyer un Legat pour les assister à establir pour Roy en ce Royaume, tel qu'il seroit aduisé. A cette folle requeste vous avez trouué bon de leur enuoyer M. le Cardinal Caietan, avec tant de diligence & si à la haste, qu'à peine l'eustes-vous nommé, que vous luy commandastes de partir, vous estant figuré qu'il ne seroit iamais assez à temps par deçà, pour mettre la couronne sur la teste de celui qu'il vous auroit plu de nommer. Tellement qu'on n'a peu déraciner cette opinion de l'entendement de plusieurs Catholiques, que vous n'ayez pensé d'immortaliser vostre memoire, pour auoir par vostre fulmination contre le feu Roy, & contre celui qui regne de present, fait un monde tout nouveau en France, & pour auoir esté cause de faire tuer l'un, & faisant chasser l'autre de son Royaume, s'il eust esté en vostre puissance, en establir un à vostre deuotion. Cette particularité a esté creué par beaucoup de personnes, & d'autant plus que l'on a sceu de bonne part que V. S. auoit fait imprimer le Droit Canon expressement pour y faire inserer la fulmination faite contre le Roy, & contre feu Monseigneur le Prince de Condé; attendu que ces gros volumes de grands frais à imprimer, n'auoient aucun besoin de l'estre maintenant qu'ils sont si corrects & si bien imprimez en tant de lieux.

Mais s'il plaist à V. S. de se resueiller du profond sommeil auquel elle a esté iusques icy comme enseuclie, & veiller comme fait le bon pilote au temps de la tempeste, pour ordonner ce qui est necessaire à la conseruation de son vaisseau; chacun perdra l'opinion qu'il a que V. S. ne desire fauoriser les plus forts, ny s'armer contre les humbles & les foibles, que pour paruenir à ses fins toutes humaines; & contenter ce naturel seuer qui l'a cy-deuant portée aux rigoureuses executions qu'elle a fait faire dans l'Italie contre plusieurs de ses vassaux; tantost en les dépouillant de leurs biens, & tantost en leur faisant perdre la vie.

Cette mesme dureté, SAINT PERE, nous fait craindre que vous ne reiettiez une occasion aussi glorieuse que celle que Dieu vous presente pour apporter des remedes aux maux de la France, & ne soyez bien-aisé de voir qui demeurera victorieux, pour vous declarer pour luy, & acheuer de perdre le party le plus foible, quoy que le plus iuste; ce qui n'est pas la coustume des cœurs genereux.

Mais ie ne puis estre de ces sentimens si peu Chrestiens, & veux croire que V. S. a eü le temps de reconnoistre les artificieuses inuentions desquelles on a usé pour la surprendre, & pour abuser une infinité de gens de bien de ce Royaume depuis dix-huit mois en ça; & d'ailleurs qu'elle pourra connoistre par ce discours, que le seul interest & l'ambition demesurée des auteurs de nos troubles, les a portez à trauailler à la diuision & à la ruine de ce Royaume; & que pour en venir à bout le Roy d'Espagne, & M. les Ducs de Sauoye & de Lorraine les ont assisté, & assistent de tout leur pouuoir. Cela estant i'ay iuste suiet de me persuader qu'elle n'adioustrera plus si facile creance à ceux qui s'adresseront à Elle, sous quelque specieux pretexte que ce soit,

EPISTRE.

Et de quelque manteau de religion dont ils puissent estre couverts : pour luy persuader d'adherer à leurs pernicieuses entreprises Et de favoriser leurs intentions criminelles, ainsi qu'ils semblent vous avoir obligé de faire jusques à present. Mais au contraire que comme pere commun de tous les Chrestiens ; vous tiendrez la balance égale, Et n'inclinerez que du costé de la raison, de la justice Et de la pieté.

Si quelqu'un de nous s'adressoit à V. S. Et qu'après vous avoir representé les miseres de la France, il se restreignit à vous dire que son seul but Et son intention veritable n'est autre que de voir dans ce Royaume une seule religion, à sçavoir la Catholique, un Roy faisant profession de cette religion, Et l'entretienement de la Loy conservatrice de l'Estat, pour viure tous ensemble en paix Et en amitié, Et que pour cela seulement il implorast vostre assistance, Et que d'autres vous ayant fait le mesme discours vous demandassent enfin que sans avoir tant d'égard pour le present au detrimement de la discipline, au bien de la religion Catholique, Et aux calamitez du Peuple, il vous pleust faire en sorte qu'il n'y eust plus de Roys du sang de S. Louis en ce Royaume, mais qu'il fust entierement esteint ; sans se mettre en peine des preiudices que tel changement apporteroit au saint Siege, Et à plusieurs Princes & Potentats de la Chrestienté ; ny sans considerer les malheurs où les François se trouveroient engagez par l'abolition des Loix Et des constitutions fondamentales de ce Royaume : en verité, TRÈS-SAINT PERE, quel iugement trouveriez-vous bon de donner là-dessus ?

C'est vous seul, PERE SAINT, à qui il appartient de decider cette grande cause, Et vous le devez faire de la mesme maniere que le plus sage des Roys y proceda sur la querelle des deux femmes qui pretendoient à un mesme enfant. C'est à dire que V. S. doit declarer qu'il faut que ce Royaume soit conservé en son entier, Et donné au sang royal de S. Louis, comme à celui-là seul à qui il appartient ; parce qu'il ne peut estre divisé sans estre destruit,

Pour ce faire, ie prendray la hardiesse de vous représenter, PERE SAINT, qu'il est tres-necessaire d'oster l'occasion, Et quant-à-quant les moyens à ceux qui desirent la division Et la ruyne de ce Royaume, Et V. S. doit faire inhibitions Et defences aux Princes estrangers, sur peine d'excommunication, de ne s'entremettre, avec hommes Et argent, aux affaires de cet Estat. Pareillement Elle doit commander à ceux qui ont usurpé injustement l'autorité souveraine Et Royale, par la nomination Et l'eslection qu'ils ont faites de personnes incapables, & qui ne desirent autre chose sinon qu'il n'y ait plus de Roy en ce Royaume, de se contenir en leur premier estat, sans vouloir se prealoir par celle autorité non legitime, de commander à nos Princes du Sang, à d'autres Princes, Et aux Officiers de la Couronne, comme s'ils estoient leurs suiez ou leurs esclaves, Et forcez de leur rendre autant d'obéissance Et de service qu'à leur Roy. D'ailleurs V. S. doit tacher par tous moyens, de insister la memoire du feu Roy, que Dieu absolue, Et de fortifier le parti de tous les Catholiques qui ont esté affeccionnez à sa Maiesté ; Et ce faisant, assoupir la haine que ceux de l'union leur ont portée Et leur portent, pour avoir

E P I S T R E.

esté inseparablement attachez au service de leur feu Maître, & pour n'avoir jamais voulu commettre ce crime que de reconnoître le Chef des Ligneurs, pour un Chef légitime, comme on a desiré qu'ils fissent.

Car il ne fault point douter que tandis qu'il sera permis au Roy d'Espagne, & à Messieurs de Savoye & de Lorraine, de brouiller ce Royaume, qu'ils ne le fussent, pour tascher de le ruiner, ou pour en empieter une partie; & par conséquent que si V. S. n'employe toutes ses forces pour empêcher les suites de nos divisions, & l'innasion des Estrangers, toute la posterité luy reprochera d'avoir souffert la désolation ou le partage du plus grand estat de la Chrestienté.

C'est pourquoy j'ose vous assurer, TRES-SAINT PERE, que tandis que l'autorité souveraine & royale demeurera entres les mains de ceux qui l'ont usurpée, & que les usurpateurs ne seront pas contrainsts par la force de rentrer dans l'estat auquel ils estoient avant les derniers troubles, jamais pas un des principaux Catholiques royaux ne voudra de paix ni de reconciliation avec eux. Parce qu'il n'y en a pas un qui veuille souffrir que les autres viennent la souveraine autorité sur les armes, & ayent l'entiere disposition des Finances, des Estats, des Offices, & des Benefices. Car il leur seroit trop dur, & trop insupportable, comme aussi tres-injuste, que les Catholiques royaux, & particulièrement Messieurs les Princes du Sang fussent contrainsts de s'adresser à leurs ennemis, pour leur demander ou la recompense des services faits à cette Couronne, ou la promesse de quelque Office, ou la nomination à des Benefices, ou des graces pour autrui, n'ayant accoustumé de demander ces choses qu'à leur Roy souverain. Ce qui ne sera jamais faisable, parce que les vrais François, & sur tout nos Princes, ne regardent les chefs de l'union, quelque tiltre orgueilleux qu'ils aient usurpé, que comme leurs inferieurs & comme des Estrangers. Vous voyez donc, TRES-SAINT PERE, que pendant que cette autorité illegitime subsistera, & que l'on verra que ces usurpateurs voudront se la conserver, & empêcher qu'il n'y ait point de Roy, jamais la réunion des deux partis ne se pourra faire, quelques efforts qu'on face, & quelques armes qu'on employe pour les y contraindre.

Aussi peu servira la proposition qu'on dit que ceux de l'union veulent faire à Monsieur le Comte de Soissons, de se joindre à eux, sous promesse de le déclarer Roy. Car ce Prince qui n'est pas depourvu d'entendement, n'ignore pas la haine que ces gens là ont toujours portée à sa Maison, & particulièrement à luy, & sçait fort bien que telle recherche ne sçauroit proceder de l'amitié qu'ils luy portent, mais seulement pour se servir de luy comme d'un eschaffaut de Mission, pour bastir leur fortune. Il n'a garde aussi de bazarder sa personne entre les mains de ceux qu'il connoist plus passionnez à sa mort & à sa ruine, qu'à sa grandeur & à son auancement. Quand donc il n'acceptera pas une si fraudulente proposition, il n'en pourra pas estre blasmé; mais au contraire tous ceux qui seront depouillez de passion, approuveront grandement sa resolution; & d'autant plus, qu'on connoist que c'est un piège qui luy est tendu pour mettre le divorce entre les Enfants de la Maison, afin de

EPISTRE.

faire les affaires de leurs ennemis. Sçait-il pas bien que M. le Cardinal de Bourbon son frere aîné, est plus proche de la succession de la Couronne, que luy ? Mais quand ces deux Princes ne seroient pas liez ensemble par une aussi grande & aussi estroite amitié, qu'est celle qu'ils se sont jurée ; il ne faut jamais attendre de mondit seigneur le Comte de Soissons, qu'il écouë une semblable proposition ; connoissant fort bien que Mess. de la Ligue ne l'auront recherché, plustost que M. le Cardinal son frere, qu'afin de les brouiller ensemble, & causer une division mortelle entre eux, & dans toutes les parties du Royaume. D'ailleurs, quand toutes ces considerations cesseroient, auroit-il du sens d'aller se mettre à la discretion d'une armée qui ne seroit pas à luy, mais absolument à la deuotion de ceux qui desirent sa ruine, & avec celle de sa maison, la dissipation de la Couronne.

Mais quand par impossible, il arrieroit que tous les Chefs de l'armée de la Ligue le voulussent reconnoistre de bonne foy, quelle qualité & quel tiltre pourroit-il prendre ? Se feroit-il nommer Roy de France ? Il ne sçauroit le faire iustement. Que seroit-il donc ? Il seroit le chef d'une armée rebelle, & l'exécuteur des volontez d'autrui, quelles qu'elles fussent, d'autant, qu'il ne seroit receu en qualité de Roy, qu'avec des conditions si estranges, qu'il aurois encore moins de liberté que le Duc de Venise.

C'est la mesme resolution que doit prendre M. le Cardinal de Bourbon, s'il est iamais requis de la mesme chose ; & tout homme de bon sens ne l'en pourra iustement blâmer. Car ceux de l'union doiuent bien plustost se joindre à Mondit Seigneur le Cardinal, que non pas le rechercher de se venir joindre à eux, & l'obliger à des conditions qui soient indignes d'un veritable Roy.

C'est pourquoy il faut tenir pour certain, que par toutes ces voyes il ne se fera iamais de reconciliation ny de ionction entre tous les François Catholiques. Cette verité doit servir à V. S. pour luy faire connoistre l'estat present de ce Royaume, & luy donner la volonté de s'employer tout de bon, pour oster les obstacles qui empeschent qu'on ne puisse entreprendre une si bonne & si sainte œuvre.

Vostre Sainteté a un grand interrest que ce Royaume soit regi par un Roy, plustost qu'usurpé par un Estranger qui n'oze prendre que le tiltre de regent. Car tandis qu'il y aura un Interregne, elle n'aura point de Roy avec lequel elle puisse faire traiter les affaires qui se presenteront, tant pour le bien du Royaume, que pour celuy de la Chrestienté, & particulièrement du Saint Siege.

D'ailleurs par cet interregne les Eueschez, les Abbayes, & les Prieurez de ce Royaume qui sont Vaccans, demeureront sans pasteur, fautes de la nomination que les Roys ont acoustumé de faire de personnes capables de telles charges, selon le Concordat. Ce qui apportera une grande incommodité & engendrera un grand desordre en l'Eglise ; & tel, que s'il dure encore quelque temps, il sera mal-aisé d'y remedier.

Pourtant, PERE SAINT, puis que la celerité de vostre secours n'est

E P I S T R E.

pas moins requise que le secours mesme, qu'au nom de Dieu V. S. ne le retarde pas davantage. Car Paris estant reduit au mauvais estat où il est, voire proche de sa desolation entiere; il n'y a rien à esperer ny du Conseil general des affaires de l'union, ny des conférences particulieres, ny des autres moyens, qu'il y avoit autrefois en cette ville-là, pour conserver une mutuelle intelligence avec leurs Confederes. C'est pourquoy les Parisiens se trouvent maintenant au mesme danger que furent les Juifs, lors qu'après avoir mis Jesus-Christ à mort, ils se virent tous enveloppez dans la destruction de Jerusalem; & comme ceux-là furent dispersez & vagabonds parmy le monde, n'ayant plus de temples, de sacrifices, ny de police, aussi ceux de l'union sont sur le point d'estre écarterz, & d'estre exposez en proye comme un troupeau sans pasteur. Ils n'ont plus ce grand Conseil qu'ils avoient lors que Paris estoit en sa plus grande & en sa plus fastueuse splendeur. Ils sont tombez dans la malediction de ces insolens ouvriers de la tour de Babel. Ils ont rompu l'intelligence mutuelle qu'ils avoient entre eux; & Dieu pour punir leur orgueil & leur ambition, les a frappez de cet esprit d'aveuglement & de confusion, qui confondit les auteurs d'une entreprise aussi audacieuse & aussi criminelle que la leur.

D'autre costé M. de Mayenne, Chef principal de cette union, se voit tout le premier en un estat miserable, par le mauvais succez de sa peu fortunée conduite, & par le regret d'avoir mis la ville de Paris aux termes où elle est: tant à cause de la dernière bataille perdue, que pour le peu d'ordre qu'il y a pu donner depuis: bien que Paris n'ait oublié aucunes sortes d'honneurs, de dons & de bienfaits, pour l'obliger à sa conservation. Car il est anjourd'huy sans aucune esperance de pouvoir delivrer cette ville de la misere en laquelle il l'a plongée. L'on peut croire mesme qu'il seroit bien aise d'estre deschargé d'un fardeau qui luy denient insupportable, pourveu que ce fut avec un commandement public de V. S. qui sauveroit son honneur, & le garentiroit de la mauvaise opinion qu'on pourroit avoir de luy, s'il se fust departy de cette charge, sans y estre obligé par les ordres de V. S.

Mais sur tout, ô PERE SAINT, pour éteindre toutes les semences de nos divisions, & pour ne laisser aucun scrupule ny aucun remords dans les consciences pour toutes les choses passées, il faudra que V. S. commence par une condamnation de la memoire de tous ceux qui ont trempé dans le parricide commis en la personne du feu Roy nostre bon Maistre; & qu'en suite, elle rétablisse par toute sorte de voyes la reputation de ce grand Prince, en ordonnant que les honneurs funebres qui ont esté faits de tout temps aux Roys ses predecesseurs, luy soient rendus à Rome, & par tout ailleurs; & que les iniures qui luy ont esté ignominieusement faites, soient réparées par des louanges & par des actions publiques. Car il ne faut point douter, comme j'ay desjà dit, qu'il y ait jamais une reconciliation sincere entre les deux partis, que la memoire du feu Roy ne soit iustificée en tout, & que les Catholiques qui luy ont esté Fideles, n'ayent une pleine satisfaction sur des demandes si iustes & si dignes d'estre écoutées. En effet quel

EPISTRE.

seroit cét amour & ce ressentiment qui leur a fait prendre les armes, s'ils laissoient sans vengeance, une mort aussi tragique & aussi barbare, qu'a esté celle d'un Prince si debonnaire ? Si cela n'est ainsi, TRES-SAINT PERE, tous les Catholiques royaux ne se réuniront iamais avec les autres, & ne cesseront iamais de demander iustice à Dieu, de ce qui a esté perpetré en la personne de son Oint, & de temps en temps à tous les Papes vos successeurs, voire mesme à un Concile general, iusques à ce qu'ils ayent rencontré ou un Pape assez desintéressé, ou un Concile assez libre, pour se declarer en faueur de la iustice & de l'innocence.

Et parce que c'est une chose pieuse & raisonnable, & de laquelle la Roine douairiere venue de sa Maieslé, a desia fait grande instance à V. S. par les sieurs de Montmorin & Dinet, nous devons esperer qu'elle trouuera bon de nous faire iustice elle-mesme, comme il est en sa puissance de le faire, pour donner accomplissement à la plus grande des œuvres veritablement chrestiennes.

Vous auez peu entendre la declaration que le Roy à present regnant, a faite, lors qu'il fist reconnu Roy de toute l'Armée, touchant sa conuersion, & pour la promission des Estats & des Charges. Vous auez aussi entendu l'esperance que M. de Luxembourg vous a donnée de la part de ce Prince, qu'il ne refusera point toutes les instructions qui luy pourront faire connoistre la verité de la religion Catholique. Vous auez aussi esté informé comme il a l'esprit beau, docile, gracieux, debonnaire, magnanime, genereux, & nullement vindicatif. Tout cela, PERE SAINT, vous doit résoudre d'employer toute vostre autorité pour sauuer une ame si importante, pour l'assister au salut de la France, & pour en conseruer la Couronne sur la teste du legitime heritier. Il est aimé de tous les François, & ils soubaissent de le voir paisible dans son Estat, & de le voir Catholique.

Assistez donc, PERE SAINT, tous ses suiets dans un si iuste desir. Ne tardez plus à leur accorder les moyens necessaires pour le faire reussir. N'espargnez plus les grands tresors que vous auez amassez, car vous ne scauriez les mieux employer, & vous ne scauez ny le iour ny l'heure qu'il faudra que vous les abandonniez, & que vous rendiez compte au iuste Iuge, non seulement de cét argent, mais de vostre dignité & des autres talens qu'il a mis en vos mains. Que s'il treuve que vous ayez esté un mauvais Oeconomie, ayant eu tant de moyens de faire profiter son bien, il est à craindre que vous n'en soyez rigoureusement châtié. C'est pourquoy ne tardez pas dauantage d'enuoyer icy un Legat, qui sit verbo & opere potens, & qui aime la conseruation de ce Royaume, autant que celuy que vous auez n'agueres enuoyé en faueur de ceux de l'union, a fait paroistre qu'il s'estoit vendu aux ennemis de la France, & qu'il n'auoit rien denant les yeux, que la grandeur du Roy d'Espagne.

Vous ne deuez pas douter, TRES-SAINT PERE, que si vous choisissez un Legat tel que ie l'ay marqué, & qui ait toutes les qualités qui composent un vray Ecclesiastique & un vray Ambassadeur de Paix, il ne vienne à bout d'une chose si difficile. J'espere que le secours du Ciel luy applanira toutes les voyes les plus facheuses, & que vos prieres secondant vostre autori-

E P I S T R E.

ré, il portera les esprits les plus opposez, à une sincere & perpetuelle réunion. Je ne desespere pas mesme que par sa prudence & par sa douceur, il ne puisse couter avec succes la conuersion du Roy : Qu'il ne l'oblige au moins à l'écouter paisiblement sur ce sujet ; à faire entrer en conference ses Ministres avec les Docteurs de l'Eglise ; & à prendre en bonne part que ses Suiets Catholiques ioignent leurs instances aux siennes, en une si iuste & si sainte requeste.

Ces amances faites avec une dexterité toute sainte & toute Chrestienne, & fortifiée de la bonne opinion qu'il se sera acquise d'aimer le bien du Roy & du Royaume, porteront indubitablement ce Prince à ne se point esloigner d'une si raisonnable proposition. Il ira peut-estre plus loin, quand il verra tant de bons François ses fideles suiets, prosterner devant luy avec les larmes aux yeux, luy protester toute obéissance & toute fidelité, & luy esmoigner de n'auoir en leur cœur autre desir que la grandeur de sa Maesté, le salut de son ame, & la conseruation de son Royaume, avec le bien & le repos de nous tous. Ce que ie vous propose, TRÈS-SAINT PERE, n'est pas une chose qui soit si nouvelle, ny au dessus de la dignité d'un Souuerain Pontife. Vos Predecesseurs en userent ainsi à l'égard de plusieurs Roys ; & depuis peu ils se seruirent de cette sainte & pastorale conduite, envers Henry VIII. Roy d'Angleterre, apres qu'il se fut retiré de l'Eglise.

Pendant, PERE SAINT, que telles affaires se traiteront, il est tres-requis & tres-necessaire qu'il vous plaise empecher le progrès que les Princes estrangers font en ce Royaume avec leurs armées & leur argent ; comme chose qui ne peut souffrir aucun retardement, tant à cause des inconueniens qui peuuent suruenir iournellement, & qui sont tres-malaisés à reparer, qu'aussi parce que V. S. aura plus de moyen par l'intervention de son Legat, de travailler à la réunion de tous les François, & à porter le Roy à condescendre à ses tres-ardentes remonstrances. Je ne doute point que ce Prince ne les escoute fauorablement, lors qu'il ne verra plus de forces estrangeres s'opposer à sa grandeur & à son establissement ; & que d'ailleurs il verra tous les François Catholiques estre vnis avec V. S. pour travailler coniointement & de tout leur pouuoir, à l'affermir sur le throne.

Ce concours si desiré de V. S. & de tous les François, aura certainement un bon succes. Il esloignera de l'esprit de ce Prince la crainte qu'on luy donne de toutes parts que s'il se faisoit Catholique, il seroit abandonné de ses principales forces ; & que les Huguenots & les Princes protestans ne manqueroient pas de luy tourner le dos. Au contraire s'il est une fois assisté de V. S. & de tous les Catholiques de ce Royaume réunis ensemble, il n'y aura plus lieu de luy faire auoir de crainte raisonnable ny mesme de soupçon que quelques uns de ses suiets, ny les Suisses aillent se ioindre au Roy d'Espagne ; Les uns & les autres ayant des interets particuliers de conseruer cette couronne entiere. Il n'aura aussi aucun ombrage ny des Princes protestans d'Allemagne, ny de la Reine d'Angleterre, ny des Huguenots de France, pour les raisons que ie reserve a la fin de ce Traité.

E P I S T R E.

Tellement que toute sorte d'apparances & de raisons concourent pour nous confirmer en la creance que nous auons, que c'est vn coup de la main toute-puissante de Dieu, de ce qu'il vous a reserué en ces derniers Temps, afin d'acheuer la plus belle & la plus glorieuse entreprise qui se soit iamais offerce, depuis la conuersion du grand Constantin, & celle de nostre grand Roy Clouis. Imitex donc, TRES-SAINT PERE, les souuerains Pontifes de leurs temps, & ne rendez pas moins de tesmoignages d'amour & de tendresse paternelle à ce grand Prince, que Dieu nous a donné pour nostre Roy, qu'ils en firent paroistre à ce premier Empereur Cbrestien, & au premier Roy Cbrestien des François.

Après tant de raisons representées à V. S. ie ne doute point qu'elle ne se porte à l'exécution de ce grand & saint œuvre; & qu'elle n'y tronne toutes les facilitez imaginables, si elle daigne s'y conduire par les moyens que ie luy ay declarez. Afin que ce bien nous soit accordé sans remise, nous vous supplions à iointes mains, TRES-SAINT PERE, de ne differer plus à nous departir les graces, les benedictions, & les moyens dont nous sommes obligez de croire que Dieu vous a comblé, spécialement pour cet effet. Couronnez ô SAINT PERE, les actions de vostre vie, par celle-cy. Elle vous eleuera autant au dessus de la plus part de vos Predecesseurs, qu'il a pleu à Dieu de vous eleuer par dessus tous ceux qui font profession du nom Cbrestien. Considerex, s'il vous plaist, que ce chef-d'œuvre, est digne d'un cœur genereux, comme le vostre: quil est tout à fait necessaire aux fidelles, & qu'il est glorieux à l'Eglise de Dieu, à V. S. & à tout ce Royaume. Je ne l'en solliciteray pas dauantage par cette lettre. Je laisse à vous représenter le reste dans le traité suiuant, que ie mets en lumiere sous l'aile de vostre protection. Cependant TRES-SAINT PERE ie prendray la liberté de vous descouurir le fond de mon cœur comme à mon pere, & de vous dire que j'attens sous vostre pontificat la restauration de ce Royaume en la splendeur qu'il a esté cy-denant, ainsi que le bon Simeon attendoit la redemption d'Israël par la naissance de J. C. & j'espere recevoir bientost par la bonté de V. S. vne aussi grande consolation que ce bon homme en receut par la presence du Sauueur du Monde. C'est ce qui me fera continuer mes prieres enuers le Dieu Tout puissant, comme ie fais tous les iours, à ce qu'il inspire V. S. pour luy faire entreprendre & pour luy faire accomplir ce à quoy son deuoir l'oblige, & nostre urgente necessité la conuie. Au mois d'Aoust 1590.

D. V. S.

Le tres-humble, & tres-obéissant Seruiteur,
T. Q. R.

TRAITE



TRAITE
DES CAVSES
ET DES RAISONS
DE LA PRISE DES ARMES

FAITE EN IANVIER 1589.

ET DES MOYENS POVR APPAISER

Nos presentes Afflictions.



L n'y a point d'Aueugle plus incurable que celuy qui ne veut point voir, ny de pire sourd que celuy qui se ferme les oreilles pour ne pas entendre. Il n'y a point aussi de plus grand fol, que celuy qui ayant le choix du bien & du mal, se porte aueuglement au dernier, & abandonne l'autre. Le Prouerbe populaire le dit, Qui choisit & prend le pire, il est maudit dans l'Euangile. Si nous n'auions iamais gusté ny veu les effets pernicious & dommageables des guerres Ci-uiles, nous pourrions desirer d'en taster, pour sçauoir ce qu'elles valent, & quel profit elles nous pourroient apporter. Si nous n'auions semblablement decouuert, & experimenté les effets qu'a produit le pretexte de la Religion, & du public, pris & embrasé pour inciter & induire chacun de s'employer à l'execution des ambitions des plus grands de ce Royaume, nous aurions occasion de croire qu'il n'y a chose plus iuste ny plus sainte, que de soutenir vne cause si bonne & si legitime, comme à la verité elle le seroit, si elle ne seruoit de pretexte. Chacun a esté assez éclairé s'il a voulu, que toutes les guerres qui ont esté faites depuis Carlesme - prenant de l'année 1560. qu'elles commencerent à éclore à Amboise, iusques à maintenant, ont esté toutes entreprises par des Huguenots, & des Catholiques sous pretexte de la Religion & du Public pour s'en seruir seulement de voile à souler leur ambition effrenée. Les vns pour s'establi-

en autorité près de nos Roys, comme ils y estoient auparavant, & qu'ils desiroient d'y estre; & les autres pour empier la Couronne, & non pour restaurer la Religion, & soulager le Peuple. C'est ainsi que par le commencement, & par la fin de chacune guerre, & reprise d'icelle, nous l'avons tres-bien reconnu & expérimenté, au tres-grand dommage de tous les trois Estats de la France, & au grand prejudice de la Religion Catholique. Pourquoi donc voulons-nous estre si sourds & si aveugles, que de ne connoistre pas les tromperies qui nous ont esté faites, & que l'on nous fait tous les iours, sous le même pretexte de restablir la Religion Catholique, de restaurer le Peuple affligé, & de choisir & embrasser plustost les moyens de nous ruiner que de nous conserver? Veu que nous avons expérimenté tant & tant de fois, que la moindre des pensées qui a esté aux ceruelles des plus grands, a esté ladite restauration de la Religion, & le soulagement du miserable Peuple: ains au contraire, que leur but & dessein n'a tendu qu'à parvenir au periode tres-haut de leur ambition, & de mettre à effet leurs vindiçtes particulieres, sans avoir égard au dommage que la Religion & les trois Estats de la France en reçoivent. Certes ceux-là qui ne voudront entendre, ny voir & reconnoistre telles piperies, se peuvent remarquer, pour les plus sourds & aveugles, qui furent jamais. Aussi pour fort insensés ceux qui mépriseront l'heur & la felicité qui se presente à eux pour embrasser & suivre les passions d'autrui, qui les meinent en l'abisme des miseres. Car si l'experience ne nous avoit decouvert le profond de l'intention de telles personnes, nous pourrions meriter d'estre excusés d'adherer à leurs passions sous des pretextes si beaux & specieux. Mais puisque les exemples si grands, si frequents, & si particuliers de l'origine & de la continuation des guerres Civiles, c'est à dire de tous nos maux, nous ont appris & decouvert les finesces & appas desquels l'on a vsé en nostre endroit, pour nous attirer à assister les ambitieux à perpetrer leurs malicieux desseins, & à nous precipiter aux abysses des ruynes où ils nous ont plongez; pourquoy voulons-nous estre si sourds & si aveugles, voire si stupides & si insensés que de ne connoistre les fautes passées, & tâcher de les reparer plustost que de les augmenter, comme nous faisons tous les iours à nostre ruine, & au seul profit desdits ambitieux? Si l'on a tâché cy-devant de nous faire craindre & redouter les Huguenots, comme si nous ne les avions jamais vus, ny connu leur pouvoir; ç'a esté pour nous faire apprehender en vain de tomber sous leur domination, non pour nous garantir d'icelle, ny restaurer la Religion & nous mettre en repos; mais pour nous donner occasion de prendre les armes, & assister les Autheurs de telles impressions, pour effectuer leurs ambitieux desseins. De même ont cy-devant fait les Huguenots: voire ie diray qu'ils ont esté les premiers qui ont tracé ce chemin en nostre France. L'experience que nous en faisons tous les iours à nostre

nostre tres-grand dommage le nous témoigne.

Le pretexte de la Religion, & du bien public n'est pas chose nouvelle. Car si vous épluchez les histoires par le menu, vous trouuerez qu'une bonne partie des grands Princes s'en sont seruis pour cuidoier paruenir à leur but; & verrez qu'ils ont esté plus souuent stimulez, & conduits de leur ambition & interest particulier, que non pas de zele qu'ils ayent eu à l'honneur de Dieu, d'entreprendre la guerre contre les heretiques, & infidelles. Je ne veux pas faire tort à l'heureuse memoire de ceux qui ont merité telles loüanges. Car à la verité il y en a eu aucuns, particulièrement nostre bon Roy saint Louys, qui quitta les commoditez de son Royaume, pour aller recouurer la terre sainte d'entre les mains des Sarrazins & Infidelles. Comme aussi firent les Ducs, Comtes, Barons, & Prelats, qui se croiserent à la guerre faire contre les Albigeois: & dernièrement le Roy de Portugal contre le Roy de Fez. Mais au partir de-là l'on en trouuera bien peu auxquels l'on ne remarque plus d'ambition en leur esprit que de zele Chrestien.

Je laisseray à part les Histoires Anciennes, pour n'occuper en vain l'esprit du menu peuple; & me contenteray seulement de coter la guerre que l'Empereur Charles Cinquiesme fit contre les Princes protestans de la secte de Luther. Car il ne l'eust iamais entreprise, s'il n'eust eu intention de rendre hereditaire en la maison d'Autriche, la couronne Imperiale; & pour ce il s'attaqua aux Princes Electeurs de l'Empire, pour les ruiner & pour abolir cette election. Si le zele de l'honneur de Dieu & le desir de soustenir la sainte Religion Catholique eust dominé son esprit, il n'eust retardé depuis l'an 1519. qu'il fust élu Empereur, iusques en l'an 1549. à prendre les armes pour éteindre, comme il luy eust esté alors fort aisé de faire, l'estincelle d'heresie que Martin Luther commença à allumer dès l'an 1516. en Allemagne, sans attendre qu'elle eust embrasé la plus grande partie de cette grande Region de l'Europe. Mais parce qu'il estimoit que telle nouveauté luy pouuoit apporter commodité plus que dommage, tant à l'endroit du Pape, que des Princes de la Germanie, à cause de la diuision que cette heresie engendroit parmy eux: specialement entre les Princes seculiers, & les laïcs, voire aussi parmy les simples laïcs, il la laissa augmenter iusques à ce qu'elle eust produit l'effect qu'il auoit proiecté. Alors il sollicita le Pape Paul Tiers pour faire la guerre ausdits Princes protestans, sous pretexte de la Religion. Mais en cette intention de les exterminer, & de rendre l'Empire hereditaire en sa Maison (auis, que quelques Autheurs ont déclaré estre son dessein) ce que Dieu ne luy permit, parce qu'il auoit voulu se seruir du pretexte de son honneur pour paruenir à son ambition, & contre la promesse iurée en la Ligue faite avec ledit Pape, de ne faire iamais paix ny tréue au preiudice de l'Eglise Catholique, il la fist, bien qu'il eust gaigné une tres-

grande bataille contre lesdits Princes protestans, se voyant frustré de son intention : parce que les autres Princes Catholiques connoissans son dessein autant pernicieux à eux-mesmes qu'aux autres Princes protestans, se banderent contre luy pour l'empescher de les assuiettir, & rendre Esclaues. Au moyen dequoy comme il eust perdu l'esperance de paruenir à son dessein, il fit *l'interim* tant preiudiciable à la Religion Catholique, & se rapatria avec lesdits Princes Protestans, par vne Ligue perpetuelle qu'il fit avec eux pour la maison d'Austriche, à la charge qu'ils ne donneroient secours au Roy de France, d'hommes, d'argent ny d'artillerie, sans toutefois faire aucune mention du fait de la Religion; & ne delaissoit aucun moyen pour les gratifier & les tenir en amitié. Il en vfa de mesme enuers les villes principales d'Allemagne, comme Ausbourg, en laquelle estant l'année 1552. il déposseda trois Ministres Lutheriens, parce qu'ils médisoient de luy, & laissa tous les autres Ministres prescher & médire de Dieu selon leur fantaisie. Ainsi en fit-il en la ville de Magdebourg, laquelle il auoit fait assieger l'année precedente 1551. par le Duc Maurice protestant : car comme elle se resolut de reconnoistre ledit Empereur, moyennant qu'on laissast viure en pleine liberté de conscience les habitans d'icelle, tous protestans de la Confession d'Ausbourg. Il leur accorda tout l'exercice de Religion qu'ils luy demanderent, parce qu'il ne les auoit fait assieger pour estre heretiques, ains pour ne luy vouloir pas rendre obeysance. Et qu'ainsi ne soit, ledit Duc Maurice Chef de l'armée dudit Empereur estoit protestant, & neantmoins fort affectionné à son seruice, à cause dequoy iceluy Empereur luy auoit donné l'Electorat qu'il osta à Jean Frederic Duc de Saxe son ennemy déclaré. Ce qui fait bien paroistre qu'il n'en vouloit pas aux heretiques, mais seulement à ceux qui luy estoient ennemis. Car il pratiquoit aussi familièrement & priuement avec eux, qu'il faisoit avec les Catholiques; & s'il luy falloit leuer vne armée grande, il se seruoit aussi-tost des Protestans que des Catholiques. Tefmoin ce que l'Histoire de sa vie en dit à la prise de Rome, qui fut dès son ieune âge, où il auoit huit mille Lansquenets tous protestans; lesquels à ce que dit l'Auth eur Espagnol qui l'a faite, commirent mille sacrileges & impietez aux Eglises & choses sacrées par l'espace de sept mois qu'il tint assiégré le Pape Clement dans le Chasteau de saint Ange avec tous les Cardinaux, & iusques à ce qu'il eust payé cinq cens mille escus pour sa deliurance : ce que le mesme Auth eur exagere beaucoup, comme à la verité le fait impie le requiert. Vray est qu'il tasche de l'excuser, disant que cela estoit aduenu contrc la volonté de l'Empereur, & en reiette la faute sur Feu Monsieur de Bourbon; mesmes qu'il fit faire procession en Espagne pour la deliurance dudit Pape Clement, lequel il faisoit tenir prisonnier audit Chasteau saint Ange par Monsieur le Prince d'Orange successeur en l'Armée de Monsieur de Bourbon. Mais s'il eust
eu regret

eu regret de la prison de sa Sainteté, il eut ordonné de la mettre en liberté, sans la tenir sept mois entiers, & puis luy faire payer vne si grosse rançon, comme il est dit cy-dessus. Voila donc le zele de religion qu'il a fait paroistre d'auoir, quelque pretexte qu'il en prist.

Si vous lisez les histoires precedentes, vous trouuerez qu'es années 1542. & 1543. ledit Empereur Charles-cinq fit ligue offensiue & defensiue avec Henry 8. Roy d'Angleterre combien que dès l'an 1534. il se fust distrait de la reconnoissance du Pape, & qu'il eust embrassé la Confession d'Ausbourg, & que ledit Empereur eust asseuré sa Sainteté, de ne faire iamais ligue avec l'Anglois; ains de luy estre ennemy, iusques à ce qu'il eust réparé l'offense faite au S. Siege, parce que ledit Roy se disoit chef de l'Eglise en Angleterre. Il n'eust point esgard que ledit Roy auoit repudié, & par consequnt deshonoré sa femme, Tante dudit Empereur, & oublia tous ces respects pour assouuir son desir d'entreprendre la guerre contre le Roy François premier tres-Catholique, comme chacun l'a connu; dont aduint la prise de Boulongne sur la mer proche Calais, que le Roy d'Angleterre fit sur cette Couronne.

Vous trouuerez aussi parmy les histoires plus auant, que ledit Empereur entreprit la guerre de Thunes en l'année 1535. s'aidant des galeres du Pape pour en chasser Ariadin Barberousse, & y reestabli Muleassin Mahumetiste, comme il fit, lequel auoit esté chassé par ledit Barberousse, se contentant de la reconnoissance que ledit Muleassin luy faisoit tous les ans, d'un tribut, & non pas d'en chasser la secte de Mahomet, & y reestabli la Religion Chrestienne. De sorte qu'il employa, & ses forces, & qui pis est, celles du Pape, pour installer vn Mahumetiste en son throne, & faire avec luy conuention & traitez d'amitié, qui doiuent seulement se pratiquer parmy les Chrestiens & Catholiques.

Auparauant, en l'année 1551. que Soliman grand Turc dressoit vne armée pour enuahir la Chrestienté, ledit Empereur au lieu de faire vne ligue contre le Turc, pour s'opposer à sa tyrannie, suscita le Pape Leon dixiesme pour mettre toute la Chrestienté en guerre: comme Guicciardin le dit liure 14. de son histoire: à sçauoir l'Allemagne, où il estoit Empereur: l'Espagne, dont il estoit Roy: la France, à qui il en vouloit, & l'Italie, le theatre pour la tragedie. De là aduint la prise de Rhodes, en l'année 1552. à faute de secours. Comme aussi il a depuis laissé perdre vne grande partie de la Hongrie en l'année 1526. par le moyen de la bataille que ledit Soliman gagna contre Louis Roy de hongrie, beau-frere dudit Empereur, lequel Louis y fut tué avec vingt mille Chrestiens, à cause dequoy la hongrie qui auoit seruy de boulevard à la Chrestienté contre les Mahumetistes l'espace de plus de 150. ans, fut reduite presque toute en l'obeissance du Turc.

Si j'osois dire apres Vlloa Espagnol, ie dirois qu'en la ligue que l'Empereur fit en l'an 1538. avec le Pape & les Venitiens, pour faire la guerre au Turc, le Prince Doria General de la mer pour ledit Empereur, se retira tout court, & laissa les Venitiens en danger d'estre mis à fonds : de quoy s'en ensuiuit, que pour faire la paix avec ledit Turc, ils furent contraincts de luy quitter Napoli de Romanie, & Maluoisie qu'ils auoient en Grece.

Ferdinand Roy des Romains, frere dudit Empereur Charles, traitant avec Federic Duc de Saxe, & Vlric Duc de Wirtemberch, en l'année 1534. de certains droits domaniaux, accorda que les habitans des lieux qui luy demeureroient, pussent viure en liberte, selonc la dite Confession d'Ausbourg : de quoy Vergerius Nonce du Pape pres de luy, se plaignit grandement, & n'en eut autre responce, sinon qu'il luy auoit esté expedient de s'accommoder au temps, & qu'il auoit fait cela pour esuiter vn plus grand mal. Il en fit autant en l'accord qu'il fit avec les Bohemiens, des droits domaniaux du Royaume. Car il n'y fut aucunement parlé du fait de la religion.

Le Pape Alexandre sixiesme, dit l'historien Guicciardin, ne fit point de difficulté de demander secours au grand Turc Baizer, pour la seule apprehension qu'il eut de la venue de nostre Roy Charles 8. en Italie ; & despecha pour ce fait vers ledit Mahumetiste, avec des presens à luy & à ses Baschats, Georges Bucciardo Geneuois, que le Pape Innocent y auoit autrefois enuoyé à mesme effet, sans que l'vne ny l'autre eussent esgard à la dignité du saint Siege, ny à la religion Chrestienne, ny à la grande surprise d'vne infinité d'ames, que l'armée Turquesque est coustumiére de faire lors qu'elle vient en Chrestienté.

Le Roy Sigismond de Pologne, combien qu'il fust catholique, mary d'vne Reine tres-catholique, fille de Ferdinand d'Autriche (depuis Empereur apres la mort de Charles cinquiesme son frere) laissa introduire l'heresie en son Royaume de Pologne, & y donna tel accez, que tout nouveau Sectaire eut pouuoir d'y aller semer son heresie, dont il y en a pour le present de toutes les sortes que l'on a voulu inuenter. Ce qu'il permit, pretendait par telle diuision commander plus absolument en son royaume, auquel il semble que l'autorité royale soit restrainte par certaine forme de conseil d'Euesques, Palatins, & Castellans, qui doiuent assister le Roy à faire les principales resolutions extraordinaires.

Le Roy Henry 8. d'Angleterre ne se fust iamais deuoyé de l'obeissance du Pape, s'il luy eust voulu permettre de repudier sa legitime femme, Catherine fille de Ferdinand, & d'Elizabeth Roy & Reine d'Espagne, & d'espouser Anne de Boulan, comme il fit. Enquoy on a pu remarquer, que non le zele de l'honneur de Dieu luy fit embrasser l'heresie de Luther, pour assurance qu'il eust que ce fut la vraye voye de salut : mais pour estre dispensé à sa fantaisie, du

mariage, ou plustost de l'adultere qu'il vouloit commettre, il introduisit la secte de Luther en son Royaume.

Je ne m'arresttray plus à parler des Princes circonuoisins, ny des histoires anciennes. Je veux me renfermer dans la France, afin de ne vous point embrouïller l'esprit d'exemples estrangeres, estimant vous en pouoir assez donner de domestiques depuis trente ans en-cà, que les guerres ciuiles sont commencées. Ils suffiront pour vous faire voir & pour vous faire connoistre que toutes ces guerres n'ont esté ny entreprises ny faites pour le zele de la religion, ny pour le bien de ce Royaume, comme l'on l'a tant crié de tous costez, & comme l'on s'est efforcé de nous le faire accroire : Mais pour fouller l'ambition demesurée des auteurs & des entrepreneurs desdites guerres ciuiles.

Je commenceray donc par la premiere entreprise qui fut faite à carefme-prenant de l'année 1560. auant pasques au chasteau d'Amboise, pour se saisir de la personne du Roy François deuxiesme, fils aîné & heritier de Henry deuxiesme, decédé en Iuillet de l'année precedente. Elle se fit sous pretexte de vouloir commencer à introduire la religion, ou plustost l'heresie de Caluin. Car les auteurs & les conspirateurs de cette entreprise estoient Caluinistes, & dès lors ils commencerent à prendre le surnom de Huguenots. Ils auoient resolu, ainsi que leur deposition & leur confession le tesmoigna, de se saisir de la personne dudit Roy, & de tuer les principaux de ceux qui le possédoient ; d'autant que par le grand pouoir qu'ils auoient acquis sur ce Prince, aagé seulement de 17. ans, ils auoient esloigné non seulement ceux qui tenoient les premiers l'autorité pres du feu Roy Henry son pere, mais aussi tous les Princes du sang : afin de demeurer les maistres non seulement du Roy, mais de tout son Royaume. Et parce que plusieurs ont veu & reconnu ce que ie dis estre veritable, & que chacun le pourra ainsi connoistre, qui voudra lire les histoires diuerses de l'origine & de la continuation de ces guerres ciuiles, ie ne m'amuseray pas à vous en dire dauantage, & passeray outre.

Je vous diray done, que comme il pleut à Dieu de prendre à soy ledit Roy François, au mois de Decembre ensuiuant en la ville d'Orleans, & faire succeder apres luy le Roy Charles neufiesme son frere, aagé seulement de dix ans ; tout le gouuernement de la Cour changea. Car la Reine sa mere prit la qualiré de Regente, & le Roy de Nauarre, pere de celuy qui est à present, prit la charge du maniment des affaires de la guerre, eomme premier Prince du sang, & rappella les autres Princes du sang aupres de luy, & ceux qui les auoient honnorez & respectez du temps du feu Roy Henry. Ils se mirent en la place de ceux qui auoient gouuerné le Roy François, & par ce moyen les contrainquirent de se retirer mal con-

rens, & de ceder aux autres. Ce leur fut vne chose bien dure à supporter, tant pour la perte de la grande autorité qu'ils auoient desia acquise, que pour celle où ils esperoient encore de s'eueuer; ne se pouuans persuader qu'ils deussent sitost perdre leur Roy. Ce changement les fit penser à eux-mesmes, & à chercher tous les moyens possibles pour s'entretenir au mesme degré de pouuoir où ils souloient estre.

Dieu permit aussi que par l'ambition de quelques vns on conuoquast le Colloque de Poissy en l'année suiuant 1561. pour faire disputer mal à propos nos Theologiens contre les Ministres Caluinistes, presuppasant de les rembarer du beau premier coup, par la presumption que les auteurs dudit Colloque auoient de leur sçauoir & de leur viuacité d'esprit. En suite de quoy les Ministres furent publiquement introduits en ce Royaume, duquel iusques à present ils ne sont plus sortis. Nous en deuons reietter la coulpe sur ceux qui furent cause de les introduire, contre l'equitable & la solide opinion de M. le Cardinal de Tournon, Prelat de grande prud'homme & d'entendement diuin. Mais les autres, comme i'ay dit, estoient poussez d'une vanité trop grande, ou plustost ils vouloient donner occasion à l'heresie de s'allumer en ce Royaume, afin de s'en seruir de pretexte à faire les remuemens qui s'en sont ensuiuus. l'en veux laisser le iugement à Dieu. Tant y a que par la dispute dudit Colloque de Poissy les Ministres Caluinistes s'estant establis par leur astuce, leurs sophistiqueries, & leurs subterfuges, & non par leur doctrine, ils ne voulurent point reconnoistre leur erreur, à leur maniere accoustumée. De là nasquit l'occasion de brouiller ce Royaume, par les artifices du Legat enuoyé du Pape en France pour cet effet, à la persuasion du Roy d'Espagne, & non pour promettre, ny pour donner au Feu Roy de Nauarre, le royaume de Nauarre, ou celuy de la Sardaigne, en cas qu'il se voulut departir d'auec Mess. les Princes de Condé son frere, & l'Admiral Chastillon, & ses freres, qui lors commencerent à se declarer sectaires dudit Caluin. Chose qui fut aussitost effectuée que résoluë. Dequoy aduerti mondit sieur le Prince de Condé, il se scandalisa beaucoup, de voir que ledit Roy de Nauarre son frere, auoit rappellé ceux qui s'estoient absentez par la mort dudit Roy François, comme s'il eust oublié qu'ils auoient voulu faire mourir luy, qui estoit son frere, & ruiner toute sa Maison. Cela luy fut confirmé par ledit sieur Admiral, & les autres associez. Mais cela ayant esté fait en vain, & d'ailleurs se voyés surpris d'un si soudain changement, se retirerent de la Cour, & s'en allerent à Orleans. Au comencement de l'année 1562. auant Pasques, ou tost apres, fut fait l'amas de gens de guerre de la premiere armée qui s'est faite dās nos guerres ciuiles; sous le pretexte que depuis ils prirent, que l'on leur auoit rompu l'Edit de Ianuier, par lequel on leur auoit accordé la liberté de conscience, combien que cela ne fust qu'un simple pretexte. Car leur premier & plus grand grief estoit, de se voir esloignez & disgraciez de la Cour, en laquelle ils tenoient les premiers lieux, & leur veritable passion estoit d'en

chasser les autres qui estoient cause de leur esloignement, pour s'y mettre eux mesmes. Et comme mesd. sieurs Prince de Condé, Admiral, & autres leurs adherans furent partis de la Cour, les autres y arriuerent, lesquels aussitost firent reuoquer l'Edict de Ianuier, pour faire parroistre que leur intention n'estoit que de soutenir la religion Catholique, & de chasser l'heresie de ce Royaume. Mais comme elle estoit toute contraire, elle se fit bien-tost paroistre telle que veritablement elle estoit. Car ils n'eurent pas plustost mis le pied à la Cour, & pris vne autorité tres-grande sur le Roy de Nauarre, par l'esperance, voire par l'assurance qu'ils luy faisoient donner par dom Francisco de Laua Ambassadeur du Roy d'Espagne, qu'il auroit son Royaume de Nauarre, qu'ils resolurent entre eux, d'esloigner la Reine mere du Roy d'auprez de sa Maiesté, parce qu'ils la reconnoissoient pour Princesse magnanime & sage, & qui ne permettroit iamais qu'ils prissent l'autorité qu'ils desiroient sur le Roy son fils. Et parce qu'ils ne pouuoient iustement ny honnestement trouuer vne occasion pour l'en esloigner, ils mirent en auant qu'elle fauorisoit les sectaires de Caluin, & que tant qu'elle seroit aupres du Roy son fils, il n'y auroit iamais d'esperance de pouuoir venir à bout d'oster de ce Royaume l'heresie, & les fauteurs d'icelle. Ayant pris cette resolution; & craignant que le Pape ne le trouuast mauuais, ils la communiquerent à M. de sainte Croix, Nonce de sa Sainteté, qui depuis a esté Cardinal, la veille seulement de l'exécution de leur entreptise. Aussitost qu'il eut ouï vn si enorme & si pernicieux dessein, il en aduertit, par vn petit billet, la Reine mere du Roy qui estoit logé au Louure; à quoy elle mit promptement tel ordre, qu'elle rompit par sa vigilance & par sa celerité cette entreprise, si preiudiciable & si dommageable à elle & au Roy son fils. Car bien que cette nouuelle luy rouchast grandement au cœur, elle ne sonna mort de son dessein iusques vers la minuit, que tout le monde estoit couché, & que le chasteau fut fermé, à cette heure là elle enuoya querir M. de Brezé capitaine des Gardes, gentilhomme sage & fort fidelle à son Roy, auquel elle decouurit son dessein, & luy commanda à cet esset, d'enuoyer aduertir tous les gardes qu'il pourroit auoir, de se rendre au point du iour à la porte du Louure, pour accompagner le Roy. Cela fut executé fort secretement, & à point nommé. Et comme sa Maiesté n'eust repos toute cette nuit là en son esprit, à cause que l'entreprise se deuoit effectuer le iour suiuant, elle ne faillit d'estre au point du iour à la chambre du Roy son fils, qui n'auoit que douze ans, pour l'euiller, & le faire leuer, sous pretexte de l'emmener au bois de Vincennes courir les Daims. Cette proposition le fit leuer & habiller. Il fut à la Messe si soudainement, qu'il partit à soleil leuant en temps d'esté, & si à la depourueü, que ceux mesme qui estoient dedans le Louure, estoient encore au lit. De sorte que cette nou-

nelle ne paruint aux oreilles de ceux qui auoient entrepris cette execution, que le Roy ne fut desia à cheual sur les remparts de la ville de Paris, par où la Reine sa mere luy auoit fait prendre son chemin pour aller au bois de Vincennes, afin d'esuiter de passer près de l'Hostel de ville en Greue; à cause que ce matin mesme l'assemblée Generale se deuoit faire, tant pour resoudre en public l'esloignement que l'on deuoit faire de la Reine d'auec son fils, que pour s'en aller de là en armes effectuer cette resolution, & se saisir de la personne du Roy. Car lors chacun des Coniurez estoit logé en son hostel en la ville, pour la commodité de ceux qui les abordoient incessamment, & à toutes heures du iour & de la nuit, pour traiter de leurs affaires. Comme ils eurent rencontré leurs Maiestez sur lesdits remparts, se voyans frustrez de leur inention, parce qu'ils n'eurent moyen d'auertir personne pour empêcher leurs Maiestez de continuer leur voyage. Ils en auoient eu aduis si tard, comme i'ay dit, que sa Maiesté estoit desia en chemin. Ils n'eurent que le loisir de s'habiller en diligence, & l'aller trouuer par les chemins, pour luy persuader de remettre la chasse à vn autre iour, pour quelques affaires bien pressées qui requeroient sa presence. Mais ils ne tenterent rien, pource que S. M. auoit vne bonne troupe auec elle, bien preparée de s'opposer à tous ceux qui les voudroient retenir. Et bien que l'on fit tout ce qui se pouuoit pour faire rompre, ou à tout le moins retarder le voyage; neantmoins sa Maiesté ne voulut iamais y condescendre, non pas seulement s'arrester l'espace d'une patenoïstre; de peur de donner le loisir aux conspirateurs de sa ruine, de s'assembler, & la venir attaquer par les chemins. De sorte qu'elle passa outre, & s'alla sauuer dans le chasteau de Vincennes, Maison tres-forte, où elle pourueut tellement à ses affaires, qu'onques depuis elle ne se voulut laisser reduire à vn tel danger.

Retournez que ces Messieurs furent en leurs logis, ils s'assemblerent, & tindrent conseil sur ce qu'ils auoient à faire à l'aduenir, puis qu'à ce coup leur entreprise estoit faillie. Et si auparauant ils auoient eu mauuaise volonté à l'endroit de la Reine mere du Roy, ils s'animerent encore plus contre sa Maiesté, ayant veu que par son industrie, elle auoit destourné leur pernicieux dessein. Ils resolerent aussi de le mettre à effet, & de la tuer iusques entre les bras du Roy son fils, n'ayant aucune crainte qu'il s'en ressentit, pour n'estre encore qu'un enfant. En ce conseil le sieur de Montpezat Senechal de Poictou, proposâ luy-mesme de la tuer. Ainsi il fut resolu que le Roy de Nauarre (qui estoit aussi demeuré à Paris) iroit deuant à Monceaux, où leurs Maiestez estoient allées au partir du bois de Vincennes, & quil meneroit auec luy fort peu de compagnie, afin de ne donner l'alarme à sa Maiesté; & qu'un certain soir limité, il feroit ouvrir vne porte, par laquelle Mess. les conspirateurs entreroient pour effectuer leur inention. Le Roy de Nauarre entreprit de faciliter cet assas-

sinat

finat en apparence seulement. Car enverité il n'alloit à la Cour que pour voir vne fille de la Reine nommée de Roüet, & non pour contribuer à l'execution d'un attentat si horrible, comme il le fit bien paroistre. La Reine ayant esté aduertie que la haine estoit redoublée contre elle; & que derechef on auoit fait vne nouuelle conspiration contre sa personne, & sçachant que le Roy de Nauarre deuoit venir ce iour-là la trouuer, elle appella ladite damoiselle de Rouët, qu'elle estimoit sage & affectionnée à son seruiçe, & luy declara l'aduertissement qu'elle auoit eu de Paris, luy commandant de faire meilleure chere au Roy de Nauarre, qu'elle n'auoit point encore fait; & d'entrer en discours sur cet aduertissement, afin de le diuertir de cette opinion, au cas qu'il l'eust, ou à tout le moins de luy decouurir tout le fait bien particulièrement. Ce que ladite fille executa fort bien, au contentement de sa Maiesté, de sorte qu'elle trouua ledit Roy si bien disposé à l'intention de la Reine, qu'auant son coucher, il alla declarer le tout à ladite Maiesté. Ils renouvelerent ensemble eux-deux vne amitié fort grande. Car la Reine fit connoistre audit Roy, qu'ils ne s'attaquoient pas à elle, pour s'arrester en si beau chemin; & qu'apres sa mort, ils en feroient autant à luy, pour se seruir du Roy son fils, à vsurper ce Royaume pendant son basage, & auquel ils n'en feroient pas moins qu'à elle; & qu'il deuoit se souuenir qu'il n'y auoit pas encore deux ans passez qu'ils auoient voulu faire trancher la teste à M. le Prince de Condé son frere, & rendre toute sa maison miserable. Ce que ledit Roy de Nauarre goustâ, & tous deux ensemble prindrent resolution de s'en aller à Meaux; trois lieues distant dudit Monceaux, pour faire paroistre que la conspiration auoit esté euentée. Dequoy les coniurez furent extremement marris, mesmes pour crainte d'auoir perdu l'appuy & le support du Roy de Nauarre. Ce qui fut cause qu'ils firent forger des lettres au logis de dom Francisco d'Alaua, Ambassadeur d'Espagne, comme si tout fraichement elles en fussent venuës: luy donnant tres-grande esperance de r'auoir son Royaume de Nauarre (lequel delà à quelque temps fut conuertý en celuy de Sardaigne, & puis à neant) & trouuerent moyen de faire communiquer ladite dépêche audit Roy de Nauarre, pour le tenir en la mesme opinion de faire la guerre contre M. le Prince son frere; se resoluant de ne luy communiquer plus aucune chose qui concernast le Roy & la Reine, de peur que derechef il ne le redist; & se contenterent seulement pour lors de se seruir de luy, pour authentifier la guerre entreprise contre M. le Prince de Condé. Ce qui leur succeda. Car ce bon Prince auoit tant d'enuie d'auoir ce Royaume de Nauarre, & puis celuy de Sardaigne, qu'il se laissa facilement amuser par ceux qui l'auoient entrepris. En quoy s'il a esté blasmé, il merite au moins d'estre excusé. Car il n'a fait tort qu'à soy-mesme; parce qu'il n'a iamais eu l'ame si cauterisée, que de vouloir

pretendre à la Couronne par la mort du Roy Charles, & de ses deux Freres, estant le premier Prince du Sang; ce qu'il eust peu faire avec plus grande apparence que non pas les autres, qui ne sont pas du sang Royal de France.

Jugez par là si le zele de religion, ou plustost la passion, ou l'ambition guidoit telles personnes à faire vn acte si inhumain, que de tuer vne veufue mere d'un Orphelin, lesquels Dieu nous a tant recommandez, & se saisir de la personne de leur Roy. Toutefois cela se faisoit sous pretexte de Religion, tant par les Huguenots, que par les Catholiques, chacun à leur tour.

Estant donc l'assemblée de gens de guerre commencée de part & d'autre, & les villes & chasteaux surpris, afin de se fortifier les vns contre les autres, pour le desir que chacun party auoit de ruiner son aduersaire, & en demurer victorieux, pour maistriser le Roy plus aisément: les inimitiez commencerent aussi à s'augmenter parmi les grands, & à deuenir mortelles. Toutefois il ne se commettoit à beaucoup près tant de meurtres, voleries & meschancetez que l'on a fait depuis. Mesmes les Huguenots ne faisoient qu'abatre les images des Eglises, sans les ruiner. Car les gentilshommes, & le peuple ne s'estoient animez les vns contre les autres, ainsi qu'ils ont esté par après; ains n'y auoit que les chefs seuls qui le faisoient pour leur ambition; lesquels continuant leur dessein, se resolurent enfin de donner bataille près de Dreux en Decembre 1562. en laquelle le Marechal de S. André mourut, M. le Connestable y demeura prisonnier d'une part, & M. le Prince de Condé de l'autre. Au moyen dequoy l'Admiral de Chastillon demeura Chef de leur party: & de l'autre fut M. de Guise, parce que ledit Roy de Nauarre estoit mort dès le mois de Nouembre precedent à Andely, d'une arquebuzade qu'il receut à l'espaule au siege & prise de Rouën au mois d'Octobre precedent.

Après laquelle bataille, l'armée des Huguenots alla en Normandie, près du Havre de Grace, qu'ils tenoient, pour recueillir quelque secours que la Reine d'Angleterre leur enuoyoit, moyennant ledit Havre de Grace qui luy fut donné par eux. Et l'autre conduite par M. de Guise, s'en alla assieger Orleans, où il fut tué par Poltrot en trahison, qui fut cause que la Paix s'en ensuiuit aussi-tost audit Orleans à Pasques 1563. parce que les deux Chefs de l'armée, qui estoient prisonniers, le voulurent, s'ennuyant de telle prison, & de ne pouoir tenir le grand rang: qu'ils desiroient près de la Maïesté. Et pour ce, sans auoir egard au fait de la Religion, les choses s'appaiserent assez bien, consideré la minorité du Roy, & les grandes diuisions qui estoient lors. En quoy la Reine mere du Roy eut grand honneur, parce qu'elle se deuelopa des pieges, desquels l'on l'auoit enuironnée, & garantit le Roy son fils de perdre la vie & la couronne. Avec telle prudence mondaine assistée de M. le Cardinal de Bourbon, frere dudit Roy de Nauarre, elle gouerna ce Royaume

Royaume fort paisible, sans rien innouer à l'Edit de Paix, & neantmoins affoiblissant le pouuoir des Huguenots tout autant qu'elle pouuoit.

Pendant ce temps-là, qui dura trois ans, elle fit voyager le Roy son fils par toutes les Prouinces du Royaume, & enfin l'amena à Moulins à la fin de l'année 1563. Là fut faite vne grande assemblée de Princes & de Seigneurs tant Catholiques que Huguenots, comme aussi de plusieurs Presidents, Conseillers, & Financiers, afin de regler les affaires de ce Royaume, comme on fit; en sorte que l'autorité commençoit à estre rendue à sa Maiesté, & par consequent diminuée à tous les Chefs des partis, spécialement aux Huguenots: lesquels au partir de Moulins, se retirerent en leurs maisons, & le Roy Charles s'en alla vers Paris, le promenant quelquefois à Fontainebleau. Cependant lesdits Huguenots preuyoient que leur pouuoir diminueoit, au lieu qu'ils desiroient l'augmenter, resolerent des'adresser à la personne du Roy, de la Reine, & de Monseigneur son frere. Pour ce ils attirerent vn nommé Le May grand voleur, pour les tuer tous trois en quelque occasion la plus commode qu'il seroit aduisé; laquelle finalement fut prise vn soir que la Reine auoit mené le Roy souper en la maison des Thuilleries, qu'elle a fait bastir au Fauxbourg S. Honoré, & deuoit s'en retourner coucher à saint Maur: parce que leurs Maiestez estoient accoustumées d'aller dans vn coche tousiours au galop, & n'auoir aupres d'elles qu'une demy douzaine d'Archers mal montez. Car chacun prenoit le deuant pour ne harasser ses cheuaux, & le coup se deuoit faire proche l'Hostel de Ville de Paris en Greue, cuidant que leurs Maiestez y deussent passer. Mais comme Dieu ne voulut pas permettre vn tel assassinat, il permit qu'un des cheuaux d'un autre coche, qui s'en retournoit dans la ville par la porte neuue du Louure, mir le pied de deuant en la fenestre qui est entre le pont Leuis, & le portail, & tomba en sorte, qu'il ne pust degager son pied, iusqu'à ce que l'on l'eust deferré. Ce retardement fut cause de faire prendre à leurs Maiestez l'autre chemin de la porte S. Honoré, & d'aller gagner la porte S. Antoine par d'autres petites ruës, à gauche de la ruë S. Antoine, par laquelle la Reine ne vouloit pas passer (pour y auoir esté le feu Roy son mari blessé d'un coup de lance dont il mourut) & en ce faisant leurs Maiestez euaderent vn tel danger, qui fut par apres decouuert, & ledit le May mis prisonnier, & depuis executé à mort. Il en accusa plusieurs, & entre autres le sieur d'Auantigny l'aîné, comme guide de cette entreprise, & le sieur de la Tour. Vray est qu'ils eurent vne declaration du Roy le 20. Nouembre 1566. touchant leur innocence, selon que leurs Maiestez le voulurent, craignant d'enfoncer si auant cette affaire, qu'il en fut nommé d'autres de plus grande qualiré, lesquels pour s'euader fussent cause de nouveaux troubles. Ainsi furent donnez aadit le May des iuges propres, pour faire l'effet que sa Maiesté desiroit, ausquels feu Monsieur le President Seguier presidoit.

Après que l'on eut veu cette entreprise faillie, on en dressa vne autre sur l'occasion d'une chasse de loups, que Carouge de Brie Huguenot, & grand Chasseur devoit attirer près de Vallery où le Roy auoit esté conuié au Baptême d'un des enfans de feu M. le Prince de Condé le vieil. Mais l'entreprise decouuerte, sa Maïesté s'excusa d'aller audit Vallery : ce qui falcha beaucoup ceux qui auoient dressé ladite entreprise, de l'auoir ainsi faillie, & leur donna occasion d'en dresser vne autre, comme ils firent avec grande industrie. Elle eust esté mise en execution en la ville de Meaux la veille de la S. Michel 1567. si leurs Maïestez eussent encore tardé deux heures à partir, pour se retirer en sùreté dans la ville de Paris, ce qu'ils eurent moyen de faire par l'assistance de six mille Suisses qu'ils auoient près d'eux, & du valeureux courage de feu M. de Nemours. Car leur resolution estoit de se saisir de la personne du Roy & de M. son frere, & de tuer la Reine leur mere, ou de l'esloigner de ses enfans, pour leur en oster du tout la memoire, & auoir plus de moyen de disposer de la volonté du Roy à leur intention, en ensuiuant les erres precedentes des Chefs, tant des Catholiques que des Huguenots.

Voila donc, comme sous pretexte de la Religion, ils suscitèrent tous ceux de leur party, sans iuste occasion de s'émouuoir. Car en premier lieu l'Edit de Paix n'estoit aucunement enfreint ny rompu par sa Maïesté. Au contraire le Chancelier de l'Hospital, qui fauorisoit l'Herésie, auoit introduit beaucoup de Huguenots aux Estats & Offices Royaux: tellement qu'il auoit bigarré grande partie des Compagnies des Parlemens, Bureaux des Finances, & Sieges subalternes. De sorte qu'ils ne pouuoient bonnement se plaindre, sinon de n'auoir l'entiere autorité qu'ils desiroient, selon que leur ambition les y portoit. D'autre costé ils voyoient le Roy, & M. son frere nourris en la pieté & Religion Catholique, avec vne tres-mauuaise impression des actions passées des Huguenots. Cela leur donnoit crainte que le Roy ayant atteint plus grand âge & plus d'autorité en son Royaume, ne mit peine de s'y rendre le maistre, sans auoir aucun compagnon; & en ce faisant leur oster l'autorité qu'ils auoient, & les empelcher de paruenir au comble de leur dessein, & d'empieter la Couronne.

Ce que voyant lesdits Huguenots, & que cette dernière entreprise estoit faillie, comme dit est, se retirerent à S. Denis, où ils amassèrent leurs forces: comme aussi le Roy fit de mesme en sorte qu'il s'en ensuiuit audit an 1567. vne bataille entre les deux villes de Paris & de S. Denis, où M. le Connestable fut tué, comme aussi M. furent beaucoup de Huguenots, lesquels soudainement prirent la route de la Frontiere, pour aller recueillir les Reistres & les Allemans que le Duc Casimir leur amenoit, par lesquels fut faite la paix de Lonjumeau à Pasques de l'année suiuiante 1568. avec diminution des articles de la Pacification precedente, qui tesmoigna bien que ce zele de la Religion n'estoit si engraué au cœur des personnes, que l'on voulust se faire plustost ruiner, que de

quiter le soutienement & la deffense de la gloire & honneur de Dieu. Car chacun fut d'aduis de faire la paix, en esperance de dresser mieux leur partie qu'auparavant pour attraper les ennemis, & les ruiner, afin de demeurer seul en autorité près du Roy.

Et de fait, la paix ne dura que cinq mois, car quelques Catholiques cuidans exterminer les Huguenots, & non pas leur Religion, ne cessèrent par leurs artifices, iulqu'à ce qu'ils eussent fait recommencer la guerre contre eux, ainsi qu'il fut fait en Octobre ensuiuant audit an 1568. laquelle continua iusques en Iuillet 1570. que la paix fut derechef faite avec articles approchans des autres precedens, & non pas semblables; parce que comme les principaux d'une part & d'autre eurent conneu leur estre impossible de pouuoir exterminer par les armes leurs ennemis, & qu'il falloit essayer quelque autre expedient plus court; ils conseillerent la paix, sans auoir égard pareillement au fait de la Religion, non plus qu'aux autres traitez precedés. A quoy la Reine mere du Roy adhera fort, connoissant que la guerre luy estoit dommageable, & que durant icelle sa Maiesté n'estoit respectée & obéye comme il appartenoit, ains ceux qui auoient les armes en main. Aussi parce qu'elle se trouuoit doublement en peine durant la guerre, tant s'il aduenoit que les Huguenots demeurassent victorieux, qu'aussi s'ils estoient exterminés: d'autant que le party vainqueur eust voulu maistriser & le Roy & Elle, à cause des grandes partialitez qui s'estoient faites en ce Royaume par les meurtres & cruautéz qu'on auoit commencé d'exploiter de toutes parts, comme aussi la demolition des Eglises, des maisons, des Gentilshommes particuliers, qui auoient beaucoup aigry les esprits d'un chacun des deux partis, au prix de ce qu'ils estoient auparavant. Car on souloit à la Cour pratiquer familièrement les vns avec les autres, tant à manger, qu'au logis & à la chasse, & en toute autre compagnie, sans qu'on se scandalizast l'un de l'autre, ny qu'on parlât iamais du fait de la Religion: ce qui aduenoit d'autant qu'on n'auoit pas encore commencé à connoistre le malheur qu'aportoit la diuersité de Religion, particulièrement en ce Royaume, ainsi qu'on l'a decouuert depuis. A cause de quoy les Huguenots ne voulurent plus s'asseurer de retourner à la Cour, comme ils souloient faire, de peur d'y estre attrapez: & d'autre costé le feu Roy se resolut aussi de ne donner grande autorité aux autres, puis qu'il auoit conneu qu'ils ne desiroient son bien, ains le leur particulier. Tellement que s'estant retirez, ils commencerent à se reconnoistre, & s'entretenir en amitié avec leurs amis, & autres de grande qualité, comme chacun l'a veu & conneu, ce qui donna ombrage audit Roy, & le fit resoudre de se rapatrier avec les Huguenots, & de rechercher de faire le mariage (mal à propos toutefois) de Madame sa sœur, & dudit Roy de Nauarre, qui est de présent Roy, lequel auoit esté proietté dix ans auparavant, voire dès la mort du feu Roy Henry II. & ce sans auoir esgard au fait de la Religion de part & d'autre, duquel (comme Dieu permit) s'en ensuiuit la S. Barthelemy.

Car l'assemblée se fit de tous les plus Grands de ce Royaume, pour assister aux nopces. Et cependant le sieur Admiral de Chastillon qui brûloit d'ambition, proposa au Roy la guerre de Flandres, avec infinies belles esperances qu'il deduisit. A quoy sa Maiesté ne voulut entendre, pour n'offenser le Roy Catholique son Beau-frere. Ce que voyant ledit sieur Admiral, il se laissa transporter iusques là, de dire à sa Maiesté qu'il se resolut de faire la guerre au Pais bas, ou de l'auoir en son Royaume; car il ne tendoit qu'à mettre en guerre sa Maiesté, & luy brouiller tellement son Royaume par le moyen des Huguenots, tandis qu'il falloit qu'il se resolut de faire la guerre au Pais bas, ou de l'auoir en son seroit & establirait si bien en France, & M. le Prince d'Orange en Flandre, que chacun donneroit la loy à son Roy. Chose qui fut tres-bien connuë par sa Maiesté, laquelle desirant euit vn tel malheur, & cuidant d'exterminer les Huguenots, & non pas l'heresie, trouua bon de faire la S. Barthelemy en Aoust 1572. En quoy l'on remarque que le particulier interest a tousiours preualu pardessus celuy de la Religion & l'honneur de Dieu, comme il se peut voir tant au fait de la S. Barthelemy, qu'au traité qui fut fait l'année suiuant 1573. avec ceux de la Rochelle; apres auoir esté six mois assiegée, & l'auoir reduite à telle extremité de viures, que les habitans d'icelle ne pouuoient plus durer six semaines, ny esperer d'estre secourus par mer, ny moins par terre; car l'on les receut à telle composition qu'ils voulurent, ce qui a esté l'un des plus grands moyens d'autoriser les Huguenots, comme ie diray cy-aprés.

Du retour dudit siege, Monseigneur Frere du Roy, qui auoit esté esleu Roy de Pologne, s'en alla prendre possession dudit Royaume, apres lequel partement, soudain fut fait par des plus grands nouuelle entreprise contre la personne du Roy, laquelle cuida estre executée, comme chacun l'a sceu, à S. Germain en Laye, dont sa Maiesté partit soudain, & alla à Paris: & depuis il se retira au bois de Vincennes, où il mourut la veille de la Pentecoste 1574. Mais auparauant il se resolut de mettre son Royaume en repos, & punir tous les perturbateurs d'iceluy; puis qu'il auoit conneu le danger d'où il estoit eschappé. Et de fait il commença à faire faire de grandes executions, & les eust poursuuies iusqu'au bout, si Dieu ne l'eust appelé, possible pour auoir reconnu qu'il ne s'estoit tant affectonné pour vanger sa cause, que le particulier de luy-mesme, lors qu'il vit que l'on s'attaquoit à sa personne, quoy qu'il fust fort bon Catholique, qu'il n'aimait aucunement les Huguenots, & qu'il fist assez reconnoistre en mourant la ferme creance qu'il auoit en Dieu, & la repentance de ses fautes. Iugez par là si l'entreprise faite à S. Germain en Laye, contre la propre personne de sa Maiesté & de la Reine sa mere, prouint du zele que l'on portast à la Religion, ou pour l'ambition, & l'interest particulier.

Après luy succeda le Roy de Pologne son frere, lequel estant party

de Pologne avec grande diligence, se rendit à la fin d'Aoust à Lyon, où la Reine sa mere l'estoit venu rencontrer avec tous les Princes de son Royaume. Là fut mise en auant la reconciliation de M. le Marechal d'Anuille, & la deliurance de M. le Marechal de Montmorency son frere, fait prisonnier à la Bastille par le Roy Charles: à laquelle sa Maieité fut conßeillée par les anciens ennemis de la maison de Montmorency, de n'entendre, sinon avec de grandes rigueurs: quoy qu'à la verité ils eurent tort de la dissuader; car c'eust esté la fin des Huguenots & de l'Herésie en ce Royaume, parce qu'alors le Roy de Nauarre estoit prés de sa Maieité avec feu Monseigneur frere du Roy, & il n'y auoit que feu M. le Prince de Condé de chef des Huguenots, qui s'estoit absenté en Allemagne où il viuoit pauurement. Et si l'on eust eu plus d'esgard au bien que l'on apportoit à la Religion Catholique, qu'au particulier interest d'empescher ladite reconciliation, & la deliurance de M. de Montmorency, sous vn pretexte tel quel de soumission que l'on desiroit dudit sieur Marechal, certes on n'eust plus ouy parler de guerres ciuiles contre les Huguenots, parce qu'il n'y en eut eu plus de memoire ny de suiet. Mais comme le sieur Marechal d'Anuille, maintenant de Montmorency, se vit desespéré de la bonne grace du Roy par l'artifice de ses ennemis, il se rallia avec certaines villes de son Gouuernement de Languedoc, qui estoient encore tenuës par les Huguenots. A quoy feu M. de Sauoye luy donna beaucoup d'assistance, comme aussi fit le Roy d'Espagne, par argent: afin qu'il tint ce Royaume brouillé & diuisé, & non pas pour en chasser l'Herésie, comme il se peut connoistre; puisque ledit sieur Marechal estoit ioint avec les Huguenots, & les fauorisoit. De quoy s'en enfuiuit, qu'il pratiqua feu Monseigneur frere du Roy, qui estoit mal content pour les choses passées, tant au bois de Vincennes qu'ailleurs, afin de le faire departir d'avec le Roy, comme il fit en Aoust 1575. & s'alla ioindre aux Huguenots couuerts & decouuerts, qui estoient lors tant dedans que dehors le Royaume.

Estant donc mondit Seigneur frere du Roy assisté de ce party, il entreprit vne guerre sous pretexte du bien public, qui fut tel, que chacun a veu & experimenté à son dommage. A quoy la ville de la Rochelle eschapée de sa ruine luy aida grandement, pour estre port de mer, par l'autorité qu'elle donna aux Huguenots en Poitou, où ils prirent pied. En tout cela vous n'y trouuerez vne seule scintille de zele de Religion en l'esprit de pas vn des Chefs qui entreprirent cette guerre; & moins qu'ils fussent meus de pieté enuers ce miserable peuple affligé, pour leur faire desirer de le soulager.

Si vous considerez le commencement, le milieu, & la fin de cette guerre, vous trouuerez qu'elle fut entreprise pour le particulier interest, & non pour la Religion, ny le bien public. Car mondit Seigneur estant Catholique ne desiroit pas la ruine de sa Religion, & l'exaltation de l'herésie: & d'autre costé les Huguenots associez avec luy ne desiroient pas de fauori-

ser la Religion Catholique; & neantmoins s'estoient joints avec mondit Seigneur, pour l'assister à s'aggrandir en son ambition: & enfin aussi-tost qu'on luy eut accordé à Pasques 1576. vn second appanage tres-grand, & le payement des garnisons d'aucunes villes qu'il voulut garder pour sa seureté, & d'ailleurs pour M. le Marechal d'Anuille, avec la liberté de Messieurs les Marechaux de Montmorency & de Cossé, il ne fut point parlé du soulagement du peuple: & quant à la Religion, luy qui estoit Catholique, il pourchassa vn Edit de paix pour les huguenots plus ample qu'ils n'auoient point encore eu, cuidant les pouuoir tenir vnis avec luy, & en disposer à sa fantaisie, pour s'en preualoir à s'autoriser en ce Royaume, car sans cela il ne l'eust pas fait. Par quoy l'on voit comme à toutes occasions le faict de la Religion est conduit selon la passion & l'intereft des particuliers, qui ont la surintendance de la guerre, & de mesme pour le bien public ou le soulagement du peuple, ainsi qu'on l'a mis en auant en cette derniere leuée d'armes.

Sur ces entrefaites le Roy de Nauarre, qui pour lors estoit près du feu Roy, ne se voyant traité dignement comme il meritoit, voire plustost se voyant mesprisé au prix d'autrui, & qu'on preferoit d'autres à luy aux Charges honorables, spécialement à la garde de la ville de S. Denis, qu'on pensoit que mondit Seigneur deust venir attaquer, s'approchant de Paris: quoy qu'il la recherchast, pour en estimer la garde honorable, & luy appartenir, comme estant le premier & le plus grand Prince près de sa Maiesté, il s'en fâcha; & voyant l'autorité qu'auoient repris les huguenots par l'Edit de paix, il s'esloigna de sa Maiesté, esperant de reprendre, comme il fit, la mesme creance & autorité qu'il auoit eue parmy eux. Ce qui despleut à mondit Seigneur, parce qu'il esperoit de demeurer tousiours leur Chef. Mais se voyant frustré de telle attente, il se resolut de se remettre en autorité près du Roy, pour faire teste aux huguenots, & particulièrement aux Chefs: ce qui luy succeda six mois apres la paix faite, par le moyen de la Reine sa mere, & se rapatria fort bien avec le Roy: se declarant aussi-tost ennemy des huguenots, mesmement depuis les Estats tenus à Blois l'année huiuant 1577. dont s'ensuiuit la guerre contre ceux qu'il auoit quasi ressuscitez l'année precedente, & la leur fit là fort & ferme, allant attaquer & prendre la Charité, comme aussi Yssire en Auvergne, où il traita quelques huguenots plus rigoureusement que beaucoup d'autres n'eussent fait, s'estant rendus à sa discretion: & de là se retira près du Roy à Poitiers, où estoit pour lors sa Maiesté, à laquelle il s'offrit d'aller combattre le Roy de Nauarre, avec esperance de le battre, ou de le faire enfermer dans quelques villes, & l'y tenir assiégué iusqu'à la fin; ou de le poursuivre à la campagne iusqu'au bout, afin de le ruiner, & non pas l'heresie. Mais comme tels desseins furent faits plustost par ambition, afin d'oster celuy qu'il pensoit luy pouuoir faire teste, & l'empescher des'autoriser en ce Royaume comme il desiroit, que du zele de Religion: le feu Roy connoissant aussi tous ses desseins, se laissa aller à l'exemple des grands Prin-

ees cy-dessus alleguez, à considerer plustost son particulier interest, que l'extirpation del'heresie, comme il y estoit affectionné : & pour ce, fit la paix qui s'ensuiuit, audit Poictiers, en Septembre 1577.

Par là donc l'on connoist clairement que les affaires de la Religion ont tousiours esté postposez à ceux de l'ambition, & des passions particulieres; & que si l'interest priué n'eust esté le suiuet des entreprises qu'on a faites, que l'on se feroit fort peu soucié du fait de l'Eglise Catholique, ny du soulagement du peuple.

De cette paix, Monseigneur receut du mécontentement, se voyant frustré de son dessein, lequel augmenta par la diuision des ieunes gens qui estoient prés du Roy & de luy, qui se brauoient les vns les autres: & aussi que mondit Seigneur s'aperceut d'auoir fort peu de credit enuers sa Maiesté: ce qui le fit resoudre de s'absenter de la Cour, comme il fit à Carême. prenant de l'année suiuiante 1578. non sans auoir couru fortune d'estre arresté par le Roy, comme furent aucuns des principaux qui estoient prés de Monseigneur, estant aduertty qu'il s'en vouloit aller en cachette. Et comme il fut esloigné de la Cour, se voyant miserable, il pensa à remuer quelque chose pour s'autoriser. Mais iugeant bien qu'il ne le pouuoit faire en France, pour le peu d'intelligence qu'il auoit avec les huguenots, il presta l'oreille d'aller au secours des heretiques & rebelles du Roy d'Espagne au Pais-bas: sans auoir esgard qu'il entreprenoit vne guerre tres-mauuaise & iniuste, de fauoriser les heretiques à leur reestablishement, & à l'oppression de sa Religion Catholique, & puis des suiuet rebelles contre leur Roy. Ce que toutefois il fit apres l'exemple que luy donna l'Archiduc Mathias d'Autriche, frere de l'Empereur de present, & propre Cousin-Germain du Roy d'Espagne, qui s'estoit rendu Chef des heretiques rebelles de la Flandre, contre ledit Roy d'Espagne, parce que où va l'interest particulier, celuy de la Religion n'est pour rien compté, ny aussi peu celuy du peuple, mesme entre les plus proches parens, comme ledit Prince Mathias, & depuis mondit Seigneur le firent tres-bien apparoir au pays de Flandre. Car apres qu'il eut veu que les Estats dudit pays, ny le Prince d'Orange ne le vouloient autoriser pour leur Duc & Comte, il se resolut de se saisir des meilleures villes de ce pais-là, & entr'autres d'Anuers: ce qui luy cuida succeder, au grand déplaisir des Flamans, avec lesquels deslors il perdit sa creance, & fut contraint de s'en retourner en France en l'année 1580. Cette mesme intention de s'agrandir, sans auoir esgard à ce qui appartient à l'honneur de Dieu, & à soulager le peuple, a esté, & est en l'esprit des chefs & auteurs de ces derniers troubles (combien que l'on ait ce mesme pretexte, & que l'on se soit reuestu de ce manteau diapré & reluisant, pour esblouir la veüe de chacun) car le but de tels zelateurs ne tend qu'à diuiser ce Royaume, & à briser la Couronne d'iceluy, pour s'en emparer chacun d'vne portion à nostre dommage, estimant la pouuoir garder, comme il a esté fait en Italie & Allemagne, en la decadence de l'Empire Romain, cette ambi-

tion estant vne passion qui croist & augmente en l'esprit des personnes avec leur aage.

C'est chose certaine qu'il y a grande difference d'un pretexte, ou d'une cause legitime: car l'une est veritable, solide & bonne; & l'autre est captieuse, instable & pernicieuse.

Si le feu Roy eust esté Apostat tiran, & perfide, on eust peu alleguer quelque occasion de prendre les armes contre luy. Mais estant tout le contraire, ie suis contraint de vous esclaircir de la verité, & vous faire connoistre, si vous ne voulez estre aveugles & sourds, que la premiere proposition est veritable, que les auteurs, & promoteurs de nos guerres civiles ont esté poussez d'ambition, & d'ininterest particulier; & non pas du zele qu'ils ayent eu à l'exaltation de l'honneur de Dieu, ny d'affection de soulager le Peuple, & conserver tous les trois Ordres en leur grandeur & priuileges: & pour ce comme ils se sont veus frustrer des moyens qu'ils souloient auoir pour nous broüiller, ils ont pris occasion sur la mort de Mess. les Cardinal & Duc de Guise, pour faire accroire que le feu Roy fust apostat, tiran & perfide; & tirer de là un nouveau pretexte pour embrouïller nos ceruelles. Dequoy desirant vous esclaircir, ie commenceray à vous discourir sur l'apostasie qu'on a voulu imposer au feu Roy; & puis de main en main, ie reuienderay sur la perfidie & tyrannie.

A cette cause, ie vous prieray de considerer quelle a esté la naissance, education, vie, mœurs, & actions dudit Roy. Chacun sçait premierement qu'il a esté baptisé & nourry catholiquement, & que iamais il n'a esté au Presche heretique, ny fait la Cene à leur mode; aussi n'a-il iamais porté aucune amitié ny faueur aux huguenots; ains au contraire, dès l'aage de seize ans il a commencé à porter les armes contre eux, qui fut apres la bataille de S. Denis donnée en Nouembre 1567. auquel temps le feu Roy Charles son frere luy donna la charge de Lieutenant General en tout son Royaume. Dès ce temps-là, il se mit en campagne avec l'armée de sa Maïesté, pour suiuant celle des Huguenots, conduite par M. le Prince de Condé & l'Admiral de Chastillon, auxquels il donna deux grandes batailles, qu'il gaigna toutes deux en l'année 1569. l'une près de Iarnac, en laquelle fut tué M. le Prince de Condé; & l'autre près de Montcontour, où quasi toute leur armée fut deffaire; & là il monstra son courage valeureux, bien qu'il n'eust que dix-huict ans, son cheual ayant esté porté par terre.

Depuis il continua tousiours à porter telle haine aux Huguenots, qu'il ne voulut iamais en auoir un à son seruice, ce qui le leur rendit fort odieux. Aussi ne cessoit-il de les assieger, & de les traouiller par tous les moyens qu'il pouuoit, pour les tenir éloignez du Roy son frere, & avec la moindre autorité qu'il leur pouuoit faire donner.

Cette haine particuliere qu'il portoit aux heretiques, fut cause de luy fai-

re refuser le mariage qui auoit esté accordé avec la Reine d'Angleterre, à cause de sa religion. Car quelque instance que la Reine sa mere (qui l'aimoit infiniment) luy en peust faire, comme aussi le Roy Charles son frere, il n'y voulut iamais entendre, mesprisant vn si beau & si grand Royaume, pour nese marier, voire s'approcher seulement d'une femme d'autre religion que de la sienne.

Plusieurs aussi ont sceu qu'il n'y eust personne qui resistast plus que luy à la proposition que fit le sieur Admiral de Chastillon au feu Roy son frere, d'entreprendre la guerre contre le Roy d'Espagne au paisbas : & enfin qui poussa plus à la rouë pour faire effectuer la S. Barthelemy, non seulement en la ville de Paris, mais par tout le Royaume. Parquoy estant chose manifeste, & particulierement aux Huguenots, pour l'auoir expérimenté, ie n'en diray autre chose.

Quand il fut esleu Roy de Polongne par les estats dudit Royaume, & comme les articles qu'il falloit qu'il iurast auant que de partir pour aller recueillir cette Couronne, luy furent apportez à Paris par les Ambassadeurs dudit pays, il fut presque en resolution de quitter le Royaume plustost que de les iurer & promettre ; parce qu'ils portoient libreté de conscience à tous les habitans d'iceluy Royaume. Mais comme il luy fut persuadé de le faire, voire presque contraint par le feu Roy, qui desiroit qu'il s'en allast en Polongne, il se resolut avec propos delibéré de les reuoker aussi tost qu'il ieroit arriué en son Royaume, comme il aduint. Car il fut sacré & couronné Roy selon les formes anciennes, sans iurer lesdits articles, & ce par les artifices & les moyens qui y furent apportez : ayant tousiours eu cette ferme opinion & intention, de reduire ledit Royaume à la seule Religion Catholique & Romaine, comme il eut fait, si Dieu ne l'eust appelé à cette Couronne : car il auoit desia proietté les moyens pour paruenir à vne si bonne & si sainte resolution.

Depuis estant de retour en France, il commanda deux mois apres de faire la guerre aux Huguenots de Dauphiné & de Viuarets, & fit prendre la ville de Pouzin par M. de Montpensier : & depuis il enuoya M. le Marechal de Bellegarde assieger Liuron ; & sa Maiesté descendit en Auignon, pour le desir qu'elle auoit de retirer quelques villes que les huguenots tenoient au Dauphiné & en Languedoc ; postposant & ses commoditez particulieres, & le desir qu'il auoit de se faire sacrer, au bien qu'il estimoit apporter à la Religion Catholique par l'affoiblissement des Huguenots, & par la reduction desdites villes en son obeïssance : cuidant le pouuoir aisement faire, pource qu'il les croyoit n'auoir aucun support. Mais comme il les vit vnis avec M. le Marechal d'Anuille, & que l'argent ne leur manquoit pas, il connut bien que d'autres plus grands les supportoient, & que son entreprise ne luy succederait pas si aisement qu'il auoit estimé. Ce qui fut cause de le faire retourner en France, craignant que ceux qui fauorisoient ses enne-

mis, & les heretiques ne luy troublasſent ce Royaume par diuers endroits; eſperant toutefois apres ſon ſacre & arriuée à Paris, de faire telle prouiſion, & de donner ſi bon ordre à ſes affaires, qu'en peu de temps il rangeroit chacun à ſon obéiſſance: & ſ'en alla ſe faire ſacrer à Rheims, & ſe marier avec madame Louiſe de Lorraine, fille de M. de Vaudemont, à Cäreſme-prenant de l'année ſuiuante 1575. & de là ſ'en alla à Paris, d'où toſt apres mondit Seigneur ſon frere ſ'elloigna de luy, comme a eſté dit cy deſſus: qui broüilla beaucoup les deſſeins de ſa Maieſté, & l'empêcha d'eſſectuer ſa delibération. Car par là le party des Huguenots ſe releua, & ſe renforça grandement par l'aſſiſtance de mondit Seigneur; lequel rappella M. le Prince de Condé, & fit venir en France le Duc Caſimir, avec vne grande quantité de Reſſtres Allemans: ce qui fut cauſe d'induire ſa Maieſté à faire la paix, preuoyant de grands malheurs ſi cette guerre duroit contre Monſeigneur ſon frere, veu le meſlange qu'il auoit fait des Huguenots avec les Catholiques aſſociez; iugeant tres-bien qu'il luy eſtoit tres-neceſſaire de diſjoindre mondit Seigneur d'avec les Huguenots. Ces qu'il eſperoit de pouuoir pluſtoſt faire par la paix, que non pas en continuant la guerre. Ioint que mondit Seigneur, qui auoit premedité ſon deſſein, auoit fait ſes pratiques pour la leuée des Eſtrangers, beaucoup pluſtoſt que ſa Maieſté ne pût faire la ſienne; ce qui troubla beaucoup ſes affaires, à cauſe de quoy il fut contraint toſt apres de faire la paix au deſauantage de la Religion Catholique: laquelle il ne fit que pour eſuiter vn plus grand malheur; & pour l'eſperance qu'il auoit de paruenir à cette diſionction, & de faire caſſer l'Edict de paix, par la tenuë des Eſtats qu'à cet effet il intima à Blois à la fin de ladite année 1576. & luy ſucceda comme il auoit ſagement proietté: non ſans grande peine, à cauſe que pluſieurs Deputez auſdits Eſtats ne vouloient entendre à rompre l'Edict de paix, & faire la guerre aux Huguenots: ainſi que pluſieurs de la Nobleſſe & du tiers Eſtat en peuuent rendre bon teſmoignage, auſquels ſa Maieſté en parla pour les induire à ſon intention, comme il fit à la fin. La guerre donc commença contre les Huguenots à Paſques auditan, comme i'ay dit cy deſſus, en laquelle mondit Seigneur eut la charge de l'armée de la Charité & Yſſoire; & M. de Mayenne de celle qui alla en Poitou.

Si ſa Maieſté euſt deſité d'entretenir & d'augmenter l'heretic en ſon Royaume, ou bien de l'agrandir; il n'eũt pas trouué bon que Monſeigneur ſon frere ſe fuſt diſioint d'avec les Huguenots. Il n'eũt pas conuoqué les trois Eſtats en intention de caſſer & annuller l'Edict fait ſix mois auparauant en leur faueur: & il n'eũt pas fait les brigues & les menées ſi continuelles & ſi preignantes, voire ſi preſſantes qu'il fit à l'endroit de pluſieurs Deputez des trois Eſtats, pour les acheminer à luy requerir de rompre l'Edict de pacification qu'il auoit fait, & qu'il n'y euſt plus que la Religion Catholique en ſon Royaume. Ains il

eust plustost fait requerir la confirmation de son Edict par les Estats, que non pas l'aneantissement d'iceluy. Ce qui luy eut esté plus aisé à faire, parce que, comme j'ay dit, l'Ordre du tiers Estat ne vouloit aucunement entendre à le rompre, estant desia fort las des guerres passées, & preuoyant que la charge & la despense de la guerre, & la foule des soldats tomberoient sur luy. La plus grande partie de la Noblesse considerant aussi qu'ils seroient contrains de monter à cheual, d'interrompre leur menage & leur repos, & consommer leurs biens & hazarder leurs vies à la guerre nouvelle qui se feroit, ne pouuoit se laisser persuader à rompre les Edicts, & faire la guerre aux huguenots. Je ne veux autres tesmoins pour l'approbation de mon dire, que ce que plusieurs Deputez des trois Ordres, qui estoient aux Estats en l'année 1577. en peuent dire en leur conscience, quoy qu'ils soient maintenant des plus auant & des plus affectionnez au party de l'vnion, & que lors ils se rendissent tres-difficiles à se laisser persuader de requerir l'entretènement de la seule Religion Catholique : parce que tels tesmoins ne pourront estre iustement reprochez par ceux de leur mesme party, & en ce faisant, l'on iugera comme à tort & sans cause on a voulu calomnier la maiesté de vouloir introduire l'heresie en son Royaume.

Si depuis la Maiesté fit la paix avec les Huguenots, elle y fut induite par la necessité de ses affaires : preuoyant ie ne sçay quelles opinions mises en l'esprit de mondit Seigneur son frere, par l'artifice du sieur de Busli, gentilhomme des plus ambitieux, courageux, & remuans de ce Royaume. D'ailleurs aussi ayant esté aduertý par le sieur d'Auffonuille, desesché expres de la part de Monseigneur de Lorraine, qu'il se faisoit quelques preparatifs de leuée en Allemagne en faueur des Huguenots : d'une proposition fort belle pour essayer les pays de M. l'Electeur Palatin, duquel estoit tuteur M. le Duc Calimir, afin de le retenir de venir en France en faueur des Huguenots, selon qu'ils se vantoient, il enuoya soudainement M. de Guise en la frontiere de Champagne pour traiter avec les Colonels des Reistres qui estoient coustumiers de seruir la Maiesté, afin de retenir vne bonne & grosse leuée de Reistres & Lansquenets prêts à marcher aulustost que la Maiesté l'ordonneroit : ce qui vous doit tesmoigner le soupçon que la Maiesté auoit, & la iuste occasion de faire la paix, se voyant à Poitiers 100 lieues loin de la frontiere de Champagne : laquelle paix neantmoins il fit si preiudiciable & si desaduantageuse pour les huguenots, qu'à la verité elle apporroit plustost vne tacite ruine à leur religion nouvelle, que non pas vn establissement d'icelle, ainsi qu'il se peut voir par l'Edict de paix qui fut alors fait, & par le remuement que les huguenots firent tost apres ; preuoyans leur ruine & desirans d'acquiescer vne plus grande autorité. Si la Maiesté eust eu enuie de les introduire, les accroistre & les establir, il leur eust accordé plus de commodité de s'agrandir qu'ils n'auoient au precedent, & leur eust

baillé pareille ou plus grande liberté que celle qui leur auoit esté donnée par l'Edict precedent fait en faueur de mondit Seigneur. Car lors personne ne le contredisoit. Feuz Mess. le Cardinal de Bourbon, & le Duc de Montpensier s'entremettoient à faire ladite paix, tant s'en faut qu'ils s'y opposassent. Feu M. le Cardinal de Guise l'Oncle assistoit pour lors la Maiesté à Poitiers, & mess. ses Nepueux ne s'y opposerent pas: voire la plus grande partie de la France desiroit plustost la paix que la continuation de la guerre.

Si l'on veut considerer la resistance que la Maiesté fit à feu mondit Seigneur son frere, pour l'empêcher qu'il n'allast en Flandres, en faueur des heretiques & rebelles du Roy Catholique son beau-frere; l'on iugera qu'il n'a pas desiré de les augmenter, n'y de broüiller l'Estat du Roy Catholique: & il n'y a personne qui en puisse mieux parler que monsieur de Villeroy lors secretaire d'Estat, & monsieur de Vuideuille qui manioit toutes les finances de la maiesté, & qui sont de present du Conseil de la sainte vnion: comme aussi monsieur Brulart cy deuant Secretaire d'Estat, & monsieur de Bellicure, qui peuuent bien tesmoigner que l'intention de la maiesté ne fut iamais d'approuuer le voyage de mondit Seigneur en Flandres, quoy qu'elle eust esté amplement aduertie de l'assistance que le Roy d'Espagne auoit faire à monsieur le Marechal d'Anuille: & des offres d'argent faites au Roy de Nauarre, pour l'assister à broüiller ce Royaume, & non pas d'en extirper l'heresie.

Que si depuis la maiesté se laissa aller à faire chose contre sa volonte, deux occasions preignantes en furent cause: l'une, la menace que mondit Seigneur faisoit de faire la guerre en son Royaume, s'il l'empeschoit de la faire aux pays estrangers: ce que la maiesté desiroit d'esuiter; parce que n'ayant point d'enfant, & ayant peu d'esperance d'en auoir, il tenoit mondit Seigneur comme pour son vray heritier, & ne desiroit qu'il se rendit son ennemy, ny qu'il luy donnast occasion de se mettre en peine de faire ce que le Roy d'Espagne auoit fait à son fils: & aussi peu à ses fuiets de se rebeller contre luy. Parce qu'estant le vray heritier de sa Couronne, il craignoit que des plus grands, des moindres & des petits de ce Royaume ne l'assistassent pour l'esperance future. L'autre occasion estoit le respect & l'obeissance qu'il portoit à la Reine sa mere, laquelle tant pour la crainte qu'elle auoit de voir ses deux enfans animez entre eux, qu'aussi pour le desir qu'elle auoit de se venger du Roy d'Espagne, à cause qu'il s'estoit emparé par force de la Couronne de Portugal, au preiudice de la succession qu'elle y pretendoit, auoit fait dresser vne grande & puissante armée nauale, pour tascher de recouurer ledit Royaume de Portugal, ou partie d'iceluy. Pendant lequel temps elle estoit bien-aïse de tenir le Roy d'Espagne empesché en son pays de Flandres, pour donner plus de commodité à son armée nauale de faire quelque bon effet.

Si en cela on peut blâmer le feu Roy, ce sera en l'obeissance qu'il

a portée à la Reine sa mere, & au respect qu'il a eu de ne brouiller son Royaume, & de ne se voir en vne guerre cruelle contre son propre frere, & l'heritier de sa Couronne. Car comme j'ay dit, il ne trouua iamais bonne l'entreprise que mondit Seigneur fit en Flandres : pour la volonté qu'il auoit de viure en paix & en amitié avec le Roy son beau-frere. Aussi que pour dire vray, il ne desiroit pas que mondit Seigneur son frere s'augmentast au pays de Flandres, par le moyen des heretiques de ce pays-là ; craignant que par apres il ne rebrouillast en son Royaume, & que par l'assistance des Huguenots d'iceluy, il ne le brouillast grandement.

Tout ce qu'on pourroit alleguer avec quelque apparente occasion que sa Maiesté ait fait mal à propos, a esté la prolongation donnée aux Huguenots en l'an 1582. de rendre les villes de seureté qu'ils auoient pour cinq ans seulement. Car il eut beaucoup mieux fait, à mon iugement, de ne le faire point : mais cette faute proceda de l'autorité qu'auoient quelques personnes aupres de sa Maiesté, qui desiroient de luer la substance de ses finances, & de s'establis près d'elle au dommage des Princes, Officiers de la Couronne, & des vieux Capitaines de ce Royaume ; considerant fort bien que si le Roy entroit en guerre, il seroit contraint d'employer ses finances à l'entretienement d'icelle, & en ce faisant le moyen leur seroit osté de souler leur ambition.

Veritablement ie ne puis approuuer telle prolongation ; car sa Maiesté ne la deuoit aucunement faire, & encore moins à l'appetit de ceux qui desiroient plustost la ruine de son Royaume, que la grandeur de l'autorité & reputation de leur Roy. Neantmoins pour sa deffence ie diray, que pour telle ptolongation qu'il leur donna, l'on ne peut iustement tirer en consequence que ce fust en intention de les vouloir introduire & establis. Car il ne leur accorda chose de grande importance, que la prolongation de la restitution des villes qu'ils tenoient pour seureté, ce qui, ce me semble, ne peut auoir donné vne vailable occasion de croire ny d'alleguer qu'il ait voulu introduire & establis l'heresie en son Royaume. Parce que s'il eust eu cette volonté, il eut aussi bien augmenté l'autorité aux Huguenots comme de donner ladite prolongation. Mais comme il voyoit que les villes de seureté qu'il leur auoit accordées, estoient routes habitées de peuple huguenor, qu'elles estoient tres-fortes, & en pays difficile à recouurer sans vne grande & vne forte armée ; il se contenta de n'augmenter pour cette fois leur pouuoir & leur credit, qu'il auoit de tous temps tasché de leur diminuer, comme il faisoit, en leur retranchant les commoditez & les moyens de se conseruer en l'estat auquel ils estoient : ainsi qu'il s'estudioit iournellement de faire.

Et de fait l'une des principales occasions pour laquelle il institua l'Ordre du S. Esprit en l'année 1579 fut pour détourner les Princes, les Seigneurs & Gentilhommes d'esperer de luy aucun honneur ny bien.

fait estant heretiques ; comme il se voit par l'institution dudit Ordre, articles 8. 9. & 10. & particulierement par le serment, ou plustost vœu que l'on faisoit en iceluy, qui seront en fin transcripts. A quoy il tenoit si exactement la main, qu'il ne se donnoit ny conféroit aucun honneur, charge, estat, office, benefice, & don à pas vn huguenot, ainsi que chacun l'a reconnu.

Je diray dauantage, qu'il ne se trouuera pas que depuis le dernier Edict de paix il ait donné aucun estat de President ny Conseiller, tant de Parlement que Iuges inferieurs, à aucun qui fut huguenot, ains au contraire, auparavant que d'estre receu en l'estat de Iudicature, les premiers Presidents des Cours souueraines leur faisoient faire protestation & profession de foy en la Religion Catholique, Apostolique & Romaine, mettant la main sur le tableau du Crucifix qui est en leur chambre.

Autant en puis-je dire des Officiers de finances. De mesme des Notaires & Sergens.

Et quant aux charges plus honorables pour le soustenement de la Couronne, on sçait assez qu'il n'en a pas conféré vne seule à aucun huguenot, soit de l'estat des Mareschaux de France, grand maistre de l'artillerie, Admiral, General des galeres, grand Escuyer, Colonel de la Cavalerie legere, & de l'Infanterie, Mareschal de camp en tiltre d'office, lesquels il a conféré durant quinze ans qu'il a regné. Aussi peu a-il donné aucune charge de Gouvernement de Prouince à pas vn huguenot, quoy que de son temps il en soit vacqué plusieurs : & non seulement telles charges principales, mais la Lieutenance generale en pas vne Prouince, ny vne simple Capitainerie de place frontiere, ou forte, ou d'importance. Et quant aux Compagnies des Gens-d'armes, qui sont au nombre de deux cens, l'on pourra dire qu'il en a conféré quelques vnes à des Huguenots : ce que i'aduoüeray estre veritable. Mais l'on ne m'en nommera pas vne demie douzaine : & qui plus est, on ne trouuera pas qu'une seule d'icelle ait fait monstre, ny qu'il s'en soit seruy : car il ne les a iamais conféré, sinon en faisant traité de paix, afin de les contenter du tiltre & de l'honneur sans effet.

Quant aux quatre estats de maistres de camp ordinaires des gens de pied, qui ont vacqué beaucoup de fois, vous ne trouuerez point qu'il en ait iamais conféré vn seul à pas vn huguenot. Je pourray bien aduoüer qu'il a quelquefois conféré quelque estat de maistre de camp extraordinaire à personnes de legere creance, ou libertins ; mais non pas huguenots : car ils ont tousiours esté à la Messe avec luy, & n'eussent osé faire autrement aupres de luy, de peur de perdre leur estat. Je diray de mesme des Capitaines de gens de pied, qu'il a créé en nombre infiny.

Et pour ce qui concerne les estats proche de sa personne, c'est chose assurée qu'il a tousiours composé son Conseil d'Estat de personnes tous Catholiques. Quand M. le Chancelier de Birague fut fait Cardinal,

dinal, & que sa Maïesté trouua bon de donner les Sceaux à quelque autre, il ne les bailla point à vn sectaire de l'opinion du Chancelier l'Hospital, pour faire bigarrer (comme luy fit de son temps) les Parlemens, les Bureaux des Thresoriers de France, les Sieges Presidiaux & Royaumes de personnes heretiques; ains il mit les Sceaux en garde entre les mains de M. de Chiuerny, qui depuis a esté Chancelier, homme éloigné de toute heresie. Depuis quand il luy a pleu de prendre les Sceaux entre ses mains, il les a baillé en garde à M. de Monthelon Aduocat à Paris, homme que sa Maïesté ne se souuenoit iamais d'auoir veu, ny moins parlé à luy, lequel toutefois il alla choisir parmy toutes les personnes de robbe-longue de son Royaume, pour le bruit que sa bonne renommée luy auoit acquis d'estre homme de bien, homme entier & incorruptible, homme paisible, esloigné d'ambition, qui ne s'est iamais entremis en faction quelconque; mais sur toute chose craignant Dieu, fort passionné & affectionné à la manutention & exaltation de la Religion Catholique, & extirpation de l'heresie: qui estoient les principales qualitez que le Roy desiroit en luy. Car il scauoit tres-bien qu'il n'auoit iamais voyagé, & qu'il ne s'estoit iamais entremis à manier affaires d'Estat, & aussi peu du trietrat & de la cabale des Finances; ains seulement à plaider les causes de ses parties, & consulter tous les iours à la maniere accoustumée aux Aduocats anciens du Parlement de Paris.

Quand les Estats des Capitaines des cent Gentilshommes de la Maison du Roy ont esté vacans, il les a donné à personages Catholiques. Aussi est-il certain qu'il a renouellé tous les Capitaines de ses Gardes, & neantmoins il n'en a iamais donné vn seul à autres qu'à bons Catholiques; voire n'a pas permis ausdits Capitaines des Gardes de conferer aucun Estat d'Archer à personnes qui ne fussent Catholiques. De meisme a-il fait de l'Estat de grand Preuost de son Hostel, qui est vne charge grande & importante à la Cour d'un Roy. Pareillement des Estats de premier Gentilhomme de la Chambre, Maistre de la Garderobe, de premiet Escuyer & grand Marechal des Logis, qu'il n'a iamais conféré qu'à personnes tres-catholiques. Les Estats de premier Maistre d'Hostel, & de Maistres d'Hostel qui ont vaqué en grand nombre, il les a tousiours donné à personnes tres-catholiques. Nul Escuyer d'escurie ny Gentilshommes seruans, autres que Catholiques, ne l'ont iamais seruy; non plus que les Valets de chambre, Porte-manteau, & Valets de garderobe, iusques aux Laquais, & particulièrement tous les Officiers de sa bouche: car les Maistres d'Hostel auoient charge expresse de n'y receuoir aucun Chef-d'office ou Aide, qu'il ne prestast le serment entre leurs mains d'estre Catholique, & de viure catholiquement selon la Religion Apostolique & Romaine. L'Estat de Capitaine de la Porte de l'Hostel du Roy, quand il a vacqué, n'a iamais esté donné qu'à Gentilhomme Catholique. Et

quant aux Estats de Gentilhomme de la Chambre, si au commencement de son regne il en a donné quelqu'un aux Huguenots, ça esté fort peu, & encore en faisant les Traitez de Paix pour les mesmes occasions que j'ay dit cy dessus des compagnies de Gens-d'armes. Mais si l'on veut fuiciller les comptes des Thresoriers, l'on trouuera qu'ils ont esté aussi peu payez qu'ils ont seruy. Et de fait lorsque la Maiesté vint à faire les reglemens de sa maison, il les cassa tous, & ne prit que Gentilshommes tous Catholiques. Finalement il institua vne Garde nouvelle, que l'on appelloit les quarente cinq Gentilshommes ordinaires, parce qu'ils le suiuoient toute l'année en tous lieux où la Maiesté alloit, desquels il n'en prit vn seul qui fut huguenot : telmoignage tres-suffisant de l'interieur de ce Prince, lequel on ne scauroit contredire, sinon que pour vn certain petit Architecte nommé du Cerceau, que par faute d'autre il prit à son seruice en l'année 1575. lorsque la Maiesté estoit en si grande affection de faire bastir vne maison de plaissance autour de Paris: pource que ce petit homme pourtrait fort bien, & mieux qu'homme qui soit en France, & estoit diligent, actif & soigneux aux commandemens qui luy estoient faits, & aussi que la Maiesté estoit contrainte de se seruir d'un Peintre qui souloit faire des inuentions pour des masquarades & tournois, nommé de Magny, residant à Paris, lequel tant pour son âge, qu'aussi pour ne se connoistre gueres au fait de l'architecture, & auoir la main rude pour en dresser les pourtraits, ne pouuoit satisfaire au gré de la Maiesté, & estoit contrainct de faire traualier sous luy ledit du Cerceau, qui estoit vn ieune garçon, fils de du Cerceau Bourgeois de Montargis, lequel a esté des plus grands Architectes de nostre France. Et par ce moyen il fut introduit au seruice de la Maiesté, sans qu'elle le reconneust pour Huguenot : & depuis il fut fauorisé par la Maiesté à cause de sa suffisance & diligence; parce qu'aussitost qu'elle luy auoit ordonné de faire quelque chose, il le mettoit à execution. De sorte que comme il se départoit d'auec le Roy, il s'en alloit dresser ses pourtraits, & faire traualier les Massons, Charpentiers, Menuisiers, & autres Artisans, & il ne reuenoit à la Maiesté, qu'elle ne le remandast pour faire quelque autre nouveau pourtrait, ou bien qu'elle mesme n'allast voir traualier les Ouuriers. Tellement que le reproche que l'on pourra faire, que la Maiesté se seroit seruie de ce petit homme, ne pourra pas faire accroire qu'elle fust huguenotte en son cœur, ou qu'elle eust enuie d'auancer les Huguenots. Car ie diray avec verité que ledit du Cerceau a bien fait penitence en sa charge, ayant fait plus de pourtraits de monastres, Eglises, Chapelles, Oratoires, & Autels pour dire la Messe, que iamais Architecte en France en ait fait en cinquante ans; & non seulement il les a faits en papier, mais il les a fait faire de bonne pierre & maçonnerie, ainsi que ie diray tantost en son lieu. Et quiconque l'aura connu, iugera qu'il n'estoit pas homme pour auancer

l'opinion nouvelle des Huguenots, ny pour en imprimer aucune chose en l'esprit du feu Roy. Car luy mesme ne sçauoit que la simple ereance que dès la mammelle il auoit apprise de ses pere & mere, parce qu'il n'auoit iamais estudié; aussi ne parloit-il iamais du fait de la Religion deuant qui que ce fut, tant s'en faut qu'il l'eust osé faire deuant sa Maiesté ny aucun de sa suite; pource que le Roy ne l'eust aucunement enduré, & ne vouloit presque pas que ledit du Cerceau pensa que sa Maiesté sceust qu'il fust Huguenot. Car il traitoit ordinairement avec luy de la construction des Monasteres, des Eglises, & lieux sacrez, en la presence mesme des Religieux & gens d'Eglise, tout ainsi que s'il eust esté des plus grands Catholiques du monde. Et de fait il ne bougeoit ordinairement d'avec les Capucins, Minimes, Fucillans, Iesuites, & autres Religieux & Prestres, avec lesquels la Maiesté luy auoit commandé de conferer, pour dresser les bastimens & Eglises à leur commodité. Lesquelles personnes Ecclesiastiques seront bons tesmoins, si l'on a iamais oüy dire audit du Cerceau aucune parole heretique, ny faire acte d'heretique. Ce que i'ay esté contraint de dire si particulierement, parce que ceux qui ont voulu quelquefois blâmer les actions du feu Roy, sont tombez sur la personne dudit du Cerceau, par faute de meilleur suiet.

I'allegueray encore sur ce propos l'autorité des plus sçauans Theologiens de la France: Que le feu Roy avec saine conscience se pouuoit seruir dudit du Cerceau, puis qu'il luy estoit personne necessaire à ses œuures pieuses, & mesmes d'autant qu'il n'eust peu trouuer autre qui l'eust seruy si bien & si à propos, comme luy. Car il auoit esperance par la faueur & la conuersation qu'il feroit avec luy, qu'il se conuertiroit, & non pas qu'il se fust endurcy en son erreur, ou qu'il peust seduire ny attirer pas vn des seruiteurs & suiets de sa Maiesté à son opinion. Ce que ie m'assure que tous Theologiens m'accorderont pour chose veritable & permise à vn Roy tres-Catholique.

Lorsque l'estat de Cheualier du Guet de la ville de Paris a esté vacant, & la Capitainerie de la Bastille, il a conferé ces estats à personnes Catholiques, habituez en ladite ville, & bien aimez & apparentez des habitans d'icelle. Je diray encore iusques aux estats de Preuost des Marechaux, il les a tous conferé à personnes Catholiques.

Ie vous presenteray aussi que iamais la France n'a esté si bien pourueüe d'Euesques sçauans, grands Predicateurs & tres-Catholiques, qu'elle a esté durant le regne du feu Roy, & s'il y en a eu quelq'vns simoniales, ils ont neantmoins esté des plus constans & opiniastres en la Religion Catholique, quiayent iamais esté, & plus contraires aux Huguenots.

Bref vous ne trouuerez point qu'il ait conferé les Eueschez ny les estats de Iudicature, de finances; & particulierement les Offices de la Couronne, les estats pour la force & la conseruation de son Royaume

qu'à personnes Catholiques. Que si ie n'eusse craint de vous ennuyer, i'eusse cotté le nom de la plus-part de ceux à qui sa Maiesté a conféré les Benefices, Offices & Estats de son Royaume.

Ie vous représenteray encore les Monastères qu'il a fait edifier & fonder, aux Capucins, Feuillans, Bons-hommes bois de Vincennes, & Penitents au couuent des Augustins; & vn autre qu'il auoit bien auancé, où souloit estre le parc des Tournelles, qui sont cinq, en quatre desquels le seruice de Dieu est continuellement fait; & le seroit au cinquiesme, si l'on ne l'eust contraint de sortir de Paris en May de l'an 1588.

Voyez les beaux liures de deuotion, comme diuerſes sortes d'Heures, Plautiers, Missels, Breuiaires, & entre autres, vn Breuiaire de deux volumes in folio qu'il a fait imprimer en tres-beaux & tres-grands Caracteres. Où sont les catéchismes & institutions heretiques qu'il a fait imprimer pour seduire ses ſuiets; comme font les Princes qui ont enuied'imprimer en la fantaisie des leurs vne nouuelle doctrine, contraire à celle qu'ils tiennent. Car il n'y a plus grande poison, que de donner liberté d'imprimer & vendre des liures heretiques. Ce que tant s'en faut que sa Maiesté ait permis, qu'au contraire elle en a rigoureusement deffendu l'impression & la vente; & en a fait faire d'autres tout contraires à l'institution de Caluin.

Si l'impression est reconnüe, comme à la verité elle est, tres-dangereuse; l'institution des ieunes enfans l'est encore plus. Ce que sa Maiesté connoissant, non seulement abolit les Ecoles permises aux Huguenots par le traité de Paix, mais a tousiours pourueu aux Estats de les vniuersitez de personnaiges tres-sçauans, & Catholiques, ainsi que les Docteurs & Regens desdites vniuersitez l'ont bien connu, & en peuuent porter bon tesmoignage.

Pour le regard de son institution, l'on ne dira pas qu'il ait oncques approché près de luy aucun Ministre heretique pour le catechiser en l'heresie; mais au contraire il a voulu tousiours aupres de luy le Pere Emond Auger Iesuite, reconnu pour homme des plus fermes Catholiques du monde, comme il l'a fait paroistre, tant par ses Escrites contre les Caluinistes, que par ses autres deportemens aux premiers troubles en la ville de Lion; & depuis par tout où il a presché. De mesme il a retiré près de luy par diuerſes fois, le Pere Claude Mathieu Iesuite, auquel il fit conſeillon generale de toute sa vie si deuotieusement, que ledit Pere en demeura non moins estonné que tres-satisfait.

Aussi Monsieur de S. Germain Euesque de Cefarée, & depuis Abbé de Chailly n'a bougé depuis d'auec sa Maiesté pour l'assister au fait de la conscience: comme aussi a fait Monsieur l'Euesque d'Auxerre grand Aumosnier de France, personnage de grande doctrine, & tres-catholique, lequel comme les susdits, pourra rendre suffisant & ample tesmoignage, si en son esprit est iamais entré vne seule scintille d'heresie

ou de volonté de fauoriser ou aggrandir les heretiques. Ils ont plustost reconnu en luy vne par trop grande assiduité à eriger & instituer les ordres & reglemens des confreres des Penitens, de ceux du bois de Vincennes, & sur tout du S. Esprit; & de luy mesme vacquer plus qu'il ne deuoit à telles deuotions, que non pas à penser d'augmenter l'herésie en ce Royaume.

Les continuelles deuotions qu'il a faites, à ouïr de grandes Messes, & Vespres tous les iours, & quelquefois des heures canonialles: la Communion qu'il a faite du precieux Corps de Nostre Seigneur quasi tous les Dimanches d'une bonne partie de son âge: les abstinences de manger chair trois ou quatre fois la semaine, outre le Carefme, non-obstant qu'il luy fût grief, parce qu'il ne mangeoit que d'une seule sorte de poisson, qui estoit la sole: Les ieunes qu'il a fait quelquefois en Carefme, & particulièrement les Vendredis Saints ne mangeoit que du pain seul avec de l'eau, y ayant ordinairement fait tous les Carefmes sans les rompre, voir sans manger seulement des œufs: Les pelerinages qu'il a fait à pied, & avec grande incommodité de sa personne, tant & tant de fois en diuerses Eglises dediées à Nostre-Dame de Clery, à Chartres, à Liesse, à Boulongne: Les presents qu'il a faits à Nostre Dame de Chartres: & particulièrement à l'entiere resfection de l'Eglise de Nostre-Dame de Clery ruinée du tout par les Huguenots, telmoignent assez si ses actions ont esté heretiques, ou dignes d'un Prince Catholique & tres-zelé à sa Religion.

S'il eust esté Apostat, eust-il fait tant de deuotions particulieres & secretes, iusques à se donner en secret luy-mesme la discipline, plus que sa complexion ne le pouuoit supporter, afin d'appaiser Dieu des fautes & pechez qu'il faisoit comme homme charnel; ce qui n'apportoit pas toute-fois preiudice au fait de la Religion, ains à luy seul.

Si ce bon & tres-Catholique Roy eust eu la moindre intention du monde d'exalter l'herésie en son Royaume, qui l'eust contrainct de partir de Paris avec cinquante cheuaux, & s'en aller de propos delibéré en la ville de Gien, pour y faire amas de tout ce qu'il pourroit de gens de guerre, afin de faire teste à l'armée si formidable qui venoit contre luy des Reistres, Allemans, & Suisses. Car en premier lieu, il n'auoit pas vn sol; & quelque zeile de Religion qui fut en la bouche de plusieurs personnes, voire des principaux de Paris, qui connoissant fort bien la sainte & magnanime resolution que sa Maiesté auoit faite d'aller en personne combattre ladite armée, iamaïs ne parlerent de luy donner, voire tant seulement prester vn seul liard; non pas dis-je de mettre quelques deniers entre les mains de personnes establies par tels zelateurs, pour s'en les distribuer qu'aux gens de guerre qui actuellement seroient en l'armée, ainsi que deffors il fut proposé, si tant est qu'ils eussent crainct que leur argent eust esté employé à d'autres effets. Car l'on ne desiroit pas de chasser l'heretique ny l'herésie; mais bien donner

autorité à autrui de commander à l'armée, & faire tomber à mespris leur Roy legitime & souverain. Tant y a que si c'eust esté pour donner argent à quelq. autre pour s'aggrandir, il ne faut douter qu'ils l'eussent deslors fait aussi facilement qu'ils ont fait depuis. Mais pour le respect & service de leur Roy, & pour les employer contre vne si grande armée heretique, jamais personne ne voulut entendre à fournir vn seul denier à sa Maïesté. Laquelle desesperée de tel secours humain, se resolut d'implorer le diuin & supernaturel. Ainsi se confiant en la bonté diuine, continuant son dessein, assembla des forces ce qu'elle pût en la dite ville de Gien, tandis que la susdite armée s'auançoit du costé de la Riuiere de Loire, avec certaine assurance de la passer pour s'en aller en Poitou & Xaintonge, & s'y rafraichir par le moyen de plusieurs villes que les Huguenots tenoient audit pays, & receuoir commodité de viures & d'argent, & se renforcer d'autant plus, non seulement par les troupes que le Roy de Nauarre, & M. le Prince de Condé auoient assemblées, & avec lesquelles ils venoient de gagner la bataille près de Coutraz contre M. de loyeuse; mais avec d'autres qui leur deuoient venir de Languedoc & de Guyenne, qui eussent tellement accru leur armée, qu'il eust esté impossible à sa Maïesté de les pouuoir combattre; non seulement pour l'inegalité des forces, mais pour l'auantage que leur eut apporté grand nombre de villes qu'ils tenoient audit pais, comme dit est: ce que sa Maïesté preuoyoit fort bien, & qu'il luy seroit impossible de les pouuoir attaquer sinon avec vn tres grand desauantage, voire par vne perte manifeste de luy & de son armée: chose qu'il n'eust iamais esté conseilé de faire. Par consequent donc se fut ensuiuy bien tost la dissipation de sadite armée, particulièrement de la Gendarmerie: parce que n'ayant moyen de luy payer seulement vn quartier, chacun se fust voulu retirer en sa maison, apres auoir seruy trois ou quatre mois sans payement, & d'autant plus n'ayant esperance de combattre les ennemis: qui sont les deux liens coustumiers de retenir la Noblesse Françoisse en vne armée. A raison dequoy le Roy fust demeuré tout seul avec ses Suisses, & contraint de se retirer, voire enfin de faire vne paix plus honteuse pour luy, & auantageuse pour les Huguenots, qu'il n'en auoit encore esté fait.

Au contraire sa Maïesté iugeoit que si cette grande armée estrangere estoit arrestée sur le bord de Loire, qu'elle se desferoit d'elle mesme dans trois ou quatre mois. Parce que n'ayant les Huguenots aucunes villes à leur deuotion de là Loire, ils ne pourroient receuoir aucun rafraichissement ny commodité quelconque de viures, ny d'autres necessitez: ce qui incommoderoit grandement vne armée quand elle en a fait. Outre ce qu'ils seroient contraints de laisser cōper la gorge à leurs malades & blesez par les Paisans des lieux d'où ils délogeroient, pour n'auoir aucune retraite seure pour eux. Car apres Noël que les granges auroient esté presque vuidées, ils ne trouueroient plus dequoy

viure à la campagne, & n'auroient moyen de recouuter estapes d'aucunes villes: de sorte que par la famine de viures, & disette de toutes sortes d'habillemens pour l'homme, fers pour les cheuaux, argent pour payer les soldats, ladite armée de ses ennemis fonderoit iournellement à veuë d'œil, comme neige au soleil, mesme pour le long & continuël rrauil qu'ils auroient eu durant six ou sept mois, cheminans parmi les champs avec la pluye, & les autres iniures du ciel & de la terre, que la saison de l'huiuer apporte; mesme quand elle seroit tenuë de pres par l'armée de sa Maieité, qui l'empeschoit de s'écarter pour chercher des viures & des commoditez. Comme sa Maieité enfin delibera de faire, afin d'abreger rant plus leur ruine: ou bien s'ils estoient contraincts de s'écarter pour chercher à viure, recevoir belle commodité de deffaire aujourdhuy l'une des troupes écartées, & demain l'autre: & continuer ainsi iusques à leur totale ruine. Et pour ce faire sa Maieité ordonna à M. de Beaulieu, Commissaire Genetal des viures par tout le Royaume, de luy faire prouision de pain, chair & auoine pour viure quinze iours, durant lesquels elle esperoit faite campet son armée tout proche de celle de ses ennemis, pour la faire mourir de faim, ou la tailler en pieces: ce qui estoit aisé à faire par la commodité que sa Maieité auoit de grand nombre de bonnes villes, & des passages des riuieres.

Lequel discours comme il estoit tres veritable, & rempli de belles, grandes, & pertinentes raisons (ainsi que tout sage Capitaine le iugerait) sa Maieité le connoissoit, le disoit, & dressoit les actions pour paruenir à tel dessein. Et pource se resolut de se hazarder d'empescher ce passage de Loire à ladite armée, parce qu'en ce faisant, il attendoit leur certaine ruine, sans faire courir aucun danger à sa Noblesse, & à sa Couronne. Parquoy comme ce grand tonnerre venoit éclattant par tout sans aucun contredit, d'autant que les forces que feu M. de Guise auoit à la suite de leur armée, n'estoient bastances pour les diuertir de branquetter les petites villes, & de continuer leur chemin; sa Maieité se resolut, combien qu'elle n'eust les deux tiers des forces de gens de pied approchantes de celles de ses ennemis, ny le quart de la Cavalerie qu'ils auoient, d'aller se presenter de l'autre costé de la riuere de Loire, en vne petite bourgade nommée Leté, entre Cosne & Neufuy sur Loire; où il y auoit gué tres-facile pour passer toute vne armée, sans que les soldats se mouillassent à demy pied près de la ceinture. Car lors il fit vn temps si sec, qu'il rendit la riuere de Loire aussi basse qu'elle fust iamais en temps d'esté, & au mesme instant pourueut sa Maieité à la seuteté de la ville de la Chérité, en laquelle sans doute les Huguenots auoient intelligence, par le moyen d'un Meusnier & d'autres les adherans: qui fut interrompuë par la sage preuoyance & prouision soudaine que sa Maieité y fit deux iours deuant, ainsi que chacun l'a sceu. Car ils vindrent la nuit se presenter autour de ladite ville, pour effectuer leur dessein, ne cuidant que desia M. de Rochefort la Croisette

estoit entré dedans, & M. le Comte de Grand-pré arriué le soir sur les fosses d'icelle avec son regiment de gens de pied, qui rompit l'exécution de l'entreprise; comme aussi fit la presence de sa Maiesté le passage de ladite Riuiere, avec l'industrie de laquelle Mess. les Mareſchaux de Rets, d'Aumont, Mess. de la Guiche grand maistre de l'artillerie, & de la Chappelle des Vrfins vſerent à rompre certains gueuz qui estoient en ladite Riuiere, entre Pouilly & Bony. Mais sur tous de celui qu'on appelle des pleurs vis à vis du camp de Leré, où estoit sa Maiesté, par où les ennemis auoient resolu de passer le iour ensuiuant: si M. de Neuers ne l'eust rompu durant la nuit, avec vne fort belle & facile inuention qu'il trouua soudainement, aussi-tost que le Roy luy eust fait le commandement de s'employer à le rompre, & fortifier, comme il fit toute la nuit fort industrieusement avec des chesnes longs de cinq à six toises, gros seulement comme la cuisse, qu'il fit soudainement couper, & oster la pointe & les branches iusques à trois pieds près du corps de l'arbre, lesquels il fit porter aussi-tost que la nuit commença dans ledit gué; mettant les pointes des arbres auant l'eau, & le gros bout contremont; afin que ces troncs de branches s'enfonçassent dans le sable ou la terre, arrestant le corps de l'arbre avec vn gros quartier de pierre de taille qu'il y fit attacher, pour luy seruir d'ancre à le tenir suiet: & en outre fit ietter plusieurs herſes attachées avec des pierres dans ledit gué pour donner tant plus d'empeschement, & empestre les iambes des cheuaux, au cas qu'ils euſſent voulu essayer de passer: & sur le bord du coſté du Roy, il fit faire vn beau retranchement flanqué avec ce peu de gabions qu'il auoit pû soudainement faire faire, & les barriques qu'il auoit recourées qui deſſendoient fort bien, & avec tres-grand auantage le passage susdit. Lequel comme il eust esté reconneu le matin ensuiuant par les ennemis, & veu en bataille de l'autre coſté de la riuiere sa Maiesté en armes avec l'armée qu'il auoit pour les combattre, s'ils euſſent esté si temeraires que d'essayer de passer; ils se resolurent de couler au long de la riuiere, & s'en aller gaigner la Beauſſe, comme ils firent. Dequoy sourdit vne grande rumeur entre les Estrangers, & les François qui les conduisoient: ce qui cuida engendrer vne ſedition parmi eux, si elle n'eust esté appaisée par l'industrie de leurs Chefs, & l'esperance qu'ils leur donnerent d'vn autre passage de la riuiere de Loire plus bas: auquel ils diſoient que le Roy de Nauarre, & M. le Prince de Condé les viendroient renecontrer avec grandes forces & argent.

Si sa Maiesté eust eu tant soit peu de volenté de fauoriser les Hu-
guenots, il eut eu beau moyen de le faire à l'heure, ſans que perſonne
l'en eust pû blaſmer. Car perſonne ne luy eut oſé conſeiller de partir de
Paris ſans argent & ſans hommes, pour s'opposer à vne armée ſi for-
midable. D'ailleurs quaſi tous deſiroient qu'il demeurast, & qu'il enuoyast
toutes ſes forces entre les mains de Monſieur de Guiſe pour en diſpo-
ſer à ſa volenté; ce qu'il eut pû faire s'il eust eu enuie de fauoriser ladite
armée

armée : parce qu'il eut effectué le desir de la plupart des personnes qui se disoient tous zelez à l'honneur de Dieu; & en ce faisant il eut entièrement accommodé les affaires des huguenots. Car ladite armée ayant déjà pris le deuant de la troupe qu'auoit mondit Seigneur de Guise, il ne la pouuoit plus arrester ny deuaner, combien que sa Maiesté luy eust enuoyé les Suisses, les gens de pied, & la Cavalerie qu'il auoit : de sorte qu'il n'eust empêché le passage de Loire, comme fit tres-bien sa Maiesté avec sa presence; parce qu'elle s'en alla, comme j'ay dit, droit en ladite ville de Gien, où elle assembla toutes ses forces qui venoient de l'autre costé de Loire, de la Bretagne, Normandie, Lyonnois, Dauphiné, Bourbonnois & Auvergne. Comme aussi les 8000. Suisses qu'elle auoit fait leuer, qui n'arriuerent que six iours auparauant les ennemis, quelque diligence dont sa Maiesté vsa pour les faire halter. Avec lesquels sa Maiesté s'opposa à ses ennemis, & leur empêcha le passage si à point nommé, que si elle eust retardé deux iours seulement, ils eussent pris la Chérité, & fussent passez à gué, sans qu'il eût plus esté au pouuoir du Roy de les en engarder. Ce qui demonstre bien que si lesdits 8000. Suisses fussent retournez vers la Lorraine pour s'aller ioindre avec M. de Guise, qu'outre le danger grand qu'ils eussent couru, ils n'eussent de rien seruy à mondit sieur de Guise pour empêcher le passage de la riuere de Loire, veu qu'il estoit à la queue de ladite armée, & qu'il est bien mal-aisé à vne armée de gagner le deuant de l'autre sans la combattre, pour le grand détour & le long chemin qu'elle est contrainte de faire, comme il eut fallu faire à mondit sieur de Guise, s'il eust voulu s'opposer audit passage. Et quand bien il eût eu avec luy toutes les forces que le Roy auoit assemblées à Gien, il n'eut esté assez fort pour entreprendre de l'attaquer, & donner vne bataille à l'armée des ennemis, parce qu'elle estoit beaucoup plus forte que la sienne : au moyen de quoy il n'eut pû l'empêcher de venir sur le bord de la riuere de Loire, & de la passer à son aise.

Iugez, ie vous prie, par cet acte magnanime & sage que le Roy fit, s'il a eu volonté d'agrandir les Huguenots, ou de les affoiblir. Car il pouuoit sans endommager sa memoire & sa reputation, demeurer à Paris par faute d'argent & d'hommes, & laisser les forces qu'il auoit, entre les mains de M. de Guise; & par ce moyen donner commodité à ladite armée de passer en Poitou, & faire ce que bon luy eut semblé; & laisser tomber tout le blasme sur autrui : ou bien lors qu'il estoit sur le point de s'opposer au passage de ladite armée, se retenir d'y aller; parce que, comme j'ay dit, il n'auoit pas des forces suffisantes pour faire teste à ses ennemis, & estoit dissuadé avec raisons apparentes, de ne hazarder sa personne, & quant & quant tout son Estat; mesme que la plus grande partie le conseilloyent de se retirer à Montereau Faut-Yonne, pour empêcher que ladite armée n'allast vers Paris, où les Reines ses mere & femme estoient. Mais comme ce Prince auoit l'ame bonne &

G

affectionnée à l'honneur de Dieu, & au bien de son Royaume, il se résolut de s'y en aller, sans auoir esgard à toutes les iustes remonstrances que plusieurs luy faisoient, prenant vne fort belle & genereuse resolution de vouloir plustost se soumettre à la bonté & volonté de Dieu, au cas qu'il luy pleust de luy faire perdre & la vie & la Couronne, en faisant acte d'un Prince genereux & courageux, que non pas de se soumettre aux blâmes des mēdisans, au cas que pour les iustes raisons que l'on luy alleguoit, & particulièrement ses forces beaucoup inferieures à celles de ses ennemis, il fut retenu de s'aller opposer à leur passage : resolution, certes, digne d'estre remarquée, comme procedant d'une ame magnanime & affectionnée à la Religion Catholique.

L'adiousteray encore pour confirmer dauantage mon propos, afin d'esclaircir la verité que l'on a voulu enseuelir, pour faire croire que nostre Roy desirast d'agrandir l'heresie en son Royaume, que chacun a veu l'industrie de laquelle sa Maiesté vīa pour faire disioindre les 1000. Suisses qui estoient venus contre elle quant & quant les Reistres & Allemans en l'armée susdite. Car il n'espargna iusques à 400 mil escus pour les disioindre d'avec eux, comme il fit, & les renuoyer en leurs pays : chose toutefois qui lors sembloit ridicule en l'opinion de tous ceux, soit du camp de la Maiesté qui en ouïrent parler, ou des Chefs des François qui estoient en l'armée contraire. Car sa Maiesté fit traiter cette negotiation par M. de Neuers au veu & sceu d'un chacun, mais avec telle dextérité, que personne ne s'en apperceut iamais que la chose n'eust esté effectuée. Ce qui abrégēa la disipation de cette armée pour le moins de deux ou trois mois : lequel terme sa Maiesté estīma qu'il luy porteroit beaucoup plus de profit à ses affaires, que non pas d'incommodité des 400. mil escus. La belle deffaite aussi que fit M. de Guise sur les Reistres à Aulneau, donna un grand esclat sur ce grand nombre de Reistres qu'ils auoient ; lesquels se voyans ainsi abandonnez par les Suisses, mal-traitez par les François, & battus par l'armée de la Maiesté, se resolurent de tourner bride pour gagner la frontiere de leur pays, où ils furent poursuivis par le Roy si viuement, qu'il n'y en retourna gueres. Apres laquelle deffaite sa Maiesté eut continué son dessein d'aller en Poitou avec son armée, pour paruenir au but auquel elle tendoit de nettoyer son Royaume de l'heresie, si elle n'en eust esté diuertie par le particulier interest de quelqu'un qui estoit près d'elle en grande autorité, s'aidant de raisons quelque peu apparentes, qui estoient, Que son armée s'en alloit toute deffaite, pource que la Noblesse se vouloit retirer par faute de payement : & aussi qu'elle ne vouloit s'embarquer en Poitou durant l'hiver, car c'estoit vers la fin de Novembre. Et dauantage, que combien qu'elle fust audit Pays, elle ne trouueroit resistance à la Campagne ; & que pour assieger ville, elle ne pourroit faire grand chose en l'hiver : tellement qu'il valoit beaucoup mieux rafraichir son armée, pour se mettre en campagne au Printemps, & cependant faire prouision

d'argent. Avec lesquelles raisons accompagnées de l'on autorité, il retourna la Maïesté du voyage de Poitou, & la fit aller à Paris, où depuis elle fut arrestée par les artifices dont l'on usa, iusques à ce que les barricades s'en ensuiuirent.

Après lesquelles la Maïesté reprit les mesmes erres de faire la guërre aux huguenots, par le moyen de deux armées qu'elle fit dresser pour le Poitou & pour le Dauphiné, desquelles elle bailla la charge à Mess. de Neuers & de Mayenne, Princes esloignez tous deux de soupçon d'heresie. Ce qui a peu faire connoître à vn chacun le bon zele de sa Maïesté, & le diuertir de blâmer ses intentions, & moins encore ses actions. Car s'il les eust eu autres que tres-bonnes, il eut donné la charge des dites armées à d'autres, afin de supporter plustost les heretiques que de leur faire la guerre, ainsi que fit M. de Neuers sans y espargner ny la vie, ny les moyens, comme Prince tres-Catholique & fidelle à son Roy, ayant presté à la Maïesté au veu & sceu des trois Estats qui estoient à Blois, quarante mil & tant d'escus proucnans du partage de sa maison, pour commencer la guerre. De quoy la Maïesté receut vn tres-grand contentement; comme aussi elle fit, des belles executions qu'il fit audir pays, ainsi qu'elle le tesmoignoït ordinairement deuant chacun, lors qu'il luy arriuoit nouuelle qu'il eust remis quelque place en son obéissance: ne se pouuant sôuler d'en declarer l'aïse qu'il auoit d'en le cœur, & le contentement qu'il receuoit du seruite que monditz Sieur de Neuers luy faisoit. Et il en eut fait de mesmes de l'autre armée de Dauphiné, si elle en eust fait autant comme elle eust pû faire; si l'on eust particulièrement voulu auancer quarante ou cinquante mil escus proucnans des terres qui auoient esté vendues: ou des six vingts mil escus proucnans de l'eschange de l'office d'Admiral; afin de ne laisser demeurer longtemps inutile ladite armée, qui ne fit autre chose que manger le peuple, & consommer l'argent, ainsi que le Dauphiné & la ville de Lion le sçauent.

Si la Maïesté eust esté cause de ce retardement, ou que tous les trois Estats à Blois n'eussent connu la verité, & sceu que des cinq cens mil escus accordez par le Clergé, la Maïesté en auroit ordonné trois cens mil escus pour l'armée de Poitou, & deux cens mil escus pour celle de Dauphiné; & que selon ce departement, le sieur Sardini auoit deliuré ses quittances sur les Receueurs des dioceses voisins & commodés pour chacune armée, ainsi que M. de Guise les demandoit, & M. l'Archeuesque de Lion les sollicitoit & faisoit expedier: ellen'eust pas esté oubliée en la Kirielle des medifans. Mais d'autant que l'on n'y a pû remarquer aucune faute de la part de la Maïesté, l'on n'a osé en parler. Car chacun a veu & sceu, qu'elle accorda fort librement toute l'artillerie & equipage d'icelle qui luy fut demandé; afin que rien ne manquast de ce qui estoit en sa puissance. De ma partie ne puis me persuader que personne puisse iustement blâmer la Maïesté, si ladite armée ne fit aucun progresz.

ains veulx soustenir qu'en ce qui estoit de son pouuoir, elle a fait apparoir la continuation de ses premieres bonnes intentions de faire la guerre aux Huguenots, comme elle l'eust encore mieux tesmoigné, si on ne l'eust contrainte de faire cesser la guerre audit Poitou, pour sauuer la vie, son Estat, & son honneur.

L'on a voulu calomnier le feu Roy dequoy il auoit pris en protection la ville de Geneue huit ou dix ans sont : & qu'il tenoit intelligence avec la Reine d'Angleterre, & par là on vouloit prendre certain argument qu'il desiroit fauoriser les heretiques. A cela ie respondray pour luy, que s'il a fait alliance avec les heretiques, il l'a appris du feu Empereur Charles cinquiesme, comme il vous est apparu qu'il a fait de son temps tant à l'endroit de la Reine d'Angleterre heretique, que des autres Princes protestans d'Allemagne. Et que d'ailleurs le Roy d'Espagne fait tous les iours, entretenant l'alliance perpetuelle avec tous les Cantons, comme il a fait, combien qu'il y en ait grande partie de protestans ; & n'a tenu à luy de faire pareille alliance avec tous les Cantons des Liges, voire des Grisons, combien qu'ils soient protestans, tout ainsi qu'ils ont avec la Couronne de France. M. de Sauoye en a bien voulu faire autant ; parquoy il ne faut pas trouuer estrange, si à leur exemple il a tasché de fortifier les bornes de son Royaume, & de conseruer vne porte pour aller d'iceluy en Italie.

L'on n'a pas blasimé le feu Roy Charles, ny estimé qu'il fust heretique pour auoir fait espouser sa sœur au Roy de Nauarre, & auoir auancé plusieurs Huguenots : ce qui vous peut esclaireir que l'alliance que sa Maiesté fit avec ceux de Geneue, n'estoit pas pour agrandir l'heresie, mais bien les bornes de son Royaume. Et de fait, quand M. de Sauoye dressa vne entreprise sur la ville de Geneue vers la fin de l'an 1586 du consentement du Roy d'Espagne & du Pape (ainsi qu'on disoit) & que les habitans de ladite ville enuoyerent demander secours à nostre Roy en consequence de ladite protection, vous auez pû voir quelle armée dressa sa Maiesté pour les aller secourir. Ce qui fut causé que l'année 1587 il eut sur les bras quinze mille Suisses des Cantons Protestans, comme i'ay dit cy dessus, voyant que sa Maiesté ne tenoit pas grand compte d'eux. A quoy ils furent d'autant plus stimulez par aucuns Princes protestans d'Allemagne, qui se trouuerent fort mal contents du mespris que le Roy fit de certaine harangue qu'ils luy enuoyerent faire à S. Germain en Laye en fin de l'année 1586.

Je sçay bien qu'on ne manquera pas de m'obicter, que d'ailleurs le feu Roy a fait paroistre la grande intelligence qu'il auoit avec les Huguenots, & le desir qu'il auoit de les auancer, voire d'introduire le Roy de Nauarre pour son Successeur à la Couronne : en ce qu'il a voulu approcher près de luy ledit Roy de Nauarre avec toutes les forces. Mais à cela il me sera aisé de respondre, pour vous esclaireir de la verité : & pour ce faire, ie suis contraint de vous prier de considerer, auparavant

que ie vous allegue mes raisons, si apres la prise des armes que Mess. de l'Vnion ont faite, ils se sont adresséz aux Huguenots & aux villes qu'ils tenoient; ou s'ils n'ont pas quitté le Roy de Nauarre, pour s'adresser, comme ils firent, à Tours en Auril l'année derniere, où le Roy estoit: cuidant mettre à effet vne intelligence, ou plustost conspiration qu'ils auoient en ladite ville. Car pour lors le Roy de Nauarre n'estoit avec sa Maiesté, & n'y arriua que le iour apres que M. de Mayenne fut parti des Faux-bourgs de ladite ville, qui sont delà l'eau au bout du pont. Ces considerations vous feront iuger si les Chefs de l'Vnion en vouloient aux Huguenots pour éteindre l'heresie, ou plustost à la personne du Roy & à la Couronne.

Tout le monde a veu comme au partir des Faux-bourgs de Tours, ayant failly ladite conspiration, au lieu d'aller attaquer le Roy de Nauarre, M. de Mayenne s'en retourna tout court en Normandie assaillir la ville d'Alençon, & d'autres petites bicoques toutes remplies de Catholiques, pource qu'elles estoient demeurées fidelles à leur Roy, & laissa en repos toutes celles que les Huguenots tenoient deçà Loire, combien qu'en peu de temps il en eust peu prendre vne bonne partie, s'il les eust voulu attaquer passant la Riuiere de Loire à Orleans, & à Gergeau; voire à Beaugency, qui pour lors n'eust peu resister contre son armée, pour n'auoir esté fortifié. Ce qui faisoit assez paroistre que leur but n'estoit de faire la guerre aux Huguenots, ny de reestabli la Religion Catholique où elle auoit esté distraite; ains seulement s'ataquer à leur Roy, & aux Catholiques ses fidelles seruiteurs & suiets; & laisserent par ce moyen en tel repos le peuple heretique, que depuis le commencement de cette guerre on peut dire avec verité n'y auoir point eu de pais paisible en ce Royaume, que celuy que les Huguenots tenoient en Poitou. Ce qui se verifie d'autant plus, parce que S. Pol soy disant vray imitateur de la piete del'Apostre S. Paul, & prenant qualité de Lieutenant general en Champagne pour ceux de l'Vnion (bien qu'il soit issu d'un pere ayant charge de la despense du feu sieur de Beauuais Nangy, & ses sœurs mariées à des censiers ou mestayers) ne s'est iamais amulé à faire la guerre à Sedan ny aux villages despendans de ladite Seigneurie, mais bien aux villes Catholiques & plat pays de la Champagne, qu'il a du tout ruiné; combien qu'en toute la France il n'y ait peuple plus Catholique que celui-là.

Il ne faut donc pas que vous trouuiez estrange, si le feu Roys s'aïda du Roy de Nauarre pour sauuer sa vie, son Estat, & son honneur; connoissant que sa personne & sa Couronne estoit le but auquel Mess. de la sainte Vnion tendoient, & non pas d'aneantir l'heretique & l'heresie. D'ailleurs que la rebellion soudaine qui fut faite contre sa Maiesté fut si grande & si generale, que tout à coup les moyens luy furent ostez d'auoir argent, & recouurer des hommes pour se deffendre contre ses ennemis; & les empêcher de mettre à effet leurs pernicieux desseins, comme ils eussent pos-

sible fait, sans l'assistance que le Roy de Nauarre luy fit avec les forces promptes qu'il auoit en main.

Ce n'estoit pas donc qu'il fust deuenu Apostat, & qu'il eust enuie d'exterminer la Religion Catholique pour eleuer la Huguenote, & appeller le Roy de Nauarre à la suecession de cette Couronne. Car c'est chose à laquelle iamais il ne pensa, comme il n'auoit aussi occasion d'y penser. Car n'ayant sa Maiesté que trente sept ans, il pouuoit esperer d'auoir des enfans, soit de la Reine sa femme, ou de quelque autre, elle venant à mourir; d'autant que l'un & l'autre pouuoit estre: & partant il n'est pas vray-semblable que n'estant desesperé d'auoir des enfans, il voulust installer en la suecession de son Royaume le Roy de Nauarre, & l'establiir si-bien, qu'ayant par apres des enfans, & les delaissant en bas âge, il leur laissast vn competiteur à la Couronne; lequel au lieu de leur seruir de Tuteur pour conseruer leur suecession, taschast de l'empierier luy-mesme avec leur entiere ruine. C'est chose certaine que le feu Roy ne vouloit ouïr parler de declarer son Successeur, de peur qu'il ne prist trop d'autorité: il l'a assez de fois déclaré quand on luy en a voulu parler, & il a bien voulu que chacun le creust ainsi. Au moyen dequoy vous deuez croire qu'il ne se fust iamais aidé du Roy de Nauarre, s'il n'y eust esté contraint. Car il ne le fit rechercher pour le venir assister, qu'apres qu'il eut perdu la citadelle d'Orleans; pource qu'auparauant il n'auoit garde de le faire, d'autant qu'il esperoit par le moyen de ladite citadelle, prendre la ville d'Orleans, & à son exemple donner occasion aux autres villes de se reduire à son obeissance, & à celles qui y estoient de s'y maintenir.

Aussi que sa Maiesté, comme l'un des plus aduisez Rois qui ait esté long temps en ce Royaume, considerant qu'il estoit impossible de se defendre au mesme temps contre l'armée de l'Vnion & contre celle des Huguenots; il estima recevoir vn grand profit tout en vn coup de se seruir des armes du Roy de Nauarre. Car d'un costé il se renforçoit contre l'armée de l'Vnion: & de l'autre il destournoit les Huguenots de prendre des villes qui estoient en son obeissance, & de faire plus grand progrès & s'establiir à son preiudice, comme ils faisoient à toute heure, pour n'y auoir personne qui les empeschast. Il estima aussi qu'ayant les Huguenots près de luy en vne armée, qu'ils n'engendreroient des enfans, mais plustost qu'une grande partie d'eux pouuoit deffaillir par le hazard que la guerre a coustume d'amener: lequel est à presumer que sa Maiesté ne se fust empeschée de destourner, ny beaucoup tourmentée quand ils se fussent entretenez avec ceux de l'Vnion. Car elle n'ignoroit point que ces deux partis auoient tenu, & luy tenoient son Royaume brouillé, & l'empeschoient d'en iouir en paix, comme il deuoit & desiroit de faire; & pour ce il est plustost vray-semblable qu'apres que sa Maiesté se fust serui des Huguenots à ruiner ceux de l'Vnion, qu'il les eust fait remercier de leur assistance, & quant & quant fait entendre tout en vn coup qu'il ne vouloit plus de Huguenots en son Royaume,

leur enioignant de viure Catholiquement, au lieu de les agrandir & leur donner moyen de le broüiller. Car les tenant entre ses mains & en sa puissance, mesme que des principaux de leur party commençoient desia à se ranger à la Religion Catholique; il faut croire qu'il eust voulu nettoyer tout en vn coup son Royaume de l'heresie, & des causes de seditions & guerres ciuiles qui y ont esté: ce qui l'eut fait regner paisiblement le reste de ses iours, comme il est propre & coustumier, voire necessaire à tous Princes souuerains de faire, pour conseruer leur autorité.

Ce qui doit suffisamment tesmoigner que si sa Maiesté s'est aidée des armées des Huguenots, qu'elle l'a fait, non pas pour les agrandir, mais pour les empêcher; non pas pour les conseruer, mais pour les hazarder; & enfin pour mettre tous les suiets en repos, & les soulager des pilleries des gens de guerre, & des exactions que tant de petits Roys Bertaux font à l'Eglise & au tiers Estat; & par mesme moyen descharger lors tous les trois Estats de son Royaume d'une grande partie des charges qui y sont, comme il luy eut esté bien-aisé à faire, ayant rogné les ongles aux broüillons & seditieux; & aussi à reestabli la Religion Catholique aussi florissante qu'elle y fust iamais: & cependant se garantir de tomber entre les mains de ceux qui le vouloient massacrer, & luy oster la Couronne. Car ces Mess. de l'Vnion n'ont iamais tant désiré chose, sinon que le Roy appellast près de soy le Roy de Nauarre, pour éuiter d'estre blâmez, s'ils s'adressoient à la personne; & laissoient à part les Huguenots, de peur que l'on ne conneust par trop ouuertement qu'ils n'en voulussent à eux, ains à la Couronne, si le Roy de Nauarre fust demeuré en Poitou, & que leur armée se fust adressée, comme elle fit, à la Maiesté. Parquoy ils n'ont iamais cessé de donner toutes les allarmes qu'ils ont peu au Roy desfunct, pour luy donner occasion de se ioindre avec le Roy de Nauarre: afin d'en retirer suiet de calomnier sa Maiesté d'Apostasie, sans considerer qu'il estoit plus permis au Roy, pour garantir sa vie & sa Couronne, de se seruir des armes des Huguenots ses suiets, que non pas à eux de s'en aller chercher des Huguenots, & en France, & aux pais estrangers, pour se vanger de sa Maiesté, & luy arracher la vie & le Sceptre.

Voyez, ie vous prie, s'ils ont fait difficulté de s'en seruir eux-mesmes, & appeller des Huguenots Reistres, & Allemands heretiques, qui ont fait mille cruautéz & impietez en ce Royaume; tesmoins les sacrileges qu'ils ont fait aux Eglises, mesme à celles des villages circonuoisins de Paris, au veu & sceu de M. le Legat Caëtan venu en France, comme dit est, à leur requeste, pour fauoriser leur party, comme il fait; qui demeurera bien scandalizé de se trouuer enuironné d'heretiques conduits par S. Pol, qui luy faisoit escorte depuis Dijon iusqu'à Paris. Car au lieu de penser d'estre venu de Rome pour se mettre entre les mains des Catholiques, & de faire la guerre aux heretiques, il se trouua entre les Heretiques mesmes; lesquels, comme aussi d'autres de leur Camp, ont foulé aux

pieds le precieux Corps de Nostre Seigneur, ont fait des ordures dans les
 saints Fonts Baptismaux, battu & pillé les Prestres, voire estant reueüstus
 & faisant le seruice diuin, és enuiron de Paris : & ce sans qu'ils en soient
 scandalizez, comme pretendant qu'il leur soit loisible de commettre &
 permettre toutes sortes de meschancetez, pour soustenir le pretexte de
 leur ambition & de leur vangeance. Car non seulement ils se sont tou-
 jours serui de tels heretiques estrangers, mais aussi des propres François :
 Tesmoin le sieur de Montmarin, qui prit Rocroy, & depuis le rendit à feu
 M. de Guise, aupres duquel il a tousiours esté, & depuis continué leur
 parti iusqu'à la mort, comme aussi a fait le Baron de Reuilly Bourgui-
 gnon, près la personne de M. de Mayenne, l'accompagnant iusques à la
 porte de l'Eglise quand il alloit à la Messe, sans y entrer luy-mesme, au
 grand scandale des bons Catholiques ; & a tousiours continué près de
 luy iusqu'à l'aduènement de ce Roy : car lors seulement il se retira en sa
 mailon, pour ne porter les armes contre ledit Roy, pour estre de sa Reli-
 gion. Et s'il eust pleu à plusieurs autres Gentilshommes Huguenots de
 la Bourgogne, d'aller trouuer Monsieur de Mayenne au partir qu'il fit du
 Lionnois, comme il les en pria, il eut eu avec luy tous les Huguenots
 de ces quartiers là. Car il ne tint à leur escrire dès le mois de Ianuier, des
 lettres fort honnestes & gracieuses, lesquelles sont encore entre leurs
 mains, qui en feront foy : & par icelles les prioit de le venir trouuer pour
 l'assister à tirer vangeance des massacres commis à Blois, & comme il vit
 que tous les Huguenots, excepté ledit Baron de Reuilly, s'excuserent de
 l'aller trouuer pour telle occasion, il leur escriuit derechef, les priant au
 moins de ne vouloir bouger de leurs maisons ; en les assurant qu'il auroit
 leurs maisons & biens en protection, & qu'il ne leur seroit fait aucun dé-
 plaisir.

Parquoy si l'on veut blasmer la memoire du feu Roy, de s'estre serui
 des armes des Huguenots, pour sauuer sa vie, son honneur, & son Estat :
 aussi faut-il considerer que l'on l'a desiré, & contraint à ce faire. Au con-
 traire Mess. de l'Vnion n'ont eu occasion de se seruir des Allemans hereti-
 ques, puis qu'ils auoient assez de moyens de recouurer des Catholiques
 suiets aux Princes Catholiques de ce pais-là : & sur tout ils ne deuoient se
 seruir du Baron de Reuilly, & du sieur de Montmarin huguenots Fran-
 çois, ni en rechercher d'autres. D'ailleurs si vous considerez les sacrile-
 ges commis en la prise de la ville de Montmorancy & de Chatlieu, & en
 plusieurs villages, non seulement à l'endroit des saints Reliquaires, mais
 du precieux Corps de Nostre Seigneur qui estoit au ciboire, & des orne-
 mens & calices vollez, & la belle sepulture de feu M. le Connestable rom-
 pue & brisée, combien qu'il soit mort en la bataille de S. Denis, donnée
 contre les Huguenots l'an 1567. & qu'il en eut donné vne autre contre eux
 près de Dreux l'an 1562. (bien que ce fust contre les plus proches parens)
 n'ayant espargné les meubles que le pauvre peuple auoit retiré aux Egli-
 ses des villages, comme en lieux sacrez & de seureté : & puis en icelles
 auoir

auoir fait loger leurs cheuaux, & en ce faisant déloger Iesus-Christ de sa maison, pour y loger des bestes brutes, & polluer le Temple du Seigneur, & mettre à rançon les Ministres, comme plusieurs Curez & Religieux & autres Gens d'Eglise ont esté, voire flagellés & battus. Tout cela vous doit donner certain argument, & vous faire connoître qu'en telles armées il y auoit des Huguenots François, & des Heretiques estrangers, parce que les Catholiques n'eussent osé faire le moindre des sacrileges que lesdits Huguenots firent aux Eglises desdites villes & villages; laissant à part les violemens de femmes & filles faits, non seulement en la ville de Charlieu, mais aussi en celle de Tornu prise par M. de Nemours l'année passée, & vne milliaie de rançonnemens du pauvre Peuple Catholique, brûlement des maisons des pauvres laboureurs, iusques à faire mourir vne partie du miserable Peuple Catholique, & enleuer leur bestail & les meubles de chacun en general, tant de ceux de leur Vnion, que des autres : car ce n'est pas le lieu & l'endroit où ie veux traiter de cette affaire. Cecy vous servira seulement d'exemple, pour iuger si Mess. de l'Vnion eussent peu recouurer plus grand nombre de Huguenots pour s'en seruir, s'ils ne l'eussent pas fait sans aucune difficulté, pour paruenir à leur but; & que s'ils n'en ont eu dauantage, s'a esté faute de pouuoir, & non de volonté.

C'estoit ce qu'ils se deuoient représenter auant que de calomnier la Maiesté d'Apostasie, & l'accuser qu'il vouloit introduire l'heresie en son Royaume. Car s'il eust desiré de se seruir de ce suiet de souleuation d'armes contre luy, seulement pour vn pretexte d'appeller près de luy le Roy de Nauarre, sans en auoir besoin; il n'eust pas eu agreable la negociation que le Legat Morosini fit du consentement de la Maiesté avec M. de Mayenne au mois d'Auril 1589. à Chasteaudun, où il l'alla expressement trouuer à son partement fait de Tours, lors qu'il entendit que le Roy de Nauarre y deuoit arriuer. Car prenant congé de la Maiesté, il la supplia de vouloir pacifier son Royaume, & s'offrit luy-mesme de s'y entremettre. Ce que la Maiesté receut de fort bonne part, & accepta son offre, luy permit d'aller trouuer M. de Mayenne là part où il seroit, pour luy persuader de faire vn si bon œuvre; & luy bailla la Maiesté la copie des articles qu'elle auoit le mois auparauant donnez au sieur de Lenoncourt, pour porter à M. de Lorraine son maistre. Lesquels elle accordoit de tenir, bien qu'ils fussent tres-avantageux pour M. de Mayenne & pour toute sa maison. Car il n'y manquoit rien des Gouuernemens qu'ils desiroient d'auoir, comme aussi des villes de seureté & des grandes pensions; & specialement la deliurance generale des prisonniers. Au pied desquels articles estoit contenu, comme la Maiesté se contentoit de se remettre des difficultez qui pourroient aduenir sur l'execution, à sa Sainteté, pour en estre amiable compositeur; prenant pour adioints, s'il luy plaisoit, Mess. le Grand Duc de Toscane, & le Duc de Lorraine : & depuis encore luy proposa la Seigneurie de Venise, & M. le Duc de Ferrare. Ce qui fit

paroitstre à M. le Legat le desir que sa Maiesté auoit de composer telles affaires; mesme par la priere qu'elle luy fit de vouloir bien remontrer à M. de Mayenne qu'il auoit iuste occasion de se contenter de tels articles & offres, & qu'il ne deuoit pour son particulier interest, pourchasser tant de maux à ce Royaume, voire l'entiere ruine du pauvre Peuple, qu'il preuoyoit deuoir aduenir, si telle guerre continuoit. Ce qui fit croire que M. de Mayenne accepteroit lesdits offres, parce qu'il sçauoit bien que sa Maiesté l'auoit aimé, & que son naturel estoit de luy vouloir du bien, & qu'il auoit occasion de ce faire, par l'aduertissement veritable qu'il luy auoit enuoyé donner quatre mois auparauant de garder sa personne: & que luy-mesme pouuoit bien iuger en son cœurs'il auoit eu iuste occasion de faire ce qu'il auoit fait à Blois, estant homme comme vn autre, & qui auoit esté pressé aussi bien que luy de faire de semblables effets, & pour moindre suiet. Et partant qu'il auoit plus iuste occasion que nul autre de se contenir, & d'accepter vn bon accord profitable à toute la France, & particulierement à sa Maison & à luy. Et parce que M. le Legat estoit de faire quelque chose de bon en cette negociation, il supplia sa Maiesté de trouuer bon de ne faire auancer le Roy de Nauarre, iusques à ce qu'il eust parlé à M. de Mayenne. Ce que sa Maiesté fit difficulté de luy accorder, estant aduertie que M. de Mayenne estoit parti de Paris avec vne grande armée pour le venir assaillir, craignant qu'il ne le prist à son desauantage, comme il fit. Toutesfois pour le desir qu'il auoit de pacifier son Royaume & euitier nos miseres, il accorda à M. le Legat terme de quinze iours, pendant lesquels il le pria d'effectuer ladite negociation, ou de faire quelque treue, ou d'éclaircir sa Maiesté qu'il n'y falloit plus esperer, afin qu'elle pensast à ses affaires; ce qui monstroient bien que c'estoit pure necessité de deffendre sa vie & sa Couronne, & non pas le desir qu'il eust d'introduire les Huguenots. Ce qui fut cause de faire hastier M. le Legat d'aller à Orleans, où il pensoit que M. de Mayenne deust venir. Mais M. de Mayenne s'estant acheminé à Chasteaudun, qu'il prit, iceluy sieur Legat fut contraint de rebrousser chemin, & l'alla trouuer là, où il luy proposa les articles & les conditions susdites, & en outre n'oublia rien de ce qu'il pensa pouuoir apporter auancement à vn œuvre si saint & si loüable: mais en vain, car pour tout ce qu'il pût dire à M. de Mayenne, il n'y voulut aucunement entendre, pour l'assurance qu'il auoit de mettre à effet la conspiration faite audit Tours, afin de se saisir de la ville & de la personne du Roy: & pour ce fit response à M. le Legat, qu'il n'y pouuoit entendre, qu'au parauant il n'eust eul' aduis de ceux qui auoient interest à la cause comme luy: ce qui estoit raisonnable, & auoit de l'apparence. Mais il adiousta qu'il vouloit croire que quand bien l'accord seroit traité, le Pape ne voudroit iamais le contraindre d'obeir à ce Tyran, à cet Apostat, à ce meurtrier & perfide, ne le nommant iamais pour Roy, ni autrement, disant qu'il estoit resolu de plustost creuer, que de iamais luy obeir. Propos qu'il tenoit ordinairement en public, comme aussi fai-

soient

soient plusieurs personnes de grande qualité, tant Seigneurs que Dames. Ce qui estonna si fort M. le Legat, qui n'auoit encore esté abreueué de tels & si execrables termes, forgez & pratiquez en la ville de Paris, qu'il n'osa parler dauantage; considerant bien que ce seroit temps perdu de parler d'accord, puisque M. de Mayenne declaroit si ouuerrement & affirmatiuement de ne vouloir plus reconnoistre le Roy pour son souuerain. Et au lieu qu'il pensoit estre bien veu & bien recueilly, il trouua s'estre grandement abusé; ce qui fut cause de le faire retirer à Orleans, & de continuer son voyage iusques à Lion: attendant ce qu'il plairoit à sa Sainteté de luy commander; & aduertit sa Maiesté, selon ce qu'il luy auoit promis, qu'il estoit bien marry de n'auoir pû rien faire de bon, & qu'il s'estoit departy d'auec M. de Mayenne sans rien faire.

Ce qu'entendu par sa Maiesté, elle resolut, pour la necessité susdite, de faire auancer le Roy de Nauarre, comme elle fit; mais ne le pût faire si-tost approcher avec ses forces près d'elle, que M. de Mayenne fust le premier aux Faux-bourgs de Tours, pour effectuer ladite conspiration. En quoy sa Maiesté ne pensoit donner iuste occasion aux personnes sages & sans passion, de s'en scandalizer, ny le trouuer mauuais; veu que quelques Papes, l'Empereur Charles cinq, le Roy Ferdinand, le Roy Catholique, & plusieurs autres Princes Catholiques, bien qu'ils n'en eussent pas tant de besoin pour la deffensue, se sont bien seruy des forces des heretiques & infideles, comme il a esté dit cy deuant.

Neantmoins Messieurs de l'Vnion en ont voulu faire vn grand vacarme, pour donner argument à chacun de croire que le Roy fût vn Apostat, & qu'il eût tousiours desiré d'assoupir la Religion Catholique, exalter l'heresie, & pour ce faire, introduire le Roy de Nauarre à la succession de la Couronne. Car comme j'ay cy deuant dit, ils n'auoient rien tant en affection que de contraindre le Roy à s'aider des forces des Huguenots, cuidant valider par tel acte l'aduis de la Sorbonne, & iustifier la calomnie qu'ils auoient desia publiée contre sa Maiesté, qu'il fust Apostat. D'autant que par telle assistance d'armes, ils ne cessèrent iamais de poursuiure le Pape avec mille impostures, & sur tout des rodomontades, que le Roy estoit accablé, & que toutes ses grandes villes, & les Parlemens, & grande partie des Officiers de la Couronne, Capitaines & Seigneurs, & entre tous le Clergé estoient vnis avec eux. Ce qui fut cause de faire precipiter le Pape à publier le Monitoire contre le Roy, cuidant qu'il fust perdu, comme ceux de l'Vnion luy faisoient accroire: & puis par le moyen d'iceluy susciter le Iacobi pour le faire mettre à mort, comme membre pourry qu'ils disoient estre & retranché de la communion de l'Eglise Catholique.

Mais ils n'auoient garde de mettre en auant qu'eux-mesmes se seruoient des forces heretiques, comme j'ay dit; ny aussi que l'occasion de l'aide que sa Maiesté auoit requise du Roy de Nauarre, estoit pro-

uenüe de la violence qu'ils auoient faite contre sa personne, & non pas de son propre mouuement. Car il n'eust iamais volonté d'exalter l'heresie, ny establi le Roy de Nauarre pour son Successeur, sinon en cas qu'il reuint au giron de l'Eglise.

D'autant que s'il eust eu volonté de ruiner la Religion Catholique, agrandir l'heresie, & establi vn successeur en sa place, il n'eust pas fait (comme il a) tout au contraire de ce qu'il falloit faire pour paruenir à tel but. Car en premier lieu, il n'eût institué les Euesques sinon heretiques découuerts, à tout le moins les plus simulez en leur ame qu'il eût peu trouuer, afin d'empoisonner leur diocceze par leur doctrine, & par le moyen des Curez heretiques qu'ils eussent semé par toutes les Eglises.

Il n'eust point empesché l'impression des liures heretiques; ains plustost il en eust fait imprimer & vendre.

Il n'eust point fait imprimer tant de beaux liures de deuotion, comme il a fait, avec grands cousts & despens.

Il n'eust point tant fauorisé & auancé les Docteurs & Predicateurs, qui ont doctement & saintement escrit & presché contre les heretiques.

Il n'eust point fait tant de fondations si deuotes, comme il a fait.

Il n'eust point retenu près de luy des personages de telle vie & doctrine Catholique, comme il en a tousiours eu.

Il n'eust point fait les pelerinages, deuotions, abstinences, & disciplines qu'il a faites.

Il n'eust point esté si charitable enuers les pauvres, que d'aller visiter les prisonniers aux saints iours de Pasques, & en rachepter plusieurs, comme chacun a peu connoistre qu'il n'y a rien obmis.

Il n'eust point fait tant d'aumônes, comme il faisoit tous les ans, & en faisoit distribuer par Madame de Boulancourt, femme tres-deuote & charitable enuers les pauvres, mere de Mess. de Boulancourt, autant bien venus, aduancez, & honnorez par le feu Roy, qu'ils luy en ont esté ingrats & méconnoissans.

Finalement, il n'eust point tant bastide Monasteres qu'il a fait, ny fait refaire l'Eglise de Nostre Dame de Clery, s'il n'eust eu affection à la Religion Catholique.

Bref s'il eust eu desir d'auancer les heretiques & d'esloigner les Catholiques, il n'eust point fait vne institution de l'Ordre du S. Esprit, & obligé les Cheualiers d'iceluy à vœu si solennel de viure catholiquement; & en ce faisant, debouté tous heretiques de pouuoir auoir aucun Office de luy.

Pareillement il eust baillé les charges principales des armées entre les mains des Princes, Seigneurs, & Capitaines Huguenots, au lieu qu'il n'en a baillé qu'aux Catholiques.

Ainsi eust il fait des offices de iudicature & des finances, pour in-

roduire & fauoriser l'heresie, & son Successeur qui seroit Huguenot.

De mesme eut-il fait de tous les Estats & Offices de sa Cour: car par ce moyen-là, peu à peu il eut assoibli le party Catholique, releué & agrandi celuy des Huguenots, & donné fort beau moyen à celuy qui seroit son Successeur Huguenot, de recueillir la succession de la Couronne, sans aucun contrredit: qui estoit le seul & vray moyen pour introduire en ce Royaume tel heritier qu'il eut voulu.

Mais comme cette intention ne luy entra iamais en l'ame, ainsi en a-il fait les effets tous contraires: & à sa mort il l'a tres bien tesmoigné, n'ayant iamais parlé de son successeur, ny exhorté & commandé aux Princes & Chefs qui estoient prés de luy de le reconnoistre, ainsi que vous pourrez voir par vne attestation qui a esté faite des propos qu'il a tenus depuis sa blessure: laquelle sera cy apres transcrire, pour seruir de tesmoignage comme il n'est point mort excommunié, & qu'ores que le Monitoire du Pape eust esté donné avec les formes ordinaires (que non) comme il se verra aussi cy apres, & par consequent valable, qu'il n'estoit encore tombé en excommunication des trente premiers iours portez par ledit Monitoire; & par consequent que l'on n'a pû auoir aucun pretexte de l'auoir mis à mort. Car le Monitoire ne fut publié que le vingt-deux & vingt-trois Iuin à Meaux, & le neuf Iuillet à Chartres, duquel iour il falloit commencer à compter les trente iours dans lesquels le Pape l'auoit obligé de relascher Mess. le Cardinal de Bourbon & l'Archeuesque de Lyon: de sorte que prenant le terme dudit neufiesme iour, il n'y auoit iustement que vingt & vn iours iusques au dernier iour dudit mois de Iuillet que le malheureux & detestable Iacobin partit de Paris, apres auoir célébré la Messe, pour faire vn si meschant & si enorme coup. Ce que j'ay voulu coter, afin que vous remarquiez que la resolution & l'execution du meurtre du Roy ont esté faites neuf iours auparauant qu'ils peussent alleguer qu'il fust tombé en excommunication: & pour oster l'occasion à chacun de croire l'insupportable grande que l'on a voulu mettre sus à sa Maiesté par certains petits liurets imprimez à Paris, pleins de toutes menteries forgées aux tauernes, ainsi que toute personne de bon iugement le reconnoist; & neantmoins on en permet l'impression & la vente en la ville de Paris, & par routes les autres villes de leur Vnion, pour confirmer le Peuple en la resoiuissance de la mort du feu Roy, & luy en faire chanter le Te Deum, faire faire feux de ioye, & tirer l'artillerie, comme ils faisoient en plusieurs endroits, pour empescher que l'on ne trouuast estrange cette cruelle & malheureuse mort, que l'on n'en eust regret: ny de ce qu'on ne fit aucunes obseques ny seruices funebres à sa Maiesté, & que l'on ne priaist Dieu pour luy à la maniere accoustumée d'estre fait de tous temps pour nos Roys: comme s'il fust mort excommunié, & que comme tel, il eust esté tué. Ce qui m'a donné occasion

de vous faire transférer à la fin de ce discours certaines considerations triuiales & populaires, pour vous faire paroistre ledit Monitoire impertinent, comme estant forgé sur les Memoires que ceux de l'Vnion donnerent à sa Sainteté pour la surprendre, & luy faire faire vn pas de clerc à leur profit. Car ie veux laisser à M. le Procureur General le soing d'alleguer les histoires, & les Loix contenues en nos Liures, tant sacrez qu'autres, pour le faire declarer iniuste.

Parquoy vous ayant assez amplement traité du fait de l'Apostasie imputée à nostre Roy, & fait connoistre la calomnie dont on a voulu charger sa Maiesté, qu'il eut desiré d'agrandir l'heresie, & ruiner l'Eglise Catholique, & introduire vn Successeur d'autre Religion que la nostre. Je reuiendray maintenant l'vn apres l'autre sur le fait de la tyrannie & perfidie, de laquelle à tort & sans cause on l'a voulu calomnier; & vous diray sur ce, qu'ils ont voulu mettre en auant que le Roy estoit vn Tiran, & que pourtant il ne falloit non seulement luy obeir, mais plustost le massacrer: que ce n'a pas esté pour l'estimer Tiran, ains pour fortifier le pretexte de la Religion. Car chacun sçait bien, & particulièrement ceux qui l'ont taxé de tyrannie, qu'il n'en a iamais esté entaché; mais plustost à bonne & iuste cause on peut taxer pour tirans ceux qui l'ont voulu calomnier; comme i'espere le vous faire paroistre cy apres, D'autant qu'on ne peut imputer au Roy, sinon qu'il a esté prodigue plustost que liberal. Car de Tiran, il n'a point vsurpé par force & violence la Royauté sur ce Royaume; ains l'a eue de legitime succession attribuée par la puissance de Dieu, & approuuée d'un commun consentement de tous ses Suiets; qui est le premier & le principal tesmoignage que l'on puisse auoir d'un Roy legitime: d'autant que le Tiran vsurpe la Royauté au preiudice des legitimes successeurs, & contre le gré & volonté des trois Ordres habitans en icelle.

D'autre costé les Tirans sont coustumiers, pour s'vsurper le patrimoine de leurs suiets, de les faire mourir iniustement, afin de les confisquer. Or tant s'en faut que l'on puisse accuser le feu Roy de tel crime, qu'au contraire il a plustost desiré & pressé la Cour de Parlement d'approuuer la vente de son domaine, que non pas d'en vsurper sur ses suiets; mesmes par vne voye si meschante que de les faire mourir. Car si en chose quelconque il a mérité d'estre blasmé, ç'a esté pour auoir benignement pardonné, & donné grace à plusieurs qui auoient mérité d'estre roiez & escartelez; parce que cela a donné tres-grande licence à plusieurs personnes de mal-faire, voire de le desdaigner & le mespriser, & se rebeller contre luy, & d'entreprendre sur la personne & sur sa Couronne.

Ie vous prie, cotez-moy vn seul que sa Maiesté ait fait mourir, ie dis par la voye de iustice ordinaire, & moins par la voye extraordinaire des Commissaires choisis, comme les grands Princes souuerains sont coustumiers de faire, quand ils ont enuie de se desfaire de quelqu'un,

ou d'avoir son bien : C'est bien loin de faire eux-mêmes les Jugemens, & d'en commettre soudainement l'exécution au grand Preuost, sans user d'aucune forme & figure de procesz : ainsi que font les Tirans, ou ceux qui veulent s'approprier le bien d'autrui par leur mort, ou bien se vanger.

Il a esté assez de fois conuié d'en faire mourir par toutes les voyes cy-dessus dites ; mais au lieu de ce faire, il leur a pardonné & donné grace, voire plusieurs abolitions à la requeste de ceux qui font semblant de le trouver le plus mauvais : tesmoin celle du Seigneur des Viuans Huguenot & sacrilege que M. de Mayenne luy fit dépêcher, pour faire trouver bon à Madame de Caumont le mariage de sa fille huguenote, avec l'un des enfans de celuy que l'Union a esleu pour son chef. Desquelles abolitions enfin sa Maïesté a eu regret, pour le preiudice seulement qu'il faisoit aux parties interessées, & l'occasion qu'il donnoit à autrui de mal-faire, pour l'esperance de l'impunité. Car pour son particulier, comme son naturel estoit doux & benin, ainsi prenoit-il plaisir à sauuer la vie aux coupables, & non pas pour composer avec eux de leur bien, afin d'en auoir la plus grande partie, ainsi que plusieurs Princes souverains l'ont pratiqué en leur donnant la vie.

Et pour montrer que non seulement il n'a iamais eu intention tyrannique & sanguinaire, ains qu'il a plustost eu besoin de seuerité pour la coercion des delicts : l'ay creu vous deuoir coter des preuues notables & signalées de son naturel debonnaire, bien esloigné de Tyrannie, afin aussi de vous faire paroistre par mesme moyen qu'il n'eust iamais mauuaise volonté contre la maison de Lorraine. Car comme il s'estoit présenté des occasions pour les pourfuiure par iustice, il commanda de ne le faire point. Lorsque le sieur de S. Megrin fut assassiné près du Louure, & que l'on eut bien auéré que le Capitaine Ioannes & d'autres l'auoient fait par le commandement de M. de Mayenne, sa Maïesté commanda au sieur de Richelieu Grand Preuost, de laisser tout là, comme il fit, bien que lors sa Maïesté n'eust occasion de craindre aucune souleuation en son Royaume, pource qu'il y estoit fort paisible, & ne voulut auoir esgard à la poursuite que les parens & amis du decédé luy en faisoient. De mesme a-il fait sur la mort du sieur de Sacremore Birague, Gentilhomme duquel M. de Mayenne s'estoit confié plus que de nul autre de ses secrettes pensées. Ainsi en fit sa Maïesté sur la mort du Capitaine la Pierre effectuée par M. d'Aumale. Et lors que M. d'Elbeuf alla tirer des prisons de Dijon le Capitaine la Barre, condamné par le Parlement à estre pendu, sa Maïesté ordonna qu'il n'en fust fait aucune poursuite. Finalement quand M. de la Vauguion demanda iustice à sa Maïesté du rapt qu'il disoit luy auoir esté fait par M. de Mayenne de la fille de Madame de Caumont, il n'y voulut entendre, ains fit dire sa Maïesté au sieur de la Vauguion qu'elle desiroit qu'il accordast cette affaire. Qui sont tous actes bien esloignez non seulement de Tyrannie & de cruauté, mais au contraire de la seuerité requise

en iustice. Car s'il eust eu tant soit peu de volonté de confisquer & le corps & les biens des personnes, & d'éclorre à ce coup la haine que l'on veut faire croire qu'il portoit à la maison de Lorraine, il en eust eu fort beau moyen; laissant couler seulement la procedure de la iustice à la diligence & poursuite des Parties interessées, & feignant de ne s'en mesler aucunement.

Ceux qui exagerent tant ses iniustices tyranniques, me scauroient-ils remarquer que sa Maiesté en ait iamais fait vne, approchant tant soit peu de celle qui a esté faite au Parlement de Paris par le Clerc Procureur en iceluy? qui alla prendre de brauade & amena prisonnier M. le premier President, & plusieurs autres, tant de la grande Chambre, que des Enquestes, avec grand nombre de Conseillers d'iceluy Parlement, tant Laiz qu'Ecclesiastiques; non pour autre occasion, que pour n'auoir voulu adherer à leurs iniustes demandes: comme par l'aduertissement aux Bourgeois de Paris le verrez bien clairement. Car il n'y en auoit pas vn qui fut huguenot. Ce qui monstre bien que c'estoit violer par force le premier Parlement & Senat de la Chrestienté, corrompre du tout la iustice, & la rendre partielle & mesprisée: & ne fut iamais vn acte si déloyal, & si iniuste.

Ils ont en outre emprisonné plusieurs Abbez, Prieurs, & Prestres pour ne vouloir adherer à leur frenesie. Ils ont fait mourir ignominieusement le plus homme de bien de iustice qui fût de nostre age, le premier President de Tholoze M. Duranty, & M. Daphis Aduocat General du Roy audit Parlement de Tholoze, tous deux Chatholiques, seulement parce qu'ils furent soupçonnez d'auoir quelque intelligence avec M. de Montmorency associé avec le Roy de Nauarre; dequoy ils se voulurent seruir pour ce coup à couvrir leur cruauté & tyrannie, & non pas pour se diuertir de le rechercher, pour faire le mariage de leurs enfans. Et d'autre costé le Pape ne delaissoit de pourchasser sa reconciliation avec le feu Roy, comme l'aimant & l'estimant Seigneur digne d'estre fauorisé; & d'autant plus pour le plaisir qu'il luy auoit fait & aux Papes ses Predecesseurs de conseruer le Comtat d'Auignon: de sorte que si le President Duranty, & l'Aduocat General Daphis tenoient amitié avec M. de Montmorency, ils n'ont fait que ce que sa Sainteté chef de l'Eglise, & Mess. les Princes chefs de l'Vnion ont fait; & non pas pour accroistre l'heresie. Car ils auoient tous deux tout le temps de leur vie esté fort contraires aux Huguenots, & couru de grandes fortunes pour telle occasion.

Nous pouuons encore dire que le feu Roy ne fit oncques chose qui soit approchante de la barbarie commise par ceux de l'Vnion à l'endroit de Mesdames de Longueuille & de M. le Comte de S. Pol tres-Catholiques, & sur lesquels il ne se peut dire qu'il y ait eu tant soit peu d'occasion de les detenir prisonniers, & de les traiter si rudement qu'ils ont fait, iusques à leur empescher d'oüir la Messe & de sortir de leurs chambres, & de se visiter les vnes les autres. Car si l'on prend l'origine de
leur

leur emprisonnement fait le lendemain de Noël 1588. l'on le trouuera tres-inique & tres barbare.

L'ay esté contraint de faire cette digression, pour vous représenter les actes tyranniques commis par Mess. de l'Vnion, & vous donner plus grand esclaireissement de la vie douce & gracieuse du feu Roy, éloignée de leurs actes & tyrannies. Car si lesdits Presidents, Conseillers, gens d'Eglise, & Dames susdits estoient Huguenots, ils deuoient les faire declarer par les Parlemens criminels de leze-Maiesté Diuine, & puis les faire brusler & griller; ce qui leur eust succédé aussi facilement, comme de faire condamner & dégrader par leur Parlement leur Roy Souuerain. Mais d'autant que ceux qu'ils ont ainsi massacrés de froid sang, estoient du tout hors de soupçon d'heresie, ils n'ont osé les mettre en Iustice pour telle occasion; ains les ont voulu assommer comme on fait des chiens enragez. De mesme ils n'ont osé faire faire le procez à Messieurs le premier President, & autres du Parlement de Paris, ny aux personnes Ecclesiastiques qu'ils auoient emprisonnez à la Bastille, & au Louure, pource qu'ils scauoient bien qu'ils estoient du tout esloignez de tel crime, & qu'ils n'auoient à redire l'un sur l'autre autre chose, sinon qu'ils estoient tres-fideles & affectionnez au seruice du Roy leur Souuerain; toutefois ils les ont tenus prisonniers neuf ou dix mois, & enfin les ont mis à rançon & les ont deliurés en payant; cela tesmoigne bien vn acte tyrannique. Car s'ils estoient innocens, pourquoy les traitoient-ils si rudement; & enfin pourquoy violoient-ils la liberté de l'Eglise de Dieu, mettant à rançon les vrais ministres de Iesus-Christ si rudement. L'en diray de mesme de Mesdames de Longueuille innocentes de tout crime.

les Tirans tirent & prennent tousiours, & ne payent aucune dette; au contraire sa Maiesté a acquitté & payé plusieurs grosses sommes de deniers qu'elle deuoit à diuerses personnes, & particulièrement aux marchands de Lyon, pour vn grand party que le feu Roy son Pere fit durant les guerres qu'il auoit de son temps, comme aussi plusieurs autres vicilles & mauuaises, à son grand dommage & preiudice: ainsi que chacun le sçait, par le moyen des rentes constituées & d'autres partis qui ont esté faits avec sa Maiesté; en luy prestant de l'argent pour employer aux guerres passées: & combien qu'il ait esté sollicité par les premiers Estats tenus à Blois l'an 1577. de reuoker les constitutions comme vsuraires, & encore depuis par autres, & de casser & supprimer sans remboursement tant de pauures Officiers qui luy auoient de bonne foy fourny leurs deniers sous sa promesse de les garantir, sa Maiesté n'y a iamais voulu entendre, comme beaucoup d'autres eussent fait, pour s'acquitter tout à vn coup de trente ou quarante millions de liures tournois, qui est bien loin de dénier tout à vn coup telles fortes de dettes, comme il eut pû prendre suiet sur la requisition des Estats, & s'en descharger; & aussi alleguer qu'elles estoient vsuraires, pour estre à sei-

ze pour cent d'intereſt, ainſi que le Roy d'Eſpagne a fait les années paſſées à l'endroit des Geneuois, pour la ſomme de quatorze millions d'or.

Où ſont les theſors que ſa Maieſté a recueilly durant quatorze ans qu'il a eſté Roy? Où ſont les grands Duchez, Comtez, terres & maiſons bien baſties qu'il a achepté durant ſon regne?

Où ſont les beaux & precieux ioyaux & meubles qu'il a acheptez, où fait faire pour ſoy depuis ſon aduenement à la Couronne? Le vous prie que l'on me monſtre telles acquiſitions, afin d'auoier que s'il a leué beaucoup d'argent ſur ſon Peuple, & ſur l'Egliſe durant ſon Regne, qu'il a fait acte de Tiran de n'auoir voulu ſe contenter de tondre ſes brebis pour ſe ſeruir de la laine, & qu'il ait voulu les eſcorcher, pour en tirer la peau & la chair.

Mais comme ie m'aſſeure que l'on ne pourra monſtrer qu'il ſe ſoit approprié ny de grandes terres de ſes Vaſſaux, ny auſſi peu de petites, ny qu'il ait fait aucun theſor, ny qu'il ait achepté aucunes Seigneuries ou belles maiſons, ou de precieux meubles & ioyaux pour ſon particulier profit; auſſi l'on ne pourra iuſtement luy imputer que l'argent qu'il a retiré de ſes Suiets ait eſté pour cupidité de tyrannie, mais bien contraint par la neceſſité des grandes debtes & groſſes guerres qu'il a eues ſur les bras, & par vne affection demeſurée qu'il auoit de donner à chacun ce qu'on luy demandoit: ſans conſiderer la valeur du preſent, ny la qualité du requerant.

Parquoy i'ay tres-iuſte occaſion de dire, que ſans la neceſſité des guerres & l'importunité de pluſieurs, qu'il n'eult iamais fait de telles deſpenſes, prodigalitez ny leuées ſur le Peuple, puis que ſa Maieſté n'en receuoit aucun profit, ains dommage pour la pauvreté en laquelle ſes Suiets tomboient, & pour la commodité qu'elle donnoit à pluſieurs par tels preſens ſi immenſes, de ſe fortifier & preualoir contre ſon autorité, & pour le blaſme qu'en fin elle ſeule en receuoit.

Au contraire ie diray que ſi quelqu'un doit eſtre appelé Tiran, ce ſont ceux qui ont induit le ſeu Roy à impoſer nouuelles tailles, nouuelles charges ſur le ſel, comme auſſi ſur l'expedition de la iuſtice, qui deuoit eſtre pluſtoſt gratuite qu'acheptée, nouuelles daees ſur diuerſes ſortes de marchandises, nouuelles creations d'Eſtats & Offices, recherches des Franes ſiefs & nouveaux acqueſts, des vſures, de régallemens de taille, de rechercher ceux qui ſe diſoient nobles, & ne le ſont; & tant d'autres commiſſions extraordinaires, qu'il ſeroit ennuyeux de les raconter; & finalement d'auoir inuenté & entretenu la forme des acquits comptans à l'Eſpagne, par le moyen deſquels ſa Maieſté confeſſoit auoir receu pluſieurs ſommes de deniers en ſes coſſes, lesquelles elle donnoit à ces nouueaux Tirans, ſans les voir ny manier; parce qu'ils ne deſiroient que les Secretaires d'Eſtat, ny les Intendans des Finances, ny M. le Chancelier, ny encore moins Meſſ. des Compres euſſent connoiſſance de leurs dons; de-peur d'en eſtre blaſmez & reſuſez, & rou-

gir de honte d'auoir esté si impudens de demander si grosses sommes de deniers : aussi pour se refectuer le moyen de dire, comme la pluspart a fait, de n'auoir receu aucun bien-fait de sa Maiesté ; cuidans eüiter d'estre taxez d'ingratitude faüant des menés contre elle, & portant les armes contre sa personne pour le mettre à mort.

Si Messieurs les Princes, Mesdames les Princesses, les Seigneurs de qualité de la sainte Vnion, comme aussi quelqu'vns de messieurs des Parlemens de Paris, Roüen, Dijon, Tholozé, & Aix en Prouence, qui ont voulu taxer le feu Roy de tyrannie, & plusieurs autres, mesme de la Court des Aides, eussent bien consideté les instantes poursuites qu'eux mesmes ont faites à l'endroit du feu Roy, pour obtenir de sa Maiesté des grands dons, & pour ce faire inuentet plusieurs Edicts & charges pernicieuses & ttes-iniques, & icelles fait expedier au grand dommage du pauvre Peuple, de la Noblesse, & du Clergé, voire de la lustrice : & tiré de sa Maiesté les acquits comptans, pour en receuoir l'argent ; comme aussi ont fait plusieurs corps de villes qui se sont rebellez contre la Maiesté, ayant esté cause eux mesmes de faire surcharger le sel, les tailles, & autres marchandises, pour accroistre & augmenter leurs deniers d'oütoy, non pour les employer aux œures publiques ; mais pour les affaires particulieres des Administrateurs d'iceux : ils n'eussent osé blasmer sa Maiesté d'auoir adheré à leurs importunitéz, & fait chose iniuste à leur seule occasion, & pour leur seul profit. Ains se fussent plustost arrachez la barbe, & ordonné d'estre enterrez dans les rues, comme fit Maistre Jean du Pont-Alais aux halles de Paris, se repentant d'auoir esté cause de faite imposer vn denier sur chacun pannier de marée entrant en ladite ville. Car ie puis dire avec verité, que la plus grande partie de ceux qui ont cause de telles iniques inuentions, sont de l'Vnion, & les ont fait expedier à la grande foule des trois Estats de ce Royaume, & particulièrement des Villes, & du pauvre Peuple ; comme aussi des Finances de sa Maiesté. En outre que aucuns iuges ont esté si mal-aduisez, que de tenir la main à la verification des Edicts & entretènement d'iceux, pour la part que l'on leur en a faite ; au lieu que pour le deub de leurs Estats, ils deuoient plustost embrasser la protection du bien du Peuple, que non pas de sa ruine : de sorte que s'ils eussent esté aussi consideréz en leurs actions, & zelez enuers Dieu, & fait confession generale des fautes & pechez qu'ils ont commis durant leur vie, ils se fussent apperceus d'auoir esté eux-mesmes cause de telles exactions : & par consequent les vrais boureaux & tirans des trois Ordres de la France, & rougitoyent de honte, d'auoir voulu appeller Tiran le feu Roy, apres auoir receu tant de bien-faits, comme ils ont de luy, soit en achapt de leurs Estats, ou futuuiances, pensions, dons & oütrois : & d'auoir esté cause de luy faire faire à leur fantaisie, qui est certes ingratitude tres-grande & vne malice insupportable, de vouloir faire porter à leur Roy la peine qu'eux mesmes ils ont metitée. Car il n'a receu au-

cun profit de telles exactions, ains seulement du blafme & du dommage pour les auoit enrichis & adheré à leurs importunitéz.

Chacun a veu combien desplaisoient à ce Prince telles nouuelles charges, que l'on le contraignoit tous les iours de mettre sur son Peuple. Car l'an 1578. estant fort las de telles impositions, il s'en prit à M. le Chancelier de Birague, parce qu'il scelloit facilement tout ce qu'on luy portoit; & le pria après auoir esté créé Cardinal, de se descharger des sceaux entre les mains de monsieur de Chiuerny, cuidant qu'il seroit ferme à ne sceller chose iniuste; & fut apportée au Conseil tenu au Loure la liste des Edicts pernicieux desia establis: partie desquels furent par sa Maiesté reuozquez, & desfendu à monsieur le Garde des sceaux de n'en sceller plus qui ne fussent tres-iustes; ce qui fut obserué quelque temps, & iusques à ce que par nouuelles importunitéz il fut forcé & contraint de se laisser aller à l'auarice & cupidité des vrais Tirans, qui le poursuioient & contraignoient de faire chose tant contraire à son bon naturel, & dommageable à luy.

Si ie me voulois dispenser de coter les Edicts que les Chefs de leur Vnion, & plusieurs autres de leur party ont esté cause de faire faire, au grand preiudice du Peuple, voire des trois Ordres: ie ferois paroistre que s'il y a du mal en ce Royaume, il prouient de l'auarice & du particulier profit de ceux qui ont accusé le feu Roy d'estre Tiran, & non pas de l'ardeur de tyrannie qui fut en sa Maiesté; car il n'en fut oncques possédé. mais d'autant que plusieurs ont scéu comme ces choses se sont passées, & qu'il n'apporterait dauantage d'esclaircissement à faire paroistre l'innocence du feu Roy de cette calomnie de Tiran; & aussi que mon intention n'a esté, & n'est de taxer autrui, sinon entant que ie suis contraint de ce faire, pour iustifier les actions de sa Maiesté. Je ne veux point particulariser ny les personnes, ny les dons, ny les Edicts & leuées que l'on a fait faire sur le Peuple, ny le consentement que plusieurs luges souuerains y ont presté: & me contenteray d'auoir assez amplement prouué, que iniustement & à tort l'on a calomnié le feu Roy pour Tiran; & que s'il a esté leué beaucoup de deniers sur le Peuple, ç'a esté par l'inuention d'autrui, spécialement de plusieurs de ceux de l'Vnion; & que les deniers qui sont prouenus de telles leuées, ne sont point tombez au profit de sa Maiesté, mais d'une milliaie de personnes, tefmoin, comme j'ay dit, qu'il ne s'en est point preualu en chose quelconque, ainsi que sont coulumiers de faire les Princes souuerains, qui taschent de faire augmenter leur thresor. C'est pourquoy ie conclus avec raison, que tant s'en faut que le feu Roy ait esté Tiran, & deu estre condamné pour tel par ceux de l'Vnion, qu'au contraire ceux qui l'ont publié pour Tiran, se doiuent eux-mêmes appeler les vrais Tirans & sang-sués du Peuple, & doiuent estre declarez faux tefmoins, pour reparer l'honneur de leur Roy.

Lo'n me pourra dire, que le Roy ne deuoit adherer à telle importunité pour ne fouler son Peuple: ce que i'aduouërây estre veritable,

moyennant que l'on m'aduouë aussi que ce qu'il en a fait n'a esté pour ruiner son Peuple, & moins encore pour s'enrichir; ains seulement pour la facilité qui estoit en luy de contenter chacun, & le desir qu'il auoit de gratifier tout le monde, voire iusques à ses propres ennemis: afin qu'il soit exempt de tout soupçon de tyrannie, & que les coupables d'icelle soient connus pour tels qu'ils sont.

Il me reste maintenant à esclaireir la derniere calomnie, qui est la perfidie, qu'ils ont dit auoir esté commise par sa Maiesté, l'accusant d'auoir violé la foy promise par l'Edict d'Vnion, & la liberté des Estats assemblez à Blois en fin de l'année 1588. Pour quoy faire ie veux prendre mes raisons, & faire mon solide fondement sur l'Edict d'Vnion, & articles precedens iceluy Edict tant solennellement iurée par sa Maiesté & par tous ses Suiets, & dont ceux de l'Vnion ont voulu faire leur grand bouclier, pensans par là iustifier leurs actions. Voyons donc ce que contient ledit Edict, qui c'est qui l'a gardé & obserué.

Ledit Edict & serment de l'Vnion fait en Iuillet 1588. & verifié au Parlement de Paris le 11. Iuillet auditan, porte en substance, que sa Maiesté renouuelle le serment fait en son Sacre, de viure & mourir en la Religion Catholique, & promet employer iusques à sa propre vie pour extirper l'heresie de son Royaume: de ne faire iamais paix ou treue avec les heretiques, ny aucun Edict en leur faueur, ny fauoriser ny auancer aucun Prince heretique ou fauteur d'heresie, pour estre Roy apres son decez: & ne pouruoir aux Charges militaires de son Royaume que personnes Catholiques. De conseruer & traiter tous ses Suiets, ainsi que doit faire vn bon Roy: proteger ceux qui ont seruy sa Maiesté, & exposé leurs personnes & biens par son commandement contre les heretiques & leurs adherans; comme aussi les autres qui se sont cy deuant declarez associez ensemble contre eux; lesquels sa Maiesté a presentement reünis avec elle, promettant de conseruer & de deffendre les vns & les autres des oppressions dont les heretiques & leur fauteurs leur voudroient vser. Aussi promet d'enseuelir la memoire des troubles & diuisions passées entre ses Suiets Catholiques, & qu'il ne sera fait aucune recherche de toutes les intelligences, associations que lesdits Catholiques vnis ont fait, tant dedans que dehors le Royaume; attendu qu'ils ont fait entendre à sa Maiesté, & assermé que ce qu'ils en ont fait, n'a esté que pour le zele qu'ils ont porté à la conseruation & à la manutention de la Religion Catholique. Et particulièrement veut sa Maiesté estre enseuely tout ce qui est aduenu, & s'est passé les 12. & 13. iours de May auditan, qui fut les barricades de Paris, & tout ce que depuis en consequence de ce a esté fait, iusques à la publication dudit Edict au Parlement de Paris, qui fut le vingt & vnième Iuillet; & generally toutes autres choses faites & executées pendant ledit temps, qui se sont depuis ensuiuies à l'occasion ou pour l'effet desdits troubles: d'auantage tient quitte ses Receueurs generaux, particuliers, & tous au-

tres comptables à sa Maieſté, des deniers qu'il feront apparoir auoir fournis pour les causes susdites, depuis ledit douze May, en rapportant les mandemens, ordonnances, & quitances; sans que ceux qui auront receu leſdits deniers en puissent estre comptables, en baillant à sa Maieſté vn Estat des deniers qui auront esté ainsi pris.

Par meſme moyen tous les Suiets du Roy ont fait pareil ferment de s'vnir avec sa Maieſté, & d'employer avec elle toutes leurs forces & moyens, iuſques à leur propre vie, pour l'extermination des heretiques. Auſſi ont iuré & promis de ne recevoir à estre Roy ny preſter obeïſſance à Prince quelconque qui ſoit heretique, ou fauteur d'heresie. Ont auſſi promis les Suiets de sa Maieſté ainſi vnis, de ſe deffendre & conſeruer les vns les autres ſous ſon autorité & commandement, contre les oppreſſions des heretiques. Dauantage ont iuré les Suiets de sa Maieſté, de viure & mourir en la fidelité qu'ils luy doiuent, & d'expoſer franchement leurs biens & leurs perſonnes pour la conſeruacion de ſa perſonne, & de ſon autorité enuers tous, & contre tous, ſans nul excepter.

Ont auſſi iuré & promis leſdits Suiets, de quelque dignité & qualité, ou condition qu'ils ſoient, de ſe departir de toutes les vnions, pratiques, intelligences, ligues, & aſſociations, tant dedans que dehors le Royaume, contraires à l'Edit d'Vnion, & à la perſonne de ſa Maieſté & autorité Royale; & ce ſur les peines des ordonnances, & d'estre tenus infracteurs de leurs ſermens: comme auſſi ſont declarez rebelles, deſobeïſſans, & criminels de leze Maieſté, ceux qui reſuſeront de ſigner l'Edit d'Vnion, ou qui apres l'auoir ſigné, s'en departiront & contreuiendront au ſerment que pour ce regard ils ont fait à Dieu, & à ſa Maieſté. Et quant aux villes qui deſobeïront à la preſente ordonnance, ſeront priuées de tous priuileges, graces, & oſtrois accordez par ſa Maieſté, & par les Roys les predeceſſeurs: & en outre ſi en icelles villes rebelles il y a Officiers Royaux, de quelque qualité qu'ils ſoient, ils ſeront tranſportez aux villes obeïſſantes à ſa Maieſté.

De meſme par les articles faits apres les Barricades, accordez au nom du Roy entre la Reine ſa mere d'une part, avec M. le Cardinal de Bourbon, & M. le Duc de Guiſe, tant pour eux, que pour les autres Princes, Prelats, Seigneurs, Gentilshommes, Villes, Communautéz, & autres qui ont ſuiu leur party d'autre part: la Reine preſente: il eſt dit entre autres choſes, que l'on ſe departira de toutes vnions, pratiques, intelligences, ligues & aſſociations, tant dedans que dehors le Royaume, contraires & preiudiciables à la preſente Vnion, & à la perſonne & autorité de ſa Maieſté, de ſon Estat & Couronne, & des Enſans qu'il plaira à Dieu luy donner.

Le Roy promet auſſi de faire iurer par tous les Cardinaux, Princes, & enſin à tous les trois Eſtats, l'Edict qui en fera faire.

Dreſſera deux armées, l'une en Poitou & l'autre en Dauphiné, dont

M. de Mayenne aura la charge de celle de Dauphiné, & de l'autre celuy qu'il plaira à sa Maïesté.

Sera accordé pour seureté & obseruation desdits articles, la garde des villes delaissées par les articles de Nemours encore pour quatre ans, outre & par dessus les deux qui estoient à expirer du terme accordé par icelles, & pareillement la ville de Dourlens & de Montreuil.

Dauantage accorde sa Maïesté, pour la mesme seureté de l'obseruation des presens articles, & pour mesme temps de six ans (ausquels lesdites villes de seureté deuoient demeurer à Messieurs de l'Vnion) que si les Capitaines & Gouverneurs des villes d'Orleans, Bourges, & Montreuil venoient à deceder, sa Maïesté commettra à la garde d'icelles, seulement pour le temps qui restera à expirer desdits six ans, ceux que lesdits Princes luy nommeront.

Les ville & Citadelle de Valance seroient remises entre les mains du sieur de Gessans (commis cy-deuant Gouverneur d'icelle par M. de Mayenne) pour y commander pour le seruice de sa Maïesté, comme il faisoit auparauant.

Sa Maïesté fera sortir de la ville de Bologne, le Bernet, & en donnera la charge à vn Gentilhomme du Pays de Picardie, qu'il luy plaira choisir. Quoy faisant lesdits sieurs Princes feront retirer des enuiron de ladite ville, & du tout separer les gens de guerre qui y sont.

Les Regimens de gens de pied de Saint Pol, & de feu Sacremore estant es armées, seront payez comme les autres qui y seruiron: & quand ils seront en garnison dans les Prouinces, sera baillé assignation au Thresorier de l'extraordinaire des guerres dès le commencement de l'année, pour les payer quatre mois pour le moins, laquelle ne pourra estre diuertie.

Les garnisons de Thou, Verdun, & Marfal (qui estoit lors en leur main) ainsi qu'elles sont employées sur l'Estat du Roy, seront traitées tant pour les monstres que pour les prests, tout ainsi & à la mesme raison que sera celle de Metz.

Quand le Roy se seruira des compagnies de ses ordonnances, il y employera celles dont lesdits sieurs Princes ont fait instance pour estre traitées & payées comme les autres.

Ceux qui exercent à present les charges de Preuost des Marchands, & Escheuins de la ville de Paris, remettront presentement lesdites charges entre les mains de ladite Maïesté: laquelle ayant esgard aux remonstrances qui luy ont esté faites, du besoin qu'a ladite ville qu'ils continuent à seruir en icelle, ordonnera qu'ils y soient reintegrez & maintenus, tant iusques à la Nostre-Dame d'Aoust prochainement venant, que pour deux ans apres.

De mesme fut stipulé & accordé pour Brigard, mis en l'estat de Procureur du Roy de la ville en la place de Perrot.

Le chasteau de la Bastille sera remis entre les mains de sa Maïesté,

pouren disposer ainsi qu'il luy plaira.

Sa Maieſté fera eſlection d'un perſonnage agreable à ladite ville, pour eſtre pourueu de l'eſtat de Cheualier du Guet.

Les Magiſtrats, Conſeillers, Capitaines & autres Officiers des corps de villes, qui ont eſté changez és villes de ce Royaume, & qui ont ſuiui le party d'eldits ſieurs Princes, ſe demettront pareillement entre les mains de ſadite Maieſté deſdites charges, laquelle les y fera reintegrer promptement, pour le bien & tranquillité d'icelles.

Si par la conſclusion du preſent accord aucuns de quelque qualité ou condition qu'ils ſoient, entreprennent contre les villes & places de ſa Maieſté, ils ſeront tenus pour infraſteurs de paix; & comme tels, pourſuiuis & chaſtiez, ſans eſtre favorizez & ſouteenus par leſdits ſieurs Princes, ny par autres, ſous quelque pretexte que ce loit.

Pareillement auſſi, ſi aucunes des villes & places qui ſont baillées pour ſeureté, venoient à eſtre priſes par quelques vns, ceux qui les auront priſes ſeront punis & chaſtiez, comme deſſus; & eſtant leſdites villes reſpriſes, ſeront remiſes entre les mains deſdits ſieurs Princes, pour le temps qui leur a eſté accordé.

Leſquels articles furent arreſtez à Paris le Vendredy quinziefme Juillet 1588. & ſignez par les deux Reines, & par Meſſ. le Cardinal de Bourbon, & le Duc de Guiſe; & depuis le Roy eſtant à Roüen, les ratifia & approuua le dix-huitiefme dudit mois, & les ſigna, & M. de Villeroy Secretaire d'Eſtat les contresigna.

Cet Edict & articles ne ſont pas obligatoires ſeulement pour ſa Maieſté, mais auſſi pour ceux du party contraire; car ils ſont reciproques. Voyons donc maintenant quia commence à les eſſectuer, & à les rompre.

Le Roy a promis & auſſi-toſt eſſectué l'entrepriſe contre les Huguenots, par le moyen de deux armées de Poitou & Dauphiné cy-deſſus nommées, & a donné la charge de l'une à M. de Mayenne. Il a pardonné les brauades & rebellions qu'on luy auoit faites, ſpecialement depuis les Barricades des 12. & 13. May, comme auſſi les intelligences & aſſociations faites tant dedans que dehors le Royaume: parce qu'il n'a iamais recherché, ny fait rechercher aucuns des auteurs & entremetteurs d'icelle: ains a honoré & auancé pluſieurs des Chefs de l'Vnion: teſmoing l'Eſtat de Lieutenant general, voire preſque de Conneſtable, qu'il donna à M. de Guiſe, celuy de Mareſchal de Camp en tiltre d'Office à M. de la Châtre, & l'entrée au Conſeil ſecret à M. l'Archeueſque de Lion, qui ne l'auoit qu'au Conſeil d'Eſtat: crea le ſieur de Mayneulle Conſeiller d'eſtat, qui eſtoient les principaux Conſeillers de leur party. Il declara auſſi M. le Cardinal de Bourbon premier Prince du Sang. Il contraignit M. le Comte de Soiſſons de demander abſolution au Pape, & quant & quant rehabilitation à ſa Maieſté, pour auoir aſſiſté les Huguenots l'année precedente: ce qui iamais
n'auoit

n'auoit esté pratiqué à l'endroit de ceux qui les auoient seruis, & puis s'en estoient retirez; & particulièrement en Flandres (comme ie diray en son lieu.) Il accorda plusieurs demandes de grande importance à la ville de Paris, & autres qui s'estoient vnies avec elle, selon que la Responſe des articles desdites demandes le tesmoignent; nonobstant les algarades qui luy auoient esté faites. Il continua le Pteuost des Marchands, Elcheuins, & Procureur de la ville de Paris. Il ne commit personne à l'estat de Cheualier du Guet de ladite ville de Paris.

Il confirma tous les Officiers & Capitaines des villes qui auoient esté introduits au preiudice des anciens, à l'occasion de ces nouueaux remuemens faits en la ville de Paris.

Il employa le regiment de S. Pol en l'armée de Poitou, & celuy de Sacremore en Dauphiné, pour y estre payez comme les autres regimens.

Il ne contreuint point aux termes des six ans accordez pour la prolongation des villes de seureté.

Et aussi peu des villes de Dourlens & de Monstreuil.

Il fit iurer par tous les Princes & Seigneurs, & enfin par tous les trois Estats de son Royaume l'Edict d'Vnion.

Il employa aussi les compagnies de gens-d'armes en l'armée de Poitou & de Dauphiné, ainsi qu'ils l'auoient stipulé, & que sa Maieſté l'auoit accordé.

Il eut aussi fait entretenir les garnisons de Thou, Verdun, & Marſal, tout ainsi que celles de Mets, & ne faut douter si aucunes des villes de seureté euſſent esté surprises, que sa Maieſté ne les eust fait rendre, ainsi qu'elle fit Aussonne, quand M. de Pleuuault la surprit. Et si sa Maieſté ne fit rendre la ville & citadelle de Valence, ce ne fut pas sa faute, aussi que c'estoit chose qui ne pouuoit faillir à M. de Mayenne, puis qu'il auoit la charge de l'armée de Dauphiné, avec laquelle il eut fait obeir sa Maieſté, & se fut fortifié de ladite ville & citadelle de Valence. De sorte qu'on peut dire que pour ce regard sa Maieſté y auoit satisfait, en luy donnant l'autorité de l'armée de Dauphiné. Et quant à faire sortir le Bernet de Boulongne, c'estoit chose que sa Maieſté traitoit tous les iours avec M. d'Espèrnon, parce qu'il n'estoit en son pouuoir de le faire, ainsi que chacun l'a bien pû connoistre. Neantmoins il fit croire que dans peu de temps apres, s'il eust esté paisible en son Royaume, il se fut fait obeir par M. d'Espèrnon; & pour ce regard-là il eut accompli la promesse faite ausdits articles, & d'autant plus que sa Maieſté n'aimoit point ledit Bernet, pour auoir esté cause de luy faire broüillet grande partie de la Picardie. Ioint qu'il y auoit assez de Gentilshommes & Seigneurs Picards fideles à son seruice, desquels il se fut fort bien assuré au gouuernement de ladite place. Ce que j'ay voulu coter, afin de faire paroistre que si sa Maieſté n'a effectué cet article-là, que ce n'a pas esté faute de bonne volonté ny de le desirer;

mais pource qu'il n'estoit pas en sa puissance de le faire promptement.

Il fit bonne chere à tous ceux qui auoient esté contre luy, & ne se trouuera qu'il ait fait ny fait faire desplaisir à homme viuant, ains indifferemment qu'il a fait bon traitement & accueil à chacun, combien qu'il eust le moyen de faire le contraire, s'il eût voulu. Il n'a point distribué des Charges pour la guerre à pas vn heretique, ny fauteur d'heresie; selon qu'il l'auoit promis. Il n'a point repeté les deniers pris en ses roceptes sur ceux qui en auoient fait leur profit; ce qui tesmoigne bien l'effet & l'execution de la promesse de sa Maiesté: contre lequel nul avec apparence ne peut dire qu'il ait en rien enfreint ledit Edict d'Vnion, & articles iusques à Noël. Aussi ne faut douter que si l'on eust trouué quelque petite occasion là-dessus, l'on n'eût pas manqué de la mettre en lumiere durant les Estats, pour faire valoir & colorer la perfidie qu'ils se sont efforcez de faire croire à chacun que sa Maiesté a faite, par la mort de Messieurs les Cardinal, & Duc de Guise, & emprisonnement de Mess. le President de Neüilly, & de la Chappelle Prcuoist des Marehands, deputez avec d'autres du tiers Estat de la ville de Paris. Comme aussi par la detention de messieurs le Cardinal de Bourbon, le Prince de Linnille, les Ducs de Nemours & d'Elbruf; & enfin pour auoir remis les tailles & les aides comme elles estoient, non-obstant qu'il eût accordé de les diminuer grandement. Parquoy vous deuez estre assez amplement esclairez, que si messieurs de l'Vnion, qui ont voulu taxer le Roy de perfidie pour auoir rompu l'Edict & la liberté des trois Estats, eussent eu autre sujet apparent que la mort, emprisonnement, & detention susdite, & la recharge des tailles & des aides; ils n'eussent manqué de le mettre en auant, bien qu'il n'eust esté veritable: pour l'exagerer d'autant plus contre sa Maiesté, & pour pallier & faire trouuer bon leur prise des armes faite contre sa Maiesté en Ianuier 1589. parce qu'ils la iugerent en leur conscience tres-iniuste. Parquoy ie n'ay que faire de me mettre en peine d'esclaircir personne, que sa Maiesté n'a contreuenue à l'Edict d'Vnion iusques à Noël, parce que chacun en est d'accord; mais seulement de la calomnie qu'ils ont proposée contre sa Maiesté d'auoir esté perfide & violateur des Estats, par la mort & emprisonnement susdit, & recherches des tailles & aides. Ce qui me sera bien aisé à faire, quand i'auray descouuert les occasions que sa Maiesté a eu de faire ce qu'elle a fait. Car si elle n'y eust esté forcée, & que de son propre mouuement, & de gayeté de cœur & sans occasion elle eust fait ce que dessus, on l'eust peu blâmer avec raison. Mais qui iugera sans passion, connoistra que non seulement elle ne l'a pas fait de gayeté de cœur, ny quand elle y a esté conuiee; mais lors qu'elle y a esté contrainte pour sauuer sa vie, son honneur, & sa Couronne; comme i'espere vous le declarer.

Pour ce faire donc ie suis contraint de tourner maintenant fuëillet, afin de faire apparoir si Messieurs de l'Vnion ont gardé & obserué in-

uiolablement le serment solennel qu'ils ont fait par ledit Edict d'Vnion iusques à Noël audit an, ainsi que l'on a veu bien clairement que sa Maiesté a fait de sa part; afin de iuger s'ils l'ont gardé aussi bien qu'elle a fait.

Les articles n'en furent pas plustost esuentez, & l'Edict d'Vnion publié au Parlement & depuis iuré, que l'on tint Conseil à Paris pour sçauoir comme l'on se gouueroit à l'aduenir; preuoyant que si l'on ruinoit les Huguenots & que l'on ostant l'heresie de ce Royaume, il ne demeureroit plus de pretexte de remuer les armes, & par consequent le Roy demeureroit en paix; lequel peu à peu ne faudroit d'esloigner de sa Cour ceux qu'il estimeroit ambitieux & contraires à son autorité & à son repos; de sorte que l'on seroit contraint de se retirer chacun en sa maison & Gouuernement, & y viure priuément & avec mespris de beaucoup de personnes, en la maniere accoustumée & pratiquée en ce Royaume, à l'endroit de ceux que l'on voit peu fauorisez du Roy. Au moyen dequoy l'on tomberoit en si grand mespris non seulement envers les François, mais aussi à l'endroit des Princes estrangers avec lesquels on auoit confederation & intelligence, qu'ils n'en feroient plus de cas. Et comme le Roy n'estoit âgé que de trente sept ans, & de bonne complexion pour viure encore vingt, & vingt-cinq ans; il ne falloit esperer que M. le Cardinal de Bourbon âgé de loixante quatre ans, pût suruiure sa Maiesté & succeder à la Couronne, comme ils desiroient qu'il fit, pour la bonne part qu'ils pensoient auoir au gouuernement de ce Royaume, voire de paruenir à la Royauté: se seruant de mondit sieur le Cardinal, non pour amitié & respect qu'ils luy portassent, ne pour luy pourchasser quelque bien; car en derriere ils le mesprisoient & se moquoient de luy, mal à propos, comme tout le monde l'a connu, pour oster l'occasion à tous ceux de leur party de l'honnorer & rechercher, & faire aucun estat & fondement sur luy; ains seulement faire estimer que l'on ne pretendoit se seruir de mondit sieur le Cardinal de Bourbon, sinon comme d'un échaffaut dont les maisons se seruent pour monter vne maïsonnerie iusques au haut de l'entablement d'icelle, & puis le deffont & le iettent par terre. Parquoy ils iugerent leur estre nécessaire de pouruoir à leurs affaires, en sorte que l'autorité grande, voire souveraine leur demeurast auprès du Roy; & pour ce faire resolurent qu'il n'y auoit autre moyen que de se saisir de sa personne, & avec l'autorité & la force, chasser d'aupres de sa Maiesté tous ceux qui luy estoient affectionnez & fidelles, & ennemis de leur Vnion, pour y en establir d'autres du tout à leur deuotion: afin que toute la Cour, depuis les premieres Charges iusques aux dernieres des galopins & laquais, dependissent du tout de leur autorité. Entre lesquelles Charges qui furent proiettées, ie ne veux nommer que celle de Garde des Sceaux, qui fut destinée à M. l'Archeuesque de Lion, comme l'Estat le plus important de tous, parce que d'iceluy depend le reglement de la Iustice,

des Finances, & la prouision des Estats & Offices; & que par son autorité & industrie il peust faire beaucoup de bien ou de mal pour le seruice du Roy : laquelle resolution fut estimée d'autant plus facile à effectuier par l'autorité que le Roy auoit augmentée à l'Estat de grand Maistre, quasi approchante de celle du Connestable.

Pour en venir donc mieux & plus aisement à bout, il fut conclud qu'il estoit tres-necessaire d'auoir à leur deuotion les deputez des trois Estats qui se deuoient assembler à Blois trois mois apres : & en outre d'enuoyer en chacun Bailliage & Seneschaussée, certains memoires des choses qu'ils deuoient requerir, propres & conuenables pour paruenir à leur but desiré. Ce que sitost qu'il fust resolu, fut mis à execution, & fut escrit à ceux qui estoient en chacun Bailliage les plus affectionnez à leur party, pour tenir la main à ce que les articles que l'on leur enuoyoit, fussent employez au cahier que les deputez porteroient aux Estats : & en outre qu'ils missent peine de se faire deputer par leur Bailliage, pour porter lefdits cahiers, & que ceux de la Noblesse vinssent accompagner d'aucuns de leurs amis, avec leurs corps de cuirasse & pistollets; ce qui fut si dextrement executé, que quasi tous les deputez des trois Ordres qui se trouuerent à Blois, estoient du tour partisans de Messieurs de l'Vnion, & leurs cahiers conformes à requerir ce que l'on leur auoit enuoyé par escrit : qui estoit en somme pour oster toute l'autorité au Roy, & le moyen de conseruer son Royaume, afin que tous les trois Estats fussent interessez & engagez, sans y penser, à la deliberation prise de se saisir de la personne du Roy, & le mettre comme en tutelle : à ce que par ce moyen ils peussent effectuier leur resolution, puis qu'ils estoient hors d'esperance de le faire aller à Paris, comme ils auoient proietté en traitant l'Edict d'Vnion. Car sa Maiesté ayant esté aduertie que l'on ne la poursuivoit d'aller à Paris pour y reprendre son autorité, mais bien pour la luy oster, s'excusa d'y aller sur les preparatifs des trois Estats, & de l'armée qui deuoit estre enuoyée en Poitou. Dequoy ils furent bien marris, pource qu'estant dans la ville de Paris, il eut esté entre leurs mains, & n'eut fallu tant de misteres; car tout à vn coup l'on se fut saisi de ceux que l'on eut voulu, pour en mettre aucuns en la Bastille; d'autres en la Conciergerie, pour leur faire faire leur procez; & chasser les autres de la ville, & en leur place y en mettre tels que bon leur eut semblée sans aucun contredit ny résistance. Mais comme Dieu ne permit que leur intention eust lieu par tel piege, ils furent contraincts de dresser leur partie pour paracheuer aux Estats de Blois; esperant toutesfois qu'ayant quasi tous les deputez à leur deuotion, accompagner de leurs amis, & avec armes, ils seroient les plus forts: mesme d'autant qu'ils auoient mädé, comme dit est, plusieurs Seigneurs & Gentilshommes leurs adherans, pour se rendre à Blois avec leurs amis & armes, ce qui fut entierement executé; de sorte que vous eussiez veu aborder de tous costez des Gentilshommes armez, les vns entrans dans la ville de Blois,

& les autres demeurans aux villages circonuoifins; ce qui efclaircit bien amplement l'effet de la refolution que j'ay dit cy deffus auoir esté prife à Paris apres l'Edict d'Vnion iuré & publié: car les Marefchaux des Logis & Fourriers du Roy n'euffent ofé refuser logis à ceux de l'Vnion qui abordoient à Blois, ainfi qu'il a esté tres-notoire à chacun.

Et comme la partie auoit esté tres-bien dreflée, & que l'on la tenoit pour toute afferée; auffi l'on ne fe pût contenir de la declarer aux principaux de leur party: pour les engager d'autant plus avec eux, en leur faifant apparoir l'iffuë bonne & prompte de leurs affaires; au moyen dequoy cela se difoit affez publiquement parmy eux, & encore plus s'écriuoit aux Prouinces pour tenir ferme à leur party, moyennant l'efperance que l'on leur donnoit de voir les affaires de ce Royaume eftablies au mieux que l'on pourroit fouhaitter.

Si donc Monsieur de Mayenne enuoya de la ville de Lion, où il eftoit, aduertir fa Maiefté de cette refolution prife, afin qu'elle eust à fe garder, & de mefme fit Madame la Ducheffe d'Aumalle, pour l'auoir appris en la ville de Paris, ainfi que le feu Roy le declara, par vne patente qu'il fit au mois de Feburier, l'on ne peut iuftelement douter que ladite refolution ne fust prife, veu que d'ailleurs cela eftoit quafi publié par toute la France, & que l'on en voyoit tous les iours les effets conformes à tel deffein. Auffi quiconque fera fans paffion, ne pourra douter que la chofe ne foit ainfi que ie la raconte. Et d'autant plus ils fe refiouiront de la grande impetuofité que faisoient les depurez des trois Eftats, felon le vent qui leur eftoit foufflé tous les iours aux oreilles, tendant afin d'oter les moyens au Roy d'entretenir fa Royauté & l'autorité qui iuftelement luy appartenoit; voire mefmes qu'il y eust des deputez fi impudens, que de partir de leurs Prouinces fans emporter leurs cahiers, fçachans bien d'ailleurs ce qu'ils auoient à dire, felon le contenu de leurs billets receus auant que d'estre nommez. Et de fait, il y en eut plusieurs qui ont demeuré à Blois plus de fix ou fept femaines fans cahier, & toutesfois ne laiffoient pas tous les iours d'entrer en la chambre, & requerrir ce que l'on leur auoit prefcrit auparauant leur delegation, bien qu'il n'euffent aucune charge de leur Prouince.

L'on ne cefla iamais iufques à ce que l'on luy eut fait quitter vne grande partie des tailles & des aydes qu'il retiroit, fa Maiefté fçachant fort bien luy estre impossible de pouoir feulelement payer les charges ordinaires pour la conseruation du Royaume & de fa perfonne, non que de foudoyer deux groffes armées pour faire la guerre aux Huguenots.

Laquelle propofition fut faite à deux fins, la premiere cuidant que le Roy ne la deust iamais accorder, & par ce moyen engendrer mutination generale parmy tous les deputez des trois Ordres, pour prendre occasion d'effectuer la deliberation prife de fe faifir de la perfonne du Roy; & chaffer tous ceux qui eftoient aupres de luy, comme leur at-

tribuant la cause de tout ce que le Roy auoit fait, & faisoit. L'autre estoit, qu'au cas que sa Maiesté accordast telle diminution de tailles & aydes, qu'il venoit à se retraindre les moyens de s'entretenir; en sorte qu'il eut esté contraint de trouuer bon & adherer à leur intention, de se laisser gouverner, en luy donnant enuiron deux cens mille escus par an, pour employer à ses menus plaisirs & affaires, sans se mesler du surplus des finances ny des affaires de ce Royaume. Mais comme ils ne se pouuoient persuader que sa Maiesté leur deust iamais accorder telle diminution, & qu'en ce faisant ils executeroient quant & quant leur deliberation, ils se trouuerent bien estonnez de voir que le Roy la leur accorda librement; tant pour éviter la fureur qui estoit en eux, de laquelle il auoit esté assez aduerty, qu'aussi qu'il esperoit en continuant les Estats, de faire paroître aux trois Ordres estre impossible de conseruer son Royaume, avec si peu de deniers qui luy reuiendroient de bon; & encore plus de pouuoir faire la guerre aux Huguenots avec deux grandes armées, ainsi qu'il auoit esté resolu: & en ce faisant que eux-mesmes seroient contraints le requerir de remettre les mesmes tailles & aydes, ou trouuer l'inuention d'autres nouueaux moyens, s'ils eussent voulu qu'il eust continué la guerre contre les Huguenots; de sorte que l'interieur de Messieurs de l'Vnion n'estoit pas de décharger le Peuple, selon la requeste faite au Roy, mais seulement de s'en seruir à paruenir à leur but.

Car apres qu'ils se fussent saisis de la personne du Roy, & du regimé & gouvernement du Royaume, est-il vray-semblable qu'ils eussent voulu laisser prendre les villes frontiers de ce Royaume, & sur tout desister de faire la guerre aux Huguenots, laquelle ils auroient tant cornée? Non à la verité, car ils eussent receu vn trop grand blâme de laisser profperer en repos les Huguenots, lors qu'il estoit en leur pouuoir de leur faire la guerre & les dechasser; parquoy ils eussent esté contraints de trouuer promptement argent, par quelque moyen que c'eust esté, lequel n'eust peu estre plus prompt ny conuenable pour tel effet que celuy qui estoit desia estably; de sorte qu'eux preurent bien qu'ils seroient contraints auparavant, & plustost encore les augmenter que diminuer (ce qu'ils pensoient qui leur seroit beaucoup plus aisé à faire) & que chacun supporteroit facilement quand l'on verroit qu'ils gouverneroient le Roy & tout son Royaume, pour l'esperance qu'ils seroient prendre à tous que les deniers qui se leueroient doresnauant, seroient autement disperlez qu'ils n'auoient esté par le passé.

Parquoy vous pouuez bien verifier que iamais leur intention n'a esté de descharger le Peuple des tailles & aydes, connoissant estre impossible de ce faire, & de continuer la guerre contre les Huguenots; & partant vous auez eu moyen de vous esclaircir l'esprit, que si le Roy remit les tailles & aydes presque en l'estat qu'elles estoient auparavant, qu'il nel'a fait qu'à toutes forces & extremité, & apres auoir fait paroi-

stre à Mess. des trois Estats, bien particulièrement la valeur de ses finances, & la despenſe qu'il conuenoit faire; & par conſequent qu'il ne peut eſtre taxé pour auoir remis leſdites tailles & aydes, d'auoir violé la liberté des Estats, & d'eſtre pariure.

Car ſi vous voiez la condition ſous laquelle il accorda ledit rabais des tailles & aydes, vous trouuerez que ce fut moyennant qu'ils luy fiſſent fonds pour entretenir ſa Royauté, & la guerre deſtinée contre les huguenots, comme il eſtoit plus que tres-juſte & raiſonnable. Ce que voyant eſtre impoſſible de faire, les trois Ordres enſin s'accorderent de remettre leſdites tailles, ou pour le moins ne firent aucune demonſtration de le trouuer mauuais; la pluſpart connoiſſant bien que toſt ou tard il en falloit tomber là, comme le verrez particulièrement par ledit aduertiffement aux Bourgeois de Paris, lequel ie vous prie de voir; car par iceluy vous ſerez eſclaircis non ſeulement du fait deſdites tailles, mais de l'iniuſte & impertinent aduiſ donné par ceux de la Sorbonne; comme auſſi de l'iniuſtice de la priſe des armes faite au commencement de Ianuier 1589. avec vn ſi beau & ſi ſage diſcours des maux que l'Auteur preuoyoit deuoir aduenir en ce Royaume, que vous diriez proprement qu'il les euſt veus dans vn miroir, lors qu'il les deſcriuoit. En quoy il a fait connoiſtre que ſa qualité eſtoit autre que d'un ſimple Bourgeois de la ville de Paris, comme il l'a voulu faire accroire, pour donner plus facile accez à ſon œuvre en l'eſprit d'un chacun.

Si ſa Maieſté n'a pas fait publier les cahiers des Estats, il ne s'en faut prendre qu'à ceux de l'Vnion, qui ne luy en ont pas donné le loir; car le pauvre Prince eſtoit fort affectionné à les faire dreſſer & à les faire publier; & pour ce y employoit la meilleure partie du iour, oubliant & delaiffant à part d'autres affaires qui luy eſtoient plus importantes & plus neceſſaires, afin d'empêcher les deſſeins pernicieux que l'on auoit reſolus par la rebellion generale que l'on vit éclore en vn moment au mois de Ianuier 1589. (qui ſit aſſez paroître que le baſtiment en eſtoit proieté de longue-main) combien que ſa Maieſté fut admonéſtée de ſe departir de telle vacation, & s'addonner du tout à pouruoir à ce qui eſtoit neceſſaire pour ſe deffendre contre vn ſi grand & ſi vniuerſel embraſement. Car il ne ſe departit iamais d'auancer la reſolution deſdits cahiers des Estats à la maniere accouſtumée, qu'il n'entendiſt que M. de Mayenne ſ'acheminait pour ſecourir Orleans, & qu'il conuoit chacun à le venir aſſiſter pour ſe venger de luy; ce qui fut la cauſe de luy faire interrompre la reſolution deſdits cahiers & non pas ſon propre mouuement.

Toutefois comme il entendit vn remuement d'armes ſi grand & ſi general, il s'apperceut bien que ſon pauvre Peuple ſouffriroit beaucoup de mal, & qu'il luy ſeroit impoſſible qu'il luy payaſt toutes les tailles. Ce qui fut cauſe de luy en faire rabattre le quart, y compris vne certaine ſomme qu'il luy auoit deſſuite dès le commencement de l'année, afin

de donner meilleur moyen au Peuple de respirer parmy ses miseres, & de luy payer les trois quarts. Ce que j'ay voulu coter icy, pour faire paroistre la bonne volonté que sa Maesté auoit à l'endroit de ses Suiets, la pitié & commiseration qu'il auoit d'eux, de leur voir preparer tant de miseres, pour effectuer les ambitions & les passions d'autrui: qui est seulement ce que ie veux dire sur ce fait, pour n'ennuyer dauantage le Lecteur; pource qu'il me semble auoit assez suffisamment esclaircy l'esprit de ceux qui voudroient iuger les choses sans passion touchant ce que dessus.

Parquoy teuenant à mon propos, ie vous diray que non seulement telles brigues & menées furent faites parmy tout le Royaume, apres l'Edict d'Vnion iuré & publié; mais aussi fut confirmé le traité fait avec le Roy d'Espagne, & Monsieur le Duc de Parme; parce que le Roy d'Espagne, & ses Ministres, comme aussi mondit sieur le Duc de Parme se sentirent offensés, de voir que par tel Edict d'Vnion Messieurs les Confederez s'estoient obligés de se departir des traitez qu'ils auoient avec eux, & par ce moyen que le Roy d'Espagne viendrait à perdre les grosses sommes de deniers qu'il leur auoit données, depuis le traité fait à Linuille, au commencement de l'année 1585. comme aussi le recouurement de la cité de Cambray, qui leur auoit esté particulièrement promise par tous les traitez faits avec ledit Roy. Mais ce qui plus le greuoit, estoit qu'il perdoit le moyen de tenir broüillé ce Royaume, n'ayant plus de Confederez ni adhetans à luy, pour effectuer son dessein. Car tant s'en faut que le Roy d'Espagne desirast de voir ruiner les Huguenots & le Royaume reduit en paix, qu'au contraire il ne tenoit qu'à le tenir tousiours en diuision. C'est pourquoy il fut reproché à Messieurs de l'Vnion par les Deputés du Roy d'Espagne, quand ils virent l'Edict d'Vnion iuré & publié, qu'il n'y auoit aucune stabilité parmy eux, pour auoir aussi bien manqué de promesse à leur Roy cette seconde fois, comme ils auoient fait à la premiere ligue de l'an 1585. en faisant la paix avec le Roy auparauant que d'en auoir aduerty le Roy leur maistre; ainsi qu'ils auoient promis & iuré, par vn article special contenu audit traité. A quoy leur fut respondu par Messieurs de l'Vnion, qu'ils ne se missent en peine, & qu'ils n'entendoient aucunement de se departir de la confederation qu'ils auoient avec le Roy leur Maistre, ains qu'ils l'approuueroient & confirmeroient derechef; & que ce qu'ils en auoient fait, n'auoit esté que pour mieux preparer les choses à leur intention.

Ils enuoyerent en Suisse en dire autant au sieur Colonel Feiffer, afin qu'il ne pensast qu'ils l'eussent abandonné; & que la pension annuelle à luy promise, & à d'autres Capitaines leur deüst faillir; l'assurant qu'ils vouloient entretenir tout ce qui leur auoit esté promis, & qu'ils espéroient encore de faire dauantage pour luy dans peu de temps.

On enuoya aussi vers M. de Montmorency le sieur de la Fougere, pour

pour traitter nouvelle intelligence & mariage, en ensuiuant les erres du passé.

Nc fut aussi oublié de faire pareille p^{ar}tie à l'endroit du Pape, en telle sorte que le mariage de la petite Niepce de sa Sainteté estoit comme conclud & arresté avec M. le Prince de Iuuille, maintenant Duc de Guise, si feu M. de Guise son pere ne fust mort, pour l'esperance qu'il donnoit au Pape de sa grandeur.

En ce temps-là M. de Sauoye cuidant que le Roy fût ruiné pour estre sorti de Paris, enuoya requerir M. de Guise de se liguier avec luy, à la charge qu'il auroit pour sa part le Marquisat de Saluce, la Prouence, & le Dauphiné. A quoy M. de Guise ne voulut entendre, pource qu'il desiroit de se conseruer le Royaume entier, ce qui fut cause que M. de Sauoye depité de telle responce, enuoya le sieur de vers sa Maiesté à Chartres au mois d'Aoust, luy offrir toute amitié & seruice; de quoy M. de Guise estant marry, temit en auant ladite intelligence & ligue, & accorda à M. de Sauoye sa demande, & fut M. de Sauoye aduertie de la resolution prise contre le Roy, aux Estats à Blois: afin que de son costé il eust le loisir de faire ses affaires au mesme temps, à quoy il ne s'oubliait point: oubliant neantmoins la promesse faite à sa Maiesté de son propre mouuement. Car il preuint le terme de l'exécution, par la surpris du Marquisat de Saluce: laquelle seruit d'auant-coureur à la conspiration faite contre la personne du Roy, ainsi que chacun le preiugea: pource qu'il estoit fort aisé à connoistre que M. de Sauoye, qui est vn petit Prince au prix de la puissance de ce Royaume, & lequel a tellement engagé la Bresse, la Sauoye & le Piedmont aux limites de la France, qu'il estoit au pouuoir du Roy de luy oster la plus grande partie d'iceux en fort peu de temps, s'il n'estoit soustenu, ou que sa Maiesté fut d'ailleurs empeschée; ce qui faisoit bien reconnoistre qu'il n'auoit pas fait l'entreprise de Carmagnole, Ruel, & Saluce, sans estre assuré que d'autre costé le Roy seroit retenu & empesché de luy faire la guerre; d'autant que sans tel empeschement, il pouuoit bien estre assuré qu'apres les Estats tenus, sa Maiesté recouuretoit & son Marquisat de Saluce, & le ruineroit au reste, s'il n'estoit diuertie. Chose qui vous doit faire apperceuoir & iuger mon dire veritable, & qu' auparauant Noël l'on auoit rompu la foy & le serment de l'Edict d'Vnion.

Et d'ailleurs le sieur de Ballagny qui auoit pressenty la promesse faite par les Chefs de l'Vnion, de remettre la Cité de Cambray entre les mains du Roy d'Espagne, s'estoit beaucoup offensé de telle promesse, contraire à celle qu'ils luy auoient faite à luy-mesme s'estant rangé à leur party: parce qu'ils auoient fait vn traité avec luy le quinziesme Ianuier 1587. (qui fut trouué apres la mort de feu M. de Guise) par lequel il estoit entre autres choses dit, avec serment d'vne part & d'autre: Que M. de Guise conserueroit ladite ville & pays de Cambresis audit sieur Ballagny enuers tous & contre tous, sans nul excepter, soit sous main ou à vilage decou-

uert: promettant d'en faire de meſme à la veufue & aux enfans, au cas qu'iceluy Ballagny vint à mourir: & pareillement d'employer pour la conſervation, tuition & deffence de ſa vie, biens & honneurs, & de l'autorité qu'il auoit en ladite ville, non ſeulement ſa vie & ſes moyens, mais auſſi de tous Princes & Seigneurs Catholiques alliez avec luy. Et ledit ſieur Ballagny promettoit d'aſſiſter M. de Guiſe, d'employer ſa vie & ſes moyens, ſans y eſpargner aucune choſe de ce qui ſeroit ſous ſon autorité & puisſance, ſpecialement ſa place de Cambray: fauoriſer les ſaintes entrepriſes que M. de Guiſe auoit pour le ſeruice de Dieu, comme auſſi de ne ſortir des termes dudit traité en façon que ce ſoit, ny meſme ſe deffaire de l'autorité, charge & pouuoir qu'il a en ladite ville & citadelle de Cambray, & pays Cambreſis: moyennant les conditions qui reciproquement luy eſtoient promiſes & accordées, & d'abondant certaines ſommes de deniers par an, ſelon que vous le pourrez voir par la copie dudit traité, miſe cy en fin de ce traité; & par vn arreſt de compte des ſommes que M. de Guiſe deuoit audit Ballagny, pour vne année commencée le quinziefme Ianuier 1587. & finie à meſme iour de l'année enſuiuante 1588. montant à ſeptante ſix mil trois cent vingt ſept eſcus trente trois ſols quatre deniers. Lequel traité cuidant ledit Ballagny eſtre rompu par l'Edit d'Vnion, il voulut ſ'en eſclaircir, & luy fut mandé, que tant ſ'en faut que l'on euſt intention de le rompre, qu'au contraire d'abondant on le confirmeroit, avec aſſurance de faire encore mieux en ſon endroit que ce en quoy l'on eſtoit obligé par iceluy traité. Car il luy faiſchoit de perdre le payement de huit monſtres par an de ſa garniſon, & encore ſix mille eſcus par an qui luy auoient eſté promiſ.

Notez, ie vous prie, le beau trait qui eſt aduenü pour ce fait de Cambray. En premier lieu ils ſe font obligez au Roy d'Eſpagne de luy faire recouurer ladite Cité, au preiudice de l'autorité du Roy, & de la grandeur de la Couronne de France. D'autre coſté ils promirent audit ſieur de Ballagny de le conſeruer & maintenir en ſon Gouuernement de Cambray, enuers tous & contre tous, & encore apres luy ſa femme & ſes enfans: ce qui eſt du tout contraire à la promeſſe qui auoit eſté faite au Roy d'Eſpagne. Et enfin auoient iuré par l'Edit de Nemours l'an 1585. & reiteré par les ſuſdits articles, & l'Edit d'Vnion fait en Iuillet 1588. de ſe departir des ligues & intelligences, tant dedans que dehors ce Royaume, & d'aſſiſter ſa Maieſté, & employer les vies & biens pour ſon ſeruice. Et neantmoins incontinent apres auoir fait ſermens ſi ſolemnels, ils firent ledit traité avec Ballagny; & depuis le confirmerent au preiudice de leur ſerment, & qui pis eſt, ſ'obligerent au Roy d'Eſpagne d'arracher de la Couronne de France ladite ville de Cambray. Iugez maintenant quel des trois effets ils auoient plus d'enuie de mettre à execution. Si vous conſideréz bien la promeſſe que M. de Guiſe fait d'employer la vie & les moyens des Princes & Seigneurs Catholiques, qui ſont alliez

avec luy ; vous iugerez par là si au preiudice du serment fait au traité de Nemours, Messieurs de l'Vnion auoient fait nouuelle association.

Le sieur de Villars Gouverneur du Havre de Grace, & confederé avec Messieurs de l'Vnion, par le moyen de Madame la Comtesse de Saulx, fille du feu Baron de Guerres, subiect de Monsieur de Lorraine, estant aduert de ce nouuel Edict tant solemnellement iuré, cuida qu'il se falloit departir de la confederation faite entre eux auparavant icelle, & se ranger du tout aupres du Roy ; ce qui le fit s'adresser à eux, en la ville de Paris, pour sçauoir comme il auoit à se gouverner ; où il apprit qu'il ne falloit rien changer de l'intelligence & association precedente qu'ils auoient entre eux ; mais derechef la confirmer plus que iamais, pour paruenir à quelque grand effet. Il en fut fait autant au sieur de Corbon Gouverneur de Haon en Picardie, au sieur de Brosse, de Peumaut, de Chauignac, & de Steffe, Gouverneurs de Mouson, Maubert Fontaine, Rocroy, & de Vitry en Champagne : & de mesme fut fait par les autres villes de ce Royaume à leurs Confederéz. Voyez par là s'ils desiroient d'employer leurs vies & biens, comme ils auoient iuré, pour conseruer l'autorité du Roy, puis qu'ils destournoient les Gouverneurs des villes de frontiere de rendre l'obeissance deuë à sa Maiesté, pour les tenir vnis & associez comme auparavant, au preiudice de leur serment, ainsi que nous dirons tantost, parlant de leurs particuliers deportemens.

La confirmation & augmentation que Messieurs de l'Vnion firent des pensions qu'ils donnoient en chacune Prouince de ce Royaume tant à certains Gouverneurs & Capitaines de places, que Capitaines particuliers des quartiers des grandes villes, comme aussi à quelques Maires, & Escheuins, & d'autres personnes, tant de iudicature que de finance, & portans espée, turbulens & necessiteux, qui furent confirmez & augmentez nonobstant le serment fait par l'Edit d'Vnion & lesdits articles, de se departir de telles ligues & associations, tesmoignent assez si l'on se departit de l'intelligence, confederation, associations, ligues, & traitez, tant dedans que dehors le Royaume, selon leurdit serment : si l'on auoit volonté de le garder, ou plustost de renuerser le Roy, & sa Couronne ; ce qui vous doit faire connoistre que ledit serment de l'Vnion n'a pas esté aux choses susdites aussi inuiolablement gardé à sa Maiesté iusques au temps de Noël 1588. qu'elle a fait de sa part, comme ie vous ay cotté cy dessus.

Ie suis contraint de vous dire encore ce mot, pour faire paroistre leur manquement, que par l'Edict d'Vnion ils iurerent de conseruer les vns les autres, & ne fut pas plustost iuré, que M. d'Aumalle s'en alla en Picardie, pour se faire eslire Gouverneur d'icelle, & en depousseder M. de Nevers Gouverneur de ladite Prouince, & M. de Longueuille son gendre qui l'auoit en suruiuance de M. son beaupere, ce qui ne succeda audit sieur d'Aumalle comme il auoit proietté. Neantmoins cela fait ap-

paroir l'obseruation de leur serment en leur deliberation de despoüiller tous bons Catholiques affectionnez au seruice du Roy, de leurs charges, voire le Roy de sa Couronne, pour s'en reuestir eux-mesmes.

Je reprendray vn autre point, qui est que Messieurs de l'Vnion ont iuré d'assister le Roy de leur vie & moyens, pour exalter la Religion Catholique, & extirper l'heresie de son Royaume; & neantmoins ie vous prie de considerer si homme viuant de leur party a effectué ce serment; car vous ne trouuerez vn seul Capitaine des leurs, qui se soit employé durant ladite année contre les Huguenots, que deux seuls; l'vn, le sieur de la Chasteigneraye Maistre de Camp d'un regiment de gens de pied, qui alla en Poitou avec Monsieur de Neuers, à cause que son pere & tous ses parens y ont leur bien, afin de les conseruer en ce qu'il pourroit: & aussi pour se venger de quelques particuliers ennemis qu'il auoit audit pays; & que Monsieur & Madame de Retz, & Madame de Larchamp sa sœur l'auoient acheminé & poussé à ce faire, pour estre leur parent, & pour le desir qu'ils auoient de le mettre en la bonne grace du feu Roy, & l'auancer. L'autre fut le sieur de Sagonne Marechal de la Caualerie Legere, lequel pour estre ieune & desireux de voir la guerre, & aussi pource que sa charge estoit belle & honorable, n'y estant le Colonel d'icelle, il s'y en alla aussi avec Monsieur de Neuers. Il est bien vray que le regiment de S. Pol Maistre de Camp de l'Vnion, alla pareillement audit Poitou; mais luy n'y voulut aucunement aller, aimant mieux se seoir à table au haut bout près de Monsieur de Guise, & demeurer à Blois, ainsi que firent tant d'autres de l'Vnion qui y estoient, pource qu'ils attendoient la prise de la personne du Roy, qui leur estoit beaucoup plus en affection que la guerre contre les Huguenots. Je ne parle point icy de Monsieur de la Chastre, qui alla avec Monsieur de Neuers pour exercer l'estat de grand Maistre de Camp, que le Roy luy auoit conféré (comme i'ay dit cy-dessus) car ce qu'il en fit fut seulement pour vne amitié qu'il portoit de long-temps à M. de Neuers; & pour le desir qu'il auoit de l'assister, & de luy faire paroistre son affection, sçachant qu'il luy feroit chose fort agreable; car sans cela il n'y fut allé, à cause que les principaux de l'Vnion tâcherent de le diuertir d'assister en cette guerre M. de Neuers, lequel l'aimoit & l'estimoit grandement, & pensoit d'en retirer grand seruice, comme il fit, qui estoit bien loin de vouloir eux-mesmes employer leur vie & leurs biens pour la conseruation de la Religion & extirpation de l'heresie.

Quant à l'armée dressée pour le Dauphiné, chacun a veu & sceu qu'elle n'a fait dommage à vn seul Huguenot de la valeur d'un denier: ains qu'elle n'a fait que manger le miserable peuple Catholique du Lionnois & du Dauphiné par l'espace de deux mois qu'elle y a siourné, combien qu'elle fust en estat, & l'équipage de l'artillerie quant & quant; car les Chefs s'arrestoient à Lion à faire grande chere en festins, mascarades, & dances en bonne compagnie de dames qui y estoient, comme il est tres-notoire.

Et quant aux autres qui ne portoient espée, l'on a bien veu clairement & par effect, que tant s'en faut qu'ils ayent voulu employer leur vie selon le serment par eux fait, & aussi peu leur bien pour soudoyer lesdites deux armées de Poitou & Dauphiné; qu'au contraire ils ne voulurent iamais prester vn escu par forme d'auance pour se rembourser sur la vente des biens del'Eglise: parce que l'on ne les pouuoit vendre, & en tirer l'argent si tost qu'il estoit necessaire de les employer, & qui plus est, offerent le moyen au Roy de trouuer argent, par la descharge des tailles & aydes susdits, qu'ils le contraignirent de faire.

Voyez si la Bastille fut renduë au Roy, s'il a iamais esté en la puissance de sa Maiesté de commettre vn Cheualier du Guet. Je diray bien mieux, que Messieurs de Paris s'obligerent de payer tous les ans au sieur de Villars Gouverneur du Havre de Grace, la somme de trente mil escus par an, afin de le tenir confederé avec eux, nonobstant l'Edict d'Vnion, dequoy chacun est assez éclaircy; car les traitez se faisoient, & l'argent se comptoit au logis de la susdite Dame Comtesse de Saux, en ladite ville de Paris.

Les Prcuost des Marchands & Escheuins de ladite ville de Paris, sçachant que M. de Neuers vouloit aller en son Gouvernement de Picardie, selon que le Roy luy auoit commandé, pour corriger ceux qui auoient voulu faire des brigues & menées pour les estats, & à cet effect mener deux Maistres des requestes avec luy, que sa Maiesté auoit deputé par ses lettres patentes: ne luy firent-ils pas dire qu'il se donnast garde de toucher au Lieutenant general d'Amiens nommé le Roy, & à d'autres leurs Confederez? parce qu'ils ne pouuoient & ne vouloient les abandonner. Cela estoit tout commun en la ville de Paris quand M. de Neuers s'en allast en Picardie, mesme que l'on pensoit qu'il en dult aduenir quelque mutination, à cause que M. de Neuers leur respondit sagement, & non toutesfois comme ils le desiroient. Ce qui vous tesmoigne qu'ils ne s'estoient departis de leurs associations, quelques belles promesses & sermens qu'ils eussent fait à Dieu & au Roy.

Voyez donc si ledit Edict a esté pratiqué par Messieurs de l'Vnion, & entretenu par eux en pas vn article contenu en iceluy, depuis qu'il fut iuré & publié au Parlement iusques à Noël ensuiuant: & par là iugez si l'on les peut appeller conseruateurs & obseruateurs, ou bien parieurs & infraçteurs dudit edict, ayant beaucoup promis, & rien tenu; voir ie puis dire que dés le lendemain qu'ils eurent fait le serment & & iceluy signé de leur main, ils y contreuindrent. Bien est-il vray que l'on me pourroit alleguer pour leur deffense qu'ils ne sont point parures, parce qu' auparauant que d'auoir fait & signé ledit serment, ils en auoient fait vn autre, qui estoit de ne garder celuy qu'ils feroient en faueur de sa Maiesté: ains seulement faire obliger le Roy de son costé enuers eux: ce qu'estant donnera tousiours à connoistre quel a esté leur bon & saint zele enuers Dieu, l'affection & fidelité enuers le Roy.

l'amitié enuers le peuple, pour le voir ; & quelle creance & assurance l'on peut prendre en leur foy & parole.

Si vous voulez connoistre encore mieux leur foy, lisez le serment qu'ils ont institué le 19. Ianuier audit an 1589. pour l'establissement de leur Vnion, lequel sera cy en fin transcrit ; & vous trouuerez que entre eux-mesmes ils ne l'ont pas gardé : car ils ont mangé & ruiné le Peuple qui estoit sous leur domination, & auoit iuré l'Edict d'Vnion avec eux, au lieu de le soulager selon leur serment ; tefmoin celuy qui est autour de Paris, & des bonnes villes qu'ils tiennent. Aussi ils ont embarqué plusieurs villes à s'vnir avec eux sous l'esperance qu'ils leur donnoient de les secourir : & neantmoins ils en ont laissé perdre vne grande quantité sans les secourir ; tefmoins Senlis, Pontoise, le Mans, lanuille en Beauſſe, Pluuiers ou Petiniets, Gien, Gergeau, Estampes, Vendosme, Honneſſeur, Evreux, Lisieux, Alençon, Mante, Vernon, Corbeil, Melun, Montreau-Faut-Yonne, Prouins, Bray, & Nogent sur Seyne, Lagny, Cressy, Beaumont, Espernay, Veruins en Champagne, & maintenant S. Denis, qui est de si grande importance à la ville de Paris, & plusieurs autres ; & enfin que nulle des villes de l'Vnion ne s'est mise en deuoir de secourir Paris, ville capitale de ce Royaume, & où estoit l'establissement du Conseil general de leur sainte Vnion, la voyant consumer peu à peu : & considerant qu'il leur en doit prendre à eux-mesmes autant apres la perte. Dauantage n'ont-ils pas exigé de grosses sommes de deniers sur les habitans des villes, outre leur taille ordinaire qu'ils estoient coustumiers de porter ? N'ont-ils pas au preiudice des susdites promesses, & de la descharge du quart des tailles publiée par eux, leué de grosses sommes de deniers, & des contributions de viures sur le miserable Peuple, pour l'entretienement des garnisons de leurs villes : N'ont-ils pas imposé des nouueaux subsides sur les viures & marchandises es villes où ils ont quelque peu de trafic libre ; & en la plus grande partie des villes de leur Vnion, ils ont enchery le sel du quart de ce qu'il estoit, qui est bien loin de soulager le Peuple, comme ils ont iuré par le susdit Edict. Quant à l'Eglise, elle ne fut iamais si mangée, voire tyrannisée, que ce qu'elle a esté par Messieurs de l'Vnion. Car ils n'y ont eu aucun respect, & qui pis est, ont desreglé tout l'ordre Ecclesiastique, ayant induit les Moines à s'habiller de diuerses couleurs avec des chapeaux pannedez de couleurs, portant harquebuzes, corselets, & autres sortes d'armes, & faisant la garde au retranchement des Faux-bourgs de Paris quant & quant les autres soldats : ie dis du viuant du feu Roy, ce qui iamais n'auoit esté fait ; combien qu'en Nouembre 1562. & depuis en l'an 1567. l'armée conduite par M. le Prince de Condé, & l'Admiral Chastillon vint iusques sur la porte de Paris, qui n'estoit pas mieux garnie de forces qu'elle est à cette heure. Aussi l'on ne trouuera point que depuis trénte ans que les troubles sont commencez, vne si grande quantité de Religieux & Prestres se soient dereglez à s'habiller en séculiers,

& porter les armes contre les Huguenots, ainsi qu'ils ont dernièrement fait contre leur Roy Catholique, sous pretexte qu'il eust le Roy de Navarre avec luy, & deux ou trois mille Huguenots. Si de plus les Capucins, les Feuëllans, & les Chartreux se sont dispensés de porter la cuirasse à nud sur leur habit avec des armes offensives en la main, ils peuvent dire que le Biarnoïs en est cause. Mais quiconque iugera les choses sans passion, connoitra que c'est vne débauche generale qui est parmi eux, & non pas deuotion. Car iusques à M. Roze Euesque de Senlis, & aucuns des Curez de Paris Docteurs de Sorbonne, ont voulu se faire Chefs des Compagnies de tels Religieux & Prestres débauchez. Cela ne fut iamais fait en l'an 1562. quand feu M. le Prince de Condé vint iusques sur les tranchées des Faux-bourgs S. Jacques, avec vne forte & puissante armée, non plus qu'en ladite année 1567. lors que le Roy fut contraint de se retirer de Meaux à Paris, & que M. le Prince de Condé vint avec vne forte armée donner la bataille qu'on appelle la bataille de S. Denis. Combien qu'ils eussent plus d'occasion de ce faire, pour estre toute l'armée compolée de Huguenots: & pour sauuer la vie à leur Roy, que non pas l'année passée contre le feu Roy, pour auoir seulement avec luy le Roy de Navarre, avec partie de ses forces. Ce que i'ay esté contraint de vous dire icy, puisque ie me suis desia si fort engagé pour vous faire paroistre comme Mess. de l'Vnion au preiudice du serment qu'ils ont fait à Dieu d'exalter la Religion Catholique, ils l'ont abaissée & la dereglerent de tout leur pouuoir. Afin de confirmer d'autant plus mon dire, que non seulement ils n'ont aucunement obserué ce qu'ils ont promis aux hommes, mais aussi peu à Dieu, & aussi peu à la Noblesse, laquelle ils ont si rigoureusement traitée, qu'ils ont esté cause de la des tourner de se tenir avec eux, leur ayant fait mille & mille indignitez en leurs maisons & biens, qui est bien loin de soulager le Peuple, & conseruer l'Eglise & la Noblesse en leurs priuileges, franchises, & libertez.

Finalement le Lionnois a fait treue pour vn an, avec Monsieur de Montmorency pour le Languedoc; & quand & quant avec les Huguenots, sans parler du fait de la Religion, bien qu'ils eussent promis & iuré de n'en faire point, & de ne cesser la guerre iusques à l'entiere extirpation de l'heresie. Laquelle treue a esté faite sous le bon plaisir & du consentement des Chefs de ladite Vnion, comme la publication imprimée le tesmoigne; ce que i'ay bien voulu vous coter, afin que vous voyez qu'aussi peu ils ont obserué leur serment entre eux-mêmes depuis Noël, qu'ils auoient fait auparauant à Dieu & à leur Roy, & que plus facilement vous puissiez connoistre, que où va leur interest particulier, l'honneur de Dieu & le soulagement de tous les trois Ordres de la France y est pour rien compté, comme ils ont bien fait paroistre apres auoir iuré l'Edict d'Vnion: parce que leur intention estoit de se saisir de la personne de sa Maiesté, pour luy faire faire la fin que fit faire Charles Mar-

tel au Roy Chilperic. Et sa maiesté ayant esté aduertie de telle conspiration faite contre sa personne & honneur par personnage non suspect, & de diuers autres endroits sa Maiesté receuant pateils aduertissemens, lesquels luy estoient confirmez par plusieurs actions que journellement elle voyoit parmy les deputez des trois estats, & en sa Cour mesme, voire en son propre Cabinet, ainsi que sa Maiesté l'a fait paroistre en la declaration cy dessus dite : l'on pourra iuger facilement si elle n'a pas esté contrainte de faire ce qu'elle fit, non pour violer les estats (car elle les continua iusques à la fin :) non pour le desister de la guerre contre les Huguenots, car il se la mit de plus en affection, comme i'ay dit cy deuant, non pour la haine precedente qu'il portast ausdits Princes, mais pour les nouvelles occasions suruenues. Car s'il eust eu cette volonté de se deffaire de leurs personnes, il n'eust tant retardé à executer sa volonté, pour se tenir tousiours en peine, & se reduire finalement à l'acheuer si proche d'une tant solemnelle feste que celle de Noël. Car si sa Maiesté eust eu haine contre lesdits Princes, particulièrement contre M. de Guise, il l'eust peu aussi bien & plus facilement effectuer, & avec moindre hazard à Chartres, où il auoit tel auantage. Aussi que desia il auoit mis en main les armes à Monsieur de Mayenne, en luy donnant la charge de l'armée de Dauphiné, de bonne partie de laquelle il s'est depuis serui, l'ayant trouuée toute preste pour tirer vengeance contre sa Maiesté de la mort de Messieurs ses Freres ; parquoy vous pourrez bien connoistre que ce n'a pas esté chose premeditée en l'esprit de sa Maiesté, car il l'eust effectué beaucoup plustost, & avec meilleur ordre qu'il n'a pas fait, pour empeschet vne si grande souleuation d'armes qui est aduenue : ains qu'il a esté forcé par les occasions & raisons susdites.

S'il eust eu cette volonté de se deffaire de Monsieur de Guise, ne le tenoit-il pas en sa main à Paris, lors qu'il y vint inopinément auparavant les barricades ; il estoit souuent seul en son cabinet, & celuy de la Reine sa mere ; & par consequent, il en pouoit faire comme bon luy eust semblé : ce qui tesmoigne bien qu'il n'eust iamais cette volonté ; car il ne desiroit de faire chose qui pût porter preiudice à la Maison de Lorraine, de laquelle la Reine sa femme estoit issuë, & d'elle fussent sortis des enfans s'il eust pleu à Dieu luy en donner.

S'il a fait prisonniers Messieurs le President de Neüilly, & le Preuost des Marchands deputez avec d'autres pour le tiers estat de la ville de Paris, ce n'a pas esté pour violer les estats : car il eut fait prendre d'autres de plus grande qualité qu'eux qui auoient beaucoup plus de pouuoir & d'autorité au Royaume que ces deux-là ; mais il le fit parce qu'ils estoient monstrez par trop impudens contre sa personne & son autorité aux Assemblées generales & particulieres, qui s'estoient tenuës durant les estats.

Chacun sçait combien de deputez de grande qualité il y auoit de tous les trois Ordres ausdits estats, du tout affectionnez, voire passion-

nez à leur party, mesme plusieurs autres deputez du tiers estat de la ville de Paris, auxquels neantmoins sa Maiesté ne dit oncques vne seule parole, tant s'en faut qu'elle les ait fait mettre prisonniers ny fait mourir, ce qui vous doit tesmoigner que cet acte n'estoit fait au preiudice du general des Estats, ains seulement contre l'insolence de ces deux particuliers : les deportemens desquels estoient fort scandaleux à tout le monde.

L'on a fort voulu charger le Roy pour auoir fait mourir l'un des Presidens des estats de l'Ordre Ecclesiastique, ie vous prie que l'on iuge, comme il auoit esté creé President, car l'on sçait bien que les Princes de sa qualité ne sont pas coustumiers d'auoir telle charge : pour ce que si ainsi estoit qu'en l'Eglise les Princes receussent honneur d'estre faits Presidens de l'Estat Ecclesiastique ; il s'en ensuiuroit que les Princes seculiers le voudroient aussi estre de la Noblesse. Mais comme iamais telle façon de faire n'a esté pratiquée en pas vn des Estats tenus en ce Royaume, ainsi cette nouueauté vous doit faire connoistre qu'il y auoit du venin caché. Et pourtant que ce titre de President n'estoit si necessaire à l'Estat Ecclesiastique, que s'il n'eust trouué bon de s'en faire donner la charge, ou bien de s'en descharger luy-mesme, ou qu'il fust tombé malade, ledit Ordre Ecclesiastique n'eust laissé pour cela de continuer la resolution des cahiers particuliers, iusques à la perfection des cahiers generaux des trois Estats. Ce que ie vous ay voulu coter, pour vous faire connoistre que l'intention du feu Roy n'a iamais esté de violer les Estats, ains seulement de conseruer sa vie, son honneur, & sa Couronne. Car s'il eust eu volonté de violer lesdits Estats, il en eust fait prendre (comme i'ay dit) vne grande quantité des principaux parmy eux ; ce que n'ayant fait, tesmoigne mon dire veritable, & aussi que la qualité de sa personne n'estoit, comme dit est, necessaire pour la conclusion du cahier desdits Estats.

Et quant à la detention de Messieurs les Cardinal de Bourbon, Archeuesque de Lion, Duc de Nemours & d'Elbeuf, chacun apû connoistre qu'il ne l'auoit fait que pour cuider empescher que soudainement l'on ne fit vne souleuation nouuelle, estimant par telle retention l'éuiter : ou s'il eust plu à Monsieur le Cardinal de Bourbon ne se faire paroistre tant affectionné & adherant à Messieurs de l'Vnion, comme il n'en auoit occasion pour les raisons cy dessus dites, sa Maiesté ne l'eust retenu, ains luy eust fait tout l'honneur & bonne chere qu'elle auoit accoustumé de luy faire. Car ce n'estoit pas en intention de faire mourir lesdits Princes qu'elle les detenoit, mais seulement d'empescher qu'à ce premier mouuement il ne suruint plus grande nouueauté en son Royaume, à l'occasion de la mort desdits deux Princes ; car sa deliberation estoit de le mettre en liberté de là à quelque temps, apres qu'il auroit asseuré & estably les affaires de son Royaume, ne se pouuant iamais imaginer que ses Suiets fussent silegers, que d'adiouster foy à

ceux qui desireront leur mal, pour se rebeller contre elle, & les assister à les dechasser & oster la Couronne à leur Roy, pour la mettre sur la teste de ceux qui ne les aimoient, sinon tant qu'ils pensoient en retirer du profit; & pour ce esperoit qu'en peu de temps la verité de ses actions seroit connuë, comme aussi sa bonne volonté enuers ses Suiets, & la resolution ferme qu'il auoit de continuer la guerre aux Huguenots: & d'autre costé l'ambition des personnes, & les tromperies & piperies desquelles on auoit vûë, & dont on s'estoit seruy pour susciter & broüiller les Suiets, afin de s'agrandir: & finalement que toute la France connoistroit le saint zeile qui estoit dans son cœur, pour l'auancement de la gloire de Dieu & l'exaltation de la sainte Religion Catholique, & le desir qu'il auoit de soulager ses Suiets, tellement que chacun demeureroit tres-content & tres-satisfait de ses actions, le beniroit & luy rendroit l'obeissance que les bons Suiets doiuent à leur Roy debonnaire.

Si ne voulez estre du tout sourds & aueugles, vous connoistrez fort bien & clairement qu'à tort, & sans cause l'on a taxé le feu Roy d'estre Apostat, fauteur d'heresie, Tiran, perfide, & violateur de la foy publique. Ains au contraire, que ç'ont esté ceux-là mesmes de l'Vnion qui l'ont voulu taxer, pour le ruiner & s'agrandir par sa ruine; & que tout ce qu'ils ont fait par le passé, & particulièrement depuis cette dernière prise d'armes faite au mois de Ianuier 1589. n'a esté que pour leur ambition, & non pour l'exaltation de la Religion Catholique, comme encore plus clairement i'espere vous le faire connoistre: tout ainsi que i'estime vous auoir esclairey, que toutes les esmotions des troubles precedens, depuis celuy d'Amboise iusques au dernier, n'ont esté faites que pour l'ambition, & non pour la Religion; voulant par là vous faire connoistre les actions des Chefs de l'Vnion, comme aussi du Roy d'Espagne, & de Mess. les Ducs de Sauoye & de Lorraine, & commenceray par ceux de ladite Vnion.

Le prendray donc mon propos vn peu de loin, pour vous faire connoistre l'ambition qui a esté en l'esprit des personnes au preiudice de la Religion Catholique; & ne vous représenteray plus que les causes de toutes nos guerres ciuiles soient procedées des Huguenots & Catholiques ambitieux, car vous en ayant desia bien amplement traité au commencement, i'estime qu'en deuez estre satisfaits, mais pour confirmer mon but & intention de iustifier les calomnies meschamment & malheureusement inuentées contre nostre feu Roy, & pour esclaireir vn chacun qu'il a esté aussi peu perfide & Tiran, qu'Apostat, pour auoir desiré d'agrandir l'heresie, & assoupir la Religion Catholique, ie suis contraint, à mon grand regret, de faire paroistre qu'il n'y a aucun zeile & pieté Chrestienne en ceux qui s'en disent le plus auoir, afin de faire connoistre qu'ils n'ont inuenté telles calomnies contre le feu Roy, que pour s'en seruir de pretexte pour paruenir à leurs ambitieux desseins, & particulièrement à la vengeance qu'ils desiroient retirer de sa Maiesté, esperant par

tel moyen inciter chacun à s'aigrir contre sa Maïesté, se departir de son obéissance, & se faire assister eux-mêmes en leur dessein, de s'approprier en tout ou en partie cette Couronne; comme ils l'ont bien telmoigné tost apres la mort de feu Monseigneur Frere du Roy.

Car voyans le Roy n'auoir enfans, ny esperance d'en auoir, ils allerent subtiliser vne loy pratiquée parmy le commun, qui declare, que les Parens esloignez de dix degrez de consanguinité ne pourront se porter heritiers d'un qui fût de leur nom & armes: ains que l'heritage retourneroit au Seigneur haut Iusticier, disant par là qu'aduenant la mort du Roy sans enfans, la Maison de Bourbon ne pourroit plus pretendre aucun droit à la Couronne, pour en estre esloignée de dix degrez, & partant qu'elle seroit vacante, & appartiendrait au conquerant; & pource que cela a esté si notoire & si connu à toutes personnes, pour en auoir esté composé des liures, ie ne m'amuseray point à vous esclaireir que cette opinion soit entrée en la fantaisie de Messieurs de l'Vnion, & qu'à cet effet, ils ayent enuoyé consulter l'affaire par diuerses personnes.

Si la chose n'eust esté bien esuentée, voire publiée, l'on n'en eust pas composé d'autres liures au contraire, comme on a fait avec grand labeur & doctrine; mais seulement vous diray-je qu'en continuant cette inuention, ils ont tousiours dirigé depuis la mort de mondit Seigneur leurs actions à ce but.

Et qu'ainsi ne soit, iugez-le par la leuée d'armes qui fut faite en l'an 1585. sans autorité du Pape Gregoire XIII. combien qu'on y eust enuoyé le Pere Claude Mathieu Iesuite, pour sçauoir son intention: car iamais sa Sainteté ne voulut adherer à cette prise d'armes, non pas seulement faire responce à ceux qui luy auoient escrit par ledit Pere Claude, ains au contraire declara peu auparauant sa mort à feu M. le Cardinal d'Est protecteur de la France, qu'il n'auoit point donné de consentement à ceux qui auoient fait telle souleuation; tant y a qu'ils n'en eurent iamais ny Bulle, ny Brief, ny Lettre missiue de sa Sainteté, ny de M. le Cardinal de Como, qui gouernoit ses affaires; parce que sa Sainteté disoit qu'elle ne voyoit point clair en telles affaires: & qu'elle ne vouloit estre causé de faire allumer vne guerre bien grande parmy toute la Chrestienté; craignant par apres de ne la pouuoir esteindre quand il voudroit: ce qui fut causé de faire aller en Italie M. de Neuers, qu'ils tenoient estre des leurs: pource qu'il estimoit n'estre licite aux Suiets de prendre les armes au Royaume de son Roy sans l'autorité superieure; ainsi que nos Theologiens l'ont tousiours debatue contre les Huguenots. Neantmoins Messieurs de l'Vnion continuant leur deliberation, sans auoir esgard qu'ils n'auoient adueu du Pape, se mirent aux champs, ainsi qu'un chacun l'a veu.

Estant donc faite ladite leuée d'armes sous pretexte de chasser l'heresie de ce Royaume, s'en ensuiuit de là à trois mois vne paix, la te-

neur de laquelle chacun aueu imprimée : qui leur seruoit de pretexte; mais les articles secrets arrestez à Nemours le Dimanche matin septiesme Iuillet 1585. & ratifiez par sa Maiesté à Paris le soir du mesme iour, leur seruoient de profit & de commodité, fors & excepté en ce qu'ils promirent de se departir, dès ce iour-là, de toutes ligues & associations dedans & dehors le Royaume. Parce qu'ils n'auoient aucune volonté de le tenir, comme tost apres ils le firent bien paroistre par le renouvellement d'icelles. Car ils voulurent auoir en leur puissance les villes de Chaalons, Thoul, Verdun, & Saint Dizier, Reims, Soissons, le Chasteau de Dijon, la ville & chasteau de Beaune, Ruë en Picardie, Dinan & Concq en Bretagne, & le Gouuernement de Bourbonnois; & les Gardes d'harquebuziers à cheual pour Messieurs les Cardinaux de Bourbon & de Guise, Messieurs les Ducs de Mercure, de Guise, D'aumalle, de Mayenne & d'Elbeuf. Et depuis encore fut accordé à M. de Guise la somme de cent mille escus, pour faire faire vne citadelle à Verdun, qui se leueroit sur le peuple dans trois ans, comme aussi l'entretenement des Regimens des gens de pied de S. Pol & Sacremore, de douze Enseignes chacun : le payement des gens de guerre estrangers qu'ils auoient leuez, montant à deux cens vn mil six escus deux tiers, comme appert par l'estat présenté à sa Maiesté le sixiesme Iuillet 1585. à Nemours, signé Henty de Lorraine, & contre-signé, Pericart: & vne descharge generale de tous les deniers qu'ils auoient pris aux receptes du Roy, qui montoient à la somme de cent six mil trois cens quarente escus huit sols trois deniers, selon l'estat qu'ils en donnerent à sa Maiesté en Septembre audit an 1585. signé par Messieurs les Cardinaux de Bourbon & de Guise, & Duc de Guise: & en outre se firent donner la charge des deux Armées qu'ils proposerent de faire dresser, l'une contre le Roy de Nauarre, & l'autre contre les Reistres, que l'on disoit deuoir venir, alleguant lesdites villes de retraire leur estre necessaires pour leur seureté: comme aussi les gardes susdites près de leurs personnes: se deffians, comme ils disoient, des Huguenots. Mais qui considerera que les villes qu'ils auoient voulu auoir, ne leur pouuoient porter aucune commodité contre les Huguenots, iugera qu'ils les auoient voulu auoir seulement pour se fortifier, & commencer à prendre pied sur ce Royaume.

Cat en quoy pouuoient ils retirer commodité ou seureté à l'encontre des Huguenots par le moyen desdites villes, puisqu'en toute la Champagne, Bourgogne, Ile de France, & Picardie, il n'y auoit vn seul Huguenot qui osast seulement branler la teste? Ils n'auoient ausdites Prouinces aucunes Villes & Chasteaux d'importance en leur puissance, ils n'osoient faire Presche ny assemblée, comme ils souloient faire autrefois. de sorte qu'ils estoient en si petit nombre, qu'il les falloit compter pour rien; & d'autre costé ils n'auoient vne seule retraite pour y faire amas : & finalement pourquoy deuoient-ils craindre les Huguenots, puisque Mess. de Guise & de Mayenne freres, deuoient auoir la charge de deux belles & grandes

armées destinées pour les ruiner ? Ce qui montre bien que la crainte d'eux ne leur auoit fait demander d'auoir leſdites forterefſes entre leurs mains. Car on connoiſſoit d'ailleurs les forces deſdits Huguenots ſi petites & ſi foibles, qu'elles n'euffent oſé lors (ainſi que chacun a veu) ſortir de leur tanniere pour ſe mettre en campagne, tant s'en faut qu'ils euſſent peu trauerſer la France, comme il leur euſt falu faire, pour venir iuſques en Bourgogne, Champagne, Iſle de France, & Picardie, pour troubler leſdites Prouinces ; car tandis que M. de Mayenne demeura en Guyenne avec ſon armée, les Huguenots n'oſerent iamais ſe mettre en Campagne, pour luy donner vne bataille, ny ſeulement luy faire leuer le ſiege de Chaſtillon, qui eſtoit bien loin de paſſer en Bretagne, Bourgogne, Champagne & Picardie, où ils auoient voulu auoir leſdites villes de ſeureté.

Auſſi peu leſdites villes de ſeureté leur pouuoient ſeruir de retraite pour leurs perſonnes à l'encontre deſdits Huguenots ; d'autant qu'il euſt falu que leſdits Huguenots euſſent gagné deux ou trois batailles auparavant que de pouuoir aſſuiettir leſdites Prouinces ; & que les villes de ſeureté peuſſent ſeruir de retraite à ceux qui les auoient voulu auoir pour cet eſſet. Et il euſt bien falu que la France euſt eſté du tout renuerſée, ſi les Chefs de l'Vnion euſſent eſté contraints & reduits à s'enfermer dans leurs villes de ſeureté, pour la conſeruacion de leurs perſonnes. Si l'on vouloit mettre en auant que c'eſtoit tacitement pour ſe mettre en ſeureté, non pas des Huguenots (car ils n'eſtoient pas ſi faillits de cœur & de moyens, qu'ils en euſſent aucune crainte, ayant deux armées en leur pouuoir) mais plütoſt du ſeu Roy, pour les deſplaiſirs qu'ils reconnoiſſoient en eux-mêmes luy auoir faits. Je reſpondray que ce ſeroit eſtre mal informé des deſſeins & reſolutions de Meſſ. de l'Vnion, parce que peu leur euſſent ſerui les villes de ſeureté, ſe mettant ordinairement, comme ils faiſoient, entre les mains de ſa Maieſté. Bien eſtoit propre telle ſeureté aux Huguenots, leſquels pour conſeruer ce peu d'autorité qui leur reſtoit, & pour ne hazarder plus leurs perſonnes apres la S. Barthelemy, quitterent leurs propres maiſons, ſe tenant d'ordinaire dans leſdites villes de ſeureté, ſans plus venir à la Cour, ny s'approcher d'icelle de cent lieuës près ; ce qui fut l'occaſion pour laquelle ils demanderent leſdites villes de ſeureté, afin de n'eſtre tout à vn coup deſarçonnez, & auoir quelque moyen d'entretenir leur parti. Mais quant à Meſſ. de l'Vnion, bien qu'ils n'euffent pas ces mêmes craintes, ſi eſt-ce qu'ils ſe ſeruirent du même pretexte pour demander leſdites villes : & depuis par les articles accordez aux barricades de Paris, demander & obtenir prolongation de quatre ans, à rendre les villes de ſeureté qu'ils auoient, outre les cinq premières, afin de les fortifier cependant comme pour eux-mêmes, & ſe les approprier à iamais rendre : car ils ſçauoient bien que lors les Huguenots eſtoient ſi foibles, qu'il ne ſaloit que deux ans pour les ranger à leur deuoir, les aſſaillant, comme on faiſoit, avec deux for-

tes armées, au moyen dequoy ils ne deuoient plus mettre en auant la doute des Huguenors, pour demander encore quatre ans de prolongation pour rendre lesdites villes.

Mais vous verrez que leur dessein passoit bien encore plus auant, que de se contenir dans les termes & accords des articles faits à Nemours, pour le regard des villes de seureté, comme il apparut tost apres, en ce que M. d'Aumalle se trouuant assez bien logé à son gré dans S. Esprit de Ruë en Picardie, qu'il auoit eu pour sa seureté en vertu desdits articles, dressa la surprise de Dourlans, de Boulogne, & du Pontdormy, qui luy réussit pour Dourlans, & ledit Pontdormy au mesme temps que fut faite la conspiration à Paris, à Pasques 1587. & ne s'en salut gueres que celle de Boulogne ne succedast, n'ayant point d'elgard que le sieur de Sainte-Marie Gouverneur dudit Dourlans estoit fort bon Catholique, & qu'il auoit refusé ladite place au feu Roy, pour la bailler pour seureté à M. le Prince de Condé en l'an 1575. ains seulement à ce qu'il estoit bon seruiteur du Roy; depuis encore M. d'Aumalle a essayé de prendre par force Boulogne, voire Abbeuille, & n'y a acquis moins de reputation qu'il fit dernièrement au siege de Senlis. Et outre tout cela ils pratiquerent auparauant les baricades de Paris, les Gouverneurs d'Abbeuille, de Montrueil, de Haon, de Peronne, Roye, & Montdidier en Picardie, & autres fusdites, afin de les distraire du seruice du Roy; ce qui n'estoit pas nouveau, parce que dès l'an 1580. & 1581. comme M. de Mayenne conduisit l'armée du Roy en Dauphiné, il fit baltir vne citadelle en la ville de Valence, en laquelle il mit le sieur de Gessans qui la tenoit à sa deuotion, laquelle seruoit de bride tant au passage du Rosne, que pour la meilleure & plus fertile partie du Dauphiné; ce que l'on peut dire auoir esté vn des auancoueurs pour faire demander les villes de seureté. Depuis la paix & articles de Nemours, n'a t-on pas fait bastir tout à neuf la citadelle de Vitry le François, en laquelle fut mis vn Italien nommé le Capitaine Stephe du tout affectionné à leur parti, afin de se fortifier d'autant plus? Et quand le sieur de Chambery fut tué dans Rocroy, & que le feu Roy eut donné le Gouvernement de ladite Place à Chaignac son Lieutenant, iamais feu M. de Guise ne le voulut introduire en ladite ville, iusques à ce qu'il eust promis & iuré de tenir la Place de luy. Tous lesquels actes sont contraires à la promesse iurée par les articles de l'an 1585. & l'Edit de ladite année, & aussi contreuenoient au Vœu solennel de l'Ordre du S. Esprit, fait dès l'an 1580. De mesme ont-ils depuis fait au Gouverneur du Havre de Grace, afin de se fortifier le plus qu'ils pourroient: ce qui fut la vraye cause de leur faire demander lesdites villes de seureté, & non pas pour crainte qu'ils eussent: ny aussi peu pour l'effet des Regimens de S. Pol & Sacremore, parce qu'ils n'ont iamais esté prés de leurs personnes, & moins encore aux armées contre les Huguenors, fors & excepté celuy dudit Sacremore, qui fut avec M. de Mayenne en Gascogne, & tout le reste du temps apres & l'un & l'autre desdits Regimens n'ont serui qu'à rançon-

ner & ruiner le pauvre & miserable peuple tres-Catholique de Berry, Soulogne, Bourbonnois, Forests, Lionnois, Bourgogne, la Beausse; & particulièrement la Champagne, d'où celuy de S. Pol n'a iamais bougé, tournoyant & rodant par ladite Prouince, où il a commis cent mille cruautéz & impietez à l'endroit du pauvre Peuple Catholique, au lieu qu'il le deuoit soulager & deffendre contre tous ceux qui l'eussent voulu piller & ravager, qui eust senti son homme digne du titre emprunté qu'il porte, de zelateur de l'honneur de Dieu. Car s'il eust eu ce zele, il fust allé avec son Regiment en Poitou sous M. de Neuers, & non pas demeuré à la Cour pour les occasions cy-deuant dites.

Retournant donc audit Traité de paix fait à Nemours, considerez, ie vous prie, s'il y fut stipulé aucune chose pour le soulagement du Peuple, selon la declaration qu'ils firent des raisons qui les auoient induits à prendre les armes : tant s'en faut qu'ils eussent cette sainte intention, qu'au contraire ils furent cause de faire augmenter les tailles sur le Peuple, tant pour ladite citadelle de Verdun, pour l'entretenement de leurs gardes, que payement de leurs gens de guerre; ainsi que les conditions portées en chacune Parroisse par l'espace de trois années de suite, à sçauoir 1586, 87, 88. en donnent assez ample tesmoignage; chose bien remarquable, & qui ne vous doit couler de la memoire, afin que des actions passées vous preniez argument de iuger le present & le futur.

Voyez si la citadelle de Verdun a iamais esté faite, combien que les cent mille escus ayent esté tous lcuez sur le peuple, & payez comme ie vous ay dit; parce que l'on se tenoit assés de ladite ville, & que l'on a employé l'argent qui y estoit destiné, aux affaires de la cause de l'Vnion.

Voyez semblablement si apres que Mess. les Chefs de l'Vnion eurent obtenu du feu Roy par ledit Edit & articles ce qu'ils auoient désiré pour eux, s'ils se soucierent des principaux personnages qui les auoient assistez (comme on a de coustume, & qu'il est plus que raisonnable de ne laisser en arriere ceux desquels on a receu plaisir & seruice.) Iamais ils n'en firent instance; car ils s'aiment tant eux mesmes, que comme ils se trouuent contens, ils estiment que les autres le doiuent estre. Aussi ne se seruent-ils des personnes, sinon tant & si long-temps qu'ils en ont besoin, & rien plus. Ils vsoient d'un artifice estrange pour s'acquérir des hommes à leur party, c'estoit de les mettre en deffiance à l'endroit du Roy, pour les rendre miserables, & par ce moyen contrainsts de les rechercher, & appuyer leur fortune sur eux. Tellement que s'il faisoient estat de se seruir de quelqu'un fort propre à leur intention, il pouuoit se tenir tout assés de se voir si fort broüillé avec le Roy, par rapports & nouuelles inuentions qu'ils luy pratiquoient, que sa Maiesté le haïssoit mortellement & sans cause, & sur ces deffiances il se tenoit esloigné du Roy, & proche de ceux qui sous main luy auoient dressé cette partie. Ce que ie vous ay bien voulu dire en passant, pour vous faire connoistre comme ils ont tousiours tendu à se fortifier, & d'hommes, & de pla-

ces au grand dommage & preiudice du Roy ; & tout au contraire des promesses & sermens promis & iurez si solemnellement avec leur Roy & bien-facteur. Car leur particulier les a tousiours guidez , & non pas le bien general de la Religion & de l'Estat ; & s'ils ont employé autrui , ce n'a esté pour luy faire plaisir , & luy pourchasser quelque aduancement, ains pour en retirer de la commodité. Et s'ils ont fait quelque traité & promesse au feu Roy, ou à autre, ce n'a esté que pour les abuser , & pour mieulx faire leurs affaires , & non en intention de les garder.

La passion de leur particulier interest se remarque particulièrement au voyage que fit M. de Mayenne en Guyenne , où il demeura l'espace de dix mois avec vne grande & puissante armée, pour laquelle il eut plus de six cens mille escus ; & neantmoins, comme dit l'Auteur de l'aduertissement aux Bourgeois de Paris , il n'en rapporta aucune victoire contre les Huguenots , sinon de la ville de sainte Basile , & de celle de Chastillon , qui appartient à Madame sa femme : laquelle ville de Chastillon le Capitaine S. Forjol , domestique de M. de Mayenne , qui y estoit Gouverneur pour luy, laissa perdre quatre mois apres ; de sorte que pour tout trophée de son voyage il ramena la fille de Madame de Caumont (nourrie Huguenote dès la mammelle) en l'âge de douze ans , & la prist par force en la maison de Monsieur de la Vauguion , pour la faire espouser à l'un de Mess. ses enfans. Dequoy le sieur de Viuans eut pour ses espingles par la faueur de M. de Mayenne , comme i'ay dit cy-dessus, abolitions de tous les sacrileges & massacres qu'il auoit fait en grand nombre, de Moines & de Prestres. Et outre plus audit voyage M. de Mayenne mit en seureté, & prit en sa protection vne quantité incroyable de maisons de Huguenots, par le moyen des Sauuegardes que librement il leur accorda.

L'on a voulu mettre en auant qu'il s'en estoit retourné par faute de moyens ; ce qui a de l'apparence : car à la verité il n'en auoit telle quantité qu'il eust bien desiré ; mais aussi veu le temps auquel il auoit esté employé , il semble que c'estoit vne assez belle somme de deniers que six cens mille escus qu'il receut du feu Roy , tant de la vente du bien d'Eglise , que de ses receptes generales, pour faire quelque chose de mieulx.

Sice braue Cheualier, Simon de Montfort en la guerre des Albigeois eust seulement eu la sixiesme partie de telle somme , il n'eust point esté en la necessité où il se trouua tant de fois : laquelle neantmoins ne luy fit iamais demordre son entrepryse , parce que rien ne luy estoit difficile quand il pensoit que la peine & incommodité qu'il receuoit estoit employée pour l'honneur de Dieu , & à l'exaltation de sa sainte Religion Catholique , à laquelle il rendoit pour son but , & non ailleurs.

Si le Roy d'Espagne eust voulu faire paroistre que le seul zele de l'honneur de Dieu l'auoit poussé à faire le traité susdit de l'an 1585. par lequel il promettoit de donner à plusieurs de la Ligue six cens mille escus par an, pour faire la guerre aux Huguenots ; il n'eut iamais plus belle occasion de continuer le payement de ladite somme , que lors qu'il voyoit M. de

Mayenne

Mayenne armé contre les Huguenots en Guyenne ; & que faute de moyen le contraignoit de s'en retourner, ainsi qu'il en a pris le pretexte.

Mais le premier dessein n'estoit en l'esprit du Roy d'Espagne, ny moins de Mess. de la Ligue d'arracher ce bel arbre fruitier dont M. le Marechal de Montlue souloit parler lors qu'il estoit Lieutenant general au pais de Guyenne, parangonnant les Huguenots aux arbres, disant à ceux qui le persuadoient de faire la guerre bien forte aux Huguenots, parce qu'il viendrait bien-tost à bout d'eux, qu'il ne falloit arracher vn si bel arbre portant de si excellens fruits ; voulant dire que la guerre se faisoit à leur occasion, & par conséquent que l'on receuoit beaucoup de profit, par le moyen des leuées de deniers, & des contributions que l'on mettoit sur le Peuple : comme aussi des rançons de prisonniers, butin, & saeagement des villes qui se prenoient, & par vnc infinité d'autres moyens & commoditez que la guerre apportoit aux soldats, & particulièrement à ceux qui ont l'autorité des armes. Mais comme M. de Mayenne ne desirait la ruine des Huguenots, & le Roy d'Espagne ne souhaitait sinon la diuision de ce Royaume, l'vn fut bien-aise de s'en retourner, & l'autre de ne fournir point d'argent, parce qu'il connoissoit bien que si on ruinoit les Huguenots, ce Royaume seroit du tout paisible, & retourneroit en sa premiere splendeur : ce qui fut cause de le retenir de donner vn seul liard d'aide à M. de Mayenne. D'autre costé aussi Mess. de la Ligue qui se voyoient peu à peu aneantir, & que leur autorité se fustroisoit tousiours, à cause qu'ils n'auoient plus de moyen d'entretenir leurs pensionnaires, parce que le Roy d'Espagne ne leur voulut plus fournir argent, s'ils ne prenoient les armes en France contre l'autorité du Roy, rappellerent M. de Mayenne de son voyage, afin d'aduiser à leurs affaires, comme ils firent, laissant à part la guerre contre les Huguenots pour le fait de la Religion. Et parce que ce zele n'auoit si fort embrasé l'ame des personnes, comme l'ambition les possédoit, il leur fut aisé de quitter l'entreprise Chrestienne, sous l'occasion de quelque petite incommodité que l'on en receuoit, pour s'en reuenir tirer au but destiné.

Car ayant vn peu mieux reconneu & considéré les affaires, ils trouuerent que la guerre & ruine des Huguenots ne leur apportoit aucun profit, ains au contraire du dommage : parce que si vne fois le Roy estoit venu à bout desdits Huguenots, & se trouuoit paisible en son Royaume, il estoit à croire qu'il maistriseroit tous ceux qui auroient pensé de le supplanter, & que par espace de temps il establirait si bien ses affaires, qu'il demeureroit tout le reste de sa vie en paix & repos, sans que personne le peust troubler. D'ailleurs qu'estant fort sain, il pouoit viure long-temps, & auoir des enfans de la Reine sa femme, ou bien de quelque autre aduenant qu'elle mourut : & en ce faisant qu'il viendrait trop tard à s'approprier la succession du Royaume, en vertu du benefice de la Loy des dix degrezcy dessus declarez. Car il se consideroient que si on le laissoit aller iusques à ses derniers iours, il y auroit danger qu'il ne veseust si long-

temps, qu'eux-mêmes mourussent les premiers, & en ce faisant qu'ils perdissent la prétendue succession, & les frais qu'ils avoient faits à la poursuite. Au moyen dequoy ils seroient contraints de renverser leur marmite, & non seulement rompre, comme l'on dit, le baston de leur maison, mais aussi de faire banqueroute à une grande quantité de personnes d'honneur & Gouverneurs des Places, à qui ils donnoient certaine pension annuelle pour les entretenir en leur confédération; qui les feroit demeurer seuls & abandonnez. Cela donc fut la cause de les faire entrer en délibération d'abréger ce terme: & pour ce faire auferent qu'ils n'avoient moyen plus propre, que de se saisir de la personne du Roy, dont s'en ensuiuit le retour de M. de Mayenne, & l'entreprise faite vers Pasques en l'année 1587. qui ne fut effectuée à Paris par faute de résolution des Chefs, ainsi que les Parisiens mêmes s'en sont vantez & plaints, pour les avoir embarquez, comme ils disoient, en telle entreprise, & puis l'avoir laissée imparfaite après estre descouverte; ce qui les a fait vivre un an entier en continuelle peine, craignant que le feu Roy ne les châtiast, comme il eust peu faire, d'une si grande & enorme rebellion & déloyauté, que d'avoir voulu se saisir de sa personne, & le mettre en tutelle, comme l'ay dit cy-deuant: de sorte qu'ils ne cessèrent jamais, à cause de telle crainte, qu'ils n'eussent fait aller à Paris feu M. de Guise, pour effectuer ladite conspiration, ainsi qu'ils firent en partie, & eussent fait entièrement aux journées des Barricades, si Dieu l'eust permis.

Parquoy vous pouvez tres-bien connoître l'observation des promesses qu'ils ont faites au Roy, non seulement desdits articles & Edit fait à Nemours, de se despartir de toutes ligue & associations dedans & dehors le Royaume; ains du sceau du S. Esprit tant solemnel & particulier, & par même moyen, si leur intention a esté de faire la guerre, & ruiner les Huguenots; ou seulement se saisir de la personne du Roy, pour luy faire faire la même fin que Charles Martel fit faire à Chilperic Roy de France, surnommé Daniel, & par là iugers'ils ont gardé les sermens faits, ou s'ils ont esté eux-mêmes perfides, & ont donné iuste occasion au Roy de faire ce qu'il a fait.

Et afin de vous confirmer d'autant plus mon dire, qu'ils ont tousiours tendu à la Couronne, ie vous coteray ce mot de Fauteurs, qu'ils firent mettre en l'Edit d'Union du mois de Juillet 1588. expressément pour penser d'exclurre de la succession de la Couronne tous Messieurs les Princes du Sang, excepté feu M. le Cardinal de Bourbon; afin d'avoir deux cordes en leur arc, l'une le droit de la Loy des dix degrez, & l'autre qu'estant declarez lesdits Princes du Sang Fauteurs d'Herésie, ils fussent aussi declarez incapables de la succession; au moyen dequoy ils auroient plus iuste pretexte d'empieter ce Royaume.

Remarquez, ie vous prie, quel trait fut fait à M. le Comte de Soissons, qui s'estoit retiré d'avec les Huguenots pour venir servir le feu Roy: car ayant obtenu un pardon de sa Maesté de tel acte, & l'ayant enuoyé au

Parlement pour le faire verifier, ils firent opposer vne quantité de mutins de la ville de Paris à la verification d'iceluy, à cause dequoy elle demeura sans effet: & pour contenter le monde, luy salut, comme s'il eust esté heretique, enuoyer demander absolution à nostre S. Pere, ainsi qu'il fit, & l'obrint par les mains de M. le Legat Morosini, estant en la ville de Blois.

Telle Loy rigoureuse n'a pas esté obseruée à l'endroit de M. le Duc d'Elbeuf, ny de Messieurs de la Chastre, de la Bourdeziere, de Ballagny, de Rosne, de Feruagues, & plusieurs autres qui ont esté en Flandres, aider & fauoriser les Hetetiques de ce pays-là, pour y establir & aggrandir l'Herésie, parce que tous les susdits ont esté adherans à leur Vnion.

Aussi peu a-t-elle esté pratiquée à l'endroit de M. de Mayenne, pour auoir fauorisé les Huguenots de Poitou, Angoulmois, & de la Guyenne, voire de son Gouuernement, en les prenant & leurs maisons sous sa protection & sauuegarde, & les auoir recherchez de l'assister en cette dernière leuée d'armes, au lieu de les en dechasser, ou de s'en saisir comme l'on fait quand on veut oster les Heretiques & l'Herésie d'une Prouinee, l'on peut dire de mesme pour auoir fait donner abolition au susdit des Vians. N'estoit-ce pas contreuenir à l'Edit d'Vnion, que de laisser les Huguenots en repos en leurs maisons en Bourgogne, & les rechercher comme il fait; & neantmoins il n'a pas esté déclaré Fauteur d'Herésie, parce que les Predicateurs leurs pensionnaires n'ont iamais blâmé leurs actions, le peuple a tousiours eû qu'elles fussent tres-bonnes & saintes: & cela leur a donné occasion de se dispenser de faire ce que bon leur a semblé, n'ayant aucuns controleurs, ains au contraire des Trompettes qui exaltoient leurs actions par tous les quatre toins & au milieu du Royaume. De sorte qu'ils ont estimé pouuoir librement faire ce qui leur estoit profitable, sans auoir esgard s'il estoit ou iuste ou raisonnable, pour paruenir à leur but pretendu de se mettre la Couronne sur la teste, comme ils ont tres-bien fait apparoir en cette derniere souleuation d'armes. Car le zele de la Religion les a aussi peu stimulé, qu'il a fait tous les autres Chefs & des Huguenots & des Catholiques depuis trente ans en ça, ainsi que ie vous ay dit; mais bien s'en sont voulu seruir de pretexte, pour essayer à ce coup de faire vn dernier effort afin de paruenir au comble de leur ambition. Et pour ce faire ils estimerent auoir acquis grande partie de l'autorité qu'ils desiroient, s'ils pouuoient non seulement faire rebeller tous les fuyers contre le Roy, mais les faire despartir de son obeissance, comme Apostat, Tiran, & perfide; & comme tel le faire degrader de la Royauté: ce qui leur reüssit quasi comme ils auoient proietté. Car Mess. de la Sorbonne de haute lute vous le ietterent par terre dans leur Faculté, par le moyen de l'aduis qu'ils donnerent, qu'il ne le falloit plus tenir pour Roy; ce qui fut receu par vne multitude de Peuples suscitée par les Predicateurs, voire par leurs mesmes Curez, iusques à denier l'Abolusion, & par consequent la Communion & la Sepulture en terre sainte à quiconque ne se

departoit de l'obeissance de Henry de Valois, ou de cet Apostat Tiran & perfide, ne le nommant jamais autrement : & pour faire recevoir plus facilement leur declaration, ils firent courir par toute la France qu'aussi-tost que chacun auroit denié l'obeissance deuë au Roy, ils seroient quittes d'une grande quantité d'aides, subsides, daces, & d'autres sortes de contributions : appaissant cependant le Peuple d'un rabais imaginaire du quart des tailles fait en l'air, avec assurance de les remettre au pied qu'elles estoient du temps du Roy Loüis XII. ce qui fut creu par beaucoup de personnes, & embrassé si viuement, qu'oubliant les piperies passées, euidant à ce coup estre deliurez & du Roy & de Maître, & par ce moyen de grande partie desdites aides & tailles, daces & contributions, & d'estre à l'aduenir comme rats en paille, à la maniere des Suisses, ils se sont laissez aller à adherer à leurs persuasions; qui se sont trouuées aussi veritables, comme celles que le Diable fait aux Sorciers, auxquels il promet beaucoup de richesses & de contentement, & neantmoins les rend misérables, les faisant mourir la plupart desesperez. Ce premier succez leur estant ainsi reüilli, & voyant qu'ils ne pouuoient durer sans establir quelque apparence d'ordre en leur confusion, le Chef s'aduisa de se faire erer par ses mesmes creatures (comme vous verrez cy-apres) Vice-Roy, afin de se glisser plus aisément à la Royauté. Et d'autant qu'il estoit impossible de conuoquer les Estats generaux du Royaume, qui sont ceux qui legitiment assemblez, peuuent donner le titre de Regence quand le Siege Royal est vacant, ils resolurent de forger vn Conseil à Paris, composé de quelques personnes choisies à leur poste & deuotion, afin de donner audit Conseil le titre de Conseil general de la Sainte Vnion, pour ordonner & disposer des affaires par tout le Royaume de France, ainsi que bon leur sembleroit. A quoy ils procederent quatorze iours apres leur creation, se creans les vns les autres de leur seule autorité, sans attendre l'aduis & consentement des Prouinces de ce Royaume, ny choisir les plus dignes & capables hommes de telle & si importante charge, comme ils deuoient. Mais tout ainsi que leur seule ambition leur fit negliger tout le reste des trois Ordres de France, & toutes les Loix & Coustumes anciennes; aussi monstrerent-ils en l'establissement des cinquante quatre personnes (les noms desquelles sont cy apres inferez) dont ils composerent leur Conseil general le xix. Fevrier, qu'ils ne se soucioient d'autre capacité suffisante & experience en eux, sinon de retrouver de la passion, de l'auuglement, & de la temerité; tellement que les plus mutins & les plus ennemis de la Maiesté, & les plus voüiez aux Chefs de ce Parti, leur furent les plus capables. Aussi firent ils à leur premiere entrée vn trait digne de notables Conseillers d'Estat; en quoy leur ignorance & incapacité ne parut pas moins que leur passion, & la seruitude qu'ils auoient dediée à celuy qui les auoit creez. Car d'abord ils franchirent de plein saut vne maxime d'Estat que nous auons tousiours tenuë en France la plus inuiolable : Qui est que ce Royaume ne peut estre gouuerné sous le nom

de Regence, le siege vacant, tant qu'il y a des heritiers habiles à succeder; pource que le nom de Roy y est immortel, & perpetuellement renaissant par la Loy fondamentale de ce Royaume. Davantage que s'il y a lieu de Regence, elle doit appartenir aux Princes du Sang plus proches, & capables de l'exercer, ainsi qu'il a tousiours esté pratiqué. Tellement qu'au lieu d'y auoir esgard apres leur sorte & imaginaire dégradation faite de la personne de sa defunte Maiesté (auparauant mesme que sa Sainteté y eust touché) au lieu de proclamer promptement vn autre Roy, ou à tout le moins appeller vn Prince du Sang pour exercer cette Regence; ce beau Conseil ramassé de toutes pieces, comme vne botte de foin de toutes sortes d'herbes, donna toute l'autorité royale & souueraine Regence à M. de Mayenne, sous le titre de Lieutenant general de l'Estat Royal & Couronne de France, qui estoit ce qu'il auoit tant désiré, bien qu'en apparence ce pouuoir fust limité, iusques à la tenuë des Estats generaux presuppolez au mois de Iuillet ensuiuant, parce qu'il ne taschoit qu'à y mettre le pied, en esperant apres d'y mettre tout le corps.

Et encore que tous les déportemens susdits rendissent assez de tesmoignage de la rage & de la fureur d'un peuple séduit, si monstroient-ils euidentement l'artifice des Chefs, qui n'obmettoient rien de ce qui seruoit à leur pretention; & mettoient à profit tout ce dont les plus insensés doiuent porter le blâme & la peine. Car pour acquerir plus grande autorité dès le commencement, & auparauant mesme que ce Conseil general fust establi, ny que l'on leur en eust accordé aucune; & afin que toute la Chrestienté les reconneust pour grands Chefs de part, ils intitulerent leurs mandemens, **LES PRINCES CATHOLIQUES VNIS AVEC LES TROIS ESTATS DV ROYAVME DE FRANCE;** & neantmoins à Paris où tels mandemens se depelchoient sous le seing de Heuerard Greffier de l'Hostel de Ville, il n'y auoit que M. d'Aumalle & M. le Cheualier son frere, estant encore les Deputez des trois Estats à Blois, dont ils ne partirent que vers la fin de Ianuier, pour s'en retourner, comme ils firent, chacun en leurs Prouinces: apres que sa Maiesté les eut licentiez à la maniere accoustumée. De sorte que leur mandement de la descharge du quart des tailles expedie par eux le xix. Ianuier, que les Deputez estoient encore à Blois, monstre bien que ce pretexte n'estoit que fumée; tout de mesme que son intitulé n'estoit que pure imposture. Car puisque les Estats de Blois n'estoient encore desemparez, il falloit au prealable que des s'aroger ce titre magnifique, **LES PRINCES VNIS AVEC LES TROIS ESTATS,** qu'on eust conuoqué & tenu vne assemblée generale d'autres Estats: ce qui ne fut iamais fait, ny seulement des particuliers aux Prouinces, voire n'ont eu volonté d'en tenir: tellement que c'estoit trop d'arrogance de restreindre les Estats generaux de ce Royaume en la personne de Mess. les Duc & Cheualier d'Aumalle, & des seize Factieux Conseillers nommez par eux auant l'establissement de leur Conseil general. Car M. de Nemours estoit encore retenu à Blois,

& ne s'en alla que le penultième de Januier. Monsieur de Mayenne estoit encore en Bourgogne, & ne vint que le premier Fevrier au secours d'Orléans. Monsieur de Mercœur estoit à Nantes, & ne s'estoit point déclaré de l'Union, & ne se déclara qu'au mois de Mars suivant. Davantage les Parlemens de Rennes en Bretagne, de Bourdeaux, d'Aix, & de Grenoble ne s'estoient point encore déclarés pour eux, ny en ce temps-là le Parlement de Paris : pource qu'il ne fut de leur party, sinon quelques iours apres qu'ils eurent fait emprisonner messieurs le Premier President, & autres Presidents & Conseillers d'iceluy en la Bastille & au Louvre, qui fut le 16. de Januier.

Aussi peu en estoient les villes de Tours, Blois, Angers, Saumur, Rennes, Poitiers, Chastelleraut, Lion, Bourges, Rion, Vienne, Clermont, Montferrant, Authun, Langres, Chaalons, Rhétel, Mezières; Sainte-Menehould, Mouzon, la Fère, S. Quentin, Compiègne, Calais, Boulongne, Caen, Dieppe, Mantes, & Meulan, Melun, Corbeil, Montreuil-Faut-Yonne, S. Malo, Marseille, Arles, Valence, le Pont S. Esprit, avec quasi tout le Languedoc, presque toute l'Auvergne, tout le Bourbonnois, le Niernois, plusieurs villes en Poitou, quasi toute la Guienne, & plusieurs autres villes de ce Royaume, que ie passe pour n'estre trop prolix. Moins encore il y avoit de leur party aucun de Meilleurs les Princes du Sang, des Princes, Seigneurs, tous les grands Officiers de la Couronne, & autres bons François tres-Catholiques, qui aussi bien que lesdites villes estoient formellement contraires à cette soulevation d'armes, & toutefois tout cela n'estoit pour rien compté, car pour cela ils ne laissoient pas de s'intituler de ces qualitez si specieuses, & si plausibles, LES PRINCES VNIS AVEC LES TROIS ESTATS DV ROYAUME DE FRANCE. Surquoy l'on peut dire qu'à l'Hôtel de Bourgogne, où se iouent les tragedies ridicules, iamaïs les badins comedians n'y firent œuvre à establir vn Roy Mabrian en son siege.

Pour retourner au pouuoir de ceux qui ont donné l'autorité de cette regence, ie vous prie de vous représenter quelle responce eust peu faire ce petit bon-homme Maître Mathieu de Launoy, cy-devant Ministre, & Monsieur Boucher Curé de S. Benoist, & quelque autre de cette estoffe, à qui leur eust dit autrefois que dans deux ans ils deussent estre employez pour installer vn Roy en France à leur fantaisie: ie croy qu'ils eussent pris cela à iniure, & s'en fussent courroucez. Et Neantmoins ils l'ont fait, ou pour mieux dire, pensé faire, sans aucun pouuoir, chose du tout contraire à la profession des Theologiens; pource qu'ils n'ont eu meilleur moyen de confondre les chefs d'heresie, sinon de leur demander leur mission: comme il fut tres-bien représenté aux Ministres au Colloque de Poissy par Monsieur Despençe, leur demandant qui avoit donné l'autorité à Calvin de se dire leur Chef, & que s'il estoit Ministre par succession, qu'il eust à faire paroître son pouuoir

& mission legitime : ou s'il estoit Ministre extraordinaire, qu'il fit des miracles, comme faisoient les Prophetes enuoyez de Dieu Tout puissant. Ce que le feu Roy eut peu demander à Monsieur de Mayenne (s'il eust voulu entrer en contestation avec luy) parce qu'il n'auoit pas esté créé Lieutenant general de l'Estat & Couronne de France par autorité legitime : & d'ailleurs qu'il n'auoit point fait de miracles en son droit, pour tesmoigner qu'il eust esté enuoyé de la part de Dieu, pour exercer cette tant signalée Lieutenance generale. Et de fait, iusques à present n'en a-t-il encore fait aucun, comme ie diray tantost. Mais cet argument ne vint alors en la consideration de Mess. nos Maistres Theologiens, & ne s'arrestèrent pas en si beau chemin, estimant leur estre loisible de faire tout ce que la passion leur dictoit; chose certes que la posterité trouuera non moins ridicule que honteuse, comme ie croy qu'eux, & tous les autres dudit Conseil ne sont pas à s'en repentir; ayant connu n'auoir esté creéz Conseillers, sinon pour creer la Regence de M. de Mayenne; car aussi tost apres qu'ils eurent fait ce beau Chef-d'œuvre, ledit Regent les cassa.

Tant y a que tout ainsi qu'ils auoient tres-mal & inconsiderement commencé à donner l'autorité impertinente à M. de Mayenne; aussi ils paracheuerent leur temeraire dessein, qui estoit de degrader le Roy, & luy faire son procez. Ses Sceaux furent rompus, & en fut fabriqué deux nouveaux avec telle inscription, *LE SCEL DV ROYAVME DE FRANCE*. Son effigie & les armoiries parties de France & de Pologne furent traînées par les rues, voire iusques à son portrait mis au grand Tableau dedié à Dieu pour l'institution de l'Ordre du S. Esprit, & posé contre la muraille derriere le grand Autel des Augustins de Paris. Ce nom de Roy aboli parmy eux, ou ne se parloit plus que de Henry de Valois, l'Apostat, le Tiran, le perfide, & qui l'eust appellé Roy, eust esté lapidé tout soudainement. Plusieurs de ceux de son Parlemēt & de sa Chancellerie restans de ceux qui auoient esté mis prisonniers (pour auoir esté reconneus affectionnez à leur Vnion) adhererent lâchement, & approuverent vn acte si desloyal. Car au lieu qu'ils souloient auparauant intituler leurs Arrests, *HENRY PAR LA GRACE DE DIEU ROY DE FRANCE ET DE POLOGNE*, ils effacerent ledit intitulé aussi bien que ceux de la Chancellerie, & ordonnerent par l'Arrest de la verification qu'ils firent de la Regence de M. de Mayenne, que dorefnauant les Arrests de Parlement seroient intitulez, *LES GENS TENANT LE PARLEMENT*, & les autres, *LES GENS TENANT LA CHANCELLERIE*; & cependant que M. de Mayenne auoir toute la Surintendance du Royaume; s'intitulant aux graces & remissions, abolitions & autres lettres plus preignantes, *CHARLES DVC DE MAYENNE, LIEUTENANT GENERAL DE L'ESTAT ET COVRONNE DE FRANCE*.

Oren cecy reconnoissons-nous qu'ils ne vouloient plus de Roy. Car puisqu'ils croyoient d'auoir degradé le Roy, la raison vouloit qu'ils luy

en substituassent promptement vn autre; & au lieu de s'vsurper entiere-
ment son autorité royalle, ils la deuioient deferer à M. le Cardinal de
Bourbon, & le proclamer à l'heure mesme pour Roy. Vous me direz
qu'il estoit prisonnier lors; & ie vous réponderay qu'ils n'ont pas laissé de le
faire lors qu'il se pouuoit dire vrayement prisonnier à Fontenay, qui fut le
xxj. Nouembre ensuiuant, trois mois apres la mort du Roy. Car ils ne se
peuent excuser de dire qu'ils vouloient attendre qu'il fust déclaré Roy
en pleins Estats generaux, puisque desia il auoit esté déclaré par le feu Roy
le premier Prince du Sang; ladite declaration verifiée en Parlement, &
approuuée par les trois Estats conuoez à Blois: c'est pourquoy ils
n'auoient que faire d'estre derechef assemblez pour en resoudre, puisque
de fraische memoire il auoit esté déclaré pour tel. Mais pource que lors
les affaires de leur parti estoient en leur plus haut periode, ils ne voulurent
appeler d'autre Roy, esperant d'empietier la Couronne. Que si depuis ils
ont proclamé Roy M. le Cardinal de Bourbon, il est aisé à connoistre
que ce n'a esté, sinon lors que l'esperance de leur Royauté a esté flétrie
par le mauuais succès de leurs affaires, & lors que par faute de bonne con-
duite ils perdirent l'occasion de prendre mort ou vif, ou faire sauter
en la mer le Biarnois (comme ils l'appelloient) près d'Arques & Dieppe,
ainsi qu'ils le pouuoient faire, ayant vn tres-grand aduantage sur luy, si
Dieu eust permis qu'ils en eussent sceu vsfer. Car autrement ils ne se fus-
sent iamais resolus à reestablis ce nom de Roy, si le Roy de present ne se
fust genereusement deuelopé de leurs mains, par le moyen du secours
que M. de Longueuille & M. le Marechal d'Aumont luy amenèrent: de
forte que l'on le vit à la Toussaints comme vn esclair auoir surpris les cinq
Faux-bourgs de Paris, & quasi emporté la ville de mesme pied, &
de-là s'en estre allé de brauade prendre vne infinité d'autres villes en la
Beauisse, au Maine, & en Normandie; ce qui fit grandement rabattre
de la reputation de ces grands Chefs, qui en auoient de si long-temps
promis & asseuré au Pape la perte ou la prise.

Cette mesme intention d'esteindre le nom de Roy ne s'esteint point
en eux, comme ils l'ont assez tesmoigné depuis la mort de M. le Cardinal
de Bourbon, aduenüe le 9. May dernier, causée d'vne retention d'vrine,
par vne pierre qui luy donna la sievre continuë, n'ayant iusques à pre-
sent que nous sommes bienauant dans ce mois d'Aoust, qui sont trois
mois, proclamé aucun autre pour Roy, ny recherché pas vn Prince du
Sang, combien qu'ils soient tous Catholiques; en quoy ils decouurent
leur but, de s'exempter du nom & titre de Roy, pour en conseruer l'autho-
rité qu'ils se sont vsurpez.

Etn'est pas cestuy leur dessein trop mal-aisé à reconnoistre, en ce
que s'ils n'eussent eu autre fin que la manutention de la Religion Catho-
lique, & la conseruation de l'Estat en icelle, au lieu de maintenir l'inter-
regne, & de pourchasser le meurtre de nostre Roy tres-Catholique, ils
eussent pour se deliurer de la crainte qu'ils disoient auoir de tomber en la
domination

domination d'un Roy Huguenot, adressé le cousteau du miserable Iacobi au Roy de Navarre, qui leur estoit si formidable en paroles; & se fussent trouvez par là mort hors de tout soupçon, puis que tous Mess^{rs} nos autres Princes du Sang Royal ne sont simplement Catholiques, mais tresferuens Catholiques. Ou pour le moins aparauant que faire assassiner le Roy, ils se fussent assurez (comme il leur estoit aisé) de la personne de M. le Cardinal de Bourbon, pour l'establi au siege Royal apres la mort de sa Maiesté: parce que lors on ne le pouuoit pas dire vrayement prisonnier estant au Chasteau de Chiffon, où la Reine estoit, d'auec laquelle il ne bougeoit ordinairement. Mais ils ne voulurent perdre l'un, ny esliuer l'autre: l'un pource qu'il leur sert d'arbre fructifier cy-deuant dit, & de pretexte; & l'autre, pource qu'ils l'aimoient mieux là où il estoit que près d'eux, pour ne rendre leur titre & leur autorité moindre.

Aussi en l'un ni en l'autre n'ont-ils point d'excuse valable. Car pour le premier, puis que le Iacobi estoit resolu de massacrer nostre Roy, comme il l'a monst^re, l'ayant voulu tuer dans son propre cabinet, d'où il scauoit bien ne pouoir iamais eschapper, il eust aussi bien peu s'adresser au Roy de Navarre, & luy faire de mesme, s'il en eust eu charge: estant chose certaine que nul Prince ne se peut garantir d'estre tué par celuy qui l'aura entrepris, avec intention de mourir quant & quant, ou bien avec creance assuree de ne mourir point apres auoir fait son coup, ainsi qu'on dit qu'il auoit esté persuadé audit Iacobi de le croire; & pour le luy imprimer, qu'on luy auoit fait entendre que le mesme iour qu'il partirait, on emprisonneroit (comme l'on fit) grand nombre de fideles seruiteurs de sa Maiesté, outre ceux qu'on tenoit desia dans la Bastille & au Loure; lesquels en tout euement seruiroient d'eschange pour luy: de sorte qu'il faut dire, ou que le Iacobi estoit du tout resolu de mourir, ou qu'il estoit du tout assuré en son esprit de se sauuer, sur la persuasion qu'on luy fit. Ce que ceux qui l'auront connu iugeront estre veritable, pource qu'il estoit niais & idiot. Au moyen dequoy il leur eust aussi bien ou mieux réussi de l'adresser à la personne du Roy de Navarre, qu'à celle du feu Roy. Et pour le regard de M. le Cardinal, ils ne se peuuent excuser de ne l'auoir pour le moins aussi tost qualifié du titre de Roy, & n'auoir fait tous leurs efforts pour sa deliurance, & assurance de sa personne; mais c'estoit le moindre de leurs soucis, qui ne tendoient qu'à excreer l'autorité Royale à quelque prix que ce fust, en attendant le moyen d'en vsurper le nom.

Le bel Edit que fit M. de Mayenne avec le Conseil general de l'Vnion du cinquiesme iour d'Aoust, trois iours apres la mort de nostre bon Roy, le faisoit bien clairement apparaitre, mandant par iceluy à tous les Princes, Prelats, Seigneurs, & autres personnes qui auoient serui le feu Roy, (ne le nommant pas du nom de Roy, mais par periphrase, celuy qui auoit l'autorité Royale) qu'ils eussent à se ioindre à luy dans vn mois apres la publication de son Edit (notez les termes) leur promettant de les pren-

d'iceluy : mais Dieu qui a connu l'interieur de leurs cœurs esloignez de l'honorer & servir, a permis qu'ils ayent fait actes d'un Conquerant, qui ruine le pais de son ennemi qu'il ne peut conseruer, qui est effet tout contraire à un legitime Roy.

Si vous voulez voir un exemple entre autres du dessein qu'ils auoient de ne desmordre iamais l'autorité Royale, il ne faut que se ramener comme ils se sont portez enuers les leurs mesmes : comme Monsieur le Marquis du Pont, fils aîné de Monsieur de Lorraine. Car combien que l'on l'eust fait venir en France pour l'esperance de luy mettre la Couronne sur la teste, comme petit fils de France qu'on l'appelloit à Paris à son arriuée au mois de Septembre ; neantmoins on n'eust iamais intention de ce faire : car comme on dit, La charité commenee par soy mesme. Toutefois pour donner ocaseion à Monsieur son Pere de l'enuoyer pour renforcer leur armée, ils ne voulurent aucunement, comme j'ay dit, faire publier pour Roy Monsieur le Cardinal de Bourbon tost apres la mort du feu Roy, comme ils pouuoient faire ; pource que sa Maïesté mourut le deuxiesme iour d'Aoust, & les vacations ne commencerent que le huitiesme de Septembre ensuiuant, qui sont cinq semaines apres. De sorte que le bon Prince s'en retourna en Lorraine sans autre couronne sur sa teste, sinon celle qui luy fut donnée par vne Dame, de laquelle il estoit bien malade.

Tout ainsi donc que leurs intentions sont du tout contraires à leur pretexte, aussi sont leurs actes & deportemens pleins d'artifices & d'impostures : & ne faut trouuer estrange qu'ils en vsent enuers les autres, puisqu'ils en ont tant osé donner au Chef de l'Eglise mesme, auquel ils persuaderent si viuement qu'ils tenoient enfermé le Biarnois (ainsi le nommoient-ils) dans Dieppe, & qu'inailliblement il estoit à eux mort ou vif, ou le feroient sauter en mer pour s'enfuir en Angleterre. Et de fait en firent imprimer des discours de victoire, qui coururent par tout, iusques à Rome mesme, pour induire la Sainteté à leur enuoyer un Legat, comme il fit avec telle precipitation, qu'il partit le lendemain que le Pape l'eut nommé, qui fut le xj. Octobre ; parce que le Pape pensoit qu'il n'arriuerait iamais assez à temps en France, pour mettre la Couronne sur la teste de celuy qu'il seroit aduisé, c'est à dire par eux, & en ce faisant qu'il auroit eu l'honneur d'auoir excommunié le feu Roy, & donné ocaseion de le faire mourir : comme aussi d'auoir fulminé celuy de present, & auoir esté cause de le faire chasser de son Royaume. Mais à grand peine M. le Legat fut arriué à Lion la surueille de S. Martin ix. Nouembre, qu'il entendit que le Roy s'estoit brauement tiré hors des mains de M. de Mayenne, & qu'il auoit esté prendre les Faux-bourgs de Paris, du costé de l'Vniuersité : & depuis s'estoit retiré vers la Beausse & le Maine, prenant de iour en iour les villes de l'Vnion, & conneut bien que son voyage ne luy apporteroit l'honneur que le Pape auoit esperé, & que luy s'attendoit. Car d'un costé il s'apperceut fort bien que le Roy n'estoit aucunement en

danger de se perdre; ains au contraire que les affaires de l'Vnion s'estoient beaucoup affoiblies, & entendit aussi-tost que l'on auoit publié à Paris M. le Cardinal de Bourbon pour Roy, qui donna telmoignage certain que l'esperance de la Royauté estoit beaucoup diminuée en leur esprit; & qu'il ne pouuoit plus mettre la Couronne sur la teste à homme choisi à sa poste. Que si les affaires eussent prosperé, comme ils s'atendoient, iamais le bon Prince n'eust esté déclaré pour Roy; combien que cette declaration leur apportast pareille autorité qu'ils auoient auparauant, voire plus grande. Car par la Declaration que fit le Parlement de M. le Cardinal de Bourbon pour Roy, M. de Mayenne luy ordonna (comme vous pouuez penser) de reseruer son autorité; ce que ledit Parlement fit le 21. de Nouembre audit an 1589. par vne clause qui porte, **DEMEVRANT CEPENDANT LE TITRE ET POUVOIR ATTRIBVÉ AV SIEVR DVC DE MAYENNE PAIR DE FRANCE, EN SON ENTIER, FORCE ET VERTV, POVR LE CONTINVER, ET EN VSER IVSQVES A LA PLEINE ET ENTIERE DELIVRANCE DE SADITE MAIESTÉ.** Au moyen dequoy M. de Mayenne prit occasion de casser ledit Conseil general de l'Vnion, alleguant qu'il n'estoit plus necessaire, puisqu'on auoit vn Roy esleu & proclamé; parce que ledit Conseil representoit vne certaine forme de Republique, qui n'estoit coustumiere ni bien-seante en ce Royaume, ayant vn Roy. De sorte qu'il prit en main toute l'autorité; & fit mettre M. l'Archeuesque de Lion Garde des Seeaux, & quatre Secretaires d'Estat ses domestiques; lesquels depeschoient routes les Lettres Patentes, Graces, & Prouisions d'Offices qu'il leur commandoit, sous le titre neantmoins du Roy Charles, qui estoit M. le Cardinal: & au dessous l'un des quatre Secretaires mettoit, Par le Roy, estant Monseigneur le Duc de Mayenne Lieutenant general de l'Estat & Couronne de France. Et le Parlement, & la petite Chancellerie intitulerent dès lors en auant leurs Arrests & Lettres Patentes au nom dudit Roy Charles.

Je ne veux oublier à vous dire, que comme ils pensoient venir à bout de leur premeditée intention, ils desirerent de retenir le Royaume entier, s'ils pouuoient: & au lieu qu'il auoit esté accordé cy-deuant, comme i'ay dit, à monsieur de Sauoye de se saisir du marquisat de Saluce, de la Prouence, & du Dauphiné, s'il pouuoit; monsieur de Mayenne enuoyant monsieur le Commandeur de Dio à Rome, luy donna charge de prier en passant monsieur de Sauoye de se despartir de l'entreprise de Prouence: chose que monsieur de Sauoye trouua fort estrange; mesme pour estre contraire à ce qu'ils auoient traité & accordé ensemblement: & pour ce respondit, qu'il n'en feroit rien, & qu'il ne vouloit quitter sa part de ce Royaume, ainsi qu'il l'a tres-bien fait paroistre depuis.

Vous voyez donc les tours de passe-passe qui ont esté faits pour cette Couronne. Car iamais batteleur ne ioua si bien des mains que ces Messieurs ont fait. Car tantost ils degradent vn Roy sans cause ny

sans pouuoir, tantost creent vn tel quel Conseil general de l'Vnion: aneantissent vn Parlement si celebre & si ancien que celui de Paris, par l'emprisonnement des principaux d'iceluy: puis en vne heure forgent vn Vice-Roy en France, par le moyen de la Lieutenance generale: viuans sans Roy comme en vn interregne: font massacrer leur vray Roy: n'en declarent point vn autre, comme soudainement ils deuoient faire M. le Cardinal de Bourbon: puis quand l'esperance de leur ambition commence à se diminuer quelque peu, ils declarent pour Roy mondit sieur le Cardinal, afin de se seruir de son nom, comme du pretexte de la Religion. Car apres ils cassent ledit Conseil general de l'Vnion qui estoit composé des propres creatures de mondit sieur de Mayenne, & par lesquelles creatures il auoit esté créé Lieutenant general, voire vray Roy en effet: depossèdent le Garde des Sceaux dudit Conseil general; & en creent vn autre, qui fut Monsieur l'Archeuesque de Lion; & quatre Secretaires d'Estat, à sçauoir de Bray (cy deuant Intendant des finances du feu Roy, & depuis ayant la mesme charge sous Messieurs de l'Vnion) ayant le departement de l'Italie: Pericard Secretaire de feu M. de Guise: Roisseux Tresorier de France à Orleans, & cy deuant General des viures des armées de Messieurs de l'Vnion: Desportes nommé Baudouin Secretaire de Monsieur de Mayenne, ayant la Flandre & l'Espagne: & Monsieur de Mayenne s'attribue luy seul l'autorité Royale, sous le nom de monsieur le Cardinal proclamé Roy.

Et parce qu'ils auoient desia esté barus de ces façons de passe-passe, mesme que monsieur de Mayenne n'auoit esté créé, comme i'ay dit, Lieutenant general, sinon en attendant la tenuë des Estats; qu'ils disoient vouloir faire tenir au mois de Iuillet ensuiuant, laquelle tant s'en faut qu'ils ayent affectuée, que iamais ils ne les ont intimez, ny fait semblant de les vouloir conuoquer que le huitiesme Decembre, pour le lendemain de la Chandeleur, troiziesme Fevrier de l'année presente, pour estre tenus en la ville de Melun: mais avec intention qu'il ne s'en feroit rien, comme on l'a bien peu connoistre. Car outre que le terme estoit par trop court, & les chemins fort dangereux, ils sçauoient bien que les trois Estats particuliers ne pouuoient seurement s'assembler en chacun Bailliage & Senéchaussée, pour dressez leurs cahiers & eslire leurs Deputez. Et de fait la publication de telle conuocation d'Estat ne fut faite à Paris que le 22. Decembre, & aux autres Prouinces, vers la fin dudit mois. Au moyen dequoy il ne restoit plus de terme que cinq semaines, pour assembler & dressez les cahiers, eslire les Deputez, & s'acheminer à Melun le 3. Fevrier. Au moyen dequoy il ne s'est fait aucune congregation aux Prouinces, & n'est comparu aucun Deputé à Melun, comme il leur estoit aisé de faire, s'ils eussent voulu proceder comme ils deuoient: d'autant que le Roy estoit en la basse Normandie, fort esloigné de Paris & de Melun; de sorte qu'il a esté en leur pouuoir d'aborder à Paris & audit Melun sans aucun empeschement,

iusques au 14. de Mars dernier passé, que M. de Mayenne perdit la bataille près d'Iury, qui estoit six semaines apres le iour de ladite conuocation d'Estats.

Ie vous diray encore vn autre acte de Royauté que M. de Mayenne a fait, qui est qu'estant à Mantes le 9. Mars de la presente année, cinq iours auparauant la bataille qu'il perdit, il expedia vn mandement à tous les Baillifs & Seneschaux de ce Royaume, signé Charles de Lorraine, & contresigné de Bray, par lequel il estoit enioint à tous Officiers indifferemment, d'aller prendre confirmation de leurs Offices dans deux mois apres la verification de son ordonnance à Paris pardeuant les gens du petit Conseil nouveau qu'il auoit institué, qui bailleroient la confirmation des lettres à la moindre despense que faire se pourroit, pour estre les deniers employez au fait de la presente guerre : lequel mandement estoit intitulé, De par le Roy, Monseigneur le Duc de Mayenne estant Lieutenant general. Ie vous laisse à penser comme ils se sont iouéz de l'autorité Royale, & abusé du titre de Roy sous le nom de feu M. le Cardinal de Bourbon, afin de paruenir peu à peu à leur dessein.

Ie neveux aussi laisser passer sous silence, que tost apres que M. de Mayenne fut resolu de se mettre en campagne, qui fut enuiron le commencement de Ianuier, il despescha vne commission à S. Pol Maistre de Camp, pour estre Lieutenant general en la Champagne, qui peut vous confirmer dauantage ce que j'ay dit cy dessus : car lors il n'auoit encore esté créé Lieutenant general par ses creatures ; & neantmoins dispoisoit d'une des charges principales de la Couronne, tout ainsi que le Roy fait.

Or est-il bien-aisé à decouurir, qu'outre le but qu'ils ont eu d'empier la Couronne, ils en ont vn autre qui estoit de se venger du feu Roy, à quelque prix que ce fust ; & n'en faut autre tesmoignage que les lettres que nous auons dit auoir esté escrites au mois de Ianuier à plusieurs Huguenots, & la recherche qu'ils ont faite des heretiques, tant François qu'estrangers, comme nous l'auons cy deuant assez amplement discouru. Et pour monstrier encore plus clairement que la vindicte estoit leur but ; voyez le serment d'Vnion qui fut fait à Chartres à l'arriuee de M. de Mayenne le 7. Fevrier ensuiuant, contenant trois articles : le premier en ces mots : Nous iurons & promettons à Dieu, de viure & mourir pour la manutention de nostre Religion Catholique, Apostolique, & Romaine ; le second, De nous maintenir en nostre sainte Vnion, & nous conseruer tous en general & particulier contre qui que ce soit, sans reseruacion de dignité quelconque : & le troisieme, De poursuire la vengeance des massacres faits à Blois, reconnoissant que par iceux on a voulu ruiner nostre Religion, & empescher le soulagement du peuple, & la liberté des Estats, qui estoit le mesme stile des lettres escrites par M. de Mayenne à plusieurs Gentils-hommes, tant Catholiques que Huguenots, comme dessus est dit. Mais il fut corrigé depuis sur

celuy fait à Paris le 19. Ianuier precedent, parée que M. de Mayenne n'y auoit pas encore esté.

Cette prise d'armes accompagnée de tant d'actes si estranges, que que ie vous ay cy-dessus raconté, vous doit assez faire connoistre que ces Messieurs n'ont iamais tant desiré chose, que de paruenir à la Royauté; & que pour ce faire, ils ont commencé de longue-main plusieurs pratiques & menées tendant tousiours à cette mesme intention. Et de faire, quiconque iugera les choses par le droit chemin, trouuera qu'il eust esté impossible qu'il se fust fait vn si grand changement en tel moment, si les esprits des personnes n'y eussent esté de longue-main préparé, & s'ils ne les eussent iournellement maintenus & augmentez en telle resolution. Cela donc vous doit faire croire que tout ainsi qu'ils auoient leur but à empieter la Couronne, ainsi n'ont-ils iamais eu intention de garder les promesses & serments par eux faits, contraires à leur ambition; & par conséquent qu'ils ont esté perfides à leur Roy, & donné grande occasion à la Maiesté de mescontentement enuers eux. Au contraire le Roy n'a pas esté perfide à leur endroit, & ne leur a donné iuste occasion de le mespriser, & enfin de le mettre à mort, comme ils ont fait.

Remarquez bien, ie vous prie, ce que ie vous ay dit, qu'en leur prise d'armes ils se sont attribuez eux-mesmes l'autorité Royale, sans la declarer en la personne de feu M. le Cardinal de Bourbon. Je diray encore dauantage, qu'il ne se trouuera point qu'ils ayent aucun adueu ou pouuoir de feu M. le Cardinal, soit de la Lieutenance generale, ou d'aucune autre chose qu'ils ayent faite. Car au contraire M. le Cardinal estoit bien fâché contre eux, de voir le mespris qu'ils faisoient de sa personne, & n'eust eu garde de leur bailler l'autorité de dominer ce Royaume & la maison. Depuis sa mort ils ont encore plus donné de iuste occasion de confirmer l'opinion qu'ils ont prise, qu'ils ne veulent plus de Roy en ce Royaume, & ne se soucient plus de qui ils tiennent l'autorité, sinon du Roy d'Espagne qui les assiste à brouiller ce Royaume, pour accroistre son autorité particuliere: l'homme sera bien aueugle, sourd & insensé qui ne verra, entendra, & iugera leurs façons de faire, afin de ne s'amuser plus à embrasser leur ambition & leur passion particuliere; ains chercher de nouveaux remedes à nos miseres & calamitez.

Si ces Messieurs estoient remplis d'un bon zele, maintenant qu'ils ont obtenu la vindicte contre nostre Roy qu'ils ont fait miserablement assassiner par le Iacobi, au lieu de se faire deliurer de la crainte d'auoir vn Roy d'autre Religion que de la nostre; il n'y a que tenir qu'ils ne deussent maintenant souhaiter la conuersion de cestuy cy, & l'y conuier par humilité & soumission, comme les autres bons Catholiques François ont fait, & mesme d'autant qu'ils n'ont point de pretention d'offence particuliere de ce Roy. Mais tant s'en faut qu'ils ayent telle volonté, qu'au contraire ils ne seroient bien-aisés qu'il pleust à Dieu de le conuertir, &

benir ses actions, comme tous bons François doiuent desirer, parce qu'ils perdroient tout en vn couple pretexte de la Religion, qui leur sert encore pour se maintenir à broüiller, diuiser & ruiner ce Royaume, ayant perdu celuy de la vindicte & de l'apostasie, tyrannie & perfidie, qu'ils auoient pris iniustement contre le feu Roy. Car en la personne de celuy qui est de present, ils ne peuuent rien dire que du fait de la Religion. Estant d'ailleurs doiüé des plus belles qualitez qu'un Roy puisse auoir, soit en sa valeur, vigilance, que bonté & clemence, & estant esloigné du tout de la cruauté, ainsi qu'il l'a bien fait paroistre à l'endroit de tous ceux qui se sont rendus à luy, & particulièrement à l'endroit des gens d'Eglise, lesquels sans comparaison il a fait beaucoup plus respecter & honorer aux villes qu'il a prises, que n'ont pas fait ceux de l'Vnion en celles qu'ils ont peu surprendre, ainsi que l'Histoire qui en sera faite par quelque fidelle personnage, le declattra particulièrement, qui n'oubliera rien de ce qui est de la verité, pour faire paroistre à chacun les sacrileges, impietez & simonies excreées par Mess. de l'Vnion, soy disans tant zelateurs de l'honneur de Dieu. Parce que vous devez croire que tandis que l'ameleur demeurera au corps, & qu'ils auront des ongles pour égratigner, iamais ils ne se rangeront à reconnoistre ce Roy, bien qu'il se fasse Catholique, & aussi peu aucun autre des Princes du Sang, pour ne deschoir de leur autorité, comme en ce fait ils seroient contrains de faire: & quelque belle ptoposition qu'ils fassent & qu'ils dient, l'experience tesmoignera que leur intention n'est que de mourir les armes au poing, ne se souciant de ruiner ce Royaume, & d'en mettre vne partie entre les mains des Princes estrangers, pour se maintenir eux-mesmes en l'autorité qu'ils ont vsurpée. Ce qui doit bien faire ouurir les yeux aux bonnes villes de ce Royaume, pour ne se laisser reduire en pareille desolation & ruine que celle de Paris, comme elles seront, si elles s'appuyent sur l'autorité du Lieutenant general de leur Vnion. Car puiqu'il aura laissé perdre ledit Paris qui a esleué sa maison en si grande autorité, ie vous laisse à penser s'il voudra se perdre, voire se mettre seulement en hazard, pour empescher la perte d'aucune autre ville de ce Royaume. Il fait ja estat d'auoir bien peu perdu en la ville de Paris: & se vante d'auoir autres 30. villes fortes en ce Royaume à sa deuotion, lesquelles il dit que le Biarnois ne scauroit prendre qu'en 15. ans; & qu'entre cy & là il espere que ses affaires amanderont. Ce qui doit faire connoistre qu'il ne se soucie pas de vostre conseruation, mais de la sienne; & qu'il ne se sert de vous que pour s'agrandir, & non pas pour vous accommoder. Car il a aussi peu d'amitié & bonne volonté à l'endroit du Peuple, que de zele à l'honneur de Dieu, comme vous le connoistrez, si vous épluchez par le menu les façons de faire de luy & des siens. Voyez, ie vous prie, s'ils ont fait conscience de se saisir & de disposer d'une grande quantité des biens des Eueschez & Abbayes de personnes Ecclesiastiques & tres-Catholiques, craignants Dieu, sans auoir esgard qu'ils n'auoient aucun droit

droit de s'en emparer, & en disposer à leur appetit, parce qu'ils les disoient estre excommuniez, pour n'avoir voulu estre de leur parti. M. d'Aumalle ne fit pas difficulté de faire payer aux Ecclesiastiques leurs taxes deux ans sont, lors qu'il alla assieger Boulogne; combien qu'il n'y eust aucuns Huguenots dedans, & qu'il ne fit ladite entreprise que pour s'establir, comme dit est. Dequoy Dieu le recompensa, comme il luy en avoit donné occasion: car au lieu de prendre la ville, il leua le siege en effroy, & laissa son artillerie engagée, de laquelle le Bernet qui estoit dedans en eut vne partie.

Si leurs déportemens eussent esté conformes à leurs pretextes, & à la creance qu'ils desirerent que tout le monde aye de leurs intentions, i'excuserois ceux qui ont voulu les assister en leur dessein: mais on a veu tout le contraire. Car ils ont possédé iniustement vne infinité d'Abbayes, comme encore des principaux de leur Vnion, tant de ceux qui portent espée, que gens de iustice en possèdent; bien qu'ils soient incapables de les tenir, voire n'ayant enfans qu'ils veulent mettre & dedier à l'Eglise. Je diray d'atantage, que le grand Archevesché d'Aulx en Guyenne, que le feu Roy donna à M. le Marquis de S. Sorlin, par la mort de M. le Cardinal d'Est, frere de Madame de Nemours sa mere, cuidant qu'il deust estre d'Eglise, a esté possédé par madite Dame depuis Novembre 1586. sans titre ni bulle, ni seulement qu'elle y ait fait commettre vn Euesque portatif, pour servir de Custodinos, ainsi qu'il est tres-bien pratiqué aux Eueschez de Thoul & de Verdun, par M. de Lorraine. L'on sçait assez la penson que feu M. le Cardinal de Guise dernier donnoit tous les ans sans bulle du Pape, à Mess. ses freres; particulièrement à M. de Mayenne, par vn concordat fait entr'eux en l'année 1574. sur les Benefices que tenoit M. le Cardinal de Lorraine leur oncle, lesquels le feu Roy conféra à M. le Cardinal de Guise.

Je diray encore que la conference des Benefices que les Prelats Chefs de leur Vnion ont ordinairement faite contre les Conciles, Decrets, & Constitutions Canoniques, pour faire plaisir & gratifier ceux qui les assistoient, resmoigne assez le zele de la Religion qui a esté & est en eux; pour non seulement reformer, mais restaurer la Religion Catholique.

Les Prieurez dépendants des Abbayes qu'ils tenoient, qu'ils ont donné à plusieurs Gentilshommes portants espées, & à d'autres soldats incapables de les tenir, mais bien aspres à iouir du fruit d'iceux, font assez paroistre qu'ils n'ont desiré, ni desirer de reformer l'Eglise Catholique, en conferant les Benefices, comme ils pouvoient & deuoient faire à personnes capables, pour faire le Service Diuin, & entretenir la regle & discipline Ecclesiastique.

M. de Mayenne a donné & donne tous les iours des Oeconomats pour des Eueschez, Abbayes, & Prieurez à ceux de son parti, comme bon luy semble, sans avoir aucun pouuoir de ce faire, ni de tout ce qu'il fait, ainsi que direst. Car tel pouuoir égal à celuy de Roy, ne peut estre conféré

que par le Roy meſme, ou par les trois Eſtats legitiment aſſemblez, & non pas par cinquante quatre perſonnes triées dans la ville de Paris par M. de Mayenne du tout à ſa deuotion, ne luy eſtant meſme attribué par ledit pouuoir du Conſeil, aucune authorité de dépêcher leſdits Oeconomats; ains ſeulement le maniement des armes, & conduite des armées, ainſi qu'il ſe peut voir par le narré & depositif d'iceluy.

Ceux qui ſe vantent des miſſions extraordinaires, & qui ſe parent du titre de l'Exaltation de la Religion Catholique, deuroient rendre plus de preuve de leur pieté & deuotion, que ne ſont ces Meſſieurs de la Ligue. C'eſt pourquoy il ne faut pas trouuer eſtrange ſi leurs affaires ſont allées ſi mal, & ſ'ils n'ont ſceu engloutir le Roy près d'Arques & Dieppe, ou le faire ſauter en mer, comme ils ſe vantoient; parce que leur deuotion ſe faiſoit avec des putains, teſmoin le poil qui en eſt demeuré; & ſ'ils ont perdu la bataille derniere près d'Ivry, ils ſ'en deuoient prendre à eux-mêmes, pour ne s'eſtre mis en deuotion enuers Dieu, comme firent les Catholiques qui aſſiſtoient le Roy, & que ſa Maieſté meſme fit ſelon ſa façon de faire.

Mais comme ils n'ont eſté imprimez à la fantaſie des hommes pour les vrais pilliers de l'Egliſe, & reſtaurateurs de la Religion Catholique, & que tout le monde les flatte de telle vanité; ils preſuppoſent qu'il leur ſera loiſible de faire tous les ſacrileges que bon leur ſemblera, ſans que le monde ſ'en doie ſcandalifer, ni que Dieu les en doie châtier.

Quelle impiété voulez-vous plus grande que d'induire, voire forcer par argent & benefices les Predicateurs, de laiſſer d'annoncer la vraye parole de Dieu en la chaire de Verité, pour preſcher mille menteries & vanitez, & amuſer le peuple; & ſe ſont ſeruis des inuectiues menſongeres qu'ils ont inuentées, ou qu'on leur a baillé par eſcrit, pour ſuſciter la lédiction; au lieu de ſe ſeruir des Textes de la Sainte Eſcriture, pour maintenir chacun en la crainte de Dieu. Et entr'autres ie ne veux coter que l'impoſture que le ſuldit Boucher Curé de S. Benoift de Paris, dit en pleine Chaire en l'an 1587. apres que ſa Maieſté eut deſſait cette grande & formidable armée des Huguenots. Il preſcha publiquement en l'Egliſe S. Barthelemy, Que le Roy vouloit empêcher les Predicateurs de dire la verité; & à cet eſſet qu'il auoit fait mourir noſtre Maïſtre

Theologal d'Orleans; ce qu'il imprima ſi fort en l'eſprit de ſes Auditeurs, qu'ils le croyoient ſerrement, & le rapportèrent par toute la Ville pour choſe tres-veritable. Dequoy ſa Maieſté ayant eſté aduertie, envoya querir pluſieurs Docteurs & Predicateurs de la Sorbonne, & entr'autres ledit Boucher, auquel il demanda, pourquoy il auoit preſché qu'il auoit fait mourir ledit Theologal. Lequel reſpondit, Qu'on le luy auoit ainſi aſſeuré. Le Roy luy dit, L'avez-vous veu mort? Non, Sire, reſpondit ledit Boucher, mais il m'a eſté affirmé pour choſe tres-veritable. Lors le Roy luy repliqua, Pourquoy voulez-vous pluſtoſt croire le mal que le bien, & preſcher en la chaire de Verité vne menterie ſi euidente? Et incontinent

fit représenter ledit Theologal se portant fort bien, car il l'auoit retenu au Chateau d'Amboise quelque temps, en vne chambre, mais fort bien traité. Ce qui estonna bien fort ledit Boucher & beaucoup d'autres, auquel neantmoins sa Maïesté ne fit autre châtiment, sinon qu'il pria M. l'Euesque de Paris de luy interdire la chaire pour quelque temps. Plusieurs de leurs Predicateurs ont presché, en la chaire de verité, infinité d'autres mençeries aussi claires que cette-cy : au moyen dequoy si Dieu a renuersé leur pernicieux dessein, il ne s'en faut point estonner.

Si ils se sont dispensés bien auant au fait de la Religion, ils en ont fait de mesme ausdites choses temporelles : car ils ont esté fort soigneux de faire courir par toute la Chrestienté les nouuelles fauorables pour eux, selon qu'ils ont trouué bon de les mettre par escrit, sans auoir esgard qu'elles fussent vrayes. Car bien souuent on a veu que leurs gens ont eu quelque desfaite, & neantmoins ont enuoyé par tout publier qu'ils auoient desfait leurs ennemis, afin de retenir leurs affaires en reputation, & en outre ont esté fort soigneux d'empescher qu'aucunes lettres des particuliers, qui n'estoient de leur Vnion, allassent en Italie, afin que l'on n'entendist l'estat des affaires de ce Royaume, sinon en la forme & maniere qu'eux-mesmes le vouloient, pour surprendre sa Sainteté à luy faire approuuer l'aduis de la Sorbonne, & leur prise des armes ; ce qui leur a succédé à point nommé. Car comme M. de Mayenne fut party de Paris avec son armée belle & grande, ils firent courir le bruit à Rome, que le Roy estoit ruiné, ou qu'en bref il le seroit, parce que lors il estoit desnüé de toutes forces : & qu'en ce mesme temps il s'estoit vny vne grande partie des villes de ce Royaume : ce qu'ils sceurent si bien faire accroire à sa Sainteté, qu'elle se lâcha aller à despecher son Monitoire.

Pareillement apres la mort du feu Roy ils firent accroire à sa Sainteté que son Monitoire (ou plustost excommunication) auoit releué toute la France par la mort dudit feu Roy, & qu'en bref ils esperoient renuerser ce Roy les pieds contremont ; ce qu'ils luy persuaderent si bien, qu'oublant les piperics precedentes, sa Sainteté le renoit pour chose tres-certaine, & talchoient par là de l'embarquer à leur secours, comme ils en retirerent par la venue de M. le Legat Caietan, qui leur fit desliurer cinquante mil escus par le sieur Comte Porcia en Fevrier, sans lesquels mondit sieur le Legat escriuiit à Rome que les estrangers s'en vouloient retourner ; & que les principaux de Paris vouloient traiter la paix avec le Roy.

De mesmes ils ont repeu chacun des belles promesses que le Roy d'Espagne leur faisoit de les secourir : & comme il leur arriuoit quelques nouuelles d'Italie, ou plustost des pasquinades, ils les ont fait soudainement imprimer, pour en repaistre les esprits vains & legers. Tefmoin la harangue attribuée à nostre S. Pere faite au Consistoire sur la mort du feu Roy, & vne lettre que Monsieur le Cardinal de Mon-

talte escriuit à ce beau Conseil supprimé de la sainte Vnion, luy offrant non seulement les thresors spirituels, mais aussi les temporels assemblez en grand nombre au Castel S. Ange, qui n'estoient si necessaires en ce temps-là que maintenant qu'ils leur font grand faute.

Autant en ont-ils fait des belles, grandes & signalées victoires, ou plustost fuittes ridicules qu'ils ont faites en ce Royaume, lesquelles ils ont fait imprimer à Paris, & depuis à Lion, & enuoyées par tout comme veritables : & par ces impressions tantost ils ont obtenu vne grande victoire, les Chefs prisonniers, & le plus souuent morts & entertez : comme dès le commencement ils firent imprimer vn discours de la deffaire de Monsieur le Vicomte de Touraine à Chasteau-neufen Berry, le 26. du mois de Mars 1589. par Monsieur de la Chastre, par lequel il estoit recité la forme du combat, & enfin luy tué, & son corps pris & emporté par ledit sieur de la Chastre à Bourges, pour là le faire inhumer & enterrer, & fit faire vne grande fosse en terre pour enterrer tous les Huguenots; lequel discours fut imprimé à Paris par Denis Binet avec permission. Dernierement aussi M. le Commandeur de Dio escriuit à Monsieur de Mayenne, que sa Sainteté estoit du tout à leur faueur, & qu'il auoit chassé M. de Luxembourg de Rome, lequel auoit couuert sa retraite sous le voyage de Nostre Dame de Lorette. Et Neantmoins nous auons veu tout le contraire : car mondit sieur de Luxembourg s'en est retourné à Rome bien venu de sa Sainteté, & y est depuis demeuré bien caressé & honoré par elle, au grand regret & desplaisir de l'Ambassadeur d'Espagne, comme ie diray tantost, qui braua sa Sainteté de ce qu'elle l'auoit receu, & ne le chassoit de sa Cour, ainsi que les Ministres du Roy d'Espagne s'en sont vantez. Ce que ie vous ay voulu coter, pour vous resueiller l'esprit à considerer les artifices dont ils ont vsé pour esbloiir la veüe d'vn chacun.

Mais afin que nous connoissions que si Messieurs de l'vnion n'ont rien que les apparences exterieures des pretextes dont ils font leur plus grand boucher; que ceux desquels ils se sont appuyez pour brouiller ce Royaume, ne sont pas plus possédez de zele de la Religion & charité Chrestienne, qu'eux-mesmes; i'ay creu vous deuoir icy représenter quelques mienues considerations sur les deportemens des Princes estrangers qui sont accourus à nostre embrasement & ruine publique, dont ils ont receu autant de ioye & de plaisir, comme ils s'atendent d'en auoir d'utilité particuliere; qui est celle qui les a tousiours induits à nous entretenir en diuision. Et partant ie commenceray au Roy d'Espagne, comme le premier & le plus grand des Fauteurs de l'Vnion.

Il n'y a personne qui mette en doute que nous ne soyons plus obligez à conseruer & desfendre nostre petit mesnage, que celui d'autrui. Le berger qui quittera son propre troupeau tandis que les loups setont en iceluy deuorant ses brebis, pour aller secourir le troupeau de son voisin, ne s'en sera plus estimé faisant son deuoir. L'Euesque qui prendra plaisir

de visiter le Diocèse de son voisin, & s'affectionnera à le regler & en ôster l'herésie, lors que le sien en fera beaucoup infecté, ne sera pas estimé faire son devoir, de laisser perdre les âmes de ses Diocésains auxquels il est obligé de droit diuin & humain, pour sauuer celles qui sont suiuettes à vn autre Euesque, où il n'y a aucune iurisdiction ny obligation pareille ny approchant de celle qu'il a aux siens propres.

Le Prince donc qui abandonnera ses suiuetz naturels entre les mains des Heretiques qu'ils instruisent, nourrissent & entretiennent dans l'Herésie, ne donnera pas grand argument de croire que le zele del'honneur de Dieu soit si grand & ensaciné en son cœur, ni qu'il desire sur toutes choses l'extirpation de l'Herésie, combien qu'il s'employast en autre Prouince à faire la guerre aux Heretiques, parce que n'y estant obligé de droit diuin & humain, comme il est à l'endroit de ses suiuetz, l'on aura tousiours occasion de croire que quelque ambition ou particulier interst le pousse à faire la guerre aux Heretiques de ladite Prouince & Royaume estranger; puisqu'il laisse en repos ceux qui corrompent & infectent les âmes de ses suiuetz, desquels il est obligé à Dieu de rendre compte.

Si le Brabant, la Flandre, la Frise, la Hollande & Zelande, qui sont Prouinces suiuettes au Roy d'Espagne, n'estoient occupées pour la plus grande partie, & les autres beaucoup endommagées par les Heretiques; & que ledit Roy n'eust vn beau châp & de belles occasions de faire la guerre aux Heretiques ses suiuetz, pour les ranger au devoir qu'ils doiuent à Dieu, & à la connoissance & entretenement de la vraye Religion Catholique; & par mesme moyen à le reconnoistre pour leur Seigneur Souuerain: & dauantage chasser la Reine d'Angleterre de plusieurs villes qu'elle tient en son pais de Zelande, fauorisant & soustenant de tout son pouuoir les Heretiques ses suiuetz des Prouinces susdites, en la guerre qu'ils luy font bien vigoureusement tous les iours; nous pourrions dire avec raison, que la faueur & secours qu'il a presté & preste à ceux de l'Vnion, sous le pretexte de faire la guerre aux Heretiques de ce Royaume, procuiennent d'vn zele ardent qu'il a d'employer tous ses moyens pour la conseruation de la Religion Catholique, & exaltation de l'honneur de Dieu. Mais puisque nous voyons qu'il a laissé longuement en repos les Heretiques desdits Pais-bas ses suiuetz, pour aider à faire la guerre (comme il dit) à ceux de France, auxquels il n'est obligé, ainsi qu'il est aux siens: vous pouuez bien iuger par là, que non pas le zele de l'honneur de Dieu l'induit à tourner ses principales forces du costé de la France, au temps qu'il en a tres-grand affaire & besoin en ces Pais-bas: & deuez conclure qu'il faut que quelque autre particulier interst le guide à ce faire. Car si celuy de l'honneur de Dieu le possedoit du tout, il tascheroit avec toutes les forces qu'il pourroit assembler de chasser l'Herésie de ses Prouinces, comme y estant naturellement obligé; afin que de son viuant il peust reduire toutes ses brebis à la vraye bergerie de Iesus-Christ: à ce que mourant il n'eust à rendre compte deuant sa face,

de la perte & damnation de tant de millions d'ames qui se perdent & perdront tous les iours, par faute de ce qu'il n'employe viuement tous ses moyens, comme il deuroit, à extirper l'Herésie des iudites Prouinces à luy suiuettes.

M. le Duc de Parme, Vice-Roy en Flandre pour le Roy d'Espagne, en a beaucoup crié, & s'en est extremement tourmenté, se voyant les moyens ostez de faire la guerre aux Heretiques, pour les donner à ceux de l'Vnion, sous pretexte de faire la guerre aux Huguenots de France; alleguant que le Roy son Maistre auoit prou d'Heretiques en ses Prouinces pour leur faire la guerre, sans les aller chercher si loin qu'au Royaume de France. Et comme il voyoit arriuer argent d'Italie selon les partis que le Roy faisoit auec des Marchands Geneuois, & à l'instant passer outre en France, il maudissoit & les Huguenots, & ceux de la Ligue; pource qu'ils sucçoient presque tous les deniers du Roy son Maistre, & ne luy en demeuroid comme point, pour continuer la guerre contre les Heretiques de ses Pais bas.

L'on dira, que le Roy d'Espagne a beaucoup d'interest à conseruer ce Royaume en la Religion Catholique; ce que l'accorderay estre veritable: mais aussi ie desire que l'on m'accorde que ce Royaume n'auoit pas tant de besoin d'estre secouru par luy pour le fait de la Religion, que les Prouinces iudites à luy suiuettes. Car les Huguenots estoient renfermez en vne petite partie du Poitou & du Xaintonge, & en peu de villes de la Guienne, du Languedoc, & du Dauphiné; s'estant le feu Roy mis apres à les exterminer, ou à les reduire au giron de l'Eglise Catholique, s'il n'en eust esté détourné par ceux de l'Vnion, assistez & fauorisez par le Roy d'Espagne, contre le deuoir de bon Chrestien & de Beau-frere de sa Maiesté, & ne deuoit quitter les Heretiques de ses pays, sous pretexte de faire la guerre aux Huguenots de France: ny pareillement supporter la ligue contre le Roy son Beau-frere tres-Catholique. Car si le Roy d'Espagne n'eust assisté ceux de l'Vnion contre sa Maiesté, ils n'eussent peu ny osé continuer en vne si generale rebellion, & par consequent entreprendre de faire la guerre à leur Roy; ce qui eust esté cause que sa Maiesté n'eust esté diuertie de son premier dessein, de reduire tous ses Suiets au giron de l'Eglise Catholique & Romaine: sans que le Roy d'Espagne s'en fust melle, ny qu'il y eust employé vn seul denier. Au moyen dequoy il eust eu pour ce regard ce qu'il eust peu desirer, de voir nettoier ce Royaume de l'herésie, & d'autre costé il eut employé cette grande quantité de milliers d'escus (qu'il a vainement consommé pour brouiller ce Royaume) à se vanger de la Reine d'Angleterre, & à faire la guerre aux heretiques de ses Pais bas, & les ranger à l'obeissance & suiétion qu'ils luy doiuent, & par consequent à la vraye connoissance & vsage de la Religion Catholique. De sorte qu'en vn mesme temps ce Royaume & les iudites Prouinces eussent esté nettoyez de l'herésie, s'il eust trouué bon de n'assister les

rebelles de sa Maïesté sous vn pretexte si vain, pour la détourner d'vne si sainte entreprise, de laquelle il declare auoir tant de desir.

Remarquez, ie vous prie, le peu de progresz que le Roy d'Espagne a fait au Pais-bas depuis l'an 1585. qu'il a commencé d'assister par chacun an Messieurs de la ligue de ses doubles pistolets, & leur bailler l'argent qu'auparauant il souloit donner à Monsieur le Duc de Parme pour faire la guerre contre les heretiques ses Suiets. Monsieur le Duc de Parme le scait bien dire; aussi vn chacun le peut aisement connoistre: car comme par sa vigilance, prud'homme & hardiesse il auroiten cinq ou six ans reduit en l'obeissance du Roy son Maistre quasi toutes les Prouinces à luy suiettes en terre ferme, avec ce peu de moyen qu'il luy donnoit tous les ans, ainsi depuis ladite année 1585. qu'il luy a osté les moyens, pour les donner à ceux de la Ligue, il n'a fait aucun progresz ausdits Pais: plustost il a perdu des villes que d'en auoir gaignez; non par sa faute, mais à cause que ledit Roy son Maistre luy ostoit les moyens, non seulement d'offenser ses rebelles heretiques, mais de se defendre contre eux; pour en assister & aider les rebelles de nostre Roy, non pas à faire la guerre aux Huguenots, mais à broüiller ce Royaume pour le dissiper, comme l'on voit clairement que son intention a esté, & est de faire la guerre pour le grand interest qu'il a à la diuision de cette Couronne. Cette annec nous tesmoigne sur toutes les autres son intention. Car non seulement il y employe les deux cens mil escus par mois desquels il a fait party avec les sieurs Spinola Geneuois, pour les luy fournir en six mois en Flandres; mais qui plus est, les forces qu'il a audit pays de Flandres; à cause dequoy ledit sieur Duc de Parme non seulement ne peut faire aucun bon progresz audit pays, ains encore se defendre, & empeschier qu'on ne luy prenne des villes qu'il tient en l'obeissance dudit Roy son Maistre; à quoy ledit Roy n'a aucun esgard, & ne s'en soucie que bien peu.

Car ce Royaume estant le Premier de la Chrestienté qui precede tous les autres Roys, le Roy d'Espagne desireroit qu'il fut aneanty, afin de tenir le premier rang; qui seroit bien autre profit qu'il receuroit, que la perte des villes qu'il fait maintenant audit Pays-bas.

D'autre costé, comme la puissance du Roy d'Espagne est tres-grande & formidable à toute la Chrestienté, & reconnuë pour telle (moyennant qu'il n'eust plus en teste celle de ce Royaume) ainsi il a desiré & desire le voir diuisé, afin qu'il ne luy puisse faire teste, ny l'empeschier d'effectuer toutes les entreprises qu'il voudroit faire allencontre de tous les Princes de la Chrestienté, pour les assuiettir à soy: voire l'autorité du Pape mesme, afin de remettre en sa Maison l'Empire hereditaire que Charlemagne s'estoit acquis: comme aussi l'ellection des Papes, ainsi qu'elle a esté autrefois en la disposition des Roys de France. Ce qui luy seroit fort facile à faire, n'ayant plus d'obstacle à sa grandeur & à ses entreprises, quand ce Royaume seroit ainsi party.

De sorte qu'il ne cesseroit, ny son Successeur aussi, iusques à ce qu'il eust reduit l'ellection de l'Empire à sa personne.

Comme aussi la nomination du Pape, & qu'il eust en ce faisant soumis tous les Princes & Republiques de la Chrestienté sous son autorité. Ce qui est autant reconnu que craint par tous lesdits Princes, & par le sacré College de Messieurs les Cardinaux, qui se verroient Chappelains du Roy d'Espagne, & non plus Cardinaux respectez, honorez & recherchez comme ils sont de present.

La grande brauade que le Comte d'Oliuarez Ambassadeur du Roy d'Espagne a dernièrement faite à sa Sainteté, pour luy faire chasser M. de Luxembourg, député des Princes & Seigneurs de ce Royaume vers elle pour le bien de la Religion Catholique d'iceluy, menaçant à cet effet la Sainteté de la part du Roy d'Espagne de luy faire la guerre, voire iusques à faire vn Concile en ses Royaumes & pais, pour le faire declarer incapable de son Pontificat : & dernièrement celle que le Duc de Cesse nouvel Ambassadeur dudit Roy à Rome luy a faite, pour l'empescher de receuoir au giron de l'Eglise ce Roy, au cas qu'il s'y reduisist, témoigne assez l'intention que le Roy d'Espagne a d'assuiettir l'Ellection & Pontificat à sa deuotion, & a donné & donne assez d'argument à sa Sainteté & au sacré College des Cardinaux, de craindre la dissipation de ce Royaume, & l'augmentation de la puissance du Roy d'Espagne : par lesquelles ils faudroient tomber vn iour en telle seruitude, & perdre la souveraine autorité que legitiment ils ont.

Les Princes souverains perdroyent aussi leur souveraineté, & seroient reduits comme les Ducs d'Espagne, & les Royaumes de Naples & de Sicile, sans souveraineté à la reconnoissance des Parlemens & Senat.

Leurs Forteresses seroient desmolies, afin qu'ils ne peussent en aucune occasion se rebeller contre luy & ses Successeurs.

Leurs thresors seroient empruntez par ledit Roy à iamais rendre, pour leur oster les moyens de se preualoir contre luy & ses Successeurs.

Le grand reuenu desdits Princes seroit partagé, afin qu'ils ne peussent derechef faire autre thresor, & qu'ils n'eussent plus sinon le moyen qui leur seroit necessaire pour l'entretienement de leur qualité bien simplement.

Le Pape quitteroit la protection & sauuegarde des Villes qu'il tient, comme mal-leante à l'Eglise, ainsi qu'on luy feroit accroire, & luy seroit peut-estre seulement laissé le reuenu qu'il en tire.

Bref le Roy d'Espagne n'auroit qu'à dire, le veux que telle chose se fasse, & seroit faite : parce qu'il ne trouueroit personne qui l'empeschast, voire seulement qui osast s'y opposer.

Si l'on veut dire qu'il se feroit vne Ligue generale contre luy pour l'empescher, ie diray que personne de bon iugement ne peut tenir cette proposition pour veritable, sçachant bien que telles Ligues ne se font :
& bien

& bien qu'elles se fissent, ne peuuent estre de durée, ainsi que vous l'apprendrez au beau Traité fait depuis peu par M. Hurault, des Offices & Estats de France. Aussi que ledit Roy avec sa dexterité ne s'attaqueroit à vn coup contre tous les Princes, mais les ruineroit les vns apres les autres, comme l'on fait les fleches séparées de leur troussau: ce qui donneroit occasion aux Princes de ne se mouuoir contre ledit Roy: & ce d'autant que pendant qu'il en ruineroit l'un, il flatteroit les autres pour les endormir; iusques à ce qu'il fust venu à bout de celuy qu'il auroit en main, & que le temps fust propre pour dresser vne querelle d'Allemand contre vn autre, pour luy en faire autant: & continueroit de main en main iusques à ce qu'il se feroit deffait de tous; ainsi qu'il luy seroit bien aisé de faire; n'ayant plus ce puissant & formidable Royaume de France pour s'opposer à l'oppression qu'il voudroit faire aux autres Princes, ainsi qu'il a fait tant & tant de fois, comme les histoires en font foy, & que n'aguères nous l'auons veu, & plusieurs Princes l'ont expérimenté.

Parquoy il ne faut esperer que cetteligue ny autre moyen peust iamais empescher la Monarchie du Roy d'Espagne, si vne fois ce Royaume est diuisé; ce qui est tres-notable & facile à iuger à tout homme doué de tant soit peu de iugement & de connoissance d'affaires d'estat. Au moyen dequoy ne faut point douter que le Roy d'Espagne ne dresse ses actions à ce but, pour acquerir vne gloire mondaine à l'imitation de l'Empereur Charlemagne; & partant que le secours qu'il fait & donne à ceux del'Vnion, n'est pour extirper l'heresie de ce Royaume, mais pour le diuiser.

Il a fait vne declaration le huitiesme Mars dernier qui est imprimée à Lion par Louys Tantillon avec priuilege, sur acte imprimé à Douay par Iean Bogard, soy disant Imprimeur de sa Maiesté Catholique, par laquelle il proteste deuant Dieu & les Anges, que les preparatifs qu'il fait ne tendent à autre but qu'à l'exaltation de Nostre mere sainte Eglise, repos des bons Catholiques sous l'obeissance de leur Prince legitime, extirpation entiere de toutes sortes d'heresies, paix & conorde des Princes Chrestiens. Que pour ce faire il est prest d'exposer non seulement ses moyens, mais sa propre vie. A cet effet il prie & requiert tous les Princes de la Chrestienté de se ioindre avec luy, pour l'extirpation d'icelle heresie, & deliurance du tres-Chrestien Roy de France Charles dixiesme, inultement detenu en captiuité par les Heretiques: afin que moyennant la grace de Dieu, le florissant Royaume de France estant repurgé d'heresie, ils tournent vnanimement leurs armes contre les autres Prouinces commandées par les Heretiques: & que par apres les Chrestiens ayent moyen d'arracher la Terre sainte des mains des Barbares & infidelles, lesquels infidelles, à sçauoir le Turc (dit-il vn peu auparavant) se promet d'empieter ce qui restoit entier en la Chrestienté, par la diuision que l'on y voit de tous costez. Mesme que les Here-

tiques l'y inuitent par lettres & par presens: & que s'il n'est promptement remedié à cette descente, il ne se peut ensuiure que la ruine des Royaumes Chrestiens; specialement de celuy de France prest à se dissiper par la fureur de la guerre ciuile.

Et pour ce faire, escrit vne lettre le iour ensuiuant 9. Mars, à l'Archeuesque de Toledé son grand Chancelier, & souuerain President de la sainte Inquisition: pour dresser vn estat des Benefices de ses Royaumes & pays qui pourroient soudoier en partie les deux armées qu'il fait dresser pour le secours du Royaume de France, lequel il dit estre en tres-grand peril si l'on n'y remedié promptement. Et pource qu'il desire dresser tout l'effort de les armes pour exterminer les heresies, & pour deliurer de captiuité le Roy tres-Chrestien Charles dixiesme; ce qu'il ne peut faire sans vn bon & notable secours, mettant en consideration la misere des Catholiques d'iceluy Royaume: il a auisé, suiuant la supplication que les François luy ont faite, de les secourir à ce besoin, d'hommes & d'argent: à cette fin prie ledit Archeuesque de faire assembler les Conciles Prouinciaux à la maniere accoustumée, & taxer raisonnablement selon leur qualité, tous ceux qui tiennent benefices en les Prouinces: pour apres luy enuoyer les procez verbaux. Exhorte aussi de faire prier Dieu pour la deffense de la Religion Catholique, pour laquelle non pour autre consideration, il veut exposer tous les moyens, voire sa propre vie.

Toutesfois considerant, comme ie vous ay dit, qu'il n'a pas faute de suiets heretiques au Pais-bas pour s'employer à y exercer cette œuvre si sainte, & neantmoins qu'il les a laissez & laisse en repos, exerçans leur heresie, voire s'agrandissans en seldits pais par l'assistance & le secours que la Reine d'Angleterre heretique leur donne, au grand preiudice de la reputation dudit Roy, à son des-honneur, & extreme dommage de seldits pais; & particulierement de la perte d'vne infinité d'ames qui se damnent par faute de les assister & les secourir, comme il y est obligé, sur peine d'en respondre deuant Dieu: & qu'au contraire il dit vouloir exercer ses œuvres charitables en ce Royaume, où il n'a aucune obligation, comme il a à l'endroit de ses pauvres suiets; vous pouuez iuger par là si le seul zele de la Religion le pousse à enuoyer hommes & argent en ce Royaume, ou bien le seul desir qu'il a de le voir dissiper, pour les raisons susdites. Dauantage la declaration, ou plustost protestation qu'il a enuoyé faire à sa Sainteté, qu'il n'eust à recevoir à penitence, ny aider à restablir ce Roy en son Royaume, à cause de la pretention qu'il a au Royaume de Nauarre; alleguant que s'il estoit vne fois Roy paisible en ce Royaume, qu'il scauoit bien qu'il luy feroit la guerre, estimant n'auoir plus grand ennemi que luy, vous doit assez faire connoistre que ce n'est pas le zele de la Religion qui luy fait employer si grande quantité d'or & d'argent, pour empêcher que ce Roy demeure paisible en ce Royaume.

Le pretexte qu'il a mis en auant pour la deliurance de la personne du Roy Charles dixiesme, entendant Monsieur le Cardinal, luy est oste, pour estre le bon Prince allé à Dieu dès le 9. du mois de May dernier a cause d'une grande fièvre continuë & retention d'vrine, comme dit est.

Et quant à la descente qu'il met en auant que le Turc fera en la Chrestienté, qui causera la ruine des Royaumes d'icelle, spécialement de celui de France s'il n'y est remedié : ie ne vous veux plus dire qu'un mot sur ce sujet : qui est, qu'en premier lieu il n'est descendu aucune armée Turquesque, grande ny petite en la Chrestienté, ce qui esclairec vne des causes de son pretexte : l'autre est que le Roy d'Espagne a fait luy-mesme en ceste année treve pour trois ans avec le Turc, à la charge qu'il enuoyera un Ambassadeur resider auprès de luy : & moyennant aussi quelques sommes de deniers qu'il a fait fournir pour auoir ladite treve. Ie vous laisse donc à penser comme il se peut opposer (ainsi qu'il dit estre besoin) au Turc & luy faire la guerre, s'il a treve avec luy.

Iugez donc puisqu'il laisse les Heretiques ses sujets en repos, leur permettant d'exercer leur secte heretique, voire de l'augmenter ; d'ailleurs qu'il laisse aussi en repos les Turcs infidelles, nonobstant la grande leuë de deniers qu'il fait tous les ans en ses Royaumes d'Espagne pour la Croisade, & pour autres concessions de manger certaines sortes de chairs, sous pretexte d'employer les deniers à entretenir vne grande quantité de Galeres & Nauires pour faire la guerre au Turc : & qu'il les laisse en paix, pour employer ses armes & moyens (comme il dit) pour extirper l'heresie de ce Royaume, que ce n'est pas ce saint zele Chrestien qui le pousse à ce faire, ains seulement l'interest mondain, pour paruenir à la grandeur de Monarque, ainsi que j'ay dit cy-dessus.

Si le Roy d'Espagne auoit argent plus qu'il ne luy est besoin pour faire la guerre aux heretiques ses Sujets, & aux Turcs infidelles ses voisins, pour les empescher de s'agrandir & se saisir, comme ils font iournellement, de plusieurs ames Chrestiennes des pays qu'il tient ; l'on pourroit croire avec raison que le saint zele qu'il declare l'a poussé & pousse à employer le surplus qui luy reste pour extirper l'heresie de ce Royaume. Mais puis qu'il quitte là le Turc, pour luy donner moyen d'estendre sa domination & empieter nombre infini d'ames Chrestiennes : & d'autre costé qu'il laisse en repos ses Sujets heretiques du Paysbas, par faute d'argent (comme il le faut croire) nous deuons conclure qu'il n'en a pas plus que ce qui luy est nécessaire pour faire ces deux entreprises, & ceste-cy de la France tout ensemble : & par là iuger que l'œuure charitable qu'il dit vouloir exercer en ce Royaume contre les heretiques, ne se peut pas appeller œuure charitable ny agreable à Dieu, ains seulement profitable & agreable à luy mesme.

Si le bon Roy S. Louis eust veu encore quelque scintille d'heresie Albigeoise en son Royaume, il n'eust entrepris la guerre contre les Inf.

delles pour le recouurement de la Terre sainte. Mais parce que de son temps il extirpa ladite heresie, & rendit son Royaume en paix, & l'exercice de la seule Religion Catholique Romaine, il entreprit la guerre contre les Infidelles. Ainsi deuoit faire le Roy d'Espagne, & nettoier fort bien l'heresie de ses pays, & empescher les courles des Turcs sur ses Suiets: & puis n'ayant plus d'occasion d'exercer les œures Chrestiennes & charitables à l'endroit de ses Suiets, l'on pourroit croire que ce qu'il fetoit en ce Royaume, seroit pour le mesme zeile de l'honneur de Dieu qui stimula le Roy S. Loüis à faire la guerre aux Sarrazins.

S'il eust aussi continué les moyens à Monsieur le Duc de Parme pour faire la guerre aux Heretiques de la Flandre, ou à tout le moins luy eust donné de quoy conseruer ce qu'il auoit de si ualeureusement retiré de leurs mains; l'on ne trouueroit pas estrange qu'il eust fourny à ceux de la Ligue de si grandes sommes de deniers. Mais ayant veu qu'il a distrait les deniers qu'il auoit destinez à mondir sieur le Duc de Parme, l'empeschant de continuer l'heureux succez de ses entreprises & conquestes, pour donner à ceux de la Ligue, & en ce faisant luy oster le moyen de pouuoir paracheuer, comme il eust fait, de reduire, sinon le tout, au moins vne grande partie des plus rebelles Heretiques à l'obeissance du Roy son Maistre, on eust adiousté plus de foy à ses belles & specieuses protestations. Mais ayant fait tout le contraire, il a esté cause que ce ualeureux Prince n'a payé les soldats, particulièrement les Espagnols qu'il a au Pais-bas, à cause dequoy ils se sont nagueres mutinez & retirez en la ville de en Flandre, viuans à discretion sur le Peuple, sans faire aucun exploit contre les Heretiques; tellement que Breda & autres villes ont esté prises par les Heretiques, au grand regret & contrecœur du sieur Duc de Parme: ainsi qu'il a esté contraint le declarer, & audit Roy son Maistre, & à ses Ministres assistans ceux de l'Vnion: voire s'en plaindre à Monsieur le Legat Caëtan par le sieur Camillo Capizueca qu'il enuoya à Paris, comme parent & fort bon ami qu'il est de M. le Legat.

Ledit Roy offre d'employer sa propre vie pour la conseruation de la Religion Catholique. C'est chose que vous deuez croire quand vous le verrez; car iusques à present il ne l'a pas fait, & aussi peu l'a-il promis à ses propres Suiets Catholiques & affectionnez seruiteurs des Pais-bas, bien qu'ils l'eussent supplié à iointes mains de s'y transporter, apres que le Duc d'Albe eust esté cause de luy faire reuolter & perdre tous sesdits pais; & y faire establir l'heresie, ainsi que chacun de nous l'a veu depuis quinze ou vingt ans en ça. Car par faute d'y aller de bonne heure, comme aussi depuis par la mort du Comendador Mayor, l'on peut dire qu'il perdit quasi tous ses Pais: bonne partie desquels Monsieur le Duc de Parme luy a depuis recouurez, tandis qu'il luy a donné les moyens de faire la guerre. Parquoy si lors qu'il n'auoit que 45. & 48. ans, il n'a seulement voulu aller en Flandre hazarder sa personne pour

la deffence de la Religion Catholique & recouurement de ses propres Pays, ie vous laisse à penser si maintenant qu'il est entré au loixanté & quatriesme an de son âge depuis le mois de May en ça, il viendra en ce Royaume pour le seul respect de fauoriser la Religion Catholique; en danger possible de ne rapporter grand honneur ny profit de son voyage, comme il eust fait infalliblement en ses Pays.

Et quant ainsi seroit, il y voudroit venir plustost pour tenir son rang, que non pas pour se soumettre sous M. de Mayenne, Lieutenant general de l'Estat Royal & Couronne de France. Car il voudroit commander absolument à l'armée qu'il conduiroit, & exploiter à la frontiere selon & ainsi que son interet & profit particulier le requerreroit.

Vous auez entendu les belles offres que Dom Bernardin de Mendoza cy deuant son Ambassadeur, & le Commandeur Ioan Morco ont fait à Messieurs de l'Vnion apres la bataille d'Ivry, d'employer deux cens mil eus par mois, à la charge que l'on declareroit le Roy leur Maître protecteur de la Religion Catholique de ce Royaume. Ce qui luy a euidé succeder, si quelques bons François n'eussent consideré que c'estoit l'introduire en la Royauté, pendant la prison de Monsieur le Cardinal de Bourbon, qui lors viuoit : & d'ailleurs que Monsieur le Legat Caëtan a déclaré, que le Pape ne trouueroit bon qu'autre que sa Sainteté fut déclaré protecteur de la Religion Catholique en ce Royaume.

Si le zele ardent d'extirper l'heresie eust tant animé le Roy d'Espagne, & que pour vn si bon suiet il n'eust rien voulu espargner, comme il dit, & les Ministres le font aceroire : pourquoy est ce qu'il ne voulut iamais fournir vn denier à Monsieur de Mayenne, lors qu'il estoit tout armé en Guienne, & enuoyé par le feu Roy contre les Huguenots? Et pourquoy (ainsi que nous auons dit cy dessus) permit-il que M. de Mayenne fust contraint, comme il disoit, de s'en retourner, à faute de moyens pour faire la guerre aux Huguenots.

D'autre costé, s'il estoit ainsi que le Roy d'Espagne n'eust autre but & intention que d'extirper l'heresie de ce Royaume, comme il l'a protesté deuant Dieu & les Anges, pourquoy stipuleroit-il d'auoir l'honneur d'estre déclaré protecteur de la Religion Catholique en ce Royaume? Pourquoy demanderoit-il d'auoir des villes de frontiere de la Picardie & Champagne, sous pretexte de donner retraite libre en Flandre aux gens de guerre qu'il enuoyoit en France? Pourquoy stipuleroit-il encore que les villes que son armée prendroit luy demeureroient pour seureté des deniers qu'il a fournis cy-deuant, & qu'il fournira cy apres? Pourquoy a-il demandé caution des Marchands & Communauze de Villes, pour la seureté de ses deniers, alleguant auoir esté mal dressé de ceux qu'il a cy-deuant fournis en grand nombre, à ceux de la Ligue, au preiudice des promesses qui luy ont esté faites par diuers traitez faits par eux-mesmes avec luy?

Si le saint zele Chrestien le possedoit, & non pas l'ambition & inte-

reft particulier, il ne fe foucieroit de recouurer l'argent qu'il y employe: il ne rechercherait que les villes que fon armée prendroit demeuraffent pour feureté de fes deniers: il ne demanderoit ce titre ambitieux d'efre Protecteur de la Religion Catholique en ce Royaume: il fe contenteroit que Dieu feul fecurateur des cœurs des hommes, connuft l'interieur du sien: & que fa Diuine bonté luy rendift vingt millions d'or, en recompense des deux cens mil efcus par mois qu'il a offert: ainfi que Iefus Christ nostre Sauueur le nous promet en fon Euangile, difant, Que pour vn denier que nous employerons pour fon oecafion, nous en receurons cent en l'autre monde, qui eft la vie eternelle, à laquelle le Roy Catholique deuroit pluftoft rendre eftant proche de la fin de fes iours, que non pas à l'ambition mondaine, & vouloir luy-mefme à l'extremité de fa vie, diuifer, voire ruiner ce Royaume, fous pretexte du nom de Dieu.

Nostre Sauueur nous enseigne, que quand nous donnerons l'aumofne, ee foit hors de la connoiffance des hommes, & en telle cachette, que la main gauche ne fçache ce que la main droite donnera; alleguant qu'il nous doit fuffire que le Dieu tout-puiffant qui n'ignore rien de nos actions & penfées, le fçache luy feul; afin de nous en rendre la recompense que nous auons meritée. Ainfi deuroit faire le Roy d'Efpagne: fournir argent fecrettement à ceux de l'Vnion, & les faire affifter d'hommes, fans fupuler de recouurer fon argent, ny d'auoir villes pour fa feureté, ny l'honneur mondain de fe faire declarer protecteur de la Religion Catholique en France.

L'on fçait bien que les paffages de la frontiere de Champagne & Picardie pour aller en les Pays bas, ne font aucunement fermes, par efclufe, deftroits de montagnes, ou paffages de grandes riuieres; & que l'on va de plein pied fans aucun empeschement d'vne Prouinee à l'autre. Ce qui vous doit faire connoiftre que non pas la neceffité de retraire luy a fait demander les villes fufdites de la frontiere; mais le defir qu'il a de s'approprier partie de ce Royaume, afin de le diuifer.

Vous pouuez bien voir & entendre à quelle fin le Roy d'Efpagne fait tels preparatifs, & que s'il a offert d'employer fa propre vie, ce n'a pas eſte en intention de l'effectuer: ains feulelement pour donner courage aux ſeditieux de perſeuerer en leur rebellion; tout ainſi que l'on anime des dogues ſur vn furieux ſanglier, pour le defir & plaifir que l'on a de voir ſa ruine. Car ie vous laiſſe à penſer ſi en l'aage de ſoixante & quatre ans il quittera ſon repos, & qui plus eſt, le Royaume d'Eſpagne, pour mettre ſa vie & leſdits Royaumes en hazard de les perdre; ſpecielement celui de Portugal, qui ne peut ſouffrir de ſe voir reduit ſous la tyrannie (comme ils diſent) des Eſpagnols leurs voiſins. Car il ne faut douter qu'auffiſtoſt que le Roy d'Eſpagne ſe ſeroit eſloigné d'eux, il ne priſſent vniuerſellement les armes, & ſe reuoltaffent contre luy, pour receuoir le ſieur Dom Antonio pour leur Roy; ſelon qu'or-

dinauement ils tesmoignent leur intention estre telle, par les entreprises qu'ils font de temps en temps. De sorte que si ledit Roy auoit volonté (comme il dit) d'employer sa vie en cette guerre, il se mettroit en hazard de perdre tout ce qu'il possède en Espagne & Portugal, voire les grandes Prouinces qu'il tient aux Indes : pour n'auoir qu'un fils unique âgé de quatorze ans seulement, encore inexpert pour manier un grand affaire, & pour n'auoir acquis la reputation qu'a le Roy son pere, qui est celle qui fait redouter les grands Roys & Monarques plus que la force.

Aussi qu'il considere bien que venant luy mesme en France, il donneroit occasion à chacun de croire qu'il viendrait conquerir la Couronne; & qu'à cette cause il susciteroit contre luy tous les bons François, animez dauantage par la superbe & altiere domination que son armée Espagnolle prendroit en ce Royaume: à cause dequoy il seroit contraint de s'en retourner en Espagne, sans rapporter aucun profit, ny y receuoir autre honneur que d'y auoir fait vne leuée de bouclier.

Ce qui aduiendroit encore plustost, s'il plaisoit à Dieu d'inspirer ce Roy d'estre Catholique, ou bien qu'il luy succedast un autre Prince du Sang Catholique. Car tous les François serangeroient audit Prince successeur, comme à leur Roy, & quitteroient celuy d'Espagne. Remarquez encore, ie vous prie, l'amplification de la proposition cy-deuant faite par ledit Roy à sa Sainteté, pour ne receuoir à penitence ce Roy: & dauantage de ne receuoir d'autre Prince pour estre Roy de ce Royaume qui luy puisse estre suspect: iugez par là iusques où va cette restriction (qui ne soit suspect.) Car du vivant de Monsieur le Cardinal de Bourbon, il ne le pouuoit tenir pour suspect, & d'autre costé il n'auoit iuste occasion de tenir pour suspect pas un des Princes du Sang; car ils sont tous Catholiques & legitimes successeurs de cette Couronne. Que si Monsieur le Comte de Soissons a esté quelques mois auç le Roy de Nauarre son cousin, il s'en est depuis diltrait, & en a fait la soumission à l'endroit du Pape & de son Roy telle & si grande, que iamais il n'en fust faite vne pareille: par laquelle l'on a peu connoistre sa vraye repentence, & consequemment ne deuoit estre suspect à l'endroit du Roy d'Espagne: & moins encore Monsieur le Cardinal de Vendosme son frere ainé, lequel succederoit plustost que luy à la Couronne: car sur sa personne n'y a que redire pour le debouter de la succession. Au moyen dequoy il faut conclure que le Roy d'Espagne ne mit en auant du vivant de feu M. le Cardinal de Bourbon cette restriction, de suspect à luy, que pour en frustrer les Princes du Sang legitimes successeurs, & en faire commettre un, ou plusieurs à sa deuotion. Car s'il n'eust eu cette intention, il deuoit seulement protester contre sa Sainteté, qu'elle n'eust à establir le Prince de Bearn, comme à luy suspect, & pour l'herésie, & pour les pretentions du Royaume de Nauarre: sans passer plus outre, & vouloir qu'il en commette un à sa deuotion, & laisser couler la succes-

sion à feu Monsieur le Cardinal de Bourbon déclaré successeur par les Estats à Blois, & Messieurs ses Nepveux tres Catholiques. Lesquels il ne peut iustement alleguer en auoir aucun pour suspect, sinon en tant qu'ils succederoient à la Couronne de France, & maintiendroient ce Royaume en son entier; qui est ce qui luy est le plus suspect, & qu'il ne veut nullement guster, pour estre tout le contraire de son intention.

D'ailleurs ie ne sçay en quel sens ie dois entendre la declaration que ledit Roy a faite le 8. Mars, de vouloir prendre les armes pour la deliurance du Roy Charles dixiesme, entendant Monsieur le Cardinal de Bourbon: car il semble qu'il voulut seulement se seruir de son nom, pour venir diuiser ce Royaume & s'establiir en vne grande partie d'iceluy, & non pour autre suiet. Car il sçauoit bien qu'il estoit loingcusement gardé à Fontenay, six lieus près de la Rochelle, où il eust esté transporté à l'instant mesme que l'on eust apperceu vne armée s'approcher de ce costé-là: & que là estant, il eust esté impossible de forcer ladite ville de la Rochelle d'un an, voire de deux: au moyen dequoy il falloit penser de ruiner tout à plat le Prince de Bearn, & le mettre à mort ou prendre prisonnier, auparavant que de penser de deliurer M. le Cardinal. Si doncques il est aisé à un Roy estranger de donner vne bataille à sa volenté à un Roy de France, qui a tant de villes & de passages à son aduantage, chacun le peut iuger; & par là connoistre si le Roy d'Espagne auoir esté poussé à introduire en ce Royaume ces deux armées qu'il promet en ladite declaration, pour deliurer mondit sieur le Cardinal, luy estant impossible de le faire, ou bien plustost pour laisser mondit sieur le Cardinal prisonnier, & sous tel pretexte diuiler ce Royaume.

L'on a veu cy-deuant les tesmoignages bien apparens de la pretention qu'il disoit que l'Infante sa fille auoit en la Duché de Bretagne: parce qu'il a fait consulter tel droit, & en sont sortis des escrits venus de sa part du viuant du feu Roy, pour acheminer le Peuple à croire que sa pretention fust bonne: afin que si le Roy venoit à mourir, que l'on ne trouuaist estrange qu'il se mist en deuoir de recouurer la Bretagne, comme appartenant à sa fille. Toutcfois vous voyez maintenant qu'il ne parle plus de telle pretention, pour ne donner matiere à personne de penser qu'il eust fait telle despenſe pour son particulier interest, & non pour la Religion. Mais quiconque iugera les choses comme il doit, connoistra que le profit du Roy d'Espagne seroit sans comparaison plus grand, s'il diuisoit ce Royaume en diuerses portions, que non pas s'il s'acqueroit à soy seulement la Bretagne. Parce que le Royaume estant diuisé, il luy seroit bien aisé de recouurer ledit pais des mains de Monsieur de Mercœur (s'il le peut auoir pour sa part du gasteau:) car ceux qui tiendront les autres Prouinces, ne voudront pas s'incommoder pour resister contre ledit Roy. De sorte que ce Royaume estant diuisé, il ne pourra faillir d'auoir ladite prouince de Bretagne, & beaucoup mieux encore, ainsi que l'appetit luy en prendra.

Je diray aussi que ledit Roy ne peut faillir amenant en France vne armée qu'il n'y fasse bien ses affaires. Car ses Ministres seront bien mal-aduisez, si par le moyen d'icelles ils ne s'emparent d'un bon nombre de villes, particulièrement de la frontière, avec l'aide de Messieurs de l'Union, par le moyen desquelles il pourroit tousiours contracter avec le Roy se faisant Catholique; ou avec son successeur Prince du Sang Catholique, afin d'auoir son pretendu Duché de Bretagne; ou quelque autre chose en recompense qui luy fut aussi commode, ou plus, comme seroit la Prouence ou le Dauphiné: afin de borner ce grand Royaume de deça le Rhin & la Sône: pour oster le moyen à nos Roys de plus passer en Italie, afin d'empescher le Roy d'Espagne de la subiuguer à son plaisir.

Vous ne deuez pas estimer le Roy d'Espagne si degouté, que s'il pensoit pouuoir acquerir à soy tout ce Royaume, qu'il ne le fust plustost que de se contenter de le diuiser. Mais considerant n'y pouuoir paruenir, il a borné son intention à la diuision seulement, supposant, comme il est vrai, qu'apres sa diuision, il luy sera aisé de l'empieter peu à peu; parce qu'il connoist luy estre impossible de paruenir tout à coup à en estre le Roy par les François: ayant assez expérimenté l'antipatie & contrariété du naturel des François & des Espagnols: & pareillement que toutes les nations de la Chrestienté, voire les Barbares & Indiens donnent assez ample tesmoignage de la rudesse, voire tyrannie dont les Espagnols vsent sur ceux où ils ont l'autorité souveraine. En premier lieu ceux des pais qu'ils subiuguent, ne peuuent esperer d'auoir grade ni autorité en leur Prouince mesme, & aussi peu ailleurs, comme l'on se gouuerne en Sicile, Naples, Duché de Milan, & en Flandres; voire aux Indes, & maintenant en Portugal. Parce que tous les Estats de Vice-Roy sont entre les mains d'Espagnols, ou estrangers du pais: comme aussi toutes les citadelles & villes de frontière de grande importance desdits pais: bien qu'en chacune Prouince il y ait des personnes de qualité, de valeur, & de merite plus grand qu'eux. Et s'il y a quelques Seigneurs Flamands qui ayent des Gouuernemens ou Charges honorables en leur Prouince, ils le doiuent attribuer aux troubles qui ont esté ausdits Pais, & non pas à la règle que ledit Roy tient à gouuerner ses Prouinces. Car s'il n'eust esté contraint d'employer lesdits Seigneurs Flamands, puis qu'ils luy auoient esté fidelles, il y eut mis des Espagnols, ainsi qu'auoit commencé de faire le Duc d'Albe, & que ledit Roy fera par succession de temps, à mesure que les Charges principales des villes fortes viendront à vaquer: afin de les oster hors des mains des Flamands, & les mettre entre les mains des Espagnols nez en Espagne. Car si vn Espagnol se marie à vne Italienne ou Flamande, & qu'il aye des enfans, il est exclus d'auoir quelque grade parmi les Garnisons; & les enfans d'iceluy du tout exclus d'estre employez parmi les Garnisons Espagnoles. Neantmoins l'on ne laisse pas pour cela de faire espouser aux Espagnols le plus de filles de bonne & riche maison du pais qu'ils peuuent, pour y introduire

l'Espagnol, & aneantir les bonnes Maisons du Pays.

Quant au soulagement du Peuple, ie ne vous en diray rien, sinon que ie vous renuoyeray aux pays que le Roy d'Espagne tient : afin de vous instruire de l'estat miserable auquel non seulement le Peuple se trouue, mais la Noblesse mesme, parce qu'elle est trauaillée plus que les roturiers ; car elle ne tient pas vn arpent de terre qui ne soit mesuré & enregistré, & que selon sa qualité & valeur elle paye la taxe bien grande, outre la taxe qu'elle paye pour la moulure de ses grains : & des daces infinies de toute autre chose, non pas particulièrement en vne seule ville, mais allant de l'vne à l'autre, de la mesme Prouince : de sorte que si quelqu'vn transporte vn bas de chausse, ou vne douzaine d'esguillettes neuues allant d'vne ville à l'autre, il faudra qu'il paye la dace par tout ; en sorte qu'en fin de son voyage, il trouuera auoir achepté deux fois la marchandise.

Le Duc d'Albe ne s'est pas seulement contenté de telles daces, lors qu'il estoit en Flandres, car il fit mettre vne imposition sur chacun du centiesme denier de ce qu'on auoit vallant, soit meubles ou immeubles ; de sorte que non seulement les heritages estoient eualuez, mais la marchandise que les Marchands auoient en leurs boutiques, voire le credit qu'ils auoient à l'endroit des Marchands, & particuliers ausquels ils auoient presté leurs deniers, de laquelle subuention il se seruit pour connoistre la valeur d'vn chacun, & establir vne ferme afin de retirer plus grandes daces, comme il fit tost apres le quarentiesme denier, & puis voulut venir au dixiesme de la valeur de chacun, qui estoit à l'égal de ce que Dieu a voulu auoir de son Peuple, qui sont les Dixmes. Cela fait paroistre le soulagement que la Noblesse & le Peuple auroient de se soumettre à la domination de l'Espagnol.

Bien est vray que l'Estat Ecclesiastique qui ne porte point d'armes en receuroit grande commodité & auancement. Car la part où le Roy d'Espagne commande, il a soin de nommer de fort bons Euesques, & Abbez à leurs Eglises : & croy fermement que s'il estoit Roy de ce Royaume, que toutes les Abbayes seroient rebaties, & que le nombre des Religieux y seroit remis selon leur fondation. Car il auroit tantost chassé tous les Custodinos, & retranché les despences superflues qu'vn infinité d'Abbez, ou plustost receueurs du reuenu de leurs Abbayes, font, & contiendrait les Euesques, Abbez & Prieurs, tant pourueus que ceux qu'il nommeroit, à employer le plus beau & le plus clair denier à la restauration de leurs Eglises & Conuents desmolis. Car il ne pourroit supporter tant de Noblesse, & autres sortes de personnes, voire des femmes, iouir iniustement des biens des Eueschez, Abbayes, & Prieurez, & l'employer si mal, delaisant en ruine la maison de Dieu, & les Monasteres des Religieux dediez pour le seruir & honorer.

Les Moines iacobins pourroient bien dire auoir gagné leur procez ; car ils seroient montez au comble de leur felicité : d'autant qu'ils autoient

entre leurs mains l'office de la sainte Inquisition, que sans doute ledit Roy establirait en ce Royaume, combien que toute l'heresie en eust esté chassée, par le moyen de laquelle l'on tient en bride les fols & les sages. Car la rigueur est telle, que si vn veut mal à vn autre, ou que le Prince souverain ait eue de chastier vn de ses suiets sans faire paroistre qu'il vse d'injustice, il est accusé à ceux qui ont la charge de l'Inquisition, d'auoir mangé de la chair en tel iour deffendu, ou bien des œufs en Carême, ou d'auoir tenu tel langage heretique, ou Iuis, ou Mahometiste, ou d'auoir mal parlé contre le Pape, ou quelque autre personne Ecclesiastique. Sur tel aduertissement l'Inquisiteur l'enuoye querir, où estant, quelquefois il luy demande, s'il se souuiet d'auoir fait ou dit chose contre l'honneur de Dieu. S'il dit que non, il l'enuoye en prison, & luy dit qu'il y pense bien, & cependant le laisse prisonnier plusieurs iours, & quelquefois plusieurs mois, bien maltraité, & sans qu'il parle à homme viuant: & puis le fait derechef venir deuant soy, & luy demande, s'il a bien pensé à ce qu'il luy a cy-deuant dit. S'il persiste à dire qu'il ne s'en souuiet point, il est derechef enuoyé en sa cruelle prison, iusques à ce que par le mal qu'il endure, & par certains Moines artitez que l'Inquisiteur luy enuoye, afin de luy faire faire vne confession generale de toute sa vie, il soit induit à se ressouuenir de ce qu'il peut auoir dit ou fait contre l'honneur de Dieu. Et s'il se trouue innocent, & qu'il ne vucille rien dire, on le laisse tousiours tremper en la prison, iusques à ce que l'on ait connu par sa constance, qu'il y ait apparence de croire qu'il soit innocent. Et lors il est renuoyé querir deuant l'Inquisiteur, lequel luy demande, s'il a bien pensé à ce qu'il luy a desia dit par deux ou trois fois: & s'il persiste à tenir le mesme langage, l'Inquisiteur passe outre à luy particulariser l'occasion de sa prison; luy demandant s'il n'a point fait ou dit telle, ou telle chose. S'il aduoué de l'auoir fait, vous pouuez dire qu'il est bien rigoureusement & honteusement chapitré, & rendu presque infame & incapable de tenir office ou benefice. Si aussi il le denie, il est renuoyé en sa prison pour y penser, & cependant l'Inquisiteur (s'il veut bien faire son deuoir) s'enquiert plus particulièrement de ce qui en peut estre, & le trouuant enfin innocent de la calomnie à luy imposée, luy fait ouurer les prisons, & relascher sans dire autre chose, ne sans pouuoir sçauoir qui l'a accusé, pour auoir recours contre luy, tant de la note d'infamie que des grands frais qu'il luy a conuenu faire & du mal qu'il y a souffert; & ainsi est contraint de se dire bien-heureux d'estre sorti des mains de l'Inquisiteur, sans oser se plaindre de luy ny de l'injustice qu'on luy aura faite, de crainte d'y retourner vne autre fois. Tellement qu'il est en la puissance d'un meschant homme de mettre en peine le plus homme de bien du monde, sans s'y mettre luy mesme. Car ce qu'ils disent aux Inquisiteurs, est dit comme en confession; & l'Inquisiteur n'oseroit nommer l'accusateur, ny aussi peu se prendre contre luy de la fausse accusation: parce qu'il perdrait le moyen d'estre par

apres aduertir par autres. De sorte que l'homme qui tombe entre les mains de l'Inquisiteur, pour le mieux qu'il luy en puisse prendre, c'est d'endurer beaucoup en sa prison, & d'y faire beaucoup de despenſe ſans garentie quelconque.

Mais il arriue bien pis à d'aucunes personnes qui en leur ieuneſſe ont eſté debauchez. Car tel ſera accusé à l'Inquisiteur d'auoir fait ou dit quelque choſe de petite importance, au preiudice de la Religion Catholique; qui eſtant mis prilonnier, lors qu'on luy dira qu'il ait à penſer à l'occafion pourquoy il y eſt, le pauvre homme ne penſant pas que les petites offenſes qu'il aura faites à Dieu, l'ayent fait mettre en tel eſtat, ſe laiſſera couler ou de luy-meſme, ou par la perſuaſion deſdits Moines attirerz, de dire les plus grands maux qu'il aura faits en ſa vie; & ſ'accuſera luy-meſme de ce que l'Inquisiteur ne ſçauoit pas, dequoy par apres il ſe repentira bien, par la correction grande qu'il en receura. Ainſi ſont aſſeruis les ſuiets du Roy d'Eſpagne, où eſt eſtablie ladite inquisition: de ſorte qu'elle eſt cauſe de tenir chacun en telle crainte, qu'il n'oſe preſque parler; qui eſt certes vne ſeruitude bien grande, laquelle eſt bonne pour les Eſpagnols, parce qu'ils ſont ſuiets à deuenir Turcs, ou Iuiſ: mais non pas pour noſtre nation: car vous ne voyez point vn ſeul François qui ſe ſoit diſtrait de la connoiſſance de Jeſus Chriſt pour ſe rendre Turc ou Iuiſ. Et de fait, il y a loy particuliere en Eſpagne, que la troiſieſme generation des Marrans, ou Mahometiſtes, bien qu'ils ſoient bons Catholiques, ne peut eſtre receuë en l'Egliſe ny en d'autres Eſtats de grande importance, les appellans iſſus de race de nouueaux Chreſtiens. Laquelle loy eſt particuliere pour ce Royaume là, pour la grande quantité qu'il y a de Iuiſ, Marrans & Mahometiſtes ſecrets. Ce qui fut cauſe de faire dire vn beau mot au feu Roy François le grand, à l'Empereur Charles cinquieme, voyant paſſer le Corps de Noſtre Seigneur qu'un Curé portoit à vn malade accompagné ſeulement d'un petit Clerc, portant deuant luy vne torche & vne clochette: ſur ce que ledit Empereur venant d'Eſpagne, trouua eſtrange de voir ainſi porter Jeſus Chriſt par les rues ſans eſtre mieux accompagné: alleguant qu'en Eſpagne l'on ne le ſortoit iamais des Eglises, ſans qu'il y euſt grande quantité de perſonnes avec torches pour l'accompagner iuſques au logis du patient, & reconduire le Preſtre avec le Saint Ciboire iuſques à l'Egliſe. A quoy ledit grand Roy fit reſponſe, en riant, Qu'il ne falloit pas qu'il trouuaſt eſtrange ſi en France l'on portoit Jeſus Chriſt parmy les rues ſans eſtre accompagné: parce qu'il eſtoit parmy ſes fidelles Chreſtiens, qui l'adoroient & honnoroient pour leur Dieu. Mais qu'en Eſpagne ils auoient occaſion de le faire bien accompagner, parce que le nombre de Iuiſ & Marrans y eſtoit ſi grand, qu'il euſt eſté en danger d'eſtre de nouueau crucifié par eux, ſ'il n'eſtoit aſſiſté de bonne garde. Et parce qu'il a eſté compoſé les mois paſſez vn diſcours intitulé, l'Antieſpagnol, lequel vous declare la tyrannie des Eſpagnols, leur orgueil inſupportable

& domination tyrannique, contraignant les filles de bonne Maison à se marier à des Bisognos Espagnols, pour assoupir la nation du País, & mettre sus l'Espagnolle: le ne m'amuseray à vous représenter davantage la perte que nous ferions à l'eschange d'un Roy issu du Sang de S. Louis, à celuy d'Espagne. Car il ne faudroit pas s'attendre qu'il vint planter son siege à Paris, & en ce Royaume, parce qu'il ne sortira iamais d'Espagne, & son fils n'y viendrait en vingt ans vne fois; d'aurant qu'il n'oseroit abandonner l'Espagne, de crainte qu'elle ne se reuoltast en leur abscence, & le Portugal aussi, & quant & quant les Indes Orientales & Occidentales, & enuoyeroit plusieurs Doms Seigneurs Espagnols, Vice-Rois en France pour commander en icelle, non comme en Royaume, mais comme en Prouince diuisée presque selon la iurisdiction des Parlemens: laquelle augmenteroit en aucunes & diminueroit en d'autres, comme celuy de Paris pour la commodité des Vice-Rois qu'il y establirait. De sorte que nous n'aurions plus de Roy, ny d'ombre de Roy, mais autant de semblances de Maître Pierre du Coignet, qui nous feroient la mouë avec leur mauuaise mine, & leurs lunettes au nez; au lieu de nous réioüir comme fait la face de nos Rois. Le Roy d'Espagne sçait bien comme sa nation est abhorrée de toutes les autres. Il se souuient fort bien que quand il espousa la Reine d'Angleterre derniere, qu'il fut stipulé par contrat de mariage, qu'il ne donneroit aucun estat, office ny benefice d'Angleterre à aucun Espagnol, & qu'en sa Cour il n'y en auoit que certain nombre.

Toutes lesquelles choses vous ne deuez pas douter que le Roy d'Espagne ne considere fort bien que nous remarquons, & par conséquent que nous craignons & apprehendons grandement la domination Espagnolle, qui nous fait esuiter de tout nostre pouuoir d'y tomber: & pour cette occasion qu'il s'est deparry de l'opinion qu'il auoit, que nous le pourrions eslire pour nostre Roy: & partant qu'il s'est resolu de tendre au but susdit de diuiser ce Royaume, pour apres paruenir à l'empierer, tout ou partie, comme ie vous ay dit cy-deuant: ainsi qu'il luy sera facile de faire, si nous voulons adherer à son intention; & par mesme moyen pourchasser nostre ruine & desolation, selon que ceux qui luy sont affectionnez, & particulièrement le Clergé, & les Predicateurs qui y profiteroient grandement, le nous persuadent, auxquels ne deuons sauoir plus grande creance, que nous connoissons que la raison nous y conuiera.

Ie ne puis ni veulx nier que le Roy d'Espagne ne soit vn des grands Princes qui air esté longtemps y a; & autant sage, prudent, aduisé, & d'un courage genereux, grand & magnanime: & qu'il seroit à souhaiter qu'eussions tousiours des Rois en France dotiez de ses perfections; mais qui fussent vn peu plus conformes à la belle humeur des François; afin de ne nous traiter selon l'aduis & Conseil de l'Empereur Charles cinquieme, qui disoit au Roy François en son passage par la France, Qu'il s'estonnoit comme il estoit si familier & si domestique à la Noblesse de

son Royaume. Car s'il faisoit la moitié de telle bonne chere aux Espagnols ; ils se rendroient si priuez de luy, qu'enfin ils se ioueroient à luy, & luy osteront la Couronne de dessus la teste. Auquel ledit Roy fit réponse, Que la Noblesse de son Royaume vouloit estre maniée par la douceur, & qu'une bonne chere qu'il leur faisoit, luy profitoit plus qu'une bonne recompense d'argent : car elle aimoit naturellement son Roy, & s'estimoit bien honorée d'employer sa vie pour son seruice. Et pour cet effet qu'il s'estudioit de tout son pouuoir à luy faire bonne chere, & pensoit auoir autant d'occasion de ce faire, que luy de tenir en bride les Espagnols, & ne permettre qu'ils s'appriuoiasent de luy, puis que leur naturel estoit si orgueilleux & si superbe. Car les Princes doiuent conduire leurs actions selon les nations auxquelles ils ont affaire. Et à la verité nous serions bien heureux d'estre sous la Royauté de tels Princes, s'ils pouuoient se transformer au naturel de nos Rois. Quoyque ce soit donc sa tasche d'agrandir son autorité, il fait ce qu'il doit, & ne sera jamais blâmé par le monde, d'auoir diuisé & ruiné ce Royaume pour aggrandir & establir sa Monarchie, à l'exemple de ce que fit Charlemagne, & de ce qu'ont fait les Romains, & les autres Monarques plus anciens.

Mais nous serions bien fols & insensés, & enfin maudits de Dieu, si ayans le moyen, comme nous auons, de choisir le parti le plus vtile, nous ne nous y rangions : ains au contraire estions si aveuglez & si sourds, de ne connoistre & iuger ce qui nous est vtile & nécessaire, ou nuisible & dommageable, pour embrasser l'un & rejeter l'autre, sans nous laisser couler à mettre sous ce ioug nos testes, & celles de nos enfans & de nostre posterité, & par nos folies complaire à celuy qui ne vise à autre but qu'à s'agrandir, nous mettre en seruitude & nous aneantir, sous pretexte de vouloir soustenir la Religion Catholique, l'honneur de Dieu, & le soulagement du Peuple.

Car il ne faut pas embrasser la Religion Catholique, l'honneur de Dieu, comme aussi le soulagement du Peuple, à la poste de ceux qui ne s'en soucient aucunement ; ains au contraire n'ont autre dessein que de faire leur profit, aux despens de l'un & de l'autre, sous ces pretextes empruntez. Il faut maintenir la Religion de cœur & d'affection, sans hypocrisie, tant pour le respect & honneur de Dieu, que pour nostre particulier interest : sans adherer aux propositions imaginaires que Messieurs de la Ligue nous ont faites & font tous les iours : comme aussi le Roy d'Espagne, & Messieurs les Ducs de Lorraine & de Sauoye, parce que tous ne tendent qu'à la diuision & ruine de nous-mesmes, & non pas à l'exaltation de la Religion Catholique, & conseruation de ce Royaume, ni à nostre profit ; selon que vous l'avez peu connoistre par plusieurs exemples que ie vous ay alleguez cy-dessus, & que ie vous deduiray maintenant, concernant Messieurs de Lorraine & de Sauoye ; pour faire paroistre que ce zele diuin ne les domine pas tant que fait l'ambition.

Si vous confiderez donc comme Monsieur de Lorraine s'est gouver-

né en son País, vous trouuerez qu'il a tousiours conuersé familièrement avec les heretiques d'Allemagne qui confinent son País; & les Marchands heretiques vont, viennent, & sejourner en son País, sans qu'ils soient enquis de quelle Religion ils sont, ni s'ils vont à la Messe, ou font leurs Pasques. De mesme font les Suiets trafiquans en Allemagne avec les heretiques, & viuans en leurs maisons sans estre recherchez de si près: mesme le chef & principal conducteur de toutes ses affaires, tant de la guerre que domestiques, nommé le Comte de Salme, a tousiours esté heretique decouvert, maniant lesdites affaires avec toute souueraine autorité, & fort dignement: car il a fait paroistre auoir en grande affection le seruice de son Maistre, lequel à cette occasion l'a tousiours laissé viure en son heresie manifeste. Au moyen de quoy vous pouuez bien connoistre que les heretiques ne luy sont si fort à contre-cœur, qu'il ne les voye de bon oeil en son propre Pays, & les y laisse trafiquer, sejourner & viure, sans les en chasser ni contraindre de viure selon la Religion Catholique & Romaine. Ce qui vous doit faire connoistre que s'il a enuoyé Monsieur le Marquis du Pont en France, avec quelques gens de guerre tant de cheual que de pied, ce n'a esté pour auoir esté stimulé de ce saint zele de Religion; mais bien pour la pretention qu'il se faisoit accroire d'auoir en la succession du Royaume: ainsi que tres-bien il l'a fait connoistre en l'Assemblée qui fut faite à Chaumont en Basligny, vn mois apres la mort du feu Roy: en laquelle le sieur de Bourbonne l'un de ses Chambellans, proposa de faire reconnoistre le sieur Marquis du Pont pour Roy, & que le troisieme fust receu pour Gouverneur en Champagne; ce qui fut accepté par ceux de l'Vnion: & au contraire refusé par les habitans de Langres: disans, Qu'ils ne connoissoient que la fleur de Lis, & les Princes du Sang de nos Rois pour legitimes Successeurs de cette Couronne.

Ils firent aussi vne belle response à Monsieur de Lorraine, qui les inuita à mesme temps de l'assister pour dechasser le Roy de Nauarre, luy respondant qu'ils auoient receu si grand regret & desplaisir de la perte de nostre Roy & du massacre proditoirement fait de sa personne, que s'il luy plaisoit de prendre les armes pour tirer raison de ceux qui l'auoient ainsi fait massacrer, comme il y estoit obligé pour estre son Beau-frere & Monsieur le Marquis son fils propre Neveu de sa Maiesté, ils seroient tres-aises de l'assister en vne si bonne occasion, tant desirée & agreable a eux. A laquelle proposition ne fut fait aucune response: ains fut enuoyé M. le Marquis du Pont trouuer Monsieur de Mayenne, en esperance de ruiner bien tost le Roy de present, & d'auoir sa part à la Couronne; de laquelle ayant perdu l'esperance apres que sa Maiesté leur fut eschappée des mains près d'Arques & Dieppe, il se retira à Amiens bien malade pour auoir baissé vne femme mal-saine, & de là s'en retourna en Lorraine, où il paracheua de se faire penser; qui a esté le profit qu'il a receu de son voyage, fait non pour extirper l'heresie, mais pour s'y pro-

DISCOVRS D'ESTAT

prier en tout ou partie la Couronne de France. Car il ne fut sitost arriué autour de Paris, que l'on commença par toute la ville à le nommer & proclamer pour le vray petit fils de France : comme le preiugeant heritier de la Couronne; & sur tel suiet fut composé vn Liure imprimé & vendu à Paris avec permission : ce qui fut vers le commencement de Septembre, & au temps quel'on ne se soucioit gueres du pauvre M. le Cardinal de Bourbon.

Si Monsieur de Lorraine eust eu tel zeile à l'honneur de Dieu qu'il est requis, il deuoit laisser à M. de Mayenne les forces que mondit sieur le Marquis auoit amenez, pour luy donner moyen de combattre le Roy, & non pas le faire retourner en Lorraine, comme il fit.

Pareillement s'il eust esté possédé de ce vray zeile Chrestien, il ne deuoit tant retarder à faire la guerre contre les Heretiques, puis qu'il les auoit à sa porte, ayant l'occasion de Monsieur l'Euesque de Stralbourg, dechassé par les heretiques de sa ville, réfugié en celle de Sauerne, & qui est proche voisin de la Lorraine : lequel il deuoit assister pour le re-stablir aux villes de son Euesché : & ce faisant il eust fait œuvre tres-charitable & agreable à Dieu, & eust esloigné l'heresie des limites de sa Duché, & par ce moyen osté l'occasion aux heretiques de pratiquer si familièrement avec ses suiets, & de les séduire à leur erreur. Mais tant s'en faut qu'il l'ait fait, qu'il n'y a iamais pensé ni s'en est soucié : bien a-il esté soigneux de s'approprier de beaux domaines de l'Euesché de Mets, par l'intelligence de feu Monsieur le Cardinal de Lorraine: qui luy a apporté grande commodité, & au contraire grand dommage audit Duché de Mets.

Parquoy donc vous pouuez bien iuger que l'esperance de la succession de la Couronne luy a fait enuoyer Monsieur le Marquis du Pont son fils, trouuer Monsieur de Mayenne; & non pas l'ardeur d'extirper les heretiques. Car tout aussitost que ce Roy fust eschappé de leurs mains, comme dit est, & que Monsieur de Lorraine eust perdu l'esperance que son fils deust recueillir la Couronne ou partie d'icelle, il retira ses troupes d'avec Monsieur de Mayenne. Outre ce que desia ladite assemblée de Chaumont ayant donné preséage de son ambition; & d'autre costé laissant viure & trafiquer les heretiques estrangers avec ses suiets en son Duché, voire ayant pour Chef & conducteur de toutes les affaires de la guerre & domestiques vn heretique, qui les fauorise tant qu'il peut : cela vous doit faire connoître que l'interest particuliera plus de pouuoir sur luy, quel'auancement de la Religion Catholique.

Et quant à Monsieur de Sauoye, l'on sçait assez qu'il est du tout imitateur des intensions & actions de feu Monsieur de Sauoye son pere. Car il n'a iamais abhorré les heretiques; ains au contraire leur a donné libre accez en sa ville de Thurin, y viuans sans aller à la Messe, ny faire leurs palques, sans que l'Euesque & Curé osassent informer contre

eux. Il a ordinairement tenu beaucoup d'heretiques ses pensionnaires domestiques ; entre autres il a eu estroite intelligence avec le sieur Desdiguieres , Chef des Huguenots du Dauphiné : il luy a fait souvent des présents , & luy a donné commodité de tirer sous le nom de son Altesse des armes & des chevaux du Duché de Milan : & l'a bien soigneusement entretenu en amitié du vivant du feu Roy, qui faisoit la guerre audit Desdiguieres ; parce que Monsieur de Sauoye pretendoit se servir de luy contre sa Maiesté, pour luy brouiller le Dauphiné & la Prouence, en esperance que par apres il luy remettroit entre ses mains les susdites Prouinces.

Si vous voulez voir comme il hait les heretiques, il ne faut qu'aller aux vallées d'Angroigne, Lucerne, S. Martin, Pragela, & la Perouze, distantes de huit à neuf lieues de Thurin la ville Capitale ; & vous trouverez qu'en icelles vallées fort peuplées, n'y a vn seul Catholique : ains que tous sont Caluinistes, viuans selon l'institution de Caluin, avec Ministres heretiques, & sans Prestres ; & ce par concession expresse à eux accordée de viure avec l'exercice de leur heresie par Monsieur de Sauoye : afin de faire paroistre au sieur Desdiguieres & aux autres Huguenots du Dauphiné, qu'il ne haïssoit lesdits Huguenots, ains qu'il les aimoit & les traittoit doucement : pour leur donner occasion de croire que se soumettant à luy, ils en receuroient pareil doux traitement, & liberté de conscience qu'il donnoit à ses propres sujets desdites vallées. Car ce qu'il faisoit à leur endroit, estoit de gayeté de cœur & de propos delibéré, & non par contrainte ; d'autant qu'ausdites vallées n'y a pas vn village formé, ny fort qui puisse resister contre luy, toutfois & quantes qu'il trouuera bon de les chasser de ses terres ; & y faire vne Colonie de Catholiques : car de contraindre tout à vn coup telles sortes de gens opiniastres inueterez en leur heresie à se ranger à la Religion Catholique, ie le trouue impossible.

D'autre costé il a recouré des Bernois trois Bailliages des six qui furent ostez à son grand Pere par lesdits Bernois : à sçauoir, Gex, Ternier, & Tounon ; Vaux, Chablais, & Enian, leur estant demeurez : ausquels trois premiers n'y habite qu'heretiques, comme ausdites vallées ; & neantmoins il les laisse viure en toute liberté en leur heresie, sans les contraindre de viure selon la Religion Catholique, ny establir de bons Curez pour les instruire ; ains au contraire au lieu des Curez, il paye les Ministres heretiques qui entretiennent & seduissent les ames des pauvres sujets, selon la transaction qui a esté faite le iour de 1557. avec les Bernois, pour la restitution des susdits trois Bailliages : avec serueur seulement pour les Gentilshommes tenans chastellenies, qu'ils pourroient faire dire la Messe en leur Chasteau, pour eux & pour leur famille tant seulement.

Il n'a pas esté si retenu, qu'il n'ait enuoyé rechercher le Roy de Nauarre, pour luy donner en mariage Madame la Princesse sa sœur ;

combien qu'elle ne soit de la Religion; & n'a tenu qu'audir Roy. que le mariage n'ait esté fait.

Considétez donc comme ce Prince-là abhorre les heretiques & desire d'extirper l'heresie, & quelle esperance vous pouvez prendre sur luy, que conduisant armée en France, ce puisse estre pour l'extirpation de l'heresie & l'exaltation de la Religion Catholique; mais plustost on iugera que c'est pour auoir part à la succession de cette Couronne.

Si vous remarquez les actions de Monsieur de Sauoye, vous trouuez qu'à l'imitation de feu son pere, il a desiré d'augmenter son Estat au detriment de cette Couronne, & qu'il a tousiours continué vne intelligence particuliere avec M. de Montmorency, & l'a assisté de tout ce qui a esté en sa puissance, combien qu'il fût associé avec les Huguenots: afin de faire teste au feu Roy dernier decedé, ainsi que fit son pere au feu Roy Charles, & luy tenir broüillé le Languedoc, la Prouence, & le Dauphiné.

Voyez comme il s'est emparé du Marquisat de Saluces, vray domaine de la Couronne, & la seule porte qui restoit à ce Royaume pour aller en Italie: combien que ce fust du temps du feu Roy, & auparavant la Tenuë des derniers Estats; & par consequent trois mois auparavant le commencement de tous ces remuëmens icy, & en temps que le Roy auoit dressé les susdites deux armées pour faire la guerre aux Huguenots en Poitou & Dauphiné. Car il n'auoit eu aucune occasion de s'emparer dudit Marquisat, au preiudice du feu Roy & au detriment de cette Couronne, que la seule bien-seance & commodité qu'il receuoit d'annexer ledit Marquisat à son pays de Piedmont.

Depuis la mort du feu Roy, l'on a veu la declaration qu'il a enuoyée faire à Messieurs du Parlement de Grenoble, s'offrant de les assister, & les priant de vouloir luy conseruer le bon droit qu'il pretendoit auoir à la succession de la Couronne, tant à cause de Madame de Sauoye sa mere propre Tante du dernier Roy, que de l'Infante puisnée d'Espagne fille de la Sœur aînée du feu Roy: disant qu'il estoit resolu de ne ceder aux pretentions que ceux de la Maison de Bourbon & de Lorraine pouuoient alleguer d'auoir sur ce Royaume. Ce qui a esté commun à chacun, parquoy ie ne vous en diray autre chose, sinon que pour vous confirmer d'autant plus mon dire, ie vous coteray ses actions depuis ce temps.

Il a tenu intelligence estroite en la ville de Marseille avec celuy qui estoit Consul & quelques autres ses adherans, pour luy liuer la ville entre ses mains, combien qu'en icelle il n'y eust vn seul Huguenot, ni soupçonné d'heresie: & que ladite ville fust plus affectionnée à ceux de l'Vnion qu'autrement. Lequel traité eut succedé, s'il n'eust esté decouvert, & que ledit Consul & aucuns de ses complices n'eussent esté massacrez par le Peuple.

En continuant cette mesme intention d'empieter partie de cette Couronne, il a maintenu & augmenté les pratiques au pays de Prouence,

par le moyen de Madame la Comtesse de Saulx, qui est dans la ville d'Aix, & d'autres partisans ses pensionnaires. En sorte qu'il s'est fait rechercher d'aller audit pays à leur secours, c'est à dire, pour les subjuguer & rendre en la servitude que sont ses villes de Piémont. Ce qu'il a resolu de faire, & se prepare pour y aller en personne, où il ne fera pas moins que ce qu'il a fait au Chasteau de Montbenault, qui est à vne lieuë près de Grenoble : lequel avoit esté fortifié par le sieur Desdiguieres pour tenir ladite ville de Grenoble assiegée. Car s'estant esloigné ledit Desdiguieres de ce costé là, le Parlement & habitans dudit Grenoble prenant assurance sur les grandes & belles promesses que Monsieur de Sauoye leur faisoit, l'avoient prié de les venir delivrer de la suiétion dudit fort, luy promettant de l'assister d'artillerie, munitions & viures : esperant qu'après que le fort seroit pris, il leur seroit mis entre les mains, où à tout le moins rassé, mais ils se sont trouvez deceus outre moitié de iuste prix. Car après qu'ils eurent assisté M. de Sauoye à le recouurer, comme il a fait, il l'a tres-bien accommodé, & y tient bonne & forte garnison, par le moyen de laquelle ledit Parlement & habitans de Grenoble sont reduits comme vne gautre entre deux fers, à sçavoir entre les Huguenots, & Monsieur de Sauoye. Ainsi aduiendra d'Aix, de Marseille, d'Arles, & des autres villes de la Prouence, dans lesquelles Monsieur de Sauoye pourra mettre le pied.

Ce n'est pas chose nouuelle que Monsieur de Sauoye ait eu intention de s'emparer de la Prouence. Car cy deuant il declara fort bien (comme nous auons desia dit) au sieur Commandeur de Dio s'en allant à Rome de la part de Monsieur de Mayenne, qu'il estoit resolu d'exécuter l'entreprise de la Prouence : ce que deslors l'on eust peu penser n'estre qu'une feinte ; mais les effets qui s'en voient maintenant, confirment bien que son intention estoit telle.

Et si vous voulez encore mieux iuger son interieur, considerez qu'il a fait, & fait ce qu'il peut pour faire paix ou treue avec les Bernois heretiques, combien qu'ils fauorisent Geneue, qui estoit autrefois en la protection de ses Predecesseurs, & qu'eux-mêmes detiennent encore les trois Baillages susdits de Vaux, Chablais, & Euian restans des six qui sont du vrai patrimoine de sa Maison : & soutiennent les Baillages de Gex, Ternier, & Tonon qui luy ont esté rendus, comme i'ay dit, afin que l'heresie soit continuée en iceux, & luy au contraire, fuscite les Catholiques de ce Royaume à faire la guerre aux mesmes Catholiques d'iceluy, pour l'appeller à leur secours, afin de les dompter, & mettre en servitude les vns & les autres.

Il s'est bien seruy du pretexte de la Religion & de faire la guerre à ceux de Geneue, pour induire le Pape à luy bailler le du reuenu
des benefices qui sont en ses Pays par l'espace de quelques années, pour faire la guerre ausdits heretiques ; & neantmoins il tasche de faire la paix ou treue, comme dit est, avec les Bernois : & pour le regard de ceux de

Geneue, il les laisse en repos, pour tourner toutes ses forces du costé de la Prouence & du Dauphiné.

Le vous laisse à penser si le zele de l'honneur de Dieu luy enflammoit le cœur, s'il cust tasché, comme il fait encore tous les iours, de mettre diuision parmi les Catholiques, & leur faire la guerre : & au contraire laisser en repos les heretiques ses propres suiets, & ceux pour lesquels il a obtenu vne si grande charge sur les benefices de son Pays.

Le Roy d'Espagne l'a tousiours fauorisé en tel dessein. Car il a enuoyé protester aux Bernois par le sieur de la Croix Milanois, son Ambassadeur en Suisse, que s'ils ne faisoient la paix avec Monsieur de Sauoye, qu'il l'assisteroit contre eux. D'autre costé il l'assiste & d'hommes, & d'argent fort à la decouuerte, pour effectuer son dessein d'arracher ce beau fleuron de la Couronne, la Prouence, pour apres en faire autant, s'il peut, du Dauphiné.

Si l'on veut mettre en auant, que l'on l'a contrainct de descendre en Prouence pour recouurer Barcelonnette qui luy a esté ostée ; ie respondray qu'il ne faut que remarquer le temps auquel ledit Barcelonnette a esté pris, & le temps que Monsieur de Sauoye a commencé ouuertement ses entreprises au Marquisat de Saluces, au Dauphiné, & en la Prouence : & vous trouuerez que ptesque vn an auparauant il auoit manifesté son dessein. Au moyen dequoy si l'on l'a voulu preuenir, & s'emparer d'une petite bicoque pour la fortifier, & s'en accommoder au passage de Prouence & Piedmont ; il faut conclure qu'il en a donné la premiere occasion ; & que s'il eust seulement dressé les armes contre ceux de Geneue & autres heretiques du costé de la Sauoye, sans s'entremettre de brouïller ce Royaume, pensant d'en empieter vne partie, l'on n'eust commencé la guerre contre luy pour la prise d'une meschante petite villette, que l'on eut prise à coups de pommes pourries. Mais comme son dessein n'a iamais esté de faire la guerre aux Huguenots, ains aux Catholiques de ce Royaume, il a diuertie ses forces du siege de Geneue, qui luy a fait perdre Verfoy, & la Bastie champion, deux forts de trois qu'il auoit fait bastir autour de Geneue, lesquels ils luy ont bruslez & desmolis, & qui finalement luy a causé la perte de l'Escluse, & qui plus est encore, luy a fait rechercher de faire la paix avec les Bernois heretiques, qui detiennent encore trois des Baillages susdits, pour auoir la commodité de faire la guerre aux Catholiques de France. Parquoy vous pouuez bien connoistre qu'aussi peu le zele de la Religion possede Monsieur de Sauoye, qu'il fait le Roy d'Espagne & Monsieur de Lorraine, ny Messieurs de l'Vnion, non plus que beaucoup de grands Princes, & autres que ie vous ay nommez au commencement, qui ont fait profession d'estre tres-Catholiques, & se sont voulu seruir du pretexte de la Religion pour paruenir à leur ambition.

Si le zele de Religion eust esté engraué au cœur de Monsieur de Sauoye, il deuoit donner secours au feu Roy pour faire la guerre aux Hu-

guenots du Dauphiné & du Languedoc, & non pas assister Monsieur le Marechal de Montmorency qui estoit vny avec les Huguenots & les supportoit.

Ouurez donc les yeux & les oreilles, recueillez vostre esprit, Peuple Chrestien & Catholique, pour connoistre les fantosmes & les erreurs que l'on a voulu donner de la crainte des Huguenots, & les illusions que l'on vous a mis deuant les yeux pour vous faire entretenir, afin de contraindre la plus foible partie d'appeller le secours estranger, & se laisser supplier par iceluy, & se reduire en seruitude.

Car les Princes estrangers, & les Chefs de l'Vnion ont tousiours reconnu qu'ils ne pouuoient paruenir au but de leur ambition, que par la defunion de nous autres, & par nostre aide & consentement, n'y ayant point de puissance estrangere qui puisse ruiner cet Estat que la nostre propre. Et pour cet effet ils ont talché de nous diuiser du temps du feu Roy, & nous faire égratigner & entretenir, pour s'accroistre & arriuer au periode de leur grandeur, sous ce beau pretexte de Religion & du soulagement du Peuple, sans auoir esgard à la ruine qu'ils causeroient, & à la Religion, & au pauvre Peuple, & à cette Couronne : & en particulier à toutes les villes de ce Royaume, & aux Princes de la Chrestienté ; mesmes au saint Siege de Rome ; par la diuision qu'ils ont pretendu & pretendent de faire de ce grand Estat. Ce qui vous deueroit desia estre si connu & si familier, qu'il ne faudroit plus en douter.

Lisez, ie vous supplie, le discours contenu vers la fin de l'aduertissement susdit aux Bourgeois de Paris, par lequel il vous fait connoistre bien ouuertement le malheur que nous deions attendre pour nous & pour nos enfans, si nous introduisons les Princes estrangers, & par consequent la diuision en ce Royaume. Car les guerres Ciuiles ne cesseront, iusques à ce que tant de petits Rois bertauts qui se feront nos souuerains, se soient mangés les vns les autres, ou qu'ils ayent reduit le peuple à telle extremité & misere, qu'ils soient contrains de cesser leur fureur, ainsi que l'on voit quelquefois aduenir à deux gros Dogues, quand ils se trouuent hors d'haleine pour s'estre longtems battus & goutpillez. Ce qui n'adiendra sinon par nostre entiere desolation.

Si Messieurs du Clergé profiteront par telle diuision, ils le pourront connoistre par ce qui est contenu audit aduertissement, auquel sont deduits bien particulièrement les inconueniens & les maux qui en aduendront : y ayant danger qu'il n'y ait plus d'Euesques ni d'Abbez, & que les Seigneurs, ou plustost petits tirans qui s'establiront à nos despens, s'approprieront les benefices qui seront en leur tyrannique souueraineté : ainsi que fait le sieur de Ballagny l'Euesché & les benefices de la ville de Cambrai & de son territoire. S'il y a des dixmes commodés aux Gentilshommes, ils se les approprieront ouuertement, & en frustreront les Curez, qui par ce moyen seront contrains de quitter leurs Cures, & abandonner leur troupeau.

Les Prestres & Religieux n'ayans superieurs, ne seront tenus en leurs regles, pieté & deuotion Chrestienne. Et comme cette derniere souleuation d'armes en a débauché vn grand nombre, celle qui continuera les débordera du tout : parce que la crainte d'estre chastiez leur sera oïtée, & la licence permise de viure dissolument ; qui sera le profit que Mess. de l'Vnion, & les Princes qui se disent tant zelateurs de la Religion Catholique, luy auront pourchassé. Dequoy nous ne pourrons iustement nous plaindre ; puis qu'aurons esté les executeurs & bourreaux nous-mesmes, pour auoir esté si aueuglez, si sourds & si insenséz, que de n'auoir voulu voir, entendre & choïtir le bien, & éuiter le malheur.

Le Roy d'Espagne nous repaist de fort belles propositions, comme nous les auons veuës, mais il n'a rien moins en l'ame que ce qu'il veut persuader y auoir le plus : ains appert trop clairement qu'il n'a autre intention que de diuiler ce Royaume. Car il ne faut pas que nous attendions qu'il desiré iamais de voir aucun Roy establi en iceluy, comme ont esté les Rois nos predecesseurs : voire quand on luy proposeroit Monsieur de Lorraine ou Monsieur de Sauoye, ou bien l'un des Princes ses Cousins de la Maison d'Autriche ; parce qu'ils voudroient augmenter l'autorité & puissance de ce Royame : qui n'est pas ce qu'il desiré & recherche de faire. Car quand bien toute la France seroit tombée d'accord d'auoir pour Roy Monsieur de Sauoye ou Monsieur de Lorraine, le Roy d'Espagne ne le consentiroit qu'à la charge qu'il eust pour sa part la Lorraine & quelque autre place de la frontiere, ou la Prouence, le Dauphiné, le Marquisat de Saluces & la ville de Lion ; ou bien la Sauoye & la Bresse au lieu de la Lorraine, si c'estoit pour Monsieur de Sauoye, afin de restreindre les limires d'iceluy ; en sorte que ce Royaume fust vn corps sans membres, & qu'il ne peust pas se reuancher contre luy, tant s'en faut qu'il fust bastant alors pour s'opposer à ses entreprises. Car si Monsieur de Sauoye estoit Roy de France paisible, il augmenteroit la Couronne, de Piedmont, de Sauoye, & de la Bresse, & osteroit le moyen au Roy d'Espagne de pouuoir plus enuoyer par terre aucunes forces pour le secours de la Flandre, comme il fait maintenant par son pays ; & de là en la Franche-Comté & en Lorraine : à cause dequoy il luy seroit facile estant Roy de France, de s'accorder avec la Reine d'Angleterre de luy laisser les villes maritimes de la Holande & Zelande, à la charge qu'elle le fauorisera aussi à auoir le pays de terre ferme, comme en peu de temps il le recouurerait, estans les passages fermez au Roy d'Espagne, d'enuoyer plus d'hommes ni argent au pays de Flandre.

Vous me pouuez obiecter, que l'Infante femme de Monsieur de Sauoye ne permettroit, lors que son mari seroit Roy, qu'il fût la guerre au Roy son pere, mais ie ne fais que me rire de telle proposition. Car les femmes n'ont autorité sur leurs maris en semblable occasion de telle importance : aussi que le Pere n'est pas pour viure longtems, qui romproit tel respect (si toutefois il y en auoit aucun) succedant en son lieu

le Prince d'Espagne, frere seulement paternel de Madame de Sauoye.

Ie vous diray donc qu'il est à douter si la femme qui aime bien son mari & ses enfans, ne desire pas plustost leur grandeur que celle de son pere & de ses freres.

Vous me pouuez encore alleguer, que Monsieur de Sauoye ne voudroit contracter amitié avec la Reine d'Angleterre, pour estre heretique, afin de partager les Pais-bas du Roy d'Espagne. Mais si vous considerez comme feu son pere a si bien partagé son domaine avec les Bernois heretiques, & que luy son fils a toujours entretenu l'accord, l'amitié & intelligence avec eux; & d'ailleurs comme il laisse doucement viure les heretiques en ses Pais, & comme il vit paisiblement & en amitié avec les Huguenots ses voisins; voire qu'il en a de pensionnaires, & qu'il a recherché le Roy de Navarre, auparavant qu'il espousast l'Infante, de luy donner Madame la Princesse sa Sœur, combien qu'elle fust Huguenote, comme j'ay dit: vous pourrez bien conclure que pour vn tel morceau, grand comme celuy des Pais-bas, il ne feroit difficulté de contracter telle ligue avec la Reine d'Angleterre: mesme qu'il pourroit alleguer pour sa desfense ne faire chose nouvelle, que l'Empereur grand pere de la femme n'eust bien fait avec le Roy Henry VIII. d'Angleterre, pere de la Reine qui est à present, avec lequel il fit pareille ligue pour faire la guerre au feu Roy François premier; sans auoir esgard que ledit Roy d'Angleterre fust heretique, & ledit grand Roy François Catholique, comme j'ay dit cy-deuant.

Ce que ie vous ay voulu représenter, afin que vous connoissiez le grand interest que le Roy d'Espagne a de ne permettre que Monsieur de Sauoye soit esleu pour Roy en ce Royaume.

I'en diray autant pour Monsieur de Lorraine, parce que l'argent & les gens de guerre du Roy d'Espagne qui vont au Pays-bas, sont contrains de passer par la Lorraine, apres qu'ils ont passé la Franche-Comté. Car ils ne peuuent aller ny à droit, à cause du Rhin, ny à gauche, à cause de la France: au moyen dequoy sont contrains de passer par la Lorraine: laquelle estant annexée au Royaume de France, fermeroit le pas au Roy d'Espagne d'enuoyer plus par terre hommes ny argent au Pays de Flandre.

Au moyen dequoy vous deuez tenir pour chose tres-veritable, que le Roy d'Espagne ne permettra iamais qu'il soit Roy de France; ny Monsieur le Marquis son fils, si ce n'estoit à telle condition qu'il luy quittast la Lorraine, & quelque autre ville de frontiere de France de ce costé-là: afin d'auoir le passage libre au Pays-bas. Et en outre voudroit auoir la Prouence & le Dauphiné, ou bien la Picardie iusques à la riuier de seine, & possible la Bretagne, pour la pretention de l'Infante sa fille aînée, afin de retrancher, comme j'ay dit, les membres de ce Royaume, pour luy oster le moyen de s'opposer plus à ses entreprises.

Vous me pouuez encore alleguer ce qui a esté dit cy-deuant, qu'il

consentiroit qu'il paruint à la Couronne, moyennant le mariage de l'Infante sa fille aînée, avec Monsieur le Marquis du Pont, fils aîné de Monsieur de Lorraine: mais ie vous respondray à cela, qu'il y a tant de difficulté à effectuer ce mariage, que ie diray hardiment qu'il est impossible qu'il se puisse faire. Car en premier lieu le Roy d'Espagne n'ayant qu'un fils, qui n'est pas encore en âge d'avoir enfans, & ne sçachant s'il plaira à Dieu de luy donner lignée, vous devez croire qu'il ne mariera jamais l'Infante sa fille aînée hors de la Maison d'Autriche: de crainte qu'il auroit que venant à mourir le Prince son fils sans heritiers, tous ses Royaumes & pays ne fussent transferez hors de ladite Maison d'Autriche: & par ce moyen qu'elle fust reduite au degré commun de tous les autres Princes de la Germanie, voire inferieure à aucun d'eux: au lieu que maintenant elle tient son rang bien grand, & est honorée & respectée par tous les Princes de la Chrestienté.

Vous voyez combien soigneusement cette Maison a marié ses filles en sa propre Maison, sans avoir esgard à la proximité du sang. Car mesme le Roy d'Espagne a espousé la dernière femme sœur de cet Empereur, qui est sa propre Niepce fille de sa sœur: & luy mesme autrefois a pretendu de marier ladite Infante sa fille à l'Empereur, cousin germain d'icelle Infante, & croy que sans quelque maladie qui est survenue à sa Maïesté Imperialle, que le mariage eust esté desia fait: afin de conserver tousiours ses Royaumes & Pays en sa Maison d'Autriche. C'est pourquoy ie ne puis croire qu'il voulust faire tel mariage de l'Infante avec Monsieur le Marquis du Pont: mesme que l'on dit qu'en ce dernier voyage qu'il a fait en Normandie, il a rapporté vne pareille maladie, qui est fort crainte par ladite Infante, & laquelle desire recevoir contentement du mary qu'elle espousera, & non pas de se mettre en la peine d'estre malade & malheureuse tout le temps de sa vie. Car à ce que l'on dit, le retardement du mariage d'elle & de l'Empereur est prouvenu d'elle-mesme, ayant mieux aimé retarder à se marier, que s'advancer trop tost à son preiudice. Vous devez croire que c'est un esprit aussi gentil, magnanime, vertueux & bien né, qu'il y en ait en toute la Chrestienté. Bref vous pouvez dire qu'en l'âge de 26. ans qu'elle a, elle gouverne tous les Estats du Roy son Pere: car elle le soulage infiniment en toutes les grandes despêches qu'il fait: l'ayant nourrie auprès de luy, & instruite aux affaires, si bien que maintenant elle manie tous les plus grands par la volonté & consentement du Roy son Pere: voire elle signe les Lettres d'affaires au lieu dudit Roy: ayant appris si bien à contrefaire sa signature, que les Ambassadeurs ny autres n'y connoissent aucune difference. Pour cette occasion le Roy la meine ordinairement avec luy, quand il se retire en son Monastere de l'Escorial, afin d'estre soulagé par elle, comme il l'est fort bien & fidellement, l'aimant comme fille, & respectant comme femme.

Ce que ie vous ay bien voulu coter, pour vous esclaireir l'esprit, que
si l'Infante

si l'Infante n'a pour agreable ledit mariage, le Roy son pere ne l'y contraindra aucunement. Je diray neantmoins le contraire, que si elle desiroit d'espouser mondit sieur le Marquis, que ledit Roy son pere chercheroit tous les moyens pour l'en diuertir : non pas seulement pour crainte qu'il eust que ses Royaumes & Pays tombassent en autre Main, son que celle d'Austriche ; mais parce qu'il auroit regret sur ses vieux iours, & parmi les broüilleries qui sont auourd'huy en la Chrestienté, de se voir priué de tel secours qu'elle luy donne, qui se peut à la verité nommer le baston de sa vieillesse sur lequel il s'appuie.

Finalement ie diray, que ledit Roy & ladite Infante seront bien tous deux d'accord de ne faire le mariage avec Monsieur le Marquis du Pont, qu'il ne soit auparavant establi Roy de France : de peur que le mariage estant fait auparavant ledit establisement, il survint plusieurs obstacles qui l'empêchassent d'estre Roy : & partant qu'au lieu d'auoir pensé espouser vn Roy, elle se trouuast n'auoir espousé que l'heritier de la Duché de Lorraine, laquelle est toute ouuerte, sans fortresse quelconque de grande importance, excepté Nancy, & sans qu'en toute la Duché il ait vn seul Euesché : car tout son Pays est suiet à celuy de Mets, Thoul, & Verdun, & d'autres Eueschez voisins. Ce que l'Infante n'ignore pas, & le danger auquel Monsieur de Lorraine est (s'il ne s'accorde avec le Roy de France) de se voir dechassé de son pays, ainsi qu'a esté le grand-pere de Monsieur de Sauoye, & que luy-mesme le pourroit estre au recouurement du Marquisat de Saluces ; & pour ce luy fâcheroit de se voir decheuë de l'esperance qu'elle auroit eue de se voir Reine de France ; & au mieux qu'il luy peust aduenir, reduitte à estre Duchesse d'un petit Pays, tel que la Lorraine ; & de voir de la fenestre du chasteau de Nancy venir les troupes de Saubole Gouverneur du pays Maizsin, prendre le bestail des habitans dudit Nancy, & l'emmener, comme il fait tous les iours : & ses suiets à toute heure se plaindre & lamenter deuant elle, sans auoir moyen de les secourir. Chose fort griëue à supporter à vn Prince souuerain, & fort dommageable à son peuple : lequel à cette cause regrette infiniment que son Prince se soit laissé aller à se partialiser contre le Feu Roy son beau-frere, pour le mal qu'il en souffre tous les iours, & celuy qu'ils craignent encore leur aduenir : veu l'amitié, faueur & support qu'il a receu des quatre derniers Rois de France, & du doux & paisible estat auquel il a esté durant ce temps, nonobstant nos guerres ciuiles, & tant de gens de guerre qui ont passé par ce pays-là.

Ainsi pouuez vous bien iuger si ledit mariage de l'Infante & de Monsieur le Marquis du Pont se peut esperer auparavant qu'il soit establi Roy : pour la crainte qu'elle auroit de n'espouser qu'un Duc de Lorraine, au lieu d'un Roy de France.

Si l'on propose que le Roy d'Espagne l'aidera à estre Roy, afin de faire par apres ledit Mariage, ie respondray qu'il s'en gardera bien. Car

DISCOVRS DESTAT

132

il cuideroit qu'après l'auoir estably Roy en ce Royaume, il ne voulust plus espouser l'infante sa fille, à condition de luy ceder la Lorraine, la Picardie, Prouence, & Dauphiné, ou la Bretagne: & en ce faisant qu'il cust establi vn Roy, lequel par apres luy fit la guerre au Pays-bas comme i'ay dit cy-deuant

Si vous voulez mettre en auant que parauanture il trouuera bon qu'il y soit mis vn Prince de sa Maison d'Austriche, ie soustiendray qu'il les desirera encore moins que pas vn des deux susdits, de Sauoye & de Lorraine. Car il craindroit que par la faueur de l'Empereur & l'intelligence qu'ils ont avec les autres Princes d'Allemagne, tant Catholiques que Protestans, ils ne luy enleuassent encore plustost les Pais-bas & Franche-Comté: sans auoir esgard au mariage qu'il pourroit faire de l'infante sa fille, ni au parentage.

Car où va l'interest particulier des Royaumes & pays souuerains le parentage n'y fait rien. Tesmoins les entreprises que les freres puisnez ont fait à leurs aînez, & les enfans à leurs peres: & comme l'Archiduc Mathias d'Austriche a fait douze ans sont, au Roy d'Espagne son Cousin germain, quand il alla en Flandres pour s'y establi par le moyen des heretiques rebelles dudit Roy d'Espagne: où il fit bien paroistre qu'il ne tint pas à luy qu'il n'en dechassa le Roy d'Espagne son Cousin, & qu'il ne s'y establiit par le moyen desdits heretiques: & avec intention de viure paisiblement avec eux, les laissât viure en leur heresie, & les supporter & fauoriser autant, & plus que les Catholiques.

Voyez, ie vous prie, si vous deuez croire que le Roy d'Espagne maria sa fille à pas vn Prince, à intention de l'establi Roy en ce Royaume: & dauantage s'il y vouldra sans faire mariage, voir pas vn Prince eltranger Roy, pour n'accroistre & augmenter la puissance d'iceluy, afin de ne faire effet contraire à ce qu'il desire, qui est de le diuiser & rendre impotent.

Et quant à nos Princes du Sang de France, il n'en trouuera iamais pas vn à sa fantaisie. Car il dira que les vns sont fauteurs d'heresie, autres qui luy sont ennemis pour auoir trouué mauuais l'assistance qu'il a donnée à Messieurs de l'Vnion; & par consequant qu'il craindroit qu'ils ne voulussent se reuancher contre luy, ou son fils apres sa mort, lors que l'un d'eux seroit establi Roy paisible en ce Royaume: & en ce faisant trouuera tousiours à redire sur vn chacun: afin que cependant les guerres continuent, que les dissensions augmentent, & que la diuision se fasse de ce grand & puissant Estat.

C'est pourquoy il a protesté, comme i'ay dit, contre le Pape, qu'il n'eust à y consentir l'establissement d'un Roy qui ne luy fût confident & agreable, afin d'auoir le moyen de contredire tous ceux qui seroient proposez pour cet effet, & les empescher d'y estre establis, pour nourrir tousiours le feu, iusques à ce qu'il l'ait diuisé & consommé la vigueur naturelle.

A laquelle diuision les Chefs de l'Vnion adherent du tour, afin qu'à iamais la memoire demeure, qu'ils aient esté cause de la ruine de ce Royau-

me, pour vengeance de la mort de Messieurs leurs parens : esperant aussi que telle diuision ne se fera sans qu'eux-mesmes en puissent auoir leur part : ainsi qu'ont fait les predecesseurs des Princes d'Italie & d'Allemagne, qui tiennent maintenant plusieurs villes & pays suiets à eux en souueraineté, lesquels estoient du propre domai ne de l'Empire Romain, auparavant qu'il fust transferé à Constantinople, & que pour l'absence des Empereurs des Pays Occidentaux, chacun se dispensast d'empieter la part des ruines & fragmens dudit Empire.

Voila le seul but auquel tendent tous les Princes qui se disent tant zelateurs de l'honneur de Dieu, & desirieux de nostre soulagement & de conseruer le Royaume à qui iustement il appartient, ainsi qu'ils scauent tres-bien dire : & qui pis est, le nous veulent faire accroire, afin de nous inciter à nous fendre nous-mesmes la poitrine pour les souler de nos entrailles. Mais nous serons bien mal-aduisez d' adherer à leur pernicieux dessein, puisque nous le connoissons si clairement, non pas par coniecture, mais par effet, commencé depuis l'année 1560. iusques à maintenant, ainsi que ie vous ay discours cy-dessus : ayant estimé necessaire de vous représenter toutes les actions des Huguenots & des Catholiques ambitieux, depuis le commencement de nos guerres ciuiles & milcres, iusques à present : afin de vous faire connoistre que ce n'a esté que pure hypocrisie, & non zele de Religion qui a guidé les Chefs des deux partis : s'aidant de ce pretexte pour paruenir au comble de leur ambition. Et pource que leur but a tousiours esté le chef du Roy sur lequel estoit la Couronne Royale, afin de le ietter par terre pour icelle ruiner (ce qui n'a iamais peu estre effectué, combien que tant & tant de fois l'on y ait essayé, ainsi que ie vous ay représenté, sinon à ce dernier coup autant selon que prodigieux à ce pauvre & miserable Royaume : il est à craindre que tout ainsi que par la mort du Duc Ieande Bourgogne les Anglois vindrent en France qui firent tant de maux ; qu'aussi par l'assassinat de nostre Roy non seulement les Anglois, mais les Allemands, Suisses, Italiens, & Espagnols y soient introduits, pour nous chasser de la felonnie commise à l'encontre de nostre bon Roy : & que sa playe saigne si longtemps, qu'elle nous ensanglante, & nos Enfants iusques à la tierce & quarte generation. Si de nous mesmes nous ne metton ordre, en premier lieu d'appaier le courroux & l'ire de Dieu : secons dement de reietter tous ceux qui desirent & pourchassent nostre ruine pour leur ambition & interest particulier : & enfin que nous nous reünissions tous sous nostre vrai Roy issu du sang de nostre S. Loüis, sans en aller chercher en Sauoye, en Lorraine, & moins encore en Espagne : parce que c'est chose assurée que ledit Roy ne quittera l'Espagne & le Portugal pour venir en France, mesme à cause que son âge & indisposition ne luy peuuent permettre d'y venir trauailler pour la conqueste de ce Royaume : au moyen dequoy nous aurons choisi vn Seigneur Dom Tel pour nostre Roy, qu'il enuoyroit pour commander à son armée, au lieu

de penser d'obeir audit Roy. Et bien qu'il fust ieune & dispos pour venir à la conquête de ce Royaume, il est à douter qu'il voulust quitter les Royaumes qui luy sont propres & les mettre en peril, pour se mettre en hazard non seulement de n'auoir cettuy-cy, mais d'y perdre sa reputation, estant contraint de s'en retourner en Espagne, par vne paix ou reconciliation generale qui se pourroit faire en tout ce Royaume, pour en dechasser les armées estrangeres, & y viure en repos, comme a esté pratiqué autrefois; specialement du temps du feu Roy Charles 7. quand toute la France s'accorda d'en chasser les Anglois, pour reconnoistre leur vrai Roy naturel.

Il y a aussi vn autre danger, qui est qu'ores que nous eussions choisi le Roy d'Espagne pour nous commander, & qu'il voulut venir en France pour y tenir son siege Royal, nous serions en hazard de voir bien-tost le siege vacant, à cause de la vieillesse & indisposition, & de nous trouuer pour vn Roy vn enfant : qui seroit vn des plus grands malheurs que nous scaurions auoir, ainsi que nous l'auons expérimenté par le bas âge du Roy François, & la minorité du Roy Charles son frere. Au moyen dequoy ie ne vois aucune apparence que nous puissions ni deuions aller chercher aux pays estrangers d'autres Princes pour les introduire à estre nos Rois; mesmes que pas vn des trois susnommez n'ont la legitime succession de la Couronne, comme ont nos Princes du Sang; parce qu'ils ne peuent rien esperer que par filles, quelque chose que Messieurs de Lorraine veulent dire d'estre sortis de la race de Charlemagne, & aussi peu de Godefroy de Billon. Car depuis ce temps-là, ils ont changé trois fois de ligne masculine, ainsi que tesmoigne la genealogie de leur Maison, qui a esté faite par Autheurs Allemans non suspects, il y a cinquante ou soixante ans; voire par des Seruiteurs domestiques de leur Maison, qui estoient auparauant que cette ambition d'empietier la Couronne fust tombée en l'esprit des Chefs de leur Maison. Car lors ils n'auoient point estudié à desguiser leur genealogie, pour faire paroistre qu'ils estoient les vrais heritiers de Charlemagne : comme ils ont fait depuis par leurs Liures qu'ils ont fait imprimer, particulièrement celuy de l'Archidiacre de Verdun, lequel par l'autorité du Parlement de Paris, & pour la verité mesme, fut condamné, & l'Autheur à faire amende honorable depuis sept ou huirans : pour auoir imposé choses fausses au preiudice de la Couronne de France, & en faueur de la Maison de Lorraine.

Si la succession à la Couronne eust esté bien fondée en la Maison de Lorraine par la descende masculine de la lignée de Charlemagne, les Croniques ni les Dues de Lorraine n'eussent demeuré mil ans entiers à s'en plaindre : car de temps en temps ils eussent renouellé leurs pretentions, & l'eussent aussi bien employé en leurs titres, comme ils font celuy du Roy de Sicile, Duc de Calabre, & Comte de Prouence; combien que le Roy d'Espagne possede les deux premiers, & le Roy le dernier. Ce qui vous doit tesmoigner que si leurs predecesseurs eussent eu aucun

droit en la succession de la Couronne, ils en eussent au moins gardé le titre, ainsi que soigneusement fait la Reine d'Angleterre: combien qu'elle ne soit pas prestre d'estre Reine de France. Mais parce que ce n'est le fil de mon discours, ie n'en diray davantage, m'en rapportant à ce qui est escrit.

Partant donc, valeureux François Catholiques, reuenons à nous-mesmes, ie vous prie: ne nous soumettons iamais, & ne nous laissons subiuguer à ceux qui ont esté tuiets à nostre Monarchie Françoisse. Souuenons-nous qu'elle a commandé à l'Espagne, à l'Allemagne, & à l'Italie, & qu'en nostre temps nous auons veu l'estendart blanc iusques aux portes de Milan, aux villes de Sauoye & de Piémont, pour auoir voulu s'attaquer à cette Couronne, & s'approprier la Comté d'Als, qui appartenoit à la Couronne de France à cause de Madame Valentine Viscomte. Et quant à la Lorraine, vous l'avez veüe entre les mains du Roy Henry deuxiesme, qui retira en sa Cour M. de Lorraine qui est à present, lequel il fit nourir tousiours avec feu M. le Dauphin son fils: & le tint en sa Cour iusques en l'année 1559. que le bon Prince mourut. Tellement que ce nous seroit vne grande honte, & acqueririons vn blafme eternel, d'auoir quité la vraye race de nos Rois pour en aller chercher vn estrange: & ferions vn effect du tout contraire à ce que font les Allemans & Polonois, qui ont autorité d'eslire l'Empereur & le Roy de Polongne. Car bien qu'il soit à leur choix d'eslire tel que bon leur semble pour Empereur & pour Roy, neanmoins ils aiment mieux cōtinuer la succession au sang de ceux qui leur ont commandé, que non pas d'en chercher d'autres. Vous auez veu combien de fois les Princes Electeurs de l'Empire ont continué la succession d'iceluy en la Maison d'Autriche, combien que les trois Electeurs laiz fussent Protestans, & les Princes de ladite Maison d'Autriche Catholiques. Ainsi les Polonois & Lithuans ont fait. Car bien qu'il fust en leur pouuoir d'eslire vn Roy à leur fantaisie autre que le fils du precedent, neanmoins ils ont tousiours mieux aimé confirmer l'autorité Royale aux enfans du deffunt, tant qu'il y en a eu: & si le Roy Sigismond eust eu des enfans masles, ils en eussent plustost esleu vn pour Roy que le feu Roy de France & de Polongne dernier mort.

Si donc nous voyons vn tel exemple signalé pour nous seruir d'instruction, pourquoy ferons-nous le contraire de ce que font les nations bien affectionnées à leurs Rois & aux Princes de leur sang, & contre nostre deuoir? Certes nous serions bien stupides & insensés, si ayant le choix, nous eslissions le pire. Et si nous auons du mal, nous ne pouuons nous en plaindre ni à Dieu ni aux hommes, sinon à nous mesmes pour l'auoir ainsi voulu. Et ne faut pas douter que nos enfans & successeurs ne nous maudissent, du mal que nous leur aurons pourchassé: & que les nations estranges ne nous blasment, comme personnes furieuses dont nous seuls serons la cause, & l'aurons ainsi merité.

Si Dieu punit d'ailleurs nos ames en l'autre monde, ce sera avec iu-

ste cause pour auoir voulu oster & arracher l'heritage de la vraye succession de S. Louis, & la transferer à vn nouueau venu : & aussi pour nos vengeance particulieres & ambitions demesurées, ayant voulu adherer à nostre sang humain, pour fouler la passion & auarice non seulement des Chefs de l'Vnion, mais aussi d'une poignée de fressuriers, saffranniers & banqueroutiers, qui ont pris l'autorité supreme sur le Peuple des villes, par le moyen de laquelle ils ont peruertie tout l'ordre ancien du gouvernement d'icelles, pour se l'attribuer à eux-mesmes : faisant accroire au Peuple tout ce que bon leur a semblé, pour les induire à trouuer bon leur tyrannique autorité, vsurpée comme l'ay dit, & non pas attribuée du commun consentement de tous les habitans desdites villes. Lesquels, outre ce qu'ils les contraignent à faire la faction que les soldats stipendiez par le commun deuroient faire, leur font encore payer de grosses sommes de deniers pour entretenir les gens de guerre qu'ils sont contrainsts d'auoir en leurs villes : & enfin les endormir de vaines esperances, pour leur faire trouuer bon tous les maux qu'ils endurent : à scauoir le Clergé par la ruine de leurs biens qui sont en campagne, comme aussi de plusieurs bons Bourgeois qui ont des heritages aux champs, du tout reduits en friche. D'autre costé les Marchands par l'interuption du trafic, & de ne pouoir retirer leurs debtes : Et enfin le miserable Peuple, pour ne pouoir plus traualier de son art, & gagner sa vie comme il souloit faire auparauant cette derniere prise d'armes. Et pour le general des autres, il leur font supporter patiemment la charté du sel, du vin, de la chair, & de toutes sortes de marchandises : comme si par telle peine & dommage qu'ils souffrent, ils deussent acquerir le Royaume de Paradis. Chose à la verité fort remarquable, qu'une si grande quantité de Peuple de plusieurs bonnes villes de ce Royaume, se laisse dompter par cinq ou six esprits turbulents, la vie desquels ne leur a iamais tesmoigné qu'il residast en leur ame vne scintille de prud'homme, ni de zele de l'honneur de Dieu & d'affection au bien de leur patrie, non plus qu'en ceux qui gouvernent les affaires publiques, pour la richesse, repos & tranquillité des bonnes villes. Car si vous considerez bien & espluchez par le menu la vie de presque tous ceux qui se sont vsurpez telle autorité ausdites villes, vous trouuerez que la necessité leur a fait embrasser & prendre en main ce nouueau changement : ne pouuant plus demeurer en l'estat auquel ils estoient auparauant, pour n'auoir de quoy viure, & non pas pour fondations qu'ils ayent faites, aumosnes distribuées aux pauures, ni d'edifications de Monasteres ou Eglises, car il ne s'en trouuera aucun d'entre eux qui l'ait fait : mais parce qu'ils font profit au grand dommage du peuple, de la leuée des deniers qu'ils font sur luy, pource qu'ils s'en battent les iouës à leur bon plaisir, ne desirant aucunement que ces troubles cessent, & que l'ancienne forme de gouvernement & l'autorité du Magistrat se retablissent dans les villes : de peur de se voir decheus de l'autorité & du profit qu'ils ont. C'est pourquoy

ils ne cessent journellement d'inciter vn chacun à la guerre, & le rendre tellement opiniastre en icelle, qu'ils ayent loisir de songer à leur fait propre, pour sortir hors du bourbier auquel ils ont plongé autrui pour leur particulier interst, & non pas pour l'exaltation de la Religion Catholique, & soulagement du Peuple.

Si vous ne voulez croire mon dire, verifiez le, en considerant quelle a esté la vie de ceux qui se sont extraordinairement fait donner l'autorité en chacune de vos villes, depuis cette derniere eleuation d'armes: & vous iugerez si ce sont gens qui de tout temps ayent esté aumosniers, deuotieux, discrets en leurs actions & paroles, amateurs de paix, du public, & de la conseruation de leurs Citoyens; & s'ils sont dignes & capables de telles charges: ou s'il y en auoit d'autres beaucoup plus propres pour manier affaires de si grande importance.

Dauantage, si vous considerez quel estoit leur train & despenſe ordinaire qu'ils souloient faire auparauant ces derniers troubles, vous reconnoistrez par celle qu'ils sont maintenant, s'ils ont employé du leur pour la cause de Dieu & le soulagement du peuple: ou bien s'ils se sont enrichis du sang & de la mouëlle du miserable peuple, & de leur ville: & de là tirerez preuue suffisante, que ce sont les plus pernicioeux de toutes vosdites villes; & par consequent aurez occasion de ne adiouster foy au Conseil domnageable qu'ils vous donnent, de vous maintenir en telle guerre, & vous ruiner pour les enrichir.

Mais pourquoy, Peuple François, voulez vous attendre que la necessité de la guerre, de la famine & de la peste vous contraigne de faire ce qu'enfin vous deuez faire de vous-mesmes, qui est de trouuer les moyens de vous tirer hors de la suiétion de tant de tirans, & de vous mettre en l'heureuse liberté en laquelle n'agueres vous estiez, sous vn seul vray Roy legitime, & sous vne loy si sainte & si iuste?

Considerez, ie vous prie, quel a esté l'heureux Estre auquel auez esté cy-deuant: remarquez celuy auquel vous estes de present: & vous iugerez ce que vous deuez esperer à l'aduenir.

L'homme qui vit au iour la iournée, & qui pousse, comme on dit, le temps avec l'espaule, ne merite pas de viure en ce monde, quand les tempestes & orages sont si grands, comme ils sont de present. Particulierement ceux à qui Dieu a donné quelque peu de iugement par dessus les autres, mesme ceux qui ont la surintendance de commander aux villes & Prouinces, doiuent preuoir le futur, & pouruoir au mal qui peut aduenir, sans attendre à ce faire lors qu'il est arriué. Par ce donc, pouruoyez, ie vous prie, à ce qui pourra estre de nous dans quelque temps, & proposons vn but propre & conuenable, auquel toute la France vile & dresse ses actions, pour se garantir des maux qui luy sont preparez. Car si tous ne s'vnissent ensemble, nous adhererons aux ambitions & interests particuliers des Princes estrangers & regnicoles, pour faciliter & haster nostre ruine & desolation.

sante armée à laquellerien ne desfaillir: car iusques aux soldats tout estoit habillé à neuf, & la Noblesse vestuë de velours, & diaprée d'or & d'argent. Toutefois apres auoir veu faillie la conspiration qui auoit esté dressée contre le feu Roy en ladite ville de Tours, il s'en retourna en diligence vers Alençon, & partit de nuit sans sonner tabourin ni trompette. Apres la prise de ladite ville, il se retira dans Paris, & à sa veuë laissa prendre Poissy, Meulan, & sur tout Pontoise: laquelle par iugement de tout homme de guerre, il ne deuoit iamais permettre qu'elle se perdist, parce qu'elle n'est distante que de cinq lieuës de S. Denis, où il pouoit tenir la pluspart de son armée, ayant vn pont à sa deuotion pour entrer & sortir dudit Pontoise à sa volonté, y pouuant mettre à toute heure tant d'hommes & munitions que bon luy sembloir.

Dauantage, encore que son armée fust beaucoup plus forte que celle du feu Roy, auparauint que les Suisses & autres gens de guerre que M. de Longueuille luy amena audit Pontoise, fussent arriuez près d'elle; neantmoins il n'osa iamais attaquer sa Maieité, ni aussi peu s'aduancer, comme il pouuoit & deuoit faire, vers mondit sieur de Longueuille, pour le combattre auparauint que le Roy eust esté aduertí qu'il eust deslogé de Paris.

Je vous laisse à iuger aussi la belle occasion qu'il perdit aupres d'Arques & de Dieppe, de tailler en pieces la petite poignée de gens que le Roy d'apresent s'estoit retenu près de luy, & le prendre mort ou viu, comme nous auons dit cy-dessus, ou le contraindre de se sauuer par mer en Angleterre, en compaignie du Seigneur Dom Antonio pretendu Roy de Portugal. Car au lieu de ce faire, il se retira secretement de nuit sans sonner tambour ni trompette, comme si le seul nom de ce valeureux Prince l'eust estonné & intimidé: & au lieu de continuer sa pointe pour effectuer ce qu'il auoit promis de faire & par lettres, & par Liures imprimez, il s'en alla en Picardie, pour mettre Amiens & Abbeuille entre les mains des Espagnols, selon le concordat fait avec Dom Bernardin de Mendoza cy-deuant Ambassadeur, & Dom Iean Moreo Ministre du Roy d'Espagne, afin de retirer secours du Roy leur Maistre: ce qu'il ne peust faire, à l'occasion que les deux villes susdites ne voulurent perdre leur liberté pour se mettre en captiuité & seruitude, à l'appetit de Monsieur de Mayenne.

Ainsi ne fit-il rien de ce costé-là, & qui plus est, perdit l'occasion de combattre, comme il pouoit bien seurement faire, Monsieur de Longueuille & Monsieur le Marechal d'Aumont entre Senerpont & Aumalle en Picardie, qui passerent à trois lieuës près de luy, pour aller secourir le Roy & le delgager de Dieppe, comme ils firent.

Aussi perdit l'occasion d'empescher le Roy de prendre les cinq Fauxbourgs du costé de l'Vniuersité de Paris: voire presque la ville, comme il en fut bien près le iour de la Toussaints, tandis que M. de Mayenne estoit apres la remise desdites deux villes entre les mains des Espagnols.

Et si depuis que le Roy fut party de Paris M. de Mayenne l'eust suivi, il n'eust osé attaquer ny prendre Estampes, Janville, Vendosme, Chasteau du Loir, le Mans, & tant d'autres villes qu'il print en la Normandie, comme vous l'avez peu sçavoir : parce qu'il n'auoit personne près de luy qui l'empeschast de faire ce que bon luy sembloit, & d'aileurs qui peult donner tant soit peu de courage aux misérables affligez confederez de leur Vnion, de tenir bon pour l'esperance d'estre secourus, voyant leur armée confidente proche. Car sans doute il eut rendu l'effect de l'armée du Roy du tout inutile, s'il l'eust suivie à huit ou dix lieues près, comme il eust peu faire sans aucun hazard, ayant toutes les villes suldites à sa deuotion, auparavant qu'elles se perdissent à faute d'estre secourus par luy & par Messieurs de Paris, selon le serment solennel de l'Vnion du 19. Ianuier, au preiudice des belles promesses reitérées par lettres & ambassades.

le reuiendray maintenant sur le siege de Meulan, qu'il ne sceut prendre, & le laissa secourir par le Roy avec vne troupe de caualerie que luy-mesme y mena, qui fut acte autant hazardeux de ce costé-là, que honteux à l'autre.

Enfin que dirons-nous de la bataille donnée près d'Iury, le quatorziesme iour de Mars dernier : laquelle selon le dire tant des siens que de ceux du Roy, il a peu & deu gagner : & à tout le moins l'ayant perdue, tascher de faire vne retraite honorable & auantageuse, pour recueillir les gens de guerre tant de cheual que de pied, qui luy restoient : & se mettre dans Mante sur Seine, distant de trois lieues du champ de bataille, & là faire teste au Roy pour l'empeschet de prendre, comme il fit, ladite ville, & celle de Vernon, & de passer plus outre vers Corbeil, Melun, Montereau, Prouins, Nogent, Bray sur Seine, Moret, Cheureuse, Crecy, Lagny, Beaumont, Poissi, S. Denis, Dammartin, & plusieurs autres villes & Chasteaux qu'il prit, & par ce moyen rendit la ville de Paris en l'extreme neecessité de viures où elle est. Car au lieu de rallier ses gens de guerre & les retirer, il laissa du tout abandonné le bataillon de Suisses qui l'auoient tant fidellement serui, & comme il eust passé la petite riuere d'Eure qui est près d'Anet, marescageuse, fangeuse & malaisée à gayer, il fit oster les planches du Pont, de crainte d'estre suivi par l'armée du Roy : & par ce moyen fut cause de faire tailler en pieces ce peu de soldats qui se retiroient apres luy ; & d'en faire noyer beaucoup d'autres, voulans passer ladite riuere à gué pour se sauuer comme luy.

Et combien qu'il eust esté fort seurement en la ville de Mante, pour estre bien forte, & par ce moyen la sauuer d'estre prise avec trois canons qu'il y laissa, comme aussi celle de Vernon, il passa outre vers Ponthoife & S. Denis, sans sejourner aucunement.

Si les Princes & Seigneurs (desquels demeura chef feu Monsieur de Neuers) qui se retiroient apres la bataille donnée par feu Monsieur le Connestable près de S. Quentin, ne se fussent attrezés à la Fere, distant

de deux lieues du champ de bataille, & s'ils eussent abandonné ladite ville, l'armée du Roy d'Espagne s'en fust emparée, & à l'instant même passé outre pour assiéger le feu Roy Henri deuxième qui estoit à Compiègne, & quant & quant l'eust pris ou contraint de s'enfuir: pour n'avoir auprès de luy aucun homme de guerre que quelques Archers ordinaires de ses Gardes, parce qu'il avoit enuoyé tout homme portant espee pour assister M. le Connestable en ladite bataille, & au partir de Compiègne le Roy d'Espagne eust amené son armée iusques aux Fauxbourgs de Paris, qu'il eust mis sans doute en son otteissance, tant pour l'effroy grand qui estoit en ladite ville, que aussi comme le peuple n'estoit aucunement armé ni aguerry, ains seulement accoustumé de trauailler à son mestier, lequel malheur n'aduint au Roy ni à la ville de Paris, comme j'ay dit, par la preuoyance & valeur des Princes & Seigneurs eschappez de ladite bataille, lesquels se rallierent en ladite ville de la Fere, & ramasserent tous ceux qui s'estoient eschappez, en enuoyant partie en garnison aux villes de frontiere: afin de leur donner courage de se maintenir & opposer à la force de ladite grande armée d'Espagne, sans auoir crainte d'icelle, combien qu'elle fust composée de 12000. Reistres & de 6000. Anglois que le Duc de Pambruck y auoit amené de la part de la Reine d'Angleterre: outre tant de Lansquenets, Vallons, Espagnols, & Italiens, tellement qu'elle se pouuoit dire vne des plus belles armées qui ait esté faite de ce temps-là: laquelle par la generosité & sage conduite des susdits Princes & Seigneurs, fut arrestée tout court, sans faire autre progres pour toute cette année-là, sinon que la prise des villes de S. Quentin & de Haon.

Si M. de Mayenne en eust fait autant, le Roy de present n'eust pas pris tant de villes, & Paris ne seroit réduit en l'extremité en laquelle il est, parquoy vous deuez connoistre par les effets cy-dessus, & par ceux qui sont ensuiuis depuis ladite bataille, quelle esperance vous deuez auoir en la conduite de Monsieur de Mayenne: les effets qu'il fera encore maintenant, selon les larges promesses qu'il donne à chacun, particulierement aux Parisiens (de degager eux & leurs villes du danger où il les a mis) vous donnent encore plus de lumiere de l'espoir & de l'attente que vous deuez auoir en luy.

Partant ie vous prieray de considerer en quel estat vous vous trouueriez de Chefs, si M. de Mayenne venoit à mourir, ou à estre blessé, ou qu'il tombast griefuement malade, de sorte qu'il ne peust vaquer à la conduite de l'armée: afin d'auiser à quel autre Chef vous pourriez donner la charge de vostre armée, & le maniciement des affaires de l'Estat Roial & Couronne de France. Vous auez M. le Duc d'Aumalle, lequel a desia fait assez ample preuue de sa valcur & sage conduite au siege de Boulongne, qu'il leua sans sonner tabourin en si grande haste, qu'il y laissa partie de son artillerie, comme aussi au siege de Senlis, & en la bataille qu'il perdit là auprès, & enfin en la prudente conduite du gouuer-

nement de Paris & de Rouën ; à la fuite que dernièrement il fit en la ville d'Amiens avec si grand effroy , qu'il laissa perdre la pluspart de ses gens ; & luy creua deux ou trois chevaux à force de picquer. Vous auez M. le Cheualier son frere, ieune Prince, l'experience & prud'homme duquele est notoire à vn chacun. D'autre costé vous auez M. de Nemours âgé de 23. ans, qui est vn Prince debonnaire, & desireux de bien faire; mais nous sçauons tous qu'il n'a iamais porté les armes sinon depuis vn an en ça. Il y a aussi M. le Marquis de S. Sorlin son ieune frere, destiné pour estre Archeuesque d'Aux, lequel toute fois s'est donné aux armes, & a commencé depuis vn an à faire son apprentissage. Vous auez encore M. de Mercœur Prince d'âge competant, & qui a veu la guerre depuis l'an 1576. l'experience & preuoyance duquel vous estant assez connue, ie ne vous en diray autre chose. Reste encore deux de Mess. ses freres; mais comme ils sont bien ieunes & peu experimentez à la guerre, ainsi que vous les connoissez & tous les autres susdits, ie n'en parleray dauantage. Et par ce ie concluray, que vous deuez bien penser à vous-mesmes, afin de ne vous laisser reduire à telle extremité, que par faute de Chef vous soiez contraincts de vous precipiter. Pensez aussi qu'estes sans Roy & que ne pouuez estre en tel estat.

Parquoy reuenez, ie vous prie, à vous-mesmes, & considerez que tous les Princes susdits ne demandent que d'auoir tousiours les armes à la main, pour leur profit & interest particulier. Et sur tout M. de Mayenne ne vous persuadera iamais de les poser pour paruenir à vn repos profitable à nous rous; ains vous incitera tousiours de plus en plus à pourchasser nostre ruine & la desolation de ce Royaume. Car il seroit tres-mari d'Euvesque deuenir Meusnier, & de perdre ce beau grand tiltre qu'il s'est vlsurpé sans pouuoir & autorité, ainsi que i'ay dit cy-dessus, & se trouuer seulement estre M. le Duc de Mayenne Gouverneur de Bourgogne : & ne permettra iamais que vous vous reconcilieiez avec les Princes du Sang de nos Rois, ni qu'en receuiez aucun pour vostre Roy.

Je voudrois gager vne bonne partie du bien que Dieu m'a donné, que si vous eussiez choisi vn Prince du Sang Catholique pour vostre Roy, & d'un commun consentement l'eussiez enuoyé supplier de vouloir prendre ce sceptre, luy promettant toute obeissance deuë à vn Roy souuerain; vos Chefs, & particulierement M. de Mayenne, ne l'eust iamais permis: car il ne veut autre que luy, & seroit le plus grand desplaisir que vous luy sçauriez faire.

Je diray encore vne autre chose, que si vous auiez enuoyé rechercher Monsieur de Neuers pour vous assister, le connoissant pour Prince tres-Catholique & pouruoyant en affaires d'Estat & pour la guerre, qu'il en seroit tres-mari, & entreroit en ialousie estrange enuers luy : pource qu'il ne voudroit aucunement perdre l'autorité qu'il s'est vlsurpée, sçachant bien qu'où mondit sieur de Neuers seroit, qu'il faudroit qu'il luy

quittast la place ; tant pour estre beaucoup plus ancien Capitaine , que plus capable sans compataison en affaires d'Estat & de la guerre : dont il luy fâcherait de mener l'auant-garde , & quitter la bataille à Monsieur de Nevers.

Je vous diray de plus , que si vous auiez enuoyé rechercher Monsieur de Mereœur pour s'employer à la conduite de vostre armée , qu'il ne permettoit iamais qu'il y vint , ou bien que Monsieur de Mereœur mesme n'y voudroit venir , connoissant l'insupportable ambition de Monsieur de Mayenne ; & si vous ne voulez croire à mon dire sans passion , proposez le aux deux parties , & vous verrez si elles ne setont pas appointées contaires.

Si vous demandez aduis au Roy d'Espagne , & à Messieurs de Sauoye & de Lorraine , si vous deuez desirer vn Prince du Sang pour vostre Roy , & rechercher Monsieur de Nevers pour vous assister ; sans doute ils vous diront tous que non , & que vous vous gardiez bien de le faire. Car ils ne desirent auoir de Roy , ni aussi vous voir assister d'un Prince tel qu'est mondit sieur de Nevers , paisible & desireux du bien & repos de nous tous & fort religieux : ainsi que ses actions en ont rendu tousiours assez de tesmoignage , comme elles font encore à present en son Duché de Niuernois , où il s'est retiré depuis la perte du feu Roy nostre bon Maître : ses depottesmens seruans de miroûer à tous ceux qui ont la Religion , la preud'hommeie , & l'honneur en recommandation.

Si vous en demandez l'opinion à tant de petits Rois bertaux , qui desirerent establir leur tyrannie sur nous par la diuision de ce Royaume & de nous-mesmes , ils le dissuaderont de tout leur pouuoir , pour ne perdre le profit qu'ils attendent de la ruine de cet Estat.

Si pareillement vous en demandez conseil à tous ces saffranniers & banqueroutiers qui tyrannisent le peuple des villes ; particulietement aux Curez d'iceilles & aux Predicateurs , ils vous en dissuaderont , pour ne perdre l'autorité & profit qu'ils retirent de ces seditions : & au lieu d'estre honnoréz & respectéz , & de commander sur le Peuple , setrouuer blasmez , iniuriez , & possible lapidez par ceux-là mesmes qui faisoient ioug sous eux , reconnoissans l'occasion de tous les maux qu'ils ont soufferts ne proceder d'ailleurs que de l'insatiable auarice & ambitieuse passion de tels Titanneaux , qui btigandent impunement iusques icy les meilleures villes de ce Royaume , sous pretexte de zele de Religion.

Si vous voulez encore mieux & plus particulièrement connoistre les actions de tels zelateurs , considerez , ie vous prie , l'estat miserable où sont reduites les villes dans lesquelles ils ont des citadelles , & les autres où ils ont plus de forces de soldats estrangers que n'ont les habitans mesmes : & vous trouuerez qu'ils les vous tiennent en telle suiétion & seruitude , que s'ils estoient leurs esclaués & propres ennemis. Car s'ils ont surpris la ville , ou qu'elle leur ait esté donnée pour ville de seurété , ils scauent bien que c'est contre le gré & vouloir des habitans : & partant ne

se fient non plus en eux qu'en leurs ennemis capitaux : estans bien asseurez que si les citoyens pouuoient chasser la garnison & se reduire en la liberté premiere, que sans doute ils le feroient aussitost. C'est pourquoy ce seul soupçon nous tient en aussi grande deffiance, comme les Capitaines des galeres de leurs forçats à la chaisne, qui ne desirent que de couper la gorge à ceux qui leur commandent pour se mettre en liberté. Au moyen dequoy ils les vous tiennent la pluspart de fârmes, logent des soldats en leurs maisons pour esclaireir leurs actions : n'ont aucune autorité aux Portes ni aux Corps de gardes, n'osent sortir & retourner pour leurs affaires, se retiennent de commercer les vns avec les autres, ni aux Prouinces voisines, comme ils souloient faire ; pour ne donner soupçon à Monsieur le Gouverneur. Et s'il a volonté d'auoir quelque chose du leur, ils sont encore trop honteux de luy en faire present teste nuë & en grande reuerence : voire s'ils ont quelque belle fille ou femme, ils n'osent trouuer mauvais ni se scandaliser si Monsieur le Gouverneur la baïse & entretient priuement. Finalement si les soldats ont faute d'argent, il faut que les habitans en trouuent bon-gré mal-gré, & cependant s'il y a quelque veau, mouton, volaille, ou autre chose en leurs mestairies, ils n'oseroient se plaindre de le voir rauer & emporter en la ville, voire en leurs propres legis pour les soldats qui y sont logez.

De mesme, & encore pis traitent-ils les miserables villes qui se sont rebellées contre leur Roy & Prince, & se sont mises en fuyction des Capitaines qui leur commandent, pensans acquerir plus grande liberté qu'elles ne souloient auoir de leur Prince naturel ; parce que leur Gouverneur, ou plustost nouveau Seigneur considerant la rebellion qu'ils ont faite contre leur vray & legitime Prince & Seigneur, sans occasion, pour n'auoir receu de luy que tout gracieux traitement, faueur, assistance & soulagement, a iuste suiet de croire qu'un tel peuple qui s'est donné à luy si inconsiderement & sans merite, n'en ayant receu aucun bienfait, comme il a de son Prince legitime, est plein de legereté & d'inconstance par trop grande, voire d'infidelité & felonnie : & pour ce doit craindre & douter, qu'à la premiere opinion qui prendra à ce peuple volage, il ne se reuolte à bon droit contre luy, pour n'en estre le legitime Seigneur, & ne les auoir obligez d'aucun bienfait. Et pour telle deffiance les assuiétit à foy par la force des soldats forains, afin de leur oster le moyen de secouer le ioug ennuyeux & l'iniuste domination de luy, aussi bien qu'ils ont fait de leur Prince naturel & Seigneur debonnaire ; & pour ce faire y met, comme j'ay dit, telle & si forte garnison, qu'il suppedite les habitans, & s'il peut faire bastir vne citadelle, il ne tarde gueres à le faire : afin de tenir Messieurs les rebelles en la fuyction, voire seruitude telle qu'ils l'ont merité, puis qu'il estoit en leur choix de demeurer en l'honneste liberté en laquelle ils estoient auparauant sous leur legitime Prince : ou se mettre sous le ioug qu'ils ont voulu choisir à l'appetit de leurs Curez & d'autres saffranniers de leur ville, & se tenir à la pire condition

qu'ils eussent sceu eslire. Et s'il y a deniers communs ou d'octroy en ladite ville, le Gouverneur s'en accommodera, pour oster le moyen aux habitants de s'en preualoir tant soit peu contre luy, & penser à pratiquer les moyens de se remettre en leur liberté premiere sous leur Prince naturel & legitime. Au moyen de quoy vous pouvez bien connoistre l'estat miserable auquel se trouuent maintenant telles villes, ayant voulu de leur propre mouvement de libres qu'elles estoient, se rendre esclaves & miserables, voire en la tyrannie insupportable d'un nouveau Tiran leur Gouverneur ou Capitaine.

La ville de Cambrai donne bel exemple aux autres de se maintenir en leur devoir; car apres avoir chassé leur Evesque legitime Seigneur, & le Roy d'Espagne leur protecteur, ils sont enfin tombez sous la tyrannie de Ballagny, qui est maintenant leur Evesque, leur Abbé, leur Seigneur & leur protecteur, disposant du temporel & spirituel de l'Evesché & de l'Abbaye, comme s'il estoit pourueu juridiquement desdites deux dignitez Ecclesiastiques: & tient le Peuple d'icelle en telle captivité pour la des fiance qu'il a d'eux, qu'ils n'osent branler, de peur d'estre chasteiz, luy prouvant bien que s'il leur estoit loisible de se mettre en liberté sous leur vray Evesque & Seigneur, qu'ils ne tarderoient gueres à ce faire.

De forte qu'ils sont ordinairement en telle peine, & en vne autre encore aussi grande: qui est qu'enfin Mess. de la Ligue pour avoir secours du Roy d'Espagne ne les remettent entre ses mains, & en ce faisant qu'ils soient mal traitez par luy & par leur Evesque, pour la rebellion faite contre eux, & pour n'avoir mis peine de se remettre de leur propre mouvement en leur obeissance, de laquelle de gaieté de cœur ils se sont distraits mal à propos, ce que tost ou tard ne faut douter qu'il ne leur arriue. Parquoy cette desloyalle ville de Cambrai outre la misere où elle est de présent plongée, a encore cet autre malheur plus grand qui la talonne de près, & lequel ne luy peut faillir, soit par surprise, traité de paix, ou bien par la force, qui sera le fruit qu'elle pourra dire avoir recueilly de sa perfide rebellion, si plustost & d'elle-mesme elle ne tâche de se remettre en liberté, & en la reconnoissance de son Seigneur, sans attendre de le faire par contrainte. Car tout ainsi que par tel acte genereux elle donneroit occasion à son Prince & Seigneur d'oublier toutes les fautes passées, & la recevoir en sa bonne grace & amitié: elle doit craindre aussi estant reduite malgré elle d'estre mal-taillée par sondit Seigneur, ou à tout le moins n'estre point aimée, chérie & fauorisée comme elle a esté par le passé.

Remarquez, ie vous prie Messieurs les Bourgeois des villes, le bel exemple que cette miserable ville vous represente, comme un beau miroir pour vous reconnoistre, afin de ne tomber en telle necessité qu'elle est à present: & pour ce vous donner garde de vous laisser abuser, & faite chose contraire à vostre honneur, profit & liberté, à l'appetit des

ambitieux qui desirent s'agrandir à vos despens, sous ce beau & tant précieux pretexte de Religion & du soulagement du peuple. Conservez bien soigneusement, ie vous prie, vostre liberté, si tant est qu'elle soit encore en vos mains, pour en user comme Dieu vous l'ordonne. Et celles qui se sont laissées couler sous le ioug de servitude, qu'elles ne tardent plus à se remettre en leur précédente liberté. Car le masque est levé, c'est à dire, ce manteau de Religion, duquel ces Mess. les Zelateurs sont si soigneusement revestus, est tombé par terre, & a decouvert les passions & affections qu'ils ont eues, & ont de se vanger & autoriser aux despens de l'honneur de Dieu, du sang & de la propre vie de nostre Roy, & de la mouëlle de nosos, sans se soucier d'exalter nostre sainte Religion Catholique, & rendre le soulagement & repos nécessaire & tant désiré par tous les trois Estats de ce Royaume, particulièrement du miserable & affligé peuple. Car la ruine de qui que ce soit leur est ieu, moyennant qu'ils puissent parvenir à leur but, ainsi que tant & tant d'exemples cy-dessus alleguez le vous doiuent désormais faire connoistre.

Vous avez sceu la desolation en laquelle ils ont réduit dès le commencement le pauvre peuple Catholique à deux lieues à la ronde de Paris, & du tout voüé, incorporé, & affectionné à leur si sainte Vnion. Et de fait, ils se plaignent d'avoir receu sans comparaison beaucoup plus de maux des gens de guerre de ceux de leur Ligue, qu'ils n'en ont eu de ceux du feu Roy, ni de cettuy-cy. Ce qui est croiable; car le vray Prince legitime aime paternellement les siens, & desire de leur apporter toute aide & secours, & non pas les ruiner: au contraire celuy qui n'a aucune jurisdiction sur les villes & villages où il passe, n'a aussi aucune commiseration du mal que le Peuple endure: non plus que tesmoigna en avoir la femme qui avoit suffoqué son enfant, de permettre que celuy de sa compagne fut mis en deux pieces pour en avoir vne, pource qu'elle n'estoit pas sa mere, ainsi que Salomon l'ordonna pour connoistre à qui l'enfant appartenoit. C'est pour quoy les Rois ont pitié de leurs sujets, & les soulagent tant qu'ils peuvent pour les conserver, ainsi que Dieu leur commande de faire, & qu'ils le doiuent, pour en tirer le profit ordinaire. Au contraire l'usurpateur n'a pitié de personne, & ne se soucie du mal d'un peuple qui ne luy est rien, n'ayant non plus d'intérêt à sa conservation, qu'à sa ruine, ainsi que ie vous ay cy-devant dit.

Si les belles & sages admonitions que vous a données depuis peu l'Auteur de l'advertissement aux Bourgeois de Paris, ne vous ont de rien seruy, faites pour Dieu que celles-cy vous servent à reprendre vos esprits: afin de vous remettre sur le droit chemin de faire ce qui est nécessaire pour la delivrance de ce Royaume des mains de tant de Tirans qui pourchassent sa ruine, ainsi que ie pense le vous avoir bien amplement deduit. Car si nous retardons encore quelque temps davantage à y remédier, nous le voudrions faire lors qu'il ne sera plus en nostre pouvoir. L'occa-

sion est chauce, & ne se peut recouurer : parquoy tandis que nous auons le moyen de conseruer ce Royaume entier en l'estat auquel il est, ne permettons qu'il soit dissipé, voire desehiré en tant de parts, autrement il ne feroit plus en nous de le remettre en son entier.

Peuple François considerez, ie vous prie, que nous ne pouuons estre sans Roy, & qu'il faut que nous en ayons vn, ou plusieurs. Si nous en voulons auoir plusieurs, nous tomberons en la tyrannie inéuitable, de laquelle ie vous ay cy-deuant parlé. Mais si nous nous remettons sous vn Roy comme nous & nos predecesseurs auons esté depuis douze cens ans en ça, nous esteindrons & abbatrons du tout la tyrannie, & ceux qui la veulent establir à nos despens & de nostre posterité : & euitrons par ce moyen les calamitez que la diuision de ce Royaume nous apporteroit.

Vous n'avez rien qui vous doie plustost faire resoudre à vous ranger sous la Royauté legitime, que la connoissance des deportemens des Chefs de vostre Vnion, qui ne demandent pas mieux que de vous entretenir tousiours en halaine, pour se maintenir en la Tyrannie usurpée sur nous : ne pretendans que d'abolir & esteindre le nom de Roy, pour en auoir tous seuls la puissance & presque le nom en la main. Comme vous l'avez peu reconnoistre au long delay qu'ils ont pris (ainsi que nous l'auons dit cy-deuant) auant que proclamer Roy feu Monsieur le Cardinal de Bourbon, apres s'estre ouuettement rebellez & procedé à leur sorte degradation, contre le feu Royd heureuse memoire, & apres l'auoir fait si proditoirement massacter.

Cette mesme occasion les retient maintenant de proclamer vn autre Roy, puis qu'il a plu à Dieu appeller Monsieur le Cardinal de Bourbon. Car desia sont presque quatre mois que Dieu a retiré à soy l'ame de ce Prince, & neantmoins vous n'avez point ouï parler qu'ils ayent prié de proclamer pour Roy aucun de nos Princes du Sang Catholiques, puis qu'ils reiettent (comme ils disent) le Biarnois. Car ce n'est pas seulement où le malheur tient, de reietter ce Roy à cause de sa Religion, mais bien d'abolir du tout ce nom de Roy, & sous le nom de Lieutenant general, exercer la puissance Royale, pour se l'acquerir & conseruer à loy-mesme :

Pensez-vous qu'ils desirassent qu'aucun Prince du Sang Catholique fût nostre Roy? Non à la verité. Car au contraire, ils ont desiré de les debouter de la succession par tous les artifices qu'ils ont peu inuenter, soit pour leur faire croire qu'ils estoient elloignez de dix degrez de la lignée du feu Roy, (comme i'ay dit cy-deuant) qu'auisi pour les faire estimer fauteurs d'heresie : ainsi qu'ils l'ont tesmoigné par vn acte qu'ils ont fait faire le septiesme de May dernier en la Sorbonne de Paris, où contre tout droit diuin & humain, ils soustiennent qu'eneore que le Roy eust fait profession de nostre sainte Foy Catholique, & obtenu absolution, & que Messieurs les Princes du Sang qui le suiuent (qu'ils appellent fauteurs d'heresie) eussent esté absous de ce crime de fauteurs, que ce neant-

moins ils doiuent estre exclus comme Henry de Bourbon, de la suceſſion de la Couronne; & que quiconque s'oppose à eux, fait œuvre méritoire deuant Dieu: & qui meurt en cette querelle, est martyr & doit estre réclamé tel. Voila la belle doctrine des Sorbonistes de l'Vnion, & de leurs Chefs qui acheptent leurs aduis, lesquels ils font passer en force de Loy, sans qu'ils ayent aucune iurisdiction.

Parquoy si vous vous attendez à eux qu'ils en appellent vn pour estre Roy, vous verrez pluſtoſt ce Royaume diuiſé en mille parts, que cela ſoit iamais. Car ce qui est bon & propre à tout l'vniuerſel de ce Royaume, qui est d'auoir vn Roy Catholique iſſu du Sang de S. Louis, est à eux tres-pernicieux & dommageable à leur ambition; comme auſſi au Roy d'Eſpagne, & aux Ducs de Sauoye & de Lorraine.

Le ſuis contraint encore de vous prier de conſiderer que telle a eſté la haine & enuie qu'ils ont portée à Meſſieurs nos Princes du Sang, que les petits enfans meſmes ont connu que leur intention a eſté de les ſupplanter de la Couronne pour s'y eſtablir. Ce que Meſdits Seigneurs nos Princes ont bien appetceu, meſme en la perſonne de feu Monsieur le Cardinal leur Oncle: duquel les Chefs de la Ligue ne ſe ſont iamais ſeruis (comme dit est) ſinon que comme d'un eſchaffaut de Maçon, pour paruenir au comble de leur baſtiment, qui eſtoit le ſeptre de la Couronne.

Donc telle haine & enuie eſtant remarquée & connuë de chacun, vous deuez croire que iamais aucun Prince du Sang ne voudra hazarder ſa vie & ſon honneur entre les mains des Chefs de l'Vnion, les tenant pour ſes capitaux ennemis, qui ont eſſayé d'oſter auſdits Princes du Sang l'honneur & la legitime ſucceſſion de cette Couronne; ce qu'avec plus iuſte cauſe ils pourroient faire, ſi l'armée eſtoit immédiatement dependante de noſtre S. Pere, & non pas de leurs ennemis, qui ne tendent qu'à leur ruine.

Il nous reſte maintenant à reſpondre à certaines obiections que vos auteurs de ſedition vous ont imprimées contre les Principaux Catholiques Royaux, auſquels ils vous ont voulu rendre ennemis irreconciliables, par les iniures que vos Chefs vous ont induit à leur faire. Vous dites publiquement en premier lieu, que tous bons François ſe deuroient ioindre & venir avec vous en cette cauſe, & pretendez nous taxer de la ruine de la Religion Catholique en ce Royaume, & de la deſolation du Peuple, par faute de nous aller ioindre avec vous. A quoy ie reſpons, que tout ainſi que de vous-mesmes ſeuls auez voulu faire vne ſi grande & importante reſolution, prendre les armes contre noſtre Roy, le degrader à voſtre fantaſie, & le mettre à mort en eſſet, & cauſer la ruine de tant de pauvre peuple: vous ne deuez trouuer eſtrange, ſi nous n'auons pas voulu apres la mort de noſtre Roy nous ioindre avec vous; afin de n'eſtre blaſmés d'auoir eſté participans, voire coupables de l'opprobre & maſſacre commis en la perſonne de noſtre bon Roy l'Oinct de Dieu, & de la deſolation de ſon Royaume. Car ſ'il vous euſt plu nous en de-

mander aduis, auparavant que d'effectuer vne si dangereuse & si pernicieuse entreprise, ainsi que vous le deuez auoir fait pour estre aussi bien membres de l'Estat comme vous, & du corps des trois Ordres d'iceluy; avec lesquels vos Chefs ont dit dès le commencement qu'ils estoient vnis: nous eussions vnanimement aduisé de faire ce qui eust esté le plus conuenable pour le bien de la Religion & de l'Estat: où vous n'eussiez engendré vne telle diuision & diuorce, comme vous auez fait par vostre precipitation, en degradant ineptement la personne de nostre Roy, sur l'auis soudainement donné & presché publiquement par les Theologiens de la Sorbonne & vos Predicateurs de Paris, quinze iours apres la mort & emprisonnement des susdits Princes: sans attendre l'approbation dudit aduis par la Sainteté, vous mettant en danger, ou que le Pape vous desauoiaist de tous vos actes passez, ou que vous-mêmes l'eussiez desauoüé, comme vous l'en menassiez desia. Et ainsi que vous ferez toutes fois & quantes qu'il ne se gouvernera à vostre fantaisie. Parquoy si de propos delibéré & de gayeté de cœur auez mis en danger la Religion & l'Estat, & pourchassé la ruine des trois Ordres d'iceluy, vous deuez comme en estant responsables, reparet toutes les choes en l'estat auquel elles estoient lors de vostre souleuation; & puis qu'il ne se peut faire que les choses passées ne soient faites, remedions au moins à l'aduenir: afin d'empêcher qu'elles n'augmentent: & taschons de les restaurer en leur premier estat, comme vous le pourrez faire en vous depouillant de la souveraine autorité Royale, & l'attribuer à ceux à qui iustement elle appartient. Car ie vous puis asseurer qu'ores que grande partie de nous tousallast se ioindre avec vous, les Princes du Sang, autres Princes, Officiers de la Couronne, & Seigneurs ne s'y ioindroient iamais, pour auoir connu que les Chefs de vostre Vnion ont désiré, desiré & pourchassé tous les iours leur ruine.

Voudriez vous qu'ils les lassent reconnoistre, & autoriser la Lieutenance generale, ou plustost imaginaire de M. de Mayenne? Ils declament tous les iours contre elle, pour ne luy auoir esté legitimentement attribuée, ainsi que l'ay dit cy-deuant. D'ailleurs il s'est déclaré ennemy formel de tous ceux qui estoient seruiteurs fidelles du feu Roy. Il se fait accroire, qu'aucuns des principaux ayent esté consentans de la mort de Mess. les Cardinal & Duc de Guise: & tâche par tous moyens de s'en vanger contre eux. Ils le reconnoissent vindicatif, & qui ne pardonne les iniures receües, selon que les effets de sa main l'ont témoigné. Comment donc voudriez vous qu'ils s'allassent mettre en la puissance? Ils ne sont pas si mal aduisez que de le faire, & ne faut pas que vous vous attendiez que iamais ils le fassent, iusques à ce que cette Lieutenance generale soit flestrie, & que toutes les villes de ce Royaume indifferemment conspirerent à vn mesme but, comme à la verité elles deuroient faire, pour se reunir toutes à conseruer cette Couronne.

Car lors si l'on s'estoit departy de le reconnoistre pour tel, & que l'on

se fust rangé à l'obeissance de ce Roy, avec les remonstrances & supplications appolées en fin de ce traité, ou que vous eussiez appelé d'un commun consentement, un Prince du Sang Catholique pour estre vostre Roy, vous eussiez veu plusieurs autres personages de qualité qui vous eussent suivis, voire j'ose dire que si M. de Mayenne estoit depouillé de l'autorité qu'il s'est usurpée, le Roy se feroit Catholique, & nous aurions tous (ce qui nous est si nécessaire) un bon Roy Catholique pour nous regir & gouverner ainsi que nos Rois cy-deuant ont fait. Car tandis qu'il verra cette Lieutenance generale equipollente à l'autorité Royale, il est à craindre qu'il ne se fasse iamais Catholique, pour ne donner à penser qu'il le fust deuenu, pour crainre qu'il auroit eü de l'autorité de M. de Mayenne. Au contraire quand il verroit toutes les villes de ce Royaume indifferemment vnies avec les Princes & Noblesse, à le reconnoistre pour Roy & vray heritier de la Couronne, & le supplier de se faire Catholique, & se faire sacrer à Rheims à l'imitation de ses Predecesseurs, vous devez fermement croire que vous & nous recevriez le contentement que nous desirons, & nous est nécessaire.

Ne vous laissez plus, ô François Catholiques, ébloüir, endormir, voire endurcir par les Princes estrangers & les Chefs de l'Vnion, & les saffranniers & banqueroutiers furieux qui vous dominent en vos villes: esloignez les d'avec vous; n'adioustez plus de foy aux perniciox conseils qu'ils vous ont donnez; ne vous laissez plus mener aux impostures dont ils ont voulu ébloüir les yeux de chacun: & vous proposez que si le succez de leur entreprise n'a tellement reüssi comme ils le desiroient, ç'a esté que Dieu n'a pas voulu favoriser leur mauuaise intention. Au moyen dequoy vous avez peu connoistre quels ont esté les effets qui se sont ensuiuis de la prise des armes: la mort de nostre Roy tres-Catholique & sacré par deux fois: l'entiere desolation de ce Royaume tant florissant & formidable à toutes nations, tant Chrestiennes que barbares & infidelles: la deprauation de la discipline Ecclesiastique: la ruine de plusieurs beaux grands edifices: la cessation de la iustice, du trafic, du labourage des terres, de la conuersation mutuelle que nous soulions auoir entre nous par lettres & en presence, qui nous apportoit tres-grand contentement & consolation: l'interruption des alliances & mariages que l'on faisoit de diuerses & loingtaines Prouinces, la manufacture des draps, toiles, cuirs, papiers, & autres; la cessation desquelles a engendré vne tres-grande disette de toutes marchandises, & particulièrement des viures, & qui pis est, a rendu vne haine & inimitié si mortelle parmi les mesmes Catholiques & sans occasion, qu'elle n'a iamais esté si grande entre les Catholiques & les Huguenots. Chose à la verité digne d'estre bienremarquée, pour vne tres-grande punition de Dieu preueüe par l'Autheur de l'aduertissement aux Bourgeois fol 99. 100. 101. & suivans.

.. D'abondant, comme j'ay dit, telle prise des armes a donné les moyens

à toutes personnes meschantes de perpetrer toutes sortes de sacrileges, impietiez, volleries, homicides, violemens, comme bon leur semble, sans crainte d'estre seulement repris; tant s'en faut qu'ils en soient chastiez: & qui plus est, a ouuert la porte aux estrangers pour venir assaillir ce Royaume de toutes parts, afin de le dissiper, comme ils s'efforcent de faire, & d'y allumer vn feu si grand de tous costez, qu'il soit cy-apres du tout impossible à personne de l'esteindre, & d'empescher qu'il ne l'embraze, & qu'il ne réduise tout en cendre: qui fera le profit que nous aurons receu d'auoir creu & adheré à nos ambitions remplies de vengeance. Car outre le mal que nous receurons de nostre temps, nous laisserons la plus detestable memoire à nostre posterité que iamais fit peuple du monde. Parce que si nous n'y remedions, nous aurons esté cause de la ruine de nostre propre patrie, quelque pretexte ou manteau de Religion dont nous voulions nous seruir de couuerture.

Doncques, Peuple François, Peuple Chrestien & Catholique, Peuple fidelle à nos Rois, Peuple amateur de la conseruation de l'autorité du Royaume, recueillons-nous, receuillons-nous, & ne retardons plus à nous mettre en deuoir de remedier à telles misères & calamitez qui nous talonnent. Car il est temps aujourd'huy, parce que ce qui nous fera aujourd'huy assez facile à faire, il est à craindre que demain il soit difficile, & apres-demain impossible à effectuer.

Monsieur de Sauoye ne pert point de temps, & pense auoir bonne part en la Prouence, comme ie cuide qu'il y aura par la suscitation de ceux qui sont ses pensionnaires & du Roy d'Espagne.

Croyez aussi que le Roy d'Espagne ne s'endort aucunement, & n'oubliera aucun bon deuoir à souffler & allumer le feu en ce Royaume, plutôt que de permettre que iamais il s'esteigne.

Malheureux donc trois & quatre fois sera celuy vray François, qui ne s'employera à restaurer & conseruer sa patrie. Malheureux, & cent millions de fois plus infame & maudit le François qui trahira sa patrie, & pour son ambition luy pourchassera sa ruine: & de libre & franc qu'il est, aura le cœur si lasche & selon, qu'il aimera mieux se mettre en la seruitude & tyrannie d'autres Princes estrangers, que de viure sous la douce domination des Princes issus de nostre bon Roy S. Louis.

L'on nous met en auant que ce Roy est Huguenot, & partant qu'il ne le faut pas reconnoistre, qui est autant à dire, qu'il ne faut pas trouuer les moyens pour le supplier de se faire Catholique: ains sous tel pretexte continuer la guerre, iusques à ce que la necessité mesme la nous ait fait cesser, & cependant faire trébucher vne grande partie des bonnes villes de ce Royaume, particulièrement celles de la frontiere, entre les mains du Roy d'Espagne & d'autres Princes estrangers, & en ce faisant dissiper cette tant honorable & glorieuse Couronne, sans considerer le malheur qui en peut aduenir. Car s'il plaisoit à Dieu d'inspirer ce Roy d'estre Catholique, ou bien s'il venoit à mourir, & qu'il succedast à luy l'un de nos

Princes du Sang qui sont Catholiques, comme il peut aduenir aussi-tost l'un que l'autre, n'ayant enfans ny esperance d'en auoir, & ayant desia atteint l'âge de trente sept ans, que deuiendroient les miserables villes qui se feroient laissées diltraire de cette douce Monarchie, pour se soumettre à la tyrannie d'autres Princes estrangers; elles auroient beau crier à l'encontre de ceux qui les rendroient lubiuguez pour les remettre en liberté, parce qu'ils n'en feront rien, & les traiteroient avec toute rudesse pour la crainte qu'ils auroient qu'ils ne secoüassent le ioug de leur seruitude: voire il y auroit à craindre qu'ils ne transférassent partie du peuple en d'autres bourgades & lieux ouuerts, & remissent en leur place d'autres de leur nation, comme l'on fait quand l'on se veut asseuer des habitans des villes conquises; qui seroit le profit que ces miserables villes receuroient d'auoir tant hasté leur ruine par la persuation des Chefs ambitieux, & sous crainte imaginaire. Car à la verité tout homme de bon iugement connoistra que ce Royaume ne peut tomber en heresie, comme celuy d'Angleterre, pour la grande quantité de villes fortes & Catholiques, & si grand nombre de peuple ennemi & animé contre les Huguenots, qui ne permettront iamais que l'heresie soit plantée parmi eux. Car le Royaume d'Angleterre estant sans foiblesse, il est contraint d'obeir à celuy qui est le plus fort en campagne. Et s'il y a des Princes, Officiers de la Couronne, & grands Seigneurs près du Roy, croyez qu'ils seront les premiers à l'abandonner, toutes fois & quantes qu'ils verront chose preiudiciable à la Religion Catholique; & comme il ne seroit assisté que de Huguenots de ce Royaume, il n'auroit autorité de ce faire en cent ans, s'il viuoit autant; chose que deuez croire qu'il connoist fort bien, & iuge luy estre impossible de faire quand bien il auroit cette volonté. Au moyen dequoy vous deuez croire que Dieu ne desire abandonner ce Royaume, & qu'il ne permettra qu'il soit distrait de l'observation de la Religion Catholique. Je ne dis pas que si le Roy estoit plus ieune qu'il n'est, & qu'il eust desia des enfans, ou qu'il eust vne femme legitime avec laquelle il en peust auoir, & qu'il y eust apparence d'en voir quelqu'un en l'âge de vingt ou vingt-cinq ans auparauant sa mort, ou bien que dès à present il y eust quelqu'un de Mess. les Princes du Sang Huguenot, l'on pourroit fortifier cette doute: mais comme toutes ces difficultez s'opposent, vous deuez croire que ce Royaume ne peut faillir de tomber entre les mains d'un Roy Catholique, moyennant que nous le conseruions d'estre dissipé, comme j'ay dit, par les estrangers. L'on me pourra dire que ce Roy se remariera & repudiera la Reine sa femme, comme fit le Roy d'Angleterre. Je vous respondray, qu'il ne le peut faire sans mettre le schisme en ce Royaume, chose qui altereroit tous les Catholiques, & les feroit bander contre le Roy, & donner belle matiere aux successeurs Princes du Sang Catholique, de debatre les enfans nez en tel mariage non legitime; à quoy sans doute il seroit as-

sisté de tous les bons Catholiques François. Ce que ie vous ay voulu dire, pour vous ouurir l'esprit a mieux connoistre l'estat de ce Royaume, afin d'empescher de precipiter ceux qui y sont persuadez, non pour leur bien, mais pour authoriser les ambitieux des Chefs de l'Vnion.

Helas! nous auons veu de nos propres yeux tant de familles grandes & riches, de plusieurs personnes qui de leur temps ont esté estimez, honorez & respectez, à cause de leurs richesses, grandeurs & territoires, les enfans desquels pour auoir esté mauuais mesnagers & consommé l'heritage de leurs Peres, n'ayans plus dequoy entretenir la grandeur & la splendeur de leur Maison, ont esté dédaignez & méprisez autant & plus, que leurs peres auoient esté honorez & estimez.

Ainsi sera de nous, si vne fois nous auons dissipé l'heritage des Rois nos predecesseurs. Car toutes les autres nations nous mespriseront, se mocqueront de nous, & nous fouleront aux pieds; tout ainsi que par le passé elles nous ont redouté, craint, respecté & honoré. Nous pratiquerons le prouerbe commun, Que le battu payera l'amende. Nous ressentirons beaucoup de mal; & d'abondant nous serons bassouiez par toutes les nations de la terre, pour auoir eu le choix de nostre bonheur & malheur, & auoit choisi le pire.

Et par ce reiettons ceux qui nous veulent maistriser & tyranniser en nos villes, & prendre l'autorité Royale sous le tiltre de la Lieutenance generale: & mettons peine d'auoir vn Roy Catholique du Sang de nos Rois, & de reioindre tous les autres Princees & Officiers de la Couronne ensemble. Car, comme ie vous ay dit, il est à esperer que si tous vnanimement auons reconnu ce Roy pour nostre vray & legitime Roy, & supplié à iointes mains sa Maiesté de vouloir se ranger à la Religion Catholique, Apostolique & Romaine, en laquelle tous les Rois les predecesseurs ont vescu & sont morts, comme nous & tous nos predecesseurs ont fait depuis douze ou treize cens ans en ça: il auroit agreable nostre iuste requette; mesmes quand nous tous vnis en semblable supplication luy remonstrerions, que depuis la Conuersion du Roy Clouis faite l'an 499. iusques à present, qui sont presque vnze cens ans, il n'y a iamais eu Roy tant soit peu soupçonné d'heresie non qu'heretique, & que tous de main en main ont voulu estre sacrez du saint huile ecclesie apporté par l'Ange à S. Remy: & apres auoir esté sacrez par cette sainte onction en la presenee des Pairs Ecclesiastiques & laiz, estre immediatement reccus & proclamez pour Rois par tous leurs suiets, & reciproquement promettre en la presenee du Corps de Iesus. Christ Nostre Sauueur, de conseruer la Religion Catholique, & l'accroistre de tout leur pouuoir; comme aussi tous les priuileges des trois Estats de ce Royaume, particuliere-ment de celuy de l'Eglise, chose que sa Maiesté ne pourroit faire sans se reduire à la Religion Catholique, ny pareillement guerir des Ecrotielles, selon la puissance que Dieu a donnée à nos Rois apres leur sacre. Dauantage, que les saints Petes de Rome n'admettront iamais au regi-

me & administration des Eueschez & Abbayes ceux que sa Maiesté y nommera, iusques à ce qu'il soit reduit à la Religion Catholique. Au moyen dequoy ne pourroit que s'en ensuiure vn grand schisme en l'Eglise. Car ceux que sa Maiesté auroit nommez, voudroient iouir des biens de l'Eglise en vertu de leur œconome, nonobstant qu'ils n'eussent bulle ny prouision du S. Pere. Parquoy ils ne seroient reconnus ny obéis par les Chapitres des Chanoines ny Religieux des Abbayes, pour n'auoir aucune legitime autorité sur eux : dont s'ensuiuroit qu'il n'y auroit Euesques pour sacret des Prestres, & faire des saintes huiles, & autres militeres pontificaux, desquels l'Eglise Catholique ne se peut passer : ce qui ameneroit en peu de iours vn desordre tres-grand en la vie & discipline Ecclesiastique, & peu de temps apres vne desolation enicelle ; & d'autant plus si le Pape, pour remedier à tel inconuenient, prenoit resolution de pouuoir absolument & à son choix personages qu'il estimeroit dignes & capables, aux Eueschez & benefices vacans ; parce qu'il faudroit tenir pour tout assuré de voir bien-tost arriuer vn schisme en l'Eglise : chose que nous tous Catholiques deuous eui-
rer, & pareillement sa Maiesté.

Aussi que la parole de Dieu ne peut manquer, *Omne Regnum in seditione desolabitur*, & partant que nous aurions deux Religions en ce Royaume, & que les Parlemens & autres Cours souueraines & subalternes, Bureaux de Finances, Officiers de la Couronne, Gouverneurs & Lieutenans generaux des Prouinces, Gouverneurs & Capitaines des places & compagnies, seront bigarez en la Religion : que iamais il n'y aura paix ny repos en ce Royaume, voire en la propre Cour du Roy, si-tost que la paix sera faite. Car nous auons veu par experience, que les Catholiques & les Huguenots ne se sont iamais peu accommoder ensemblement, & qu'il faudroit enfin qu'ils quittassent la Cour aux Priñces, Seigneurs & Officiers Catholiques.

Dauantage que la ceremonie des Ordres de S. Michel & du S. Esprit cessera, parce qu'elle se fait en l'Eglise de Dieu, & avec vn serment, voire vœu si beau & si solemnel que le feu Roy a institué, par le moyen desquels Ordres nos Rois sont coustumiers d'honorer & gratifier les plus grands & les plus dignes personnages de ce Royaume ; ce qui defaui-
droit à l'auenir.

Si le Roy desire aussi d'auoir des enfans legitimes & bien assurez, il faut que ce soit par l'autorité de nostre S. Pere. Car autrement les enfans qui prouiendroient de luy, seroient suiets à estre debattus, & avec raison, par les successeurs Princes du Sang Catholiques.

Finalement nous remonstrerions à sa Maiesté, que s'il ne luy plaist de se faire Catholique, il sera cause de renuerfer en tout & par tout l'Eglise Catholique, & desioindre nostre S. Pere d'avec ses vrayes brebis, voire de l'animer & nous fulminer iustement de censures Ecclesiastiques, au preiudice du salut de nos ames. Car le schisme qui seroit in-
roduit

troduit en ce Royaume ne prouiendrait pas de la faute du S. Pere ; mais de nous tous, pour nous estre distraits sans cause & raison de son obeissance ; à cause dequoy l'offense que nous aurions faite envers Dieu seroit tres-grande, & la peine eternelle insupportable à nos ames. Au moyen dequoy tout bon Catholique doit desirer d'éviter de tomber en tel malheur, & à cet effet supplier tres-humblement sa Maiesté de ne permettre que nous y tombions ; chose qu'il ne faut douter qui ne soit prise en fort bonne part de sa Maiesté, comme tres-juste.

Et pour le regard de la crainte qu'aucuns Huguenots ont voulu imprimer en la fantaisie de sa Maiesté, que si elle se faisoit Catholique elle seroit abandonnée par eux : nous le supplions encore tres-humblement de considerer la qualité & quantité qu'il y a de Huguenots en ce Royaume, afin de iuger qui sont ceux qui ont le plus de pouuoir de le maintenir pour Roy.

Et ne doit sa Maiesté aucunement craindre d'estre delaisée & abandonnée par la Reine d'Angleterre, ny par les autres Princes protestans d'Allemagne, ny des Suisses, bien qu'elle se fist Catholique, non plus que les Rois ses predecesseurs l'ont esté par eux aux occasions qui se sont presentées pour les secourir quand ils en ont eu besoin : pour le grand interest qu'ils ont à la conservation de ce grand Royaume, afin de contrepeser & s'opposer à l'autorité du Roy d'Espagne, pretendant les subjuguier.

Aussi que l'on sçait assez la grande difference & debat qu'il y a entre les Lutheriens & Calvinistes, qui fait que lesdits Princes protestans n'ont pas plus en affection que ce Royaume demeure Calviniste, que Catholique, comme il a esté cy-deuant monstre ; parce que les Ministres Lutheriens sont autant ou plus animez contre les Ministres Calvinistes, que contre nos Theologiens : & seroient bien marries que l'heresie Calviniste augmentast par-dessus la Lutherienne. Ce qui fera qu'ils ne se formaliseront aucunement contre sa Maiesté, lors qu'il luy plaira d'embrasser la Religion Catholique : sçachant bien que ce ne sera pas pour leur faire la guerre ; mais seulement pour viure heurcusement en paix en son Royaume avec ses Sujets.

Particulierement les Suisses s'en formaliseront aussi peu, parce qu'ils sont diuisez entre eux en la Religion ; & qu'ils ont grand interest à la conservation de ce Royaume, tant à cause de l'alliance qu'ils ont avec iceluy à la manutention du General de leurs Liges, que pour les grandes dettes qui leur sont deuës par la Couronne, y ayant plusieurs Colonels, Capitaines, & autres particuliers presté leur argent à interest ; outre les grandes pensions annuelles qu'ils ont accoustumé de retirer de ce Royaume ; dequoy ils se trouueroient tout à coup frustrez aduenant sa diuision.

Et quant au Pape & au sacré College de Messieurs les Cardinaux, il ne faut douter qu'ils ne prestassent toute ayde & faueur à sa Maiesté,

pour l'establis & conseruer paisible en son Royaume, afin d'éuiter de tomber en la domination & suiétion du Roy d'Espagne.

Tous les Potentats d'Italie en feront de mesme, pour l'interest qu'ils ont à la conseruation de ce Royaume.

Le diray dauantage, que le Turc fauoriseroit sa Maiesté, pour empêcher la grandeur du Roy d'Espagne.

Au moyen dequoy la Maiesté pourroit bien connoistre qu'elle ne perdrait rien de l'autorité Royale, quelque chose que les Huguenots voulussent proposer : ains que c'est le seul moyen pour s'y establis & s'y conseruer.

Et faisant le contraire, qu'elle rendra tous ses labeurs infructueux. Car comme l'on connoistra que le Roy différerà sa conuersion, & qu'il aduancera les Huguenots aux Estats & Charges; il verra deuant soy les villes se distraire de son obeissance, qui s'y sont volontairement données, sur l'assurance qu'elles ont eu dès son auenement à la Couronne, qu'il se feroit Catholique dans quatre ou six mois pour le plus; mesme si ceux de l'Vnion se despartent de la reconnoissance de l'autorité que leurs Chefs ont vsurpée sur eux. Parce que l'Vnion des Catholiques Royaux & de ceux de la Ligue se fera facilement & sans aucune difficulté: d'autant qu'ils ne craindront plus d'estre tyrannisez ny mal-traitez par les Chefs qui sont de present, selon les menaces & les effets qu'ils en reçoient tous les iours.

Et partant nous auons iuste oecasion de croire, que peu apres auoir fait à sa Maiesté telles remonstrances si preignantes & si veritables, Dieu les fauoriseroit, & qu'elles seroient par luy embrassées de bon cœur & accomplies; mesmes s'il voyoit que l'on n'eust aucune autre intention que de conseruer ce Royaume entier sous vn Roy Catholique & de la lignée de S. Louis; qui est tout l'honneur, bien, & contentement que ie desire auoir en ce monde, & que ie supplie Dieu me donner auant la fin de mes iours; afin que ie puisse dire comme le bon Simcon,

Nunc dimittis Seruum tuum Domine.

ADVERTISSEMENT.

ENcore qu'il semble que M. de Nevers n'a pas écrit le Discours suivant, il est néanmoins très-certain qu'il en est l'Auteur, & qu'il n'y a parlé de lui en troisième personne, que pour ne pas rougir de ses propres louanges, & ne se pas exposer à la fureur brutale des Espagnols de la Ligue. Ce Prince ayant tantôt toutes choses enant & depuis la mort de Henry III. pour obtenir la liberté de Mad. la Duchesse de Longueville sa fille, & des autres Princesses qui estoient prisonnières avecque elle, & voyant que sa condition, son credit, sa patience & ses prières ne pouvoient fléchir l'inhumanité de ses ennemis, il résolut d'apprendre à toute l'Europe la grandeur de son déplaisir & de son ressentiment. Voilà la véritable raison de cet écrit. Il faut demeurer d'accord que sa publication n'est pas l'effet qu'il s'en estoit promis. Mais si les Princesses prisonnières ne reconnerent pas leur liberté par cette voye, toutes les personnes raisonnables en furent tellement touchées, qu'elles conceurent une horreur extraordinaire contre la dureté de ces ames dissimulées, qui voulant parojtre toutes brûlantes de zèle & de chasteté, se déclarent en mesme temps ennemies de l'humanité, du sang & de la nature. Les justes reproches que l'on leur en fit, & dans les Provinces, & dans Paris mesme, passerent insqu'à Rome, & renouvelerent celuy qui estoit assis sur la chaire de S. Pierre. Tout preneux & tout passionné qu'il estoit, il fut frappé de la barbarie des faux zèles, & commanda au Cardinal Montalte d'écrire pour la liberté des Princesses, au Cardinal Cajetan, qui estoit Legat en France. Il est à croire que le Legat s'acquiesça des ordres qu'il avoit reçeus de S. S. & si la lettre qui est à la fin de ce discours est sincère, il eust de fort bonnes paroles de M. du Mayne sur ce sujet. Cependant ny cette promesse, ny le gain de la bataille d'Ivry, ny plusieurs autres grans progrès des armes de Henry IV. n'ouvrèrent point la prison de ces Princesses. La haine & la vengeance allerent insques au bout, & tant qu'il y eust quelque reste d'esperance dans le cœur des Ligueurs, il n'y en eust point pour les Princesses. Mais enfin le bon Party étant par tout le plus fort, Dom Juan d'Autriche étant mort, qui le premier de tous les Espagnols avoit coniué la dissipation & la ruine de la France avec les auteurs de la Ligue, Le Duc de Parme l'ayant vaincu, Et le Roy d'Espagne étant las de perdre son argent & ses armées, les habitans d'Amiens intimidés par les approches de M. de Nevers & de M. de Longueville, forcerent leurs commendeans de consentir à la liberté des Princesses. Elles avoient esté arrestées dans Amiens les festes de Noël de l'an 1588 & ne furent delivrées que le 22. de Janvier 1592. c'est à dire qu'elles souffriront pendant 89. 90. & 91. toutes les indignitez, & toutes les rigueurs que peuvent inventer la rage & l'aveuglement d'un peuple, qui n'ayant aucun véritable principe de Religion, ne laisse pas de tout entreprendre sous le nom & le phantome de la Religion. le Roy Henry IV. qui entre toutes ses grandes qualitez, a possédé eminemment celles de la clemence & de la tendresse, n'eust pas plus tost appris la sortie des Princesses de la ville d'Amiens, qu'il envoya un Courrier exprès à M. de Nevers avec la lettre suivante.

LETTRE DV ROY A M. DE NEVERS.

Mon Cousin. Les ennemis ne sont pas encore deslogés. Je verray suivoit d'icy ce qu'ils veulent faire. Ces nouvelles ne meritent pas de vous estre mandées. Mais en voye vne qui merite toute la diligence du Courtier. Je viens de prendre vn laquois de Gamont, qui s'en alloit à Paris pour porter des lettres de Vitry à ma femme. J'ay appris par la lecture d'une, que mes Tantes & ma Cousine la Duchesse de Longueville furent hier mises en liberté. Jugez si ie suis bien-aysé d'estre le premier à vous donner cette bonne nouvelle, puisque le scay le contentement que vous en recevrez. Bon-Soir, Mon Cousin. De Sommereul ce leudy 23. de Janvier 1592. Signé HENRY.

II. PART.

Y ij



DISCOVRS VERITABLE

S V R

L'INIQVE EMPRISONNEMENT ET LA DETENTION
DE MESDAMES LES DVCHESSES ET DAMOISELLES
DE LONGVEVILLE,
ET DE MONSEIGNEVR LE COMTE DE S. PAVL.

Eſcrit par M. le Duc de Nevers, en May 1590.



S I les choses dont ie pretens parler en ce Discours estoient aduenues en vne saison moins deprauee que celle-cy, en laquelle non seulement toutes les bonnes mœurs sont corrompues, mais aussi tout deuoir & toute pieté sont mises sous le pied; elles seroient aussi difficiles à croire, comme elles sont veritables. Car il se verra tant d'effets d'ingratitude & d'inhumanité exercez à l'endroit de Mesdames les Duchesses & Damoiselles de Longueville, & de Monseigneur le Comte de S. Paul leur frere, Prince tres-Catholique, tres-vertueux, & fort de Royalle & tres-illustre Maison; qui tous ensemble contre toute raison & contre toute loy diuine & humaine, voire contre le droit des gens sont arrestez prisonniers en la ville d'Amiens, avec vne telle rudesse & vne telle cruauté, que les infidelles, les traistres & les criminels de leze Maiesté diuine & humaine ne le pourroient estre dauantage. Et ce qui est le plus espouuantable, c'est que ce traitement leur est fait par ceux qui veulent estre tenus pour zelateurs de l'honneur de Dieu, & pour restaurateurs de ce Royaume. Ils font contenance de n'estre possédez d'aucune passion d'affection ou d'inimitié à l'endroit de personne; ny d'estre poussez d'aucun particulier interest. Au contraire ils publient qu'ils veulent conduire toutes leurs actions conformement à la verité de Dieu, ainsi qu'ils se sont obligez de faire par le serment solennel qu'ils firent il y a vn an. Car si tels actes inhumains eussent esté perpetrez par gens idolastres & barbares, l'on ne s'en fust point estonné, estant leur naturel enclin à ce faire. C'est pourquoy ie vous marque

icy les auteurs de telles impietez, afin que non moins que moy vous les trouviez estranges, & que par là vous iugiez si en vne si cru elle prison meïdres Dames ont iniustement souffert depuis dix-sept mois en ça, beaucoup de maux, dont Messieurs de Neuers & de Longueville ont à leur occasion ressenty dans leurs cœurs vne douleur incroiable. C'est ce qui m'a donné occasion d'entreprendre ce traité, ou plustost cette histoire tragique, y estant d'ailleurs obligé comme seruiteur de M. de Neuers, afin de manifester à chacun la vertu & la patience que lesdites Princesses & le Prince ont eue à supporter, voire surmonter ces afflictions, lesquelles pour estre sans exemple aussi bien que sans demerite, doivent estre non moins connues, que les auteurs & ministres d'icelles s'en font connoistre coupables. Ce que les estrangers qui ne l'ont encore entendu pourront aussi clairement iuger par la lecture de ce Discours, comme il eust esté incroiable aux regnicoles mesmes, si la trop évidente verité du fait ne leur en donnoit toute assurance par vne infinité d'actes semblables en cruauté, bien qu'exercez enuers personnes de moindre condition. Ce qui suffit pour monstrier iusques à quel periode d'iniquité, cette maladie d'Estat a peu amener les esprits d'aucuns de nos François : & pour faire connoistre à tous par ce luyet accompagné de plusieurs autres, que les actions de tels zelateurs sont du tout contraires à leurs protestations. Chose qui par auanture pourra servir cy-apres d'esclaircissement à chacun, des causes qui auront induit la bonté & iustice diuine d'affliger & chastier ceux qui auront esté ministres de telles impietez & inhumanitez, comme il est à croire qu'elle fera. Mais pour vous faire mieux comprendre mon discours, il m'est nécessaire de vous faire entendre l'ingratitude dont il a esté vsé à l'endroit de Monseigneur de Neuers, particulièrement à Amiens, où lesdites Princesses ont esté & sont prisonnières. Pour ce faire ie suis contraint de le reprendre dès le Mois d'Avril 1587. que le feu Roy (que Dieu absolve) voyant que la Prouince de Picardie, l'une des plus importantes de ce Royaume, pour estre de grande estendue, & frontiere des Pais-bas dominez par le Roy d'Espagne, estoit sur le point d'entrer en de tres-grandes diuisions & seditions, par les menées & les suscitacions faites par aucuns, & connoissant la Maïesté non seulement la valeur de Monseigneur de Neuers, mais aussi sa prudence & sa dexterité, l'estima seul capable de contenir cette Prouince en son obeïssance, comme il auoit fidellement fait celle de Piedmont iusques à la deliurance d'aucunes places dudit pays, que la Maïesté trouua bon de donner en l'an 1574. à feu M. de Sauoye, ainsi que l'on a connu par les belles remonstrances que mondit Seigneur en fit lors à la Maïesté. Cela fut cause qu'elle luy donna la charge du Gouuernement de ladite Prouince de Picardie. A l'instant mesme il s'yachemina sans aucune force, contre l'aduis de plusieurs, ne voulant pas enflammer dauantage, avec les armes, les esprits qui auoient esté esgaréz par l'artifice des Ligueurs, mais les ramener avec la douceur,

& composer routes choses, comme il fit, au contentement de sa Maïesté & du pays. Et comme il s'approcha de la ville d'Amiens capitale de cette Prouince, pour y faire son entrée à la maniere accoustumée aux Gouverneurs, il fut receu par les habitans d'icelle accompagné de tous les grands Seigneurs du pays, avec tous les honneurs & tous les applaudissemens qu'il eust peu desirer, comme pressentans que grande partie d'eux deuoit estre par luy garentie de la mort dont ils estoient menacez par la famine qui suruiuit pendant son scieur en ladite ville, à cause de ce que grand nombre de vaisseaux enuoyez par les habitans d'Amiens, & quelque peu par ceux d'Abbeuille, à Danzic & autres villes septentrionales pour recouurer des bleds, n'estoient pas encore de retour. Cependant la necessité estoit telle, que l'on voyoit le pauvre peuple des champs, & grand nombre de celuy des villes, deuenir sec & mourir de male faim. Ce qui aduint vers la my-May, & en vn temps que l'on n'auoit aucune nouuelle desdits vaisseaux: ce qui causa vn estonnement si grand à l'endroit de tous les habitans d'Amiens, qu'ils n'attendoient que la desolation & la ruine de leur ville: les pauvres par faute de pain, & les riches par le sac que les affamez estoient sur le point d'execurer, tant la necessité les pressoit. Et comme l'on estoit en telle extremité, Monseigneur de Neuers non content de faire tous bons offices à l'endroit d'un chacun, pour les faire contribuer à certaine aumosne generale afin de substantier ce miserable peuple, il nourrit encore à sa porte de ses moyens, au veu & sceu des habitans de ladite ville, de trois à quatre mille pauvres par l'espace de plusieurs iours, & iusques à ce qu'il fut prié par Messieurs de ladite ville de cesser ladite aumosne, pour la grande quantiré de peuple des champs qu'ils y voioient venir tous les iours, & se contenter de fournir entre les mains des administrateurs de ladite aumosne generale, certaine somme de deniers qu'ils luy demanderent par iour, afin de la faire distribuer parrie aux habitans necessiteux de ladite ville, & partie aux pauvres forains hors les portes d'icelle; pour euitet, comme ils disoient, que la grande mortalité qui aduenoit entre ce pauvre peuple affamé de plus en plus affluant, n'engendrast la peste en leur ville.

Ce que ie n'ay pas voulu dire pour venir icy haut louer l'œuvre charitable de ce Prince: car il en a fait tant d'autres si signalées, que celle-cy ne merite pas d'en approcher. Mais seulement ie l'ay fait pour declarer la grande famine qui estoit en ladite Prouince, & le secours que ledit Seigneur y fit & le bon ordre qu'il y donna, & pour faire de tant plus connoistre la grande ingratitude dont ce peuple a usé enuers luy. Comme cette famine augmentoit tous les iours de plus en plus, aussi l'esperance d'y remedier deffailloit à chacun. Et comme ils ne voioient plus d'attente qu'en la misericorde diuine, lesdits habitans s'estant adressez à Dieu par prieres & processions publiques, il permit que la nouuelle suruint du retour d'une grande partie desdits vaisseaux chargés

de diuerſes fortes de grains, laquelle donna vn merueilleux contentement auſdits habitans, eſperans eſtre bien-toſt garentis de telle famine & mortalité. Toutefois cette ioye ne dura gueres. Car Dieu qui voulut faire M. de Nevers Miniſtre de ſa miſericorde enuers le peuple d'Amiens pour le rachepter de telle neceſſité, permit que leſdits vaiſſeaux fuſſent contraints de mouiller l'ancre à Calais, Boulogne, S. Vallery & Dieppe : & que les Gouverneurs & les habitans deſdites villes ſe ſentant preſſez auſſi bien que les autres de cette famine generale, ſe miſſent en deuoir de retenir leſdits bleds, en payant l'achapt & la voiture d'iceux. Ce qui conuertit bien-toſt en grande triſteſſe & angoiſſe la ioye que leſdits habitans auoient eue, voyant auoir fait, comme l'on dit, la moiſſon pour autrui. Tellement qu'ils vindrent au ſecours à M. de Nevers, pour implorer ſon autorité, credit & faueur, afin qu'il luy pleuſt de les tirer hors de cette deſolation & de cette miſere.

A quoy monſieur Seigneur s'employa de telle affection & dextérité, que M. de Gourdamp Gouverneur de Calais, M. de Grillon commandant pour lors dans Boulogne, & les habitans de S. Vallery ſes ſuiets, tous du Gouvernement de Picardie permirent auſdits vaiſſeaux de faire voile vers la ville d'Amiens. Et parce que le vent contraire auoit chaffé à Dieppe, port de mer du Gouvernement de Normandie, cinq deſdits vaiſſeaux chargez de bled, leſquels M. le Commandeur de Chartes Gouverneur de ladite ville vouloit faire diſtribuer au peuple d'icelle, & du plat pays, monſieur Seigneur luy enuoya en poſte vn de ſiens pour le prier de relachet leſdits vaiſſeaux. Ce qu'il fit pour le regard de trois ſeulement, en conſideration de l'amitié & du reſpect qu'il portoit à M. de Nevers. Mais luy non content d'auoir eu ces trois, voulut encore auoir les deux autres, comme il les eut par l'autorité du ſeu Roy, au grand contentement de ceux d'Amiens : leſquels ayant recouuré leurs vaiſſeaux, eſtimoient eſtre hors de tous dangers, qui les euſſent garder de iouir deſdits grains. Mais ils ſe trouuerent derecheſempeschez par les habitans de la ville d'Abbeuille, qui eſt à l'emboucheure de la riuere de Somme, par laquelle leſdits bleds deuoient eſtre conduits à Amiens. Car comme ladite ville n'eſt pas à parangonner en richesses à celle d'Amiens, auſſi n'auoit-elle pas eu le moyen de penſer à faire toute la prouiſion qui luy eſtoit neceſſaire. De ſorte qu'ainſi que l'on vouloit faire paſſer ledit bled ſous les ponts de ladite ville, le peuple ſe mit apres pour le vouloir prendre d'autorité & ſans le payer. Surquoy ceux d'Amiens eurent encore recours à monſieur Seigneur, qui en y donnant ordre, fit connoiſtre ſa prudence & ſa bonté. Car il voulut ſçauoir la quantité des bleds que tous les nauires venus de Dantzic auoient apportez, & ſupputa ce qui pouoit eſtre de beſoin pour nourrir les habitans de la ville d'Abbeuille iuſques à la prochaine cueillette ; & puis ordonna qu'il leur en fuſt diſtribué iuſques à la quantité neceſſaire, & quelque peu à ceux de S. Vallery ; & tout le reſte fut conduit à Amiens.

Ce qui fut executé si bien & si dextrement au contentement d'un chacun, qu'ils en demeurèrent grandement satisfaits & obligez à mondit Seigneur, le nommant le pere du peuple, & declarant à haute voix par tout, n'auoir receu de long-temps de si grands bien-faits des Gouverneurs de ladite Prouince ses predecesseurs, comme ils auoient receu de luy en peu de iours. Non seulement pource qu'il les auoit sauuez de telle mortalité, mais qu'il leur auoit fait accorder le mois precedent par le feu Roy, que Dieu absolve, la continuation d'une grosse leuée de deniers dont le temps estoit expiré, pour employer, aux affaires de leur ville, & la confirmation de certains priuileges qui leur estoient de grande importance.

Neantmoins mondit Seigneur estimoit tous ces bienfaits peu de chose, au regard du desir qu'il auoit de s'employer pour eux en affaires plus grandes. Car il continuoit de plus en plus à aimer tous les habitans de ladite Prouince; & particulièrement ceux de la ville d'Amiens, & recherchoit tous les moyens à luy possibles de les gratifier. Il receuoit mesme à grand plaisir, quand il se presentoit occasion de desployer son credit & son autorité pour le bien & l'aduancement du general & du particulier, à cause de l'affection qu'il estimoit que ce peuple là luy portast. Ce qui fut le suiet que se trouuant en la ville de Paris és mois de Fevrier & Mars de l'année suiuant 1588. auquel temps il estoit suruenu vn debat entre les Maieur & Escheuins de ladite ville, & Robert Correu l'un desdits Escheuins, qui auoit l'Estat de Maistre de l'artillerie & munitions d'Amiens; sur ce que ledit Correu pretendoit de garder ledit Estat quant & quant la charge d'Escheuin: & au contraire, les Maieur & Escheuins de ladite ville les soustenoient estre incompatibles, & auoir eu iuste occasion de l'en deposseder, comme vn Estat qui leur appartenoit de conferer. Surquoy il fut donné Arrest au Conseil d'Estat, par lequel lesdits Maieur & Escheuins furent debouttez de leur demande. Dequoy ils receurent vn metueilleux desplaisir, & ne sceurent auoir plus asseuré recours qu'à mondit Seigneur, pour le supplier d'empescher qu'un tel Arrest ne fût deliuré; reconnoissans que cela renuerseroit entierement tous les priuileges de ladite ville, & donneroit occasion à chacun de ne reconnoître & de n'obeïr ausdits Maieur & Escheuins, mais de les mespriser. Et combien que mondit Seigneur aimast grandement ledit Correu, pour l'auoir reconnu bon seruiteur de sa Maiesté, & affectionné à luy; neantmoins connoissant le preiudice que tel Arrest apporteroit, s'il auoit lieu, à l'autorité desdits Maieur & Escheuins d'Amiens, & vcu l'instance priere que les deux Escheuins deputez du corps de leur ville luy faisoient pour faire moderer ledit Arrest; luy poussé de l'affection qu'il auoit de leur faire plaisir, se resolut d'employer tous ses moyens pour les gratifier en cette affaire, qu'il iugeoit leur estre si importante. A cet effet il enuoya vers sa Maiesté M. de sainte Marie Gentilhomme de qualité, & vray Gouverneur de Dour-

lans (à cause qu'il n'y pouuoit aller pour la recente blessure qu'il auoit eüe à l'armée Royale de l'automne precedent) afin de le supplier de trouuer bon de commander que ledit Arrest ne fust deliuré , iusques à ce que ladite affaire eust esté reueüe en son Conseil , & rapportée à sa Maiesté. Ce qu'elle trouua bon , & afin de fauoriser lesdits habitans, il fit en sorte que ledit Arrest fut par sa Maiesté corrigé à leur contentement : & la prouision dudit office leur demeura, laquelle ie puis dire qu'ils ne pouuoient iustement pretendre par la teneur de leurs priuileges, lesquels i'ay bien particulierement veus. Au moyen dequoy ils reconneurent que par la faueur de M. de Neuers, sa Maiesté auoit augmenté leurs priuileges pour ce chef, qui leur estoit de grande importance, dont ils luy demeurèrent grandement obligez, comme ils en auoient tres-grande occasion.

Cette obligation redoubla encore au cœur de chacun desdits habitans ; en ce qu'estans poursuiuis par celuy qui auoit fait party de l'Edict des Controlleurs des cuirs, & qui les auoit fait condamner par Arrest à receuoir pour Controleur desdits cuirs celuy auquel il auoit vendu l'Estat: ils s'adresserent au mesme temps à mondit Seigneur, pour faire encore reuoker cet Arrest ; remontrant le grand preiudice que telle charge leur feroit, non seulement à cause du priuilege qu'ils auoient de tout temps & de toute ancienneté de commettre les Visiteurs desdits cuirs, mais aussi pour ce que cela apporteroit vne notable augmentation de prix sur la valeur de chacun cuir, au grand dommage des habitans de ladite ville, pour le grand trafic qui s'y fait.

A quoy mondit Seigneur trouua beaucoup de difficulté, comme elle y estoit tres-apparente, d'autant que l'Arrest auoit desia esté signifié ausdits habitans. Toutefois voyant la peine & le travail que les deputez de ladite ville prenoient en cette affaire, il s'aduisa d'enuoyer querir le Partisan & les autres interessés avec luy, pour tascher de les faire despartir de ladite poursuite, moyennant quelque somme de deniers qu'il esperoit leur faire donner par le corps de cette ville-là. Mais en vain il traita avec telle maniere de gens, dont il receut vn merucilleux plaisir. Neantmoins pour le desir qu'il auoit de rendre ceux d'Amiens contents, puis que ce fait leur estoit si important, & qu'ils le pressoient à toute heure, de les deliurer d'vne telle seruitude, il se resolut de declarer, comme il fit, aux susdits Partisans, que puisque ils luy refusoient d'accepter la composition honneste qu'il leur offroit, ils se pouuoient assurer que le Pourueu dudit Estat, n'entreroit en iouissance d'iceluy, que la cause des habitans d'Amiens n'eust esté plaidée deuant le Roy, comme il se resoluoit de faire à la première occasion. Il leur protesta en outre que dès l'heure il se portoit partie contre eux en faueur desdits habitans, auxquels il ordonna de ne receuoir aucunement ledit Controleur ; mais l'empescher de tout leur pouuoir, iusques à ce qu'il eust moyen de faire entendre à sa Maiesté

leur bon droit ; lequel il estimoit faire trouuer tel à sa Maiesté. Cette declaration estonna les Partisans, & au contraire réioüit grandement les habitans, dont aussi-tost ils furent aduertis par leurs deputez qui estoient en Cour à la poursuite de leur affaire. Ils se sentirent grandement obliger à mondit Seigneur, & delibererent d'effectuer son commandement, puis qu'ils auoient pour garand vn Prince de sa qualité, leur Gouverneur. Chose à la verité tres-considerable, & qui peut bien faire connoistre à chacun l'affection, voire l'ardeur que ce Prince auoit à conseruer les priuileges de ladite ville, & à gratifier les habitans d'icelle ; puis qu'il s'estoit soumis à les garantir de tel empeschement, voulant porter sur soy tout le mal & tout le blâme que lesdits habitans en pouuoient recevoir, & s'assurant qu'appuyé sur les raisons pertinentes qu'il esperoit représenter à sa Maiesté, elle les receuroit de meilleure part pour le bien public, que les caballes de tels Partisans. Tellement que par son moyen ladite ville est demeurée exempte de telle suietion.

Si donc les habitans susdits se doiuent tenir grandement obliger à M. de Neuers, chacun le peut assez clairement iuger ; sans que i'en allegue les raisons, ny que ie vienne à specifier plusieurs autres faueurs qu'il a faites tant au Corps de ladite ville, qu'à diuers particuliers d'icelle : afin que ce mien discours ne soit ennuyeux. Et aussi pour paruenir au plustost à mon premier but, qui est de faire connoistre à chacun, la grande ingratitude dont lesdits habitans ont vsé en son endroit, par la cruelle prison & le rigoureux traitement qu'ils ont fait à Madame sa fille en recompense de tant de bienfaits qu'ils ont reçus de luy.

C'est pourquoy ie vous dirayne chose estrange, c'est que quatre mois seulement apres auoir receu de tels plaisirs, les oubliant tous, ils se laisserent persuader par aucuns pensionnaires de M. d'Aumalle & affectionnez à son parti, de requerir par les cahiers qu'ils dressoient pour les Estats assignez à Blois, M. d'Aumalle pour leur Gouverneur, contre toutes les formes accoustumées ; sans alleguer autre cause, sinon qu'ils desiroient d'auoir M. d'Aumalle, & vouloient qu'il pleust à sa Maiesté de donner à M. de Neuers vn autre Gouvernement. Comme si à l'appetit & à la volonté des peuples, les Rois estoient contraints de leur donner tels Gouverneurs qu'ils voudroient, & les changer à leur fantaisie ; & en ce faisant, rendre les Rois executeurs de leur muable volonté. Dequoy M. de Neuers aduertty en la ville de Paris, où il estoit allé pour dresser l'equipage de l'armée de laquelle le Roy luy auoit donné la charge pour le pays de Poitou, despescha soudain vers sa Maiesté, qui estoit lors à Chartres, pour l'aduertir des menées qui se faisoient en ladite Prouince de Picardie, tant en l'eslection des Deputez, qu'en la confection des cahiers contre & au preiudice de l'autorité de sa Maiesté, & à la suscitation des ambitieux perturbateurs de

son Royaume. Car pour son particulier il ne fit iamais qu'en rire, preuoyant bien que toutes ces impertinentes menées tourneroient, comme elles firent, à la confusion des broüillons, & à son honneur & à sa louange. Suiuant cet aduertissement sa Maiesté escriuit & commanda à M. de Nevers de faire vn tour en ladite Prouince pour remedier à tel desordre, ayant esgard toutefois que cela ne retardast son voyage de Poitou. Ce qui fut cause qu'il donna si bon ordre à l'apprest necessaire de ladite armée, qu'en sept ou huit iours il eût ordonné tout ce qui estoit requis. Et pendant que les chevaux d'artillerie & des viures se leuoient, & que l'equipage d'iceux se dressoit, il alla effectuer le commandement de sa Maiesté, & emmena avec soy M. Doron, l'un des deux Maistres des Requestes que sa Maiesté auoit ordonnez afin d'informer contre les seditieux & les perturbateurs du repos de ses suiets au fait desdits cahiers. Et en outre comme sage & preuoyant, il aduertir M. de Longueuille son gendre de l'aller trouuer sur le chemin d'Amiens, desirant non seulement de rompre, comme il fit, telles brigues & menées faites par corruption; mais aussi d'establis M. de Longueuille dans son Gouvernement, lequel sa Maiesté luy auoit accordé à suruiuance & en l'absence de M. de Nevers, en faueur du mariage qu'elle auoit fait le mois de Fevrier precedent entre Madame sa fille aînée & M. de Longueuille.

Bref son intention luy succeda comme il l'auoit proiettée. Car à son arriuee toutes les susdites brigues & factions furent reconnues d'un chacun pour si iniustes & si impertinentes, que ie puis dire avec verité que plusieurs rougirent de ce qu'ils auoient fait & s'en retracterent, regrettans de s'estre laissez si legerement aller à faire vne chose si mal à propos, & qui ne pouuoit apporter aucun effer qui fust selon leur desir; & preuoyans bien qu'ils seroient plustost blasmez par sa Maiesté de luy faire vne requeste si impertinente, que de l'obtenir. De sorte que tant s'en faut que l'on demeurast en la resolution de changer de Gouverneur, qu'au contraire à l'occasion de M. de Nevers, M. de Longueuille fut receu pour Gouverneur en la ville d'Amiens, avec l'entrée solempnelle que l'on a accoustumé de faire aux Gouverneurs. De mesme il la fit à Abbeuille & à Corbie en compagnie de M. de Nevers, avec tres-grand applaudissement des habitans desdites trois villes & de la Noblesse du pays, où il ne fut oubliée aucune occasion de réjouissance. Car ceux d'Abbeuille tesmoignerent de tout leur pouuoir l'aïse & le contentement qu'ils auoient de la venue de ces deux Princes. Et depuis à leur retour en la ville d'Amiens, le corps d'icelle les festoya magnifiquement en leur Hostel de ville, avec les autres Seigneurs & Gentilshommes qui estoient avec eux. En reconnoissance dequoy le lendemain M. de Nevers traita fort honnorablement les Maieur, Escheuins, & autres Officiers de ladite ville. Le iour suiuant Madame la Duchesse de Nevers sa femme fit vn autre banquet solem-

nel à toutes les Dames de la ville, qui estoient au nombre d'environ six-vingt & dix, auquel se trouuerent les Dames du Pays qui estoient venuës les visiter, & particulièrement Madame de Longueuille qui estoit venue avec elle, laquelle deslors commença à acquerir le cœur d'une bonne partie des Dames dudit pays, & s'y trouuerent quasi tous les principaux d'iceluy, où toute la journée se passa en dances & en reioüissances. Tellement que vous eussiez dit que ces peuples-là estoient si affectionnés à Mess. de Neuers & de Longueuille, & à tout ce qui leur appartenoit, que pour rien du monde ils n'eussent pensé & n'eussent voulu faire aucune chose qui leur deust tant soit peu desplaire, bien loin de les offenser, comme ils ont fait, en choses si cheres & si proches; & qui ont tant de communication & de ressentiment de douleur & de reciproque affliction. Mesme ils connurent la clemence de ce Prince, en ce qu'il auoit passé doucement la faute qu'ils connoissoient auoir commise à l'endroit du Roy leur Souuerain Seigneur, & la legereté dont ils auoient vû contre luy; & qu'il auoit retenu le sieur Doron Maistre des Requestes, de passer outre en la commission, pour ne pas mettre en peine plusieurs personnes, & donner occasion au Roy de s'irriter iustement contre ladite ville. Ce que sa Maiesté trouua bon. En quoy vous iugerez la bonté de M. de Neuers, rendant le bien pour le mal. Ce qui fut bien remarqué d'un chacun de ladite ville; mesme quand ils virent que de son mouuement, il auoit obtenu du feu Roy, à ses propres despens, l'annoblissement de Collemont leur Maieur, pour s'estre fait connoistre fidelle & affectionné au seruice du Roy: preuoyant que c'estoit le vray chemin pour obtenir d'année en année pareil annoblissement aux nouueaux Maieurs qui seroient élus en ladite ville, & reduire tel honneur en priuilege ordinaire, comme il est es villes de Lion, la Rochelle, Poitiers, Bourges, Tours, & en quelques autres priuilegiées. Ce qui fut receu pour vne grace speciale & un tres-grand benefice des habitans de ladite ville. En reconnoissance aussi de tant de bienfaits, ils firent à Mess. de Neuers & de Longueuille infinies protestations de bonne volonté. De sorte qu'il eust esté à esperer de leurs actions, toute autre chose que l'estrange & l'inhumain traitement qu'ils ont fait à leur sang, comme ie diray tantost.

Avec tel contentement donc & telle satisfaction de tous les habitans de ladite ville M. de Neuers s'en retourna vers Paris, pour s'acheminert en ladite armée de Poitou. A son partement il leur declara comme il leur laissoit M. de Longueuille pour leur Gouverneur, pour en son absence les assister, les fauoriser, & les secourir de tout son pouuoir en ce qui leur suruiendroit, & en ce qu'ils en auroient besoin, combien qu'il eust désiré d'aller avec luy en Poitou. Il les assura que s'ils se ressenoient encore du doux & gracieux traitement qu'ils auoient receu de feu M. de Longueuille son pere, leur Gouverneur, ils n'en receuroient pas moins de cettuy-cy, estant remply de pareille bonté &

bonne volonté en leur endroit, les priant de l'aimer & de luy obeir comme ils deuoient, avec ferme creance qu'il se sentiroit obligé à eux de l'affection qu'ils luy resmoigneroient, comme aussi à Madame de Longueuille, qu'il laissoit avec M. son Beau-fils. Ce que tous vnanimement luy promirent de faire, se sentans grandement honorez & conrens de l'assistance & de la presence de ce Prince & de Madame sa femme.

Et parce qu'il auoit esté imposé vne grosse somme de deniers pour la subuention, sur les villes closes destinée au fait de la guerre, pour laquelle ladire ville auoit esté cortisée en ladite année 1588. à vnze mille liures, du payement de laquelle chacun se senroit grandement surchargé: on a supplié M. de Neuers à son parlement de moyenner que cette somme fust diminuée. A quoy il leur promit de s'employer, & d'y faire quelque chose à leur contentement. Il partit d'avec eux avec tant de satisfaction, qu'il n'eust peu en auoir dauantage. Il ne fut pas si-tost arriué vers le Roy, qu'il mit peine de luy faire vn si bon rapport de la fidelité desdits habitans, pour luy oster la mauuaise impression que sa Maieité auoit iustement prise d'eux, non seulement en cette derniere action mais vn peu apres les barricades de Paris, qu'elle eust agreable d'oublier toutes les choses passées, & de eroire qu'elle n'auoit poinr de suiets plus affectionnez qu'ils estoient. En cette consideration elle ne se contenta pas seulement de leur rabattre vn partie de ladite somme de douze mille liures; mais elle la leur quitta entierement en la fauorable recommandation de mondir Seigneur. Ce qui rendit esmerueillé l'Escheuin Bigan que ladire ville auoit député pour cet effet vers sa Maieité; à laquelle aussi pour & au nom de ladite ville, il tesmoigna l'affection & la fidelité que les habitans d'icelle luy portoient.

Il leur fit encore despecher d'autres affaires qu'ils auoient, à leur contentement: si bien que chacun eust estimé & n'eust pas fait difficulté de croire, que s'il se fust présenté occasion en laquelle il eut esté besoin de faire reconnoistre la demonstration de bonne volonté qu'une communauté eust deu porter à vn Prince; il n'y en eust eu aucune autre en ce Royaume qui en eust voulu rendre plus de preuues & de tesmoignages à l'endroit de mondir Seigneur; & par consequent de M. de Longueuille & de leur sang, que celle de la ville d'Amiens.

Mais comme j'ay dit au commencement de mon discours, l'ingratitude de ces desuoyez seducteurs du peuple de ladite ville a esté telle, qu'ils oublièrent ce dont ils deuoient plus se ressouuenir, voire engrauer dans leurs cœurs & dans la memoire de la posterité. Mesdames de Longueuille mere & femme de M. de Longueuille, M. le Comte de S. Paul son frere, & Mesdamoiselles ses trois sœurs estoient demeurés en ladite ville, pour y faire les festes de Noël, & y attendre M. de Longueuille, qui en visitant son Gouuernement faisoit aussi ladite feste en l'Eglise Collegiale de S. Quentin, en intention de se rendre bien-tost

à Amiens pour y passer les iours gras avec resioüissance & avec contentement des Seigneurs & Dames du pays, & particulièrement des habitans de ladite ville. Mais sî tost que la nouvelle leur fust preschée en leur Eglise le lendemain de Noël (par Boucher Predicateur fort seditieux) de la mort de Mess. le Cardinal & le Duc de Guise, aduenüe la veille & surueille de Noël, ils arresterent prisonnières lesdites Princesses & le Comte de S. Paul avec vne telle rage & vne telle furie, que tost apres ils les separerent, & mirent des gardes si soigneuses & si rigoureuses en leurs logis, qu'il n'estoit loisible à personne, ny mesmes à aucuns des habitans de les aller voir & les consoler. Il n'estoit pas seulement permis ausdites Princesses de se pouoir visiter l'une l'autre, ny d'escrire à Mess. de Neuers & de Longueuille, ny de receuoir de leurs lettres ou de leurs nouvelles. Rigueur dont l'on a accoustumé d'vsfer seulement enuers les personnes coupables du crime de leze Maïesté diuine & humaine. Cette cruauté prouint des bons offices que l'Euesque d'Amiens, nommé la Martonye, leur rendit en ladite ville à son retour des Estats, contre la promesse & le serment tres-solemnel qu'il auoit fait au feu Roy, & particulièrement à Madame de Neuers, de faire mettre Madame de Longueuille sa fille en liberté, aussitost qu'il seroit arriué audit Amiens. Ce qui ne doit pas estre trouué estrange en luy, parce qu'il n'y a point d'homme au monde plus vitieux en sa qualité d'Euesque, qu'il est. Car en premier lieu l'Euesché d'Amiens qu'il tient, a esté par luy achepté dès l'année 1575. à beaux deniers comptans de feu M. du Ga, Maïstre de Camp du Regiment des Gardes du feu Roy, auquel sa Maïesté l'auoit accordé pensant qu'il y deust nommer vn de ses parens. Cette simonie est si publique & si notoire à chacun, que ledit Euesque simoniaque ne l'ose contredire à tous ceux qui le luy reprochent : parce qu'apres la mort dudit sieur du Ga, ses creanciers furent assignez par Arrest du grand Conseil sur les deniers restans à payer par ledit Euesque de l'achapt de son Euesché; ainsi que les Registres du grand Conseil en font foy, & que les Presidens, les Maïstres des Requestes & Conseillers qui y ont assisté le sçauent fort bien; comme aussi lesdits creanciers. Dequoy toutefois ledit Euesque a voulu s'excuser, mettant en auant qu'il auoit eu absolution de nostre S. Pere le Pape de sa simonie. Ce qui est tres-faux. Car iamais telle absolution n'est accordée en Cour de Rome sans restitution de l'Euesché entre les mains de sa Sainteté, & par consequent du Roy, pour le droit de nomination qu'il a suiuant le Concordat. Ce que ledit Simoniaque n'a fait ny pensé de faire, ny seressouuenir de cette belle decision de S. Thomas, *An Simoniacus possit retinere quicquid simoniace acquisiuit. Et an Papa ipso facto dispenset &c.* mais il s'est plustost adonné à perpetrer mille & mille meschancetez indignes de tout Chrestien, & de tout homme d'Eglise; mais beaucoup plus d'un Euesque. Toutefois parce que mon suiet ne tend pas à parler de sa vie & de ses mœurs; ie me contenteray

de renvoyer ceux qui en voudront sçavoir plus particulièrement, à ce qu'ils en apprendront au Parlement de Bourdeaux, où il a esté autrefois Conseiller, & parmy ceux des habitans d'Amiens qui sont sans aucune passion, pour tesmoigner la simonie qu'il fait encore en la vente des Prebendes & des Cures de son diocèse, & la vie chalte qu'il meine. Je reuiendray à la continuation de mon discours; pour faire paroistre les grandes cruautéz & les grandes inhumanitez que les habitans de ladite ville ont exercées contre lesdites Princesses & le Comte de S. Paul, sans raison & sans iustice.

Et pour ce faire, ie suis contraint de vous représenter comme au mesme temps que suruint la mort inopinée de messeigneurs les Cardinal & Duc de Guise en la ville de Blois, M. de Longueville estoit, comme j'ay dit, à S. Quentin distant de cent lieuës de Blois, aussi peu consentant à la mort deldits Princes, comme à celle de son ayeul ou de son bisayeul qu'il ne vit iamais. Et pour le regard de Mesdames ses mere, femme & sœurs, & de M. le Comte de S. Paul son frere, chacun peut iuger s'il y a apparence de les en estimer coupables, voire de l'avoir seulement desiré.

Et quant à M. de Nevers, au mesme temps de leur mort, il estoit au siege de la ville de la Garnache, seize au bas Poitou, distante de Blois d'environ quatre vingt dix lieuës, avec telle incommodité de logis & de plusieurs autres choses necessaires, tant pour ledit siege que pour sa personne, que la plupart de ceux de l'armée n'attendoient que l'heure de le voir tomber malade, voire bien-tost mort en telle necessité, au cas qu'il ne fust blessé ou tué par ceux qui deffendoient ladite ville de la Garnache, pource qu'il s'exploitoit tous les iours aux dangers qui se presentoient, ainsi que chacun l'a tres-bien reconnu, mesprisant sa propre vie & toutes ses commoditez, pour le desir qu'il avoit d'effectuer (comme il fit valeureusement) l'expres commandement que le feu Roy luy avoit fait, de remettre ladite ville en son obeissance; ainsi qu'il avoit desia fait celle de Maulion & Montagu, & plus de trente bons chasteaux du bas Poitou. Pour recompense dequoy le peuple ingrat de la ville d'Amiens fit les susdits emprisonnemens. Lesquels estant parvenus à la connoissance de M. de Nevers, il en receut vn merueilleux desplaisir. Mais il ne pouvoit penser que lesdits habitans deussent continuer en vne telle rage. Il esperoit mesme que si tost que cette furie seroit passée, & qu'ils auroient reconnu leur faute, ils mettroient bien-tost Madame sa fille en pleine liberté. Il supporta à cette occasion plus patiemment son affliction; combien qu'elle fust telle & si poignante, que la proximité du sang le requiert, & l'amitié paternelle que mondit Seigneur porte à Madame sa fille, pour les rares perfections & les vertus de deuotion, de pudicité, de charité envers les pauvres, l'humeur douce & debonnaire, & les autres vertus qui reluisent en elle, & qui sont assez celebrées & reconnues de chacun, mesmes

l'obeissance, l'amour & le respect qu'elle a tousiours porté dés son enfance à mesdits Seigneur & Dame ses pere & mere.

Pendant ce temps Madame de Nemours & les autres Princes que le Roy auoit fait arrester en la ville de Blois, furent menez prisonniers le dernier iour de Ianuier de l'année derniere 1589. au Chasteau d'Amboise. M. de Neuers retournant de Poitou y estoit arriué, aussi bien que Madame sa femme qui le vint trouuer là. Ils eurent vn extreme regret de la detention desdits Princes, se representans la prison de Mesdames de Longueuille & de M. le Comte de S. Paul. Pour ce ils les allerent visiter, & particulièrement M. le Cardinal de Bourbon & Madame de Nemours, & ils leur offrirent tout le seruice à eux possible pour leur deliurance, & de M. de Guise petit fils de ladite Dame, qu'ils allerent pareillement visiter. De mesme Madame de Neuers auoit visité à Blois vne infinité de fois Madame de Nemours, lors qu'elle estoit reserrée en sa chambre; dequoy lors elle tesmoigna auoir vne grande obligation à mesdits Seigneur & Dame; & non sans cause. Car tant s'en faut qu'il entraist iamais en leur fantaisie d'empescher, voire seulement de retarder sa deliurance, pour esperer par son eschange de r'auoir Madame de Longueuille leur fille; qu'au contraire M. de Neuers dit tout haut à quelques vns qui mirent cete proposition en auant, qu'il aimeroit mieux que Madame sa fille demeurast vn an prisonniere, que de faire retenir à son occasion madame de Nemours vn seul iour en prison. Et de fait, suiuant la promesse qu'il luy auoit faite de s'employer pour sa liberté & d'en parler au Roy, il s'en acquitta de sorte, que sa Maiesté trouua bon de relascher madame de Nemours, sur l'esperance qu'elle luy donna de se rendre officieuse à l'endroit de mess. les Ducs de Mayenne & de Nemours ses enfans, pour terminer la leuée des armes qui estoit commencée; sur les effets de laquelle ie ne m'arresteray pas à discourir; parce que chacun les a connus, & que ce n'est pas mon dessein. Mais bien suis-je contraint de dire, & à mon grand regret, que madame de Nemours eust pû mieux rendre la pareille qu'elle n'a fait à mesdits Seigneur & Dame de Neuers pour la deliurance de madame leur fille, si elle eust trouué bon de s'y employer (en ayant assez de pouuoir) ainsi qu'ils l'en auoient requis, & qu'elle leur auoit promis estant prisonniere à Amboise. Mais soudain apres sa deliurance) madame de Neuers ayant enuoyé le sieur d'Oisonneuille Escuyer d'escurie de monseigneur son mary, iusques à Paris vers elle, pour la supplier de vouloir se ressouuenir des promesses qu'elle luy auoit faite: elle ne songea plus à faire mettre en liberté madame de Longueuille sa fille: ou si c'estoit chose qui ne se peust faire sitost, à luy pourehasser quelque soulagement en sa captiuité: ou à tout le moins, à luy faire donner permission d'escrire à mess. son pere & à son mary, & recevoir nouuelles d'eux. Mais tant s'en faut qu'elle en eust la moindre pensée, qu'au contraire elle ne trouua pas bon de se donner
seulement

seulement le loisir ny la commodité de l'enuoyer visiter, ou de luy escrire vne simple petite lettre pour la consoler en son affliction : & elle renuoya ledit sieur d'Oisouille avec cette miserable excuse, qu'elle ne pouuoit s'y employer.

De sorte que cette pauvre Princeesse prisonniere, non seulement a esté abandonnée par ses plus proches parens, mais la liberté mesme a esté empeschée par eux. Entre lesquels ie suis contraint de nommer M. la Duchesse de Guise sa propre Tante, Sœur puînée de M. de Nevers, sous ombre de l'esperance qu'elle auoit de rauoir par son moyen M. de Guise son fils. Car estant aduertie que madame de Longueuille estoit sur le point d'estre deliurée de sa captiuité, en eschange du sieur de Sesseual, prisonnier de M. de Longueuille, & d'autres prisonniers que M. de Nevers tient à Desize (ainsi que les articles accordez du consentement des habitans d'Amiens, suiuant leurs Lettres signées de Lefseau leur Greffier cy apres transcrites, en font ample foy) elle demanda madame de Longueuille à monsieur de Mayenne & à messieurs du Conseil de l'Vnion (qui n'estoient pas encore casséz) pour s'en seruir aussi bien que de madame de Longueuille sa belle-mere, de mesdamoiselles ses trois filles, & de monsieur le Comte de S. Paul, qui en ce temps-là estoit encore prisonnier, pour tascher de recouurer M. son fils. Ce qui luy fut aussi liberalement accordé, que si c'eust esté vne chose tres-sainte, tres-iuste & tres-equitable : & à l'instant fut depesché la Iacqueminiere, cy-deuant Bailly de Gien, & qui estoit à la suite de M. de Mayenne, pour aller à Amiens de sa part & de la part de madame de Guise, afin d'empescher la deliurance de ces miserables & innocentes Princeesses. Ce qui luy succeda à point nommé, au grand regret & creue-cœur toutefois de mesdits Seigneur & Dame pere & mere de madame de Longueuille, qui eussent attendu de Madame de Guise tout autre office que cettuy-cy, & plus conforme à la proximité de leur sang, & aux plaisirs & à l'assistance qu'elle auoit receus d'eux en ses plus grandes afflictions, & aux occasions qui s'en estoient presentées. Comme en sa premiere viduité, & au mariage qui a depuis succédé ; à quoy ils s'estoient employez comme s'ils eussent esté ses porpres pere & mere. Ce que chacun a bien connu, mesme dernièrement en la prison de M. de Guise son fils, où ils ont esté le visiter par diuerses fois, comme i'ay dit. Et depuis ils ont fait accorder par le feu Roy, des passe-ports aux gentilshommes que Madame de Guise enuoyoit pour luy donner de l'argent : & qui plus est, ils luy ont fait donner commodité de parler dans le chasteau de la Bourdaisiere, au sieur du Pescher enuoyé par madame de Guise, avec permission toutefois de ceux qui le gardoient par commandement du feu Roy, ainsi que M. de Fontaines son gouverneur le dit, & du Pesché & d'autres le scauent fort bien.

Et neantmoins au mesme temps que ledit la Iacqueminiere fut dé-

pesché, Madame de Guise escriuit à Madame de Neuers sa sœur, vne lettre pleine de toute gracieuseté & d'affection; luy disant qu'elle auoit resolu d'enuoyer vers elle, sitost qu'elle auroit eu la responce d'un homme qui estoit allé à Amiens de sa part vers Madame sa fille, pour luy en mander des nouuelles; comme elle feroit aussitost qu'il seroit arriué, & luy escriroit particulièrement tout ce qu'elle scauroit sur cela. Elle la pria aussi de croire que ses actions seroient tousiours tesmoignées par tant de gens de bien, qui sont mesmes affectionnez à Madame de Neuers, que l'on ne reconnoistroit iamais en tout ce qu'elle a dit, & en tout ce qu'elle a fait & pensé, qu'affection, que fidelité & que bon naturel. Qu'elle feroit paroistre en dépit de tous les artifices & les mengeries dont l'on pouuoit vser, qu'elle luy estoit la meilleure & la plus vraye Sœur sera iamais au monde: & comme telle, elle luy offroit son cœur & sa vie, qu'elle ne conseruoit que pour les employer à luy rendre le tres-humble seruice qu'elle luy deuoit, & qu'elle luy vouloit rendre. Ce sont les propres termes de sa lettre: qui sont bien contraires à l'effet pour lequel ledit la Iacquemiere auoit esté enuoyé. Et neantmoins ces belles paroles de Madame de Guise estoient tenuës par mesdits Seigneur & Dame de Neuers, pour toutes certaines & veritables: parce qu'ils eussent estimé qu'elle eust voulu faciliter l'eschange accordé par les habitans d'Amiens, de Madame leur fille avec le sieur de Sesseual, plustost que de l'empescher. Bien est-il vray que Madame de Guise tint vne partie de sa promesse à madite Dame sa Sœur. Car aussitost que ledit la Iacquemiere fut de retour d'Amiens, elle l'enuoya vers elle, pour luy porter nouuelles comme madame sa fille se portoit bien. Elle pria aussi par ses lettres mesdits Seigneur & Dame ses pere & mere, comme fit aussi M. de Mayenne, de vouloir s'employer pour la deliurance de M. de Guise; ou à tout le moins de le faire mettre en quelque honneste liberré: avec assurance que Madame leur fille receuroit vn pareil traitement. Ce furent-là les bonnes & les agreables nouuelles que Madame de Guise leur enuoya, suiuant sa promesse. Par vn tel acte, & par la confession mesme dudit la Iacquemiere, ils vindrent à verifiser l'aduertissement qu'ils auoient eu d'Amiens, comme ledit la Iacquemiere auoit esté enuoyé-là de la part de M. de Mayenne & de Madame de Guise, pour empescher la deliurance de Madame leur fille en eschange dudit de Sesseual: ce qu' auparauant ils ne se pouuoient persuader. Dequoy ie vous laisse à penser quel deplaisir & quel creue-cœur ils receurent. Et neantmoins ils ne laisserent pas d'elcrire à M. le Cardinal de Vandosme, pour le suppliet de pourchasser l'entiere liberré de M. de Guise; ou à tout le moins qu'elle luy fust donnée plus grande qu'il ne l'auoit. Ce qui tesmoigne bien le bon naturel qui est en mesdits Seigneur & Dame de Neuers, de rendte le bien pour le mal.

Ledit Iacquemiere retourné qu'il fut à Paris, ayant présenté à Ma-

dame de Guise les lettres que Monsieur & Madame de Nevers luy escrivoient, se plaignans d'elle, & luy ayant d'ailleurs raconté le grand desplaisir qu'il auoit remarqué en eux, pour vn tel empeschement fait à Madame leur fille. Madame de Guise pensant plusloft couvrir cet acte que de le reparer, escruiut derechef à Madame de Nevers sa sœur, le iour de deuant l'arriuée de M. le Legat à Paris, au mois de Ianuier dernier, qu'elle n'auoit iamais pensé d'empescher la deliurance de Madame de Longueuille sa Niepce; qu'elle l'aimoit comme sa propre fille, & qu'elle auoit vn extreme desir de voir Madame de Nevers pour la luy ammener, & luy faire paroistre tout le contraire de ce dont on l'auoit voulu blasmer. Que si Madame de Nevers auoit pareille volonté, qu'elle l'en aduertist; & que soudainement elle s'achemineroit à Montargis pour s'entreuoir, où elle luy ammeneroit Madame de Longueuille sa fille, qu'elle asseuroit deuoir arriuer à Paris dix ou douze iours apres. Madame de Nevers ayant tres-agreables de si bonnes paroles escruiut à Madame de Guise, par le sieur Saluat Escuier d'escurie de M. de Nevers, qu'elle l'enuoyoit à Paris avec charge d'arester cette entreueüe, & de rechercher les seurtez qui y estoient necessaires. Ce qui fut cause que ledit sieur Saluat s'offrit à Madame de Guise d'aller trouuer sa Maiesté, pour recouurer les passeports & les lettres de faueur requises pour faire seurement ces entreueües. Madame de Guise ne le trouua pas bon; disant qu'elle mesme les recouureroit bien, pourueu qu'il luy en donnast vn memoire. Ce qu'il fit. Toutefois voyant que cela tiroit en longueur, ledit sieur Saluat despescha vn homme vers sa Maiesté, pour la supplier d'escire, comme elle fit, à Mess. de Montigny, d'Arquien, & de Tonnerre, de donner commodité à madite Dame d'aller à Gien, & de là en tel autre lieu qu'il seroit choisi du commun consentement de mesdames de Nevers & de Guise, entre ladite ville de Gien & celle de Montargis. Ce qui n'a de rien seruy. Car Madame de Guise oncques depuis n'a parlé d'effectuer ladite entreueüe: possible, comme il est à iuger, pour le peu d'intention qu'elle auoit de mener Madame de Longueuille à mesdits Seigneur & Dame ses pere & mere, voire seulement de la faire mener à Paris, selon que dés le mois de Fevrier elle en auoit asseuré M. le Legat, comme il l'auoit escrit à Monsieur le Cardinal Montalte le 13. dudit mois, l'assurant que Madame de Guise luy auoit promis de la mettre en liberté, & entre les mains de ses pere & mere. Mais qu' auparauant elle la deuoit retirer pour quelque peu de temps près d'elle, afin de tascher à l'auoir M. son fils. Toutefois cela s'est tourné en fumée. Car le sieur Saluat retournant vers mesdits Seigneur & Dame de Nevers au commencement de Mats suiuant, Madame de Guise ne luy donna aucune charge de parler de ladite entreueüe, & escruiut à Madame sa sœur, de belles paroles; mais generales, & luy faisant croire qu'elle attendoit à Paris dans peu de iours Madame sa fille, de laquelle elle disoit luy vou-

loir faire recevoir le contentement qu'elle desiroit.

De sorte que la bonne Princesse est toujours detenue bien estroitement prisoniere. Et tant s'en faut que l'on ait pensé de la conduire à Paris pour la mettre en liberté, selon la promesse susdite faite il y a quatre mois : qu'au contraire ledit Iaquemiere est encore retourné audit Amiens au commencement de cemois de May, où il disoit estre enuoyé de la part de madame de Guise, sous pretexte de faire donner quelque liberté à madame de Longueville. Mais au lieu de ce faire, les Maieur & Escheuins ont mis en avant, qu'il falloit commencer à M de Guise ; & que lors qu'il auroit plus grande liberté, on la donneroit aussi à madame de Longueville. Surquoy l'on iugera fort aisement d'où peut provenir telle resolution ; quand l'on considerera que les Maieur & Escheuins de ladite ville ne se sont iamais formalisez du traitement que l'on faisoit à M. de Guise. Car dès la premiere requeste que leur fit M. de Sesseual (prisonier de M. de Longueville à la bataille de Senlis) pour les prier de vouloir mettre en liberté madame de Longueville, afin de pouoir estre aussi deliuré pour elle, ils le luy accorderent tres-volontiers ; ainsi qu'il se peut voir par la coppie de la lettre cy-dessus mentionnée, que lesdits Maieur & Escheuins luy escriquirent, dès le dernier iour de juillet dernier passé. D'ailleurs aussi le don que M. de Mayenne & Messieurs les quarante Conseillers de la sainte Vnion firent à M. de Guise, des personnes de mesdites Dames & Damoiselles de Longueville, & de M. le Comte de saint Paul au mois d'Aoust ensuiuant, lors que Madame de Longueville estoit prestee de sortir du consentement & de la volonté desdits maieur & Escheuins : & ce que depuis s'en est ensuiui par le premier voyage d'iceluy Iaquemiere audit Amiens, tesmoignent assez que lesdits Maieur & Escheuins s'estoient dessaisis du pouoir qu'ils auoient sur les personnes desdites Princesses, accordans qu'elles fussent en la disposition de Madame de Guise. Car à sa persuation & de M. de Mayenne, ils reuquerent le susdit eschange de madame de Longueville & dudit sieur de Sesseual. Et pour vous en donner plus grande preuue, lisez, ie vous prie, ladite lettre escrete par M. le Legat à M. le Cardinal de Montalte neveu de sa Sainteté, transcrete à la fin de ce discours ; & vous y verrez comme mondit sieur le Legat ayant parlé à M. de Mayenne pour la deliurance de madame de Longueville ; il luy fit responce, que l'effect de cette liberté dependoit principalement de Madame de Guise ; à laquelle depuis s'estant ledit sieur Legat adressé pour accomplir la charge qu'il auoit de sa Sainteté, de faire deliurer Madame de Longueville, Madame de Guise luy promit de la faire mettre en liberté, & de la rendre à M. son pere, & qu'à cette fin elle seroit en bref amenée dudit Amiens à Paris, où elle seroit receuë par Madame de Guise en sa maison, & traitée non comme Niepee, mais comme sa propre fille. Surquoy, comme aussi sur les autres susdites promesses

affirmatiues que Madame de Guise a faites par lettres à Madame de Neuers sa sœur, on pourra iuger si Madame de Longueuille est en la disposition desdits Maieur & Escheuins, ou de Madame de Guise : & si lesdits Maieur & Escheuins seroient si mal-aduisés que de se retracter de la promesse qu'ils luy auoient faite, de luy garder lesdites Princesses à sa deuotion. Mais ie vous prie bien de considerer si c'est œuvre charitable de faire pâtir des Princesses tres-Catholiques, & innocentes d'auoir durant leur vie fait aucun acte qui meritaist qu'elles receussent vne telle discourtoisie, & vne semblable inhumanité, sous pretexte de pourchasser le bien ou le soulagement d'autrui. Nos Theologiens disent que, *malum non est agendum vt euenias bonum*. Quelle raison donc, quelle pieté, ou quel zele de Religion peut on croire qu'il y aye au cœur de ceux, qui pour leur interest particulier, font souffrir iniustement leur prochain ? Si M. de Neuers tenoit prisonnier M. de Guise, ou qu'il fust en son pouuoir de le faire deliurer ; il y auroit encore quelque excuse d'vser d'une telle cruauté à l'endroit de madame sa fille, pour tascher d'amolir le cœur d'un pere par la pitié qu'il receuroit de son mauuais traitement, afin d'en accorder l'échange. Mais l'on sçait assez que c'est vne chose qui n'est aucunement en son pouuoir : & que si elle y estoit, il y auroit longtemps que M. de Guise seroit en liberté. M. de Neuers ayant assez telmoigné & M. sa femme, le regret qu'ils auoient aussi de sa prison. Si donc il n'est pas en la puissance de M. de Neuers de faire vn tel échange : pourquoy vse-on d'une cruauté si grande enuers son sang ? Que si l'on obiecte, que c'est pour contraindre M. de Longueuille de pourchasser la liberté de M. de Guise. Je respondray, que les Rois n'ont point esgard aux particuliers, où il va de leur interest. Tesmoins ceux que nos Rois ont cy-deuant fait emprisonner ; & particulierement l'exemple du Roy d'Espagne à present regnant, en la personne du fils de feu M. le Prince d'Orange, qu'il a tousiours retenu prisonnier en Espagne à cause de son pere, & des affaires de ses pays-bas. Il y a vne infinité de semblables exemples par lesquels tout homme de bon iugement connoistra bien que les Rois ne se laissent manier en semblables affaires que par leur interest particulier : & croira que si Mess. de Neuers & de Longueuille eussent eu l'autorité & le moyen de faire deliurer M. de Guise, pour r'auoir ce qui leur est si proche ; ils n'eussent par tant tardé de le faire du temps du feu Roy, & de celuy-cy : & par consequant ne l'ayant pas fait, qu'il n'a tenu qu'au pouuoir & non à leur volonté. Au moyen dequoy c'est chose fort inique, & contre ce commandement de Dieu, d'aimer son prochain comme soy-même, voire contre le droit de nature, de traiter si rudement ces pauvres Princesses, & sans raison leur faire endurer & souffrir tant de maux, comme l'on fait iournellement.

Or apres que tous ces misteres & toutes ces subtilités ont esté decouuertes à vn chacun ; & que l'on a voulu en parler à Madame de Guise,

pour l'induire à effectuer sa promesse; elle a mis en auant vne nouuelle plainte, & mal à propos, contre M. de Neuers: disant qu'il auoit enpieté le gouuernement de Champagne sur M. de Guise son fils, contre toute raison & toute iustice: sçachant bien que le pere le tenoit; & par consequant qu'il appartenoit à M. son fils. Ce que j'ay estimé estre necessaire d'esclaircir à chacun, afin d'effacer vne telle impression, que plusieurs ont tasché de donner au monde, pour blâmer les actions de M. de Neuers, & vouloir par ce moyen excuser Madame de Guise, si elle ne faisoit deliurer Madame de Longueuille; & par là faire effimer à tort M. de Neuers de mauuais naturel, tant enuers Madame sa fille, que M. de Guise son Nepueu. Et pour ce ie suis contraint de declarer comme ledit gouuernement de Champagne est tombé entre les mains de M. de Neuers, ou plustost de M. le Duc de Rethe-lois son fils; combien que mon intention n'eust esté telle en commençant ce discours.

Ie diray donc, que comme la mort de M. de Guise aduint la suruieille de Noël en la ville de Blois, lors que M. de Neuers estoit (ainsi qu'il a esté dit) au siege de la garnache; le feu Roy luy despescha vn courrier le lendemain de Noël, qui fut trois iours apres, pour luy porter vne lettre escrete de sa main; la teneur de laquelle sera pareillement cy-apres transerite. Par cette lettre il luy laissa le choix de prendre le gouuernement de Champagne qu'il luy donnoit, laissant celuy de Picardie à M. de Longueuille son beau-fils; ou bien de garder le sien de Picardie, & laisser celuy de Champagne à mondit Seigneur de Longueuille: voulant sa Maiesté reconnoistre en cela leurs fidelles seruices; & aussi s'acquiter de la promesse qu'elle leur auoit donnée, de gratifier mondit Seigneur de Longueuille de l'Estat d'Amiral, ou bien d'un autre gouuernement digne de sa qualite.

Et combien qu'il fust loisible à ce sage Prince, ou de promptement accepter ledit gouuernement de Champagne comme vne marque de la bienveillance de son Roy, puisque les gouuernemens ne sont pas hereditaires, ou bien de garder celuy de Picardie & laisser l'autre à M. de Longueuille. Neantmoins M. de Neuers conduisant toutes les actions avec honneur & respect non seulement à l'endroit de ses superieurs, mais aussi à l'endroit de ses esgaux: il escriuit à Madame de Neuers, qui estoit lors à Blois, & la pria d'en conferer avec M. le Cardinal de Bourbon & Madame de Nemours. Ce qu'elle fit, les assurant que s'ils n'auoient agreable que mondit Seigneur acceptast le gouuernement de Champagne, ou bien si Madame de Nemours le pretendoit pour M. de Guise son petit fils, il se contenteroit de retenir le sien de Picardie; laissant l'autre en la disposition du Roy pour en faire ce qu'il luy plairoit. Madame de Nemours luy fist responce; que voyant bien qu'elle ne pouuoit esperer (veu les choses qui s'estoient passées, & la retention de M. de Guise son petit fils) d'obtenir ledit gouuernement

pout luy, elle autoit plus agreable que M. de Nevers l'eust, que nul autre. Ce qui luy fut confirmé par M. le Cardinal, luy persuadant de l'accepter d'autant plustost, qu'il auoit esté longtems en la maison de Nevers, & qu'une grande partie des biens de ladite maison estoient en la Prouince de Champagne. Que ce seroit semocquer que de differer d'accepter ledit gouvernement, sous esperance que le Roy le conferast iamais à M. de Guise, qu'il tenoit prisonnier seulement pour le doute qu'il auoit qu'estant en liberté, il n'essayast de se reuancher de la mort du feu Duc de Guise son pere. Il disoit dauantage, qu'il n'estoit pas temps de luy procurer vn gouvernement, ou la grande maistrise; mais qu'il falloit seulement penser à le faire mettre en liberté. C'est pourquoy il conseilla à M. de Nevers sa Niepce, de choisir pour M. son mary le gouvernement de Champagne. Ce que lors elle fit, y estant d'ailleurs induitte & persuadée par deux lettres que le sieur de Seurre Conseiller & Surintendant de toutes les affaires de la maison du feu Duc de Guise, comme tres-ancien seruiteur de feu M. son pere, luy auoit escrit tres-peu de iours auparauint, en s'en allant à Paris apres la mort dudit Seigneur son maistre. La premiere de Chartres, du premier iour de Ianuier 1589. & l'autre de Paris, du 8. dudit mois, apres auoir veu Madame de Guise, & auoir confeté avec elle des principales affaires de sa maison. Par lesquelles lettres il persuadoit instamment à Madame de Nevers, de demander le gouvernement de Champagne pour M. son mary: comme il se peut voir par le transcript d'icelles, qui sera aussi cy-apres inseré.

Et depuis, apres que madite Dame en eust donné aduis à monsieur de Nevers son mary, qui estoit tousiours attaché au siege de la Garnache, il escriuit au Roy, qu'il acceptoit le gouvernement de Champagne; & le supplia qu'en recompense de tous les seruices qu'il auoit rendus aux trois derniers Rois ses predecesseurs, & à sa Maiesté depuis quarante ans qu'il estoit venu en France, & qu'il esperoit encore cy-apres de luy faire; il luy pleust de trouuer bon de donner ledit gouvernement à monsieur le Duc Rethelois son fils vnique. Afin que venant à mourir aux occasions auxquelles il courtoit tous les iours hazard de sa vie pour le seruice de sa Maiesté; il peust au moins laisser ce tesmoignage à la posterité en la personne de M. son fils, d'auoir esté reconnu par sa Maiesté pour son tres-affectionné seruiteur & son tres-loyal suiet: luy protestant que c'estoit là la derniere borne de toute son ambition. Ce qu'estant consideré par sa Maiesté, elle se resolut d'accorder sa requeste: alleguant qu'elle se trouuoit si bien seruie de M. de Nevers, qu'elle ne pouuoit luy refuser sa demande; & elle voulut que luy-mesme prit la charge dudit gouvernement, en attendant que l'age de M. de Rethelois luy eust acquis dauantage d'experience. Ainsi en fut expedie le pouuoir en son nom, la teneur duquel sera inserée à la fin de ce discours.

Par ce que dessus, l'on peut clairement reconnoître si ledit gouvernement a esté recherché par M. de Neuers; ou si le feu Roy de sa liberalité & de son propre mouuement l'a offert & donné à mondit Seigneur: & s'il a esté si peu respectueux à l'endroit de M. de Guise & de Madame de Nemours, que de l'accepter auparauant que d'estre éclaircy par elle, & par M. le Cardinal de Bourbon de leur intention, non seulement sur ce que Madame de Neuers leur en auoit dit; mais encore monsieur de la Chastre, lors qu'il vint trouuer le Roy au retour de la prise de la grenache, selon la priere que luy en auoit faite M. de Neuers. Auquel sieur de la Chastre en substance ils firent vne pareille responce qu'ils auoient faite à Madame de Neuers. Et partant si monsieur de Neuers a choisi le gouvernement de Champagne, il n'a fait aucun tort ny preiudice à monsieur de Guise, qui ne le pouuoit esperer se trouuant prisonnier. Et d'ailleurs quand monsieur de Neuers l'eust refusé, monsieur de Longueuille l'eust accepté sans en faire aucune difficulté, ny vser d'aucun respect à l'endroit de M. de Guise, non plus qu'il pretend que feu M. de Guise pere du dernier decédé fit, lors qu'en l'an mil cinq cens cinquante & vn, il frustra feu M. de Longueuille son pere, de l'Estat de grand Chambellan de France hereditaire en la maison de Longueuille. Hereditaire, dis-ie, en la maison de Longueuille, pour les grands & les incomparables seruiques que les Rois en auoient receus, mesmes dans des plus grandes affaires de cette Couronne contre les Anglois. Et enfin n'estant les gouuernemens hereditaires en aucune maison (comme dit est) M. de Neuers ne peuta uoir fait aucun tort ny aucune iniure à mondit Seigneur de Guise de l'accepter, voire de le demander; quand bien mesme il eust esté en liberté, & qu'il eust desiré d'en estre pourueu par sa Maiesté; non plus que fit M. de Guise son ayeul: Estimant, comme il faut croire, n'offenser point la maison de Neuers, lors qu'il enuoya demander le gouvernement de Champagne au feu Roy Charles IX. vacant par la mort de feu M. de Neuers frere aîné de madite Dame: encore qu'il eust esté blessé tout contre luy d'un coup de pistolet, que par cas fortuit le sieur de Belan, Enseigne de la Compagnie de mondit Seigneur de Guise & son domestique, luy donna dans la cuisse le iour de la bataille de Dreux en Decembre 1562. à l'heure mesme que l'on estoit prest d'aller à la charge, & ce Prince mourut de cette blessure 17. iours apres. Combien aussi que M. de Guise eust esté supplié par M. le Marquis d'Isle & heritier de feu M. de Neuers, âgé pour lors de 19. ans accomplis, de vouloir interceder pour luy enuers sa Maiesté, à ce qu'il luy pleust le pouruoir dudit gouvernement de Champagne, en consideration de la mort de M. son frere aîné, aduenue en suite de la bataille près de luy: & de plus que mondit Seigneur de Neuers l'auoit aimé & honoré comme son pere, & auoit desiré de combattre sous luy à l'auant-garde qu'il conduisoit, plustost que sous M. le Connestable qui

commandoit

commandoit à la bataille. monsieur le marquis d'Isle disoit tout haut, qu'il vouloit recevoir cette obligation de M. de Guise & non d'autre, pour avoir occasion de le servir toute sa vie. Il s'assuroit aussi que s'il luy plaisoit d'en faire tant soit peu d'instance pour luy, sa Majesté auroit agreable de l'en gratifier, ayant eu l'honneur d'avoir esté nourry près d'elle : & que la Reine sa mere le favoriseroit tres-volontiers, pour la bonne volonté qu'elle luy portoit. De plus qu'elle seroit encore fortifiée par la supplication qu'en feroit M. le Cardinal de Bourbon son Oncle, qui estoit alors le plus proche Prince du Sang qui fust près de sa Majesté. Il adoustoit aussi que M. de Laubespine, premier Secrétaire d'Etat qui luy portoit vne singuliere affection, en faciliteroit les despêches nécessaires. Tellement que pourveu qu'il pleust à M. de Guise d'en escrire seulement, il ne doutoit point que ledit gouvernement ne luy fust accordé. Tout ce que dessus luy fut dit & représenté le même iour de la mort de mondit Seigneur de Nevers, par le sieur de Rezay Bailly de nivernois, gentilhomme de qualité & Surintendant des affaires de la maison de Nevers. Neantmoins comme M. de Guise fut assuré de son deceds, sans avoir esgard à ce que dessus & à la iuste demande de M. le Marquis son frere, qui ne portoit aucun prejudice à M. de Guise, parce qu'il avoit le gouvernement de Dauphiné, beau, honorable & profitable; il enuoya soudain demander ledit gouvernement de Champagne; & en ce faisant, il frustra monsieur le Marquis d'Isle, sans mesmes pourchasser de faire tomber entre ses mains celui du Dauphiné qu'il avoit. Ce que j'ay esté forcé de dire, seulement pour faire paroistre que feu M. de Guise n'estima pas en cela faire tort à feu M. de Nevers; combien que le gouvernement de Champagne eust esté longtemps en sa maison, & que par bien-seance il devoit encore estre continué en la personne de monsieur le Marquis d'Isle, par le merite de la mort ainsi advenue de mondit Seigneur son frere, & par les services que le Pere avoit rendus à cette Couronne. En cette consideration le feu Roy François premier du nom, luy donna ledit gouvernement dès le mois d'Octobre 1545. par le deceds de M. d'Orleans fils de sa Majesté. Chose fort à remarquer à vn si grand Roy, qui encore qu'il eust tant de Princes à son service, dignes & capables de cette charge, mesmes de la maison de Guise, supportez par le credit du Cardinal de Lorraine, fort favorisé de sa Majesté: neantmoins il voulut preferer à tous mondit Seigneur de Nevers luy donnant ce gouvernement. Il le garda iusques en Octobre 1561. que se voyant grièvement malade, il supplia le Roy Charles IX. de le confier au Prince François son fils, frere aîné de M. de Nevers; qui le garda pareillement iusques à ce que par sa mort, sa maison en fut frustrée aussi bien que de sa personne.

Cen'est pas seulement depuis ledit an 1545. que ce gouvernement a esté aux predecesseurs de mesdits Seigneur & Dame de Nevers. Car

il se trouuera que le Roy Louis XII. le donna à M. Iean d'Albret Comte de Rethelois, grand-pere de feu M. de Neuers, qui succeda aussi bien audit gouuernement, qu'il a fait depuis, aux biens de la maison de mondit Seigneur d'Albret, & particulièrement au Comté de Rethelois depuis erigé en Duché. Tellement que ce gouuernement a esté en la tres-illustre maison de Neuers, longtemps auparauant qu'il y eust aucun de la maison de Guise au seruice de nos Rois. Car Iean de Bourgogne qui s'intitula longtemps Comte d'Estampes, fils puisné de M. Philippes de Bourgogne Comte de Nivernois & de Rethelois, fut Lieutenant general au gouuernement de Champagne sous le Roy Louis XI. Ce qui monstre que ledit gouuernement a esté en la maison des Dues & des Comtes de nivernois & de Rethelois, deux fois plus de temps, qu'en la maison de Guise. C'est à sçauoir sous Louis XI. Louis XII. François premier, Henry second, François second, & Charles IX. dont les Pouvoirs & les Lettres patentes sont encore aujourdhuy en la Chambre des Comptes de mesdits Seigneur & Dame en leur ville de Neuers. Ils seroient pareillement transcrits à la fin de ce discours, si ie n'eusse crainct la prolixité, & aussi que ce n'est pas vne chose qui concerne le fuiet dont ie traite. D'ailleurs ceux qui seront curieux de les voir, les pourront recouurer és registres de la Cour de Parlement & en la Chambre des Comptes, où ils sont verifiez. C'est pourquoy il me suffira de dire qu'encore que par les raisons susdites, la maison de Neuers eust pû s'en prendre à M. de Guise, d'auoir demandé ledit gouuernement au preiudice du merite acquis à M. le Marquis d'Isle, par la mort de mondit Seigneur son frere en vne si honorable occasion (en laquelle les Rois & les grands Princes ont accoustumé de recompenser les heritiers de ceux qui y meurent) & de la requeste qui en auoit esté faite à mondit Seigneur de Guise. neantmoins elle n'en a iamais fait aucun semblant, connoissant bien que les gouuernemens estoient en la pleine disposition des Rois quand la vacation en aduenoit, & qu'il est loisible à chacun de pourchasser plustost sa bonne fortune, que celle d'autrui. Ce qui a tousiours esté pratiqué, mesmes en la mort de M. d'Aumalle, tué au siege de la Rochelle en l'an 1573. Car le gouuernement de Bourgogne qu'il auoit, fut demandé & donné à M. de Mayenne, & non à M. d'Aumalle fils du deffunt; auquel par la regle alleguée il deuoit estre donné, estant de mesme âge que mondit Seigneur de Mayenne.

Et si cela auoit lieu, que les gouuernemens demeurassent dans vne mesme maison quand vne fois ils y auroient esté mis par les Rois; & qu'il fust mal-seant à vn Prince de demander ou d'accepter vn gouuernement vacquant par la mort d'un autre Prince: ie dirois avec raison que feu M. de Guise pere du dernier, auroit esté le premier digne de reprehension, ayant osté ledit gouuernement de Champagne à la maison de Neuers & de Rethel, en laquelle il auoit esté plus de 45. ou 50. ans, & n'ayant iamais esté en celle de Lorraine ou de

guise. Dauantage on pourroit alleguer si cela auoit lieu, qu'il auoit esté derechef fait tort à la maison de Nevers, lors que par la mort de M. de guise aduenü près d'Orleans, le gouuernement de Champagne fut de nouueau demandé par madame de Nemours, lors veufue de feu M. de guise, pour M. son fils âgé seulement d'onze à douze ans (le pere n'en auoit iouï que deux mois entiers apres qu'il l'eust retiré de la maison de Nevers (& d'autant plus que mondit Seigneur le Marquis d'Isle, lors Duc de Nevers, estoit en âge capable d'exercer la charge dudit gouuernement. Mais de ma part ie ne puis approuuer cette regle, ayant connu & par nos histoires, & par la connoissance de ce qui s'est passé de mon temps en ce Royaume, qu'onque elle n'eust lieu. C'est pourquoy il ne seroit pas raisonnable que cette loy fust pratiquée seulement en faueur de la maison de Guise, & non pas en faueur des autres maisons illustres de ce Royaume, sinon entant qu'il plaist à nos Rois; lesquels ont quelquefois donné des charges honorables, voire des benefices à Messieurs de Guise, qui souloient estre en celle d'autrui. Car l'Estat de General des galeres qui fut osté à monsieur le Baron de la garde, & donné à monsieur le grand Prieur de France, frere puiné de M. de Guise, fut depuis continué par le Roy Charles dernier, que Dieu absolue, à leur maison, le baillant à monsieur le Marquis d'Elbeuf son frere. Toutefois apres sa mort sa Maiesté trouua bon de le rendre audit sieur Baron de la Garde, lequel l'a gardé iusques à la mort; & depuis il a esté donné à M. le Duc de Retz. l'en diray autant de l'Estat de grand Chambellan que feu M. de Guise tira de la maison de Longueuille en l'an 1551. comme dir est, lequel il garda iusques à sa mort aduenü en Fevrier 1562. & depuis le Roy Charles 9. trouua bon de le conferer à M. le Duc de Mayenne son second fils, ainsi que Madame de Nemours sa mere, veufue de M. de guise l'en supplia. De mesme a-t'il esté fait de l'Estat de grand Maistre, lequel feu M. de Guise prit à M. le Connestable en l'an 1560. par la faueur qu'il auoit près du feu Roy François deuxiesme, en faisant bailler par sa Maiesté à M. de Montmorency son fils aîné, vn Estat de Marechal de France. Car à sa mort le Roy Charles le continua à M. de Guise son fils, sans le rendre à Monseigneur le Connestable lors prisonnier, & blessé à la susdite bataille de Dreux, qui pretendoit que ledit Estat deuoit estre plustost remis en sa maison, en laquelle il auoit esté de quarante à cinquante ans, que de le continuer en celle de Guise en laquelle il n'auoit esté que trois ans seulement; alleguant qu'il le sçauoit fort bien exercer, & mieux qu'vn enfant d'onze ou douze ans. Que si le pere de M. de guise estoit mort pour le seruice de sa Maiesté; que luy auoit couru pareille fortune en infinis lieux; & mesmes en la bataille de Dreux, y ayant esté blessé; combien qu'il eust plus de soixante sept ans, ce qui l'excuoit de porter les armes. Enfin qu'il auoit fait assez de seruiues par l'espace de 50. ans à cette Couronne, pour meriter ledit Estat;

qu'il auoit esté content (comme il disoit) de quitter par les propos que feu M. le Marechal de S. André luy auoit tenus. Toutes lesquelles raisons ne luy seruirent de rien. Car il plust au Roy de le continuer en la maison de Guise. L'Estat de grand Veneur qu'auoit feu Claude de Lorraine, frere de Jean Cardinal de Lorraine (qui fut le premier Duc de Guise, & le premiet de sa famille qui vint en France au seruice de cette Couronne du temps du feu Roy François premier) fut à la verité continué apres à feu M. François son fils aîné, & depuis à M. d'Aumalle dernier decédé, & apres luy à M. d'Aumalle son fils, qui est de present. L'Estat de Colonel des Cheuaux legers, qui estoit vne charge tres-honorable du temps du feu Roy Henry deuxiesme, fut donné à M. d'Aumalle en l'an 1551. lors que M. de Brissac fut enuoyé pour gouverneur en Piedmont. Apres lequel monsieur de Guise ayeul de celuy-cy, le fit mettre entre les mains de monsieur de Nemours dernier decédé, qui le garda fort longtems; & iusques à ce qu'il le resigna à feu M. de Guise dernier decédé. Lequel aussi en ses detnieres années le resigna pareillement à M. de Nemours son frere qui est de present. De sorte que cet Estata esté continué en la maison de Guise ainsi qu'ils l'ont désiré & qu'ils l'ont voulu. Et de mesme le gouuernement de Lionnois, que feu M. de Nemours tenoit par la mort du marechal de S. André. Mais M. de Nemours voyant que le Roy demembroit l'Auuergne, le Bourbonnois & le forests, pour les donner en appanage au feu Roy dernier mort, du viuant du Roy Charles son frere; il supplia sa maïesté de le mettre entre les mains de M. de mandelot Lieutenant general audit gouuernement, sa creature & son confident pour le garder; iusques à ce que feu M. son fils fut en âge de le pouuoit tenir. Ce qu'il luy accorda par des breuets signez des quatre Secretaires d'Estat, en vertu desquels le mort Roy dernier le remit en la maison de Nemours à la fin de l'année 1588. Le gouuernement de Bourgogne fut aussi baillé par le feu Roy François premier à feu Claude Duc de Guise, & depuis continué à M. d'Aumalle son fils, & depuis encore à M. de Mayenne son nepueu, comme il a esté dit, au regret toutefois de M. d'Aumalle son fils) Tant y a que la verité est, qu'il a continué tousiours en leur maison depuis 55. ans en ça. De mesme i'accorde que cette loy a esté pratiquée en leur maison pour le regard des benefices. Car apres que feu M. Charles Cardinal de Lorraine, eust obtenu par la faueur qu'il auoit aupres du feu Roy Henry II. l'Euesché de Mets que tenoit M. le Cardinal de Lenoncourt oncle de celuy de present, & qu'il l'eust retiré de la maison de Lenoncourt; apres la mort Louis Cardinal de Guise son frere y succéda: & apres la mort de mondit Seigneur Cardinal de Guise, le feu Roy y nomma le deuxiesme fils de M. le Duc de Lorraine son nepueu, qui la tient à present. De sorte que ledit Euesché de valeur de cent à six-vingt mil liures de rente a tousiours continué en leur maison par

quatre vacquations aduenûes. De mēme en a t-il esté fait des Eueſchez de Thou & de Verdun, qui ſont touſiours demeurez en la maiſon de Lorraine, comme ils ſont de preſent. Et quand à l'Abbaye de S. Denis, remarquable comme elle eſt, pour la ſepulture des Rois, & auſſi pour la valeur de cinquante à ſoixante milliers de rente; apres que M. le Cardinal de Lorraine par la faueur qu'il auoit près dudit Roy Henry, l'eust retirée de la maiſon de Bourbon, & comme ie puis dire ſur M. le Cardinal ſon nepueu, Prince tres vertueux, & n'agueres decedé, lequel la pretendoit auoir par la mort de M. le Cardinal ſon oncle qui la tenoit; elle a eſté continuée à M. le Cardinal de Muiſe ſon nepueu qui en a iouy iuſques à ſa mort.

Tout ce que deſſus a eſté autrefois mis en auant par quelques vns, aſſez mal à propos. Car encore qu'il ſoit veritable, ſi eſt ce que par là l'on ne peut prendre argument pour dire que telle loy doieue eſtre pratiquée ſeulement en la maiſon de Guiſe. Car ſi cela eſtoit, apres qu'ils auroient obtenu les plus grands & les plus importants Eſtats, Charges & Benefices de ce Royaume, au preiudice des autres maiſons illuſtres; ils voudroient pretendre qu'ils leur doiuent demeurer hereditaires par la ſeule bienſeance. Et s'ils oſoient dire, qu'un Eſtat, qu'un gouvernement ou qu'un Benefice eſtant vne fois entré en leur maiſon n'en deust iamais ſortir, les Rois ne ſeroient plus Rois, eſtans deſpoüillez, comme ils ſeroient, de la plus digne marque de leur ſouueraineté & du plus beau, du plus honorable & plus important moyen qu'ils ayent de ſe faire honorer, de ſe faire obeir par les Princes & par les grands Seigneurs, & de leur donner occaſion de s'éuertuer iournellement à les bien ſeruir: afin de meriter les Eſtats, les Charges & les benefices pour vne recompenſe digne de leurs ſeruices.

Au moyen dequoy tout homme de bon & de ſain iugement tiendra pour maxime infaillible, que les gouvernemens des Prouinces de ce Royaume ſont en la ſeule diſpoſition de nos Rois: & que non ſeulement il eſt ainſi en ce Royaume; mais auſſi en tous les autres, & qu'ils ne ſe peuuent dire hereditaires en aucune maiſon. Ainſi le Roy d'Eſpagne le pratique fort bien, qui a couſtume de n'en bailler pas vn à vie, ny preſque pour trois ans, mais pour tel temps que bon luy ſemble.

Et dauantage, apres que l'on aura entendu par le diſcours cy-deſſus comme le tout s'eſt paſſé, l'on pourra clairement connoiſtre ſi M. de Nevers a merité d'eſtre blaſmé pour auoir accepté ledit gouvernement de Champagne; apres auoir veu les lettres de le Seurre, & apres auoir eu la reſponſe de M. le Cardinal de Bourbon & de Madame de Nemours: puis que feu M. de Guiſe, grand-pere de celuy qui eſt à preſent, n'a pas eſtimé le deuoir eſtre, pour auoir demandé & pourchaffé ledit gouvernement ſur la maiſon de Nevers: nonobſtant qu'il eust iuſte occaſion de le demander pour feu Monſieur le Marquis d'Ille.

Par là il y aura matiere de reietter toutes les artificieufes inuentions qu'aucuns ont voulu mettre en auant contre M. de Neuers, pour faire paroistre qu'il ait comme extorqué ledit gouuernement fur M. de Guife. Ce qui est faux, & il ne faut point de là prendre fuit, de frustrer M. de Neuers de la recompense qu'il a pleu au feu Roy luy donner, de tous les feruices qu'il a rendus à trois Rois fes predeceffeurs, & à luy, par l'efpace de quarente ans. Comme auffi pour approuuer l'iniuste detention que ceux de l'Vnion luy font d'environ trente mil escus de rente, & de les villes de Rethel, de Mayfieres, & de S. Vallery. A cette fin ils ont fait fouleuer les Suiets, & ils ont contraint ceux de Mayfieres & de Rethel de faire des sermens de reconnoistre seulement S. Pol, l'un des plus affectionnez Capitaines de leur party, au preiudice du deuoir & de l'obeiffance, & des grandes obligations qu'ils ont à leurs Prince & Princesse naturels. Pour en venir-là, ils se feruent de toutes voyes; iufques à leur faire refuser par les Curez, la Confession, & la Communion du precieus Corps de nostre Seigneur, voire la sepulture en terre sainte, s'ils ne se departent de leur obeiffance, & s'ils ne iurent l'Vnion: comme ils les contraignent de faire dès les Pasques de l'année paffée 1589. encore qu'en toutes lefdites villes il n'y eust pas vn Huguenot, ny pas vn foupçonné d'heresie. Chose si execrable & si inouïe, que tous les gens de bien en doiuent auoir horreur, voyant ainfi abuser des saints Sacremens de l'Eglise par vne particuliere faction.

Et non contens d'auoir fait rebeller leurs fuits de ce pays-là, Messieurs du Conseil general de l'Vnion de Paris, au mois de May audit an 1589. lors qu'ils estoient assis au throsne de leur grande domination, escriuirent des lettres aux fuits de mēdits Seigneur & Dame du Duché de Niernois, pleines de grand defdain; pour les induire pareillement à se rebeller contre leurs Princes naturels & leurs bienfauteurs. Ils leur promettoient qu'en ce faifant, ils ne manqueroient pas de secours ny d'affistance. Ce que l'on pourra voir par la lecture desdites lettres, inferées à la fin de ce traité: lesquelles i'ay estimé deuoir mettre en lumiere, pour faire paroistre les belles & les grandes promesses de secours qu'ils donnoient à chacun; fans aucune garentie toutefois. Car fix mois apres ledit Conseil general fut cassé par M. de Mayenne, en vn pareil temps qu'il l'auoit erigé, le dix-septiesme iour de Fevrier precedent. Mais ces lettres ne seruirent qu'à faire reluire la grande fidelité des habitans de la ville de Neuers, parce qu'aussi-tost qu'ils les eurent receues en cachette, ils les apporterent à mondit Seigneur, & luy profferent de luy estre bons & loyaux fuits, comme par effets ils l'ont tesmoigné.

Je n'allongeray pas ce difcours sur le fuit de la piteuse ruine & de la defolation qu'ils ont faite d'une grande partie de la belle maison que M. de Neuers a fait bastir en la ville de Paris, comme l'un des plus beaux ornemens d'icelle; en laquelle ils ont iufques à present fait vn domma-

ge de plus de trente mil escus. Je veux vous reciter vn acte suruenu de nouveau, fort indigne de Chrestiens, & de gens faisans profession de zelateurs de l'honneur de Dieu, & curieux de restaurer la Religion Catholique, Apostolique & Romaine, & de soulager le pauvre peuple affligé.

C'est que le Couldray, l'un des maistres de Camp de ladite Vnion, ayant esté par l'espace de sept mois employé avec son Regiment à l'entour d'Orleans, vint ses iours passez, se promener en Berry, & de là se rendit près d'une petite ville appartenant à mesdits Seigneur & Dame de Neuers, scize en Bourbonnois, distant de huit lieues de Bourges, nommée Bruieres sur Cher. Estant-là il enuoya vn nommé la Caue, pour amadouër & pour endormir les habitans, afin qu'ils ne prissent aucune alarme de luy ny de son Regiment. Ce qu'il executa si cautelement qu'ils apporterent du pain & du vin à la porte de leur ville, en intention de festoyer les Chefs. Lesquels y estant arriuez, ils se mirent à entretenir gracieusement lesdits habitans, pour les amuser, tandis qu'aucuns des soldats s'apportoient la muraille de l'autre costé de la ville, es endroits où la muraille estoit la plus foible. Cela succeda à leur contentement. Ils y entrèrent. Ils la pillèrent toute. Ils firent les femmes & les filles, & emmenerent tout le bestial qui y estoit, comme aussi tous les meubles; voire mesme les habitans qui auoient moyen de payer iusques à dix escus de rançon. De sorte qu'ils ont laissé cette pauvre ville deserte d'habitans; combien qu'ils fussent tous tres-Catholiques, gens de bien, & viuans paisiblement sans faire tort à personne, ny particulièrement à ceux de l'Vnion. Car comme ladite ville est fort foible, il n'y auoit dedans ny Capitaine, ny gens de guerre qui y commandassent: mais seulement ce pauvre peuple se tenoit, comme l'on dit, clos & couuert sans faire desplaisir à personne, au contraire faisant plaisir à vn chacun. Ce qu'ils ont bien tesmoigné en la bonne chere qu'ils se mirent en deuoir de faire audit du Couldray: lequel bien qu'il eust passé près d'autres villes aussi foibles que celle de Bruieres, il n'a rien voulu entreprendre contre elles, bien loin d'y vser d'une telle cruauté. Mais seulement contre celle-cy, par cette méchante raison (comme il faut croire) qu'elle estoit à mesdits Seigneur & Dame de Neuers.

De mesme en a fait ledit S. Pol. Car encore qu'il eust le moyen de faire la guerre ailleurs qu'audit Rethelois, voire aux Huguenots de Sedan, qui ne sont esloignez que de deux lieues dudit pays, il les a laissés en paix, & s'est adressé seulement audit Rethelois, où il n'y a aucun Huguenot. Ce qui tesmoigne bien qu'ils ne sont pas ses ennemis, & qu'il n'a fait cela que pour fâcher M. de Neuers, comme à la verité il a fait. Car comme il porte vne amitié paternelle à ses suiets, il tâche aussi de leur pourchasser iournellement tout le bien & tout le repos à luy possible, ainsi qu'il a fait à ceux dudit Rethelois. Au moyen dequoy il a receu vn regret & vn déplaisir incroyable, de les voir tiranniser

par ledit S. Pol & qu'ils ayent esté si mal-aduisez, que de se laisser amadouër par luy, & se mettre en seruitude, ayant osé se departir de l'obeissance qu'ils deuoient à mondit Seigneur, comme à leur Prince, sans se ressouuenir du doux traitement & des grands bienfaits qu'ils auoient receus de luy. l'aurois bien encore à dire plusieurs autres traictés qui ont esté faits à mesdits Seigneur & Dame de Neuers, & à leurs sujets, si mon intencion estoit de faire paroistre en ce discours, tous les desplaisirs, toutes les pertes, & tous les dommages & les ruines qu'ils ont receus par Messieurs de cette sainte Vnion. Mais ie m'en tairay pour cette heure, & ie supplieray le lecteur de m'exouser, si ie me suis laissé aller si auant en ce propos. l'ay esté poussé de la passion qu'un seruiteur affectionné à son maistre doit auoir (en le voyant blâmer & en dommager à tort & en tant de diuerses façons) de s'employer à faire connoistre la verité & la iustice de sa cause : & que le mal & le desplaisir qu'il a receu & reçoit de ceux de ladite Vnion, ne prouient pas d'aucune occasion qu'il leur en ait donnée ; mais d'une animosité qu'ils ont conceuë contre luy, pour n'auoir voulu adherer à leur eleuation, comme fidelle, loyal, & tres-affectionné suiet & seruiteur qu'il estoit de son Roy & de son Maistre.

Partant ie continueray mon premier discours, touchant la miserable detention de madame de Longueuille sa fille, prisonniere depuis dix-sept mois en ça, comme si elle estoit la plus criminelle du monde. On n'a point eu d'esgard que de vingt sept mois (expirez en celuy-cy de May. 1590) qu'il y a qu'elle est mariée, elle n'a esté avec M. de Longueuille son mary qu'environ dix mois : & que le reste elle a esté prisonniere à tort, & contre toutes les lois diuines & humaines, qui detestent par trop l'empeschement que l'on donne aux mariez de se tenir ensemble ; & d'autant plus en vne couple de Princes ieunes de vingt à vingt deux ans, comme ceux-cy, qui s'entr'aiment infiniment & qui desirent d'auoir lignée, ainsi que chacun fait naturellement ; & particulièrement les Princes de grande & de riche maison, comme ils sont. Ce qui fait bien paroistre, que non seulement l'intention de ceux de l'Vnion a esté d'empeschier M. de Longueuille d'auoir lignée, mais d'accabler du tout la maison, tant par la prison de M. le Comte de S. Paul son frere vnique (auparauant qu'il s'éuadast avec madame sa mere & Mesdames ses trois sœurs, toutes prestes à marier :) que par le transport des titres & des vieux enseignemens & pancartes de leur maison, pris au tresor de Chasteaudun par M. de Mayenne, au mois d'Auril 1589. desquels il ne se peut servir sinon pour ruiner ladite maison. Ce sont-là des œuvres fort charitables, & remplies de toute pieté, & du tout agreables à Dieu, comme l'on peut connoistre ; & qui donnent vn indice tres-apparent du zele Chrestien & de la bonne intention qui est au cœur de Mess. de cette sainte Vnion, pourestre comme vn esguillon à tout bon Catholique de se joindre à eux, pour les inuiter en cette belle restauration de

la Religion Catholique & du foulagement du pauvre peuple, qui ne peut plus respirer sous le fais de leurs oppressions & de leurs barbares tyrannies.

Je ne puis passer sous silence la cruauté dont l'on avise en la ville d'Amiens, vers le commencement de l'automne dernier, à l'endroit de Madame de Longueville mere de Monsieur de Longueville, pour avoir seulement essayé de sortir de la miserable prison en laquelle elle estoit, ennuyée d'une infinité de maux & d'indignitez qu'on luy avoit fait souffrir par l'espace de neuf à dix mois; sans pouvoir plus esperer qu'une continuation du mesme traitement. Et cela au grand detrimement de la santé, par faute de faire les exercices honnestes esquels elle estoit nourrie: n'y ayant loy au monde qui ne permette au captif de rechercher sa liberté.

Ainsi donc que cette grande & vertueuse Princesse cherchoit les moyens de se sauver, on luy en proposa vn, auquel elle entendit assez volontiers. Par l'aduis & l'aide du sieur cognyer d'Amiens, personnage d'honneur & remply de charité Chrestienne, & de Barbier en ladite ville, fils de maistre. Barbier, demeurant au marché du bled, elle trouva moyen de faire vne ouuerture en vn endroit du logis où elle estoit prisonniere, qui respondoit dans vne cave de la maison prochaine. Elle sortit par-là, & apres de la ville, habillée en pauvre villageoise, accompagnée des susdits. Estant allée sans empeschement iulques à vn petit village distant de trois lieux d'Amiens, où elle se voulut vn peu reposer, elle y fut, par vn grand malheur, reconnuë des paysans dudit lieu; & aussi tost elle fut arrestée & fut mise sur vne charrette, en laquelle les Laboureurs charioient leurs fourages & leurs fumiers aux champs. Elle fut remenée en ladite ville d'Amiens, combien qu'elle leur promit quatre mil escus s'ils la vouloient sauver. Mais ce miserable peuple aveuglé & meconnoissant de ce qui luy est profitable & necessaire, n'y voulut pas entendre, en estant destourné par aucuns, qui devoient plustost l'intuire à avoir compassion de cette Princesse, que de la rendre miserable. Ainsi donc habillée en villageoise, elle fut menée en la ville d'Amiens dans ce chariot de triomphe; lequel ils ne voulurent couvrir d'aucun linge, afin que par sa veüe & par sa honte, le peuple recoeust vne plus grande ioye, comme il fit. Car tout aussi tost que la nouvelle fut arriuée de sa prise, & que l'on la remenoit, les vns se mirent aux fenestres, les autres aux boutiques & par les ruës pour attendre le spectacle de cette pitoyable entrée, en intention de vomir sur cette pauvre Princesse, toute l'animosité, la rage & la diabolique fureur qu'ils auoient dans la poitrine. Comme elle approcha des portes de la ville, ce peuple insensé commença à crier de loin, voicy la chienne, voicy la sorciere, voicy la meschante: il la faut noyer, la villaine & la malheureuse qu'elle est. En luy disant cela & s'approchant d'elle, quelques vns luy jetterent de la fange cõtre le visage, lequel cette Princesse affligée

cachoit dans son giron, prosternée en la charette, découlant de ses yeux de gros ruisseaux de larmes, accompagnées de gémissemens & de sanglots tels, que vous pouuez vous imaginer deuoir sortir d'un cœur genereux & innocent, se voyant entouroé de telles angoisses. Avec vn tel triomphe & vn tel honneur, cette bonne Princesse fut conduite par toute la ville, en compagnie du sieur Gognyer & dudit Barbier, qui furent pareillement salüez de mille iniures atroces, & de coups de pierres, dont ledit sieur Gognyer fut tellement blessé par le corps & par la teste, qu'il en pensamourir. Il n'est pas encore hors des mains des barbiers, non plus que hors des prisons esquelles il est estroitement detenu. Quant audit Barbier, si tost qu'il fut arriué à la maison de la ville avec la charette, il fut réclamé par les seditieux pour estre liuré au dernier supplice sans formeny figure de procez. A laquelle cruauté le Magistrat adherant, le pauvre Barbier fut tout aussi-tost assommé de coups de pierres & de coups de bâtons, comme l'on fait vn chien enragé. Apres il fut traîné par les rues iusques en vn lieu où ils l'attachèrent à vne potence, pour extoller cet œuvre charitable & si agreable à Dieu, de faire mourir vn Chrestien sans raison, sans forme de iustice, & sans confession. Contre cet acte, Messieurs les Predicateurs de la sainte Vnion n'ont iamais dit aucune chose; encore moins ce bon Euesque simoniaque s'en est-il formalisé, pour reprimer lesdits Predicateurs, & pour condamner vne telle sorte de meurtre perpetré si inhumainement, & sans crainte de faire perdre vne ame Chrestienne & Catholique. Pour Gognyer il est certain que s'il n'eust esté proche parent du Maieur, qui le sauua des mains de ces bourreaux, il n'en eust pas eu meilleur marché. Car apres qu'il l'eust retiré dans la maison de ville, ils ne cessèrent de crier longtems pour l'auoir, combien qu'il fut tout estourdy, voire presque à demy-mort des coups de pierres qu'il auoit receus. Mais la faueur dudit Maieur ne l'a pû garentir qu'il ne soit tousiours demeuré prisonnier, & que son procez ne luy ait esté fait, iusques à le condamner à mort, dont il s'est porté pour appellant au Parlement de Paris. Neantmoins nonobstant l'appel ils n'eussent pas laissé de le faire executer, sans la crainte de Dieu & le respect de la iustice, si la faueur dudit Maieur & d'autres ses parens ne les eust retenus. Et pour le regard de madite Dame de Longueville, si l'interest particulier des principaux de ladite ville ne les eust induits à luy sauuer la vie, pour s'en seruir & pour s'en preualoir aux occasions qui leur pourroient arriuer, elle eust esté traittée comme le Barbier. Car il n'y auoit pas faute de gens enragez qui crioient apres elle, comme i'ay dit, qu'il la falloit noyer. Les autres luy tiroient d'animosité des coups d'espée au trauers des ridelles de la charrette, pensant la tuer. Entre autres vn Maître Iacques faiseur de camelots de ladite ville (qui a commandement sur les Gardes de madite Dame depuis qu'elle est prisonniere) luy fit par rîsée, souffler dans le bout de son pistolet bandé & amorcé. Qui fut

caslc que ces principaux d'Amiens la firent soudain descendre de la charrette, & la menerent en grande deligence en leur Hostel de ville, où elle fut retenuë iusques au soir habillée en païsanne, sans qu'elle peust estre seruite par les siens. Au contraire ils luy firent endurer tant de rudesses & tant d'indignitez, qu'il seroit impossible de les raconter. Depuis ils la menèrent en sa prison, où elle est resserree & aussi miserablement traitée, que si elle eust esté conuaincuë d'auoir tuë son pere ou son mary, ou de quelque crime de leze Maiesté diuine & humaine. Cependant tout son crime est d'auoir tasché de se sauuer d'entre les mains de gens barbares qui la tenoient prisonniere sans aucune raison, sans aucune autorité, & sans qu'elle eust fait tort ny desplaisir à qui que ce soit. Car il n'y a personne qui la puisse blasmer d'auoir iamais fait aucun acte indigne d'une Princesse tres Catholique & tres vertueuse, comme elle est, & du Sang de nos Rois, duquel elle est sortie.

Le mesme iour que cette Princesse s'estoit voulu sauuer de la ville d'Amiens, Monsieur le Comte de S. Paul trouua aussi moyen d'en sortir par vne autre porte deguisé, en intention de se rencontrer en vn certain village où ils s'estoient donné le rendez-vous. Mais estant aduertie de la prise de Madame sa mere, bien triste d'un tel inconuenient, il fut contraint de continuer son chemin iusques à ce qu'il fut arriué près de M. de Longueuille son frere. De quoy lesdies habitans furent li iritez & si remplis de rage, qu'ils separerent mesdites Damoiselles de Longueuille d'avec Madame leur mere; combien qu'elle ne les eust pas aduerties de sa deliberation, pour la crainte qu'elle auoit de ne pouuoir toutes ensemble se sauuer: & aussi pour l'esperance qu'elle auoit qu'estans filles & non mariées, elle les pourroit facilement recouurer par argent, ou par eschange d'autres prisonniers. De sorte que depuis ce temps-là Madame de Longueuille n'a peu voir ses pauures filles, ny les filles leur dolente mere, pour luy rendre l'obeissance & le seruice qu'elle desirent luy faire. De mesme ils n'ont iamais voulu permettre à Madame la Duchesse de Longueuille d'aller visiter Madame sa belle-mere, qui estoit tombée en vne grande maladie (quelque priere & quelque supplication qu'elle en ait peu faire) afin de receuoir le contentement de l'assister & de la seruir, & de receuoir ses commandemens & les dernieres benedictions que les bons enfans sont curieux d'obtenir de leurs peres. Elle se soumettoit mesmes de sa propre volonté d'estre encore plus cruellement traitée, pourueu que l'on la gratifiast d'une si iuste & si charitable requeste. Ce qu'ils ne voulurent iamais luy accorder; dont elle receut vn creue-cœur si grand, qu'elle ne pouuoit receuoir aucune consolation en son esprit, & ne faisoit incessamment que pleurer.

Je ne puis vous raconter vne infinité d'autres rudesses & inhumanitez, desquelles ils ont vûë à l'endroit de ces bonnes Princeses. Car

comme ils ont esté si malicieux que d'empescher Messieurs de Longueville & de Neuers d'auoir de leurs nouuelles, ainsi m'a-t'il esté malaisé de pouuoir estre particulièrement aduertey de toutes les indignitez & de toutes les rudesces qui leur ont esté faites, bien que l'on m'en ait rapporté d'autres bien estranges, qui ne sont contenues en ce discours; n'ayant osé les mettre en lumiere, tant pour ne vous ennuyer dauantage, que pour n'auoir de telles certitudes de quelques-vnes d'icelles, comme ie desirois.

Que si au moins ils se fussent contentez de retenir ces Princesses en la ville d'Amiens durant quelque temps seulement, & iusques à ce qu'ils eussent veu, si par leur moyen l'on eust peu recouurer aucuns prisonniers que le feu Roy tenoit; & cependant les traiter honnorablement & dignement, comme leur qualité le requiert, en leur donnant moyen de receuoir des nouuelles des personnes qui leur sont les plus proches, & de leur faire aussi sçauoir des leurs; ils eussent couuert la rage & la furie qu'ils exercent à l'endroit de tous ceux qui n'ont voulu adherer à leur animosité contre la personne du feu Roy, quia esté la seule cause de faire endurer à ces pauvres Princesses le mal qu'elles ont souffert, & qu'elles souffrent tous les iours; & de les tenir si estroitement enfermées, qu'elles ne peussent seulement aller ouïr Messe à l'Eglise pour prier Dieu selon que chacune d'elles y a esté nourrie dès la mamelle.

De sorte que Madame de Longueville n'a point ouy la Messe depuis Noël dernier iusques à ce iourd'huy, qui sont cinq mois, sinon deux fois: dont l'une fut le iour qu'elle fist les Pasques, & l'on voulut que ce fut le Dimanche des Rameaux, sans qu'il luy fut permis, ny à ses femmes, d'ouïr aucun sermon, ny de visiter les Eglises la semaine sainte, ny d'adorer la croix le vendredy saint. Ce qui luy fut tres-grief & tres-difficile à supporter, mais principalement le refus que l'on luy fit d'un Prestre pour le confesser au commencement du Carême, durant lequel elle ne pût auoir permission, ny pour elle, ny pour ses femmes d'ouïr la Messe ny les Vespres, combien qu'elle en eust présenté requeste tres-affectueuse. Chose qui a plus trauersé l'esprit de cette deuote Princesse que l'estroite prison en laquelle elle est detenuë, où elle est reduitte à deux fort petites chambrettes pour elle & pour ses femmes, qui luy seruent tant pour coucher, pour manger & pour prier Dieu, que pour faire sa fourriere, sa sommelierie & la buée. Car on luy a osté vne petite sallette dans laquelle elle se promenoit quelquefois, & dans laquelle elle passoit vne partie de la chaleur du iour, qui est extreme & presque incroyable dans les chambrettes. Les fenestres qui regardent dehors en ont esté bouchées, & les autres tellement barrées, qu'elles ne vallent gueres mieux. Sa porte a esté non seulement cadenassée, mais encore elle est gardée iour & nuit par des satellites, qui sont aussi par tout le logis: de sorte que personne ny en-

tre ny n'en fort : comme s'ils craignoient qu'avec trois ou quatre femmes, que cette ieune Princesse a seulement en sa compagnie, elle peult forcer vn corps de garde de soldats. Ils ne font pas plus de courtoisie à quelque peu d'Officiers qu'elle a, qui sont logez en d'autres chambres au derriere de son logis. Car on les enferme avec de gros cadenats, comme l'on fait des ours, & leurs fenestres sont toutes grillées. Tellement que si vn pauvre Officier tomboit malade de nuit, il pourroit bien mourir auant que d'estre secouru : parce que leurs portes sont cadenaillées à neuf heures du soir, & on ne les ouure que le lendemain au matin : outre que lescdites chambres sont fort esloignées du lieu où les gardes se tiennent la nuit. Et combien que Madame de Longueuille soit en ce miserable estat depuis vn an en ça, si est-ce que nuls de ses plus proches parens qui estoient à Paris, n'ont eu aucune pitié d'elle, ny pareillement Mess. de Mayenne & d'Aumalle. Depuis l'un & l'autre l'ont esté voir en son affliction, lors qu'ils se sont trouuez à Amiens pour leurs affaires particulieres ; & cependant bien qu'ils eussent assez de pouuoir pour la deliurer sans faire tort à personne, ils n'ont pas voulu la tirer des mains de ces enragez de la ville d'Amiens. Que s'il eust pleu à M. de Mayenne (lors qu'il trouua bon de prendre la peine de l'aller visiter, & de reconnoistre le rude traitement qu'elle receuoit, & qu'il voulut bien mesmes toucher aux cadenats attachez à sa porte, qu'elle luy monstra, comme aussi de parler aux satelites qui y estoient) d'ordonner par charité Chrestienne, & en consideration du sang illustre d'où elle est sortie, & de son sexe, & enfin de son innocence ; qu'elle fust vn peu mieux traitée qu'elle n'estoit, & avec l'honneur conuenable à sa qualité. Certes la visite qu'il luy pleût de faire en sa captiuité & en sa misere, luy eut apporté quelque soulagement. Mais il n'en fut iamais rien dit, & encore moins effectué, combien qu'il en eust tout pouuoir (puis qu'il pretendoit d'estre Lieutenant general de l'Estat & Couronne de France) & qu'il ne reconneust aucun superieur à soy. De ma part i'ose bien dire, & avec verité, que si M. de Nevers, lors qu'il alla visiter Messieurs le Cardinal de Bourbon, le Duc de Guise, & Madame de Nemours en leur prison d'Amboise, eust eu pouuoir de les deliurer sans offenser le feu Roy, il l'eust fait pour le courage genereux qui est en luy, aussi bien qu'il s'y employa de toute son affection enuers sa Maiesté. Ce que chacun a sceu, & particulierement M. le Cardinal l'a tesmoigné à plusieurs, ainsi que ses principaux seruiteurs le scauent ; & s'il n'eust eu la volonté de les assister en leur affliction, il n'eust pas esté les visiter, pour ne point donner à penser qu'il y fut allé plus pour se réioüir de leur mal, que pour les secourir, ainsi que font ceux qui vont voir executer par iustice les malfaiçeurs. Si au moins lescdites Princeses eussent peu recevoir vne pareille consolation, que M. de Guise reçoit ordinairement, tant par la visite de ceux qui sont enuoiez de la part de Madame sa me-

re & de ses autres parens, que par les lettres qu'ils s'écriuent reciproquement : & que l'on ne leur eust pas fait pis qu'à tous les autres prisonniers detenus par le commandement du feu Roy, d'heureuse memoire : & de plus encore si l'on eust eu moyen de faire tenir de l'argent & d'autres necessitez ausdites Princesses, comme l'on a fait à M. de Guise, elles & Mess. de Neuers & de Longueville eussent supporté patiemment vne telle affliction.

Et pour vous iustifier l'estroite detention de madame de Longueville, iusques à luy empescher de sortir pour aller à la messe : ie veux vous produire cy-apres vne lettre que ce bon simoniaque d'Euesque d'Amiens (qui gouverne ladite ville avec ses artifices) a escrete à M. l'Euesque de Neuers, pour response à vne autre qu'il auoit receuë de luy, où il se plaignoit de ce que l'on disoit, qu'il ne faisoit pas permettre à madame de Longueville d'aller ouïr la messe en l'Eglise, mesmes les iours de festes, selon que l'Eglise ordonne de faire, sous peine de peché mortel. Par icelle vous verrez comme il aduouë que lesdites defenses ont esté faites à madame de Longueville. Toutefois pour s'en excuser, il met en auant qu'il auoit enuoyé dire à madite Dame, qu'il luy donnoit permission de faire dire la messe en sa chambre. Ce qui vous confirmera mon dire, & vous fera connoistre l'impieté de cette permission inique & contraire aux Coneiles. Que s'il auoit bien retenu les decisions des saints Canons, mesmes du Can. *Sicut alij. § Satius est. distinet. 1. de Consecratione*, il n'eust pas esté si outrecuidé de bailler cette dispense, où il n'y auoit aucune necessité, sinon celle dont luy seul est coupable. Aussi cette vertueuse Princeesse ne s'en est iamais voulu aider. Car elle auoit esté nourrie en la maison d'un pere & d'une mere où elle auoit appris, qu'il n'estoit pas loisible de faire dire la Messe ailleurs qu'aux lieux qui y sont dediez, sans permission de Nostre S. Pere, sous peine de peché mortel : & qu'il valloit beaucoup mieux s'abstenir de l'ouïr, que pensant bien faire, offenser Dieu mortellement. Pour cette occasion elle a esté contrainte de faire ses prieres & ses oraisons solitaires à Dieu, comme elle a peu.

Or pendant son affliction, comme elle ne pouuoit ouïr la Messe, elle fit prier le Curé de S. Martin d'Amiens de la dire à son intention, avec quelques prieres & quelques oraisons, pour supplier Dieu de la rerir de cette captiuité, & cependant de luy donner patience, & de conseruer Messieurs & M. ses pere & mere & son mary. Ce que ledit Curé fit durant quelques iours, & iusques à ce que Messieurs de la ville d'Amiens en estant aduertis, ils luy firent defenses avec menaces, de continuer sa priere.

Iugez par tout ce que dessus, ie vous prie, si le zele de Dieu conduit ce bon Euesque simoniaque & toute sa sequelle. Il veut bien que l'on croye que le zele du Seigneur guide ses actions. Mais la verité est que ses actions l'ont esteint en luy. Il n'en a point du tout, ny luy ny

plusieurs qui luy ressembtent. Cela se peut voir par leurs actions impies, & non Chrestiennes ny charitables, qui sont assez conuës, au grand dommage de ces tant Catholiques & innocentes Princeesses, qui ne scauroient estre taxées d'auoir iamais fait aucune chose indigne non seulement du nom de bonnes Catholiques, mais aussi de Princeesses extraites des maisons illustres de Bourbon, de Gonzague & de Longueuille.

Et si ce n'estoit que ie ne veux pas ennuyer les lecteurs d'une trop longue lecture, ie deduirois par le menu les autres rudesses & les rigueurs desquelles l'on avise à l'endroit desdites Princeesses, & particulièrement à l'endroit de Madame la Duchesse de Longueuille, pour laquelle i'ay fait ce discours. Elle les a supportées si constamment, nonobstant la rage de ses ennemis, qu'elle les a rendus encore plus enuimez contre elle, quoy qu'ils soient contrains d'admirer son grand courage, qu'elle tient (dès sa naissance) de M. de Nevers son pere. De sorte qu'ils la traitent fort miserablement, & la tiennent de si près, que malheureux est celuy de la ville d'Amiens qui la va voir en sa prison, ou qui parle bien d'elle. Ce qu'à la verité, plusieurs gens de bien & d'honneur, hommes & femmes de ladite ville desireroient de faire. Celuy-là seroit lapidé, ou mis prisonnier, ou à tout le moins, chassé & banny de la ville qui l'auroit fait. Par-là la pauvre Princeesse s'est trouuée en tres-grande necessité, pour n'auoir pas le moyen iusques à present, de recevoir aucun argent de Mess. son pere & son mary, ny d'aucuns particuliers de ladite ville qui sont leurs amis. Ce qui suffira pour vous tesmoigner les cruautés, les inhumanitez & les actes barbares qui ont esté exercez sur cette Princeesse. Et sans doute on la deploreroit comme desia enseuelie au tombeau, n'estoit l'esperance que l'on a en la bonté diuine, qui n'abandonne iamais les fidelles creatures : & en la poursuite que le serenissime Duc de Mantouë & de Montferrat, neveu de M. de Nevers & cousin germain de Madame de Longueuille, a trouué bon de faire à l'endroit de Nostre S. Pere. Il luy a de son propre mouuement demandé, comme par vne grace speciale & particuliere, de vouloir faire en sorte que M. son Legat en France la fust mettre en liberté, & entre les mains de mesdits Seigneur & Dame ses pere & mere : ne pouuant plus souffrir de voir le sang de sa maison, si miserablement & si iniustement traité. Ce que sa Sainteté luy a accordé, & pour ce a donné charge expresse à M. le Legat de la faire deliurer. Mais depuis cinq mois en ça, il n'a peu gueres profiter en cette demande à l'endroit des principaux de l'Vnion, encore qu'à leur requeste, sa Sainteté l'ayt enuoyé en France, & qu'ils ayent receu de luy beaucoup de plaisirs, soit de son argent, soit de sa personne. Et afin de vous faire connoistre queie vous represente la verité, vous trouuerez aussi à la fin de ce discours la lettre que M. le Legat a écrite à M. le Cardinal Montalte Neveu de sa Sainteté, par laquelle il declare la pro-

messe qu'il auoit eüe de la deliurance de Madame de Longueuille dès le commencement de Fevrier, qui sont quatre mois expirez, sans qu'elle ayt eu aucun effet, encore qu'il n'ayt de Paris à Amiens que vingt huit petites lieues, qui se font commodement en deux iours. Et par là l'on peut connoistre le respect & l'obeïssance que l'on porte à sa Sainteté & à M. le Legat, même en vne chose si iuste & si charitable. Je ne sçay si à l'aduenir la necessité leur fera faire par force, ce que par droit diuin & humain ils sont obligez de faire.

Quelques-vns ont voulu mettre en auant, que ceux de l'Vnion renoient prisonnières lesdites Princesses à cause de la guerre que M. de Longueuille leur fait, dont à la verité ils ont occasion de se plaindre: car ç'a esté le premier qui les a chatoüillez bien rudement en la signalée victoire qu'il obtint contre M. d'Aumalle, au mois de May de l'année dernière 1589. près la ville de Senlis. Cette action est notoire à chacun, aussi bien que le secours qu'il donna tres à propos au Roy d'apresent, lors qu'il estoit engagé près d'Arques & de Dieppe au mois de Septembre dernier. Mais ils ne peuuent iustement dire qu'ils retiennent Mesdames de Longueuille prisonnières si cruellement à cette occasion. Car celuy qui considerera que leur emprisonnement fut fait le lendemain de Noël 1588; & que M. de Longueuille n'aprit les armes, & n'a fait aucun acte d'hostilité que trois mois apres, iugera bien qu'ils n'auoient aucune occasion de luy retenir son sang, ny d'emprisonner si inhumainement ce qu'il a de plus cher, sans qu'ils eussent receu de luy, ou qu'ils en reccussent aucune iniure ny aucun desplaisir, mais toute faueur & toute grace. Partant qu'ils n'ont esté poussez à ce faire que par vne haine mortelle qu'ils portoient au feu Roy, & à tous ceux qui l'aimoient & qui le suiuoient. Et par là pourroit-on conelure, que tant s'en faut que M. de Longueuille leur ait donné occasion de commettre vne telle impieté contre luy, qu'au contraire ils l'ont contraint & le contraignent de faire le pis qu'il peut pour s'en reuancher. Car pour bien iuger de la fin d'vne telle affaire, il en faut tousiours prendre l'origine, & par ce moyen l'on pourra plus aisement reconnoistre qui a esté le premier à offenser. Si M. de Neuers eust voulu croire plusieurs de ses amis & de ses seruiteurs affectionnez, il n'eust pas luy même tant tardé à employer tout son pouuoir pour recouurer Madame sa fille, & ses terres & les reuenus qu'iniustement l'on luy detient; sans qu'ils ayent eu aucun esgard aux considerations qui l'en ont retenu. Car tout respect cessant, ils luy ont de iour à autre donné quelque nouueau sujet de mécontentement. De sorte que beaucoup de personnes de iugement, s'estonnent comme il a peu tant patienter: parce que chacun connoit assez que s'ils n'eussent visé qu'à la conseruation de nostre Religion, l'on n'auroit pas exercé les cruautéz dont l'on vse à l'endroit desdites Princesses; & on ne retiendrait pas le reuenue ny les places qui appartiennent à M. de Neuers. De même, l'on ne desmoliroit pas la mai-
son

son de Paris, pour vendre les tuilles, les ardoises, la charpenterie, la menuiserie, les ferrures, voire iusques aux pierres, à ceux qui les vont acheter aussi librement, qu'on fait les herbes & les fruits au marché des halles de Paris. C'est bien loin de les faire serrer au profit de mondit Seigneur, au cas qu'ils fissent vne telle demolition seulement pour la fortification de leur ville; attendu mesmes que ce bon Prince, qui tou-
tefois n'a pas faute de courage ny de moyens d'affaillir aussi bien que de se defendre, s'est tenu coy en sa ville & Duché de Neuers depuis dix mois en ça, que la mort du feu Roy est suruenüe.

C'est pourquoy nous pouuons bien connoître qu'ils ne sont pas poussez de mesme zele de Religion, qu'ont eu anciennement les saints personnages desquels ils se disent imiter les vestiges; mais bien des affections & des passions dereglees qui ont coustume de guider les hommes mondains. Car ils n'ont pas espargné ceux qui sont reconnus des meilleurs Catholiques de ce Royaume, & tres-fidelles seruiteurs des Rois, de la maison & de la Couronne de France. Ce que les effets ont assez tesmoigné, & particulièrement la cruelle & iniuste prison de M^{rs} dames de Longueuille: & il est aisé à presumer que s'il estoit en leur pouuoir d'emprisonner d'autres Princesses avec leurs enfans, & de faire quelques autres actes aussi cruels & aussi inhumains, ils les executeroient de tres-bon cœur. Surquoy ie ne m'arresterray pas dauantage pour mettre fin à mon discours, & ie supplieray le lecteur de le prendre en bonne part, & le lisant se despoüiller de toutes passions, afin de connoître & de iuger le peu d'occasion que Messieurs de l'Vnion ont eu & ont de consentir à tant de cruautéz & de barbaries depuis dix sept mois en ça. Ils ne considerent pas qu'ils sont suiets à de semblables infortunes, suiuant la sentence de Solon; & que ces vertueuses Princesses ny Mess. de Neuers & de Longueuille ne leur ont iamais donné suiuet, ny à autre personne que ce soit d'vser de tels deportemens. Mais la passion enracinée dedans le cœur de ceux, qui sous le tiltre d'Vnion, diuisent le ciel & la terre, foulent aux pieds l'honneur de Dieu, le droit diuin & humain, & n'ont rien de Chrestien que le nom. Cela me fait ressouenir du Philosophe Diogenes, qui se promenoit en plein midy par les places publiques de la ville d'Athenes, vne lampe en la main, & disoit, qu'il cherchoit vn homme: & que parmy tant de peuple, il voioit bien des visages d'hommes, mais non pas des hommes. Ainsi peut-on dire, que l'on auroit beau chercher avec mille flambeaux parmy tous ces bons Zelateurs de la sainte Vnion, auant que d'y trouuer, sinon peu de vrayes Chrestiens. Car il n'en paroist en la plus grande partie que le nom seul, qui n'est aucunement accompagné des actions dignes d'vn tel tiltre. De sorte que l'on leur pourroit dire de mesme que fit Alexandre le Grand à vn soldat qui portoit semblable nom que luy, & neantmoins estoit vicieux & couïard: change de nom ou de mœurs (luy dit-il) ou bien abandonne le camp. Aussi vous, qui vous dites Chrestiens & Catholiques vnis,

DISCOVRS D'ESTAT

ou changez de nom ou de vie, ou bien vous en allez hors de l'Eglise. Le iugement que le lecteur en pourra sainement faire, sera tout le contentement que ie pourray recevoir en mon esprit de ce petit labeur. Cependant ie prie Dieu qu'il change tellement les volontés des pretendus zelez qu'ils rendent à chacun ce que iustement luy appartient; qu'ils soulagent le pauvre & miserable peuple, & qu'ils embrassent sur tout, ce qui concerne l'honneur de Dieu. Afin de donner exemple à tous les autres de les imiter quand ils feront bien: & de se garder d'estre deceus sous de beaux & de specieux pretextes; selon que l'Evangile vous en admoneste, disant: *Nolite credere illis qui veniunt ad vos in vestimentis ovium: intrinsecus autem sunt lupi rapaces.*



COPPIE DES LETTRES ESCRITES PAR LES
MAIEVR PREVOST ET ESCHEVINS D'AMIENS
au sieur de Sesseual, pour sa deliurance au lieu de
Madame de Longueuille.

MONSIEVR, Puis que ne pouvons recourir vostre liberté par autre voye que par la deliurance de Madame la Duchesse de Longueuille, nous nous sommes condescendus à cette condition, sous promesse qu'a faite ladite Dame, que quand elle sera en liberté, elle fera mettre aussi en liberté le sieur de Lignieres, ieune Gentilhomme, & le frere de Monsieur le Lieutenant general, arrestez par M. le Duc de Nevers retournant d'Italie. Reste à aduiser de l'exécution de cette resolution, pour laquelle Madame de Sesseual enuoye vers vous, afin d'auoir passé-port pour Monsieur d'Olfi, qui s'offre pour ostage de vostre personne, laquelle estant en pleine liberté, nous mettrons aussi ladite Dame de Longueuille en liberté, c'est dequoy nous vous prions de prendre toute assurance. Sur ce, Monsieur, nous prions Dieu vous auoir en sa sainte garde, vous baissant humblement les mains. D'Amiens, ce 31. Iuliet 1589.

Vos voisins & humbles seruiteurs, Maieur,
Prouost, & Escheuins d'Amiens.
DE-LESSAV.

COPPIE DES ARTICLES SVIVANT LES SVSDITES LETTRES.

Messieurs d'Amiens offrent de mettre Madame la Duchesse de Longueuille en liberté, moyennant la deliurance du sieur de Sesseual Armoise, fait prisonnier en la bataille de Senlis. A la charge que ladite Dame Duchesse fera aussi, que M. le Duc de Nevers deliurera le sieur de Lignieres & le frere du Lieutenant General d'Amiens, dont M. de Nevers s'est saisi comme ils retournoient d'Italie.

M. de Longueuille est bien-aise d'entendre à cette composition, mais il ne sçait pas bien, s'il se doit assurer sur les ostages ou sur la fuy dudit de Sesseual, combien que lesdits ostages semblent plus certains.

C'est pourquoy ie desirerois que premierement Madame la Duchesse de Longueuille fust rendue par ceux d'Amiens à Han, comme de sa part il feroit rendre le sieur de Sesseual à la Fere, lesdites deux villes n'estant qu'à sept lieues l'une de l'autre : & puis on regarderoit le la seurété de la deliurance d'icelle Dame, ensemble dudit de Sesseual.

Il plaira à M. de Nevers en donner au plustost aduis, & mander si de sa part il ne rendra pas lesdits deux prisonniers qu'il tient, moyennant l'effet de ladite composition : dequoy il donnera assurance par escrit.

II. PART.

Dd ij

PROMESSE SIGNEE PAR MONSIEVR DE NEVERS
en consequence des susdits articles cy-dessus.

NOUS Lodonico Gonzaga Duc de Nivernois & de Rethelois, Prince de Mantoue, Pair de France, Gouverneur en nosdits Duchez, & es pays de Champagne & Brie, durant le bas âge de nostre fils, Promettons en foy & parole de Prince, & d'homme de bien, de faire mettre en liberté le sieur de Lignieres & Claude le Roy, que nous auons arrestez en nostre ville de Desfrz: tout aussi tost & au mesme instant que nous auons esté aduertis par M. le Duc de Longuenille nostre beau-fils, que la Duchesse de Longuenille sa femme, nostre fille aisnée aura esté mise en liberté par les habitans de la ville d'Amiens, & qu'elle sera arrivée en la ville de S. Quentin ou de la Fere en Picardie: selon qu'il nous a esté fait entendre que l'on desiroit auoir de nous telle promesse & assurance pour la liberté cy-deuant traitée de nostredite fille. En tesmoin dequoy nous auons signé la presente de nostre propre main, & fait sceller de nostre cachet, à Clamecy le 21. iour d'Aoust 1589. signé, **LYDOVICO GONZAGA.**

LETTRE ESCRITE PAR LE FEV ROY HENRY III.
A MONSIEVR LE DVC DE NEVERS ESTANT
deuant la Grenache, luy donnant le choix des gouuer-
nemens de Champagne ou de Picardie,

MON COVSIN, Puisque i'ay maintenant le moyen de vous témoigner, non seulement combien ie vous aime & combien ie me fie en vous; mais aussi que i'ay tousiours esté homme de promesse, & que ie le suis encore, & que i'aimerois mieux mourir que d'y manquer; ie ne veux pas différer dauantage de reconnoistre tant de seruices que ie recois de vous. Vous estes vrayement digne de me bien seruir, car vous ne reconnoissez point d'autre puissance que celle de vostre Roy seul. Aussi est-ce desormais ma volonté absoluë de ne viure plus d'autre sorte & de punir tous ceux qui parleront de ligue, ou qui en feront: comme aussi de reconnoistre comme vous, ceux qui auront tout le contraire dans le cœur. C'est pourquoy ie vous donne le Gouvernement de Champagne & Brie. Choisissez de celuy-là, ou de celuy de Picardie lequel vous voulez. L'autre sera pour Monsieur de Longuenille, enuers lequel ie m'acquitte par là de la promesse que ie luy ay faite, ayant beaucoup d'occasion de l'aimer pour sa fidelité. Quelque ieune qu'il ait esté, il me l'a tousiours tesmoignée. Vous me manderez donc lequel vous receuez. Car vous estes le pere, que i' aime & en qui ie me fie. Adieu, mon Cousin, le lendemain de Noël 1588.

HENRY.

DEVX LETTRES ESCRITES PAR LE SIEVR DE
SEVRRE INTENDANT DES AFFAIRES DE
M. le Duc de Guise, à Madamede Nevers, sur le
gouvernement de Champagne.

MADAME,

Encore que ie ne pense pas, depuis les évenemens des choses passées il y a quatre ans, auoir offensé nyle Roy, ny feu Monseigneur, si est-ce qu'ayant veu ce qui arriva à Blois le 24. du mois passé, ie ne scay qui eust eu le cœur d'estre sans frayer. Il est vray que depuis le vendredy iusques au mercredy suiuant, ie me resserray en mon logis, & n'en sortois que la nuit, pour essayer de separer ce miserable train, & pour chercher tous les moyens, de reconuer quelque argent pour enuoyer tant d'orphelins droit à Paris, au remede de leur bonne Maistresse Madame vostre seur. Le soir dudit mercredy ayant souppé, ie m'en allé au logis de Monsieur de Richelieu, & le suppliy de me prolonger le temps qu'il m'auoit donné pour acheuer ces miserables affaires. Ce qu'il m'accorda seulement pour vn iour. En prenant congé de luy, & sortant de sa maison, ie trouuay vn mien homme qui m'attendoit à sa porte, lequel me dit qu'il n'estoit pas bon que i'allasse en mon logis, d'autant qu'un Exempt des Gardes n'en faisoit que sortir, y ayant prins & emmené Bernardin uallée de Chambre de feu mondit Seigneur. Ce nonobstant ie ne laissay pas d'y aller, & arriué à onze heures deuant minuit. Je me mis à donner promptement ordre à mes affaires, laissant tous ceux de mon petit Maistre, pour partir, comme ie fis, le landemain dès quatre heures, & me sauuer de la colere qui estoit tres-échauffée. De façon, Madame, que m'estant rendu icy, & repris mes esprits, il m'a semblé vous deuoir ressouenir qu'au Gouvernement de Champagne sont la pluspart de vos belles terres. Celles de Mademoiselle de Bourbon vostre Niepce & celles de Messieurs vos Nepueux & Niepces. Fens Messieurs vos pere, frere & beau-frere estoient Gouverneurs de cette Province, n'y en ayant vne seule en ce Royaume où M. vostre mary ait plus de credit, d'autorité, de moyen, & d'amitié du peuple qu'en celle là. Je puis dire danantage, Madame, que c'est le plus beau & honorable Gouvernement de ce Royaume, la liziere d'iceluy bornant la Flandres, le pays Metzain, l'Allemagne, la Suisse, & la Comté de Bourgogne. De sorte qu'il ne peut arriuer en ce Royaume, vne guerre estrangere, qu'elle n'attaque la Champagne, & par consequent n'apporte charge digne & honorable au Gouverneur. Ce Gouvernement, Madame, est proche des douaires & des terres de Madame vostre seur, & de Messieurs & Dames ses enfans, que ie ne doute nullement que vous n'aymiez, comme vous mesme, & ne desiriez de les voir à toutes heures. C'est pourquoy, Madame, i'ose prendre la hardiesse (encore que ie sache que de beaucoup d'autres mains soiez mieux aduertie que de la mienne) de vous faire ce mot de lettre, pour vous dire, Madame, qu'il me semble que mondit Seigneur

vostre mary ne scauroit mieux faire, pour son contentement & le vostre, que de pratiquer enuers le Roy qu'il le vueille au lieu du Gouvernement de Picardie, pouruoir de celuy de Champagne. Chose dequoy, ie m'assure, il ne sera escondit, & en ce faisant, Madame, vous obligerez infiniment ce pauvre pays, qui n'a besoin apres tant de travaux qu'il a receus par cy-denant, que d'un Prince debonnaire, sage, vertueux & clement, comme il est. Pensez-y donc, Madame, s'il vous plaist, & pardonnez à ma temerité, & ie priray le Createur vous donner, Madame, en parfaite santé, tres-heureuse & tres-longue vie. De Chartres ce premier Iannier 1589.

Vostre tres-humble & tres-obeissant
scruteur, DE SEVRRE.

MADAME;

Enuoyant ce porteur à La Cour pour les affaires qu'il vous dira, j'ay pris la hardiesse de vous faire ce mot de lettre, pour vous assurer de la santé de Madame vostre seur, laquelle sans l'affliction qu'elle a, ne seroit que tres bien avec sa grossesse. Elle n'attend que l'heure d'accoucher. Je m'assure, Madame, que vous la voudrez bien excuser, si elle ne vous escrit point. La pauvre Princeesse ayant tant d'ennuy, qu'il luy seroit impossible de mettre la main à la plume: elle m'a expressément commandé de vous baiser tres-humblement les mains de sa part: & vous supplier, Madame, si ce porteur a affaire de vous, pour dire un mot au sieur Zamet, pour chose qui importe à M. vostre Nepueu, ne luy vouloir denier vostre bonne assistance. Il est si suffisant, que ie ne vous importuneray dauantage, si non, pour vous ramentouir ce que ie vous ay dernièrement escrit de Chartres touchant le Gouvernement de Champagne, lequel M. vostre mary ne doit nullement laisser eschapper, pour tant de bonnes raisons que portoit ma lettre. Madame, ie prie Dieu vous donner en parfaite santé, tres-longue & tres heureuse vie. De Paris ce 8. Iannier 1589.

Vostre tres-humble & tres-obeissant scruteur,
DE SEVRRE.

Monfieur de Nevers eftant demeuré au fiegé de la Grenache, & ne pouvant refufer les graces du Roy fon Maiftre, ne laiffa pas de faire toutes les diligences dont il parle dans le difcours precedent, pour obliger les partifans de la maifon de Guife, à ne pas defagreer les offres de S. M. Ce qu'ils eurent tous tres-agreable dans le malheureux eftat où ils eftoient reduits. Sur cela M. de Nevers accepte le Gouvernement de Champagne, & prie le Roy d'en faire expedier les prouifions fous le nom de M. le Duc de Rethelois fon fils. En voicy la coppie.

HENRY PAR LA GRACE DE DIEU ROT DE FRANCE ET de Pologne. A tous ceux qui ces presentes lettres verront, salut: Comme eftant vacqué le Gouvernement de nos pays de Champagne & Brie, par le deceds n'agueres aduenu du feu Duc de Guife, il fuit tres-requis & necessaire pour le bien de nostre fervice, feureté & conseruation defdits pays fous nostre obeiffance, de pourvoir audis Eftat, de quelque personnage de bonne & grande qualite, sur la fidelité, prudence & affection duquel nous nous puiffions reposer de la conduite, conseruation & administration de ladite charge, de forte qu'il ne s'y puiffe rien entreprendre au preiudice de nostre intention & du bien de nostre Eftat. SCAVOIR faisons que nous ayans eu de grands & afeurez refimoignages de la fidelité affectionnée & sincere volonte à nostre fervice, de nostre tres-cher & tres-ame Cousin Louis de Gonzague, Duc de Niernois, pour le bon & foigneux deuoir qu'il a rendu tant à l'entour de Nous, qu'à fait de nos guerres, & en plusieurs grandes & importantes charges que nous luy auons commises, où il s'est prudemment & vertueusement porté, conduit & acquité, à nostre tres-grand contentement, & au bien de cet Eftat & Couronne. Nous voulons nous promettre, qu'ayant tracé ce beau & falutaire chemin à nostre tres-cher & bien amé Cousin Charles de Gonzague & de Cleues, Duc de Rethelois fon fils, il fera à l'exemple & imitation de son pere, pour continuer le mefme deuoir dont il a tousiours vſé en nostre endroit. Joint le ſoin que nostredit Cousin son pere a eu de l'instituer dès ſes premieres années, non ſeulement à la pieté & bonne Religion Catholique, Apostolique & Romaine, & à la fidelité que iuſtment il nous doit, comme ſon Roy legitime & naturel: mais auſſi à toutes ſortes de vertus, pour le rendre capable & digne de faire ſervice, à Nous, à nostre Eſtat, aux plus grandes Charges de ce Royaume: monſtrant par ſes bienheureux commencemens, que la fin reſpondra aux eſperances de ſon premier âge. POUR CES CAUSES & autres grandes & dignes conſiderations à ce Nous mouuans, auons iceluy nostredit Cousin le Duc de Rethelois fait, créé, conſtitué, ordonné & eſtably, faiſons, creons, conſtituons, ordonnons & eſtabliffons par ces preſentes, Gouverneur & nostre Lieutenant general en chef, de nos pays de Champagne & Brie. Et ladite Charge & Eſtat luy auons donné & octroyé, donnons & octroyons, pour l'auoir, tenir, & doreſnauant exercer aux honneurs, aucto-

rité, prerogatives, preeminences, franchises, libertez, Estats, pensions, droits, profits, revenus & esmolumens acoustumez & qui y appartiennent, tels & semblables que les avoit & prenoit ledit sen Duc de Guise pour raison d'icelle Charge, avec plein pouvoir, autorité, commission & mandement special, de contenir nos sujets, manans & habitans des villes & pays, en l'obeissance qu'ils nous doivent : les faire vivre ensemble en amitié, union & concorde. Et au cas qu'entr'eux survient aucunes querelles, debats & noises, pourvoir par luy promptement à la pacification d'iceux, & faire punir par nos Juges, les coupables & auteurs desdites querelles ; & pareillement ceux qui contreviendront à nos Edits & Ordonnances. Iceux nos Edits faire observer & garder inviolablement ; mander, convoquer, & assembler pardevant luy toutesfois que bon luy semblera, & le besoing le requerra, les gens d'Eglise, de la Noblesse, Officiers, Consuls, Maieur, Eschevins, & Bourgeois, manans & habitans des villes dudit Gouvernement, pour leur faire entendre, ordonner & enjoindre ce qu'ils auront à faire pour nostre service & conservation : adviser & pourvoir aux affaires occurrens en iceluy, ouir les plaintes de nostre peuple desdits pays, & sur icelles leur pourvoir & faire administrer justice ; avoir l'œil sur les Officiers de nostre Justice, & tous autres, pour voir le denoir qu'ils feront en leur Charge ; & s'ils ne le font bien, nous en advertir, pour y pourvoir comme verrons estre requis. Aussi pourvoir à la seurété desdites villes, ports, places & forteresses dudit Gouvernement ; à ce qu'il ne s'y fasse aucune émotion ou entreprisé, au preiudice de l'obeissance qui nous est due : & pour cet effet, commander à nosdits Officiers, Maires, Consuls, Eschevins, manans & habitans desdites villes, Capitaines de nos Ordonnances, Chevaux legers, Ban & Arriereban, gens de pied, legionnaires, & à tous autres nos gens de guerre estans, & qui seront cy-apres pour nostre service esdits pays, de quelle qualité & condition, & nation qu'ils soient, ce qu'ils auront à faire pour nostre service. Envoyer lesdits Capitaines & soldats en telles villes & places desdits lieux & pays, qu'il verra estre requis pour la conservation d'icelles, & derechef les assembler pour les mettre en equipage, ou faire telles entreprises qu'il verra estre à faire, pour combattre nos ennemis, assieger villes & Chasteaux occupez par eux : prendre pour cet effet telles pieces d'artillerie, poudre & munitions, qui se trouveront esdites villes, dont il aura besoin ausdites entreprises : & pour cet effet commander à tels des habitans dudit pays, ou de partie d'iceux, qu'il verra les moins foullez, & qui plus commodement ou promptement le pourront faire, nous en ayant presablement donné advis, pour par nous estre ordonné, & non autrement, de la levée qu'il conuendra faire, des charrois, pionniers & autres choses necessaires : assaillir & forcer lesdits places, ou les prendre à telle composition & condition qu'il verra estre à propos pour nostre service, & le bien de nos sujets. Commander aux Beneficiers, Gentilshommes, & autres nos sujets Catholiques ayans maisons & Chasteaux forts, de tenir gens de guerre Catholiques à la garde d'iceux, & à leur deffaus & negligence, y pourvoir & y mettre telles forces & garnisons que par nous seront ordonnez, pour estre entretenus aux despens du revenu desdites places

places faire abbatre & demanteler celles villes & chasteaux desdits pays que besoin sera, soit qu'elles nous appartiennent, ou à nosdits suiets Catholiques ou rebelles, quand il verra un eminent peril, & qu'autrement il ne se pourra éviter : & dont nosdits ennemis se pourroient saisir & preualoir. Faire ausdits gens de guerre qui ainsi seront employer par nostredit Cousin, & aussi à ceux qui passeront par les terres de sondit Gouvernement, administrer logis & viures, soit par esclapes ou autrement, à la moindre foulle & oppression de nostre peuple que faire se pourra ; & pour ce faire deputer & commettre tels Commissaires qu'il aduiera. Et aduenant la mort des Capitaines des Chasteaux, villes, ponts, & places, & de gens de pied estans audit pays pour nostre service, en deputer d'autres, iusques à ce que nous y ayons pourueu. Faire viure tous les gens de guerre, tant seiournans que passans, allans & venans, en bonne police & discipline, selon les ordonnances & reglemens militaires, sur ce par Nous & nos Predecesseurs faits, sans souffrir qu'ils fassent aucun tort, pilleries, exactions ou excez aux habitans desdites villes & pays. Et si aucun fait le contraire, en faire faire la correction & iustice par les Prenosts, Provinciaux, ou autres nos Officiers desdits pays, de sorte que les autres y prennent exemple. Et en cas qu'il soit requis de plus grandes forces, faire conuoquer & assembler le ban & arriereban des lieux de son Gouvernement, & les communes parrochiales par le son du tocsin, pour faire assister lesdits Prenosts & autres nos bons suiets selon que le cas le requerra, en sorte que la force nous en demeure. Et en endroits ou nostredit Cousin ne se pourra trouuer en personne, deputer ou commettre tel ou tels vaillans personages, qu'il connoistra & aduiera se pouoir bien & fidellement acquiter des charges que par luy leur seront commises. Aduier quand de nos ban & arriereban, nous ordonnerons la conuocation, qu'il ne s'y commette aucun abus : en faire faire les monstres & reueuës : se faire presenter les roolles & assister des deniers qui se leueront pour cet effet, & donner ordre qu'ils ne soient employez à autre vsage. Avoir l'œil & regarder sur les Prenosts des Marechaux, leurs Lieutenans, Greffiers, Archers & autres Officiers de la Marechaussée estans en sondit Gouvernement, & leur ordonner ce qu'ils auront à faire pour nostre service : mesmes pour tenir le pays, chemins, & nosdits suiets en toute seurété & repos. Commettre aux chemins, passages & destroits, telles gardes qu'il aduiera, pour auoir la connoissance de ceux qui y passeront. Faire arrester & retenir ceux qui seront suspects, s'il voit que bon soit, iusques à ce qu'il soit connu de leur qualité, prend'homme & innocence. Faire faire les monstres & reueuës desdits gens de guerre, & pour ce commettre tels Commissaires & Controllours extraordinaires, en l'absence des ordinaires de nos guerres, que besoin sera. Ordonner des deniers que par nous seront destinez au payement desdits gens de guerre, selon les estats qui en seront par nous expediez, ensemble de ceux qui seront destinez à estre employez aux fortifications desdites villes, ponts, & places, & pour l'artillerie & munitions estans en icelles : & de tout en expedier les certifications, ordonnances, estats, cabiers, & acquies suruenus à la discharge des Tresoriers ordinaires & extraordinaires de nosdites guerres, artillerie & reparations respectiuenment ; lesquels dès à present, comme pour lors, nous

signéesdites presentes de nostre propre main, & à icelles fait mestre nostre scel. Donné à Blois, le 18. Janvier, l'an de grace mil cinq cens quatre-vingt neuf, & de nostre Regne le 15. Signé HENRT. Et sur le reply, Par le Roy, RVZE', & scellé du grand sceau de cire iaune.

COPPIE DES LETTRES ESCRITES PAR CEVX
DV CONSEIL DE L'VNION ESTABLY A PARIS,
aux habitans de Neuers, pour les destourner de leur fidelité,
le Roy Henry 3. estant encore viuant.

MESSIEURS, Nous eufmes aduis le mois passé des pratiques que faisoit contre vous le Seigneur de Neuers. Aussitost & dès le 17. du dit mois, nous vous en fîmes aduertir, afin de ne vous pas laisser séduire par ses artifices, mais d'estre constans & perséuerer en la sainte Vnion en laquelle vous estes entrez; considerans que hors d'icelle, il n'y a point de salut, soit au ciel, ou en la terre. Et craignant que nos lettres n'ayent esté surprises, nous vous faisons cette recharge à mesme intention, & pour vous prier d'estre assurez que vous ne manquerez point de secours en tout ce qui vous sera besoin. Priant Dieu, Messieurs, apres nos affectionnées recommandations à vos bonnes graces, qu'il vous donne en santé ce que desiréz. A Paris ce 3. May 1589.

Les gens tenans le Conseil general de l'Vnion des
Catholiques estably à Paris, vos bons amis.
SENAVLT.

COPPIE DE LA LETTRE ESCRITE PAR L'EUESQVE
D'AMIENS A M. LE REVEREND EUESQVE DE
Neuers sur la prohibition faite à Madame la
Duchesse de Longueuille d'aller à la Messe.

MONSIEVR,

Pour responce à celle qu'il vous a pleu m'escrire, ie vous diray qu'il n'a tenu & ne tient à moy que Madame la Duchesse de Longueuille n'aille à l'Eglise ouyr la Messe. Mais ceux de la ville l'empeschent: pource qu'ayant la liberté de se promener, elle alloit par les ruës & boutiques, pratiquant le peuple pour elle & son party. Ce qui donna occasion de la resserver dauantage par Messieurs les Maieur & Escheuins. Mais de moy, il n'y a rien du mien en cela, luy ayant donné permission de faire celebrer la Messe dans son logis, sur la requeste qui m'en fut faite par lesdits Escheuins, & ne tiendra à moy qu'elle n'ait vne plus grande liberté; voire mesme toute deliurance, comme ç'a esté tousiours mon aduis, pour plusieurs considerations qui ne se peuuent escrire maintenant. Mais vous sçauuez que l'on ne peut facilement desmouuoir vn peuple de l'opinion qu'il peut auoir conceuë. Le present porteur vous dira comme ie tiens le lis il y a quatre iours. Cela m'excusera, s'il vous plaist, de plus longue lettre,

pour vous assurer de mon service, en tout ce qu'il vous plaira m'employer. Vous baissant humblement les mains, le prie Dieu vous donner, Monsieur, en bonne santé heureuse & longue vie. d'Amiens, ce 9. Aoust 1589.

Vostre bien humble & affectionné serviteur & frere,
G. DE LA MARTONIE. Euefque d'Amiens.

LETTERE DE M. LE CARDINAL CAJETAN LEGAT EN FRANCE, A M.
le Cardinal Montalte, pour assurer S. S. de la deliurance de
Madame de Longueuille.

ILLVST^{mo} E REVER. SIGNORE MIO OSSERV.^{mo}

ITRA le altre lettere ch'io scrissi à V. S. Illustriss. per il Corriere ch'io spedei al 18. del passato, ve n'era una attinente alla liberatione della figliuola del Duca di Nevers, per laquale di ordine di S. Santità, ella mi haueua commandato ch'io mi donessi interponere, per sodisfattione del signor Duca di Mantoua, che ne faceua grande instanza. All'hora io l'anisai che n'haueno trattato co'l signor Duca d'Vmena, è ch'in S. Eccellenza haueuo tronata bonissima volontà di gratificare al sig. Duca di Nevers, si bene mi disse che l'effetto di questa liberatione dipendeva principalmente da Madame di Guisa, colla quale hauendone poi fatto gagliardissimo officio, n'ho hauuta promessa ch'in ogni modo sarà consenta, di farla liberare & di restituirli al Padre. Conquesto fine hoggi a scritto che sia leuata dal castello d'Amiens, dove si ritroua riserrata, e che sia accompagnata honoratamente a Parigi, & qui sarà riceuuta dalla sudetta Madama di Guisa in casa sua propria, è trattata non come nipote, ma come figliuola. Desidera bene de trattenerla con lei qualche giorni, per dar occasione al Duca di Longailla suo marito, di procurare con Nauarra, la liberatione del signor Duca di Guisa suo figliuolo, laquale succedendo o non succedendo, m'ha certificato al fine che la liberara quel che forse non speraua, il signor Duca suo padre per la qualità de' tempi, & per il modo che hora si tiene in guerreggiare in Francia. Così V. S. illustriss. potrà far' intendere questa resolutione all'Ambasciatore del signor Duca di Mantoua, e le baccio humilissimamente le mani. Di Parigi à 13. di Febraio 1590.

Di V. Signoria Illustriss. & Reuerend. affectionatissimo e obligatissimo seruitore, IL CARDINAL CAETANO.





LET TRES
DV ROY HENRY IV.
A
M. LE DVC DE NEVERS.

*Depuis le 1. d'Aoust de l'année 1589. qui fut le 1. iour de son regne,
insqu'à l'année 1593.*



ON COVSIN, C'est à mon grand regret que ie vous donne aduis de la mort du feu Roy, que Dieu absolue. Il vous auoit hier escrit pour vous aduertir du coup que luy auoit donné vn traistre & meschant Iacobin. Depuis il a pleu à Dieu l'appeler, dont ie ressens vn extrême desplaisir. le m'asseure que tous ceux qui ont esté affectionnez à son

seruice n'en sont pas moins touchés, & vous particulièrement qui auez tousiours esté aimé de luy. l'espere que Dieu me fera la grace avec tous ceux qui luy ont esté fidelles comme vous, d'en faire faire vne punition exemplaire. le vous prie, mon Cousin, de faire estat de la bonne volonté que ie vous porte; & croire qu'ayant cet honneur de m'appartenir, vous connoistrez les effets de ma bonne volonté en tout ce que ie pourray pour vostre contentement. l'ay fait despescher mes lettres de declaration, par lesquelles ie promets & m'engage en foy de Roy à tous mes suiets, de les conseruer en leur Religion Catholique, Apostolique & Romaine, de les soulager autant qu'il me sera possible; & maintenir la Noblesse en ses priuileges & franchises. le vous prie de le faire entendre à toutes les villes & à tous les Gentilshommes de vos Gouuernemens; afin qu'ils se contiennent en leur deuoir. Et parce que le feu Roy, que Dieu absolue, vous auoit mandé par sa dernière lettre, de ioindre avec vos forces & celles du sieur de Tauanne, les Reistres & les Lansquenets qui viennent pour mon seruice, & tout ce que vous pourriez assembler d'autres troupes, pour attaquer les Estrangers qui viennent en faueur de mes ennemis; ie vous prie de continuer dans ce

Ec iij

dessein; & si vous ne les pouuez combattre, de les suiure avec toutes vos forces, iusqu'à ce que vous m'ayez ioint. Je desire vous voir en particulier, pour avec vostre prudent aduis, donner ordre aux affaires de mon Estat. Ie vous prie me faire paroistre en cette conioncture, l'affection que vous me portez, & vous assurer de ma bonne volonté. Et sur ce ie prie Dieu, Mon Cousin, qu'il vous ait en sa sainte & digne garde. Du Camp de S. Cloud, ce 2. iour d'Aoust 1589. Signé HENRY.



LETTRE DV ROY HENRY IV.

A

M. LE DVC DE NEVERS.



ON COVSIN, Puis qu'il a pleu à Dieu de m'appeller à cette Couronne, j'ay crû que ie deuois faire obleruer tous les reglemens que le feu Roy, Monseigneur & frere auoit faits, & particulièrement pour ce qui regarde les ordres de la guerre, avec laquelle il m'a laissé. J'ay bien reconnu qu'il n'y a rien de plus dangereux que les nouveautez & les changemens, & sur tout quand il est question du payement des Estrangers. C'est pourquoy j'ay confirmé à M^r Pierre le Grand Secretaire de mes Finances, la commission & la recepte generale des deniers du sel, pour les employer à ce qu'il conuient iournellement payer aux Suisses qui sont en mon armée. Car cela est de telle importance, qu'à toutes les occasions qui se presentent, ie recommande la conseruation de ladite nature de deniers, pour n'y estre en façon que ce soit touché, que pour le payement auquel elle est destinée. Je vous ay desia escrit sur ce suiet. Je vous fais encore ce mot pour la mesme chose, afin qu'aux villes où vous auez le commandement, i'en puisse receuoir le secours tel que ie me le suis promis. En cette assurance ie ne vous en fairay point de plus expresse recommandation; mais pour fin de ma lettre, ie priay Dieu qu'il vous ait, Mon Cousin, en sa sainte & digne garde. Escrit au Camp du Mans le 5. iour de Decembre 1599. Signé HENRY. Et plus bas, RVZE.





AVTRE LETTRE DE S. M. A V MESME.



MON COUSIN, Je m'assure que vous serez aussi aisé que moy-mesme des nouvelles que ie vous donne par la presente. Vous sçavez que depuis hier, le Gouvernement de mon Cousin le Duc de Longueuille s'est accru d'une bonne place. Les sieurs de Humieres, de Parabelle, & de la Boissiere ont pris la ville de Corbie. Belle-fouriere y a esté tué en combattant, & la pluspart de sa compagnie, sans perte que de deux de mes soldats. On y a trouué deux canons & vne coulleurine, & quantité de munitions qui serviront à prendre les Chasteaux & les forts qui sont aux enuirs de ma ville d'Amiens, pour l'incommoder de plus en plus. l'espere que Dieu me fera la grace de voir bien-tost de plus grands effets; & que mes affaires s'achemineroient bien en toutes les autres Provinces, & spécialement en vostre Gouvernement, par le soin & la diligence que vous y apporterez. Et sur ce, ie prie Dieu qu'il vous ait, Mon Cousin, en sa sainte & digne garde. Escript à S. Quentin, le 10. iour de Decembre 1589. Signé HENRY. Et plus bas, POTTIER. Et à costé, le vous prie de m'enuoyer incontinent l'Esclufelle avec ses troupes; car i'en ay tellement affaire, que ie ne m'en puis passer.



AVTRE LETTRE DE S. M. A V M E S M E.

MON COVSIN, Le sieur de Tannerre commandant pour mon seruice à Gien, m'a remonstré qu'il auoit esté assigné par le Receueur general de mes finances estably à Blois, pour le payement des gens de guerre qui sont en garnison audit Gien, sur les denieres des tailles de l'Election de cette ville-là, & dont le bureau estably à Donzy fait partie, comme dependant de ladite Election. Neantmoins que iusques icy il n'en a pu rien toucher, à cause que vous ne voulez pas permettre que le Commis estably à Donzy apporte ses deniers à Gien, comme il auoit acoustumé par le passé. Il m'a dit que la raison que vous avez d'en vsér ainsi, est que vous voulez vous faire rembourser d'une partie de la somme de vingt-huit mil tant d'escus que ie vous dois. Ce qui est vray. Mais vous ayant assigné ailleurs pour en estre payé, & estant certain que vous serez satisfait de cette nouuelle assignation; ioint que le commencement de cette année, pour faciliter le payement des garnisons, ie leur ay affecté les receptes & les elections qui en sont les plus proches. Je vous prie donc, Mon Cousin, de vouloir donner ordre que les plaintes de mes Officiers ne viennent plus iusques à moy, & de commander au Commis estably au Bureau de Donzy qu'il apporte tous les deniers qu'il a en ses mains, en celles du Receueur des tailles de Gien; afin que la garnison du sieur de Tannerre soit payée, comme il est bien raisonnable. J'ay aussi entendu que vous avez fait deffence à tous vos suiets, de laisser leuer vne creuë que j'ay ordonné estre mise sur eux, pour le supplement des garnisons; pource que le fond de mes Receptes ne le peut porter: ie seray bien-aise que vous me fassiez sçauoir les raisons de vostre empeschement, afin d'y pouruoir selon que ie verray estre à propos pour le bien de mes affaires. Je prie Dieu sur ce qu'il vous air, Mon Cousin, en sa sainte & digne garde. Escrit au Camp de S. Denis le 18. de Iuillet 1590. Signé HENRY. Et plus bas, POTTIER.

DEVX BILLETS DE LA MAIN DE S. M. AV MESME.



MON COVSIN, L'auois despesché à Pluuiers vers vous, sur l'aduis que l'on m'auoit donné que vous estiez en ces quartiers-là. Mais ce Gentilhomme m'a resioüy par vne meilleure nouuelle, en m'assurant que vous estiez arriué à Corbeil. l'en suis tres-aïse & vous dis de tout mon cœur que vous estes le tres-bien venu. Vous arriuez comme il faut pour vous trouuer à la bataille des bons François contre ceux qui ont quitté ce beau nom pour se faire Espagnols. L'esperance que j'ay de vous voir bientoist fera ma lettre plus courte. Je remests le surplus au sieur de la Rocque, avec priere à Dieu, qu'il vous ait, Mon Cousin, en sa sainte & digne garde. De l'Hermitage près Challiot, ce vingt-cinquième iour d'Aoust. Signé HENRY.



MON COVSIN, Je vous aduertis que j'ay eu aduis de Crecy, comme tout ce qui estoit delà l'eau a passé. Vous ferez diligence de vous trouuer demain au lieu assigné. Je prie Dieu qu'il vous donne, Mon Cousin, longue & heureuse vie. A Challiot, le 29. iour d'Aoust 1590. Signé HENRY.

LE Roy ayant eu vn aduis certain de la marche de l'armée ennemie, & que le Duc de Parme ayant ioint le Duc du Maine, venoit avec resolution de le combattre, se resolut d'aller au deuant de luy. Pour ce suiet il voulut faire vn corps de toutes ses troupes, & passer dans la Brie, ou pour faire retirer ce Duc, ou pour l'obliger à vne bataille. M. de Neuers, qui apres son accommodement auoit amené de Champagne beaucoup de Noblesse & beaucoup d'infanterie, avec dessein de ne pas esparguer les escharpes rouges, ne manqua pas de se rendre aupres du Roy si tost qu'il eust receu ce billet de la main de Sa M. Ce fut le iour mesme que les Fauxbourg de Paris furent abandonnez par nos troupes, pour marcher en Brie. Le iournal du siege de Paris, fait par vn Ligueur, dit que ce fut la nuit du 29. d'Aoust. Le Roy quitta Challiot la mesme nuit, & surprit extraordinairement le Duc de Parme, quand il le vit avec vne armée si belle & si forte. On dit qu'il se tourna fierement vers le Duc d'Mayenne, & quil luy dit, Est-ce là ce Prince qu'il estoit si facile de batre ?

AVTRE LETTRE DE S. M.

A V M E S M E.

MON COVSIN, Estant hier à Chasteauthierry, ie vous manday l'occasion qui m'auoit obligé d'y venir; ce que i'auois deliberé d'entreprendre, & ce que vous auez à faire de vostre costé. Ie continué dans le mesme dessein, & partiray demain pour aller à Compiègne. I'ay mandé mes troupes de Picardie qui sont aux enuiron de Chauny pour se rendre où ie vous ay escrit. L'armée de mes ennemis est vers Meaux, tirant du costé de Coulommiers. Il semble qu'elle ne vueille pas attaquer Crecy, car elle est logée au deça. Le Duc de Mayenne estoit encore ieudy dernier à Paris. Le sieur de Villeroy m'a enuoyé demander vn passeport pour me venir trouuer. Ie luy ay mandé qu'il aille trouuer mon Cousin, le Marechal de Biron, pour continuer le traité qui a esté commencé. Tous les aduis que i'ay eüs depuis peu, m'assurent du retour du Duc de Parme, & partant me confirment dans ma dernière volonté. I'ay donné charge au sieur de la Nouë, de vous donner aduis de iour à autre de tout ce qu'il apprendra de mes ennemis, & vous prie, Mon Cousin, d'assembler le plus de forces que vous pourrez, afin que nous ayons moyen de faire quelque bel effet; & de me mander souuent de vos nouuelles. sur ce ie priay Dieu qu'il vous ait, Mon Cousin, en sa sainte & digne garde. Escrit au Camp de Cœuvres le 10. iour de Nouembre 1590. Signé HENRY. Et plus bas, POTTIER.



A V T R E L E T T R E D E S. M. A V M E S M E.



MON COVSIN, l'ay esté bien-aïse d'entendre par le sieur de Praslin les particularitez de la deffaitte des troupes de S. Pol. l'en auois eu quelque aduis, mais non pas encore par vos lettres, parce que vostre premiere despêche auoir esté perduë. Vous auez si bien commencé à battre mes ennemis, que i'espere que vous les conseruerez dans la possession où ils sont, de le laisser battre. Depuis peu de iours, le sieur de Maligny a surpris le bourg de Brusselle, dans lequel il y auoit trois cens hommes logez, qui ont esté taillez en pieces. La compagnée du sieur de Carouge a depuis deffait deux compagnées; & ledit sieur de Maligny venant à mon armée, en a battu encore vne autre. Mes ennemis ne sont pas plus heureux sur la mer. Car ces iours passez il a esté mis à fonds le plus grand vaisseau qui fust au Haure, avec cent hommes armez & deux cens harquebuziers qui estoient venus pour reconnoistre six vaisseaux, que ceux des Estats des pays-bas auoient enuoyés à la coste de Normandie pour mon seruice. Le Comte Maurice est descendu près de Dunquerque, avec six mil harquebuziers & six cens cheuaux. Il a pris vne ville, & a depuis assiegé Dunquerque. Ce sont les nouvelles que ie vous puis mander, avec le partement du Prince de Parme, duquel chacun croit le retour au Pays-bas asseuré. l'en ay quelque opinion, sur les aduis qui mont esté donnez, & le chemin que ie vois qu'il tient. le ne doute point qu'en passant il n'entreprenne ce qu'il pourra sur mes villes. l'ay fait mettre des pouldres dans celle de Crecy, & croy qu'il n'en attaquera aucunes sur son passage où il ne trouue des hommes fort resolu à se deffendre. Estant venu en ce lieu, suiuant ce que ie vous ay mandé, ie me delibere d'y laisser le sieur de la Nouë avec six cens harquebuziers, pour asseurer cette ville, & recevoir les troupes qui viendront à Melun, & aux autres lieux voisins pour les employer selon les occasions qui s'offriront, & suiuant les commandemens que vous luy ferez. le luy ay donné charge de vous enuoyer d'heure à autre les aduis qu'il aura des ennemis, comme ie m'asseure qu'il fera. Sur les aduis vous prendrez vos mesures sur ce que vous auez à faire pour mon seruice. Cependant ie suis d'aduis que vous aduanciez avec vos troupes iusqu'à Espernay, & les fassiez agir dans

les occasions qui se présenteront au passage de l'armée ennemie. Je pars présentement pour m'en retourner vers Compiègne, pour avec les forces que j'ay amenées tant de mon armée que de celles de Picardie & de l'île de France, faire teste sur les passages de la riuere d'Aisne, & voir ce que ie pourray entreprendre sur l'armée de mes ennemis. Mon dessein est de la conduire iusques hors de mon Royaume, comme i'espere que nous ferons, & que nous pourrons beaucoup l'incommoder, par le moyen des intelligences que nous aurons ensemble. Car nos forces estant proches, comme elles seront, nous pourrons les assembler quand l'occasion se présentera de faire quelque bon effet. Le sieur de la Nouë a charge de m'aduertir, & vous aussi en mesme temps, de ce qu'il apprendra de mes ennemis. Je vous prie aussi, Mon Cousin, de donner ordre que i'aye souuent de vos nouuelles, & sur ce ie prie Dieu qu'il vous air, Mon Cousin, en sa sainte garde. Escrit à Chasteauthierry le 15. iour de Nouembre 1590. Signé HENRY. Et plus bas, POTTIER.



AVTRE LETTRE DE S. M.
A V M E S M E.



MON COVSIN, l'ay veu par vostre lettre du dixiesme de ce mois, ce que vous avez fait depuis la deffaite des troupes de S. Pol, & la resolution que vous avez prise avec ceux de mon Parlement & autres de mes seruiteurs, d'enuoyer vers le Duc de Lorraine, pour remedier aux bruslemens qui se font par ceux de son armée. Cet expedient m'a iemblé fort à propos. l'ay escrit au sieur de Chiuerny & à ceux de mon Conseil, qu'ils fassent expedier le pouuoir que ie vous ay accordé, pour disposer des Finances de ma generalité de Champagne; & les employer à l'entretienement des forces qui sont près de vous, & dans les autres occasions qui s'offrent pour mon seruice, & leur ay mandé de vous l'enuoyer incontinant. Je vous enuoyray aussi les commissions qui vous seront necessaires pour faire la leuée de pionniers, de cheuaux, d'artillerie, & de munitions dont vous aurez besoin. l'estimois qu'il y eust dauantage de pouldres au magazin de Chaalons, que la quantité que vous me mandez. Je vous prie de donner ordre que l'on en fasse promptement, & mettez peine d'en tirer de Sedan. l'escriray pour cet effet à ma Cousine de Bouillon. Le sieur de Saint Estienne estant cy-deuant à Maubert, m'escruiuit qu'il y auoit certains Marchands qui s'offroient d'en fournir deux cens milles, en leur donnant partie de l'argent comptant; & assurance du surplus. Je vous prie d'aduiser s'il y aura moyen de traiter avec ces Marchands-là, & les contenter tant sur ce qu'ils demandent en deniers comptans, que pour l'assurance du reste. Quant aux commissions pour faire la leuée de compagnées de gens de pied, dont personne ne se veut charger, si ce n'est pour entrer dans le Regiment de Champagne, vous pourrez augmenter ce Regiment-là iusques au nombre de vingt compagnées, & y faire entrer celles pour qui vous donnerez les commissions que vous aurez. Si vous scauez quelque autre moyen plus propre pour leuer & pour tenir ensemble ces gens de pied-là, vous m'en donnerez aduis, & i'y apporteray toute ce qui depend de ma volonté & de mon autorité. Je suis bien certain que plus vous aurez de forces, & plus mes affaires s'aduanceront. Estant dernièrement à Chasteauthierry, ie vous escruius pour vous

donner auis que i'y auois laissé le sieur de la Nouë, & le dessein que i'auois pris. Depuis ce temps-là ayant sceu que l'armée de mes ennemis ne s'aduanceroit pas sitost, i'ay esté vers S. Quentin, pour reduire quelques chasteaux qui estoient occupez par les Ligueurs. I'ay pris celui de Sabrianois, qui est entre Chaulny & S. Quentin, & qui incommodoit grandement ces villes-là, & mes suiets du plat pays. Je fus aduerty que mes ennemis estoient arriuez à Iouarre pour passer la riuere, & venir à Soissons. Cela me fit à mesme temps rebrousser chemin pour m'approcher d'eux. I'arriuy hier au soir en ce lieu-cy Le sieur de la Nouë m'a mandé par sa dernière lettre, que vous avez chassé les forces du Duc de Lorraine iusques hors de mon Royaume. I'en suis tres-aïse, & vous coniure, Mon Cousin, de vous rendre à Espernay le plustost que vous pourrez. Sur ce, ie prie Dieu qu'il vous ait, Mon Cousin, en sa sainte & digne garde. D'Attichy, le 18. de Novembre 1590. Signé HENRY. Et plus bas, POTTIER.



AVTRE LETTRE DE S. M.
AV MESME.

MON COVSIN, Vous verrez le renuoy que ie vous fais par l'aduis de mon Conseil, du differend que le sieur de Cury a avec le sieur de Berlotte à l'occasion de sa prise & de sa rançon. Je vous prie de le terminer, & sans auoir esgard à l'amy plus qu'à l'ennemy, de garder le bon droit à celuy des deux à qui il appartient, comme ie m'assure que vous ferez. La presente n'estant à autre fin, ie prie Dieu qu'il vous ait, Mon Cousin, en sa sainte & digne garde. D'attichy le 20. Nouembre 1590. Signé HENRY. Et plus bas, POTTIER.

BILLET DE LA MAIN DE S. M.

MON COVSIN, L'affaire du sieur de Berlotte m'est fort recommandée. Mais eelle de sa partie n'est pas moins considerable. Je ne veux en eela suiure ny mes sentimens, ny ceux des interessez. Les Rois sont establis pour rendre iustice, & non pour entrer dans les passions des particuliers. C'est pourquoy ie remets toute mon autorité entre vos mains, afin que vous iugiez eette affaire sans preceupation. Je vous manderay au premier iour des nouuelles qui vous seront agreables aussi bien qu'à tous les bons François. Bon soir, Mon Cousin. Ce xxj. Nouembre. HENRY.

CD
CSCD
CSCSCD
CSCSCSCD
CSCSCSCD
CSCD
CD

AVTRE LETTRE DE S. M.
AV MESME.

MON COVSIN, Je vous ay mandé que i'estois venu loger ceiourd'huy és enuiron de ce lieu-cy, comme i'ay fait, en pourfuiuant l'armée de mes ennemis. Elle s'est aduancée iusques à Filmes. Mais elle est chargée de tant de bagages, & de si grand attirail d'artillerie, qu'il leur est impossible d'aduancer beaucoup. Cela me fait resoudre d'approcher encore plus près d'eux que ie ne suis, pour continuer de les incommoder. Il fut hier tué deux cens hommes de leur armée; & auourd'huy cent cinquante. Je vous enuoye le porteur, pour vous faire entendre que telle est ma resolution; & vous prie de couper chemin & me venir trouuer à la queue de l'armée ennemie. Je suis resolu de ne la point abandonner que ie ne l'aye veuë hors de mon Royaume. Venez donc, ie vous prie, & amenez toute vostre caualerie. Le sieur de la Nouë est avec moy. J'attends demain trois cens cheuaux que m'amene le sieur de Giury. Si nous pouons estre tous ioints ensemble, nous ferons quelque bel effet. Je vous prie, Mon Cousin, d'y apporter tout ce qui est de vous, & croire que ie seray bien-aisé de vous voir. Sur ce, ie prie Dieu qu'il vous ait, Mon Cousin, en sa sainte garde. Escrit au Camp de Fere le 24. iour de Nouembre 1590. Signé HENRY. Et plus bas, POT-TIER.






A V T R E L E T T R E D E S. M.

A V M E S M E.



ON COVSIN, Ayant entendu ieudy au soir, que l'armée de mes ennemis auoit passé la riuere de Marne, & qu'elle estoit logée à la Ferté-Milon, & à Bery Saint-front; ie partis hier matin pour m'approcher d'eux. Ce que ie fis; & ayant vû leur armée qui tiroit du costé de Fere, ie chargeay cent de leurs gens de pied Vallons & Espagnols, qui furent tous taillez en pieces. Il en fut tué cent autres en diuerses rencontres. Ie fais estat de suiure tout aujourd'huy leur armée, pour tousiours les incommoder, & pourray loger cette nuit aux enuirs de Fere. I'ay mandé au sieur de la Nouë qu'il me vienne ioindre, comme i'espere qu'il fera dans ce iour-ey. Ie vous mande mon intention, afin que vous iugiez selon le lieu où vous estes, & les forces que vous auez avec vous, le progres que peuuent faire mes ennemis, & ce que vous aurez à faire. Si nous pouuons vne fois estre tous ioints ensemble, nous ferons près de deux mille cheuaux, avec lesquels nous aurons moyen d'incommoder tellement l'armée de mes ennemis auant qu'elle ait passé la Champagne, qu'il en demeurera vne partie par les chemins. Vous ferez bien de faire approcher vostre infanterie, & de la loger en lieu aduantageux. I'escri au sieur de la Nouë, qu'il vous mande ce qu'il aura peu scauoir de son costé. Surquoy vous verrez les mesures que vous aurez à prendre. Ie prie Dieu, Mon Cousin, qu'il vous ait en sa garde. Du Camp de Viergy, le samedi matin vingt-quatriesme Nouembre 1590. Signé HENRY. Et plus bas, POTTIER. Et à costé de la main du Roy, Si nous sommes ioints, nos ennemis ne peuuent rien mettre à la queue, que nous ne taillions en pieces. Ils prennent le chemin de Rheims. Bon iour, Mon Cousin.






AVTRE LETTRE DE S. M. A V MESME.



ON COVSIN, l'ay entendu par vostre lettre du septiesme de ce mois, ce qui est aduenü à Maubert, dont i'auois desia eu quelque aduis du sieur de Mallissy, non toutefois si particulier, que celuy qui est contenu dans vostre lettre. Vous m'apprenez l'occasion de la rumeur qui est aduenüe audit Maubert; & ce qui en a reüssy. Cet accident m'est auantageux, en ce qu'il assure cette place à mon seruice plus que par le passé. Car le Capitaine Garrault ayant esté chargé & quelque-vns de ses soldats tuez dans l'entreprise qu'ils auoient faite sur ladite ville en faueur de ceux de la ligue; c'est vn aduettissement à ceux qui sont dedans de me seruir avec fidelité, & de se garder encore mieux qu'il n'ont fait. Ils me promettent de le faire par la lettre qu'ils m'ont écrite, laquelle ie vous enuoye. Je leur ay fait responce, louant la bonne intention qu'ils ont de me bien seruir. Je leur commande aussi de viure fraternellement, pendant qu'ils seront ensemble en ladite place, & qu'ils n'ayent autre but que le bien de mon seruice. Je vous prie de leur escrire à mesme fin, & d'vser de la dexterité & de tous les moyens dont vous vous aduisez pour les contenir en leur deuoir. Vous pouuez aussi escrire au sieur de Vindicq, qui est entré en ladite ville, qu'il s'accommode avec lesdits Capitaines; & qu'il fasse ce qu'il iugera pour le bien de mon seruice. Je suis bien-aisé que vous ayez tiré quelque argent de ceux de Fere, pour bailler aux Suisses; & encore plus de la prise de Brclle. J'espere, veu la façon de laquelle vous y auez procedé, que vous en pourrez tirer quelque bonne somme, pour aider au payement des Suisses. Je trouue bon que vous y ayez laissé le Capitaine Valpergne. Je luy eseris afin que suiuant le commandement que vous luy auez fait, il se fortifie en ladite place, pour cy-apres faire la guerre à ceux de Soissons. Ma Cousine la Duchesse de Bouillon aura tousiours agreable en cette charge, ceux qui seront propres pour me seruir. Il y a quatre iours que ie suis en cette ville, où les habitans m'ont faite vne entrée avec tout ce qu'ils ont peu de ecremonies; & avec toute demonstration de bonne volonté que i'en pouois desirer. Je ne partiray de cette ville,

que ie ne sçache que deuiendra le Duc du Maine, auec les forces qui luy sont demeurées. Elles sont composées de quatorze cornettes, faisant quatre cens cheuaux & de dix regimens faisant deux mille hommes de pied, ou enuiron. Le Duc du Maine a receu cent mil escus, desquels il en a baillé dix mille à S. Pol, & le surplus doit seruir pour faire faire monstre à ses troupes. Oneroit que la pluspart se doit desbander apres la monstre. S. Pol est allé à Rheims, sans mener aucunes forces. Les Dues de Parme, de Lorraine, & du Maine se doiuent trouuer en vn mesme lieu, le sixiesme iour du mois prochain. Je ne sçay encore enquel lieu ce sera. Mais ils s'assurent de mettre de grandes forces ensemble à ce printemps. J'ay mandé au sieur de la nouë de ne partir de Senlis, iusques à ce que ie m'en approche pour l'effet que vous sçauiez: Je vous manderay ce que ie pourray apprendre de mes ennemis, vous priant de faire le semblable de vostre part, & ne perdre le temps, pour effectuer ce que nous auons delibéré. Et sur ce ie prie Dieu, Mon Cousin, quil vous ait en sa sainte garde. Du Camp de S. Quentin le 10. iour de Decembre 1590. Signé HENRY. Et plus bas, POTTIER. Et à costé, Je vous prie de m'enuoyer incontinent le Capitaine l'Ecluset auec sa troupe. Car i'en ay besoin, & il m'est necessaire.



AVTRE LETTRE DE S. M. A V MESME.



MON COVSIN, Enuoyant le sieur de Beauais Nangy vous trouuer auec sa compaignée, ie luy ay donné charge de vous faire entendre le retour de mon Cousin le Due d'Espemon. Il me vient ioindre auec les troupes dans deux ou trois iours. Je luy auois cy-deuant mandé quil passast la riuiere à Monttereau. Mais ayant appris quil estoit arriué à Espemon, ie luy ay mandé quil vint passer au pont de S. Cloud. Aussi tost que i'autay pourueu aux affaires pour lesquelles vous sçauiez que ie me suis acheminé de deça, ie passeray en Champagne, suiuant ma premiere resolution. Cependant ie vous prie d'assembler toutes les compaignées que i'ay mandées, & de vous aduancer vers Prouins. Selon que les affaires que i'ay par deça prendront leur cours, ie vous en donneray aduis, vous priant de me faire souuent part de ce qui se passera de delà, & de croire que ie vous tienderay la promesse que ie vous ay faite. Sur ce, ie prie Dieu quil vous ait, Mon Cousin, en sa sainte garde. Du Camp de saint Denis, le 26. iour de Decembre 1590. Signé HENRY. POTTIER.

AVTRE LETTRE DE S. M.
A V M E S M E.



ON COVSIN, Le sieur de Giury m'estant venu trouuer en ce lieu-cy, pour me rendre compte de la prise de Laigny, & receuoir mes commandemens, ie l'ay renuoyé pour rassembler toute la noblesse de Brie; & luy ay commandé de vous aller trouuer, pour vous assister en ce qui s'offrira pour mon seruice, attendant que ie puisse faire ce que nous auons aduisé. Ledit sieur de Giury vous dira les occasions qui me retiennent, & la resolution que i'ay prise. Vous scaurez aussi par luy, ce que i'estime que vous deuez faire. Que si nostre premier dessein n'est pas du tout suivi, à cause de la prolongation du temps que i'auois pris; ie ne veux pas toutefois le laisser entierement. Il faut le remettre à vne autre saison, & cependant m'aider des forces qui sont près de vous, & de celles que i'ay mandées pour vous venir trouuer, pour quelques autres entreprises selon les occasions qui se pourront presenter. Le sieur de Giury vous dira ce que ie luy ay fait entendre sur cela, & le chemin qu'il me semble que vous deuez tenir, tant pour executer ce qui est de nostre premier dessein, que pour vous seruir des autres occasions qui s'offriront. I'ay despesché vers vous depuis peu de iours le sieur de Reaux. Il pourra parler de ma part aux Capitaines & aux Gentilshommes que i'ay mandez, si vous voyez qu'il soit à propos: sinon ie despescheray quelque autre pour cet effet, suivant ce que vous me manderez. Cependant vous les pouuez tous asseurer que mon intention est de suivre mon premier dessein, encore que ie l'aye différé pour quelques iours. Tenez-les ensemble, ie vous prie; & vous approchez du lieu que vous dira le dit sieur de Giury, attendant de mes nouuelles, dont ie vous feray part de iour en iour. I'eus hier aduis de la prise du chasteau de Gamaches. Il a esté pris par escalade par l'ainé de Berangreuille. Maintenant le chemin de Corbie à Dieppe est libre. I'ay mandé à mon Cousin le Duc de Longueuille, qu'il assemble quelques compagnées, ausquelles i'ay enuoyé vn ordre expres pour le rendre aupres de luy. C'est pour le mesme dessein que vous dira le sieur de Giury. Durant que i'ay esté en ce lieu-cy, i'ay appris les necessitez qui sont dans Paris, qui sont

LETTRES DE S. M. A V MESME.

Pendant l'année M. D. XCI.



ON COVSIN,* Vous aurez entendu par le sieur de Reaux, ce qui s'est passé par deçà pour mon service. Depuis j'ay esté à S. Denis, où j'ay laissé le sieur de Vic Gouverneur, & y ay establi l'ordre que j'ay crû necessaire pour la garnison. J'ay fait sortir de cette ville-cy quelques pieces, pour aller du costé de Beauvais, reprendre des chasteaux qui sont occupez par mes ennemis. J'ay mandé à mon Cousin le Duc de Longueville, qu'il se trouue à Neille le douze de ce mois avec tout ce qu'il pourra assembler de cavalerie. L'enuoye le sieur de Rusmenil pour vous faire entendre plus particulièrement mon dessein, & ce que vous auez à faire cependant pour mon service. L'assurance que j'ay que vous adiousterez foy à ce qu'il vous dira de ma part, m'empeschera de vous faire vne plus longue lettre. Je prie Dieu, Mon Cousin, qu'il vous ait en sa sainte & digne garde. Escrit à Senlis le 2. iour de lanuier 1591. Signé HENRY. Et plus bas, POTTIER. Et à costé, Vous aurez du contentement d'ouïr le destail de ce que ce porteur a ordre de vous dire.

CA
CACA
CACACA
CACACACA
CACACACACA
CACACACACA
CACACA
CACA
CA

AVTRE LETTRE DE S. M. AV MESME.


MON COVSIN, Vous ayant depuis deux iours despesché le sieur de Ramery, & fait entendre par luy bien particulièrement de mes nouuelles; celle-cy ne sera que pour vous dire que ce matin troisieme iour de ce mois, le Cheuallier d'Aumalle est entré par escallade à trois heures du matin dans la ville de S. Denis avec cinq cens hommes. Il fit ouvrir aussi-tost la porte de la ville, par laquelle entrerent environ cent cheuaux; & ayant donné iusques aupres de l'Abbaye, sans auoir trouué aucune resistance, il eroioit estre maistre de la place. Mais le sieur de Vicq, qui en est Gouverneur, & quelques trente hommes qu'il auoit ramassez, chargerent ce Cheuallier & la troupe si furieusement, qu'ils le firent reculer de deuant l'Abbaye, iusques à la porte de la ville. Il fut fait plusieurs charges par ledit sieur de Vicq; où le Cheuallier d'Aumalle fut tué, Tremblecourt & plusieurs autres furent tuez sur la place; & plusieurs pris. Dieu m'a conserué cette ville comme miraculeusement. J'ay eu aduis du costé de Picardie, qu'on a defait ou pris prisonnier S. Pol. l'attens en bonne deuotion, la certitude de cete nouuelle. Je vous coniure, Mon Cousin, de faire promptement ce dont ie vous ay prié par le sieur de Thumery. Et sur ce ie prie Dieu, Mon Cousin; qu'il vous ait en sa sainte garde. Du Camp de Mele le 3. iour de Ianuier 1591. Signé HENRY. POTTIER.



AVTRE LETTRE DE S. M.
AV MESME

MON COVSIN, Encore que l'on m'ait asseuré que le sieur Puart, qui est Controllleur des fortifications de Champagne, & qui a esté pris prisonnier par les sieurs de Praslin, de Cuissi, & de Chauuigny, est mon seruiteur; si est-ce que pour mieux connoître la verité de ce qui en est, & faire conseruer à chacun son bon droit; i'ay ordonné que ledit Puart soit amené deuant vous par ceux qui l'ont pris, afin qu'ayant bien entendu du tout leurs raisons de part & d'autre, vous iugiez s'il est prisonnier de guerre, ou non. Je vous escriis la présente pour vous en donner le pouuoir; & vous prie que si tant est qu'il vous apparaisse que Puart est mon seruiteur, vous le fassiez mettre en libetté sans payer aucune rançon, & luy fassiez rendre entierement tout ce qui luy a esté pris. Ce que m'asseurant que vous ferez, ie prie Dieu, Mon Cousin, qu'il vous ait en sa sainte & digne garde, de Bulles le 6. iour de Ianuier 1591. Signé HENRY. Et plus bas, POTTIER.





AVTRE LETTRE DE S. M.


A V M E S M E.



ON COUSIN, Je suis party de bon matin, suivant ce que ie vous auois hier escrit ; & suis allé iusques au rendez-vous, où ie faisois cilar de trouver douze cens cheuaux François seulement, & auant de Reistres. l'y ay trouué plus de dix-huit cens cheuaux François, & plus de seize cens Reistres sous sept Cornettes, tous bien resolus de combattre, si l'occcasion s'en fust présentée. Mais l'ay appris en arrivant, que tout ce qu'il y auoit de mes ennemis logez au deça de la riuere, l'auoient repassée hier sur le soir. Il semble qu'ils ayeñt dessein de gagner Beauuais le long de la riuere, & font courir le bruit qu'ils veulent s'aller loger dans Andely, pour, à la faueur des batreaux couuerts qu'ils feront passer sous le pont de l'Arche, enuoyer des Arquebuzieres à Rouën. Le Prince de Parme est logé à Moreil. Aussitost que les troupes qui se retirèrent hier, furent passées, ils rompirent la chaussée & le pont dudit Moreil. Ce qui me fait croire qu'ils n'ont pas enuie de passer la riuete, comme ils se sont vantez de faire. Leur premier logis fera connoistre quel chemin ils veulent tenir. l'ay presentement parlé à vn homme qui a esté trois semaines en l'armée de mes ennemis, & qui partit hier d'Amiens, où il laissa le Duc de Mayenne, le Prince de Parme, le sieur de Brissac, & d'autres Capitaines François qui sont près de luy. Il m'a appris que mes Tantes & mes Cousines de Longueuille ne seront pas mises en liberté, dont ie suis bien fâché ; que le Duc de Mayenne a fait paroistre auoir la volonté de les faire sortir de prison ; mais que le Peuple n'y a pas voulu consentir. C'est pourquoy ie vous prie d'escire à mon Cousin le Duc de Longueuille, qu'il mande au Vicomte de Tauannes qu'il le vienne trouuer, parce que sa presence en l'armée de mes ennemis, porte beaucoup de preiudice à mon seruice. Cet homme m'a appris aussi l'estat des forces de mes ennemis ; ce qu'il sçait au vray, pour auoir veu & confideté toutes leurs troupes. Il dit que le Duc de Parme a douze à quinze cens Reistres, & que les Vallons & les Espa-

gnols, & ce qui leur reste d'Italiens, font autres quinze cens chevaux. Qu'il n'a pas à present plus de quinze cens Suisses; & que la mortalité a reduit à fort petit nombre leurs Lansquenets. Tout ce qu'il y a de cavalerie Françoisse, ne sçauoit faire trois à quatre cens chevaux, & il n'y a d'infanterie Françoisse que cinq ou six cens hommes. S. Pol est party de l'armée mal-content, à ce que l'on dit. Ce qui resloit de l'armée d'Italie, s'est seruy de cette occasion pour s'en retourner. Je n'ay eu ce iourd'huy aucunes nouuelles du siege de Roüen. Je vous feray part des premieres que j'auray, & de ce que ie pourray apprendre de mes ennemis. Je prie Dieu qu'il vous ait, Mon Cousin, en sa sainte garde. Escrit au camp de Sommeuze, le 22. iour de Ianuier 1591. Signé HENRY. Et plus bas, POTTIER. Et à costé, l'oubliais à vous mander, qu'estant encore au rendez-vous, j'ay enuoié cent cinquante chevaux à la guerre en trois troupes. Je viens d'apprendre que ceux qui repasserent hier la riuere, la repasserent en partie d'effroy, & qu'ils abandonnerent beaucoup de leur bagage, parce que le Capitaine Fournier avec quarente chevaux donna près de leur quartier.





AVTRE LETTRE DE S. M. A V M E S M E



ON COUSIN, Arriuant en ce lieu-cy, i'ay eu aduis que les habitans de ma ville de Poitiers ont arresté prisonnier le Vicomte de la Guerche & sa femme, & qu'ils l'ont contraint de faire sortir le sieur de Boisguiny du chasteau. Ce qu'il a fait; & en mesme temps le Chasteau a esté razé. Ledit Vicomte est demeuré leur prisonnier. Le sieur de Preaux, Gouverneur de ma ville de Chastellerault, a deffait vn regiment entier de ceux qui sont sortis de Poitiers, où il a esté tué plus de deux cens cinquante hommes, & pris huit drapeaux. Hier le sieur de Sourdis, & les sieurs Viuans & de Parabelle chargerent le regiment d'un nommé la Croix, composé de plus de trois cens hommes; en tuerent quelques vns & prindrent tout le reste en vn village entre Bonneual & Chartres. Cela est venu bien à propos; car mon Cousin le Marechal de Biron s'est acheminé pour attacquer Chartres, comme ie vous ay mandé. Cette occasion me fait croire qu'il faudra differer l'entreprise que vous sçaez, n'y ayant moyen de faire l'une & l'autre; & voyant plus d'apparence & plus de facilité en l'une qu'en l'autre. Je vous en ay voulu donner incontinent aduis, & vous prier de vous rendre, s'il est possible, demain en ce lieu-cy. Vous trouuerrez le chemin beau, & sur les aduis que nous aurons demain de bonne heure de toutes parts, nous résoudrons ce qui sera à faire. Sur ce ie prie Dieu, Mon Cousin, qu'il vous ait en sa sainte garde. D'Estampes le 11. iour de Fevrier 1591. Signé HENRY. Et plus bas, POTTIER. Et à costé, i'ay aduis certain que mon Cousin le Marechal d'Aumont est parti de Blois il y a huit iours. Il peut estre maintenant en Bourgongne.

AVTRE LETTRE DES M.

AV MESME.



MON COVSIN, l'ay receu de vos nouuelles par le sieur de Giury. Je suis bien-aïse que vous soyez demeuré à Melun pour vous pouuoir bien-tost guerir. l'ay sceü que mon armée estoit hier logée à quatre lieues de Chartres. Auiourd'huy ie suis venu en ce lieu-cy, où i'ay appris que ma ville de Chartres fut dès hier inuestie; & qu'en prenant les Faux-bourgs, il a esté tué ou pris tout ce qu'il y auoit de soldats estrangers. Si bien qu'il n'y en a plus pas vn dans cette ville. On dit que les habitans parlent de ne vouloir point endurer le siege; & qu'ils se disposent à traiter avec moy. Mais loit que ie les aye par capitulation, ou par force, i'espere que la chose sera faite dans huit iours; & cette ville estant prise, ie m'en retourneray sur mes brisées, pour prendre le chemin de Champagne. Je laisseray à vne autre fois le voyage de Tours. Cependant, Mon Cousin, ie vous prie de ne point partir de Melun. Car sur l'opinion que pourroient auoir ceux de cette Prouince-là qui sont près de vous & près de moy, ils se pourroient debander & retirer en leurs maisons. Je vous prie aussi de me mander le temps dans lequel vostre santé vous pourra permettre de partir; car encore que l'effet de Chartres ne fust point executé; ie ne laisseray pas de vous enuoyer les forces que i'ay destinées pour estre près de vous. Je vous prie, Mon Cousin, autant que ie sçay que vous m'aimez, & le bien & l'aduan cement de mes affaires, de prendre cette resolution, & croire que tout ainsi que ie vois bien que le plus fort de mes affaires se presente auourd'huy du costé de la Champagne, aussi ma resolution est de me rendre incontinent en cette Prouince avec tout ce que ie pourray assembler de forces. Je vous manderay de iour à autre l'aduan cement de ce siege. Vous priant de me faire entendre souuent de vos nouuelles. Je vous enuoyeray demain, ou apres demain, le sieur de Giury, que vous pourrez enuoyer le long de la riuere, pour me donner aduis de ce que feront mes ennemis. Sur ce ie prie Dieu qu'il vous ait, Mon Cousin, en sa sainte & digne garde. Escrit à Auby le 14. iour de Fevrier 1591. Signé HENRY. POTTIER.

AVTRE LETTRE DE S. M.
A V M E S M E.



MON COVSIN, Suiuant ce que ie vous escriuis hier, ie vous renuoye le sieur de Giury, pource qu'il me semble estre fort à propos qu'il aille à Chasteau-thierry avec cinquante cheuaux, pour faire la guerre, & me tenir souuent aduertý des actions & des entreprises de mes ennemis. Il vous fera entendre ce qui s'est passé iusques à cette heure à Chartres, parce qu'il a veu toutes les lettres de mon Cousin le Marechal de Biron. l'adiousteray encore à sa creance, que ie vous prie de vouloir demeurer encore où vous estes, pour quelque peu de temps; car i'espere prendre bientoist Chartres, selon l'aduis mesme que m'en donne mondit Cousin le Marechal. Il a fait reconnoistre tout ce qui est dans la place, & m'assure qu'il n'y reste pas plus de cinquante estrangers en tout. Si cela est ainsi, comme ie n'en doute point, la ville est à nous, & en mesme temps ie tourne droit à vous sans aller à Tours, comme plus particulièrement ie l'ay fait sçauoir au sieur de Giury, afin qu'il vous en fasse vn fidelle rapport, & vous assure de ma part que ie suis resolu de faire pour vostre satisfaction, tout ce qui est de mon pouuoir. Sur cette assurance, ie prie Nostre Seigneur vous auoir, Mon Cousin, en sa sainte & digne garde. Escriit au Camp d'Ably, le 12. iour de Fevrier 1591. Signé HENRY. Et plus bas, RVZE.

AVTRE LETTRE DE S. M.

A V M E S M E.

MON COVSIN; Craignant que le Duc de Lorraine ou le Duc de Mayenne, n'approche de vostre chasteau de la Cassine le Duc, & que les trois canons de Sedan que vous y avez laissez, ne soient cause de leur faire entreprendre sur cette place, i'ay escrit à ma Cousine la Duchesse de Bouillon de les enuoyer querir, & mandé au sieur de Ville-longe de les luy deliurer. Dequoy ie vous ay bien voulu aduertir, afin que vous en sçachiez l'occasion. N'estant cette lettre à autre fin, ie prie Dieu qu'il vous ait, Mon Cousin, en sa sainte & digne garde. Du Camp de deuant Chartres le 12. iour de Mars 1591. Signé HENRY. POTTIER.

AVTRE LETTRE DE S. M.
AV MESME.



MON COVSIN, l'ay aduis que le Cápitaine S. Pol a esté à Mezieres, où il s'est fait déclarer par cry public, Duc de Rethelois, en vertu du don qu'il dit en auoir eu du Pape. Il a aussi fait publier par tout que vous estiez mort. Il a mesme obligé tous vos suiets à le reconnoistre pour leur Seigneur & luy faire toutes les soumissions & les reconnoissances ordinaires. Je croy que vous en auez eu aduis d'ailleurs. Neantmoins ie n'ay pas voulu laisser de vous le mander, & vous tesmoigner combien ie trouue estrange l'outrecuidance de S. Pol. l'espere que dans peu de temps nous luy ôsterons sa qualité imaginaire, & que Dieu me fera la grace de le rendre aussi petit compagnon qu'il ait iamais esté. Je participe au tort qu'il vous fait, & à l'iniure qu'il pretend vous faire, si tant est que vous en puissiez recevoir d'un coquin comme luy. Je vous diray des nouuelles du siege de Chartres. Il ne reste qu'un bout de ravelin à mes ennemis, d'où i'espere les desloger demain. Bientost apres ie feray vne batterie si forte, qu'il faudra qu'ils me reconnoissent. Le bruit est que le Duc de Mayenne vient pour secourir cette place. Ce qu'il ne peut sans combattre. Je continuë dans la resolution que ie vous ay mandé par le sieur de Dampierre, & espere incontinent apres la prise de cette ville, aller en Champagne. C'est ce qui me fait vous prier de commencer à vous y acheminer, pour rencontrer mon armée au lieu où ie vous ay mandé. Ce que m'assurant que vous ferez, ie prie Dieu qu'il vous ait, Mon Cousin, en sa sainte & digne garde. Escrit au Camp deuant Chartres le 24. iour de Mars 1591. Signé HENRY. POTTIER.

AVTRE LETTRE DE S. M. A V MESME.



MON COVSIN, Le Marquis de Rainel m'a aduertuy de la prise du chasteau dudit Rainel, des forces que le Duc de Lorraine a mises ensemble, & du dessein qu'il a de s'aceroistre par la prise des places de la Faulche, Montigny, & autres. Le peu de resistance qu'il trouue, luy donne le courage d'entreprendre; car pour si peu de forces qu'il y eust par delà, elles seroient suffisantes d'empescher tous ses progres. C'est pourquoy j'ay escript cy-deuant à mon Cousin le Marechal d'Aumont, qu'il s'aduance vers Langres & vers Chasteaublictry, pour empescher en ce qu'il pourra, les entreprises de ce Duc. Le luy fais presentement vne recharge pour le prier instamment de s'aduancer au plustost pour-secourir les villes & les chasteaux de la frontiere; & par là venuë, & par l'acheminement de mon armée dans peu de temps, arrester les progres de l'armée de mes ennemis. Je luy escriis aussi que s'il est encore près de vous, que vous preniez resolution en-semble de ce que vous iugerez estre à faire par delà pour mon seruice: sinon qu'il vous escriue pour en auoir vostre aduis. Je suis aduertuy du costé de Chaalons, que les villes qui sont sur la riuier de Marne, sont fort menacées par mes ennemis, & reconnois que mes seruiteurs qui sont de delà, sont plus estonnez par les faux bruits & par les menaces de mes ennemis, qu'ils n'ont occasion de craindre. Ce qui donne lieu à cet estonnement, c'est qu'ils sont desnüez de forces, & esloignez de vostre presence. Elle seule leur suffiroit pour les assurer contre tout ce que peuuent à present entreprendre mes ennemis. C'est pourquoy trouuant vne occasion de vous escrire, ie vous en ay voulu donner promptement aduis; & par mesme moyen vous assurer que ie suis en la mesme resolution, que ie vous ay mandé par le sieur de Dampierre, qui est de m'acheminer en mon pays de Champagne avec toute mon armée, incontinant apres la prise de cette ville-cy. J'espere avec l'aide de Dieu en auoir bonne issuë bientoist. Je vous prie donc, Mon Cousin, autant que vous aymez mon seruice & la conseruation

de vostre Gouuement, de vouloir incontinent assembler tout ce que vous pourrez de mes seruiteurs, monter à cheual, & vous aduancer, pour rencontret mon armée au passage de la riuere de Seine, suiuant ce que ie vous ay mandé par le sieur de Dampierre. l'escriis au sieur de Prassin qu'il se rende avec ce qu'il pourra assembler de forces, au lieu que vous luy ferez sçauoir. Cependant i'ay mandé au sieur de Giury qu'il s'aduance deuers Espernay, pour ietter ce qu'il aura de gens dans les villes qui seront menacées de siege, esperant par ce moyen conseruet lescdites villes, & assurer mes seruiteurs que i'ay par delà. Je luy mande qu'il vous donne souuent aduis de ce que feront mes ennemis, & qu'il fasse ce que vous luy manderez : qui est tout ce que vous aurez de moy pour le present, priant Dieu, Mon Cousin, qu'il vous ait en sa sainte garde. Du camp deuant Chartres le 20. iour de Mars 1591. Signé HENRY. Et plus bas POT-TIER.




AVTRE LETTRE DE S. M.

AV MESME.



MON COVSIN, l'ay esté bien-aïse d'entendre par ce porteur des nouuelles de vostre disposition; & d'auoir veu par vostre lettre qu'il m'a apportée, que vous estes en tel estat, que vous pourrez bientost monter à cheual. Ce siege a duré plus longtemps que ie ne pensois. l'espere dans peu de iours d'en voir la fin, ou par la capitulation qui est commencée, ou par la force. Car d'un costé de la ville l'ay gaigné tout l'esperon que i'auois attaqué, & commencé à me loger sur le portail. De l'autre mes gens sont logez sur le rempart de la breche que ie fis faire le 2. de ce mois. Il ne reste qu'à forcer leurs retranchemens. Cela me fait croire que les assiegez se rangeront bientost à la raison. Aussi-tost que cette ville sera rendue, ie m'achemineraï en Champagne avec mon armée, où ie vous prie de vous rendre au mesme temps. l'eusse fort désiré que vous y fussiez allé plustost, sçachant combien vostre presence m'y est utile. Mais puisque vous voulez m'attendre, & marcher avec mon armée iusques-là, ie feray aduancer quelque caualerie par tout où il sera besoin, pour vous seruir d'escorte. Je vous enuoie le duplicata de la depeſche que l'ay cy-deuant faite, pour la leuée des Reîtres & des Suisses. Je vous prie de la faire auancer le plus que vous pourrez. l'ay aduis de mon Cousin le Vicomte de Turenne qui est près le Duc de Saxe, de l'aduancement de la grande leuée qui se fait pour mon seruice. Tous les Princes d'Allemagne y sont aussi disposés que ie le puis desirer. l'ay fait vne recharge aux Thresoriers de France à Chaalons, pour faire le fond de trente ou quarente mil escus, duquel ie leur ay cy-deuant escrit. Je leur mande qu'ils ne l'employent que par mes ordonnances, ou par les vostres en mon absence. l'escris aussi aux habitans de ma ville de Chaalons, qu'ils tiennent preste la somme qu'ils me promirent lorsque vous estiez par delà. Pour le regard du sieur de Dampierre, i'ay commandé que la depeſche qu'il desire pour le payement de sa compagnie luy soit enuoïée; & quant à ses appointemens & à sa pension, ie remets à vous, Mon Cousin, d'en faire comme vous aduilerez pour le mieux. l'ay commandé aux Officiers de mon artillerie d'auoir soin des six-vingt cheuaux que vous leur auez laissés. Pour fin, ie vous prie de vous tenir prest à partir pour retourner en vostre Gouvernement. Car l'espere m'y acheminer dans peu de iours. Cependant ie prie Dieu, Mon Cousin, qu'il vous ait en sa sainte & digne garde. Du Camp deuant Chartres le 9. iour d'Avril 1591. Signé HENRY. Et plus bas, POTTIER.



AVTRE LETTRE DE S. M. A V M E S M E.



MON COVSIN, depuis que ie vous ay escrit ma derniere lettre, les assiegez se voyant fort pressez, ont esté contrains de venir à vne capitulation. Je la leur ay accordée, pour le desir que i'ay de la conservation de mes villes & de mes suiets; ne voulant rien d'eux que l'obeissance qui m'est deuë. Ils se doiuent rendre le 19. iour de ce mois; si dans le 18. le Duc de Mayenne ne vient me faire leuer le siege, ou qu'il n'entre dans la ville, quatre cens hommes de secours en mesme temps. Pour la premiere condition, ie n'y voy aucune apparence. Car le Duc de Mayenne ne viendra pas apres auoir rant attendu; & ie voudrois de bon cœur auoir quitté les assiegez de leur promesse, & que leur pretendu deffenseur voulut venir en lieu où ie luy peusse donner bataille. Quant à l'autre, i'espere, avec l'aide de Dieu, de faire si bonne garde pendant ces huit iours-là, que i'empeschera bien qu'il n'entre aucun secours dans la place. Le surplus des articles de la capirulation, est semblable à ce que i'ay accordé aux habitans des autres villes qui ont esté remises en mon obeissance. I'ay esté aduerti que le Duc de Mayenne a assiegé Chasteauthierry, & que le Vicomte de Coublizi se deffend courageusement. I'ay mandé à mon Cousin le Duc d'Espenon de le ioindre, pour incommoder mes ennemis; & ietter des hommes dans la place, s'il est possible. I'espere de m'y acheminer dans peu de iours, vous priant de vostre parr, de vous renir prest pour aller en vostre Gouuernement. Je vous feray sçauoir plus particulièrement mon intention, auant que ie parre d'icy. Cependant ie prie Dieu qu'il vous air, Mon Cousin, en sa sainte & digne garde. Du Camp deuant Chartres le 11. iour d'Avril 1591. Signé HENRY. POTTIER.

A V T R E L E T T R E D E S. M

A V M E S M E.

MON COUSIN, Depuis l'aduis que ie vous ay donné de la capitulation faire le 10. de ce mois avec la garnison & les habitans de ma ville de Chartres; i'ay fait si bonne garde, Dieu mercy, que nul secours n'a peu entrer dans cette place. Les gens de guerre qui y estoient sont sortis aujourdhuy, suivant la capitulation; & i'y suis entré à mon grand contentement, pour le bien & l'advancement que la prise de cette ville apportera à mes affaires. I'y seiourneray demain & apres demain; pour pourvoir à ce qui est le plus nécessaire pour sa conservation; & le 3. iour i'ay résolu de partir avec mil chevaux, & mil harquebuziers à cheual, pour aller en diligence secourir Chasteauiherri. I'ay eu nouvelle qu'encore que le Duc de Mayenne ait pris la ville, le chasteau neantmoins dans lequel est le Vicomte de Coublizy, me donnera le loisir de le secourir. Ce sera possible vne occasion favorable pour combattre mes ennemis, s'ils s'opiniastrent à attendre ma venue; car outre les forces que ie meine, ie trouueray mon Cousin le Duc de Longueuille avec les forces de Picardie, & mon Cousin le Duc d'Espèrnon qui l'a ioinr. Ils m'attendent tous deux aupres de Compiègne, & les sieurs Comtes de Brienne, Giury & Praslin sont de l'autre costé de la riuierre avec quatre ou cinq cens chevaux. Cette occasion requérant vn prompt secours, ne me permet pas de vous attendre au passage de la riuierre, comme ie desirerois; ny mesme de mener mon armée. Elle viendra neantmoins apres moy, & en passant recuira les chasteaux d'Auneau, de Dourdan, & autres lieux que tiennent mes ennemis entre icy & Paris. Voila, mon Cousin, ma resolution, laquelle i'espère executer si promptement, que dans peu de iours, vous en entendrez des nouuelles. Ce sera le commencement de ce que i'ay delibéré de faire en mon pays de Champagne. Et d'autant que ie ne scaurois estre trop assisté de caualerie pour vn tel effect, ie meinc avec moy les troupes de Champagne que vous m'avez laissées. Cependant ie vous prie de monter incontinant à cheual, pour vous acheminer à Melun, iusques où l'estime que la noblesse de Nivernois, & les garnisons des places qui tiennent pour mon seruice sur vostre chemin, vous pourront assurer le passage. Aussi-tost que l'exploit

de Chasteauthierry sera fait ou failli, ie renuoieray au deuant de vous les sieurs de Giury & de Prallin, & autres de mes seruiteurs avec leurs troupes, pour vous faire escorte iusques au lieu où ie seray. Les habitants de Metz ont enuoyé vers moy, pour me faire entendre que le temps de la trefue est expiré; & qu'ils ont aduizé avec Bord, d'en proposer la prolongation iusques à la feste de la Pentecoste prochaine. Surquoy ie leur ay déclaré ma volonté. L'espere que vous serez près de moy auant que ie prenne vne derniete resolution. Mon Cousin le Duc d'Espernon venant trouuer mon Cousin le Duc de Longueuille, a pris le Gouverneur de Montreuil, son fils & son Lieutenant; & peu de iours auparavant la garnison de Dieppe a deffait cent cinquante cheuaux du Duc d'Aumalle. Le sieur de Giury a aussi battu mes ennemis en vn combat qu'il a fait contre eux en Sauoye; & mon Cousin le Prince de Dombes a deffait depuis peu deux cens cheuaux & cinq cens hommes de pied du Duc de Mercœur. Tous ces bons succez font paroistre que Dieu par sa grace fauorise de tous costés mes seruiteurs, & sur ce ie prie Dieu qu'il vous ait, Mon Cousin, en sa sainte garde. Du Camp de Chartres le 19. iour d'Avril 1591. Signé HENRY. Et plus bas, POTTIER.




AVTRE LETTRE DE S. M. A V * M E S M E.




MON COUSIN, Suiuant ce que ie vous escriuis deux iours auant mon partement de Chartres, ie vous diray que i'en partis avec mil cheuaux & mil arquebuziers à cheual, pour venir secourir Chasteauchierry; & laissay mon armée à mon Cousin le Mareschal de Biron, pour reprendre les chasteaux & les forts que mes ennemis occupent entre Chartres & Paris. l'appris en chemin, à mon tres-grand regret, que Chasteauchierry estoit perdu. Toutefois ie ne voulus pas laisser de m'approcher de mes ennemis. Car ayant destiné quelques forces, pour faire faire vn fort sur la riuere de Marne, dans vne ille près de Gournay, qui empeschera le passage de ladite riuierre; ie m'en vais presentement avec le reste de mes forces, vers Chasteauchierry & vers Soissons, où est l'armée de mes ennemis, pour entreprendre ce que ie croiray pouuoir faire pour le bien de mon seruice. Cela fait, i'iray reprendre mon armée, pour aller en ma Prouince de Champagne. Je vous prie de me faire plus souuent part de vos nouuelles; & des progresz que vous ferez. Car depuis que vous estes entré en Bourgongne, ie n'en ay receu aucunes. l'ay connu par vne despesche que le grand Seigneur m'a faite, qu'il est résolu à bon escient d'attaquer le Roy d'Espagne cette année, & encore plus l'année prochaine. Mon Cousin le Vicomte de Turenne m'a mandé que l'armée des Princes d'Allemagne qui vient pour mon seruice, commencera à marcher au commencement du mois de May. Sur ce ie prie Dieu de vous auoir, Mon Cousin, en sa sainte & digne garde. De Senlis le 29. iour d'Auрил 1591. Signé HENRY. Et plus bas, POTTIER. Et à costé est escrit, Mon Cousin, seruez-vous des forces du sieur de Giury pour entreprendre ce qui se pourra sur mes ennemis.





AVTRE LETTRE DE S. M. A V M E S M E.

MON COVSIN, J'ay donné ordre aux affaires de Picardie, & vay trouuer mon armée, pour avec ceux de mon conseil, refoudre sur le general de mes autres affaires. Apres cela ie parts pour aller en Champagne avec mon armée. Mandez, ie vous prie, tous mes seruiteurs; car licentiant les troupes de Touraine, du Maine & de Normandie, comme ie fais, il m'est besoin d'en auoir d'autres. J'attens l'armée estrangere, laquelle se prepare fort, comme j'ay appris par la despesche derniere de mon Cousin le Vicomte de Turenne. Je vous prie que ie sçache incontinant vostre arriuée à Melun, & croiez que ie suis bien resolu de pouruoir à la Champagne. Je m'assure que vous y apporterez tout ce que vous pourrez de vostre part, comme ie vous en prie, selon vostre diligence accoustumée. Priant Dieu qu'il vous ait, mon Cousin, en sa sainte garde. Escrit à Senlis le 20. iour de May 1591. Signé HENRY.



AVTRE LETTRE DE S. M. A V M E S M E.

MON COVSIN, J'auois commandé la despesche de ce porteur, pour vous mander de me venir trouuer à Villepreux, quand j'ay entendu vostre partement de Melun pour vous acheminer audit Villepreux. La presente sera pour vous dire, que j'y seray demain de bonne heure, où ie seray bien-aïse de vous trouuer. La difficulté du passage de la riuierie m'a fait ceiourd'huy seiourner en ce lieu-cy. Je croy que vous aurez entendu la deffaitte des Lansquenets & du regiment de Vaud'argent qui estoient en Champagne, ensemble la prise dudit Vaud'argent. L'esperance que j'ay de vousvoir bientost, sera cause que ie ne vous seray plus longue lettre, priant Dieu qu'il vous ait, Mon Cousin, en sa sainte & digne garde. De S. Denis ce 27. May 1591. Signé HENRY. Et sur la suscription, A Mon Cousin le Duc de Niernois, Gouverneur & mon Lieutenant General en Champagne & Brie.

AVTRE

AVTRE LETTRE DE S.^r M. AV MESME.



ON COVSIN, l'ay veu par vostre lettre du 9. de
Iuin, & par le memoire que vous m'avez enuoyé,
l'occasion de la detention du sieur de Tremon. Je
vousay mandé que ie luy ay cy-deuant accordé vn
passeport, qui est celuy duquel vous m'avez euoyé
la coppie. S'il n'a pas tenu le droit chemin pour
aller en sa maison; ç'a esté pour aller en lieu où
ie luy ay permis d'aller, comme ie vous diray, lors que ie vous verray.
C'est ce qui me fait vous prier de le laisser passer outre, suiuant son pas-
seport. Ayant appris par vos lettres & par celles de mon Cousin de Cha-
stillon, les affaires qu'il se presentent du costé de Molins, ie luy ay man-
dé qu'il s'y en aille en diligence, pour se icter dans cette ville, au cas
qu'elle fust assiegée. Neantmoins ie n'y vois nulle apparence, pour le
peu d'hommes que le Due de Nemours a avec luy. Je luy mande que
cette occasion passée, il vous vienne incontinant trouuer. Cependant
mandez les sieurs de Brienne, Giury, Praslin, Esternay, & autres mes
seruireurs qui sont assemblez, de vous venir trouuer au lieu que vous leur
marquerez. Ce que ie leur mande qu'ils fassent. Je ne vous l'çauois en-
uoyer d'autres forces qui puissent estre plus près de vous, deuant le temps
que i'espere d'estre en mon pays de Champagne. La difficulté que de-
puis vostre parlement i'ay eue avec les Suisses, pour traiter avec eux, m'a
retenu iusques à present aux enuirs de ce lieu. Depuis vostre parte-
ment i'ay tant fait, que ie leur ay baillé vn prest & demy, & parts pre-
sentement pour m'en aller à Dieppe, faire le conuoy. Mon voiage ne
durera que six ou sept iours, & aussitost ie m'achemineraý à mon pays de
Champagne, suiuant la resolution que nous auons prise. l'ay aduis que
le Due de Mayenne est arriué à Amiens, en intention de venir à Rouën.
Si nous nous renecontrons par les chemins, i'espere que nous nous bat-
trons. Il a assemblé ce qu'il a pû des garnisons de Picardie. Mais il a trou-
ué celle d'Amiens fort affoiblie, pour la grande perte qu'ils ont faite,
comme ie vous ay mandé par ma derniere. Je suis bien marry qu'à fau-
te de trois mille escus, la leuée des Suisses pour Champagne ait esté
retardée, selon que vous m'avez escrit. Toutefois i'ay veu par les lettres
de mon Cousin le Marechal d'Aumont, escrites au President du Blanc-
mesnil, qu'il ya deux mille Suisses à S. Iean de Losne; & ne çay pas

si ce sont ceux qui doiuent venir pour mon pays de Châmpagne. Auf-
 sitost que ie seray de retour de Dieppe, ie seray partir le sieur de Rozie-
 res pour vous aller trouuer. Mon Cousin le Duc de Luxembourg par-
 tira au mesme temps, entre les mains duquel ie seray remettre les let-
 tres de l'Euesque de Plaisance. Ceux de mon Parlement m'ont enuoyé
 la coppie du Monitoire avec leur aduis sur iceluy, qui est de decretter
 contre ceux qui se trouueront chargez dudit Monitoire, & faire re-
 nouueller les lettres patentes & les Arrests cy-deuant donnez en ma Cour
 de Parlement contre les Legats & les Nonces venants de Rome, qui ne
 s'adressent à moy. Mon Cousin le Duc de Longueuille m'a enuoyé la let-
 tre que luy a escrete Laudernau, & m'a mandé que ledit Laudernau en a
 vne semblable pour vous, & que mondit Cousin luy a fait responce,
 qu'il ne pouuoit conferer avec luy qu'avec ma permission. J'ay escript
 à mondit Cousin, que ie voulois prendre aduis de mes Cousins les Car-
 dinaux, de vous, & de ceux de mon conseil, sur la responce que vous
 tous deuez faire à telles lettres. Ce qui me fait vous prier de me donner
 vostre aduis sur ce bref, & me faire souuent part de vos nouuelles. Et
 sur ce ie prie Dieu, Mon Cousin, vous auoir en sa sainte & digne gar-
 de. Du Camp d'Andely ce 14. iour de Iuin 1591. Signé HENRY. Et
 plus bas, POTTIER. Et sur la suscription est escript, A Mon Cousin le
 Duc de Niernois, Pair de France, Gouverneur & mon Lieutenant ge-
 neral en Châmpagne & Brie.



AVTRE LETTRE DE S. M.

A V M E S M E.




ON COVSIN, La prise de Louuiers a esté cause de retarder quelques iours le conuoy de Dieppe. Depuis i'ay eu à faire aux Suisses, que j'ay trouué si difficiles, qu'ils m'ont arresté, & tout le reste de mon armée, quatre iours entiers. Pendant lesquels j'ay trauaillé à leur faire trouuer de l'argent, & à leur donner quelque contentement sur leurs demandes. I'espere de desloger demain de ce lieu-ey, & faire cheminer les forces qui doiuent aller à Dieppe. A cette occasion elles ne pourront estre de retour à Mantes qu'au vingt-quatriesme de ce mois. Aussitost qu'elles y seront arriuées, ie ne perdray pas vn moment pour me rendre à mon pays de Champagne. Cependant ie vous prie, mon Cousin, d'assembler tout ce que vous pourrez de mes seruiteurs; & entreprendre ce que vous iugerez qui sera bon pour mon seruice. Depuis la prise de Louuiers, ceux de Rouën sont entrez en vne telle desfiance, qu'ils ont arresté le Vicomte de Tauannes iusques à ce qu'il eust fait sortir du fort sainte Catherine, ceux qui y estoient pour luy. Il a esté contraint de le faire, & au lieu des soldats estrangers qui estoient dans ce fort, ceux de la ville y ont mis de leurs habitans. Il sont encore en telle rumeur, qu'il est impossible qu'il n'y arriue vn plus grand changement. I'ay aduis que le Duc du Maine vient à Amiens, & de là à Rouën. Cela sera cause que ie rendray l'escorte plus forte que i'enuoye pour le conuoy. Ce Duc arriuant à Amiens, aura trouué les compagnies de Scsleual & du Vidafme desfaites; ce qui a esté executé aux portes d'Amiens mesmes depuis six iours, par les compagnies des sieurs de Humieres & de la Boissiere. On a pris plus de trente prisonniers, tué pareil nombre des ennemis; & gagné plusieurs charrettes pleines de marchandises. Les chefs de ces deux compagnies se sont sauuez dans Amiens. Mon Cousin le Duc de Longueuille me mande, que S. Gobin est assiégué par Rosne. S'il assemble mes seruiteurs, ie ne doute point qu'il ne fasse leuer le siege. Lainer a fait dire au Duc du Maine, qu'il le supplioit de venir à Coucy. Rosne estant venu pour dîner avec luy, il l'a laissé entrer avec peu de gens, & luy a donné à dîner dans la ville, sans qu'il soit entré dans le chasteau. Ie vous prie que j'aye souuent de vos nouuelles; & sur ce ie prie Dieu, Mon Cousin, qu'il vous ait en sa sainte & digne garde. Du Camp de Vernon le 11. Iuin. 1591. Signé HENRY. Et plus bas, POTTIER.



AVTRE LETTRE DE S. M. AV MESME.

MON COVSIN, Estant necessaire pour le bien de mon seruice, & le soulagement de mes suiets de Bourbonnois, de remettre au plustost sous mon obeissance la ville de Varennes, & le chasteau de la Ferté que le Duc de Nemours a n'agueres ptis; i'ay aduisé pour l'absence de mon nepueu le grand Prieur de France, d'y employer mon Cousin le sieur de Chastillon. Je luy escriis presentement qu'il assemble le plus de forces qu'il pourra, pour s'y acheminer au plustost. Je mande aux sieurs de Montigny, d'Arquiem & Tonnerre, & aux principaux de la noblesse d'Auuergne, de l'assister en cette occasion. I'escriis aussi à ma Cousine vostre femme, qu'elle luy preste vn ou deux de vos canons, & luy enuoye le plus de gens decheual qu'elle pourra. Je vous prie de luy mander qu'elle le fasse. Vous me rendrez en cela vn seruice tres-agreable. I'espere que mon Cousin de Chastillon aura bientost repris la conqueste du Duc de Nemours, comme ie desire qu'il fasse, pour qu'aussitost apres, il vous aille trouuer en Champagne. Sur ce ie prie Dieu vous auoir, Mon Cousin, en sa sainte & digne garde. Du Camp de Magny le 27. iour de Iuin 1591. Signé HENRY. Et plus bas, POTTIER.





AVTRE LETTRE DE S. M.

A V M E S M E



MON COVSIN, l'ay esté bien marry d'entendre par vos lettres du xj. & xij. de ce mois, le peu d'aduancement que vous auez peu apporter à la leuée des cheuaux d'artillerie, des finances & des viures que l'auois ordonnée; & tout cela par la faute de mes Thresoriers à Melun. Cette negligence m'a obligé de leur escrire le mescontentement que j'ay de eux, & de leur commander qu'ils ne manquent pas de faire tout ce qui leur a esté enioint si particulierement. L'escriis au General le Fevre qu'il ait à se rendre près de vous, & à faire ce que vous luy ordonnerez. Je vous prie donc, mon Cousin, d'y apporter tout le soin, & y faire faire toute la diligence possible. Le sieur de Giury m'a donné aduis des troupes qui sont assemblées dans vostre Gouvernement pour mon seruice. Mais il me semble que l'occasion de combattre les ennemis estant passée, il craint que ces troupes-là se desbandent, si vous ou moy n'allons bientost par delà. Ma resolution est d'y aller, comme ie vous ay promis. Je serois parti aussitost que j'ay esté de retour de mon voiage de Dieppe (d'où j'ay fait apporter bonne quantité de poudres) n'estoit que ie veux voir auant mon depart, mon Cousin le Cardinal de Bourbon, qui doit estre demain à Mante. Je m'y en vay aussi pour aduiser avec luy, & avec ceux de mon Conseil, sur le general de mes affaires, & pour les instruire de ce qu'ils auront à faire pour mon seruice pendant mon voiage. Cela fait, ie monteray à cheual pour aller en Champagne. Cependant ie vous prie tout autant que vous m'aimez, & que vous souhaitez l'aduancement de mes affaires en vostre Gouvernement, de vous y rendre au plustost. L'escriis à ceux qui commandent à mes troupes, qu'ils les tiennent ensemble, & vous viennent trouuer où vous leur manderez. Je suis assuré que ces troupes-là estant près de vous, & les employant, comme ie suis certain que vous sçaurez bien faire, vous les empescherez de se desbander. D'ailleurs l'esperance qu'elles auront de m'auenuë, dont vous les pourrez asseurer, les retiendra dans le seruice. J'ay veu ce que le sieur de Possé vous a escrit, & trouue bon qu'il luy soit desliuré des deniers de mon domaine de Mouzon, la somme de cinq cens escus, pour employer aux reparations qui sont les plus necessaires à faire pour la seureté de cette ville-là. Je veux neantmoins que ma Cousine la Duchesse de Bouillon, jouisse de la pension que ie luy ay assignée sur le mesme domaine. L'escriis


pour ce suiet aux Thresoriers de France à Chaalons. Je feray partir de Mantes le sieur de Rozieres pour vous aller trouuer. Quant au President de Blancmesnil, vous sçaez la bonne opinion que i'ay de luy, tant pour le contentement que i'ay de ses seruices, que pour le bon telmoignage que vous m'en auez rendu. C'est pourquoy il ne doit pas croire que ie fasse plus de compte des seruices de l'Abbé de Chesi, que des siens; connoissant, comme ie fais, le merite de l'un & de l'autre. Mon Cousin le Vicomte de Turenne me donne aduis, que dans peu de iours il sera sur la frontiere, avec l'armée qui vient pour mon seruice. Ce qui me pressera encore dauantage d'auancer mon voiage en Champagne. En cet endroit, ie prie Dieu, Mon Cousin, qu'il vous ait en sa sainte & digne garde. Du camp de Magny, le 27. de Iuin 1591. Signé HENRY. Et plus bas, POTTIER. Et à costé, l'espere vous escrire de bonnes nouuelles dans peu de iours, s'il plaist à Dieu de fauoriser mes desseins.

A V T R E L E T T R E D E S. M.

A V M E S M E.



MON COVSIN, l'ay entendu ce que vous auez ordonné sur le differant d'entre le sieur Comte de Choisi & le sieur de sainte Mesme, pour raison du chasteau de Montigny. l'ay trouué fort bon tout ce que vous auez fait. Neantmoins ayant fait voir en mon conseil, la requeste presentée par ledit sieur de sainte Mesme, i'ay renuoyé les parties pardeuant leurs Iuges pour leur faire droit; & ordonner qu'attendant la fin du procez, le sieur de sainte Mesme pourra faire sa demeure au chasteau de Montigny, qui luy sera deliuré, en baillant caution de le rendre toutes fois & quantes qu'il sera ordonné. Vous verrez cela par les despeschés que i'en ay fait expedier audit sieur de sainte Mesme; le contenu desquelles ie vous prie faire effectuer, & faire connoistre au Comte de Choisi, que cette ordonnance ne luy peut preiudicier, puisque le sieur de sainte Mesme est obligé de rendre ce chasteau toutes fois & quantes qu'il y sera obligé. Vous l'asseurez aussi de la bonne volonté que ie luy porte, de laquelle ie luy feray tousiours sentir les effets dans les occasions qui se presenteront. Et sur ce ie prie Dieu qu'il vous ait, Mon Cousin, en sa sainte & digne garde. Du Camp de Magny le 30. de Iuin 1591. Signé HENRY. Et plus bas, POTTIER. Et encore, Mon Cousin, ie vous prie de remonstrer ausdits sieurs de Chosi & de sainte Mesme, qu'estant si proches parens, comme ils sont, il leur sied mal de plaider, & qu'ils doiuent se resoudre à remettre leurs differents à des arbitres, pour en sortir à l'amiable.



AVTRE LETTRE DE S. M A V M E S M E



ON COVSIN, Vous vous pouuez souuenir que les premieres declarations que ie fis publier sestoient que Dieu m'eust appellé à cettte Couronne, ce fust pour faire vne conuocation & vne assemblée des Prinees, des Officiers de la Couronne, & des principaux de tous les Ordres de cet Estat; ayant iugé que ie trouuerrois dans leurs aduis & dans leurs conseils, le meilleur remede à tous les maux & à tous les malheurs dont ce Royaume est affligé. Mais vous auez veu comme cettte assemblée a esté differée de temps en temps, & s'est tousiours trouuée impossible, par les oppositions & les empeschemens que m'ont continuellement donnés mes ennemis. De sorte que ie suis eneor à attendre le premier iour de patience & de repos pour vne affaire si importante. Je vous diray ausli, à mon grand regret, qu'il est plus difficile que iamais de l'executer, tant pour le peril des chemins qui augmente tous les iours, qu'à cause que la plupart des Prinees & des autres principaux Officiers de ma Couronne, qui doiuent se trouuer à cettte assemblée, & sans lesquels elle seroit absolument imparfaite, sont tellement occupez dans les Prouinces, qu'ils n'en peuuent partir sans les laisser en proye à mes ennemis. C'est pourquoy i'ay resolu d'attendre que les choses soient mieux disposées, pour faire ladite conuocation, & pour apporter l'ordre qui est necessaire dans vne confusion si generale; & d'appeller icy mon Cousin le Cardinal de Bourbon, & tous ceux de mon conseil qui estoient à Tours. Ils sont tous venus à mon mandement, & se sont rendus icy en fort bonne & notable compagnée depuis quinze iours. Je me suis veu obligé de demeurer avec eux tout ce temps-là, non sans quelque retardement des bons effets de mon armée. Mais il estoit important d'en vser ainsi. Ce que nous auons premierement traité, a esté de chercher des moyens pour guerir le mal par ordre. Nous auons donc considéré quelle est la premiere cause des troubles qui se sont renouuellés en ce Royaume, plus aspres & plus violentes que iamais; & l'on est demeuré vnanimement d'accord, que c'est la reuocation des Edicts de

pacification faite par celuy de l'Vnion en l'année mil cinq cens quatre-vingt cinq ; & depuis continuée & confirmée en celuy de quatre-vingt huit. Il a aussi esté iugé que le torrent de ces malheurs, qui sont deriuéz de l'infraction de la paix, ne peut estre arresté sans premierement en destourner la plus prochaine & la plus apparente source. Pour cette occasion ie me suis resolu de casser & reuoker lesdits Edicts de l'Vnion, & restablir ceux de la paix, pour estre obseruez ainsi que lors qu'ils furent faits. T'en ay enuoyé l'Edict en mes Cours de Parlement pour le publier, comme ie m'asseure qu'elles feront volontiers & sans en faire aucune difficulté. Cependant ie n'ay pas voulu differer dauantage de vous en aduertir ; tant pour vous rendre participant de mes principales affaires & de mes resolutions les plus importantes, qu'aussi parce que ie ne doute point que les ennemis, qui n'ont autre plus grande industrie que d'interpreter toutes mes actions au pire sens qu'ils peuuent, ne gloient sur cette-cy, & ne fassent tous leurs efforts de la faire trouuer la plus mauuaise qu'ils pourront. Mais i'ay creu que ie ne pouuois opposer vne meilleure desense à leurs calomnies, que de vous tenir aduertit de bonne heure des raisons que i'ay eues de le faire. Elles sont si grandes & si publiques, qu'elles ne peuuent estre ignorées de personne, non pas mesme de mes ennemis. Il ne faut que se souuenir de l'estat où estoit ce Royaume auant lesdits Edits, & le comparer à celuy où il a tousiours esté depuis qu'ils ont esté faits : car comme l'on a veu les malheurs de la France quasi presque tousiours esteints par l'observation de la paix ; aussi l'on les a veu deuenir plus grands & plus effroiables que iamais par la rupture d'icelle. A cela il se peut adiouster qu'il n'est ni iuste ni honneste, que ie laisse dauantage subsister les iniures & les calomnies dont on a rempli ces Edits, non seulement contre moy & ma personne, contre tous les Princes & autres qui ont l'honneur de m'appartenir ; mais aussi contre tous les Officiers de la Couronne, & contre tous mes bons, affectionnez & fidelles suiets & seruiteurs. Par où l'on peut iuger, que s'il y a rien à blasmer en ladite reuocation, c'est qu'elle ait esté si longuement differée. Ce qui n'eust pas esté sans les grands empeschemens que i'ay tousiours eus ; & d'ailleurs que ie ne voulois en cela rien resoudre qu'avec l'aduis de mon Conseil. Mais quand ie n'aurois pas eu toutes les raisons de le faire que i'ay, la necessité de la reuocation estoit absolument necessaire, pour pouruoir aux plaintes & aux remonstrances que ie receuois tous les iours, non seulement de mes suiets de l'une & de l'autre Religion, mais aussi de mes Parlemens & des autres iustices, pour les resoudre sur l'incertitude en laquelle ils estoient en l'observation desdits Edicts d'Vnion, depuis l'expiration du temps de la trefue. Car s'il n'y eust esté pouruen, ils se trouuoient obligés à l'entretenement desdits Edicts d'Vnion, lesquels ils sçauoient estre tres-iniustes, & ne se pouuoient soutenir.

Ils en seront maintenant esclairez, & sçauront comment ils ont desormais à se comporter pour le reſtabliſſement deſdits derniers Edits de pacification, qui ſont de tous les precedens, ceux qui ont eſté le mieux examinez, & traitez en plus grande compagnie des premiers Officiers de la Couronne & des plus notables perſonnages qui fuſſent lors, tant Eccleſiaſtiques qu'autres. Je me promets auſſi que tous mes bons ſuiets en ſeront bien ſatisfaits; qu'ils les receurent avec action de graces; & pour vn augure certain d'un plus doux & meilleur ſiecle, que celui qui eſt paſſé, depuis qu'ils furent reuoeuez. Il n'y aura que mes ennemis & les rebelles qui ne l'approueront pas. Au contraire ils s'efforceront de les faire mal recevoir, s'ils peuuent; ſuppoſans que c'eſt vne innouation que ie fais à la Religion Catholique, Apoſtolique & Romaine, pour eſſaier d'en donner quelque apprehenſion à mes bons ſuiets Catholiques. Mais les argumens pour cela, ne peuuent eſtre que ſi foibles, qu'ils ſont indignes de reſponſe. Mes deportemens iuſques icy ſuffiſent pour les conuaincre de menſonge, toutes les fois qu'ils voudront faire accroire que j'ay autre deſir que de maintenir & conſeruer ladite Religion Catholique, & ceux qui en ſont profeſſion. Pour confirmation de cette verité, viendra bien à propos la declaration que j'ay nouvellement eu ſuiet de faire, pour confirmer la premiere que ie fis à mon aduenement à la Couronne, pour la conſeruation & l'entretienement de la Religion Catholique, afin de faire connoiſtre combien eſt fauſſe & combien eſloignée de mon intention, la ſuppoſition que les Ligueurs ont faite au Pape, que j'auois coniuſé contre ladite Religion Catholique, & reietté pour iamais toute inſtruction. C'eſt ſur cela qu'il s'eſt principalement fondé, pour faire publier par le Nonce qu'il a n'aguere deſpeſché vers les chefs des rebelles, des monitions contre les Princes, Cardinaux, Officiers de la Couronne, Prelats, & generalement tous mes bons & ſidelles ſuiets qui m'aſſiſtent & me ſeruent. Mais j'eſpere que comme la cauſe eſt purement fauſſe, que les effets en ſeront auſſi tous vains & inutiles. Je n'ay pas neantmoins voulu rien prononcer là deſſus de mon autorité priuée, & m'en ſuis du tout remis à mes Parlemens & aux Eſtats eccleſiaſtiques, pour s'y pouruoir par les voies de droit. Auſſi comme ils ſe ſentent fort bien fondez, ie les vois en bonne reſolution de le faire. Vous ne tarderez pas que vous n'ayez par delà, leſdits edicts & declarations, où vous verrez particulièrement mon intention. Cependant ie vous en ay bien voulu dire icy la ſubſtance, afin que vous ayez dequoy conuaincre de faux, tout ce qui pourra eſtre publié par mes ennemis au contraire. En quoy ie ſuis bien aſſeuré qu'ils auront plus faute de ſuiet & de bonnes raiſons, que de mauuaile volonté. Il ſera auſſi bien à propos que vous donniez communication de cette-cy, aux principaux de mes ſeruiteurs qui ſont près de vous, afin que par cette verité ils ſoient inſtruits, & preparez contre la la malice & le menſonge des ennemis; & que la honte leur demeure de

leur supposition, comme elle a cy-deuant fait de toutes les autres. C'est ce que ie vous diray sur ce suiet, priant Dieu qu'il vous ait, Mon Cousin, en sa sainte & digne garde. De Mantes ce 13. iour de Iuliet 1591. Signé HENRY. Et plus bas, POTTIER.



AVTRE LETTRE DE S. M.

AV MESME.



MON COVSIN, Vous estes bien aduertý que l'armée estrangere que ie fais venir, est presté d'entrer en ce Royaume. Vous sçauiez aussi que le seul moyen d'en tirer vn bon seruice, & la tenir dans l'obeissance & dans l'ordre, est de pouruoir à son payement, sans lequel elle nous seroit plus incommode qu'vtile. Ne voulant pas aussi que cela aduienne, comme vous iugez bien que ce seroit la ruine de mes affaires; ie trauaille autant que ie puis de faire faire le fonds de son payement. Mais ne pouuant estre mieux ni plus iustement aidé en cela, que de mes bons & affectionnez seruiteurs & suiets qui sont dans les bonnes villes de mon obeissance; i'ay pris resolution de les faire rechercher de me faire quelque prest volontaire, durant chacun des six mois de cette presente année. Pour cet effet i'ay choisi le sieur de Rozières Conseiller en mon Conseil d'Estat, pour faire cette diligence dans mes Prouinces de Picardie & Champagne, & se transporter dans les bonnes villes, pour exhorter les habitans & les communautéz, de m'assister de ce secours volontaire. I'ay creu que mettant vne affaire de cette nature entre les mains d'vn personnage de sa qualité, elle en sera plus doucement & plus aisement executée. La chose parle d'elle-mesme; & dans la conioncture des affaires publiques, il n'y a personne qui en ignore ni la iustice, ni la necessité. I'en attens neantmoins le suecez de ceux qui ont de l'autorité sous moy dans ces prouinces-là; & i'ay chargé le sieur de Rozières, de s'y conduire par vos aduis & par les leurs. Mais ie desire qu'il ne fasse rien que par vos ordres, & qu'il confere avec vous de tout ce qui est de mon intention pour ce regard. Ie vous prie d'entreprendre cette affaire de tout vostre pouuoir, afin que i'en recueille le fruit que i'en espere. Vous sçauiez combien il m'est necessaire, & qu'il n'est pas possible que ie m'en passe. Le iugement que vous pouuez vous-mesme faire de l'estat des choses, vous tiendra lieu d'instruction suffisante pour en instruire les autres & pour leur persuader cette verité. C'est ce que ie vous prie de faire, & d'assister en cette occasion ledit sieur de Rozières de tout ce que vous pourrez. Ie me remets sur luy de vous informer de toutes mes affaires, dont il est bien informé. Ie ne vous feray pas cette-cy plus longue, priant Dieu, Mon Cousin, de vous conseruer en sa sainte garde. Escrit à Mantes le 13. iour de Iuliet 1591. Signé HENRY. Et plus bas, FORGET.

AVTRE LETTRE DE S. M.

A V M E S M E.



MON COVSIN, Il m'a beaucoup despleu d'entendre la blesseure du sieur d'Esternay. Le sieur de Miraumont ayant le premier aduis de la blesseure, m'a demandé le Gouuernement de merville de Nogent. Le le luy ay accordé, estant asséuré de sa fidelité & de l'affection qu'il a pour mon seruice; & ie ne doute point qu'il ne vous soit agreable. C'est la seule cause qui m'a empesché de le donner au sieur de Rieux, en faveur duquel vous m'avez escrit. le reserueray la volonté que i'ay de le gratifier, pour vne autre occasion; & luy ay tesmoigné combien i'auois agreable le seruice qu'il me rend aupres de vous. La presente n'estant à autre fin & vous ayant auourd'huy escrit plus amplement, ie ne vous la feray plus longue, priant Dieu qu'il vous ait, Mon Cousin, en sa sainte & digne garde. De Mantes le 3. iour de Iuillet 1591. Signé HENRY. POTTIER. Et à costé, Depuis vous auoir escrit ma lettre, i'ay accordé au sieur de Rieux, le Gouuernement de Mery sur Seine, lors que cette ville sera remise sous mon obeissance; avec l'entretènement de telle garnison de gens de cheual & de pied que vous aduiserez.

AVTRE LETTRE DE S. M.

A V M E S M E.

MON COVSIN, Sur l'aduis qui m'a esté donné du deceds du feu sieur d'Esternay, i'ay fait election du sieur de Miraumont pour commander à Nogent sur Seine sous vostre autorité, comme faisoit le feu sieur d'Esternay. Je suis certain que ie ne pouuois mettre cette charge entre les mains de personne qui s'en acquitast plus dignement, ni plus fidellement qu'il fera. En cette consideration, ie vous prie de le mettre en possession de cette place, & de vous seruir de luy lorsque les occasions s'en presenteront, avec assurance qu'il se rendra si soigneux de vous obeir, suivant le commandement expres que ie luy en ay fait, que vous aurez pour tres-agreable le choix que i'ay fait de sa personne. Je prie sur ce Nostre Seigneur, qu'il vous ait, Mon Cousin, en sa sainte & digne garde. Escrit à Mantes le 3. iour de Iuillet 1591. Signé HENRY. Et plus bas, RVZE'.

II. PART.

Ll ij

AVTRE LETTRE DE S. M.

AV MESME.



ON COVSIN, D'autant que le sieur de Praslin tient prisonnier le General Thomelin; pretendant qu'il soit de bonne prise, & que ledit Thomelin soustient le contraire; ie vous en remets le iugement. L'escris au sieur de Praslin qu'il vous ait à représenter son prisonnier. Le vous prie d'ouïr au plus tost les raisons de part & d'autre, pour iuger ce que vous trouuerez raisonnable, vous donnant par la presente, tout le pouuoir qui vous est necessaire pour cet effect. Sur ce ie prie Dieu qu'il vous ait, Mon Cousin, en sa sainte & digne garde. Du Camp de Mantes le 6. iour de Iuillet 1591. Signé HENRY. Et plus bas, POTTIER.

AVTRE LETTRE DE S. M.

AV MESME



ON COVSIN; Suiuant ce que ie vous ay cy-deuant escrit; ie vous enuoye presentement le sieur de Rozières, pour vous soulager en ce qui est du fait des Finances de vostre Gouvernement. Et d'autant que l'affection qu'il porte au bien de mon seruice, & la suffisance vous sont assez conuës, ie ne vous en diray autre chose, sinon que ie luy ay commandé d'assembler le plus de deniers qu'il pourra, afin que ie m'en puisse seruir pour l'entretienement de mon armée lors que ie seray en Champagne, où i'espere vous voir dans peu de iours. Je suis sur mon partement pour m'y acheminer. Vous entendrez du sieur de Rozières plus particulièrement de mes nouuelles. Je ne vous feray cette cy plus longue, priant Dieu qu'il vous ait, Mon Cousin, en sa sainte & digne garde. De Mantes le 8. de Iuillet 1591. Signé HENRY. Et plus bas, POTTIER.

82
8223
822223
82222323
822223
8223
8223
8223

AVTRE LETTRE DE S. M.
A V M E S M E.

MON COVSIN, l'ay appris par vos deux dernières lettres, vostre arriuée en ma ville de Chaalons; & la resolution que vous avez prise d'assiéger le chasteau de Marreul. Je me promets que vostre presence en cette ville seruira grandement à mes affaires, & que le siege que vous avez entrepris, sera vne bonne occasion pour occuper les forces qui sont auprès de vous, en attendant que ie sois par delà, qui sera bientost, comme i'espere avec l'aide de Dieu. Durant le sejour que i'ay fait en ma ville de Mantes, ie vous ay fait sçauoir les occasions qui m'y ont retenu, & le fruit que i'en ay recueilli par le traité que i'ay fait avec les Suisses. Il en est demeuré trois mil en mon armée, par la reduction qui en a esté faite, & en ay licencié le reste, qui monte à cinq ou six cens seulement. Au partir de Mantes, i'ay pris le chemin que ie vous auois dit, ayant fait passer l'eau à partie de mes forces pour prendre le chasteau de Conflans, comme i'ay fait. I'ay pris aussi quatre ou cinq autres forts qui estoient entre Pontoise & S. Denis. Comme i'ay esté à la veüe de ma ville de Noyon, ie me suis resolu de l'attaquer. Elle sera demain muestie, & i'espere dans peu de iours d'en auoir la raison, & d'en tirer des moyens pour l'entretènement de mon armée. Cette occasion passée, rien ne peut retarder mon voiage, voulant vous faire connoître combien i'ay de volonté de le faire, comme ie vous ay promis. Encore que la promesse que ie vous ay faite, ait assez de pouuoir pour m'empescher de l'oublier, neantmoins i'y suis d'ailleurs porté par la venue de mon armée estrangere, qui doit estre dans la Lorraine le dix du mois prochain, au plus tard. Je vous prie cependant d'aduertir tous mes seruiteurs de ma venue, & de les mandér pour me venir trouuer. I'ay aduis que le Duc de Lorraine & le Duc de Mayenne doiuent ioindre toutes leurs forces, pour empescher la venue de mes estrangers. Si ainsi est, i'espere de me rendre assez à temps sur la frontière; pour favoriser leur entrée, & combattre mes ennemis, s'ils ont le courage de s'y opposer. I'ecris au sieur de Giury qu'il demeure près de vous, & mande tous ceux de la troupe qui estoient allez se rafraichir en leurs maisons. I'ecris aussi au sieur de Prallin, qu'il vienne incontinent vous

trouuer. Je vous enuoye plusieurs autres lettres, que ie vous prie de faire tenir à tous mes autres seruiteurs, pour se rendre incontinent aupres de vous. Et parce que Monsieur d'Aumont m'a escrit qu'il vous auoit aduertí, qu'il estoit tout prest de vous venir trouuer, & de joindre ses forces aux vostres, pour s'opposer aux desseins du Duc de Lorraine; ie luy mande que ie trouue tres-bon ce qu'il en a proposé; qu'il s'achemine pour vous venir trouuer, & qu'il se gouuerne en cela selon les aduis que vous luy donnerez. Je remets à vostre prudence, Mon Cousin, à voir ce que vous iugerez que l'on pourra entreprendre presentement, & ce que vous auez à faire attendant ma venue. J'ay cy-deuant mandé au sieur de Sobolle, qu'il fassé tenir des farines prestes pour faire quantité de pains. Le Maire de Langres m'a escrit qu'il y a dans les magazins de cette ville trois cens muids de grains. Je vous prie de donner ordre aux autres villes de vostre Gouuernement; afin que mon armée en passant en puisse tirer des commodités & des rafraichissemens. J'escris à mes Thesoriers du bureau de Chaalons, qu'ils ayent à tenir la main pour le recouurement des deniers dont vous auez fait estat, tant à Langres qu'aux autres lieux de vostre Gouuernement, pour la leuée des Ristres & des Suisses. Quant à ce que vous me mandés sur la prolongation de la trefue de Metz avec les Lorrains, s'il a esté fait quelque chose entre eux sans mon consentement & en ma minorité, ie ne suis obligé de le tenir au preiudice de mon seruice. Quant aux deniers du sel que vous auez appris estre entre les mains de mes Officiers de Nogent, si ce sont deniers qui m'appartiennent, ie trouue bon que vous vous en seruiez pour le fait que vous me mandez. Mais si ces deniers-là appartiennent aux Marchands, vous vous en pourrez aussi seruir, en traitant avec eux pour leur seureté, & pour le remplacement de l'argent, afin que cela ne les empesche pas à l'aduenir de faire leur fournissement. L'estime que le sieur de Rozieres est à present aupres de vous, & qu'il seruira suiuant le commandement que ie luy ay fait, afin qu'il fasse vn bon fonds de deniers. Je vous prie, mon Cousin, d'y vouloir tenir la main, & y faire traualier incessamment ledit sieur de Rozieres, & tous les autres Officiers de mes finances. J'ay commandé l'expedition des lettres que vous desirez pour le fait de mesdites finances. Je suis bien aisé que les entreprises que vous me mandez qui ont esté faises sur Donchery, Mouzon, la Cassine, & autres lieux, n'ayent pas reüssi. Estant hier arriué à Creil, j'eus aduis que le Duc de Mayenne estoit venu avec trois cens cheuaux à Beauuais dès le iour precedent, & qu'il en partit hier au soir pour aller à Amiens, s'estant douté que i'auois quelque dessein sur Beauuais. Par les dernieres lettres que i'ay eues de Mon Cousin le Prince de Dombes, il me donne aduis qu'apres auoir recherché toutes les occasions de combattre le Duc de Mercœur, & de faire plusieurs de ses troupes en diuerses rencontres, ce Duc a quitté la campagne; & a mis ses forces en garnison. Cette retraite a

donné occasion à mondit Cousin, d'assiéger merville de Vennes, qui est la principale de la basse Bretagne. Mon Cousin le Prince de Conty a pris quinze ou seize villes ou chasteaux en diuers endroits de Poitou, & il ne reste plus à mes ennemis dudit pays, que Poitiers & Mirebeau. Il a pris la ville dudit Mirebeau, & est sur les tetmes de capituler avec ceux du Chasteau. S'il se rend, il ne reste plus aux Ligueurs en tout le Poitou, que Poitiers, lequel mondit Cousin fait estat de bloquer. C'est tout ce que ie vous escriray pour le present. Ie prie Dieu qu'il vous ait, Mon Cousin, en sa sainte & digne garde. Escrit au Camp de Compiègne le 26. iour de Iuillet 1591. Signé HENRY. Et plus bas, POTTIER.



AVTRE LETTRE DE S. M A V M E S M E.



MON COVSIN, Ie viens de receuoir vostre dernière lettre du 24. de ce mois, & la lettre que Rofne escriuoit à Tremblecourt, pour faire acheminer son regiment à Noyon. La verité est que ce regiment-là s'estoit mis en chemin pour y venir, mais il fust chargé près de Montcornet par la garnison de la Capelle. Il en a esté tué enuiron trois cens sur la place. Les autres se sont retirés audit Montcornet, où ils sont inuestis par le sieur de Monceaux & par ceux de la garnison de la Capelle. Ie n'en ay eu aucunes nouuelles depuis. I'espere faire commencer demain la batterie de cette ville, qui sera de treize canons; & i'espere la voir bientoist reduitte sous mon obeissance. Il n'y a dedans que les habitants, six vingt soldats de la garnison ordinaire de la ville, & enuiron vingt cinq cheuaux qui y sont entrez au commencement du siege. Cette ville estant reduitte, vous me verrez bientoist près de vous, selon que ie vous ay escrit par mes precedentes. Cependant ie prie Dieu qu'il vous ait, Mon Cousin, en sa sainte & digne garde. Du Camp deuant Noyon le 30. iour de Iuillet 1591. Signé HENRY. Et plus bas, POTTIER.






AVTRE LETTRE DES. M.

A V MESME.



ON COVSIN, l'ay esté bien aisé d'entendre que vous ayez reduit le Chasteau de Mareil sous mon obeissance. Cette prise tournera à mon grand soulagement, & à vne grande commodité pour mes suiets de Chaalons & d'Espemay. Ce sont des effets qu'apporte vostre présence en vostre Gouvernement. Car il seroit malaisé de les entreprendre en vostre absence. C'est ce qui me fait auoir tant plus agreable que vous vous y soiez acheminé. Je vous prie de continuer d'entreprendre ce que vous iugerez trop mieux pouuoir faire pour mon seruice, attendant mon armée audit pays, où ie m'achemineraý sans faute au partir d'icy, selon que ie vous ay escrit par mes precedentes. Je suis bien marry que mes Thresoriers de France de delà, s'acquittent si mal de leur deuoir que vous me mandez. l'ay commandé que les commissions que vous desirez auoir, pour leur faire desense de disposer de mes deniers au preiudice de mon Estat; & aux Receueurs particuliers de ne payer aucunes charges, que vous n'ayez receu la demie année de vostre assignation, soient despeschées & enuoiées. Cependant i'escris ausdits Thresoriers, qu'ils ne manquent pas de faire fournir à Langres, les quinze mil escus pour la premiere monstre des Suisses & des Reistres. Je trouue fort bonne la responce que vous auez faite à Landriano, & vous en sçay fort bon gré; remettant à vous faire entendre à mon arriuée par delà, ce qui a esté resolu touchant ledit Landriano. Au reste, ie suis bien marry de la mort du sieur Charles de Biraque. l'ay conserué à sa veuve & à ses enfans, ses benefices; & voudrois que la commodité de mes affaires me permit de leur continuer la pension qu'ils auoient de quatre mil escus par an, & de faire encore mieux pour eux. Mais attendu la necessité de mes affaires, par l'aduis de ceux de mon Conseil, les pensions viageres demeuront esteintes par mort. Quant au sieur Ludouic, il se peut asseurer que ie le gratifieray en toutes occasions qui se presenteront, en consideration de ses seruiues. Et sur ce ie prie Dieu, mon Cousin, qu'il vous ait en sa sainte & digne garde. Du camp deuant Noyon le dernier iour de Iuillet 1591. Signé HENRY. Et plus bas, POTTIER.





AVTRE LETTRE DE S. M. A V MESME.



MON COVSIN, Vous aurez peu voir par mes lettres precedentes, les occasions pour lesquelles ie n'ay pû me rendre dans mon país de Champagne, si tost que ie vous l'auois promis. Elles ont esté si importantes au bien de mon seruice, qu'il n'a pas esté en ma puissance de m'aduancer dauantage. Le siege de Noyon que i'ay entrepris, m'est si necessaire pour le secours que i'en dois attendre, qu'il ne pouuoit estre remis à vn autre temps. Je l'ay trouué en tel estat en y arriuant, que j'espere que dans quatre iours i'auray reduit la ville en mon obeissance. La prison du Vicomte de Tauannes, qui fut pris la nuit passée, & la defaite des troupes qu'il meinoit pour les faire entrer dans Noyon, au nombre de trois ou quatre cens cheuaux & cinq cens hommes de pied, en aduanceront bien la reddition. Cependant, Mon Cousin, i'ay veu par vos trois dernieres lettres, la mauuaise opinion que vous auez de mon retardement, croiant qu'il ne procede que du peu de volonté que i'ay d'aller en Champagne, & sur ce fondement, vous croyez estre obligé d'abandonner mes affaires & quitter vostre Gouvernement. Il me fasche fort que vous preniez de telles resolutions, puisque les affaires que i'ay eues & le progres que i'ay fait, vous doiuent donner des penées toutes contraires. Ce n'est pas que ie ne vous sçache fort bon gré d'estre ialoux de vostre honneur, & d'auoir vne consideration toute particuliere pour conseruer les places de vostre Gouvernement. Mais ie vous prie aussi de iuger, combien il est necessaire que preferablement à toute chose, ie pouruoye au general de mes affaires. Je suis bien plus marry que vous, qu'attendant ma venue, ie ne vous ay pû enuoyer dauantage de forces. Mais ie vous ay baillé tout ce que i'ay pû, avec les despêches necessaires pour assembler toute la noblesse du pays. Si elle eust fait son deuoir, comme vous auez fait de vostre part, vous ne seriez pas en l'estat où vous estes. Je vous prie de croire que ie vous aime trop, pour engager vostre honneur, ni pour vous en faire perdre tant soit peu. Je desire seulement que vous consideriez l'estat de mes affaires,

afin de ne me pas attribuer la cause de ce qui se passe au preiudice de mon seruice, & de vostre interest particulier. L'espere neantmoins que si ceux qui sont dans vostre chasteau d'Aumont ont tant soit peu de courage, ils nous donneront loisir de les secourir, & possible de combattre nos ennemis. Car j'ay bien resolu au partir de ce siege, d'aller droit à vous, comme ie vous ay cy-deuant mandé, & comme vous dira le sieur de Reaux le Mery present porteur. Je vous l'enuoie expres pour vous en asseurer plus amplement. Cependant ie ne laisseray d'escrire de nouveau à mon Cousin le Marechal d'Aumont par vn des siens qui est près de moy, qu'il ait à vous ioindre incontinent, avec les forces qui sont près de luy. L'estime toutefois qu'il ne pourra le faire sifost, que ie ne sois encore plustost en mon pais de Champagne. Je feray aduancer partie de ma caualerie. Je vous prie, Mon Cousin, d'aduertir tous mes seruiteurs, comme ie vous ay mandé par ma derniere lettre; & m'attendre sur l'assurance que ie vous donne encore, de me rendre au plustost que ie pourray par delà. Sur ce ie prie Dieu qu'il vous ait, Mon Cousin, à sa sainte garde. Escriit au camp de Noyon, le premier iour d'Aoust 1591. Mon Cousin, depuis la presente escrete, j'ay esté aduerti de la reddition de vostre chasteau d'Aumont, & de l'auantageuse capitulation qui a esté faite à ceux qui estoient dedans. Mes ennemis leur ont accordé tout ce qu'ils ont voulu, parce qu'ils n'auoient pas dequoy leur mal-faire. Je suis aduerti qu'ils tournent de ce costé-cy. L'espere que Dieu me fera la-grace de les battre, aussi bien qu'a esté le Vicomte de Tauannes, que ie tiens prisonnier.

Signé HENRY. POTTIER.



AVTRE LETTRE DE S M
A V M E S M E.



ON COVSIN, Je vous ay écrit bien ample-
ment par le sieur de Reaux le Mery, que ie vous
despetchay exprés auant hier. Cette-cy sera seule-
ment pour vous faire part de plusieurs bonnes nou-
uelles que i'ay depuis receuës de diuers endroits. Je
m'assure que vous enserrez tres-aïse; spécialement
de la prise de la ville de S. Vallery, qui vous appar-
tient. Le sieur de Palleschcul l'a prise par escalade. Le chasteau n'estoit
pas encoré pris quand la nouuelle m'en est venuë, mais i'estime qu'il
l'a esté depuis. I'ay sceu aussi que le sieur de Chatte y estoit allé avec
six vaisseaux de guerre. Cela aura fait resoudre les assiegés à se rendre, &
d'autant plus encore, qu'il se pouuoit seruir pour cela des quatre mil-
le hommes de pied, & de quatre cens cheuaux Anglois n'agueres des-
cendus à Dieppe, & conduits par le Comte d'Essex. Du costé de Bour-
bonnois, le Capitaine Brame m'a rendu la ville & le chasteau de Cussiet;
& par cette reddition on a remis sous monobeïssance la ville de Vichy,
où l'on a trouué deux pieces de canon. Varennes a esté repris aussi par
le sieur de Thazeron. En Bretagne, Mon Cousin le Prince de Dombes
a fait quitter la campagne au Duc de Mercœur, lequel a esté contraint
de mettre partie de ses forces en garnison. Les autres se sont dissipées.
Mais le malheur a voulu que mondit Cousin ayant assiegé Lamballe, le
sieur de la Nouë y a esté blessé d'une arquebuse, & le sieur de Mont-
martin d'une autre. Toutcfois l'on m'a mandé qu'encore que le sieur
de la Nouë soit blessé à la teste, neantmoins l'os, n'est pas offencé, &
l'on m'assure mesme de sa guerison, & de la venue de mon armée
estrangere. Je ne vous en diray rien, sçachant que vous en auez appris
d'ailleurs ce que ie vous en pourrois mander. Je n'ay autre chose à vous
dire pour le present, sinon que i'ay commencé ce matin, la batterie de
cette ville-cy, & qu'incontinent apres sa prise, ie m'acheminay en
Champagne. Je finiray la presente, en priant Dieu, Mon Cousin, qu'il
vous ait en sa sainte & digne garde. Du Camp deuant Noyon le 5. iour
d'Aoust 1591. Signé HENRY. Et plus bas, POTTIER.

AVTRE LETTRE DE S. M.

AV MESME.



MON COVSIN, le vous ay escrit bien particulièrement par le sieur de Reaux le Mery. Depuis par vne autre lettre ie vous ay donné aduis de la descende de quatre mille Anglois, qui sont arriuez à Dieppe. La presente est pour vous aduertir que ie seray demain battre cette ville-cy. Le Duc de Mayenne se promet de la secourir, & pour cet effet il auoit enuoyé à Han quatre ou cinq cens cheuaux commandez par le Duc d'Aumalle. Mais estant venu ce matin pour enleuer le logis de mes cheuaux legers, ils ont esté si bien soutenus, que mes cheuaux legers suiuis des sieurs de Lannoy & de Largery avec leurs compagnies, les ont menez battant iusques dans les portes de Han. Ils ont perdu plusieurs de leurs Capitaines & de leurs gens d'armes. Le sieur de Longchamp, lequel commandoit en ma ville de Lizieux quand il la prit, est prisonnier, & plusieurs autres Capitaines, iusques au nombre de cinquante. Il y en a dauantage de morts. Le combat a esté beau & grand. Il a esté fait seize ou dixsept charges. Le Duc d'Aumalle y estoit en personne, & a tesmoigné qu'il auoit peu d'autorité sur ses troupes. Car il ne les a pû obliger à combattre, & les a veu se retirer en confusion, selon leur coustume. Je ne veux pas oublier à vous dire, que le Baron de Biron au bruit de l'allarme, s'y est rendu si à propos, qu'il a esté aux dernieres charges, & a tres-bien fait, comme aussi tous ceux qui ont eu l'honneur de s'y estre trouuez. Le Duc de Mayenne est à Amiens. L'on dit que Roine s'approche. L'arrens qu'il soit près de moy pour l'aller voir, & espere avec l'aide de Dieu, de prendre cette ville à leur barbe. Et cela fait, ie m'acheminera en Champagne, comme ie vous escriis par le sieur de Reaux. Je vous prie de croire que ma resolution est de faire ce voiage. L'enuoie presentement vers Mon Cousin le Viconte de Turenne, pour l'en assurer. Incontinent que cette ville sera prise, ie vous seray sçauoir plus particulièrement de mes nouuelles. Cependant ie prie Dieu qu'il vous ait, Mon Cousin, en sa sainte & dighe garde. Escrit au camp deuant Noyon ce 7. iour d'Aoust 1591. Signé HENRY. Et plus bas, POTTIER. Et puis, i'ay pris d'assaut le Fauxbourg & l'Abbaye de S. Elloy. C'estoit le plus fort de la ville. Le Duc de Mayenne est à Han, & S. Pol vers Laon avec leurs forces. Neantmoins i'espere de prendre cette place-cy à leur barbe; & que Dieu me fera la grace de les battre, comme ont esté les autres, s'ils s'aduancent pour m'en empêcher.

AVTRE LETTRE DE S. M.
AV MESME.



ON COVSIN, Ce siege a duré plus longtemps que ie ne pensois pour les difficultés qui se sont presentées. Si ie ne suis pas allé en Champagne sitost que ie vous l'auois mandé, pour le moins i'ay diuertý les forces que vous auiez sur les bras. Car elles sont venuës ioindre le Duc de Mayenne qui est à Han, à quatre lieuës de mon armée. Il est vray qu'il a mis la riuiera entre deux. I'espère que dans deux iours cette ville cy sera prise, ou que la bataille se donnera. Il ne tiendra qu'à mes ennemis qu'elle ne se donne, car ie suis resolu de les attaquier sitost que ce Duc aura passé la riuiera pour venir à moy; sans pour cela estre obligé de quitter le siege. I'ay assez de force pour l'un & pour l'autre, pourueu qu'il plaise à Dieu de m'assister de sa grace, comme il a tousiours fait. Je vous enuoie la coppie d'une lettre touchant quelques compagnées du Duc de Parme, qui ont esté deffaites au pays bas. Vous verrez par la lecture, que le Duc de Parme n'est pas sans affaires par delà. I'attens le retour du sieur de Reaux le Mery, lequel i'ay enuoyé vers vous. Je tiens vn homme tout prest pour vous l'enuoyer sitost que cette ville sera prise, ou que la bataille sera donnée. Je le suiuray de prés. Cependant ie vous prie d'aduertir tous mes seruiteurs de ma venue, & leur mander qu'ils vous viennent trouuer. Et sur ce ie prie Dieu, qu'il vous ait, Mon Cousin, en sa sainte & digne garde. Du Camp de Noyon le 15. iour d'Aoust 1591. Signé HENRY. Et plus bas, POTTIER.



AVTRE LETTRE DE S. M.
A V MESME.



ON COVSIN, l'ay entendu par le retour du sieur de Rieux le Mery, ce que vous l'aucez chargé de me dire; & encore qu'il me desplaife grandement de ce que vous n'estes pas assisté de plus grandes forces pour pouuoir exécuter ce que vous desireriez, pour le bien de mon seruice & de mes suiets de vostre Gouuernement; i'ay esté neantmoins bien-aisé d'auoir secu que vous ne vous en estes pas esloigné. A mon arriuée en Champagne, qui sera bien-tost après la presente, nous pourrons pouuoir à tout ce qui sera necessaire. Cependant ie vous diray, qu'encore qu'il y ait dix iours que le Due de Mayenne est arriué à Han à quatre lieues d'icy, avec toutes les forces, tant de François que d'Estrangers qu'il a peu assembler; & que i'aye tiré le siege de Noyon en quelque longueur, pour donner loisir & occasion audit Due de Mayenne de venir à la bataille, il n'en a point voulu manger. Mesme pour luy en donner plus d'occasion & plus d'enuie, samedi dernier ayant commencé à faire bresche, & pouuant prendre le mesme iour la ville de force; i'ay receu les soldats à capitulation, & donné deux iours aux assiegez pour attendre du secours. Mais le Due n'a osé passer la riuere pour attaquer vn de mes logis, bien loin de me presenter la bataille. Tellement que ie suis entré ceiourd'huy dans Noyon. La chose est arriuée comme ie vous l'escriuis dernièrement, c'est à dire que Dieu m'a fait la grace d'emporter cette place à la barbe du Due de Mayenne, & à la teste de son armée. Cecy ayant reüssi si heureusement, i'ay résolu, suiuant ce que ie vous ay cy-deuant escrit, d'aller au partir d'icy en Champagne. Je partiray dans trois ou quatre iours pour m'y acheminer. I'iray droit à Donchery; où ie vous prie d'assembler incontinant toute la Noblesse la plus proche de vous. I'ay despesché vn Gentilhomme du costé de la riuere de Seine, par lequel i'ay escrit à tous mes seruiteurs, pour les aduertir de mon acheminement; & les prier de se rendre dans le dernier iour de ce mois, ou incontinant apres, entre Chaalons & Sainte Manchoult. Ie vous adresseray celle que i'ecris pour les Gentilshommes qui sont du costé de Langres, afin de les faire rendre à mesme temps vers sainte Manchoult. A mesure qu'ils arriueront, vous les aduertirez de s'aduancer pour me venir trouuer.


vers Donchery. Car il me semble qu'il est à propos de joindre mon armée d'Estrangers avant que d'aller à Chaalons, afin d'avoir moyen avec toutes mes forces, de faire de plus beaux effets dans toutes les entreprises que nous verrons les plus utiles pour mon service, & pour le bien de mes suiets. Cependant preparez tout ce que vous connoistrez nécessaire pour l'exécution des choses qui seront à entreprendre à mon arrivée. J'espère de vous voir bientôt, & prie Dieu qu'il vous ait, Mon Cousin, en sa sainte & digne garde. Escrit au Camp de Noyon le 19. iour d'Aoust 1591. Signé HENRY. POTTIER.



AUTRE LETTRE DE S. M.

A V M E S M E

MON COVSIN, Ayant entendu que vous estes d'aduis que les Capitaines de Souches, Ferrieres, & Villiers se mettent en garnison dans Dumon & Turny, & estant assuré des bons services qu'ils m'ont rendus cy-deuant, & de ceux qu'ils continuent de me rendre, ie vous ay bien voulu escrire la presente, pour vous prier de pourvoir à leur entretenement, & au payement de leurs compagnées, des deniers ordonnez pour la subsistance des compagnées & des garnisons de Champagne. Ma lettre n'estant à autre effet, ie prie Dieu qu'il vous ait, Mon Cousin, en sa sainte & digne garde. De Noyon le 19. iour d'Aoust 1591. Signé HENRY. POTTIER.



AUTRE LETTRE DE S. M.


A V M E S M E.

MON COVSIN, J'escriis vn mot à mon Cousin le Vicomte de Turenne, pour ne le pas laisser dans l'incertitude où il est de mes nouvelles. Et j'ay estimé que les lettres estant entre vos mains, vous aurez moyen de les luy faire tenir, selon le lieu où vous pourrez sçavoir qu'il se trouuera. C'est ce qui m'oblige à vous les enuoyer, & à vous prier de les luy faire tenir par la plus prompte & la plus seure adresse qu'il se pourra. L'esperance que j'ay de n'estre plus gueres sans vous voir, me gardera de faire la presente plus longue, que pour prier Dieu de vous auoir, Mon Cousin, en sa sainte garde. J'escrit à Noyon le 17. iour d'Aoust 1591. Signé HENRY. Et plus bas, REVOL.



me mandez touchant Casset. Au surplus, ie ne doute pas, Mon Cousin, que l'argent, les hommes, & quelques autres moyens ne vous manquent pour faire d'aussi beaux effets pour le bien & l'aduancement de mes affaires, comme ie sçay que vous en auez la volonté & l'affection. Cette necessité est generale par tout mon Royaume; & plus grande en mes armées qu'en tous les autres lieux, donc ie suis tres-marty. Neantmoins ie veux esperer que par vostre prudence & vostre dextérité, vous ferez de necessité vertu, & effectuez pour mon seruice, plus que vous ne vous promettez. I'ay aduis que ceux qui sont dans Veruins, ont soustenu vn grand assaut; & que mon Cousin le Duc de Longueuille est à cheual avec les troupes de Picardie pour les aller secourir. Il aura le loisir de le faire, les munitions ayant manqué à mes ennemis. Ie vous prie de me donner souuent aduis des occurrences de delà; & sur ce ie prie Dieu qu'il vous ait, Mon Cousin, en sa sainte & digne garde. De Mantes le 4. iour Septembre 1591. Signé HENRY. Et plus bas, POTTIER. Et à costé, Depuis la presente escrete, i'ay eu aduis que le sieur de la Nouë allant pour ioindre mon Cousin le Prince de Dombes, a rencontré partie des troupes du Duc de Mercœur, où commandoit Guebrien, lesquelles il a desfaites. Il est demeuré six cens hommes sur la place. Presentement celuy qui commande dans Chasteau-Gaillard m'a aduerti que la nuit passée, ceux de la garnison de Gournay ayant fait vne entreprise sur ledit chasteau, il en a tué vingt neuf sur la place & fait cinq prisonniers. I'attens d'heure à autre, des nouuelles de Veruins.





AVTRE LETTRE DE S. M. AV MESME.



ON COVSIN, l'ay vn extreme regret de la perte des despêches, dont ce porteur estoit chargé. Elles luy ont esté prises à vne lieuë de cette ville-cy. Cet accident est cause que i'en'ay pû apprendre autres nouuelles de vous, sinon ce que ce porteur m'en a peu dire. Il m'a assuré de la défaite des cinq compagnies de cavallerie, que vous auez chargées. Iugez si i'en suis tres-aile; & si ie le dois estre de l'acheminement de mon armée estrangere, qu'il m'a dit estre fort aduancée. l'ay seiourné deux iours en ce lieu-cy, pour vne occasion que ie vous diray. l'attens ce soir le Baron de Biron, avec les troupes qu'il doit amener de mon armée. Je fais estat de mener avec moy mil bons chevaux, desquels il y en a six à sept cens François, & le reste Reistres, & quatre cens harquebuziers à cheual. S'il se presente quelque occasion de charger l'armée de Mayenne, ou partie d'icelle, i'espère avec mes troupes & avec celles que vous auez auprès de vous, de faire vn bel & grand effet. C'est pourquoy ie vous prie de descourir où est l'armée de mes ennemis, & voir ce qui se pourra faire pour lier la partie. Je seray dans peu de iours avec vous pour l'exécuter. Vous pourrez adresser à la Capelle ceux qui me porteront de vos nouuelles. Sur ce ie prie Dieu qu'il vous ait, Mon Cousin, en sa sainte, & digne garde. Escrit à Chaufny le 12. iour de Septembre 1591. Signé HENRY. Et plus bas, POTTIER.




AVTRE LETTRE DE S. M.
AV MESME.



ON COVSIN, Le Baron de Biron doit arriuer aujourdhuy en ce lieu-cy avec les troupes. Je fais estat de partir demain. I iray par le mesme chemin que ie vous ay dit cy deuant. Je vous en ay voulu aduertir; & par mesme moyen vous enuoier des lettres pour les Gentilshommes mes seruiteurs, qui ne sont pas encore avec vous, afin de les solliciter de s'y rendre promptement, parce que les forces d'Italie estant ointes avec le Duc de Lorraine, comme elles sont, pourront aussi se ioin- dre au Duc de Mayenne & toutes ensemble entrer dans mon Royau- me. I'ay aduis que la resolution du Duc de Parme est d'y entrer le 18. iour de cemois. C'est pourquoy i'ay resolu d'assembler toutes les for- ces que ie pourray, pour aller droit à mes ennemis & les combattre. A cet effet i'ay escrit au Marechal d'Aumont, qu'il s'achemine prom- ptement à sainte Manchoust avec tout ce qu'il pourra assembler. Je vous enuoie le duplicata de la lettre que ie luy ay escrite, pour la luy faire tenir seurement. I'espere de vous voir dans cinq ou six iours. Je vous aduertiray de mon acheminement de iour à autre. Cependant ie vous prie d'aduertir tous mes seruiteurs de se rendre près de vous; & me donner aduis de ce que vous apprendrez des desseins de mes en- nemis. Je vous informeray de tout. Sur ce ie prie Dieu qu'il vous ait, Mon Cousin, en sa sainte & digne garde. escrit à Chaulny le 14. Sep- tembre 1591. Signé HENRY. POTTIER. Et sur le costé, Mon Cousin, ie parts demain matin. I'espere de vous voir dans quatre iours.





AVTRE LETTRE DE S. M.

AV MESME.

MON COVSIN, l'artuay hier au soir en ce lieu dela Capelle, avec ma cornette seulement; parce que i'ay fait prendre à mes troupes le droit chemin, pour aduancer deuers la Champagne. Je me rendray demain à mes troupes, qui seront à deux lieues de Maubert. I'ay esté contraint de demeurer aujourd'huy en ce lieu-cy à cause de la grande journée que ie fis hier. L'on m'a dit que vous avez assiégué vostre chasteau d'Aumont. Si cela est, & que vous ayez besoin de mes forces, ie me rendray à Aumont incontinent. Je vous prie de donner moyen à ce porteur d'aller seurement trouuer Mon Cousin le Vicomte de Turenne. Le sieur Pinart s'estoit hier sauué voulant aller à Veruins; mais Dieu voulut permettre qu'il fust repris dans le bois. Par là il fait connoistre qu'il sent sa conscience chargée, de la faute de laquelle il est accusé. L'esperance que i'ay de vous voir bien-tost, sera cause que ie ne vous seray pas vne plus longue lettre. Je prie Dieu qu'il vous ait, Mon Cousin, en sa sainte garde. Escrit à la Capelle le 17. iour de Septembre 1591. Signé HENRY. POTTIER.



AVTRE LETTRE DE S. M.

AV MESME.

MON COVSIN, Je vous escriis de ma propre main, pour vous faire sçauoir de mes nouuelles. Le sieur de Dampierre que i'ay choisi pour vous les porter, vous en entretiendra fort particulièrement. C'est vne personne que ie considere, & pour sa fidelité, & pour sa suffisance. Je vous prie de le croire comme moy-mesme, & de faire attention sur tout ce qu'il vous dira. Je le suiuray de près, & s'il n'artue quelque grand empeschement, ie seray demain avec vous. C'est pourquoy ie ne vous diray rien dauantage. Je prie Dieu qu'il vous ait en sa garde. De Maubert ce 20. de Septembre 1591. HENRY.




AUTRE LETTRE DE S. M.

AV MESME.



MON COUSIN, le suis encore en cette ville de Maubert, ayant fait vne grande traite depuis la Capelle iusques en ce lieu-cy. Cela est cause que ie seray contraint d'y seiourner demain. Cependant mes troupes ne laisseront pas de s'advancer. Pour moy, ie me rendray apres demain avec elles à deux lieues du chasteau d'Aumont. Je voudrois que ma presence peust halster la prise de ce chasteau. Je suis venu en trois iournées de Chaulny en ce lieu-cy. C'est la plus grande diligence que i'aye peu faire. Vous aurez entendu des nouuelles de mon armée estrangere par Launay. Il m'a apporté vos lettres. Cela sera cause que ie ne vous en diray rien. Je desire infiniment de vous voir, & il me tarde fort que ie ne sois ioint avec mon armée, pour entreprendre ce qui sera le plus à propos pour le bien de mon service. J'espere qu'estant en mon pays de Champagne, ceux de mes seruiteurs qui ont opinion d'estre abandonnez, demeureront contens de moy, & connoistront que ie n'espargne rien; & fais tout ce que ie puis pour les secourir, & contribuer à leur conseruation. Les effets les persuaderont mieux que mes paroles. L'esperance que i'ay de vous voir apres demain, seta cause que ie ne vous feray point de plus longue lettre. Je prie Dieu, Mon Cousin, qu'il vous ait en sa sainte garde. Du Camp de Maubert le Mercredy 28. iour de Septembre 1596. Signé HENRY. Et plus bas, POTTIER.





AVTRE LETTRE DE S. M. A V MESME



ON COVSIN, Je suis arriué en ce lieu de grand prez, au retour de mon voiage. Encore qu'il n'ait pas reüssi comme i'eussebien desiré; il n'a pas esté toutefois du tout inutile; & il n'a pas tenu à la bonne diligence, qu'il ne soit fait quelque chose de mieuz. Car dès lundy en passant prés de ce lieu-cy, & estant aduerti que les troupes du Duc de Lorraine estoient logées aux enuirs de Mont faucon, ie marchay au grand trot, & estant arriué à demi-lieuë prés, sur le commencement de la nuit, i'appris que les Lorrains estoient deslogés sur le midy, & que presque toute l'armée des Ducs s'estoit resserée d'effroy dans Verdun; & que ce qui n'auoit peu loger dans la ville & dans les faubourgs, s'estoit campé le long de la contrescarpe. Aussi ne voulant point harasser mes troupes dauantage, apres auoir fait douze ou quatorze lieuës, ie me logeay à la Lenouille prés ledit Mont-faucon, en deliberation de voir le landemain les ennemis, & charger l'infanterie ou la caualerie; en vn mot, tout ce que ie trouuerois deuant moy. Pour cet effect, ie montay à cheual sur les six heures du matin, & ie marchay avec mon armée, iusques à vne lieuë & demie de Verdun. Là nous descouurismes cent cinquante cheuaux de ceux de Vitry, & d'autres qui estoient dans Mont-faucon; & qui en sortoient à la fourdine, sitost qu'ils eurent apperceu mes premieres troupes. Le sieur de Giury enuoia le Capitaine Fournier deuant avec vingt cheuaux, & le soustint avec trente, les suiuant au galop vne demi-lieuë. Mais voiant que l'allarme estoit en leur camp, il fut aduisé qu'il estoit à propos d'aller vers Mouzon, où l'on me dit que Amblyze estoit avec huit cens cheuaux de ceux des Ducs de Lorraine & de Mayenne pour entreprendre quelque chose sur le logis du chefne. Ie marchay en resolution de les combattre, si nous les trouuions, ou pour le moins d'enleuer ledit logis. Par les chemins nous trouuâmes quatorze ou quinze Albanois qui conduisoient des charrettes de Viuandiers chargées de viures. Nous les prîmes avec trois prisonniers d'entre les Albanois, & sceusmes d'eux, que ledit Amblyze ayant appris nostre venuë par des vedettes qu'il auoit mises sur des collines, n'auoit pas plustost veu nos premieres troupes, qu'il s'estoit retiré par dedans les bois. On me dit en mesme temps, que si ie leur voulois couper chemin vers Damuilliers, ie les pourrois trouuer. Cet

aduis me fit aduancer avec quatre cens cheuaux , & passer vn grand bois fort fâcheux, faisant suivre le reste de l'armée, & fus iusques à la portée du canon de Damuilliers sans faire aucune rencontre : de sorte qu'en quatre heures ie me trouuay hors de mon Royaume, & en diuers Estats. Vne fois en Lorraine, & l'autre en Luxembourg. Il n'y auoit pas faute de viures ni de butin en l'un & en l'autre, si i'eusse voulu rompre pour si peu de chose. Mais voyant qu'il estoit desia tard, & que mes troupes estoient fort lassées de deux grandes iournées, ie me resolus de loger à Cheury sur Meuze. Or pour ne m'en retourner pas sans voir les ennemis de plus près, hier dès l'aube du iour ie montay à cheual, & me rendis avec tout ce que i'auois amené quand & moy, à vne bonne lieuë de Verdun, en esperance d'y presenter la bataille. Mais comme la proposition est aux hommes, & la disposition en la main de Dieu, la pluie fut si grande, & trouuilla tellement par l'espace de trois grandes heures, mon armée desia harassée d'autres pluies, & de deux grandes iournées passées avec beaucoup d'incommoditez, & d'ailleurs ne voyant point d'apparence que le mauuais temps se deust moderer de toute la iournée, que ie fus contraint d'enuoier loger toutes mes troupes en leurs quartiers; & avec deux cens cheuaux, entre lesquels mes Cousins le Duc de Montpensier & le Prince d'Enhalt estoient avec vingt ou vingt-cinq Allemans, i'allay à demie-lieuë de Verdun reconnoistre la contenance de mes ennemis. A mon arriuée sur le haut d'une colline, ie vis d'assez loin enuiron soixante lances de celles du Duc de Monte Martiano, sortir, comme ie croy, pour venir prendre langue & voir mon armée. Je fis ce que ie peus pour les asseurer, & pour les faire approcher dauantage. Je leur laissay faire la decouuerte de trois hameaux separez, qui estoient en la vallée d'entre eux & moy; & pour les y attirer & les engager au combat, i'enuoiaiy les sieurs de Ptallin, de la Curée & Largerie avec vingt cheuaux, entre lesquels se trouua le sieur de Vaubecourt, vn des siens, & vn de ceux du sieur Comte de Brienne; avec commandement au sieur Baron de Biron de les soustenir à la main droite avec trente cheuaux, s'il en estoit besoin; & au sieur de la Chappelle aux Vrfins, de faire le semblable à la main gauche avec pareil nombre de trente cheuaux. Cependant ie m'aduançay sur vne petite colline, pour tenir ferme plus près d'eux avec enuiron soixante cheuaux de ma cornette & de mon Cousin le Prince d'Enhalt. Sitost que les vingt premiers commencerent à aller à la charge, les ennemis l'entrerent en leur possession de se retirer; & partirent de si bonne heute, qu'encore qu'ils n'allassent qu'au grand trot, les nostres ne les peurent ioindre au gallop, & quasi à toute bride. Toutefois se voyant soustenus de trois gros de caualerie des leuts, qui parurent sur le haut de la montagne iognant la ville de Verdun; ils reuindrent à la charge; tuerent d'assez loin d'un coup d'escopette, le cheual du sieur de la Curée, & d'un autre ils percerent la cuirasse du sieur

de Prallin sans l'offenser, Dieu mercy, & luy donnerent trois coups de lance dans son manteau, qu'il portoit tant à cause de la pluie, que pour ce qu'il n'auoit point de braslarts. Ce petit nombre de vingt s'y porta si vertueusement & si vaillamment, qu'il fut tué six des ennemis sur la place, & huit cheuaux. Ils amenerent deux prisonniers, en blessèrent dix ou douze, chasserent les autres fuians iusques à leur gros, & reuindrent où s'estoit faite la charge. Vn d'entre eux changea la selle de son cheual à vne meilleure. D'autres prirent les casques de quelques vns des tuez, & furent longtemps à faire leuer vn fort beau cheual qui estoit par terre & qu'ils neuoient point blessé, pour le bailler audit sieur de la Curée. Mais estant debout ils le trouuerent blessé; sans que durant tout ce temps-là ledit gros, ni autre, fit semblant de les enfoncer, ni de les suiure. Entre les morts s'est trouué le Lieurenant du sieur Octauio de Chessi, & le Capitaine de la garde du Duc Montemartiano; & entre les prisonniers vn de ses Gardes, & vn caualier qui offre mille escus de rançon, & que le sieur Marquis de Pisany dit auoir veu à Rome en estime de bon Capitaine, & auoir esté entretenu Maistre de camp par le feu Pape Sixte. Il a le cœur François. Mais ayant esté banni pour estre connu tel, le ban luy a esté remis, comme à beaucoup d'autres, à la charge de me venir faire la guerre. Il confesse que leur caualerie est bien armée, & tres bien montée; mais qu'elle n'est point semblable à la mienne. Car à dire la verité, il ne se peut faire mieux qu'elle a fait; & l'on ne trouua entre les morts & les blesez, ni homme ni cheual qui n'eust vn coup de pistoller, & deux ou trois grands coups d'espée au dessus des armes & au visage. Ce prisonnier assure, que la leuée de la caualerie du Pape a esté de mille cheuaux, & que maintenant elle est reduire, par mort ou par maladie, à huit cens pour le plus. L'infanterie Italienne qui estoit de deux mille, est reduitte à douze ou treize cens hommes; & les Suisses payez pour quatre mille, reduits à trois. Que la maladie est encore fort grande parmi toutes leurs troupes. Pour les Neapolitains que l'on disoit estre passez en grand nombre, ce sont dix-huit cens Espagnols, & non plus du Terse de Naples; & la meilleure caualerie qui soit en leur armée, est celle qui est venue à ce combat. C'est pourquoy les nostres y ont acquis beaucoup plus d'honneur, & donné à nos estrangers qui l'ont veüe, plus d'enuie de bien faire. Je fais garder des casques de ces gens-là pour vous les monstrier. Ce qui me confirme encore plus en l'opinion que i'ay que nous les battons, c'est qu'en tant de logis que mes troupes ont eus fort escartez trois iours durant, & assez près d'eux, ils n'ont iamais eu la hardiesse de nous donner vne seule alarme. Il est vray que cette nuit passée il est venu trois cens cheuaux reconnoistre le logis du sieur de Giury, & mes cheuaux legers; mais ils n'ont iamais eu le courage d'entreprendre autre chose, que de repousser deux sentinelles iusques à vn corps de garde de trente cheuaux, sans les oser enfoncer, & se sont contentez de faire vn autre


corps de garde auprès d'eux. Ce matin environ deux heures deuant jour, vne de leurs sentinelles lassée de ce que l'on ne la venoit point releuer, est partie pour s'en aller plaindre, & en faire renuoyer vne autre. Mais de fortune en pensant retourner aux siens, elle s'est adressée à vn de mes cheuaux legers, & demandant l'vn à l'autre qui viue, mon cheual leger, à reconnea à la lune vne lance & des croix de Lorraine; & portant le pistolet à la teste de la sentinelle, l'a fait rendre. Il se trouue que c'est celuy-là mesme, qui eut vn des miens prisonnier à Han, & auquel il fit payer trois cens escus. L'espere qu'il les rendra & qu'ils reuiendront à la troupe. Pour finir ma lettre, ie vous dirai qu'encores que la playe nous ait fait beaucoup de mal, & ait empesché vn beau dessein, ie voudrois que celle qui est tombée dans le chasteau d'Aumont, fust encore tombée sur nous; & qu'il n'y en eust eu point là du tout. Je vous prie me mander demain à Attigny à quoy vous en estes, & si vous auez quelques nouuelles du Prince de Parme. Cependant ie prie Dieu qu'il vous ait, Mon Cousin, en sa sainte & digne garde. Escrit au camp de Grand-pré le 3. iour d'Octobre 1591. Et plus bas, Mon Cousin, ie ne veux oublier à vous dire que le Capitaine Bartaille, qui estoit dans le fort de Mont-faucon, & qui tira fort sur nous quand nous passâmes auprès, est party ce matin d'escroy, & a quitté la place sitost qu'il a secu mon retour. I'y ay mis le Capitaine Flament avec trente cheuaux, en attendant que i'aye aduisé avec vous, ce qui s'en deura faire. Signé HENRY. Et plus bas, RVZE'.

AUTRE LETTRE DE S. M.

AV MESME.

MON COVSIN, En vous donnant aduis de ce qui s'est passé en mon voyage, ie m'estois oublié de vous prier que vous fîtes conduire mes mulets qui sont chez vous, iusques à Attigny. Je vous prie donc leur faire donner escorte de cinquante cheuaux, afin qu'ils y soient demain lors que i'y arriueray. Ce mot n'estant à autre fin, ie prie Dieu, Mon Cousin, qu'il vous ait en sa sainte & digne garde. Escrit à Grand-pré le 3. iour d'Octobre 1591. Signé HENRY. Je vous prie aussi de m'enuoyer mes deux hostes, Reuol & Gesures.





AVTRE LETTRE DE S. M.

A V M E S M E.



MON COVSIN, le vous enuoye des lettres qui estoient pour vous en mon paquet. l'en ay ouuert vne, pource que l'on me mande que i'y trouuerois des nouuelles de la deffaite du Duc de Sauoye. le vous prie de ne le point trouuer mauuais, & s'il y a au chiffre, quelque chose digne de me le faire sçauoir, de m'en vouloir donner aduis. Mandez-moy aussi où vous estes de l'entreprise du chasteau de Chaumont. En l'attendant, ie prie Dieu qu'il vous ait, Mon Cousin, en sa sainte & digne garde. Escrit à Attigny le 6. iour d'Octobre 1591. Signé HENRY. Et plus bas, RVZE. Et encore i'espere vous aller demain voir en vostre chasteau d'Aumont.



AVTRE LETTRE DE S. M.

A V M E S M E.

MON COVSIN, Puisque l'embarassement est si grand que vous me le mandez, ie me suis resolu de ne faire point partir demain mon armée; mais d'aller avec peu de caualerie, desieuer avec-vous, pour refoudre ce que nous auons à faire. le suis neantmoins d'aduis, & vous prie de faire aduancer l'artillerie au quartier que le sieur Baron de Biron vous enuoir par escrit. L'esperance que i'ay de vous voir demain au matin m'empeche de vous escrire dauantage. le prie Dieu qu'il vous ait, Mon Cousin, en sa sainte & digne garde. A Boiculle le 9. iour d'Octobre 1591. Signé HENRY. RVZE.



AVTRE LETTRE DE S. M.
AV MESME.



MON COVSIN, Pource que mon Cousin le Duc de Luxembourg fait quelque difficulté de faire fournir l'argent que j'auois ordonné pour le voyage du sieur Marquis de Pisany ; ie vous prie , suiuant la lettre que ie luy en ecris , de faire qu'il se trouue demain au rendez-vous que j'ay ordonné , pour aller à la guerre avec vous. Lors que j'auray parlé à luy , j'espere qu'il s'en ira content. Je luy diray tout ce que ie desire de luy & tout ce qu'il doit attendre de moy. Cetre-cy n'estant à autre fin , ie priay Dieu qu'il vous ait , Mon Cousin , en sa garde. Le 23. iour d'Octobre , à S. Denis. Signé HENRY.

AVTRE LETTRE DE S. M.
AV MESME.

MON COVSIN, Il me vient d'arriuer vn laquais de Noyon qui m'a apporté vne lettre du Gouverneur , par laquelle il me mande que le Duc de Mayenne est à Laon. Que son armée est encore à Montcornet en Thirache. Qu'il fait estat d'attaquer Veruins en passant. Il me mande aussi que le Prince de Parme doit sans doute , entrer bientost en mon Royaume ; mais il ne me specifie point le temps. Cest tout ce dequoy ie puis pour cete heure , vous aduertir. Bon soir, Mon Cousin, ie prie Dieu qu'il vous ait en sa sainte garde. Escript à Neufchastel le 21. de Nouembre à dix heures du soir. Signé HENRY.

82
8282
828282
82828282
828282
8282
82

AVTRE LETTRE DE S. M. A V MESME



MON COVSIN, La reduction de S. Vallery sous mon obeissance, me semble si vtile à mes affaires, mesme pour la commodité & la seureté de ce siege, que ie ne scaurois profiter dauantage du seiour que vous estes contraint de faire en ce quartier-là, que de vous porter à vne si importante entteprise. l'ay esté aussi bien-aise d'entendre par vos lettres, & par ce que le sieur de Monthelon m'a dit de vostre part, la resolution que vous auez prise de l'entreprendre au plustost, suiuant ce que ie vous en auois escrit. Pour vous donner meilleur moien de l'exccuter avec succez, ie vous diray que n'ayant point de canons François à Dieppe, ni en autres lieux que ie vous puisse enuoier assez tost, i'ay aduisé de me seruir de quatre pieces de celles que les Estats des pays bas m'ont prestées pour le siege de Rouën. Elles sont encore à Dieppe; & i'ay donné l'ordre que i'ay pensé estre necessaire, pour vous les faire incontinant enuoier avec des poudres & des boulers pour trois cens coups. l'estime que cel suffira, avec ce que vous auez, pour venir à bout de vostre entrepnse. l'espere que ce sera vn ouurage des si peu de durée, que ie pourray auoir icy les quatre pieces que ie vous fais mener, assez tost pour le tempsou i'auray besoin de m'en seruir. Monthelon vous pourra dire les particularitez des bonnes nouuelles qui me sont venues de Prouence. Elles portent la reduction de quatre ou cinq places sous mon obeissance; le siege leué par le Duc de Sauoie, de deuant vn lieu appellé le Puëh, proche d'Aix, apres cinq assauts soustenus avec perte de plus de douze cens hommes des siens, mesme des chefs. Ceux de Marseille luy ont desarmé trois galeres; vne qui est à luy & deux d'Espagne, & chassé ces partisans de leur ville. La Comtesse de Saux qu'il auoit fait arrester à Aix, en est eschappée & s'est tournée contre luy. Presque tout le monde fait le semblable, de sorte qu'on le croit party du pays, pour n'y plus retourner & pour n'y auoir dorelnauant guerres de part. Le mesme porteur de ces nouuelles assure, que le siege que les ennemis tenoient deuant la ville de Carcassonne, est leué. Le sieur du Plessis sera icy dans deux iours, mais non pas si bien garny que nous ne nous trouuions courts de quelque partie de la somme qui nous est necessaire, donc ie ne suis pas peu en peine. Mon Cousin le Cardinal de Bourbon, & ceux de mon conseil setont demain à Louuiers. Je les pour-

ray faire approcher pour aduifer aux remedes. Il est fort quelques soldats de Rouën qui disent, qu'il y a grande dissension entre les habitans & les gens de guerre. Car plusieurs d'entre eux sont en volonré d'abandonner la ville, & qu'il y en a desia plusieurs des plus braues, tuez, ou blessés. Ils disent aussi que le bruit court dans la ville qu'ils ne pensent pas pouuoir tenir, si le fort est pris. I'espere que nous en aurons la raison dans peu de iours. Mais le Villars pour les assurer, leur dir que le Due de Mayenne est desia à Beauuais avec cinquante mille hommes, pour me faire leuer le siege, leur promettant que cela sera dans quatre ou cinq iours. I'estime qu'il leur en fera mauuais garend, s'il plaist à Dieu, lequel ie prie pour fin de la presente, Mon Cousin, vous auoir en sa sainte garde. Escrit au Camp de deuant Rouën le 3. iour de Decembre 1591. Signé HENRY. Et plus bas, REVOL. Mon Cousin, i'enuoye le Commandeur de Chartre à Dieppe, pour d'autant plus acceelerer les affaires & pouruoir aux difficultés, s'il en suruient.



AVTRE LETTRE DE S. M.

A V M E S M E

MON COVSIN, Ce porteur qui est l'un de mes vallets de chambre, & qui commande pour mon seruice, dans le chasteau de Marais, appartenant au Duc d'Elbeuf, vous fera entendre que pour la conseruation de ce chasteau, il a entrerenu certe année, vingt cuirasses & quinze arquebuziers, & qu'il n'a encoire receu pour tout ce monde-là que la paye d'un mois. C'est pourquoy ie vous prie d'agreer la requeste qu'il vous présentera; & pouruoir au payement de ce qui luy est deu de reste pour l'entretienement de sa garnison, des deniers qui sont destinez pour cela. Vous employerez la dite garnison sur l'estat de l'année prochaine parmi les garnisons de vostre Gouuernement, ainsi qu'il est requis pour le bien de mon seruice. Ie prie Dieu qu'il vous ait, Mon Cousin, en sa sainte & digne garde. Du Camp deuant Rouën le 6. iour de Decembre 1591. Signé HENRY. POTTIER.





AVTRE LETTRE DE S. M.

A V M E S M E .



MON COVSIN, l'ay eu aduis du Commandeur de Chat-
tes, qu'il vous enuoie deux canons & deux coulleurines, &
dequoy tirer cinq cens coups. l'estime qu'ils seront arriuez
prés de vous il y a desia quelques iours, & qu'avec cela vous
pourrez reduire S. Vallery en mon obeissance. Si ce n'est
que le secours qui y est entré vous en empesche. i'ay bien considéré les
forces qui y sont entrées; mais sçachant celles que vous auez, ie croy
que vous continuerez vostre dessein. le desire fort qu'il puisse reüssir,
pour l'importance de la place. l'ay entendu particulierement du sieur
de Thoïs, les difficultez qui se presentent pour les estrangers qui sont
prés de vous. A quoy i'ay pourueu, ayant accordé avec leurs Deputez,
pour le payement de toutes leurs troupes; en sorte qu'ils demeureront
contens. Vous les en pouuez asseurer. le fais trauailler tous les iours
pour m'approcher du fort de sainte Catherine. l'en suis logé fort prés,
& ausstost que les quatre cens premiers Anglois qui sont arriuez du
iour d'hier à Dieppe, seront en mon armée, i'espere aduancer cet
ouurage si promptement, qu'en peu de iours ie seray logé dans les
fossez de ce fort. le vous donneray aduis de iour à autre de ce qui s'y
passera: & sur ce ie prie Dieu, Mon Cousin, de vous auoir en sa sain-
te & digne garde. Du camp deuant Rouën le 10. iour de Decembre
1591. Signé HENRY. Et plus bas, POTTIER.



AVTRE LETTRE DE S. M. A V. MESME.



MON COUSIN, l'ay entendu particulièrement par vôtre Lettre du sixiesme de ce mois, les difficultez qui se presentent & qui vous trauerfent en l'execution de l'entre-prise de S. Vallery. Je me promets neanmoins que vous les surmonterez par vostre prudence & par vostre diligence; & de ma part ie feray tout ce qui despends de moi pour faciliter cette entreprise. Je voy qu'elle est tres-vtile pour le bien de mon seruice. Aussi ie trouue tres-bon que vous preniez sur les villages les plus proches dudit S. Vallery, la somme de cinq cens escus, pour employer aux despences les plus pressées & les plus necessaires. J'en ay fait faire despescher l'ordonnance que ie vous enuoye; & i'escriis aux Thresoriers qui sont à Dieppe, que par le Receueur des tailles, ils fassent fournir à ceux qui auront baillé ces sommes-là, les quittances & descharges qu'il leur faut. Les Commissaires des viures de mon armée mandent à ceux qui sont près de vous, de prendre les munitions qui vous seront necessaires; à rabattre sur la quantité qu'ils doiuent fournir durant le siege. J'ay aussi commandé au sieur de Chartres d'enuoyer quelques vaisseaux pour empescher le secours qui pourroit venir à ceux de S. Vallery. J'ay accordé avec Mon Cousin le Princee d'Enhalt & les Deputez, de leur payement; & les ay contentez non seulement pour ce mois-cy, mais ie leur ay donné assurance dans certain temps, d'un autre mois, en sorte qu'ils sont contans. Vous en pouuez assurer ceux qui sont près de vous. Cette nouuelle leur fera accroistre le courage pour me bien seruir en l'occasion qui se presente. Je vous prie, Mon Cousin, d'y vouloir trauailler, en sorte que S. Vallery soit reduit en mon obeissance. Je ne doute point qu'il ne se presente beaucoup de difficultés. Mais ie m'assure que par vostre soing & par vostre prudence, vous les surmonterez comme ie vous ay dit. Je ne trouuerois aucunement bon de traiter avec ceux qui sont dans S. Vallery pour les laisser en neutralité. Cette ville est d'autre consequence que celle d'Eu, à cause de l'emboucheure de la riuiere, car en la fortifiant, ie puis entierement incommoder les villes qui sont sur la riuiere, & permettant le passage des Marchandises, en tirer tel impost que j'en receuray beaucoup de commodité en mes affaires. Mais si elle demeueroit neutre, elle me seroit inutile; & seruiroit dauantage à mes ennemis qu'à moy. Mon Cousin, vous voyez bien que cette ville m'est de telle im-

portance, que si par malheur vous faillez vostre entreprise, ie vous respond que ce sera la premiere place que j'iray attaquer apres ce siege. Je vous prie donc de ne traiter aucunement avec eux, pour la neutralité; & m'asseurant que vous suiurez en cela mon intention; ie finiray la presente, priant Dieu, Mon Cousin, qu'il vous ait en sa sainte & digne garde. Du Camp deuant Roüen, le 10. iour de Decembre 1591. Signé HENRY. POTTIER. Et à costé, Mon Cousin, i'ay commandé au sieur de Chattes de vous enuoyer promptement vn Canon & quelque petit vaisseau. Je desire infiniment la reduction de S. Valle-ry pour l'importance de la place.



AVTRE LETTRE DE S. M.

AV MESME.

MON COVSIN, ayant deliberé de mettre vne bonne garnison dans S. Vallery, si vous le remettés sous mon obeissance, comme ie l'espere, i'ay aduisé d'y faire entrer le sieur de Vinsues avec sa Compagnie, pour l'affection qu'il a à mon seruice; & pour l'assurance que i'ay qu'il fera à bon escient la guerre à mes Ennemis. Ioint qu'estant près d'Escoffe, il aura plus de moien de tenir sa Compagnie bien forte & bien complete. C'est pourquoy ie vous prie aussi tost que vous aurez pris ladite ville, d'y faire entrer ledit sieur de Vinsues avec sa Compagnie, à l'entretenement de laquelle ie pouruoiray. Et n'estant celle-ci pour autre subiet, ie prie Dieu qu'il vous ait, Mon Cousin, en sa sainte & digne garde. Du Camp deuant Roüen le 10. iour de Decembre 1591. Signé HENRY, & plus bas, POTTIER.



AVTRE LETTRE DE S. M.

AV MESME.

MON COVSIN, Je vous enuoye le sieur de Reaux bien instruit de ce que ie lui ay commandé. Je vous prie de vous re- foudre à ce qu'il vous dira, d'autant que cela importe infiniment au bien de mon seruice. Il vous apprendra de mes nouuelles & ce que ie lui ay commandé. Ce mot n'estant à autre fin, ie priay Dieu qu'il vous ait, Mon Cousin, en sa garde. Deuant Roüen ce 13. de Decembre 1591. Signé HENRY.

AVTRE

AVTRE LETTRE DE S. M.
AV MESME.



ON COUSIN, l'ay sceu par le sieur de Clebecq, la reduction de S. Vallery, & les particularitez de la capitulation que vous avez accordée aux gens de guerre qui estoient dedans. Cela m'a esté fort agreable pour la consequence de la place; pour les munitions que vous avez epargnées, & pour le temps que vous avez gagné. l'ay veu par vostre Lettre que les sieurs de Clebecq & de Clefry desireroient commander en cette place; mais en mesme temps vous me faites voir les necessitez qui y sont. C'est à quoy il est besoin de pourvoir avant que ie donne cette place. là, ni à l'un ni à l'autre. Car ie suis certain que s'ils ont la suffisance pour s'acquitter bien de cet employ, ils n'ont pas le pouvoir de subuenir aux urgentes necessitez que vous me marquez, ni de mettre dans S. Vallery les munitions qui y manquent. C'est pourquoy i'estime, Mon Cousin, qu'il sera à propos, si vous le trouuez bon, d'en donner le gouvernement au sieur d'Ouymes, comme ie vous en ay cy-deuant escrit. Il peut faire vne bonne compagnie, des gens de pied & des harquebusiers qu'il a presentement en sa compagnie. Vous y pourrez laisser vne autre compagnie telle que vous aduiserez, outre celle du sieur de Chantrene, auquel i'ay accordé commission pour cet effet, suiuant ce que vous m'en avez escrit. Je ne doute point que le sieur d'Ouymes ne puisse garder cette place. là avec ses trois compagnées de gens de pied, & sa compagnie de chevaux legers, en laquelle il y a plus de quarante Maistres, & qu'il ne m'en rende aussi bon compte qu'aucun autre qui en puisse auoir le commandement. Dauantage il vous seruira avec toute l'affection & toute la fidelité que vous en pouuez desirer, en ce que vous luy commanderez pour vostre particulier, & suiura l'ordre & l'establissement que vous aurez mis dans S. Valery. Vous iugerez donc ce qui est le plus à propos maintenant pour la conseruation de cette ville. là, & l'ordre qui doit y estre estably. C'est à quoy ie vous prie de pourvoir au plustost, afin que vous rebroussiez chemin, suiuant ce que ie vous ay escrit par le sieur de Reaux. l'attens son retour avec impatience, & par luy, vostre aduis sur ce qu'il vous a proposé de ma part. Je n'ay rien appris depuis qu'il est party de la frontiere de Picardie qui merite

de vous estre escrit. Au reste, Mon Cousin, lors que j'ay fait le payement de mes estrangers, ie me suis trouué court de l'argent, que ie pensois auoir comptant, pour payer les regimens qui sont près de vous aussi bien que les autres. Les deniers qui y estoient destinez, n'estant pas encore prests, ceux de mon conseil trauaillent fort pour les assembler. l'espere, Dieu aidant, qu'ils le feront bientost, & mesme la partie de six mille escus prouenant de l'office de Premier President des Aides, lequel j'ay accordé au sieur Chandon. Si les Colonels de ces regimens la m'enuoyent leurs Deputez, comme on m'en donne aduis, assurez les que ceux de mon conseil mettront peine de les contenter. Ie vous prie, Mon Cousin, de les en assurer comme d'une chose infailible. Enuoyez-moy promptement le sieur de Reaux avec vostre aduis & vostre resolution sur ce que ie vous ay mandé. Le siege s'aduance fort. Nous serons demain logez sur la contrescarpe des fossés du fort sainte Catherine; & presque en mesme temps aux mains avec les ennemis. Il m'est arriué quantité de pionniers d'Angleterre, qui me serviront bien en cette occasion-cy. Le Duc de Mayenne est retourné vers Laon. On ne manquera pas de me donner aduis de ce qu'il fera; & ie vous en feray part aussitost. Cependant ie prie Dieu, Mon Cousin, qu'il vous ait en sainte & digne garde. Du camp deuant Rouën le 17. iour de Decembre 1591. Signé HENRY. Et à costé, Mon Cousin, depuis ma lettre écrite, j'ay reçu des lettres de Mallicy du 8. de ce mois, par lesquelles il me mande que le Duc de Parme doit entrer le dixiesme avec intention de me venir combattre. Cette nouuelle me fait vous prier de me renuoyer incontinant de Reaux avec vostre resolution. Signé HENRY.



AVTRE LETTRE DE S. M.
A V MESME.



MON COVSIN, j'ay receu vostre Lettre du 13. iour de ce mois. J'ay esté bien aise d'apprendre particulièrement l'estat de la place de S. Vallery, & vostre aduis sur ce qui se doit faire pour la pouuoir deffendre contre nos ennemis. Je ne doute point qu'il n'y faille tous les gens de guerre que vous iugez necessaires pour la conseruation, & voy fort bien aussi l'auantage, qu'en la conseruant i'en tireray pour le bien de nos affaires. Je louë beaucoup & ay fort agreable le iugement que vous en auez fait, & l'aduis que vous m'en auez donné. Vous auez veu par la derniere que ie vous ay écrite, que pour ce qui est du nombre de gens de guerre, nos aduis sont conformes, & parce qu'il est besoin d'establir promptement l'ordre que vous iugez estre necessaire pour la fortification & la conseruation de cettere ville; ie vous prie incontinant que vous aurez receu la presence, d'y faire trauailler, & d'ordonner tout ce qui est à faire, tant pour l'establissement du Gouverneur, & pour l'entrée des forces qui doiuent estre mises en garnison, que pour faire incessamment les fortifications & les reparations les plus pressantes. Vous en donnerez vn ordre particulier au sieur d'Ouchines, & aux autres que vous laisserez pour commander dans la place, conformément aux moyens que vous m'auiez proposez par vostre Lettre. Je presse cette affaire, & vous en sollicite, Mon Cousin, pour deux raisons, la premiere est à cause de l'importance du dessein, pour l'execution duquel ie vous ay enuoyé le sieur de Reaux, l'autre est le nouuel aduis que j'ay eu de l'entrée du Duc de Parme en mon Royaume. Je vous coniure donc de me renuoyer le sieur de Reaux avec vostre resolution. Je l'attens de iour en iour, & vous prie de ne perdre point de temps en cette occasion. Je suis assuré que vous le ferez, & que vous ferez attention sur le merite de la chose, que ie vous ay voulu faire entendre par de Reaux. J'ay veu par vostre derniere Lettre l'aduis que vous me donnez sur ce qui est necessaire pour la garnison de S. Vallery, & les moyens dont ie me dois seruir pour l'entretenir comme il faut. Je trouue bon qu'on se serue pour cela des deniers du grenier à Sel, & que conformément à ce que vous me proposez, i'y établisse le bureau de la recepte des tailles, & face faire aussi vn impost sur toutes les Marchandises qui entrent par la riuere. Surquoi j'ay commandé à Parent d'y enuoyer vn Commis pour le fait du Sel & pour le regard de la recepte, ie vous prie,

Mon Cousin, d'y commettre tel homme que vous iugerez capable pour faire ladite charge, attendu que les Thresoriers de France & de la generalité de Picardie sont trop elloignez pour y pourvoir. Quant à l'impôt, ie trouue bon qu'il soit leue sur le vin, à raiton de trois escus pour tonneau, & plus s'il se peut. Vous aduiserez aussi à ce qui se peut leuer sur les autres Marchandises qui entreront par ladite riuere, & m'aduettissant de l'ordre que vous y aurez establi, ie feray expedier toutes les despêches necessaires. Touchant les arerages qui vous sont deubs de la rente que vous auez sur ma recepte generale de Normandie, ie trouue bon que vous preniez moitié des deux deniers qui prouiendront dudit impôt, iusques à ce que vous soyez entierement payé d'iceux. Le reste des deniers dudit impôt seruira pour entretenir la garnison, qui sera le moien de continuer la leuée d'icelui, & de conseruer ladite place. Pour le regard des munitions & autres choses qui sont necessaires pour ladite ville, ie vous prie d'y pourvoir du mieux que vous pourrez, soit des premiers deniers qui prouiendront du passé port que ie vous enuoye, ou par le moien du Commandeur de Chartre, qui a interest à la conseruation de ladite place, auquel i'en écris. Et sur ce, ie prie Dieu qu'il vous ait, Mon Cousin, en sa sainte & digne garde. Du Camp deuant Roüen, le 17. iour de Decembre 1591. Signé HENRY. Et plus bas, POTTIER.

AVTRE LETTRE DE S. M.

AV MESME.

MON COVSIN, Vn de mes seruiteurs qui est dans Roüen, & qui est dans la confidence du Gouverneur, m'a fait sçauoir que ce bon garçon. la n'est pas si fort mon ennemy qu'il parroist, & que l'assurance que le Duc de Parme luy a donnée d'estre bien-tost à luy, n'est pas la plus grande ioye qu'il ait iamais receuë. Les Demeiselles qui font vne partie de son Conseil ont les mesmes sentimens, & aimeroient bien autant auoir à traiter avec moy qu'avec les Espagnols. Si le Duc de Parme eust tardé encore quelque temps à entrer dans mon Roiaume, ie ne doute point qu'il ne se fust fait vn grand changement dans cette Prouince-cy. Mais si ie bats mes ennemis tout est à tout, & Villars deschirera de bon cœur l'escharpe de la Ligue. Bon soir, Mon Cousin. A vnze heures du soir à Dernel, ce 18. Decembre 1591. HENRY.

AVTRE LETTRE DE S. M.
AV MESME.



MON COVSIN, l'ay receu presentement des Lettres du sieur de Manican, qui commande en ma ville de Noyon, par lesquelles il me donne aduis que l'armée du Prince de Parme est logée aux environs de Han, & qu'elle s'aduançe de deça. Ledit sieur de Manican m'a enuoyé par le mesme courrier plusieurs Lettres interceptées, & entre autres vne du Due de Mayenne adressée au Due de Parme, par laquelle il le prie de faire aduançer ses forces le plus qu'il pourra deuers Roüen, pour secourir les assiegez. Cela fait connoistre que leur intention n'est pas de s'arrester à vn siege, mais de desgager ceux qui sont dedans Roüen, s'il leur est possible. C'est pourquoy, Mon Cousin, j'ay mandé tous mes seruiteurs pour se rendre incontinent à mon armée. L'espere qu'elle sera tres-belle, avec l'aide de Dieu, auant que celle de mes ennemis soit près de moy. Il me semble que de vostre part, vous deuez venir au plustost vous loger entre Neuf-chastel & Gournay, tirant vers Grand-Villier & Formeri, pour manger le pain de mes ennemis. Lors qu'ils s'approcheront de vous, vous pourrez vous retirer à la faueur de l'une desdites villes; & i'iray à vous avec toute ma Caualerie Françoisë. Si mes ennemis ne s'aduancent pas, vous pourrez venir vers Gisors, suivant ce que ie vous ay escript ci-deuant. Je vous prie, Mon Cousin, de suiure ce dessein & ne perdre vne seule iournée. Je vous feray part de iour à autre de mes nouuelles; & de ce que j'apprendray de mes ennemis. Cependant ie priay Dieu, Mon Cousin, qu'il vous ait en sainte & digne garde. De Trepigny ce 19. iour de Decembre 1591. Signé HENRY. Et plus bas, POTTIER.

AVTRE LETTRE DE S. M.
AV MESME.

MON COVSIN, Depuis le partement du sieur de Reaux, les nouuelles de l'entrée du Due de Parme en mon Royaume me font tellement confirmées, que ie n'en doute plus; & pour cette occasiõ ie vous prie de prendre le chemin de Gisors, & vous hastier le plus que vous pourrez, car le plütoست sera désormais le meilleur pour mon seruice. J'ay donné ordre pour le paiement des Collonels Frents, Teltin, Rebours, & Tempel, comme ie l'escriis aux sieurs de Sancy & des Rozieres, assez marri que ie n'en puis faire dauantage. Mais j'espere que mon entreprise, à laquelle j'attends de la main de Dieu vne heureuse issue, apportera quelque remede pour sortir de nos maux, & ne tomber plus dans les necessitez qui ont trauerse mes affaires iusqu'à cette heure. En cette confiance, ie pri-Dieu qu'il vous ait, Mon Cousin, en sa sainte & digne garde. Eserit au Camp de Darnetal deuant Roüen, le 19. iour de Decembre 1591. Signé HENRY. Et plus bas, RVZE.



LETTRES DE S. M. AV MESME.

Pendant l'Année M. D. XCII.



ON COVSIN, Mon Cousin le Duc de Longueuille m'a écrit du vingt neufiesme du passé, que l'armée de mes ennemis est deslogée des enuiron de la Fere, & s'est aduancée deuers Ham; estant toute au deça de la riuere d'Oise. Il ne faut plus craindre le siege de Compiègne, ny douter qu'ils ne viennent à nous, prenant leur chemin par la Sen- terre, pour venir à Amiens. Je vous ay voulu aduertir de leur marche, & en mesme temps vous prier d'auoir l'œil sur mon armée, & d'enuoier souuent à la guerre, pour prendre langue d'eux, & empêcher qu'ils n'entreprennent sur mon armée. Mon Cousin le Duc de Monpensier est arrivé avec cinq cens chevaux. Les troupes de Beausse & du Maine sont fort aduancées pour me venir trouver. A mesure qu'elles passeront la riuere, ie les enuoiray au corps de mon armée, comme ie feray aussi celles que mon Cousin le Duc de Longueuille doit amener. Il m'assure qu'il partira quatre iours apres celuy qu'il m'a enuoyé. Je vous prie de faire viure l'armée sur le pays, où mes ennemis doiuent passer pour d'autant plus les incommoder; & me donner aduis, tant de ce que vous apprendrez d'eux, que de ce que vous iugerez estre à faire pour mon seruice. Quant à ce siege, ie vous aduise que nous sommes logez sur le bord du fossé; & que j'espere avec l'aide de Dieu, dans sept ou huit iours d'auoir bonne part dans le fort. Sur ce ie prie Dieu qu'il vous ait, Mon Cousin, en sa sainte garde. Écrit au camp de Dernelal, le premier iour de Ianuier 1592. Signé HENRY. Et plus bas, POTTIER. Et en marge. Mon aduis est, que les ennemis prennent le chemin d'Amiens, d'Abbeuille, & du Crotoy. Deux iours nous en feront sages. Je viens de recevoir des nouuelles du Marechal d'Aumont, qui sera à Gien le sixiesme de ce mois, & huit iours apres à nous, avec de belles troupes.



AVTRE LETTRE DE S. M. A V MESME.



ON COVSIN, Tout les aduis que l'ay receus de l'armée du Duc de Parme, portent que le premier iour de ce mois, elle estoit encore aux environs de la Fere, & de Chaulny, & qu'elle marche droit à Amiens, pour me venir donner la bataille. Ces aduis me font confirmer de tant d'endroits, outre l'apparence qui y est tres-grande, que ie n'en doute plus; & en cette consideration, ie vous prie de ne vous point esloigner de moy, de vous tenir tout prest pour me venir trouver au premier aduis que ie vous donneray, qui sera, comme ie croy, bien-tost. Car la premiere lettre que ie vous escriray, sera pour ce luit, & ie croy qu'elle suiura celle-cy de bien près. Cependant ie fais ce que ie puis pour aduancer l'affaire du fort S. Catherine, & en espere vne bonne issue. Je prie sur ce Nostre Seigneur vous auoir, Mon Cousin, en sa sainte & digne garde. Escrit au camp de Darnetal deuant Rouën le 6. iour de Ianuier 1592. Signé HENRY. RVZE'.





AVTRE LETTRE DE S. M.

A V M E S M E.



MON COVSIN, le vous enuoie la copie de deux lettres que le sieur de Guiry m'a escrites ; par lesquelles vous verrez que mes ennemis sont aupres de Beauuais. A cette occasion ie suis resolu d'aller demain à Gisors pour y assembler mes forces, & y dresser la teste de mon armée, avec laquelle i'espere à l'aide de Dieu, m'opposer à leurs desseins, le desirerois infiniment que vostre santé vous peust permettre de venir à Gisors pour estre assis de vous ; & auoir vostre aduis aux occasions qui se presenteront iournellement. Toutefois si vostre indisposition vous en empesche, ie vous prie d'enuoier à Gisors, les compagnées de caualerie & les gens de pied qui sont aupres de vous. Je vous les enuoieray pour vous faire escorte, quand vous viendrez pour estre à la bataille. Le sieur de Fleury vous dira le logis que ie gagnay hier, par le moyen duquel & par la diligence dont il sera vsé, i'espere beaucoup aduancer ce siege. Je ne vous puis limiter certain temps pour attendre le iour de la bataille ; parce que cela dépend du chemin que fera l'armée de mes ennemis. Mais voyant que ceux qui sont dedans le fort seront pressés, ie croy qu'ils s'efforceront de les secourir, ce qu'ils ne pourront faire sans combattre. C'est ce qui me fait croire que la bataille se donnera bientost, & parce que ie m'assure que vous ne voulez pas perdre cette occasion, tant pour la generosité qui est en vous ; que pour l'affection que vous auez au bien & aduancement de mes affaires, ie vous coniure de me venir trouuer à Gisors, aussitost que vostre santé le pourra permettre. J'ay fait entendre particulièrement au sieur de Fleury mon intention, surquoy ie vous prie de le croire, & sur ce ie prie Dieu, Mon Cousin, qu'il vous ait en sa sainte & digne garde. Du camp deuant Roüen le 9. iour de Ianuier 1592. Signé HENRY. Et plus bas, POTTIER.

AVTRE LETTRE DE S. M.
A V MESME.

MON COVSIN, Presentement i'ay receu vne despesche de Darnetal, par laquelle l'on me donne aduis, qu'auant-hier ceux qui sont dans le fort firent vne sortie, & que d'abord ils renuererent cinq barriques. Mais cet effort fust si bien soustenu; qu'ils furent à l'instant mesme repoussez. Sept des ennemis demurerent morts sur la place; & plusieurs autres furent blesez. Le Baron de Biron y a esté vn peu blessé au bras d'vn coup de pique, mais qui ne fait qu'effleurer la peau. Celuy qui commandoit la troupe des ennemis a esté pris, & est depuis mort de ses blessures. Mon Cousin le Marechal de Biron m'escrit que l'on continué la tranchée tout le long de l'espaule, & que l'on fait trois entrées pour donner dans le fossé, selon l'aduis que vous m'en auez donné estant à Mantes. Les gens de pied que i'y ay enuoyez y arriuerent à propos. Le sieur de Lauerdin passe aujourd'huy avec ses troupes par Vernon. I'ay enuoyé haister Mon Cousin de la Trimouille, lequel a passé la riuere il y a six iours. Je vay aujourd'huy loger à Gournay, & vous attens, Mon Cousin, suiuant la promesse que vous m'auiez faite. Je vous prie de me venir trouuer au plustost. Je vous enuoie la coppie d'vne lettre du Comte Charles de Mansfeld. Je vous en garde d'autres escrites en Espagnol, par lesquelles vous verrez le mauuais ménage qui est entre les Estrangers & les François mes ennemis. Sur ce, ie prie Dieu qu'il vous ait, Mon Cousin, en sa sainte & digne garde. Escrit à Gilors le 15. iour de Ianuier 1591. Signé HENRY. Et plus bas, POTTIER.



AVTRE LETTRE DE S. M.
AV MESME.



MON COUSIN, l'ay receu presentement la vostre du quinzième de ce mois, & ce matin celle que vous m'avez écrite par ce porteur. Je vous enuoye le deschiffrement des Lettres écrites par le Duc de Mayenne à la Marechal de loyeuse, & au Capitaine Gouion qui commande au Havre. Vous verrez par la lecture, que la resolution des ennemis est de s'approcher le plus près qu'ils pourront pour secourir Roüen; ou donner la bataille. Je fais estat d'aller loger demain à Granuillier, ou à la Commanderie de Sommereuse, assez proche dudit Granuillier. Je seray bien aise que vous y veniez loger, & que vous soyez près de moy, pour auoir vostre aduis sur les occasions qui se presentent. Mes ennemis estoient encore hier au logis de Nelles & de Lizonet. Le sieur d'Humieres me mande qu'il ne sçait pas s'ils doiuent partir aujourd'hui; & que le bruit est qu'ils doiuent aller vers Clermont. Estant plus près d'eux, nous en aurons des aduis plus certains & plus frequens. Ledit sieur d'Humieres m'a enuoyé plusieurs Lettres écrites de Rome au Duc de Mayenne. La datte en est fresche. Elles ne sont pas encore deschiffrees. Je vous les communiqueray demain. Il y a deux iours que ie n'ay eu des nouuelles de Roüen, qui sera cause que ie ne vous en manderay point. S. Vallery s'est perdu par la trahison d'un sergent & de quelques soldats qui estoient de la Ligue, & qui s'estoient fait enroller aux compagnées faites pour ladite garnison, en esperance de faire ladite trahison. C'est tout ce que vous aurez de moy à present, sinon que ie prie Dieu qu'il vous ait, Mon Cousin, en sa garde. De Gournay le 18. iour de Ianuier 1592. Signé HENRY. Et plus bas, PORTIER. Et à costé, en acheuant cette Lettre, j'ay eu nouuelle de mon Cousin le Duc de Longueuille, comme les gens de pied estoient partis de Nelles; & qu'ils s'en alloient à Arbonnières; mais qu'ils y deuoient séjourner deux ou trois iours. J'ay eu aussi nouuelles de Mon Cousin le Marechal de Birton de Roüen. Mais il n'y a rien de nouveau.



AVTRE LETTRE DE S. M.
A V M E S M E.



MON COVSIN, Ayant appris que mes ennemis s'aduançent, ie me suis resolu de s'eiourner demain en ce lieu-cy, comme ie vous prie de faire où vous estes. Ie ne laisseray pas d'aller demain au rendez-vous, où les sieurs de Guित्रy, de Luerdin, & les autres Capitaines se doiuent trouuer. Ie seray de retour en ce lieu-cy à vne heure apres midy ou à deux, vous priant de vous y rendre à la mesme heure, afin que ie vous puisse voir & vous communiquer les aduis que i'ay de mes ennemis, & me resoudre avec vous de ce que i'ay à faire. Ce porteur est venu fort à propos & à l'heure mesme que ie vous escriuois la presente, pour vous aduertir du changement que i'ay fait depuis que ie vous ay renuoyé l'un de vos gardes. L'esperance que i'ay de vous voir demain, sera cause que ie ne vous feray pas vne plus longue Lettre, priant Dieu, Mon Cousin, qu'il vous aiten sainte garde. De Gournay le 18. de Ianvier 1592. Signé HENRY. Et plus bas, POTTIER.

AVTRE LETTRE DE S. M.

A V M E S M E.

MON COVSIN, Deux des chariots qu'a faits le sieur de la Riuere de Sedan, s'estans rompus en ce lieu-cy, ie vous prie incontinent la presente receuë, de m'enuoyer de Clerc, quatre chariots, pour pouuoir porter les pieces des deux qui sont rompus iusques audit Clerc. Enuoyez avec lesdits chariots, vingt ou trente harquebuziers à Cheual pour les conduire, & qu'ils soient icy à l'aube du iour. Nous les enuierons à Darnetal. Bon soir, Men Cousin. Escrit à Offy ce Mardy 11. de Fevrier, entre les huit ou neuf heures du soir. Signé HENRY.

AVTRE LETTRE DE S. M.

A V M E S M E.



ON COVSIN, Le Baron de Biron vient de venir de la guerre. Il m'a rapporté ce qui s'est passé à Neuf-chastel, qui est que six heures apres que le sieur de Giury y fust arriué, il fur inuelty des ennemis qui dressèrent leur batterie à cinq cens pas à découuert. Ils commencerent à battre à deux heures apres midy de dix pieces, & à cinq heures ils auoient fait breche de cent pas, où les charettes pouuoient monter. Ce que voyant ledit sieur de Giury, & que dans le Chasteau, il ne pouuoit retirer deux cens Maistres qu'il auoit, & les Regiments de Temps & de Rebours, il a capitulé, & est sorty tambour battant, enseignes desployées, trompettes sonnans & en bataille. Il a emporté & emmené tout ce qu'il a pû de la ville. Il a obtenu que les habitans ne feroient point piller, & a laissé dans le chasteau, toutes les munitions & tous les gens de guerre qui sont necessaires. Il a aussi pris les cheuaux de tous ceux qui sont demeurez dans le chasteau. En quoy i'estime qu'il a fait ce qu'il pouuoit pour mon seruice. Et parce qu'il est necessaire de pourvoir à ce que nous auons à faire; ie vous prie, Mon Cousin, de vous rendre demain à vnze heures au chasteau de Blanuille, où ie vous donneray à disner. J'ay mandé aussi à mon Cousin, le Mareschal de Biron & aux sieurs d'O & de la Guiche de s'y trouuer à la mesme heure. Cependant ie priay Dieu, Mon Cousin, qu'il vous ait en sa sainte & digne garde. Du Camp de Bussi ce Mercredy au soir, vingt-vniesme iour de Fevrier 1592. Signé HENRY. Et plus bas, POTTIER.



AVTRE LETTRE DE S. M.

AV MESME.



MON COVSIN, L'armée de mes ennemis a marché cejourd'huy & va droit à Pont-dormy. Vne partie est allée passer à Abbleuille. Les gens de pied ont marché tout aujourd'huy, & ont eu leur part du mauuais temps, ayant le vent au visage. Je monteray à cheual à Lune uante, pour les suiure. Je vous prie d'estre de la partie, & vous trouuer au rendez-vous, suiuant ce que vous escrira le Baron de Biron. La Lettre du sieur de la Chastres que vous auez deschiffée, fait assez iuger quelle est l'intention de mes ennemis. J'ay veu ce que vous escriit Vitry. Je vous prie luy mander que ie me suis plaint de ce qu'il a abusé du dernier passeport que ie luy auois accordé, ayant débauché vingt-cinq ou trente de mes seruiteurs, pendant qu'il a eu ce passeport, & qu'il les a amenez avec luy en ce voiage; & que ie ne veux plus qu'il se serue de mes passeports, au preiudice de mon seruice. Vous luy pouuez mander que s'il a la volonté de se retirer en sa maison pour estre mon seruiteur, que vous vous emploirez volontiers pour luy. C'est tout ce que j'ay à vous escrire, Mon Cousin, sinon que ie prie Dieu qu'il vous ait en sa garde. Du Camp d'Ammeruille, le 6. iour de Mars 1592. Signé HENRY. Et plus bas, POTTIER. Et à costé, Mon Cousin, j'espère demain leur faire la Croix sur le dos à la chaussée de Pont-dormy.

AVTRE LETTRE DE S. M.

AV MESME.

MON COVSIN, l'enuoye le sieur de Rieux vous trouuer de ma part, pour vous faire entendre les aduis que j'ay receus, & pour vous porter les Lettres interceptées, par lesquelles vous verrez encore plus clairement les desseins de mes ennemis. Je vous prie, Mon Cousin, de me donner aduis de ce que j'ay à faire en cette occasion. J'attens vostre prudent & bon conseil avec impatience, & me remets du reste à ce que vous dira le sieur de Rieux de ma part. Je vous conjure de le croire, comme moi-mesme. Et ie prie Dieu, Mon Cousin, qu'il vous ait en sa garde. Du Camp deuant Roüen le 27. iour de Mars 1592. Signé HENRY. Et plus bas, POTTIER.

AVTRE LETTRE DE S. M.
AV MESME.

MON COVSIN, Aiant donné au sieur de Corua la charge de commander dans ma ville de Stenay; & estant besoin de mettre en garnison dans ma ville de sainte Manehoust, quelque autre en sa place, ie vous ay bien voulu escrire ce mot, pour vous prier d'y faire entrer le sieur de Vaubecourt. L'affection qu'il me porte & la suffisance me sont assez conuës, & ie m'assure qu'il m'y seruira fidellement. En cét endroit, ie prie Dieu, Mon Cousin, qu'il vous ait en sa sainte & digne garde. Du Camp deuant Roüen, le 30. iour de Mars 1592. Signé HENRY. Et pl us bas, POTTIER.

AVTRE LETTRE DE S. M.
AV MESME.

MON COVSIN, l'ay esté bien aise de sçauoir vostre bonne volonté par le sieur de Rieux. Je n'en ay aussi nullement douté. I ay eu ce soir aduis par deux des miens, qui sont arriuez de l'armée des ennemis, comme ils se preparent de venir à vne bataille. Je trouue bon que vous m'enuoiez vos canons, où m'a dit ledit sieur de Rieux; & que vous seiourniez avec les troupes aux enuiron de Melun. Vous sçauiez que ie ne vous manderay point à faulte; & qu'il n'en soit temps. Vous entendrez le surplus par le sieur de Sancy, sur lequel me remettant, ie ne vous en diray pas dauantage, pour prier Dieu qu'il vous ait, Mon Cousin, en sa garde. Ce trentiesme de Mars à Darnetal. Signé HENRY.



AVTRE LETTRE DE S. M.
AV MESME.



ON COVSIN, La réponse que m'a rapportée le sieur de Rieux, & ce qu'il m'a dit de vostreparr, est conforme à ce que j'en attendois. Je me suis tousiours asseuré que s'offrant l'occasion de la bataille, vous ne la voudrez pas laisser passer, sans y rendre des tesmoignages de vostre cœur & de vostre fidelité. Je trouue bon que vous alliez cependant iusques à Melun, avec vos troupes. Vous pourrez faire quelque effet aux enuirs de cette ville-là pour mon seruice; & ie vous aduertiray de iour à autre de ce que j'apprendray de mes ennemis. Il est arriué à Dieppe quinze enseignes Angloises, la pluspart picquiers. J'ay aduerty les troupes de Normandie de se tenir prestes pour monter à cheual au premier mandement, comme aussi mon Cousin le Duc de Longueuille, & les troupes de Picardie. Je ne vous donneray point l'allarme qu'apres estre bien aduerty du dessein de mes ennemis. J'ay aduis que d'Amblise traite avec le sieur de Brosse, pour entrer dans ma ville de Mouzon & y commander. J'escriis au sieur de Brosse & aux habitans dudit Mouzon, pour les faire souuenir de la promesse qu'ils m'ont faite. Je vous prie de leur rescrire, pour les sommer de n'y manquer pas, & ie prie Dieu qu'il vous ait, Mon Cousin, en sa sainte & digne garde. Escrit au Camp deuant Roüen, le dernier iour de Mars 1592. Signé HENRY. Et plus bas, POTTIER.



AVTRE LETTRE DE S. M.
A V MESME.



ON COVSIN, Les aduis que j'ay de Champagne par les dernières dépesches qui m'ont esté enuoyées, me font connoistre que le Duc de Lorraine fait ses efforts pour entreprendre sur la frontiere. On m'escriit qu'il a pris quelques Chasteaux & ruiné beaucoup de mes subiects du plat pais. Si ie n'estois pas aussi engagé à ce siege que ie suis, ie vous enuoirois dès cette heure, les Laniquenets & les Reistres que ie vous ay promis. Mais il faut acheuer cét ouurage, comme j'espère que Dieu m'en fera la grace avec le temps. Cependant ie desire que tous mes seruiteurs de Champagne s'assemblent, & se ioignent à vous & à vos troupes, pour s'opposer aux desseins du Duc de Lorraine. Ce me seroit vn grand contentement, si ie voyois que vous allassiez droit en vostre Gouuernement. Neantmoins ie ne vous en veux pas presser, puisque vous auez resolu d'aller en vostre Duché, & voir ma Cousine. Mais si tant est que vous continuiez en cette resolution, ie vous prie qu'auant que les Champenois se despartent d'auprès de vous, de les coniuier de s'aller rendre auprès du sieur d'Inteuille, & autres qui sont près de vous. J'ay aduis que le Duc de Guise est cejourd'huy party de l'armée de mes ennemis, pour aller à Paris. Cette armée-là se desbande fort, à ce qu'on me dit. Mais ie croy que les Chefs attendent de nouvelles forces, & qu'ils veulent tirer toutes les garnisons pour se fortifier. Auant qu'elles soient arriuées, la necessité croistra beaucoup dans Roüen, & j'auray tout loisir de faire venir les troupes de Picardie & de Normandie pour se trouuer à la bataille. Pour le moins vous puis ie assseuer que quand les Anglois, qui doiuent arriuer demain, seront dans mon armée, ie seray plus fort d'infanterie que ne sont mes ennemis. Je vous seray part de iour à autre des aduis que j'en auray. Et sur ce ie prie Dieu, Mon Cousin, qu'il vous ait en sainte & digne garde. Du Camp deuant Roüen, le 3. iour d'Auril 1592. Signé HENRY. POTTIER.




AVTRE



AVTRE LETTRE DE S. M A V M E S M E.



ON COVSIN, Les garnifons de Dreux, de Verneuil, de Meaux, & autres de ces quartiers là, ont passé le huitiefme de ce mois, comme il leur auoit esté ordonné. Quelques autres ont voulu faire le semblable; mais le voiage que j'ay fait à Gisors, & iusques à Meaux, les en a empeschez iusques au dixiefme; parce qu'elles ont eu peur de tomber entre mes mains. Je suis de retour en mon armée, & j'aprens par tous les aduis que j'ay les plus certains, que le Duc de Parme haste toutes ses forces pour me venir faire leuier le siege. Ce qui me fait vous prier, Mon Cousin, bien affectionnement, de vous tenir tout prest, & d'aduertir toutes vos troupes de faire le semblable, pour partir au premier aduis que vous en aurez de moy. Je vous assure que ie ne vous le donneray que bien à propos, & qu'il n'en soit besoin. En cette assurance, ie prie Dieu qu'il vous ait, Mon Cousin, en sa sainte & digne garde. Écrit au camp deuant Rouën le xi. iour d'Avril 1592. Signé HENRY. RVZE.



AVTRE LETTRE DE S. M.

AV MESME.



ON COVSIN, Mes ennemis sçachant que i'estois despourueu de caualerie Françoisle, ont vû de telle diligence, qu'en trois iours ils l'ont venus de la riuier de Somme à moy. Ce qui a esté cause que i'ay levé le siege, & me suis venu loger en ce lieu, distant de trois lieues de Rouën. Le me delibere d'y attendre les compagnies de caualerie que i'ay mandées, pour apres aller voir mes ennemis, & les combattre. Car ie suis assez fort d'infanterie, ayant douze ou treize mille hommes de pied, entre lesquels il y a sept mille Picquiers. Je vous en ay bien voulu aduertir, pour vous faire part de tout ce qui se passe. I'ay entendu par les dernieres lettres de Champagne, l'estat des affaires de cette Prouince, particulièrement le siege de Coisfy, & eusse bien désiré que vous eussiez peu vous acheminer audit pays, pour y pourvoir. Mais puisque vous estes allé en Nivernois, selon que ie vous auois permis, ie vous prie, mon Cousin, d'y sejourner le moins que vous pourrez, & vous rendre au plustost en vostre Gouvernement. Je vous enuoyray bientost les forces que ie vous ay promises; & vous donneray le moien de me seruir en cete Prouince, selon la volonté que ie sçay que vous en auez, auslitoist que mes affaires de deça le permettront. Cependant ne laissez pas, ie vous prie, de vous y aduaneer, sçachant que vostre presence encouragera grandement tous mes seruiteurs, pour s'opposer à tous mes ennemis, & arrester leur progres. M'asseurant que vous le ferez pour l'affection que vous auez pour moy & pour la conseruation de ladite Prouince, ie priray Dieu qu'il vous air, Mon Cousin, en sa sainte & digne garde. Du camp de Gouÿ le 20.iour d'Avril 1592. Signé HENRY.

Et plus bas, POTTIER.






AVTRE LETTRE DE S. M.

A V M E S M E.



MON COVSIN, le vous ay donné auis par ma derniete lettre, que pour le peu de caualerie François que i'auois aupres de moy, à l'arriué de l'armée des Ducs de Parme & de Mayenne, i'ay leué le siege de deuant Rouën; & me suis venu loger en ce lieu-cy, pour prendre le champ de bataille & attendre les forces que i'ay mandées. La iournée d'hier & celle d'aujourd'huy se sont passées, sans que mes ennemis se soient aduancez vers moy. Il m'est arriué depuis hier au matin, enuiron quatre cens cheuaux; & i'espere que dans vingt-quatre heures, mes Cousins les Ducs de Montpensier & de Longueuille arriueront à mon armée, avec plus de huit cens cheuaux. Ayant toutes ces forces, ie fais estat de m'approcher de mes ennemis. I'ay appris qu'ils ont dessein d'assiéger ma ville de Caudebecq. Ce qui me fait espérer que i'auray le temps de les voir de si près, qu'il ne sera pas en leur puissance d'éuiter l'occasion de la bataille. I'auray dans demain deux mille hommes de pied François plus que ie n'auois à vostre partement, avec lesquels ie seray plus fort d'infanterie que les ennemis ne sont, & si ie n'ay autant de caualerie qu'eux, la mienne vaudra pour le moins la leur. I'espere que Dieu me feta la grace de leur donner la bataille, & d'en auoir vne heureuse issuë. Par vos lettres, que le sieur de la Verriere m'a apportées, i'ay entendu le grand effort que le Duc de Lorraine faisoit contre Coiffy, & depuis par les lettres du sieur de Prassin, i'ay appris la perte de cette place. I'en suis bien fâché, à cause de l'estonnement que cela donne à ceux de Langres & des autres places circonuoisines; & encores plus de ce que ie n'y puis remedier presentement, pour l'occasion qui me retient par deçà; laquelle, ie m'assure, vous iugez si importante au bien general de mon Estat, qu'il est impossible que ie m'esloigne de l'armée de mes ennemis, ni que ie separe partie des forces qui sont près de moy, sans faire vn grand preiudice à mes affaires. Ce qui me console, c'est que

nous en sommes en tels termes, qu'il ne peut qu'il ne s'en fasse vne fin dans peu de iours. Je me promets que la chole me réussira heureusement, tant pour la volonté de bien combattre que ie voy en tous mes seruiteurs qui sont près de moy, que pour l'esperance que i'ay en la bonté de Dieu, qui m'a tousiours assisté dans mes plus grands besoins. Cependant, Mon Cousin, sçachant combien vostre presence peut seruir en vostre Gouuernement, tant pour contenir les habitans des villes en leur deuoir, que pour faire monter la Noblesse à cheual, & s'opposer aux desseins du Duc de Lorraine. Je desire fort que vous vous acheminiez promptement en Champagne; parce que cette occasion passée, ie vous donneray tous les moyens de faire quelque progres, que ie vous ay promis à vostre partement. I'escriis au sieur d'Interuille, qu'attendant vostre venue, il conuie tous mes seruiteurs de monter à cheual, & de me seruir en cette occasion contre le Duc de Lorraine. Je luy ay ordonné aussi de pouruoir à la seureté de mes villes du mieux qu'il luy seta possible; qui sera toutefois peu au respect de ce que vous pourriez faire. C'est pourquoy ie vous prie encore vn coup, Mon Cousin, autant que vous aimez le bien de mon seruice, & particulièrement en ce qui concerne vostre Gouuernement, de ne pas tarder dauantage à vous y en aller. I'esctis aux habitans de Langres pour les asseurer de la bonne volonté que i'ay de les secourir, & les deliurer de l'oppression du Duc de Lorraine. Je vous prie de leur escrire de vostre part, & de les asseurer que bientoist vous serez près d'eux. I'espere de vous faire sçauoir de mes nouuelles dans peu, & de vous mander tout ce qui se passera entre les deux armées. Je ne vous seray celle-cy plus longue; priant Dieu qu'il vous ait, Mon Cousin, en sa sainte & digne garde. Du camp de Gouy ce 22. iour d'Au-
ril 1592. Signé HENRY. POTTIER.



AVTRE LETTRE DE S. M.


AV MESME.



ON COVSIN, Estant au camp de Goüy ie vous escti-
uis, par le sieur des Prez, & vous manday les occa-
sions qui m'auoient porté à leuer le siege de deuant
Rouën. Mes Coufins les Ducs de Monpenlier & de Lon-
gueuille estans arriüés deux iours apres en mon armée ;
ie partis le landemain pour m'approcher de celle de mes ennemis, qui
estoit deuant Caudebecq. Le Duc de Parme y fut blessé d'une arque-
busade au bras le soir que ie partis dudit Goüy. Vous verrez par le dis-
cours cy enclos, ce qui s'est passé iour pour iour depuis mondit parte-
ment ; & i'espere que Dieu me donnera suiet de vous escrire encore de
meilleures nouuelles. Car mes ennemis estans pressés de la faim ; & mon
armée se faisant plus forte de iour à autre, par les troupes qui me vien-
nent sans cesse, il ne se peut faire que dans peu de iours cela ne pro-
duise quelque grand effet. Je n'en perdray, si ie puis, les occasions.
Mais en cet estat, vous pouuez iuger combien me sont necessaires les
forces qui sont prés de moy. C'est pourquoy ie ne vous puis enuoyer
celles que ie vous ay promises. Ce que neantmoins i'espere de faire aus-
sitost que cette occasion sera passée. Selon que ie vous ay esctit par
ma derniere, vous iugez assez de quelle importance elle est, & que ie
ne dois à present me deslitter des forces qui me sont plus que necessai-
res pour ruiner l'armée de mes ennemis. C'est, Mon Coufin, la seule
raison qui m'empesche d'enuoyer presentement en Champagne les
troupes que i'y ay destinées. Ne croiez pas que ce soit le deffaut deuo-
lonté de conseruer cette Prouince, comme vous me mandez. l'en desi-
re la conseruation autant que des autres de mon Royaume, estant
l'une des principales. Si Dieu me fait la grace de combattre heureuse-
ment l'armée de mes ennemis, comme i'ay en teste, ie feray con-
noistre par les effets, combien ie desire conseruer ma Prouince de
Champagne, & tous mes suiets & mes bons seruiteurs qui y deme-
urent. Mais pendant que ie suis occupé en vne autre Prouince, & pour
vne occasion grandement importante au general de mes affaires, com-
me chacun leuoit assez, ie me repose sur mes Lieutenants Generaux, &
sur les Gouverneurs qui ont charge aux autres Prouinces, pour pour-
uoir aux affaires qui s'y presentent. Je sçay que le Duc de Lorraine a
beaucoup de forces ; & que ses desseins sont grands sur mondit pays de
Champagne ; mais ie ne doute point que si vous estiez audit pays pour

Rr iij

assembler mes seruiteurs, qui en cette occasion ne faudront de vous assister, tant pour l'affection qu'ils ont à mon seruice, que pour leur interest particulier, vous ne puissiez empescher & rompre les desseins de ce Duc, attendant de plus grandes forces pour entreprendre sur luy, comme i'espere vous en donner les moyens auant qu'il soit peu de temps. C'est pourquoy ie vous prie de vous acheminer en vostre Gouuernement, où ie m'asseure que vostre presence pourra apporter autant d'aduancement à mes affaires, comme vostre absence y sera dommageable; & croiez que cette occasion passée, ie vous enuoiray des forces pour vous donner moyen de me seruir, selon la volonté que ie sçay que vous en auez, & l'autorité & la dignité avec laquelle ie desire que vous soyez employé pour mon seruice. Mes seruiteurs qui sont en Champagne, desirent vostre presence, comme tres-necessaire pour assembler la noblesse, & les forces dudit pays; & ie sçay bien que mes affaires estant conduittes par vostre prudence, m'apporteront beaucoup de contentement. I'ay entendu le dissent qui est entre les sieurs d'Interuille & de Chastelet. Ie vous prie d'y trauailler par vostre prudence, en sorte que leurs querelles particulieres n'apporment aucun preiudice à mon seruice; & de pouruoir à la seureté de ma ville de Langres, sur laquelle ie ne doute point que le Duc de Lorraine n'ait ses principaux desseins. Sur ce ie prie Dieu qu'il vous ait Mon Cousin, en sa sainte & digne garde. Escript au camp deuant l'ennemy à Varcaruille le 2. iour de May 1592. Signé HENRY. Et plus bas, POTTIER.



AVTRE LETTRE DE S. M. A V MESME.

MON COVSIN, Vous auez veu par le discours que ie vous ay enuoyé, les progres que i'auois faits sur l'armée de mes ennemis iusques au dixiesme de ce mois. Depuis les Ducs de Mayenne & de Parme, avec ce qu'ils auoient de troupes ont passée la riuere, à la faueur de Caudebecq. Ie l'ay repris aussitost qu'ils en ont esté sortis, & vay en diligence avec mon armée, passer la riuere pour les poursuiure, ayant resolu de ne les abandonner que ie ne les aye combatus. Ie ne l'ay peu faire iusques icy, pource qu'ils se sont tousiours tenus retranchez dans leur camp, iusques à ce qu'ils ont passé la riuere. I'espere que bientost vous en entendrez vn heureux succez. Cependant ie prie Dieu qu'il vous ait, Mon Cousin, en sa sainte & digne garde. Du camp de Clauy le 17 iour de May 1592. Signé HENRY. Et plus bas, POTTIER.

AVTRE LETTRE DE S. M.

AV MESME.



MON COUSIN, l'ay veu la lettre que vous écrivez au sieur Baron de Biron; & suis tres-aïe de la diligence dont vous usez. Mais de vous enuoier de la cavallerie, cela ne se peut faire, car ie n'en ay pas encore assez. Nostre deliberation estoit de nous servir de la commodité des Reistres, & de faire amener de Sedan encore deux canons & quelques munitions, outre celles de la Cassine. Je pense qu'il nous en faudra passer par là. Lundy j'espère que nous leur donnerons congé, & qu'ils seront conduits par mon Cousin le Duc de Bouillon, qui vous verra en passant, pour vous dire ce que nous aurons resolu de faire. J'ay mandé les compagnées de la Capelle & de Maubert Fontaine de se trouver à Sedan; & pour ce même effet, vous entendrez le surplus par mondit Cousin le Duc de Bouillon, qui vous viendra retrouver au retour de la conduite des Reistres, pour faire ce que vous luy direz. Si vous voiez toutefois que vous puissiez en l'attendant faire amener de la Cassine, les canons & les munitions qui y sont, ie les remets à vostre prudence. Mais ie ne suis pas d'aduis de rien hazarder, si vous n'y voiez de la feureté; priant sur ce Nostre Seigneur vous avoir, Mon Cousin, en sa sainte garde. Escrit à Dannemary ce 9. Juillet 1592. Signé HENRY. RVZE.



AVTRE LETTRE DE S. M.
AV MESME.

MON COVSIN, Je viens de receuoir vos deux lettres du 12. iour de Mars. Je ne les ay peu entendre, parce que nous n'auons pas icy vostre chiffre. Je partiray demain & me rendray à Sompy pour aller au deuant de vous; car il est necessaire que nous soyons ensemble le plustoit qu'il sera possible. Je reserve à nostre entreueuë à me resoudre sur ce que nous aurons à faire. Vous verrez plustost que moy mon Cousin le Duc de Bouillon, qui vient de partir. Il vous dira quel est l'estat de mes affaires. Il n'est encore arriué icy, aucunes des troupes de ce pays-cy que j'ay mandées. Je les attend de iour à autre. La leuë des pionniers n'est point encore faite. Pendant que ie suis icy, ie fais solliciter tout le monde de se haster autant qu'il est possible. C'est ce que ie vous diray pour cette fois. Sur ce ie prie Dieu, Mon Cousin, de vous auoir en sa sainte & digne garde. Escrit à Châlons le 15. de Iuillet 1592. Signé HENRY. Et plus bas, FORGET.

AVTRE LETTRE DE S. M.

AV MESME.

MON COVSIN, Je vous escriuis dés hier au soir, que ie m'en allois coucher ce iour-luy à Sompy, où ie vous prie de me faire sçauoir de vos nouuelles. Presentement viennent d'arriuer icy les charrois qui portent de la poudre & des balles à Châlons. Mais c'a esté si mal à propos, que toutes mes troupes estoient deslogées, & qu'il n'en restoit plus pour leur faire escorte. De sorte que j'ay esté contrainct de les faire venir en mon quartier. Demain ie les feray accompagner. Puisque vous auez veu mon Cousin le Duc de Bouillon, il vous aura dit les nouuelles de la prise de Steing par le Comte de Maurice. Je crois que ie puis attendre de ce succès quelque faueur en mes affaires. Sur ce ie prie Dieu, Mon Cousin, qu'il vous conserue en sa sainte garde. Escrit au camp de Sompy ce 18. de Iuillet 1592. Signé HENRY. Et plus bas, RVZE.

AVTRE

AVTRE LETTRE DE S. M.
A V MESME.



MON COUSIN, Il faut confesser que ce fust Dieu qui m'inspira de partir hier, comme ie fis ; & de marcher toute nuit pour me rendre icy. I'y suis arriué ce matin, à vne demie heute du iour ; & ay fait en mesme temps passer la riuere au sieur de Giury. Il est allé à Boursault, maison qu'il a sur le bord de la riuere, ayant reposé deux heures sur la paille, & eite demie heure à desieuner. Tay eu aduis par les batteurs d'estrade, & par des payfans que le sieur de Giury auoit enuoiez çà & là, & qui me sont venu trouuer, que le Lieutenant Colonel de Borlotte, qui est celuy qui mena le secours à Rouën, partoit de Dormans avec deux cens soixante hommes, pour se venir ietter dans Espernay. Cet aduis ne m'a pas plustost esté apporté, que l'ennemy a paru. Le sieur de Giury s'est mis à l'instant à ses trousses. Pour moy i'ay monté à cheual aussitost, avec ce que i'ay peu de ma caualerie, & quatre compagnies d'harquebusieres à cheual qui venoient d'arriuer avec les sieurs de Biron & de S. Luc. I'ay passé la riuere. Saint Estienne seruant de guidé, s'est mis deuant avec lesdits sieurs de Biron & S. Luc. Ils ont donné aux ennemis. Leur resolution a esté telle, que se trouuant au bord d'un bois qui est sur vn costeau qui regarde dans Espernay, & voyant que nous estions encore tous ensemble, & que la pluspart de ce qui estoit avec nous n'estoit que harquebusiers à cheual, pource que ma caualerie arriuoit encore à la file, ils ont entrepris de passer en despit de nous. Les sieurs de Biron, Saint Luc, & Giury ont fait tout ce qui estoit en leur puissance pour les arrester. Ils ont neantmoins auancé malgré toute leur resistance. Mais leur grande resolution n'estant pas soustenuë par le nombre, ils ont esté contrainsts de ceder. Ie suis si heureusement arriué au combat avec quinze ou vingt des miens, que ie les ay enfoncez. Vous scauez que ce n'est pas ma coustume de faire le vain. C'est pourquoy ie ne vous diray point qui y a bien fait. Vous l'apprendrez à vostre venue par ceux qui y estoient. Mais ie vous assure, Mon Cousin, que ie n'ay bougé du lieu où ie les ay chargez, tant qu'il y en a eu vn seul en vie. Il ne s'est sauué qu'un laquais monté sur le cheual du Lieute-

nant Colonel, & deux soldats qui ont chacun quatre ou cinq coups d'espée au trauers du corps. I'ay fait fouiller ce Lieutenant, & l'on a trouué sur luy le mandement que luy faisoit Rosne, de prendre 160. hommes des meilleurs qui fussent dans son regiment, & se ietter dans Espernay. Ie n'y ay perdu que le pauure Baron du fort de S. Parais. Il y en a quelques-vns blesez. Vous pouuez croire qu'il n'y eust iamais vne plus nette desfaite de secours, que cette-cy. A deux cens cinquante pas de la courtine de la ville, vn Sergent qui estoit demeuré dans le bois, pour ne pouuoir cheminer à cause de son aage, m'a esté amené prisonnier. Il m'a asseuré qu'il ne reste pas cent hommes du regiment, & encore que ce ne sont que canailles. Ie vous prie de venir demain avec les Suisses & l'Artillerie coucher à Ay, & de faire descendre les batteaux pour faire le pont, afin qu'à meisme temps on le puisse faire où on l'auoit fait faire l'autre iour. Vous ferez aussi aduancer le reste de l'armée iusques à Ay. Les bagages de ceux qui ne pourront passer sur le pont, le pourront au gué, qui est où nous auons passé cy-deuant. Ie vous prie encore d'y arriuer de bonne heure, afin que nous puissions empescher que personne ne puisse ietter aucun secours dans la ville. Ie vous promets bien, avec l'aide de Dieu, que cette nuit, ny pour tout demain rien ny entrera. Ie n'ay pas le loisir de faire part de cette bonne nouuelle & de ces heureux commencemens à mes bons suiets de ma ville de Chalons; au sieur President de Blancmesnil, ny à ma Cour de Parlement. Vous ferez cela pour moy, & leur communiquerez celle-cy. Il me semble que nous en deuons tous rendre grâces à Dieu, & il n'y aura point de mal de faire chanter le *Te Deum*, afin que voyant que nous ne sommes point ingrats de luy rendre grâces des faueurs qu'il nous fait, il nous les continuë. Dequoy ie le supplie de tout mon cœur, & qu'il vous ait, Mon Cousin, en sa sainte garde. Escript à Donnery le Vendredy à midy 14. Iuillet 1591. Signé HENRY.



AVTRE LETTRE DE S. M.
A V MESME.



MON COUSIN, le vous auois prié par mes lettres de ce matin, de m'enuoier vos cheuaux legers, & la cauallerie de Maubert-Fontaine & de Donchery, avec vos harquebuziers à cheual; mais ils ne sont point arriuez ni à l'heure que ie les attandois, ni depuis. Iusques à present ie n'ay eu aucune response de vous. Cela me met en grande peine. L'entreprise dont ie vous ay enuoyé le plan, meritoit plus de diligence, & si chacun n'y met la main avec mesme ardeur & mesme correspondance, l'issuë n'en sera pas telle que ie le desire. C'est pourquoy ie vous prie de venir demain avec toutes vos troupes à cette iustice qui est entre-cy & Espernay, du costé de la riuierre; & vous trouuerrez là le sieur de Biron avec la carte du despartement que nous auons fait; ou pour le moins le Marechal des logis de l'armée, si ledit sieur de Biron se trouue lors engagé à quelque autre chose. Il s'en presente tout les iours assez d'occasions; & cependant enuoyez moy, ie vous prie, vos Cheuaux legers, & la cauallerie de Maubert & de Donchery, avec vos harquebuziers à cheual dès le matin, à cette iustice. Il leur sera monstré le lieu auquel ils deburont entrer en garde. Toutes mes troupes n'en peuuent plus, & c'est particulièrement la nuit qui vient, & demain, que nous deuons craindre que les ennemis ne fassent quelque grand effort, pour ietter du secours dans Espernay, puisque celuy qu'ils y pensoient mettre, a esté taillé en pieces. La deffaire a esté plus grande que nous ne pensions; ce que nous auons reconnu par la reueüe des morts qui en a esté faite aujourd'huy. Je prie sur ce Nostre Seigneur vous auoir, Mon Cousin, en sa sainte garde. Escrit au camp de Donchery le 25. iour de Iuillet 1592. à minuit. Signé HENRY. Et plus bas, RVZE.





AVTRE LETTRE DE S. M.

A V M E S M E.



ON COVSIN, La grande traite, & la garde perpetuelle que nous auons faite depuis mon arriuee avec le peu de gens que nous sommes, nous a tellement harassez, que nous n'en pouuons plus. Je pensois que le pont à bassteaux deust arriuer hier à Toul sur Marne; & que dés ce matin il deust estre à Ay, afin de faire passer nostre infanterie. Mais a ce que l'on m'a dit, il n'y est pas encore. L'en suis en grande peine. C'est ce qui me fait vous prier de le hastier, non seulement d'arriuer, mais de le faire dresser en toute diligence, afin que nous puissions estre secours de nostre infanterie. Cependant enuoiez-moy vostre cavallerie legere de Maubert, celle de Donchery, & vos harquebuziers à cheual, pour nous rafraeschir, & qu'elle soit deuant cette ville-cy deux heures auant Soleil couché. Si le pont pouuoit estre assez-tost prest, pour que nous peussions auoir de vostre infanterie pour inuestir du tout Espernay, ce nous seroit vn tres-grand soulagement. L'ay reconnu toute la place, & entre autres vn endroit, par lequel j'espere que nous aurons bonne & brieue issue de nostre entreprise. Les ennemis ont fait vne sortie cette nuit, mais ils ont laissé six des leurs sur la place, sans les blessés, & les armes qu'ils ont abandonnez; & sans perte de pas vn des nostres, Dieu mercy. Je prie Dieu de vous auoir, Mon Cousin, en sa sainte garde. Ekrir à Damncry le 25. de Iuillet 1591. Signé HENRY. Et plus bas, RVZE.



AVTRE LETTRE DE S. M.
AV MESME.



MON COVSIN, Vous verrez par celle que i'escris à mon Cousin le Cardinal de Bourbon, ce qui s'est passé en mon voiage; & les nouuelles que i'ay eues de la mort du Duc de Parme. On me mande d'Arras qu'il mourut le Mercredy 2. iour de ce mois à trois heures apres minuit. Ces nouuelles seroient bien meilleures, si elles estoient suiuiues de celles de la mort de son Maistre. D'une chose sui-ie en peine. C'est de quelles personnes il se pourra seruir, non seulement pour commander au Pays-bas, mais pour conduire vne grande armée en France. Cette lettre cy est le double de la despêche que dès le 4. de ce mois ie vous enuoïay par Armagnac. Ie vous l'enuoie par Petit, craignant que vous ne l'ayez pas eue. Ie n'y adioustey que ce mot. C'est qu'hier au soir i'eus nouuelle de M. de la Boissiere Gouverneur de ma ville de Corbeil. Il me mande, que ceux d'Arras se sont chargez du corps mort du Duc de Parme; qu'ils l'ont mis dans vne Eglise, & que non seulement ils ont chassés les Espagnols & les Italiens qui estoient dans leur ville; mais qu'ils commençoient à vouloir secouer le ioug de la tyrannie Espagnole. Les affaires n'en demeureront pas là, Dieu aidant. C'est à nous à nous bien seruir de cette occasion, & ne la pas laisser perdre. Ie pars presentement pour m'en aller coucher à Senlis; & n'auray cesse que ie ne me sois rendu près de vous. Cette cy n'estant à autre fin, ie priay Dieu qu'il vous ait, Mon Cousin, en sa sainte & digne garde. Escrit à Compiegne le Lundy septiesme iour d'Aoust 1592. Signé HENRY.

AVTRE LETTRE DE S. M.
AV MESME.

MON COVSIN, Ie vous prie de donner ordre que les munitions & ce qui nous vient d'Espernay, soient menés aux Filles-Dieu, où est logé le Regiment de Berne. Ie vous puis asseurer que demain à deux heures apres midy, l'artillerie, les gabions, & les plates-formes y seront. Si nous vsons de diligence, nous pourrons commencer apres demain la batterie, & prendre la ville à mesme temps. Ie le desire infiniment, pour aller secourir Crespy, qui est assiégé, comme presentement i'en viens d'auoir la nouuelle. On me mande qu'à l'arriuée des ennemis ceux de dedans ont fait vne braue sortie, où ils ont tué force Espagnols. Bon soir, Mon Cousin. Des Cordeliers ce Mercredy à six heures du soir deuxiesme Septembre 1592. Signé HENRY.

AVTRE LETTRE DE S. M.
A V M E S M E.

MON COVSIN, l'ay resolu de continuer mon voiage, par où i'ay dit au sieur de Launay. Ce ne fera que pour six iours. Je vous prie cependant, Mon Cousin, de prendre le soin de mon armee. Les sieurs de Biron & les Marechaux de Camp, ont eommandement de vous obeir comme à moy-mesme. Vous me ferez vn seruice tres-agreable de prendre ce petit chasteau qui est icy prés, comme i'ay fait entendre audit sieur de Launay. C'est tout ce que ie vous puis mander de mes nouuelles, priant sur ce Nostre Seigneur vous auoir, Mon Cousin, en sa sainte & digne garde. Escrit à loüy le 6. de Septembre 1592. Signé HENRY. RVZE. Et plus bas. l'ay receu tout à cette heure aduis, que le chasteau de Vex tient encore, & qu'il y est entré cinquante hommes de renfort, bons compagons. Cela me fait hastier. Je vous prie encore vne fois, d'estre demain avec mon artillerie en mon armée, que ie vous recommande.

AVTRE LETTRE DE S. M.

A V M E S M E.

MON COVSIN, le trouue bon ce que vous auez aduisé pour le démantèlement de Courlon. Je vous prie de le faire exécuter promptement. l'ay aduis que le Chasteau de Vex tient encore, & qu'il y est entré du secours. Je pars presentement pour m'approcher de mes ennemis. Le rendez vous de mon armée est à Louarre, où ie me seruiray du passage de la riuere, & du logis que ie feray pour ce soir. La presente n'estant à autre fin, ie prie Dieu qu'il vous ait, Mon Cousin, en sa sainte garde. Escrit à Gouy le sixiesme iour de Septembre 1592. Signé HENRY. Et plus bas, POTTIER. Et à costé. Je vous prie Mon Cousin, de donner ordre qu'incessamment S. Paul & Beaulans soient desmantelez. Mon Cousin, ie vous escriuis hier, mais on me vient de rapporter que le messager a esté pris.

AVTRE LETTRE DE S. M.

A V M E S M E,



ON' COVSIN, Je vous escriuis hier, mais on me vient de rapporter que le messager a esté pris. Le Duc de Mayenne s'est encore recullé, & n'a pas les forces que l'on disoit. Il a pour le plus, six cens chevaux; & des trois mille hommes de pied qu'il auoit, en ayant enuoyé à Meaux, il peut luy en estre demeuré deux mille cinq cens. Les nouuelles que i ay du Pays-bas portent, que le Duc de Parme est à l'extremité; qu'il a retardé la venue des forces qu'il faisoit assembler contre moy, & remis son partement au 15. du mois prochain. Mais l'on ne sçait pas bien s'il pourra donner à sa vie vn si long terme. On m'apprend aussi que le Comte Maurice a pris le chasteau de Commerden, & qu'il a deffait les troupes que le Duc de Parme y auoit enuoiées pour le secourir, qui sont celles-là mesme qu'il deuoit amener dans mon Royaume. Mais ie ne vous donne pas cette deffaitte pour chose bien certaine; car elle ne m'est pas asseurée. I'ay mandé à mon Cousin le Cardinal de Bourbon & à ceux de mon conseil, de se trouuer Samedy ou Dimanche à Senlis. Je seray, s'il plaist à Dieu, Lundy à Crecy; car il n'y a rien par sa grace, qui me puisse empescher le passage. Cependant ie donne le meilleur ordre que ie puis du costé de deça; & tel que quand i'en serois à cent lieues, i'auray le temps de venir empescher le mal qui pourroit y arriuer. Ie vous prie de vostre costé d'employer mon armée en ce que vous iugerez qu'elle pourra seruir plus vtilement, comme par vostre prudence vous le sçaurez bien iuger. Je priay Dieu qu'il vous ait, Mon Cousin, en sa sainte garde. Escript à Noyon le 9. Septembre 1592. Signé HENRY. Et au deslous RVZE. Et à costé est escrit. I'ay trouué que les villes de ce costé-cy ont merueilleusement bien trauaillé. Ie vous laisse à penser si ie leur feray perdre la volonté de continuer. Depuis la presente escrite & fermée, i'ay receu aduis que le Duc d'Aumalle arriua hier au soir à la Fere, & qu'à Trauery, qui en est à demie lieuë, sont logez bon nombre de chevaux; & dit-on que c'est pour prendre le chemin d'A-miens.



AVTRE LETTRE DE S. M.

AV MESME.

MON COVSIN, Estant arriué en ce lieu-cy, ie trouuay que l'aduis que ie vous auois donné ce matin, que le Duc du Mayne deuoit venir à Paris, estoit vray. Car il est arriué sur les huit heures, avec trois ou quatre cens chevaux & quelques gens de pied; & sur les neuf heures y sont arriués les garnisons de Dreux & de Verneuill, qui peuuent estre de cent cinquante bons chevaux, qui me feroient changer d'aduis. L'auois enuie de vous voir demain icy; mais il est à propos que vous ne bougiez, & que vous pouruoyés à la seureté des logis de nostre infanterie & de nostre caualerie. Car les ennemis forts comme ils sont, pourroient bien entreprendre quelque chose. Il faudra ordonner à la caualerie, qui est logée en la France, qu'elle fasse garde du costé de Paris. Si j'apprens quelque autre chose, ie vous en donneray aussitost aduis, comme aussi vous de ce que vous scaurez. Sur ce Dieu vous ait, Mon Cousin, en sa garde. Ce 24. iour d'Octobre à S. Denis à midy. Signé HENRY.

AVTRE LETTRE DE S. M.

AV MESME.

MON COVSIN, Ie vous ay mandé par le sieur du Buat ce que vous auez à faire pour mon armée, & l'ordre que ie desire que vous donniez. C'est à quoy ie vous prie de pouruoir dans aujour-d'huy, & de me venir trouuer demain matin, pour aduiser au reste de mes affaires, surquoy ie seray bien-aïse d'auoir vostre aduis. Et sur ce ie prie Dieu, Mon Cousin, qu'il vous ait en sa garde. De S. Denis le 25. d'Octobre 1592. Signé HENRY. Et plus bas, POTTIER.



AVTRE LETTRE DE S. M.

A V M E S M E.

MON COVSIN, Il est necessaire que ie confere avec vous de plusieurs choses. Je vous prie de donner vn si bon ordre à ce que vous iugerez estre necessaire pour la seureté de mon armée en vótre absence, que vous me puissiez venir trouuer demain, non seulement pour y dîner, mais pour y coucher, s'il est possible. Et en ce cas estuioiez dès aujourd'huy prendre vos logis, priant sur ce Nostre Seigneur qu'il vous ait, Mon Cousin, en sa sainte garde. Escrit à S. Denis le 25. iour d'Octobre 1592. Signé HENRY. Et plus bas, RVZE. et à costé. J'ay sceu que le Duc de Mayenne n'a point amené d'infanterie, & que les troupes de Dreux s'en retournent aujourd'huy. Je feray bailler ce que vous m'escriuez.

AVTRE LETTRE DE S. M.

A V M E S M E.

MON COVSIN, Aussitost que j'ay esté arriué icy, ie vous ay despesché mon Homme; par lequel ie vous mande que ie seray demain de bonne heure en mon armée, & l'occasion pour laquelle i'estois demeuré à Senlis. Mais il estoit aujourd'huy plus de neuf heures du matin auant que d'y auoir rien fait. Au moins i'en ay fait vne partie, & emporté avec moy quelque peu d'argent. Comme ie commençois à m'endormir, on m'est venu réveiller pour vne tres-bonne nouuelle, dequoy aussitost ie vous ay voulu faire part. C'est qu'vn Gentilhomme que m'a enuoié le sieur de Themines, m'a apporté la desfaite de M. de Ioieufe deuant Villemur. Il est mort deux mille hommes en ce combat. Il y a cinq canons de pris & 26. enseignes. C'est vne des plus heurieuses victoires que nous eussions sceu l'ouhaier. Je vous prie d'en faire chanter le Te Deum, & tirer le canon. Je voudrois tous les soirs estre réuillé par d'aussi bonnes nouuelles, à peine de ne dormir d'vn mois. Bon soir, Mon Cousin. Ce Samedy à onze heures du soir xi. de Novembre 1592. à S. Denis. Signé HENRY. Et plus bas, l'oubliais à vous dire que Pardailan, que vous auez veu Lieutenant de la garde des Suisses du feu Roy, est mort sur la place.



A V T R E L E T T R E D E S. M.

A V M E S M E.




ON COVSIN, Durant la grande pluye qu'il faisoit ce soir, i'estois à voir faire la retraite des ennemis. Ils sont allez coucher à Marle. Mais ie vous puis bien asseurer que ceux qui faisoient la retraite, n'y sont arriuez qu'à vne heure de nuit, & qu'il y a bien eu des laines mouillées. Ils vont demain coucher à Guise. Cela m'a fait prendre la resolution de partir demain matin, & de me trouuer au rendez-vous, qui est à Crecy sur Serre, à trois lieues d'icy. I'espere d'estre là à dix heures du matin, avec tous les gens de guerre & tous les harquebuziers à cheual que ie meinc. I'essayeray de donner quelque estrette aux ennemis; & faire quelque bon effet. Les vallets & les bagages iront au quartier que l'on fera au rendez vous. C'est pourquoy ie vous prie, si vostre santé vous le peut permettre, de vous trouuer audit Crecy de bonne heure. Je fais refaire les ponts de Liesse, de sorte que demain à l'heure que vous voudrez passer, vous les trouuerrez prests. Car à l'heure que ie vous escriis, il y a encore de nos troupes qui ne sont pas logées. I'ay eu aduis, que pource que nous pressons le Prince de Parme, Monsieur du Mayne le conduira iusques en Flandres, & ne luy laissera pas vn homme de guerre. Si i'apprens quelque autre chose, ie vous en feray part demain, que i'espere de vous voir. Bon soir, Mon Cousin. De Mistli ce Mercredi à neuf heures du soir 28. de Nouembre. Signé HENRY.



AVTRE LETTRE DE S. M.
A V M E S M E.



ON COVSIN, Sur les nouuelles que j'ay de l'entrée du Duc de Parme en mon Royaume; ie vous enuoie le sieur d'Arcon, pour vous dire l'estat auquel il m'a laissé, la resolution que j'ay prise, & ce que ie desire de vous. Je vous prie de le croire, en tout ce qu'il vous dira de ma part, & de me fortifier de vostre prudence dans la conduite de mes affaires, & de vostre secours dans l'occasion qui se presente, comme vous m'en auez rousiours fait paroistre la volonté & les effets. Je prie sur ce Nostre Seigneur vous auoir, Mon Cousin, en la sainte & digne garde. Escrit au Camp deuant Rouën le dernier iour de Novembre 1592. Signé HENRY. Et plus bas, RVZE. Au dessous. Depuis ma lettre escrite, j'ay eu aduis que le dessein de mes ennemis est sur Compiègne; & d'effet par lettres interceptées j'apprens que Tremblecourt en demande le Gouvernement au Duc de Mayenne, quand cette ville sera prise. C'est pourquoy ce quartier-là a bon besoin de vostre presence. Je vous enuoie aussi le sieur de Thoys au lieu du sieur d'Arcon, pour vous dire mon intention; & me rapporter vostre resolution. Je fais venir à Melun mes Suisses qui sont à Sedan, afin de nous en seruir selon que l'occasion s'en offrira. Signé HENRY. RVZE.



AVTRE LETTRE DE S. M.
A V M E S M E.

MON COVSIN, Je pensois monter à cheual pour aller à Chaulny, & retourner dès ce soir en cette ville, pour partir demain, & me rendre Lundy à Crecy. Mais vne grosse fièvre m'a pris, & me tient il y a quatorze heures sans qu'il y ait encore apparence de diminution, ni que les Medecins sçachent dire quelle elle est, & quelle elle sera. A ce soir, ou demain matin, ie vous en manderay des nouuelles. Cependant ie trouue très-bon vostre aduis, de faire passer mon armée où vous m'avez escrit, pour les raisons que vous me mandez; & pour oster tout ombrage à celuy duquel vous m'avez enuoié le double de la lettre qu'il m'escrit. Au suiet de laquelle, ie vous puis asseurer, que ie n'ay iamais pensé, comme ie luy fais entendre par ma response. Je mande la mesme chose au sieur de Sency qui est de ses amis; & luy ordonne de le luy dire plus particulierement de ma part. Vous pouuez executer vostre dessein sans peril; car le Duc d'Aumalle s'est retiré avec toutes les forces de Picardie en telle diligence, qu'il n'a osé séjourner en vn seul lieu, qu'une heure à la Fere; encore a-t'il laissé de ses plumes à la garnison de Chaulny. Le reste de l'armée ennemie est fort diminuée. Elle s'est logée le long de la riuier d'Esne, tirant de Soissons à Rethel. Toutefois de peur qu'elle n'entreprenne quelque chose, ou qu'elle ne donne l'alarme à ceux de mes villes de Chalons, Espernay, & autres de mon pays de Champagne, les voyant éloignez de secours, i'escris aux sieurs de Thomassin, & de Vignerolles, qu'ils se gardent de surprise, & qu'ils s'assurent de mon bref retour, comme ie leur ay promis. Les nouuelles du Pais-bas continuent la prise de Couuerden, & la deffaitte de trois regiments de Lansquenets, & de la cauallerie qui estoit enuoyée pour le secourir. S'il est ainsi, le Duc de Parme ne peut entreprendre à venir en mon Royaume de plus de trois mois. I'ay aduertit Mon Cousin le Cardinal de Bourbon, les sieurs de mon conseil & d'O de se trouuer auiourd'huy ou demain à Sens, afin de les y prendre, & de les mener avec moy à Melun; où il me tarde que ie ne sois desia arriué. Priant sur ce Nostre Seigneur vous auoir, Mon Cousin, en sa sainte & digne garde. Escrit à Noyon le 12. iour de Septembre 1592. Signé HENRY. Et plus bas, RVZE.

LETTRES DE S. M. A V MESME.

Pendant l'Année M. D. XCIII.



MON COVSIN, l'ay tant fait que ie suis party de Châlons; & suis venu trouuer mon armée en ce lieu-cy. I iray demain, s'il plaist a Dieu, loger à Sompy, & m'aduanceray encore Dimanche trois ou quatre lieues plus auant. Ie suis mesme resolu d'aller encore plus loin, s'il en est besoin, pour fauoriser vostre passage. Ie vous prie, Mon Cousin, faisons diligence, & nous hastons de faire quelque chose de bon pendant que la saison est belle, & que l'estonnement est parmy nos ennemis. Rosne a rompu le corps qu'il commandoit, & ietté ses troupes dans les places. Cela estant, il n'y a plus personne qui nous empêche de bien faire, si nous voulons ne perdre point de temps. I'attens de vos nouuelles, & prie Dieu qu'il vous ait, Mon Cousin, en sa sainte & digne garde. Escrit au Camp de Suippe le 17. Ianuier 1593. Signé HENRY. Et plus bas, RVZE.

A V T R E L E T T R E D E S. M. A V M E S M E.

MON COVSIN, Le desir que i'ay de vous donner tous les moyens que la necessité de mes affaires me peut permettre, pour l'entretienement des forces qui me doiuent seruir près de vous en vostre Gouuernement, & des garnisons de mes places, m'a fait expedier les ordonnances que ie vous enuoye cy enclofes. Ie vous prie de les faire executer, & des deniers qui en prouiendront, pouruoir à l'entretienement des garnisons du Duuois, Iurin, Vaudier & Amos qui ont esté obmises l'année passée, & de les faire employer sur l'estat des garnisons de ladite Prouinee, selon que vous iugerez estre requis pour le bien de mon seruice & le soulagement de mes suiets. Et en cas que vous trouuiez qu'il y ait quelques-vnes des garnisons qui ne soient pas necessaires, ie vous prie de pouruoir à leur payement pour le passé, & de les licentier. Sur ce, ie prie Dieu qu'il vous ait, Mon Cousin, en sa sainte & digne garde. Du Camp de Gouÿ le 23. iour d'Avril 1593. Signé HENRY. POTTIER.

AVTRE LETTRE DE S. M.
AV MESME.



ON COVSIN, Depuis la presente escrite & fermée; qui est le duplicata de celle que ie vous ay enuoiée, par vne autre voie, & que i'ay gardée iusques à ceiourd huy, pour la vous faire tenir par cette commodité; ma fièvre, grace à Dieu, m'a quitté du tout, & i'espère qu'elle ne me reprendra plus, de façon que ie partiray demain, sans faillir, pour me rendre en mon armée, suivant ce que ie vous ay mandé. Encore fusse-je parti dès aujourd'huy, si mon Cousin le Duc de Bouillon fust arriué hier, comme ie l'attendois, pour donner ordre à nos garnisons; mais s'estant voulu purger, il ne sera icy que tantost. Signé HENRY. Et plus bas, RVZ^{le}. A Noyon le 11. Septembre 1593.

AVTRE LETTRE DE S. M.
AV MESME.

MON COVSIN, Les sieurs de Marfilly & d'Edouille reuenans de la guerre, m'ont rapporté qu'ils ont donné iusques aux quartiers où ces iours passez les ennemis ont logé, & qu'en estans partis ce matin, ils ont passé la riuieré d'Eure à Lisy, & sont allez prendre les logis de Germigny, Coullons, & Venedrets. Leur délogement nous fera changer de dessein. C'est pourquoy ie vous prie de partir demain du matin pour venir disner en ce lieu-cy, afin que nous aduisions à bon escient à tout ce qu'il y a à faire. Ie vous recommande aussi que l'on trauaille au fort sans discontinuation; & mesme quand vous n'y serez pas. Voila ce que i'ay appris à mon retour; & ce que ie desire qui soit fait. Sur ce ie prie Dieu qu'il vous ait, Mon Cousin, en sa sainte garde. De S. Denis le 22. iour d'Octobre 1593. Signé HENRY. Et plus bas, POTTIER.






AVTRE LETTRE DE S. M.

A V MESME.



ON COVSIN, La Cheuesche est angluée, & les ennemis monstrent peu de courage. Ils sont cinq cens dans la place, & se sont laissé bloquer par M. de Morolles avec deux cens harquebusiers. Ils ne me peuuent eschâper, Dieu aidant. J'ay fait logger tout ce que l'ay amené de troupes avec moy, aux plus proches villages, qui ne sont qu'à mille pas de la place. Je vous prie de faire hastier vos canons, & faire ce que ie vous ay mandé par mon Cousin le sieur d'Amuille. Adieu. De Lignerolles près Patay ce Mardy à neuf heures du matin 17. iour de Novembre 1593. Signé HENRY.



AVTRE LETTRE DE S. M.

A V MESME.

MON COVSIN, Je vous enuoie la lettre cy enclose, par laquelle vous verrez comme ceux de Patay sont inuestis. J'ay pensé qu'il estoit necessaire que vous ne bougeassiez de l'armée, de peur que les ennemis, ou autres, prissent quelque chose pendant vostre absence. C'est pourquoy j'ay prié mon Cousin le sieur d'Amuille, d'aller là, pour m'amener les deux canons, avec les Regimens de France qui sont logez dans Morigny; & le Regiment de Balthasar ou de Halt. Mais il faut vser de diligence, & doubler plustost l'esquipage de l'artillerie, à ce qu'elle puisse pour le moins venir coucher en ce lieu. Par mondit Cousin vous entendrez ce que ie luy ay commandé de vous dire, le croiant comme moy-mesme. Sur ce Dieu vous ait, Mon Cousin, en sa sainte garde. D'Angerville le Mardy entre vne & deux heures apres minuit 2. Novembre. Signé HENRY.

AVTRE

AVTRE LETTRE DE S. M.
AV MESME.



MON COVSIN, Ces gens n'ont point de courage. Ils se sont rendus ce matin à ma discrétion. Ils estoient cinq à six cens soldats, & vingt cinq gend'armes du sieur de la Chastre. l'espere d'estre demain de bonne heure à Estampes. Bon iour, Mon Cousin, le 18. iour de Nouembre a neuf heures du matin à Pignerolles. Signé HENRY. Et à costé, Je feray pendre cent de ces soldats qui nous ont fait des trahisons; & si i'auois des galcres, ie les y enuoyrois tous. Pour les Capitaines, ie les retiens prisonniers pour retirer des nostres, ou i'en feray ce que ie voudray. Ces deux regimens estoient à M. de Guise. C'est la reuanche de Giury. Je luy veux mander.

AVTRE LETTRE DE S. M.
AV MESME.

MON COVSIN, Marchant pour aller à S. Quentin, ie m'arrestay hier en ce lieu-cy, pour prendre vn chasteau qui estoit occupé par mes ennemis; & qui incommodoit grandement le passage d'entre S. Quentin & Chaulny. Apres l'auoir mis en mon obeissance, i'eus aduis que l'armée de mes ennemis quiauaue tousiours, tire vers Soissons. Cela m'a fait changer de dessein, & retourner sur mes brisées pour m'approcher d'elle, faire la guerre, & incommoder mes ennemis sur leur passage. C'est pourquoy, Mon Cousin, ie vous prie de vous approcher promptement d'Espernay avec toute vostre cauallerie, suivant ce que ie vous ay cy-deuant mandé. Estant là vous iugerez par les aduis que vous aurez du sieur de la Nouë & ce que vous apprendrez de mes ennemis, ce que vous aurez à faire. Si vous venez promptement, & que nous puissions ioindre nos forces, i'espere que nous ferons quelque belle action. Je vous prie que i'aye de iour en iour de vos nouuelles. Je vous escriray plus au long demain par celuy qui m'a apporté vos dernieres lettres. Sur ce ie prie Dieu qu'il vous ait, Mon Cousin, en sa sainte & digne garde. Du Camp d'Aunay le 17. iour de Nouembre 1596. Signé HENRY. POTTIER.

AVTRE LETTRE DE S. M.
AV MESME.



MON COVSIN, N'ayant pas voulu partir de Senlis, que ie n'eusse de l'argent, & les munitions qui me sont necessaires pour le fort, ie n'ay peu auoir le tout qu'à neuf heures du matin. Je suis aussitost party pour me rendre icy, & ay fait conduire les munitions avec moy. Si mon armée a passé la riuere, & qu'elle soit logée assez loing au delà, elle y pourra leiourner demain. Si elle n'est pas encore passée, faites la passer, ie vous prie, demain de grand matin, pour la faire aduancer le plus que vous pourrez. De ma part, ie suis resolu de desloger demain & me rendre à midy au passage de la riuere. l'espere de vous y voir; c'est pourquoy ie ne vous feray point de plus longue lettre, priant Dieu vous auoir, Mon Cousin, en sa sainte garde. De S. Denis le 7. de No- uembre 1597. Signé HENRY. & POTTIER.

AVTRE LETTRE DE S. M.
AV MESME.

MON COVSIN, Incontinent apres que vousfustes party hier au soir d'avec moy, le sieur de Biron y arriua, qui me dit auoir tellement pourueu à ce que l'on continuast le travail pour le regard des tranchées, que ma presence n'y estoit nullement necessaire. Nous resolumes de partir de bon matin pour faire vn tour allentour de la ville, & reconnoistre mieux le lieu où nous ferons faire la batterie. Le sieur de Biron s'y trouuera. Et pource que ie desire infiniment que vous y soyez, ie vous prie, Mon Cousin, de monter incontinent à cheual, & passer le ruisseau pour vous rendre aux fauxbourgs où est logé S. Luc; afin que nous aduisions ensemble au lieu le plus propre pour faire ladite batterie & toutes choses necessaires. Bon iour, Mon Cousin, ce mardy à quatre heures du matin 28. de Iuillet. Signé HENRY.



R E S P O N S E S

 DE M. LE DVC DE NEVERS
 AVX LETTRES DV ROY
 HENRY LE GRAND.


I R E,

Je n'ay pas accoustumé d'estre importun à mon Roy; mais de luy rendre tous les services dont ie suis capable, & de ne luy rien cacher des choses qui luy sont de conséquence. C'est ce que j'ay fait iusqu'à present; & cependant ie n'ay pas eu vn seul mot de response de Vostre Maiesté. C'est pourquoy ie la supplie encore aussi humblement que ie dois, de me faire cette grace, ou de me mettre en estat de luy pouuoir rendre le tres-humble service que ie luy dois, ou de me permettre de me retirer avec sa bonne grace; afin que ie ne contreuienne ni à son contentement, ni à mon desir. Elle verra, s'il luy plaist, les lettres que ie luy enuoye, & connoistra par leur lecture, quelle est la charge que j'ay sur les bras, & quels sont les moyens que j'ay pour la soustenir. Elle fera là-dessus telle resolution qu'il luy plaira, afin que suiuant les mesures qu'elle aura prises, ie puisse prendre les miennes. Je m'en vay demain vers Chaalons, avec peu d'esperance de rien faire de bon. Car toutes choses me manquent, excepté le courage, qui demeurera tousiours inébranlable dans son deuoir iusqu'au dernier soupir. Je n'importuneray pas dauantage V. M. & demande à Dieu de tout mon cœur, qu'il vous donne toute la bonne fortune qui vous est necessaire & que vous meritez. De Chasteauthierry ce 3. Septembre 1590. Vostre tres-humble, tres-obeissant seruiteur & suiet, LVDovic DE GONZAGVE.

II. PART.

Vv ij



AVTRE RESPONCE
DE M. DE NEVERS.
A S. M.

SIRE,

Si la necessité ne me pressoit pas de si près, ie n'aurois garde d'importuner V. M. parmi tant d'autres grandes affaires qu'elle a sur les bras. Mais craignant de faire faute à son service, en luy desguisant la verité des choses, ie suis contraint de vous faire entendre, que M. de Versenay Thresorier general de Chaalons, & deux deputez de cette ville-là estans venus icy pour me saluer, les Colonels & les Capitaines des Suisses s'en sont venus me trouver dès le lendemain, pour sçavoir certainement quand ils pourroient recevoir le premier prest déjà escheu, & quelles esperances ils auoient de recevoir les autres de temps en temps, & pareillement le premier mois en draps & en habillemens. Le leur ay dit qu'il n'y auoit aucuns deniers en la recepte generale, ni esperance d'en recouurer cy apres, sinon que par la force, ainsi que les Thresoriers & les habitans m'auoient dit. Ils se resolurent en leur presence mesme & des personnes de condition qui estoient près de moy, non seulement de ne marcher point, mais de s'en retourner au plustost. Ce qui fut cause, apres auoir employé toute la iournée à les arrester, de faire resoudre les sieurs de Versenay & les habitans de promettre, que dans Lundy prochain ils receuroient dix-neuf cens escus, faisant le parfait payement de trois mille deux cens escus de leur premier prest; en comptant mille escus que ie leur ay fourni du mien, & trois cens escus que j'ay tirez des habitans de Fere en Tardenois, contribuables aux tailles de cette eslection. Ie les ay aussi fait obliger de fournir, outre cet argent, deux cens & tant d'aunes de drap en cette ville. Pour y satisfaire, il m'a fallu faire contraindre le Receueur de vos tailles de les payer. Car il disoit ne pouoir faire ce payement, parce qu'il auoit eu mandement de l'employer aux charges de sa recepte, & au payement de la garnison de ce cha-

steau ; & non ailleurs. Cela étant ainsi exécuté, j'ay fait resoudre les Suisses à marcher. Et parce que, Sire, ie ne suis point coustumier de faire de telles diuersions de vos finances, & que d'ailleurs ie preuois que la necessité augmentera tousiours ; ie vous supplie tres-humblement de commander à quelques-vns de vos Officiers, d'ordonner & de disposer de vos finances ; afin que dorefnauant le payement des Suisses se fasse par d'autres ordres que les miens, & que ie ne sois point responsable de semblables choses ; qui sont toutes opposées à mon esprit & à ma coustume, & qui sont suiettes à estre blasmees, particulièrement en vostre absence. Je suis aussi contraint de représenter à V. M. qu'ayant employé toute la diligence & tout le soin possibles, pour dresler icy vn attirail de cent cheuaux d'artillerie ; & ayant employé mille elcus de mon argent pour acheter des cheuaux, des charrettes & autres vstancilles, j'esperois me mettre en campagne, pour commencer à reprendre vne grande quantité de petits chasteaux & de petites villes qui sont icy allentour, & qui non seulement empêchent la leuée de vos tailles ; mais qui sont mille maux à vos suiets. Cependant ie me trouue bien loin de mon attente. Car l'on vient de me dire que V. M. enuoie querir les poudres & les balles qui sont dans ce chasteau. Si cela est ainsi, c'est bien vainement que j'ay fait tant de seiour en cette ville ; & qui pis est, ie ne sçay à quoy m'employer : parce que les Thresoriers generaux & les habitans de Chaalons m'ont asseuré qu'il n'y a que fort peu de poudres & de balles à canon dans leur ville. Ce qui m'afflige infiniment, me voiant dénué de tous les moiens de vous rendre seruice comme i'en ay la volonté, & à quoy V. M. s'attendoit. C'est ce que ie suis contraint de luy faire sçauoir, afin qu'elle ne m'impute pas, s'il luy plaist, la faute & le retardement qui arriuera certainement cy apres, en la poursuite de ses affaires. Il faudra en reietter toute la cause sur le peu de moiien que i'en ay. Neantmoins pour n'estre pas tout à fait inutile, ie me refous de marcher demain, tout impuissant que ie suis, du costé de Chaalons. Je donneray aduis à V. M. de ma marche, & de ce qui se pourra faire pour son seruice. Au reste ; Sire, V. M. se souuiendra, s'il luy plaist, de la seule requeste que ie luy ay faite tandis que j'ay esté auprès d'elle, qui est d'auoir ma Femme pour recommandée, sçachant bien que par mon absence, elle receura beaucoup de trauerfes & de desplaisirs par ceux de la Ligue. Il pleust à V. M. de me promettre, qu'elle en auroit vn soin tout particulier. C'est pourquoy ie m'adresse à elle, pour la supplier tres-humblement de luy faire raison de certains habitans de Sancerre, qui sous ombre d'amitié, se sont alliez au parti de la ville de Verdy ; & à l'instant se sont saisis de cette ville qui est au milieu du Niernois, & qui est comprise au nombre des villes de ce Gouvernement-là. Elle a de tout temps payé les tailles à V. M. & au feu Roy, & outre cela est demeurée caution

de deux mille escus de contribution que ie fis faire aux Reistres & aux Lanquenets, qui conduisoient l'année passée M. de Tisé Cheruberg, sans que les habitans de cette ville ayent iamais fauorisé ni donné aucune assistance à vos rebelles, bien qu'ils soient en quelque sorte dependans de ceux d'Auxerre. Quelque temps auant que ie sortisse de Niuernois, ils me reconnurent pour leur Gouverneur; & par consequent ils doiuent estre asseurez sous vostre obeissance, contre le reste du pays. Ne se deffians point aussi des gens de guerre & autres qui estoient de Sancerre, ils les receurent comme amis & comme vos seruiteurs, & leur ouurirent leurs portes. Cependant ils ont eu la meschanceté de rançonner cette pauvre ville. Trahison qui donne vn grand ennuy à ma Femme, pour le mespris que cette action témoigne que ces gens-là font d'elle; & pour se voir en mon absence, si indignement traitée, par ceux-là mesme qui sont particulièrement obligez de la respecter, & de l'assister contre vos ennemis & les siens. C'est pourquoy ie supplie tres humblement V. M. Sire, de desauouer ceux qui ont fait vn acte si noir: de leur faire commandement de sortir de la ville de Verd, sans faire aucun desplaisir aux habitans: & à leurs Chefs, de la venir trouuer où elle est, pour les entendre, & pour les faire chastier comme ils ont merité. A la verité, Sire, ce m'est vn grand creueccœur de me voir icy employé pour vostre seruice, & cependant que ma Femme soit si outrageusement offensée à cause de mon absence. I'ay vn extreme desplaisir d'estre contraint d'importuner V. M. de ce facheux discours. Je m'asseure neantmoins qu'elle a assez de bonté pour ne le pas trouuer mauvais, & pour y donner l'ordre qu'elle verra y estre requis, afin que toute la France connoisse que V. M. tient ma Femme pour sa tres-humble seruante. En cet endroit ie supplie le Createur qu'il vous donne, Sire, très-heureuse & très-longue vie. A Chasteauchierry le vingtiesme Septembre 1590.



AUTRE RESPONSE

DE M. DE NEVERS
A S. M.

SIRE,

Le sieur de Crecey present porteur, s'en va trouver vostre Majesté de la part de M. de Sessac, pour la retention de sa personne & de son bagage qui a esté faite en la ville de Langres; & afin qu'il plaise à Vostre M. de prendre sa protection, & declarer qu'il a esté mal pris, attendu qu'il n'a iamais porté les armes contre le feu Roy ny contre V. M. Au contraire il est demeuré paisiblement en sa maison dès le commencement des troubles, & n'a fait aucun acte d'hostilité depuis son retour du voyage où il fut engagé par le feu Roy, pour accompagner Madame la grande Duchesse de Toscane. D'ailleurs le tesmoignage qu'il a de M. de Montmorency, & le passeport qu'il luy a accordé pour venir en sa maison de Champagne, tesmoignent assez quelle est son intention, & quelles sont ses inclinations. Il est aisé à iuger que si M. de Montmorency l'eust connu autre que tres-affectionné à vostre service, il ne luy eust pas accordé ce passeport. Cetre raison seule m'oblige d'escire à V. M. en sa faueur. S'il arriue, Sire, que V. M. trouue bonnes les raisons que le sieur de Crecey luy fera entendre pour la iustification dudit de Sessac; ie la supplie tres-humblement de vouloir fauorablement declarer sa volonté selon sa bonté accoustumée. Ce que ie veux croire qu'elle aura agreable, priant Dieu qu'il vous donne Sire, vne tres-heureuse & tres-longue vie. A Chasteauthierry le 28. de Septembre 1590.





A V T R E R E S P O N S E

D E M. D E N E V E R S

A S. M.


S I R E,

Ce m'est vn extreme desplaisir d'estre reduit à la necessité de ne pouuoir escrire à V. M. que des lettres importunes & fâcheuses. Car sans comparaison ie prendrois beaucoup plus de plaisir à luy escrire de bonnes nouuelles que de mauuaises, non seulement pour luy donner le contentement qu'elle attend de moy; mais aussi pour auoir ma part de cette satisfaction. Mais puisque le malheur me poursuit si obstinement, ie ne puis que pour me soulager vn peu, ie n'en fasse le recit à V. M. & ne luy apprenne ce qui se passe par deçà. Ie luy escriuis hier au matin, le siege de Ville-franche fait par M. de Lorraine, & la resolution que i'auois prise de secourir cette place de tout mon pouuoir. Maintenant ie suis contraint de luy dire, qu'hier au soir il m'arriua vn nommé Thierry, qui est de Lamets. Il est sorty de Ville-franche avec charge expresse de la part de ceux qui sont dedans, de me dire que si dans Dimanche, qui est demain, ie ne faisois leuer le siege, ils seroient contraincts de se rendre. Cette nouuelle m'a paru aussi fâcheuse, qu'elle m'a paru estrange; parce que l'estang n'est pas escoulé. L'eau du fossé ne l'est pas aussi, & le canon n'est pas encore en batterie; & par consequent il n'y a ni bresche faite, ni aucun moien de donner l'assaut. De sorte qu'il faut conclure qu'il y a de la trahison, ou vne terreur panique qui leur ait fait perdre le courage. Car ceux qui connoissent la place, n'estiment pas que Monsieur de Lorraine la puisse forcer de trois sepmaines ni vn mois. I'ay tout aussitost escrit, par diuerses voyes, aux Officiers qui commandent dans la place, pour les rassurer, & leur faire voir qu'ils n'estoient en aucun danger. Ie leur ay promis aussi qu'auant qu'il y ait vne bresche raisonnable, ie les auray secourus. Mais le malheur est qu'ils tiennent la place si bien fermée de tous costez, qu'ils se figurent qu'il est fort malaisé d'y pouuoir faire entrer des forces. Non-

obstant

obstant ce desgoust general, i'ay escrit à M. du Nuël d'enuoier deux ou trois hommes l'un apres l'autre, afin que l'un d'eux, s'il est possible, entre dans la place. J'en ay escrit autant à M. de Terteron & à M. le Lieutenant Godet, afin que chacun de sa part, fasse ce qu'il pourra pour conforter & asseurer les assiegez. Pour moy, Sire, j'ay laissé toutes choses en arriere, & me suis acheminé en ce lieu de Notre-Dame de l'espine, en intention d'estre ce soir, Dieu aidant, à sainte Manchoust, afin au moins d'arrester les progres de M. de Lorraine, & empescher qu'il ne passe plus loin que Ville-franche, car Mouzon le rendroit infailliblement à luy. Pour ceux de sainte Manchoust, ils ne sont gueres plus asseurez. Ils m'ont prié de les assister. V. M. croira, s'il luy plaist, que ie n'y manqueray pas. Il me surviendra quelque grand empeschement, ou dès ce soir ie fais dessein d'aller à eux avec les Suisses que j'ay, & d'y mener trois ou quatre cens hommes de pied, & cent chevaux seulement; car ie n'ay que cela. Je sçay qu'avec ce peu de forces ie ne dois pas attaquer celles de M. de Lorraine, qui a six mille hommes de pied & huit cens chevaux. Mais ie feray tout ce qui me sera possible. Si mes forces étoient approchantes des siennes, ie ne ferois nulle difficulté de les combattre. Cela n'estant pas, ie ne hazarderay rien, & conserveray comme la prunelle de mon oeil, le peu de forces que vous avez icy. Il ne faut pas parvn combat incertain, luy donner la liberté de faire de plus grands progres en cette Prouince. Je demeureray donc sur la simple desfensive, iusques à ce que ie puisse estre vn peu plus fort, comme ie veux croire que ie seray, si chacun a autant d'affection que moy de conserver cette Couronne. Lorsque ie pourray me mesurer avec le Duc de Lorraine, j'espere de luy donner assez d'empeschement pour n'entreprendre rien dauantage au preiudice de cette Prouince. Je diray à V. M. que tout ce pays-cy se ressent infiniment de la treve que ceux de Mets ont faite avec la Lorraine. Je vous diray donc, Sire, que s'il ne plaist à V. M. de faire faire vne leuée de deux mille Suisses, comme ie luy manday le iour d'hier; & d'enuoier en cette Prouince trois ou quatre cens Reistres, ie crains bien fort que la Noblesse volontaire ne se resolve à demeurer plustost chacun en sa maison en repos, sous la sauuegarde de vos ennemis, que non pas de se mettre en campagne sans esperance & sans argent. D'ailleurs s'il arriue qu'elle refuse de servir, l'on ne l'y pourra contraindre; & le mal que cette Prouince receura ne les y pourra obliger; parce que sa desolation n'apportera aucun preiudice ni aucun dommage aux Gentilshommes. Il y a encore vn autre inconuenient en cela. C'est que tandis que ie seray occupé près de Monsieur de Lorraine, ie ne pourray faire leuer les tailles qui sont deuës; ni recevoir aucun argent pour payer les Suisses, & par ce moien ils ne feront rien qui vaille, comme ils y sont desia assez disposéz. Cependant ie demeureray tout seul. Mais quand bien les

Suiffes ne voudroient pas quitter le feruice, & que ie les pourrois dif-
 pofer à demeurer; dans deux ou trois mois ils feront reduits à fix ou
 fept cens foldats feulemēt; ce qui ne feroit pas vn corps considera-
 ble: & neantmoins ils coufteroient plus à V. M. que s'ils estoient
 deux mille complets. Ie ne puis luy representer les chofes comme
 elles font; c'est pourquoy ie laiffe à fon grand iugement à y pouruoir
 comme il verra estre le plus expedient. Pour moy, Sire, ie m'engage
 derechef à V. M. d'y emploier mon bien & ma vie, comme i'ay fait iuf-
 ques icy, bien que ie me trouue defnué de tous moiens. L'on fait
 courir le bruit que M. de Lorraine pretend faire fa Court à Rheims, &
 faire declarer M. le Marquis de Pont son fils, Comte de Champagne.
 Mais d'autant que ie n'en ſçay rien de certain; ie n'en diray rien auffi
 dauantage à V. M. Mais il eſt de mon deuoir de luy donner aduis de
 cette grande leuée de gens de guerre que monsieur de Lorraine a fai-
 te, & de la trefue de Mets. Sans cette trefue faite fi mal à propos, il
 eut eſté moins difficile de l'empeschier de venir attaquer Ville-franche;
 & pour n'en rien diffimuler, de la prendre, comme ie n'en doute plus.
 Sur ce ie prieray Dieu de vous donner, Sire, tres-heureuse & tres-lon-
 gue vie. De Nostre-Dame de l'Eſpine ce ſixieſme d'Octobre 1590.





AVTRE RESPONSE
DE M. DE NEVERS
A S. M.

SIRE,

J'ay esté tres-aisé d'auoir l'occasion de ce porteur, qui vient de Mets, pour faire entendre à V. M. le sommaire de ce que ie luy ay fait sçauoir par mes lettres escrites le iour d'hier & ce matin. En vn mot, Sire, c'est l'extreme necessité de toutes choses où ie me trouue, & tous vos seruiteurs de cette Prouince avec moy. J'ay d'ailleurs vne grosse armée de Lorrains sur les bras, qui ont assiégé Ville-franche, & rendu les esprits qui sont dedans si estourdis & si intimidés, qu'ils m'en-uoierent dire hier par vn nommé Thierry, qui est de lamets, que si ie ne les secourois dans demain, ils estoient resolu de se rendre. Cependant il est tres-certain que les approches sur le fossé ne sont pas faites. Que l'eau n'est pas encore escoulée. Que l'artillerie n'est pas en batterie. Que les flancs sont tous entiers, & qu'il n'y a point de bresche raisonnable. Cet homme adioust, que les assiegez ont force farines & force vin, & plus de bestial qu'ils n'en sçauoient manger de trois mois : qu'ils sont enuiron quatre-vingt soldats, & quelques vingt habitans fort resolu, ce qui fait le nombre de cent en tout. Il assure qu'ils ont plus de douze cens liures de poudres, & quatre bonnes moiennes. Monsieur de Trumelet qui auoit le gouuernement de la place, m'a dit qu'il y doit auoir plus de trois ou quatre milliers de poudre. Thierry m'a voulu persuader que les puits estoient taris. Mais il est bien mal-aisé de le croire, parce qu'il y en a sept ou huit, si ce n'est à cause du grand nombre de bestial qu'on a retiré dans la ville. Mais quand la chose seroit ainsi, il est constant qu'ils ont for-

ce vin, & de l'eau dans leurs fosses, qui est toute de fontaine: & ie leur ay mandé qu'ils doiuent bien plustost perdre vne partie de leur bestial, que non pas de perdre leur honneur & vostre place, puisque rien ne les presse. Je leur ay escript par la voye de Sedan, & par celle de M. de Terteron, afin que l'une de mes deux lettres puisse estre portée dans la place, pour essaier de remettre les esprits; & faire voir aux soldats la grande poltronnerie qu'ils feront de se rendre sans occasion. Je leur ay promis qu'en cas qu'il y eust bresche raisonnable, ie m'obligeois de les secourir à quelque prix que ce soit. Pour cet effet ie m'en vay coucher à sainte Manchoult, qui sera vne iournée de sept grandes lieues, afin de tanter d'introduire dedans quelque homme d'honneur & de seruite, pour les tenir dans le deuoir. Si cela reüssit, j'auray assez de temps de secourir la place, comme i'espere faire dans peu de iours, si les trois cens bons cheuaux de Mets se peuuent ioindre à moy, comme ce porteur me veut faire croire. Car il asseure qu'ils ne scauroient manquer d'y estre bien-tost, estant desia en chemin vers Sedan. Peseuius hier au soir à Mess. de la Bouille & du Muëil, pour aduertir M. de Reaux qu'il prenne ce chemin-là plustost que celui du Bassigny, que ledit sieur de Muëil m'auoit escript qu'ils pourroient prendre, parce qu'il est beaucoup plus long que l'autre. J'espere, Sire, que si ceux de Ville-franche veulent prendre tant soit peu de courage, la ville ne se perdra pas, & qu'il y aura moien de vous faire vn bon & signalé seruite. Il me fallut hier au soir presque me mettre à genouïl deuant les Suisses pour les faire marcher; parce que depuis qu'ils sont partis d'aupres de vous, ils n'ont receu qu'vn simple prest, qui fut le 27. d'Aoust, & cent cinquante aulnes de drap à Chasteaublicry, & ne pourront receuoir de l'argent encore de huit ou dix iours, & plus; à cause que l'argent ne pourra pas estre plustost porté où ils seront, n'y ayant aucune seurteré par les chemins. Je ne vous en diray pas dauantage, Sire, sinon que si ie suis le moins du monde assisté, ie rendray à V. M. vn si grand & si important seruite, que i'espere qu'elle en oira parler; & que ces Mess. les Princes estrangers qui vous veulent disputer vostre Couronne, se trouueront bien loin de leur compte. M. le Legat est ce matin party de Rheims, & doit prendre vn long détour pour s'en aller seurtement à Bar le Duc avec M. le Comte de Challigny & S. Pol. Ils ont trois cens cinquante cheuaux, qu'il seroit bien-aisé de battre, si j'en auois le moien, car ie sçay à peu près où ils vont coucher. Mais n'ayant avec moy pour tout, que cent cheuaux, ie suis contraint de les laisser en repos & de continuer mon chemin. Je supplie le Createur, Sire, de vous donner vne heureuse & longue vie. De moitié chemin de Qualin à sainte Manchoult le 7. iour d'Octobre 1590.



AVTRE RESPONSE
DE M. DE NEVERS
A S. M.

SIRE, .

Il faut que ie die à V. M. que conformement à l'opinion que i'ay tousiours eue de la perfidie de Flamenuille, & que i'ay fait sçauoir à V. M. par mes lettres precedentes, il n'a pas manqué de telmoigner ce qu'il est, par la reddition de Ville-franche. Ce traistre l'auoit vendue à M. de Lorraine il y a longtemps, & n'a attendu que l'occasion pour la luy liurer. Il est certain, Sire, qu'il n'en a esté pressé que par son avarice & sa desloyauté. Les fossés de la place estoient pleins d'eau. Il n'y auoit ni defenses abbatuës, ni flancs ouuerts, ni bresche presque commencée. Il auoit deux cens hommes portans armes, tant soldats, qu'habitans, & tant de viures & de munitions, qu'ils n'eussent peu estre consummez en deux mois. Quant à l'eau, l'on a verifié par ceux qui sont sortis, qu'elle ne leur a iamais failly, comme il est aisé à croire, puisque l'eau de la fontaine qui est dans les fossés n'a point encore esté écoulée. Ce meschant a pensé courir sa trahison en sortant de Ville-franche, & s'en allant iusques à Sedan. Mais il a receu la recompense qu'il meritoit. Il a esté estroitement arresté en cette ville-là, & son procez se fait par la desposition & la confrontation des soldats qui estoient dedans avec luy. Si l'on me l'enuoie, i'espere de luy faire recevoir le chastiment que sa desloyauté & sa poltronnerie meritent. Je luy fis faire le signal du secours Dimanche de nuit. Il respondit par l'artillerie qu'il fir zirer. Mais me voyant si près de luy, il eut peur de manquer son coup, & ma venue fut infailliblement cause de luy faire haster sa trahison. Dés Lundi matin il parla; le soir il bailla pour ostage le sieur d'Andeuanne, & le Mardy il capitula, sans m'en faire sçauoir aucunes nouuelles. Je n'en ay point eu d'autres que celles que Thierry de lamets m'apporta à Chaalons le Vendredy. Il me declaroit hardiment que si dans Dimanche ie ne le secourois, il estoit resolu de se

rendre; bien que ce iour-là seulement les Lotrains eussent commencé à faire leurs tranchées; & que ie fusse à vingt lieux d'eux. Car il y en a autant de Chaalons à Ville-franche, à passer par S. Manchoult comme il falloit faire par force. L'y arriuay le Samedi pour l'assister, s'il eust eu enuie de tenir bon le moins du monde; & ie l'eusse fait, sans doute, la nuit du Mercredy, s'il n'eust executé sa trahison dès le Lundy. Je mis en deliberation avec Mess. d'Inteuille & de Biraque, s'il estoit expedient que nous allassions la teste baissée avec ce peu d'hommes que nous auions, pour secourir Ville-franche. Nous fumes tous trois d'une mesme opinion, & resolûmes qu'il ne falloit pas hazarder ce peu de forces qui estoient icy, contre d'autres si grandes, de crainte que les perdans, toute cette Prouince ne se perdit avec elles. Nostre opinion fust qu'il valloit beaucoup mieux ne hazarder qu'une petite troupe de cinquante harquebuziers à cheual, qui feroit autant d'effet que mille hommes; puisque les assiegez n'auoient pas besoin de forces, mais de gens de cœur qui leur empeschassent de se rendre laschement; la place, qui auoit esté fortifiée pour resister aux armes d'un Empereur si puissant, comme estoit Charles 5. ne pouuant estre forcée par une petite armée, telle qu'est celle de M. de Lorraine. Là dessus chacun estant demeuré d'accord de la proposition, ie dis que si Flamenuille n'auoit faute que de courage, les cinquante harquebuziers conduits par deux ou trois, ou Capitaines, ou Enseignes luy en donneroient plus qu'il n'en auoit besoin. Mais que s'il estoit un traître, il leur fermeroit la porte au nez, & les feroit tailler en pieces par les ennemis, comme nous auons scëu qu'il eust fait. Car il auoit expressement fait boucher la porte, & il n'estoit pas possible d'entrer dans la ville qu'à nage, ou par une petite nacelle de pescheur qui pouuoit tenir trois ou quatre personnes seulement, laquelle mesme il auoit malicieusement engagée, sous une porte qui est du costé où M. de Lorraine auoit dressé ses approches. Toutefois ne sçachant rien de tout cela, nous resolûmes de hazarder lesdits cinquante harquebuziers; & pour cet effet M. d'Inteuille en prend la charge de tres-bon cœur, pour le desir qu'il a de faire seruite à V. M. & s'engage de les y conduire, sans auoir esgard à la charge qu'il a en cette Prouince; estimant, comme il disoit, que sa vie feroit fort bien employée, s'il pouuoit sauuer cette place à vostre Couronne, puis qu'elle estoit de ce gouvernement. Je luy donnay toute la caualerie que j'auois icy, commandée par Mess. de Laufné, de Vaubecourt, de Lendieu, de Corna & de S. Estienne accompagnez de ce peu de Gentilshommes volontaires qui estoient avec moy. Je luy donnay aussi la compagne du sieur de Thomassin. Tout cela, Sire, ne faisoit que quatre-vingt cuirasses de combat, & quelques cinquante harquebuziers à cheual tellement qu'il y auoit enuiron cent cinquante cheuaux. C'estoit veritablement un nombre bien petit pour aller faire un tel effet, contre une armée composée de cinq mille hommes de pied & c.

huit cens ou mille chevaux. Neantmoins M. d'Inteuille & vos autres seruiteurs ne voulurent rien considerer ; mais ils marcherent avec cette troupe pour ietter le secours resolu dans la place. Ils estoient encores à trois lieues de la ville , lors qu'on leur donna aduis qu'elle estoit déjà liurée. Ils se virent contrains de s'en retourner , à leur tres-grand regret. M. de Lorraine a fait faire serment de fidelité aux habitans qui ont voulu demeurer dans la ville , & a permis aux autres de se retirer. Son dessein estoit de se rendre maistre de Mouzon & de Donchery , & mesme de cette ville-cy , dont il se tenoit tout assuré. Et pour moy, Sire, j'ose vous dire la verité, ie la tenois perdue sans mon arriuée ; & crois que Donchery & Mouzon eussent fait le mesme. Mais ayant enuoié visiter les habitans de ces villes-là , & leur ayant fait vser d'honnestes langages & de belles promesses ; ils se sont maintenus pour ce coup en l'estat où ils estoient. Et particulierement celle de Mouzon qui est comme en vne espee de neustralité , & en laquelle les habitans pretendent demeurer en attendant l'issuë des affaires. Si ces trois places eussent aussi esté perduës, Sedan estoit entierement bloqué , & la ville d'Espernay n'eust gueres duré après. Ce qui est autant que de mettre celle de Chaalons à la derniere extremité ; & par consequent toute cette prouince de Champagne. C'est dequoy chacun demeure d'accord. Le salut de ces places, Sire, m'a seruy de quelque peu de consolation dans la mauuaise posture où ie suis, me voiant sans argent, sans infanterie & sans caualerie, pour le peu d'assistance que j'ay tiré de Mess. les volontaires. Car quelque chose que j'aye peu leur escrire, il n'est venu dans vostre armée que M. le Baron d'Anglure, qui a mieux aimé venir sourdement avec peu, que d'en assembler beaucoup avec beaucoup de temps voiant par mes lettres combien la diligence estoit requise. Pour la caualerie du Pont à Mousson, conduite par M. de Reaux, elle est arriuée ; mais elle ne fait en tout qu'environ deux cens chevaux. Celle de Sedan n'est point encore venue, ni aucun de la Noblesse de Champagne, avec caualerie ou infanterie. De sorte que V. M. peut iuger quelles forces j'ay avec moy, pour faire teste à celles de M. de Lorraine ; & par là considerer l'effet que ie peux faire. D'ailleurs estant contrainct de suivre sa marche, ie ne puis faire payer les tailles ; au moien dequoy les Suisses crient tous les iours, & ie me voy en danger d'estre abandonné par eux. Si j'auois vn peu plus de caualerie que ie n'ay, j'espererois rendre bon compte à V. M. de l'armée Lorraine. Elle a dressé le iour d'hier la teste pour s'en aller du costé de Champagne. Ce qui me fait croire que ce soit ou pour presser de près Espernay, ou pour s'en aller à Rheims ; afin d'essayer possible de s'asseurer de cette ville-là, & d'y faire sacrer M. le marquis son fils. Quelques-uns ont voulu dire, qu'il pretend de venir assieger cette ville-cy. mais il n'y a point d'apparence, puisque j'y suis avec toutes les forces que j'ay. En cet endroit ie finiray, suppliant le Createur de vous donner, Sire, tres-

heureuse & tres-longue vie. De Sainte Manchoult le quinziesme d'Octobre 1590.



Pour l'eclaircissement de la lettre precedente, on a cru qu'il estoit à propos d'y joindre ces deux pieces-cy pour faire voir quel estoit ce Flamenuille dont M. de Neuers parle si mal.

LE sieur d'Inteuille Cheualier des Ordres du Roy, Conseiller en son Conseil d'Estat, Capitaine de 50. hommes d'armes de ses ordonnances, Lieutenant general au Gouvernement de Champagne.

Au sieur de Flamenuille, salut. Estant le lieu de Ville-franche de l'importance que chacun connoist pour la conseruation de cette Prouince, & par consequent besoin de pourvoir à la seureté d'iceluy, d'autant que le sieur de Trumelet gouverneur de ladite place pour plusieurs occupations que l'occasion des presens troubles peuuent apporter, ne pourroit continuellement entendre & satisfaire à ce qui despend de ladite charge, afin que le service de sa Maiesté, & la seureté des habitans dudit lieu ne puisse tomber en inconueniens & doutes, nous auons iugé necessaire de commettre encore quelque autre bon & digne personnage pour la garde de ladite ville. A ces causes à plein confians de vostre suffisance & diligence, nous auons commis & ordonné, mettons ordonnons & vous donnons pouuoir en vertu de celuy à nous donné par sa Maiesté, pour en qualité de Lieutenant du Gouverneur en ladite place, commander & ordonner en son absence aux habitans dudit lieu, ce que vous verrez bon estre pour le service de sadite Maiesté, auoir l'œil à la conseruation de ladite place, obuier aux entreprises qui se pourront faire, & generalement faire ce que vous iugerez estre aux biens & auantages du service de sadite Maiesté, & repos des habitans dudit lieu; auxquels nous mandons & ordonnons de vous obéir à ce que dessus. Fait à Chaulons le 21. iour de Iuin 1583. Signé d'Inteuille. Et plus bas, Par mondit Seigneur de Vienne.



LETTRE DE NICOLAS BAZAN, DIT FLAMENVILLE,
Lieutenant du Roy dans Ville-franche, au sieur d'Andeuane,
apres auoir liuré cette place aux Lorrains.

MONSIEVR, Je suis party de Ville-franche avec vn extreme regret, tant pour la perte de la ville; que de ne vous auoir dit Adieu. Vous sçauéz comme tout s'est passé, & qu'il n'y a nullement de ma faute; neantmoins ceux qui ont haine contre moy, m'ont fait arrester prisonnier, & sont allez voir Monseigneur de Neuers pour me nuire en tout ce qu'ils pourront. Vous estes Gentilhomme d'honneur, qui luy pouuez remonstrer le defaut qui estoit en la place, le peu de resistance qu'il y auoit aux habitans. Je dis à la plus-part, mesme à la plus grande partie des soldats. Comme l'ennemy estoit préparé & logé, & les forces qu'il auoit. Je vous supplie à l'honneur de Dieu & du seruice que ie vous ay voué, de ne rien oublier de ce que vous en auez connu. Je m'assure que le tout bien entendu, ceux qui m'en veulent, seront marries. Cependant bon droit a bon besoin d'aide bien souvent. M. vostre fils sçait comme vous, qu'il ne m'a iamais manqué de resolution, & que ie n'eredoutois le hazard ny de perdre la vie pour la deffense de la ville comme vous; mais ie ne pouuois sans forces, armes, & munitions faire seul avec vous, & ceux que vous sçauéz qui estoient resolu, ce qu'un nombre suffisant eut peu faire. Vous sçauéz combien de fois nous auons enuoyé sans auoir nouuelle de tout l'estat de la place. Je me reposeray à vostre prud'homie, amitié & fidelité accoustumée, & en la creance que i'ay que vous vous employerez pour mon innocence & eslargissement. Je vous baiserez bien humblement les mains, & prie Dieu qu'il vous donne, Monsieur, bonne, heureuse, & longue vie. De la ville de Sedan ce 12. Octobre 1590. Vostre tres-humble seruiteur, Nicolas Bazan Flamenville. Et sur la suscription. A Monsieur, Monsieur d'Andeuane, la part où il sera.





AVTRE RESPONSE
DE M. DE NEVERS
A S. M.

SIRE,

Je commenceray ma lettre en respondant à celles qu'il a pleu à V. M. de m'écrire le dixiesme de ce mois, à louer Dieu du bon suceez de vostre entreprise sur Corbie. C'est certainement vne place de grande importanee pour la Picardie, & sur tout pour l'incommodité qu'elle apportera à ceux de Peronne & à ceux d'Amiens. Ils se sentiront bientost de son voisinage, & en receuront de rudes aduertissemens de r'entrer en leur deuoir. Je ne doute point que le chasteau de la Baume & celuy de Pequigny ne soient en vostre obeïssance. Il y a ce méchant petit poullier de Pont-dormy qui ne vaut rien, & qui toutefois estant vn peu réparé pour coup de main, ne laisseroit pas d'incommoder fort ceux d'Amiens & d'Abbeuille. S'il est vray ce que l'on m'a dit, que la plus grande partie des Echeuins de la ville d'Amiens ne sont point du tout de la Ligue, non plus que plusieurs des habitans; ie veux esperer que cette nouvelle approche de vos troupes, seruira d'un coup d'esperon bien vif à beaucoup d'autres, qui ont besoin d'estre preslez pour se mettre à la raison, & sortir de leur lethargie. Je supplie Dieu qu'il les veuille bien inspirer. J'ay cy-deuant aduertty V. M. de la surprise que j'auois fait faire du chasteau de Cononuille près de Feïsmes, comme aussi de la Ferré sur Ioye. J'y ay fait vn tour depuis peu, afin de donner ordre à la conseruation de ce lieu; & de-là ie m'en suis venu en cette ville-cy, ayant laissé dans le chasteau, le Capitaine d'Aubigny, qui estoit du Regiment du Comte de la Mare, & qui est celuy-là mesme qui me proposa cette entreprise. J'ay trou-

ué à mon arriué que monsieur de Giury l'auoit laissé dans ce chasteau. C'est pourquoy i'ay creu bien faire de luy donner la commission de V. M. pour le conseruer en vostre obeissance tant qu'il luy plaira. Il est vray que ce chasteau estant à monsieur de Larchamp, i'estime que V. M. trouuera bon de l'en gratifier, comme les seruices qu'il a rendus au feu Roy, & qu'il continué de rendre à V. M. le meritent. I'ay ordonné la fortification qui est necessaire à ce chasteau. Elle est fort aisée à faire, & doit estre acheuée dans trois sepmaines; ce qui estant vne fois fait, ie n'estime pas que trois ou quatre canons puissent prendre le donjon de ce chasteau, mesme quand la riuere sera creuë; car pour le regard du vieux chasteau compris dans l'Isle, il est impossible de le pouuoir fortifier bien-tost, & de le garder qu'auec grand nombre de forces. Je pourray laisser seulement cinquante harquebusiers dans ledit chasteau; car ie croy qu'ils doiuent suffire pour le bien garder. Quant à leur payement, i'ay ordonné qu'ils seront payez en la mesme forme & de la mesme maniere, que vostre maiesté auoit ordonné que seroient ceux qui y estoient, auant que monsieur de Lorraine l'eust prit par force. Et quant à la ville, i'ay estimé estre impossible de la pouuoir garder, pour ne valloir rien du tout, & ce ne seroit que despens perdus que d'y entretenir des forces. Il n'y a point de fosséz, ni aucune apparence d'en pouuoir faire; d'autant que les maisons tiennent à la muraille de la ville, tant par dedans que par dehors. Si vostre maiesté trouue bon ce reglement, elle le pourra approuuer, sinon elle y commettra tel autre qu'il luy plaira; car le tout n'est fait que sous vostre bon plaisir. Quant au chasteau de Cornouille, il m'a fallu prier vn Gentilhomme voisin de ces quartiers-là, nommé le sieur de Saunigny, qui dit estre parent ou allié de monsieur de Lenoncourt, de le garder avec cinquante harquebusiers, desquels il y en a douze à cheual, le payement desquels il prendra sur vingt ou vingt deux villages qui sont à vne lieuë & demie allentour, & qui souloient payer les tailles à Feismes & à Rheims; & d'autant que c'est vn fort honnestre Gentilhomme, i'espere qu'il en fera son deuoir, & incommodera beaucoup ceux de Feismes & de Rheims. Pour le regard de Bray, V. M. a esté aduertie de ce qui s'est passé. I'ay tracé quelques ravelins, & ordonné des Payfans pour y venir trauailler durant deux mois; pendant lesquels i'estime qu'il sera mis en deffense. mais la difficulté est, si le peu d'hommes qu'il y a à la garde de la ville mesme, la pourront deffendre apres que M. de l'Escluselle en sera fort, comme V. M. m'a commandé de luy escrire. Je l'ay fait dès hier au soir par homme expres, que ie luy ay enuoié. Mais i'auoué que i'ay obey à regret à V. M. non seulement à cause que son depart va desgarnir la ville de soixante ou quatre-vingt bons soldats qu'il a; mais aussi parce que vostre commandement m'a mis en quelque ombrage que V. M. ne le veuille employer de par delà, plustost qu'en cette Prouince, comme si elle auoit

dessein de changer la resolution qu'il luy a pleu de prendre cy-deuant. Je ne luy en diray neantmoins autre chose, sinon que ie luy enuioie les lettres que monsieur le president du mesnil m'escrit, & d'autres qui m'ont esté enuoiées de Chaalons. V. M. y verra que l'armée de monsieur de Lorraine est séparée en deux. Que l'une tire du costé de Renel & de la Fauche, & l'autre s'en vient par deça, conduite par monsieur de Montreuil, qui a quatre cens cheuaux avec luy, & huit cens hommes de pied. Quand il aura ioint les garnisons de Ham & de Vitry, ie croy qu'il sera plus fort encore de cent cinquante cheuaux. S. Pol en aura bien encore pour le moins cent cinquante autres à Rheims; de sorte que tous ensemble ils pourront estre enuiron sept cens cheuaux, & douze cens hommes de pied, dont ie ne fais pas si grand estat que de la cauallerie. L'on met en doute si c'est pour quelque entreprise qu'ils veulent executer, ou pour me venir attaquer, ou pour tâcher de recourir Cornouille & Brailme, ou enfin pour s'aller ioindre à monsieur de Mayenne. Toutefois si l'aduertissement d'Amiens est véritable, ils ont fort peu de bagage; & sur cela i'estime plustost que c'est pour surprendre, & pour enleuer quelques-uns de ceux qui sont avec moy. C'est à quoy ie remedieray le mieux qu'il me sera possible. Vostre Maiesté verra par les lettres que monsieur de Rieux luy escrit, comment il a tres-bien executé le commandement qu'il vous a pleu de luy faire, en faisant tenir seurement les lettres dont vous l'avez chargée. Il s'est fort sagement conduit en cela, & m'a mandé que tout le monde est en resolution d'obeir avec vigueur, au commandement qu'il vous a pleu faire du costé de Bassigny. Je n'en ay point encore de nouuelles; parce que j'ay baillé la despêche à l'homme de M. le marquis de Rainel, qui me vint trouuer à la Fere le sixiesme de ce mois, & en partit le septiesme. J'ay bien eu nouuelles que le sieur Nassy & quelques Cheuaux legers Italiens estoient arriuez à Langres; mais qu'ils différoient de passer, parce que Guionuelle & d'autres de Langres, s'estoient mis en campagne pour leur empescher le passage. Le regiment du Comte de Croiselle s'estoit rangé dans vn bourg, où le sieur de Naugé avec d'autres Seigneurs l'allerent assieger, & enfin reduisirent les Capitaines & les soldats à se rendre, comme ils firent, avec promesse de ne seruir de trois mois contre eux en Bourgogne; de sorte que le regiment fut entierement deffait. L'on m'a mandé aussi que les garnisons de Troyes & des autres lieux circonuoisins, s'estoient assemblées & mises en campagne, pour reestabli la démolition faite à Mery, de sorte que de tous costez ils s'assemblent, tiennent la campagne, & font beaucoup de maux. Ils en feront encore beaucoup dauantage, si l'on n'y donne l'ordre necessaire, & tel que V. M. le sçait. Je pensois partir demain pour m'en aller à Chaalons querir trois canons, pour eslaier de prendre Prouins, Meaux, Gandelu, & puis la Ferté-milon. Mais l'acheminement des troupes de Lorraine m'empesche de le faire; car


ie ne sçaurois auoir en tout & partout trois cens hommes de pied, & autant de cheuaux, qui ne sont pas bastans pour mener les pieces par les champs. Ainsi ie me vois bien esloigné de pouoir faire en ce pays-cy ce que ie m'estois proposé, à l'occasion de cette nouuelle venue des Lorrains. C'est pourquoy ie supplie tres-humblement V. M. de vouloir me tenir la parole qu'il luy a pleu me donner, pour l'effet de cette Prouince de Champagne. Car chacun s'adresse à moy pour y donner ordre, pendant que i'en ay les moiens; & ne le faisant point, ils s'en prennent à moy. Cela me fait rougir de honte, pour le blasme que i'en reçois de toutes parts. Il ne m'est pas possible de pouoir plus longtemps supporter cette iniure. Je supplie donc tres-humblement V. M. de ne point trouuer mauuais l'importunité forcée que ie luy fais, tant pour son seruice, que pour le bien de cette Prouince, & particulièrement pour mon honneur, sans lequel ie ne voudrois pas viure core vne heure. Je la supplie tres-humblement encore vne fois de me faire au plustost sçauoir de ses nouuelles, & la resolution qu'elle a prise, afin que ie me puisse conformer à ses volontez. J'ay sçeu que l'on a rapporté à V. M. que M. le Duc de Parme auoit laissé dix regimens à M. le Duc de Mayenne, faisant en tout deux mille hommes de pied, & quatorze cornettes faisant quatre cens cheuaux. Supposition que ie trouue fort estrange. Car il est certain que M. le Duc de Parme n'auoit pas en son armée dix regimens entiers. J'ay fait tenir vos lettres au sieur de Vallague, de Niuelle, & autres Capitaines de Maubert, ausquels j'ay escrit, Sire, ce qu'il vous a pleu me mander. Quant à tirer argent de la ville de Brayme, il ne m'a pas esté seulement possible d'auoir les tailles qu'ils doiuent de cette année-cy, car les Capitaines, & les soldats, & les Gentilshommes qui auoient esté à la prise de cette ville-là s'estoient saisis des maisons & des habitans, avec lesquels degré à gré ils ont composé fort honnestement, & pour cette raison-là il est impossible de pouoir tirer de cette ville-là aucuns deniers, comme i'eusse fait si elle se fust rendue à composition. Je croy que V. M. trouuera la mesme chose, à la prise de Corbie. Quant à la Ferté sur Ioye, ie puis bien asseurer V. M. que cette ville-là est du tout deserte, & que le soir que i'y arriuai, on n'y trouua pas seulement de la paille pour coucher les Gentilshommes de ma cornette. De sorte qu'il fallut enuoyer tous les cheuaux aux villages les plus proches, faute de foing, d'aucune & de pailles. Il ny auoit mesme ny bois, ny bled, ny vin, tout en ayant esté tiré & mené à Paris, au passage qu'a fait M. du Mayne par cette ville-là. De sorte que ie me trouue bien empesché pour l'entretennement des Suisses, & encore plus, Sire, pour le goustre où ie me suis plongé de moy-mesme, en prenant la direction de vos finances. Je confesse que ie suis contrainct de faire à présent des choses que ie ne fis de ma vie, pour le desordre que ie rencontre par tout. Il ne se peust que ie ne sois bientost desnué d'argent n'en ayant point d'autre que celuy que ie

AUTRE RESPONSE

DE M. DE NEVERS A S. M.

SIRE,

Suiuant le commandement qu'il a pleu à V. M. de me faire, i'ay fait ce matin aduancer toutes vos troupes iusques à Cenarpont, & au delà, & ie m'estois seulement reserué vn logis en cette ville, pour vous y attendre ce soir. Mais l'esperance que i'auois d'y voir V. M. a esté vaine. Car ayant attendu iusques à vne heure apres midy, vn ieune garçon venant de Poix m'est venu trouuer qui m'a dit que V. M. en estoit deslogée ce matin pour retourner à Sommereul. Cette nouuelle m'a donné occasion de vous despescher aussitost ce laquais, pour sçauoir où est V. M. & pour receuoir d'elle vn nouveau commandement, s'il en est besoin. En attendant ces ordres, ie la remercieray tres-humblement des bonnes nouuelles qu'il luy a pleu de me mander. Il n'en faut point mentir, la defaite des troupes de S. Pol m'a donné quelque sorte de ioye. Je suis bien aisé que M. de Turenne l'ait conseruée dans la possession, où il est il y a long temps, de se faire bien battre, vne ou deux fois toutes les années. Mais ce qui me desplaist en cela, c'est que ie voudrois que ce malheureux-là eust vn peu plus de courage qu'il n'a, pour ne pas faire si tost haut le pied, comme il a fait, afin qu'il y eut vne bonne fois demeurer aussi bien que ses troupes. Quant à M. de Chombert, il estoit le Mercredi vingt & vnième de ce mois au delà de Gien en tirant vers Sully, & faisoit estat de repasser la riuiera à Gergeau avec l'infanterie que M. le Marechal d'Aumont luy auoit laissée. Ce qui me fait beaucoup douter de l'aduertissement que l'on a donné à V. M. qu'il ait passé la riuiera de Seine. Quant à M. le Marechal d'Aumont c'est chose assurée qu'il n'y en auoit aucunes nouuelles à Montereau leudy dernier. L'on disoit bien qu'il s'acheminait. A ce que j'apprens, ie ne fay nulle doute, que toutes vos forces n'ayent assez de temps pour vous ioindre & pour battre vos ennemis, s'ils ont la volonté de vous attendre; puis qu'ils leur donnent tant de loisir. Mais ce qui me desplaist le plus, c'est le retardement de la prise du fort sainte Catherine, m'estant aduis que, puis que V. M. a pris la grande ville de Chartres en deux mois, que ce fort-là deuroit bien l'estre apres deux mois & demy de siege. C'est delà certainement que despend beaucoup l'heureux progres de vos affaires. Il faut se haster, Sire, & ne pas perdre vn moment en cette occasion, puis que vous y estes embarqué. C'est pourquoy ie supplie Dieu qu'il vous fasse, Sire, la grace de la terminer bientôt, & quant & quant obtenir vne signalée victoire contre ces mechans François vos ennemis, qui se donnent tant de peine pour auancer la dissipation de cette Couronne. D'Aumalle ce 19. de Ianuier 1591. Voire tres-humble & tres obeissant seruiteur & suiet.



AVTRE RESPONSE

DE M. DE NEVERS
A S. M.

SIRE,

Pendant que ie faisois l'apprest de cheuaux & quelque peu d'argent pour desloger de Montereau, i'ay tasché de reduire en vostre obeissance quelques-vnes de ces petites bicoques qui en sont proches; & ie l'ay fait par la voye de la douceur, comme celle que i'estime vous estre la plus agreable de toutes. Je l'ay fait aussi par necessité; car n'ayant ni poudres ni balles pour tirer deux cens coups, elles eussent esté bien-tost employées, si i'eusse voulu les attaquer de force. D'ailleurs le temps que i'y eusse employé mal à propos, & la perte des hommes que i'y aurois faite, n'eussent pas esté recompensées par leur prise. V. M. sçait ce qui est arriué à M. d'Esternay en abordant cette meschante petite ville. L'on me l'auoit fait fort aisée à prendre, mesme par vne escalade fauorisée de quelques coups d'artillerie; Mais cela n'a pû reüssir, & m'a osté la pensée de m'y engager dauantage, pour plusieurs raisons que ie seray entendre à V. M. Cependant ie luy diray comme vn nommé Iean Baptiste Gumaní m'a escript la lettre cy-enclosée. Je luy ay fait vne responce telle que i'ay cru luy deuoir faire. V. M. la verra, s'il luy plaist, & iugera si i'ay bien fait de donner à son Maistre, l'enuie de nouër quelque correspondance avec vos seruiteurs. Il passa dernièrement par icy l'un des gens de M. le Cardinal de Gondy, qui alloit trouuer M. de Rets son frere. Il me dit que son Maistre auoit entendu que Landriano n'auoit pas trouué en France, ce que l'on luy auoit dit à Rome; & quil estoit scandalizé en beaucoup de choses, de ceux la Ligue. Qu'en suite le sieur Cardinal de Gondy auoit aduis que l'on taschoit d'esloigner ce Nonce des lieux où il pourroit parler à vos seruiteurs, & l'empescher mesmes d'aller à Orleans, comme il en auoit vn commandement exprés, pour trouuer moyen de conferer avec Messieurs de vostre Conseil. C'est le mesme chemin qu'ils tindrent avec le legat Cajetan. Au demeurant, Sire, parce que les Medecins & les Chirugiens font grand doute de la vie de M. d'Esternay, i'ay bien voulu accompagner M. de Rieux, present porteur, d'une de mes lettres pour supplier V. M. de le vouloir gratifier du Gouuernement de Nogent, qui est à M. de Nemours. Car encore que ce ne soit pas vne ville bien forte ny bien clause; il ny en a point qui soit en vostre Royaume de plus grande consequence. Ledit
sieur

sieur de Rieux s'en sentira infiniment obligé, pource qu'il aura dans certe place vne retraite assurée pour sa femme, & pour les enfans que vos ennemis luy ont laissez. Vostre maiesté sçaura qu'ils luy ont ruiné & rasé vn forr chasteau qu'il auoit près de Troies, qu'ils luy ont tenu sa femme miserablement prisonniere iusques à present; qu'il a esté contrainct de s'engager beaucoup pour la renir de leurs mains. Elle est maintenant en vostre ville de Bray, pour ne sçauoir où la mettre en seureté, pendant qu'il est à la campagne à vous rendre tousiours le fidele seruice qu'il vous doit. Je puis assurer V. M. que depuis la prise des armes, il n'a cessé de seruir le feu Roy; & V. M. le n'ignore pas qu'elle a cette bonne coustume de recompenser ceux qui luy sont ser- uice, & qui perdent le leur en la seruant, comme a fait le sieur de Rieux. C'est pourquoy ie me veux promettre qu'il vous plaira de le gratifier de cette petite charge. M. d'Esternay estoit resolu de la remettre entre les mains de V. M. Il auoit desia voulu la remettre entre les miennes; mais ie luy fis responce que c'estoit entre les vostres qu'il falloit qu'il la remist. Ce que i'estime qu'il n'eust gueres tardé à faire; Parce qu'il ne faisoit cas de ce gouuernement là, qu'à cause que sa mai- son en est à deux lieus seulement. Mais se voyant troublé pour auoir pris les deniers du sel, afin d'en payer la garnison, non pas sur l'année passée, mais sur la presente, sans ordonnance de V. M. & de Mess. de son Conseil, il desiroit des'oster cette espine du pied, & d'aurant plus qu'il auoit veu la difficulté que i'auois faite de luy permettre de pren- dre des deniers du sel, n'en ayant ny le commandement, ny la per- mission de V. M. l'ay bien voulu luy remarquer cela, pour luy fai- re connoistre la consequence qu'il y a que la ville de Nogent, soit en- tre les mains d'un Gentilhomme qui ne desire d'y faire son profit, ny à vos despens, ny aux despens de vos suiets, comme ie m'assure que fera M. de Rieux; mais qu'il se comportera aux termes de la raison, & nourrira les habitans en la bonne volonté de vous rendre leurs tres-hum- bles seruiques, qui est ce que chacun doit faire. De Montereau ce 15. Fevrier 1591.





AVTRE RESPONSE

DE M. DE NEVERS A S. M.

SIRE,

Je ne doute point que V. M. ne sçache le peu de gens de pied & de cheual que i'ay eu en cette derniere occasion. Ils n'estoient que six à sept cens hommes de pied, & trois à quatre cens cheuaux, tels que tels; car il n'y auoit pas cinquante cuirasses. maintenant ie puis dire avec verité, que ie demeure tout seul: parce que la pluspart des gens de pied s'en vont en Brie rauager le peuple, & vne partie de la cauallerie mal-viuante fait la mesme chose, & vous manquera au besoin; car ne pouuant souffrir qu'on la tienne dans l'ordre, elle s'est presque toute desbandée. Sçachant donc que M. de Giury s'en retourne en Brie, comme il fait demain, ie luy ay baillé vostre lettre, qu'il a fort bien leuë, & a enuoïé l'autre au sieur de Praslin. Il ne m'a pas dit quel commandement vous luy faites: aussi ie n'ay sceu que luy dire, parce que la lettre estoit fermée. V. M. apprendra par les lettres que ie luy enuoie, les nouuelles de ses ennemis; & sçaura aussi que M. le Marechal d'Aumont fait estat de demeurer vers Langres, pour s'opposer à M. de Lorraine. Tellement que ie demeureray icy, comme l'on dit, avec trois pelez & vn tondy. Ce sera vne grande honte & vn estrange mespris pour vos Officiers & pour moy, de voir que vous nous abandonnez, apres nous auoit engagez sur la promesse que V. M. m'a donnée d'estre icy au commencement de ce mois, & qu'elle ne nous a pas voulu tenir plus que les autres precedentes. C'est pourquoy i'attendray encore patiemment le retour du meslager, que ie vous ay despesché le 15. de ce mois. Mais si V. M. ne peut, ou ne veut pas venir de par deça, ie m'en esloigneray de telle sorte, que l'on n'aura plus suiet d'attendre aucun secours de moy. En verité, Sire, vous ne me traitez pas de la façon que ie vous sers; & il semble à tout le monde que vous ne faites pas grand estat de moy. Cela estant, ie me persuade que ie feray chose qui vous sera agreable, & qui d'ailleurs me sera assez auantageuse pour me conseruer l'honneur & la reputation, de me retirer doucement chez moy. Ce n'est pas que ce ne me soit vne extreme douleur de quitter le seruice en ce temps-cy. Mais quoy! la necessité est plus forte que toute autre consideration. Iamais ie n'ay esté traité de la façon que vous me traitez, par les Rois vos predecesseurs. I'auois cependant receu d'eux plusieurs bienfaits qui m'obligeoient à les seruir avecuglement. Et ie suis encore à en receuoir le premier de V. M. si les commissions ruineuses ne sont les bienfaits & les faueurs que ie reçois d'elle. Je vous diray librement que ie n'en ay point eu d'autres, depuis qu'il vous a plu de me commander de venir par deça. Je ne laisse pas de prier Dieu, Sire, qu'il vous donne vne tres-longue & ttes-heureuse vie.

A V T R E R E S P O N S E

D E M. D E N E V E R S

A S. M.

SIRE,

Il pleust dernièrement à V. M. de trouver bon de secourir Mademoiselle de Bouillon de deux mil escus en la grande nécessité en laquelle elle est. Elle l'a bien mérité par l'affection extrême qu'elle fait paroître à vostre service. C'est dequoy ie puis estre tres-bon tesmoin. Je l'ay diverses fois déclaré à V. M. & par lettres & de vive voix. Il faut avouer qu'elle n'a espargné aucune chose qui ait esté en sa puissance, soit argenterie, munitions, ou gens de guerre; & ie puis répondre à V. M. que si son pouvoir estoit plus grand, qu'elle l'emploieroit tres-volentiers à vous faire tres humble service. C'est pourquoy il me semble, Sire, qu'elle merite d'estre fauorisée plus que les amis & les serviteurs ordinaires. Aussi m'ayant fait entendre qu'il ne luy a pas esté encore possible de recevoir les deux mille escus que V. M. luy avoit accordés, & que Mess. de vostre Conseil avoient trouvé bon de luy faire payer des deniers provenans de la confirmation des Offices de finance de la generalité de Champagne, particulièrement de ceux qui sont à Chaalons; elle m'a despêché un homme exprés, estimant que ie fusse près de V. M. pour la supplier tres humblement de vouloir commander que l'expédition desdits deux mil escus luy soit faite promptement, afin de les recevoir au plustost, & de s'en servir en la nécessité en laquelle elle est, qui est encore plus grande qu'on ne le peut exprimer. Si V. M. l'ordonne ainsi, outre le secours que cet argent luy apportera, vous luy donnerez courage de plus en plus de continuer de luy faire tres humble service. De ma part, j'entretay avec elle dans l'obligation qu'elle vous aura, pour la bonne volonté que j'ay tousiours connue qu'elle me porte; outre le service qu'elle pense faire à V. M. Partant, Sire, le plustost qu'il vous plaira de luy donner ce contentement & cette preuve de vostre bonté, qui luy viendront fort à propos, M. V. se fera à elle mesme beaucoup d'honneur. Ce messager luy emportera la despêche qu'il vous plaira de luy faire, en attendant le retour de M. de Dampierre, & que ie reçoive le commandement de V. M. ie finiray en suppliant le Createur de vous donner, Sire, tres-heureuse & tres-longue vie. De Desize ce 11. iour de Mars 1591.

A V T R E R E P O N S E
D E M. D E N E V E R S A S. M.
S I R E,

Je vous ay escrit quatre fois depuis mon arriuée à Chaalons. La dernière de mes lettres est d'auant-hier par vn Huissier de vostre chambre enuoié de la part de M. de Turenne à M. de Giury, qui ne faisoit que de partir d'avec moy. Il m'apprit que vostre armée estrangere deuoit hier faire monstre entre Mayence & Oppenheim, & aussitost passer le Rhein sur vn pont de batteaux qui auoit esté fait exprés. Par les mesmes lettres, j'aduertissois aussi V. M. comme j'auois fait par mes précédentes, de la nécessité qu'auoit cette Prouince de la presence, & de quelle sorte les ennemis s'estoient renforcez autour d'Aumont, où ils auoient mené de grosses pieces de batterie, avec intention de n'en partir qu'ils n'eussent pris cette place de force. Ils se promettent qu'après cette prise, ils iront sans opposition à Donchery & à Mouzon, qui seront en danger de faire ce qu'Aumont aura fait, & dans peu de temps après Sedan se verroit contraint de se perdre, parce qu'il le trouueroit assiégé de tous costés, & comme l'on dit, vne gausse entre deux fers. Je vous ay escrit, Sire, que ie n'ay point de forces ny de moyens de les secourir; & que ie seray contraint de laisser faire aux ennemis tout ce qu'ils voudront, voire mesme de voir deuant mes yeux perir le reste du Duché de Rethelois. Si cela arriue, ce sera vne estrange recompense que j'auray eue de tous les seruites que ie vous ay rendus. Et parce qu'il me semble que V. M. a dessein de laisser perdre tout ce qu'elle a de seruiteurs en cette Prouince, puisque vous leur auez donné tant de fois des assurances de les secourir, & à moy de me venir assister, & toutefois on voit que vous n'en faites rien, ie vous supplie tres-humblement de ne pas trouuer mauuais que ie me retire, comme ie suis resolu de faire. Pour cet effet, ie m'en vay dès demain à Chaalons, m'excuser à vostre Parlement & à Mess. de la ville, du peu de moyens & du peu de sùiet que j'ay d'acheuer de me perdre avec eux. S'il arriue que V. M. vienne iamais icy, ils luy pourront tesmoigner que la seule nécessité m'aura chassé de cette Prouince, puisque j'auray mieux aimé perdre tout le Rethelois par mon absence, que mon honneur. Au reste mon parlement n'aportera aucun preiudice au seruice de V. M. ny à pas vn particulier, autant qu'il fera à moy mesme. Je n'ay eu aucunes nouuelles de V. M. depuis les dernières écrites à Mantes le 6. de ce mois. Je ne sçay que vous dire sur cette politique. Sur cela ie supplie le Createur de vous donner, Sire, vne heureuse & longue vie.



AVTRE REPONSE
DE M. DE NEVERS A S. M.

SIRE,

Le sieur de Tremon & quelques soldats de ses troupes, s'estant trouuez en cette ville, y ont esté arrestez. Je n'ay pas voulu permettre qu'il se fist rien contre eux, iusques à ce que i'en aye les ordres de V. M. Il luy plaira donc d'ordonner ce que bon luy semblera, pour leur detention ou pour leur deliurance. Pour cet effet i'ay fait dresser le memoire cy enclos, où V. M. verra la verité du fait, comme il s'est passé, afin que plus facilement elle puisse declarer sa volonté. Je la feray executer de point en point. Je la supplie seulement de faire mettre son ordonnance au bas du memoire, afin que chacun puisse connoistre vostre intention, & en mesme temps quelle est l'information du fait que ie luy en ay donnée. Arriuant hier en cette ville, M. de Chastillon m'escriuit vne lettre, dont l'enuoye la coppie à V. M. avec plusieurs coppies de lettres qui luy ont esté esrites de Molins, pour luy persuader d'attaquer cette ville là. Je voy bien qu'il en a formé le dessein, & qu'avec les trois cens cheuaux, & les huit à neuf cens hommes de pied qu'il a, il croit en venir à bout. Le sieur de Chezeuon semble desirer que M. de Chastillon l'aille assister en cette occasion. Mais il ne l'en presse que modestement, & ie voy bien qu'il se promet d'auoir secours de M. le Marechal d'Aumont, qui est au siege d'Autun. Mais s'il estoit assisté d'une part & de l'autre, il espereroit de tailler en pieces tous les ennemis. Ses dernieres lettres estoient du 5. de ce mois. M. d'Arquien se fait solliciter pour luy donner du secours parce qu'il dit que le Baron de la Chastre a pris Mombrum, & plusieurs autres maisons de Gentilshommes tenans vostre party, & qu'il estoit allé assieger Blangy; & qu'il craint que cette place ne se perde, si elle n'est promptement secourüe. Cette perte osteroit le courage à grand nombre de Gentilshommes de ce costé-là, de continuer à vous faire serui-ce. Pour cette occasion, ledit sieur de Chastillon m'a mandé qu'il ne peut me renvoyer les canons que ie vous ay prestez, qui sont en sa maison de Chastillon; & qu'il faut que ie luy enuoye des cheuaux & des gens de guerre, parce qu'il est contraint d'aller secourir ceux qui lerecherchent. C'est dequoy i'ay estimé deuoir aduertir V. M. afin qu'elle connoisse que ledit sieur de Chastillon ne pourra me ioincte avec ses gens pour vous aller trouuer. Si ie fais ce qu'il desire, ce ne

pourra estre sans vne grande diminution des forces. Car il faudra perdre vn iour de temps pour attendre que les canons soient ramenés à Montereau, & d'ailleurs ie ne pourray me seruir des cheuaux qui auront amené ces canons-là & qui ont esté pris dans les villes de mon Gouuernement, pour traicter mon artillerie. Ie pensois trouuer icy les deux Thresoriers generaux, & à tout le moins l'un des deux : & neantmoins ie n'en ay trouué pas vn. Ie croy qu'ils se sont fait celler. Tellement que ie n'ay peu executer par leur faute, vos ordres touchant la cruë des cinquante cheuaux que V. M. leur a commandée. D'autre part ie pensois qu'il y eust encore quelques restes de la fourniture du magazin de cette ville, pour l'employer à faire du pain pour ce peu de gens de pied que V. M. m'a enuoyez. mais ie trouue que les munitionnaires ont tout fourny, à ce qu'ils disent, au magazin de cette ville. Ainsi il m'en faut chercher ailleurs; & ie ne sçay comment faire pour faire viure ny pour payer les troupes. Car pas vn des Thresoriers generaux n'estant icy, ie ne sçay à qui m'adresser. Ie viens aussi de receuoir des nouvelles de M. de Sille-Duc, par lesquelles j'apprens qu'il n'a peu faire la leuée des Suisses que V. Maesté luy a commandée, faute de trois mil escus qu'ils veulent auoir d'auance, à raison de six cens escus pour compagnie. S'il n'y est bientoist apporté remede, ie crains fort que les leuées ne seront pas prestes quand on en aura besoin. Cependant ie me trouue icy avec quelques cinq cens hommes de pied pour le plus, & fort peu de eaullerie, & luis dans vne continuelle apprehension de les perdre, à cause que ie ne leur permets, que le moins que ie puis, de viure mal. L'on me mande de Chaalons que tous ces Seigneurs de Champagne sont assemblez en bon nombre: mais ie n'ay eu d'eux aucunes lettres; & croy que ce seront oyseaux de passage. Vos suiets de Langres en sont au desespoir; & l'on me mande qu'il y a crainte qu'ils ne se laissent aller à faire vne tréue, comme ceux de mets, voiant que les ennemis ruinent tous les fruits de la terre. Ils me sollicitent de les aller secourir. Ie laisse à iuger à V. M. quel moyen i'ay de le faire. Toutes ces choses, Sire, me mettent au desespoir, ie l'auoue, & ne sçay ce que ie puis faire de bon pour vostre service, & pour le bien de la Champagne. Dequoy i'ay bien voulu aduertir V. M. pour la supplier tres-humblement de me vouloir enuoyer quelques autres forces, au lieu de celles de M. de Chastillon. Car autrement ie crains d'estre contraint de faire les quatre coings de la Champagne. En attendant vostre secours & vostre commandement, ie m'en iray après demain à Montereau; & finiray la presente en suppliant le Createur de vous donner, Sire, vne tres-heureuse & tres-longue vie. Ce matin 9. de Iuin 1591.



AVTRE RESPONSE
DE M. DE NEVERS
A S. M.

SIRE,

Il y a cinq iours que ie receus la lettre qu'il a pleu à V. M. de m'écrire le 21. d'Avril : par laquelle elle me mande de luy donner mon aduis sur la Requette que les Capitaines Sebbonnieres, Villiers, de Souches & Ferrieres vous ont présentée touchant le payement de leur Compagnée. Surquoy ayant receu les estats des Receptes proches des lieux où ils sont en garnison, & appelé le Gras, Commis de M. Riault Thresorier de l'extraordinaire ; i'ay connu qu'il n'y a aucun fonds sur la cruë des Receptes de Nogent, Prouins, Nemours, Sens, Joigny, S. Florentin, & Tonnerre, pour les pouvoir payer. De sorte que ie n'ay peu leur donner aucun payement. Car tant s'en faut qu'il y en ait, qu'il se trouuera plus de deux mille escus de faute de fonds sur la cruë desdites Receptes, pour payer les compagnies des garnisons comme V. M. l'a ordonné dès le commencement de l'année. Si bien que si V. M. trouue bon que les cent hommes de guerre, qui sont en garnison sous le Capitaine de Souches dans la ville de Dunon, soient payez pour les six mois de cette année, comme aussi ceux qui sont dans Turny pour ledit terme, & la compagnie du Capitaine Ferrieres pour six mois de la presente année, au lieu des six qu'il l'a entretenue à ses despens, qui se monte à chacun quatre cens quarante escus quarante sols par mois ; il faudra que V. M. ordonne, que le payement soit pris sur les deniers des tailles desdites Eslections, comme aussi le supplement de la faute de fonds du payement des garnisons ordonné par Vostre maiesté pour les neuf mois. Ce manquement estant fort vray, ie ne sçay quel aduis luy donner. Car d'un costé ie preuois vne ruine bien grande parmi les garnisons. Il m'a fallu desia plusieurs fois les rabrouer terriblement, pour les faire contenter à six mois, & comme ils se sont apperceus de la faute de fonds qu'il y a eu sur le payement desdits neuf mois, ils se dispensent malgré moy, de se mettre aux champs, & tiennent des propos fort peu seans à leur qualité. Cependant ie suis contraint de les mal-traiter deuant tout le monde ; sans que cela serue de rien, tant est horrible la licence que chacun prend auourd'huy d'outrepasser les termes de la rai-

AUTRE RESPONSE

DE M. DE NEVERS

A S. M.

SIRE,

J'ay escrit trois fois à V. M. & luy ay fait deux bien amples relations de tout ce qui se passe par deçà. Mais ie luy ay mandé bien particulièrement la nécessité que cette Prouince a de sa presence, par vne despêche que ie luy ay enuoiée par vn messager de Langres qui passa auant hier par icy. Celle-cy sera seulement pour vous rafraischir la memoire des nouuelles que ie vous ay desia mandées. Rosne & S. Pol ont attacqué Aumont avec leurs gros canons; & Monsieur de Lorraine a esté à Verdun, où il a laissé le regiment d'Aisne, & de-là s'en est allé vers Nancy, en intention d'aller attaquér la Faulche. Au moins il en a fait courrir le bruit. Mais si vostre leuée est presté, comme ce porteur m'a dit, ie croy qu'il aura occasion de penser à autre chose. Ie vous enuoye par ce messager, vne lettre que Rosne escrit à Tremblecourt, qui estoit à quatre lieues d'Aumont, pour le faire aller à Noyon. Il luy mande que le Gouverneur & les habitans de cette ville-là l'auoient requis de luy enuoiér sept ou huit cens hommes, de crainte qu'ils auoient d'estre attaqués par V. M. Enfin, Sire, ie vous aduertis encore que l'estat auquel ie me trouue est déplorable, que ma résolution est telle qu'elle a tousiours esté, c'est à dire, de hazarder tout pour vostre seruice, quelque traitement que ie reçoie de V. M. Mais ne voulant pas retarder ce porteur, ie luy ay dit quelque chose de bouche, pour le faire entendre à V. M. J'ay dit la même chose à Monsieur de Giury qui partit hier pour vous aller trouuer, ainsi qu'il me dit. Cependant ie supplie le Createur vous donner, Sire, vne heureuse & longue vie. De ce vingt septiesme de Iuillet 1591.




AVTRE RESPONSE
DE M. DE NEVERS A S. M.

SIRE,

La dernière lettre que j'ay écrite à vostre maiesté est du 16. du mois passé. Je l'auois adressée à M. de S. Alliz, dans l'esperance qu'elle vous seroit seurement renduë. Depuis j'ay fait vn tour à Chaalons, pour faire escorte à plusieurs marchandises qui y deuoient aller de Sedan & de Donchery; & de là ramener force vins, comme j'ay fait; c'est à dire enuiron trois ou quatre cens pieces; car les habitans n'en auoient pas dauantage. Pendant ce petit voiage, j'ay receu la lettre qu'il vous a pleu de m'escire le 27. du passé, avec vn pacquet adressant à Monsieur de Turenne. Aussitost ie l'ay enuoié à M. de Sobolle, pour les luy faire tenir en toute seureté: mais j'ay eu aduis de Sedan que Monsieur de Turenne estoit passé outre. M. de Sobolle m'escrit du 25. que Monsieur de Turenne estoit à dix lieues de luy, & qu'il esperoit le ioindre dans deux ou trois iours. Il me mande aussi qu'il fait trop beau en Lorraine pour n'y pas enuoiar des troupes: Que le peuple est dans le dernier effroy, & qu'on y peut faire tout ce qu'on voudra. Il m'aduertit encore qu'il tient prisonnier Baudreuille; & vous supplie de vouloir partager entre les Chefs de la garnison de Metz, la confiscation. Nous sommes tousiours attendant vostre venue par deça. Ceux du pays se figurent que V. M. ne fera que se monstrier comme vn esclair, & qu'elle ne leur apportera pas grand auantage. L'on y fait mesme courre le bruit que V. M. y vient sans les Suisses & sans artillerie, à cause dequoy elle ne pourra prendre aucun fort, pour peu de deffense qu'il soit. Je viens de sçauoir à present que j'ay l'honneur d'escire à V. M. que S. Pol pendant mon voiage de Chaalons, a fait tirer les deux canons qui estoient dans le chasteau d'Aumont, & les a fait conduire à mezieres. Il en reuint auant-hier de nuit. Sur l'aduis que j'en receus, j'ordonnay à quelques cheuaux legers de l'attendre par les chemins à quatre lieues de leurs quartiers. mais ils n'en voulurent rien faire. De sorte qu'ayant eu leur response à vne heure apres minuiet, ie m'y en allay moy-mesme, & trouuay qu'il n'y auoit pas deux heures qu'il estoit passé, & entré dans Rethel. Ce fust vne belle occasion perduë. Toutefois l'on attrapa à vn petit village proche de Rethel, la compaignée de Cheuaux

legers de Datgis, qui est bien montée; en laquelle il y auoit trente cinq ou quarente cuirasses, & douze ou quinze soldats des gardes de S. Pol avec leur Capitaine. Ils furent tous pris prisonniers, & leurs chevaux amenez. mais il n'en fust tué que deux ou trois, parce qu'ils ne firent aucune résistance, estans surpris le matin apres auoir trauaillé toute la nuit. Il fut aussi pris quatre-vingt ou cent charriots que S. Pol auoit laissez derriere, & qui alloient de mezieres à Rethel; parce qu'il se mist en fantaisie que ie l'attendrois la nuit par les chemins en ambuscade, & pour ce suiet il les laissa bien loin entre les mains de cent cinquante harquebusiers, & luy gaigna haut le pied toute la nuit, & se ietta dans Rethel. monsieur de mayenne arriua Lundy à costé de Chasteau-Portien, où il fist vne grande traite, à ce que l'on dit. Depuis i'ay sceu qu'il n'en estoit point encore party. J'ay enuoié ce matin pour en sçauoir des nouuelles. Demain ie croy qu'il s'en ira au deuant de l'armée d'Italie pour la conduire en Lorraine, afin de s'opposer à la vostre. C'est tout ce que ie puis dire à V. M. par la presente, que ie finiray en suppliant le Createur qu'il vous donne, Sire, tres-heureuse & tres-longue vie. De la Cassine ce 4. de Septembre 1591. Il vous plaira d'enuoyer vn Commissaire, comme ie l'ay escript par ma derniere à V. M. car autrement les choses demeureront sans effet.





AUTRE RESPONSE

DE M. DE NEVERS A S. M.

SIRE,

l'escriuis avant-hier à V. M. pour luy faire entendre mon retour de par deçà, & que M. du Mayne estoit allé le mesme iour à Rheims, accompagné de trois mille cinq cens hommes de pied, & de huit à neuf cens cheuaux. Son dessein est, comme l'on dit, d'aller joindre l'armée qui vient d'Italie, & qui est à present sur les frontieres de Lorraine. Elle sera beaucoup plus grosse que V. M. ne croit, à ce que M. de Guित्रy, qui vient d'arriuer, me fait entendre. Tellement qu'il est à craindre que si V. M. laisse toute son armée de delà, & n'en emmene vne bonne partie avec elle, comme i'ay appris du sieur de Maisons, elle ne s'en repente la premiere. Et encore plus si elle n'est résolüe de faire quelque seiour en Lorraine. Car si elle ne fait que passer icy, & qu'elle veuille trop tost s'en retourner vers Rouën avec sa grande armée, ainsi que le bruit en est, ie ne doute point que les ennemis ne se moquent du peu de caualerie qu'elle leur opposera, & ie l'assure, à mon grand regret, qu'elle perdra toute la Champagne. Je ne dis pas cecy de moy-mesme. M. de Guित्रy, qui vient de Langres, & qui a passé par Châlons, a conneu l'humeur des gens, & en est en vne extreme defiance. Il me suffit de vous escrire ce qui me paroist. C'est à V. M. à faire ce qu'il luy plaira. I'en ay vié avec e respect iusqu'à present, & receuray en grace la permission de me laisser retirer chez moy. Je n'ay rien à luy dire touchant ce qu'il vous a pleu de m'escrire du dernier du passé par le sieur de Maisons, sinon que j'attenderay icy V. M. suiuant son commandement. Mais quant à ce qu'elle me commande de faire aduertir derechef la noblesse, ce ne seroit que peine perduë. Car ces mess. les nobles de cette Prouince aiment tant leur profit & leurs aises, qu'ils ne deslogeront pas de leurs maisons que vous ne soiez arriué par deçà. V. M. doit croire qu'y estant elle aura sur les bras, toute l'armée d'Italie, de Lorraine, de la Ligue, & du Roy d'Espagne : & que si elle se retire pour assieger Rouën, elle peut faire estat qu'elle ne le prendra pas de deux mois. Pendant ce temps-là vos ennemis auront moyen de faire de grands progresz par toute cette Prouince de Champagne, & où bon leur semblera, estans assurez qu'ils n'auront encore que trop de temps pour secourir la ville de Rouën. Je ne vous diray rien de l'armée que M. de Turenne, & les Chefs de cette armée vous deuoiert auoir amenée, selon la promesse qu'il vous en auoient faite. Car M. de Turenne en doit auoir aduertit V. M. Sur ce ie prie le Createur qu'il vous donne, Sire, vne tres-longue & heureuse vie. De la Cassine ce 7. Septembre 1591.



AVTRE RESPONSE
DE M. DE NEVERS A S. M.

SIRE,

Je n'ay pas grande occasion de m'estendre bien au long, pour faire responſe aux lettres qu'il vous a plu de m'eſcrire de Chaulny, ſans date, parce que V. M. me mande, que dans cinq ou ſix iours elle partira pour venir par deçà. Je ne ſçay quand ce pourra eſtre, ne pouuant deuiner quand elle m'a fait l'honneur de m'eſcrire. C'eſt pourquoy j'attendray qu'elle daigne m'eſclaircir dauantage de ſon intention. C'eſt aſſez que pour ſatisfaire à ſa volonté, ie luy die que M. de mayenne eſtant arriué à Chaulons avec monſieur de Guiſe & toutes ſes forces, & le Prince d'Ascoly; en partit le ſept ou huitieſme iour, avec quelques canons & ſa cauallerie, & s'en alla droit à Soiffons. De là il eſt retourné à Rheims, & en partit auant-hier au ſoir avec le Prince d'Ascoly & toutes ſes troupes pour aller au-deuant de l'armée d'Italie, qui eſt aux enui-rons de Ligny. Elle eſt compoſée de dix mille hommes. Elle doit eſtre fortifiée des troupes de M. de Lorraine. Vos ennemis ont laiſſé quelques Eſpagnols ſeulement aux Fauxbourgs de Rheims, & quelques Lanſquenets aux Fauxbourgs de Rethel, pour ſe ietter dans ces villes-là, s'il arriue que V. M. les veuille attaquer. Quant à voſtre armée, Sire, outre ce que ce porteur vous en dira, n'en eſtant party que vendredy au ſoir, ie croy eſtre obligé d'aduertir V. M. qu'un ſoldat de M. de Vaubecourt m'eſt venu trouuer il y a deux ou trois heures, & m'a dit qu'il portit hier au ſoir de ſainte Manchouſt, & que voſtre armée ayant marché de ce coſté-là, auoir pris ſes logemens dans les pays d'allentour. Si cela eſt vray, ie puis aſſurer V. M. qu'elle apportera vne grande incommodité & à l'armée & à vos ſuiets. Nous auons eſcrit M. de Guित्रy & moy à M. de Turenne, par le ſieur de Blacy que V. M. luy a dépeſché, qu'il falloit prendre vne autre route: & que noſtre opinion eſtoit qu'il s'en allaſt ſur la riuere de Meuze, en attendant les nouuelles de V. M. Mais ledit Blacy ne m'a point fait ſçauoir qu'il euſt porté mes lettres. L'en ſuis bien eſtonné: car ie luy fis donner trente eſcus qu'il me demanda pour ſon voiage, & l'adreſſay à Sedan pour le faire paſſer outre en toute ſeureté. On me vient de dire qu'il s'eſt arreſté deux ou trois iours à Sedan. J'ay derechef eſcrit aujourd'huy à M. le Vicomte de Turenne, ce que M. de Guित्रy & moy luy auons cy-deuant eſcrit. Il ne me reſte plus rien à vous dire, ſinon que tous ceux de cette Prouince

se fâchent extrêmement de voir le peu de compte que V. M. fait d'eux, & ie crains que le mal n'augmente. Toutefois d'autant que le principal interest regarde V. M. & qu'elle en doit iuger mieux que moy la consequence, ie ne luy en diray autre chose. Ce que ie puis, c'est de supplier le Createur qu'il vous donne, Sire, vne tres-heureuse & tres-longue vie. De la Cassine le 16. de Septembre 1591.



AUTRE RESPONSE

DE M. DE NEVERS A. S. M.

SIRE,

I'ay receu les lettres qu'il a pleu à V. M. de m'escire d'Orfumont & Neuchastel. I'ay aussi entendu par M. le Baron de Biron ce qu'il vous a pleu le charger de me dire. Ie luy ay fait entendre ce que ie pouois faire, & m'assurant qu'il l'aura fidellement rapporté à V. M. ie ne l'importuneray pas d'une plus longue lettre. Ie luy diray seulement que ie me mets en estat d'effectuer son commandement au mieux qu'il me sera possible. Ie suis bien marry que la pluspart des Champenois s'en veuillent retourner, selon que cette après-dinée M. le Comte de Brienne me l'est venu dire. Ils fondent la raison de leur retour sur ce qu'ils ne sont sortis du pays, qu'avec la creance de n'en estre absens que huit ou dix iours. D'autre costé, ils craignent, à ce qu'ils disent, que durant quinze iours qu'on leur demande, l'allarme ne vienne de la venue du Duc de Parme; & que sous ce pretexte, on ne les veuille contraindre à demeurer iusques à vne bataille. Ils se font figurez qu'elle ne se donnera point du tout, ou que ce ne sera pas si tost. Et cependant qu'ils receuront toutes les incommodités d'une fâcheuse campagne: ce qui feroit grandement diminuer les troupes de ce pays-là. Le sieur de Brienne m'a assuré qu'estant auprès de V. M. à Oysumont, elle ne luy a point parlé du tout de demeurer. De ma part, quoy qu'il arriue, ie ne faudray à ce qu'il vous a pleu de me commander. M. de Dampierre a esté contrainct de se faire traîner iusques à Gisors pour se faire guerir, & croit qu'il en a pour longtemps. L'on a baillé à mes gens vne despesche que l'on dit estre du Gouverneur de la Capelle. Ie l'enuoye à V. M. Ie supplie le Createur, Sire, de luy donner vne tres-heureuse & ttes-longue vie. De Granduillier ce 22. Novembre 1591.



AUTRE RESPONSE

DE M. DE NEVERS A S. M.

SIRE,

J'ay receu à Melun les lettres qu'il vous a pleu de m'escire le troisieme de ce mois, par lesquelles j'ay veu le desir qu'à V. M. que tous ses seruiteurs s'assemblerent près de M. d'Inteuille, pour s'opposer aux pernicious desseins de M. de Lorraine. Ce qui m'a donné occasion d'appeler tous les principaux qui estoient icy, pour leur faire entendre vostre volonté, ainsi que j'ay fait fort à propos. Mais j'ay trouué d'estranges langages & d'estranges froidurs. Il m'ont tous dit qu'ils auoient esté si harassés cet huer en leurs corps & en leurs biens, qu'il leur est impossible de pouuoir plus longtemps tenir la campagne. Ils tesmoignent estre bien marris, de ne pouuoir satisfaire à vostre volonté, & à l'vrgente necessité que la Champagne a de leur assistance, & seroient tres-ailés de pouuoir contraindre les ennemis à leuer le siege de Coiffi; aussi bien que ces messieurs qui estoient de repos dans leurs maisons, & qui ne trauailloient pas comme eux, firent celuy de Stenay. Tellement que le sieur d'Inteuille a esté contraint, à son grand regret, de s'acheminer à Chaalons, ne pouuant d'icy aller droit à Langres, comme il desiroit, pour essayer de conseruer cette ville, & de conforter les assiegez de Coiffi. Certes ils en ont bon besoin: & V. M. le verra par les lettres que monsieur de Praslin m'a enuoyées, comme aussi par ce qu'elle aura peu entendre de deux hommes partis de Langres qui sont allez la trouuer. Quant à monsieur de Luxembourg, il s'est offert fort librement de s'y acheminer en la compagnie dudit sieur d'Inteuille. Mais il n'a esté suivi en sa resolution que de fort peu de personnes. De sorte, Sire, que ie preuoy non seulement la perte dudit Coiffi; mais que si V. M. n'y met ordre, Langres & toutes les autres villes de la frontiere courent grande fortune. Car il est constant qu'elles manquent de forces conuenables pour s'opposer à la grande armée qu'à monsieur de Lorraine. Je ne diray point combien cette perte-là sera importante à vostre seruice. V. M. le connoist fort bien, & sçait qu'elle fermera la porte à la venue des Suisses, & fera perdre l'autorité qu'elle a en la haute Champagne; à Chaalons, à sainte Manchouft, & à Espernay. Je crains mesme que ces places-là ne se laissent aller après Langres, si l'on ne peut y ietter du secours. Dequoy ie doute grandement, tant pour l'empeschement que Coiffi leur donnera, que pour la grande diuision qui partage cette ville-là; les vns tenans pour le sieur du Chastelet, & les autres, qui sont les principaux

habitans, & le menu peuple qui se declare hautement pour V. M. l'ose dire qu'elle ne doute pas du desir que i'ay de la seruir, & que ie ne fasse toute chose pour sauuer cette place. Je suis certain que i'en vsendrois à bout, si vous vouliez m'enuoier le Regiment du sieur de Lanty, avec les quatre Cornettes de caualerie qui sont vers Sedan, mais il me faudroit enuoier aussi les munitions de bouche & de guerre dont ils auront besoin, tant pour les maistres que pour leur suite. Au reste si V. M. me laisse dans l'estat où ie suis, c'est à dire, dans vne impuissance generale, il ne me sera pas possible d'empescher monsieur de Lorraine de faire presque tout ce qu'il voudra. Je vous avoüe, Sire, que cette necessité me met au desesperoir, & me tire quelquefois des larmes des yeux, me voyant sans aucun moien de conseruer la Champagne dans vostre obeissance, & reduit au malheur d'en laisser perdre l'une apres l'autre, toutes les plus importantes places. Je prens à telmoien la conscience de V. M. si c'est faute de vigilance & de fidelité. Car elle sçait que iusqu'aujourdhuy ie n'ay rien eu de tout ce dont i'auois besoin, non seulement pour remettre sous vostre autorité les places qui s'en sont separées, mais aussi pour m'opposer puissamment aux desseins des ennemis de vostre Couronne. mais quoy ! il faut ceder à la necessité de vos affaires, qui de tous costez vous demandent & vostre presence, & vos forces. Neantmoins si V. M. pouuoit m'enuoier au plustost les troupes que ie luy marque, ie ne desespererois pas de luy rendre vn bon service; ou si elle en iuge quelqu'un plus capable que moy de sauuer la Champagne, je la supplie tres-humblement de l'enuoier icy, afin que cette Prouince ne recoiue pas le furieux coup qu'on est prest de descharger sur elle, & que le contrecoup ne porte pas sur moy. Car ie confesse à V. M. qu'il y va tellement de mon honneur, que i'ay trop de courage pour suruiure à la honte & au blafme qu'en souffriroient mon nom & ma posterité; si sans auoir manqué à tout ce que ie dois à mon Roy & à ma charge, on m'imputoit, ou la perte, ou la desolation de la Champagne. I'en ay eu tout le soin possible, & i'y ay apporté toute la vigilance & toute l'assiduité qu'un aussi grand employ demandoit. Il est vray que ie m'en suis quelquefois esloigné; mais ç'a toujours esté par vn ordre exprés & par des commandemens reiterés de V. M. pour aller seruir où elle trouuoit bon de m'appeller. Si mes services n'ont pas respondu à son attente, c'est mon incapacité ou mon malheur qui en sont cause. Car pour tout le reste, ie desie qui que ce soit de pouuoir me le reprocher avec iustice. Peut-estre que si ie fusse demeuré dans la Champagne, i'y aurois plus vilement seruy, & ie ne verrois pas les choses au deplorable estat où elles sont. Vous estes le maistre, Sire. Vous l'avez ainsi voulu, ie n'auois point de party à perdre que celui d'obeir. Je suis encore tout prest de faire tout ce qu'il vous plaira de me commander. Attendant ce bonheur, ie m'en vay faire vn tour en Niernois, & pars demain pour cela. mais au premier commandement de V. M. & au mesme temps que V. M. aura fait auancer les Suisses, les Lansquenets, & les

Reistres

Reistres, ie ne manqueray pas de reuenir sur mes brisées, ne pouuant receuoir vn plus grand contentement en ce monde, que de me voir en estant d'umilier l'audace de vos ennemis, conseruer ceste prouince cy, & par consequent aceroistre vostre autorité. Dans ceste bonne disposition, Sire, ie finiray ceste lettre, que ie voudrois auoir escrite de mon sang, & prieray Dieu toute ma vie, qu'il donne à V. M. vne tres heureuse & tres-longue suite d'années. De la Cassine, ce 15. Avril 1592.

AVTRE RESPONSE

DE M. DE NEVERS A S. M.

SIRE,

Vn laquais de M. de Longueuille mon Beau-fils passant icy, sans toutefois qu'il creut m'y trouuer, fut obligé de me voir, & de m'apprendre des nouuelles de son maistre, & la cause de son voiage. Il m'a demandé où il pourroit rencontrer V. M. parce qu'il auoit commandement de luy aller porter en diligence les nouuelles que M. de Longueuille a receuës du Pays bas. La precipitation de ce laquais m'a fait croire que les nouuelles qu'il portoit estoient importantes. C'est pourquoy ie me suis resolu, avec l'aduis de M. de Guित्रy, d'ouuir les pacquets, afin de voir s'il y auoit quelque chose qui meritaist d'estre monstrée à Mess. les Champenois, afin de les arrester. Apres auoir ouuert les lettres, & vû que si lon les aduis qu'on vous donnoit pour tres-assurez, le Duc de Parme est près d'entrer dans vostre Royaume, ledit sieur de Guित्रy & moy auons esté d'aduis qu'il en falloir faire part à M. le Comte de Brienne, comme aussi à M. de la Terriere. A l'instant mesme, ie Priay M. de Ponteuille de leur porter vne copie des lettres en leur quartier. Il s'est acquitté fort fidellement de son ordre, mais ç'a esté avec peu de fruit. Car ces Mess. se sont exeusez sur leur impuissance & sur celle de leurs compagnons. Mais ils promettent que s'ils ont le temps de s'aller vn peu rafraichir dans leurs maisons, ils ne manqueront pas d'en sortir sitost qu'ils auront appris que l'armée du Due de Parme est en France & qu'il vient pour vous combattre. Voila tout ce que i'en ay pû tirer. V. M. trouuera dans son paquet vne lettre fermée que ie n'ay pas osé ouuir. Sien cela i'ay failly, ie supplie tres humblement V. M. de me pardonner & de l'imputer au respect que ie luy dois, & de croire que mon intention n'a pas esté de manquer à son seruice. M. de Guित्रy a esté d'opinion que ie fissé faire des copies de toutes les lettres afin de vous les enuoyer, en cas que ce laquais de M. de Longueuille soit pris. Nous sciournons icy demain, en esperance apres demain de continuer nostre chemin le iour suiuant vers Oysemons. Je supplie le Createur, Sire, qu'il donne à V. M. vne tres-heureuse & tres-longue vie. De Horny ce 23. de Nouembre 1591.




AVTRE REPONSE DE M. DE NEVERS A S. M.

SIRE,

Je viens de recevoir des lettres de M. de Longueville dattées du premier de ce mois, par lesquelles il me mande que Mess. les Ducs de Parme & de Mayenne estoient encore ce iour-là à la Fere, mais en resolution d'en partir le lendemain Il me mande qu'il ne sçait pas bien la brisée qu'ils prendront, ni le dessein qu'ils ont. Cette incertitude a fait croire à la plupart de la Noblesse & des troupes qui sont icy, qu'elles auroient le loisir d'aller faire chacun vn tour chez soy. Tout le monde me promet d'estre auprès de moy avant que i en aye besoin, & avant que les fottes de Champagne qui me doiuent venir trouver, soient assemblées. Je voy beaucoup d'affection & beaucoup d'ardeur à vous bien servir dans tous les Gentilshommes & dans tous les soldats. Ils se promettent de vous tesmoigner ce qu'ils sont en vn iour de bataille. Je suis obligé d'asseurer V. M. que plusieurs d'entre eux ont tasché de vendre leurs moindres cheuaux, pour ne pas quitter le service, & avoir dequoy s'habiller & entretenir leur petit esquipage : mais n'ayant point trouué d'acheteurs, ils sont forcez de retourner chez eux pour subsister. Ils s'en iront demain ou apres-demain. Leur depart m'oblige de vous despescher, Sire, M. de Fleury pour vous le faire sçavoir. Il ne faut pas, s'il vous plaist, Sire, que vous appelliez cela desertion : car ie proteste à V. M. que leur separation procede de la pure necessité où ils se sont trouvez, & du desir ardent qu'ils ont de ne pas manquer à ce qu'ils luy doiuent, en vne occasion aussi grande qu'est celle d'une bataille. L'adiousteray à cela, que cette mesme passion de vous rendre tres-humble service, les a fait souffrir presque trois mois, les demieres extremitez. De ma part, Sire, si j'auois des moiens proportionnez à ma volonté, ie me serois espuisé pour preuenir cette dissipation, & pour ne vous battre pas les oreilles de lettres fascheuses & de discours ennuyeux. Mais quoy, Sire, ie suis contraint de le faire, & vous declarer, à mon grand regret, qu'estant venu en cette ville-ey dans l'esperance d'y trouuer de l'argent & le prendre à interest en mon nom, il ne m'a esté possible d'y trouuer plus de quatre-mil escus, que M. de Caumartin, l'un de vos maistres des Requestes, m'a fait presser. Tellement qu'il m'a fallu vendre à vil prix, les deux tiers des moutons que j'ay esté contraint de prendre en payement d'un de mes Fermiers sur ce qu'il me doit, afin de ne me pas

esloigner, sçachant que le Duc de Parme s'aduançoit. Cela estant, ie supplie tres-humblement V. M. de considerer mon estrange necessité, & auoir pour agreable de me commander, si elle desire que ie m'arreste encote par deçà huit ou dix iours, avec ce peu de gens qu'à grande peine ie pourray retenir, afin de sçauoir si dans ce temps-là V. M. aura occasion d'en venir à vne bataille. Si la chose ne presse pas si fort, elle trouuera bon que les dix iours passés, ie m'en aille refaire mon esquipage, afin que ie puisse retourner le plustost que ie pourray, ou bien dès à present qu'elle me permette que ie l'aille ioindre avec Messieurs de Bouillon, d'Inteuille, Comte de Brienne, & Marquis de Renel, qui viennent avec les Suisses & les autres forces qu'ils commandent. Car ie n'estime pas que V. M. vueille hazarder vne bataille, qu'elle n'ait ensemble toutes ses forces, mesmes celles qui doiuent venir d'Angleterre. Ce n'est pas que ie vueille entrer en connoissance de sa resolution. Il me suffit de la supplier tres-humblement, de me declater sa volonté, & de me faire tel commandement qu'il luy plaira. Je mettray peine de l'executer de tout mon pouuoit. Je la supplie aussi d'excuser ma temerité, de luy renoueller trop souuent les fascheux discours de ma necessité. Je n'aurois pas voulu le faire pour tout l'or du monde, si ce n'estoit pour vn suiet qui m'est aussi à cœur que celuy d'une bataille : parce que j'aurois beaucoup micux m'y trouuer avec assurance d'y perdre la vie en y acquerrant de l'honneur, que de faillir à m'y trouuer en pensant prolonger inutilement mes iours. Car si j'auois fait cette lâcheté, le tesmoignage de ma conscience me seroit vn boutreau qui me seroit tous les iours mourir mille fois, & ne me laisseroit pas mesme en repos dans le tombeau. Mais ayant descouuert mon cœur au sicur de Fleury, & fait entendre tout ce qu'il est besoin que sçache V. M. ie ne l'importuneray pas dauantage. Je prie Dieu, Sire, qu'il donne à V. M. vne tres-heureuse & tres-longue vie. De Mante le 7. iour de Ianviet 1592.





AVTRE REPONSE
DE M. DE NEVERS A S.^r M.
SIRE,

L'ay grand regret que le Capitaine Berniers, qui seul de tous les Capitaines François voulut s'arrester à S. Vallery, se soit laissé surprendre, apres auoir esté aduertý par lettres expresses, qu'il prit garde à soy & que sa place estoit menacée de surprise. V. M. aura sceu le bon deuoir que les sieurs Octauius Lada & les Capitaines Lansquenets ont fait en cette occasion. Pour Berniers, ie croyois qu'il deust mieux faire. Je nay pu y laisser d'autres gens de pied. J'en parlay à tous ceux qui estoient près de moy; mais tous refuserent d'y demeurer. Il fut le seul, qui me promit de deffendre & d'y mourir. Je le loué, parce qu'il a tousiours bien seruy le feu Roy & V. M. en la garnison de Meulan, où il y a esté longtems. Au sortir de cette place-là, M. de la Grange le Roy, qui est tres-fidelle à vostre seruice, me l'adressa, & me pria de l'auoir pour recommandé, estant natiſ de S. Vallery. Il me respondit de sa fidelité & de son courage, comme l'ayant veu avec feu M. de Rostaing, & s'estant fort bien conduit avec luy. Je veux croire, Sire, que si la ville a esté bientoſt secourüe, le chasteau aura esté recouuert, comme j'en supplie Nostre Seigneur, & qu'il vous donne, Sire, bientoſt la victoire contre vos ennemis. De Mante. A costé est escrit. Et pour le regard, Sire, du chemin que pourront tenir vos ennemis, c'est chose certaine qu'il faut qu'ils passent entre Montreuil & Mondidier, ou bien qu'ils laissent Mondidier vn peu à droite. C'est pourquoy V. M. ne peut auoir vne veritable connoissance de leur chemin, iusques à ce qu'ils ayent passé Breteul. Par raison ils doiuent plustost s'espauler de Beaumont, pour courir les munitions qui leur viendront d'Amiens & de Mondidier, que de prendre vne autre route. Toutefois il est venu quelque bruit ce soir, par lequel il semble qu'ils ayent enuie de tirer droit à Neufchastel, & que leur retardement est proueny de l'attente de deux regimens de gens de pied, qui venoient du Pays-bas. En cet endroit, Sire, ie supplie le Createur de vous donner bientoſt la victoire contre vos ennemis. De Mante ce quinziesme Ianuier. J'ay despesché vers M. de Schombert, pour le hastier. Mais ie crains qu'il n'adiouſte pas grande creance à ma lettre, n'en voyant point des vostres, & ayant commandement de M. le Marechal d'Aumont de l'attendre. C'est pourquoy s'il plaist à V. M. de m'enuoier vos lettres pour luy, ie luy despescheray vn autre messager exprés.

AVTRE RESPONSE

DE M. DE NEVERS A S. M.

SIRE,

Je viens tout presentement de recevoir les lettres qu'il a pleu à V. M. de m'escire par ce porteur, suivant lesquelles j'ay escrit à Messieurs de Bouillon & de d'Inteuille, par vn Gentilhomme qui doit partir demain au matin pour les aduertir de vostre intention. Je m'assure qu'ils s'y conformeront, comme de ma part ie le fais avec grande ioye, oubliant & laissant à l'abandon, tout ce qui m'est le plus cher en ce monde apres V. M. Je ne manqueray iamais à vous servir; & n'eust esté qu'il m'a fallu rapasser nostre attirail, ie feusse party dès aujourdhuy, comme j'auois delibéré. Mais il ne m'a pas esté possible de le faire, de quelque diligence que j'aye esté pour cela. Sans faute, Sire, ie partiray demain. Je m'approcheray de Gisors & passeray outre, pour tirer vers Gournay, afin d'estre plus près de V. M. & de recevoir plustost ses commandemens. J'ay grand regret que le Capitaine de Berniers qui seul de tous les Capitaines François voulust s'arrester dans S. Vallery, se soit laissé surprendre, veu le bon deuoir qu'il a veu que le Capitaine octauio Cada & autres Capitaines ont fait, lors que les ennemis ont escaladé la ville; & d'ailleurs pour le bon tesmoignage que M. de la Grange le Roy, qui a esté tres-fidelle à vostre seruice, m'a donné de luy, lors qu'il me pria de le prendre pour l'emmener en Champagne. Il auoit esté longtems en garnison dans la ville de Nesle, & a tousiours esté employé pour le seruice du feu Roy. Toutefois ie veux croire que cette ville-là ayant esté secourüe promptement par la caualerie que V. M. y a enuoyée, le chasteau aura esté recouuert. Et finissant, ie supplie le Createur vous donner, Sire, tres-heureuse & tres-longue vie.



LETTRE DE M. LE DVC DE LONGVEVILLE
à M. de Rozières Commissaire general, sur le suiet
des deux lettres precedentes.

MONSIEVR de Rozières, ie me sens infiniment obligé à vous de tant de courtoisies qu'il vous a plu de me faire, & particulièrement pour le fait du souffre, duquel ie me suis resolu de ne le prendre, & ie ne le puis auoir à Rouën sans qu'il me couste rien; car autrement la voiture seroit trop chere, ainsi que i'en ecris au sieur Godefroy. I'ay remis au net l'estat de l'extraordinaire pour la garnison de S. Vallery, lequel i'ay enuoyé à M. Charron, afin de le mettre sur l'estat de Picardie. Je vous supplie d'y vouloir tenir la main, comme aussi à faire fournir six cens escus aux deux Capitaines des Lansquenets qui sont en ladite ville. Car ils disent qu'ils sortiront dans huit iours, qui sera le bout du mois, si on ne leur donne lesdits six cens escus. Parquoy ie vous supplie de faire en sorte qu'ils les puissent toucher dans ledit iour; & ce sera tousiours sur le mois qui est deu aux Collonels: de sorte que le Roy n'en receura aucune incommodité. Vous aurez sçeu comme M. d'Aumalle en personne, Gribannal, Maignes, Dammervual pere & fils, le Capitaine Castille Espagnol, ont donné l'escalade au Chasteau ce matin du premier iour de l'an, en trois endroits. Mais quatre des plus hardis sont demeurez morts sur la muraille, & environ quarante que morts que blesez, qu'ils ont emportez. Il y ont laissé leurs eschelles pour estreintes. C'est le bonheur ordinaire de M. d'Aumalle, qui enrichit tousiours ceux à qui il a à faire. Le sieur Otauiio Lada, qui est Lieutenant au Gouvernement de la place, y a tres-bien fait son deuoir; & estant suruenu à l'escalade la plus aisée, & desja plusieurs des ennemis estant entrés, il les repoussa en combattant vne heure avec eux, & là enfin tua trois des leurs. Ce grand Otauiio fut blessé en la main d'un coup de pistoller, ce qui ne l'empescha pas de combattre, iusques à ce qu'il les eust tous renuersez les pieds en contremont. L'on me mande qu'il est en danger de perdre la main, ayans les os & les nerfs fracassez, qui seroit un grand dommage. Le Roy m'a dit qu'il a accordé la traite des bledz de Chaalons & autres marchandises. Je vous supplie me mander ce qui en a esté fait; & pour fin, me tenir pour vostre parfait, bon & asseuré amy. Enfin le Roy a eu puissance sur moy de me faire surmonter toutes les necessitez, pour le desir que i'ay de l'assister en toutes occasions, comme i'ay promis de faire pour trois semaines, & m'en vay vers Gournay.



A V T R E R E S P O N S E

D E M. D E N E V E R S

A S. M.

SIRE,

Tout presentement, qui sont neuf heures du soir, ie viens de recevoir vne lettre de V. M. à cause que le porteur a esté à Formery pensant m'y trouver. Elle me fait sçavoir la resolution qu'elle a prise de partir demain. Aussi-tost i'ay despesché ce porteur, afin qu'il la trouve avant son partement: pour luy faire sçavoir le lieu où ie suis venu pour recevoir son commandement: & aussi pour la supplier tres-humblement de ne pas partir de si bonne heure, de peur qu'elle ne soit contrainte de charger quelques logis des ennemis de grand iour, & par là, leur donner occasion de s'assembler, de vous reconnoistre, & de vous suivre; sçachant que vous n'avez point de retraite bien assurée ny dans vne ville, ny par vn grand corps d'armée. Si V. M. les charge sur lanuit, avant que les autres quartiers ayent l'allarme, il sera nuit obscure, & ne pouvant vous reconnoistre, ny sçavoir quelles brisées vous aurez tenuës, ils se contenteront de garder leurs bagages & leur logis, & par ce moyen vous pourrez vous retirer doucement. Car V. M. Sire, doit faire estat qu'il luy faudra faire pour le moins 10. ou 12. lieües. Ie dis pour le moins, voulant faire quelque bon effet; & puis vous retirer en tel lieu, que vous puissiez faire repaistre seurement vos troupes. Car il sera bien mal-aisé de les pouvoir rendre chacune en son quartier au retour de la guerre, comme il faudroit qu'elles peussent faire, pour ne pas recevoir la grande incommodité qu'elles receuront, s'il faut qu'elles logent bien avant dans la nuit sans despartement, & possible sans trouver aucun rafraichissement estant arrivez au logis. D'ailleurs s'il pleut, ou si les cheuaux se déferent, ils se trouveront fort harassés, & s'il y a eu quelque combat, les blesez seront grandement incommodéz d'aller si loin, sans estre pensez, & d'estre contrainsts de partir le matin ensuiuant. L'auoüe bien que si V. M. peut faire quelque grand effet, il ne se faut pas espargner. Mais si c'est seulement pour enleuer quelques logis des Auantcoureurs, il est à craindre que le harassment que vostre cavalerie recevra, ne luy apporte plus de dommage qu'il ny aura de profit d'enleuer les logis de telles sortes de gens. Elle peut faire faire cela par vn Marechal de camp avec quelques cheuaux. Ie croy que si vos ennemis auoient passé la riuier de Moreul qu'il y auroit moyen de dé-

bander de la cavalerie vers Oüally, & les faire mettre en ambuscade dans des logis qui sont au delà de l'Abbaye de saint Frayen à trois lieues d'Amiens, par où M. du Mayne retournera trouver le corps de l'armée. Car il ne se pourra pas desembarasser sitost d'Amiens qu'il auroit proietté: de sorte que l'on pourroit le rencontrer. Au demeurant, Sire, ie louë fort le traité de paix, mais ie voudrois qu'on eust choisi pour la negociation vn lieu qui fut tres-esloigné de vostre armée, afin que l'on ne vint pas espier vos desseins sous ce pretexte de paix, en vn temps où vous les devez tenir plus couverts. Toutefois V. M. connoissant les hommes & leur fidelité, ie ne luy en diray autre chose. Je la supplie seulement, de se souuenir que c'est dans vne semblable conioncture qu'il faut enuoier souuent des trompettes & des tambours en l'armée des ennemis, pour demander des prisonniers, & descouurir leurs logis & leurs deslogemens, & mesme y faire enuoier des laquais des gentilshommes & des femmes inconnus, pour demander des sauuegardes pour leurs maisons & leurs villages; afin d'apprendre de certaines nouvelles d'eux & des chemins qu'ils voudront tenir, voire mesme pour leur donner quelque venüe sur l'un de leurs logis. Je dis des François; car i'estime que le Duc de Parme fera camper sa cavalerie & son infanterie près de luy pour dix ou douze iours, afin de tenir toutes ses principales forces en vn corps, & laisser courir seulement les carrabins & quelques Albanois pour luy apporter des nouvelles de vostre armée. Quand au chemin qu'il doit prendre, si ainsi est qu'il vueille tirer vers Beauuais, il prendra le chemin de Breteul, & le laissera à la droite; autrement s'il le laisse à la gauche, il s'en viendra droit à Aumalle pour tirer à Neuf.chastel. C'est ce que ie puis dire à V. M. pour le present; estimant qu'elle sollicitera l'auancement de la prise du fort sainte Catherine & des troupes qui la doiuent venir trouver; & aussi qu'elle aura donné ordre pour faire vn magazin de pain, quelques vins, chairs, & auoynes au lieu où elle a resolu de faire teste à ses ennemis. Car sans telle prouision, la pluspart de ceux de son armée, qui n'ont pas moyen de faire celle qui leur est necessaire, se trouueront merueilleusement incommodez, & seront contraincts de se desbander pour chercher des viures. Lesquels en telles occasions sont fort rares, à cause que les viuandiers n'osent les apporter, crainte d'estre destrouffés par les ennemis, & de perdre tout dans l'occasion d'une bataille. Pour fin, j'attenderay la nouvelle de la deliurance de ma pauvre fille. Car si elle ne sort à present, il ne le faut pas esperer de longtemps; & en cette attente ie supplieray le Createur qu'il vous donne, Sire, vne tres heureuse & treslongue vie. D'Aumalle le 21. de l'an 1591.



A V T R E R E S P O N S E

D E M. D E N E V E R S A S. M.

S I R E,

Je fus icy attendant le commandement de V. M. selon que le sieur de Varenne vous aura peu dire. Il a passé par cette ville, & m'a trouué dans la resolution d'attendre icy le laquais que l'enuoie à V. M. pour m'apporter ses ordres. Cependant, Sire, ie vous diray que si entre cy & demain au matin ie n'en reçois point de V. M. ie continueray d'exécuter celuy que j'ay eu de m'en aller à Gaieputain. Au demeurant, ie ne puis du moins que ie ne mette en consideration à V. M. que si les ennemis ont quelque volonté d'enuoyer des Caualliers & des poudres à Rouën, ils le pourront aisément faire passer par Pontdormy, en trauerlant vers Rambure & Blangy, & laissant Neufchastel à main gauche, sans qu'ils trouuent aucuns empeschemens, pource qu'ils croiront vous auoir obligé à faire tourner la teste de vostre armée du costé de Beauuais. Je ne voy nul expedient à cela, que de mettre peine de sçauoir au vray s'il ne s'est point desbandé quelques troupes de cauallerie de leur armée tirant vers la riuere de Seine, parce que s'ils auoient tels desseins, ils l'auroient fait, de peur de vous donner la connoissance de leur marche, & afin de pouuoir de Pontdormy, aller dans trois ou quatre iours, pour le plus tard, à Rouën. En attendant ce que le temps produira, ie supplie le Createur qu'il vous donne, Sire, vne heureuse & longue vie. D'Aumalle ce 31. de Ianuier à quatre heures du soir.





AVTRE REPONSE
DE M. DE NEVERS A S. M.
SIRE,

Hier au soir à mon arrivée en cette ville-cy, j'ay trouué le courrier de Langres, qui m'a apporté les lettres que i'enuoie à V. M. avec les miennes, afin qu'elle voye le piteux estât où sont reduictes vos affaires en ce pays-là; & la crainte que i'ay qu'elles n'empirent encore beaucoup plus. Vous aurez la bonté d'y faire considération comme chose qui vous touche, & d'y mettre vn meilleur ordre qu'il n'y en a eu iusques à présent. Si V. M. veut conferuer la Prouince en son obeissance, il faut que ceux qui en ont la charge y puissent trauailler comme vostre seruice le demande, sans se mettre au hazard de perdre leur honneur & leur reputation, & pour cela V. M. doit y apporter tous les remedes possibles. L'ay enuoyé ce courrier à Darnetal, & ay hazardé vn autre messager qui va du costé de Compiègne, pour sçauoir au vray si vous vous estes auancé iusques là avec grand nombre de cauallerie, comme le bruit en court, afin qu'au moins vne de mes deux despêches luy puisse estre au plustost renduë. Si le courrier de Langres peut arriuer près de V. M. sans auoir esté volé, il luy dira de bouche, des choses qui, ie m'assure, ne luy donneront gueres de contentement. Pour le regard de la frontiere de Champagne du costé de Luxembourg, S. Pol a tant fait par ses finesses, qu'il a obligé les habitans de Beaumont près Mouzon de luy enourir les portes. Il leur a fait accroire qu'il n'y vouloit entrer pour se rafraischir qu'avec neuf ou dix cheuaux. Mais y estant entré du consentement d'aucuns habitans, & contre la volonté du Capitaine qui y estoit, il y a mis trente hommes en garnison, ce qui apportera vne merueilleuse incommodité & vn grand dommage à tous ceux de ce pays-là. Il a pris à tâche de le ruiner, & de mettre au desespoir ceux qui sont affectionnez à vostre seruice, & qui en sont abandonnés. L'on me mande que depuis peu il est allé vers Rheims, prenant son chemin du costé de Laon, comme s'il vouloit aller trouuer M. de Mayenne. Les autres disent que c'est pour aller vers Dechannery. Pour mon particulier, ie fais aujourd'huy passer les troupes, & espere demain de faire aduancer les deux canons, pour les rendre lundy à Montereau. J'y attendray vos commandemens pour vous aller trouuer aussitost. Mais ie puis dire fort mal accompagné: car chacun s'en veut retourner en sa maison; & ie proteste à V. M. que i'ay eu

toutes les peines du monde à faire demeurer vos Reistres iusques à present, pour conduire l'artillerie en seureté. Les autres ont gagné au pied sans dire adieu, craignant d'estre retenus par force. Sur ce ie supplie Dieu qu'il vous donne, Sire, vne heureuse & longue vie. De Melun ce vnziesme d'Avril 1592.



A V T R E R E P O N S E D E M. D E N E V E R S A S. M.

S I R E,

Ie suis allé à Fontenay voir Mess. de vostre Conseil qui y sont arriuez aiourd'huy, estans partis de Melun pour venir au deuant de V. M. Apres auoir conferé avec eux sur les lettres qu'il vous a pleu de m'escire, & à messieurs de Biron & de S. Luc, nous auons tous pné monsieur de Reuol de vous faire entendre cette nuit, au nom de nous tous, la resolution que nous auons prise sur le commandement qu'il vous a pleu de nous faire. Maintenant M. de Surenne porteur de cette presente, satisfera au contenu de l'autre lettre, suppliant tres-humblement V. M. de ptendre en bonne part ce que nous auons fait, avec intention de bien faire. Au demeurant, Sire, ie trouue bien estrange que V. M. n'ait receu aucune de nos lettres, depuis celle que son grand, laquais luy a pottée. l'ay escrit par trois fois à V. M. dont l'une a esté par la voye de madame de Poix, & l'autre par vn courrier qui m'en auoit apporté de V. M. Ie m'estonne que pas vne ne soit encore venuë entre vos mains. Ie veux croire qu'elles y sont à present. Ie supplie le Createur qu'il vous donne, Sire, vne tres-heureuse & ttes-longue vie. De Chaume le 20. Septembre 1592.





AVTRE RESPONSE


DE M. DE NEVERS A S. M.


SIRE,

A mon grand regret ie suis contrainct de renouveler à V. M. la fâcheuse nouuelle que, ie m'assure, elle aura receuë par le laquais de M. de Praslin, de la perte de Coiffi, & du siege mis deuant Montigny, avec peu d'esperance qu'il puisse resister contre les forces que monsieur de Lorraine a de ce costé-là. Dieu veuille qu'à l'heure que i'écris la presente à V. M. il ne soit pas desja pris. Car si Coiffi, qui estoit sans comparaison beaucoup plus fort que n'est Montigny, a esté emporté en douze ou treize iours, il est à craindre que Montigny n'en dure pas huit. De sorte que Coiffi ayant esté pris le dixiesme de ce mois selon que V. M. verra par les lettres que les habitans de Langres ont écrites à monsieur de Praslin, le dixiesme de ce mois; ie ne doute point qu'à l'heure presente Montigny ne soit reduit à l'estremité. Cela estant, il faut que V. M. croye que Langres à la corde au col, & que n'estant pas secouru, il est en grand danger de se perdre, mesmes à cause des diuisions qui sont dans la ville. Ie croy que monsieur d'Inteuille fera ce qu'il pourra pour s'aller ietter dedans, que monsieur de Luxembourg suiura cet exemple, & l'estime que M. de Praslin fera la mesme chose. Toutefois ie ne sçay quelle intelligence il y pourra auoir entre les Chefs apres certaines petites riortes qu'il y a eue deuant eues entre M. d'Inteuille & le sieur du Chastelet. Cependant ie vois cette frontiere en tres-mauuais estat, si chacun ne marche, & tel que ie n'en puis attendre que la perte totale, si V. M. ne la secoure bien-tost. Pour vous dire mon sentiment, ie ne voy pas que la perte que V. M. fera de la frontiere de Champagne & de Langres, ne soit bien aussi grande que la perte qu'elle pourroit faire de Rouën. V. M. a rousiours estimé que c'estoit vn coup d'Estat que le siege de Rouën. Ie ne sçay comment ie dois appeller la perte de cette frontiere-ey. Ie serois bien marry que V. M. vint à souffrir le dommage que luy peut faire maintenant le Due de Lorraine, pour ne l'auoir pas voulu ruiner lors qu'il estoit en vostre pouuoir de le faire. Car ie crains bien fort que l'auantage que V. M. pretend tirer du siege de Rouën, ou de la bataille qu'elle a resolu de donner à ses ennemis, ne soit pas assez grand pour contrebalancer la perte d'une partie de la Champagne. Ie la supplie tres-humblement de m'excuser si i'en parle de la sorte. C'est mon zele & mon affection qui m'en donnent la hardiesse. La peur que j'ay qu'il n'arrive du malheur dans cette Prouince, & sur tout du costé de Langres qui sans doute amenera le reste apres soy, me met en vn tel desespoir, que ie

voudrois de bon cœur le pouuoir rachetter de tout mon sang. Chacun s'adresse à moy, parce que V. M. y enuoie tout le monde pour y donner ordre. Et cependant elle ne me donne aucun moien pour y traual-
 ler vtilement, ce qu'on ne prend point en payement; car les gens de ce
 pays-cy estiment qu'il ne tient qu'à moy que ie ne les secours. Je ne veux
 pas regretter le temps de six mois, que ie puis dire auoir vainement con-
 sommé durant cet hiuer en vostre armée, puisque telle a esté vostre vo-
 lonté. Mais ie croy bien que i'eusse plus auantagusement seruy en
 Champagne, que là où i'ay esté. Je puis dire avec verité, que ie n'ay pas
 esté plus de trois mois de suite, en vostre Prouince de Champagne, par ce
 que V. M. m'en a tiré pour diuerses occasions inopinément suruenues.
 Ce qui m'a empêché d'y pouuoir prendre les soins & y rendre les serui-
 ces que ie vous dois, & d'y executer vos commandemens, comme i'a-
 uois proietté. Or, Sire, puisque ie voy que le malheur accompagne tel-
 lement cette Prouince-cy, qu'il semble qu'elle se doie perdre peu à
 peu, malgré toutes les apparences; ie supplie tres-humblement V. M.
 de faire l'un des deux, ou de me donner le moien promptement de vous
 conseruer ce peu qui y reste, ou bien de m'en descharger. Car si elle ne
 peut, ou si elle ne trouue pas bon de conseruer ce qui est encore à
 elle dans cette Prouince, ie luy demande la mesme grace que ie
 demanday au feu Roy, que Dieu absolue, ie veux dire de me
 descharger de ce gouuernement-cy, comme il fit d'une partie du
 Gouuernement de Piedmont. Car i'aime beaucoup mieux que cette
 distraction soit faite de la Couronne entre les mains d'autrui, qu'en-
 tre les miennes, ayant tousiours desiré de l'accroistre & augmenter, &
 non d'estre causé, quoy que contre ma volonté, qu'elle soit diminuée. J'at-
 tendray donc de recevoir vostre commandement, & de m'y conformer
 autant qu'il me sera possible. Cependant ie supplie le Createur qu'il vous
 donne, Sire, vne tres-heureuse & tres-longue vie. De S. Fargeau le
 18. Avril 1592.

Vostre tres-humble & tres-obéissant seruiteur & suiet,
 LVDOVIC DE GONZAGUE.





AVTRE RESPONSE

DE M. DE NEVERS A S. M.

SIRE,

L'ay enuoyé à Mess. de Biron & de S. Luc les lettres qu'il a pleu à V. M. de m'escrire le 12. de ce mois. Il sont tous deux au lit malades. Le premier à Rozoy, à deux petites lieuës d'icy, & l'autre à Beauuais, tout contre cette ville. Apres auoir veu vostre lettre, ils ont esté d'aduis de ne point faire aduancer vostre armée, que l'on ait encore receu des nouuelles de V. M. comme elle nous l'a promis, pour nous asseurer de sa santé & de son acheminement de pardeça. Nous l'y attendons de grande affection & avec impatience, ayant iugé que si vostre fievre n'estoit qu'une ephemaire, vous pourrez partir Lundy ou mardy; & estre de pardeça avec Mess. de vostre Conseil apres demain: & partant que l'on auroit trop de temps pour esloigner vostre armée de ces quartiers-cy. Il faut adiouter à cela que les Suiſſes n'ont point encore eu leur prest, dont ils témoignent estre extremement fâchez; & ne veulent pas partir ce matin. D'ailleurs il y a eu deux rouës de canon rompuës. Il a fallu enuoyer aussitost vers M. de la Grange, pour en auoir deux de bois qu'il auoit fait faire. Il nous les a baillées; mais il faut les faire ferrer. L'elpere qu'elles le seront demain matin: de sorte, Sire, que à cause de tous ces empeschemens, nous auons aduisé de ne bouger d'icy iusques à demain, elperant que dans ce temps-là nous auons des nouuelles de V. M. & que les Suiſſes receuront leur prest. L'ay fait tenir vos lettres à Chaalons, comme aussi à M. de Renel qui est à Melun. Il m'en a enuoyé la responce que i'enuoye à V. M. & croy que Mess. de Biron & de S. Luc luy escriront pareillement par cette occasion, pour respondre aux lettres qu'ils ont receües d'elle. Iepenſois qu'il y eust quelque argent aux coffres de V. M. à Melun; mais M. de Reuol m'a mandé que les Thresoriers generaux luy ont dit qu'il ny en a point; ce qui me fait beaucoup craindre pour le prochain prest des Suiſſes. V. M. ſçaura, Sire, les broüilleries aduenües à Meaux, & comme les habitans ont fait sortir M. de Rantigny leur Gouverneur, desirant d'auoir M. de Ricux. Iene bougeray de vostre armée, que ie ne reçoie vos commandemens. Attendant lesquels, ie supplie le Createur de vous donner, Sire, vne tres-heuteuse & tres-longue vie.

AVTRE LETTRE DE M. DE NEVERS

I

AV ROY CHARLES IX.

SIRE,


M'ayant esté dit que les Suisses devoient dés Vendredy dernier arriuer en ce lieu de Turnus, ie laissay-là le siege de Mascon, comme ie vous ay cy-deuant escript, & y estois venu avec l'argent pour les payer, pensant de les trouuer tous prests pour marcher. Ce que ie n'ay pas vû. Au contraite, seulement les trois Capitaines Grisons sont artiuiez ce soir avec vne bien petite partie de leurs gens; & m'ont dit qu'ils n'auront les autres que dans quatre iours; s'estant mis deuant à grandes iournées. Ils m'ont fait des excuses de leur retardement, à l'occasion de quelque empeschement qu'ils ont eu à leur leuée, mesme par des ministres, comme i'ay entendu; leur persuadant de n'aller point contre ceux de leur Religion. Laquelle difficulté ils ont surmontée, & alleguent aussi qu'ils sont reculez des autres Suisses, de plus de six ou sept iournées. I'ay accepté lesdites excuses en payement, ne pouuant plus que faire, & les ay prié d'enuoier au deuant d'autres pour les faire hastier de leur part, comme M. de Ventoux a fait de la sienne; afin de vous aller trouver tout incontinent, qui ne scauroit estre que dans sept iours. Car ils demandent de faire vne reueüe de leurs gens, & le landemain faire la monstre, & l'autre iour aptes les payer; de sorte, Sire, que ie ne vis iamais vne si grande longueur. Et si dés le douze de ce mois le sieur de Bellievre m'eust aduertuy du iour certain, i'eusse desia prins Mascon: mais il m'assura qu'ils seroient au plus tard à Chaalons le quinze. De façon que i'ay laissé toutes les entreprises cui m'estoient presentes pour prendre ladite ville, & mesmes depuis trois iours, comme i'en ay escript à vostre maiesté; l'aduertissant que ie m'en venois icy, & esperoys y trouuer lesdits Suisses tous prests à marcher, comme l'on m'auoit escript. Tellement que si i'eusse sceu ce que i'esçay maintenant, ladite ville seroit en grand branle d'estre prise, & penserois auoir fait vn grand seruice à vostre maiesté; car à la fin ce lieu assamera Lion tant de pain que de vin, & l'incommodera grandement de bois. Outre la grande despense qu'il faut pour ce faire audit Lion de vingt cinq ou trente mille liures par mois, & à Chaalons, & aux autres lieux bien grande aussi; & qui est pis, l'vn de ces Capi-

raînes Suisses dit en bien grand secret, que sans faute & bientôt ceux de Berne s'iront mettre dedans, comme ils firent audit Lion aux troubles passez, à la requeste de ceux de cette Religion. Chose qui seroit bien mal à propos, & tant plus pour le passage qu'ils auront s'ils veulent passer plus outre en France, ce qu'ils ne pourroient faire, leur ayant osté le passage du pont dudit Mascon, qui pourra aussi, leur demeurant, servir au besoin aux Allemans, en cas que le passage d'ailleurs leur fut bouché. Au reste, Sire, la pitié est bien grande de cette ville-là, car les Catholiques y sont foulez & oppressez merueilleusement, tous leurs biens pris, & les paysans de là autour contrains d'aller iour & nuit besongner en ladite ville, ne leur laissant des biens que la maison seule, laquelle bien souuent ils brûlent. Ceux du pays, & mesmes de ladite ville me firent hier grande instance & requeste de ne point partir d'icy sans remettre ladite ville en vostre obeissance. M. de Ventoux, vostre Lieutenant General de cedit pais en l'absence de M. d'Aumalle & de M. de Tauanne, m'en ont fait grande priere. Mais estimant tant vostre commandement, ie luy dis de n'y pouuoir aller, ne voulant nullement retarder vos Suisses, & pour mon excuse, ie luy ay montré les lettres, qu'il vous a plu m'escire, qui sont fort expressees, me deffendant de ne me pas engager en aucune ville, & vous aller trouuer incontinent. Ce qui les fache bien fort, ayant fait grands preparatifs & fort viles pour ledit siege avec grande despenſe de V. M. & du peuple, laquelle il n'a pas esparignée pour telle execution, mais il la regrette bien fort maintenant, voyant qu'elle ne seruira plus à rien & sera du tout perduë. De façon que ce soir estant arriuez lesdits Grisons, ils luy ont dit ne pouuoir auoir leurs gens plustost que de quatre iours, & n'estre prests à partir que de sept à huit iours. Il m'a de nouveau recheché & prié instamment de vouloir retourner audit Mascon, me remonstrant que ce seroit tout temps perdu à demeurer icy sans rien faire duran: lesdits iours, & protestoit que n'y allant, ie defaillais grandement à vostre seruice, & perdois vne occasion que de long temps ie ne pourtois recouurer. Outre le grand degast que ce seroit de tous les appareils qui sont veritablement grands. En conclusion, il m'a tant & tant prié, que ne voulant pas que iamais homme me taxe d'auoir laissé perdre l'occasion de vous faire tres-humble seruice, ie m'y suis condescendu, à telle charge, que tout aussi-tost que lesdits Suisses seroient prests, que ie lairay tout là, ne voulant aucunement les faire seiourner pour telle entreprise, sans auoir autrement nouveau commandement de vous. Et à cet effect, demain nous partirons, & y serons Mardy 25. & esperons faire bresche en quatre iours qui sera le 29. & puis partir quant & quant les Suisses, & vous aller trouuer en la plus grande diligence que faire se pourra pour ne faillir à vostre seruice, qui est la chose de ce monde que ie desire plus. Esperant vous faire paroistre par effet quel seruiteur fidelle ie vous suis & l'ray tout le temps de ma vie, laquelle i'espere employer & tout ce qu'il vous plai-

ra me commander, n'ayant esgard à chose que ce soit pour vostre ser-
uice, comme ie fais maintenant, allant audit siege de Mafcon sous M.
de Ventoux, qui represente en ce pais vostre personne; & supplie V. M.
d'enuoier au deuant de moy, pour m'aduerdir du chemin qu'il vous plaira
que ie tiennne, afin qu'en tout & par tout ie fasse vostre vouloir & coman-
dement. Et en cet endroit, Sire, ie supplie Nostre Seigneur vous don-
ner en santé vne tres-heureuse & tres-longue vie. A Tournus ce 23. No-
uembre 1567. Sire, j'ay trouué en ce lieu-ey que M. de Ventoux a fait tout
ce qu'il a pû pour se diligenter; mais que les preparatifs estoient si
grands qu'il n'a pû s'avancer plustost, comme il m'a dit, & m'a prié de
vous en escrire, afin que vostre maiesté connoisse de quel pied il marche
à vostre seruite, estant la chose de ce monde qu'il desire le plus, que
de bien s'acquiter de la charge qu'il vous a pleu luy donner en ce pays.

Vostre tres-humble & tres-obeissant seruiteur & suiet,

LODOVICO GONZAGA.



LETTRE DV SIEVR DE TAVANNES AV ROY.

SIRE, j'ay entendu que M. de Nevers vous a escrit, que par faute
d'artillerie & de munitions, il ne s'est arresté à Mafcon pour l'assie-
ger. Quand ie partis de Bourgogne, j'auois laissé à Chaalons dix pieces de
batterie bien remontées, & pour tirer trois mille coups de canon, &
cent chevaux d'artillerie, vn bon nombre de Canonniers, deux Gentils-
hommes que j'auois establis pour Commissaires, & des Pionniers, en-
semble force batteurs pour conduire ladite artillerie, & ne puis penser
comment cela s'est passé. Vostre Maiesté commandera, s'il luy plaist,
au sieur de Ventoux, qu'il luy fasse entendre la verité. Je suis bien marry
puisqu'il ne vous a plû que ie sois auprès de vous, que vous ne m'avez lais-
sé-là durant le temps que ie n'ay de guerres seruy ailleurs, à mon grand re-
gret. Je vous en ay bien voulu faire ce mot, afin que Vostre Maiesté en-
tende la verité, & que rien ne m'en soit imputé. J'estime que ledit de
Ventoux vous en rendra bonne raison. Au demeurant, Sire, Mon-
sieur d'Aumale vous escrit bien amplement comment tout se passe par
deça, qui me garde vous en mander dauantage. SIRE, ie prie Dieu
de vous donner en santé tres-bonne & tres-longue vie. De S. Dizier
ce 3. Decembre 1567.

Vostre tres-humble & tres-obeissant suiet & seruiteur,

TAVANNES.





LETTRE DE M. DE NEVERS
AV ROY HENRY III.

SIRE,

Siie me suis retenu iusques à present de parler librement, & m'entremettre pour l'acheminement de l'armée de Poitou, de laquelle il vous auroit plu me commander d'en prendre la charge, ie vous supplie tres-humblement, de ne le pas trouuer mauuais, & de croire que ie l'ay fait seulement pour n'y voir les choses bien disposées, & pour ne donner occasion de penser que ie fusse plustost poussé de l'ambition de la commander que de l'affection de vous obeir. Mais ayant veu ces iours passez, & spécialement ce matin, que par faute d'argent il luy est comme impossible de faire cette armée, & celle de Dauphiné, selon qu'elle le desire, & l'a promis par les Articles secrets, ie voy que par ce defaut Dieu est offensé, vos pauvres suiets Catholiques pillés & ruinez, & vostre reputation & auctorité grandement interessée & diminuée. D'ailleurs ie me voy obligé par le serment solennel que i'ay fait & signé d'employer tous mes moyens, & ma vie pour l'extirpation de l'heresie : cela estant, i'ay crû ne deuoir plus retarder de dire à V. M. ce qui me semble propre pour l'accomplissement d'un si grand bien & si necessaire, avec assurance qu'il luy plaira (comme ie l'en supplie tres-humblement) me descharger de la conduite de ladite armée de Poitou, & la bailler à quelque autre qui sera tres-aïse de l'accepter, & qui aura plus de santé que ie n'ay pour s'en acquiter comme il appartient. Pour ce qui me regarde, vostre seruice n'en sera retardé, estant vostre Royaume garny de tant de Princes & d'autres personnes capables de telles charges, qu'elle aura le choix sur plusieurs pour la bien employer. Je me veux promettre aussi qu'il luy plaira m'accorder cette Requête, ainsi qu'il luy pleust m'accorder celle que ie luy fis aux Estats tenez à Blois l'an 1577. de ne me vouloir donner charge d'armée en la guerre qui se preparoit contre les Huguenots. Par là ie voulois démentir la calomnie de ceux qui m'accusoient que la sollicitation & la constante poursuite que ie faisois par son commandement, à l'endroit d'aucuns des trois Estats pour les faire ioindre (comme ils firent) à requerir avec les autres, l'entretènement de la seule Religion Catholique, prouenoit du desir que i'auois de mettre V. M. à la guerre, en esperance d'auoir la charge de

quelque armée; dequoy i'estime qu'elle s'enpeut ressouuenir, comme aussi qu'il luy pleust trouuer bon de reprendre (à l'occasion de telle Requête) le pouuoir qu'elle m'enuoya à Nevers apres la prise que fit feu M. de la Charité estant de retour près V. M. le la supplie tres-humblement de croire que telle Requête ne prouient pour vouloir espargner ma vie, ny chercher le repos, ny de crainte que i'aye de ne rien faire de bon audit pais de Poitou, à cause que la saison de l'esté est tantost passée: ny aussi peu pour ne desirer l'entiere extirpation des heretiques, & encore moins pour ne vouloir employer tous mes moyens en cette occasion si sainte & si iuste. Mais seulement pour destourner les mesdisans de blasmer ma bonne intention, & de conuertir le zele que i'ay à l'accroissement de l'honneur de Dieu, & l'affection à vostre seruice, à mon seul particulier interest. En cette attente donc, Sire, ie luy diray que voyant l'obligation en laquelle V. M. est mise par les Articles susdits d'enuoyer deux fortes armées, l'une en Dauphiné & l'autre en Poitou, & comme iusques à present elle a trauaillé pour les dresser & faire marcher où il appartenoit (mais en vain) faute de moyens & d'estre secourüe par nous tous, au mespris de la promesse qu'auons iurée & signée, d'employer non seulement nos moyens, mais aussi nos vies sous vostre autorité, pour l'extirpation de l'heresie, & que par tel manquement il fut auant hier donné aduis à V. M. de retrancher les forces qu'elle auoit destinées pour le Poitou, au lieu de les augmenter; comme il me semble deuoir estre fait, pour tant plustost accabler les heretiques ses rebelles, ennemis de Dieu & de vostre Couronne, & d'ailleurs que par telle faute l'equipage necessaire pour dresser ladite armée demeure en arriere sans aucun commencement, qui fait cependant couler ce peu de belle saison qui reste de cette année, & donne liberté au Roy de Nauarre & aux huguenots, de faire progresz & actes d'hostilité contre vostre autorité, & au dommage de vos bons suiets Catholiques, pour n'y auoir personne qui les deffende, comme ils s'y attendent par les promesses que V. M. a faites par tant d'Edits si solennellement publicz, & particulierement par ce dernier, qui ameneroit vn tres-grand blasme à V. M. n'en voyant reüssir les effets. Me pouuant le monde croire que tel retardement prouienne de faute d'argent, mais bien de sa propre volonté, & du desir qu'elle auroit eu d'espargner les huguenots pour paruenir enfin à vne paix generale. A quoy ils feroient acheminez de le dire & de le croire, par l'argument qu'ils feroient, de n'estre vray-semblable qu'elle se fut obligée d'enuoyer lesdites deux fortes armées esdites deux Prouinces, si quant & quant elle n'eust conneu d'auoir le moyen de ce faire. Tellement que du bonzele que V. M. a tesmoigné à toute la Chrestienté, non seulement en cette Reünion; mais durant l'hyuer dernier par deux signalées actions, d'auoir à l'extirpation de l'heresie, elle en seroit grandement blasmée,

non par la coulpe, mais par faute d'estre secouruë par tous les zelez Catholiques & affectionnez suiets de V. M. comme nous y sommes obligez. Ce que de ma part, Sire, ne voulant permettre qu'aduienne par ma faute, ains desirant que V. M. ait le moyen de restablir l'honneur de Dieu & l'obeissance qui vous est deuë par tout vostre Royaume, & quant & quant de donner le soulagement & le repos necessaire à tous vos bons suiets Catholiques; ie promets & m'oblige en vertu du serment que i'ay fait & Signé, d'assister V. M. trois ans continuels avec cent Gens-hommes à cheual armez, lesquels ie payeray de mes propres moyens, & en outre de m'employer priuement & sans aucun commandement à seruir V. M. près d'elle en son Camp & armée, ou bien près de tel autre son Lieutenant General, qu'il luy plaira de me commander, sans aucune exception de personne, durant lesdites trois années & plus longtemps, s'il plaist à Dieu de me laisser dauantage en ce monde, parce que, Sire, ie n'ay moins de zele & d'affection de finir mes iours en cette occasion si sainte & si iuste, qu'ont eu les Prelats, Princes, & autres qui se sont si dignement & priuement employez en la sainte guerre contre les Albigeois, sans aucune ambition d'estre chef, & commander à ladite armée, particulièrement les Duc de Bourgogne & Comte de Neuers qui refuserent le commandement d'icelle. Ainsi que l'histoire en fait ample foy. Ie reconnois bien, Sire, que tel secours de cent cheuaux n'est pas suffisant en soy pour ruiner tous les huguenots. Mais aussi ie ne l'estime pas si petit, que si à mon exemple tant de personages faisans profession d'embrasser ce qui concerne l'honneur de Dieu & vostre seruice, comme aussi les habitans des bonnes villes de vostre Royaume, qui sont remplis de pareil zeile Catholique, & d'affection en vostre endroit, vouloient donner secours à V. M. à l'égal de celuy que ie luy offre, selonc mesmes que par deuoir naturel nous y sommes tous tenus, & que derechef nous nous y sommes obligez par cette Vnion, que V. M. n'ait bien largement le moyen de faire deux bonnes & fortes armées, pour renuerser, fouler aux pieds & aneantir cette vermine heretique. Et afin que V. M. se puisse assurer de l'effet de ma promesse pour vne année entiere, ie luy mets en main vne obligation du sieur Federic Cuzano banquier à Milan, de la somme de 45497. escus pistolets qu'il me doit faire payer à Lion, à cette foire d'Aoust, pour partie du supplément du partage que me doit M. le Duc de Mantouë mon Nepueu, afin que si ie faillis dans six semaines apres que V. M. m'aura donné le rendez-vous, d'y faire trouuer les susdits cent cheuaux, elle puisse se seruir dudit argent pour payer autres cent cheuaux qui se trouueront, qui est ce me semble, Sire, le vray & assuré moyen que nous tous deions tenir en vostre endroit, afin qu'elle puisse faire vn fondement certain & assuré pour dresser lesdites deux armées, & auoir dequoy les entretenir pour exterminer l'heresie, & ne tomber en l'in-

conuenient que Simon de Mon-fort, Chef de l'armée contre les Albigeois, se trouua reduit par plusieurs fois, d'estre contraint de leuer le siege de deuant quelques villes par faute de secours. Parce qu'il ne pouuoit faire estat certain d'aucunes forces que de celles qui iournellement luy suruenoient par la deuotion des pelerins qui s'estoient croisez, dont quelquefois il se trouueroit fort bien accompagné, & tost apres tout seul, ce qui n'est pas raisonnable ny expedient qu'aduienne à pas vne de vos armées, comme il ne faut douter qu'il n'aduendra point, si chacun de nous marche avec l'ame enflammée d'acquiescer la gloire eternelle, & l'esprit esloigné de toute sorte d'ambition & interest particulier, comme nous y sommes tenus, & particulièrement en cette si honorable, sainte & tres-necessaire entreprise. Et afin, Sire, d'enflammer d'autant plus le cœur & le courage d'un chacun, à mettre à effect cette tant louable vnion, ie ferois d'aduis qu'il plust à vostre Maiesté d'obtenir de nostre saint Pere le Pape vne indulgence en forme de croysade, pour ceux qui viuement s'employeront, soit de leurs moyens, ou de leurs personnes, en cette guerre sainte, à l'exemple de celle qui fut faite du temps desdits Albigeois, de laquelle croysade & entreprise, V. M. seroit le chef, comme fut de celle-là le dit Simon de Mon-fort. Chose que i'estime induire tout homme ou femme, ayant tant soit peu l'honneur de Dieu en recommandation plus que son particulier interest, à contribuer bien largement aux frais de cette guerre, pour rendre à Dieu ce qui est à luy, & se redimer & leurs enfans de cette peste d'heresie, & de la crainte d'estre tyrannisez par aucun heretique. En ce faisant, Sire, non seulement Vostre Maiesté ne diminuera ses forces contre les huguenots, comme j'ay craint qu'elle fut contrainte de faire en licenciant les 4000. Suisses qu'elle a & partie des 12. Compagnies de gens-d'armes qu'elle a fait estat pour le dit Poitou. Mais elle les pourra grandement augmenter, en sorte que i'espere, moyennant l'assistance de Dieu accompagnant l'affection que V. M. porte à vne si sainte entreprise, que dans deux ou trois ans, ou plus tard, elle aura desfinché tous les huguenots & rebelles de son Royaume, qui est ce que ie desire le plus de voir en ce monde : & qui me fera mourir content. Donc si l'on a pensé que ie fusse un peu marry auant hier, comme à la verité ie l'estois, de voir faire vne resolution si contraire à mon desir, & à la promesse que Vostre Maiesté a faite, & qui portoit un si grand preiudice à sa reputation & au bien de ses sujets, ie la supplie tres-humblement de croire que cela ne pouenoit pas du regret que i'eusse pour mon particulier, de voir retrancher lesdites forces, pour n'auoir iamais recherché, ny demandé, ny fait estat iusques à present de la conduite de ladite armée, ainsi que l'on peut facilement iuger par la tres-humble requeste que ie fais maintenant à Vostre Maiesté de m'en descharger, & non pas de m'exempter d'employer ma personne ius-

ques à la dernière heure de mes iours, avec lesdits cent gentils-hommes. Si Vostre Maiesté ne se contente de ladite offre, & qu'elle desire d'estre dauantage secourüe de mes moyens, ie la supplie tres-humblement de croire qu'en me le declarant, ie suis prest d'obir & seruir de tous mes biens & de ma propre vie, aussi librement & promptement que ie le vous ay promis & signé de ma main : & en cette volonté, ie finiray la presente, en suppliant le Createur de vous donner, SIRE, tel ayde & assistance qui vous est necessaire pour l'accomplissement d'une si bonne & si sainte entreprise. De Chartres ce sixiesme Aoust mil cinq cens quatre-vingt huit



LETTRE DE M. DE NEVERS

ESCRITE AVX DEPVTEZ DES ESTATS

TENVS A BLOIS EN 1588.

MESSIEVRS, Les difficultez qui se presentent tous les iours au recouurement des deniers necessaires pour l'entretienement de l'armée de Poitou, de laquelle il a plu au Roy de me donner la charge ; & le peu d'esperance que ie voy que l'on en puisse promptement recouurer, mesme quand le besoin en sera plus grand, m'ont donné occasion de vous faire entendre, auant mon partement de cette ville, que la seule chose qui me fait retarder mon acheminement à l'armée depuis le premier iour du present mois d'Octobre, a esté la faute d'argent qui est trouuée, & qui continuë encore pour faire faire la premiere montre à ladite armée. Vous sçauéz tres-bien, Mess. qu'il est tres-necessaire qu'un General d'armée fasse faire ce payement à son arriuée, tant pour reconnoistre les gens de cheual & de pied, dont il peut faire estat, que pour donner vn contentement vniuersel à toutes les troupes & à tous les Officiers, afin de seruir le Roy avec plus d'affection & de courage, & leur ôster tout pretexte de ruiner la campagne & porter dommage au pauvre peuple. Et combien que toutes les difficultez continuent sans y voir aucun prompt remede, quelque diligence, soin & peine que le Roy y ait prise, n'espargnant tous moiens possibles, iusques à retrancher vne bonne partie des deniers affectez pour les pensions des Cheualiers du S. Esprit, & la sollicitude & assistance que i'ay faite à Mess. du Conseil depuis huit iours que ie suis arriué en cette Cour, & la diligente recherche qu'ils ont faite pour trouuer lesdits deniers necessaires pour la susdite premiere montre ; ie me suis neantmoins resolu de ny pas seiourner dauantage & de partir mercredy prochain, pour ne donner occasion de faire penser que i'y sois retenu par mon interest particulier, ou pour me donner quelque repos, mesprisant le deuoir & l'obligation que i'ay de sacrifier mon corps & employer mes biens pour

l'exaltation de l'honneur de Dieu, & extirpation des heresies. Ce que ie ferois dès mardy prochain, n'estoit que ie desire grandement de me trouuer en vne si bonne & si sainte conuocation que le Roy a ordonnée pour approuuer & iurer comme loy fondamentale de son Royaume, son Edict dereünion de tous ses suiets Catholiques pour l'extirpation des heresies, comme estant celuy qui l'a signée le premier de tous ceux qui estoient près de S. M. pour le contentement que ie ressens de l'effet d'icelle. Et toutefois, mess. ne pouuant pour les susdites iustes considerations & raisons tres-veritables, me trouuer en l'armée de Poitou sans auoir les deniers neecessaires pour luy faire faire la premiere montre, ie vous supplie de ne trouuer pas estrange si ie ne me rends à ladite armée, que prealablement ie n'en sois secouru. Mon intention est en attendant ce secours, de seiourner en quelque lieu, entre Tours & les lieux où les troupes sont dispersées & logées à present, vers lesquelles ie desire de m'acheminer, afin d'estre tout prest pour faire quelque bon effet, sitost que l'on aura pourueu aux deniers qu'il est besoin d'auoir pour cettere premiere montre. mais pour faire connoistre à chacun qu'il n'y a point de ma faute au retardement de mon depart, & que j'aime beaucoup mieux demeurer en vn lieu incommode, que de faire penser que ie cherche mon aise & mes commoditez en cettere Cour ou en quelque autre lieu delicieux où ie pourrois m'arrester; ie vous presse de hâter mon partement, afin que nous ne soyons pas cause des ruines & des oppressions que reçoivent les Catholiques du pais de Poitou, pour ne pas faire marcher l'armée. Au surplus, mess. afin que vous puissiez estre informez & certains de l'employ des trois cens mille escus que S. M. a ordonnez pour ladite armée de Poitou sur les cinq cens mille escus que le sieur de Sardini doit fournir & payer, suiuant la conuention par luy faite avec mess. du Clergé, j'ay fait faire vn estat sommaire de la despenſe qui en a desia esté faite, pour vous estre présenté, afin que par iceluy, vous connoissiez ce qui en a esté employé par le commandement de S. M. & ce qui en reste. Qui est si peu, qu'il ya faute de fonds de la plus grande partie des deniers neecessaires, pour faire faire ladite premiere montre. Tant s'en faut qu'il y ait de quoy en faire vne seconde, selon que quelques-vns se sont figuré. Donc, messieurs, puisque par ce que ie vous eſcris, vous auez tout l'esclaircisſement qui se peut souhaiter pour ce regard, & que vous ne pouuez estre en doute de mon intention, veu que ie n'ay pas esparigné mon propre bien, comme vous en auez pû estre aduertis, ie vous supplieray de m'excuser, si ie ne puis faire mieux pour l'effet & l'execution de ladite armée; & de croire que ie me sentiray heureux de pouuoir au peril de ma vie, accroistre la gloire de Dieu, seruir nostre Roy, apporter soulagement aux Catholiques affligez; & rendre à tous vous autres, messieurs, l'amitié & le deuoir où ie me suis obligé, comme tres-affectionné au bien de ce Royaume. l'espere, moyennant l'aide de Dieu, de vous tesmoigner de plus en plus, que ie ne m'engage à rien que ie n'aye volonté de

faire. Je supplie sa bonté de donner l'accomplissement à mes saints desirs, & de vous assister, messieurs, pour trouuer des moiens bons & conuenables à presenter à S. M. pour la restauration de la Religion Catholique, autorité du Roy, & soulagement vniuersel de tous les suiets. Escrit à Blois ce Dimanche 16. iour d'Octobre 1588.


Vostre tres-affectionné & parfaitement bon amy.

LODOVICO GONZAGA.

En suite de cette lettre se voit l'estat des trois cens mille liures ordonnées pour la despenſe de l'armée de Poitou, à prendre sur les cinq cens mille liures que doit payer le sieur de Sardini, suiuant le contract par luy fait avec mess. du Clergé.

Il se trouue dans cet estat vn Article fort glorieux pour M. de Neuers en ces termes.

M. le Duc de Neuers a fait prest à S. M. dès le commencement du mois de Septembre de la somme de quarente deux mille escus pistollers à luy dus pour le supplement de son partage.



AVTRE LETTRE DV MESME,

AVX MESMES.

MESSIEURS, Je me suis aduancé iusques au delà de Tours, sur l'esperance que ie me suis moy-mesme donnée, que la lettre que ie vous ay écrite produiroit quelque bon effet. Mais les aduis que ie reçois de Blois me iettent dans vne consternation estrange. On me mande que bien loin que vous traueilliez à faire les fonds necessaires pour l'entretienement des armées, & particulièrement de celle de Poitou, vous trauillez par vos diuisions & vocaballes à fortifier les heretiques, & porter l'esprit du Roy à des ialousies & des deffiances contre tous ceux qu'il a choisis pour se faire obeir. Croiez moy, messieurs, ce ne sont pas là les fruits que la France attend de vostre assemblée. Les Estats Generaux ont esté establis pour la grandeur du Prince, l'accroissement de l'Estat, & le soulagement du peuple. Ne changez pas vn si ancien & si legitime vsage en vn tout contraire: & ne fomentez pas la malheureuse ambition de ceux qui veulent la dissipation de l'Estat, afin de profiter de quelque partie. Réunissez vous donc sous le seruice seul du Roy, secondez ses saintes intentions; souuenez-vous du serment que vous venez de faire, & vous hastez de m'enuoyer ce que ie vous ay demandé, afin que vous appreniez bien tost les nouuelles de la desfaite de nos ennemis communs. Escrit à Tours le Vendredy 4. iour de Nouembre 1588.



AVTRES LETT. DE M. DE NEVERS A PLUSIEURS PARTICVLIERS.

I

A M. DE GEVRE SECRETAIRE D'ESTAT.

MONSIEVR de Gèvre, ie me suis fort resioüy de la deffaitte du Preux S. Pol. Je m'estonne qu'enfin il n'a rabbattu quelque chole de son insolence ordinaire. Dieu la luy laisse pour fleau de ses demerites, afin qu'il ressente dauantage les pertes qu'il fait. Quant à M. d'Inteuille, ie vous diray qu'à la verité i'eusse estimé qu'il eust esté aussi à propos qu'il fust demeuré en Champagne, que d'en sortir; bien que S. Pol s'en retournaist à cause que M. de Lorraine est attentif à mal faire. Mais le Roy, à qui la Prouince appartient, doit mieux considerer ce qui luy est necessaire que nul autre. C'est pourquoy ie ne luy en ay rien mandé, ne desirant de l'importuner en l'occasion qui se presente, en laquelle il y va presque du tout. Quant à ce peu de moyen qu'il vous plaist de m'escrire, ie vous supplie de croire que ie ne desire incommoder les Finances du Roy; & neantmoins que ie suis en grande disette. Je la supporte tant qu'il m'est possible, & me desplaist d'en importuner S. M. ne desirant que de la seruir en cette occasion, sans aucune sienne incommodité ny desplaisir. M. de Longueuille m'a prié, pensant que ie fusse près du Roy, de le supplier de le vouloir escouter avant que d'arrester l'accord avec Baillaigny; mesme sur la restitution des biens d'aucuns seruiteurs du Roy, qu'il leur destient iniustement. Je vous prie de luy en parler, afin de ne pas descourager ceux qui seruent bien S. M. en les laissant en proye à ses ennemis. Je me recommande de toute affection à vos bonnes graces, & supplie Dieu qu'il vous donne, Monsieur de Gèvre, ce que plus desirez. D'Aumalle ce 29. de Ianuier. Et plus bas. Vostre affectionné & parfait bon amy. Et encore. Monsieur de Sancy vient d'arriuer, qui m'a dit le retour du Roy à Sommieres: ce qui me fera arrester demain en celieu-cy. Je n'ay autre commandement de S. M.





AUTRE LETTRE DV MESME,

A V MESME.

MONSIEVR de Gêvre, si ie n'estois bien asseuré que vous auez vne entiere connoissance de l'affection que Madame de Bouillon porte au service du Roy, & du merite qui est en elle, ie m'estudierois à vous persuader d'auoir sa iuste cause pour recommandée. Parce que la necessité est tres-grande en sa maison, & beaucoup plus grande que l'on ne pense. C'est pourquoy ce peu de secours qu'il plaira au Roy de luy donner, luy viendra bien à propos, moyennant qu'il luy soit promptement déliuré. Je croy que vous vous souuenes fort bien qu'à Senlis & en la présence de M. de la Nouë, il fust résolu de luy bailler deux mil escus prouenans de la confirmation des offices de Chaalons, fauf à remplacer de pareille somme l'assignation qui auoit esté donnée pour M. le Comte de Charny, de laquelle M. des Rozieres estoit respondant aux Suisses. Et parce que M. de Bouillon a grand besoin de ses pieces, & qu'elle estimoit que ie fusse près du Roy, elle m'a fait despescher vn messager exprés, afin de supplier le Roy de luy faire ses despesches necessaires. Je croyois que M. de la Nouë les eust déjà fait expedier. Ce que n'ayant peu faire, & n'ayant à la Cour pas vn qui se melle de ses affaires; i'ay estimé que vous ne receurez pas à importunité la peine d'en faire les despesches, & les bailler à ce messager pour les luy porter. Voila tout ce que ie vous diray par la presente, sinon que ie me suis desia purgé, & espere demain de commencer à boire du lait d'Asnesse, & le continuer tant & si peu que le Roy me commandera de m'en retourner en Champagne, avec le moyen de luy faire le service que ie luy dois. Et après m'estre recommandé en toute affection à vos bonnes graces, ie supplie le Createur vous auoir, M. de Gêvre, en sa sainte & digne garde. Je vous prie de faire voir cette lettre à M. de la Nouë. M. de Laloüette le prie de l'appuyer.



AVTRE LETTRE DV MESME,

A V M E S M E.

MONSIEVR de Gèvre, aussitost que i'ay receu les lettres du Roy, i'ay escrit à Mess. de Bouillon & d'Intcuille, pour se hater, comme ie m'assure qu'ils feront. Mais ç'a esté avec regret : car i'estimois que la resolution que S. M. auoit faite de laisser M. de d'Inteuille estoit tres-bonne & necessaire pour la Prouince. Au demeurant M. de Villeroy auoit accepté l'offre de se laisser voir chez M. de Bellievre, & s'y estoit acheminé, lors que ie l'ay aduertuy du mauuais chemin que le Roy m'auoit commandé de faire. Il a fait demonstration d'en estre fort marry, & de desirer d'accrocher quelque paix, preuoyant vn grãd malheur. A la verité i'ay regret aussi que nous n'auons peu nous voir en la compagnie en laquelle i'estime que Mess. de Ramboüillet, du Mans & de Fleury se fussent trouuez; parce que i'estime qu'une bonne paix est plus necessaire, que la guerre sans fin. Mais puis qu'il a pleu au Roy de m'en destourner, ie veux croire que ç'a esté par la permission diuine, laquelle i'implore à nostre aide en ce temps calamiteux. Je pars sans faute demain au matin, & iray près de Gisors, & sans m'arrester, ie passeray outre vers Gournay, afin d'estre plus près à recevoir les commandemens du Roy pour y satisfaire. Cependant ie vous supplie de me tenir rouscours pour vn de vos plus affectionnez & fideles amis, comme ie suis. Ce 15. Ianuier. S'il vous plaisoit de faire response à M. de Birague s'il veut continuer la recompense de Dronice à les enfans, que feu M. de Birague auoit, ie depescherois soudain vn messager qui est icy, attendant la response, & apporterois la lettre du Roy à M. de Chombert.

AVTRE LETTRE DV MESME,

A V M E S M E.

MONSIEVR de Gèvre, ie vous ay depesché ce laquais, d'Estampes, que i'adressois à Darnetal. mais on m'a depuis assuré que le Roy auoit pris la route de Compiègne avec vn bon nombre de cauallerie; c'est pourquoy ieluy enuoye ce porteur de ce costé-là, & le courrier de Langres à Darnetal, afin qu'il voye le piteux estat auquel est reduite la Champagne. Elle s'en va perduë, avec dommage au Roy & deshonneur à ceux qui en ont la charge. De ma part, ie suis au desespoir, & ne sçais que faire pour bien faire. Je sçais seulement que ie voudrois estre mort en la grace de Dieu, ne prenant plus de plaisir à

viure de telle sorte. Voila le proffit qui en reuient au Roy, de donner l'autorité à M. le Marechal d'Aumont de commander à Langres. Car outre deux canons & les munitions qu'il en a tirés, i'y enuoyay dernièrement le Marquis de Mirebeau pour luy amener deux cens cheuaux legers Italiens, que l'auois fait venir moyennant trois mil escus qu'ils ont receus, lesquels il a laissé perdre. Cependant cela fait faute à la Prouince & à la ville de Langres, comme eux mesmes me l'escriuent. La confusion ruine tout, & m'estonne qu'on ne le reconnoisse. De ma part, ie ne le puis supporter, comme i'ay fait; & si S. M. se veut seruir de moy avec l'ordre qui y est requis, ie le feray tirer volontiers. Ie ne dis pas seulement pour ledit Langres, mais pour le reste de ma charge, afin qu'en le bien seruant, i'en rapporte de l'honneur, & luy du profit. Autrement ie seray contraint de sonner la retraite. Car ie ne puis viure plus longuement en telle incertitude, & sans pouuoir disposer de moy ny des affaires de ma charge, pour estre ordinairement incertain de ce que le Roy veut que ie fasse; qui n'est pas le moyen de le bien seruir & faire chose qui vaille. Ie suis arriué en cette ville sans argent, où i'en ay recherché & espere d'en recouirir pour viuotter vn mois, qui est tout ce que ie puis disposer du mien, pour m'en retourner vers S. M. ou sciuerner par deçà. Car le mois passé, il me faut mettre en pension, & aussi pouruoir à ma santé, qui ne se porte pas bien du continuel mal que i'ay eu cet hyuer. Quant aux deniers de la Champagne, le Colonel Hal m'a escrit qu'il a supporté tant qu'il a peu, & n'en peut plus; & qu'il sera contraint de s'en retourner, pour n'estre content. Bocquet Commis de M. Charron, m'escriit n'auoir moyen de leur donner aucun argent. Il a sommé les Thresoriers generaux; comme aussi ont fait les trois Capitaines du Regiment de Champagne delaissez à sainte Manchoult. Et neantmoins l'on n'en a aucune adresse. Iugez quel honneur peut auoir celuy qui commande à ladite Prouince. L'attens nouvelles du Roy, afin de me refoudre. Car cette incertitude me ruine: & si Messieurs de Champliuault & de Praslin ne retournent, ie ne sçay quelle escorte i'auray. Tant y a que ie feray le micux que ie pourray. Cependant ie me recommande de tout affection à vostre bonne grace.

De Melan ce 21. Auil 1592.



LETTRE DE M. DE NEVERS,

A M. DE VILLEROY.

MONSIEVR de Villeroy. J'ay veu par le contenu de vostre lettre, la formation que vous m'avez faite de vouloir m'employer à empêcher la cheute de cette Couronne. Je le desire autant, ou plus, que nul autre de la Chrestienté; & si i'en auois le moien pareil à la volonté, ie l'emploierois bientost. Cela done m'a donné ocaseion, avec ce que M. de Fleury vostre Nepueu m'a dit à son retour du Camp, de vous prier de vous laisser voir chez Monsieur de Bellievre, ou près de là, le plustost qu'il vous sera possible, estant pressé de passer outre. A cet effet ie vous enuoye le sieur de Fleury, pour vous conduire la part qu'il vous plaira d'aller; afin que là estant, nous puissions trouuer ocaseion de pouuoir conferer ensemble vne heure ou deux, & mettre les fers au feu, en esperance que Dieu benira nostre intention. Je vous supplie de croire que ie passeray la riuere, & que ie vous rendray le chemin seur pour aller là où il vous plaira, & aussi pour vostre retour à ladite riuere, selon le passeport que ledit sieur de Fleury vous apportera. Car ie serois par trop desplaisant qu'à mon ocaseion vous eussiez aucun desplaisir, & vous supplie de vous y asseurer comme à vostre parfait amy. Et en attendant ce bon iour ie finiray, me recommandant de toute affection à vostre bonne grace, & suppliant le Createur de vous donner, Monsieur de Villeroy, tout l'heur que vous desirez. De Mantres ce vnziesme Ianuier 1592. Vostre tres-affectionné & parfait bon amy.

LETTRE DE M. DE NEVERS

A M. DE LA GRANGE.

MONSIEVR de la Grange. J'ay prié Messieurs de Seruieres & du Soleil de vous mettre en main deux cassettes avec ce qui est dedans, vous priant d'en prendre la charge pour l'amour de moy. C'est pour vn bon effet, duquel ie m'assure que vous aurez du contentement. C'est pourquoy ne doutant point que ie ne reçoie ce plaisir de vous, ie ne feray cette-cy plus longue, que de vous prier de croire que ie m'en reuancheray en vostre endroit. Vostre parfait & bon amy. Ludouic de Gonzague, De Mante ce quinziesme de l'an 1592.



LETTRE DE M. DE NEVERS

A M. DE SERVIERES.

MONSIEVR de Seruieres. Ie viens de receuoir la vostre du vingt sixiesme du passé, par laquelle i'ay fort bien compris tout le contenu en icelle, & pour responce ie vous diray, que i'ay esté très-aisé d'entendre que vous soyiez armé en bonne santé à Chaalons avec mes cheuaux & mes cassettes. Si Monsieur d'Inteuille vient de par deça, ou Monsieur le Duc de Bouillon, ie vous priay de les faire conduire iusques à Melun; & là les laisser entre les mains de Monsieur de la Grange-le-Roy; en les ouurant & luy contant ce que vous luy laisserez. Vous en retirerez seulement de luy vn certificat comme il aura receu telle somme en mon nom. Car estant personnage d'honneur & en qui ie me fie beaucoup, ie m'assure qu'il me fera ce plaisir-là de me les garder, iusques à ce ie repasse. Ie vous priay d'en tirer dehors quatre-vingt dix doubles tant pour m'apporter, que pour seruir à vous rembourser des despenses que vous auez faites pour moy. A cet effect, ie vous enuoye la lettre cyenclose, pour prier ledit sieur de la Grange-le-Roy, de me vouloir faire ce plaisir de me les vouloir garder; & vous prie de retenir près de vous lescdites cassettes & les faire conduire dextrement avec M. d'Inteuille, & avec M. de Bouillon, s'ils prennent le chemin dudit Melun; & sur ce les laisser entre les mains de M. le president Blancmesnil, auquel i'escriis le billet cy enclos, pour le prier de les garder; & retiendrez avec vous lescdits 90. doubles pour l'effect que dessus. Qui est tout ce que ie vous puis dire par la presente, en attendant de vous voir bientost, pour vous remercier bien amplement de la peine que vous auez prise pour l'amour de moy, de laquelle ie seray bien aisé de me reuancher où i'en auray le moyen. Et pour le regard des deux mille six cens escus de Monsieur de Silleure, en ayant nagueres escrit bien amplement à Monsieur d'Inteuille, & l'ayant prié d'y donner l'ordre requis; ie veux croire qu'il l'aura prié de ce faire. Partant après m'estre recommandé de bien bon cœur à vos bonnes graces, & à Monsieur du Soleil vostre frere, ie finiray en suppliant le Createur de vous donner, Monsieur de Seruieres, sa sainte garde. De mantes ce 15. Ianuier mil cinq cens quatre-vingt & douze.

LETTRE DE M. DE NEVERS

A M. LE PRESIDENT DE BLANCMENIL.

MONSIEVR le President, l'assurance que i'ay de vostre amitié me fait vous prier de vouloir vous charger de la garde de deux cassettes que Mess. de Seruieres & du Soleil vous donneront, avec ce qui est dedans. C'est vn petit fond pour vne bonne occasion, de laquelle i'espere conferer de bouche avec vous à la premiere veuë. Je vous supplie de m'excuser de cette peine, & croire qu'en autre occasion, où i'auray le moyen de vous rendre la pareille, ie le feray de toute affection, avec laquelle ie me recommande à vos bonnes graces, & veux demeurer à iamais vostre tres-affectionné & parfait amy. De Mantecce.

LETTRE DE M. DE NEVERS

A VN COLONEL SVISSE.

MONSIEVR le Colonel. l'estime que vous aurez receu les lettres que ie vous ay escrites de Neuers, pour responce aux lettres que les soldats de vostre Canton m'apporterent, par lesquelles vous aurez entendu mon acheminement au camp, où i'estime y pouuoir traiter quelque chose pour les affaires de vostre Canton. On y attend la venue de Monsieur le Duc de Parme, Lieutenant general du Roy d'Espagne, avec vne grande & forte armée. Il vient pour enuaitiller Paris, comme il a fait, pour trois ou quatre mois seulement. Il a attaqué Corbeil, que vous scauez estre démoli & ne valoir rien; & neantmoins il ne l'a sceu emporter avec l'assistance de l'armée de M. le Duc de Mayenne, apres y auoir consommé vne grande quantité de poudres & de balles qu'ils auoient avec eux, & qui se sont encore trouuez de reste en la ville de Paris, & apres y auoir donné trois assauts, & perdu plusieurs Seigneurs & des meilleurs soldats qu'ils ayent. De sorte que Paris ne peut durer que trois ou quatre mois, pour le plus. Ce qu'ayant esté proueu par Monsieur le Legat, il s'en est retourné à Rome, & l'Ambassadeur d'Espagne, en Flandres, avec ledit sieur Duc de Parme qui s'y en retourne aussi. M. de Nemours & M. l'Archeuesque de Lion s'en vont à Lion. Madame de Guise est allée à Troye. De sorte que pour le present nous voyons la ville à bout, & preuoyons sa ruine. De ma part, ie suis venu en cette Prouince pour exercer la charge de Gouverneur qui appartient à mon fils, & voudrois que vostre commodité peust permettre d'y conduire deux cens cinquante bons hommes de vostre

Canton & des voisins, & non plus grand nombre; afin d'auoir moyen de les bien traiter, comme l'esperois de faire. Mais il seroit besoin d'vser de diligence. Et parce que i'en ay escrit bien amplement à Monsieur de Sillery Ambassadeur de S. M. ie me remets à ce que ensemblement vous en ferez, & vous assure ray que si vous le pouuez, vos gens seront les tres-bien venus. Ic vous prie qu'au plustost vous me falliez response: car ie payeray le messager, suivant l'accord que vous aurez fait avec luy pour venir & pour retourner. Et en cet endroit ie finiray, me commendant de toute affection à vos bonnes graces. De Chaalons ce 18. iour d'Octobre 1590.




LETTRE DE M. LE MARESCHAL D'AVMONT

A MONSIEUR DE NEVERS.

MONSIEVR, j'ay veu la lettre dont il vous a pleu m'honorer, par la voye de M. Launay vostre Lieutenant, sur laquelle ie ne vous diray autre chose, sinon que ie n'ay iamais faict douter de l'affection & du zele que vous auez tousiours porté au bien de cet Estat. Je sçay aussi combien vous portés à cœur la deplorable & confuse face que vous y voyez, & combien les remedes en sont desirez. Entre lesquels ie reconnois bien avec vous, Monsieur, que cette conuersion du Chef & des principaux, ne peut estre trop prompte, & souhaitee avecque vous, que ce fut au Carnaval prochain, afin de passer le Carême ainsi qu'il est accoustumé. Mais il faut esperer que si ce n'est à certuy-cy, ce sera à quelque autre; & que Dieu fera la grace à ce miserable Royaume, de reduire nostre desir à la chose du monde qui nous semble la plus necessaire, pour le rendre paisible & heureux. Je participe à la volonté que generalement tous les gens de bien en ont, & voudrois qu'il m'eust cousté quelque portion de ma vie, & que cela fust desia aduenu. Je prie Dieu qu'il luy plaise nous enuoyer bientoist cet heur, ne restant à desirer en ce Prince, autre partie que celle-là. Ic vous remercie tres-humblement, Monsieur, des offres qu'il vous plaist me faire, que ie ne seray pas en peine pour ce coup d'accepter. Ce que ie regrette principalement, c'est l'occasion que j'ay perdue de vous voir. Je ne le puis maintenant, car S. M. me mande de l'aller trouuer, avec ce que j'ay icy, sur l'esperance de venir à vne bataille. Vous verrez par la lettre que ie receus hier, la façon dont il me haste derechef, & le suiet qu'il en a, estant question de la reduction de Rouën, par le moyen du vieil Chasteau dont M. d'Allegre a trouué moyen de s'emparer; & s'il le peut garder iusques à ce que S. M. y arriue, il y a apparence que cette ville s'emportera, &

que de là naistra vne forte occasion de haster cette bataille. C'est pourquoy ie m'achemine à tres-grande iournée, & fais huit ou dix lieues au iourd'huy, encore que i'aye des Suisses & de l'Infanterie. Je vous enuoie ladite lettre; & finiray cette-cy, pour vous dire qu'estant arriué près de S. M. ie ne faudray de vous aduertir dece qui se passera, non plus que de vous tesmoigner en toutes occasions le tres-humble seruice que ie vous ay volié. Dans vne si bonne volonté, i'ay encore à vous remercier des bons offices qu'il vous a pleu départir à ces honnestes gens en ma recommandation. Je vous baile tres-humblement les mains, & prie Dieu, Monsieur, qu'il vous donne en tres-parfaite santé, vne heureuse & longue vie. Au Camp de Thoury en Beausse ce 20. Fevrier 1590. Vostre tres-humble & affectionné seruiteur d'AVMONT.



AUTRE LETTRE DV MESME,

A V M E S M E.

MONSIEVR, La souuenance que i'ay de nos derniers propos, & du suiet qui en a donné l'ouerture, qui est la fidelle affection au bien de cet Estat & au seruice du Roy, me donne occasion de vous enuoier ce Gentilhomme, pour vous représenter l'estat des affaires de cette Prouince, lesquelles pour estre voisines de la Champagne, ont beaucoup de correspondance au commun profit ou dommage de l'une & de l'autre. Ce que les ennemis ont assez reconnu par la conionction de leurs forces, auxquelles il n'est pas seulement facile de s'opposer par vne bonne intelligence, mais aussi de ruiner leurs desseins par vne commune deliberation. Surquoy ie ne vous diray rien de particulier; me remettant à la suffisance du porteur, auquel ie vous supplie de dire entiere-ment ce que vous iugerez à propos. Car i'estime qu'approchant vos forces, lesquelles ne peuuent estre mieux employées que contre l'ennemy estrange, qui a ruiné la Prouince en laquelle vous commandez, & moy tirant à vous, nous ne pouuons pas seulement faire reculer les forces aduancées & qui sont demeurées à la frontiere; mais par la ruine du pays des ennemis, vous donnerez beaucoup de repos à vostre Prouince tant travaillée, & cela apportera beaucoup au seruice du Roy. Je desire cette vnion tant pour ce suiet, que pour la volonté particuliere que i'ay de seruir Sa Maiesté près de vous, & en voir reüssir les effets, que la raison de la guerre m'en fait esperer. I'ay leué le siege d'Aulun, pour aller au deuant des Lorrains, & les combattre auant qu'ils puissent estre ioints à Monsieur de Nemours. Mais ils se sont tellement aduancez du costé de Lion, qu'ils m'en ont osté le moyen. Attendant de vos nouuelles, ie tiendray ferme pour reconnoistre leur contenance & empêcher leurs desseins. A quoy ie m'assure que vous m'assi-

quand le Roy peut s'acheminer de deça, quand M. du Mayne peut faire entrer l'armée estrangere, & beaucoup d'autres particularités importantes qu'il faudroit mettre sur le tapis, afin de regler nos deliberations. Quant à moy, j'estime que nostre enreueuë avec ceux qui sont auprès de nous, ne pourroit engendrer qu'un bon fruit au service de S. M. Dequoy j'attenderay vostre aduis & vostre volonté, vous suppliant tres-humblement, Monsieur, de me croire d'une chose, c'est que nulle particularité où il y aille du mien, ne me fait rechercher cette conionction, mais la seule esperance de pouvoir faire reüssir près de vous quelque chose de bon pour le service de S. M. Je ne suis, je vous iure, poussé d'autre dessein que de celui-là. Au surplus, Monsieur, j'ay veu ce que vous avez escrit à M. d'Inteuille, & à Mess. de cette ville-cy, pour faire une somme qui puisse satisfaire au payement de la leuée des Suisses que vous dressez pour vostre Gouvernement. J'y ay tenu la main, & ay facilité autant qu'il m'a esté possible, cette affaire, pour le service que ie me suis proposé de vous rendre par tout où j'en auray le moyen. Mais s'il vous plaist, pour plus grande diligence & moindre risque, vous servir de la commodité que j'ay. Je vous assure qu'avec deux doigts de papier j'ay moyen de faire fournir cette somme-là en Suisse à lettre veüe, & sans manquer. Je feray ce qu'il vous plaira me mander, & si la somme est receüe de delà, vous me la ferez rendre de deça. Voila comme cela se pourra accommoder. Mais il me semble qu'il seroit necessaire que j'eusse l'honneur de vous voir. En quoy j'uscray de tout le devoir qu'il me sera possible, comme celui lequel après vous auoir baillé tres-humblement les mains, vous trouuerez tousiours, Monsieur, vostre tres humble & plus affectionné seruiteur, d'AVMONT. A Langres ce 15. Iour de Iuillet 1591. Et sur la subscription. A Monsieur, Monsieur le Duc de Nevers, Gouverneur & Lieutenant General pour le Roy en Champagne & Brie.



AVTRE LETTRE ESCRITE A M. DE NEVERS.

MONSEIGNEVR, Ceux que j'auois icy enuoyés à la guerre sont reuenus, qui m'ont asseuré que l'ennemy n'a deslogé que quelques troupes pour faire place à M. de Guise, qui est arriué en l'armée des ennemis. J'en ay d'autres dehors, qui me viendront encore aduertir. Vostre tres humble & tres-obeissant seruiteur La Chere. Et sur la subscripçon, A Monseigneur, Monseigneur le Duc de Nevers.






LETTRE DE M. DE GEVRE SECRETAIRE D'ESTAT.

A M. DE NEVERS.

MONSEIGNEVR, Il est certain que le Roy partira dans cinq ou six iours, pour prendre son chemin droit à Domchery. Je croy que sa Maiesté passera par la Chappelle, & par Maubert. Elle a escript à toute la Noblesse de Champagne pour la venir trouver. Elle a enuoyé vn Gentilhomme le long de la riuere de Seine, avec lettres à la noblesse des lieux. Elle vous en adresse vne partie pour ceux ausquels vous les pourrez faire tenir. L'auois proposé au Roy de reprendre Veruins & Aumont en passant; mais ie crains que cela l'arest. Vous iugerez, Monsieur, ce que vous pourrez faire, attendant le Roy. L'armée des ennemis est toute rompuë, & est infiniment affligée du deshonneur qu'elle a receu de voir prendre cette ville-cy à sa barbe, estant plus forte que n'estoit celle du Roy. Je voudrois que le passage du Roy peust scrir pour reduire ce que les ennemis vous occupent en Rethelois. Le Roy ne partira pas de Champagne, qu'il ne vous laisse des forces pour faire faire de bons effets par delà. Vous pouuez seurement adresser vos lettres par les voyes de la Cappelle. Je prie Dieu, Monseigneur, qu'il vous donne en santé vne tres-longue & tres-heureuse vie. Du Camp de Noyon le 19. iour d'Aoust. Et sur la subscription, A Monseigneur, Monseigneur le Duc de Niernois Pair de France.




LETTRE DE M. DE CHABOVILLE'

A M. DE NEVERS.

MONSEIGNEVR, Les troupes qui sont logées à Lisy ne sont pas estat de desloger deuant Lundy ou Mardy, & disent qu'ils attendent le Prince de Sezze. Ils peuuent estre en tout enuiron cinq à six cens chevaux, partie Italiens, Albanois, Wallons, & quelque peu de François qui les conduisent. Ils sont en doute d'estre chargez. Car ils ont fait leuer les planches & les picces de bois dudit Lisy, & se tiennent serrez. L'on ne peut descouurir quel est leur dessein, & où ils veulent tirer. Aucuns disent que le Legat va à Rheims, & de là en Lorraine. Les autres, qu'il attend ledit Prince de Sezze, pour retourner avec luy en Flandres. Ils sont estat que ledit Prince de Sezze & eux pouront faire quinze cens chevaux, & ils delibèrent de faire quelques charges en passant. L'ay deux hommes à Meaux qui m'aduertiront de l'armée dudit Prince de Sezze & du nombre qu'il aura. Sitost que j'auray receu ledit aduis, ie ne faudray à vous en aduertir. Il est eiourd'huy passé

un foldat de monsieur la Dune, qui dit estre party hier de S. Denis, & que Monsieur de Lauerdin a chargé depuis deux iours, deux Regimens dans Surrene près S. Cloud, & les a deffaits, & a pris l'un des Maîtres de Camp prisonnier. Voila ce qui se passe à present par deçà. Et en attendant vos commandemens, ie prieray Dieu, Monseigneur, qu'il vous donne vne tres-heureuse & tres-longue vie. De ce lieu de Sauuedy le 29. Septembre 1590. Je vous ay donné aduis de ce que dessus depuis hier au matin, tant de leur arriuée que de leur logement. Vostre tres-humble seruiteur de Chaboüillé.



LETTRE DE M. D'O SVRINTENDANT DES FINANCES

A M. DE NEVERS.

MONSIEVR, Encore que i'espere d'estre, avec l'aide de Dieu, ce soir près de vous, craignant que vous n'ayez besoin de ce qui est contenu par vostre lettre, dès aujourd'huy ie vous enuoie ce porteur deuant, par lequel vous sçautez, suiuant la lettre qu'il vous porte, comme le Roy a agreable le memoire que ie luy ay enuoie; dequoy i'espere vous diseourir aujourd'huy plus particulièrement. Je ne vous ennuyray pas de plus long discours, sinon qu'apres vous auoir baisé tres-humblement les mains, ie prie Dieu, monsieur, qu'il vous donne en santé vne tres-heureuse & tres-longue vie. A melun à 4. heures du matin ce mardy 24. Nouembre. Vostre tres humble & tres-obeissant seruiteur d'O. et sur la subscription. A monsieur, monsieur le Duc de Neuers.



ARTICLES ET FAITS REPRESENTEZ

PAR M. LE DVC DE NEVERS AV CONSEIL DV ROY.

REMONSTRER le mauuais estat auquel est la Champagne; & celui auquel elle seroit si ie ne fusse venu; & où elle sera, si ie suis contraint par necessité de m'en absenter.

La venue de l'armée de monsieur de Lorraine a interrompu nos desseins, & par mesme moyen empesché d'auoir de l'argent.

Les habitans ont presté sept mil escus, lesquels estans desia consommés, l'on ne sçait par quel bout continuer les prests aux Suisses, pour ne pouuoir recueillir les tailles, les Collecteurs & autres en estant empeschés par ladite armée.

D'ailleurs, le train de l'artillerie ne se peut passer sans faire vne grande despenſe.

D'autre costé, les troupes venuës de Mets voudront estre secouruës de quelques deniers.

Et M. de Neuers ne sçachant où en pouuoir recouurer, S. M. peut considerer l'estat auquel il est.

Et par là iuger de quelle importance luy feroit la deffaire de l'armée de M. de Lorraine, ainsi qu'il luy a cy-deuant mandé ; afin que sur le tout, elle y fasse telle resolution qu'il luy plaira.

Bien est vray, qu'elle doit iuger que M. de Lorraine n'a pas entrepris d'entrer en son Royaume pour s'assurer seulement de Ville-Franche ; mais pour empieter toute la Champagne, & la Couronne aussi, s'il luy estoit loisible.

Il n'a pas mis sus cette armée pour se contenter seulement de prendre Ville-franche, qui estoit rendue auparavant qu'il partit de Nancy, comme il se peut aisement connoître par les Traités faits, pour la trefue de Mets.

C'est pourquoy il faut croire, que son intention est de faire vn grand progresz sur cette Prouince-cy, s'il n'en est empesché.

Pour ce faire donc, s'il plairoit à S. M. d'enuoyer 300. bons cheuaux de combat, & 800. ou 1000. hommes de pied, ie m'assurerois de luy donner la victoire sur monsieur de Lorraine ; & par consequent de mettre son pais en proye.

Par mesme moyen il plaira à sa maiesté de considerer que si elle ne tient ordinairement de bonnes forces en cette Prouince-cy, monsieur de Lorraine, ne cessera iamais qu'il ne s'en soit emparé du tout ou de partie ; & pour ce, elle sera suppliée de trouuer bon de faire faire vne nouvelle leuée 1000. Suisses, laquelle s'entretiendra de mois en mois par le mesme prest, & moins encore que celui que l'on donne au Regiment de Soleure, lequel ne monte pas en tout & par tout à mil hommes, ainsi que ie l'ay compté & l'ay fait aduoir aux Colonnels & Capitaines. Il ne faut pas douter que dans Noël il ne diminuë encore de 100. hommes, qui sera vne chose par trop cruelle, que d'auoir peu de gens, & estre contraint de les payer pour trois fois autant.

D'ailleurs, si l'on n'a trois cens bons cheuaux estrangers, l'on ne pourra iamais faire vn corps qui puisse estre employé à toute heure où l'occasions' offrira. Car la Noblesse volontaire de ce Pais cy, vient quand il luy plaist, & s'en retourne quand elle veut. Surquoy le porteur pourra faire entendre à S. M. la resolution qu'ensemblement nous auons prise.

Et pour le regard des finances, sçachant assez que sa maiesté n'a pas le moien d'en fournir icy, des autres Prouinces, il ne la faut point importuner pour ce regard ; ains s'efforcer de faire du mieux qu'on pourra avec les deniers qui se pourront recouurer en cette Prouince cy, si sa maiesté trouue bon qu'on s'en serue pour les affaires qui y sont.

Surquoy ie supplie tres-humblement S. M. d'en vouloir declarer sa volonte, afin que suivant icelle, ie puisse proietter comme i'auray à conduire les affaires en la prochaine année, veu que celle-cy est presque escoulée, mesme à cause de la rigueur de l'hiuer.

Remonstrera aussi l'estat auquel est la ville de sainte Manchouft, gouvernée par le Lieutenant Godet ennemy capital du sieur de Thomassin, auquel neantmoins S. M. a donné le Gouvernement; & il ne faut pas esperer que tous deux puissent compatir en cette ville-là. Au moien de quoy il plaira à sa maiesté d'ordonner ce qu'il trouuera bon; veu ce qui luy a apporté la diuision de Ville-franche. Il est à craindre qu'il n'en aduienne de mesme sur cette-cy; comme en pareil cas, sur maubert, duquel en ayant cy-deuant escrit à sa maiesté, & mesmes enuoie la resolution que les Capitaines de ladite ville auoient faite, il ne luy a pas pleu de declarer sa volonte là dessus. Au moien de quoy le desordre a tousiours continué en ladite place, & y continué tous les iours. Il est à craindre qu'il n'ameine sa perte, mesmes s'il est vray que S. Pol soit allé de ce costé-là, & qu'il ait surpris la ville. Car n'y ayant du Chasteau que des gens de la qualité qu'on sçait, il est à craindre qu'il n'en mesaduienne. Je m'estois tousiours attendu d'effectuer le commandement de sa maiesté; mais ne l'ayant encore peu sçauoir, ie me suis contenté d'enuoier conforter les Capitaines, & les secourir au cas qu'ils en eussent besoin, ainsi que i'ay fait entendre à sa maiesté.

On luy fera entendre aussi l'estat de la ville de Mouzon, & ie la supplie de me mander comme i'auray à me gouverner avec les Nepveux du sieur de Brosse qui sont dedans, & le Capitaine S. Thibault, lesquels presuppisent auoir la charge de ladite place.

Il y a plusieurs Seigneurs & Gentilshommes qui ont des garnisons pour leurs maisons, le payemēt desquels est assigné sur aucunes élections qui ne ressortissent à cette generalité, mais à celle de Paris, comme du Soissonnois & de Laon, establie au pont d'Arcy & à Chasteau-thierry. Comme aussi de Meaux, establie audit Chasteau thierry. De mesme de celles de Tonnere, S. Florentin, & Sens, qui ont esté establies en d'autres lieux, desquels les Thresoriers generaux ne me peuuent donner aucune connoissance, pour sçauoir quelles garnisons sont assignées là dessus, & quels deniers les Reccueurs en peuuent recevoir. Surquoy Sa Maiesté ordonnera son bon plaisir. Car ie n'ay que faire de m'entremettre plus auant que de ce qu'elle trouuera bon.

Il plaira aussi à sa maiesté de donner pouuoir aux Thresoriers generaux de cette Prouince, de faire leuée sur icelle de pionniers & de cheuaux d'artillerie; comme aussi pour faire des magazins pour les viures & pour le departement, soit en bled ou en argent, sur leur generalité, voire sur toutes les eslections de ce Gouvernement. Car ie ne desire pas m'embrouiller en telles Commissions; mais seulement sur la distribution des

deniers & des viures, desquels i'espere faire vne si bonne distribution; que ie ne rougiray point de l'employ d'icelles. On luy dira aussi comme il sembleroit plus à propos que trois de messieurs du Bureau, eussent l'intendance des finances, que non pas qu'elle fust donnée à vn seul; pour le doute qu'il y a que les autres ne tinssent la main à faire recourir les deniers, comme ils feront, ayant tous ensemble vn mesme pouuoir, & que de trois mois en trois mois ils deputeront pour tous vn d'entre eux, pour estre près de moy. C'est ce qui m'a gardé de supplier sa maiesté de m'en donner vn particulier, pour ne leur pas donner occasion de s'offenser.

Remonstrera la froideur d'un chacun, prouenant de la crainte qu'ils ont d'estre abandonnez dans trois ou quatre mois, & laissez en proye à leurs voisins. Pour ce, ils ne desireront pas de se partialiser, mais plustost de s'accommoder, qui est le plus grand mal qui scauroit venir en cette Prouince-cy. Ce qui est grandement à craindre qu'il n'arriue, s'ils se voient abandonnez; & plusieurs mesme m'ont déclaré tout haut qu'ils seront contrains de le faire, lors que ie leur ay dit que ie craignois que la necessité me contraignit de m'absenter d'eux, pour ne vouloir pas estre spectateur & m'endosser vn tel blasme à moy & à ma posterité.

Quant à la trefue de Mets, ie n'en diray rien, parce que S. M. aura tres-bien connu la ruine qu'elle a amenée à cette Prouince-cy, & à moy particulièrement.

On se souuiendra, de faire refoudre S. M. sur tous ces articles, & au plustost me faire entendre sa volonté, afin de mettre peine de la suiure, comme ie feray de tout mon pouuoir.



RESPONSES AVX ARTICLES CY DESSVS.

TOUCHANT la leuée de deux mil Suisses, si S. M. ne voit bientôt M. de Neuers, elle luy en mandera promptement sa resolution.

Pour le regard des Finances S. M. a permis à mondit Seigneur de Neuers de s'aider de tous les deniers qui se leuent en son Gouvernement, pour les employer au fait de la guerre: & a S. M. commandé que le pouuoir luy en soit expédié & enuoyé.

Quant au Gouvernement de la ville de sainte Manchoult, S. M. desire auoir sur ce l'aduis de mondit sieur de Neuers.

Pour le regard de celle de Maubert, S. M. a cy-deuant mandé à M. de Neuers d'y enuoyer le sieur de la Vieuille pour y commander, & s'il scauoit quelque autre expedient pour le bien de son seruice, qu'il luy en donnast aduis.

Quant au Gouvernement de Mouzon, mondit sieur de Neuers iu-
gera


gera par les actions des Nepueux dudit sieur de la Brosse, s'ils sont bons seruiteurs du Roy, & leur commandera ce qui est requis pour le seruice de S. M.

Pour le regard des eslections qui sont du Gouuernement de Champagne, & de la generalité de Paris, sera proposé au Conseil pour y estre pourueu.

Sera enuoyé commission à Mess. les Thresoriers, pour les magazins & cheuaux d'artillerie.

Quant à l'Intendant des finances, ledit sieur de Sourdy estant mort, sa maiesté trouue bon l'aduís qui luy a esté donné par mondit sieur de Neuers.

Fait à Attichy le 18. iour de Nouembre 1590. Signé HENRY. Et plus bas, POTTIER.




LETTRE DE M. D'O SVRINTENDANT DES FINANCES

A M. DE NEVERS.

MONSIEVR, Suiuant ce qu'il vous auoit pleu me commander, i'ay écrit aux Augustins que i'auois six cens escus à leur bail-
ler, à scauoir trois cens de la part de tous Mess. les Commandeurs, &
trois cens que vous leur donnez en vostre particulier. S'il vous plaist
m'ordonner que ie les baille aux viures, ie le feray, apres que ie les au-
ray receus. Car i'ay l'assignation des vostres sur Creu, dont neant-
moins ie me suis chargé, parce que ie tiens cela pour estre certain.
Quant à vostre Compagnie, c'est chose dont ie vous supplie tres-hum-
blement de me dispenser, m'estant resolu de n'y toucher qu'autant &
ainsi que le Roy l'ordonnera au Conseil, ne pouuant pas porter ce far-
deau. Car, monsieur, en deux mots, le payement de la gend'armie au
moins que le Roy le puisse faire, montera à plus de six ou sept cens mil
escus; & neantmoins ie ne pense pas qu'il puisse reuenir de deniers
clairs, plus de cent mil escus. Tellement, monsieur, que ie laisseray
faire cela à ceux auxquels le Roy le commandera; comme ie suis enco-
re contraint de faire le semblable pour les garnisons de Picardie, & d'en
laisser le iugement au Conseil. Je n'ay iamais sceu gaigner par raison
avec le Secretaire de monsieur de Longueuille, qu'il laissast les tailles &
les recrues de l'eslection de Noyon, pour le payement de la garnison,
ne voulant laisser que cinq mille escus pour vn payement, qui monte à
cinquante mil. Or enfin, i'en laisseray faire le Conseil, qui en ordon-
nera, ou le Roy, s'il luy plaist. Le General Corbeët est cy arriué avec
milot de la generalité de Berry, qui fait les plus grandes clameurs que
vous ayez iamais entendues de cette translation de l'eslection de Clame-
cy à Chastillon sur Indu. Nous auons remis cela à vostre retour, que
nous auons bien estimé tres necessaire, comme vous verrez par vne lettre

que M. Reuol escrit au Roy, sur la declaration qu'a fait M. du Mayne, où l'on estime qu'il est necessaire de remedier. C'est pourquoy, monsieur, outre cette occasion, qui est tres-prégnante, ie m'en resiouis pour l'honneur que nous aurons de vous voir encore icy quelque temps, & du moyen que j'auray de vous tesmoigner qu'en tout ce qui regarde vostre seruice, personne du monde n'y apportera plus de fidelité & d'affection que vostre tres-humble & tres-affectionné seruiteur, d'O. A Chartres le 17. Ianuier. Et plus bas. monsieur, j'ay fait icy despescher ce que les vostres ont desiré de moy. Et sur la subscription. A monsieur, monsieur le Duc de Neuers.





DISCOVRS DE CE QVE FIT
MONSIEVR DE NEVERS
 A SON VOYAGE DE ROME,
 en l'année 1593.

ADVERTISSEMENT.

Monsieur de Nevers n'ayant pas receu à Rome, le contentement qu'il en denoit iustement attendre, se resolut de publier ce qu'il y auoit negocié. Mais auant que de paroistre luy-mesme sur le theatre, et se plaindre par sa propre bouche, il voulut faire courir cette relation pour preparer les esprits, et instruire l'Europe par une tierce personne, du peu de charité paternelle qui auoit paru dans la conduite de Clement VIII. et de l'extraordinaire insolence avec laquelle les Ministres d'Espagne abusoient de la timidité de la Cour Romaine. On a crû qu'il estoit à propos de faire imprimer cette piece deuant le discours que M. de Nevers fit publier en l'an 1569. pource qu'il y a dans celuy-cy, des particularitez qui ne sont pas dans l'autre.



MONSIEVR de Nevers enuoié par le Roy pour rendre le respect dû au S. Siege, fut accompagné de Monsieur l'Euesque du Mans de la Maison de Rambouillet, de l'Abbé de 3. d'un Religieux de S. Denis nommé Gobelin, & de cinquante Gentilshommes. Estant arriué à Poschiano, terre des Grisons, le 14. iour d'Octobre 1593. le Pere Poussuein Iesuite luy donna le Bref de sa Sainteté qui ensuit.

Clemens Papa VIII. Dilecte fili, nobilis vir, salutem et Apostolicam benedictionem: Exponet mandato nostro dilectus filius Antonius Poussenius, Sacerdos Ordinis Societatis Iesu, vir grauis et prudens, ea qua tibi per eum significanda iudicauimus, eius verbis fidem tribues. Datum Roma apud sanctum Marcum sub annulo Piscatoris die 19. Septembris anno 1593. Pontificatus nostri anno secundo Ant. Buccapadilius. Et au dessus est escrit. Dilecto filio, nobili viro Duci Niuernie.

II. PART.

Ggg ij

Après que ledit sieur Duc eut leu ce Bref, le Pere Poussuin luy dit que la Sainteté ne le pouuoit receuoir comme Ambassadeur de son Roy. Toutefois qu'il seroit bien receu à Rome comme Louis de Gonzague, Duc de Neuers. Puis il adiousta, que la Sainteté se resioüissoit de la conuersion qu'il auoit entenduë que sa maiesté auoit faite, suppliant Dieu qu'elle fust telle qu'elle appartenoit. Ces paroles ne plurent gueres audit sieur Duc. Neantmoins il se resolut de continuer son voiage, priant le Pere Poussuin de faire entendre à la Sainteté, l'importance de l'affaire dont il estoit chargé, & qu'il luy pleust luy enuoyer quelque bonne resolution, dont il eust ocession de se contenter. Arriué que ledit sieur Duc fut à Mantouë, ledit Pere Poussuin luy monstra vne lettre du Cardinal de saint Georges, Nepueu du Pape, dattée du 16. Octobre, contenant que la Sainteté persistant en sa resolution, ne vouloit point receuoir le Duc de Neuers comme Ambassadeur, quoy qu'il se peüst assurer d'estre bien aimé de la Sainteté. Ce qu'ayant veu Monsieur de Neuers & bien consideré, il delibera d'acheuer son voiage. Et pour faire paroistre au Pape que le Roy ne l'auoit despesché que vers luy seulement, il ne voulut visiter aucun des Potentats d'Italie, afin de luy tesmoigner combien sa maiesté faisoit grand estime du saint siege, & de sa propre personne. Mais estant arriué le 16. Novembre à Camoucha, à cinq iournées près de Rome, ledit Pere Poussuin le vint trouver, & luy monstra vne autre lettre du Cardinal saint Georges du 6. Nouembre, par laquelle il le chargeoit d'aduertir ledit sieur Duc, que l'intention de la Sainteté estoit qu'il vint à Rome avec le moindre apparat de compagnie qu'il pourroit, pour ne donner aucun ombrage que ce fust comme personne publique, ou chargée d'affaires publiques, & afin qu'aucun ne peüst faire iugement different de la droite & sainte intention de la Sainteté. D'ailleurs que ledit Duc eust agreable venant à Rome, de se refoudre de ne s'y arrester pas plus de dix iours. Ce qui étonna derechef ledit Duc, & principalement receuant en mesme temps aduis que le Pape auoit deffendu à tous les Cardinaux, lors qu'il seroit à Rome, de le visiter, & de se laisser visiter par luy. Il consideroit que ce n'estoit pas la coustume de traiter si indignement les personnes de sa qualité, & mesmes enuoiées par vn Roy de France. Neantmoins il se resolut d'acheuer son voiage & satisfaire au commandement de la Sainteté. Tellement qu'il arriua à Rome le Dimanche vingt & vn Nouembre 1593. presque de nuit, & en carosse, & accompagné seulement de cinquante gentilshommes & de son train ordinaire. Il entra par la porte Angelica, laissant celle del popolo, où grand nombre de personnes l'attendoient, & vint descendre à son logis della Rouero, qui est près de ladite porte. Ce mesme soir-là il alla baiser les pieds de la Sainteté, qu'il supplia de ne le vouloir retraindre à ne demeurer dans Rome que dix iours, & de luy permettre de visiter Mess. les Cardinaux, comme il auoit charge du Roy, tant pour leur rendre les lettres que sa maiesté leur escriuoit, que pour

les informer de l'affaire qu'il auoit à traiter avec la Sainteté. A quoy le Pape respondit qu'il y aduiferoit, & le luy feroit sçauoir. Puis estans tombez de propos deliberé sur l'estat des affaires de France & sur la conuersion du Roy, le Pape dit qu'il ne le pouuoit absoudre *etiam in foro conscientie*. A quoy lors le Duc ne voulut respondre, & supplia seulement la Sainteté que l'Ambassadeur d'Espagne & les Agens de la Ligue estans à Rome, fussent presents lors qu'il parleroit à elle, & qu'il luy pleust y faire assister nombre de Cardinaux, afin que la Sainteté prit la resolution qui estoit necessaire aux affaires de France. Il adiousta qu'il ne pretendoit luy rien dire en confidence, mais qu'il luy feroit connoistre par la confession mesme des Ambassadeurs d'Espagne & des Agens de la Ligue, que son dire estoit veritable. Ce que le Pape ne voulut iamais accorder au Duc, & le remist au Mardy suiuant pour luy donner audience. Ce iour-là M. de Nevers allant trouuer le Pape, fut accompagné de soixante & dix Gentilshommes; & estant introduit, dit à la Sainteté, qu'il estoit venu pour l'informer des affaires de France, & luy descouurir l'imperfection du fondement des iniques & mauuaisés propositions qu'on luy en auoit fait par le passé, afin de luy donner iuste occasion de prendre vne meilleure resolution que celle qu'il sembloit auoir prise, apres toutefois qu'il auroit connu la verité. Qu'on l'auoit iusques icy trompé, par vne surprise semblable à celle que l'on auoit faite à ses predecesseurs, & particulierement au Pape Gregoire 14. Ce qu'il le supplia de vouloir faire au plustost, *quis periculum est in mora*. Qu'il le supplioit aussi de croire que le Roy n'estoit pas si foible qu'on l'auoit fait, ny si aisé à chasser de son Royaume que l'on l'auoit proposé à la Sainteté, & qu'il auoit en son obeissance pour le moins les deux tiers de son Royaume, & de dix mil Gentilshommes, qu'il y en auoit les huit mil à son seruice, & plusieurs bonnes villes, tous bien resolu d'employer leurs vies sous son autorité, à soustenir la Religion Catholique, & la Couronne de France. Que tous les Princes de France, tant du sang Royal qu'autres, & tous les Officiers de la Couronne, & quasi tous les Gouverneurs des Prouinces & leurs Lieutenans, & les quatre Secretaires d'Estat, & les principaux Officiers anciens des finances estoient à son seruice; & que contre luy il n'y auoit que les Princes de la maison de Lorraine & de Sauoye, Chefs de la Ligue, & quelque peu d'autre qualité; le Marechal de Joyeuse estant mort: & que des huit Parlemens qui estoient en France, il les auoit presque tous. Car il n'estoit resté à Paris que le President Brisson des six Presidens dudit Parlement, lequel enfin auroit esté par eux-mesmes pendu. Que les deux Aduocats & Procureur du Roy dudit Parlement estoient sortis, & quasi tous les Conseillers, lesquels S. M. auoit establis partie à Tours, & l'autre partie à Chaalons. Que du Parlement de Rouën, le premier President, le Procureur du Roy avec d'autres Conseillers, estoient sortis de la ville, pour ne vouloir reconnoistre autre supérieur que le Roy.

Que trois Presidens des six du Parlement de Dijon, & plusieurs autres Conseilliers en auoient fait de mesme. Qu'à Toulouse le premiet President Duranty, & l'Aduocat du Roy Dasis, tres-bons Catholiques, auoient esté massâcrez au commencement de l'année 1589. parce qu'ils pretendoient d'obeir au Roy, & que cette cruauté auoit fait sortir beaucoup de Presidens & de Conseilliers dudit Parlement, lesquels estoient allez trouuer M. de Montmorency, & tenoient le Parlement à Castel Sarazin. Que les Presidens & Conseillers du Parlement d'Aix en auoient autant fait. Et pour le regard du Parlement de Grenoble, qu'il estoit du tout en l'obeissance du Roy, comme estoit aussi toute la Prouince. De mesme que le Parlement de Bourdeaux, comme estoit aussi la ville, & celle de Rennes où estoit le Parlement de Bretagne. Que toutes ces choses pouuoient faire connoistre à sa Sainteté, que l'autorité du Roy n'estoit pas si petite qu'on luy auoit fait entendre. Ce qui se pouuoit d'autant mieux verifier, qu'il auoit reduit la ville de Paris en tel estât, qu'elle auoit besoin chacune année d'estre secourüe, pour l'empescher de se perdre; au lieu qu'elle auoit secouru en toutes les guerres passées, les Rois & tout le Royaume. Que la ville d'Orleans estoit aussi bloquée de tous costez, & que par sa souffrance elle s'entretenoit le mieux qu'elle pouuoit. Que cette ville seule seruoit de passage à ceux de la Ligue sur la riuier de Loire, qui trauctoit, voire diuisoit presque tout le Royaume de France, tous les autres ponts & passages qui estoient sur ladite riuier iusques à Nantes, estans en l'obeissance de sa Maiesté. De sorte que ceux de la Ligue n'auoient que le pont seul d'Orleans pour traucter d'une part à l'autre de la France, qui estoit peu & beaucoup incommode, pour se secourir les vns les autres quand le besoin le requeretoit. Ce qui doit, ce me semble, estre bien considéré par les grands Capitaines, qui scauent les moiens que l'on tient pour vsurper vn Royaume. Que cela monstroir suffisamment, que si sa Maiesté n'estoit bien plus forte que ceux de la Ligue, elle ne pourroit tenir bloquées ces deux villes, ni faire ce qu'elle fait tous les iours. En quoy l'on pouuoit connoistre la puissance du Roy & la force tres-grande qu'il a en son Royaume, & toute autre que l'on l'auoit desguisée à sa Sainteté. Qu'au contraire ceux de la Ligue n'ayant point de moien de se soutenir d'eux mesmes, & empescher que le Roy ne les chasse hors de son Royaume, ils auoient esté contrains de s'appuier du secours du Roy d'Espagne, & mesme rechercher celuy des Papes, pour ne tomber par terre, comme ils estoient prests de faire, & le feront toutes fois & quantes que tel secours leur manquera. Que sa Sainteté le pouuoit connoistre par les lettres originales que le Duc de Mayenne auoit escrites au Roy d'Espagne, & qui furent monstrées à sa Sainteté par ledit Duc. Que d'ailleurs l'on iugeoit assez clairement par leurs actions, qu'il n'estoit point croyable qu'ils se voulussent mettre entre les bras du Roy d'Espagne, & luy bailler des villes, ou plustost des fleurons de la

Couronne de France, encore que le Duc de Mercœur luy eust donné Blauet, port de mer tres-bon en Bretagne, & le Duc de Mayenne la Fere en Picardie, & plusieurs autres en cette prouince-là, s'il eust pû. Que la foiblesse des Chefs de la Ligue paroissoit assez, en ce qu'ils auoient permis que le Duc de Parme vint commander en France; lequely estant arriué, auoit fait attendre le Duc de Mayenne en son antichambre fort longtemps avec les autres Gentilshommes, auant que de luy permettre d'entrer en sa chambre; & plusieurs fois mesme l'auoit renuoié sans vouloir parler à luy, en luy faisant dire par l'un de ses Cameriers, que son Altesse estoit vn peu empeschée. Qu'à la verité semblables traitemens estoient fort peu proportionnez à l'autorité que ledit Duc de Mayenne se donnoit, & sur tout à ce tiltre chymerique de Lieutenant general de l'Estat & Couronne de France. Car s'il eust esté reconnu par les Espagnols tel qu'il se faisoit appeller, il deuoit commander l'armée Espagnolle; puisque le Duc de Parme n'estoit pas de plus grande maison que les Princes de Lorraine, ni n'auoit pas obtenu de son Roy vne plus grande charge, que celle que le Duc de Mayenne pretendoit luy auoir esté donnée par les Ligueurs. Cela estant, sa Sainteté pouoit connoistre que si le Duc de Mayenne auoit enduré de telles indignitez, & si difficiles à souffrir à vn cœur genereux, il l'auoit fait en son corps descendant & malgré-luy, se voyant réduit à vne telle extremité, ou qu'il les falloit endurer, ou se voir terrasser dans peu de temps par les armes du Roy. Et d'autant qu'une telle foiblesse n'estoit que trop connue par ceux qui vouloient tenir les yeux ouuerts, ceux de la Ligue auoient pensé qu'ils le pouuoient fortifier par des rodomontades ridicules; disant que si l'on auoit vne fois esleu vn Roy qui fust accompagné d'une forte armée, qu'en moins de rien le Roy de Nauarre seroit contraint de sortir du Royaume, les François qui le suiuiroient, ou dissipez, ou reduits; & le Roy esleu establi en possession paisible du Royaume. Ces impertinents discours donnoient occasion de faire entendre à sa Sainteté, que tant s'en faut que cela peust estre, qu'il ne seroit iamais, & qu'il ne seruiroit qu'à acheuer de ruiner vne grande quantité de miserables peuples Catholiques & innocens, & vne infinité de beaux Monasteres; & apporter vn desordre general dans la discipline Ecclesiastique, pource qu'il ne se pouoit iustement eslire vn Roy de race estrangere, au preiudice des Princes du sang, vrais heritiers & successeurs de la Couronne. Ce que le reste du Parlement demeuré à Paris auoit fait connoistre par l'interpretation du mot d'eslection, qui estoit contenu dans le pouuoir donné par S. S. au Cardinal de Plaisance pour cette plaisante eslection d'un Roy Catholique. Cela a depuis esté confirmé par vn autre Arrest du 18. Iuin dernier, donné sur telle nomination de l'Infante d'Espagne, & de l'Archiduc Ernest, & puis du Duc de Guise *in solidum*, apres qu'il auroit esté marié avec la dite Infante, comme il auoit esté proposé par le Duc de Feria, & appuié par le Cardinal de Plaisance au nom de sa Sainteté. Mais il fut ordonné

par ledit Parlement, qu'il ne seroit poinr esleu de Prince estranger, & que la Loy Salique seroit gardée, ayant fait paroistre par ces deux Arrests qu'il n'estoit loisible de proceder à aucune eslection, & moins en la personne d'un Prince ou d'une personne estrangere. En cette Declaration sont compris, & l'ont esté de tout temps, les Princes sortis des maisons estrangeres, bien qu'ils fussent habitez en France & faits regnicoles. D'autre costé, quand bien l'on voudroit proceder à vne telle election, il conuiendrait assembler les Estats generaux de tout le Royaume. Ce que ceux de la Ligue ne peuuent faire, le Roy ayant sous son obeissance les deux tiers de la France, ainsi qu'il s'est peu connoistre en l'assemblée des pretendus Estats à Paris. Car il ne s'y est pas trouué le quart des Deputez qui ont accoustumé de se trouuer à tous ceux qui ont esté conuoquez legitimement par les Rois predecesseurs de celuy-cy. Ce qui fait bien paroistre la foiblesse des Ligueurs, & l'invalidité de l'assemblée de leurs ridicules Estats. Mais de plus, cette assemblée ou conuoqueation ne se pouuoit valablement faire; parce qu'il n'appartient en France qu'au Roy seul de conuoquer ses Estats, & au deffaut du Roy, au Regent, qui est ordinairement le premier Prince du sang, seul capable de gouverner lors que le Roy est ou prisonnier, ou absent, ou mineur. Or le Regent avec l'aduis des autres Princes du sang, Pairs & Officiers de la Couronne conuoque les Estats, & pouruoit aux affaires & au gouvernement du Royaume. Tout au contraire il n'y a eu du costé de la Ligue ni Prince du sang, ni Officiers de la Couronne pourueus de leurs charges par les feus Rois de France. Et quant à l'autorité que le Duc de Mayenne s'est peu à peu attribuée, elle n'est ni legitime, ni ne peut estre esgalée à celle d'un Regent; & par consequent ne peut conuoquer les Estats generaux. Ne sçait on pas que le pouuoir que le Duc de Mayenne a eu iusques à present, ne prouient que de cinquante quatre personnes, la plupart tirées de la lie du peuple, qui le luy ont donné le 14. iour de Mars 1589. Ces cinquante quatre ont esté creéz Conseillers du Conseil general de l'Vnion par vne faction populaire, & reconnus tres-bien pour la plupart tres-ignorans aux affaires d'Estat, & pris dans la seule generalité de la ville de Paris, & non dans toutes les Prouinces de France, comme il doit estre fait. Mais quelles gens estoient ces cinquante quatre? des Marchands, des Banquiers, des Procureurs, des Currez, des Docteurs de la Sorbonne, & autres de semblable étoffe, rous declarez ennemis de la Royauté, gagnez par l'argent d'Espagne, factieux & propres à effectuer l'intention des Chefs de la Ligue? Mais sans entrer plus auant en matiere, il luy suffit pour ce coup de dire à sa Sainteté, qu'enfin le Duc de Mayenne fit tres-sagement voir quelle estime il faisoit de cette canaille, quand luy-mesme les cassa tous en vn coup & les foula aux pieds, comme on foule des potirons, au mois de Nouembre suiuant, c'est à dire apres qu'il eut tiré d'eux ce qu'il en vouloit, à cause de l'ignorance tres-grande accompagnée d'une outrecuidance

malicieuse

malicieuse qu'il reconnut en leurs esptits. Incontinent apres il assembla vn Conseil de gens plus capables de manier les affaires d'Estat. Voila, Pere saint, le vraye origine du pouuoir de M. de Mayenne. Et quant à l'autorité, qui luy auoit esté donnée par les 54. ce n'estoit que pour commander aux armées de la Ligue, & encore en attendant ce qui seroit ordonné par leurs Estats generaux, que dès lors ils auoient proposé de faire tenir. Mais ils n'ont pû en venir à bout, quoy qu'ils ayent fait, qu'en l'année deiniere. Dans la tenuë de ces Estats il n'a point esté parlé de la dignité de M. de Mayenne; ce qui descouure bien amplement les collusions qui estoient patmy ceux dont ils estoient compolez. Quant à ce que ceux du Parlement qui estoient restez à Paris, ont verifié ledit pouuoir de Lieutenant general, trois iours apres qu'il fut donné par les susdits cinquante quatre pourons, ce fut lors que le Parlement n'estoit plus Parlement, mais seulement vne ombre & vne figure vainë du vray Parlement, n'y ayant pas vn homme qui ne fut acheté pour executer les frenesies des sedicieux. Car il n'estoit demeuré audit Parlement que ceux qui estoient iuges & parties tout ensemble, & quelques autres si fort estonnez & intimidéz, qu'ils n'osoient rien dite, de crainte d'estre mis prisonniers dans la Bastille ou dans le Loure, par vn nommé le Clerc simple procureur dudit parlement; ainsi qu'il auoit fait le 16. Ianuier precedent, assisté d'un grand nombre de factieux, plusieurs des Presidens & Conseillers dudit parlement. Par consequent ladite verification ne donnoit pas plus d'autorité au Duc de Mayenne, qu'il luy en estoit accordé par sondit pouuoir, l'ayant limité seulement pour les armées, & iusques à ce qu'il en fust autrement ordonné par les Estats genetaux. Lesquels ayant esté tenus sans qu'il en eust esté parlé, il s'ensuit qu'il n'estoit bon ny vailable, & partant que le Duc de Mayenne en auoit abusé en la conuocation qu'il auoit faite; mesmes aux dons & confiscations de plusieurs Duchez & seigneuries appartenans à plusieurs princes & personnes d'honneur; & donations de Gouuernement de prouince, & des Estats & Offices de la Couronne, combien qu'ils ne fussent vacquans, & eussent quasi tous esté donnez par le feu Roy auparauant ces dernieres seditions, à des princes & des Seigneurs Catholiques de grande qualité & de grand merite. Il les auoit donnez iustement, parce qu'ils estoient deuenus vacquans par la felonnie de ceux qui en estoient pourueus, n'ayant pas voulu aller seruir S. M. contre les Ligueurs. Ce que i'ay tousiours offert à vostre Sainteté, de faire apparoir par pieces authentiques que i'ay apportées avec moy, ne pretendant de mettre en auant chose que ie ne puisse prouuer, afin de retrancher tout pretexte de pouuoir dire de moy avec verité, ce que l'on dit qu'un philosophe escrit de Moïse, *Multa dixit, & nihil probauit.*

Que sa Sainteté pouuoit par là connoistre, que ledit sieur de Mayenne, & les siens pout luy, l'auoient aussi abusé, en luy nommant des

personnes aux benefices vacquans en France. Qu'il n'auoit point ce droit, qui n'appartient qu'au Roy en vertu du Concordat fait & gardé entre les Papes & les Rois de France; que la conuocation des Estats ne se pouuoit authentiquement faire par ledit sieur de Mayenne au preiudice des loix & statuts de tout temps obseruez au Royaume de France, qui y estoient formellement contraires; & consequemment que l'eslection qui s'y voudroit faire d'un Roy nouveau, par telles personnes assemblées sans legitime pouuoir & contre les formes ordinaires gardées & obseruées en tel cas, estans en si petit nombre, ne seroit bonne ni vallable; mesme estant faite d'un Prince estrangier, au preiudice des Princes du sang Royal vrais heritiers de la Couronne, & contre les Arrests du Parlement, mesme de celuy de Paris estant encore de la Ligue. Neantmoins posé le cas qu'elle se peust faire, cela ne seruiroit de rien; & ores qu'on esleust pour Roy le Duc de Guise, ou le Duc de Mayenne, ou tel autre que l'on voudroit; l'on sçait bien que cette eslection ne luy donneroit pas plus d'argent ni plus de moyens qu'il en a pour s'en-tretenir, pour le conseruer, & pour chasser le legitime Roy. Mais qu'elle luy augmenteroit la despense qu'il luy conuiendroit faire pour entretenir honorablement l'autorité & la prosopopée Royale. De sorte qu'il falloit dire que cette eslection apporteroit à ce nouveau Roy Bretaut, ou Roitelet, plus d'incommodité que de profit; & que ce ne seroit qu'un fantosme, pour estre porté deuant l'armée Espagnolle, afin de penser assuiettir la France aux Espagnols, au preiudice de la grande liberté que les François ont eu de tout temps sous leurs legitimes Rois. Qu'on deuoit croire que les vrais & bons François ne permettroient iamais d'estre reduits sous des Princes estrangers, mais qu'enfin ils seroient comme leurs predecesseurs auoient fait sous Charles VII. pour s'estre trop legerement donnez en la subiection des Rois d'Angleterre, desquels ils se deliurerent en moins de temps qu'ils ne s'estoient donnez, & retournerent sous l'autorité & la liberté de leur Roy naturel. Que ceux de la Ligue auoient mis en auant, que le Roy d'Espagne accompagneroit le Roy qui s'esliroit, d'une armée de vingt mil hommes, laquelle chasseroit le Roy qui est legitime, en trois iours. Ce qui estoit dit sans iugement. Car non seulement on leur accorderoit qu'il en enuoiaist vingt mil; mais trente mil: parce qu'il ne seroit en son pouuoir avec telles forces, de terrasser & de chasser S. M. Mais au contraire, que tant plus de soldats il auroit, plus il feroit de despense inutile, comme tous Capitaines pour peu experimentés qu'ils soient, le iugeroient, sçachans aussi qu'il n'est pas au pouuoir d'un General d'armée de donner la bataille à un autre General, s'il ne l'a agreable. Ce qui aduiendroit maintenant. Car si le Roy ne iugeoit luy estre expedient de la donner pour ne hazarder son Estat tout à un coup, il se logeroit en vne assiette tres-avantageuse; & quand bon luy sembleroit, il mettroit vne riuere non gayable entre son armée & celle de ses ennemis,

qui les empescheroit de le combattre contre son gré ; voire les contraindroit de s'en aller possible attaquer quelque forteresse, de laquelle S. M. s'approchant de cinq ou six lieues en assiette forte, elle les forceroit derechef de lever le siege, à cause de plusieurs incommodités qu'il leur feroit recevoir. De sorte que ne pouvant forcer aucunes villes, ils seroient finalement reduits à aller quelques mois vaguans par le plat pays, ruinans le miserable & l'innocent paisant Catholique, & destruisans les beaux & deuotieux Monasteres qui estoient à la campagne. Ils aneantiroient leur armée, tant par faute de viures que d'autres necessitez que la saison apporteroit ; & puis se retireroient en Flandres pour la quatriesme fois, bien heureux encore s'ils n'estoient pas battus, comme ils l'auoient pensé estre par deux fois. Donc, tres-saint Pere, vous pouvez assez connoistre qu'il n'est pas au pouuoir du Roy d'Espagne, bien qu'il vescuist encore cinquante ans, de terrasser & chasser le Roy ; mais seulement d'embrazer de plus en plus la France, & porter vn deteglement incroiable à tous les gens d'Esglise, & vne ruine extreme au peuple, & non pas à vn seul Huguenot.

Que le Cardinal de Plaisance, auquel sa Sainteté auoit donné sa legation, pour assister à ladite election, & qui connoissoit fort bien les affaires de la France, autant que nul autre, pour y auoit esté bon tefmoin oculaire depuis quatre ans en ça, des empeschemens qui y estoient suruenus, auoit deu aduertir sa Sainteté, qu'il estoit du tout impossible, comme V. S. sçait, de chasser le veritable Roy par l'election d'un estrange, voire mesme avec vne armée, quelque grande & formidable qu'on se la peut figurer. Cela estant, qu'il s'estonnoit comment l'impossibilité de la chose n'auoit point fourny à sa Sainteté quelque bon expedient pour luy donner le moien d'appliquer vn remede salutaire aux milers de la France, & arrester le cours des calamitez qui l'auoient presque toute desolée. Au contraire que ce Cardinal passionné, par les lettres qu'il auoit escrites le mois d'Aoust dernier au Nonce de sa Sainteté en Espagne, crioit incessamment *fuoco, fuoco*, comme s'il auoit dessein de mettre le feu aux quatre coins de la France, & la reduire en cendres par la rage des soldats Espagnols & Italiens. Qu'il estoit encore vray qu'il auoit escrit d'autres lettres à sa Sainteté, à ce qu'elle fit ses derniers efforts pour hastier l'election de l'Infante d'Espagne, ou celle d'un Prince estrange ; qu'elle traouillast à exclure pour iamais les Princes du sang Royal de France de la succession de la Couronne ; & qu'elle excommuniasst les Princes, Prelats, & Seigneurs Catholiques qui assistoient le Roy, sans luy faire entendre qu'ils suiuoient ce Prince, principalement pour conseruer la Religion Catholique, & empeschet que la diuision de la Couronne ne se fust. Outre toutes ces choses, adiousta-t'il, Vostre Sainteté sçait tres-bien que l'ordinaire des liguees est de se desliet de temps en temps, & ne durer que fort peu, comme l'experience en fait soy ; & passant que cette-cy, qui estoit mal fondée, ne se peut mainte-

nir, tant pour la diuision & la deffiance qui est parmi les Chefs, qui ne s'accordent ensemble que pour dissiper la Coutonne & en ptendre chacun vne partie; comme aussi parce qu'ils vsurpent les vns sur les autres les places qu'ils tiennent eux-mêmes, afin de se rendre maistres particuliers des meilleures villes de France, quoy qu'elles soient dans leur parti; se promettans par la confusion d'une anarchie, d'en demeurer seigneurs propriétaires, ou plustost de deuenir de petis tirans, comme l'experience l'auoit fait voir, & qu'il se voioit tous les iours. Il est bien vray que cette image de tyrannie a commencé de faire ouurir les yeux aux sages habitans des bonnes villes, & qu'ils se sont enfin resolus de se maintenir libres, comme ils estoient du temps qu'ils obeissoient aux Rois.

Au contraire, saint Pere, continua-t'il, l'on ne voit point que les Catholiques Royaux vsurpent les villes les vns sur les autres, comme les Ligueurs ont fait, pource que leur but ne tend qu'à les conseruer à la Couronne de France sous l'autorité de leur Roy, & pour ce, souffrent en patience tout le mal qui procede d'une si iuste & si sainte guerre, dans l'esperance seule qu'ils ont de laisser vne heureuse & loüable memoire de leur fidelité à leurs descendans, pour auoir empesché les detestables proiets des deserteurs de leur patrie, & confondu glorieusement leurs pretentions damnables. Dauantage tous les Catholiques qui sont près du Roy, se sentent obligez en leur conscience, de soustenir la Couronne par le serment solemnel qu'ils en ont fait; & d'autant plus maintenant que Dieu ayant exaucé leurs prietes & leurs larmes, a daigné ramener le Roy en son Esglise; & qu'à bonne & iuste cause ils scroient blasmez s'ils l'abandonnoient entre les mains de ceux de la Ligue les cruels ennemis, le voiant entre les bras de l'Esglise Catholique.

Le Pape vn peu eschauffé de ce discours, respondit ainsi à M. de Neuers. Ne dites pas que vostre Roy soit Catholique. Je ne croiray iamais qu'il soit bien conuert, si vn Ange du Ciel ne vient me le dire à l'oreille. Quant aux Catholiques qui ont suiuy son party, ie ne les tiens pas pour desobeissans & deserteurs de la Religion & de la Couronne; mais ils ne sont qu'enfans bastards & fils de la seruante. Au contraire ceux de la Ligue sont les vrais enfans legitimes, les vrais arcs-boutans, & mêmes les vrais pilliers de la Religion Catholique.

Monsieur de Neuers offensé de ce discours passionné, le vous supplie tres-humblement, pere saint, repliqua-t'il, de ne nous point tenir pour des enfans bastards, & pour des deserteurs de la Religion & de la Couronne; & ces hypocrites qui composent la Ligue, pour les legitimes & les vrais Catholiques. Il y a autant de difference de nous à eux, qu'il y a de cette ville de Rome à vn petit chasteau. Il plaira donc à vostre Sainteté de cesser enfin de les fauoriser au preiudice d'un si grand nombre de Princes & d'Officiers de la Couronne, de Seigneurs & d'autres personnages tres-Catholiques qui suivent le Roy, & de faire consideration sur toutes les

belles actions que ces Princes Catholiques & Royaux ont faites pour le service des Rois Tres-Christiens & de leur patrie, comme aussi pour la defense & l'accroissement de la Religion Catholique en general, & du saint Siege en particulier. Vous serez obligé, Tres-saint Pere, de les regarder comme les piliers de l'Eglise, & les veritables enfans de la femme legitime. Apres cette repartie il y eut entre eux deux, plusieurs propos sur diuers incidens touchant les affaires de France. Le Pape soustenoit hautement ceux de la Ligue, & loüoit toutes leurs actions. Enfin M. de Nevers, qui desiroit d'auoir vne prolongation du terme des dix iours quiluy auoient esté limitez pour son seiour à Rome, supplia encore sa Sainteté de reuoker l'ordonnance qu'elle auoit faite pour cela. Le pape luy respondit qu'il y aduiferoit, & que le Ieudy suuant il pourroit encore luy parler. Mais ayant veu que M. de Nevers estoit venu parler à luy accompagné de soixante & dix Gentilshommes François, il luy enuoia dire par son M. de Chambre, qu'il n'amenast que fort peu de Gentilshommes à la premiere audience. Ce fut pourquoy ledit sieur Duc n'introduisit en celle qu'il eut ce iour-là, que deux prestres Italiens, lesquels residioient mesme à Rome.

Apres que M. de Nevers eut supplié sa Sainteté de luy declarer s'il auoit enfin trouué bon de luy prolonger le terme de dix iours prefix; & le Pape luy ayant derechef dit qu'il y aduiferoit, ledit Duc luy respondit qu'il luy sembloit qu'il auoit eu assez de loisir depuis le Dimanche 21. pour se resoudre, & qu'il luy auoit donné assez de loisir pour luy accorder sa supplication, & le pria derechef tres-humblement de luy declarer sa volonte sans le remettre à vne autre fois. Qu'il ne vouloit pas que les dix iours passassent auant que d'auoir executé la charge que le Roy son Maistre luy auoit donnée. Ce que le Pape n'ayant pas voulu luy accorder, & remettant tousiours à y aduiser, ledit sieur Duc se voiant hors d'esperance d'auoir audience en plein Consistoire, se resolut de ne pas retarder dauantage à luy presenter la lettre suivante que S. M. luy escriuoit de sa main.

LETTRE DV ROY.

TRES-SAINT PERE, Apres qu'il a plu à Dieu nous appeller à la connoissance & communion de sa sainte Eglise Catholique, Apostolique & Romaine, & la protestation que nous auons faite d'y viure & mourir, rien ne nous peut estre plus cher ny de plus grande consolation en nostre esprit pour parfaire nostre contentement en cette sainte action, que de la voir approuuée & autorisée de la Benediction de vostre Sainteté, en luy rendant de nostre part le deuoir qui luy appartient. Donc desirans nous acquitter avec tout l'honneur & le respect enuers vostre Sainteté que nous pouuons, Nous auons à cet effet choisi la personne de nostre tres-cher & bien amé Cousin le Duc de Nevers, pour l'esperance que nous auons que les excellentes & vertueuses qua-

litez qui sont en luy, spécialement illustre de singuliere pieté & deuotion à la Religion Catholique, rendront cette nostre election en la charge qui luy est par nous commise d'autant plus agreable à vostre Sainteté, l'un des principaux points de sadite charge estant de prester à vostre dite Sainteté, & au saint Siege en nostre nom, l'obediance que nous luy deuons comme Roy de France tres-Chrestien, qui ne desire moins imiter l'exemple des Rois nos predecesseurs à meriter le tiltre & le rang de premier fils de l'Eglise par nos actions, qu'ils ont esté soigneux de l'acquiescer & le conseruer. A cette cause, Tres-saint Pere, Nous supplions tres-affectueusement Vostre Sainteté, que le bon plaisir d'icelle soit d'accepter & recevoir cet office & deuoir qui luy sera rendu de nostre part par nostredits Cousin, avec les submissions deuës & accoustumées comme s'il estoit par nous fait en personne, & adionster foy & creance à tout ce qu'il luy dira & fera entendre de nostredite part, tant pour ce regard, que d'autres choses, tout ainsi qu'il luy plairoit faire à Nous-mesme. Sur ce, Tres-saint Pere, nous prions Dieu. Du 20. Novembre 1593.

Monfieur de Neuers luy ayant présenté cette lettre, Ttes-saint Pere, luy dit-il, le Roy mon Maistre m'a enuoié pardeuers V. S. pour vous faire entendre sa conuersion, & se prosternant à ses pieds se congratuler avec elle, de la ioye & de la consolation qu'il ressent en son ame de s'estre reüni à l'Eglise Catholique, Apostolique & Romaine, hors de laquelle il n'y a point de salut; & en laquelle il proteste de viure & mourir, & de rendre au saint Siege toute l'obeissance filiale & toute l'assistance que les Rois ses predecesseurs leur ont renduë, & en particulier à la personne de vostre Sainteté, qu'il honore & respecte grandement. Il vous supplie tres-humblement, Tres-saint Pere, d'agreer le deuoir qu'il vous rend par moy, & quand de luy departir vostre benediction, & l'absolution qu'il desire pour le repos de sa conscience. Il assure V. S. que si les guerres où il est engagé contre ses suiets rebelles ne l'eussent retenu de par delà, il fust luy-mesme venu en personne, luy tesmoigner sa sincere affection & sa bonne volonté, comme il en auoit tres-grand desir. De si iustes & de si loüables occasions ne luy ayant pas permis, il m'a choisi pour remplir la plus honorable & la plus grande Ambassade où il puisse employer ceux qui tiennent le premier rang après M^{cs}. les princes du sang Royal, afin de faire paroistre à vostre Sainteté, qu'il desire l'honorer de tout son pouuoir, & pour l'informer en mesme temps des choses essentielles & des submissions dignes d'un vray Chrestien, où il a bien voulu s'engager, pour ne rien obmettre au grand ouurage de sa conuersion. Il a aussi enuoié avec moy trois prelates chargez de lettres & de pouuoirs, lesquels ont esté choisis par le Clergé qui s'est trouué près de sa Maïesté, lors qu'il a abiuré ses anciennes erreurs, afin de vous faire entendre comme le tout s'y est passé. Je supplie vostre Sainteté d'auoir agreable que ie les luy amene à la premiere audience, l'assurant qu'il recevra tres-grand contentement d'entendre

d'eux le respect qu'on a porté au saint Siege & à vostre personne en tout ce qui s'est passé, & qu'ils ne sont point venus icy avec vn esprit de contradiction, mais avec vn cœur plein d'une humilité Chrestienne & d'une obeissance filiale.

Le Pape luy respondit ces mots. l'y aduisey, & vous feray sçavoir ma resolution.

L'Ambassadeur d'Espagne pour faire vne brauade a l'Espagnole à M. de Neuers, alla à l'audiance le Samedy suiuant, & mena apres luy 70. carosles, à cause que ledit Due auoit mené 70. Gentilshommes François en l'audiance qu'il eut le Mardy. Il ne fut traité en cette audiance que des moyens & des raisons fausses ou vrayes qui deuoient obliger sa Sainteté à reietter les prieres du Roy & des Princees, & à n'auoir aucun esgard à la conuersion de S. M. Le Lundy ensuiuant le M. de la chambre du Pape vint dire à M. de Neuers, que s'il vouloit encote parler à sa Sainteté, il l'esouteroit benignement; & qu'au reste il eust à se despescher pour partir au plustost, parce qu'il le conuenoit ainsi, le Pape ne voulant pas donner ombrage de sa bonne volonté, par le sejour plus long que ledit sieur Duc seroit dans Rome, à ceux qu'il deuoit iustement fauoriser plus que ledit sieur Due. D'ailleurs qu'estant venu comme personne priuée, il n'auoit que faire de visiter les Cardinaux; & pour le regard des trois Prelats qui estoient venus avec luy, que sa Sainteté ne vouloit aucunement leur permettre de luy venir baiser les pieds, auant qu'ils eussent esté se presenter au Cardinal de sainte Scuerine, Chef de l'Inquisition & grand Penitentier.

Monseigneur de Neuers eonnut à ce commandement, que l'aduis qu'on luy auoit donné de France estoit veritable, à sçavoir qu'on auoit escrit de Rome & d'Espagne; au Cardinal de Plaisance & au Due de Feria, qu'ils ne se missent point en peine de s'y enuë à Rome, parce que son sejour y seroit fort court, & qu'il ne remporteroit aucune resolution sur l'absolution du Roy. Qu'ils en pouuoient asscuree tous ceux du party de la Ligue, afin qu'ils n'en prissent aucun ombrage pour se precipiter entre les bras de NAVARRE (Car c'est ainsi que par vne insolence ridicule on appelloit le Roy.) Il eonnut aussi qu'on luy vouloit fermer la bouche, contre les formes de tout temps introduites, afin qu'il ne peust faire entendre aux Cardinaux, les raisons que le Roy son maistre luy auoit commandé de leur dire; & que l'on peust mettre les prelatz qu'il auoit amenez dans vn labyrinthe d'où on sort malaisement, en les renuoyant parler au Chef de l'Inquisition. Ce fut pourquoy il pria ledit M. de la Chambre du Pape, de luy bailler par escrit ce qu'il luy auoit dit, afin de le considerer, & y faire response. Mais il s'en excusa, disant qu'il n'en auoit point de commandement. Lors M. de Neuers le pria au moins de vouloir le receuoir de sa Sainteté, & de l'exceuser s'il remettoit à luy faire response iusques à ce qu'il eust receu cet escrit. Le soir du mesme iour le Cardinal Toledé vint trouuer M. de Neuers de la part

du Pape; & luy dit touchant lesdits Prelats, qu'il n'estoit ny conuenable à la qualité & à la personne de sa Sainteté, ny raisonnable qu'ils se presentassent deuant luy auant que d'auoir esté voir le Cardinal de sainte Seuerine, parce que c'estoit le seul moyen d'esuiter le desbat & la dispute qu'ils pourroient auoir avec sa Sainteté, pour soustenir la validité de leurs actions. Le Duc de Neuers fit pareille réponse au Cardinal Toledé que celle qu'il auoit fait au M. de la chambre, suppliant ledit Cardinal qu'il remonstrast à sa Sainteté, qu'il luy deuoit enuoyer sa volonté par escrit, afin de la pouuoir exactement considerer & l'excuter de tout son pouuoir. Le Cardinal luy respondit qu'il ne falloit pas qu'il s'attendist d'auoir aucune réponse par escrit; & qu'il auroit bien plustost fait d'aller à l'audiance de sa Sainteté, que de s'arrester à rechercher quelque chose par escrit. Que pour ce qui regardoit la visite des Cardinaux, que le desir qu'il en témoignoit, ne luy seruiroit de rien, qu'à luy donner de l'inquietude & de l'incommodité. Le Duc luy dit que cette visite là luy estoit fort importante & fort necessaire, parce qu'il auoit à parler à Mess. les Cardinaux de l'affaire pour laquelle il estoit venu trouuer sa Sainteté, & qu'estans nez les Conseillers des Papes, il les deuoit informer d'une affaire d'aussi grande consequence, qu'estoit celle qui luy auoit fait quitter la France. Le Cardinal luy respondit que sa Sainteté n'estoit pas obligée à demander l'aduis des Cardinaux, & qu'il auoit desia pris vne dernière resolution sur ce dont il auoit parlé. Le Duc luy repliqua, que sa Sainteté ne pouuoit encore auoir pris de resolution, parce qu'il n'auoit pas encore entendu la creance des prelates qu'il auoit amenez avec luy; & qu'il trouuoit vne absoluë necessité de les presenter à sa Sainteté, afin qu'elle fust esclaircie de leur charge. A cela le Cardinal luy repliqua qu'il n'estoit ni iuste ni raisonnable que lesdits prelates allassent baiser les pieds de sa Sainteté auant que d'auoir iustificié l'action qu'ils auoient faite en la conuersion de NAVARRE, & que tessusans de le faire, l'on le trouueroit bien mauuais. Le Duc luy respondit que lesdits Prelats ne pouuoient faire vn seul pas sans son congé; & qu'un tel acte ne despenderoit pas de leur volonté, ayant esté enuoyé sous sa charge pour les presenter à sa Sainteté; & pour les mettre en estat de pouuoir luy rendre compte de tout ce qui s'estoit passé de la part du Clergé de France en la conuersion de sa Maesté, & luy faire voir qu'on y auoit procedé conformément aux saints decretz & aux constitutions canoniques sans manquer au respect qui est deu au saint Siege. Il adiouta qu'il s'assuroit que sa Sainteté trouueroit la chose si iuridique, qu'elle confesseroit que le Clergé de France ne s'estoit en façon quelconque esloigné de son deuoir enuers le saint Siege. Neantmoins que si sa Sainteté trouuoit que lesdits sieurs Prelats eussent en quelque chose failly, qu'ils s'humilieroient deuant luy; & luy demanderoient tel pardon qu'il conuiendroit, parce qu'ils n'estoient nullement venus là avec vn esprit d'orgueil pour contredire & pour disputer

terauec sa Sainteté; maisauec vne humilité & vne obeissance toute en-
riere pour se soumettre à tout ce qu'il luy plaira d'en ordonner. Que
l'estat des choses estant tel, il ne iugcoit pas qu'il fust besoin, ny en-
core moins raisonnable de les obliger d'aller se presenter au Cardinal de
sainte Seuerine.

Il y eut beaucoup d'autres propos entre eux sur ce sujet; le Cardinal
persistant en son opinion, & le Duc en la sienne. Mais enfin aux paro-
les du Cardinal, le Duc iugea que l'on vouloit enuoloper les prelates qu'il
auoit amenez, dans quelque chicane de l'Inquisition. C'est pourquoy
il resolut de ne le point souffrir; & considerant le commandement qui
luy auoit esté fait de s'en aller au plustost, il iugea qu'il ne les deuoit pas
laisser dauantage à Rome. Il dit donc au Cardinal Toledé, que ces pre-
lats luy auoient esté baillez en charge par le Roy son maistre, pour les con-
duire seulement iusques aux pieds de sa Sainteté, & que ces mesmes pre-
lats auoient receu de sa maiesté commandement exprés de ne faire que
ce qu'il leur diroit. Cela estant qu'il aimeroit mieux estre mort, que de
leur vouloir faire faire chose de laquelle ils peussent estre repris, & luy
blâmé de la leur auoir conseillé. Que quant à sa personne particuliere,
s'il auoit bien voulu de propos delibéré, endurer les affronts qui luy a-
uoient esté faits par ceux qu'il n'en auoit iamais crû capables, il l'auoit
fait pour tesmoigner à sa Sainteté, combien grande estoit l'humilité du
Roy son maistre, & combien veritable sa conuersion & sa penitence.
Mais qste tout ce à quoy il s'estoit soumis pour luy donner occasion
d'estre veritablement pere, & pere de bonnaire en son endroit, n'auoit
fait qu'aigrir son esprit, & le rendre plus susceptible des illusions des Es-
pagnols & des Ligueurs. Qu'il estoit aussi resolu d'agir à l'aduenir d'une
autre sorte; & de ne pas permettre, non seulement que les prelates Fran-
çois receussent aucun desplaisir, mais qu'ils fissent ce qu'on desiroit
d'eux; & que plustost que de le souffrir, il se laisseroit trancher la teste
& mettre le corps en quatre quartiers. Le Cardinal voyant le Duc si fer-
me en sa resolution, luy promit de faire entendre à sa Sainteté tout ce
qu'il luy venoit de dire. Le Duc crût que le Pape y penseroit & qu'il luy
enuoiroit quelque réponse fauorable. Mais son M. de Chambre re-
uint le trouuer le lendemain, & luy dit que sa Sainteté persistoit en sa
premiere resolution, & ne vouloit point recevoir les prelates François,
qu'auparauant ils n'eussent esté chez le Cardinal de sainte Seuerine, par-
ce que c'estoit vne chose qui ne pouuoit estre autrement. Que pour la
visite des Cardinaux, le Duc n'auoit que faire de se donner cette peine,
pour si peu de temps qu'il auoit à demeurer à Rome; ioint que sa Sain-
teté le consideroit comme vn Prince particulier, qui n'auoit aucune
affaire à traiter auec luy, n'ayant esté receu à Rome que comme tel,
& non comme Ambassadeur de NAVARRE. Cet Italien luy demanda as-
sez ciuilement neantmoins, si le Pere Pousséuin ne luy auoit pas decla-
ré que sa Sainteté ne vouloit aucunement qu'arriuant à Rome, il eust à

luy parler des affaires de NAVARRE ? Le Duc luy respondit que non , & que si la Sainteté luy eust fait faire ce commandement , il eut fait aussi ce qu'il eut estimé luy conuenir , & partant qu'il le prioit de supplier sa Sainteté de luy accorder sa demande , comme chose tres-juste & tres-Chrestienne , & par mesme moien oster ce terme odieux de dix iours , qu'il luy auoit donné pour tout le temps de son sejour. Le M. de la Chambre luy dit qu'il ne manqueroit pas de faire vn fidele rapport à sa Sainteté de ce qu'il desiroit d'elle ; & d'effet s'en estant fort bien acquitté , il en arriua beaucoup de bruit. Car le Pere Poussuin fut contraint de sortir de Rome de nuit ; & le bruit courut que la cause de sa fuite estoit principalement pour auoir osé dire au Pape , & à plusieurs des Cardinaux , les vrais & sages moiens qu'il deuoient prendre pour faciliter la reconciliation du Roy avec le saint Siege , remettre la France en paix , auoir esgard à l'exemple de l'Allemagne , & esuiter tant de maux qui augmentoient tous les iours dans le premier Royaume Chrestien. D'ailleurs les Prelats François furent contraints de se sauuer dans la chambre du Duc de Neuers pour estre en seureté. Leur bagage & leurs mulets furent arrestez , & le Religieux Gobelin en eust vn tel effroy , que la fièvre luy en prit si fort qu'il en mourut peu après à Ferrare. M. de Neuers fut fort estonné de toutes ces choses , & craignant que le lendemain , auquel expiroient les dix iours qu'on luy auoit donnez , il ne se passast quelque chose à son preiudice , il enuoia vers ledit M. de la chambre pour sçauoir la volonté de sa Sainteté ; mais il n'eut autre response , sinon qu'il en auroit audience le cinquiesme de Decembre. Il fut contraint d'accepter ce party , & suiuant le commandement de sa Sainteté , il fut ce iour-là à l'Audience. D'abord le Pape se plaignit de ce que les prelates François ne vouloient pas aller trouuer le Cardinal de sainte Seuerine , suiuant ce qu'il luy auoit fait entendre ; mais s'estant adoucy , il adiousta , que s'ils faisoient difficulté d'aller chez luy , il se contenteroit qu'ils allassent vers le Cardinal d'Arragonne , Chef de la Congregation de France ; adioustant qu'il trouuoit fort estrange qu'ils ne luy voulussent pas obeir. Le Duc respondit à cela que les prelates ne pouuoient rien faire d'eux-mesmes , mais seulement ce qu'il leur preseroit , ainsi qu'il l'auoit dit au Cardinal de Toledé ; & qu'il ne pouuoit en façon du monde , permettre que ces prelates estans sous sa charge , fissent chose preiudiciable à leur qualité , de crainte qu'il n'en receut luy-mesme le deshonneur. Qu'il ne falloit pas titer à consequenc les indignitez qu'il auoit bien voulu souffrir , parce que cela estoit venu de sa seule & pure volonté , sur l'esperance qu'il auoit conceüe , que par vne telle humilité il donneroit occasion à sa Sainteté d'embrasser avec douceur & avec clemence l'affaire qu'il luy vouloit représenter. Mais que pour les prelates , il estoit persuadé qu'il ne luy estoit ni licite , ni honnorable de les conduire ailleurs qu'aux pieds de sa Sainteté , à laquelle seule ils auoient esté deleguez. Que neantmoins s'il plaisoit à sa Sainteté de les admettre vne

fois seule à ses pieds, & puis sans luy donner longue audience, les renuoyer pardeuant l'un de Mess. les Cardinaux ses neveux, comme les Ministres representans sa personne, assistez du Cardinal d'Arragonne, & de tels autres Cardinaux qu'il luy plairoit, ce seroit vne chose plus conuenable & moins fâcheuse que de les renuoyer deuant des Congregations que la France ne reconnoissoit point.

Le Pape n'ayant pas trouué cette responce bonne, fronça le sourcil, & vrayment, lui dit-il, si ce n'estoit pour l'amour de vous, je les aurois desia maltraitez. Neanmoins auant que de le faire i'y aduiferay. M. de Nevers se voyant frustré en cette Audience, de pouuoir introduire à sa Sainteté les Prelats François, & sçachant non seulement que l'on preceipitoit son parlement au lieu de le prolonger, mais aussi que sa Sainteté estoit déterminée par la puissance des ennemis de la France, de ne point absoudre le Roy, voulut au moins faire vn coup d'importance auant que de sortir de Rome. Bien loin de traiter avec le Pape d'une maniere basse, & faire injure par des desferences honteuses, à la qualité d'un Roy Tres-Christien, duquel il estoit Ambassadeur, il voulut se plaindre fort haut à la premiere Audience, apres qu'il auroit veu que ses prieres & ses soumissions estoient inutiles. Il fut donc à l'Audience au iour donné, croyant bien que ce seroit la dernière, & ne voulant manquer à rien, il commença son discours en des termes si humbles & si respectueux, & s'estant mis à genoux deuant sa Sainteté, il la supplia tres-humblement de vouloir commander au Roy conuertie ce qu'il auoit à faire pour accomplir tout ce qui luy auoit esté ordonné par Mess. les Prelats, au mesme temps qu'il fit abjuration de l'heresie, & qu'ils luy donnerent l'absolution. Qu'il la coniueroit par les entrailles de I. C. de n'estre pas inexorable à vn pecheur penitent, & qu'en cas qu'elle le crût necessaire, & pour vne plus grande consolation du Roy son Maistre, elle voulut luy donner vne nouuelle absolution, & luy appliquer tous les autres remedes qu'elle iugeroit necessaires pour le salut de son ame, comme le vray Vicaire de I. C. qu'il reconnoissoit en terre. Monsieur de Nevers n'en pût dire d'auantage, car il fut trop interrompu par les negatiues du Pape. Il luy dit mille fois que le Roy n'estoit point Catholique, & qu'il le consideroit comme estant encore le Chef & le deffenseur des heretiques. M. de Nevers l'assura que cela n'estoit point. Que c'estoit le langage des ennemis de la France. Que sa Sainteté auoit trop de facilité à croire des meschans & des hypocrites. Mais voyant que le Pape ne changeoit point, il continua avec ardeur ses coniurations, & tout à genoux qu'il estoit & les mains iointes, il interpella le Pape d'accorder l'absolution au Roy, au nom de I. C. & du precieus sang qu'il auoit respendu en l'arbre de la Croix, pour rachapter le genre humain, voire mesme les Payens & les Infidelles, & le supplia tres-humblement d'imiter le bon berger de l'Euangile, qui alloit chercher la centiesme brebis esgarée, & le Pere de famille qui estoit allé au deuant de son fils repentant. En suite il le coniuura par le nom de Clement, que

la Sainteté auoit voulu prendre à l'aduenement de son Pontificat, de vouloir estre Clement & misericordieux à l'endroit d'un Roy tres-Christien & du premier fils de l'Eglise, dont il estoit le Chef visible. En suite il luy fit voir & toucher la procuracion toute ouuerte que le Roy luy auoit donnée signée de sa main, scellée du grand Sceau, & contre-signée R. V O L, l'un de ses Secretaires d'Estat. Il se prosterna à terre luy baissant les pieds. Il n'oublia aucun deuoir d'humilité pour s'eschir un cœur si dur, & luy faire recevoir sa Requête. Mais voyant que sa Sainteté continuoit à la refuser tout à plat, il prit un autre ton. Il se leua, & luy parlant comme une personne fort bien instruite des affaires de Rome & d'Espagne, il luy representa les malheurs dont l'Europe entiere estoit menacée par la continuation des guerres. Que les meschans vouloient voir la France comme estoit l'Angleterre & l'Allemagne. Mais que Dieu ne permettroit pas ce grand mal, & que S. S. auoit trop d'amour & trop de sagesse pour porter les choses à cette extremité. Qu'il la supplioit les larmes aux yeux, de les preuenir, & par des negatiues trop fermes, ne le pas obliger de rapporter en France des nouvelles, qui alloient acheuer de la perdre, & qui donneroient du scandale à tous les bons Catholiques & à tous les bons François. A ces paroles il eut le cœur si fort saisi de douleur, que beaucoup de larmes luy coulerent des yeux. Le Pape l'apperçut & parust touché voyant que la voix luy auoit manqué. Aussi luy commanda-t'il doucement par plusieurs fois de se leuer, & le contraignit mesme de se r'asseoir. Le Duc luy obeït à la fin, mais connoissant que sa Sainteté demouroit en sa rigoureuse resolution, il delibera de luy donner un Memorial signé de sa main, qui contenoit en substance tout ce qu'il luy auoit dit de bouche, parce qu'il ne vouloit pas s'en tenir à une si faulseule responce, mais vouloit tanter en donnant loisir à sa Sainteté de considerer son Memorial, s'il ne pourroit point l'adoucir. Il le supplia donc de le voir, & puis de luy faire sçauoir sa volonté. Le Pape luy dit qu'il le verroit & le considereroit avec attention, & qu'en suite il luy feroit sçauoir sa resolution. Apres cela M. de Neuers prit congé du Pape, non sans luy parler de la prolongation du terme des dix iours qu'il deuoit demeurer à Rome. Il est vray que tacitement il luy fut permis d'y demeurer dauantage, & iusques au commencement de l'année suiuiante 1594. En ce temps-là le Pape fut fort trauaillé des gouttes. Cependant les bruits estoient fort differents dans Rome. Les uns soustenoient que sa Sainteté deuoit approuuer l'absolution du Roy, les autres non. Mesmes quelques Cardinaux furent faschez de ce qu'une si grande affaire & de telle consequence, se traitoit avec les seuls Cardinaux de la Congregation de France, & avec quelques autres que sa Sainteté auoit eueus. Ces plaintes furent cause que le Pape en plein cōsultoir le lundy 20. Decembre 1593. se plaignit luy-mesme des plaintes que quelques Cardinaux auoient faites, & dit qu'ils n'entendoient pas l'importance de l'affaire. L'ay communiqué, adiousta-t'il de temps en temps avec ceux avec lesquels il estoit besoin de communiquer d'une rel-

le matiere; & ay avec eux pesé toutes les raisons de ceux qui ne veulent pas l'absolution de NAVARRE, & de ceux aussi qui desirerent que nous la luy donnions. Ce que i'ay fait non moins secrettement que iudicieusement. Je ne nommeray pas particulièrement ceux qui m'ont assisté en ma resolution, & qui m'ont donné conseil de n'approuver point ce qui estoit fait en France, sur la pretenduë absolution de NAVARRE. S'il y en a quelques-uns qui osent cy-apres parler contre la resolution que i'ay prise, ie leur feray connoistre par vne demonstration rigoureuse qu'ils m'auront offensé.

Cette nouvelle ayant esté portée à M. de Nevers, il se trouua plus affligé qu'auparavant; & mesmes sur l'aduis qu'il eut que l'un des prelatz qui assistoient le Cardinal de Plaisance à Paris, nommé Montorio, estoit venu de la part de ce Cardinal & du Duc de Mayenne, & auoit proposé au Pape en leur nom, qu'estans assurez que sa Sainteté n'accorderoit point la requeste du Roy, il estoit expedient d'amuser le Duc & luy faire perdre le temps à Rome, & que cela auoit esté resolu; il enuoya à l'heure mesme le memoire suiuant au M. de la Chambre, pour le presenter à sa Sainteté.

MEMOIRE PRESENTE' AV PAPE PARM. LE DVC

DE NEVERS LE 5. DECEMBRE 1595.

TRES-SAINTE PERE, le Duc de Nevers enuoyé vers vostre Sainteté de la part du Roy son Seigneur, luy fait entendre en toute humilité, qu'ayant S. M. longuement erré en la foy, elle en a esté fort desplaisante, & apres auoir connu la verité, elle s'en est repentie & s'en repent encore de tout son cœur. Aussi Dieu luy ayant fait la grace de luy ouurir les oreilles aux admonitions & aux aduertissemens qui luy ont esté donnez, tant de bouche que par escrit, depuis plusieurs années, elle a tousiours demandé d'estre instruite sur tous les points controuuersez, protestant qu'elle n'estoit point obstinée ains tres-disposée à recevoir & embrasser la Foy & Religion qui luy seroit monstrée estre la vraye. A cette cause, les Princes du sang & autres Princes, les Ecclesiastiques de France, les Seigneurs, la noblesse & les autres Catholiques vnis ensemble pour la deffence de S. M. & de l'Estat, enuoyerent l'an passé au saint Siege, comme à la mere & maistresse de toute bonne doctrine & institution Ecclesiastique, & à vostre Sainteté en particulier, le Marquis de Pizani, pour la supplier en leur nom de leur vouloir commander ce qui se deuoit faire touchant l'instruction & la conuersion qui se desiroit d'une personne si signalée que S. M. afin que toutes choses se passassent par les moyens conuenables, & principalement avec l'autorité & le bon plaisir de vostre Sainteté; & qu'il ne s'y fit rien que ce qu'elle iugeroit à propos. Cependant le Roy a continué à la communication qu'il auoit desia commencée d'auoir avec les personnes doctes de son

Royaume, comme sont les Eueſques & les autres Eccleſiaſtiques, & après d'eux quelle eſtoit la vraye doctrine de l'Egliſe de Dieu. Cependant V. S. n'ayant pas voulu pendant tout ce temps-là, donner audience audit ſieur Marquis; & S. M. ne voulant ni ne deuant pas demeurer dauantage en ſon erreur, mais au pluſtoſt acheuer ſon inſtruction pour ſe confirmer dans la vraye foy & retourner dans le ſein de l'Egliſe de Dieu, a fait aſſembler bon nombre de Prelats, Theologiens, & autres Eccleſiaſtiques du Royaume, & par iceux a eſté pleinement inſtruite & perſuadée que l'Egliſe Catholique, Apoſtolique & Romaine eſt la ſeule & vraye Eglife de Dieu, hors de laquelle il n'y a point de ſalut; & en la preſence deſdits Prelats & de pluſieurs deſdits Princes & Seigneurs, & beaucoup de milliers d'hommes a abiuré ſes erreurs paſſées, & fait profeſſion publique de la Religion Catholique, Apoſtolique & Romaine. Mais ces prelates n'ayant peu receuoir les commandemens de voſtre Sainteté, & ſçauoir ſon intention recherchée avec tant d'inſtance par le moyen du Marquis de Pizani, & trouuant que par beaucoup de chefs, S. M. eſtoit aux termes auſquels, ſelon les ſactez canons & les conſtitutions pontificales antiques & modernes, les Eueſques, & meſmes les ſimples Preſtres, peuuent & doiuent abſoudre les penitens des cas reſerués au ſaint Siege Apoſtolique, ont par la neceſſité du temps, & pour eſuiter à pluſieurs inconueniens qui pouuoient arriuer par la trop grande longueur, donné à ſa M. le benéſice de l'abſolution; luy enioignant toutefois, & luy faiſant promettre ſelon la forme de droit, que ceſſans les empêcheſemens legitimes, elle enuoiroit à Rome vers le ſaint Siege Apoſtolique & voſtre Sainteté, pour receuoir humblement voſtre benediction, & obeir à tout ce qu'elle luy ordonneroit & commanderait. Il y a deſia du temps que S. M. a donné aduis & rendu compte à voſtre Sainteté de tout ce que deſſus, par vn Gentilhomme deſpelché expreſ, & avec vne lettre toute eſcrite de ſa main, que voſtre Sainteté receut par le ſuſdit gentilhomme à S. Marc le 13. Septembre. Or maintenant S. M. obeiſſant à la ſuſdite inionction de ſes prelates & à la promeſſe qu'il leur a faite, & d'ailleurs pour la deuotion qu'elle porte à ce ſaint Siege & à voſtre Sainteté, a pour les ſuſdites cauſes enuoyé le ſieur Duc de Neuers à ſes pieds. Il ſ'eſt preſenté à V. S. il luy a donné la lettre de creance de S. M. du 26. Nouembre dernier, & l'ayant aſſeuré de la conſolation que S. M. ſent en ſon ame de ſa conuerſion, & du ferme propos qu'elle a de viure & mourir obeiſſant ſils & zelateur du ſaint ſiege Apoſtolique & de voſtre Sainteté; il l'a ſuppliée tres-humblement de luy donner audience, afin qu'il pût introduire à ſes pieds les prelates deputés, avec les Eccleſiaſtiques de leur ſuite, & enuoyés à S. S. pour luy rendre compte en toute humilité, de tout ce qui ſ'eſt paſſé, vous ſuppliant en outre tres-humblement & tres-inſtamment au nom de ſadite Maieſté, que comme Vicair de I. C. vous ne vouluſſiez point reietter ceux qui viennent à luy. Mais imitez, comme

nostre Seigneur, ceux qui se trouuent trauaillez & accablez du poids de leurs pechez, de se delcharger & iouir du sacré repos que l'on rencontre dans le sein de l'Eglise. Vous deuez faire le semblable comme successeur de S. Pierre, lequel auant que d'estre pasteur de l'Eglise vniuerselle, tomba par la permission de Dieu & renia son maistre par trois fois; afin que par sa faute il apprist à tous les Papes à auoir pitié de ceux qui failloient. Il plaira donc à vostre Sainteté auoir agreable tout ce qui a esté fait par S. M. & par les susdits prelatz touchant sa conuersion & son absolution, vous demandant comme à vn pere debonnaire, que vostre bon plaisir soit de le vouloir approuuer, & selon sa bonté & sa benignité accoustumée, auoir soin de consoler S. M. en luy donnant sa sainte benediction & tout autre remede que vous iugerez necessaire pour son salut.

AVTRE MEMORIAL PRESENTE' AV PAPE

PAR M. DE NEVERS.

TRES-SAINT PERE, le Duc de Neuers pour moins ennuyer vostre Sainteté, les festes estans si proches, au lieu d'une audience, il la supplie tres-humblement par ce peu de lignes, qu'il luy plaist de luy donner réponse sur le Memorial qu'il luy presenta le cinquiesme de ce mois; & ce d'autant plus que le bruit est commun qu'au Consistoire de Lundy dernier vostre Sainteté declara au sacré College, la resolution qu'elle auoit prise sur ceste tres-importante affaire. Et afin que ledit Duc puisse rapporter au Roy son seigneur à la vraye verité & clairement la volonté de vostre Sainteté, pour sa plus grande descharge, il la supplie en toute humilité, que ce soit son bon plaisir de luy faire donner ladite réponse par escrit; & ledit Duc prie Dieu qu'il donne à vostre Sainteté les bonnes festes, & tres-longue & tres-heureuse vie. Signé LODOVICO GONZAGUE.

Monfieur de Neuers pensoit auoir réponse de ce memorial par escrit, mais il l'eust seulement de bouche par ledit M. de la Chambre, qui luy dit que sa Sainteté luy donneroit audience le 2. de Ianvier; ce qu'il ne pouuoit faire plustost, à cause des Offices qu'il estoit tenu de faire à Noël, & de quelques autres interruptions. Ce qu'il fallut que M. de Neuers acceptast; & ledit iour venu, qui fut vn Dimanche, le Duc fut introduit deuant le Pape, & apres les ceremonies ordinaires, luy parla en ces termes.

Tres.saint Pere, le desir que j'ay de rapporter au Roy mon seigneur, quelque fauorable réponse de la part de vostre Sainteté & ne point manquer à la moindre des choses qui me sont commandées, m'a fait vous importuner par plusieurs fois de me la donner par escrit. Parce que sa Maiesté ayant écrit à vostre Sainteté des lettres de sa main, l'une des-

quelles ie vous ay présentée, ie ne scautois me charger d'aucune responce verballe, si vostre Sainteté ne me donne quelque lettre de creance. Le Pape luy dit, Je ne suis pas resolu de vous donner aucune responce par escrit, parce que j'ay sceu que l'on a brulé à Tours & à Chaalons les Bulles & les autres actes que les Papes mes predecesseurs ont enuoiés en France. Je ne veux pas qu'il en arriue de mesme de ee que ie vous baillerois par escrit. Dauantage ie traite fort ordinairement d'affaires fort importantes avec l'Ambassadeur d'Espagne & autres, & cependant ni les vns, ni les autres ne me demandent rien par escrit. L'ay esté en Pologne & en autres lieux pour des affaires de consequence, pour lesquelles l'on ne m'a rien donné par escrit. C'est pourquoy vous deuez vous contenter de ee que ie vous dis verbalement. A ee-la le Due respondit ainsi. Je sçay fort bien, Tres-saint Pere, qu'en affaires qui se traitent par de simples recommandations, ou bien en d'autres où il n'y a pas de grandes difficultez, on ne se soucie gueres d'en rerier des responses par escrit. Mais puisque le Roy vous a escrit de sa main, & que vostre Sainteté a receu ses lettres, & que ie luy ay parlé bien amplemēt de sa conuersion, de son absolution, & des ordres de l'Eglise que sa Maiesté desire auoir de vostre Sainteté, pour travailler au salut de son ame, & par là tesmoigner l'ardent desir qu'il a d'estre reeoncilié avec le saint siege, il me semble que vous ne deuez pas espargner trois ou quatre lignes de vostre main, afin d'esclaircir mon Roy de vostre volonté, & de luy apprendre ee qu'il a à faire pour ne pas rendre mon voiage inutile.

Quant au doute qu'a vostre Sainteté, qu'en France on ne fasse quelque mespris de ee vous me baillerez par escrit, comme l'on a fait de la Responce que le Pere Alexandrin Hebrahin auoit donnée de vostre part à Monsieur le Cardinal de Gondy, cela ne peut estre; parce que si vostre Sainteté estime que la responce qu'il luy plaira de me faire, soit conuenable à la qualité de Vicair de I. C. & par consequent iuste & raisonnable, elle ne doit point craindre de me la bailler par escrit, pour iustifier ses actions deuant tout le monde. Car si elle est telle, elle ne sera iamais brulée. Mais si vostre Sainteté estime qu'elle ne l'est pas, & qu'elle ne peut partir d'un iuste iuge & d'un pere misericordieux, & par consequent qu'elle doit estre trouuée mauuaise par toute personne équitable, qui peut douter que vostre Sainteté ne doiuē la tenir eternellement cachée, & en donner vne qui soit digne du pere comun des fideles? Si le Roy mon seigneur, tout plein de respect & d'amour pour V. S. n'auoit retenu le iuste ressentiment des bons François, il est certain que depuis 18. mois, les Parlemens auroient fait vne grande & exemplaire Declaration sur le pouuoir que vostre Sainteté a donné à Monsieur le Cardinal de Plaisance, pour assister à l'election d'un Roy imaginaire. Mais cette Declaration auroit esté si contraire aux maximes des Courtisans Romains & si preiudiciable à vostre autho-

rité, que vous auriez eu suiet de vous repentir de la part que l'on vous a fait prendre dans le desordre des affaires de France. Mais ce Prince tout Chrestien & tout genereux, a mesprisé son interest particulier pour se conserver dans le respect qu'il vous porte ; & a desseind à ses Parlemens de Tours & d'ailleurs, de donner aucun Arrest, comme c'est la coustume, pour soutenir les droits de la Couronne & les privileges de l'Eglise Gallicane. Tellement qu'il n'y a eu que celuy de Chaulons qui ait fait quelque Declaration auparavant que d'avoir sceu la volonté de sa Maïesté. Mais ayant esté arresté par ses ordres, il n'a pas passé outre ; & ne se portera à cette grande Declaration qu'il avoit arrestée, que lors qu'il verra vostre Sainteté tout à fait inexorable aux iustes supplications de son Roy. S. M. persuevre dans cette retenue iusques aujourdhuy, encore qu'elle sçache bien que vostre Sainteté & vostre Legat à Paris, vous continuez de concert à luy en donner de sensibles occasions. Ce sont choses qui se voient clairement, tant par le pouvoir exorbitant donné à vostre Legat, que par les lettres & les actes qui ont esté faits à Paris. Ces considerations & ces respects, Pere saint, doiuent porter vostre Sainteté à adoucir sa severité à son esgard, & particulièrement voiant la bonne volonté & l'amour sincere que sa Maïesté porte à vostre personne. C'est le pur effet d'un cœur franc, Chrestien & genereux, & non d'un interest pressant, & d'une dernière necessité. Je dis plus, saint Pere, ie dis que vostre Sainteté ne sçauoit faire vne œuvre plus meritoire, que de recevoir en sa bienveillance, un Prince d'une si haute vertu & d'une si grande consideration ; parce qu'il peut attirer par son exemple & par son autorité, des milliers d'ames deluoyées. A ces mots le Duc se remit à genoux aux pieds du Pape, le suppliant d'interrier sa Requeste.

Sa Sainteté persistant en sa premiere resolution, luy dit qu'il ne vouloit pas croire que la conuersion de NAVARRE fût bonne. Le Duc le supplia de luy declarer en quoy il croioit que la conuersion du Roy fût defectueuse, & ce qu'il desiroit que sa Maïesté fît pour luy oster cette opinion, & luy donner tout le contentement qu'elle desiroit. Le Pape sans s'agrir luy respondit ainsi, Qu'il fassé le contraire de ce qu'il a fait iusques icy. Le Duc dit, saint Pere, il a cy deuant fait des choses qu'il est impossible qu'il n'ait pas faites. Deformais il peut & doit faire le contraire. Mais il n'est pas Theologien, pour sçavoir par quelles œuvres & quels fruits de penitence il doit se preparer à meriter la grace de vostre Sainteté. Le Pape luy repliqua. Il ya des Theologiens en France capables de le luy dire.

Lors le Duc supplia sa Sainteté de les luy dire elle mesme, par sa charité paternelle, & de iuger par son grand sens, si ce qu'il desiroit de luy, pouoit estre conforme à ce que les Theologiens de France luy conseileroient. A cela le Pape ne luy ayant rien répondu, le Duc reprint la parole, & luy dit ; Je ne sçay donc, saint Pere, quel conseil donner

à mon Roy pour bien faire, puis qu'il ne vous plaist pas de me declarer les œuures preparatoires où il se doit appliquer pour le salut de son ame. Cela estant, c'est le ietter dans le desespoir, qui est tout le contraire de ce qu'a tousiours fait Nostre Seigneur Iesus-Christ. Il est allé chercher les pecheurs pour les enseigner, & pour leur donner la force de quitter leur peché & de se conuertir. Sur quoy le Pape dit au Duc, ie ne suis pas tenu de les luy declarer. En suite il allegua quelques exemples de la sainte Escriture. Sur lesquels le Duc luy respondit ainsi. Auec vostre permission, tres-saint Pere, ie vous diray qu'il me semble que les sermons des Predicateurs ne tendent qu'à instruire le peuple, & à luy proposer de bonnes œuures pour sauuer leurs ames. Ce que l'estime^m que vostre Sainteté doit faire à l'endroit de mon Roy, pour n'estre pas moins tenu enuers luy sous peine de peché mortel, qu'est le pere d'assister ses enfans de conseil pour le salut de leurs ames: ainsi qu'il est déclaré par les œuures de misericorde qui sont plus notoires à vostre Sainteté qu'à moy. Surquoy le Pape dit au Duc. NAVARRÉ sçait bien ce qu'il doit faire sans que ie luy die, & ie ne suis point tenu de luy declarer les œuures preparatoires. L'ay fait consulter cette affaire par des Theologiens; & ne veux pas passer plus auant. Le Duc voyant que le Pape estoit ferme en sa resolution, luy demanda si sa Sainteté entendoit que le Roy son maistre allast cy-apres à la Messe, comme il auoit fait cy-deuant; & qu'il receût le precieux Corps de Nostre Seigneur; ou bien s'il s'en abstiendrait. A cette demande le Pape ne fist aucune responce. Le Duc ayant bien conneu que sa Sainteté l'auoit trouuée de grande importance, afin de luy donner loisir dy penser, ne voulut pas insister dauantage pour sçauoir sa resolution; & continuant son propos il luy remontra qu'il y auoit plusieurs Eueschez & plusieurs Abbayes vacantes; la plus grande partie desquelles, estoit dans les villes de l'obeissance du Roy; & que tous ces Benefices-là estoient maintenant tenus par des Oeconomats, sans que l'ordre & la regle Ecclesiastique y fut gardée comme il appartenoit. Et pour les Eueschez, que la confusion & le desordre y estoient encore plus grands. Car il n'y auoit personne de pourueu, & il ne s'y faisoit plus de Crefme ny de prestres, faute de personne pourueu canoniquement. Que s'il s'en retournoit en France sans auoir rien obtenu de sa Sainteté, il arriueroit infailliblement que ceux qui iouïssent du temporel des Eueschez, seroient ravis d'estre dispensés de leur deuoir par vn refus, qui fermeroit la porte à tous les François Royaux de recourir au saint siege; & que pour eüiter cette abomination, il pleust à sa Sainteté de luy dire sur cela sa volonté, pour la rapporter en France. Qu'il estoit obligé de dire à S. S. qu'il craignoit qu'apres son retour, on ne remist sur le tapis, & que possible on ne se seruit d'un certain reglement, qui auoit cy-deuant esté dressé touchant l'expedition desdites Bulles, pour estre gardé par forme de prouision, & iusques à ce que Clement VIII. eüst addoucy sa

rigueur à l'endroit d'un Roy Tres-Chrestien, & de tant de bons Catholiques qui le suivoient & qui le servoient, & qu'il le vit deliuré des enchanemens du tres-pernicieux Conseil d'Espagne, qui le tenoit comme hors de luy-mesme, & luy faisoit faire ce qu'il ne vouloit pas dans le fond de sa conscience. Qu'au reste le reglement dont il luy venoit de parler, auoit esté reietté par l'aduis de plusieurs personages d'honneur, sur l'esperance que l'on auoit que sa Sainteté embrasseroit la paix de la France. Mais si cette esperance est vne fois perdue, adiouta-t'il ce sera vn iuste pretexte aux personnes qui ne sont pas fort persuadées des regles de Rome, d'appuyer & faire executer ce reglement. Ce qui apporteroit infailliblement beaucoup de desplaisir à sa Sainteté, & de grands desordres en l'Eglise. Lesquels en son particulier luy faisoient herisser les cheueux & glacer le cœur en y pensant seulement, pour s'en voir le porteur par l'ordonnance mesme de sa Sainteté, & toutefois sans sa coulpe. Qu'il le supplioit pour la centiesme fois, de luy dire, comme il entendoit que l'on eust à se gouverner pour le regard desdites Bulles. A quoy le Pape respondit qu'il ne pouuoit les faire despescher à la nomination de NAVARRE, pource qu'il ne le tenoit pas pour Roy de France; & neantmoins que sur tout ce qu'il auoit dit, il y penseroit serieusement, & qu'apres il luy feroit sçauoir sa volonté. Auccette responce le Duc quitta le Pape le soir du Dimanche 1. Ianuier. Le Vendredy suivant le Cardinal de Tolde vint trouuer ledit Duc de la part du Pape; & luy dit que sa Sainteté ne se tenoit point obligée de luy bailler rien par escrit; parcequ'il ne pretendoit pas qu'il luy eût dit aucune chose de la part de NAVARRE, luy ayant mandé auant son arriuée à Rome, qu'il estoit resolu de ne le point receuoir comme Ambassadeur; & partant qu'il ne vouloit point considerer ce qu'il auoit traité avec luy comme de la part de NAVARRE, mais de la sienne seule, & par forme de conuersation familiere & indifferente. Le Duc trouua cette responce fort estrange, & en demura estonné. Aussi supplia-t'il le Cardinal de Tolde de luy declarer bien particulièrement, si l'intention de sa Sainteté estoit absolument telle. Il luy dit par plusieurs fois, telle est la volonté du Pape. Alors le Duc luy dit qu'il trouuoit cette resolution si estrange, & si contraire à son attente & à l'occasion de sa venue, qu'il en demeueroit tout confus en son esprit, & qu'il luy sembloit que les actions du Pape estoient proprement des ieux d'enfans. Car, adiouta-t'il, qui a iamais oüy dire qu'un pasteur Ecclesiastique ait fermé les voyes du salut aux plus grands pecheurs du monde; & leur ait refusé l'entrée de l'Eglise, quand ils ont tesmoigné vn sincere desir de se conuerir? Cela a esté inouï dans tous les siècles, & ie ne doute point que la responce que vous me faites de la part du Pape, ne mette au desespoir beaucoup de personnes, & ne les porte à abandonner ceux qui les abandonnent. Pour moy, ie vous iure que ie voudrois m'estre rompu vne iambe, quand i'ay fait le premier pas pour venir icy, afin de n'e-

estre pas reduit à la cruelle necessité de porter en France vne response si peu Chrestienne & si peu digne du Chef de l'Eglise. On deuroit faire reflexion icy sur le scandale advenu en Allemagne & en bien d'autres lieux, pour des occasions telles que chacun sçait, & pour lesquelles les predecesseurs du Pape ont bien ietté des larmes. Je suis contraint de vous dire, que s'il veut imiter Iesus-Christ, dont il est le Vicaire, il doit faire bien du chemin, & s'exposer à de grands travaux pour aller chercher les ames esgarées, & pour les ramener à l'Eglise, & non pas chasser dans le desert & exposer à la gueule des loups, celles qui se presentent pour estre secouruës. Acela le Cardinal, mauuais Theologien, luy respondit, qu'il n'estoit pas de la dignité de Iesus-Christ d'aller chercher les deuoyez. Au contraire qu'il auoit voulu que l'on s'adressast à ses Disciples pour les introduire deuant luy, comme les Gentils firent à saint André. A ce mot le Duc luy dit, Monsieur, vous prenez saint André pour saint Philippe. Mais cet exemple-là fait directement contre vous. Car outre que Iesus-Christ n'auoit point fait cette desseinse, ce fut par le mouuement de sa grace, que les Payens s'adresserent aux Apostres pour estre admis en sa presence. Mais quand cet exemple ne seroit pas mal allegué, il y en a mille autres dans l'Euangile qui tesmoignent que l'on s'est tousiours adressé tout droit à l. C. voire que luy-mesme est allé au deuant des pecheurs, pour les deliurer de la seruitude du peché, & les amener à la vraye connoissance de Dieu. Enfin, Monsieur, puisque sa Sainteté a pris cette resolution, & qu'il y veut persister, ie n'ay que faire de la debatre dauantage; mais seulement ie despire la misere qui aduiendra à nostre France, par la rage des soldats, qui est tres-grande; & encore plus parmy ceux de la Ligue, que parmy les nostres. Le Cardinal en souffrant dit au Duc, qu'il ne sçauoit qu'y faire. Ce que voyant ledit Duc, il luy dit avec fermeté, rions hardiment, Monsieur, rions; car dans peu de iours nous serons les premiers à gemir; & ie ne doute point que bientoist apres, vous serez contraint d'en faire de mesme, & de vous repentir d'auoir eu trop de dureré. Le Cardinal s'excusant de son action, luy respondit qu'il auoit vn extreme regret des maux qui aduiendroient; & qu'il desiroit de les pouuoir empêcher. Le Duc luy ayant demandé s'il n'auoit point de charge de sa Sainteté de luy declarer les œures preparatoires qu'il entendoit que le Roy son Maistre fit pour luy donner esperance de le receuoir vn iour au giron de l'Eglise de Dieu, comme aussi s'il iroit à la Messe, ou non; & quelle estoit son intention sur les expeditions des Bulles. Le Cardinal luy dit, qu'il n'auoit aucune charge de sa Sainteté de luy dire aucune chose, parce qu'il ne vouloit auennement se soumettre à donner conseil à NAVARRE, mais le laisser faire de luy-mesme. Le Duc voyant bien qu'il ne pouoit tirer aucune autre response de luy, le supplia de rapporter aux Pape ce qu'il luy auoit dit. Le Cardinal promit de le faire. Mais le Duc ayant attendu iusques au 9. Ianuier la response du

Cardinal, & n'en ayant receu aucune, il connut bien qu'il n'en auroit point du tout, & que l'on ne desiroit que de l'amuser à Rome, selon l'aduis qui en auoit esté apporté de Paris par le Prelat Montorio. Il enuoya donc le sieur de Niuelon Maître d'Hôtel de sa Maïesté vers le M. de la Chambre du Pape, pour supplier sa Sainteté de trouuer bon que le Lundy il allast prendre eongé de luy, & luy baiser les pieds avec son Fils & les Gentilshommes qui s'en retournioient en France.

Le Lundy matin le M. de la Chambre du Pape ayant enuoyé dire à M. de Nevers qu'il pouuoit venir trouuer sa Sainteté, il y fut, accompagné de son Fils & des Gentilshommes qui estoient venus avec luy. Estant introduit, il dit à sa Sainteté que son sejour à Rome ne luy pouuant plus donner esperance de rapporter au Roy son Seigneur, aucune meilleure responce que celle qu'il auoit pleu à sa Sainteté de luy bailler, il estoit résolu de s'en retourner en France, & rendre à son Roy & à sa patrie le seruice qu'il leur deuoit. C'est pourquoy il estoit venu prendre congé de sa Sainteté, pour luy dire qu'il s'en alloit fort content de la gracieuse façon de laquelle il luy auoit pleu de traiter avec luy pour son regard particulier; mais tres-mal-content, voire avec un desespoir ineroyable, de la dure & seure resolution qu'il auoit prise touchant S. M. Quoy done S. P. adiousta-t'il, ie m'en retourneray en France, ayant imprimé dans le cœur auissi bien que dans la memoire, le refus que V. S. m'a fait, de traualler au salut d'une ame pour qui I. C. est mort, & de receuoir pour assurance de sa veritable conuersion, l'acte que ie luy ay offert de signer de mon sang, & que ie luy offre encore où ie menage que de bonne foy, S. M. effectuera de tout son pouuoir, les commandemens qu'il plaira à V. S. de luy donner pour penitence. Que si eet acte n'est pas suffisant, ie luy laisseray pour caution mon fils vnique en ostage, qu'elle tiendra prisonnier dans le chasteau saint Ange iusqu'à ce qu'elle soit contente. Le preuoy bien que cette rigueur apportera de sinistres accidens à la France & ailleurs; & ie souhaiterois d'estre mort en la grace de Dieu, plustost que de me voir reduit en vn estat si contraire à mon intention. Mais puisque mon malheur m'y a porté, ie ne puis faire autre chose, que de prendre patience. Sa Sainteté luy respondit qu'il voudroit auoir occasion de faire mieux qu'il ne faisoit; & de mettre la paix en France avec l'honneur de Dieu; & que s'il ne tenoit qu'à se faire couper les bras & les iambes, il le feroit ttes. volontiers. Mais qu'il ne uoioit rien qui le deust induire à faire autre chose, ny à rien accorder aux supplications du Duc; & quand il le trouuera iuste, qu'il le fera avec ioye. Sur ce le Duc luy repliqua, qu'il pensoit luy auoir cy-deuant dit assez de choses pour l'induire à accorder la tres-humble supplication qu'il luy auoit faite: Mais puis qu'il n'auoit pas voulu y auoir esgard, qu'il ne l'en importunerait pas dauantage. Qu'il supplioit seulement Dieu qu'il plust luy inspirer vne meilleure resolution, ou donner au Roy son Maître

rant de victoires, qu'il tesmoignast visiblement qu'il en auoit pris la defence, & agréé la conuersion. Cependant que luy s'en allant, il ne demeureroit à Rome ny Ambassadeur, ny Agent, ny Secrétaire qui peust parler vn mot des affaires de la France; tellement qu'il voyoit que sa Sainteté seroit encore plus mal informée qu'elle n'auoit esté par le passé, mesmes par le Cardinal de Plaisance, ennemy mortel du Roy & des Princes & Seigneurs Catholiques qui le suiuoient. Ce qui seroit le vray moyen de maintenir tousiours sa Sainteté en vne iniuste haine, & en vne mauuaise opinion du Roy & de ses suiets. Ce qui estoit tres-clair & tres-aué par l'intelligence grande & secrette qui estoit entre ledit Cardinal & le Patriarche d'Alexandrie, Nonce de sa Sainteté en Espagne. Lesquels estoient plustost les Ministres du Roy Catholique, que de sa Sainteté, chacun d'eux s'entendant bien pour faire les affaires du Roy d'Espagne, comme il se pouuoit connoistre par la copie de la lettre dudit Patriarche adressante audit Cardinal; en laquelle l'on voioit la diligence que ledit Patriarche faisoit pour hastier la ruine de la France. Mais ce qui estoit bien plus effroyable, c'est que ce Patriarche emploioit l'autorité-mesme de sa Sainteté, en disant qu'il ne se pouuoit faire vne plus grande poursuite enuers le Roy d'Espagne pour l'affaire de France, que celle que sa Sainteté faisoit. Ce que neantmoins le Roy son Seigneur n'a pas voulu croire. Ainsi finit la conuersation. Mais le Pape ayant tesmoigné qu'il ne pouuoit croire ce que M. de Neuers luy auoit dit touchant cette lettre, le Duc le veriffia à sa Sainteté, & luy fit voir que le Cardinal de Plaisance auoit escrit à Rome plusieurs choses qui s'estoient passées en France, tout au contraire de la verité. Il le fit ressouuenir en suite des lettres que ledit Cardinal auoit escrites à sa Sainteté, luy voulant persuader qu'il deuoit excommunier Mess. les Princes du sang & tous les Catholiques qui suiuoient sa Maiesté. chose que sa Sainteté par sa prudence n'auoit pas voulu faire, & luy auoit mandé au mois de May, qu'il ne trouuoit bon ny l'un, ny l'autre. D'ailleurs que ce mesme Cardinal auoit déclaré à Paris au Mois de Iuillet dernier, que l'intention de sa Sainteté estoit que M. de Guise fut esleu Roy; & pour cela qu'il auoit présenté vn certain meschant escrit, qu'il soustenoit luy auoir esté enuoié de la part de ladite Sainteté, afin de violenter l'eslection qu'eussent voulu faire les Depputez d'vne ridicule assemblée. Je finis donc saint Pere, continua-t-il, apres auoir supplié V. S. de n'adiouster plus de foy à tout ce que ce Cardinal luy escrira des affaires de France. Le Pape ayant pris la copie de la lettre, que le Patriarche d'Alexandrie escriuoit au Cardinal de Plaisance, dit au Duc qu'il la verroit, & qu'il n'oubliroit rien de tous les bons offices qu'il pouuoit apporter pour remedier aux affaires de la France; & que s'il y enuoiât quelqu'un, il luy donneroit charge de parler à luy particulièrement, l'assurant qu'il auoit tres-bonne intention de bien faire à la France; & luy promettant que s'il luy vouloit escrire, il l'auroit agreable, & luy seroit réponse. Ces propos acheuez, le fils du Duc

vint baïſer les pieds de ſa Sainteté, & prit congé de luy. Le Pape luy donna vne Croix d'or avec quelques eſmeraudes, dans laquelle eſtoient quelques reliques de la vraye Croix. Il luy donna vn chapelet que luy-meſme luy mit au col. La valeur de ce preſent pouuoit eſtre d'environ trois ou quatre cens eſcus. Après que ledit Prince de Rethe-lois eut baïſé les pieds de ſa Sainteté, ſuiuirent les Gentilshommes François, & apres eux ledit Duc, pour luy rendre le dernier deuoir. Deuant qu'il partit de Rome, le Pape le fit viſiter par Meſſ. les Cardinaux ſes nepueux. De Rome ce 14. Ianuier 1594.

Le landemain quinziefme, il rencontra M. le Cardinal de Ioyeuſe & le Baron de Senefcey qui alloient à Rome de la part du Duc de Mayenne & du party de l'Vnion. A leur rencontre les ceremonies de la Cour furent oubliées de part & d'autre. Les vns paſſerent d'un coſté du chemin, & les autres de l'autre. M. de Neuers prit le chemin de Florence. De là il fut à Mantouë & à Veniſe, & ſe rendit auprès du Roy quelque temps après qu'il eût eſté ſacré à Chartres.



A D V I S
DES IMPRIMEVRS DV ROY,
A V X L E C T E V R S .

En l'année 1594.



*L*e discours de Monseigneur le Duc de Nevers sur ce qu'il a traité à Rome pour le Roy & le Royaume, estant tombé entre nos mains, nous eussions pensé grandement préjudicier au public de l'en frustrer, tant il est rare, excellent, & qui merite estre entendu non seulement de la France, mais aussi de toute la Chrestienté, afin qu'elle connoisse le zele extreme & la deuotion de sa Maiesté au repos de l'Eglise, ensemble son saint desir d'arracher les schismes & diuisions, que l'ambition de nos ennemis, principe de ces maux, matiere de ces feux, mouuement de ces desordres, & source de ces torrens de confusion seme' dans ce sacré pourpris, non avec la main, mais à pleine poche, comme anciennement a esté dit. Pour à quoy paruenir, il n'a voulu oublier aucun point de l'humilité Chrestienne, ayant mis sous le pied les pompes & grandeurs humaines pour se rendre digne des celestes, effacé le fard d'un bonneur fuitif, & conuert la splendeur d'une gloire mal colorée, pour suivre le vray bonneur, & reluire de son eclat: voir mesmes l'apprehension & la crainte de veoir de nouveau rompre & despecer la robbe inconsutile du Seigneur, ont peu si auant sur luy, qu'il a esbresché au cunement cette gloire solide, & abbaisé cette Couronne de liberte, que par le tesmoignage mesmes des Italiens, il porte par dessus les autres Rois & Princes Chrestiens. Car vous verrez par la suite de ce discours des submissions qui semblent passer outre ce qui est de la grandeur de la France, & des immunitex que l'Eglise Gallicane a tousiours couragement retenuës, & constamment conseruées avec un ordre tant bien estably, que quand on l'a voulu renuer, les Rois, le Clergé, & la Cour de Parlement s'y sont opposez par bons, iustes & legitimes moyens. Tellement que les Papes les reconnoissans veritables, s'en sont deportez. Ainsi par tout a esté reconnuë la franchise de ce Royaume, & de son Eglise, qui pour telle & si honnorable marque a esté tousiours appellé Pays libre, au lieu que le reste de la Chrestienté s'appelle Pays d'obeissance. Ce n'est pour excludre vne obeissance filiale & liberale enuers l'Eglise, & vne sin-

guliere

guliere affection à l'endroit de son premier siege, dont ont esté rendus plusieurs grands & illustres témoignages, de façon que la France a esté nommée le fanal de la foy, l'asyle des Papes, & le carquois admirable ceint d'aucosté de Dieu, dont il tira des fleches choisies, pour les descocher avec l'arc de son bras puissant contre l'infidelité. Mais c'est pour ne s'assuiettir à une reconnoissance non due, ny requise, ny rendue au premier, & neantmoins plus par fait aage de l'Eglise, sous laquelle les autres peuples par leur impuissance, diuision & imprudence se sont laissez asservir. Que si en ces endroits ces préeminences sont aucunement ravalées, & cette dignité retranchée, cela n'estant que pour en rendre davantage à l'Eglise vniuerselle, est un tesmoignage certain de la reuerence que sa Maiesté luy porte. Et bien qu'il semble que se soit autant s'oster d'auctorité qu'il en quitte à autrui, ne plus ne moins que tirant quelques ruisseaux d'un grand fleuve, c'est diminuer la force de son cours : Si est ce qu'il estime son Royaume si conioint avec l'Eglise, qu'il iuge l'honneur qu'il luy a fait en la personne de celuy qui y tient le premier lieu, estre le sien propre. Honneur qui est encore plus remarquable en ce qu'il a esté offert & rendu non par quelque personne commune, mais par un Prince tres-illustre, avec la Noblesse ancienne duquel combat sa propre vertu à qui des deux l'ornera davantage. Il faut donc croire, que nostre S. Pere le Pape de longue main a esté preuenu contre la verité & la raison, puis qu'il n'a encore esté touché de ce respect non ordinaire, ny esmeu des graues & sages remonstrances tant de fois reiterées, ny particulièrement resenty l'heur de son pontificat pour l'acquisition si rare à l'Eglise d'une ame si precieuse, de laquelle les cieux se resioüissent, & la terre se console : veu mesme qu'au parauant qu'il fust eslé en ce Saint Siege, on a remarqué en luy plusieurs signes d'esprit moderé, desirieux du bien, amateur du repos commun, & ennemy de factions & coniuurations. Qu'il aduise donc par sa prudence à ne donner nouveau suiet d'accuser les puissances & grandes authoritez de peruerissement du naturel des hommes. Qu'il songe que comme celuy qui ayant emprunté de ses amis, dissipe le sien avec le leur, est digne de plus grande reprehension que celuy qui dissipe le sien seul. De mesme qui par l'esperance donnée s'est rendu debteur de bonnes & louables actions, & ne les rend. Encore est-il plus blâmable de tromper l'esperance que le creancier, d'autant que cettuy-cy peut s'acquitter de ce qu'il doit par la seule volonté, sur laquelle la fortune n'a aucun droit ny pouuoir. Nous aduouerons neantmoins que la superbe Espagnolle, une des mains pernicieuses de la fortune, se monstre plus entreprenante qu'elle, en ce que tenant le corps & l'Estat de sa Sainteté assiegez, entreprend d'assuiettir sa volonté à ses tyranniques desseins. Mais nous esperons que bientoist il pensera à luy, & reconnoistra telle indignité, ne laissant échapper si belle & iuste occasion pour se tirer de cette seruitude, remettre le pontificat en liberté, & luy rendre la dignité qui luy appartient. Il luy est plus honorable d'estre tenu pour pere commun des Chrestiens, vray heritier des Apostres, & en primat nous représenter Abel, en gouuernement Noé, en ordre Melchisedech, en dignité Aaron, en autorité Moïse, Titres donnez au Pape par un docteur François, que de se rendre partial, voire ministre d'un

Princez affectant l'usurpation de la Chrestienté: de maniere qu'on soit contrainct de ne prendre ce qui viendra de Rome, pour autre chose que pour oracles de la Pythias, qui philippise. Dieu moveur des cœurs le veuille bien inspirer, Et ramener à ce qui est du repos de l'Eglise, Et de l'honneur du S. Siege; Et que si la voix n'a donné entrée à ces remonstrances que dans son oreille, maintenant redigées par escrits elles puissent penetrer jusques au plus profond de son ame. Adieu.



DISCOVRS
DE LA LEGATION
DE M. LE DVC DE NEVERS.

*Enuoyé par le Tres-Chrestien Roy de France & de Nauarre,
HENRY III. vers le Pape CLEMENT VIII.*

RES-SAINT PERE,



SELON que j'ay tousiours dressé mes actions à la gloire de Dieu, & au deuoir d'un Prince né d'illustre famille, & pour ce mesprisé ma vie, mes biens, & les vanités mondaines : Ainsi Pere saint, j'ay dès mon arriuée à vos pieds desiré que vostre Sainteté fust éclaircie, que ce voyage long, fâcheux & incommodé, que j'ay entrepris en l'aage & en l'estat auquel ie suis, ne prouenoit d'aucun mien interest particulier, que i'eusse en Italie, ny en France, & qu'à cet effet ie renonçois dès à present à toutes les supplications & requestes, que ie pourrois faire à vostre Sainteté, soit d'un chappeau de Cardinal, ou d'Euesché & d'Abbaye, & à toutes autres graces & concessions, qu'elle pourroit accorder à ma recommandation ; parce que i'estois resolu de ne vous en demander aucune, tandis que ie serois employé en l'affaire, pour lequel i'estois venu vers elle. D'ailleurs que ie n'esperois ny voulois de mon Roy autre ny plus grande charge, que le Gouvernement de la Champagne, que le feu Roy, que Dieu absoluë, auoit donné à mon fils en recompense de mes seruices, & ce pour les raisons, que ieluy en ay deduictes. Finalement que i'en auois reconnu l'affaire, que ie portois estre en soy si honorable & accoustumé d'estre donné à personne de grande qualité, qu'il me deust induire à le rechercher, sans auoir esgard à l'incommodité, qu'il m'apporteroit, tant en ma personne, qu'à la Duchesse ma femme, à mes terres & à ma charge par mon esloignement d'avec eux, pour ne pouuoir leur donner l'assistance, que ie leur dois. Et partant j'ay supplié vostre Sainteté de croire

que l'occasion seule qui m'auoit acheminé de pardeça, auoit esté l'assurance, que i'auois prise (obeissant aux commandemens de mon Roy) de faire chose tres-agreable à vostre Sainteté, profitable à nostre France & à la Chrestienté, honorable pour moy & à ma posterité, & salutaire à mon ame; cuidant par la reconciliation, que i'esperois faire de mon Roy avec vostre Sainteté, voir cesser tant de maux, qui trauaillent les Catholiques de nostre Royaume. C'est pourquoy, Pere saint, ayant receu vn extreme regret de me voir licencié par vostre Sainteté avec vne si rigoureuse resolution, sans me donner aucune responce; i'ay esté contraint de dresser par escrit le sommaire de ce que i'ay traité avec vostre Sainteté & de le luy laisser à mon parlement, afin de vous donner occasion de vous rendre autant misericordieux, qu'il vous a pleu estre seuer en l'endroit de mon Roy penitent, comme ie veux croire qu'il vous plaira de faire, apres y auoir mieux pensé.

Et pour ce continuant mon propos, ie diray à vostre Sainteté, qu'estant arriué à Poschiao, terre des Grisons, le 13. Octobre, ie me trouuay fort estonné d'y voir arriuer le Pere Poussuin Iesuite, euuoyé de la part de vostre Sainteté, pour me faire entendre en vertu d'un brief de deux lignes seulement en sa creance, qu'elle ne pouuoit me receuoir comme Ambassadeur de mon Roy, ne l'ayant encore reconnu pour tel, sans me consoler d'un mot gracieux, que ie serois neantmoins le bien venu en autre qualité, & qu'elle me verroit volontiers, afin de m'oster l'occasion de douter qu'elle ne desirast que ie continuasse mon voyage: ains seulement adioust, que vostre Sainteté se reshoüissoit de la conuersion, qu'elle auoit entendu, que sa Maiesté auoit faite, suppliant Dieu qu'elle fust telle, qu'il appartenoit. De laquelle ambassade, Pere saint, ie demeuray si fort estonné, que ledit Pere Poussuin a peu faire entendre à vostre Sainteté, preuoyant vn tres-mauuais commencement en l'affaire, que ie portois; neantmoins ie me résolus de continuer mon voyage, afin de saluer Monsieur le Duc de Mantoue mon nepueu, en esperance que vostre Sainteté prendroit cependant quelque bonne resolution sur ce que i'auois prié ledit Pere Poussuin de vous faire entendre de ma part, dont i'auois occasion de m'en contenter. Arriué que ie fus à Mantoue, ledit Pere Poussuin me fit voir la lettre, que Monsieur le Cardinal de saint George vostre nepueu luy auoit écrite le 25. Octobre en responce de la sienne, contenant que vostre Sainteté persistoit en la mesme resolution de ne me receuoir comme Ambassadeur; sans toutefois luy mander, qu'il eust à me dire, qu'elle me verroit volontiers, ny autre chose, sinon que ie pouuois m'assurer d'estre bien aymé de vostre Sainteté. Ce qu'ayant veu & bien considéré, ie me deliberay d'acheuer mon voyage, comme le Roy mon maistre me l'auoit commandé, en esperance, que ayant eu l'honneur & le contentement de baiser les pieds de vostre Sainteté, qu'elle se resoudroit à embrasser ma Legation, comme il appartenoit. Et pour faire paroître

à vostre Sainteté, que sa Maiesté ne m'auoit despesché, que vers elle seulement : ie n'ay visité ni la Seigneurie de venise, ni Monsieur le Duc de Ferrare, ni Monsieur le grand Duc, ni Monsieur le Duc d'Vrbain, ains ie suis venu droit la trouuer, pour effectuer ma charge, & tesmoigner à vostre Sainteté la grande estime, que le Roy tres Chrestien mon maistre, faisoit du saint Siege & de sa propre personne.

M'estant donc aduancé le 15. Nouembre à la Moucha, qui est à cinq iournées de cette ville, i'y trouuay ledit Pere Pouffein, qui me fit derechef voir vne lettre, que ledit sieur Cardinal de saint George luy auoit escripte le 6. dudit mois, enresponce de celle qu'il luy auoit escripte de Mantoue, luy donnant aduis de la continuation de mon voyage, par laquelle il le chargeoit de m'aucertir que l'intention de vostre Sainteté estoit, prenant les termes de la lettre, que ie vinsse à Rome avec le moindre apparat de compagnie, que ie pourrois, pour ne donner aucun ombrage, que ce fût comme personne publique, ou chargée d'affaires publiques, ainsi qu'il conuenoit, afin qu'aucun ne peust faire par ma venue iugement different de la droite & sainte intention de vostre Sainteté, & que i'eusse agreable venant à Rome, d'y venir résolu de ne m'y attester plus de dix iours, parce que ores que vostre Sainteté, quand ie n'eusse suuy celuy que i'ay suuy, & que ie ne fusse party de France au nom de celuy que l'on sçait, elle m'auoit non seulement veu tres-volontiers, mais fait encore plusieurs demonstrations publiques de bien-veillance; adioustant que la necessité toutefois de ne nuire en cette occasion à qui vostre Sainteté pour deuoir d'office d'obligée de deffendre, la contraignoit à ce. Chose que vostre Sainteté pensoit que la mesme pieté & prudence me persuaderoit qu'il ne luy conuint de faire autrement. Ce qui m'estonna grandement, comme fit aussi la nouuelle, qui m'arriua presque au mesme temps, que vostre Sainteté auoit descendu à Messieurs les Cardinaux de me visiter, & de se laisser visiter par moy; considerant, que ce n'estoit la coustume de traiter si indignement les personages de ma qualité, mesme enuoyé par vn Roy de France Tres Chrestien & de si grande autorité qu'estoit sa Maiesté, neantmoins ie me resolus d'acheuer mon voyage, & satisfaire au premier commandement de vostre Sainteté; & pour le regard de l'autre, le remettre à m'en esclaircir de bouche, quand i'aurois l'honneur de baiser vos pieds.

Tellement que i'arriuy en cette ville le Dimanche xij. presque de nuit & en carrosse, accompagné seulement de cinquante Gentilshommes, & entray par la porte *Angelica*, laissant celle *del popolo*, où grand nombre de personnes m'attendoient, & vins descendre à mon logis *della Rovere*, qui est près de ladite porte : & aussitost i'enuoyai sçauoir, s'il plaisoit à vostre Sainteté, que ce soir-là ie luy allasse baiser les pieds, comme ie l'en auois le iour precedent fait supplier : ce qu'ayant trouué bon, i'ay accompli ce deuoir; & puis ie luy fis entendre ce qui est

escriit au commencement, & la suppliay tres-humblement de ne me vouloir restraindre à ne demeurer en cette ville, que les dix iours, luy remonstrant que l'affaire, pour laquelle i'estois venu, ne se pouuoit expedier en si peu de temps, & qu'il y alloit de la dignité du Roy de France Tres-Christien mon maistre, & aussi de l'interest de mon honneur, & que l'on n'auoit point accoustumé de traiter en telle sorte les personnes venuës pour affaires importantes. A quoy il pleur à vostre Sainteté de faire responce, qu'elle y aduiseroit, & en communiqueroit aux Cardinaux des deux Congregations, avec lesquels elle auoit fait cete resolution, & puis qu'elle me la feroit sçauoir. Dauantage ie la suppliay de me permettre de visiter Messieurs les Cardinaux, comme i'auois charge expresse de faire, en general & en particulier, pour leur bailler les lettres que sa Maiesté leur escriuoit; & d'ailleurs qu'il me conuenoit le faire, pour les informer de l'affaire que i'auois à traiter avec vostre Sainteté; surquoy elle me dit pareillement qu'elle y aduiseroit, & me le feroit sçauoir. Ce que à la verité me fit douter, que la volonté de vostre Sainteté fust telle à l'endroit de mon Roy, que ie l'auois euidé, mesme ayant trouué bon de me dire plusieurs fois, & fort clairement & de propos delibéré sur certains propos qui suruindrent touchant l'estat des affaires de la France, qu'elle ne le pouuoit absoudre, *etiam in foro conscientie*. A quoy il me sembla ne deuoir pour lors respondre, puisque ie ne vous auois pas donné occasion de me tenir ce langage, ains de remettre à ce faire à la premiere occasion, & commencer, comme ie fis, à la premiere audience, qu'il vous pleût de me donner le 23. Nouembre, à informer vostre Sainteté des affaires de nostre France, & luy descourir l'imperfection du fondement des iniques & mauuaises propositions, que l'on luy a faites pour l'abuser & deltourner d'effectuer le desir saint, que ie m'estois proposé qu'elle auoit, de sousleuer la Religion Catholique, & conseruer la Couronne de France entiere à vn Prince du sang Royal, & en ce faisant donner iuste occasion à vostre Sainteté de prendre vne meilleure resolution, que celle qu'il me sembloit que elle eust fait sur l'affaire que i'auois à luy presenter; apres toutceois qu'elle auroit reconnu la verité & la surprise qu'on luy a voulu faire, semblable à celle qui a esté faite à vos predecesseurs, particulièrement à Gregoire XIII. ce que ie la supplie de vouloir faire, & au plustost, *quia periculum est in mora*.

Et parce que, Pere saint, ie n'ay iamais pretendu de dire à vostre Sainteté, que choses toutes veritables; elle se souuiendra, s'il luy plaist, que dès le soir mesme que ie luy baiſay les pieds, ie la suppliay avec toute l'instance à moy possible, d'auoir agreable que Monsieur l'Ambassadeur d'Espagne, assisté des Deputez des Chefs de la Ligue, fût present lors que ie luy parlerois des affaires de la France, afin de les contredire, s'il en estoit besoin, & de vous dire ce qu'ils en sçauoient, à la charge d'estre contredits par moy en vostre presence; & en outre trouuet bon,

qu'à ce faire il y fust present tel nombre de Messieurs les Cardinaux, qu'il vous plairoit appeller aupres de vous, pour d'autant plus esclaireir la verité des choses, & avoir moien de rendre vostre esprit content & resolu, comme il conuenoit pour prendre telle resolution sur nos affaires qu'il estoit necessaire, pretendant de ne luy dire rien en confidence; ains par leur mesme confession, faire connoistre à vostre Sainteté mon dire veritable; neantmoins il ne vous pleût iamais de m'accorder cette grace, combien que ie la luy demanday par plusieurs fois avec toute l'instance à moy possible, & aussi peu qu'il luy pleût de faire, que quelque nombre de Messieurs les Cardinaux se trouuassent presens, lorsque ie parlerois à vostre Sainteté de telles affaires, comme il me sembloit, & que l'un & l'autre fût tres-necessaire, iuste & raisonnable. De forte que me voyant deboutté de ma requeste ledit soir, le Mardy ensuiuant ie commençay mon propos à vous supplier de croire que mon Roy n'estoit pas si foible que l'on l'auoit fait, ni si aisé à le chasser de son Royaume que l'on l'auoit proposé à vostre Sainteté. Car il a en son obeissance pour le moins les deux tiers de son Royaume; & de dix mille Gentilshommes, il en a les huit mille à son seruiçe, & plusieurs bonnes villes, tous bien resolu d'employer leurs vies sous son autorité, à soustenir la Religion Catholique, & la Couronne de France.

le luy dis aussi que tous les Princes de la France, tant du sang Roial que autres, & tous les Officiers de la Couronne, & quasi tous les Gouverneurs des Prouinces, & leurs Lieutenans, & les quatre Secretaires d'Estat, & les principaux Officiers anciens des finances estoient à son seruiçe; & que contre luy il n'y auoit que les Princes de la Maison de Lorraine & de Sauoye, Chefs de la Ligue, & quelque peu d'autre qualité, estant mort le sieur Marechal de Joyeuse; & que des huit Parlemens qui estoient en France, il les auoit presque tous. Car il n'estoit resté à Paris que le President Brisson des six Presidents dudit Parlement, lequel enfin fut par eux-mesmes pendu, comme par un iuste iugement de Dieu, pour auoir assisté à degrader tres-iniustement le feu Roy, duquel il auoit eu gratuitement l'Estat de President, que l'on ne peut estimer moins de vingt mille escus d'or. Les deux Aduocats & Procureur du Roy audit Parlement estoient sortis, & quasi tous les Conseillers, lesquels la Maiesté auoit establis partie à Tours, & l'autre partie à Châlons. Du Parlement de Rouën le premier President, le Procureur du Roy avec d'autres Conseillers estoient sortis de ladite ville, pour ne vouloir reconnoistre autre supérieur que le Roy. Trois Presidents des six du Parlement de Dijon, & plusieurs autres Conseillers en auoient fait de mesme. Pareillement à Toulouse le premier President Duranty, & l'Aduocat du Roy d'Asis, tres-bons Catholiques, furent massacrez dès le commencement de l'année 1589. parce qu'ils pretendoient chacun d'obeir à leur Roy: laquelle cruauté, comme elle fut tres-grande, elle achemina beaucoup des Presidents & Conseillers dudit Parlement de sortir de Tou-

loulé, & aller trouver Monsieur de Montmotency. Ainsi ont fait plusieurs Presidents & Conseillers du Parlement d'Aix. Et pour le regard du Parlement de Grenoble, il est du tout en l'obeissance du Roy, comme est aussi la dite province. De même le parlement de Bourdeaux, comme est aussi ladite ville, & celle de Rennes, où est le parlement de Bretagne. Parquoy vostre Sainteté peut connoistre, que l'autorité du Roy n'est pas si petite que l'on la luy a faite. Ce qui se peut d'autant plus verifïer, ayant réduit la ville de Paris en tel estat, qu'elle a besoin chacune année d'estre secourüe pour l'empeschement de se perdre, au lieu qu'elle à secouru en toutes les guerres passées les Rois & tout le Royaume. La ville d'Orleans est aussi bloquée de tous costez, & par souffrance s'entretient au mieux qu'elle peut : elle seule sert de passage à ceux de la Ligue sur la rivière de Loire, qui traaverse, voire diuise presque tout le Royaume de France : car tous les autres ponts & passages qui sont sur ladite rivière iusques à Nantes, sont en l'obeissance de sa Maïesté. De sorte qu'ils n'ont que celuy seul d'Orleans, pour traaverse d'une part à l'autre de la France, qui est peu, & beaucoup incommode pour se secourir les uns les autres quand le besoin le requiert. Ce que, me semble, merite d'estre bien considéré par les grands Capitaines, qui scauent les moïens que l'on tient à vsurper un Royaume. Chose certaine est, que si sa Maïesté n'estoit plus forte que ceux de la Ligue, elle ne pourroit tenir bloquées lesdites deux villes, ni faire ce qu'elle fait tous les iours. En quoy l'on peut connoistre son autorité, & la force tres-grande qu'elle a en son Royaume, toute autre que l'on l'a desguisée à vostre Sainteté.

Au contraire, j'ay fait voir & toucher au doigt à vostre Sainteté, le peu de moien que ceux de la Ligue ont de se soutenir d'eux-mêmes, & empeschent que le Roy ne les chasse de son Royaume ; & qu'à cette occasion ils auoient esté contraincts de s'appuyer au secours du Roy d'Espagne, & mêmes recherché celuy des papes vos predecesseurs, pour ne tomber par terre, comme ils estoient prests de faire, & le feront toutes fois & quantes que tel secours leur manquera, ainsi que vostre Sainteté l'a peu connoistre par les lettres originales que Monsieur de Mayenne a escrit au Roy d'Espagne, que ie luy ay fait voir ; & que d'ailleurs l'on le iuge clairement par leurs actions, n'estant point croiable qu'ils se voulussent mettre entre les bras du Roy d'Espagne, & luy bailler des villes, ou plustost des fleurons de la Couronne de France, comme Monsieur de Mercure a fait Blauet, port de mer tres-bon en la Bretagne, & Monsieur de Mayenne la Fère en Picardie, & voulu faire d'autres en ladite province : comme l'on a dit & permis que Monsieur le Duc de Parme vint commander en France, & le fit arresster en son antichambre fort longtemps avec les autres Gentilshommes, auant que de luy permettre d'entrer en sa chambre, & quelquefois le renuoyer sans vouloir parler à luy, en luy faisant dire par l'un de ses Cameriers, que son Altesse estoit un peu empeschée. Car à la verité tels traits sont fort preiudiciables à l'autorité que Monsieur

sieur de Mayenne se donne de lieutenance generale de l'Estat & Couronne de France; parce qu'il semble qu'il deuoit commander à l'armée Espagnole essant entrée en France, puisque Monsieur le Duc de Parme n'estoit pas de plus grande Maison que celle de Lorraine, ni ayant de son Roy plus grande charge que ledit sieur Duc de Mayenne pretendoit d'auoir. Parquoy vostre Sainteté peut connoistre que s'il a enduré telles indignitez, si difficiles à vn cœur genereux de souffrir, il l'a fait en son corps descendant & malgré luy, le voiant reduit à telle extremité, ou de les endurer, ou bien de se voir terrasser par nostre Roy.

Et pource que telle foiblesse est par trop conuë à ceux qui veulent tenir les yeux ouuerts, l'on a pensé de la fortifier par des rodomontades que l'on a publië; disant que si l'on auoit vne fois esleu vn Roy, & accompagné d'vne bonne & forte armée, qu'en peu nostre Roy seroit accablé, & tant de bons François qui le suivent, & l'autre establi en possession paisible du Royaume. Ce qui m'a donné occasion de faire entendre à V. S. que tant s'en faut que cela puisse estre, qu'il ne seruira que de ruiner vne grande quantite du miserable peuple Catholique & innocent, & vne infinité de beaux Monasteres, & apporter du desordre tres-grand en la discipline Ecclesiastique. Car en premier lieu, il ne se peut iustement eslire vn Roy de race étrangere, au preiudice des Princes du sang, vrais heritiers & successeurs de la Couronne. Ainsi que le reste du Parlement demeuré à Paris l'a fait connoistre, ayant interpreté ce mot *d'election*, contenu au pouuoir donné par vostre Sainteté à Monsieur le Cardinal de Plaisance, à declarer vn Roy Catholique. Et depuis par autre Arrest du 28. iuin dernier, donné sur la pretendue election de la Signora Infante & de Monsieur l'Archiduc Erneste, & puis de Monsieur de Guise *in solidum*, marié avec ladite Signora Infante, proposée par le Duc de Feria, & fauorisée par Monsieur le Cardinal de Plaisance au nom de vostre Sainteté: il a esté ordonné par ledit Parlement qu'il ne seroit point esleu de Prince estrangier, & que la Loy Salique seroit gardée, ayant fait paroistre par ses deux Arrests qu'il n'estoit loisible de proceder à aucune election, & moins en la personne d'vn Prince ou Princeesse étrangers, auquel mot sont compris de tout temps les Princes sortis des Maisons étrangères, bien qu'ils soient habitez en France, & faits reynicoles.

D'autre costé, quand bien l'on voudroit proceder à telle election, il conuiendrait assembler les Estats generaux de tout le Royaume: ce qu'ils ne peuuent faire, tenant le Roy (comme j'ay dit) en son obeissance, les deux tiers d'iceulx; ainsi qu'il s'est peu connoistre en l'assemblée de leurs pretendus Estats, qui s'est faite en la ville de Paris l'année dernière 1593. ne s'y estant trouué la moitié des deputez qui sont coutumiers de se trouuer aux Estats generaux conuoquez par les Rois, comme l'offris iustifier à vostre Sainteté: qui fait bien paroistre la foiblesse de ceux de la Ligue, & l'invalidité desdits pretendus Estats. En outre, ie diray que ores que l'on ne voulut laisser pour cela de conuo-

quer telle quantité de deputez que l'on pourroit ramasser, telle conuocation ne se peut valablement faire; parce qu'il n'appartient qu'au Roy seul de conuoyer les Estats, & en défaut de luy, au Regent, qui est ordinairement le premier Prince du sang capable de gouverner, lors que le Roy est prisonnier ou absent, & les enfans mineurs; lequel avec l'aduis des autres Princes du sang, Pairs & Officiers de la Couronne, conuoquent les Estats, & pouruoient aux affaires & gouvernement du Royaume.

Or tant s'en faut que personne du costé de la Ligue aye tel pouuoir, qu'ils n'ont aucun Prince du sang de leur costé, ni Officiers de la Couronne, pourueus par les Rois nos predecesseurs (chose à noter) que aussi, parce que l'autorité que Monsieur de Mayenne s'est peu à peu usurpée, n'est aucunement bonne, ni ne se peut égaller à celle d'un Regent, & par consequent ne peut conuoyer les Estats generaux. Et que ainsi ne soit, le pouuoir que ledit sieur de Mayenne a, ne prouient que de cinquante quatre personnes, la plupart tres-indignes, qui le luy donnerent le 4. Mars 1589. apres qu'il les eut luy même choisis le 19. de Feurier 1589. & creez Conseillers du Conseil general de l'Vnion, ores qu'il reconneust que la plupart fussent tres-ignorans d'affaires d'Estat, parce qu'il les auoit seulement pris dans la ville de Paris, & non des Provinces de la France, & triez grande partie parmy des Marchans, Banquiers, Procureurs, Curez, Theologiens de la Sorbonne, & autres de semblable estoife, pour estre gens fort factieux & propres à effectuer son intention: sur la preud'homme desquels il y a tant à redire, que si ie ne craignois d'ennuyer vostre Sainteté, ie la rendrois du tout esmerueillée: & me suffira seulement de luy dire, qu'enfin ledit sieur de Mayenne le fit tres-sagement apparoir, quand luy-même les cassa tout en vn coup, & foula aux pieds comme des potirons, au mois de Nouembre ensuiuant, apres qu'il en eût tiré ce qu'il en vouloit; à cause de l'ignorance tres grande, accompagnée d'une outrecuidance malicieuse qu'il reconneut en leur esprit; & l'oudain refit vn autre Conseil de gens plus capables à manier affaires d'Estat. Voila, Pere saint, la vraye origine du pouuoir de Monsieur de Mayenne. Et quant à l'autorité, elle ne luy fut donnée par lesdits cinquante quatre, que pour commander seulement aux armées de la Ligue, & encore en attendant ce qui seroit ordonné par leurs Estats generaux, que deslors ils auoient proposé de tenir bien-tost. Ce que neantmoins n'a iamais esté fait, qu'en l'année dernière, & encore à toute force, ausquels toutefois il n'en a point esté parlé; ce qui descouure bien amplement les collusions qui sont parmy eux.

Sil'on dit que le Parlement de Paris a verifié ledit pouuoir; ie diray qu'il est vray, & que ce fut trois iours apres qu'il fut donné par les susdits cinquante quatre potirons, & lors que le Parlement n'estoit plus Parlement, mais seulement l'idée d'iceluy, pour n'y estre que gens assen-

blez pour executer les frenesies des seditieux. Car il n'estoit demeuré audit Parlement, que ceux qui estoient iuges & parties, & quelques autres si fort estonnez & intimidéz, qu'ils n'osoient rien dire, pour craindre d'estre mis prisonniers dans la Balille & dans le Louure, par vn nommé le Clerc, simple procureur dudit Parlement; comme il auoit fait le 16. Ianuier precedent, assisté d'vn grand nombre de factieux, plusieurs des Presidens & Conseillers dudit Parlement. Et en tout cas, que ladite verification ne luy donnoit plus d'autorité, qu'il estoit déclaré au pouuoir des cinquante quatre susdits, l'ayant limité seulement pour les armées, & iusques à ce qu'il seroit autrement ordonné par lesdits Estats generaux; lesquels ayant esté tenus sans qu'il en ait esté rien parlé, s'entuit qu'il n'est bon & valable, & partant qu'il en a abusé en la conuocation qu'il a faite desdits Estats, & en plusieurs Ordonnances; mesmes en dons, confiscations des Seigneuries & Duchez, entre lesquelles la mienne du Rethellois y est, laquelle il luy a pleu dès le 21. iour de Feurier 1591. vsant d'vne tres-grande liberalité, de donner à saint Paul, le pere duquel n'auoit qu'vne meschante maison pres la Ferté Gaucher en Brie, la pluspart couuerte de chaume, & deux de ses sœurs, l'vne mariée à vn Laboureur, & l'autre à vn pauvre Tixerand près de Naugy en Brie. De mesme il a fait d'autres terres que i'ay en Picardie, & de plusieurs autres Seigneuries appartenans à diuers Princes & personnaiges d'honneur. Il a aussi donne plusieurs Gouuernemens de Prouinces, & entre autres celuy de Dauphiné du viuant de Monsieur de Montpensier, auquel le feu Roy l'auoit donné. De mesme il a fait des Estats & Offices de la Couronne, combien qu'ils ne soient vacans, & ayent esté donnés quasi tous par le feu Roy auparavant ces dernieres seditions, à Princes & Seigneurs Catholiques, & de grande qualité & merite, pretendans qu'ils fussent (comme il declaroit) vacans par felonnie, pour n'auoir voulu ceux qui les tiennent, l'aller seruir. Ce que i'ay tousiours offert à vostre Sainteté de faire apparoir par pieces authentiques, que i'ay apportées avec moy, ne pretendant de mettre en auant chose que ie ne puisse prouuer; pour oster l'occasion, que l'on ne die de moy avec verité, ce que l'on dit qu'vn Philosophe escrit de Moyse; *Multa dixit, & nihil probauit.*

Il est donc bien aisé de iuger, que ce pouuoir donné seulement par gens incapables d'autorité & de sçauoir, n'est tel que celuy d'vn Regent. Dont s'ensuit que ce qu'il a par cy-deuant fait, appartenant à vn Regent, & qu'il pourra cy-apres faire, mesmes pour ladite conuocation des trois Estats, n'est, & ne sera valable, & qu'il ne doit estre tenu pour bon aucune chose qu'il ait faite, sinon les exploits de guerre qu'il a faits contre la propre personne de nos Rois; comme la belle entreprise de Tours, & les beaux & grands combats ensuiuis autour de Paris, lors que le feu Roy le vint assieger; l'escarmouche d'Arques pres Dieppe, la bataille d'Yury, le secours qu'il a donné aux faubourgs de Paris bien

fortifiez, & à plusieurs villes autour de ladite ville, & au pais de la Beaulle, du Mans, du Perché, de Normandie, & finablement à Dreux, que nostre Roy a assaillie & pris. En quoy ledit sieur de Mayenne peut estre excusé en partie, s'il n'a fait ce qu'il desiroit; parce qu'il n'auoit le pouuoir bon & valable, pour faire la guerre contre les Rois ses souverains.

Vostre Sainteté peut par là connoistre, que ledit sieur de Mayenne & les siens pour luy, ont abusé vostre Sainteté à luy nommer les personnes aux benefices de la France, comme s'il auoit ce droit, qui n'appartient qu'au Roy, en vertu du concordat fait & gardé seulement entre vos predecesseurs Papes & les Rois de France. Dequoy j'ay estimé deuoir aduertir vostre Sainteté, & me descharger par tel aduertissement de ce qui en pourra aduenir cy-apres, au cas que vostre Sainteté continuë à les bailler, non seulement à sa nomination, mais par sa recommandation. L'estime, Pere saint, auoir clairement fait connoistre à V. S. que ladite conuocation d'Estats ne se peut authentiquement faire par ledit sieur de Mayenne, au preiudice des loix & statuts de tout temps obseruez au Royaume de la France, qui y sont formellement contraires; & conséquemment que l'eslection qui le feroit d'un Roy nouveau par telles personnes assemblées sans legitime pouuoir, & contre les formes ordinaires gardées & obseruées en tel cas & en si petit nombre, ne seroit bonne ni valable, mesme estant faite d'un Prince estranger, au preiudice des Princes du sang Royal vrais heritiers de ladite Couronne, & contre les Arrests de leur Parlement.

Neantmoins posé le cas qu'elle se peult faire, ie pense auoir fait connoistre à vostre Sainteté qu'elle ne seruiroit de rien; & qu'ores qu'on elise pour Roy Monsieur de Guise, ou Monsieur de Mayenne, ou tel autre que l'on voudra, que cette eslection ne luy donnera plus d'argent & de moyen qu'il en a, de s'entretenir & se conseruer, & de chasser nostre Roy: ainsie dis, qu'elle luy augmentera la despense qu'il luy conuiendra faire, pour entretenir honorablement l'autorité & la prospérité Royale. De sorte qu'il faut dire que cette eslection apportera à ce nouveau Roy Bertaut ou Regulus, plus d'incommodité que de profit, & conclure que l'on aura esleu non un Roy, mais un fantosme, pour estre porté deuant l'armée Espagnole, pour penser d'assuiettir la France aux Espagnols, au preiudice de la grande liberté que les François ont eu de tout temps sous leurs legitimes Rois; & enfin que venant le Roy d'Espagne à mourir, comme il peut faire, estant aagé de 67. ans passez, & fort valetudinaire, l'on pourra par mesme moyen enterrer ledit Roy Bertaut, qui sera la fin de la cruelle tragedie, qui se iouera en France pour quelque temps, puis que vostre Sainteté trouue bon d'y laisser continuer les guerres ciuilles, sans y donner ordre. Car l'on doit croire, que les vrais & bons François ne permettront iamais d'estre reduits sous les Princes estrangers, ains qu'enfin ils feront comme leurs.

prededeſſeurs ont fait ſous Charles VII. pour s'eſtre par trop legere-
ment donnez en la ſuietion des Rois d'Angleterre, deſquels ils le de-
liuerent en moindre temps, qu'ils s'y eſtoient donnez, & retournerent
ſous l'autorité & liberté de leur Roy naturel.

Et parce que l'on craignoit que telle eſlection ne fut reconneüe im-
pertinente, l'on a mis en auant, que ledit Roy d'Eſpagne accompagne-
roit ledit Roy eſleu d'une armée de vingt mille hommes, laquelle chaſ-
ſeroit le noſtre en trois iours. Mais voſtre Sainteté ſe ſouviendra, s'il
luy plaist, que ie luy ay dit, que non ſeulement i'accordoïs qu'il euſt
leſdits vingt mille hommes, mais trente mille, parce qu'aulli peu il fe-
roit en ſon pouuoir avec telles forces de terraiſſer & de chaſſer noſtre
Roy : ains au contraire, que tant plus de ſoldats il auroit, plus il en per-
droit, & feroit plus de deſpenſe inutile, comme tous Capitaines, pour
peu experimenter qu'ils ſoient, le iugeront ainſi ; ſçachans, qu'il n'eſt
au pouuoir d'un General d'armée de donner la bataille à l'autre Gene-
ral, s'il ne l'a agreable. Ce qui aduiendra maintenant. Car ſi noſtre Roy
ne iuge luy eſtre expedient de la donner, pour ne hazarder ſon Eſtat
tout en vn coup, il ſe logera en aſſiette tres-adiantageuſe ; & quand
bon luy ſemblera, il mettra vne riuere non gayable entre ſon armée &
celle de ſes ennemis, qui les empeſchera de le combattre contre ſon
gré, voir les contraindra de s'en aller poſſible attaquer quelque forte-
reſſe, à laquelle ſa Maieſté s'approchant cinq ou ſix lieues en aſſiette
forte, les contraindra derechef de leuer le ſiege, à cauſe de pluſieurs
incommoditez qu'il leur fera receuoir : de forte, que ne pouuant leſ-
dits ennemis non plus forcer aucune ville, ſeront finalement reduits
à allet quelques mois vagans par le plat païs, ruinans le miſerable &
innocent païſant Catholique, comme ils font, & deſtruiſans les beaux
& deuotieux Monafteres qui ſont à la campagne, & quant & quant
aneantir leur armée, tant par la faute des viures, que d'autres neceſſi-
tez que la ſaiſon apporte, & puis ſe retirer en Flandres pour la quatrie-
me fois, bien heureux encore, s'ils ne ſeront battus, comme ils l'ont
cuidé eſtre par deux fois.

Par là donc il ſe peut aſſez connoiſtre, qu'il n'eſt au pouuoir du Roy
d'Eſpagne, bien qu'il veſcut encore cinquante ans, de terraiſſer & chaſſer
noſtre Roy, ains ſeulement d'embraſer de plus en plus noſtre France,
& apporter vn dereglement incroiable à tous les gens d'Egliſe, & vne
ruine extreme au peuple, & non pas à vn ſeul Huguenot, comme les
Ambaſſadeurs de ſa Maieſté Catholique l'ont promis, ſans pouuoir de
leur Maiſtre (comme ie cuide) parce qu'il connoiſt fort bien que telle
entreprise ne ſe peut eſſectuer. Et me ſemble ne deuoir croire que ſadi-
te Maieſté eſtant reduite à l'extremité de ſa vie, ſoit poſſedée d'une ſi
grande ambition terrienne & vaine, qu'il vueille perdre la gloire celeſte
& eternelle, ſe faiſant miniſtre de tant d'impietez & cruautez, pour pen-
ſer d'acquiescer la Monarchie Chreſtienne en ſi peu de temps qu'il a à vi-

ure. Au contraire de ce que tres-sagement fit l'Empereur Charles son pere, qui mesprisant son Empire, se retira du monde plusieurs années devant sa mort, pour ne vacquer qu'à prier Dieu & à faire le salut de son ame. Parquoy ie suis contraint de dire, que reconnoissant ledit Roy pour l'un des plus sages de nostre siecle, pour auoir fait paroître sa generosité en plusieurs belles occasions, qu'il ne peut maintenant qu'il est sur le bord de la fosse, penser à vsurper la Couronne de France, comme le sieur Duc de Feria l'a écrit au Duc de l'Infantado son pere, par la lettre du 8. Avril dernier, que j'ay fait voir à vostre Sainteté, mais que ce sont ses ministres qui ont telle ambition effrenée, lesquels taschent d'abuser ceux de la Ligue, comme d'autres ministres Espagnols ont voulu cy-deuant faire des principaux de nostre Royaume.

I'eusse esté bien aisé, Pere Saint, que Monsieur le Cardinal de Plaisance, auquel vous auez donné vostre legation pour assister à ladite election, qui connoist fort bien les affaires de la France, autant que nul autre, pour auoir esté bon tesmoin oculaire depuis quatre ans en ça des euenemens qui y sont suruenus, vous eust aduertie qu'il estoit du tout impossible (comme il le sçait bien) de chasser nostre Roy par l'election d'un autre nouveau, & avec vne armée, ores qu'elle fust formidable, & qu'il vous eût ouuert quelque bon expedient, pour vous donner le moien d'appliquer le remede salutaire aux miseres de ce Royaume conformement à vostre intention, afin d'éuiter les maux qui ont esté faits, & ceux qui aduiendront, du tout contraires à vostre naturel, & au deuoir du Pere commun des Chrestiens, & non pas faire le contraire, comme il s'est connu auoir fait, par les lettres qu'il a escrites ce mois d'Aoust dernier à M. vostre Nonce en Espagne, criant incessamment, *fuoco, fuoco*, comme s'il vouloit embraser la France, & la ruiner tout en vn coup par la rage des soldats. Et par autres lettres precedentes, il a pressé vostre Sainteté que l'on eleust la Signora Infante, ou vn Prince étranger, & que l'on eust à exclure les Princes du sang Royal de la succession de la Couronne, & que l'on excommuniasst tant de bons Princes, Prelats & Seigneurs, tous Catholiques, qui assistent nôtre Roy, sans vous faire entendre, Pere saint (comme il le sçait bien) qu'ils le suivent pour conseruer la Religion Catholique, & empescher que la diuision de la Couronne ne se fasse conforme à vôtre desir, & non pas pour aggrandir l'heresie. Mais la crainte de desplaire aux Espagnols, & à ceux qui tendent à ruiner la France, l'a retenu de le vous mander, & aussi peu que ceux de la Ligue, tant les Chefs que autres, sont excommuniés par les simonies, sacrileges, & prise des armes iniuste qu'ils ont faite, afin que vôtre Sainteté les reconneust pour tels qu'ils sont, & non pas pour Anges du Ciel.

Outre tout ce que j'ay dit cy-dessus pour faire paroître la foiblesse de ceux de la Ligue, il me semble, que ie dois encore reprelenter à vostre Sainteté, que l'ordinaire des Ligues est de se destier, & ne durer

longuement, comme l'experience en fait ample foy, & qu'il s'est veu en celle dernière concludu par le saint Pere Pie cinquiésme contre le Turc: & partant que celle cy, qui est si mal fondée, ne se peut maintenir, & d'autant moins, estant la diuision & defiance si grande parmy eux, qu'elle les empesche de s'accorder ensemble, sinon à dissiper la Couronne, & en prendre chacun vne partie, & enfin à vsurper & rauer l'un sur l'autre les places qu'ils tiennent, & d'assuiettir en leur particulier pouuoir les meilleures villes de la France, bien qu'elles soient leurs confederées, cuidans en demeurer cy-apres seigneurs proprietaires, ou plustost tirans, comme l'experience s'en est veüe, & se voit tous les iours, sans auoir esgard, que telles bonnes villes se sont presque destruites, pour exalter leurs Chefs: vray est que telle tyrannie a commencé a faire ouurir les yeux aux bons & sages habitans desdites villes, afin d'euitier d'y tomber, pour auoir esté tousiours maintenus libres du temps de nos Rois avec leurs priuileges.

Monsieur de Mayenne n'a iamais voulu rendre à Monsieur de Nemours la ville de Seurre sur Saonne en Bourgogne, parce qu'elle est tres-forte, dont est aduenu la diuision parmy eux, & telle qu'il n'a voulu aller à Lion, quelques larmes que Madame leur mere commune ait iettées, pour deliurer de captiuité Monsieur de Nemours son frere, miserablement detenu par ceux qu'il vouloit assuiettir à luy: esperant le dit sieur de Mayenne par la captiuité de son frere, s'autoriser en retirant de ses mains les places qu'il a aussi vsurpées sur autrui; & ce afin de se faire rechercher, & fauoriser par le Roy d'Espagne, & par vostre Sainteté, en la pretendue election de Roy.

Ledit sieur de Nemours a aussi chassé Monsieur le Marquis Dursé de la ville de Montbrison, & icelle appropriée à luy. De mesme il s'est emparé de la ville de Brioude en Auvergne, de laquelle Monsieur Dandelois estoit Gouverneur, le mettant en la mesme prison en laquelle il est detenu, & ce combien que tous deux courussent apres de luy la mesme fortune. De mesme il a desiré de faire de la ville & chasteau d'Aussonne, & de celle de Mascon, tenant le party de Monsieur de Mayenne. Monsieur le Baron de Thenissé a fait de mesme de la ville de Chastillon sur Seine. S. Paul a fait de mesme sur aucunes, & tasche tous les iours d'en faire le semblable sur d'autres. Et ainsi plusieurs de la Ligue ont fait, & taschent de faire, parce que c'est chose introduite & pratiquée parmy eux, n'ayans aucun Roy, & ne pretendans d'en auoir. Au contraire, l'on ne voit point que les Catholiques Roys vsurent des villes, comme les Ligueurs font. Car leur but ne tend qu'à les conseruer à la Couronne de France sous l'autorité de leur Roy; & pource prennent en bonne part tout le mal qu'ils souffrent & endurent par telle guerre, pour l'esperance seule qu'ils ont, de laisser vne heureuse & louable memoire à iamais à leur posterité d'auoir empesché les deserteurs de leur partie, d'effectuer vn si pernicieux desir.

Et parce que vostre Sainteté m'a déclaré qu'elle se trouuoit obligée à supporter ceux de la Ligue, pour auoir tousiours soultenu la Religion Catholique, & donné occasion de croire qu'elle les tient pour les vrais enfans, & nous autres pour ceux de la seruante; & que leurs actions fussent saintes & bonnes, & les nostres tres-mauuaises & iniques: j'ay estimé deuoir représenter à vostre Sainteté, ce que ie luy ay dit sur ce suiet, particulièrement en ma dernière audience du deuxième de ce mois de Ianuier, pour luy donner iuste occasion d'auoir meilleure opinion, qu'elle n'a de nous tous. Et pour ce faire, ie la suppliy tres-humblement de prendre l'origine de cette dernière esmotion, faite par ceux de la Ligue dès le mois de Ianuier 1589. du viuant du feu Roy, auquel temps ils s'efforcèrent de le degrader; & le tenans pour tel, commencerent à distribuer les charges principales du Royaume, & prirent les armes, non contre les huguenots (parce que leur but ne tendoit de ce costé-là) comme ils l'ont bien fait paroistre, n'en ayant tué dix de marque; mais contre leur Roy souuerain tres-Chrestien & tres-Catholique, comme ses actions l'ont tesmoigné, & le tesmoigneront à iamais, & duquel ils auoient eu tous les honneurs & charges qu'ils tenoient avec plusieurs bien faits, & qui plus est, sans aucune autorité valable, & contre les loix diuines & humaines, & au contraire du reproche que les predicateurs ont tousiours fait aux huguenots, lors qu'ils s'estoient armez contre nos Rois: dequoy sont enuiuis à l'Eglise de Dieu, & au miserable peuple Catholique tant de ruines, miseres, meurtres, & sacrileges, que l'on a veu depuis cinq ans en ça. Ce qui ne fut adueni, s'ils n'eussent pris les armes contre leur Roy, ou bien qu'ils se fussent seulement adressez aux Prouinces de Dauphiné & de Poitou, où estoient les huguenots, pour faire paroistre le zele Chrestien qu'ils publioient auoir en leur cœur. Car les Catholiques estoient lors fort à leur aise, & l'eussent encore esté dauantage, & non point tourmentez & ruinez, comme ils sont; parce que la guerre, que le feu Roy faisoit en Poitou, eust esté continuée, & y fut luy-mesme allé en personne, comme il me le promit lors qu'il me donna la charge de son armée en ladite Prouince, avec laquelle ie pense auoir fait mon deuoir autant, pour ne dire plus, que Monsieur de Mayenne l'a fait en mesme temps en Dauphiné, où il auoit pareille charge & commandement, dont l'estime meriter pour le moins autant de louange que luy.

Cela donc, Pere saint, vous peut faire connoistre, que l'origine de cette prise des armes ne prouient de zele de Religion que ceux de la Ligue eussent dans leur cœur; puis qu'ils se sont armez, non contre les huguenots, mais contre leur Roy, nonobstant qu'ils fussent bien informez par les reproches qu'autrefois leurs predicateurs ont fait aux huguenots, qu'il n'appartenoit aucunement aux suiets de prendre les armes de leur autorité priuée contre leur Prince souuerain. D'ailleurs le

le meurtre inhumain commis en la personne de leur Roy, fuiuy d'une ieioie incroyable qu'ils ont declaré de la mort, a tesmoigné assez l'interieur de leur cœur; & si le premier mouvement de leurs actions estoit saint, aussi le retardement de dix mois mis à declarer aucun Roy du sang Royal, depuis qu'ils eurent ignominieusement, & toute fois imaginaiement dégradé le feu Roy vivant en Januier & Feurier 1589. tesmoigne ce qu'ils vouloient faire de la Couronne. Car ils ne declarerent pour Roy feu Monsieur le Cardinal de Bourbon prisonnier, qu'en Nouembre ensuiuant, apres qu'ils se virent deboutez de l'esperance d'attiter la Couronne sur la teste de celui qu'ils desiroient, par la prise que le Roy de present fit des fauxbourgs de Paris fortifiez, & euidé prendre la ville; & diray encore, qu'ils declarerent lors ce Prince pour leur Roy à regret, parce que ce mot de Roy leur est fort odieux en la personne des Princees du sang, comme ils le firent apparoir apres le decez de mondit sieur le Cardinal, qui aduint le 9. May 1590. d'autant que depuis ils n'ont fait semblant de vouloir eslire autre Roy de la maison du sang Royal; se repentans d'auoir declaré feu mondit sieur le Cardinal, parce qu'ils reconneurent par tel acte auoir tacitement adouüé ledit sang Royal de Bourbon heritier de la Couronne. Et dauantage pensans assoupir & estouffer au plustost qu'il leur seroit possible, le nom & la memoire de ce bon Prince reconnu par eux pour Roy, ils ne luy ont iamais voulu faire aucunes funerailles, ni seruices, ni mesmes porté le dueil de sa mort: mais ie diray à vostre Sainteté chose veritable & pitoyable, qu'ayant Mademoiselle de Guise, petite Niepce de feu mondit sieur le Cardinal, pris le dueil par le commandement de Madame de Guise sa mere, Monsieur de Mayenne le luy fit oster neuf iours apres qu'elle l'eut pris; qui tesmoigne la souuenance qu'ils gardent de ce bon Prince, qui s'estoit ruiné pour les exalter. Recompense, certes, tres-miserable & accoustumée parmy eux, ne tendans qu'à faire leur profit particulier. Et qu'ainsi ne soit, il se voit tous les iours que les principaux Chefs de la Ligue ne laissent de reconnoistre nostre Roy, quand ils ont besoin d'auoir de luy la mainleuée de leurs biens, & des sauuegardes & exemptions de leurs terres & fiefs; comme aussi des passeports pour leurs gens, qu'ils enuoyent pour leurs affaires domestiques, ne se desdaignans d'en supplier sa Maiesté, quand ils en ont besoin. Au contraire ils tachent d'vurper tout ce qu'ils peuuent du Roy & de ceux qui le seruent, comme i'ay dit cy-deuant.

D'ailleurs vostre Sainteté, n'a-elle pas reconneu assez amplement l'intention de ceux de la Ligue & de leurs alliez, quand elle a veu que les Ministres du Roy d'Espagne ont rechetché de faire eslire pour Reine de France la Signora Infante, fille aînée du Roy leur maistre, & en son defect, Monsieur l'Archidue Erneste son cousin, pourchassant de faire exclure les Princees du sang Royal de la France? De mesme que Monsieur de Guise a pourfuiuy d'estre esleu pour Roy, & Monsieur de

tombé en cette action. Dauantage, que ce n'estoit aucunement chose iuste & raisonnable, que tant de Princes du sang royal, & autres Princes, avec les Officiers de la Couronne, & tant de braues Seigneurs, Gentilshommes, Capitaines & soldats allassent chereher ceux, d'entre lesquels estoit sorty le meurtrier de leur Roy, lequel ils auoient presque canonisé, & voulu esleuer son effigie sur vn pillier de marbre dans l'Eglise de Paris, fait chanter le *Te Deum*, tirer l'artillerie, fait plusieurs feux de ioye de la mort de sa Maiesté, comme si desia la Couronne estoit tombée par terre, & qu'elle fût saultée sur leurs testes, & par telle recherche souiller leur honneur, & se rendre consentans de tels actes si contraires à leurs intentions, & au deuoir des bons suiets & seruiteurs fidelles, qui doiuent rechercher la iuste vengeance de la mort de leur Roy & maistre.

Pareillement ie diray qu'il n'eût esté aucunement raisonnable, que tant de Princes du sang Royal & autres Princes, & tant de personnaiges de qualité fussent allez s'assembler à Monsieur de Mayenne l'un des cadets de la Maison de Lorraine, qui n'auoit autre pouuoir que celui chetif qui a esté dit cy-dessus, des cinquante quatre, après que le 9. Aoust ensuiuant ledit assassinat il eût fait l'Edit, par lequel il commandoit à chacun de s'aller joindre à luy, sur peine de confiscation de leurs biens, promettant neantmoins impunité à ceux qui iroient le trouuer, comme si desia il luy fust permis de nous commander & maistriser en Roy en disant, *Sic volo, sic iubeo, sic mea voluntas est*, & nous traiter comme les propres suiets & seruiteurs. Quel honneur eussions-nous eu, ou plutôt quel blâme aurions-nous acquis, & quel aiguillon eussions-nous fiché dans nos cœurs, si nous eussions fait vn seul petit acte d'approuuer le paricide commis si fraichement en la personne de nostre Roy tres-Christien & bon maistre, ores qu'il fust mort, & de desirer la diuision & la ruine de la Couronne de France, au lieu de la soutenir & deffendre, comme nous auons tousiours fait contre ceux qui l'ont voulu dissiper & rendre suiuite aux étrangers, desirans de laisser à nostre posterité vne heureuse memoire d'auoir esté les vrais & bons enfans de nostre patrie ? A la verité l'estime que tout homme d'honneur ne nous eust iamais donné conseil de faire tel acte, si contraire à nostre deuoir, & à l'obligation que nous auons à notre bon Roy & maistre, & à l'autorité de Mess. les Princes du sang Royal, qui sont bien d'autre qualité que ceux de la Ligue : mais au contraire ie veux eroire qu'ils nous loueront grandement de nous estre comportez de telle façon, & diront que nous ne pouuions faire autrement de ce que nous auons fait, sans souiller notre honneur, & entacher celui de notre posterité.

Vostre Sainteté iuge donc, s'il luy plaist, si nous auons eu occasion de nous aller joindre avec telles personnes, si peu affectionnées au sang Royal de nos Rois, & si peu soigneux du bien de la Couronne, & du soulagement de notre patrie & peuple d'icelle, comme chacun a veu & voit,

& à entretenir la regle & la discipline Ecclesiastique. Si nous eussions eu, & auions l'ambition telle qu'ils ont, nous nous fussions allez ranger sous l'étendart de la croix rouge qu'ils portent deuant eux, pour auoir nôtre part des fragmens d'icelle. Mais parce que nous auons esté tousiours esloignez d'un tel desir, si pernicieux & si contraire au deuoir des bons François, & d'ailleurs resolu, comme nous le sommes encore, de soutenir la Couronne royale iusques à la dernière goutte de nôtre sang, & d'éuiter tant qu'il nous sera possible, d'estre enrachez & blasmez d'auoir esté proditeurs de nôtre parrie, & d'auoir déchiré les propres entrailles de nôtre mere, dans lesquelles elle nous a si cherement nourris & éleuez, il n'a iamais peu entrer en nôtre esprit de faire vn acte si barbare & si inhumain, reconnu pour tel par toutes les nations belliqueuses & valeureuses, qui nous ont si sagement enseigné de l'éuiter pour auoir eu en horreur les parricides. Dauantage nous sommes grandement tenus & obligez à soutenir la Couronne, par le serment que nous y auons; & d'autant plus maintenant que Dieu a exaucé nos prieres & nos larmes pour auoir ramené nôtre Roy en son Eglise. Car à bonne & iuste cause nous serions blasmez, si maintenant nous l'abandonnions entre les mains de ses cruels ennemis, apres s'estre ietté entre les bras de nôtre mere sainte Eglise Catholique, pour nous aller ioindre avec ceux de la Ligue. D'ailleurs comment eussions-nous peu regarder de bon œil ledit sieur Cardinal de Plaisance si fort emflambé contre le sang royal de nos Rois, & nous tous Catholiques, pour nous exterminer en nos propres corps & biens, & pareillement en nostre honneur, pour exalter les Princes étrangers, & introduire les Espagnols à la domination de la France.

I'ay estimé, Pere Saint, tres necessaire de représenter derechef à vostre Sainteté ce propos, pour l'esclaircir des actions de ceux de la Ligue, & quant & quant des nostres, & luy faire connoistre qu'ils ne sont pas les vrais pilliers de la Religion Catholique & de la Couronne, & nous les deserteurs de l'un & de l'autre; & qu'il y a autant de difference de nous à eux, qu'il y a de cette ville de Rome à vn petit chasteau: Et par là donner à vostre Sainteté iuste occasion de se diuertir de les fauoriser par dessus vn si grand nombre de Princes & Officiers de la Couronne, Seigneurs & autres personnalités Catholiques, & de grande valeur & merite, comme nous voulons esperer, qu'il plaira à vostre Sainteté de faire, si elle trouue bon de connoistre & considerer les actes vertueux que nous auons faits pour le seruice de nos Rois & de la parrie, comme aussi pour le soutienement de la Religion Catholique, parce qu'elle les trouuera fort grands, heroïques, & loüables, & plusieurs faits lors que la plupart d'entre eux estoient escoliers ou ieunes soldats, & la plupart de nous estions Capitaines, & combations contre les huguenots.

Pour cette occasion donc ie supplie tres-humblement vostre Sain-

tété, au nom de tous les Catholiques Royaux, de ne nous tenir pour les enfans bastards & deserteurs de la Religion & de la Couronne, & eux pour les legitimes & les vrais arcs-boutans de l'un & de l'autre. Car nous ne fumes iamais tels, & protestons deuant Dieu de soutenir & defendre l'un & l'autre, tant qu'il luy plaira de nous laisser en ce monde. C'est pourquoy il nous seroit tres-difficile, voire impossible de supporter, que vostre Sainteté nous mesprisast & les supportast par dessus nous, pour estimer & croire de meriter plus grande recompense du S. siege qu'eux ne font, par la sincerité & candeur de nos intentions & actes vertueux, qui sont conneus du tout esloignez de passion particuliere; mesme ayant supporté iusques à present fort patiemment toutes les indignitez & mespris, que les Papes vos predecesseurs & vous auez trouué bon de nous faire: lesquels, Pere Saint, continuant encore, & trouuant bon de nous abandonner & fauoriser telles personnes, pour penser qu'ils nous doiuent aceabler & ruiner: cela en premier lieu ne se pourra faire; & d'ailleurs ie crains qu'il ne fasse faire quelque action extraordinaire à ceux, lesquels iusques à present n'ont voulu laisser prendre racine en leur esprit à aucune mauuaise pensée, pour l'affection & desir qu'ils ont eu de témoigner l'honneur, respect, & obeissance, qu'ils ont tousiours porté au saint siege, en esperance qu'ils seroient embrassez humanement, & reconneus par vostre Sainteté, comme ie la supplie tres-humblement de vouloir faire, & autrement receuoir en bonne part eet aduertissement que ie luy fais, pour me delcharger de ce qui en pourra aduenir.

Vous ayant, Pere Saint, bien amplement declaré, que l'election d'un Roy ne se peut faire au preiudice des Princes du sang, ny contrairement aux loix & coustumes de la France & Arrests des Parlemens; & que quand bien elle seroit faite, elle n'apporteroit plus de moyen & d'argent à ce nouveau Roy Bertault de ce qu'il peut auoir maintenant, qu'il ne l'est qu'en volonté; & partant qu'il sera contraint d'estre assisté de vos finances & de celles du Roy d'Espagne, sinon il tombera par terre. Et finalement qu'ores qu'il soit eleu, il ne sera au pouuoir des plus grandes armées de l'establir, & de chasser le nostre, & nous tous; mais que tout cela ne seruira que de desregler l'Ordre Ecclesiastique & affoiblir la Religion Catholique, perpetrer mille sacrileges, violemens de femmes & filles, brûlemens de villages, meurtres, & vne infinité de cruautéz & impietéz sur le pauvre & innocent peuple Catholique, & d'enflamber le cœur à ceux qui sont possedez par l'ambition effrenée de pourchasser la diuision de la Couronne. Qui ne sont pas les vrais moiens pour effectuer le saint & iuste desir qui doit estre en vous de restaurer la religion Catholique, & de conseruer la Couronne en son entier à un Prince du sang Royal. Dauantage vous ayant, Pere Saint, fait connoistre, que les actions des Catholiques Royaux sont aures que vostre Sainteté n'a euidé, & donné occasion de croire qu'ils me-

ritent qu'elle en fassé plus de conte qu'elle ne pretend faire, si elle desire de les conseruer au deuoir qu'ils luy doiuent, i'estimay de l'auoir suffisamment informée de l'estat de nostre France, pour l'induire à pri-
ser dauantage la personne & l'autorité de mon Roy, & d'embrasser l'affaire de laquelle ie voudrois luy parler, & d'y prendre vne meilleure resolution, que celle que i'auois apperceu qu'elle auoit pris (ie diray cela) premier que ie luy eusse baisé les pieds, ie me resolus sur la fin de la deuxiesme audience du Ieudy 25. Nouembre, de m'esclaircir si l'intention de vostre Sainteté estoit de me prolonger le terme des dix iours, afin de me resoudre à luy expliquer promptement ma charge, ou remettre à ce faire à tel autre iour qu'il vous eust pleu de me donner; considerant que ledit terme s'approchoit, & qu'il pouuoit facilement couler à mon preiudice, si ie laissois passer ce Ieudy-là sans luy parler de mon affaire; à cause des audiences ordinaires des Vendredis & Samedis, & quelque autre interruption qui pourroit suruenir. Et pour ce ie suppliy vostre Sainteté de me declarer si elle auoit en fin trouué bon de me prolonger, ou plustost reuoker l'ordonnance qu'elle auoit faite du terme des dix iours prefix, auxquels elle auoit restraint mon sejour en cete ville, suiuant les instantes supplications que ie luy en auois faites dès le soir 21. & 23. & les promesses qu'elle m'auoit faites d'y aduiser, Surquoy m'ayant derechef dit, qu'elle y aduiferoit, ie luy respondis, qu'il me sembloit qu'elle auoit eu assez de loisir depuis Dimanche 21. pour se resoudre, & que ie luy auois donné prou d'occasion d'accorder ma supplication, & partant que de nouueau ie la suppliois tres humblement de me declarer sa volonte, sans me remettre plus à vne autre fois; parce que ie ne uoulois que les dix iours passassent, auparauant que d'auoir executé la charge que le Roy mon maistre m'auoit donnée. Ce que ne luy ayant pleu de faire, ains de me remettre tousiours à y aduiser, ie me resolus de ne retarder dauantage à luy presenter, comme ie fis, la lettre que S. M. luy auoit écrite de sa main en ma creance, avec la traduction d'icelle en langue Italienne, laquelle à ceteffect i'auois expressement apportée: Et puis i'adioustay que le Roy mō Maistre m'auoit enuoyé pardeuers vostre Sainteté pour luy faire entendre sa conuersion, & me prosterner de sa part à ses pieds, pour se congratuler avec elle de la ioye & consolation qu'il ressentoit en son ame, de s'estre reüny en l'Eglise Catholique, Apostolique & Romaine, hors de laquelle il reconnoissoit n'y auoir point de salut, & en laquelle il protestoit de viure & mourir, & de rendre au Saint Siege toute l'obeissance filiale & assistance que les Rois ses predecesseurs ont fait, & en particulier à la personne de vostre Sainteté; laquelle il honnoroit & respectoit grandement, & la supplioit tres humblement de receuoir en gré le deuoir qu'il luy rendoit par moy, & quant & quant de luy departir sa benediction & l'absolution qui luy conuenoit avec vos commandemens, selon qu'il est contenu au memorial que depuis i'ay présenté à vostre Sainteté le Dimanche cinquieme du mois dernier, l'asseurant encore, que si les guerres qu'il auoit

contre les rebelles, ne l'eussent retenu de pardelà, il fut luy-mesme venu en personne resmoigner à vostre Sainteté cette sienne sincere affection & volonté, comme il en auoit tres-grand desir. Ce que ne luy ayant esté permis, il m'auroit choisi pour la plus honorable ambassade qu'il eust, apres Messieurs les Princes du sang Royal, afin de faire apparoir à vostre Sainteté qu'il desiroit de l'honorer de tout son pouuoir; & bien qu'il ne m'estimast point inutile de pardelà, & que le pourrois par mon absence faire quelque faute à son seruice, il m'auroit neantmoins commandé de faire ce voyage, pour vous resmoigner que s'il eust peu faire plus grande demonstration d'humilité à l'endroit du saint Siege & de vostre Sainteté, il l'eust fait ainsi qu'il est porté par mon instruction & procuracion, & par les deux lettres qu'il auoit écrites de sa main à vòtre Sainteté, l'une desquelles luy auoit esté donnée par le sieur de la Chelle dès le 13. Septembre, & l'autre presentement par moy : esperant qu'il vous plairoit auoir agreable cette sienne conuersion, humilité & deuoir qu'il vous rendoit, & que trouueriez bon de le recevoir à penitence & luy departir vos commandemens spirituels. Et en outre ie fis entendre à vostre Sainteté, que pour l'informer du deuoir, que sa Maiesté auoit fait en sa conuersion, il auoit enuoyé avec moy trois Prelats garnis de lettres & pouuoir, lesquels auoient esté choisis par le Clergé qui s'estoit trouué à sa conuersion, afin de luy faire entendre comme le tout estoit passé: lesquels ie suppliy vostre Sainteté auoir agreable que ie luy amenasse à la premiere audience, l'assurant qu'elle receuroit tres grand contentement d'entendre le respect qu'ils ont porté au saint Siege & à vostre personne, & qu'ils n'estoient point venus avec vn esprit de contradiction, mais plein d'humilité, & que ie seruirois de caution à vostre Sainteté, qu'ils se gouverneroient de cette façon. A quoy il vous pleut de me respondre, qu'elle y aduíseroit, & me feroit sçauoir sa resolution.

Et comme j'attendois vostre commandement, suruint Monsieur le Maistre de vostre chambre le Lundy 29. qui me dit de la part de vostre Sainteté, qu'elle se souuiendroit de ce que ie luy auois dit les iours precedens, & qu'elle desiroit que ie fisse de mesme de ce qu'il vous auoit pleu de me dire; & que si ie voulois encore parler à vostre Sainteté, elle m'escouteroit benignement; & qu'au reste i'eusse à me despescher pour partir au plus tost, parce qu'il conuenoit ainsi, pour ne donner ombre de vostre bonne volonté par mon seiour plus long en cette ville, à ceux qu'elle deuoit iustement supporter, & qu'estant venu comme personne privée, ie n'auois que faire de visiter Messieurs les Cardinaux. Et pour le regard des trois Prelats qui estoient venus avec moy, il me dit que vostre Sainteté ne vouloit aucunement leur permettre de luy baiser les pieds auparauant qu'ils eussent esté se presenter à Monsieur le Cardinal de sainte Seuerine, qui est chef de l'Inquisition, & grand Penitencier. Lescuels propos, Pere saint, m'affligèrent grandement, ne

pouuant croire qu'ils fussent prouenus de vostre seule volonté, mais d'un conseil fort pernicieux, me semblant que c'estoit par trop precipiter mon parlement, & vne telle affaire de si grande importance, que de me commander dans le 8. iour de partir, & sans m'auoir voulu auparavant declarer, si elle trouuoit bon de retractor le terme de dix iours, attendu que cette affaire estoit telle, qu'elle ne se pouuoit presque commencer en si peu de temps. D'autre costé, il me sembloit que vostre Sainteté me vouloit fermer la bouche contre toutes les formes de tout temps introduites, pour ne faire entendre à Messieurs les Cardinaux les raisons du Roy mon maistre, qu'il m'a commandé de leur dire, & de mesme en vouloit faire ausdits sieurs Prelats, les renuoyant en vn labyrinthe. Ce qui me fit prier ledit sieur Maistre de vostre chambre de me bailler par escrit ce qu'il m'auoit dit, afin de le considerer, & y faire resolution la plus conforme que ie pourrois à vostre volonté. Mais il s'excusa, disant n'en auoir commandement. Lors ie le priay de vouloir le receuoir de vostre Sainteté, & de m'excuser si ie remettois à luy faire responce apres qu'il me l'auroit enuoyé, lequel se chargea de rapporter le tout à vostre Sainteté.

Le soir mesme Monsicur le Cardinal de Toledo me vint trouuer de vostre part, & me tint le mesme langage touchant lesdits sieurs Prelats, adioustant qu'il n'estoit conuenable à la qualité de la personne de vostre Sainteté, ni aussi raisonnable qu'ils se presentassent deuant elle, auparavant que d'auoir esté pardeuers ledit sieur Cardinal de sainte Seuerine, afin d'euiter le debat & la dispute qu'ils pourroient faire avec vostre Sainteté, pour soutenir leurs actions estre bonnes. Auquel ie fis responce, que ledit sieur Maistre de vostre chambre m'auoit tenu l'apresdisnée semblable langage, & que ie l'auois prié de supplier vostre Sainteté, de me faire mettre la volonté par escrit, afin de la pouuoir exactement considerer, & l'effectuer de tout mon pouuoir: lequel me repliqua, qu'il ne falloit pas que ie m'attendisse d'auoir aucune responce de vostre Sainteté par escrit: car elle l'auoit ainsi resolu; & aussi que ie n'en auois que faire, pour estre chose aisée à s'en souuenir; & me repeta cela mesme que ledit sieur Maistre de vostre chambre m'auoit dit, tant pour deloger bientost, que pour ne visiter Messieurs les Cardinaux. A quoy ie respondis, que tels commandemens me sembloient estre de telle & de si grande importance, qu'ils meritoient me les bailler par escrit pour les considerer. Mais comme ledit sieur Cardinal, qui est aduisé, reconnu que ie faisois telle demande seulement pour ma descharge, & pour auoir dequoy iustifier mes actions à l'endroit de mon Roy; il me dit qu'il ne pensoit pas que vostre Sainteté me la deust bailler, & que j'auois aussi-tost fait d'aller à l'audience de vostre Sainteté, que de m'arrester à rechercher rien par escrit. Et pour le regard de la visite de Messieurs les Cardinaux, qu'elle ne me seruiroit de rien qu'à me donner del'incommodité. Le luy dis, que telle visite m'estoit fort necessaire, parce que j'auois a
parler

parler à eux de l'affaire pour laquelle i'estois venu trouuer vostre Sainteté; & qu'estans Conseillers des Papes, ie deuois les informer de cettere affaire. Lequel sieur Cardinal me respondit, que vostre Sainteté n'estoit pas obligée à demander l'aduis des Cardinaux, & qu'elle auoit desia fait sa resolution sur ce que ie luy auois parlé. Je remonstray audit sieur Cardinal, que vostre Sainteté ne pouuoit encore auoir fait sa resolution, parce qu'elle n'auoit pas entendu la creance desdits sieurs Prelats, lesquels partant i'estimois estre tres-necessaire d'amener deuant vostre Sainteté, pour l'esclaircir de leur charge. Mais ledit sieur Cardinal continuant tousiours à me persuader, de croire qu'il n'estoit nullement iuste & raisonnable que lesdits Prelats allassent baïser les pieds de vostre Sainteté, auparavant que d'auoir iustificié l'action qu'ils auoient faite en la conuersion de NAVARRE (comme il l'appella) & que refusant de le faire, l'on le trouueroit bien mauvais. Je luy respondis, que lesdits sieurs Prelats ne pouuoient faire vn seul pas sans mon congé, & que tel acte ne dependoit point de leur volonté, ayans esté enuoyez sous ma charge, pour les presenter seulement à vostre Sainteté, afin de luy rendre compte du deuoir que ledit Clergé auoit fait, & la Maïesté aussi à sa conuersion, & comme le tout s'estoit passé, conformement aux saints decretz & constitutions canoniques, & avec le respect qui est deu au saint siege, & s'assuroient que vostre Sainteté trouueroit le fait estre tel, qu'elle iugeroit que le Clergé ne s'estoit point desuoyé de son deuoir enuers le saint siege; & neantmoins que si vostre Sainteté trouuoit que lesdits sieurs Prelats eussent en quelque chose failly, qu'ils s'humilieroient deuant elle, & luy demanderoient tel pardon qu'il conuendroït; parce qu'ils n'estoient nullement venus avec vn esprit orgueilleux, pour contredire ni disputer avec vostre Sainteté, mais du tout humble & obeïssant, pour se remettre au iugement qu'elle en donneroit; & partant que i'estimois qu'il ne fust aucunement besoin ni raisonnable, qu'ils allassent à Monsieur le Cardinal de sainte Seuerine. Lors ledit sieur Cardinal me respondit, qu'ils ne deuoient point faire difficulté de s'aller presenter deuant ledit sieur Cardinal de sainte Seuerine. Car ce ne seroit pas pour les mal-traiter, mais seulement pour esclaireir l'affaire qu'ils vouloient declarer à vostre Sainteté, afin d'esuiter les disputes qui pourroient arriuer deuant elle, nullement conuenables à vostre qualité. Je repliquay qu'ils ne disputeroient point, & se soumettroient à vôtres iugement & commandement, & luy adiuſtay les raisons susdites, & autres encore; comme fit aussi ledit sieur Cardinal les siennes, persistant tousiours en son opinion. Ce qu'enfin me donna occasion de iuger, que l'on desiroit plustost d'enue-lopper lesdits sieurs Prelats, que de vouloir esclaireir & embrasser l'affaire qu'ils auoient à declarer à vostre Sainteté, veu le commandement qui m'auoit esté fait de m'en aller. Et pour ce ie dis audit sieur Cardinal, que m'ayant esté lesdits sieurs Prelats baillez en charge par le Roy mon maïstre, pour les conduire seulement pardeuant vostre Sainteté, & que les-

disr sieurs Prelats aussi ayans commandement exprés de ne faire sinore ce que ie leur dirois, que i'estois resolu de ne leur faire faire chose de laquelle ils peussent recevoir de la honte, & moy du blâme de la leur avoir conseillé. Et que si i'auois de propos delibéré voulu endurer les affronts & indignitez qui m'auoient esté faits, que ie l'auois fait pour tesmoigner à vostre Sainteté la grande humilité du Roy mon maistre, & ma patience, afin de vous donner occasion d'estre benin & gracieux en son endroit, & que i'estois resolu de ne permettre iamais de tout mon pouuoir, que lesdits Prelats receussent aucun desplaisir, & que plustost ie me laisserois trancher la teste, voire mettre mon corps en quatre quartiers, que d'y consentir : & partant que ie le suppliois de vouloir interceder enuers vostre Sainteté cette faueur, qu'ils vous peussent baïser les pieds & effectuer leur charge. Lequel sieur Cardinal voyant ma resolution si ferme, apres m'auoir tenu quelques autres propos, trouua bon de me permettre de le faire entendre à vostre Sainteté, & quant & quant la supplication que ie luy faisois de vouloir me faire bailler par effect le commandement qu'elle m'auoit fait de m'en aller au plustost, & de l'exclusion de visiter Mess. les Cardinaux.

Et comme i'esperois d'auoir quelque response fauorable, ledit sieur Maistre de vostre chambre reuint me trouuer le Mardy ensuiuant trentiesme Nouembre, & me dit que vostre Sainteté persistoit en sa resolution de ne recevoir point lesdits sieurs Prelats, auparauant qu'ils fussent allez pardeuant Monsieur le Cardinal de sainte Seuerine, parce qu'il conuenoit ainsi à sa qualité. Et pour la visite de Messieurs les Cardinaux, que ie n'auois que faire de prendre vne telle peine, pour si peu de temps que i'auois à demeurer icy : ioinct que vostre Sainteté estimoit que ie n'eusse aucune affaire à traiter avec elle, pour m'auoir laissé venir comme personne priuée, & non chargée d'affaires quelconques pour NAVARRE; & me tedit, que si ie voulois parler encore à vostre Sainteté, elle me donnetoit audience. Le luy respondis, que pour le regard de Messieurs les Prelats, que ie suppliois tres-humblement vostre Sainteté, de rrouuer bon que ie les luy amenasse, & que ie ne receusse point ce deshonneur, que de les renuoyer audit sieur Cardinal; parce qu'il me seroit impossible de le supporter, ne faisant aucun cas de ma vie, où il alloit de mon honneur. Et pour le regard de la visite de Messieurs les Cardinaux, que ie suppliois pareillement vostre Sainteté, de se souuenir que ie luy auois donné vne lettre de la part du Roy mon Seigneur, & déclaré l'occasion de ma venue, & par là fait connoître que i'auois apporté vne affaire tres-grande, & digne d'estre considérée tant par vostre Sainteté, que par le sacré College de Messieurs les Cardinaux; lesquels partant il me conuenoit de visiter. Lors ledit sieur Maistre de vostre chambre me demanda, si le Pere Pousséuin ne m'auoit pas déclaré, que vostre Sainteté ne vouloit aucunement qu'arriuant en ceste ville, l'eusse à luy parler des affaires de

NAVARRÉ. Le luy respondis, que non; & que si vostre Sainteté m'eust fait faire ce commandement, i'eusse aduisé à faire aussi ce que i'eusse estimé me conuenir: & partant que ie le priois de supplier vostre Sainteté de m'aeorder ce que ie luy demandois, comme chose iuste & raisonnable, & par mesme moyen oster le terme des dix iours; lequel me promit de le vous faire entendre. Et craignant que le lendemain Mercredy, auquel expiroient les dix iours, ne passât à mon preiudice, pour n'auoir voulu acceper l'audiance que V. S. m'auoit enuoié offrir, premier que d'estre asseuré de luy amener lesdits sieurs Prelats, i'enuoia le matin dudit Mercredy le sieur de Nuelon, l'un des Maistres d'Hostel de sa Maiesté, audit sieur Maistre de votre chambre, pour sçauoir la response de votre Sainteté, particulièrement sur lesdits sieurs Prelats; afin de me resoudre à ce que ie serois contrainct: laquelle n'ayant peu auoir, ie le renuoia le leudy matin; & puis l'apresdinnée ie renuoia le sieur Alexandre d'Elbene, qui enfin ne m'apporta autre response dudit sieur Maistre de votre chambre sur tout ce que ie l'auois prié de supplier votre Sainteté, sinon que i'aurois audiance le Dimanche ensuiuant s. du passé: laquelle offre vnique me despleut grandement: & neantmoins ie fus contrainct de l'accepter, puisque telle estoit la volonté de votre Sainteté, & qu'il m'estoit impossible de faire autrement.

Suiuant vostre commandement, i'allay ledit iour me presenter deuant votre Sainteté, en esperance de receuoir vos commandemens sur ce que ie l'auois fait supplier, laquelle d'abordée se plaignit à moy, de quoy lesdits sieurs Prelats ne vouloient aller trouuer ledit sieur Cardinal de sainte Seuerine, suiuant ce qu'elle m'auoit fait entendre, & puis me dit, que s'ils auoient quelque doute d'aller deuant luy, qu'elle se contentoit, qu'ils allassent pardeuant Monsieur le Cardinal d'Arragonne chef de la congregation de France; adioustant qu'elle trouuoit fort estrange qu'ils ne luy voulussent obéir. A quoy ie respondis à vostre Sainteté, que lesdits sieurs Prelats ne pouuoient faire rien d'eux-mesmes, mais seulement ce que ie leur dirois. Et bien que i'eusse amplement dit à Monsieur le Cardinal de Toledo mon intention, que ie la suppliois ne trouuer mauuais si ie luy disois de ne pouuoir aucunement permettre que lesdits Prelats estans sous ma charge, fissent chose preiudiciable à leur qualité, de crainte de n'en receuoir moy-mesme le deshonneur; & que si i'auois souffert des indignitez, que cela estoit prouenu de ma seule volonté, pour l'esperance que i'auois prise par telle humilité de donner ocaision à vostre Sainteté d'embrasser avec douceur & clemence l'affaire que ie luy voulois presenter, que i'estimois ne m'estre aucunement licite & honorable de conduire lesdits sieurs Prelats ailleurs que pardeuant votre Sainteté, à laquelle seule ils auoient esté deleguez. Neantmoins si il vous plaisoit de trouuer bon de les admettre vne fois seule à vos pieds, & puis sans leur donner longue audiance, les renuoyer pardeuant l'un de Messieurs les Cardinaux vos nepueux, comme vos

ministres & representans vostre personne, assisté de Monsieur le Cardinal d'Arragonne, & de tels autres Cardinaux qu'il vous plairoit; comme derechef ie vous ay dit en la dernière audience, sur certaine difficulté qu'il vous pleust de me faire, que ce seroit chose plus tolerable, que non pas de les renvoyer pardeuant l'une des deux congregations. Ce que toutefois vostre Sainteté ne trouua pas bon, mais il luy pleust de me dire, que nonobstant ce que ie luy auois auparauant fait entendre, que si ce n'estoit pour l'amour de moy, elle les auroit mal-traités: que neantmoins elle y aduiferoit, comme depuis i'ay reconneu qu'elle a fait.

Car Monsieur le Cardinal de Toledo m'estant venu trouuer de vostre part le Vendredy septiesme de ce mois de Ianuier, me dit, que vostre Sainteté se contentoit que lesdits sieurs Prelats allassent trouuer Messieurs vos nepueux assistez de Messieurs les Cardinaux d'Arragonne, de sainte Seuerine, & de luy; qu'après les auoir ouys, ils feroient rapport à vostre Sainteté de ce qu'ils leur auroient dit; & qu'il sembloit n'estre pas raisonnable, qu'ils allassent se presenter deuant vostre Sainteté, auparauant qu'ils eussent fait connoistre estre autres que vostre Sainteté les estimoit: adioustant plusieurs autres raisons pour approuuer son dire; auquel ie fis presque la mesme response, que lesdits Prelats ne pouuoient rien faire d'eux-mesmes, parce qu'ils auoient charge de n'oultrepasser chose quelconque de ce que ie leur dirois. Et pour cette occasion ie persistois en la mesme opinion que i'auois déclaré cy-deuant, qui estoit de supplier tres-humblement vostre Sainteté de trouuer bon qu'ils s'allassent ietter à vos pieds, auparauant que d'aller pardeuant Messieurs vos nepueux, non pour disputer avec elle, mais seulement pour effectuer le commandement que i'auois; estimant que ma requête estoit si raisonnable, que vostre Sainteté ne pouuoit me la refuser. Lequel sieur Cardinal repliqua, que lesdits Prelats n'estoient icy venus comme Ambassadeurs, parce que vostre Sainteté ne les auoit admis pour tels. Et partant que comme personnes priuées elle ne les vouloit escouter, premier qu'ils n'eussent esté rendre compte de ce qu'ils auoient fait, & qu'on l'eust rapporté à vostre Sainteté. A quoy ie respondis, qu'encore que votre Sainteté ne trouuast bon de les estimer pour Ambassadeurs, ils ne laissoient pour cela de l'estre, ayans leurs pouuoirs bien expediez; & que les tenant pour tels, ie ne pouuois changer la resolution, que ie luy auois dit dès la première fois, qu'il me parla, quand ce seroit pour me trancher la teste, & mettre mon corps en quatre quartiers: car de mon consentement ils ne feroient iamais autrement. Lors ledit sieur Cardinal me dit, que votre Sainteté ne seroit aussi autre chose, & me demanda, si i'auois fait à V. S. la mesme proposition & supplication, que ie venois de luy dire, cuidant, que i'eusse supplié vostre Sainteté de les faire seulement oïr par Messieurs vos neveux, & non pas de les introduire auparauant à vos pieds. Auquel ie fis res-

ponse que toutes mes propositions, & supplications auoient tousiours rendu de les introduire aux pieds de V. S. ainsi qu'elle en estoit fort bon tesmoin. Et partant que ie la suppliois de trouuer bonne cette miennne resolution, fondée seulement sur le doute que i'auois d'estre blasme, si ie permettois que lesdits sieurs Prelats receussent quelque affront : & aussi que i'estimois que tel acte ne seruiroit plus de rien, puis-que v^{ost}re Sainteté vouloit continuer en sa resolution de me renuoyer sans aucune responce, comme ie le diray en son lieu. Surquoy ledit sieur Cardinal me respondit, qu'il feroit entendre ma resolution à v^{ost}re Sainteté, laquelle, il pensoit, ne changeroit point la sienne, comme ie l'ay tres-bien conneu.

De sorte, Pere saint, que ie suis contraint de dire à v^{ost}re Sainteté, que i'ay vn extreme regret de n'auoir peu obtenir d'elle permission de luy amener lesdits sieurs Prelats, pour se prosterner deuant ses pieds, & luy faire connoistre le deuoir que nostre Roy a fait en sa conuersion, & le respect que Messieurs du Clergé ont porté au saint Siege, & à l'autorité souveraine de v^{ost}re Sainteté. Car ie m'assure qu'elle eust receu beaucoup de contentement, d'entendre la façon avec laquelle on s'estoit gouuerné en telle action, & eust pris autre & meilleur opinion du Roy mon Maistre & dudit Clergé, qu'elle ne luy a esté donnée; & conséquemment eust eu iuste occasion de faire toute autre resolution, que celle qu'il luy a pleu de me declarer; dont ie rapporte avec moy vn merueilleux déplaisir, considerant quel sera celuy que prendront ceux qui entendront telles negatiues, si importantes à l'affaire que l'ay traité avec v^{ost}re Sainteté, comme estant le fondement & base d'iceluy.

Me voyant donc frustré en ladite audience du cinquiesme du passé, de pouuoir introduite à v^{ost}re Sainteté, lesdits sieurs Prelats, pour acheminer l'affaire qui m'auoir amené à ses pieds, & debouté de parler à Mess. les Cardinaux; & veu peu auparauant precipiter mon parlement, au lieu de le prolonger; & qui plus est, ayant reconnu v^{ost}re Sainteté en toutes les trois audiences precedentes, fort résolu de n'absoudre mon Roy; me disant d'elle-mesme, sans que ie luy parlasse de ce fait, qu'elle ne vouloit croire qu'il fust bien conuerty, si vn Ange du Ciel ne venoit le luy dire à l'oreille. Je me trouuay fort affligé me voyant réduit à traiter mon affaire avec v^{ost}re Sainteté par autre moyen qu'il conuenoit à la qualité d'iceluy. Neantmoins pour ne defaillir en rien qui fust en ma puissance, pour tascher de rendre mon Roy content & satisfait en son ame, & esclaireir le monde qu'il n'auoit tenu à moy de faire tout ce qui estoit possible pour obtenir de v^{ost}re Sainteté la requeste de sa Maiesté: ie me resolu de ne laisser passer l'occasion de la susdite audience, craignant qu'elle fust la dernière, sans effectuer au moins mal que ie pourrois, le commandement de mon Roy: Et pource afin de fleschir la volonté de v^{ost}re Sainteté à accorder plus facilement ma tres-humble requeste, ie m'agenouillay deuant ses pieds,

& la suppliai tres-humblement de vouloir commander à mon Roy penitent, ce qu'il auroit à faire pour effectuer ce qui luy auoit esté ordonné par Messieurs les Prelats, au mesme temps qu'il fit l'abiation & qu'ils luy donnerent l'absolution; & en tout cunctement, & pour plus grande assurance de la conscience, luy donner absolution & tout autre remede pour le salut de son ame, comme le vray vicair de Iesus Christ qu'il reconnoissoit en terre. Et me voyant interrompu par les negatiues que vostre Sainteté me faisoit incessamment, ie l'interpellay, tenant les mains jointes, de m'accorder ladite absolution au nom de Iesus Christ, & du precieux sang qu'il auroit espanché en l'arbre de la Croix pour rachepier le genre humain, voire les Payens & infidelles, & la suppliai tres-humblement d'imiter le berger contenu en l'Euan-gile, qui alloit cherchet la centiesme brebis, & le Pere de famille qui estoit allé au deuant de son enfant prodigue. Je la coniuray aussi par le nom de Clement, que vostre Sainteté a voulu prendre à l'aduenement du Pontificat, de vouloir se rendre clement & misericordieux en l'endroit de mon Roy. Je luy fis voir & toucher toute ouuerte la procuration que mon Roy m'auoit donnée pour ce faire, signée de luy, scellée de son scel, & contresignée Reuol, l'un de ses Secretaires d'Estat. Je me prosternay à terre luy baisant les pieds, pour n'oublier aucun deuoir d'humilité, & pour penser de la flechir à interiner ma tres-humble requeste; laquelle comme ie l'estimois tres-iuste, & que ie vis que vostre Sainteté continuoît à me la refuser tout à plat, ie fus contraint de luy représenter le malheur auquel ie serois reduit rapportant telles negatiues si contraires à l'attente des bons François; & en telle action ie me trouuay le cœur si fort saisi & oppressé de douleur, voire reduit en tel desespoir, que les larmes n'en vindrent aux yeux, ainsi qu'elle s'en apperceut me les voyant essuyer, & ma voix changée de son ordinaire. En laquelle affliction neantmoins ie remarquay vostre bon naturel, prenant pitié & compassion de moy, me commandant par plusieurs fois, voire me contraignant de me leuer & de me rasseoir. Ce que finalement ayant fait, & reconnu qu'elle demeureroit ferme en sa rigoureuse resolution, ie me deliberay de donner à vostre Sainteté le memorial signé de ma main, cy en fin transferit, qui contenoit en substance ce que ie luy auois dit de bouche; parce que ie ne voulois accepter vne si rigoureuse response, mais donner loisir à vostre Sainteté de considerer ledit memorial, & d'addoucir sa resolution; & parce que ie la suppliy de le voir, & puis de me faire sçauoir sa volonté. Surquoy il vous pleust, Pere Saint, de me consoler d'une fort gracieuse response, disant qu'elle verroit & considereroit ledit memorial, & puis qu'elle me feroit sçauoir sa resolution. Ce qui donna quelque allegement à mon affliction, & en tel estat ie pris congé d'elle.

Depuis voyant que vostre Sainteté n'auoit les iours ensuiuans assemblé les deux congregations, comme elle auoit fait les autres fois que

ie luy auois parlé, pour me faire aussitost response, afin de me renuoyer; mais qu'elle couloit le temps: ie pris quelque esperance qu'elle eust adoucy la rigoureuse resolution qu'elle m'auoit declarée. Mais ayant esté aduertý qu'au Consistoire qu'elle tint le Lundy 20. dudit mois, elle auoit déclaré ouuertement à Messieurs les Cardinaux de ne vouloir point donner au Roy mon Seigneur ladite absolution, ie demeuray tout confus en mon esprit, & autant, ou plus affligé qu'auparauant. D'ailleurs auüi ayant scü que Monsieur de Montorio venu de la part du sieur Cardinal de Plaisance & de Monsieur de Mayenne, auoit proposé de leur part, qu'ayant esté asseurez que vostre Sainteté n'accorderoit point la requeste de mon Roy, il seroit expedient de m'amuser de pardeçà, afin de me faire perdre icy le temps inutilement, sans rendre le deuoir que ie dois à mon Roy tres-Christien & à ma patrie, cuidans possible, que ie ne serois inutile de pardelà; ie me resolus, pour ne me laisser musier, d'enuoyer le Ieudy 22. à Monsieur le M. de vostre chambre vn petit memorial, ou requeste cy en fin transcrite, pour ne l'importuner d'vne audience, afin de supplier tres humblement vòtre Sainteté, comme i'auois fait plusieurs autres fois auparauant, de me vouloir donner par escrit la response qu'elle vouloit que ie rapportasse au Roy mon Seigneur, pour ne faillir en rien à luy declarer precisement & ponctuellement vòtre volonté, & luy représenter la verité de vostre intention, comme il me sembloit estre necessaire de faire en choses de si grande importance: le quel promit de le bailler à vostre Sainteté. Et comme i'esperois d'auoir ladite response, ledit sieur M. de vostre chambre me fit entendre le Mercredy 29. qu'elle me donneroit audience le Dimanche deuxiesme de ce mois de Ianuier, ne le pouuant faire plustost à cause des seruices qu'elle estoit tenuë de faire à Noël, & de quelques autres interruptions. Auquel ie renuoyay ledit sieur de Niulon, pour luy dire que ie ne pretendois d'importuner vostre Sainteté par vne nouvelle audience, mais seulement que ie la suppliois tres-humblement, de me faire donner par escrit la response à mondit memorial, pour la raison contenüe au dernier, & partant ie le priois de le faire entendre à vostre Sainteté. Ce que ledit M. de vostre chambre s'excusa de faire, disant, que lors qu'il bailla à vostre Sainteté ledit petit memorial, elle luy dit me vouloir faire response au premier iour qu'elle me pourroit donner audience, & qu'il n'oseroit l'importuner dauantage de telle chose, puis qu'il la voyoit resoluë de me faire response verbale, & non par escrit. Chose qui me fit resoudre d'accepter cette vniue proposition, puis que ie m'y voyois contrainct.

Et pour ce j'allay le Dimanche deuxiesme de ce mois pour me rendre aux pieds de vostre Sainteté; où estant, ie luy remonstray que le Roy mon Seigneur luy auoit écrit deux lettres de sa main, l'vne desquelles vous fut présentée par le sieur de la Chtielle le 13. Septembre, & l'autre par moy, le 25. Nouembre; & aussi que i'auois donné à vostre

Sainteté vn memorial signé de ma main le cinquiesme Decembre, & fait pareillement donner vn autre le 23. par ledit sieur M. de vostre chambre. Aufquelles lettres & memoriaux il me sembloit que vostre Sainteté deult me faire réponse; estant l'affaire de telle conlequenee, qu'elle meritoit bien de la mettre par escrit, comme l'on estoit coustumier de faire en semblables negociations, & si importantes, mesmes estant venu de si loin pour cettere affaire seulement; & que le desir que i'auois de rapporter à mon Roy la precise réponse de la volonté de vostre Sainteté & n'y faillir aucunement, m'auoit fait l'importuner par plusieurs fois de me la faire donner par escrit, afin aussi de me garentir du blâme que l'on me donneroit partant d'aupres de vostre Sainteté, sans retirer vn seul mot d'escrit en réponse desdites lettres & memoriaux, que cela seroit venu par ma faute & ignorance, ou que vostre Sainteté m'eust voulu traiter en fol ou en enfant; dont ma reputation & honneur y seroient grandement engagez; mesmes puisque ie ne rapportois à sa Maiesté la consolation qu'il s'attendoit auoir pour le salue de son ame, ny esperance d'en auoir aucune. Aussi que ie ne pouuois me charger d'aucune réponse verbale, puis que vostre Sainteté ne me donnoit lettre de creance, & partant que ie me trouuois reduit à ne rapporter à sa Maiesté que les negatiues de tout ce que i'auois supplié vostre Sainteté; laquelle trouua bon de me dire, qu'elle estoit resoluë de ne me donner aucune réponse par escrit, parce qu'elle auoit sceu que l'on auoit bruslé à Tours les Bulles & autres actes que les Papes ses predecesseurs auoient enuoié en France; & qu'elle ne vouloit point qu'il en aduint de mesmes de ce qu'elle me bailleroit par escrit. Dauantage qu'elle traitoit ordinairement d'affaire importante avec l'Ambassadeur d'Espagne, & autres, & qu'ils ne luy demandoient rien par escrit; & qu'elle mesme auroit esté en Pologne & autres lieux pour negoces importants, pour lesquels elle n'auoit rien donné par escrit; & qu'il me deuoit suffire de ce qu'il vous plaisoit de me dire verbalement. A quoy vostre Sainteté se souuiendra, s'il luy plaist, que ie luy dis, que ie sçauois fort bien qu'en affaires qui se traitoient pour simples recommandations, & autres semblables negoces, l'on ne se soucioit de retenir réponse par escrit. Mais qu'en telle affaire qu'estoit la mienne, outre que vostre Sainteté auoit eu deux lettres escrites de la main du Roy mon seigneur, & deux memoriaux de moy, ie luy auois aussi parlé bien amplement de sa conuersion & absolution, & des commandemens de l'Eglise, que sa Maiesté desiroit auoir de vostre Sainteté, pour faire le salut de son ame, & par là tesmoigner l'ardent desir qu'elle auoit d'estre reconciliée avec le saint siege; & partant qu'il me sembloit que elle me deuoit donner vn petit mot de réponse, afin d'esclaircir mon Roy de vostre volonté, & de ce qu'il auoit à faire aussi pour ne rendre mon voyage inutile; & que la doute que vostre Sainteté auoit, qu'en France l'on fist quelque mespris de ce qu'elle bailleroit par escrit,

comme

comme auoit esté fait de la réponse que le pere Alexandre Hebrahin auoit donnée de vostre part à Monsieur le Cardinal de Gondy, n'estoit aucunement bien fondée; parce que si vostre Sainteté estimoit que la réponse qu'il vous plairoit de me faire, estoit conuenable à la qualité de Vicaire de Dieu, & par consequent iuste & raisonnable, elle ne deuoit point craindre de me la bailler par escrit, pour iustifier ses actions à l'endroit de rout le monde. Car estant bonne & sainte, elle ne seroit mesprisée & bruslée. Si aussi vostre Sainteté estimoit qu'elle ne fust telle qu'il appartenoit à la qualité de iuste iuge & pere misericordieux, & doutait qu'elle ne fust trouuée mauuaise, qu'il me sembloit qu'elle la deuoit corriger, comme il appartenoit.

Et sur ce propos ie dis à vostre Sainteté que le respect & honneur que le Roy mon seigneur vous a porté depuis 18. mois en ça, a esté cause qu'il a empesché que les Parlemens n'ayent fait quelque grande declaration sur le pouuoir que vostre Sainteté a donné audir sieur Cardinal de Plaisance, pour assister à vne election de Roy, si contraire & si preiudiciable à son autorité, ayant voulu postposer son particulier interest au respect qu'il vous portoit. Et par ce il descendit au Parlement de Tours, & à tous les autres, de faire aucun Arrest, comme est leur coustume, pour soustenir les droits de la Couronne: tellement qu'il n'y eut que celui de Chaalons qui fit quelque declaration, auparavant que d'auoir sceu la volonté de sa Maiesté: laquelle luy ayant esté enuoyée, il ne passa outre à faire la grande declaration qu'il auoit arrestée par le premier Arrest. En quoy vostre Sainteté doit connoistre la bonté de nostre Roy, & l'affection qu'il vous a portée; laquelle ie diray encore, qu'il n'a voulu perdre, ores que vous & vostre Legat à Paris, ayez depuis continué à luy en donner de grandes occasions; comme il se peut voir, outre ledit pouuoir, par les lettres & actes qui ont esté faits à Paris. Ce qui me semble, Pere saint, deuoir vous induire à adoucir vostre rigueur en son endroit; considerant que la bonne volonté que sa Maiesté porte à vostre personne, prouient d'un cœur franc & genereux, & non d'aucun sien particulier interest; outre que vostre Sainteté seroit vn œuvre meritoire que de recevoir vn Prince de telle importance, qui peut attirer par son exemple & par son autorité des milliers d'âmes desuoyées. Et pour ce derechef ie me remis à genoux à vos pieds, vous suppliant tres-humblement d'interiner ma requeste, ou memorial.

Et parce que vostre Sainteté trouua bon de persister en la premiere resolution, pour ne vouloir croire que la conuersion de mon Roy fust bonne, ie la suppliai de me declarer ce qu'elle pretendoit & desiroit que sa Maiesté fit pour la luy tesmoigner estre bonne, & la rendre content de ses actions. Surquoy il vous pleust de me dire, qu'il fust le contraire de ce qu'il auoit fait cy-deuant. A quoy ie repondis, qu'il auoit cy-deuant fait des choses, qu'il luy estoit impossible de faire maintenant le contraire, & qu'il n'estoit Theologien, pour sçauoir

quelles œuvres il deuoit faire pour se preparer à meriter la grace de votre Sainteté. Laquelle me repliqua, qu'il y auoit en France des Theologiens capables pour le luy dire. Lors ie suppliy votre Sainteté de me declarer, si elle se rapporteroit à ce que lesdits Theologiens luy diroient. Ce qu'elle ne voulut faire : qui me donna occasion de luy repliquer, que ie ne sçauois quel conseil donner à mon Roy pour bien faire, puis qu'il ne vous plaisoit de me declarer les œuvres preparatoires qu'il deuoit faire pour le salut de son ame, & que c'estoit le ietter en desespoir. Ce que iamais n'auoit voulu faire Iesus Christ, mais estoit allé rechercher les pecheurs, pour les enseigner & donner occasion de se conueruir. Surquoy il vous pleust de me dire, qu'elle n'estoit tenuë de les luy declarer, & m'allegua quelque exemple de la sainte Esriture, auquel ie ne m'auançay de respondre, pour n'auoir beaucoup estudié en la Theologie, m'estant tousiours voulu rapporter à ce que nostre mere sainte Eglise en auoit ordonné. Toutefois, qu'avec sa permission, ie luy dirois, qu'il me sembloit que les sermons des Predicateurs ne tendoient qu'à instruire le peuple, & à luy proposer les œuvres preparatoires pour sauuer leur ame : ce que i'estimois que vostre Sainteté deuoit faire à l'endroit de mon Roy, pour n'estre pas moins tenuë enuers luy sous peine de peché mortel, qu'est le pere d'assister ses enfans de conseil pour le salut de leur ame, ainsi qu'il est déclaré par les œuvres de misericorde, qui sont plus notoires à vostre Sainteté qu'à moy : Adioustant, que ce n'estoit le vray moyen d'attirer les desuoyez de la Religion Catholique à venir à Rome recourir aux saints Peres, pour auoir instruction de ce qu'ils auoient à faire pour se ranger au giron de l'Eglise de Dieu : & que ie craignois que telle façon de faire ne fust trouuée fort mauuaise, voire qu'elle ne donnast occasion à quelques vns de croire, que votre Sainteté fust bien aise de reietter toutes les ouuertures que l'on luy faisoit, pour redresser le Roy mon seigneur à venir au giron de l'Eglise. Car votre Sainteté ne s'expliquoit point, comme il me sembloit qu'elle deuoit faire, pour attirer à soy vn Prince desuoyé. Surquoy vostre Sainteté me respondit, que NAVARRE sçauoit bien ce qu'il deuoit faire, sans qu'elle luy dist, me repetant n'estre tenuë luy declarer les œuvres preparatoires. Car elle l'auoit fait consulter par des Theologiens, & ne vouloit passer plus auant. Lors ie m'auançay de vous supplier de m'esclaircir d'un autre doute, qui m'estoit suruenu sur tels restus ; qui estoit, si vostre Sainteté entendoit que le Roy mon Maistre allast cy apres à la Messe, comme il a fait cy-deuant, & receust le precieux corps de nostre Sauueur, ou bien s'il s'en abstiendra, craignant que s'il continuoît à faire, comme il a fait, que votre Sainteté ne l'eust agreable. Si aussi il cessoit d'aller à la Messe, ie doutois qu'il donnast occasion au monde de le tenir pis qu'un Payen, viuant sans aucune forme de Religion, & que ses ennemis prissent occasion de dire qu'il seroit retourné à son premier erreur, & qu'il auroit fait connoistre que sa con-

uerſion n'eſtoit que feinte & diſſimulée. Et d'autant que ie connoiſſois ce fait de grande importance, tant pour la perſonne du Roy, que pour ſi grand nombre de bons Catholiques qui l'aſſiſteroient à la Meſſe; ie la ſuppliai tres-humblement de me commander ce qu'elle entendoit que la Maieſté fiſt. Ce que vòtre Sainteté me ſemble, trouua de grande importance, & digne d'y faire vne bonne reſolution; & pour ce ne luy pleuſt m'en faire aucune reſponſe; laquelle ie me reſolus de ne requerrir ſur l'heure, afin de luy donner loisir d'y penſer, & la reſoudre pour apres me la faire ſçauoir.

Et continuant mon propos, ie remonſtray auſſi à voſtre Sainteté, qu'il y auoit pluſieurs Eueſchez & Abbayes vacantes, grande partie deſquelles eſtoit dans les villes & pays de l'obeiſſance du Roy, & maintenant tenuë par des œconomats, ſans que l'ordre & regle Eccleſiaſtique y fut gardé, comme il appartenoit; & que le deſordre eſtoit encore plus grand aux Eueſchez où il n'y auoit perſonne pourueu, parce qu'il ne s'y faiſoit de creſme ni de Preſtres, dont la pluſpart des paroiſſes demeurent ſans Curez; & que ceux que le Roy auoit nommés à voſtre Sainteté, eſtoient diſpoſez d'enuoier vers elle apres mon retour, pour obtenir les Bulles; leſquels maintenant diſſereroient de ce faire, me voians retourner de pardelà avec vne depeſche ſi contraire à leur attente, qui proprement fermoit la porte à tous les François Royaux de recourir au ſaint Siege. Et partant que ie deſirois de m'eclaircir de la volonté de voſtre Sainteté, pour la rapporter en France. Car ie craignois, qu'il ne fut remis en auant, & poſſible embrasſé certain reglement, qui auoit cy-deuant eſté dreſſé touchant l'expedition deſdites Bulles, pour eſtre gardé par forme de prouiſion, & iuſques à ce que Gregoire quatorzième euſt adoucy ſa rigueur & ſeuerité à l'endroit du Roy, & de tant de bons Catholiques qui le ſeruoient, & qu'il fût deliuré du tres-pernicieux conſeil Eſpagnol, qui le detenoit enueloppé, & luy faiſoit faire ce qu'il uoloit, & conſequemment fût mieux conſeillé. Lequel reglement pour lors fut reietté par l'aduiſ de pluſieurs perſonnages d'honneur, ſur l'eſperance que l'on prit, que le ſaint Pere embrasſeroit la paix de noſtre Royaume: laquelle eſperance eſtant perduë par mon retour, ſeroit cauſe de la faire maintenant eſſectuer. Choe que ie reconnoiſſois fort bien qui apporteroit beaucoup de deſplaiſir à voſtre Sainteté, & tels deſordres, que voſtre Sainteté pouoit iuger: leſquels à mon particulier me faiſoient heriſſer les cheueux, & trembler mon cœur à y penſer ſeulement, pour m'en voir le porteur par voſtre ordonnance, & toutefois ſans ma coulpe. Et partant ie ſuppliai voſtre Sainteté de me dire, comme elle entendoit que l'on euſt à ſe gouuerner pour le regard deſdites Bulles. A quoy elle me reſpondit, qu'elle ne pouoit les faire depeſcher à la nomination de NAVARRE, pour ne l'eſtimer Roy; & neantmoins que ſur tout ce que ie luy auois parlé, elle y penſeroit, & puis me ſeroit ſçauoir ſa volonté: & avec telle reſponſe ie me licenciay d'avec elle ledit ſoir du Dimanche deuxième.

Et comme j'attendois d'auoir par escrit la volonté de vostre Sainteté sur tout ce que ie l'auois suppliée, Monsieur le Cardinal de Toledo vint le Vendredy ensuiuant septiesme de ce mois de Ianuier, me trouuer comme i'ay dit, de la part de vostre Sainteté, pour me dire qu'elle ne se tenoit point obligée de me bailler rien par escrit; parce qu'elle ne prentendoit que ie luy eusse dit aucune chose de la part de NAVARRE, pour m'auoir mandé auparauant mon arriuée en cette ville, qu'elle estoit resoluë de ne me recevoir comme Ambassadeur, & partant qu'elle ne vouloit recevoir de sa part ce que i'auois traité avec elle, mais de la mienne seule, comme par forme d'un propos familier que i'eusse fait à vostre Sainteté. Ce que i'ay trouué si estrange, que i'en demeuray fort estonné. Et pource ie le supplay de me pardonner, si ie le priois de me dire derechef la volonté de vostre Sainteté; parce que ie ne l'auois peu bien comprendre. Ce qu'il trouua bon de faire; & non content de ce, ie la luy repetay, afin d'estre bien assuré de l'auoir bien comprise. Et puis ie luy dis, que ie m'estonnois grandement de cette response, & beaucoup plus de la raison sur laquelle il la fendoit; parce que vostre Sainteté le souuenoit fort bien, que ie luy auois donné vne lettre escrite de la main du Roy mon Seigneur, & supplié instamment de vouloir donner audience à Messieurs les Prelats, & à sa Maiesté despartir les tresors de l'Eglise necessaires pour le salut de son ame, comme il estoit porté par vn ample memorial signé de ma main, que i'auois donné à vostre Sainteté. De sorte que ie me trouuay bien estonné de voir maintenant, que vostre Sainteté vouloit que ce que i'auois traité avec elle de la part du Roy mon Maistre, fut chose comme non aduenüe; mais comme d'un discours familier que ie luy auois fait. Et pout ce ie le supplay de me declarer bien particulièrement si vostre intention estoit telle. Ce qu'il fit, me repetant par plusieurs fois que vostre Sainteté ne se tenoit nullement obligée de me bailler aucune response par escrit; parce qu'elle n'entendoit aucunement que ce que ie luy ay dit, ait esté de la part de NAVARRE, mais seulement de la mienne, comme par forme d'un parler familier qui seroit ensuiuy entre vòtre Sainteté & moy. Je fus contrainct de luy dire, que ie trouuois cette resolution si estrange, & si contraire à mon attente & à l'occasion de ma venuë, que i'en demourois tout confus en mon esprit, & qu'il me sembloit que c'estoient ieux d'enfant. Car encore que i'accordasse que vostre Sainteté ne m'ait voulu admettre comme Ambassadeur de mon Roy, que neantmoins ie n'ay iamais creu qu'elle m'ait voulu empescher de luy parler, comme seroit vn simple Procureur *di Campodolio o del Borgo* de la part d'un Roy penitent, qui se vient humilier au saint Siege & à sa Sainteté, pour luy rendre le deuoir qui luy est deu comme au vicaire de Dieu, & aussi pour le desir qu'il auoit de faire le salut de son ame: & que ie n'auois iamais ouï dire que l'on deust fermer la bouche aux desuoyez de la religion, desirans de se conuertir en la reconnoissance du saint Siege, & que ie trouuois

cette responce si rude & si estrange, que ie tenois pour tout certain qu'elle mettroit au desespoir beaucoup de personnes, & qu'il vaudroit mieux que vostre Sainteté me fit ietter en vn sac dans l'eau avec mon fils & ceux qui s'en retourneroient en France avec moy, que non pas de nous laisser partir avec vne telle responce: laquelle à la verité me mettoit en tel desespoir, que ie souhaittois de m'estre rompu vne iambe auant mon partement de France, pour n'estre reduit de porter vne responce si estrange en nostre Royaume; considerant le scandale cy-deuant aduenu en Allemagne, & ailleurs, pour les occasions que chacun sçait. Et enfin que i'estois contraint de luy dire, que si vôtre Sainteté vouloit imiter Iesus Christ, duquel elle est vicaire, elle deuroit plustost aller rechercher les ames esgarées pour les ramener en l'Eglise de Dieu, que non pas de chasser au loin celles qui s'y presentoient. Aquoy il me fit responce que Iesus Christ n'estoit tenu d'aller rechetcher les desuoyez, mais au contraire qu'il auoit voulu que l'on s'adressast à ses disciples pour les introduire à luy, comme les Gentils firent à saint André. Auquel ie dis, qu'il prenoit saint André pour saint Philippes: mais que cet exemple-là estoit seul en l'Evangile. Et au contraire qu'il y en auoit plusieurs autres, qui tesmoignoient comme l'on s'estoit adressé tout droit à Iesus Christ; voire que luy mesme estoit allé chercher les pecheurs, pour les acheminer à la vraye connoissance de Dieu & de luy. Mais puisque vôtre Sainteté auoit ptis cette resolution, & qu'elle y vouloit persister, que ie n'auois que faire de la debatre dauantage: & seulement ie deplorois la misere qui aduiendroit à nostre France par la rage des soldats, qui estoit tres-grande: & encore plus grande parmy ceux de la Ligue, que non pas parmy les nostres; parce qu'ils portoiient moins de respect aux Eglises, que ne faisoient nos soldats. Lequel me fit responce en souriant, qu'il ne sçauoit qu'y faire. Ce que, pour vous dire vray, Pere saint, me toucha si fort au cœur, que ie fus contraint de luy dire: Rions tous hardiment: Car dans peu de iours nous serons les premiers à gemir, & puis vous serez contraint d'en faire de mesme. Lequel fit excuse de tel acte, alleguant qu'il auoit prou de regret des maux qu'adiuiendroient: mais qu'il desireroit les pouoir empescher. Et me sembla de voir le dit sieur Cardinal vn peu arresté & pensif sur les propos que ie luy auois tenus. Ce qui me donna occasion de luy demander, s'il auoit point charge de vôtre Sainteté de me declarer les œuvres preparatoires qu'elle entendoit que le Roy mon maistre fist, afin de l'acheminer à rendre contente vostre Sainteté de ses actions, & par icelles luy donner occasion de croire que sa conuersion est bonne: & en ce faisant qu'il pleust à vôtre Sainteté luy donner esperance de le recevoir au giron de l'Eglise de Dieu, comme aussi de luy donner conseil s'il iroit à la Messe, ou non; & pareillement luy declarer vostre intention sur les expeditions des Bulles. Lequel sieur Cardinal me

dit, qu'il n'auoit aucune charge de vostre Sainteté de m'en dire aucune chose; parce qu'elle ne vouloit aucunement se soumettre à donner conseil à NAVARRE, ains le laisser faire de luy mesme: mais que luy, comme Theologien, m'en diroit son aduis; duquel i'ay estimé ne deuoir faire estat, puis qu'il ne procedoit de vostre part; & suppliy seulement ledit sieur Cardinal de rapporter à vostre Sainteté ce que ie luy auois dit, comme il me promit de faire.

Ayant donc attendu iusques au 9. de ce mois la responce dudit sieur Cardinal de Toledo, & n'en ayant aucune, ie reconneus fort bien que ie n'en aurois point d'autre, & que l'on desiroit de m'amuser, & possible se moquer de moy, selon l'aduis apporté de Paris par ledit sieur Montorio. Ce qui me fit enuoier le sieur de Niulon vers Monsieur le Maistre de vostre chambre ledit iour, pour supplier vostre Sainteté de trouuer bon que le Lundy i'allasse me licencier d'elle, & luy baiser les pieds avec mon fils & les Gentilshommes qui s'en retournent en France avec moy, esperant aussi de m'expliquer si la volonté & resolution estoit telle, que m'auoit rapporté ledit sieur Cardinal de Toledo, lequel fit responce audit sieur de Niulon, qu'il en parleroit à vostre Sainteté, comme il fit, & le Lundy matin m'enuoya dire, que l'apresdinée i'allasse trouuer vostre Sainteté, comme ie fis; où estant ie luy dis, que m'ayant fait sçauoir ledit sieur Cardinal de Toledo, que vostre Sainteté ne vouloit me donner aucune responce par escrit, à cause qu'elle entendoit & vouloit que les lettres, memoriaux, & autres propos, que ie luy auois tenus & baillez de la part de mon Roy, ne luy eussent esté tenus & baillez par moy de la part de sa Maesté, mais de la mienne seulement, comme de propos familier & par forme de discours: & pour ce voyant que mon scieur en cette ville ne pouuoit plus me donner esperance de rapporter meilleure expedition que celle qu'il vous auoit pleu de me bailler, que ie m'estois resolu de m'en retourner en France, rendre le deuoir que ie deuois à mon Roy & à ma patrie: & partant que i'estois venu prendre congé de vostre Sainteté, luy declarant que ie m'en allois fort bien content de la gracieuse façon de laquelle il luy auoit pleu de traiter avec moy pour mon regard particulier, mais tres-mal content, voire avec vn desespoir inroyable, de la rigoureuse & seuerre resolution qu'elle auoit faite sur ce que i'auois traité avec elle, parce que ie preuoyois qu'elle apporteroit de sinistres accidens & à la France, & ailleurs: Et comme ie luy auois dit cy-deuant, i'eusse plustost désiré d'estre mort en la grace de Dieu, que de me voir réduit à vn effet si contraire à mon intention. Mais puis que mon malheur m'y auoit acheminé, ie n'y pouuois faire autre chose, sinon de le prendre en patience. A quoy vostre Sainteté me respondit, qu'elle voudroit auoir occasion de faire mieux qu'elle ne faisoit, & de mettre la paix en France avec l'honneur de Dieu; & que s'il ne tenoit qu'à se faire couper les bras & les iambes, elle le feroit tres-volontiers: mais qu'elle ne voyoit rien, qui la deust induire à

faire ce dont ie l'auois suppliée; & quand elle le verra, qu'elle le fera. Surquoy ie luy dis, qucie pensois luy auoir cy-deuant dit assez de choses pour l'induire à m'accorder la tres-humble supplication que ie luy auois faite. Mais puis qu'elle n'auoit voulu y auoir esgard, que ie ne l'en importunerois dauantage: & suppliois seulement Dieu, qu'il luy pleust de l'inciter à prendre meilleure resolution qu'elle n'auoit faite, & que ie m'en allois, & qu'il ne demeueroit icy ni Ambassadeur, ni Agent, ni Secrétaire qui peult parler vn seul mot des affaires de la France. Tellement que ie voyois que vostre Sainteté seroit encore plus mal informée, qu'elle ne l'auoit esté par le passé, mesmes par Monsieur le Cardinal de Plaisance, du tout ennemy du Roy & de nous, & partant que l'on la maintiendroir tousiours en telle haine & mauuaise opinion du Roy & de nous tous, qu'elle y est, & luy feroient faire encore pis contre nous de ce qu'elle a fait; & que le Roy auoit reconneu vne intelligence si grande entre ledit sieur Cardinal & le sieur Patriarche d'Alexandrie Nonce de vostre Sainteté en Espagne, que tous deux estoient plustost Ministres du Roy d'Espagne, que d'elle-mesme. Car chacun d'eux s'entendoit fort bien pour faire les affaires du Roy d'Espagne, ainsi que sa Maiesté mel'auoit mandé: & quant & quant enuoyay la copie de la lettre dudit sieur Patriarche adressante audit sieur Cardinal, par laquelle il montre la diligence qu'il fait pour pourchasser la ruine de la France, à laquelle il employe l'autorité de vostre Sainteté; disant, qu'il ne se pouuoit faire plus grande poursuite enuers le Roy d'Espagne pour l'affaire de la France, de ce que vostre Sainteté faisoit. Ce que n'eanmoins sa Maiesté n'a voulu croire, & luy baillay ladite copie tout ainsi qu'elle estoit venuë de la France. Ce que ie reconneus auoir fait quelque alteration au visage de vostre Sainteté, comme ie cuide, pour auoir veu que ledit sieur Patriarche auoit fait chose mal-seante à luy: & supplie Dieu qu'elle descouure leurs actions telles qu'elles sont, afin qu'il vous plaist d'y remédier. Vostre Sainteté prit ladite copie, & me dit qu'elle la verroit, & qu'elle n'oublieroit de faire tous bons offices pour remédier aux affaires de la France: & que si elle enuoye quelqu'un de delà, elle luy donnera charge de parler à moy; & que ie deuois m'asseurer qu'elle auoit tres-bonne intention de bien faire pour ledit Royaume, & que si elle luy escriuois, elle l'auroit agreable, & m'y feroit responce. Ce que ie l'asscuray de faire, & que ie seray bien-aise d'auoir occasion de luy escrire chose qui luy doie estre agreable.

Ces propos acheuez, mon filsvint baiser les pieds de vostre Sainteté, pour le licencier, auquel il vous pleut de donner vne croix d'or avec quelques esmeraudes, dans laquelle estoient quelques reliques, & de la vraye croix; aussi vn chapellet, qu'elle trouua bon au mesme instant de luy mettre au col; ce que ie n'osay luy commander de refuser, pour ne donner occasion à vostre Sainteté de penser que ie mesprisasse les choses saintes, & aussi que la valcur d'environ trois ou quatre cens escus

du dit present, les reliques ostées, n'estoit tel, qu'il peust donner occasion à personne de croire qu'elle eust pensé me vouloir donner tel contentement, qui peust aneantir le mescontentement tres-grand que j'ay de la despesche qu'il vous a pleu me donner. Et apres que mon fils eut fait son devoir, surviindrent les autres Genrilshommes François, qui en firent de mesme, desirans de s'en retourner avec moy trouver nostre Roy. Et apres eux ie baisay les pieds de vostre Sainteté, pour luy rendre le dernier deuoir de mon voyage: Et en ce faisant ie pris congé de vostre Sainteté, en intention de partir deux ou trois iours apres, comme ie fis.

Or, Pere saint, ayant pris congé de vostre Sainteté, & perdu toute esperance de pouoir retirer d'elle meilleure expedition que celle qu'elle m'auoit donnée, & me voyant reduit à rapporter au Roy mon seigneur, & à tous les bons François vne resolution si rigoureuse & si seueure qu'il vous a pleu de prendre sur mes tres-humbles & Chrestiennes supplications: ie me suis aduancé de rediger par escrit le sommaire de ce qui s'est passé touchant l'affaire pour laquelle le Roy mon Maistre m'a enuoyé à vos pieds, afin de donner occasion à votre Sainteté de considerer à loisir mieux que s'estime qu'elle n'a fait, l'importance d'icelle, & quant & quant d'y apporter quelque remede doux & gracieux conuenable à vostre qualité, suppliant tres-humblement V S de me faire ce bien que de m'aduerdir, si elle s'apperçoit que j'aye oublié à escrire chose qu'elle m'ait dit ou fait dire, & qu'elle desire que j'y adioust. Car ie luy obeiray de tres-bon cœur; estant d'ailleurs bien assuré de n'auoir dit chose qui ne soit veritable, pour le desir que j'ay eu de représenter à vostre Sainteté la verité des affaires de nôtre France, & de l'acheminet à l'embrasser comme ie l'esperois.

Pour cette occasion donc ie supplie tres-humblement vostre Sainteté de ne trouuer mauuais, si outre ce que j'ay dit cy-dessus, ie luy presente encore le traitement rude qu'elle a trouué bon de me faire, non seulement à la qualité de ma personne, mais à l'affaire qui m'auoit esté commise; afin de donner occasion à vostre Sainteté de considerer comme le tout s'est passé, & connoistre qu'elle a esté tres-mal conseillée; & puis se resoudre plus volontiers à addoucir sa rigueur, qu'elle a eu agreable de me faire sentir.

Vostre Sainteté se souuiendra donc, s'il luy plaist, du commandement exprés qu'elle m'a enuoyé faire à la Mouscha, cinq iournées distante de cette ville, par le Pere Pouffeuin, de venir resolu en cette ville à n'y demeurer que dix iours, & depuis de celuy que elle m'enuoya faire par Monsieur le Maistre de vostre chambre le huitiesme iour apres mon arriué, de m'expedier vistement, pour partir au plusloft; qui fait paroistre qu'elle ne me restraingnoit ce terme si court, sinon pour penser de me mescontenter, & donner occasion de ne venir en cette ville; & puis y estant venu, qu'elle desiroit de m'en chasser au plusloft, pour

ne vouloir entendre à la tres-humble requeste que j'auois à luy faire de la part de mon Roy penitent. Car l'on sçait assez, qu'en huit ou dix iours l'on ne peut quasi donner commencement à vne affaire de si grande importance; tant s'en faut qu'elle se puisse expedier dans vn terme si court. Aussi ie diray, que l'on n'a iamais accoustumé de donner vn temps si prefix, qu'aux ennemis, que l'on craint qu'ils ne brassent pendant leur seiour quelque chose preiudiciable au lieu où ils sont. Ce que iustement l'on ne peut dire de moy, sçachant que ie ne suis venu trouuer vostre Sainteté comme ennemy du saint siege & d'elle, mais pour l'honorer & faire receuoir en vostre bergerie pontificale vne brebis esgarée des plus excellentes de la Chrestienté, & tres-suffisante pour y en ramener apres elle vne quantité si grande, que les forces du Roy d'Espagne & celles de la Ligue ensemblement ne le sçauroient iamais faire. Et si j'ay seiourné plus longtems en cette ville que les dix iours, j'en dois attribuer la cause à la goutte qui est suruenüe à vostre Sainteté, & d'autres accidens & interruptions qu'elle a eu, & à la proposition que Monsieur Montorio venu de Paris, à faite de m'y amuser pour retarder mon retour près du Roy mon Maistre; & non pas à la volonté de vostre Sainteté, parce qu'elle n'a iamais trouué bon de me prolonger ledit terme de dix iours, quelque instante supplication que ie luy en aye peu faire par plusieurs & diuerses fois, le Dimanche 21. le Mardy 23. & leudy 25. de Nouembre, & depuis fait supplier par ledit sieur Cardinal de Toledo, quand il m'est venu parler de vostre part, comme j'ay dit cy-dessus, dequoy ie veux croire que vostre Sainteté se ressouenant, elle aura regret de l'auoir fait par le conseil pernicieux de ceux, qui pour plaire à autrui, desirent de ruiner la France, & possible au dommage de vostre Sainteté & du saint siege.

De mesme ie veux croire qu'elle n'approuuera non plus le commandement qu'elle me fist au mesme temps, & par le mesme pere Poussuin, que venant en cette ville, j'y vinsse avec moindre apparat de compagnie que ie pourrois, pour les raisons cy-dessus alleguées. Car il semble qu'il deuoit suffire à vostre Sainteté de ne m'auoir fait rencontrer avec les honneurs accoustumez aux Ambassadeurs des Rois de France, & aussi de ne me donner le consistoire accoustumé; sans me prescrire vne loy si rigoureuse & si contraire à ma qualité: quand dis-je, ie n'aurois point le tiltre d'Ambassadeur d'un Roy de France. Car elle eut assez amplement tesmoigné à vn chacun par tels actes, que son bon plaisir estoit de ne me receuoir comme Ambassadeur. Et au reste, qu'elle ne vouloit m'empescher de tenir & garder le rang qui iustement m'est deu, à cause de la maison d'où ie suis issu, & que ie tiens en France. Car le Pape Sixte cinquieme, qui a acheminé vostre Sainteté au Pontificat, par le chappeau qu'il vous donna, ne vous a pas donné exemple de me traiter de telle façon, en la reception honorable qu'il fit à Monsieur de Luxembourg venu le trouuer, non de la part d'un Roy Tres-Chrestien,

mais des Catholiques Royaux qui seruoient lors sa Maesté, non dis-je, pour luy apporter la nouuelle de sa conuersion, mais seulement quelque apparence. D'ailleurs Gregoire 14. n'a pas aussi donné tel exemple à vostre Sainteté en la reception tres honorable qu'il fit aux Ambassadeurs du Moscouite, schismaticque, voire heretique, qui le vinrent trouuer de sa part; non pour le reconnoistre vicaire de Iesus Christ ni luy rendre le deuoir qui luy estoit deu, mais seulement pour le requerrir de l'assister à l'endroit du Roy de Pologne, afin qu'il ne luy occupast l'autre partie de la Liuonie qu'il n'auoit encore prise. Car outre la reception qu'il leur fit d'Ambassadeurs, il escriuit en la faueur du Moscouite au Roy de Pologne, comme il l'en auoit prié, ores qu'il ne donnast aucune esperance à sa Sainteté de se faire Catholique, ni de reconnoistre le saint siege.

I'adiousteray encore le refus que vostre Sainteté a fait, de ne vouloir permettre à Monsieur le Marquis de Pizany, durant vn an tout entier, de venir luy baiser les pieds de la part de tant de Princes du sang Royal, & d'autres Princes, Seigneurs & Clergé qui assistent le Roy, pour luy rendre tesmoignage de l'humilité & obeissance qu'ils luy portent, & pour luy ouuir les moyens bons & faciles pour effectuer la conuersion de nostre Roy, laquelle deslors nous voyons fort preparée; & en ce faisant, vous rendre le vray pere commun de la France. Et non content de n'auoir voulu escouter ledit sieur Marquis durant vn si long temps, elle a esté poullée de luy commander, estant en chemin pour aller à Lorette, de sortir hors des terres de vostre Estat, comme s'il estoit ennemy du saint Siege, & non pas vn personnage plein d'honneur & tres-Catholique, comme il s'est fait connoistre pour tel aux ambassades où il a esté employé en Espagne l'espace de dix ou douze ans, & en cette ville cinq ou six. Ce que, Pere saint, ie vous laisse à penser, s'il n'apportera pas grand desplaisir à tant de personnages de qualité, qui l'auoient delegué vers vostre Sainteté. Car on ne scauroit dauantage mespriser vne personne, que de ne la vouloir escouter; & enfin la chasser hors de ses terres, sans luy en dire l'occasion. Si par aduenture vostre Sainteté eust eu quelque mescontentement particulier de sa personne, il eut esté plus à propos de le luy faire dire dès le commencement qu'il vint en Italie, par Monsieur le Duc de Mantouë mon Nepueu, que non pas de le faire par son Altesse persuader d'auoir patience & declarer sa commission; luy donnant par là esperance de le receuoir. Car il eust aduertey ceux qui l'auoient deputé, du refus qu'elle faisoit de le receuoir, afin qu'ils en commissent vn autre en sa place; & le tout fut passé avec quelque honneur; au lieu que l'ayant traité si rudement, l'on a pris argument de croire que l'on ne desiroit point qu'il vint à Rome pour declarer la verité, & contredire les fausses impressions que l'on auoit semé en cette ville du Roy & de nostre France, & qui estoient entrées bien auant dans vos oreilles. Le pauvre Pere Poussuin Iesuite, choisi par vostre Sainteté, d'entre

tant de gens d'honneur qui sont en cette ville pour l'enuoyer au deuant de moy à me declarer vos volonte & intentions, a esté finalement contrainct de s'enfuir de cette ville, pour vous auoir dir, & à aucuns Cardinaux, partie des moyens que ie pretendois d'ouir à vostre Sainteté pour faciliter les affaires de nostre France; parce qu'il fut tenu pour vn politique & du tout affectionné à mon Roy, puis qu'il n'exaggeroit contre luy, comme l'on vouloit qu'il fist, plustost que de faciliter la reconciliation de sa Maiesté avec vostre Sainteté, & remettre son Royaume en paix, & éuiter tant de maux qui aduiendront.

Ie suis contrainct encore de presenter à vostre Sainteté le commandement qu'elle a fait faire à Messieurs les Cardinaux peu auparauant ma venue en cette ville, de ne me visiter, & qui pis est, de ne le laisser visiter par moy; comme si i'estois personne indigne de parler avec eux, ou excommunié. Ce que vostre Sainteté sçauoit fort bien le contraire, & qu'il n'y auoit tache en moy qui me peust empescher de parler à eux. Néanmoins pour toutes les supplications que ie luy aye peu faire par diuerses fois, ie n'ay iamais peu obtenir cette grace & faueur de vostre Sainteté que de les visiter en particulier & en general, comme i'en auois de mon Roy charge expresse, & lettres pour leur presenter, afin de me congratuler avec eux de la conuersion de sa Maiesté, & les informer de ce qui estoit passé, & les supplier de l'assister enuers vostre Sainteté en cette affaire; ayant protesté par plusieurs fois à vostre Sainteté, que ie n'entendois point qu'elle donnast permission ausdits sieurs Cardinaux de me visiter, parce que ie ne recherchois point cet honneur. Car il ne se trouuera aucunement sur les liures, ni par les traditions humaines, que l'on ait iamais empesché les parties d'informer les Iuges & Conseillers des grands Princes qui doiuent assister au iugement de leur cause, comme Messieurs les Cardinaux doiuent faire les Papes en telles matieres si importantes, comme Conseillers naiz du saint Siege, & lesquels à cette occasion ont leur demeure establee en cette ville près d'eux: autrement leur residence ne seruiroit que pour tesmoigner les prouisions des benefices que les Papes donnent aux consistoires, & comme des Chanoines aux seruices solempnels. Dont, Pere saint, ie ne puis me retenir de vous dire en toute humilité, que ie doute bien fort que tels refus ne donnent à penser qu'elle ne vouloit que l'affaire de mon Roy fust entendu par tels personnages d'honneur accomplis de vertu, contre la coustume gardée au fait de la iustice, qui doit estre distribuée sincerement & droitement à chacun, & donner libre accès indifferemment à tous pour la requierir, informer les Iuges, & plaider contre les plus grands Princes de la terre. Dieu a enseigné par le vieux & nouveau Testament les Iuges, comme ils doiuent se gouuerner en la distribution de la iustice.

Pareillement, ie feray ressouvenir à vòtre Sainteté du refus qu'elle m'a fait, de communiquer le memorial susdit à Messieurs les Cardinaux du sacré College, qu'elle connoissoit auoir le iugement & l'ame bonne,

& du tout esloignée de passion & d'intérest particulier en cette affaire, & à chacun d'eux respectivement demander en secret leur aduis sur icelle, pour leur donner plus de liberté & d'assurance de le vous dire avec sîneere conscience, & sans crainte de déplaire à personne, & puis en plein Consistoire faire redire sommairement l'aduis de chaeun, afin de vous en servir & aider à trouver le vray remede nécessaire à nos maux, ainsi que de tout temps les Papes vos predecesseurs ont fait, voire en beaucoup moindre occasion que cette-cy, pour le desir qu'ils ont eu de rendre leurs actions iustificées à tout le monde, & de descharger leur conscience enuers Dieu du iugement qu'ils donneroient. Ce que d'autant plus me sembloit que vostre Sainteté deuoit faire, parce qu'elle ne prenoit conseil que de Messieurs les Cardinaux des Congregations de l'Inquisition & de France, la plupart desquels se peuuent appeller plustost Aduocats & Procureurs du Roy d'Espagne & de Monsieur son Ambassadeur, que non pas iuges & Conseillers de votre Sainteté en cette affaire; parce qu'aucuns sont naturels Espagnols, autres suiets tres-affectionnez du Roy d'Espagne, autres obligez à la Maîesté Catholique par pensions qu'ils ont de luy, & quelques vns le recherchent bien fort, pour l'esperance qu'ils ont d'estre faits Papes par sa faueur, reconnuë maintenant en cette ville seule, & omnipotente en tout. Et pour mieux confirmer mon dire, i ay dit à vostre Sainteté, & il est vray, que pour le moins vne demie douzaine de Cardinaux, apres auoir assisté vostre Sainteté à dire tant deuotement, comme elle fit, la grande Messe le iour de Noël, à laquelle mon ame receut beaucoup de contentement; si tost qu'ils furent sortis de table, allerent visiter Madame l'Ambassadrice d'Espagne, au lieu d'aller à Vespres ou visiter les lieux saints, comme la journée deuotieuse le requiert, & l'exemple tres-pieux que votre Sainteté leur auoit donné le matin. Neantmoins vostre Sainteté n'a trouué bon d'accorder aueunement ma demande, disant qu'elle n'estoit tenuë de communiquer au College de Messieurs les Cardinaux, sinon ce que bon luy sembloit; & qu'elle ne se vouloit conseiller, sinon à ceux qu'il luy plairoit; & finalement qu'elle ne vouloit s'assuiettir à demander aduis qu'à ceux qu'elle iugeroit à propos, attendu qu'elle seule auoit à respondre deuant Dieu de ses actions; ainsi que depuis elle l'a déclaré au Consistoire qu'elle tint le Lundy 20. du passé, trouuant fort mauuais qu'il y eust eu quelques vns de Messieurs les Cardinaux qui se fussent plaints, dequoy elle ne leur communiquoit cette affaire si importante. De sorte que ie n'ay pas grande occasion de m'estonner, si la responce qu'il vous a pleu de me faire a esté rigoureuse & seuer, estant procedé d'un conseil si passionné: mais bien que votre Sainteté l'ait fait telle, ie doute bien fort que tel refus ne donne matiere à plusieurs de eroire, que l'occasion qui a retenu votre Sainteté de vouloir qu'autres que les susdits Cardinaux prissent connoissance de cette affaire & luy en donnassent aduis, a esté parce qu'elle n'estimoit les autres Cardinaux capables de vous donner conseil en affai-

re de si grande importance, ou bien que vostre Sainteté craignoit qu'ils la persuadassent de faire autrement de ce qu'elle auoit desia resolu avec ceux des deux Congregations, & promis à Monsieur l'Ambassadeur d'Espagne auparavant mon arriuée en cette ville, comme ie le diray cy apres; & par consequent qu'elle soit tellement enucloppée & detenuë en suietion par ceux qui desirent la ruine de la France, qu'elle ne puisse faire ce que par son bon naturel elle feroit, si elle estoit libre de telle suietion.

Et d'autant plus le croiront, lors qu'ils sçauront l'instance supplication & poursuite que j'ay faite à votre Sainteté, de demander aduis sur telle affaire à l'Empereur & aux autres Princes de la Chrestienté, pour rechercher le vray moien pour remedier à tels malheurs, & qu'elle ait trouué bon de reietter vn conseil si sage & si prudent qu'est celuy desdits Princes & Cardinaux, esloignez d'interest particulier, consommez & experimentez à manier grandes affaires d'Estat, pour se tenir seulement à celuy desdits Cardinaux passionnez, estimant que si vostre Sainteté eust désiré d'assoupir nos guerres ciuiles & esuiter la suite de tant de maux qu'elles amènent, elle eût recherché l'aduis desdits sieurs Princes & Cardinaux, & d'autres encore, plustost que de le reietter. Et en ce faisant vostre Sainteté eût esuité le doute qu'elle m'a quelquefois dit auoir de s'entremettre en nos affaires, pour crainte de faire chose contraire à son attente, & preiudiciable à son ame. Car ie croy fermement qu'elle eût trouué l'vnique remede à nos maux, comme l'experience le nous apprend, parce que tant plus vne affaire importante est consultée parmy les esprits excellens, elle s'esclaircit dauantage: tout ainsi que fait le miel iaulne quand il est beaucoup agité. Je ne puis certainement croire que si vostre Sainteté voioit de ses propres yeux la demolition de plusieurs beaux & grands Monasteres qui se fait, & le desordre qui s'engendre tous les iours plus parmy les gens Ecclesiastiques, qu'elle en auroit horreur, & que le cœur luy fremiroit de voir tant de Cures abandonnées par leurs Curez: & par consequent tant de peuple Catholique destitué des sacremens de l'Eglise, & de l'instruction spirituelle qu'ils doiuent auoir pour les maintenir en la connoissance de Dieu, dont la plupart demeurent forciers, & meurent damnez: & non seulement telle perte sera de trois ou quatre personnes, mais de beaucoup de millions d'ames qui sont maintenant Catholiques. Car la rage des soldats, mesmes estrangers, est si grande, qu'elle les induit à faire toutes sortes d'impietez qui se peuuent imaginer, non seulement contre le pauvre peuple, mais à l'endroit des gens Ecclesiastiques, voite de leur party. Je ne sçay si telles ames damnées accuseront en plein iugement deuant Dieu ceux non seulement qui sont cause de leur damnation; mais aussi ceux qui auront presté consentement, pour n'auoir voulu y apporter le remede qui estoit en leur pouuoir. C'est pourquoy, Pere saint, ie croy que quand votre Sainteté aura bien consideré la proposition que ie luy ay faite, elle

aura regret de ne l'auoir embrassée, & sera fâchée contre ceux qui l'auront retenu de ce faire. Et puis que ie suis sur tel propos, ie ne puis me retenir que ie ne die à vostre Sainteté, qu'il a esté trouué fort mauuais en France que l'on ait escrit à Monsieur le Cardinal de Plailance, & au sieur Duc de Feria qui sont à Paris auparauant mon arriuée en cette ville, qu'ils ne se donnaient point de peine de ma venue à Rome, parce que mon sejour y seroit fort court, & que ie ne rapporterois aucune résolution sur l'absolution de nostre Roy, & qu'ils en assurassent ceux de la Ligue, afin qu'ils ne prissent quelque ombrage de ma negociation, qui les fist precipiter entre les bras de NAVARRE : car l'on a veu que telles nouuelles se sont trouuées veritables & conformes à ce que vostre Sainteté m'a enuoyé dire à la Moulecha. Ce qui m'a donné vn merueilleux mescontentement, d'auoir conneu que l'Ambassadeur d'Espagne ait esté si bien aduertý, & que la sentence auoit esté donnée auparauant que vostre Sainteté m'eust ouý, contre les preceptes & exemples que Dieu nous a donnez par les premiers iugemens terribles qu'il donna contre Adam & Cain, lesquels il voulut ouïr auant que de les condamner, bien qu'il sceut le peché qu'ils auoient fait. Chose qui pourra imprimer en l'esprit de plusieurs vne tres-mauuaise opinion de vostre Sainteté, & encore plus si elle continuë en la resolution que ledit sieur Ambassadeur a escrit audit sieur Duc de Feria. De ma part, ie pensois l'auoir suppliée de requeste iuste & raisonnable, & qu'elle deust l'accepter, tant pour le deuoir de sa charge que descharge de son ame, qu'aussi pour laisser vne memoire heureuse de soy, tout autrement que n'ont fait Leon & Clement ses predecesseurs, sous lesquels grande partie de la Germanie & l'Angleterre se sont distraits de la reconnoissance du saint siege. Mais ie connois bien m'estre grandement abusé, & n'en desplait.

Quant à mon particulier, ie vous proteste, Pere saint, que ie ne vey aucunement me tenir offensé de toutes les indignitez qu'il vous a pleu de me faire, bien qu'elles ayent esté tres grandes, parce que i'ay reconneu qu'elles ne preuenoient de vostre bon naturel, mais du conseil tres-pernicieux qui vous a esté donné de me despiter, pour me donner occasion de resoudre par moy-mesme de ne venir en cette ville, selon que le desiroient Monsieur l'Ambassadeur d'Espagne & les deputez de la Ligue, & qu'ils vous en ont supplié, ne pouuans croire que i'eusse resolu d'y venir, si la force ne m'en empeschoit, ni que i'eusse le courage si grand de me resoudre à supporter les indignitez & les affronts que l'on me feroit, comme i'ay fait, pour tâcher à surmonter toutes les difficultez qui s'opposeroient à moy, pour esclarcir & reduire à bon port l'affaire que i'auois à traiter avec vostre Sainteté. Et pour ce ayant reconneu que tout cela procedoit du naturel tres-mauuais de ceux qui taschent de violenter le vostre bon; i'ay voulu de propos delibéré supporter le tout, & me ranger pour ce regard à vos commandemens, mesme parce que i'ay tousiours estimé que tant plus ie serois humble

en vostre endroit, & qu'elle me rudoyeroit, & que ie l'endurerois, cela seruiroit à iustifier dauantage, tant à l'endroit de mon Roy qu'à la France, que ie ne serois cause que vostre Sainteté me donneroit vne si rigoureuse & seuer despesche. D'ailleurs aussi tesmoigneroit à vostre Sainteté & à toute la Chrestienté, l'obeissance & humilité que mon Roy penitent m'a commandé de porter pour luy à vos commandemens. Ce qui, Pere saint, m'a induit pendant mon seiour en cette ville, d'y demeurer si priuement qu'elle le desiroit, pour ne luy donner occasion de se plaindre de moy; dont ie puis dire avec verité auoir esté par les ruës aussi simplement que fait vn Gentil-homme de petite qualité, & dans mon logis sans aucune visite, à cause que chacun craignoit de déplaire à vostre Sainteté. Et pour ce n'y sont pas seulement venus ceux qui sont grandement obligez à la Couronne de France, & diray encore à moy pour leur auoir fait plaisir. Les Minimes de la Trinité, qui sont la pluspart François, n'ont osé me recevoir la veille de Noël dans leur enfermerie pour y faire mes deuorions, comme i'estois accoustumé de faire en leur Couuent près Paris; parce que leur Vicaire general Neapolitain, suscité, comme ie cuide, par aucuns Religieux Espagnols, que l'on a depuis peu de temps mis par force dans ledit couuent, contre les priuileges d'iceluy (pour estre destiné seulement aux François) ne le voulut permettre, & vint luy-mesme le declarer. Dequoy neantmoins ie n'ay voulu m'en plaindre à vostre Sainteté, de crainte de l'importuner. Ce qui vous doit faire connoistre l'humilité & le respect que ie luy ay porté, & de mesme pourra faire Monsieur le Maistre de vostre chambre; en ce que pour obeir au commandement qu'il me fit à la deuxiesme audience du leudy 25. Nouembre, d'amener avec moy fort peu de Gentilshommes François, ie n'introduisis avec moy que deux Prelats Italiens residans en cette ville, au lieu de quelques soixante dix Gentilshommes François, qui en la precedente audience estoient venus avec moy pour se faire connoistre bons seruiteurs de nostre Roy. Et neantmoins i'ay bien reconneu que tel commandement ne fut pas fait à Monsieur l'Ambassadeur d'Espagne, le Samedy ensuiuant. Car il amena apres luy, allant à l'audience, soixante dix carrosses, pour penser de me faire vne brauade à l'Espagnolle, au lieu de dix ou douze qu'il souloit y amener. Toutes lesquelles choses, ie doubte, Pere saint, ne soient trouuées gueres bonnes par ceux qui considereront la personne que ie represente, & l'importance de l'affaire pour laquelle i'estois venu; dequoy pour mon particulier ie ne veux m'en tenir offensé, mais obligé de l'honneur qu'il vous a plu de me faire pendant mes audiences, ayant voulu traiter avec moy de telle humanité & douceur qu'elle pourroit faire avec Messieurs ses propres nepueux, & me faire tant d'offres que elle a faites, accompagnées des langages honnestes qu'il vous a plu non seulement de me tenir, mais à plusieurs autres, avec beaucoup de propos fort honorables pour moy. Et enfin

de m'auoir fait visiter par Messieurs les Cardinaux vos nepueux, apres m'estre licencié de vostre Sainteté; dequoy ie l'en remercie tres-humblement.

Comme aussi d'auoir trouué bon de n'adiouster foy aux impostures que Monsieur le Cardinal de Plaisance vous a escrit de moy en Aoust dernier; disant en premier lieu, qu'il m'auoit conuié de parler à luy lors que j'estois à saint Denis, & que ie ne luy auois fait aucune response. D'ailleurs que j'auois fait prendre à Neuers toutes les lettres qui n'estoient paruenues en vos mains, & en ce faisant auoir scié son pernicieux dessein, qui estoit de me rendre par telles impostures si odieux à vostre Sainteté, qu'elle prist suiet de ne me voir ni escouter; & par consequent de m'oster le moyen de vous declarer la verité des affaires de nostre France, & les comportements dudit sieur Cardinal. Et par mesme moyen de me iustifier de ses calomnies, comme ie pense auoir fait, ayant fait entendre à vostre Sainteté, que sur la proposition que ledit sieur Cardinal m'enuoya faire de parler à luy, ie fis response, avec la permission du Roy, à Monsieur de Chanualon honneste Gentilhomme de leur party, & grand amy dudit sieur Cardinal, que j'estois content de retarder mon parlement de S. Denis iusques au soir, pour parler à luy aupres de Paris, où j'irois, lequel s'en retourna trouuer ledit sieur Cardinal, & puis m'escruiuit de sa part qu'il ne pouuoit me voir; lequel, j'estime, rompit son dessein de me voir, quand il entendit par ledit sieur de Chanualon, que s'il ne desiroit de parler à moy pour autre chose que pour me diuertir de venir me rendre à vos pieds, il n'auoit que faire de s'incommoder: & serresolut de me calomnier pour penser de m'oster le moyen de baïser les pieds de vostre Sainteté, & en ce faisant obtenir son intention. J'ay représenté à vostre Sainteté la propre lettre que m'a escrite ledit sieur de Chanualon, afin de luy iustifier mon dire, & la calomnie dudit sieur Cardinal. Je pense aussi auoir suffisamment verifié à vostre Sainteté le contraire de ce qu'il vous a écrit touchant lesdites lettres interceptes, pour vous auoir fait connoistre que ledit sieur Cardinal, sachant fort bien que la ville de Neuers est en l'obeissance du Roy, & qu'il y a garnison payée par sa Maïesté, il n'est pas vray-semblable qu'apres auoir reconnu que l'on luy auoit pris deux ou trois de ses paquets passant par ladite ville, il ait voulu continuer à y faire passer les autres, mais qu'il aura fait tenir autres chemins à ses messagers pour aller à Lion ou en Lorraine, pour les porter seurement, ainsi qu'il le peut faire, & que la verité est qu'il a fait. Dequoy il m'a semblé que vostre Sainteté en demeure esclairee, & d'ailleurs contente de moy; & que par là elle a peu connoistre que ledit sieur Cardinal ne m'aime gueres, me calomniant si estrangement en vostre endroit, sans luy en auoir donné occasion, si ce n'est pour m'auoir reconnu autant enclin à conseruer la Couronne, que luy est à pourchasser sa ruine. Dequoy i'espere au moins tirer tel profit, que reconnoissant vostre Sainteté l'animosité que ledit sieur Cardinal

nal Segar en mon endroit, elle n'adiouftera plus de foy à ce qu'il vous efcrira contre moy, pour penfct de me fier les bras, les iambes & l'honneur, ainfi que l'ay reconneu qu'il en a la volonté, ayant cy-deuant efcrit à vofre Sainteté au mois d'Avril dernier, que Monsieur de Guife m'auoit fait fuir depuis Chably iufques à Nevers, diftant de trente lieuës, lors que j'allay expreflement le trouuet au commencement du dit mois d'Avril près de ladite ville de Chably, pour luy offrir la bataille; auquel temps il fut contraint de fe retirer à la faueur de ladite ville, & le lendemain d'aller à Auxerre, diftant de fept lieuës de là, & puis à Troyes, ainfi qu'un chacun l'a veu & conneu; parce qu'à la verité il n'auoit lors les forces efgalles aux miennes, & croy que s'il les eust eues, qu'il ne fe fust retiré fi loin, pour efre Prince valeureux. En quoy vofre Sainteté peut connoiftre que ce que ledit fieur Cardinal vous a efcrit contre moy, prouient de propos deliberé; puis qu'il fçait qu'il vous a efcrit le contraire de la verité. Et de mefme, ie croy qu'il fait encore tous les iours à l'endroit de ceux qu'il n'aime point & qu'il defire de ruiner en vofre endtoit, comme il fait non feulemẽt Messieurs les Princes du fang & tous les Catholiques qui feruent le Roy, mais fa Maiefté; ainfi que par autrés lettres qu'il vous a efcrités l'on l'a reconneu, n'ayant tenu à luy que vofre Sainteté n'ait exclus Messieurs les Princes du fang de la fuccellion de la Couronne, & excommunié tous les Catholiques qui feruent le Roy; mais à la prudence de vofre Sainteté qui luy fit refponfe au mois de May dernier; qu'elle ne trouuoit bon ni l'un ni l'autre, & auffi peu d'autres propositions qu'il vous auoit faites.

Et puis que l'ay reconneu fon mauvais naturel, ie ne veux obmettre de faire refouuenir à vofre Sainteté l'aduertiffement qui m'a efre donné, que ledit fieur Cardinal Segar auoit déclaré à Paris au Mois de Iuillet dernier, que l'intention de vofre Sainteté estoit, que Monsieur de Guife fust Roy; & pour le faire croire, qu'il prefenta certain efcrit qu'il difoit venir de vofre part. Car ie ne pouuois croire qu'elle eust voulu violenter l'ellection des deputez de leurs Etats par vne fimple proposition: ce que ie trouuy efre veritable; parce que vofre Sainteté me fit refponfe qu'elle ne pouuoit croire qu'il fe fust tant aduancé, que d'employer vofre nom en chofe de laquelle il n'auoit aucune charge, & s'eftonnoit de telle nouuelle, comme à la verité elle en eut occafion, & croy qu'elle feroit fort bien de l'ofter de là au pluftoft, pour n'efre aucunement propre pour effectuer l'intention bonne que vofre Sainteté dit auoir de conferuer la Religion & la Couronne entiere; ou à tout le moins, ne luy adioufter plus de foy, comme ie la fupplie tres-humblement en ce qu'il luy efcrira du Roy & de nous tous, comme ennemy qu'il s'eft par trop déclaré contre nous; & diray cela, fans qu'il luy en ait efre donné aucune occafion. Vofre Sainteté fe fouuiendra auffi, s'il luy plaift, de ce que ie luy ay dit, n'auoir iamais refusé de parler aux Miniftres des Papes vos predeceffeurs, par les bons & licites moyens,

ainſi que les lettres que ie leur ay eſcrites, & celles qui m'ont eſté reſponduës par Meſſieurs les Cardinaux Gaïetan & Landrian que i'ay près de moy, en ſon ample foy. Toutes leſquelles choſes i'ay eſtimé deuoïr laiſſer par eſcrit à voſtre Sainteté, afin de luy faire reſſouuenir de la verité contraire aux impoſtures qui vous ont eſté données, & quant & quant pour luy rafreſchir la memoire de l'obligation que ie reſſens de luy auoir pour les choſes ſuſdites : & deſirerois tres-volontiers, Pere ſaint, qu'il vous pleuſt de m'obliger autant en l'affaire de mon Roy, pour lequel ie ſuis venu me rendre à vos pieds : car ie ne me trouuerois au deſeſpoit auquel ie ſuis reduit. Lequel, Pere ſaint, me contraint de ſupplier tres-humblement voſtre Sainteté, pour fin de cet eſcrire, de vouloir addoucir ſa rigoureuſe & ſeuere reſolution, & m'obliger tellement à elle, que ie puiſſe dire d'y eſtre preſque autant obligé qu'à mes pere & mere, leſquels s'ils m'ont donné l'Eſtre en ce monde, ie n'y reçois que miſères, entre leſquelles cette-cy eſt des plus grandes que i'aye iamais eües. Mais ſi voſtre Sainteté me fauoriſe tant que de m'accorder la tres-humble requeſte que ie luy ay faite pour le Roy mon Maiſtre penitent, & ſi affectionné qu'il eſt en voſtre endroit : ie pourray à iuſte cauſe dire qu'elle m'aura tiré de cette miſere, & acheminé à meriter la vie eternelle pour les grands biens qui en aduiendront.

Doncques, Pere ſaint, reconnoiſſez, ie vous ſupplie tres-humblement, qu'eſtes le vray vicaire de Ieſus-Chriſt, qui eſt deſcendu du ſein de Dieu ſon pere expreſſement pour venir rapeller le genre humain à la conuerſion, & pour payer la dette de ſa faute & peché, qui eſt proprement faire la penitence de noſtre forfait. Il n'a ſeulement trouué bon de ieufner & endurer grandement en ce monde, mais en la fleur de ſon aage voulut eſtre tourmenté, & enfin eruciſié & mis à mort par ceux leſquels il eſtoit venu pour ſauuer de la damnation eternelle, & pour leſquels au plus grand tourment de ſon mal il pria Dieu ſon pere qu'il leur pardonnâſt la faute qu'ils faiſoient. Qui vous doit, Pere ſaint, donner exemple, non de vous faire crucifier & endurer vne ſeulement douleur pour receuoir cette brebis ſi penitente en voſtre bergerie, ni moins l'aller rechercher trois pas de voſtre hoſtel, mais ſeulement vous eſmouuoir à compaſſion à la clameur de ſa voix tremblante, qui inceſſamment crie comme i'ay fait pour elle, & vous ſupplie en toute humilité les genoux à terre, les mains iointes, les larmes aux yeux, tour eſmeué & dolente, de la vouloir receuoir en l'Egliſe de Dieu, afin qu'elle puiſſe participer à ſes treſors ; & ce par le merite du precieus ſang eſpandu par le Sauueur en l'arbre de la Croix, autant pour luy que pour vous ; & en ce faiſant luy donner le moyen de faire le ſalut de ſon ame.

Souuenez-vous, Pere ſaint, de la ioye que les Anges font ſur la conuerſion du pecheur, & partant aſſiſtez les en telle action. Souuenez-vous, Pere ſaint, qu'un homme peut grandement alrerer les affaires de la Religion Catholique, & un homme les peut pareillement redreſſer,

comme l'on en a veu plusieurs exemples. Ce Prince a grande suite apres luy, & peut beaucoup pour l'augmentation de la Religion Catholique. Souvenez-vous, Pere saint, que l'occasion est chauce, & qu'une chose faite à temps & à propos profite beaucoup plus, qu'estant faite apres; & que maintenant il est en vos mains de faire une œuvre des plus grandes qui se puisse faire en ce temps. Ce que par adventure aurez cy apres regret de ne l'avoir effectué. Les guerres & troubles de nostre France ont eu quelque repos par la trêve que le Roy mon Maistre a accordée à ceux de la Ligue; mais si la guerre continuë, il y a danger qu'elle n'apporte beaucoup de ruine au peuple innocent, & du desordre en la Religion Catholique. Souvenez-vous, Pere saint, du deuoir de bon Pasteur, & de l'honneur que vostre Sainteté acquerera, donnant la paix & le repos à ce grand Royaume. Souvenez-vous, Pere saint, que c'est un Prince tres-Christien, issu de la genereuse race de saint Louis, Roy du premier Royaume de la Chrestienté, & que ses predecesseurs ont plus aidé & secouru les Papes & le saint siege, que tous les autres Princes de la Chrestienté; voire ie diray qu'ils ont grandement accommodé les Papes vos predecesseurs en terres de grande importance, en dignité & choses precieuses, au lieu que d'autres ont arraché du saint siege de fort belles & honorables Prouinces, & les tiennent encore à son mespris. Souvenez-vous, Pere saint, que ce grand Royaume & tant de bons Catholiques qui y sont, ne meritent pas d'estre mesprizez par vostre Sainteté. Je luy en ay dit cy-dessus les raisons, qui me gardera de les redire: mais seulement ie vous supplie tres-humblement de croire que s'il ne plaist à vostre Sainteté de recevoir à penitence nostre Roy, elle tesmoignera à nous tous, qu'elle nous desdaigne, voire qu'elle pretend de nous accabler. Ce qu'elle ne pourra faire, & neantmoins nous poussera à nous precipiter, & à faire ce qui n'a peu encore entrer en nos cœurs. Car cette Noblesse & peuple est tres-Catholique & genereux, & ne souffrira patiemment de voir que vostre Sainteté differe de recevoir nostre Roy à penitence, croiant que ce soit par l'advis & conseil de ceux qui desirent la ruine de la France; & que pour leur plaisir elle ne vueille y donner la paix, mais qu'elle desire que la guerre continuë, pour leur donner moien d'assouvir leur ambition. Chose qui les pourra possible induire à faire quelque acte contraire à vostre volonté, qui vous desplaira & à ceux qui ont pris possession de la conseiller: & si elle ne le fait, elle sera retenue par l'affection & le zele que le Roy mon Maistre a à l'endroit du saint siege. Vostre Sainteté sçait fort bien, que tandis qu'une porte est sur ses gonds, on la manie aisement pour grande qu'elle soit; mais en estant hors, il est tres-malaisé de la remuer, & tres-difficile de la remettre en son lieu. L'exemple de tant de Prouinces de l'Asie, Afrique, Europe, & de la Religion Grecque en font ample foy, sans que ie les particularise. Il vaudroit beaucoup mieux que l'on exterminast tout en un coup tant de Noblesse & peuple Catholique qui seruent le Roy à conserver la Cou-

ronne & la Religion, que non pas de les maltraiter. Car vn cœur noble qui se sent offensé sans occasion, ne peut facilement l'endurer. Si donc vostre Sainteté n'a le moiën de ce faire, ie la supplie tres-humblement de prendre quelque autre meilleur expedient, afin de terminer les guerres en nostre Royaume : car tous les nobles & peuples de tous costez vniuersellement le desirent; sans vous arrester au dire des babillards, qu'il soit au pouuoir du Roy d'Espagne, & de ceux de la Ligue de chasser nostre Roy, & tant de personages d'honneur qui le seruent. Car ils vous trompent, & desirent seulement de vous enueller, pour vous faire acheuer de vider le tresor que Sixte cinquiesme a assemblé; comme Gregoire quatorzieme y a tres-bien commencé, ayant despensé quinze cens mille escus fort inutilement, comme chacun le sçait, sans qu'il en ait esté rendu aucun compte, comme il deuoit desia auoir esté fait. Considerez, Pere saint, que cette affaire est des plus grandes qui soir aduenüe en la Chrestienté depuis l'éuenement de Luther. Souuenez-vous, Pere saint, que les Papes vos predecesseurs ont assemblé des Conciles geneaux pour beaucoup moindre occasion que cette-cy. Souuenez-vous, Pere saint, que vos predecesseurs ont enuoié iusques au Leuant & Ponant pour rechercher les Princes desuoiez de la Religion, afin de les ramener à l'Eglise de Dieu. Souuenez-vous, Pere saint, que Iesus Christ n'a iamais refusé aucun penitent venant à luy, mais est allé au deuant de luy pour le ramener. L'exemple entre autres de la Samaritaine, que i'ay allegué à vostre Sainteté, en fait ample foy.

Or, Pere saint, ce grand Prince & belliqueux qui n'a onques craint les forces du Roy d'Espagne vnies avec celles de Gregoire quatorzieme vostre predecesseur, ni de Messieurs de Sauoye & de Lorraine, ni de plusieurs rebelles de son Royaume, auquel, dis-ie, les coups de canon, d'harquebuses, lances, piques, & espées, ne luy ont iamais fait peur, ni l'image de la mort fait aucune apprehension, comme les hazards infinis auxquels il expose iournellement sa vie, en font ample foy, vient maintenant de si loin en toute humilité se prosterner a vos pieds, pour vous rendre tout l'honneur & obeissance qu'il vous doit, vous suppliant tres-humblement, comme le vicaire de Iesus Christ qu'il reconnoit, de luy departir les tresors de l'Eglise & vos commandemens, lesquels il est tout prest d'effectuer pour faire le salut de son ame. Ce courageux Prince ne s'est point fléchy à ce faire, pour doute de ne pouuoir surmonter ses ennemis : mais il y a esté acheminé par le zele Chretien que Dieu luy a imprimé dans son cœur. Car sa conuersion n'a esté faite par force, mais de bonne volonté & par deuotion; d'autant que lors il estoit victorieux sur ses ennemis, par la prise qu'il venoit de faire de la ville & chasteau de Dreux, qui apportoit grand secours à la ville de Paris, sans que l'armée Espagnole & de la Ligue ensemblement ayent eu la hardiesse de s'approcher de luy, pour penier de luy faire leuer le siege, qu'il a tenu l'espace de six semaines. D'ailleurs l'armée Espagnole s'e-

estoit retirée durant ce temps de delà la Somme, & depuis se mutina, & se deffit d'elle-mesme en Arthois vers la fin du mois de Juillet, auquel temps sa Maiesté alla à saint Denis, & y fit aussi approcher la sienne, pour empêcher qu'aucuns viures n'entraissent dans Paris, qui engendra vne grande clameur dans ladite ville, laquelle fût desia renduë à la Maiesté, s'il n'eust trouué bon d'vser d'vn acte genereux enuers elle & tous les pauvres & affligez fuiers, par la trefue qu'il luy pleust accorder, afin de leur tesmoigner que comme il se reconcilioit avec Dieu & nostre mere sainte Eglise, par le moien de sa conuersion, qu'il vouloit aussi leur donner exemple par telle douceur & humilité d'en faire de mesme en son endroit. De sorte qu'il se voit clairement que sa conuersion n'a esté forcée ni violentée, mais qu'elle prouient de son propre mouuement. Ce Prince valeureux, Pere saint, n'a point encore esté, Dieu mercy, battu par ses rebelles, mais au contraire les a tousiours battus.

D'autre costé, j'ay dit à vostre Sainteté que ie l'assurois sur mon honneur que la conuersion de S. M. estoit bonne & non feinte, l'ayant reconnuë pour telle lors que sa Maiesté me commanda expressement d'en assurer vostre Sainteté. Car s'il eust eu autre intention, ie m'assure qu'il eust chosi toute autre personne que moy pour me faire estre ministre d'vne menterie de si grande importance, & si preiudiciable à mon honneur & à mon ame. Et partant qu'il me sembloit que vostre Sainteté deust adiouster autant de foy à mon dire, qui n'estoit nullement passionné pour mon particulier interest, qu'à celuy des susdits, qui ne prouenoit que de l'ambicion qu'ils auoient & desir de la ruine de la France. Dauantage j'ay supplié vostre Sainteté de me coter les actions que l'on luy auoit dit que sa Maiesté auoit fait contraires à sa conuersion, m'offrant de les vous iustifier. Ce qu'il ne vous a pleu de me dire, dont j'ay esté grandement marry; m'estant aduis que vostre Sainteté ne pouuoit moins que de me dire ce que l'on disoit de sa Maiesté pour l'en iustifier, ou ne le pouuant faire à bonne & iuste cause, n'adiouster foy à l'aduer-tissement qui vous en auroit esté donné. Toutefois estant aduertey que l'on vous auoit produit certains articles qui ont esté traitez à Niort au mois de Septembre dernier, pour penser de s'en seruir à tel effect: ie les produisis moy-mesme, pour vous faire connoistre que les Huguenots tesmoignent la conuersion du Roy estre tres-bonne, puis qu'ils desirerent d'asseurer leurs affaires, & auoir vn Prince particulier qui eust soin d'eux. D'ailleurs ie luy ay aussi offert de luy faire voir le serment solennel que sa Maiesté pretend faire à son sacre & couronnement, & baillé celuy de l'Ordre du S. Esprit, afin qu'elle iuge par là le lien auquel le Roy mon Seigneur se mettoit, & prist par là occasion de croire que sa conuersion fust bonne, & en ce faisant le recevoir pour vray penitent. J'ay offert à V. S. de signer de mon propre sang les assurances que ie luy donnois, que mon Roy effectuerait de tout son pouuoir les commandemens qu'il vous plairoit luy donner pour penitence de son

peché; & pour plus grande caution ie luy ay aussi offert mon fils vni-
que en ostage, pour le tenir prisonnier dans vostre Chasteau de Saint
Ange, lequel ie vous dis, ores que i'honore grandement sa Maiesté,
que ie ne voudrois l'agrandir pour la ruine de mon cher enfant, com-
me ie ferois si ie n'estois plus que tres-assuré de sa volonté. Aussi que
ie reconnois fort bien que le Royaume de France est composé de grand
nombre de villes fortes, tout autrement que ne sont ceux d'Angleterre
& Escosse, & d'autres, qui rendroit difficiles les changemens que l'on
y voudroit faire. Partant ie supplie tres-humblement vostre Sainteté
de ne vouloir tant s'arrester au doute que l'on luy fait de l'intention
de nostre Roy, qu'elle differe d'embrasser les choses certaines & assurées
que ie luy ay deluides, & retarde à recevoir nôtre Roy penitent iusques
à ce que l'Ange, auquel elle se remist, soit descendu du Ciel pour vous
dire en l'oreille que sa conuersion soit bonne. Car il est à crindre que l'on
ne pense que vostre Sainteté se remette expressément à chose impossible,
afin de ne le recevoir; parce que Dieu n'a accoustumé d'enuoyer ses
Anges pour occasion si claire & notoire à chacun : *Quia habemus Moy-
sem & Prophetas*. C'est à dire que Iesus-Christ vous a suffisamment ensei-
gné par sa doctrine ce que vous auez à faire, sans vous remettre à rece-
voir de luy des miracles: aussi qu'il me semble vous auoir allegué prou
de raisons pertinentes, pour vous faire croire que sa conuersion soit bon-
ne & faire volontairement : & d'ailleurs que l'on doit croire plustost le
bien que le mal. Et si vostre Sainteté persilte en son opinion, ie croy que
son ame s'affligera à toutes heures qu'elle entendra les nouuelles des sa-
cristes, violens & ruines qui seront perpetrées sur le
pauvre & innocent peuple Catholique, Monasteres & gens Ecclesiasti-
ques; & aura tres-grand regret & desplaisir de penser d'en estre tenuë
pour n'auoir voulu s'entremettre à les empêcher, comme elle peut fai-
re, s'il luy plaist. I'ay appris que bien souuent les Princes souverains
sont cause par leur péché de faire souffrir le peuple, comme fit David.
Vostre Sainteté sçait fort bien, & mieux que moy, combien le péché
d'obmission est grand, mesmes à l'endroit des Princes, & sur tout du
Pape, & en affaire de telle importance qu'est celle-cy.

Pour conclusion, Pere saint, est-il possible que vostre Sainteté,
nonobstant toutes ses raisons iustes & apparentes, vueille reietter au loin
mon Roy, pour ne le recevoir en l'Eglise de Dieu? Certes ie crains que
si elle le fait, elle n'en soit blasmée, & qu'enfin elle n'ait regret de l'a-
uoir fait, mesmes lors qu'elle verra aduenir par telle occasion les misè-
res susdites. Car chose certaine est, que tandis que les guerres ciuiles
continueront, la discipline Ecclesiastique se perdra, comme nous
voyons qu'elle fait depuis la prise dernière des armes que ceux de la Li-
gue ont fait en Ianuier 1589. Ie supplie donc tres-humblement vostre
Sainteté, pour fin de ce mien escrit, de vouloir considerer cette affaire
micux qu'elle n'a fait iusques à present, afin de tenir en paix toute la

Chrestienté, & la réunir au deuoir que elle doit. Et pour mon particulier, si par mesgarde i'ay écrit quelque chose qui desplaist à vostre Sainteté, ie la supplie tres-humblement de me le pardonner, & attribuer le tout à la grande affection, voire passion, que i'ay en cette affaire, pour me voir en danger d'estre ministre, & faire effet possible du tout contraire à celuy que i'ay pretendu venant trouuer vostre Sainteté, & par consequent de laisser vne memoire funeste à la posterité, & possible creance à ceux qui ignoreront ce que particulièrement i'ay traité à vostre Sainteté & ledit sieur Cardinal de Toledo, que ie ne m'y sois comporté comme ie deuois faire, pour induire vostre Sainteté à fieschir sa volonté en l'endroit de mon Roy en chose si iuste & si raisonnable. Car ç'a esté vn tres-grand mespris que de n'auoir voulu me donner aucune response; & ie croy que V. S. le connoistra pour tel, lors qu'elle y aura vn peu mieux pensé; & m'excusera, s'il luy plaist, si i'ay dit plus que ie ne deuois, & croira que ie l'ay fait seulement pour penler de me descharger enuers Dieu & le monde de ce qui aduiendra; ayant fait connoître qu'il n'a tenu à moy derechercher tous les moyens possibles pour vous faire prendre telle resolution qu'il est expedient.

Si donc, Pere saint, i'ay outrepasé mon deuoir, ie vous en demande derechef pardon, & supplie tres-humblement vòtre Sainteté de ne m'en vouloir mal, mais de receuoir le tout en bonne part, comme prouenant d'un cœur desireux qu'il vous plaist reietter au loin le mauuais conseil qui vous est donné, & prendre celuy que ie vous ay proposé, du tout esloigné d'intérest particulier, & doüé des qualitez requises pour vous donner aduis conforme au grand besoin present. A quoy me reconnoissant ne pouuoir faire dauantage que ce que i'ay fait, ie finiray en baisant tres-humblement les pieds de vòtre Sainteté, & adressant ma priere au Sauueur du monde pour le supplier,


Pere saint, de vous donner vn bon conseil, & inspirer à faire telle resolution qu'il est requis & necessaire pour le bien de la France & de la Chrestienté, & particulièrement du saint Siege de Rome. Ce 14. Ianuier 1594.

Vostre tres-humble & tres-deuot seruiteur,
LVDOVICO GONZAGVE.

LETTRE DV ROY A NOSTRE SAINT PERE,
présentée par le sieur de la Cuelle.

TRES-SAINT PERE, Ayant par l'inspiration qu'il a plu à Dieu me donner, reconnu que l'Eglise Catholique, Apostolique & Romaine, est la vraye Eglise pleine de verité, & où gist le salut des hommes; conforté encore en cette foy & creance par l'esclaircissement que m'ont donné les Prelats & Docteurs en la sainte Faculté de Theologie, que j'ay à cette fin assemblez, des points qui m'en ont tenu separé par le passé: ie me suis resolu de me unir à cette sainte Eglise, tres-resolu d'y viure & mourir avec l'aide de celuy qui m'a fait la grace de m'y appeller. Et pour donner commencement à ce bon œuvre, apres auoir esté recen à ce faire par lesdits Prelats avec les formes & ceremonies qu'ils ont iugé estre necessaires, ausquelles ie me suis volontiers soumis, le Dimanche 25. Iuillet j'ay ouy la Messe & ioint mes prieres à celles des autres bons Catholiques, comme incorporé en ladite Eglise, avec ferme intention d'y perséuerer toute ma vie, & de rendre l'obeissance & respect deu à vostre Sainteté & au saint siege, ainsi qu'ont fait les Rois très-Chrestiens mes predecesseurs. Et m'assurant, Tres-saint Pere, que vostre Sainteté ressentira la ioye de cette sainte action, qui conuient au lieu où il a plu à Dieu la constituer: j'ay bien voulu, attendant que sur ce ie luy rende plus ample deuoir, comme dans peu de iours ie deputeray à cet effect vers elle une ambassade solennelle, & de personnage de bonne & grande qualité, luy donner par ce peu de lignes de ma main, ce premier tesmoignage de ma deuotion filiale envers elle; la suppliant tres-affectueusement l'auoir agreable, & recevoir d'aussi bonne part comme elle procede d'un cœur tres-sincere & plein d'affection, de pouuoir par mes actions meriter la sainte benediction. Et sur ce, tres-saint Pere, ie prie Dieu qu'il vueille longuement maintenir vostre Sainteté en tres-bonne santé au bon gouvernement de sa sainte Eglise. De S. Denis ce dixhuitiesme iour d'Aoust 1593. Et plus bas est escrit,

Vostre bon & deuot fils, HENRY.



ADVERTISSEMENT.



*N*OUS auons veu dans les deux derniers Discours de Monsieur de Nevers le traitement qu'il receut à Rome, & le peu d'impression que ses raisons, ses humiliations, & ses larmes firent sur le cœur de Clement VIII. il faut que nous voyons par l'instruction que M. de Nevers receut de la propre main du Roy en partant pour l'Italie, ce que S. M. auoit dessein qu'il fit. Il n'y a rien à adionster à cette despesche, pour nous persuader les bonnes intentions de ce Prince, & le veritable zele qu'il auoit, de se voir publiquement reünny au corps de l'Eglise, par la benediction du Pape. On y a ioint seulement le pouuoir donné par les Prelats, les Princes & les Seigneurs Catholiques du party du Roy, à Monsieur le Duc de Luxembourg, pour traiter avec Sixte V. de la conuersion de S. M. & de leur obeissance enuers le S. Siege. La mort de ce grand Pape ayant empesché le succez qu'on attendoit de cette Negociation, M. de Luxembourg reuint en France; & voyant que Gregoire XIV. en montant sur la chaire de S. Pierre, auoit perdu les bons sentimens qu'il luy auoit tesmoignez pendant qu'il estoit Cardinal; il se creut obligé de l'en faire summoner; & luy escriuit de France, la lettre qui est à la fin de son pouuoir.

On s'estoit figuré que pour faire voir le dénouement de cette intrigue, & scauoir de quels moyens les Ministres de France usèrent pour disposer l'esprit de Clement VIII. à se desluer de la tyrannie des Espagnols, & s'acquitter des obligations de sa charge, il falloit adionster aux discours precedens les lettres que le Cardinal d'Ossat escriuit en 1594. & en 1595. Mais on a iugé que ce seroit inutilement grossir ce Liure-cy, & qu'il suffisoit d'aduertir le Lecteur, que ces lettres-là, sont les premieres du Recueil qui a esté fait de toutes les excellentes lettres de ce Cardinal.





INSTRVCTION.

BAILLE'E A MONSIEVR DE NEVERS

*s'en allant vers le Pape apres la conuersion du Roy,
pour luy prestre l'obeissance de sa part.*



LE Roy voulant rendre esclairey nostre saint Pere le Pape de la bonne & sainte intention, avec laquelle il est vny à l'Eglise Catholique, Apostolique & Romaine, & avec ce deuoir s'acquitter aussi enuers sa Sainteté & le saint siege, de la reconnoissance & obeissance que luy doit vn Roy Tres-Christien, bon Catholique, & premier fils de l'Eglise: Sa Maiesté s'est relolue de despescher au plustost vers sa Sainteté, pour faire cet office en son nom & de choisir personnage de si bonne & grande qualicé, qu'en cette élection, elle reconnoisse le respect & la reuerence que S. M. luy porte. Et scachant ne la pouuoir faire plus digne, ny que sa Sainteté ait occasion d'auoir plus agreable que de la personne de Monsieur le Duc de Nevers, pour la parenté dont il appartient à sa Maiesté, & pour les autres grandes & excellentes qualitez dont il est doüé tant de sang que de singuliere vertu, mesmes de pieté & zele exemplaire en la Religion Catholique, & obeissance enuers les saints Peres & le saint siege Apostolique. Sadite Maiesté aussi tres-assurée de l'affection qu'il luy porte & au bien de ce Royaume, l'a prié de vouloir accepter cette charge de sa part, comme il a fait, nonobstant l'estat & indisposition de la personne, qui luy pourroit seruir de iuste argument pour s'en excuser, ayant en cela preferé le merite d'un si bon œuure, & le contentement de sa Maiesté, à toutes autres considerations de son particulier.

Pourtant sa Maiesté desire qu'il s'achemine promptement & seren-de vers sa Sainteté le plustost qui luy sera possible, sans s'arrester à autres affaires en quelque part que ce soit, & estant receu auprès d'elle, comme sa Maiesté s'assure, qu'elle a les bras ouuerts pour embrasser la bonne volonté avec laquelle elle se presente à sa Sainteté, apres luy auoir baissé les pieds au nom de sa Maiesté, il luy dira de sa part, que Dieu luy ayant fait la grace de l'amener à la connoissance de la vraye Eglise, & qu'icelle est la Catholique, Apostolique & Romaine, il luy auroit

par mesme moyen donné la volonté d'y entrer pour demeurer, viure & mourir en la communion d'icelle, comme ont fait les Rois de France Tres-Christiens ses predecesseurs.

Que bien qu'elle n'ait executé cette sainte intention que depuis peu de iours, elle a dès longtemps eu intention de prendre les moyens de ce faire : toutefois elle a d'un costé esté retenuë d'en venir à l'effet, pendant qu'il y a eu armée puissante en campagne contre elle ; afin d'oster toute occasion de penser que la crainte de la force ait eu aucune part en ladite resolution. Et d'autre costé a desiré rendre cet honneur & ce respect à sa Sainteté, que ce fût par son autorité seule ; pour luy faire d'autant mieux connoître la teuerence filiale qu'elle pouuoit esperer de sa Maiesté à l'aduenir, & qu'à cela tendoit la despesche qui fut faite dès l'année passée de la personne du Marquis de Pisany vers sa Sainteté, bien qu'elle fût au nom des Princes & Officiers de la Couronne, & autres Seigneurs & Estats Catholiques qui reconnoissent sa Maiesté, mais par sa permission, & mesmes par son commandement ; laquelle n'eût voulu interposer, & par iceluy engager lesdits Princes en promesse qui dependoit de sa pure volonté, sans estre premierement bien resoluë à tout ce qui estoit porté & requis par ladite despesche, tendant principalement à ce qu'il pleust à sa Sainteté enuoier vn sien Legat, qui n'eût autre dependance que de ses commandemens pour l'effet de la conuersion de sa Maiesté.

Que c'est à son grand regret qu'elle a esté priuée de ce bonheur, qu'elle vouloit receuoir de la main de sa Sainteté par personnage qui luy eût esté confident, & qu'elle eust voulu choisir pour vne si sainte action & si importante au bien de la Chrestienté, dont Dieu a voulu illustrer le Pontificat de sa Sainteté ; & que pour l'honneur d'icelle sa Maiesté auoit voulu deférer à sa personne, pour la commettre à qui seroit son bon plaisir d'y employer.

Mais les ennemis de sa maiesté ayans trauersé ce sien dessein par tous les empeschemens qu'ils auroient peu, & faisans valoir le retardement à l'aduancement de l'vsurpation qu'ils vouloient faire de cette Couronne, pour vn preiugé que sa Maiesté n'auoit nulle volonté d'embrasser la Religion Catholique, elle n'eust peu attendre dauantage l'interuention de l'autorité de sa Sainteté pour ce faire, sans laisser tomber les affaires de ce Royaume en telle confusion & tel desordre, par les mauuaises procedures que les ennemis tenoient, qu'il estoit pour en ensuiure vne entiere ruine de la Religion, & de l'Estat ensemble, par la guerre immortelle & irreconciliable que leurs iniques propositions pouuoient apporter.

Qu'en cette consideration sa Maiesté auoit suiuy le conseil qui luy auoit esté dit ne pouuoir estre qu'agreable à sa Sainteté, comme iuste & legitime, fondé sur les saints Decrets & Constitutions, & comme il en a esté vſé par les saints Peres, qui a esté d'appeller des Prelats de son

Royaume pour le recevoir en l'Eglise, avec les formes & ceremonies accoustumées & requises en tel cas.

Que avec lesdits Prelats elle auroit aussi appelé plusieurs autres personnes ayans dignité en l'Eglise, des Docteurs en la sainte Faculté de Theologie, pour mieux se resoudre avec eux des points avec lesquels elle pouvoit desirer quelque esclarcissement, outre l'instruction que desia auparavant elle auoit commencé de recevoir d'aucuns Prelats & Docteurs estans à sa suite, comme il y en a tousiours eu pour administrer le service diuin aux Princes, Seigneurs, & autres les seruiteurs Catholiques. Et auroit aussi mandé les Princes, Officiers de la Couronne, & grand nombre de Seigneurs & de Noblesse absens, qui se pourroient plus commodement rendre près sa Maiesté, pour interuenir de leurs presences & prieres en la resolution qu'elle auoit à faire, & en rendre l'acte plus celebre & tesmoigné par tout son Royaume, ayant assigné ladite conuocation en la ville de Mantes au quinziesme de Iuillet, & depuis auroit choisi la ville de saint Denis, comme plus honorable & de plus de deuotion, à cause de la grande Eglise qui y est & des saints Martyrs qui y reposent.

Auquel lieu s'estans lesdits Prelats & Docteurs trouuez assemblez le 20. dudit mois, ensemble la plus grande partie des autres qui estoient mandez, comme sa Majesté s'y estoit déjà transportée, apres auoir satisfait sa conscience, par la conference qu'elle auoit eue plusieurs fois avec lesdits Prelats & Docteurs, en continuant le commencement qu'elle auoit donné à son instruction; & apres qu'ils eurent resolu entr'eux de la forme & solemnitez, avec lesquelles sa Majesté pouuoit estre admise & receuë au giron de l'Eglise, que de sa part elle eut aussi inuoqué Dieu en toute humilité à ce qu'il luy pleust par son saint Esprit l'inspirer à ce qui estoit de son deuoir & salut. Le Dimanche 25. iour dudit mois, elle se leuroit présentée pour estre receuë en ladite Eglise Catholique, Apostolique & Romaine, la reconnoissant estre la vraye Eglise de Dieu, pleine de verité, & laquelle ne peut errer, dont ayant fait la confession, ensemble des autres articles de la foy & creance que tient ladite Eglise, tels qu'ils luy auoient esté presentez par lesdits Prelats, avec protestation d'y vouloir viure & mourir, & abiuration de tous erreurs qui y sont contraires entre les mains du sieur Archeuesque de Bourges, à l'entrée de ladite Eglise de S. Denis, où il estoit préparé avec les autres Prelats & Ecclesiastiques, sa Majesté s'estant mise à genoux deuant luy, & luy ayant requis l'absolution, il la luy a donnée suiuant l'aduis commun qui en auoit esté pris & resolu entr'eux; puis ainsi accompagné l'auoit conduit au cœur deuant le grand Autel de ladite Eglise, où elle auroit ouy en grande deuotion, la Messe solennellement celebrée par le sieur Archeuesque de Nantes, ancien Prelat, assistant Monsieur le Cardinal de Bourbon, & les autres Prelats & Docteurs, avec aucuns autres Princes, grand nombre de Seigneurs & Noblesse, & multitude de peuple, lesquels monstroient tous signe

tres-évident de sentir en eux la plus grande ioye qu'ils ayent iamais receuë, declarant tous, que si auparavant ils ont seruy leur Roy, pour le deuoir naturel qu'ils y ont, ils se reconnoissoient à present doublement tenus de le continuer de bien en mieux, pour l'obligation qu'ils luy ont de s'estre ioinct & vny avec eux à l'Eglise Catholique, en laquelle ils ont toujours vécu, & desirent à iamais perseuerer, dont sa Majesté a receu vn tres-grand contentement. Mais elle a senty encores vne plus grande consolation en son ame par la reconnoissance que Dieu luy a donnée qu'elle est à present au chemin de sa grace.

Que sur l'assurance qu'elle a de la bonté de sa Sainteté, & du soin paternel qu'elle a du salut des hommes, à l'imitation de nostre Seigneur Iesus-Christ, qui veut que tous hommes soient sauuez, de sorte que leur perdition ne peut venir que d'eux, & duquel sa Maiesté la reconnoist Vicairé en terre, elle s'en voulut conioiur avec sa Sainteté de la grace qu'elle reconnoist venir de la bonté de Dieu, de luy auoir inspiré cette resolution; ayant ferme creance que sa Sainteté en auoit receu tres-grand contentement.

Que aussi ce que sa Maiesté en a fait, a esté avec reseruation & intention de rendre à sa Sainteté en cela, & en toutes autres choses le respect & l'honneur qui luy appartient; & si elle le pouuoit faire en personne, elle ne s'en voudroit remettre sur nulle autre, & prendroit volontiers cette occasion, pour donner d'autant plus de témoignage de sa deuotion enuers sa Sainteté. Mais la condition du temps & des affaires ne luy pouuans permettre ce contentement, & voulant au deffaut de ce faire au moins paroistre cette bonne volonté, par la qualité du personnage qu'elle auoit à y employer, cetteraison luy a principalement fait choisir ledit Seigneur Duc de Nevers, nonobstant l'incommodité que son absence peut apporter au service de sa Majesté, & que son indisposition estoit vne iuste cause de l'en excuser.

Sa Sainteté sera donc priée tres affectueusement au nom de sa Maiesté de recevoir cette election pour l'une des plus grandes preuues qu'elle sçauroit donner de sa deuotion enuers elle, & pour arres des bonseffets qu'elle en peut esperer, soit pour son particulier, ou pour celuy du saint Siege.

Que de ce quiconcerne les formes de l'ordre qui ont esté tenuës en l'vnion & reception de sa Maiesté en ladite Eglise Catholique, sa Sainteté en sera particulièrement informée par le sieur Euesque du Mans, l'un des Prelats qui y ont assisté, lequel a esté choisi d'un commun consentement de tous, pour aller de leur part rendre raison à sa Sainteté; à laquelle il pourra aussi tesmoigner la docilité & inclination dont sa Maiesté s'est volontairement soumise à tout ce qu'ils ont iugé y estre requis de sa part.

Qu'elle croit que sa Sainteté trouuera cette action, & la procedure qui y a esté obseruée, si iustificée & deuëment faite, qu'elle aura occa-

sion de l'approuver ; chose que sa Maiesté desire singulierement, non seulement afin que sa Sainteté en puisse demeurer contente, mais aussi pour plus grande consolation de sa conscience. Et afin qu'elle soit d'autant plus assurée de ladite approbation de sa Sainteté, elle la supplie d'y vouloir impartir sa sainte benediction, autant abondamment qu'elle connoistra estre nécessaire pour tesmoigner le bon iugement qu'elle en aura fait, & ôster toute occasion d'en douter ; ce que sa Maiesté recevra à grace speciale, dont elle reconnoistra vne perpetuelle obligation à sa Sainteté, & en rendra à elle & aux siens toute la gratitude qui pourra dependre d'elle & de ses moyens.

Après les susdits offices faits, ledit Seigneur Duc prestera l'obedience deüe à sa Sainteté & au saint Siege, au nom de sa Maiesté, comme Roy de France Tres-Christien, & au premier fils de l'Eglise en la forme que les Rois ses predecesseurs ont accoustumé de la faire, & avec les mesmes promesses & soumissions qui ont tousiours esté faites de leur part, lesquelles sa Maiesté oblige sa foy & honneur d'entretenir & observer inuiolablement. Promettant en outre qu'elle employera volontiers sa personne, ses forces & moyens pour la maintenir, & à l'augmentation de la dignité Pontificale, conseruation particuliere de sa Sainteté, & celle du saint siege & de l'estat d'iceluy, toutes & quantes fois que besoin sera. En quoy elle prie sa Sainteté de croire que nul Roy, ny Prince de la Chrestienté ne la surmontera iamais d'affection à l'assister & secourir en toutes les occasions qui s'en pourront offrir, la priant aussi vouloir obliger sa Maiesté de sa bien-veillance paternelle, comme elle luy en rendra toute obseruance de deuot fils, qui desire faire en son endroit tout ce qui appartient à cette qualité.

Que pour restablir & entretenir l'amitié & bonne intelligence qui a tousiours esté obseruée entre les saints Peres & les Rois de France predecesseurs de sa Maiesté, elle a enuoyé la depesche audit sieur Marquis de Pizany pour resider son Ambassadeur aupres de sa Sainteté, ayant pensé qu'elle le verra volontiers en ladite charge, pour la connoissance qu'elle a du zele dudit sieur Marquis à la Religion Catholique, & de ses autres bonnes qualitez & vertus, dont sa Maiesté desire neantmoins que ledit sieur Duc fasse toute la recommandation à sa Sainteté, afin de luy rendre cette eslection & resolution d'autant plus agreable.

Qu'elle pouruoir à la protection des affaires de France en ladite Cour le plustost qu'elle pourra, & sera neantmoins bien-aise d'auoir auparavant l'aduis dudit sieur Duc, touchant le personnage auquel elle en pourra commettre la charge ; y apportant les considerations que par sa prudence il iugera estre nécessaires pour le seruice de sa Maiesté.

Ces compliments & premiers offices rendus, ledit Seigneur Duc eslayera dextrement de bien disposer sa Sainteté de vouloir fauoriser la iuste cause des affaires de sa Maiesté. Et pour cet effet, après l'auoir bien informée des bonnes & saintes intentions d'icelle à la conseruation de

la Religion Catholique, & au bien & repos vniuersel de la Chrestienté, selon la connoissance qu'il en a, il luy représentera les mauuais desseins avec lesquels la guerre a esté poursuuie, & est encore entretenue contre sa Maiesté, & le peril où la continuation d'icelle peut mettre la Religion & l'Estat. Que ledit saint siege & toute la Chrestienté peut receuoir de la ruine du Royaume de France, & le danger euidant qui en redondoit sur tous les autres Estats; & que partant ce seroit vne bonne œuvre digne de sa Sainteté d'interposer son autorité pour assseurer les troubles & diuisions par lesquelles on tâche de renuerser cette Couronne, l'asseurant que s'il luy plaist l'entreprendre, elle y trouuera toute facilité pour le regard du peuple, qui ne desire rien plus que la paix avec sa Maiesté depuis sa conuersion, & ne tiendra qu'aux Chefs, qui ne peuuent plus estre retenus que de leurs interests particuliers; qu'ils courent neantmoins du pretexte de Religion, iusques à ce que la Declaration de sa Sainteté y soit interuenue.

Le remede que sa Sainteté y peut apporter consiste en deux moyens, l'un de faire connoistre aux Chefs de ladite diuision qu'ils n'ont plus d'occasion de demeurer separez del'obeissance de sa Maiesté, puis qu'elle s'est vnée à l'Eglise Catholique, & qu'elle ne pourroit approuuer leurs armes s'il continuoient dauantage: l'autre de faire semblable demonstration enuers le Roy d'Espagne, à ce qu'il ne se puisse plus seruir du pretexte qu'il a iusques icy fait valloir contre ladite Maiesté; & que s'il veut neantmoins continuer de luy faire la guerre, chacun soit esclairey que l'ambition en est la seule cause.

Il y a encore deux voyes pour le premier moyen; l'une de faire entendre sa volonteé ausdits Chefs, l'autre de donner reglement à la licence que les Predicateurs ont prinse de prescher sedition, meurtres & cruautéz, au lieu de suiure & exposer la sainte escriture, faisans seruir leurs langues qui ne deuroient proferer que chose saintes en la chaire de Verité, à publier & autoriser toutes impostures & calomnies, selon qu'elles leur sont suggerées de iour à autre, & qu'ils sont payez par ceux qui nourrissent la guerre en ce Royaume, ou bien à prescher leurs propres passions, où ils n'ont pas mesmes espargné quelquesfois sa Sainteté, tant l'impunité de cette corruption augmente leur impudence, comme c'est chose toute notoire, & qui est desia venue en si grande horreur au peuple, que telles predications ne luy apportent plus que scandale & mescontentement, qui est vn mal de tres-dangereuse consequence pour la Religion Catholique.

Si sa Sainteté se rendoit exorable en cette partie de vouloir fauoriser l'assoupissement desdits troubles, & qu'elle en voulut donner quelque charge au Cardinal de Plaisance, ledit Seigneur Duc informera sa Sainteté de ses deportemens, afin qu'elle connoisse que selon icelle, & l'affection avec laquelle l'on luy voit embrasser tout ce qui est des desseins du Roy d'Espagne, l'on ne pourroit attendre de luy que offices contrai-

res au bien que la Sainteté voudroit moyenner, ou faits de façon qu'ils y seroient inutiles ; pourtant il suppliera la Sainteté de n'employer ledit Cardinal en aucune chose qui concerne les affaires de ce Royaume , & luy dira resoluëment , que la Maiesté ne veut rien auoir à traiter ni à faire avec luy. Mais ledit Seigneur Duc aduifera de quelque autre expedient pour se preualoir en cela de la bonne volonté & autorité de la Sainteté, selon que sur le lieu ledit Seigneur Duc ne pourra iuger de l'inclination d'icelle , & ce qui sera plus à propos de faire pour ce regard.

Si sur le propos du Roy d'Espagne la Sainteté luy parloit de venir à vne paix generale, ledit Seigneur Duc luy dira que la Maiesté ne luy a donné sur ce aucune charge, pource que voyant les grandes forces & preparatifs que ledit Roy fait de nouueau en ce Royaume , elle a pensé qu'il a toute autre fantaisie que d'entendre à la paix ; mais qu'il s'assure bien que la Maiesté desire tant le repos de la Chrestienté & en considere tellement le besoin, qu'elle entendra tousiours tres-volontiers à toutes conditions raisonnables qui seront aduifées pour y paruenir, & si on luy fait quelques ouuertes, il en aduertira sadite Maiesté pour luy faire entendre sa volonté.

Au cas aussi que la Sainteté ne luy parlaist point de la paix generale, & qu'il conneust qu'elle eût quelque apprehension pour le bien de la Chrestienté des deslins dudit Roy d'Espagne, ledit seigneur Duc sondera si elle trouuera bon de venir à quelque ligue entre elle & les autres Princes d'Italie avec la Maiesté. Et en ce cas en iettera les fondemens selon qu'il y connoistra les volontez disposées ; ou bien si la Sainteté, nonobstant qu'elle eût la susdite apprehension, se monstre elloignée de vouloir entendre à cette ouuerture, il verra si sous autre moyen il pourra contracter & establir vne bonne amitié & intelligence entre elle & la Maiesté, sur l'assurance qu'il luy pourra donner, que c'est chose que la Maiesté desire singulierement, & en quoy elle apportera tout ce qui pourra dependre d'elle, pour en faire receuoir à la Sainteté le contentement & la satisfaction qu'elle en pourra desirer.

Ledit seigneur Duc verra pareillement en quelle volonté pourroient estre lesdits Princes d'Italie touchant ladite ligue, soit que la Sainteté y entraist, ou sans icelle ; faisant cet office en les voyant à son retour, ou y donnant commencement avec leurs Ministres pendant son sejour à Rome, s'il voit quelque apparence pour leur en pouuoir ouurir le propos, ou le faire ouurir par autres, ce qui est remis à son prudent iugement d'y entrer si auant qu'il iugera estre bon, ou de n'en rien entamer, s'il craint que les humeurs en soient si elloignées, qu'il y ait plus de danger de s'en descouurir, que d'esperance d'en faire sortir quelque fruit.

En la conference qui a esté faite quelques iours apres la conclusion de la trefue pour entrer aux moiens de la paix, les premieres propositions faites de la part du Duc de Mayenne, furent sur les seuretez ge-
nerales

nerales de la Religion Catholique, desquelles ses deputez disoient qu'il falloit estre d'accord auant qu'enuoyer vers nostre saint Pere le Pape, pour luy porter chose qui luy donnast occasion d'approuver la conuersion du Roy, & fauoriser le repos du Royaume.

Cette proposition fut apres par eux diuisée en cinq parties. La premiere de faire vn Ediët pour loy fondamentale, que nul Prince soit capable de venir à la Couronne, encore qu'il soit le plus prochain & en ordre pour y succeder, s'il n'est Catholique obeissant fils de l'Eglise, de nostre saint Pere & du saint siege, tout ainsi que les predecesseurs Rois Tres.Chrestiens l'ont esté.

La seconde, si vn Prince Catholique reconnu Roy tomboit en erreur, pour raison duquel il soit condamné comme heretique par nostre saint Pere & le saint siege, & en cette qualité déclaré descheu & priué du droit de la Couronne, que deslors les suiets soient quittes & absous du serment de fidelité qu'ils luy auroient presté.

La troisieme, que tous les Rois de ce Royaume, seroient tenus tant pour le present qu'à l'aduenir, promettre & iurer à leur Sacre & en receuant le sceptre & la Couronne, de garder apres inuiolablement qu'il n'y aura qu'une seule Religion Catholique, Apostolique & Romaine par tout le Royaume & pays estans de leur obeissance, & que pour la conseruer & maintenir, extirper les heresies & ruiner les Heretiques, employans leur vies & moyens & tout ce qui dependra à iamais de leur pouuoir; & en consequence de ce, ne souffrir que lesdits Heretiques soient pourueus & tiennent aucuns offices, charges & dignitez dans le Royaume.

La quatrieme, que le Concile de Trente soit receu, approuué & gardé en ce Royaume; sauf neantmoins de remonstrer à la Sainteté qu'il est necessaire de pouruoir aux articles dudit Concile que l'ont pretend preiudicier à la Couronne, & autres droits & libertez de l'Eglise Gallicane.

La cinquiesme, qu'en la nomination & prouision des benefices, les saints Decrets, Concordats & ordonnances sur ce faits soient exactement & inuiolablement gardés, & s'il est besoin en faire vn plus particulier reglement pour les abus qui y ont esté cy-deuant commis.

Depuis, les deux premiers articles ont esté par eux aucunement moderez & couchez ainsi qu'il ensuit.

Que nul Prince ne puisse succeder à la Couronne ny estre reconnu pour Roy, s'il ne fait profession de la Religion Catholique, Apostolique & Romaine, & reconnoist nostre saint Pere le Pape pour Chef de l'Eglise; tout ainsi & avec le mesme respect & deuoir que ses predecesseurs Rois Tres.Chrestiens ont fait. Cet article tenant lieu des deux premiers.

Que tous nos Rois soient tenus, tant pour le present que pour l'aduenir, faire en leur Sacre, & receuant le Sceptre & la Couronne, le serment accoustumé, de viure & mourir en la Religion Catholique,

Apostolique & Romaine, de la conseruer & maintenir, & employer leurs vies & moyens pour extirper du Royaume & pays de leur obeïſſance toutes heresies condannées de l'Eglise & du ſaint ſiege.

Et d'autant que pour l'exécution entière dudit ſerment, il ſeroit neceſſaire d'interdire dès à preſent tout autre exercice de la Religion que de la Catholique, Apoſtolique & Romaine, & de prier ceux qui en font profeſſion de toutes charges, offices & dignitez; ce qui ne peut eſtre fait à cauſe de pluſieurs villes & places fortes qu'ils tiennent & occupent, & des appuis, forces & moyens qu'ils ont, tant dehors que dedans le Royaume, ſans venir aux armes, dont la continuation ſeroit tres-perilleuſe en l'eſtat auquel le Royaume eſt reduit, ſera ſuppliée ſa Sainteté de vouloir approuuer & trouuer bon qu'il ſoit pourueu aux inconueniens qui en pourroient arriuer, par les moïens qui luy ſeront re-preſentez & iugez les plus propres & conuenables pour conseruer la Religion entière & inuiolable, & garentir le Royaume du peril de cette guerre.

La propoſition deſdits articles eſt pleine de caption, & procede pluſtoſt de leur intereſt particulier que du zelc de Religion. Car par le premier, encore que tous Edicts & Loix ne regardent qu'à l'aduenir, toutefois d'autant qu'il y auoit vn ſemblable Edict du feu Roy, ils penſent par celly qui ſeroit fait à preſent donner telle force que de ſoy ne ſe peut ſouſtenir, pour pluſieurs raiſons, & meſmes pour auoir eſté extorqué par force, ainſi que les actes ſubſequens n'en ont fait que trop claire preuue, que ſa Maieſté approuueroit implicitement ſa propre condannation portée par iceluy, & qu'il y auoit eu vn interregne; par conſequent que l'autorité uſurpée par le Duc de Mayenne ſeroit vallable, enſemble toutes les prouiſions & diſpoſitions qu'il a faites d'offices, charges, eſtats & dignitez, & autres choſes, qui ne ſont pas ſeulement vn preiudice à ſa Maieſté & à ſes bons & loyaux ſuiets qui l'ont ſi vertueuſement aſiſté au ſouſtenement de cette Couronne, de ce qui leur ſeroit par ce moyen arraché; mais vne tacite condannation contre eux, comme ſ'ils auoient mal fait d'auoir reconnu le Roy que Dieu & les Loix du Royaume leur ont donné, & vn tres-mauuais exemple d'oſter le loyer d'honneur, & les recompenſes à ceux qui les ont metiées en bien faiſant leur deuoit, pour en faire ioüir ceux qui ont fait violence aux loix de Dieu, de la nature, & de l'Eſtat, qui ſeroient par là rendus plus inſolens & audacieux, & d'autres ſemblablement à entreprendre toutes nouueautez à la ruine de l'Eſtat.

De meſme conſideration & peril eſt le ſecond article. Car quelque Catholique que fût vn Roy, ſ'il ſe trouuoit vn Pape qui luy fut mal-affectonné, comme il ſ'en eſt veu quelque-fois pour bien legeres & peu raiſonnables occaſions, ſa colere pourroit mettre ledit Roy en proye, & le Royaume en conſuſion; car il n'y auroit iamais faute de gens qui ſe ſeruiroient volontiers de ce ſuiet pour entreprendre, n'eſtant pas

mesme hors de raison de penser que ce qui s'en met en auant soit pour laisser vne semence, & comme vne table d'attente de nouueaux troubles, veu qu'en termes d'Inquisition, que par ce moyen on voudroit introduire, il n'y a action si sainte des hommes que ceux qui ont ce glaive en main, ne fassent tomber en crime d'heresie, quand ils veulent. Et avec cette Declaration qu'on desire estre sainte, ce seroit mesmes sousmettre le temporel de la Couronne à chose que le moindre Seigneur de l'Europe ne voudroit assuiétir son bien, & que beaucoup moins on doit penser qu'un si grand Royaume voulust subir, qui a tousiours maintenu ses libertez, avec tres-grande ialousie & generosité contre quiconque y a voulu entreprendre.

Quant au sermen qui doit estre fait au Sacre & Couronnement des Rois, c'est plustost vne ostentation de zele d'en vouloir parler comme ils font, qu'une proposition necessaire; car la forme y est prescrite, de laquelle il n'y a occasion de presumer que sa Maiesté se veuille ny puisse en aucun chose departir ny dispenser.

Pour le regard du Concile, ils l'ont receu & iuré en leur assemblée, desia à si petit nombre, qu'on dit qu'ils n'estoient pas quarante ou cinquante, qui n'est pas pour croire contre les autres choses de nullité qu'ils ayent presumé pouuoir obliger tout le Royaume; dont resulte vn argument, qu'en cela, & tout le surplus ils n'ont autre but ny intention, qu'en ce faisant faire tomber le Roy en l'un des deux inconueniens, ou d'irriter le Pape par les difficultez que les choses mesmes portent de soy, si elles sont remonstrées de sa part à sa Sainteté, comme la raison le veut, & en ce cas profiter du courroux; ou quand sa Maiesté condescendrait à toutes conditions, la mettre mal avec sa Sainteté, & avec ses sujets mesmes; car l'effet n'en ensuiuroit pas, comme l'ordre & les loix du Royaume ne le pourroient permettre; le Pape demeureroit mal content de sa Maiesté, comme s'il tenoit à elle; & neantmoins elle encourroit le blasme & mal-veillancé de sesdits sujets, comme si elle auoit consenty & obligé le Royaume à choses contraires à sa liberté.

Tout ce que dessus est representé pour seruir d'aduerissement à Monsieur de Nevers pour prendre garde à ce que traiteront ceux qui seront enuoyez par le Duc de Mayenne; & preoccuper, s'il peut, l'esprit de sa Sainteté à faire iugement de la fin de tels artifices par les considerations qu'il luy en pourra remonstrer. Et parce que les actions de ceux qui les mettent en auant tesmoignent de leurs intentions, qu'on est esté assez connuës n'auoir pour but principal que leur interest & ambition particuliere.

Talcher en faisant connoistre à sa Sainteté ce qu'ils ont dans le cœur, que l'authorisation des desseins au lieu de l'aduancement de la Religion dont ils se parent, en porte la ruine par les troubles qu'ils entreprendront dans le Royaume, à quoy toutes leurs affectations sont con-

iurées sans autre respect que de faire leur profit de luy imprimer vne bonne opinion & confiance de sa Maiesté. De sorte que tout ce qui se pourra faire pour le contentement de sa Sainteté, elle croye que sadite Maiesté le fera, sans que le moyen d'aucuns autres y puisse servir d'autre chose que de maintenir les troubles & pratiques dans le Royaume, que sa Sainteté doit plustost desirer de voir esteints que plus auant continuez. Car par le reſtablishement de l'autorité & de l'obeïſſance deuë au Roy, le Royaume estant maintenu en paix, la Religion peut estre mieux conseruée, & le saint ſiege y auoir vn plus asſeuré ſupport en toutes occasions où il en pourra auoir besoin.

Venant aux points particuliers desdites propositions, si elles sont mises en auant qu'il soit besoin d'y respondre, ledit seigneur Duc s'aidra de toutes les raisons cy-deuant contenues, pour le regard des deux premiers articles, & autres qu'il connoistra pouuoir servir pour faire comprendre à sa Sainteté le peu de fruit qu'ils peuuent apporter à la ſeureté de la Religion; & le preiudice neantmoins qu'il en peut receuoir aux affaires du Royaume, ne pouuant gueres servir que de ſuiet de brouiller à ceux qui en auroient enuie; comme ſemblables moyens n'ont esté pratiquez cy-deuant qu'à ſemblable fin, ny produit que tres tragiques effets. Et laiſſant les choses en leur ordre & termes anciens, l'obligation y eſt aſſez expreſſe pour y trouuer toute la ſeureté qui ſe peut deſirer au fait de la Religion, & l'occasion ſeroit retranchée aux factieux de troubler ſous ce pretexte le repos de l'Eſtat, lequel on s'aſſeure que sa Sainteté, les ſuſdites conſiderations entenduës, voudra plustost fauoriſer par les moyens qui y ſont propres, que y deſirer les nouueautez qui le puiſſent troubler.

Pour le regard du Concile, tout ce qui ſ'y peut faire, ſa Maieſté deſire l'aſſembler; mais ſa Sainteté ne ſe doit tenir offenſée, ſi on luy remonſtre les oppoſitions qui y ont esté faites toutes les fois qu'il en a esté parlé. Et que quelque chose que ſa Maieſté en ordonne, la verification en eſt entierement aux Parlements, & eſt requiſe auant que l'execution en commence, & qu'il ſemble eſtre à propos de deux choses l'vne, pour ne plus diſſerer la reception en ce qui touche la doctrine où n'y a difficulté, ou que ſa Sainteté trouuaſt bon qu'il fuſt dit à la verification, que ce ſeroit ſans preiudicier es autres points des droits de la Couronne, & des droits & libertez de l'Egliſe Gallicane, ou bien que les articles particuliers, eſquels ce preiudice eſt pretendu, fuſſent examinez & interpretez, de façon qu'il n'y reſtaſt plus ſuiet d'oppoſition. Qui n'eſt dit pour vouloir entrer en iugement de ce qui appartient à ſa Sainteté, mais par forme d'ouuerture, & pour le deſir que ſa Maieſté auroit de faciliter en cela ſon contentement, comme elle y employera volontiers tout ce qui ſera en ſon pouuoir.

Quant à l'article qui parle ne ſouffrir que la Religion Catholique, Apoſtolique & Romaine en France, ſa Maieſté l'ayant embrasſée, com-

me Dieu luy en a fait la grace, ce seroit à son grand contentement qu'elle y fust seule, ainsi qu'elle l'a reconneüe & reconnoist estre la vraye & salutaire, & prendra volontiers tous les moyens qui seront reconneus propres pour y reduire ses suiets. Et d'autant qu'elle s'assure que quand la Sainteté connoistra, que de penser y forcer par les armes ceux qui en sont séparez en l'estat que sont maintenant les affaires du Royaume, ou faire quelque loy qui monstroit la volonté de les y contraindre quand on aura plus de moyens, ce seroit pour leur faire aussi-tost prendre les armes & recommencer vne guerre qui mettroit la Religion & l'Estat en danger: elle ne voudra y insister, & trouuera bon qu'il y soit prins quelque temperance, attendant qu'il plaise à Dieu que les choses soient en meilleurs termes, pour paruenir sans danger à ladite reünion. Ledit Seigneur Duc luy représentera ce qu'il sçait & connoist de l'estat & qualiré de cet affaire, afin qu'il plaise à la Sainteté inrerposer son bon iugement; la suppliant neantmoins de croire que la Maiesté n'apportera iamais de difficulté ny longueur en chose qui soit iugée pouuoir seruir au bien de ladite Religion Catholique.

Les deputez dudit Duc de Mayenne ont encore mis vn autre article en auant concernant la disposition des benefices vauquez depuis la mort du feu Roy, voulans qu'en consequence de l'interregne par eux pretendu, que les dons faits par ledit Duc valent, au moins es villes qu'ils tiennent où la maistresse Eglise est située, & encore venir à partage de celles qui sont es champs; en ayant encore proposé vne qui est hors de toute dispute, à sçauoir de ceux esquels il y a prouision de nostre saint Pere, dont ils disent qu'il n'y en sçauroit auoir vne douzaine. Surquoy parlant en general ledit Seigneur Duc remonstrera ce qu'il connoitra pouuoir seruir à faire comprendre le preiudice & mauuaise consequence que ce seroit de vouloir partager cette autorité entre le Roy & vn sien suiет, afin d'oster toute occasion à la Sainteté de fauoriser cette iniuste prentention. Et en cela peut seruir de preiugé l'ordre que la Sainteté mesmes a tenu aux expeditions qu'elle a faites de n'auoir voulu approuuer le droit de nomination en la personne dudit Duc de Mayenne, qui est tacitement le reseruer à qui la Couronne appartient.

Tout ce que dessus est dit par forme d'aduis audit Seigneur Duc, & non pour l'obliger exactement à l'ensuiure, où il verroit qu'il y auroit chose qui peut apporter quelque alteration au principal fait de la benediction qu'il faut obtenir de la Sainteté. A quoy est necessaire d'accorder si bien toutes particularitez, que rien ne soit fait ny obmis qui y puisse apporter difficulté ou retardement: & pourtant la Maiesté remet toutes les choses qui dependent de cette negotiation, au bon & prudent iugement dudit Seigneur Duc, pour en vser tout ainsi qu'il pensera pour le mieux.

Fait à Melun le dernier iour d'Aoust mille cinq cens nonante quatre.



A D D I T I O N.



LE Roy ayant aduifé d'enuoyer Monsieur le Duc de Neuers vers nostre saint Pere le Pape pour y faire les offices portez par vn autre memoire qui luy est sur ce baillé, pour rendre l'obediance au nom de sa Maiesté, ainsi qu'ont accoustumé de faire les Rois de France ses predecesseurs, ladite Maiesté se promet que sa Sainteté se monstrera si equitable contre les oppositions que ses ennemis pourroient encore faire sur la forme qui a esté tenuë en sa conuersion à la Religion Catholique, Apostolique & Romaine, qu'elle approuuera ce qui en a esté fait, comme il y a esté legitiment procedé & selon les Constitutions Ecclesiastiques, & receura le deuoir que sa Maiesté luy enuoye rendre par ledit Seigneur Duc, comme pere debonnaire & qui desire le repos de ce Royaume avec la conseruation de la Religion Catholique, dont le moyen est ouuert & asséuré par le moyen de l'vniõ & incorporation de la Maiesté en icelle, ainsi que sa Sainteté le sçaura tres-bien iuger, & ledit Seigneur Duc le représenter estant admis aupres d'elle.

Et où neantmoins la force & pouuoir de ceux qui desirent vsurper ce Royaume auroient tant d'autorité que d'empeschier l'accez audit Seigneur vers sa Sainteté, il essayera par lettres & supplications de la flectir à le vouloir laisser passer outre; recherchera en cela l'intervention & assistance des Princes d'Italie, en faisant connoistre par ce qu'il escriira en vn endroit & en l'autre, le tort qui seroit fait à sa Maiesté par ce refus, & les inconueniens qui en pourroient aduenir, qu'il cottera & exprimera par lesdites lettres; afin que sa Sainteté & lesdits Princes ayent occasion de les bien considerer, & soient par là incitez d'y apporter toutes les persuasions qu'ils pourront, & sa Sainteté prendre la bonne resolution que l'affaire requiert pour le bien vniuersel de la Chrestienté, & en cela il prendra les meilleurs moyens qu'il pourra pour faire voir ses lettres à sa Sainteté, & en tirer response; reïterant de la solliciter, en redoublant la mesme instance d'estre receu par nouuelles lettres, si souuent, que sa Sainteté reconnoisse le ressentiment qu'en aura ledit Seigneur Duc de l'iniure qui seroit faite à sa Maiesté, & à sa propre personne.

Et d'autant que où elle ne feroit response & tireroit les choses en longueur, ainsi qu'il a fait enuers ledit sieur Marquis de Pisany, l'honneur de sa Maiesté estant à present Catholique, ny l'estat des affaires ne le pourroient souffrir, elle desire qu'après auoir vscé en cela de toute la diligence qui sera possible, & temporisé vn mois ou six semaines à attendre la resolution de sa Sainteté, ledit Seigneur Duc luy escriue

vne ample lettre pour la dernière, qui puisse iustifier sa Maïesté envers tous les Princes & Estats Catholiques du deuoir où elle se fera mis, & des moyens qu'elle aduîsra de prendre pour pouruoir à la conseruation de la Religion Catholique en son Royaume & en sesdites affaires; puisque la tyrannie d'Espagne seroit tellement establie à Rome, que le Pape ne pourroit rendre iustice, & qu'au lieu d'icelle il seroit contraint de prendre la loy de leurs volontez. Et afin que chacun soit induit à soustenir la cause de sa Maïesté par la raison qu'elle aura tiré de son costé, mettant le tort du costé dont cette iniure luy seroit faite, il sera besoin que ladite lettre soit imprimée pour la faire voir par tout à la descharge & aduantage de sa Maïesté.

Ayant fait ce dernier acte, ledit Seigneur Duc reprendra son chemin pour s'en reuenir; essayera neantmoins en passant & voyant les Princes, s'il pourra bastir quelque bonne alliance avec eux contre la tyrannie Espagnolle, laquelle estant suiuiue de la Cour de Rome, nul ne seroit par raison tenu de faire cas de ce qui en sortiroit, iusques à ce que sa Sainteté fût remise en la liberté de faire ce qui est du deuoir de pere commun, à quoy chacun a interest de tascher de tout son pouuoir, & cependant s'aider des priuileges que tous Estats peuuent auoir en ce qui concerne l'Eglise en cas de tels empeschemens de la dignité Pontificale. Et en tout ledit Seigneur Duc fera & se conduira selon qu'il verra estre pour le mieux, dont sa Maïesté ne luy peut donner meilleure instruction que de s'en remettre, comme elle fait, à son bon iugement.

Si ce n'est qu'elle a estimé le deuoir particulièrement aduertir, & charger de faire souuenir Monsieur le grand Duc de la promesse qu'il luy a fait faire, qu'après sa conuersion il ne laisseroit de l'assister de ses moyens, encore que le Pape ne la voulust recevoir. Ce que sa Maïesté s'assure qu'il voudra effectuer, comme il en sera prié tres-affectueusement par ledit Seigneur Duc, luy mettant en consideration qu'y ayant sa Maïesté accomply ce qui estoit désiré d'elle, mesme s'estant mis si auant en deuoir envers sa Sainteté, il n'y auroit plus aucun suiet qui deust empescher ses amis de luy en rendre les effets, spécialement ledit Seigneur grand Duc, attendu sadite promesse, de l'accomplissement de laquelle sa Maïesté le peut iustement requérir, puis qu'il n'y a plus aucune condition de sa part qui y puisse apporter difficulté. Aussi elle fait estat si certain de la parole qui luy a esté donnée par iceluy Seigneur grand Duc, qu'elle s'en assure comme si desia elle en voyoit l'effet present.

Fait le dernier iour d'Aoust 1594.



INSTRVCTION.

*QUE M. DE NEVERS DONNA DE LA PART DV ROT
à M. de Pisani, lors qu'il fut à Rome.*



INSTRVCTION que le Roy a admise d'enuoyer au sieur Marquis de Pisani, Cheualier des Ordres, Conseiller au Conseil d'Estat de sa Maiesté, & Capitaine de cinquante hommes d'armes de ses Ordonnances, estant de present en Italie; tant sur le suiet de la charge qu'elle luy a ordonnée de son Ambassadeur en Cour de Rome, que pour les autres affaires lesquelles elle desire qu'il s'employe pour son seruice, selon qu'il est cy-apres contenu.

Sa Maiesté ayant, apres s'estre vnüe à l'Eglise Catholique & Romaine, resolu d'enuoyer Monsieur le Duc de Neuers vers nostre saint Pere le Pape, tant pour luy donner la nouuelle de sa conuersion, s'en conioiür avec sa Sainteté, & la requerir d'octroyer sur icelle sa benediction à sa Maiesté, pour plus grande satisfaction de sa conscience & en signe de son amour & bienveillance paternelle, que pour luy rendre, & au saint Siege, l'obeissance en son nom que doit vn Roy de France Tres-Christien, & premier fils de l'Eglise: elle a estimé à propos de faire visiter les Princes d'Italie qu'elle tient pour ses amis, & les prier de faire tous bons offices enuers sa Sainteté, sur le suiet de la despesche dudit seigneur Duc, afin de luy rendre plus exorable. Toutefois elle a iugé qu'il ne seroit conuenable d'employer à cet effet vers lesdits Princes, la personne dudit seigneur; pour ne rien diminuer en l'opinion de sa Sainteté de la dignité avec laquelle sa Maiesté desire s'acquitter de ce premier deuoir en son endroit, lequel elle pourroit tenir en moindre compte, si celuy qui en a la charge, auoit auparauant fait ailleurs d'autres offices. A cette cause sa Maiesté a voulu que ledit sieur Marquis satisfasse pour ce regard enuers lesdits Princes.

Ce qu'il commencera vers Monsieur le Duc de Mantouie, comme le premier sur son chemin, pour passer outre; & apres l'auoir salué au nom de sa Maiesté, & à iceluy baillé la lettre qu'elle luy escrit, il luy dira, que Dieu luy ayant fait connoistre que l'Eglise Catholique, Apo-
stolique

stolique & Romaine est la vraye Eglise, il luy auroit pareillement donné la volonté de s'vnr & incorporer en icelle, comme elle auroit fait dès le Dimanche 25. de Juillet, avec les formes & solemnitez qui auroient esté iugées requises & necessaires, par les Prelats & Docteurs en la sainte Faculté de Theologie qui estoient à cette fin assemblez, auxquelles sa Maiesté se seroit volontairement soumise, avec promesse & protestation de reconnoistre nôtre saint Pere comme chef de la sainte Eglise Catholique, & le saint Siege, & luy rendre l'obeissance deuë, ainsi qu'ont fait les Rois de France Tres-Chrestiens ses predecesseurs.

Que sa Maiesté a reconnu que cette sainte action a esté vrayement vne grace & vne inspiration diuine, par la consolation qu'elle en a sentie, & sent encore plus de iour à autre en sa conscience; & qu'elle a esté tres-aise, en faisant le salut de son ame, de pouuoir aussi donner ce contentement à tous ceux qui le desiroient pour le bien de la Chrestienté, & pour l'affection particuliere qu'ils portent à sa Maiesté & à la prosperité de ses affaires.

Que le tenant des premiers & principaux de ce nombre, tant en zele à la Religion & au bien vniuersel de la Chrestienté, qu'en bonne volonté & affection à la prosperité de sa Maiesté & de ses affaires, encore qu'il pourra desia auoir entendu d'ailleurs la nouvelle de sa conuersion, elle a bien voulu la luy donner elle-mesme & s'en conioiür avec luy, pour l'assurance qu'elle a qu'outre tous ceux qui s'en sont réioiüs, il en aura pour plusieurs respects receu plus particulier plaisir & contentement. Et comme avec cette occasion les offices de vraye amitié pourront cy-apres estre exercez plus librement entre sa Maiesté & ledit Seigneur, elle luy promet & assure que de la part d'icelle, il en receura à iamais tous les bons effets qu'il peut desirer d'un tres-bon parent & parfait amy, comme sa Maiesté luy est, & dont elle ne perdra les occasions de luy rendre tous les bons tesmoignages qui seront en son pouuoir.

Que sa Maiesté, apres auoir satisfait sa conscience interieurement & fait les actes exterieurs qui conuiennent à vn tres-bon Catholique, a voulu au plustost qu'elle a peu tesmoigner sa deuotion & obeissance filiale enuers nôtre saint Pere le Pape & le saint Siege. Ce que si elle pouuoit faire en personne, ce seroit bien son plus grand souhait & contentement, que de rendre cet honneur à sa Sainteté & audit saint Siege. Mais puisque la condition du temps & l'estat de ses affaires ne le permet, elle y a voulu suppleer par vne tres-digne & honorable eslection, qui est de la personne de Monsieur le Duc de Nevers. Lequel combien que son indisposition peust iustement l'exempter du travail de ce voyage; toutefois sa Maiesté connoissant que cette charge ne pouuoit tomber en suiet plus digne, ny en qui concourrent tant de bonnes & grandes qualitez ensemble, elle a desiré qu'il fassé cet effort à sa santé pour vne si bonne œuvre, & pour d'autant mieux fai-

re connoistre à sa Sainteté l'affection de sa Maïesté à luy rendre , & au saint siege, tout le plus grand honneur & respect qui luy est possible. Ce qui a aussi fait postposer audit seigneur Duc toutes les considerations de son particulier, qui luy pouuoient seruir de legitime excuse.

Sur ce ledit sieur Marquis dira audit seigneur Duc, que sa maïesté l'a bien aussi voulu aduertir de cette resolution & despesche. Et encore que le chemin dudit Duc de Neuers le pourroit porter à le voir, ou ne passer gueres loin de luy; toutefois elle a pensé deuoir faire cet office par autre que par iceluy Seigneur, tant enuers luy que les autres Princes, pour ne donner occasion à sa Sainteté de s'offenser si estant despesché vers elle, sa charge estoit commune à d'autres; qui a esté cause que sa Maïesté s'est résolue de donner cette particuliere audit sieur Marquis de voir lesdits Princes de sa part.

Que sa Maïesté se promet tant de la bonté de sa Sainteté, qu'elle luy fera la benigne reception & recueil que merite sa bonne & sainte intention, & la reuerence avec laquelle elle s'y presente; ne pouuant croire qu'elle voulust tacher la memoite de son Pontificat d'une telle rigueur, & faire vne si grande playe à la Chrestienté, que de vouloir separer de l'Eglise vn membre si utile & si important à la grandeur d'icelle, qu'est vn Roy & vn Royaume de France; au lieu que Nostre Seigneur Iesus-Christ, duquel il est Vicair en terre, a donné precepte & enseignement en son Eglise aux Pasteurs d'icelle, de trauailler & chercher les moyens d'y ramener ceux qui en seroient desuoyez.

Toutefois outre les autres indices & preuues qu'elle a des mauuais desseins de ceux qui pensent tirer profit des troubles & de la ruine de ce Royaume, elle est tres-bien aduertie qu'ils sont preparez de n'espargner aucunes sortes de calomnie ny imposture enuers sa Sainteté, pour empescher la reconciliation que sa Maïesté recherche de faire avec elle & le saint siege; & ne doute pas que ils n'adioussent des menaces aux pectuations, pour gagner par intimidations ce que par raison ils scauent ne pouuoir esperer: d'autant qu'ils voyent desia vne telle & si generale conuersion des volontez en ce Royaume à reconnoistre sa Maïesté & s'accommoder avec elle, depuis qu'elle s'est vnue en l'Eglise Catholique, qu'il ne leur reste plus de confiance, que celle qu'ils constituent aux empeschemens qu'ils tascheront de susciter enuers sadite Sainteté.

Et d'autant que c'est chose qui importe de tant, que chacun connoist que toute la Chrestienté, & que tous ceux qui y tiennent les premiers lieux & dignitez, ont interest de fauoriser les bonnes & salutaires resolutions qui sont en cela necessaires de la part de sa Sainteté, ledit sieur Marquis priera iceluy Seigneur Duc au nom de sa Maïesté, d'y vouloir employer son bon credit & moyen, & faire sur ce telles remonstrances & offices que l'affaire merite; & seroit tres-à propos qu'il luy pleust y enuoyer quelque personnage de qualité exprés, pour faire

d'autant plus connoître qu'il prend les choses à cœur & en juge la consequence telle, qu'il y veut apporter toute l'aide qui peut dependre de luy, encore que sa Maiesté ne l'estime pas necessaire pour heschir la volonté de sa Sainteté au bien qui despens d'elle; mais bien pour la forrifier contre les braueries qui luy pourroient estre faites pour l'empeschier, & afin de la rendre plus asseurée, en se resoluant à faire office de pere debonnaire enuers sa Maiesté, d'estre asseurée & assistée contre ceux qui voudroient entreprendre quelque chose à son preiudice; dont elle pourra faire fondement sur les moyens & appuy desdits Princes, selon les demonstrations & offres qu'ils luy feront en certe occasion: comme iceluy sieur Marquis priera ledit sieur Duc que de sa part il les vueille faire telles, qu'elles puissent seruir à vn si bon effet; & ourre le merite qu'il en acquerra enuers sa Sainteté-mesme & le public, sa Maiesté luy en aura particuliere obligarion, dont elle recherchera les moyens de s'en reuancher enuers luy, en ce qu'elle connoistra luy porter aduantage & contentement.

Après auoir veu la résolution que ledit Seigneur prendra là-dessus & le moyen qu'il y voudra tenir, dont il poursuira que la despesche se fasse au plustost, il se transportera à Venise, où ayant conféré avec le sieur de Messe Ambassadeur ordinaire pour sa Maiesté audir lieu, il fera semblable office, compliment & poursuite enuers la Seigneurie, par le mesme ordre qui est cy-deuant conrenu.

De là il s'en ira à Ferrare, pour faire de mesme que-dessus enuers Monsieur le Duc, accommodant le langage qu'il aura à luy tenir selon qu'il iugera estre à propos de la charger ou diuersifier en quelques points: ce qui est remis à la prudence dudit sieur Marquis; l'importance de l'affaire consistant principalement à disposer ledit Seigneur Duc à se ioindre avec les autres Princes en l'office que sa Maiesté desire d'eux enuers sa Sainteté.

Ayant fait ce compliment enuers ledit Seigneur, il verra le sieur Cesar d'Est de la part de sa Maiesté, & luy baillera la lettre qu'elle luy escrit; & luy dira, que si les Rois ses predecesseurs ont aimé la maison de Ferrare, sa Maiesté n'y est moins bien affectionnée, & qu'avec cete occasion du voyage qu'elle luy a ordonné faire vers Monsieur le Duc, elle luy a donné charge de le voir, & l'asseurer pour son particulier que sa Maiesté le veut aimer, & s'employera tousiours tres-volontiers pour luy en ce qu'il en pourra auoir besoin, dont il prendra pour arthes l'offre que désà present elle luy en a voulu faire. Ce qui sera suivi des effets aux occasions qui s'en pourront offrir, où il se pourra preualoir de la bonne volonté d'icelle en son endroit.

Delà s'en ira à Florence, ou en autre part où sera Monsieur le grand Duc de Toscane, auquel il parlera des choses susdites avec plus particuliere confiance, & luy dira ce qu'il aura rapporté des autres Princes & connu de leurs intentions: le priera non seulement de semblable

office & assistance qu'eux, mais que comme celuy quia monstré auoir plus de soin de voir la Maiesté vnüe à l'Eglise Catholique, Apostolique & Romaine, qu'estant satisfait en cela de ce qui despendoit de sadite Maiesté, il vueille aussi prendre l'affaire en main vers la Sainteté de si bonne façon, que la Maiesté y reçoie le bon & fauorable recueil & traitement que merite le deuoir où elle se met pour contenter la Sainteté.

C'est tout ce que ledit sieur Marquis aura à faire auant que de se rendre à Rome. Et pource que le premier office qui s'y doit faire de la part de la Maiesté est par Monsieur le Duc de Neuers seul, elle remet à refoudre en la communication que Mess. le Cardinal de Gondy Duc de Rets & le sieur Marquis auront avec luy à son arriuée en Italie, s'il sera meilleur qu'iceluy sieur Marquis se rende en mesme temps que ledit Seigneur à Rome, ou qu'il differe quelques iours apres. En quoy il se conduira selon ladite resolution qu'ils en auront prise ensemble.

Estant arriué en ladite ville, & apes auoir conneu par ce que ledit Seigneur Duc aura traité avec la Sainteté, qu'elle soit disposée à recevoir vn Ambassadeur de la part de la Maiesté, ledit sieur Marquis se presentera à elle avec telle reuerence qu'il luy appartient; & luy dira, qu'encore que la Maiesté luy ait ouuert son cœur par ledit Seigneur Duc, touchant la deuotion & obeissance filiale qu'elle est tres-resoluë de luy rendre toute sa vie, & au saint siege, comme premier fils de l'Eglise; toutefois pour faire paroistre cette resolution par les effets, elle auroit voulu pour premiers gages d'icelle, establis vn Ambassadeur de sa part près la Sainteté, comme les Rois ses predecesseurs ont donné ce témoignage entr'autres de l'honneur qu'ils portoient au saint siege; & que l'ayant la Maiesté choisy pour faire cette charge, le plus exprés commandement qu'elle luy auoit fait, estoit d'asseurer la Sainteté, que non seulement elle desire l'honorer & obeir comme Chef de la Sainte Eglise Catholique; mais aussi la seruir en son particulier avec autant d'affection qu'elle peut esperer de nul Prince de la Chrestienté; & quand il luy plaira se laisser entendre de quelque chose qu'elle desire de la Maiesté, elle y trouuera vne prompte volonté d'y satisfaire. Suppliera aussi la Sainteté à ce qu'il luy plaise adiouter à cette bonne intention de la Maiesté, l'obligation qu'elle peut acquerir sur elle & sur son Royaume par la bienueillance paternelle, en luy en faisant sentir les effets selon que les occasions se presenteront, esquelles fauorisant les affaires de sadite Maiesté & le repos de sondit Royaume, elle y acquerra en son particulier vn tres grand merite, dont ils luy rendront graces immortelles & illustrera sa memoire d'une louange perpetuelle enuers la posterité. A quoy ledit sieur Marquis adioustera encore tout ce dont le suiet luy suggerera la matiere, en tel ordre & façon que par sa prudence il iugera estre à propos. Quant aux choses particulieres dont il se pourra offrir occasion de parler, la Maiesté ne luy en peut donner à present aucune instru-

tion, d'autant qu'elles despendent de ce que ledit Seigneur Duc doit traiter, & des resolutions qui en procederont, desquelles ledit sieur Marquis aura communication, & selon icelles il se conduira en la poursuite qu'il aura à faire pour les faire réussir le plus à l'advantage de l'honneur & service de sa Maiesté qu'il luy sera possible, comme elle se tient tres-assurée qu'il sçaura bien iuger, & y garder ce qui appartient à l'un & à l'autre.

Sa Maiesté remet aussi à son bon iugement les visites & offices particuliers qu'il est besoin de faire, tant enuers les sieurs Sinthio & Pietro Aldobrandini Nepueux de sa Sainteté, que messieurs les Cardinaux pour les lieux qu'ils tiennent, & les rendre les plus disposez que faire se pourra, en faueur des affaires de sa Maiesté & de son Royaume.



INSTRVCTION.

A MONSIEVR DE LVXEMBOVRG,
allant à Rome.



ES Princes du sang & autres, les Cardinaux, Ducs Pairs, Mareſchaux de France, & autres Officiers de la Couronne, Archeueſques, Eueſques, & autres Prelats & Seigneurs du Conſeil Catholique qui reconnoiſſent & ſeruent le Roy comme legitime ſucceſſeur à la Couronne, & qui ſont à preſent près ſa Maieſté; voulant tant en leur nom, que comme re-
preſentans le Corps entier de la Nobleſſe Catholique du Royaume con-
jointe avec eux en la meſme cauſe & reſolution, oſter tout ſuiet à nô-
tre Tres-ſaint Pere le Pape, de douter à cette occaſion, de leur zele &
fermeté en la Religion Catholique, Apoſtolique & Romaine, & luy
faire par meſme moyen connoiſtre la ſoumiſſion, l'honneur & l'o-
beïſſance qu'ils deſirent à touſiours rendre à ſa ſaincteté, & au ſaint
ſiege Apoſtolique, ont prié monſieur de Luxembourg, Duc d'Es-
pinay, Pair de France qui a aſſiſté en cette deliberation, de vouloir pren-
dre la charge pour tous, d'aller vers ſa Sainteté, & luy faire entendre
ce qu'ils ont iugé à propos de luy repreſenter en leur nom; afin que
ſincèrement informée de leurs bonnes & ſaintes intentions, elle puiſſe
d'autant mieux faire l'equitable iugement, & prendre vne derniere reſo-
lution ſur les affaires & les troubles de France, telle qu'elle connoiſtra
eſtre plus conuenable au bien de la Chreſtienté, & à la manutention
de la Religion Catholique, Apoſtolique & Romaine en cedit Royau-
me. POVR CET EFFET ledit Duc ſe transportera à Rome, en plus gran-
de diligence qu'il luy ſera poſſible: & apres auoir tres-humblement bai-
ſé les pieds de ſa Sainteté de la part ſuſdite, luy dira & proteſtera en
premier lieu, que leſdits Seigneurs & Princes, tant Eccleſiaſtiques que
autres, tiennent pour tout certain & reſolu, que hors l'Egliſe Catholi-
que, Apoſtolique & Romaine, il n'y a point de ſalut, qu'aussi ils veu-
lent viure & mourir en la foy & creance d'icelle; reconnoiſſant pour
Chefs & Vicaires de Dieu en ladite Eglife, les ſaints Peres ſeants en la chai-
re pontificale à Rome, ſans que nulle autorité, crainte de mort, ny au-

tre chose quelconque les puisse iamais destourner de cette resolution.

Et puis que la Sainteté tient à present meritoirement cette souveraine dignité, ils n'ont voulu faillir d'envoier à ses pieds sacrez cette leur protestation & declaration, pour reconnoissance du devoir & de l'obeissance qu'ils entendent luy rendre, comme tres-humbles & tres-deuots enfans de l'Eglise, & se reioüissans avec la Sainteté, de son heureuse assomption au Pontificat, avec lequel ils ont esperé & se promettent de voir renaistre la felicité d'une bonne paix & vn assuré repos en la Chrestienté, par vn commun iugement que chacun fait de la probité, & autres singulieres vertus dont la personne de la Sainteté est recommandée. Ce qui fait croire que Dieu l'ayant esleue au souverain degré où elle est constituée, l'a ordonnée pour estre moyen à son peuple d'un si grand bien, & ont singulierement lesdits Seigneurs esperé qu'elle aura particuliere compassion de ce Royaume, qui a tousiours esté vn si assuré recours & support du saint siege, en toutes occasions, où il en a eu besoin; & si estroitement lié d'intelligence avec iceluy, pour le maintenir en son autorité & en sa grandeur; & à cette occasion elle voudra remedier aux maux qui le menacent d'une prochaine ruine.

Que c'est avec vn tres-grand regret qu'ils nefe sont pas plustost acquittez de ce devoir & de cette soumission enuers la Sainteté, dont elle aura entendu les causes, par vne lettre qu'ils luy ont escripte au mois d'Avril dernier, au nom commun de tous ceux qui se trouverent lors près la Maiesté, si elle leur a fait cet honneur de la voir. Lesquelles ils s'assurent que la Sainteté aura trouuées si legitimes, qu'elle les aura tenus pour legitiment excusés; l'une d'icelles estant fondée sur le desir qu'ils avoient que cette despesche fust faite en plus grande compagnie & assemblée; ainsi qu'il est porté par leursdites lettres, pour rendre cet office qui se fait enuers la Sainteté, plus honorable. Et neantmoins estimant, veu que le cours des affaires tenoit encore vne grande partie des Princes, Marechaux de France, & autres Officiers & Seigneurs separez par les Prouinces pour la seureté d'icelles, qu'ils ne les pourroient sitost descomparer; & qu'à cette occasion ladite assemblée tireroit en trop grande longueur, les susdits Princes, Marechaux, & autres Officiers de la Couronne & Seigneurs plus assurez de l'intention des absens pour ce regard: & se persuadans que la Sainteté auroit plus agreable cette reconnoissance promptement faite, quoy qu'avec moindre solemnité, que plus longuement attendue pour y en adiouster dauantage, s'estoient resolus de se dispenser plus longtemps de ce respect, pour ne laisser la Sainteté tousiours incertaine de leur affection en son endroit. Ce que toutefois ils n'ont pû sitost effectuer qu'ils pretendoient, pour plusieurs difficultez que la condition presente desdites affaires fait naistre de iour à autre. Mais si la longueur leur en a déplu, elle leur a d'autre costé apporté ce contentement, que le nombre se trouue à present de beaucoup accru par la venue de Monseigneur

le Cardinal de Bourbon, Prince du sang, & de plusieurs autres principaux Prelats & Seigneurs du Conseil, lesquels n'ont seulement approuvé la susdite resolution d'envoyer vers la Sainteté & l'ellection de la personne dudit Seigneur Duc, mais aussi vivement insisté à la faire partir sans plus longue demeure, pour représenter à la Sainteté leur commune devotion & reuerence enuers elle, qu'ils luy promettent & assurent avec la soumission qu'ils doiuent tant pour eux que pour tous les autres Princes, Ducs Pairs, Mareschaux de France, Prelats & autres Seigneurs & corps de la Noblesse Catholique, reconnoissant & suiuant le Roy leur Prince souuerain & legitime, pour lesquels ils se font fort; la suppliant tres-humblement, que comme ils luy ouurent en cela, l'interieur de leurs cœurs, il luy plaise aussi leur tenir la porte ouuerte de sa benignité & clemence, & les recevoir avec le bon & favorable accueil que les enfans prostetnez aux pieds de leur pere en signe d'humilité & d'obeissance, ont accoutumé d'y trouuer; croyant, s'il luy plaist, qu'ils la luy rendront tousiours telle de leur part, qu'elle aura occasion de s'en contenter.

Ils ne doutent point que ceux qui ont émeu, & entretiennent la pernicieuse rebellion en ce Royaume, dont il est griéuement trauaillé, & qui le courent d'un faux pretexte de Religion, pour diminuer l'horreur que leur crime porte avec soy à l'endroit des Princes qui y sont tous interessez pour la consequence, n'ayent tâché & ne s'efforcent par tous moyens de donner mauuaise impression à la Sainteté desdits Princes & Seigneurs qui resistent sous l'autorité du Roy, à leurs mal-heureux desseins, prenant quelque fondement sur ce que la créance qu'il tient à present au fait de la Religion, est ou condamnée ou reprouvée en l'Eglise Catholique Apostolique & Romaine. C'est par où ils pensent iustifier leur faux zele, le masquant de la conseruation d'icelle, & en faisant rampart en la defence de leur iniuste cause. Ce qui auroit quelque apparence, au moins pour aucunement excuser enuers les plus simples, la faute qu'ils font de faire la guerre à leur Prince souuerain, s'ils ne l'auoient commencée que depuis son aduenement à la Couronne. Mais le premier & le plus violent éclat de leurs mauuaises volontez, est aduenu du viuant du Feu Roy, & contre sa personne mesme. Ils se font tous auoüez coupables & consentans à l'assassinat d'iceluy, par les feux de joye, & autres actes de réjouissance publique qu'ils ont faits. C'estoit neantmoins l'un des Princes les plus deuots & les plus feruens en la Religion Catholique Apostolique & Romaine, qui fussent de longtemps. Il auoit donné tant de batailles, & rendu tant de combats pour la manutention d'icelle, & faisoit en toutes choses, tellement connoistre le zele qu'il y auoit, que cela conuinquoit & condamnoit de pure felonie, les armes leuées contre luy, & l'vsurpation de ses Villes les plus Catholiques, faites en l'année 85. Partant s'il auoit du mal à la Religion Catholique par le changement du Roy, la cause n'en pourroit iustement estre imputée qu'à ceux qui l'ont fait mourir; & il ne faut plus qu'ils se cou-
urent

urent contre le Roy à present, d'un voile si leger, à trauers duquel leur rebellion seroit toute claire & decouuerte. Il est aussi trop euident que ce sont les Espagnols qui en ont fait la trame de longue main, pour paruenir à la ruine de cette Couronne, proiettee & desseignée en leurs esprits par vne ambition naturelle, & de succession hereditaire en la conception de leur Roy.

Le feu Pape Xiste Cinquiesme de tres-heureuse memoire, circonuenu au commencement par leurs artifices & impostures, & des agents desdits rebelles, auoit esté induit à vser de quelques termes rigoureux, mais enfin éclaircy de la verité, tant par ce que le sieur de Pisany luy en auoit representé, ayant esté dépesché vers luy depuis l'aduènement du Roy, de mesme part qu'il est enuoyé encores à present, que par autres informations tres-veritables qu'il en auoit eues, il s'estoit agrement fâché contre tous ceux qui abusent de la foy qu'il leur auoit prestée, auoient esté cause de cette precipitation, estant mesmes tres-mal contant du Cardinal Caëtan enuoyé par luy en France, pource qu'il apperceut qu'au lieu de satisfaire à ses commandemens, il prenoit & suiuoit entierement les instructions des Espagnols, lesquels la Sainteté connoissoit euidemment auoir tout autre but que celuy qu'ils protestoient exterieurement. Et au demeurant tant s'en faut qu'elle condannast les susdits Princes, Ducs Pairs, Mareschaux de France, Officiers de la Couronne & autres Seigneurs Catholiques qui auoient reconnu & suiuoient le Roy, que par vn sien Brief sur ce à eux despesché, elle leur donnoit sa benediction; louant ce qu'ils auoient fait entendre de leurs bonnes intentions en ce qu'ils auoient fait à l'entretènement de la Religion Catholique, Apostolique & Romaine. Et encore que cela estant procedé d'un saint Pere, si digne & doué de tant de prudence, non legerement, mais avec connoissance de cause, leur soit comme vn preiugé en leurs consciences, pour croire que sa Sainteté d'à present ne le voudra pas reuoker, sous les persuations qui luy pourroient estre faites contre eux, pour les mettre en son indignation, qui ne peuuent auoir autre fondement que celuy duquel ledit feu saint Pere s'estoit reconnu trompé. Toutefois pour le desir qu'ils ont que sadite Sainteté, de present demeure aussi bien satisfaite & edifiée d'eux, ils ont estimé à propos de luy faire représenter les mesmes raisons qui furent représentées de leur part audit saint Pere deffunt, si elle a agreable de les entendre. Par où elle connoistra qu'ils n'ont peu moins faire pour leur deuoir, honneur & conseruation, que ce qu'ils ont fait, & qu'ils ont en ce faisant, eu tout le regard à la manutention de la Religion Catholique, que peuuent auoir les bons & vrais Catholiques, desquels les cœurs & la profession exterieure ne se demettent point.

Pour donc en rendre sa Sainteté bien informée, luy sera remonstré que l'accident de la mort du feu Roy dernier, que Dieu absolue, aduint aupres de Paris en guerre ouuerte. Tous les Princes, tant du sang

qu'autres, les Ducs Pairs, Mareſchaux de France, Officiers de la Couronne & autres Seigneurs, & generallyment toute l'armée où il eſtoit, tous les vrais François qui n'ont point degeneré de la fidelité de leurs Anceſtres, & tous les ſerviteurs du feu Roy eſtoient iniuriéz en cet aſſaſſinat; & par conſequent obligez d'en pourſuire la vengeance & la juſtice. Ce qu'ils ne pouvoient faire s'ils ne ſe maintenoient vnis: & d'ailleurs quand cette occaſion ne les y euſt induits, ils y euſſent eſté contraincts pour leur conſeruacion. Autrement ils ſe mettoient en danger de tomber à la mercy de leurs ennemis; & euſſent laiſſé comme ineuitable la ruine d'eux, de leurs familles & de leurs maiſons, apres la meſchanceté qui auoit eſté commiſe. Ce que la nature apprend aux plus ſimples d'euiter, à plus forte raiſon à ceux qu'elle a armez de generoſité, qui mettent l'honneur au deſſus de toutes les autres choſes du monde, & qui le voudroient deſſendre au hazard de mille morts, ſi tant ils en pouvoient ſouffrir, pluſtoſt que de ſouiller leur memoire par aucun acte de ladite cheute de courage.

Or leur vnion ne pouuant ſubſiſter pour ſe garentir deſdits inconueniens, ſans vn Chef; quand il n'y eût eu autre raiſon de deſerer cet honneur au Roy qui eſt à preſent, que le lieu qu'il tenoit deſia en l'armée, viuant le Roy deſſus, d'y eſtre le ſecond en autorité; Prince au demeurant belliqueux, & ayant deſia vne longue experience au fait de la guerre, ils n'euffent peu faire autre eſlection que de ſa perſonne. Mais vne autre plus forte raiſon l'y appella, qui eſt le droit de ſucceſſion à la Couronne, que la nature & les loix du Royaume luy auoient acquis comme premier Prince du ſang, tel reconnu du feu Roy, meſmes au dernier ſoupir de ſa vie; & qui eſt Cours ſouueraine de ce Royaume, apres la mort de feu Monsieur frere du Roy deſſus, auoit tenu vn tel degré eſ actes & ceremonies où les rangs des Princes ſont obſeruez. Au moyen dequoy eſtant aduoüé & déclaré pour Roy en ladite armée, leſdits Princes & autres Seigneurs principaux ſuſdits, tant Mareſchaux de France que d'autre qualité, luy promirent & iurerent fidelité & ſeruiſſe.

Ayant neantmoins en ce faiſant, requis & pris promeſſe de ſa Maieſté, ſignée de ſa main, de maintenir la Religion Catholique, Apoſtolique & Romaine en cedit Royaume; enſemble les Eccleſiaſtiques en leurs droits & priuileges, ſans rien alterer au fait de ladite Religion, ni en l'ordre & diſcipline d'icelle, ſoit pour la conſeruacion des Benefices ou autrement; & de n'y pouruoir ou nommer, vacation aduenant, que perſonnes Catholiques; avec promeſſe de faire dans ſix mois vne aſſemblée des principaux du Royaume, & avec leurs aduis pouruoir à ce qui ſeroit trouué eſtre pour le bien d'iceluy; & en ce qui concerne la creance, auroit déclaré qu'il ſera touſiours preſt de receuoir inſtruction quand elle luy ſera donnée par bons & legitimes moyens.

Sur ce ſa Sainteté conſiderera s'il luy plaïſt, que ce qu'ils ont fait a

esté pour le deuoir & interest qu'ils ont à la conseruation du Royaume, & à la leur propre; & qu'ils n'ont rien obmis de ce qu'ils ont pû pour y assurer la Religion Catholique par mesme moyen: que comme par leur presence ils ont depuis tenu la main qu'il n'ait esté contreuenue à la susdite promesse, ils peuuent encore à l'aduenir faire le semblable demeurans aupres du Roy & à son seruice.

Que par leur esloignement, il y pourroit demeurer des personnes qui n'apporteroient pas le mesme zele & la mesme deuotion: Que ceux qui poursuiuent de se fortifier des armes & moyens de sa Sainteté par leurs impostures, ont peu d'esgard que deuiendra la Religion, pourueu qu'ils fassent leurs affaires; la dissipation & le partage de la Couronne estant leur but, & le butin qu'ils pensent faire des principales maisons de ce Royaume. La Religion ne fleurit iamais parmy les armes. Elles aduancent & introduisent tout le contraire, bannissant d'entre les hommes, toute la pieté & toute la iustice, dont il n'y a que trop d'exemples, qui doiuent seruir d'instruction à ceux qui ont l'intention bonne, pour eüiter semblables euenemens, & prendre d'autres voyes plus conuenables pour paruenir à l'effet qu'ils desirent.

Que ce qui est icy remontré à S. S. n'est pas pour l'instruire de ce qu'elle doit chosir ou eüiter. Ce seroit trop presumer à qui le voudroit entreprendre. Mais d'autant qu'elle n'est pas informée des affaires de la France, & des intentions & deportemens desdits Princes & autres Seigneurs vrais Catholiques, que par la suggestion de leurs ennemis; & qu'ils s'assurent que comme Prince tres-equitable, elle aura reserué vne oreille aux absens, ils ont pensé estre de leur deuoir & descharge, de luy en faire entendre la verité, & les raisons qui leur seruent de defences contre les calomnies; la suppliant tres-humblement de tant honorer leur sincere deuotion, que de la receuoir en bonne part, & les maintenir tousiours en l'vniõ de la sainte Eglise Catholique, Apostolique & Romaine, comme ils sont resolu de ne s'en departir iamais.

Au demeurant, les susdits Princes & autres Seigneurs ayant entendu que sa Sainteté auoit delibéré d'enuoyer vn Prelat de sa part en France, s'en estoient resioüis, estimant qu'il viendrait avec charge & intention de rechercher les vrais moyens d'assouppir les troubles de ce Royaume, comme c'est vn office qui semble deuoir proceder de la bonté de S. S. Mais ils ont esté grandement frustrez de leurs attentes pour le regard dudit Prelat; d'autant qu'il est allé droit à Rheims trouuer le Duc de Mayenne, se rengant du tout au party de leurs ennemis. Ce qui a esté faire connoistre d'arriüée, qu'il ne procederoit que selon leurs intentions & volonte. Ce que iugeans lesdits Princes & Seigneurs ne pouuoir apporter qu'une plus grande alteration, & moins de respect qu'il ne conuient à ceux qui viennent de la part de sa Sainteté, comme aussi que c'estoit l'une des principales raisons qui les a fait resoudre de haister le partement du sieur Duc de Luxembourg, & pour supplier

la Sainteté par meſme moyen, qu'il luy pleuſt, pour obuier à plus grands deſordres, pouruoir promptement à faire deporter ce Prelat de ſe meſſer d'aucune choſe qui leur pcut toucher, & ne vouluſt auſſi donner aucun iugement allencontre d'eux, ſur les informations qui pourroient venir de de ſa part; attendu les iuſtes cauſes qu'ils ont de le tenir pour ſuſpect.

Mais l'aduis de ſa venuë & la publication de quelques Monitoires ſe ſuiuirent de ſi près l'un l'autre, que cette precipitation eſtant vn indice certain qu'il auoit leur condamnation toute conceuë en ſon eſprit, qui empeſchoit que la verité de leur innocence n'y trouuaſt plus de lieu, il ne fut pas iugé à propos d'enuoyer vers luy, ny auſſi la deſpeche vers ſa Sainteté, n'a ſçeu preuenir ſes mauuais offices.

Et que pource que telles procédures ſont directement derogeantes aux prerogatiues que les Rois de France ont touſiours ſouſtenu appartenir à la dignité de leur Couronne avec telle ialouſie, tant à eux qu'à leurs ſuiets, meſmes aux Eccleſiaſtiques, qu'ils ſe ſont touſiours oppoſez à tout ce qui a ſemblé y eſtre contraire, comme entrepriſes qu'ils eſtimoient eſtre faites indeuëment, les Officiers des Cours ſouueraines qui ont eu connoiſſance de la publication deſdits monitoires, & qui ſont gardes eſtablis à la deſſence de la cauſe publique, ont prononcé ſur ce quelques iugemens. Et a auſſi le Roy eſté conſeillé de faire vne declaration publique, tant pour eſluder les fauſſes ſuppoſitions & pretextes que les ennemis veulent faire courir contre luy ſous l'adueu deſdits monitoires, que pour excuſer ſes autres Officiers, & exhorter les Eccleſiaſtiques à ce que leſdites prerogatiues de la Couronne & les priuileges de l'Egliſe Gallicane deſirent d'eux pour ce regard, ſans que ſa Maieſté aye ſur ce voulu de ſon autorité, pronocer aucune choſe. Qui fait aſſez connoiſtre avec quelle moderation elle ſe conduit non moins en ce qui eſt de la Religion Catholique & de l'autorité de ſa Sainteté, qu'aux choſes temporelles de ce Royaume.

Toutefois leſdits Princes, Prelats & autres Scigneurs ne doutent point que leurs ennemis ne faſſent ſonner ledit iugement & ladite declaration à leur grand deſauantage, aux orcilles de ſa Sainteté, & que par leurs artifices, ils ne les faſſent trouuer mauuais, pour faire deſnier audiance à leurs iuſtifications & remonſtrances. Ils confeſſent auſſi qu'ils voudroient que cela ne fût point aduenu, pour la reuerence en laquelle ils prennent tout ce qui vient de ſa Sainteté. Mais ſi elle a occaſion de ſ'en aigrir, ce ne doit pas eſtre contre ceux qui ſont dans vne iuſte deſſence; mais contre celuy qui les aprouquez, & qu'ils voyent préparé de toute ſon affection, d'employer la charge qu'il dit auoir de ſa Sainteté, non à l'aduancement de la Religion, mais à faire reüſſir les attentats des ennemis, au lieu de garder l'equité & la iuſtice qui doiuent reluire en toutes les actions de ceux qui ont ſemblables charges. Ce qui eſt cauſe de faire chercher à ceux qui y ſont interceſſez, aupres de ſa Sainteté-meſme, les remedes ailleurs, qu'il connoiſſent ne pouuoir trouuer en ſon Miniſtre.

Et pour ce que si la chose demeure en son pouuoir, il est à craindre qu'il ne soit passé si auant d'une part & d'autre, que cela pourroit estre cause de porter beaucoup de preiudice à l'vnion & à la paix de l'Eglise Chrestienne, qui seroit au tres-grand regret desdits Princes & Seigneurs, cela les a d'autant plus incitez d'accelerer le partement dudit Seigneur Duc, pour se rendre de leur part, aux pieds de sa Sainteté, esperant de trouuer sa bonté exorable à leurs tres-humbles supplications & requestes comme pere tres-debonnaire, qui ne reiette de sa famille les enfans qui y veulent demeurer en toute obeissance; ainsi que c'est leur intention à l'endroit de sa Sainteté, & qu'au lieu de la condamnation à laquelle leurs ennemis le pensent auoir préparé contre eux, ils en rapporteront le gré & la louange que merite le zele & la sincere deuotion qu'ils portent à la Religion Catholique.

Pour le bien & la manutention de laquelle s'estant ledit Prelat desia fait connoistre instrument si mal-propre en ce Royaume, ils supplient tres-humblement sa Sainteté le vouloir reuoker de sa charge, & par mesme moyen le cours desdits monitoires, afin de faire aussi cesser d'autre costé les procedures encommencées au contraire, & de reduire les Chefs, à vne meilleure voye & plus decente au bien de la Chrestienté. Enquoy lesdits Seigneurs & Princes rendront le tres-humble deuoir que sa Sainteté en peut desirer, pour la conseruation de sa dignité & du saint siege, comme chose qu'ils auront tousiours en plus speciale recommandation que leur propre vie.

Et où sa Sainteté ne se tiendroit suffisamment informée & satisfaite en ce qui touche lesdits Princes, Marechaux de France, Officiers de la Couronne, Prelats & autres seigneurs du corps de la Noblesse qui reconnoissent le Roy, parce que ledit sieur Duc luy en aura representé, il la suppliera encore de leur part, de vouloir choisir quelque autre Prelat, qui ne depende d'autre que de sa Sainteté, & n'ait aucune volonté que de la seruir fidellement, & de l'enuoyer pardeça deuers eux, pour bien reconnoistre quels sont leurs deportemens & leurs intentions; & s'enquerir aussi des autres choses du Royaume, afin d'en faire vn fiddle rapport à sa Sainteté, pour ordonner apres ce qu'elle reconnoistra estre de raison. Elle tiendra cependant, s'il luy plaist, tous iugemens & toutes procedures pour leur regard en suspens. Ce que leur octroyant, s'assurent tellement de la iustice de leur cause, qu'en estant bien esclaircie, ce bonheur leur continuera d'estre maintenus en la grace de sa Sainteté, comme ils desirent.

Si elle prenoit occasion de se mescontenter d'eux, pour n'auoir presté en tant de temps qui a couru, outre les six mois, de faire l'assemblée promise; il luy sera remonsté que c'est vne des choses que les ennemis ont plus crainct & tâché d'esloigner, preuoyant qu'il n'en pouoit sortir aucune resolution qu'à leur delauantage; & que par la continuelle guerre en laquelle ils ont tenu sa Maiesté occupée, & tous les Grands de ce

Royaume, ils les ont empêché de vaquer à autre chose.

Sil'on parle de la conuersion de sa maiesté, pour sçauoir en quelle opinion & volonté elle en est, il luy dira que lesdits Princes & autres Seigneurs n'en ont que bonne esperance. Mais il ne donnera iamais cet aduantage à ceux qui se couurent de ce pretexte en leur iniuste souleuement, de se pouuoir vanter de luy auoir fait faire quelque chose par force; & que si la paix estoit en ce Royaume, il y auroit lieu de luy proposer l'instruction à laquelle il a monsté vouloir se soumettre, non sans en esperer quelque bon effet. Car il n'est point de naturel opiniastre. D'ailleurs les Catholiques qui se font la guerre les vns aux autres pour autres querelles, quoy que les vns veulent faire croire autre chose, seroient reünis, & tous s'employeroient à la conseruation de la Religion Catholique, à laquelle l'obeissance qu'il auroit des vns & des autres, le feroit plus facilement incliner. Mais la deffiance en quoy on le retient pour le regard des Ligueurs, sert d'argument à ceux qui luy dissuadent de prendre la bonne resolution que l'on desire de luy en cet endroit. En tout euement, ce ne seroit pas peu de chose que par cette reünion des Catholiques, l'on essayeroit mieux ce qui est de ladite Religion; & se prendroit aussi quelque bon reglement pour la disposition & la prouision des Benefices, à la conseruation des droits & autoritez de sa Sainteté, en attendant qu'ils fissent, inspirent & persuadent ce qu'on desire de luy. Au lieu que la guerre met tout en confusion, la haine & la diuision s'augmente entre les Catholiques, & voit-on les choses s'eschauffer de façon, que toutes les nations sont appellées de part & d'autre à cette tragedie. Aussi doit-on craindre qu'il n'en procede vne combustion generale, dont les Infidelles, qui sont desliurez de la guerre de Perse, seront pour tirer le profit, au grand dommage & à la ruine de la Chrestienté. chose digne de la consideration & grande prudence de sa Sainteté, pour chercher les expediens les plus propres à esteindre le feu, auant que le mal le rende plus grand, & possible irremediable.

En quoy si l'on est entré plus auant, que la grande preuoyance & la charité enuers la Chrestienté ne permet, elle sera suppliée de pardonner cette liberté, au iuste ressentiment que lesdits Princes & Seigneurs ont des maux qu'ils craignent de la continuation de cette guerre, pour l'experience qu'on en fait desia en ce Royaume, horrible mesmes à ceux qui les entendent seulement reciter, s'ils n'ont depouillé toute humanité.

Il se peut offrir plusieurs autres points en traitant auec sa Sainteté, que l'on ne peut d'icy tous particulierement coniecturer; & pourtant sera à la prudence dudit sieur Duc d'y respondre, & y satisfaire selon qu'il sçaura bien iuger estre à propos. Et si la negociation a cet heur de rencontrer quelque bonne disposition en sa Sainteté, de vouloir traiter des affaires de ce Royaume autrement qu'elle ne commence, & monstre iusqu'à present de vouloir faire; il continuera de demeurer aupres d'elle

si longuement qu'il verra estre nécessaire, pour en rapporter quelque bon effet; donnant cependant avertis pardeça de ce qu'il y aura trouvé, & s'il y aura quelque autre chose à faire de ce costé-là.

Et d'autant qu'il est reconnu que les Edicts faits en l'an 85. & 88. ex-torquez par force & par violence du feu Roy, ont apporté vne tres grande ruine à cet Estat, & que ceux de la Religion, dite reformée, ne peuvent plus souffrir la privation des autres faits auparavant, pour la pacification des troubles de ce Royaume; avec meure deliberation des Princes & autres grands seigneurs, tous Catholiques, on pretend supplier S. M. que pour leuer l'expulsion portée par iceux derniers Edits de la personne de ceux de la Religion pretenduë reformée, des charges de cette Couronne, qu'à cette occasion elle vueille sur ce en bref, faire quelque declaration, afin qu'à l'aduenir ses sujets d'une & d'autre Religion viuent plus paisiblement sous son obéissance. Si apres icelle faite S. S. en faisoit quelque plainte contre lesdits Princes & Prelats, & autres seigneurs Catholiques; ledit sieur Duc y respondra avec tout l'honneur deu à sa dignité, en luy representant le peu de force & de moyens qu'auoient ceux de ladite Religion, dite reformée, lorsque lesdits derniers Edicts furent faits; & la diminution qu'ils receuoient de iour à autre durant la paix, par les moyens que le feu Roy tenoit, de ne pouuoir aucun aux charges & Offices. Mais neantmoins ils ne se pouuoient encore plaindre que par les Edicts de pacification, ils ne fussent declarez capables; parce qu'avec raison sa volonté ne pouuoit estre contrainte en l'eslection des personnes: ce qui estoit cause que la pluspart de ceux dudit party s'en retiroient, ou faisoient nourrir leurs enfans à la Religion Catholique, pour ne demeurer priuez des honneurs & Estats du Royaume, ausquels ils voyent ne pouuoir autrement participer. Au moyen de quoy il est apparent que quelques années dauantage de patience, les eussent tous ramenez à la Religion Catholique; & s'estant depuis accrûs de forces & de villes, comme Dieu qui connoit le cœur des hommes, voyant que ceux qui ont fait faire lesdits Edicts, n'auoient rien moins en affection que ladite Religion, n'a voulu permettre que sous le manteau d'elle, leurs desseins ayent prospéré. Il seroit tres-dangereux maintenant au Roy, en l'estat où sont ses affaires, quand mesme il n'auroit aucune inclination à ladite Religion pretenduë reformée, de vouloir maltraiter ceux qui en font profession: & il n'y a personne qui aime le bien de l'Estat, comme tous bons François doiuent faire, qui luy peust donner ce conseil. Mais au lieu de s'agrir de cela, & d'y appliquer les armes tant spirituelles que temporelles de S. S. comme les ennemis de cette Couronne luy persuadent; elle considerera, s'il luy plaist, que ce n'est pas audit party qu'elle fait la guerre; mais aux meilleurs Catholiques qui soient en ce Royaume, tant Princes, Prelats, que autres seigneurs, que de toutes qualitez, lesquels ne peuvent separer leur cause d'avec celle du Roy, & des autres qui luy sont seruite en cet-

te guerre. Car ils ſçauent en leurs conſciences , & il eſt auſſi connu de tout le monde, qu'il ſ'agiſt de l'Eſtat , & non de la Religion; laquelle neantmoins ne peut que ſouffrir détrimēt par la guerre. Et pour ce il ſeroit plus conuenable , & plus ſeur pour la conſeruation d'icelle, qu'il pleuſt à S. S. d'embraffer les vrayſ moyens de mettre la Paix en ce Royaume , & ne croire pas en cela, ceux qui ſont reconnus en deſirer la ruine. Mais pluſtoſt receuoir en bonne part, les aduis & les tres-humbles ſupplications de ceux qui ont intereſt à ſa conſeruation. Car la paix faite , tous les Catholiques qui ſont à preſent animez à la deſtruction les vns des autres , ſe remettroient en vn corps , pour veiller & trauailler tous enſemble , à maintenir leur Religion. A quoy conuertiffant vnaniment leurs intentions , aujourd'huy conduites & departies à autres fins , il ne faut pas douter que Dieu auroit leurs deſſeins agreables, & les ſeroit proſperer comme ſa cauſe, qu'il ne veut eſtre mêlée & encore moins ſeruir aux affections & aux contentions humaines. Toutes leſquelles raiſons S. S. ſera ſuppliee de balancer , en contrepoids des precipitez conſeils & aduis qui luy ſont donnez d'ailleurs , & de mettre au pluſtoſt la main aux remedes & aux moyens plus ſalutaires que la France a receus de tout temps du ſainct Siege Apoſtolique, & qu'elle attend de ſa paternelle bonté.

Sil aduenoit , apres auoir deduit toutes les conſiderations ſuſdites à S. S. que ſans y auoir eſgard ny vouloir accorder la requette d'enuoyer par deçà vn autre Prelat, elle vouluſt abſolument qu'on obeit à ſes monitions d'abandonner le Roy , & proceder à faute de ce faire à l'excommunication; ledit ſieur la ſuppliera de ne pas eſtimer ſi peu tant de Princes, Officiers de la Couronne, Prelats, & ſi grand nombre de Nobleſſe & de peuple, faiſans la plus grande partie de la force de ce Royaume, tous tres-bons Catholiques, & bien affectionnez enuers S. S. que de les vouloir alier de ſoy & les retrancher de l'Egliſe; commençant par vne condamnation, ſans garder les formes accouſtumées. Car cela ſeroit contre tout ordre iudiciaire, & principalement contre ce qu'on attend de S. S. pour le lieu qu'elle tient de pere commun, tiltre de toute bonté, d'amour & de charité enuers les ſiens, & pour le bon naturel qui eſt eſtimé en elle. Que ſi elle les traitoit avec cette rigueur, ils ne pourroient croire autre choſe ſinon ce qui ne leur a pû iulques icy eſtre perſuadé, qu'elle ſeroit imbuë des meſmes opinions des Eſpagnols & des Ligueurs, & diſpoſée comme eux à la ruine de ce Royaume. Ce qui ſeroit vne choſe tres-eſtrange auſdits Princes, & autres Seigneurs & Nobleſſe Catholiques; & pourroit les mettre en vn deſeſpoir, qui bien ſouuent pouſſe les hommes à faire ce qu'ils n'euffent pas voulu ſeulement penſer. On voit que les precipitations, quand il en a eſté vſé enſemblables occurrences, ont produit beaucoup de mal; & peut eſtre que ſi on y euſt procedé avec temperance, l'Allemagne, l'Angleterre & autres Prouinces ne ſeroient pas ſeparées de l'vniō de l'Egliſe Catholique

que & de l'obeïſſance du ſaint ſiege, comme elles ſont. Qu'on doit penſer à n'en pas reietter la France, qui y veut demeurer vnice. De leur part, ſentans leurs ames nettes de toutes offences enuers S. S. ils eſpereront, s'ils ſont reiettez d'elle, trouuer en Dieu la conſolation qu'elle leur a deſinée; dont touteſois ils auront vn grand regret, & vne grande occaſion de ſ'en plaindre, & d'aduifer à ce qu'ils auront à faire, pour dōner le repos à leurs cōſciences, que de bons Chreſtiens & vrais Catholiques doiuent deſirer. Et ſi ces remonſtrances ne produiſent aucun fruit, il en faudra demeurer à ces termes là, ſans paſſer plus outre enuers S. S.

Pour le regard de Meſſ. les Cardinaux, ſoit que la negociation ſoit bien receuë & prenne quelque bon acheminement, ou non, ledit ſieur Duc en viſitant ceux qu'il penſera eſtre à propos, ſ'eſlargira de leur en dire autant que bon luy ſemblera, & ſelon ce qu'il connoiſtra de leurs humeurs & affections; tendant ſur tout à les rendre capables le plus que faire ſe pourra, des bonnes & droites intentions deſdits Princes & autres Seigneurs, & de leur ferme deuotion à la Religion Catholique, Apoſtolique & Romaine; pour avec cette iuſtification mettre d'autant plus en leur tort, ceux qui leur voudroient faire vn autre traitement qu'ils ne meritent.

Il fera beſoin, auant que d'aller à Rome, que ledit ſieur eſcriue & cherche moyen de faire ſçauoir ſa venue au Pape, pour ſçauoir ſ'il aura agreable qu'il paſſe outre. Ce qui ſe pourra faire de Veniſe: où eſtant arriué, & auant que faire cette deſpelche, il en conſerera avec le ſieur de Maiſſe, Ambaſſadeur pour ſa Maieſté audit lieu, qui luy pourra donner aduis & adreſſe du moyen qu'il aura à tenir. Il pourra auſſi eſtant audit lieu, viſiter la Seigneurie, luy communiquer ſa charge & la prier de faire tous bons offices à ce qu'il ſoit reçu de S. S. & les affaires de la France traitées de façon, qu'au lieu que les Eſpagnols & les rebelles de ce Royaume taſchent de ruiner la Couronne, S. S. aye l'honneur de la conſeruer, qui eſt l'vne des plus belles & des plus viles acquiſitions qu'elle ſçauoit faire au ſainct Siege, & vn tres-neceſſaire moyen pour la paix & le repos de la Chreſtienté.

Après paſſant à Florence, il fera vne ſemblable viſite & office enuers Monsieur le Grand Duc, le priant de vouloir auſſi interpoſer ſon credit & ſon bon Conſeil, tant enuers S. S. que le College des Cardinaux, ou tels d'iceux particulierement qu'il eſtimera les plus éloignez de la partialité Eſpagnole; pour pouuoir mieux & plus ſincerement iuger de la conſequence de l'affaire qui ſe preſente: afin que ſelon icelle, ils veuillent tenir la main à conſeruer par leur prudence, ce que les Eſpagnols pouſſez d'ambition, tâchent de faire perdre par precipitation.

Et où S. S. ſeroit preoccuppée de ſiniſtres impreſſions, qu'après l'auoir ouy, elle ſuiuroit les premieres reſolutions que l'on luy a fait prendre; ou que par quelque mauuaiſe induction, elle ſeroit détournée de

luy donner accez & audience; soit qu'il aille iusqu'à Rome, soit qu'elle ne voulust permettre ny l'un, ny l'autre cas; il fera connoistre tant à l'adite seigneurie que audit grand Duc, le iuste grief que lesdits Princes & autres Seigneurs, & tous les bons François Catholiques qui rendent obéissance au Roy, auront occasion de prendre pour sortir du deuoir, & ne pas tenir pour pere celuy qui ne les veut pas receuoir pour enfans. Mais s'estant mis en tous les deuoirs qu'ils ont pu, s'aider de tous les remedes qui de droit & de raison sont permis en semblables occasions. Ce qu'il sera bon qu'il publie aussi par écrit, afin que leur cause & iuste tolérance soit d'autant mieux iustificie enuers tous les bons Catholiques; avec protestation neantmoins, que leur intention n'est & ne sera iamaïs d'offencer la dignité Pontificale; mais de demeurer constants en l'affection & reuerence que leurs predecesseurs luy ont tousiours portée & au saint Siege: & que ce qu'ils pourront estre conseillez de faire, ne sera que pour leur iuste defence, & pour se garantir des pretentions presentes, & qui leur seroient faites par personnes preuenues de passion, sous le nom & l'autorité d'une charge & dignité sainte de soy; & qui ne doit souffrir détrimet par aucunes imperfections, s'il y en a en celuy qui la possède & qui y est constitué.

Et autrement se conduira ledit sieur Duc en tout le fait de ladite charge, avec l'aduis des bons amis & seuiteurs de cettere Couronne, selon ce qui sera trouué plus expedient & plus raisonnable.

Fait à Mantes, le Roy y estant, par deliberation desdits Princes, tant du sang qu'autres, des Ducs Pairs, Chancelier, Marechaux de France, & autres Officiers de la Couronne, Archeuesques, Euesques, Prelats & seigneurs du Conseil assemblez pour cét effet; assistant moy Secrétaire d'Estat y soussigné par leur commandement & par l'autorité de S. M. le 7. iour de juillet 1591.



LETTRE AV PAPE SVR CE SVIET.

TRESSAINT PERE, Si nous auons eu ce bon heur, que la Lettre qu'aucuns de nous au nom de tous, ont écrite à V. S. au mois d'Avril dernier, soit paruenue iusques à elle; & qu'elle se soit daignée la voir; elle aura entendu l'honneur, la reuerence & l'obeyssance que nous, & tous les autres Princes, Ducs Pairs, Marechaux de France, & autres Officiers de la Couronne, Prelats & Seigneurs, & généralement toute la Noblesse Catholique de ce Royaume, & fidele & obeyssante à nostre Roy, desirons rendre à V. S. & au saint Siege, avec ferme propos & intention de persecuer tousiours, comme ont fait nos aneestres, en la foy & Religion Catholique, Apostolique & Romaine. Nous auons la hardiesse de luy écrire, pour

n'encourir quelque blâme & quelque sinistre impression par vn trop long silence, en outre attendant de nous acquitter plus dignement de ce deuoir par quelque Seigneur de qualité d'entre nous, comme nous auions delibéré de faire le plustost qu'il nous seroit possible. Et combien que, tres S. Pere, au moyen des troubles qui sont en ce Royaume, nous ayons encore l'empeschement des melmes incommoditez qui ont esté cause de nous faire remettre iusques à present cette dépesche; toutesfois l'ardent desir que nous auons de rendre V. S. si bien informée & satisfaite de nos droites intentions, que les fausses suggestions de nos ennemis & de cette Couronne, n'ayent la force de luy en imprimer quelques doutes, nous à fait surmonter lescdites difficultez, & resoudre d'enuoyer à present vers V. S. suiuant nostre premiere deliberation, Monsieur de Luxembourg, Duc de Pinay, Pair de France; lequel à nostre priere & par le commandement du Roy, a volontiers pris cette charge, qui ne tend qu'à l'honneur de V. S. au bien du sainct siege & de toute la Chrestienté, & à la manutention de la saincte Eglise & Religion Catholique, Apostolique & Romaine en ce Royaume. A quoy il a de sa part tant de zele, qu'il a postposé ses affaires particulieres pour seruir à vn si bon œuure. A cette cause, nous supplions tres-humblement vostre sainteté que son bon plaisir soit de nous tant gratifier & obliger tous, que de luy donner benigne audience, & adiouster foy à ce qu'il exposera & representera à V. S. comme élu par les suffrages de nous tous, pour la rendre assurée de nostre fermeté, deuotion & obeysance enuers elle, le dit sainct siege, & nostre mere sainte Eglise, de laquelle V. S. est à present le chef. Et nous promettans cette grace de la singuliere bonté & de la paternelle charité, nous remettrons les particularitez de ladite dépesche à la suffisance dudit sieur Duc, pour la luy faire entendre de viuue voir. Et apres auoir baisé les pieds de V. S. comme nous faisons tres-humblement, nous prions Dieu pour fin de la presente, qu'il vucille,

Tres-saint Pere, &c.

De Vostre Sainteté, les tres-humbles, tres-deuots, & tres-obeissans seruiteurs, les Princes du sang & autres, les Cardinaux, Ducs Pairs, Chancelier, Marechaux de France, & autres Officiers de la Couronne, Prelats & seigneurs du Conseil Catholiques estans aupres du Roy.

Et par leur commandement autorisé de celuy de S. M. REVOL-



AV CARDINAL NEVEV DV PAPE.

MONSIEVR, Dieu vous ayant avec la dignité où vous estes constitué, appellé à l'administration des principales affaires auprès de nostre tres S. Pere; nous estimons que vous vous en acquitterez si bien, & y garderez tant d'equiré & de droicteure, que les gens de bien auront occasion de louer vostre eslection à vne si digne & si importante charge; & que nous serons de ce nombre par les offices que vous pourrez rendre à ce Royaume en ce qui nous touche. Pour raison dequoy Nous auons prié Monsieur de Luxembourg, Duc de Pinay, Pair de France, de se transporter de nostre part vers S. S. Il vous fera s'il vous plaist, entendre la charge qu'il a de nous; l'ayant pareillement prié de vous visiter & de vous saluer au nom de nous tous, qui vous prions d'aider de vostre credit, la iustice de nostre cause; & de vous assurer qu'en recompence de l'obligation que vous acquererez en ce faisant en nostre endroit, nous vous rendrons tout le seruice en nostre particulier qui dependra de nous, aux occasions qui s'en pourront presenter. Cependant apres nous estre tres-affectionnement recommandez à vostre bonne grace, nous prions Dieu qu'il vous tienne, Monsieur, en sa sainte &c. Et plus bas, vos plus affectionnez à vous faire seruice.

A PLVSIEVRS CARDINAVX.


MONSIEVR, comme nous auons estimé estre de nostre deuoir d'enuoyer faire la soumission & la reuerence à nostre tres-saint Pere le Pape que doiuent à S. S. tous les enfans membres de l'Eglise Catholique, comme à leur souuerain Chef, c'est aussi la cause du voyage que Monsieur de Luxembourg, Duc de Pinay va faire presentement vers S. S. au nom de nous tous. Nous esperons qu'elle daignera nous tant honorer, que de nous recevoir & tenir pour tels que nous desirons luy estre, & demeurer toutes nos vies tres-deuots & obeissans à S. S. & audit saint siege, sans iuger de nous que selon qu'elle connoistra nos actions le meriter, apres en auoir tiré des informations veritables, qui ne peuvent sortir des lieux où ceux qui ont esté enuoyez de deça, se sont adressez. Nous auons pareillement prié ledit sieur Duc de vous visiter de nostre part, & de vous communiquer le fait de sa charge; afin que de vostre costé vous veilliez, s'il vous plaist, tenir la main à ce que ce qui concerne ce Royaume, soit traité par les moyens, qui en le conseruant, peuvent aussi conseruer la Religion Catholique.

Maisces bons & salutaires conseil ne peuvent proceder de ceux qui par leur ambition, desirant la ruine de cet estat, se donnent peu de peine que deuiendra la Religion. Enquoy estant assurez que vostre clair iugement ne sera offusqué par leurs fausses suggestions, nous vous prions d'auoir nostre cause & celle de ce Royaume, pour singulierement recommandée, comme nous nous recommandons très-affectueusement à vostre bonne grace; priant Dieu, Monsieur, qu'il vous donne &c. Et plus bas, Vos affectionnez à vous faire seruice.



A M. DE MAISSE, AMBASSADEUR A VENIZE.

MONSIEUR DE MAISSE, Vous entendrez de Monsieur de Luxembourg l'occasion de son voyage pardelà, qui est en suite de ce que vous aurez veu par nos lettres dernièrement escrites à S. le porteur desquelles auoir charge de passer vers vous, comme nous auons entendu par les vostres qu'il a fait. Suivant donc ce que nous promettons par ces lettres; nous auons élu ledit Duc pour y satisfaire, & conformément à la premiere priere que nous luy auons faite de vouloir accepter certe charge pour nous tous, & au commandement qu'il en a receu du Roy, agir aupres de S. S. Le fuit de son voyage porte en soy tant de recommandations enuers tous les bons François & seruiteurs de S. M. pour en estre la cause commun à tous, que nous sommes assurez que vous y apporterez volontiers de vostre part, l'assistance que vous pourrez, tant de conseil, que d'adresse & autres moyens qui seront en vostre pouuoir, & qui pourront en quelque sorte seruir audit sieur en l'execution de ladite charge. Tourefois nous ne laisserons pas de vous en prier, comme nous faisons par la presente; & tiendrons à obligation en nostre particulier, les offices que vous y rendrez, pour nous en reuancher en tous les endroits où vous nous voudrez employer; priant Dieu qu'il vous donne, Monsieur de Maïsse, &c. Et plus bas, Vos plus affectionnez amis.



AVX DVC ET SEIGNEVRIE DE VENIZE.

SERENISSIME PRINCE, ET TRES-ILLVSTRE SEIGNEVRIE, Monsieur de &c. retournant à Rome suivant la priere que nous luy en auons faite, & par la volonté du Roy, pour & au nom de nous tous, qui reconnoissons S. M. esclaireir S. S. de nos iustes raisons & de nos droires intentions, & luy rendre l'honneur & l'obeissance que nous luy deuons; nous penserions faire tort à la fauorable af-

fection que vous portez à la conseruation de cette Couronne ; s'il passoit sans vous salüer de nostre part. Ce qui a esté cause que nous l'auons prié de ce faire, & par mesme moyen, vous communiquer, si vous l'auiez agreable, la charge avec laquelle il va trouuer S. S. tant pour vous telmoigner en quel respect nous auons vostre amitié & vostre bonne volonté enuers ce Royaume, que pour nous impartir, s'il vous plaist, vos bons aduis & offices, comme en vne chose qui regarde, avec le repos de cet Estat, le bien de toute la Chrestienté. Nous vous supplions de receuoir en bonne part cette nostre uisitation & confiance, & nous fauoriser tant, que de donner audience audit sieur Duc : prestant, s'il vous plaist, vos bons aduis avec foy & creance à ce qu'il vous dira du fait de sa charge. Et sur ce nous prions Dieu, Serenissime Prince, & tres-illustres Seigneurs, qu'il vueille maintenir & garder vostre Estat en toute prosperité, & vous donner à tous tres-bonne & tres-heureuse vie &c. Et plus bas, Vos affectionnez seruiteurs.



AV GRAND DVC.

MONSIEVR, A nostre priere & par la volonté du Roy, Monsieur de Luxembourg ayant encore entrepris vn voyage à Rome, pour le desir qu'il a de seruir au bien public en vne cause, qui est commune avec nous, à tous ceux qui sont vraiment zelateurs de la Religion Catholique, Apostolique & Romaine; nous l'auons prié de saluer vostre Altesse de nostre part, & luy communiquer la charge avec laquelle il va trouuer sa Sainteté. Nous esperons que vostre Altesse nous fera ce bien de le receuoir de bonne part, comme nous l'en supplions tres-humblement, & de luy vouloir impartir ses bons aduis & offices; dont tous les bons François qui n'ont point degeneré de leur fidelité ancienne, luy seront tres-obliges : & nous particulièrement nous demeurons en vne perpetuelle deuotion de le reconnoistre en son endroit par quelque bon seruice. Cependant nous prions Dieu, Monsieur, qu'il donne à vostre Altesse en parfaite &c. Et plus bas, Vos affectionnez seruiteurs.






LETTRE DE M. LE DVC DE LVXEMBOVRG,
AV PAPE GREGOIRE XIV.

TRES-SAINTE PERE, De ce que j'ay creu estre de mon de-
voir, & de la charge que j'ay eue de tous les Princes du sang,
Ducs, Pairs, Marechans, Officiers de la Couronne de France, qui
suiuent le Roy; ie pense m'en estre acquitté le mieux qu'il m'a esté
possible, tant que j'ay esté à Rome de leur part, du viuant du feu Pape
Sixte. Car j'y ay apporté non seulement ce que j'ay connu estre propre
pour la tranquillité de ce Royaume, mais encore véritablement ce que
j'ay sceu estre pour l'aduancement de la Religion Catholique, Apolto-
lique & Romaine, & le repos vniuersel de toute la Chrestienté. Incon-
tinent apres mon voyage de Rome, j'en escriuis fort amplement au
College des Cardinaux. Et pource que la passion d'aucuns d'entre eux
empescha que mes lettres ne fussent veues ny receues au Conclau, ie
m'aduifay d'en laisser vne pour celuy qui par la diuine inspiration, se-
roit eleué en la dignité Pontificale. Celuy qui auoit charge de la pre-
senter, m'a fait entendre que V. S. l'auoit humainement receüe, &
que mesme elle estoit disposée d'y respondre, & pouruoir en ce qu'elle
iugeroit estre à propos. Mais entendant qu'elle a esté diuertie de me
faire cet honneur, & me doutant bien que ceux qui ont gaigné cet ad-
uantage, s'efforceront de luy persuader de faire encore pis contre la
France, j'ay voulu preuenir ce mal, adioustant cette mienne lettre à mes
premiers aduertissemens, & remonstrer en toute humilité à V. S. que
ceux qui ne nous veulent point de bien, & qui fondent leur ambition
sur nos ruines, ne cherchent (sous le pretexte de Religion) qu'à em-
barquer tout le monde avec eux, & le souleuer contre nous. Et pour
faire croire que c'est pour la Religion ce qu'ils en font, ils voudroient
bien que V. S. prestast son autorité & son adueu, à la guerre qu'ils nous
braissent, afin que cela donnast d'autant plus de couleur à leurs perni-
cieux desseins. Mais en effet ils n'en feroient pas grand compte, si l'es-
perance d'en tirer de l'argent, ne les y conuiroit dauantage que le zele de
la Religion. Et pour paruenir à ce point, ils promettrent quant à eux, d'y
fournir de leur part beaucoup plus qu'ils ne demandront à vostre Sainte-
té, afin de l'engager plus aisement en vne guerre, de laquelle elle ne se
puisse apres facilement retirer, & en laquelle ils espuisferont les finances
de V. S. qui pourroient bien micux seruir autre-part, qu'à nous ruiner.
Ils sont d'ailleurs assez subtils pour le desirer, afin de ne laisser en son en-
tier, vn fond de deniers si notable & si proche du Royaume de Naples,
qu'on sçait bien estre du Domaine de l'Eglise. La consideration de tout
cela ne me trauaille point. Les menaces de la guerre ne me troublent

point l'esprit. l'en ay accoustumé le bruit; & la Noblesse de France y est tellement apprise, qu'elle, avec l'appuy de ses amis, n'en peut craindre vne nouvelle de quelque part qu'elle vienne. Mais ce qui me trouble, ce qui me passionne, & qui peut apporter beaucoup d'esbahissement aux bons François, vrais Catholiques, fils de ceux qui ont maintenu le saint siege enuers tous & contre tous, qui l'ont augmenté de richesses & de grandeurs, sera de voir V. S. en laquelle pendant cet orage de guerre ils esperent de trouuer vn port de tranquillité, non seulement s'abandonner à la mercy des vents, par maniere de dire; mais quasi les exposer en proye à leurs cruels ennemis. Le Pape Sixte, d'heureuse memoire, circonuenu par les artifices de nos aduersaires, auoit au commencement eu la mesme volonté, & auoit commencé de s'y employer à bon escient. Mais depuis qu'il eut reconnu la verité de nos affaires, & decouvert l'ambition de ceux qui depuis fort long-temps ont conçu les maux, qu'on voit maintenant éclore, il changea de resolution; & ce qu'il auoit proietté avec violence, il resolut de l'executer avec la douceur; ce qu'il auoit voulu faire comme ennemy, il commença à le faire comme Pere. Aussi ay-ic cette ferme croyance, que Dieu permettra que les ennemis de la memoire de ce Sainct Pere, & qui en veulent obscurcir la souuenance en blâmant cette sienne sainte intention, seront ceux qui la rendront plus illustre & plus belle, par le contraire éuenement de ce qu'ils pensent; attendu que les gens de bien connoistront que sa Sainteté estoit vrayement conduire de l'Esprit de Dieu, au chemin qu'elle tenoit pour appaiser nos troubles. Dieu est iuste, & comme tel, ne voudra pas que la iustice de la cause des bons François soit foulée aux pieds, ains qu'elle sera prudemment considérée par V. S. La France a eu premierement recours à la diuine bonté, & puis par mon entremise au Sainct Siege, duquel iusques icy elle n'a receu aucun déplaisir, que ce qui est procedé de la mauuaise volonté de certains Ministres qui se sont portez, non comme iuges équitables, mais comme parties passionnées; non pour y faire luire la paix, mais pour y allumer la guerre. Je supplie tres-humblement V. S. de penser ce que les François deuront faire maintenant, s'ils se trouuent non seulement abandonnez d'elle, mais aussi poursuais ouuertement. Il y auroit à craindre que là où ils ne pourront apporter assez de resistance d'eux-mesmes, ils n'en cherchent ailleurs; pour se defendre de leurs ennemis, par leurs ennemis; & que pour dernier refuge, ils ne s'allient plustost avec qui que ce soit, que de se soumettre à nulle autre domination, qu'à celle que les loix du Royaume ont établies, pour legitimes successeurs de la Couronne Françoisie. Ce que ie dis d'apprehension du mal que ie preuois inéuitable, dont l'ennuy me redouble, quand ie considere ce que deuiendra la Religion, & en quel danger elle sera exposée. Et si elle venoit à se perdre (Dieu me retire plustost de ce monde, que de voir vn tel malheur en mon viuant) qui
cn

en sera coupable, sinon ceux qui sous le faux pretexte de la Religion, & qui aucuglez d'ambition & d'avarice, fauorisent l'inuultice d'une telle guerre? On nous veut faire entendre, que V. S. enuoye de l'argent aux Parisiens, & qu'elle promet beaucoup d'assistance à leur party. On dit d'auantage qu'elle enuoye vn Prelat en France, pour y voir les affaires, & en estre aduertie par luy selon la verité. Je ne puis croire le premier, ne me pouuant persuader tant de precipitation de sa part, que de nous vouloir condamner, sans nous ouyr, comme cela en seroit vn preiugé. Quand à la venue du Prelat, i'en louë la resolution. Mais il est à desirer qu'il ne fasse pas comme ceux qui y sont venus deuant luy, qui ayant charge de voir l'Estat de la France, & en donner aduis, se ioignirent au party des rebelles. Qu'il ne vienne donc pas avec volonte de nous ruiner, mais d'apaiser la guerre. Qu'il n'ait l'esprit preoccupe de passion, ni l'ame aucuglee d'avarice, d'ambition, & des pensions d'Espagne. En somme que ne penchant ny d'un costé ny d'autre, il vueille tenir la balance iulle & rapporter à V. S. la verité de nos diuisions. Mais ie ne doute point, que par son extreme prudence, elle ne fasse eslection d'un personnage pourueu de si bonnes qualitez, qu'elle soit hors de crainte d'en estre trompee, comme le S. siege l'a esté cy-deuant; & nous exempte des dangers, où par tel inconuenient nous nous sommes trouuez. Car quant à moy, quelques aduis qu'on me donne de beaucoup de lieux, & quoy que plusieurs personnes vueillent dire que vostre Sainteté se laisse aller aux persuasions des Ministres & des pensionnaires d'Espagne, toutefois ie ne l'ay iamais voulu croire, opposant tousiours à leurs aduertissemens, ce qu'elle me daigna dire quand ie la rencontray en Toscane aupres de Torniceri, comme elle s'acheminoit à Rome, pour se trouuer à l'eslection d'un Pape, apres la mort de Sixte cinquieme. Car entr'autres choses, elle me fit cet honneur de me dire, qu'il estoit necessaire que le Roy de France fust Roy de France, & que le Roy d'Espagne fust Roy d'Espagne; & que la grandeur de l'un, seruiust comme de barriere à l'ambition de l'autre. Par ce peu de mots i'ay fermé la bouche à plusieurs, & fait prendre en meilleure part, la creance qu'ils auoient de V. S. M'estant tousiours reserue de luy faire entendre comme ie fais, & la supplier tres-humblement, que toutes les fois qu'il sera question de traiter de nos affaires, elle se daigne souuenir & croire que l'intention de tous les Princes du sang, Ducs, Pairs, Marechaux, Officiers de la Couronne, de toute la Noblesse, & de tous les bons François, est de n'estre iamais autres que tres-Catholiques; esperans par leurs seruices, de pouuoir obliger leur Roy de reconnoistre la verité de la Religion Catholique, Apostolique & Romaine, pour en faire la profession comme tous les predecesseurs ont fait. Et quant aux autres François qui suiuent le party contraire, ce sont personnes corrompues par l'ennemy, qui pour se maintenir ont attiré le pauvre peuple, & l'ont abusé sous le pretexte de la Religion. Là dessus V. S. considerera, s'il luy plaist, que pendant une

telte guerte, le moyen d'instruire le Roy & le ramener à la connoissance de la vraye foy, nous est osté, & le repos des Chrestiens & Catholiques d'autant retardé. Le zele que j'ay à ma Religion, & la connoissance que j'ay de ces affaires pour les auoir maniées à Rome, & mesme pour obuier & preuenir les subtilitez dont nos ennemis vsent à l'endroit de ceux qu'ils veulent circonuenir, font que tant plus librement j'ay osé prendre la hardiesse d'en escrire à V. S. & accompagner par cette lettre, celle qui luy sera présentée par ce Gentilhomme de la part des Princes & de la Noblesse qui sont en cette armée, lequel ils ont expressement depesché vers V. S. en attendant que les autres Princes & la Noblesse (maintenant dispersez par le Royaume) y enuoyent tous ensemble de leur part, pour se conioiür avec elle de son assomption au Pontificat, & luy faire plus amplement entendre l'estat auquel maintenant nous sommes, comme sans doute ils feront bien-tost, & principalement s'il plaist à V. S. me tant honorer que de m'aduertir par ce mesme Gentilhomme, comme elle aura agreable cette Ambassade; & ensemble me faire cet honneur de prendre en bonne part ce que ie luy escriis, croyant que mes paroles ne procedent que d'une extreme sincerité de conscience, & de l'affection que j'ay au bien, de ma Religion, & au repos de ma patrie, de laquelle ie ne seray iamais deserteur, comme ie n'oubliera pas aussi l'obeissance & le seruice que ie dois à V. S. de laquelle baisant tres-humblement les pieds, ie prie Dieu, Tres-saint Pere, la vouloir assister & conduire par son S. Esprit, & luy donner vne tres-heureuse & tres-longue vie. Au Camp deuant Chartres, le 8. Avril 1591. Vostre tres-humble & tres-obeissant fils & seruiteur, FRANCOIS DE LVXEMBOVRG.





FONDATION

FAITE PAR MONSIEVR LE DVC DE NEVERS,

*& Madame sa Femme ; pour marier tous les ans à perpetuité dans
leurs Terres & Seigneuries, soixante pauvres Filles.*



TOVS CEUX QVI CES PRESENTES LETTRES
VERRONT, ANTHOINE DV PRAT, Cheualier
de l'ordre du Roy, Seigneur de Nanthouillet, de
Precy, de Rozoy, & de Formeryes, Baron de Vi-
teaux, Conseiller de sa Majesté, son Chambellan
ordinaire, & garde de la Pteuosté de Paris, salut.
SCAVOIR FAISONS, que pardeuant Pierre Cayard,
& Claude Boreau, Notaires iurez du Roy nostre Sire en son Chaste-
let de Paris, furent presens en leurs personnes, TRES-HAULT ET
PVISSANT PRINCE MONSIEGNEVR LVDOVICO DE GONZAGVE,
Duc de Niernoys, & de Retheloy, Prince de Manthoüe, Pair de
France, Gouverneur & Lieutenant General pour sa Majesté en fondit
Duché de Niernoys, & en la Prouince de Picardie : ET TRES-HAULT
ET PVISSANTE PRINCESSE MADAME HENRIETTE DE CLEVES,
Duchesse & Princesse desdits lieux, son Espouse, de luy auctorisée
en cette partie. Lesquels ont reconneu ; Que comme ainsi soit, que
dés le leudy cinquième iour de Novembre mil cinq cens soixante &
treize, ils ayent fait certaine fondation pour le Mariage de soixante
pauvres filles ;

Procedant à l'exécution de laquelle fondation se seroit retrouué,
qu'en plusieurs lieux & villages elle n'auoit esté executée, pour auoir
en icelle esté plusieurs formes établies, ausquelles ceux à qui appar-
tenoit l'élection des filles à marier n'auroient voulu se soumettre, avec
autres deffauts. Lesquels ayans esté representez à Messieurs les Presi-
dens, Gens du Roy, & Administrateurs de l'Hostel Dieu de Paris,
qui par chacun an ont trouué bon de s'assembler pour tenir la main de
la faire effectuer, auroient fait entendre ausdits Seigneur & Dame,
qu'il estoit nécessaire pour faire effectuer ladite fondation, de retran-
cher plusieurs formalitez, afin d'en rendre l'exécution d'autant plus ai-
sée. A quoy lesdits Seigneur & Dame desirans satisfaire, sans toutes-

Il PART.

Zzz ij

fois que leur intention soit de diminuer aucunement de la substance d'icelle fondation, en ce qui concerne le nombre des Chastellenies, les deniers ordonnez pour le mariage desdites filles; peines en cas de contrauention; & autres choses applicables aux pauvres, ou autrement, à l'honneur de Dieu, & sans aucunement déroger & innouer aux obligations, hypothèques & seuretez qui pourroient appartenir & estre acquises par les fondations ja faites, & contractés interuenus; Et sans que par alienations faites par iceux Seigneur & Dame d'aucunes desdites Chastellenies, ils ayent entendu aucunement y preiudicier; Si ont par tant lesdits Seigneur & Dame resolu de retrancher la susdite fondation de la plus grande partie de la forme qui se gardoit en la premiere élection, & la reigler en la maniere qui ensuit, pour donner d'autant plus d'occasion à chacun de l'effectuer selon leur intention.

II. C'est à sçauoir, Que desirans reconnoistre en toute humilité, les grands & singuliers benefices qu'ils ont receu de la grace & bonté de Dieu, en infinies sortes & manieres; mesmes en ce qu'il luy a plu les retenir & conseruer au sein de son Eglise en ces temps si turbulens, pleins d'heresies, diuisions & impietez; & leur donner posterité & lignée, laquelle (comme ils espèrent) reconnoistra de race en race à l'aduenir telles graces & biens-faits. Considerans d'ailleurs que la perfection de la Charité Chrestienne consiste és effets principalement durant nostre vie, qui ne peuuent estre que bons & saincts quand il plaist à Dieu mettre la main au commencement & à la fin de l'œuvre, le remplissant de ses benedictions; & que la charité la plus parfaite & agreable à Dieu, est celle de laquelle non seulement le corps, mais aussi l'esprit & l'ame se ressentent; Ce qui se trouue à l'endroit des pauvres filles, lesquelles n'ayans aucuns moyens, se peuuent oublier & abandonner à vice. Et pourtant le mariage, outre ce qu'il retient leur ame & esprit plus adeliute, & en plus grand repos enuers Dieu, & garde de tomber en peché, peuple de lignée legitime la posterité, & fait qu'avec moyens honnestes elles passent le cours de eette caduque & fragile vie.

III. Pour ces causes & considerations iceux Seigneur & Dame, Duc & Duchesse, aptes auoir deuorement imploré l'aide du benoist saint Esprit, le suppliant de les assister en vne si pieuse & charitable entreprise, & la benir de ses saintes & heuteuses graces, ont moderé les formes de l'execution de ladite fondation en la sorte cy-apres declarée. Et d'ailleurs, parce qu'elle doit estre executée la plus grande partie en simples villages, esquels n'y a gens de grande doctrine & sçauoir, ont trouué bon de s'aceorder à vn stile aisé, & vsfer de quelques redites pour rendre leur intention plus facile & intelligible à chacun.

IV. Et parce que ladite fondation de soixante pauvres filles a esté faite dès l'année M. D. LXXIII. & commencée à estre executée à Pasques ensuiuant

M. D. LXXIII. Lesdits Seigneur & Dame veulent & entendent la continuer & rendre perpetuelle en leurs terres & seigneuries estans nuëment à eux, ou y ayans la haute Iustice.

v. Et pour ce faire, entendent que tous les ans il soit choisi & esleue vne fille qui soit née leur suiette en chacune parroisse particuliere tant soit elle petite, à eux appartenant nuëment & directement, ou que la haute Iustice soit à eux par indiuïs; ou bien en la part qu'ils auront es villages, hameaux, ou maisons de ladite parroisse, & non ailleurs; d'autant qu'il se trouue aucuns desdits hameaux appartenans à mesdits Seigneur & Dame en toute haute Iustice, qui dependent de parroisses estans en la haute Iustice d'autres Seigneurs. En ce cas ils entendent, que ceux qui sont destinez pour eslire lesdites filles en la parroisse plus prochaine desdits hameaux appartenans à mesdits Seigneur & Dame, comprennent en l'eslection qu'ils feront par chacun an, les filles desdits hameaux, de la qualité portée par ladite fondation, avec celles desdites parroisses: esperans qu'à leur imitation leurs voisins en pourront faire autant en leurs terres; pour d'icelles en estre mariées actuellement par chacun an ledit nombre de soixante, selon le departement qui sera déclaré cy-apres par chacune Chastellenie & Seigneurie.

vi. Desquelles Seigneuries, Chastellenies, ou Preuostez, aduenant qu'eux ou leurs Successeurs en vendent, alienent ou baillent en partage; ou bien aucune parroisse particuliere ou village dependant d'icelles: entendent qu'elles ne perdent pour cela le droit de nommer & presenter chacun an vne fille capable pour estre mariée en la Seigneurie, Chastellenie ou Preuosté dont elle estoit dependante, pour memoire qu'elle auroit esté comprise en la presente fondation.

vii. Auisi où mesdits Seigneur & Dame, & les leurs, acquerroient cy-apres aucunes parroisses ou villages proches & dependans desdites Chastellenies, Preuostez, terres & seigneuries, ou qu'ils vinsent à succeder à d'autres prochaines d'icelles en quelque sorte que ce fust; & qu'en icelles ils eussent la haute Iustice, ou en partie desdites parroisses, veulent & entendent qu'elles participent audit benefice, comme si dès le jour de la presente fondation elles leur eussent appartenu.

viii. D'auantage ont par expres dit & déclaré, que ores que par grande & vrgente necessité ils vendent & alienent, ou baillent en partage cy-apres aucunes terres & seigneuries, ou paroisses dependantes d'icelles: & mesmes aucunes desdites Chastellenies & Preuostez, entendent neantmoins qu'elles demeurent tousiours chargées de ladite fondation, sans qu'elle puisse estre changée ou innouée par les acquerieurs, sur les peines cy-apres portées. Et ce pour ne defrauder leur bonne & sainte intention, qui est de faire marier tous les ans à perpetuité soixante pauvres filles; Le departement desquelles est tel.

ix. En leur Duché de Niernois, pour la grandeur & estendue d'iceluy, trente filles; assauoir vingt-vne au Niernois, & neuf au Donzioys, és Chastellenies cy-declarcées.

En la ville & Chastellenie de Neuers, & paroisses dependantes d'icelles, tant dedans la ville que dehors, appattenans à mesdits Seigneur & Dame en domaine; ou qu'ils ayent la haute Iustice, ou en partie, de ladite paroisse, quatre; deux pour le corps, & les fauxbourgs de ladite ville, attendu qu'il y a onze paroisses en icelle; & deux autres pour les paroisses restans de ladite Chastellenie, y eomprins les Amoignes, la Marehe & Pogues. La derniere election desquelles paroisses de la ville & fauxbourgs de Neuers, se fera en l'Eglise saint Martin. Et pour leregard des autres paroisses de ladite Chastellenie, à ce que pour la qualite du lieu la forme y soit plus exactement gardée, & avec plus de sincerite & loyauté, la derniere election se fera en l'Eglise saint Victor dudit Neuers. ES TERRES de Cuffy, la Guierehe, & Chastel-neuf sur allier, & paroisses en dependantes, deux autres; la derniere election desquelles se fera pareillement pour les raisons susdites en la ville de Neuers, en l'Eglise saint Saqueur. EN LA Chastellenie de Desize, Champuert, Cercy la tour, Ganna, Charrin, & paroisses dependantes, le nombre de trois; estant ladite ville de Desize le chef-lieu pour ledit effet. Es villes & terres de Luzy, Tresillon, Sauigny, Poil fol, & paroisses dependantes, ladite ville de Luzy tenant le chef lieu pour cet effet, le nombre de deux. En la ville & Chastellenie de Moulins les Engilbertz, & paroisses d'icelle, vne. En la Chastellenie de Lyernays, & saint Brisson, & paroisses d'icelle, dont ledit Lyernays sera le chef-lieu, vne. En la Chastellenie de Montreullon, vne. En la ville & Chastellenie de saint Saulge, & paroisses dependantes, vne. En la Chastellenie de Montenaillon, & Lursi le bourg, & paroisses dependantes, dont ledit Montenaillon sera le chef-lieu, vne. Es Chastellenies de Champarlement & Saxibourdon, & paroisses dependantes, dont ledit Champarlement sera le chef-lieu, vne. Es Chastellenies de Mers, Monceaux le Conte, Neuffontaines, & paroisses dependantes, le nombre de trois, dont ledit lieu de Monceaux sera le chef-lieu. En la ville & Chastellenie de Clamecy, & paroisses d'icelles, vne. En la ville & Chastellenie de Chastel Cenfoy, y eompris Sargy, & paroisses dependantes, vne.

Au pais de Donzioys, membre dependant & reüny audit Duché & Paitie de Neuers, en seront mariées chacun an, neuf. Assavoir en la ville & Chastellenie de Donzy, eompris Poigny, le chastel de Cosne, saint Pere & Myenne, & paroisses dependantes, appartenans seulement comme dit est à mesdits Seigneurs, ou qu'ils y ayent la haute Iustice, ou en partie de ladite paroisse, deux; dont la derniere election se fera en ladite ville de Donzy. En la Chastellenie de Chasteauneuf au val de Bargis, & paroisse d'icelle, vne. En la ville & Chastellenie d'Entrain, & paroisses d'icelle, vne. Es villes & Chastellenies de Billy & Coruol, vne; & se fera la derniere election audit Billy. Es villes & Chastellenies de Drucé & Destais, & paroisse d'icelles, vne; dont la derniere election se fera audit Drucé. En la ville & Chastellenie de saint

Sauueur, & parroiffes d'icelle, vne. En la ville & Baronnie de S Verain, Cofne & Bouhy, y compris Alligny, & parroiffes dependantes, dont ladite ville de saint Verain fera le chef-lieu pour y faire la derniere election, vne.

En leurs terres affises au pays de Berry, quatre filles. Assauoir en la ville & Chastellenie de la Chappelle Dampgillon, & parroiffes dependantes appartenans seulement comme dit est, à mesdits Seigneur & Dame, ou qu'ils y ayent la haute Iustice, ou en partie des parroiffes ou hameaux, comme est dit en l'article cinquieme, vne; dont ladite Chappelle sera le chef-lieu de ladite derniere election. En la souueraineté de Boisbelle, vne. En la Chastellenie des Aiz, & parroiffes d'icelle, vne. En la ville & Chastellenie de Chasteau meillan, & parroiffes d'icelle, vne.

xi. En la Sirie d'orual assise au pays de Bourbonnois, compris la ville de saint Amant, & la Chastellenie Despineul & Bruyeres sur Cher, avec les parroiffes en dependantes appartenans seulement à mesdits Seigneur & Dame, ou és hameaux, selon qu'il est dit audit article v. deux; desquelles la derniere election se fera en ladite ville de saint Amant.

xii. Au pays & Duché de Rethellois, quinze: Assauoir en la ville & Preuosté de Rethel, & du Chasteller, & parroiffes d'icelle appartenans seulement à mesdits Seigneur & Dame, ou qu'ils y ayent la haute Iustice, ou en partie desdites parroiffes ou hameaux, selon que porte le dit article cinquieme, trois; dont ladite ville de Rethel sera le chef-lieu où se fera la derniere election. En la ville & Preuosté de Mezieres, y compris Vvarcq, & la terre souueraine d'Arches, & parroiffes dependantes, quatre. En la ville & Preuosté de Donehery, & parroiffes d'icelle, deux. En la ville & Preuosté d'Omont, & parroiffes d'icelle, deux. En la ville & Preuosté de Bourg, & parroiffes d'icelle, deux. En la ville & Preuosté de Briouilles, & parroiffes d'icelle, vne. En la ville & Baronnie de Rozoy, & parroiffes d'icelle, vne.

xiii. En la principauté de Mantouë, assise au pays de Thimerais, deux; dont l'une sera esleuë & mariée en la Chastellenie de Senonches, & parroiffes d'icelle appartenans à mesdits Seigneurs, si aucunes y a: Et l'autre semblablement esleuë & mariée en la Chastellenie des Brezolles, & parroiffes d'icelle appartenans à mesdits Seigneurs, si aucunes y a.

xiiii. En leur ville & Chastellenie de Colommiers en Brye, compris saint Remy, & autres parroiffes estans de ladite Chastellenie, appartenans comme dit est à mesdits Seigneur & Dame, ou qu'ils y ayent la haute Iustice, ou en partie desdites parroiffes, dont ladite ville de Colommiers sera le chef-lieu pour en faire la derniere election, vne.

xv. Es terres appartenans à mesdits Seigneur & Dame au pays de Picardie, quatre; C'est à sçauoir en la Chastellenie de saint Vallery, y compris Cambron & Beaumets, & parroiffes dependantes, dont ledit saint Vallery sera le chef-lieu, deux. Au pays & Roc de Cayeu, y compris Boullencourt en Sery, dont ledit Cayeu sera le chef-lieu, & par-

roiffes dependantes fi aucunes y en a, vne. En la Chastellenie d'Ault, vne.

xvi. En leur Sirie de Lefparre & pays de Medoc affis en Guyenne, & parroiffes dependans d'icelle, appartenans à mefdits Seigneurs, deux, dont la derniere élection se fera à Lefparre.

xvii. Et au cas qu'aucune Chastellenie delaiffast de faire tous les ans l'élection fufdite, foit par faute de bonne volonté, ou charité Chrestienne; ou bien pour n'y auoir perfonnes propres & capables pour l'effectuer, mefdits Seigneur & Dame veulent & entendent que les filles qui auront esté esleuës es paroiffes dependantes de ladite Chastellenie, aillent ou enuoyent pour elles en la maniere qu'il sera dit cy-apres, en la paroiffe principale de la Chastellenie plus prochaine de celle qui aura delaiffé de faire ladite élection, pour là y estre tiré le sort, & marié autant de filles qu'il est ordonné pour ladite Chastellenie qui n'aura voulu ou peu faire ladite élection. Comme par exemple, si en la Chastellenie de Montreullon il ne s'y faisoit l'élection ordonnée, & qu'aux cinq paroiffes d'icelle le choix des filles se fassé le iour de Pasques fleuries, Mefdits Seigneurs entendent que les filles ainsi choisies esdites cinq paroiffes, aillent ou enuoyent A qui est le chef-lieu de la Chastellenie plus prochaine, porter les certificats de leur élection, en vertu desquels les Officiers seront aduertis de faire tirer vn autre sort pour ladite Chastellenie de Montreullon, tout aussitost que aura esté tiré celui de ladite Chastellenie de afin que le billet de *Dieu vous a esleu*, puisse tomber à l'vne des filles de ladite Chastellenie de Montreullon, & non pas à celles de

xviii. Et parce que mefdits Seigneur & Dame entendent & ordonnent qu'en toutes les élections qui se feront en chacune paroiffe particuliere, leur Procureur fiscal y assiste, ou bien qu'il commette des Substituts es lieux où il y a diuerses paroiffes, afin de leur répondre du deuoir qui y aura esté fait, prient le Curé ou Vicaire de la Cure principale de la Chastellenie, Preuosté, ou seigneurie où se deura faire la derniere élection, de dire à son profne du Dimanche auant Pasques fleuries, qui sera quinze iours auant Pasques, que le dit procureur soit aduertý d'assister en personne au chef-lieu de ladite Chastellenie ou Preuosté, pour voir proceder aux élections à faire pour la fondation des filles à marier en ladite année, ordonnée par mefdits Seigneur & Dame les Duc & Duchesse de Niernois & de Rethellois, le iour de Pasques fleuries, & Mardy apres Pasques; Et qu'il ait à pouruoir de Substituts pour les autres paroiffes, pour assister, auoir l'œil, & tenir la main à ce que la forme & ordre de cette fondation y soit gardée, selon qu'il sera dit cy-apres; & qu'elle soit entierement obseruée, sans qu'il y soit fait aucune fraude ny abus. Ce que ledit Procureur executera sur peine d'estre priué de son office.

xix. A faire laquelle élection, mefdits Seigneur & Dame ayans ap-

perceü depuis treize ans en ça que cette fondation a eu son commencement, le peu de charité qu'y ont apporté plusieurs personnes, au contraire des autres qui l'ont d'affection effectuée selon le pouuoir que mesdits Seigneurs leur en ont donné; & qu'au lieu d'embrasser vne telle aumosne, & leur en sçauoir gré, & prier Dieu pour eux, ils ont différé de s'y entre-mettre; les vns s'exculans auoir des affaires particuliers; autres qu'ils ne vouloient s'en meller; & plusieurs que la charge estoit trop onereuse & difficile, dont par telles excuses & remises l'on a delaisié par plusieurs fois de faire l'élection en diuettes parroisses, contre l'intention de mesdits Seigneurs, & specialement au preiudice des pauvres filles estans en icelles: Cela leur a donné occasion de retrancher plusieurs ceremonies & seuretez, comme a esté dit cy-deuant, qu'ils auoient apporté à faite cette premiere élection en chacune des susdites Parroisses: Esperans par le moyen d'icelles éuiter que leur bonne intention ne fust par succession de temps defraudée, & empesché qu'au lieu des soixante pauvres filles, l'on ne matiaist autant de chambrières de leurs officiers, & autres ayant pouuoir & authorité en leurs paroisses, & pour cette occasion, plustost que de tomber derechef en l'inconuenient susdit, qu'il ne soit cileu ny marié aucune fille, Ont mesdits Seigneur & Dame mieus aimé commettre à la conscience desdits eslisans ladite premiere élection qui doit estre faite en chacune parroisse, esperans qu'il plaira à la diuine bonté les inspirer de s'acquitter si bien de leur deuoir, que ladite élection se fera selon leur intention & volonté. A l'effect de laquelle mesdits Seigneurs ordonnent à leurs Officiers de prendre soigneusement garde, à peine de priuation de leur estat en cas de dissimulation ou conniuece; leur desendant toutesfois tres-expressément de s'ingerer au fait de ladite élection, sinon pour y assister à faire les articles ordonnez, & prendre soigneusement garde qu'elle soit fidellement accomplie selon leur intention.

xx. Pour effectuer donc ladite premiere élection en chacune des Parroisses dependantes des Chastellenies ou Preuostez principales cy-deuant spécifiées, appartenans en tout ou partie à mesdits Seigneurs, comme a esté dit article cinq, leur intention est que les Curez ou leurs Vicaires aduertissent à leur profne du iour de Pasques fleuries, les Maire, Escheuins, Procureur du fait commun, Assoyeurs des tailles, Marguilliers ou Procureurs de la Fabrique, Greffier, Tabellion, ou Notaire du lieu, de s'assembler en l'Eglise enuiron les deux heures apres midi, lors que la cloche sonnera, iusques au nombre de neuf ou sept pour le moins, si tant s'en trouue; & si c'est en vne ville où il y ait plusieurs paroisses, que les paroissiens plus anciens & notables de chaque paroisse s'assemblent comme dit est, iusques audit nombre de neuf, ou sept au moins ledit iour de Pasques fleuries, qu'ils ont pour la dignité dudit iour estimé propre pour vn si bon oeuvre, vn peu auparauant Vespres: Et là estans assemblez, ils choisissent en la presence du Procureur Fiscal ou de son Substitut, d'un commun consentement d'eux tous, ou bien par le plus grand nombre de voix d'en-

priué dudit droit d'ellire & de presenter vne fille, le temps & espace de deux ansapres; & par mesme moyen le Curé demeurera priué de cinq sols quiluy sont ordonnez cyapres article LIIII. s'il y a de sa faute; lesquels reuiendront de bon au Curé de la parroisse du chef-lieu de la Chastellenie dont elle sera ressortissante. Et s'il aduenoit que les Eli-fans de la parroisse du chef-lieu de ladite Chastellenie ou Seigneurie commissent telle faute, ladite parroisse sera pareillement priuée pour deux ans de ladite nomination, & la detniete élection qui s'y deuroit faire des filles des parroisses dependans d'icelle le Marty de Pasques, sera transferée à la principale parroisse de la plus prochaine Chastellenie, durant ledit temps de deux ans: en laquelle les Officiers d'icelle apres qu'ils autont fait tirer ledit Mardi le dernier billet accoustumé pour ladite Chastellenie, ils en fetont tirer vn autre pour les filles des parroisses de l'autre Chastellenie, comme a esté dit article XVII. Lequel deuxiesme sort mesdits Seigneurs entendent estre ainsi tiré separement, afin qu'il tombe à vne des filles de l'autre dite Chastellenie. En ce cas les huit sols ordonnez au Curé de la parroisse principale de ladite Chastellenie où la faute aura esté commise, seront baillez au Curé de la Chastellenie où se tirera ledit deuxiesme sort, outre & par-dessus les autres huit sols qui luy sont ordonnez, sinon que l'autre Curé fist apparoir par acte, d'auoir interpellé & requis le Procureur de ladite Seigneurie ne permettre que ladite faute fust commise en l'élection de ladite fille; car en tel cas il aura huit sols, & ledit Proceureur fiscal demeurera responnable de ladite faute, pour estre depossédé de fondit estat comme le cas le requerra.

XXIII. Et d'autaut que mesdits Seigneur & Dame desirent que cette fondation soit accomplie & executée sans aucun abus ne maluersation, qui pourroit aduenir si les mesmes personnes estoient choisies d'an en an, pour ellire lesdites filles; ils entendent que des trois hommes, & des trois femmes ainsi choisies en vne année, n'en puisse estre pris en l'année suiuaute que deux hommes, & deux femmes pour le plus; Sur peine de nullité de ladite élection.

XXIV. Les Vespres donc estans paracheuées, lesdits trois hommes & trois femmes se retireront à part en ladite Eglise, où mesdits Seigneurs prient le Curé ou son Vicaire de les admonester de s'aquiter de leur deuoir, à proceder sincerement, & en leur conscience au fait de ladite élection; leur remonstrant qu'en cela il y va du salut de leurs ames; & puis priera Dieu pour eux à l'effect que dessus, & leur fera prestler le serment requis en telles solemnitez, en la forme qui s'ensuit.

XXV. *Nous iurons & promettons à Dieu le Createur, sur la part de Paradis, qu'attendons de luy, & sur nostre bonheur & conscience, de choisir sans passion, affection quelconque, ny particulier interest, la fille de cette Paroisse que nous estimerons sans aucun moyen, ou la plus pauvre & necessiteuse;agée pour le moins de seize ans & au dessus, née suiette de mes-*

dicts Seigneur & Dame, réputée estre née en loyal mariage, dont nous connoissons les Pere, & Mere, baptisée en ceste Parroisse, bien vivante, fille de bien, & qu'elle soit de la Religion Catholique Apostolique & Romaine; & laquelle n'est & n'a esté à nostre service, ny à celui des Officiers principaux, ne du Curé ou son Vicaire de ceste Chastellenie & Parroisse depuis vn an en ça, & de laquelle n'en sommes Peres, Freres, ny Oncles, & que de tout nostre pouuoir fidellement & en nostre conscience la choisirons de la qualité requise, selon l'intention charitable, & fondation de mesdits Seigneur & Dame les Duc & Duchesse de Niernoys, & de Retheloys fondateurs.

xxvi. Et lors ledit Curé ou son Vicaire faisant mettre par les susdits trois hommes, & trois femmes leur main sur les saintes Euangiles, leur fera dire à chacun, *Je promets à Dieu d'ainsi le faire.* Cela fait, lira à haute voix, ou fera lire distinctement & à loisir les articles subsequens, iusques à celui qui commence, *L'on peut facilement connoistre, cotté xxx.* Et ce afin de faire sçauoir à eux tous ce qu'ils auront à faire.

xxvii. Mesdits Seigneur & Dame n'ont voulu rechercher les affinitez & seruices plus lointins entre lesdits Esclifans & les pauvres filles, de peur qu'estans peu d'habitans en quelqu'une desdites Parroisses, il ne se trouuast personnes capables pour faire ladite Election, ny fille propre pour estre esleüe, estimans que les Esclifans ne se lairront aller à se parier, ny à faire chose contre leur deuoir, pour aucun particulier interest; & qu'ils se rendront encore plus religieux & retenus à l'élection de ladite fille, qu'ils ne leur en ont donné de pouuoir.

xxviii. Apres que lesdits trois hommes & trois femmes auront presté le serment, à l'instant mesme se retireront vn peu à part d'avec les autres, en quelque endroit de la Nef de l'Eglise, où ils aduiseront entr'eux six seulement, quelle fille de ladite parroisse, ils doiuent eslire, de la qualité portée par cette fondation, preferant toutesfois la fille orpheline aux autres; & puis l'ayant choisie & esleüe du consentement de tous les six, ou pour le moins des deux tiers, qui sont quatre, la nommeront incontinent audit Curé ou son Vicaire, & au Substitut de la Seigneurie, & aux autres qui les auront élus, qui auront voulu par charité, ou pour gagner les Pardons octroyez de nostre saint Pere, s'arrester en ladite Eglise iusques à ce que ladite Election soit faite. Et aduenant que lesdits trois hommes & trois femmes se trouuassent diuisez d'opinion, & qu'ils en eussent deux, en ce cas les nommez cy-dessus qui se trouueront presens, éliront celles des deux qu'ils estimeront en leur conscience plus necessiteuse, & qui soit de la qualité portée par cette fondation; & puis tous ensemble avec lesdits trois hommes, & trois femmes, seront au mesme temps escrire par ledit Greffier, Tabellion, Notaire, ou autre qui sçache escrire, vn certificat tel qui s'ensuit :

Nous tels & telles (declarans leurs noms, estat ou offices qu'ils auront) *Certifions à tous ceux qu'il appartiendra; que N. fille de tel Pere, & de telle Mere, a esté éluee cette presente année, par nous tels hommes, & nous telles*

femmes, selon qu'il est porté par la fondation de mesdits Seigneurs & Dame, les
 Duc & Duchesse de Nemours, & de Retbeloy: & que ladite fille est âgée de sei-
 ze ans ou plus, & la plus desnuée de moyens & necessitez, au reste Catholique
 & bien renommée. Telsmoin nos seings & parapbes cy mis. Fait le iour de Pasques
 fleuries le iour de Mars, ou d'Auril, l'an mil Et

fleuris le jour de Mars, ou d'Auril, l'an mil Et puis tous se signeront ou feront leur paraphe ou marque, ou bien feront declaration ne scaoir signer qui sera inserée.

xxix. Lequel certifiât ainsi fait & signé, sera en la présence de tous les susdits; ou de la plus grande partie de ceux qui seront assemblez en ladite Eglise, delivré à ladite fille esleüe, afin de luy servir en la dernière eslection, qui se fera le Mardy apres Pasques, comme sera dit cy-apres, si ladite fille se trouue apres Vespres en ladite Eglise; sinon quelqu'un d'entr'eux sera chargé de le luy faire tenir.

xxx. On peut facilement connoistre le grand retranchement que mesdits Seigneur & Dame ont fait de toutes les seuretez qu'ils auoient cy-deuant apportées pour faire ladite eslection, afin qu'il ne s'y commist aucun abus; & par là voir comme ils ont rendu cette eslection du tout facile à faire, dont chacun qui aura tant soit peu de bonne volonté & charité, ne pourra differer ou s'excuser de s'y entremettre, afin qu'elle soit exactement & entierement entretenüe, comme mesdits Seigneur & Dame desirer qu'ils fassent, & esperent qu'ils feront, pour ne defrauder l'assurance qu'ils font paroistre d'en auoir en leur conscience.

xxxj. Et parce qu'il se trouue plustost vne fille pauvre de la qualité
sufdite, que trois en chacune des parroisses, & d'ailleurs que si l'on
obligeoit les eslians de nommer trois filles comme l'on souloit faire, le
sort pourroit tomber aussi tost à l'une des deux moins necessiteuses, qu'à
la plus pauvre, mesdits Seigneur & Dame ont trouué bon d'ordon-
ner que cy apres il ne soit plus esleu en chacune parroisse, qu'une fille,
au lieu de trois que l'on y souloit eslire.

xxxii. Et dauantage, que ladite fille ainfi esleuë en chacune paroisse, & qui aura eu ledit certificat, demeure esleuë tant qu'elle soit mariée, moyennant toutefois & non autrement, qu'elle se trouue toujours viure catholiquement selon l'Eglise Catholique, Apostolique & Romaine, & fille de bien.

xxxiii. A cet effet mesdits Seigneurs entendent, que tous les ans les susdits Maire & Eschevins, Procureur du fait commun, Marguilliers, ou Procureur de la fabrique, Greffier, Tabellion, Notaire, & autres qui auront l'année precedente nommé lesdits trois hommes & trois femmes, pour eslire la pauvre fille; ou bien ceux d'entr'eux qui s'y pourront trouver, que au cas que ladite fille n'ait obtenu le sort au cheflieu, comme dit est, pour estre mariée, aduisent ensemblement avec le Curé ou son Vicaire ledit iour de Pasques fleuries avant Vespres, si elle se trouue tousiours de ladite qualité, c'est assavoir fille de bien, & Catholique; & la trouuant ainsi, & qu'elle vueille continuer en ladi-

ré pour elles ledit iour de Mardy apres Pasques, si elles ne veulent s'y trouver en personne.

xxxviii. Et pour le regard des autres Chastellenies esquelles il y a plusieurs parroisses dependantes d'icelles, entendent que le Mardy deuxiesme iour apres Pasques, la fille ainsi esleuë en chacune desdites parroisses, aille ou enuoye comme bon luy semblera, l'un de ses parens ou amis, au lieu principal de ladite Chastellenie ou Preuosté, porter ledit certificat de son élection.

xxxix. Et lors que toutes lesdites filles eleuës es parroisses particulieres de la Chastellenie ou Preuosté, seront venues, ou autres pour elles, en l'Eglise où se deura faire ledit Mardy la dernière élection de celles qui seront mariées cette année-là. Et qu'elles auront deuorement assisté au service de la Messe, le Procureur de Messieurs & Dame les feront retirer avec leurs parens & amis qu'elles auront voulu amener, ou bien les enuoyez pour elles, au lieu plus grand & spacieux qui sera en ladite Eglise, & non ailleurs, ny en autre lieu estroit & resserré; & ce pour donner moyen à tous ceux à qui bon leur semblera, & voudront par charité assister à ladite élection, & gagner les pardons transcrits à la fin des presentes, octroyez par nostre saint Pere le Pape, à ceux qui assisteront à ladite élection, d'y estre commodement, & donner occasion qu'elle soit executée selon l'institution & volonté de mesdits Seigneurs.

xl. Et là estans se feront les Officiers de mesdits Seigneurs & Dame représenter les certificats de l'élection qui aura esté faite de sdites filles; lesquels ayans trouvez bons & vallables, ils feront au mesme temps mettre en rang & ordre lesdites filles ou leurs enuoyez, selon que les parroisses de chacune Chastellenie, ou Preuosté seront en fin esclaires, sans changerny innouer autre rang & ordre que celuy-cy apres escrit; sur peine d'estre lesdits Officiers estimez faulxaires, & indignes de tenir aucun estat. Et là estans toutes rangées selon ledit ordre, ils feront faire place derriere elles, ou de ceux qui seront venus pour elles, pour si mettre vn ou deux des parens ou amis qui y seront venus pour les assister à ladite dernière élection, prendre garde qu'il ne leur soit fait aucun tort.

xli. A laquelle dernière élection, mesdits Seigneur & Dame, desireront & prient ceux qui auront esté à la première qui aura esté faite le Dimanche de Pasques fleuries, en la parroisse du chef-lieu de la Chastellenie, ou Preuosté, de se trouver à voir faire la dernière élection du Mardy apres Pasques, pour tenir la main qu'elle soit bien & deuëment faite & executée selon leur bonne intention. Aussi ordonnent à leurs Officiers de ladite Seigneurie, de prier les femmes de ladite principale parroisse, qui auront esté mariées par le benefice de la presente fondation, de venir assister de leur bon gré & non autrement, à ladite dernière élection, parce qu'ils n'entendent de les y assuiettir que de

leur vouloir: Estant à presupposer qu'elles apporteront vne bonne volonté à l'entretienement de l'ordre d'icelle.

XLII. Estans donc lesdites filles ainsi rangées, ou les venus pour elles selon l'ordrecy-dessus dit, sera fait lecture tout haut, distinctement & à loisir par le Curé ou son Vicaire, ou autre qu'il deputera, de l'article xxxviii. commençant, *Et pour le regard*; iusques au l.iii. *Moyennant ce que dessus*; afin de rememorer à ceux à qui il appartiendra, ce qu'ils auront à faire pour proceder à ladite derniere election.

XLIII. Et parce que mesdits Seigneurs ont esté aduertis, qu'en plusieurs parroisses aucunes filles ont refusé d'estre esleuës pour aller tirer le dernier sort au chef-lieu de la Chastellenie ou Preuosté, pour la honte qu'elles y auoient receuës de s'en retourner plusieurs années, sans que cette aumosne leur fust escheuë, craignans par-là d'estre estimées par le peuple incapables d'icelle, dequoy il seroit à douter que par succession de temps ladite election ne fust mesprisée en plusieurs parroisses: A cette occasion, & afin que ladite aumosne soit le plus que faire se pourra distribuée aux filles de chacune des parroisses à eux appartenans, mesdits Seigneurs ont trouué bon de faire vn nouveau reiglement pour ce dernier sort, contenu en l'article l. afin que par le moyen d'iceluy les filles nommées es parroisses qui n'auront eu le sort de ladite Aumosne, ayent triple auantage en le tirant, contre celles des parroisses esquelles les filles auront esté mariées les années precedentes.

XLIV. Au mesme instant que tout ce que dessus aura esté executé, sera fait en la presence de tous par ledit Greffier, vn nombre triple de Billets d'autant qu'il y aura de filles esleuës en chacune desdites parroisses; comme s'il y en auoit neuf esleuës en neuf des parroisses dependantes de ladite Chastellenie ou Preuosté, faudra qu'il y ait vingt-sept Billets, pour eüiter la fraude le plus qu'on pourra, qui s'y pourroit faire si l'on connoissoit lesdits billets; & selon le nombre des filles qui se deurent marier en ladite Chastellenie. Assauoir s'il s'en doit marier trois, seront escripts en trois Billets, *Dieu vous a esleü*; & en tous les vingtquatre autres, *Dieu vous console*. Lesquels seront tous faits d'une mesme grandeur, & entortillez & enfermez d'une mesme façon, chacun d'une bague ou maille de fer, selon qu'il est cy figuré.

DIEV VOVS A ESLVE.

XLV. Et puis seront iettez dedans vn pot couuert de linge, par la plus âgée desdites trois femmes qui aurôit esté choisies le iour de Pasques fleuries pour eslire la fille en ladite parroisse principale, si elle s'y voudra trouuer; sinon par l'autre de ses compaignes qui par charité s'y trouueta; & cela fait, sera ledit pot couuert & secoüé pour mesler en iceluy lesdits billets, de peur que les premieres filles ne soient preferées audit sort: & puis les feront tirer par vn enfant de l'âge de quatre à cinq ans pour le plus, qui ne soit proche parent d'aucunes desdites filles. Lequel ayant le bras retroussé, & les doigts tous ouuerts, pour eui-ter qu'il n'en cache aucun en sa main, en tirera dudit pot vn, & puis vn autre, & puis le troisieme: lesquels trois il baillera à la fille, ou autre pour elle qui sera la premiere en rang qui les ouuriront, & feront lire par leurs parens ou amis, & quant & quant par ledit Greffier, puis on continuera d'en tirer & bailler trois autres, qu'il tirera vn à la fois comme dit est, à la seconde fille: & de mesme fera à la troisieme, & aux autres ainsi qu'elles, ou les enuoyez pour elles, seront rangées, selon qu'il a esté dit; à celle fin qu'elles puissent bien estre asseurées que l'on ne les leur aura changez en les lisant, comme se pourroit facilement faire si l'on n'y prenoit garde, & qu'on y voulust proceder de mauuaise foy. A cette cause celui qui les lira haussera le bras, & tiendra la main & doigts ouuerts, afin de faire apparoir qu'il n'en auoit d'autres de cachez en sa main, & puis continuera le reste.

XLVI. Et combien qu'à la premiere ou seconde fille il escheût ce billet escrit, *Dieu vous a eslu*; neantmoins lesdits Officiers ordonneront à l'enfant de continuer à tirer les autres billets iusques au dernier, & iceux faire ouurir & lire tout haut, & les bailler aux autres filles, ou leurs enuoyez selon leur ordre, afin de voir s'il y aura point esté commis aucune fraude, en y mettant plus de billets escrits, *Dieu vous a eslu*, qu'il ne conuiendroit, pour faire tomber plus facilement le sort à quelques filles rangées les premieres.

XLVII. Et s'il aduenoit qu'en la Chastellenie où il y a deux filles à marier, & pour lesquelles on eust fait deux billets escrits, *Dieu vous a eslu*, qui aduinssent à vne seule, l'vn d'iceux sera reietté dans le pot, & au lieu d'iceluy tiré vn autre escrit, *Dieu vous console*, apres l'auoir derechef couuert & secoüé, pour estre tiré par l'enfant comme-dessus.

XLVIII. Et apres que tout le sort aura esté tiré, sera fait aux filles ausquelles lesdits billets portans ces mots, *Dieu vous a eslu*, seront escheus, vn certificat escrit par ledit Greffier, & signé par les Officiers de la Seigneurie, & dudit Curé ou son Vicair, & des principaux habitans de la parroisse; portant comme la derniere election aura esté bien & deuément faite, & que le sort sera tombé à N. fille de tels Pere & Mere, de telle parroisse, estant de la qualité portée par cette fondation. Et puis sera baillé à ladite fille, ou à celui qui sera venu pour elle, afin de luy seruir à l'endroit du Fermier ou Receueur de ladite Cha-

stellenie ou Preuosté, pour s'obliger à luy payer le lendemain de la Pentecoste, les seize escus quarente sols à elle ordonnez par la teneur de la presente fondarion, selon que ledit Fermier ou Receueur doit & est obligé de faire par sondit bail, & par les articles 62. & 63. A laquelle obligation du Fermier enuers lesdites filles, lesdits Officiers tiendront exactement la main, à ce qu'ils fournissent la somme à ladite fille le mesme iour, si faire se peut, ou dans huitaine sans y faillir, sur peine de s'en prendre ausdits Officiers.

XLIX. Au mesme instant que sera fait ledit certificat à la fille qui aura eu le sort, le Procureur de ladite seigneurie retirera de ladite fille, ou de celuy qui aura esté enuoyé pour elle, le premier certificat qu'elle aura eu en sa parroisse, & qu'elle aura apporté audit iour du Mardy de Pasques, lequel il gardera, tant pour dresser le proces verbal qu'il doit faire faire par le Greffier, comme sera dit article, LXXVIII. que aussi pour rendre responsables ceux qui auront esleuë ladite fille, au cas que par apres elle ne se trouuast de la qualité portée par cette fondation.

L. Celle donques desdites filles à qui sera escheu & aduenu ledit billet portant ces mots, *Dieu vous a esleuë*, sera mariée en ladite année, & à cette fin seront les parens & tuteurs soigneux & diligens de luy trouuer party dedans le iour & feste de Pentecoste ensuiuant, afin de la pouuoir au plustost mettre en quelque repos honneste.

LI. Et comme il a esté dit cy-deuant article 43. desirans mesdits Seigneurs que leur Aumosne soit distribuée le plus que faire se pourra aux filles de chacune de leurs parroisses, ils entendent que l'ordre ordonné es articles 39. & 40. pour renger lesdites filles, soit bien soigneusement gardé, afin de pouuoir plus facilement faire entretenir cettuy-cy du dernier sort, lequel est tel: Assauoir qu'apres que le sort aura esté donné aux trois filles destinées à estre mariées en vne Chastellenie où il y aura neuf parroisses, que l'année suiuant il soit fait six billets moins des vingt-sept faits en l'année precedente, desquels n'en sera baillé qu'un aux trois filles venuës des trois parroisses esquelles l'année precedente auront esté mariées lesdites trois filles, & aux autres six leur en sera baillé trois à chacune; comme par exemple en la Chastellenie de Desize, en laquelle il y a neuf parroisses, Desize, saint Priué, Denay, Gana, Charrin, saint Hillaire, Tainay, Champuert, & Cercy la Tour, il s'y doit marier tous les ans trois filles, pour lesquelles se feront vingt-sept billets, comme a esté dit article 44. & tirez en la maniere cy-deuant dite, si le sort tombe aux filles des parroisses de saint Priué, de Gana, & de Cercy la Tour, l'année ensuiuant ne seront faits que vingt-un billets, en dix huit desquels sera escrit, *Dieu vous console*: Et en trois, *Dieu vous a esleuë*; & puis estant entortillez & iettez dans le pot, & iceluy couuert & secoüé en la maniere dire cy-deuant, l'enfant sera aduertey par les Officiers de ne bailler qu'un biller aux filles qu'on aura derechef esleuës esdites trois parroisses de saint Priué, Gana & Cercy la Tour, & aux six autres à cha-

cune trois billets, afin de donner occasion que ledit sort & ladite aumône tombe plus facilement aux filles des autres six paroisses, que des trois susdites; & que en ce faisant les filles de chacune paroisse de ladite Chastellenie s'en puissent à leur tour ressentir. Et pour ce lesdits Officiers faisant tirer ledit enfant, ils luy ordonneront de bailler trois billets l'un apres l'autre, comme dit est, à la fille esleue à Desize; & quant à celle de S. Priué, ne luy en bailleta qu'un, pour la raison susdite: & puis trois autres à celle de Denay, & un à celle de Gana; puis trois à celle de Charrin, & de S. Hillaitte, de Tanay & de Champvert; & un à celle de Cercy la Tout. Lequel ordre n'empeschera pas que ledit sort ne tombe aussi bien à l'une des filles desdites trois paroisses que aux autres des six, combien qu'elles n'ayent qu'un billet contre trois, si Dieu le veut de cette sorte. Catores qu'il semble que les filles des six paroisses ayent grand avantage sur les autres trois selon le sens humain, neantmoins n'en ont aucun, selon la volonté diuine. De cette façon les Officiers se gouuerneront d'an en an; aduertissant que si ledit sort tombe l'année ensuiuante à trois des filles des six paroisses restans, comme à Desize, saint Hilaire & Champvert, il ne faudra faire que quinze billets; en douze desquels sera escrit, *Dieu vous console*; Et à trois, *Dieu vous a esleue*; Desquels en sera baillé un seulement à chacune des filles des susdites six paroisses qui auront eu leurs filles mariées les deux années precedentes; & trois Billets à chacune des autres trois restans, à sçauoir Denay, Charrin, & Tanay. Et si le sort tombe aux filles desdites trois dernieres paroisses, seront faits la quatriesme année ensuiuante vingt sept Billets, comme a esté dit article XLIV. Et puis continuer d'année en année en la forme cy dite. Mais si le sort au lieu de tomber aux filles qui auront trois Billets alloit à quelque autre de celles qui n'en auroient qu'un, ainsi qu'il peut aduenir, comme par exemple, si le sort au lieu de tomber aux trois filles des trois dernieres paroisses nommées, ne tomboit qu'à celle de la paroisse de Charrin, en ce cas les officiers feront treize Billets; en dix desquels sera écrit, *Dieu vous console*; & en trois, *Dieu vous a esleue*. Et les faisant titer en feront baillet à toutes les sept filles susdites un seulement; & trois à celle de Denay, & de Tanay; & continueront d'ainsi le faire iusques à ce que ledit sort soit tombé à toutes les filles esleues en chacune paroisse: A quoy partant ils auront égard.

L II. Et pour donner d'autant plus occasion à chacun de rechercher lesdites filles, outte ladite Aumône de seize escus quarente sols, ont mesdits Seigneur & Dame resolu & delibéré, si ceux qui les épouseront s'en trouuent capables, de leur departir & conserer les estats de Notaires, Sergens, Geolliers, Concierges, Gardes des bois, Messagers, & semblables autres offices de telle qualité, plustost qu'aux autres personnes qui n'en auront épousé, pour sauoir dauantage lesdits mariages, esperans que si tant de pauures filles qui sont en la

Chrestienté destituées de tous moyens; ne delaissent de trouuer party, que celles-cy estant aidées de ladite Aumosne, & de l'esperance que leurs maris auront d'estre pourueus de semblables estats, s'ils en sont capables, qu'elles trouueront plus facilement quelque bon party, pour se mettre en vn honneste repos le reste de leur vie. Aussi esperent mesdits Seigneurs, qu'en baillant lesdits Estats à ceux qui les espouseront, ils apporront vne certaine affection plus que de l'ordinaire à bien seruir mesdits Seigneur & Dame, & leurs successeurs; & par consequent de s'acquiter à leur honneur de la charge qu'ils leur auront confetée.

LIII. Moyennant ce que dessus, & en contemplation de la presente fondation, desitent mesdits Seigneur & Dame, & prient les Marguilliers, ou Procureurs de la fabrique de chacune desdites parroisses, de faire dire par chacun Dimanche de l'an, par le Curé, Vicaire, ou Chapelain faisant le Profne, & le peuple y assistant, *Vn Pater noster & Ave Maria*, pour lesdits Seigneur & Dame fondateurs, & leurs successeurs; & admonester chacun, comme ils y sont obligez estans leurs suiets, *de prier Dieu de les garder de l'offencer, accroistre leurs bonnes intentions, & en leur pardonnant leurs fautes & pechez, leur donner apres leur decez la vie eternele.*

LIV. En reconnoissance de laquelle peine & bon deuoir que chaque Curé ou son Vicaire aura fait d'admonester lesdits trois hommes & trois femmes de s'acquiter en leur conscience de ladite election, leur faire prestre le serment, & lire les articles ordonnez, & assister aux elections susdites, mesdits Seigneurs luy ont donné huit sols tournois chacun an à perpetuité, pour le regard de ceux qui seront es Chastellenies ou Preuostez où se fera la derniere election le Mardy de Pasques; & aux autres Curez cinq sols seulement; à les recevoir par les mains du fermier ou receueur de la Chastellenie ou Preuosté de laquelle ladite parroisse est dependante, selon que par leurs baux ils sont obligez de les payer, le lundy de Quasimodo, au chef-lieu de ladite Chastellenie, où les Curez les enuoyetont querir; & ce sur peine du quadruple, deffaillant ledit Fermier ou Receueur à les payer precisement ledit iour. Pour lequel payement ils retireront seulement du Curé vn certificat signé par les principaux habitans qui auront assisté à l'election, comme ladite fille aura esté bien & deuement esleuë, avec la quittance au bas dudit Curé. Et où il n'y aura point esté fait de nouvelle election de fille, ains continué celle desia esleuë l'année precedente, comme dit est article 31. le Curé de ladite parroisse ne lairra pour cela d'auoir l'argent destiné, moyennant qu'il baille audit fermier le certificat, signé comme a esté dit articles 33. & 34. portant comme la fille esleuë l'année precedente aura esté continuée. Car mesdits Seigneur & Dame entendent que si ledit fermier ou receueur ne rapporte ledit certificat, & la quittance dudit Curé, le payement qu'il aura fait aux Curez luy soit rayé de son compte, par les auditeurs d'iceluy.

L V. Ledit iour apres la Pentecoste, lesdites filles se presenteront avec leurs fiancez, & quelques parens, au Chasteau ou lieu principal de ladite Chastellenie ou Seigneurie. La où en la presence des Officiers d'icelle, & nommement du Procureur fiscal, sera redigé par escrit le contract de mariage desdites filles par le Greffier du lieu, auquel mesdits Seigneur & Dame enioignent expressement d'ainsi le faire, sans aucun salaire, ne proffit autre que des cinq sols pour la peau de parchemin, par lequel contract elles seront priées & admonestées en memoire du benefice de ladite election, de prier Dieu en la forme que dessus pour mesdits Seigneur & Dame, & leurs successeurs procreés de leurs corps, en reconnoissance du bien-fait qu'elles ont receu d'eux.

L VI. Et puis ledit contract ainsi dressé sera leu ledit Lundy premiere ferye de Pentecoste, deuant la porte de l'Eglise, & baillé à chacune desdites filles par lesdits Officiers vne bague d'argent de la valeur de cinq sols, qui leur seruira pour les espouser, laquelle elles porteront en leur poulce, & sera appelée *La bague de souuenance de leur mariage & prieres*, Laquelle mesdits Seigneur & Dame les prient de porter, & soigneusement garder.

L VII. En leur baillant laquelle bague, elles seront aduerties de ne faire aucuns frais de Noces, festins, & banquetz; à peine de priuation de la somme à elle Aumosnée, selon qu'il sera dit cy-apres article L x v. Ce que le Procureur Fiscal de mesdits Seigneur & Dame sera par expès tenu & chargé de leur faire entendre, & tenir la main qu'ils le fassent; comme aussi que le fermier ne dilaye autrement à payer comptant à ladite fille & à son mary les seize escus quarante sols, deduit les cinq sols pour ladite bague; & cinq sols pour le parchemin du contract.

L VIII. Si dedans ledit iour de Pentecoste la fille ainsi esleüe ne pouuoit trouuer party, n'entendent pour cela mesdits Seigneur & Dame qu'elle perde le droit que son election luy auroit acquis par la grace de Dieu, iusques à ce qu'elle ait trouué party conuenable, pourueu qu'elle viue tousiours Catholiquement, & en fille de bien: comme aussi s'il luy aduenoit inopinément quelque petite succession en ligne collaterale, laquelle ne luy fust auparauant acquise & destinée: Entendent neantmoins que ladite Aumosne luy demeure, à la charge toutesfois que aussi-tost qu'elle aura trouué party, elle soit tenuë de se représenter à vn iour de feste en l'Eglise de la parroisse de la Chastellenie, pour là en la presence des Officiers, & particulièrement du Procureur de la Seigneurie estre dressé le contract de mariage, & mariée.

L IX. Et où il aduiendrait quelle decedast auparauant que d'estre mariée, ce Benefice sera transferé à celle de ses sœurs viuant Catholiquement, & en fille de bien, qui sera plus preste à marier, puis que Dieu aura voulu faire tomber cette Aumosne en la maison.

L X. Et au cas qu'elle mourust n'ayant aucunes sœurs, ou si elle en

auoit qui decedassent sans estre mariées, ou bien que desia elles le fussent, sera l'année prochaine en l'élection dernière qui le fera le Mardy apres Pasques en l'Eglise principale de ladite Chastellenie, mis vn Biller dauantage que l'ordinaire, sous ce tiltre, *Dieu vous a esleue*; Afin que en ladire année il soit marié de plus que l'ordinaire vne fille de celles qui auront esté esleües, pour accomplir l'effect de cette fondation, qui est de marier tous les ans soixante filles.

LX I. Et s'il aduenoit que l'enfant tirast pour vne fille lesdits deux Billets cottez, *Dieu vous a esleue*, il en sera fait comme a esté cy-deuant à la ioumée du Mardy apres Pasques, article XLVII.

LXII. Et afin qu'il n'y air aucune faute ne retardement à l'exécution de la presente fondation, mesdits Seigneur & Dame veulent & entendent que au mesme iour, & tout aussi-tost que ladite fille aura esté esleüe le Mardy apres Pasques, lesdits fermiers ou receueurs s'obligent de luy payer le mesme iour de son mariage ladire somme de seize escus quarante sols vallans cinquante liures, en monnoye de Roy, & ayant cours, par obligation de corps & de biens; & avec peine de dix sols pour chacun iour de cession dudit payement apres ledit iour expiré de sondit mariage, applicable moitié à la fille à laquelle le dernier aura esté retardé, & l'autre moitié à la fabrique de la parroisse où la fille aura esté née.

LXIII. Et au cas que ladite fille ne fust mariée ledit iour apres la Pentecoste, & qu'elle ne peust sitost trouuer party, mesdits Seigneurs veulent pour asseurer les deniers à ladire fille, que lesdits fermiers ou receueurs soient tenus représenter à la fille, & à ses parens, & aux Officiers de ladite Chastellenie, à la porte de la grande Eglise, le Lundy de la Pentecoste, ladite somme de seize escus deux tiers vallans cinquante liures, en deniers comptans, desdits lesdits dix sols pour la bague, & parchemin; pour estre delaissee entre les mains dudit fermier, ou bien à l'instant mise es mains d'un notable Bourgeois ou Marchant, qui sera nommé aux Officiers de mesdits Seigneur & Dame par ladite fille, & par trois ou quatre de ses plus proches parens ou tuteurs qui seront presens; & ce sous la mesme peine de dix solz par iour applicables comme dessus: Lequel bourgeois ou Marchant, ou fermier, s'obligera à ladite fille par corps, de luy bailler ladite somme en monnoye de Roy, & ayant cours, le iour mesme qu'elle aura trouué party, & sera mariée, en la presence du Curé ou son Vicaire, l'un des Escheuins, & l'un des Marguilliers, ou Procureur de la fabrique, & du Procureur de mesdits Seigneurs ou de son substitud, & du Greffier qui aura receu le contract; lequel fera la quittance sans en receuoir aucun salaire que les cinq sols cy-dessus declarez, sur peine de payer le double par lesdits fermiers & Greffier. Et si tous les susdits ne s'y peuuent trouuer, ce sera en presence du plus grand nombre qu'il sera possible, pour tesmoigner l'effect dudit payement.

LXIV. Et si ladite fille, ses parens & tuteurs desirerent que ledit Marchand ou fermier luy en fassé rente au denier douze, en ce cas ledit Marchand aura terme de payer ladite somme, six mois, ou tel autre plus court dont ils se pourront accorder ensemble, apres qu'il luy aura esté signifié de la part de ladite fille, ou de ses parens & tuteurs, qu'il ait à fournir ladite somme de seize escus quarante sols, ce qu'il fera precisement au bout desdits six mois, ou d'autre temps plus court qui aura esté accordé; avec les arrerages écheus iusques audit iour du payement actuel; & ce à peine de dix sols par iour comme dit est. Et en payant ladite peine de dix sols, cessera le cours de la rente ou profit à quoy lesdits fermiers & receueurs, leurs cautions, & ledit Marchand dépositaire seront contraintes par toutes voyes, & cumulations d'icelles, mesmes par corps.

LXV. En faisant ledit payement, le Mary & la Mariée prometttront & iureront de ne faire aucun festin, banquets, & dissolutions; & au cas qu'ils fissent aucune despence au festin de leurs nopces, autre que de leurs deux bouches seulement, & non d'autres, entendent mesdits Seigneur & Dame qu'ils ayent à rendre és mains du Procureur de la Chastellenie ladite somme qu'ils auront receüe, & qu'elle soit réservée pour marier vne autre fille en l'année ensuiivante. Parce qu'il n'est raisonnable que ce qu'ils ont destiné pour Aumosne, soit conuertie en luxe, mauuais viage, & yurongnerie: Bien permettent-ils que le banquet soit fait, tant pour aucunement se réjouir avec leurs parens & amis de leur bon-heur, & en rendre graces au Createur qui leur aura distribué cette aumosne, que aussi pour donner occasion à leursdits parens & amis, de leur faire quelques presens, comme est la coustume de faire à tel iour de nopces en plusieurs Prouinces; pourueu, comme dit est, que le mary & la mariée n'y fassent autre despense que de leur bouche. A quoy ledit Procureur tiendra soigneusement la main, comme il luy est enioint de faire cy-deuant article 57.

LXVI. Et pour plus grande seureté de ladite somme de seize escus deux tiers d'escus pour chacune desdites filles, mesdits Seigneur & Dame l'ayant desia assise & assignée par destination speciale, sur le plus clair revenu de leursdites Chastellenies, terres & Seigneuries, lequel ils ont à cette fin distrait, & d'abondant distrayent par ces presentes, & s'en exproprient, pour en estre la propriété & possession transférée au profit de ladite fondation, & iusques à la concurrence d'icelle, ils confessent le tenir à tiltre de constitut & precaire, sans que par saisies ou empeschemens quelconques, soit de creanciers, fortunes ou autrement, il puisse estre aucunement empesché: Et cessant ledit empeschement, entendent que ladite somme soit entierement payée & satisfaite, nonobstant perte & diminution de biens, guerres, accidens sortuits, tant ordinaires qu'extraordinaires; & tous autres empeschemens generellement quelconques.

soit, & non plus grande somme, sur peine de concussion : & pour cet effet mesdits Seigneur & Dame entendent & ordonnent que les Greffes soient dès à présent comme pour lors obligez & hypothéquez pour tousiours aux charges susdites & les Greffiers qui les voudront exercer soient tenus à telles charges, ores qu'elles ne fussent déclarées par leur bail à ferme, ou par le don qui en auroit esté fait à autrui, voire mesme quand ledit Greffe auroit esté baillé franc & quitte de toutes charges, & particulièrement de cette-cy : parce que mesdits Seigneur & Dame veulent qu'elle ne puisse estre ostée pour quelque cause & occasion que ce soit, des charges desdits Greffiers, ains qu'il soit réservé ausdits Greffiers le recours du salaire qu'ils pretendront pour les choses susdites, au Seigneur propriétaire de la seigneurie de laquelle il sera Greffier, au cas qu'il l'ait voulu tenir quitte d'icelles charges.

LXIX. Et lors que ledit Procureur de la Chastellenie ou Preuosté aura receu, comme dit est, dans le quinziesme Iuin la coppie des contrats de mariage des filles qui auront esté mariées selonc cette fondation, ensemble le procez verbal qu'il aura fait dresser par ledit Greffier, tant de l'ellection de ladite fille que de son mariage, en la forme cy en fintranscrite, il sera tenu de les enuoyer tous les ans dans la veille saint Jean 13. dudit mois de Iuin, au Procureur du domaine de Niuernois, ou General de Rethelois, selonc qu'il sera dit en l'article ensuiuant, duquel sera tenu retirer responce de la reception d'iceux, & ce à peine de perdre les deux derniers quartiers de ses gages, qui reuiendront de bon aux Procureurs du Domaine, & General de Rethelois, pour les frais qu'ils feront à enuoyer vn messager ou sergent pour contraindre ledit Procureur particulier de la Chastellenie ou Preuosté qui sera defaillant de leur auoir enuoyé ladite coppie & procès verbal : Et pour ce ordonnent aux fermiers ou Receueur de ne payer lesdits gages de ladite demi année ausdits Procureurs particuliers, si au prealable ils ne leur baillent ledit Certificat de l'un desdits Procureurs, d'auoir receu ledit procès verbal : lequel Certificat ils seront tenus de rapporter sur leurs comptes : & à faute de ce faire, sera rayé purement & simplement ce qu'ils leur auront payé, comme est dit cy apres article 85.

LXX. Et à ce que leur intention soit d'autant mieux executée, ont mesdits Seigneur & Dame voulu & ordonné, veulent & ordonnent à leur Procureur du domaine de leur Duché de Niuernois, d'estre soigneux d'aduertir par fois les officiers locaux dudit Duché, & des terres qu'ils ont en Berry, & en Bourbonnois, de ne faillir à dresser les procez verbaux des filles qui auront esté mariées, ou elseuies seulement Chastellenies de leurs charges, contenant par le menu ce qui aura esté executé de l'intention de mesdits Seigneurs pour le regard de la presente fondation, pour après les luy enuoyer chacun an pour le plus tard dans la veille dudit iour de saint Jean, xxiiii Iuin ; autrement, & defaillans aucuns des Procureurs locaux de luy enuoyer ledit procez verbal dans ledit iour, mesdits Seigneur & Dame ordonnent audit Procureur au domaine, à luy depêcher soudainement vn Sergent exprés pour aller querir ledit procez verbal, & coppie du contrat de mariage : & ce aux dépens dudit Procureur local, puis qu'il aura esté negligent ou defaillant. Et ayant ledit Procureur de ladite Chastellenie satisfait tant audit enuoy de procez verbal, & extrait, qu'au payement du Sergent, ledit Procureur au domaine luy fera vn certificat, par le moyen duquel il recevra ses gages de ladite demi année : & à faute de payer ledit Sergent, il prendra, comme dit est, lesdits gages, & sera contraint par corps de payer le salaire dudit Sergent, & de tous autres frais qu'il aura conuenu faire pour telle occasion : & outre cela meritera estre demis de sa charge, pour la faute & negligence dont il aura vlé.

LXXI. Et si mesdits Seigneurs ou leurs successeurs viennent à bailler en partage à Messieurs leurs enfans, ou à aliener aucunes des Chastellenies à eux appartenans esd. Duché & pais de Berry, & de Bourbonnois, ils entendent que les Procureurs des Chastellenies aliénées soient tenus sous pareilles peines, & en leur propre & priué nō, sauf leur recours cōtre les seigneurs de la chastellenie dōt ils serōt procureurs, d'euoyer leld. procez verbaux à M. les administrateurs de l'Hôtel-Dieu de Paris,

& en ce faisant verront si tous les Procureurs locaux auront satisfait d'enuoyer lesdits procez verbaux, & coppie des contrats de mariage qui auront esté effectuez; & si la fondation aura esté bien executée, afin de tancer lesdits Procureurs des fautes qu'ils auront commises, & pareillement de les contraindre d'enuoyer lesdits procez verbaux & contrats de mariage s'ils auoient esté negligens de ce faire, selon qu'il a esté dit cy-deuant, articles 69. & 70. Et de tout feront memoire par ledit extrait pour aduertir mesdits Seigneur & Dame, ou leurs successeurs, desdites fautes que les susdits auront commises, pour les destituer s'ils l'ont merité. Lequel extrait lesdits Officiers qui auront esté presens à la lecture & verification d'iceluy sur lesdits procez verbaux & coppie des contrats de mariage, le signeront pour certifier lesdits sieurs Commissaires, & mesdits Seigneurs, & apres eux leurs successeurs, qu'il contient verité; ce qu'ils pourront facilement faire, pour connoître l'écriture ou signature des Greffiers & Officiers des Chastellenies qui les auront dressé, signez, & enuoyez.

LXXV. Au sortir de là, ledit Procureur du domaine fera faire des coppies dudit extrait, qu'il signera, & fera signer par les mesmes Officiers qui auront signé l'autre; dont il en enuoyera vne avec lesdits procez verbaux, & coppie des Contrats de mariage à Messieurs les administrateurs du grand Hostel Dieu de cette ville de Paris, dans la Magdelaine, 22. Iuillet; de la deliurance desquels il retirera certificat signé de leur greffier; en vertu duquel il se fera payer des gages à luy ordonnez comme dit est cy-apres article 85. Et par iceluy extrait ledit Procureur du domaine fera fidelle mention, comme a esté dit article 71. des fautes, obmissions, ou contrauentions qu'il aura trouué auoir esté faites au preiudice de ladite fondation, à peine d'en respondre en son propre & priué nom. Et comme il aura aduertiy les Procureurs locaux desdites contrauentions, afin de mieux se conduire l'année ensuiuante: la forme duquel extrait est transcrite à la fin de cette fondation.

LXXVI. Et quand à l'autre coppie du susdit extrait, mesdits Seigneur & Dame entendent & veulent que ledit Procureur du Domaine la leur enuoye, ou apres eux à leurs successeurs, la part qu'ils seront, ou bien à leurs Aumosniers, chacun an dans ledit iour de la Magdelaine 22. Iuillet; ou à leur Tresorier resident en la ville de Paris, pour le leur faire tenir; & qu'il soit soigneux de retirer responce, de celuy à qui il les aura fait bailler; lequel extrait mesdits Seigneurs entendent qu'il soit baillé à leurdit Aumosnier. Et quant à la minutte dudit extrait, ledit Procureur du domaine la mettra en la layette pour ce destinée au tresor de leur chambre des Comptes à Nevers.

LXXVII. Et lors que ledit Aumosnier aura receu ledit extrait, ils entendent qu'il le lise bien particulièrement, & puis qu'il aduertisse mesdits Seigneur & Dame, ou leurs successeurs, si lesdites elections & mariages auront esté faits en toutes leurs terres & Seigneuries; & si l'or-

dre de cette fondation y aura esté gardé, pour en escrire à ceux de leur conseil à Paris, aduenant qu'il y eult de la faute, pour tenir la main que au iour saint Louis 25. Aoust, Messieurs les Commissaires ordonnent ce qui sera nécessaire contre les deffailans.

LXXXVIII. Dauantage entendent que ledit Aumosnier present & aduenir, outre ce soing qu'il doit auoir à l'entretennement de ladite fondation, soit aussi tenu quand ils iront par leurs terres, de s'enquerir si les filles qui auront esté esleuës & mariées seront de la qualité portée par cette fondation, ou bien s'il y aura esté commis de l'abus, ou faute, pour aduertir mesdits Seigneur & Dame, ou leurs Successeurs; & sur tout lesdits sieurs Commissaires.

LXXXIX. Pour le regard des Preuostez dudit Duché de Rethelois, le Procureur general d'iceluy fera de mesme qu'a esté dit pour celuy du domaine de Niernois; soit à solliciter les Procureurs des Preuostez de faire dresser lesdits procès verbaux par les Greffiers, & les luy enuoyer avec les coppies des contrats de mariage; & aux deffailans, d'enuoyer vn Messager à leurs despens, & puis faire ledit extrait pour le plus tard auant ledit iour saint Iean.

LXXX. Et le lendemain dudit iour, mesdits Seigneurs ordonnent que Monsieur le Bailly s'il s'y trouuera, & ses Lieutenans, Aduocats, & Greffier du domaine, s'assemblent à sept heures du matin en la Chambre proche du Tresor des Chartres du Chasteau de Rethel, où le Capitaine dudit chasteau de la ville sera prié de se trouuer; & que là ils fassent lire depuis l'article 67. commençant, *Seront tenus lesdits Receueurs ou fermiers*, iusques au 81. ensuiuant, *Et quant à la principauté de Manthouë*, pour le ressouvenir de leur deuoir. Et apres, que ledit Procureur general dudit Duché fasse recit de l'extrait qu'il aura dressé des procès verbaux & Contrats de mariage, afin que par là on voye si tous les Procureurs des Preuostez les auront enuoyez, & si tout aura esté bien executé selon l'intention de mesdits Seigneur & Dame; & continuer à ce faire tout ainsi qu'il est cy-dessus déclaré & ordonné estre fait pour le Niernois, tant à faire enuoyer lesdits proces verbaux & contrats de mariage à Messieurs les Administrateurs de l'hospital Dieu de cette ville de Paris, dans le iour de la Magdelaine 22. de Iuliet, avec son extrait; & d'en retirer certificat signé de leur Greffier, que de faire tenir l'autre de ses extraits à mesdits Seigneur & Dame, ou à leurs successeurs, tous les ans dans ledit iour de la Magdelaine, & en retirer responce d'eux, ou de leur dit Tresorier en cette ville, auquel il le pourra enuoyer si bon luy semble, pour la plus grande commodité.

LXXXI. Quant à la principauté de Manthouë, consistant es Chastellenies de Senonches & Brezolles, entendent que leur Procureur en icelle garde l'ordre, tant à la lecture desdits articles iusques à celuy prochain ensuiuant, qu'en toutes autres choses, selon

qu'il est cy-dessus déclaré & porté pour le Niuernoys, & le Retheloy, auxquels articles il aura recours pour son instruction, sans que en ce lieu soit en vain repeté ce qui a esté desia dit cy-deuant. Et ordonnent seulement à Monsieur le Bailly s'il s'y trouue, & à son Licutenant, & aux Capitaines de la ville, & des gardes de la forest, ensemble au Receueur & Greffier, tant de l'ordinaire que Gruerie, de s'assembler ledit iour apres la S. Iean, pour entendre le recit que fera ledit Procureur desdits procès verbaux.

LXXXII. Quant à Collommiers, il sera aussi fait de mesme par le Procureur de ladite Seigneurie; lequel pareillement aura recours à ce qui est dit pour le Niuernoys & Retheloy, & principauté de Manthouë.

LXXXIII. De mesme sera fait par le Procureur des terres de Picardie, lequel pareillement aura recours ausdits articles.

LXXXIV. Comme aussi le Procureur de l'Esparre se gouuenera de la mesme façon & maniere que dit est cy-dessus; à quoy il aura recours pour s'en instruire.

LXXXV. Pour le soin & peine qu'auront lesdits Procureurs à l'exécution de ce que dessus, mesdits Seigneur & Dame, ont destiné & donné à chacun d'eux le sallaire qui s'ensuit. A sçauoir à celuy du domaine de Niuernoys, huit escus: A celuy de Rethelois cinq escus: A celuy de la Principauté de Manthouë trois escus vingt sols: A celuy de Collommiers trois escus vingt sols: A celuy de saint Vallery quatre escus: Et à celuy de l'Esparre cinq escus. Lesquelles sommes lesdits Seigneur & Dame leur ont ordonné outre les gages ordinaires par chacun an, pour leur estre payées par les fermiers ou receueurs des Chastellenies principales dont ils sont Procureurs, en leur fournissant la quittance au pied, ou au dos de l'original du certificat que lesdits sieurs Administrateurs leur auront fait faire par leur Greffier, de la reception des procès verbaux & copies des Contrâcts de mariages qu'ils auront receus dans ledit iour de la Magdelaine 22. Iuillet; comme mesdits Seigneurs les ont obligé de faire, sur peine d'estre rayées des comptes des fermiers ou receueurs, & du quadruple enuers les pauures dudit Hostel Dieu de Paris. Et pour ce ordonnent mesdits Seigneur & Dame aux Auditeurs des Comptes presens & aduenir, desdits fermiers & receueurs, de ne leur alloüer lesdits gages qu'en rapportant ledit Certificat & quittance, à peine d'estre eux-mesmes condamnés au quadruple, au cas que lesdits Auditeurs sçachent la presente ordonnance & peine, & que au mépris d'icelle ils leur eussent passé lesdits gages.

LXXXVI. Et pource que depuis l'an M. D. LXXIII. que la presente fondation fut faite, la terre & Chastellenie d'Ault, sur la mer, assise en Picardie, a esté baillée pour supplément de partage à Messieurs les Duc & Duchesse de Guyse, par accord fait le 27. Avril M. D. LXXXIV. A la charge d'entretenir lad. fondation, mesdits Seigneurs prient les Seigneurs propriétaires de ladite terre presens & aduenir, de vouloir faire gar-

der le mariage de la fille destinée en ladite terre, & par mesme moyen Messieurs les Commissaires cy-apres ordonnez, de tenir la main à ce qu'il soit actuellement effectué selon l'intention de mesdits Seigneur & Dame fondateurs.

LXXXVII. Et pour le regard des autres terres qui par cy apres pourront estre aliénées soit par partages ou autrement, mesdits Seigneur & Dame entendent & veulent que les Seigneurs qui seront propriétaires desdites terres soient tenus de garder inuiolablement ladite fondation: Et à cet effect seront obligez lesdits Sieurs desdites terres vendus, ou autres qui se pourront cy apres vendre ou alienier, ou bailler en partage, de faire porter ou enuoyer, lesdits procès verbaux ausdits Sieurs Administrateurs, dans ledit iour de la Magdelaine chacun an, à peine de tous despens dommages & interets, & de vingt escus pour chacun deffaut, applicables à l'Hostel Dieu de cette ville de Paris, afin de voir & connoistre la continuation de l'execution de ladite fondation: au payement desquelles peines, lesdites terres & Seigneuries seront obligées, affectées & hypothéquées; sauf aux Seigneurs d'icelles leur recours contre leurs Officiers, par la faute desquels lesdites peines seront encouruës. Et ont lesdits Seigneur & Dame dès à present obligé, affecté, & hypothéqué, ledit cas de contrauention aduenant, lesdites terres au payement desdits vingt escus.

LXXXVIII. Et aduenant qu'il ne fust satisfait en quelqu'vnes desdites Chastellenies cy-deuant obligées au mariage actuel desdites filles, selon & en la maniere de la presente fondation, tant à faire faire les Elections des filles, qu'à leur payer les seize escus quarente sols, à chacune; veulent & ordonnent lesdits Seigneur & Dame, que pour la premiere fois il soit pris sur le reuenu de la Chastellenie où il y aura eu deffaut du sceux du Seigneur d'icelle, soit qu'elle ait esté aliénée de leur maison ou non, le double de ce qui deuoit estre pris pour le mariage des filles. Assauoir, s'il ne s'y doit marier qu'une fille, sera pris trente trois escus vingt sols, pour marier tant la fille destinée par cette fondation, qu'une autre pour la peine de ladite contrauention. Et s'il s'y en deuoit marier deux, sera pris soixante six escus deux tiers, pour marier les deux ordinaires, & deux autres pour ladite peine. Toutes lesquelles filles mesdits Seigneur & Dame entendent & veulent qu'elles soient esleuës & mariées tant des deniers de l'ordinaire à ce destinez, que de ceux qui pourront prouenir de la peine, en la forme cy-deuant dite, particulièrement en l'article 60. commençant, *Et au cas qu'elle mourust*. Et outre ladite somme de 16. escus deux tiers, que ledit Seigneur propriétaire de ladite Chastellenie deffailant payera pour autant de filles qu'il aura esté obmis de marier en icelle, mesdits Seigneur & Dame veulent & ordonnent qu'il soit tenu de payer pour chacune fois qu'il y aura eu deffaut, vingt escus à l'Hostel Dieu de cette ville de Paris, au iour & feste saint Louis de ladite année; à peine de tous despens dommages & interets.

LXXXIX. Et où ils seroient defaillans à payer ladite somme de vingt escus audit Hostel-Dieu, & qu'ils ne retirent quittance du receueur d'iceluy dans ledit iour S. Louis vingt-cinquième d'Aoust de ladite année, & pareillement fassent apporter ausdits sieurs administrateurs, les procès verbaux & les contrats de mariages des filles, comme ils sont cy-dessus chargez de faire de celles qui auront esté mariées tant de l'ordinaire, que des autres qu'il aura deû marier pour le defaut commis, veulent & ordonnent que ladite somme de vingt escus double par chacune année de defaut de payement, & rapport desdits procès verbaux & contrats de mariages; cest à dire que si ladite somme n'est payée dans la premiere année, & rapporté quittance du receueur, ensemble le certificat du Greffier dudit Hostel-Dieu, des procès verbaux & contrats de Mariages deliurez à Messieurs les administrateurs d'iceluy, pour faire apparoir que lesdites filles auront esté mariées en la seconde année; ou à tout le moins que leur aumosne des seize escus deux tiers à elle destinez, auront esté mis es mains des personnes notables par forme de deposit, au gré desdites filles ou de leurs parens & tuteurs, seront tenus de payer quarente escus audit Hostel-Dieu. Et defaillant la seconde année à marier lesdites filles ordinaires, & autant d'autres extraordinaires, & faire les choses dessusdites, payeront audit Hostel-Dieu quatre vingts escus. Et defaillans la troisieme, payeront huit vingts escus; & ainsi consecutiuement, defaillans d'année en année, seront condamnés au double, tant à marier le double des filles ordinaires, qu'à payer la peine audit Hostel-Dieu.

xc. Et neantmoins outre les peines susdites, ou cas que de leur volonté & consentement ou sçeu, ils fissent de leur viuant defaut par trois fois à accomplir le mariage en la forme portée par la presente fondation, donnent lesdits Seigneur & Dame dès à present comme pour lors, & pour lors comme dès à present, la moitié du reuenue de la Chastellenie en laquelle la faute susdite sera aduenue, à l'Hostel-Dieu de cette ville de Paris, pour en iouir tant & si longtemps qu'ils differeront à executer la susdite fondation, parce qu'il doit cependant demeurer au profit dudit Hostel-Dieu.

xcI. Et où lesdits heritiers Successeurs & ayans cause seroient si mal-aduisez que de contreuenir à la presente fondation, & violer en cet esgard les saintes intentions desdits Seigneur & Dame, soit les mettant à neant, empeschans l'execution d'icelles & tournans & emploians les deniers destinez si saintement, ou partie, à leurs affaires particulieres, en innouant, changeant: Et y commettant aucun abus, voire mesme à les employer en quelque autre fondation qu'ils auroient plus agreable que celle cy. Ce que toutefois ils ne veulent croire, & esperent que Dieu ne le permettra s'il luy plaist. Et en ce cas lesdits Seigneur & Dame ont dès à present donné & delaisié, donnent & delaisient au grand Hostel-Dieu de cette ville de Paris, aux couuens des

quatre Mandians d'icelle, & aux Minimes de Nigeon près dudit Paris, par esgale portion, la somme de quatre mil escus vallans douze mil liures pour chacune contrauction annuelle, payable seulement par les Seigneurs propriétaires des Chastellenies esquelles seront commis tels abus & fautes. A quoy ils obligent d'abondant lesdites Chastellenies, ensemble tous les biens qui se trouueront posseder par celui auquel appartiendra ladite Chastellenie, au cas qu'ils soient leurs heritiers ou ayans cause. Et pour cette effet sera baillé coppie de ladite fondation audit Hostel-Dieu, aux quatre Mandians & Minimes de Nigeon.

xcii. Et pour le regard des cinq & huit sols destineez aux Curez comme dit est, mesdits Seigneurs s'obligent, & leurs successeurs & ayans cause, à les payer en la sorte cy deuant dite article 54. Et à faute de ce faire, payer le quart de la peine cy-dessus declarée de vingt escus, qui sont cinq escus à prendre sur la Chastellenie deffaillante, qui multiplie d'an en an en la maniere dessusdite.

xciii. Lesquelles peines lesdits Seigneur & Dame ont ainsi expressement ordonnées, à ce que leur intention soit à perpetuité conseruée; & pour retenir en la mesme volonté leurs heritiers & posterité, ou ayans cause à tout iamais. Et toutefois elles ne leur pourront porter aucun preiudice ny perte, s'ils ont la volonté pareille, la Pieté & Charité semblables enuers les pauvres, que lesdits Seigneur & Dame fondateurs ont eu, avec soing de faire entretenir ladite fondation, sans y innouer ny changer aucune chose. Lesquels heritiers, successeurs & ayans cause, mesdits Seigneur & Dame de la puissance que Dieu leur a donnée sur eux, adiurent en son nom, d'entretenir inuolablement ladite fondation, ordre & maniere d'icelle; sans y innouer aucune chose.

xciiii. Et prient lesdits Seigneur & Dame Messieurs les Archeueques, & Euesques, ou leurs Suffragans, grands Vicaires, & autres ayans charge d'eux au diocese desquels sont leués lesdites Chastellenies, Preuostez, & terres, de tenir la main à l'execution de leur susdite fondation; Et à cette effect aux Senues qu'ils tiendront, interpellier les Curez ou Vicaires de les faire obseruer en leurs parroisses, pour estre vn œuure de pieté, & dont ils sont principaux executeurs & protecteurs.

xcv. D'ailleurs prient aussi instamment lesdits sieurs Administrateurs dudit Hostel-Dieu, qu'ayans receu au iour de la Magdelaine 22. Iuillet, lesdits procez verbaux, & coppies de contrats de mariages que les Procureurs principaux de leurs terres leur doiuent enuoyer, comme a esté dit, de vouloir les departir à l'un d'entre eux au plus tost qu'ils pourront apres les auoir receus, pour verifier ledit extrait, & en faire vn autre si besoin est. Ce qu'ayant esté fait par ledit sieur Administrateur, il enuoyera dire au Procureur desdits Seigneur & Dame, & de leurs successeurs Ducs de Niernois, d'aduertir les deux de leur Conseil, l'un de robe longue, & l'autre de robe courté, de se trouuer au Bureau dudit Hostel-Dieu, la veille ou le iour pour le plus tard de la saint Bartheleny, à telle

telles heures, pour conferer avec eux de ce qu'il aura reconnu & remarqué d'obmissions, fautes ou malversations en l'exécution de ladite fondation; afin de prendre résolution ensemblement de ce qu'ils aduiferont estre expedient faire, pour apres s'en preparer à en faire rapport en l'assemblée qui se doit faire audit iour saint Louis 25. d'Aoust ensuiuant; pour blasmer & corriger les officiers & autres qui le meriteront; & enfin pour uoir à ce qui sera necessaire pour l'entretienement de la presente fondation. A laquelle conserance lesdits Seigneur & Dame prient instamment ceux de leur Conseil se vouloir trouuer, afin que ladite fondation puisse estre mieux gardée & entretenue.

xcvi. D'abondant mesdits Seigneur & Dame desirans que leurdite fondation aye lieu à perpetuité; Et considerans que s'il n'y a personnaiges de grande qualité & autorité, & remplis de preud'homme & de charité enuers les pauvres, qui en ayent la protection, elle sera bientôt abastardie, & peu de temps apres aneantie; cela leur a donné occasion de l'institution de ladite fondation, de prier, requerir, & supplier de toute affection, voire de coniuurer au nom de Dieu viuant, comme ils font derechef, Messieurs les premiers Presidens de la Cour de Parlement, Chambre des Comptes, & Cour des Aydes; ou en cas de maladie ou empeschement vn autre desdits sieurs Presidens premier en ordre & sceance. Et Messieurs les Gens du Roy de ladite Cour de Parlement; ensemble les douze Administrateurs de l'Hostel Dieu de cette ville de Paris, avec le Receueur & Greffier d'iceluy, & les deux plus anciens des gens du Conseil desdits Seigneur & Dame, qui se trouueront pour trois en ladite ville; dont l'un sera de robbe courte; & l'autre de robbe longue, au cas qu'il n'y en eust de robbe courte; Et leur Procureur en ladite Cour de Parlement, qui sont ou seront ores & pour l'aduenir, de vouloir leur faire ce bien que de prendre la peine & soing de tout leur pouuoir, & ce que ladite fondation soit exactement gardée, non seulement durant leur vie, mais apres leur decez, par les heritiers, successeurs & ayant cause, es terres & Seigneuries esquelles cette fondation a esté establie; estans bien asseurez, que sans leur bon support & soing, elle sera par la malice du temps corrompue ou annullée, au preiudice de leur pieuse intention. Et pour ce faire les supplient de prendre la peine d'assister à la grande Messe, qui se dira precisément sans plus tarder pour quelque occasion que ce soit, à huit heures du matin, le iour & feste saint Louis 25. d'Aoust par chacun an en la Chapelle par eux fondée en leur Hostel de Nevers Gonzague assisen cette ville de Paris, ioinnant les Augustins; laquelle dite & celebrée, lesdits sieurs Presidens & Gens du Roy prendront s'il leur plaist la peine d'entendre la lecture de ce qui aura esté ordonné en pareille iour de l'année precedente, afin de voir si tout aura esté executé; & que ce qui restera à faire executer: & puis sera fait le rapport par l'un des sieurs Administrateurs dudit Hostel Dieu, des proccez verbaux & Contrats de mariage qui auront esté enuoyez par

les Procureurs principaux des terres de mesdits Seigneurs, afin de connoître si ladite fondation aura esté bien & deuëment accomplie; ou bien s'il aura esté commis quelque deffaut ou abus à l'exécution d'icelle, ou s'il n'aura esté esleuë ny mariée aucune fille en quelque Chastellenie, selon qu'elles ont esté destinées, pour sur chacune contrauention ou deffaut ordonner ce qu'il conuiendra faire; & à l'instant commander au Greffier dudit Hostel-Dieu, de rediger par escrit ce qu'ils trouueront necessaire d'estre executé.

xcvii. Apres laquelle assemblée tenuë, mesdits Seigneur & Dame prient Messieurs les Administrateurs dudit Hostel-Dieu, de faire faire les lettres & contraintes, si aueunes seront necessaires, soit contre les Officiers ou Greffiers, ou bien contre les fermiers & Receueurs, ou contre les Seigneurs propriétaires des Seigneuries esquelles ladite fondation doit estre à perpetuité entretenuë, afin que par faute d'exécuter ce que tant soigneusement & sainement aura esté ordonné par vne si grande & notable compagnie, ladite fondation ne demeure imparfaite. Et si pendant le cours de l'année il se trouuoir quelque besoin de conseil, se retireront pardeuers Monsieur le Procureur General du Roy, qui prendra s'il luy plaist la peine d'entendre les difficultez qu'ils luy voudront proposer, & leur donner aduis de ce qui sera besoin d'estre fait; à ce que l'exécution de ce qui aura esté ordonné par lesdits sieurs Commissaires en ladite assemblée soit affectuée.

xcviii. Et afin que lesdites poursuites ne demeurent sans effect, comme il aduient souuent, par faute de fournir aux frais necessaires, mesdits Seigneurs veulent & ordonnent que leur Procureur present & aduenir au Parlement de Paris, soit tenu d'aduancer ou faire aduancer par leur solliciteur ce qu'il conuiendra pour faire tenir les lettres & commissions desdits sieurs Commissaires, la part qu'il conuiendra, au cas qu'il ny eust autre voye seure & prompte; à la charge de s'en rembourser s'il cas escher, sur les deffaillans, apres qu'ils auront esté condamnez. Et à faute d'en pouuoir estre remboursé dans Noël ensuiuant, veulent lesdits Seigneur & Dame que lesdits frais soient mis parmy ceux de leurs procez que leur solliciteur fera; & passez & alloüez par ceux qui auront la charge de ce faire, en rapportant comme dit est les exploits & procez verbaux desdits Seigneurs qui y seront employez; sur lesquels lesdits sieurs Administrateurs de l'Hostel-Dieu pourront certifier, comme ledit Procureur n'aura peu se rembourser de telle somme.

xcix. Et de tout ce qui aura esté ordonné par Messieurs les Commissaires esdites assemblées, & depuis aussi executé par les sieurs Administrateurs dudit Hostel-Dieu, mesdits Seigneur & Dame desirent & entendent qu'il en soit fait memoire par le Greffier dudit Hostel Dieu, sur le registre à cet effet destiné; & que précisément soit escrit le nom de ce luy desdits sieurs Administrateurs qui aura fait le rapport desdits procez verbaux; & qu'il soit aussi cotté les Chastellenies ou Preuostez qui au-

ront fait faute à enuoyer les procez verbaux, ou bien en l'eslection de la fille, s'il trouue qu'aucune y ait esté esleué, ou sinon declarer qu'il aura trouué par le rapport desdits procez verbaux, que toutes les filles auront esté bien & deuément esleuës & mariées; ou leur argent consigné selon la teneur de ladite fondation. Et afin que l'on puisse toujourn voir l'exécution de ladite aumosne, lesdits Seigneur & Dame desireront que par ledit Greffier soit cotié sur ledit Registre, le nom des filles & de leurs maris, si elles ont esté mariées, & de leurs Chastellenies, selon l'ordre contenu en la presente fondation; & qu'au commencement de ce que ledit Greffier écrira chacun an sur ledit Registre, il cote le nom de Messieurs les Commissaires qui auront trouué bon de prendre la peine, & les obliger de tant, que de se trouuer presens à ladite Messe & assemblée: & au retour de là seront mis lesdits procez verbaux & coppies de contrats de mariages es mains dudit Greffier, pour estre serrez en vne armoire que lesdits Seigneur & Dame ont fait faire audit Hostel-Dieu, intitulé *Armoire de la fondation de soixante filles à marier, faite par Monsieur & Madame les Duc & Duchesse de Niuernois & de Retelois*. Pour y estre gardez soigneusement, & dont sera fait memoire par le Greffier dudit Hostel-Dieu, sur ledit Registre des deliberations: lequel memoire contiendra seulement les iours que lesdits sieurs Administrateurs auront receu lesdits procez verbaux, & coppies des contrats de mariage; & comme ils auront par leur commandement esté mis tel iour en ladite Armoire.

c. Et à ce que lesdits sieurs Presidens, Gens du Roy, Administrateurs, Receueur, & Greffier dudit Hostel-Dieu en ayent perpetuelle memoire & souuenance, veulent mesdits Seigneur & Dame, qu'à la fin de ladite assemblée soient presentez à chacun desdits sieurs trois Presidens, & trois Gens du Roy qui y assisteront, six liures de bougie; trois de cire blanche, & trois de cire rouge, & vne bouree de velours vert, dans laquelle seront cinquante getons d'argent forgez aux armoiries & deuises de mesdits Seigneur & Dame fondateurs; & après leur decez, de Messieurs leurs successeurs: & aux autres cy - deuant nommez, vne bource de satin vert, avec cent getons de cuiure, estans forgez, comme dit est, aux armoiries de mesdits Seigneurs; & six liures de bougie, trois de blanche, & trois de rouge: & en outre sera baillé à celui de Messieurs les Administrateurs qui aura trouué bon de prendre la peine de voir les Procez verbaux, & contrats de mariage, & d'en faire le rapport pardeuant Messieurs les Commissaires, & aux deux du Conseil de mesdits Seigneur & Dame, qui auront actuellement assisté ledit sieur Administrateur à voir ledit Extrait en l'Hostel-Dieu, comme a esté dit article 95. autres trois liures de bougie blanche, & trois de rouge: & à leurdit Procureur qui pareillement y aura assisté, trois liures de bougie rouge; & audit Receueur trois liures de bougie rouge, & vne bouree de satin vert, dans laquelle seront aussi cent ge-

tons de cuire ausdites armoiries : & autant à leur Procureur. Et pour le regard du Greffier, à cause du soin que mesdits Seigneurs entendent qu'il ait d'écrire ce que Messieurs les Commissaires ordonneront ; & aussi de faire effectuer leur ordonnance, voulans & entendans lesdits Seigneur & Dame que ledit Greffier soit chargé de solliciter & procurer l'exécution de la presente fondation, ils luy ont destiné vne bourse, comme dit est, & quatre liures de cire blanche, & quatre de rouge : & ce pour reconnoissance du soin qu'il aura voulu prendre à l'entretennement de cette fondation ; & de l'obligation que mesdits Seigneur & Dame luy en auront, tant durant leur vie qu'après leur decez. Et pour renouueller tous les ans la pille des getons, si besoin est, sera fait estat de trois écus trente sols.

ci. Et aduenant que aucuns des susdits nommez n'assistent, au moins au recit & deliberation sur les susdits procez verbaux ledit iour S. Louis, comme aussi lesdits deux du Conseil, & le Procureur de mesdits Seigneur & Dame, à la conference qui se doit faire en l'Hostel-Dieu la veille ou le iour S. Barthelemy, comme a esté dit article 95. ne leur sera donné aucune distribution, ains elle retournera au benefice des pauvres dudit Hostel-Dieu : ausquels pauvres dès-à present comme pour lors ils la destinent, & sans que pour quelque cause que ce soit on puisse excuser lesdits absens, ny en vertu de leursdites excuses leur bailler lesdites distributions, pour auoir esté, comme dit-est, destiné aux pauvres de l'Hostel Dieu.

cii. Et à ce que lesdits sieurs administrateurs des pauvres, receueur, & Greffier dudit Hostel-Dieu de Paris, ayent iuste occasion d'embrasser la continuation de cette fondation, mesdits Seigneur & Dame ont donné, cédé & transporté, donnent, cedent & transportent par ces presentes audit grand Hostel-Dieu, la somme de dix-sept escus deux tiers d'escus vallans cinquante trois liures tournois de rente, tant & si longtemps que cette fondation sera entretenue par leur soing & vigilance ; laquelle somme ils ont dès à present assise & assignée sur tous & vn chacun leurs biens, & par special sur leur Chastellenie de Colommiers, Duché de Niuernois & de Rethelois, & de leurdit Hostel de Neuers-Gonzague assis en cette ville de Paris ; & sur chacun d'iceux seul & pour le tout sans diuision, l'un ne cessant pour l'autre. Et de laquelle somme de dix-sept escus deux tiers vallans 53. liures de rente, en sera baillé, deliuré & distribué de l'ordonnance desdits sieurs administrateurs dudit Hostel-Dieu, la somme d'un escus soleil par chacun an à celuy de leurs Huissiers auquel ils auront ordonné faire la semonce aux dessus nommez, & les prier de se trouuer à ladite Messe qui sera dite & celebrée le iour saint Louis en leur Hostel de Neuers-Gonzague.

ciii. Laquelle semonce mesdits Seigneur & Dame entendent estre faite par ledit Huissier la veille de la saint Barthelemy 23. Aoust auant midy pour le plus tard, à mesdits sieurs les trois premiers Presidens,

à ce que où leur commodité ne permettroit de se trouver à ladite assemblée, ledit Huissier puisse à l'instant estre assuré de leur volonté certaine, & aller au mesme temps, si besoin est, prier de main en main selon leur ordre, celuy de Messieurs les autres Presidents qu'il escherra, pour y assister en leur lieu, comme dit est cy-deuant article xlvj. Et apres que l'un des Messieurs lesdits premiers Presidents se sera excusé, & que ledit Huissier en aura prié vn autre en son ordre, comme dit est, lesdits Seigneur & Dame prient ledit sieur premier President qui se sera excusé, de trouver bon de laisser pour ce iour-là le lieu à celuy des autres Presidents qui à son refus l'aura accepté. Et ainsi de main en main aux autres selon leur rang, afin d'obvier à la confusion.

cccc. Et à ce que tant ladite rente, que le surplus du contenu audit present article soient bien & fidellement acquitez & payez, & que le contenu de cette presente fondation soit bien & exactement accompli, veulent & entendent mesdits Seigneurs qu'il y ait vn titre original d'icelle fondation qui soit gardé en ladite Armoyre par lesdits sieurs administrateurs dudit Hostel-Dieu, avec iceux procez verbaux, pour y auoir recours à s'y instruire du contenu d'icelle.

cv. Et quant aux deniers qui seront necessaires, tant pour le paiement des arrages de ladite rente, que pour l'estoffe & façon desdites bougies, getons, bource, pilles & coins s'il en est besoin; Aussi la somme de cinq escus cy-apres ordonnez aux quatre Mandians de cette ville, & couuent des Minimes de Nigeon, pour leur assistance, combien que le tout ne monte qu'à cent quarente quatre escus sol, neantmoins mesdits Seigneurs ont trouué bon d'en destiner cent cinquante par chacun an, afin que les receueurs dudit Hostel-Dieu presens & à venir n'ayent de long-temps occasion de recourir aux heritiers de mesdits Seigneur & Dame pour augmenter ladite recepte, si les frais de la despence augmentoient aussi: lesquels cent cinquante escus ils entendent estre mis es mains dudit receueur du grand Hostel-Dieu, par le fermier de leur terre & Seigneurie de Collommiers, qui est la plus proche qu'ils ayent de cette ville de Paris, par chacun an le premier iour de Iuillet; suiuant le mandement qui en sera fait par lesdits sieurs administrateurs, & quittance dudit Receueur, portant promesse de luy fournir dans la saint Martin ensuiuant vn certificat signé dudit Receueur de l'Hostel-Dieu, & des gens dudit Conseil de ladite maison de Nevers, qui sont ou seront lors de la deliurance & presentation actuelle desdits getons & bougies en la forme susdite; rapportant lequel mandement, quittance, & certificat, lesdits cent cinquante escus seront les premiers desduits, rabatus & alloüez audit fermier ou receueur, sur ladite ferme ou recepte, sans aucune difficulté, par les Auditeurs de ses Comptes, & Tresorier general. Laquelle Terre & Seigneurie de Colommiers lesdits Seigneur & Dame ont obligé & obligent à perpétuité au payement desdits menus frais; & à cet-effet ont fait donner

à ferme ladite terre & Seigneurie à la charge de payer au iour fufdit ladite fomme en la forme prefrite, dont ledit Receueur de l'Hostel-Dieu fe pourra adrefser audit Fermier tant qu'il demeurera en charge; & après luy à celui qui fuccedera en fa place, foit de Fermier ou Receueur comptable.

CVI. Et à faute de fournir & deliurer lefdits cinquante écus audit premier iour de Iuillet par chacun an, payera ledit Fermier ou Receueur par chacun iour qu'il fera defaillant, la fomme d'un écu, qui fera applicable aux pauvres dudit Hostel-Dieu : à laquelle il fera contraint en vertu de fon bail, & par la mefme obligation qu'il fera tenu de payer les deniers de fa ferme aufdits Seigneur & Dame : & pour cét effet fera baillé aufdits fieurs administrateurs l'extrait du bail à ferme de ladite terre & Seigneurie de Colommiers, à ce qu'ils les puiſſent faire containdre toutes les fois qu'ils feront defaillans.

CVII. En outre entendent & defirent mefdits Seigneur & Dame, qu'au ſervice qui ſe dira ledit iour & feſte Saint Louis, & à la lecture d'aucuns articles de ladite fondation & rapport des procez verbaux, aſſiſtent deux Religieux deputez des Superieurs de chacun Conuent des quatre Mandians : ſçauoir, Carmes, Auguſtins, Iacobins, Cordeliers, & deux Minimes de Nigeon, afin de voir ſ'il aura point eſté contreuenu à ladite fondation; & par conſequent ſ'il y aura point d'amanche écheuë à leur profit : à chacun deſquels Conuens ſera diſtribué vn écu par ledit Receueur dudit Hostel-Dieu, leſquels ſont compris en la ſufdite ſomme de cent cinquante écus cy-deſſus dite.


CVIII. Entendent toutesfois mefdits Seigneur & Dame, qu'il ſoit & demeure en leur choix & option tant qu'ils viuront, & au ſuruiuant l'un de l'autre, de donner aſſignation ſur autre terre que celle de Colommiers, non toutesfois éloignée de cette Ville de Paris plus de vingt lieux, & du reſſort de ce Parlement: moyennant laquelle ladite terre de Colommiers demeurera déchargée.

CIX. Et afin de rendre lefdits Seigneur & Dame, & les leurs, bien ſoigneux à ſatisfaire aufdits menus frais de ladite fondation, veulent, entendent & prient lefdits fieurs Adminiſtrateurs, qu'au cas que le Fermier ou Receueur de ladite Châſtellenie de Colommiers ſoit defaillant ou dilayant de payer lefdits 150. écus, de les faire aduancer par leur Receueur, à la charge d'en reprendre le double ſur ledit fermier ou receueur de Colommiers, ou d'autre terre qui aura eſté obligée en ſon lieu, aufdits frais : aduenant qu'il ſoit faute de les fournir, ſoit par malice, ou à l'occafion du Seigneur propriétaire de ladite terre; & en outre vn écu contre ledit Fermier ou Receueur, par chacun iour qu'il dilayera de payer ladite ſomme après le terme écheu, comme dit a eſté cy-deuant.

CX. Promettans mefdits Seigneur & Dame Duc & Duchefſe de Niernois & de Rethelois, en parole de Prince & Princeſſe en la

presence desdits Notaires, comme és nostres souueraines pour le Roy nostre-dit Seigneur, ces presentes, & tout le contenu cy-dessus auoir & tenir pour agreable, ferme & stable à toûjours, sans iamais à nul iour par eux, l'un d'eux, ne par autres aucunement y contreuenir, fut ou soit par voye d'erreur, d'ignorance, lesion, circonuention, ne autrement comment que ce soit ou puisse estre : ains rendre & payer tous cousts, frais, miles, dépens, dommages & interests, qui faits, eus, soufferts, soustenus & encourus seroient par defect des choses susdites, ou d'aucunes d'icelles non accomplies par la maniere que dit est : & sous l'obligation & ypotheque de tous & chacuns leurs biens, & ceux de leurs hoirs, meubles & immeubles presens & aduenir : qu'ils ont soumis & soumettent pour ce du tout à la Iustice, iurisdiction, & contrainte de ladite Preuosté de Paris, & de toutes autres Cours, Iustices, & Iurisdicions où sçeus & trouuez seront, pour le contenu cy-dessus accomplir : & renoncèrent en ce faisant expressement par leur foy & serment pardeuant lesdits Notaires, à toutes choses generalement quelconques : & au droit disant, generale renonciation non valloir.

En tefmoin de ce, Nous à la requeste desdits Notaires, auons fait mettre le seal de ladite Preuosté de Paris à cefdites presentes lettres qui furent faites & passées multiples en cette ville de Paris, l'an mil cinq cens quatre vingt huit ; le Dimanche quatorziesme iour de Feurier auant midy en leur Hostel de Neuers-Gonzague : Et ont mesdits Seigneur & Dame signé la minutte de la presente.



CES deux, Prince, & Princeſſe, vus en volonté,
 Dieu Pere tres.benain, vous font oblation
 En toute humilité de leur fondation,
 Aduoûans n'auoir rien que de voſtre bonté.
 Ce n'eſt par vaine gloire, ou par ambition,
 Ains par un cœur contrit, pouſſé d'un deuot zele,
 Pour paruenir en fin à la gloire immortelle,
 Qui eſt le ſeul motif de leur intention.
 Ils vous ſupplient donc Pere de verité,
 Receuoir ce qu'ils offrent en humble charité,
 Et le vœu qui par eux s'apenſe à voſtre auſel
 D'aumofne, & de priere, vnique ſacrifice,
 Pour vous rendre (Seigneur) à tous humains propice:
 C'eſt ce qu'il faut offrir au grand Dieu eternal.

RECEUEZ, ô Dieu debonnaire
 De vos ſerfs cette oblation,
 Receuez leur fondation,
 O Dieu leur ſeul Seigneur & Pere:
 Avec leur tres.humble priere,
 Que leurs enfans, & ſucceſſeurs,
 Mettent toutes choſes arriere,
 Pour vous aſſuettir leurs cœurs:
 Et qu'augmentant de race en race,
 Par voſtre tres.benigne grace,
 En vne obeiſſance ſainte,
 Tant que le monde durera,
 Et tant qu'en ſon Eſtre ſera,
 Leur volonté ne ſoit enſrainte.

PRINCE, & Princeſſe ornez d'un deſir vertueux,
 Prince, & Princeſſe ioints d'un amour inmuable,
 Prince, & Princeſſe eſpris d'une ardeur charitable,
 Et doués ſaintement d'un cœur deuotieux.
 C'eſt un aſte heroïque, illuſtre & genereux,
 De ſe monſtrer au pauvre humain & ſecourable:
 C'eſt baſtir à vos noms un renom perdurable,
 Et acquerir au ciel un treſor précieux.
 Ce vœu ſaint, ce beau don, cette loüable aumofne,
 Que voſtre charité aux pauvres filles donne,
 Vous donnera de Dieu les benediſtions:
 Et ſera proſperer, & croiſtre en heur & gloire,
 En bonheurs, en grandeurs, en ſaintes aſtions,
 Vous & vos Succeſſeurs, ſûrez à la memoire.

COPIE DE LA BVLE EN LATIN, DE NOSTRE S. Pere XIXTE v. de ce nom, du x. iour de Novembre M. D. LXXXVI. Par laquelle sont octroyées indulgences & pardons de plenièrè remission, à tous ceux & celles qui deuotement & de bon cœur assisteront, estans confez, repentans, & communicz, à l'accomplissement & effect de la fondation charitable de Messieur & Dame les Duc & Duchesse de Nivernois, & de Rethelois, Pairs de France, du Mariage à perpetuité, en leurs terres & Seigneuries, de soixante pauvres filles par chacun an, destituées de tout autre ayde & moyens, selon qu'il est spécifié cy-dessus en ce formulaire.

SIXTVS Episcopus seruus seruorum Dei, & niuersis Christi fidelibus presentes litteras inspecturis salutem, & Apostolicam benedictionem. Ad salutem gregis dominici cura nostre diuinitus commissa, more vigilis Pastoris inueni, personas quolibet, maxime nobilitate generis pollentes, aliqua pia opera in suos subditos, & praesertim pauperes puellas rerum humano victui necessariorum penuria laborantes matrimonio collocandas & dorandas, exercentes, ac Christi fideles singulos in huiusmodi operibus administrandis deputatos, quibusdam specialibus gratiis, indulgentiis videlicet, & peccatorum remissionibus, conuoluimus; & aliis iisdem gratiis allecti, ad similia peragenda promouere reddantur, ipsique Christi fideles exinde suorum abolita macula delictorum, ad aeterna beatitudinis gaudia facilius peruenire mereantur. Cum itaque sicut accepimus, alias dilectus filius, nobis vir, Ludonicus de Gomagna, Princeps Mantuae, & Dux Niuernensium, ac Par Francie, & dilecta in Christo filia nobilis mulier Henrietta Cleuens, Duchissa etiam Niuernensium ac Registentium, coniuges, prouide considerantes quod in dominio, terris & locis eorum ditionis, in quibus trecentum parochiae ad minus reponuntur, nonnullae puellae pauperes propter defectum dotis sepius non inueniebant viros cum quibus matrimonio coniungi valerent, ac propterea & plurimum puella ipsa paupertate onusta, & rei familiaris angustia laborantes, dotemque nullam habentes, in aliud uicem minus honestum genus declinare cogebantur, unde scandala quamplurima in locis & terris praedictis oriebantur, ipsi Ludonicus Dux, & Henrietta Duchissa, ad huiusmodi scandala obuiandum, paterna in suos subditos charitate ducti, ex eorum propriis bonis dotem competentem pro collocandis matrimonio singulis annis sexaginta puellis virginibus pauperibus, nullam dotem habentibus, Catholicis tamen, & de legitimo matrimonio natis, ac & ratis legitime; quae ex dominio, terris & locis eisdem Ludouico Duci, & Henrietta Duchissa subiectis, per personas idoneas ad id deputatas, ac pro tempore deputandas eligi debeant in perpetuum, de Anno Domini millesimo quingentesimo septuagesimo tertio, concesserint & assignauerint, Nos cupientes & electio puellarum huiusmodi ad Dei laudem & honorem fidelius ac sincerius, ac non solum cum temporali, sed etiam spiritali consolatione & fructu fieri, de Omnipotentis Dei misericordia, ac Beatrum Petri &

S' ENSUIT LA FORME DV PROCEZ VERBAL qui doit estre fait en chacune parroisse, selon & en ensuiuant l'ordre de la presente fondation: lequel a esté cy-adionsté à la fin d'icelle, pour servir de formulaire general en chacune des parroisses où se feront lesdites eslections, & dresser leursdits procez verbaux chacun endroit soy en particulier. Aduertissant neant moins, que s'il se presente quelque changemens en l'eslection desdites filles, autre qu'il n'est contenu en ce present formulaire, de le specifier par le menu en leur procez verbal, & non s'arrester à la forme & tenneur d'iceluy.



L'AN mil cinq cens le Dimanche iour du mois de iour & feste de Pasques fleuries auant vespres, tels & tels, qui seront nommez par leurs noms & surnoms, Maires, Escheuins, & tels Marguilliers, ou Procureurs de la fabrique; & tels Procureur du fait commun, Greffiers, Tabellion, ou Notaire, & tels & tels autres habitans de la paroisse de Etans iusques au nombre de neuf, s'ils le peuuent estre, ou de sept pour le moins, en la presence de tel, commis par le Procureur de la seigneurie de tel lieu, dont ladite paroisse est ressortissante, ont choisi d'un commun consentement, ou bien par la pluralité des voix d'entr'eux, tel, tel & tel hommes; & telle, telle & telle femmes, qui seront nommez par leurs noms & surnoms; qui ne sont aucunement leurs femmes, fils, ou filles: & puis ont fait dresser, par tel Greffier, Tabellion, Notaire, ou autre, le certificat requis de leurs choix & nomination: lequel a esté signé & paraphé d'eux tous comme ils ont peu & sceu. Et cela fait a esté donné charge à tels susdits d'entr'eux, de faire sçauoir à l'instant mesme aux susdits trois hommes & trois femmes, comme ils ont esté choisis par les susdits neuf ou sept, pour proceder à l'election d'une fille incontinent apres vespres.

Lesquelles dites se seroit tel Curé ou Vicaire de ladite paroisse aduancé dans la Nef d'icelle Eglise où estoient lesdits trois hommes & trois femmes, & les susdits neuf ou sept personnes, ou tels seulement qui y assistent; lesquels ont baillé ausdits trois hommes & trois femmes le certificat signé & paraphé par eux, du choix qu'ils en ont fait, pour leur seruir de pouuoir à faire l'election de ladite fille: & là ledit Curé ou son Vicaire prenant la parolle, auroit admonesté les susdits trois hommes & trois femmes en la presence des susdits neuf ou sept, & de plusieurs autres, de proceder à l'election de ladite fille à la descharge de leur honneur & conscience, selon le desir & vouloir des Seigneurs fondateurs: &

puis leur auroit leu le serment qu'ils doiuent prestre par la fondation; En fin duquel mettant les mains sur les saintes Euangiles, ils ont promis d'ainsi le faire. Et cela fait leur a leu ou bien fait lire tout haut & distinctement, ces quatre articles: Assauoir depuis le 27. *Mesdits Seigneurs & Dames n'ont voulu rechercher*, iusques au 30. inclusiuement qui commence, *Ton peut facilement connoistre*. Et ce afin de leur faire entendre ce qu'ils auoient à faire en ladite election. Cela fait, lesdits trois hommes & trois femmes se sont retirez à part en ladite Eglise, là où ayans conféré ensemblement, ont d'un commun consentement, ou bien de quatre d'entr'eux, selon qu'ils auront esté de mesme aduis, esleuë telle fille. Laquelle ils ont soudainement nommée audit Curé ou Vicaire, & aux autres neuf, ou sept personnes susdites: Dont à l'instant mesmes a esté fait vn certificat escrit par tel Greffier ou Notaire, portant comme les susdits trois hommes & trois femmes, qui seront nommez en iceluy, ont esleuë telle fille aagée de ans, fille de tel pere & telle mere, laquelle ils connoissent & tiennent pour estre Catholique, fille de bien, & la plus necessiteuse de toutes les autres qu'ils connoissent; née au reste en telle paroisse ou hameau, suiette de mesdits Seigneur & Dame, où ils ont la haute iustice: Et partant capable de tirer le sort le Mardy apres Pasques. Et pour tesmoignage de ce ont signé & paraphé ledit certificat, tel iour, pour seruir à ladite fille à tirer le sort au Mardy d'apres Pasques. Lequel certificat depuis a esté baillé à ladite fille par tel, comme il se soit obligé de ce faire.

Et le Mardy second iour de Pasques iour de tel mois, ladite fille se seroit acheminée en l'Eglise de telle Chastellenie ou Preuosté principale dont ladite paroisse est ressortissante, accompagnée de tels & tels ses parens ou amis. Ou bien si elle aura mieux aimé d'y enuoier quelqu'un de les parens ou amis pour apporter ledit certificat, & tenir le lieu & place de ladite fille, comme il luy est permis de faire par l'article 36. commençant, *Et parce qu'il a esté connu par experience*, sera seulement déclaré le nom de celuy qui se sera présenté pour elle. Pareillement sont venus telles & telles filles, ou tels & tels pour elles, iusques au nombre de esleuës en telle & telle paroisse ressortissante de ladite Chastellenie ou Preuosté, pour tirer le sort. Toutes lesquelles ou leurs enuoyez ont assisté au seruice de la Messe dudit Mardy.

Laquelle Messe celebrée, se sont toutes lesdites filles, ou autres enuoyez pour elles, retirez en la Nef, en tel lieu plus grand & spacieux de ladite Eglise assistées de leursdits parens ou amis, là où les Officiers de mesdits Seigneurs de ladite Chastellenie, se seroient fait représenter les certificats de leur election; lesquels ayans trouuez bons & vallables, auroient au mesme instant mis en rang & ordre lesdites filles ou enuoyez pour elles, selon l'ordre des parroisses escrites en ladite fondation. Et cela fait le Curé ou son Vicaire a fait, ou fait faire lecture tout haut distinctement & à loisir, de l'article 38. commençant,

Et pour le regard des autres Chastellenies, & des sublequens, iusques au 55. qui commence, *Moyennant ce que dessus*, afin de servir à rememorer à ceux à qui il appartient ce qu'ils auoient à faire. Puis a esté fait par tel Greffier ou autre tant de billets, qui sont le triple des filles esleuës; és deux premiers desquels a esté escript par luy, *Dieu vous console*; Et au troisième, *Dieu vous a esleuë*. Lesquels billets ayans esté roullez & entortillez d'une mesme façon par la plus âgée des trois femmes qui ont esleuë la fille de la parroisse de ladite Chastellenie, ou bien par telle autre, ont esté par elle ietez dans vn pot de terre, lequel a esté couuert de linge, & secouïe pour meller lesdits billets. Et à l'instant a esté pris tel enfant de aagé de quatre à cinq ans seulement, qui n'est proche parent d'aucune deldites filles esleuës; auquel, apres auoir troussé la manche & chemise du bras droit iusques au coude, auroit esté présenté ledit pot pour tircr lesdits billets l'un apres l'autre, comme il auroit fait; & baillé trois à la fille rangée la premiere, & puis continué à ce faite aux autres selon leur ordre & rang, & par la lecture qui a esté faite de tous lesdits billets, se seroit trouué que les billets portans, *Dieu vous a esleuë* seroient escheuz à telle fille & à telle. Ausquelles à l'instant mesmes leur a esté fait vn certificat par les officiers de ladite Seigneurie signé par eux, & dudit Curé ou son Vicaire, pour leur servir à l'endroit du fermier ou receueur de la Chastellenie, pour s'obliger à leur payer le lendemain de la Pentecoste la somme à elle ordonnée selon la teneur de ladite fondation. Puis les parens deldites filles ont esté admonestés par ledit Procureur fiscal, de se rendre soigneux de leur trouuer party dans la feste de la Pentecoste prochaine. Et afin de voir paracheuer ledit mariage, a esté enioint ausdites filles de se représenter le lendemain de ladite feste de Pentecoste en ce lieu principal de cette Seigneurie, avec celui qui leur doit estre mary; pour (suiuant ladite fondation) estre le contract de mariage dressé en la presence des Officiers de Messieur & Dame, & des parcs desdites filles. Et là recevoir du fermier de mesdits Seigneur & Dame de cette Seigneurie, sur la peine portée par ladite fondation, la somme de seize escus deux tiers, vallans cinquante liures tournois à elle donnez pour leur dit mariage.

Auquel second iour de ladite feste de Pentecoste, se seroient representez deuant la porte de l'Eglise de cette Seigneurie, lesdites filles, accompagnées de tels & tels leurs parens, & tels & tels pour estre leurs maris, comme aussi s'y sont trouuez les officiers de mesdits Seigneur & Dame, en la presence desquels a esté par le Greffier, Tabellion, ou Notaire du lieu, dressé le contract de mariage d'entre ledit tel, & ladite telle; par lequel a esté admonestée ladite fille de prier Dieu pour mesdits Seigneur & Dame selon la teneur de ladite fondation: & à l'instant a esté ledit contract leu, & puis baillé à ladite fille vne bague d'argent vallant cinq sols, pour servir à l'espouser. Cela fait, du consentement de ladite fille & de sondit espoux, a esté ladite somme de seize escus

quarante sols, desdits neantmoins sur icelle cinq sols pour la bague, & cinq sols pour le contract de mariage, baillée & deliurée par le fermier de la Seigneurie audit tel mary de telle fille. En tesmoing dequoy nous Curé luge & Procureur fiscal & Greffier ou Tabellion dudit lieu, auons signé ce présent procès verbal les iour & an que dessus.

Et si ladite fille n'a peu trouuer party dans ledit iour, ne lairra de se représenter audit lieu avec ses parens ou tuteurs, où sera dit par ledit procès verbal, comme telle fille s'est présentée avec tels & tels ses parens ou tuteurs, qui ont dit & déclaré n'auoir peu si tost luy trouuer party : Et ont requis qu'il soit ordonné au fermier ou receueur de mettre la somme de seize escus quarante sols, es mains de tel Marchand ou autre, pour icelle garder à ladite fille, soit pour luy en faire profit, ou la tenir en depost. Ce qui auroit esté ordonné & exccuté, dont ledit tel Marchand, du consentement de ladite fille, & de sedits parens, a donné quittance à tel fermier ou receueur de ladite Seigneurie, pardeuant rel Greffier ou Notaire, & ledit Marchand obligé par corps à ladite fille de luy bailler ladite somme de 16. escus deux tiers, & trois iours apres son mariage consommé : ou bien si elle aura mieux aimé luy en estre fait rente, se fera obligé de luy bailler six mois apres ledit mariage consommé. Et laquelle obligation a esté deliurée à ladite fille en la presence de nous Curé & luge & Procureur & Greffier sousigné les an & iour que dessus.

Et de là à quelque temps que l'on aura trouué party pour ladite fille, elle se deura représenter en la paroisse dudit chef lieu, avec son futur espoux, pour là estre mariée au veu & sceu des officiers de mesdits Seigneur & Dame de ladite Chastellenie ou Preuosté, selon qu'il a esté dit cy-deuant en ladite fondation article 58. Touslesquels Officiers feront vn procès verbal dudit mariage en la forme cy-apres spécifiée, pour estre enuoyé ausdits sieurs Administrateurs quant & les autres procès verbaux, & copies des contracts de mariage.

L'An mil cinq cens le Dimanche iour du mois de sont comparus en l'Eglise parrochiale de cette Chastellenie ou Preuosté, telle, de telle paroisse, qui obtint le sort en l'Eglise de ceans telle année, laquelle à faute de party n'a pû estre mariée plustost que ce iourd'huy, auquel est comparu pareillement tel garçon, de telle paroisse, pour l'espouser. Et pour cet effet a esté par le Greffier, Tabellion ou Notaire du lieu, dressé leur contract de mariage, par lequel a esté admonestée ladite fille de prier Dieu pour mesdits Seigneur & Dame, selon la teneur de ladite fondation. Et à l'instant a esté ledit contract leu, & baillé à ladite fille vnc bague d'argent vallant cinq sols, pour seruir à l'espouser. Cela fait, du consentement de ladite fille, & de son dit futur Espoux, pour ladite somme de seize escus quarente sols valans cinquante liures, desdits neantmoins sur icelle dix sols tournois,

assaüoir cinq sols pour la bague, & cinq sols pour le parchemin du contract, & de deux coppies d'iceluy, a esté promis par tel Marchand à qui ladite somme auoit esté liurée en depost, de la bailler ausdits futurs Espoux trois iours apres leur mariage consommé. Dequoy nous sommes tous demeurez d'accord & contens. En tesmoing dequoy Nous
 Curé & Juge & Procureur fiscal &
 greffier ou Tabellion auons signé ce present procez verbal les an & iour
 que-dessus.

Et au eas qu'il eust esté fait aucune maluersation ou abus innouant ou changeant l'ordre & forme de la presente fondation, ou bien que la fille n'eust esté esleüe de la qualité portée par ladite fondation, ou qu'on n'eust tenu eompte de proceder à aucune élection : En ce cas ledit Procureur inferera en sondit procez verbal ce qu'il trouuera auoit esté fait, afin de faire connoistre le bien & le mal que chacun y aura apporté. Et sur tout le deuoir qu'il aura fait, afin d'en informer Messieurs les Commissaires qui ont charge de l'exécution de la presente fondation, pour remedier & pouruoir à ce qu'ils trouueront auoir esté mal fait, afin de faire rendre effectüée ladite fondation, & corriger ceux qui auront esté déssuillans.

FORMVLAIRE del'extrait que doiuent faire les Procureurs Generaux des terres de mesdits Seigneur & Dame, sur les procès verbaux, & copies des contracts de mariage des filles mariées chacun an, pour l'enuoyer tant à Messieurs les administrateurs du grand Hostel-Dieu de Paris, qu'à mesdits Seigneur & Dame, selon qu'il est dit cy-deuant en l'article 75.

A Neuers ont esté bien & deuëment esleües & mariés les quatre filles destinées par la fondation ; Assaüoir N. de telle paroisse, fille de tel pere, & de telle mere. A N. de telle paroisse, manouurier, ou de tel autre mestier, demeurant en tel lieu ; & ont receu leur Aumosne.

Et N. de telle paroisse, fille de tel pere & de telle mere, à N. de telle paroisse, maneuure, ou d'autre mestier, demeurant en tel lieu ; & ont receu leur Aumosne.

Et N. de telle paroisse, fille de tel pere & de telle mere à N. de telle paroisse, de telle mestier &c.

Et N. de telle paroisse, fille de tel pere & de telle mere, à N. de telle paroisse &c.

Aussi ont esté bien & deuëment esleües & mariées deux filles audit Neuers, pour les Chastellenies de Cussi, la Guierche, & Chasteau-neuf sur Allier, assaüoir N. de telle paroisse, fille de tel pere & de telle mere, à N. de telle paroisse, maneuure, ou de tel mestier, demeurant en tel lieu ; & ont receu leur Aumosne.

Et N. de telle paroisse, fille de tel pere & telle mere, à N. de telle paroisse.

Et pour le regard de Desize où il en doit estre mariée trois, elles ont

esté bien & deuément esleuës selon la fondation, mais il n'en a esté marié qu'une, Assauoir N. de telle paroisse, fille de tel pere & telle mere. A. N. de telle paroisse, maneuure, ou de tel autre mestier, demeurant en tel lieu, & son argent actuellement deliuré.

Mais quant aux autres deux, N. de telle paroisse, & fille de tel pere & de telle mere, n'a peu trouuer party dans ledit iour de la Pentecoste; dont l'argent a esté actuellement mis és mains de tel Marchand, du consentement & volonté de ladite fille, & des pere & mere, ses parens ou tuteurs qu'elle aura.

Et quant à N. de telle paroisse, fille de tel pere & de telle mere, elle est decedée auant le iour de la Pentecoste, tellement que lesdits seize escus deux tiers, ont esté mis és mains de tel Marchand, par la volonté, & du consentement de N. sœur de ladite N. decedée, pour estre gardée iusques à ce qu'elle aura trouué party. Ou bien au cas qu'il ny eust point de sœur, que l'argent aura esté laissé entre les mains de tel, pour estre employé l'année ensuiuante au mariage d'une fille qui sera mariée de plus que l'ordinaire.

Et pour le regard de telle Chastellenie en laquelle y doit estre mariées deux filles, il n'y a eu que ladite ville de qui ait procedé à ladite eslection & mariage de fille; qui a esté N. de ladite ville, fille de tel pere & de telle mere; laquelle a espousé N. de telle paroisse, maneuure, ou de tel mestier, demeurant en tel lieu, & a eu son argent.

Car quant aux parroisses de & de Les habitants desdites parroisses n'ont tenu compte de proceder à ladite élection, combien que le Curé, le Substitut, & tel & tel les en ayent admonestés; & ce à cause de telle & telle raison qu'ils ont alleguée; dont les seize escus deux tiers sont demeurés és mains de tel fermier de ladite Seigneurie, pour marier deux filles l'année ensuiuante.

Et quant à telle Chastellenie le Procureur de la Seigneurie nommé ne m'a enuoyé son procez verbal; combien que par deux ou trois lettres à luy escrites par tel Sergent ie l'aye requis & interpellé de satisfaire à son deuoir; dequoy il n'a tenu compte, comme appert par la signification que ie luy en ay fait faire par ledit Sergent, cy attachée

Et pour le regard de telle Chastellenie, a esté esleuë en telle paroisse N. fille de tel pere & de telle mere, combien qu'elle aye esté au seruice de tel contre la teneur de la presente fondation: Ou bien, nonobstant qu'elle aye du moyen de soy-mesme: ou qu'elle ne soit fille suiette de mesdits Seigneur & Dame, ou qu'elle ne soit fille de bien: Et nonobstant cela, elle a esté admise à se marier à N. de telle paroisse, maneuure, ou faisant tel autre mestier, & ont receu l'argent de leur aumosne.


Et ainsi ledit Procureur sera soigneux de declarer patticulièrement toutes

toutes les fautes, contrauentions, abbus qu'il aura reconnu auoir esté en ladite eslection, afin d'en informer Messieurs les Commissaires pour y pouruoir.

Et si aucune des Chastellenies dependantes de leur charge auront esté alienées, il l'escriera en sondit procez verbal de cette sorte.

Pour le regard de telle Chastellenie d'autant qu'elle a esté alienée, ou baillée en partage dès telle année, à tel Seigneur ou Dame, si que le Procureur d'icelle Seigneurie ne doit plus respondre à moy, Messieurs les administrateurs seront aduertis de se faire enuoyer par ledit Procureur, le Procez verbal qu'il est tenu de faire.

Et selon ce formulaire, dresser & continuer ledit procez verbal de toutes les autres Chastellenies, selon l'ordre qu'elles sont cottées en la presente fondation.



L'estat dressé à peu près des parroisses appartenans à mesdits Seigneur & Dame, en tout ou partie, avec haute, moyenne, & basse iustice, comme aussi d'aucunes qu'ils ont aliénées depuis auoir fait cette fondation; Esquelles toutes doivent estre esleues les filles selon la teneur de ladite fondation.

Parroisses de la ville & Cité de Nevers.

Saint Jean.

Saint Martin.

Saint Arille.

Saint Victor.

Saint Estienne.

Saint Sauveur.

Saint Genis.

Saint Didier.

Saint Trouné.

Saint Laurens.

Saint Pierre dit saint pere.

Autres parroisses en la Banlieue de Nevers, qu'on appelle entre les quatre Croix, & qui sont des Chastellenies de Marry, Pognes, & la Marche.

Saint valiere lez Nevers.

Colanges lez Nevers.

S. Ladre lez Nevers.

Chalusy.

Saint Eloy.

Marzi.

Pognes en partie.

Garchisy.

La Marche.

Troussanges.

Chaulgnes.

Saint Jean de Lichy.

Saint pere à ville.

Les hameaux & villages de

Forges.

Traines.

Choler.

La fouche.

} sont en la parroisse de Sauigny les Chanoines, & de la iustice du Duché.

Chastellenie de Cussy.

Cussy.

Chastellenie de la Guierche.

Le grauer.

La guierche de ladite parroisse.

Tout hameau dependant de la Guierche

Chastellenie de Chateau-neuf sur Allier.

Mars.

Cours sous magny.

Magny pour la plus grand part.

Roziers.

Losbenay.

Chastellenie de Desize, de Champuert, de Cercey la tour, de Ganna & de Charrin.

Desize comprenant toute la ville & neuf ou dix villages hors icelle.

Saint priu lez Desize.

Denay.

Ganna.

Charrin.

Saint Hilaire.

Tanay.

Champuert.

Cercey la tour.

Saint Maurice lez desize.

Saint Ligier des vignes les desize.

Saint Loup sur Abbron pour la haute iustice.

Hameaux en la parroisse de Collaye, qui sont de la iustice du Duché en ladite Chastellenie de Desize.

Lomoye.

Taigny.

Montmartinges.

Les Olieres.

Chastellenie de Luszy & Saugny poil fol

Luszy.

Saugny poil fol.

Cussy pour la haute iustice.

Chastellenie de Moulins Engilberts,

Moulins.

Sermaiges.

Onlay.

Prie prochier.

Camagny La plus grande partie des hameaux & villages sont en la iustice du Duché.

Chastellenie de Liernays.

Liernays.

Cenfaces, hameau.

Chastellenie de S^r Briffon.

Saint Briffon.

Chastellenie de Montreullon.

Saint Jacques } De Montreullon font
Saint Maurice } réduits en vne seule
Vaulxiox. } paroisse.

Montigny en Moruan.

Dun sur grandrie.

Belisne.

Meberre en partie.

Chastellenie de S. Saulge.

*Saint Saulge pour la ville, & neuf
ou dix hameaux, hors icelle.*

Lucy.

Cheuanes Gazeaulx.

Hameaux.

Patris paroisse de Billy.

*Precy paroisse de Vuel pour la haute
Justice.*

Chastellenie de Montenaifon.

Montenaifon.

Larcy le bourg en partie.

Ligny.

Nolay.

Brinon en partie.

Chastellenie de Champarlement.

Champarlement.

Nully.

Saffibourdon.

*Les Angles hameau de la paroisse de
saint Reuerien.*

Chastellenie de Mers, Mouceaux le Comte,
& Neuffontaines.

Mers le Comte.

Mouceaux le Comte.

Neuffontaines.

Caigny.

Saisy.

Dirol.

Germenay en partie.

Venjol.

Chaumont.

Dormes en partie.

Hameaux ou petites villetes qui n'ont
paroisses.

*La maison Dieu de la paroisse de Dref-
me sur yonne.*

La coudraye paroisse de Iye.

Pont saint Didier.

Mex-Richard pour la haute Justice.

Chastellenie de Clamecy.

*Clamecy pour la ville, & plusieurs
hameaux hors icelle.*

Surgy.

Oaigne.

Cuncy sur yonne pour la haute Justice.

Ris pour la haute Justice.

Hameaux en ladite Chastellenie:

Campmorot pour la haute Justice.

Creux, idem.

Presures, idem.

Latray, idem.

Villiers sur yonne, idem.

Chastellenie de Chastel-Cenfoy.

Chastel-Cenfoy.

Lucy sur yonne.

Lichieres pour la haute Justice.

Chastellenie de Donzi & Cosne.

Donzi pour la ville & faux-bourgs.

*L'Eglise & la paroisse est du Prieuré
du pré, mais en la ville, y a une Egli-
se Collegiale.*

Pogny.

Perroy.

Baignault.

Chastel de Cosne

Myenne.

Nuisy ou S. pere du Nuisy.

Chastellenie de Chastel neuf auval de Bargin

Vus lez Chastel neuf.

Chassey au val de Barys.

Chastellenie d'Entrain.

Entrain.

Saint Cire lez Entrain.

Saimpuis.

Remillon pour la haute Iustice.

Chastellenie de Billy & Coruol.

Coruol lorgueilleux.

Billy.

Courcelles.

Chastellenie de Drue.

Drue.

*Vassy bameau de la parroisse de Singy
pour la haute Iustice.*

Chastellenie d'Estaiz.

Estaiz.

Chastellenie de S. Sauveur.

Saint Sauveur.

Battonie de S. Verain, Cosne, & Bohy, y compris Alligny.

Saint Verain.

Alligny.

Saint Loup.

Cosne bameau.

Bohy.

Cours.

Villeneuve lez bohy bameau.

Chastellenie de la chappelle Dampgillon.

La Chapelle Dampgillon.

Prely.

Ennordre.

Les contrées ou Maitrie de Ragis appartient à mesdits Seigneurs, & sont en partie de la parroisse dudit Ennordre, & partie de la parroisse Doison appartenant à Monsieur Daubigny, les habitants desquels lieux iront faire l'élection en ladite parroisse d'Ennordre.

Es contrées de Moison & de Breniende dépendant de la parroisse Dinoy où mesdits Seigneurs y ont seulement la haute Iustice.

Et à Luzj & Chaluoy de ladite parroisse, appartiennent en domaine avec

la haute Iustice à mesdits Seigneurs.

La contrée de Grivin parroisse de Merye est en la haute Iustice de mesdits Seigneurs.

Merye & Menestreol en la haute Iustice de mesdits Seigneurs.

Souveraineté de Boisbelle.

Boisbelle.

La contrée de Vaux qui viendra à l'élection dudit Boisbelle.

Chastellenie des Aiz Dampgillon.

Les Aiz Dampgillon.

Rien.

Aubinge.

Chastellenie de Chateau Meillan.

Chateau Meillan.

Saint Saserrmin.

Beddé.

Durcier.

Montenoux.

Nerez.

Prichart.

Fonaines.

Saint prier la Marche.

Gontteuoste.

Surfons.

Puxtelloux.

Sine Dorual.

Le Chateau de Montrond, & ville de saint Amant, appartiennent en la haute Iustice à mesdits Seigneurs, & l'élection & sort se font en l'Eglise des Carmes en ladite ville.

Orual.

Bouzey.

La Grouste bameau dépendant de la parroisse de Dreuant.

Chastellenie de Bruyete sut Cher.

Vne grande partie dudit Bruyeres.

A Linchamps.

Mozieres.

Du rray.

Du venon.

Chauanes.

Saint loup des Chaulmes.

*La celle, hameau.**Preuosté de Beauchefal.**La Cellese.**La paroisse de soy l'Eglise.**Preuosté de la Perche.**La chappelle & village dudit lieu.**Chastellenie d'Espineal.**Espineul.**Saint cy le froy.**Vallon en sully.**La perche, hameau**Les pontbou.**Becare.**Reynats.**Hameaux.**La foy Gautier.**Les deux bords.**Les saurats & pilats.**Le Boucher, & Arenche en partie.**Rethelloys.**La ville & paroisse de Rethel.**Bretboncourt village où y a chapelle,
& est secours de la paroisse de Re-
thel.**Sompy.**Annelles.**Le Mesnil village, où y a Eglise, &
est secours dudit Annelles.**Faux.**Lucqui secours de ladite paroisse.**Auboncourt, y a Eglise, & est secours
dudit Faux.**Vauzelles village de la paroisse de
Faux.**Auboncourt és rimieres, village de la
paroisse de Vaux, la vieille ville.**Saults deuant Rethel, village où y a
Eglise, & est secours de Bierme.**Saint Pierre à Arnes en partie.**Autres villages de la Preuosté de Rethel appat-
tenans pour moitié à mesdits Seigneur & Da-
me.**Corny la ville.**La perreufe.**Faixault.**Tanion.**Preuosté du Chastelet.**Le Chastelet.**Berguicourt.**Saint Remy le petit.**Regnicourt.**Preuosté de Mexieres.**La ville de Mexieres.**Lumes.**Nonion sur Meuse.**Vaultricourt.**Raillicourt pour moitié.**Preuosté de Vuareq.**Vuarcq.**Bellemal.**Damoufy.**Tourne.**Estion.**Sury secours de S. Marcel.**Autres villages & Paroisse appartenans à mes-
dits Seigneurs pour moitié.**This.**La Neuville.**Hondizi.**Preuosté de Donchery.**La ville de Donchery.**Villages proches**Vrignemense.**dit Doochery.**Ledancourt.**où y a Eglise, &**dit Doochery.**Ville sur Veuzze.**Boutzicourt village où y a Eglise, &
est secours dudit ville sur Ven-
ze.**Viniers.**Chaumont.**Iges.**Vilette & Fresnoy villages de ladite
Preuosté où y a Eglise.**Torcy.**Glaire secours de ladite paroisse.**Floing.**Dom le Mesnil.**Flize secours de Boutancourt.**Briancourt.**Hameaux ou villages de**Monthienmont.**la Preuosté de Vigne**Bouffeuil.**aux Boys.**Saint Mange par moitié.*

FFF ij

*Omout.**Venderesse.**Charbongne.**Baalon.**Louuerny.**Malmey.**Buz.**Charpette village de la paroisse de S.**Loup aux Boys.**Feschier Hameau de la paroisse de Sa-
pongne.**Villages appartenans pour moitié à mesdits
Seigneurs.**Le Chesne.**Sauville.**Lamets.**Singly.**Villiers le Tigneux.**Prenosté de Bourg.**Bourg.**Mars sous bourg secours dudit bourg.**Grivy.**Chardeny secours dudit Grivy.**Quilly secours dudit Chardeny.**Thelines.**Blaise secours dudit Thelines.**Vrizi.**Tourcelles & Chaulmont.**Sugny.**Contrennes**Cheppes.**Autres villages appartenans pour moitié à
mesdits Seigneurs.**Saigny.**Sainte Marie.**S. Morel pour un quart.**Vonziers.**Prenosté de Brieilles.**La ville de Brieilles.**Belleuille.**Autre.**Autruche.**Germont.**Bayonville.**Fosse pour moitié.**Rozoy.**Rocguigny.**Saint Jean au bois.**Profondeval.**Rounroy.**Terres souveraines.**Arches.**Le pont d'Arches.**Principauté de Manthouë.**Senonches.**Brezolles.**Châtellenie de Collommiers en Brie.**La paroisse de Collommiers qui se consiste
és villages qui ensuivent.**Le Theil.**Montanglaufe.**Triangle.**Les grandes maisons.**Le moulin des prez,**Francheuille.**Maison neuve.**L'hospital.**Pontmolin.**Les Aulnois.**Le Jariel.**Morou & la paroisse qui se consiste és villages
qui ensuivent.**Verne.**Vaulx.**Les parichets.**Les Couvois.**Coubertin.**Le petit morou.**Bossoys.**Le puy.**Le boys la ville.**Le boys Ginol.**Les aysances.**Le grand Mithueil.**Le petit Mithueil.**Mombelide.**La forte maison.**Chezu.**Voyfins.**Montmartin.*

Beauthcil, & la paroisse qui se consiste és villages qui ensuiuent.

Villiers.

Les parichetz,

Necourtes.

Le Charnoy.

Les bordes.

Les bayes.

Connefclé.

Rouuille.

La touche.

Le pays.

Presoucy.

La forest.

Les fourcheretz,

Sains, & la paroisse qui se consiste és villages qui ensuiuent.

Espiez,

(Chambricel.

Tilloy.

Limosin.

Le mez,

Les bordes.

Les Aulnois.

La leuf.

Groignard.

Meranuser.

Musien. Glutigny.

Mesmillon. Le Tartre.

Megirard.

Saint Remy, és la paroisse qui se consiste, & villages qui ensuiuent.

Fontaine Chailley.

Louuot.

Le Monseil.

La Crouée.

Le Charnoy.

Ausheil.

Montmogis.

Lanoy Iacon.

Lestrée.

Chemasson.

Barlonches.

Les Lymons.

Le plessis.

Bausant.

Chastellenie de saint Vallery.

Saint vallery.

Cambron.

Goyenual & Beaumetz,

Cayen.

Boulancourt pour moitié,

Brethencourt.

Thestes.

Chastellenie d'Ault baillée en partage à Messigneur & Dame les Duc & Duchesse de Guise le 27. Avril 1584.

Ault.

Siriede Lesparre.

Lesparre.

Saint Trelody.

Huch. Syunrac.

Beguan.

Baillirac.

Soqueques.

Iau.

Dignac.

Loirac.

Gaillan.

Venissac.

Vendais.

Saint Vinien.

Taillays.

Grayan.

L'hospital de Grayan.

Le Temple.

L'hospital de Germain.

Podensac.

Blaignan.

Ordonnac.

Boyastran.

Saint Tseu.

Saint Germain.

Saint Seuerin.

Cadourne.

Saint Eslephé.

Saint Sauueur.

Carcans.

Sainte Helene.

Escuat.

Prignac.

de vii. escuz xxxv. sols vi. deniers.

Laquelle seruira pour suppleer à l'achapt des choses susdites, qui par cy-apres pourront s'encherir du prix qui a esté tiré cy-dessus.

Autre despence pour l'exécution de ladite fondation.

Aux Procureurs principaux de mesdits Seigneurs, de leurs terres pour receuoir les proces verbaux, & les déliurer à Messieurs les Administrateurs de l'ostel Dieu, ils les ont taxez, à sçauoir.

A celuy du Niernois,

viii. escuz

A celuy du Rethellois.

v. escuz

A celuy de la Principauté de Manthouë,

iii. escuz xx. sols

A celuy de Collommiers,

iii. escuz xx. sols

A celuy de Picardie,

iiii. escuz

A celuy de l'Espare,

v. escuz

Reuenant en tout à la somme de

xxviii. escuz xl. sols

Plus à quarante Curez des Chastellenies ou Preuostez, où se tire le sort de la dernière eslection desdites filles, à raison de huit sols pour chacun Curé, reuient à

viii. escuz xx. sols

Plus à

Curez des paroisses particulieres dependentes desdites Chastellenies ou Preuostez, à raison de v. sols chacun Curé, en tout à la somme de.





PARTICVLARITEZ DE LA VIE DE HENRY LE GRAND.



L seroit assez superflu de grossir ce volume, non seulement de la genealogie de ce grand Roy; mais aussi de toutes les actions glorieuses de sa vie. Nos histoires en sont pleines; & les estrangeres, quelque peu fauorables qu'elles luy soient, n'ont peu neantmoins desmentir ny la voix publique, ny les veritez conuës. Mon dessein aussi n'est que de donner aux curieux, des particularitez ou obmises, ou ignorees, & des memoires secrets, qui me sont heureusement tombez entre les mains.

Henry Prince de Nauarre, nasquit, comme tout le monde sçait, à Pau, le 13. Decembre 1557. & fut appellé dans le berceau, Prince de Vianne, & peu après, Duc de Beaumont. Il fut esleué à la maniere des Cyrus, des Romulus, & des autres Princes extraordinaires: & ayant esté amené à la Cour par la Reine sa mere, en 1561. il fut laissé au bois de Vincennes avec les enfans de France, lors que cette Princesse, apres la mort du Roy son mary, fut obligée de retourner en Bearn.

I'ay ouï dire à ce Prince (rapporte vn de nos Historiens) que l'on a tousiours douté, si le coup dont le Roy son pere fut tué, luy auoit esté tiré de la ville de Rouën, ou du Camp. Il m'a dit aussi qu'estant couché au bois de Vincennes, il luy apparut la nuit mesme de sa mort, & l'exhorta de marcher tousiours dans le chemin de la vertu.

Ce ieune Prince fut mis au College de Nauarre, l'année mesme de la mort du Roy son pere, pour estre instruit aux belles lettres, & se rendre capable de la haute dignité où Dieu le vouloit esleuer. Il y eut pour Compagnons le Duc d'Anjou, qui fut son Roy quelque temps apres; & le Duc de Guise, qui fit tout ce qu'il peust pour l'estre. Ces trois Henrys, qui deuoient estre vn iour ennemis irreconciliables,

estoyent si estoitement vnis en cette fleur de leur âge, qu'ils auoient les mesmes affections & les mesmes plaisirs; & eurent tousiours vne complaisance si peu commune les vns pour les autres, qu'il ne leur arriua pas la moindre broüillerie, tant qu'ils furent dans le College.

On doit dire à la gloire de nostre Henry, qu'il profita beaucoup dans les lettres, pour le peu de temps qu'il s'y appliqua; & qu'il acquit assez de connoissance dans la langue Latine, pour en traduire les meilleurs Auteurs. I'ay veu dans le cabinet de Monsieur Chrestien, fils du Docte Florent, qui fut precepteur de ce Prince, les premiers liures des Commenaires de Cesar, qu'il auoit traduits. Son caractère est bien formé pour vne premiere coppie, & fait paroistre qu'il auoit de la disposition à la peinture. Monsieur Chrestien m'a fait voir aussi vn vase antique, que ce Prince auoit dessiné à la plume, qui paroissoit l'ouvrage d'un maistre. Il auoit escrit de sa propre main ces trois mots latins sous le pied de ce vase, *Opus Principis otiosi*.

Il est à croire que si sa condition luy eust permis d'estre dauantage dans la seule occupation de l'estude, il eust esté de ces grands Princes que l'Antiquité nous represente, aussi redoutables par la grandeur de leurs connoissances, que par celle de leurs courages. Mais la Reine mere du Roy, à qui l'esprit de la Reine de Nauarre donnoit de perpetuelles inquietudes, vouloit auoir son fils & son heritier entre ses mains; afin que ce luy fust vn gage de sa foy & de sa conduite. Aussi le grand voyage de Charles IX. par tout son Royaume ayant esté resolu; Catherine de Medicis tira le ieune Prince de Nauarre du College, pour le mener avec elle. Il se rendit si agreable à cette Princesse, qu'elle le vouloit tousiours auoir auprès d'elle, y trouuant tous les iours de nouueaux suiets de l'aimer, & ne luy permettoit de la quitter que pour des raisons importantes. Ce fut en ce voyage qu'il fit éclatter ce qu'il auoit de beau & de penetrant. Quoy qu'il ne parust qu'un fort ioly enfant aux yeux vulgaires; il se fit connoistre aux personnes éclairées, pour un ieune Heros, qui deuoit remplir tout le monde de la grandeur de ses actions. Voicy comme en parle un tefmoin oculaire, dans vne relation qu'il a faite du voyage de Bayonne.

MEMOIRE DV PRESIDENT DE CALIGNON, CHANCELIER DE NAVARRE.

LE Prince de Nauarre estoit si fort au gré de la Reine Catherine de Medicis, qu'elle ne le pouuoit perdre de veüe, & vouloit qu'il la suiuit par tout où elle alloit. Il estoit de toutes ses deuotions. Il entroit dans les conseils avec elle. Il ne se faisoit partie de diuertissement & de promenade dont il ne fust; & mesmes dans les Conseils estroits, où il ne se trouuoit que le Roy, avec peu de ses confidens, on donnoit à ce ieune Prince la liberté d'y suiure la Reine mere. Il se

trouua dans celuy qui fut tenu à Bayonne, entre cette Princesse & le Duc d'Albe. Il ouyt tout ce qui fut proposé de part & d'autre contre ceux de la nouvelle Religion, & retint fort bien ces paroles du Duc, *Qu'une teste de saumon valoit mieux que celles de cent grenouilles.* Aussi ne voulut-il pas manquer à ce qu'il deuoit à son sang & à la Reine sa mere. Mais ne voulant commettre vn secret de cette importance qu'à vne personne qu'il crût incorruptible, il me fit l'honneur de me choisir pour cela. Pendant que les Espagnols furent à Bayonne, ils ne trouuerent rien de si grand dans nostre Cour, que ce ieune Prince. Ils le regardoient comme le futur & le digne obiect de leurs armes; & le Duc de Medina Celi le considerant avec plus d'attention que les autres, & le voyant actif, penetrant, familier & genereux, dit qu'il seroit vn iour vn grand Prince, & que le Roy son Maistre auroit besoin de toute sa sagesse, pour affermir sa Couronne sur la teste de son fils, & s'opposer aux hautes pretentions de ce nouveau Cesar. La Reine d'Espagne elle-mesme entra dans les sentimens de la Reine sa mere, & conceut vne si forte amitié pour le Prince de Nauarre, qu'elle luy promit d'aimer ses interets. En effet elle luy tint sa parole; & le fit bien paroistre dans la conspiration qui éclatta l'an M. D. LXXVII. contre luy; & contre toute sa Maison.

Le Roy estant party de Bayonne pour reuenir à Paris, vit la Reine de Nauarre à Bordeaux. Elle luy renouella les tesmoignages de sa fidelité, & les assurances de son zele à son seruice; & luy demanda si adroitement le Prince son fils, pour l'esleuer dans les sentimens qu'elle auoit; qu'il ne peust honnestement le luy refuser. La Reine mere n'approuua pas cette action: mais estant tour-à-fait gagnée par les demonstrations de tendresse & de confiance que la Reine de Nauarre luy fit paroistre; hé bien, Madame, luy dit-elle, ie veux bien encore vne fois me descharger sur vostre foy & sur vostre parole, du repos de la France. Madame, luy respondit la Reine de Nauarre, vous me faites beaucoup d'honneur, de m'engager si honorablement à vous seruir. Je vous supplie aussi de croire, que ie ne manqueray iamais à ce que ie dois au Roy Monseigneur, & à V. M. & qu'il n'y aura que la ruine visible & certaine de ma maison qui me donnera d'autres pensées. Cette Princesse ayant esté magnifiquement traitée, & ayant receu mille marques d'amitié & de faueur du Roy & de la Reine sa mere, partit avec le Prince de Nauarre, & se retira dans ses Estats.

A peine la mere & le fils commençoient à gouter les douceurs de leur maison, & à s'appliquer aux choses qui estoient de l'âge de l'un & de l'autre, qu'ils receurent aduis de la Cour, d'une entreprise secrette qui se formoit contre eux. En voicy le recit fait par vne personne que ie croy fort veritable, quoy qu'elle paroisse fort passionnée.

RECIT D'VNE ENTREPRISE FAITE EN L'AN
1565. *Contre la Reine de Nauarre & Messieurs ses Enfants.*

Les ennemis de la maison Royale voulant profiter de la mort d'Antoine Roy de Nauarre, jetterent les yeux de tous costez, pour voir de qui ils pourroient se seruir pour le succez de leur dessein. Ils apprirent que le Roy d'Espagne, qui leur auoit tousiours esté fauorable, dressoit vne armée contre les Mores, & que les troupes Espagnoles, de Milan, de Naples & autres qu'il faisoit venir d'Italie, deuoient arriuer à Barcelonne, ville maritime, qui est assez près de Pau, où l'on disoit que la Reine de Nauarre s'estoit retirée, & avec elle Monseigneur le Prince, & Madame la Princesse ses enfans. Ils iugerent qu'il estoit temps de penser à leurs affaires & mettre la main à l'œuvre.

Donc sur ces deux occasions, tant de la mort du feu Roy de Nauarre, que du passage desdites troupes Espagnoles, le Cardinal qui auoit tousiours les esprits tendus à remüer mefnage, estant de son naturel turbulent & factieux entre tous les Lorrains, se resolut avec le Duc de Guise, son frere, de faire la guerre, & s'attaquer à bon escient à la maison de Bourbon, de laquelle, comme dit est, ils auoient dès long-temps coniuuré la ruine, pour rendre le chemin libre à leur ambition.

C'est pourquoy ayant exactement proietté leur dessein, & tenant l'entreprise toute asseurée, ils la voulurent executer en toute diligence; & pour cela, ils chercherent vn homme confident & aduisé, pour negotier cette affaire avec le Roy d'Espagne. Pour cét effet, entre tous ceux qu'ils esleuoient, & dont ils faisoient des pepinieres pour semblables executions, ils firent election d'un Capitaine de la Frontiere de Bearn, nommé le Capitaine Dimanche, auquel ils baillerent l'instruction & les memoires necessaires pour cette negotiation, avec charge de prendre assurance des Seigneurs, Gentilshommes & Communautéz des villes par où il passeroit. A cette fin le Duc de Guise luy bailla lettres de creance, mesmement au sieur de Monluc, d'Escars, & Vi-comte d'Ortes, avec lesquels il auoit dès long-temps intelligence.

Ainsi le Capitaine monte à cheual, & part pour faire le voyage. Il seiourna assez long-temps en Guyenne, pour y faire ses menées. Il les commença à souhait, de sorte que ceux que l'ay nommez, & le Capitaine du Ha de Bordeaux, promirent tous d'y apporter toute l'assistance, & toute la faueur que le Duc de Guise pouuoit desirer d'eux.

Bref la partie en apparence estoit fort bien faite. Mais ce grand Dieu admirable, qui sçait tout, qui voit tout, qui peut tout, connoissant qu'ils n'estoient poussez que d'une pure ambition, confondit leurs esperances.

Pendant que Dimanche faisoit ses voyages & ses pratiques,

le siege fut mis deuant la ville d'Orleans, où le Duc de Guise fut tué, & la paix incontinent proposée & concludë par le Roy Charles, avec ceux de la Religion pretendue reformée.

Le Cardinal de Lorraine ne perdit point coutage pour cela; mais tesmoignant l'indignation qu'il auoit de la paix, disant auoir esté éciementée avec le sang de son frere; il reünit toute sa maison, afin de la conseruer; & mit à la teste le Duc de Guise son nepueu, fils du defunt, pour acheuer ce que l'autre auoit commencé.

Pour reprendre donc les desseins dont le Capitaine Dimanche estoit le principal instrument, l'Oncle & le Neueu luy escriuiuent à Bordeaux, où il attendoit leurs ordres; & luy firent continuer son voyage.

Et Pour cela luy enuoient des lettres confirmatiues de la premiere depesche, que l'on luy auoit baillée à son parlement; y adioustant de plus que l'occasion qui les portoit à la rupture de la paix n'agueres faite avec les heretiques, estoit qu'ils desiroient maintenir & conseruer par tout le Royaume de France, la Religion Catholique, Apostolique & Romaine. Ils se promettoient sous ce pretexte que le Roy d'Espagne se ioindroit à eux, pour le succez de leur sanglante & de leur maudite resolution. Ils disoient, qu'il estoit absolument necessaie de commencer l'entiere extirpation des heretiques, par la subuersion & la ruine de la maison & de la personne de la Reine de Navarre, & de Monseigneur le Prince son fils; lequel pretendait estre descendu du Roy saint Louis & des Rois de France, pensoit tousiours que la succession de la Couronne ne luy pouuoit manquer.

Outre ces memoires & ces confidatations, le Cardinal fit bailler au Capitaine Dimanche lettres particulieres de creance, adressées au Duc d'Albe grand Maistre, & Lieutenant general des armées du Roy d'Espagne; tendantes à ce qu'il pleust à sa Maiesté Catholique prendre cette cause en main, & l'assister de partie des forces de son armée, qui estoit toute prestée à Barcelonne; afin de pouuoir enleuer la Reine de Navarre & le Prince son fils, & les mener en Espagne.

Outre tout ce que dessus, le Capitaine auoit charge d'offrir au Roy Catholique les moyens & l'adresse pour bien conduire l'entreprise, & la faire reüssir au desir & contentement de sa Maiesté; luy donnant esperance en ce faisant, de rendre la querelle du Royaume de Navarre esteinte pour iamais.

A la verité l'entreprise estoit en apparence facile à executer, si Dieu, qui n'abandonne iamais les siens, n'y eust mis la main, pour conseruer les innocens contre la rage, la tyrannie, & la cruauté des meschans; comme il fit, en destournant cét orage, ainsi qu'on verra cy-apres.

Ce Capitaine Dimanche, suiuant l'instruction & le commandement à luy faits, partit de Bordeaux. Il s'achemina droit à la ville d'Albe, où le Duc d'Albe estoit allé pour se reposer, par le congé du Roy

son maistre. Il luy parla en personne, & luy communiqua toute son instruction. Après auoir seiourné plusieurs iours avec luy, le Duc le despescha, luy bailla des lettres, & vne adresse particuliere pour parler au Roy d'Espagne. Entre autres il escriuit à Dom Francez de Alba, pour luy faire donner entrée & le presenter au Roy, lequel estoit allé à Monson ville limitrophe, & ordonnée pour tenir les États des trois Royaumes d'Aragon, Catalongne, & Valence, qu'on appelle à cette occasion, *las Cortes de Monson*.

Or son chemin estoit de passer par Madrid ; où arriuant, Dieu voulut qu'il tomba malade d'une grosse fièvre continuë. Estant en une Hostellerie assez mal commode, il s'informa de l'Hoste s'il n'y auoit point quelque François des seruiteurs de la Reine d'Espagne. Il luy dit qu'il y en auoit vn logé près l'Hostellerie nommé Anne Vespier, Valet de chambre de sa Maïesté & Brodeur. Ce François auerty par l'Hoste son voisin, & requis de visiter vn Gentilhomme François, malade en sa maison, luy qui estoit de son naturel officieux y fut incontinent ; le trouue en mauuais estat, & fort mal accommodé à l'hostellerie. C'est pourquoy estant meû de pitié & de compassion, à cause de la patrie, il le fist emmener en son logis, où il fut tres-bien seruy de toutes choses. Il le fait voir & secourir par le Medecin & par l'Apoticaire de la Reine sa maistresse : de sorte que dans peu de iours après, il revint en conualescence par la diligence de Vespier. En effet il en vî si charitablement, que durant l'ardeur de la fièvre de Dimanche, il le traita si soigneusement, & luy fist donner des remedes si à propos, qu'il le tira de peril. Ensuite il le nourir dans sa conualescence de tant de bonnes nouritures, & de tant de delicatesses, dont il y en auoit quantité en la Cour de Madrid ; & particulierement il prit si grande peine de luy donner du plaisir & de l'entretenir agreablement, que tous ces bons offices, qui sont si propres à gaigner le cœur des hommes, furent cause d'engendrer entr'eux vne cordiale bien-veillance & vne vraye amitié. Bref ils se firent si bons amis, qu'ils communiquoient familièrement, & discouroient ensemble de plusieurs affaires, sans aucun scrupule, mesme touchant la Religion Catholique : en laquelle se trouuant vnis & de mesme opinion, ils en prirent vne plus grande & plus ferme confiance l'un de l'autre.

De sorte que le Capitaine, sur le temps de sa guerison & auant que de prendre congé de luy, pour paracheuer son voyage, remercia fort Vespier de tant de bienfaits, de courtoisies & de bons traitemens qu'il auoit receus de luy ; dont il se sentoît & luy demeuoir toute sa vie obligé, mesme iusqu'à luy dire, qu'il le feroit tres-bien reconnoître par Monsieur de Guise, lequel l'auoit enuoyé par-delà pour affaires de tres-grande importance.

Alors Vespier oyant parler du Duc de Guise, curieux de sçauoir ce que c'estoit, & iugeant que ce ne pouuoit estre qu'au preiudice du Roy

peschet de tout son pouuoir, comme il estoit tres-affectionné seruiteur du feu Roy & de la Reine de Nauarre, il fut d'aduiz, pour authoriser cette bonne œuvre & ce saint desir, de communiquer le tout secretement à la Reine leur Maistresse, qu'il sçauoit aimer vniquement la Reine de Nauarre.

Ainsi ils s'en allerent vers sa Maiesté, à laquelle Vespier recitant par le menu toutes les particularitez de ce fait si execrable, Elle eut horreur, & dit la larme à l'œil, A Dieu ne plaïs, mon Maistre, que telle méchanceté aduienne.

Sur ce elle resolut, avec l'aduiz de son Maistre, d'en escrire au Roy son frere & à la Reine sa mere, pour y remedier.

Il fut aduisé aussi, que Vespier sçauroit du Capitaine où il logeroit à la Cour de Mouzon, & apprendroit dextrement de luy quel habillement il porteroit; afin d'en escrire, & d'en donner des enseignes au sieur de S. Suplice, Ambassadeur pour le Roy près la personne du Roy d'Espagne audit Mouzon. Vespier luy escriuit vne lettre pour l'en auertir, & luy faire entendre bien au long & par le menu, toutes les particularitez cy-dessus; afin qu'il eust entiere connoissance du fait, & l'œil ouuert à la venue du Capitaine Dimanche. Pareillement il fut aduisé, que le grand aumosnier, Precepteur de la Reine, luy escriroit de la part de sa Maiesté, pour luy faire entendre le desir qu'elle auoit d'empescher l'euenement d'une si damnable conspiration.

Ce qui fut fait, & le paquet fut porté par vn Basque, laquais du grand aumosnier, fort diligent; lequel il despescha exprés à Mouzon, pour auertir l'ambassadeur de tout ce que dessus; le suppliant, au nom de Dieu, de tenir la main à rompre ce Barbare dessein; & d'enuoyer seulement les lettres de la Reine sa maistraille, au Roy son frere, & à la Reine sa mere: comme aussi d'en escrire à Pau, pour donner aduis à la Reine de Nauarre de se tenir sur ses gardes, afin de n'estre surprise.

Le Basque fit si bonne diligence, qu'il arriua heureusement à Mouzon, vn iour deuant le Capitaine Dimanche. De sorte que le sieur de S. Suplice eut loisir de faire espier sa venue, comme il fit. Il descouurit qu'à son arriuée, le Roy d'Espagne luy auoit donné aussitost audience, & parlé à luy par trois diuerses fois la nuit seulement, & à heure indué; signe qu'il y prenoit goust, & que cette pratique luy plaisoit. Aussi auoit il occasion d'y prester l'oreille. Car on ne luy pouuoit faire ouuerture d'un suiet plus agreable, selon son humeur, & selon la disposition des affaires de son Estat. Le Capitaine eut loisir de luy bien faire entendre le tout, ayant rousiours esté conduit par Dom Francez de Alba; le quel par ce moyen se mit tellement en la bonne grace du Roy son maistre qu'il luy donna depuis la charge d'Agent en France, & tost après l'honneur du tiltre d'Ambassadeur près la personne du Roy Charles IX.

Or afin que toutes ces choses fussent sceuës & entendues au vray par le Roy Charles, & la Reine sa mere; pour y donner ordre, le sieur

de S. Suplice despescha en diligence son Secretaire, nommé Rouleau; le quel se rendant tres-affectionné en cette occasion, pour arrester le cours d'une trahison si malheureuse, arriué qu'il fut à Bayonne, après auoir visité le Vicomte d'Ortes, qui l'auoit particulièrement enquis de son voyage, sans en auoir neantmoins peu tirer aucune chose, prit aussi-tost congé de luy, & se retira en son logis, où il fit vn memoire particulier, pour seruir d'aduis, portant sommairement au vray tout le contenu en la depesche cy-dessus. Ce memoire enclos dans vn pacquet bien cacheté, fut enuoyé par homme exprés iusques à Pau, où il fut porté seurement; de sorte que la Reine de Nauarre aduertie de la tragedie, en laquelle on luy vouloit faire iouer vn des principaux personnages, fit si bien son profit de cét aduis, que Dieu l'assistant, elle eust moyen de pouruoir à sa seureté: & Rouleau continuant son chemin en toute diligence, vint à Paris, où il bailla à la Reine mere du Roy, les lettres que la Reine d'Espagne sa fille escriuiroit à leurs Maistrez, qui estoient de creance seulement sur le porteur.

Après qu'elle eut oüy le recit de cette conspiration, & comme le tout s'estoit passé, cette sage Princesse demeura fort estonnée; & neantmoins ne voulut pas, ou pour le moins seignit de ne le pouuoir pas croire, sans l'assurance que Rouleau luy en donna, tant pour l'aduertissement certain qu'en pouuoir auoir eu la Reine sa fille, que pour auoir veu luy mesme le Capitaine Dimanche entrer à dix heures du soir au logis du Roy d'Espagne, conduit par le sieur Dom Francez de Alba.

Surquoy la Reine mere enuoya querir le sieur de l'Aubespine, premier Secretaire d'Estat, auquel elle fit derechef conter le fait par Rouleau. Cela fut cause que le Capitaine Dimanche ne fut pas attrapé par les chemins, comme il eust esté aisé de le prendre, si on eust voulu suiure l'aduis quel'Ambassadeur en auoir donné à leurs Maistrez; afin de voir tous les memoires qu'il auoit, & luy faire confesser la verité de sa negociation.

Preuve qui eut esté tres-vtile & tres-importante pour descouurer les secretes menées, & les conspirations qu'on faisoit lors pour troubler le Royaume & l'Estat. Mais la corruption des pensions d'Espagne estoit desia entrée dans le Conseil, qui destourna ce bon effet.

Feu M. le Connestable, après qu'il eut eu communication de cette affaire par Rouleau, en iugea tres-bien, disant ces mesmes mots, Puisque le sieur de l'Aubespine le sçait, que le Compagnon seroit sauué, & qu'il n'en falloit plus parler. Comme il aduint. Car le Capitaine print son chemin par vne autre voye que le grand chemin ordinaire, à son partement de Bourdeaux, & vint toutesfois couuertement à Paris, où l'on sceut qu'il auoit demouré caché dix ou douze iours dans l'Hostel de Guisé, & quelque temps au Monastere des bons-hommes, près le bois de Boulogne.

Neantmoins cet aduertissement a porté ce fruit, que le voyage du

Capitaine Dimanche demeura instructueux au Duc de Guise & aux siens, & que le Roy d'Espagne, qui pensoit desia tenir & mener en triomphe la Reine prisonniere & les enfans, à la fin se trouua les mains pleines de vent, & l'esprit de regret, d'auoir perdu vne si belle occasion de prendre-pied en France, & d'esteindre la querelle du Royaume qu'il vsurpe, laquelle luy demeure sur les bras plus lourde & plus vifue qu'elle ne fust iamais.

Cette conspiration ayant esté si heureusement découuerte, la Reine de Nauarre en escriuit au Roy, & à la Reine sa mere, & leur demanda publiquement iustice de l'attentat des Princes de Lorraine. La chose ayant fait grand bruit au commencement, & beaucoup de belles paroles ayans esté données par leurs Maiestez, pour tesmoigner qu'elles n'estoient pas capables d'un desny de iustice dans vne cause si fauorable, on en demeura là. Car les Huguenots ayans fait d'autres entreprises de la mesme nature; la Reine mere fit dire à la Reine de Nauarre, qu'elle deuoit suiure l'exemple du Roy son fils, & oublier les iniures qu'elle ne pouuoit punir.

Cette Princesse estoit à Pau, lors qu'elle receut cette responce de la Reine mere. Elle fut obligée de dissimuler & de se taire. Cependant le Prince estoit auprès d'elle, & profitoit merueilleusement en toutes choses. Il demeura cinq ans ou dans le Bearn, ou dans la Guyenne. La Reine sa mere agreeoit tous les petits voyages que les Gouverneurs luy faisoient faire. Il alloit dans les villes où il pouuoit trouuer les diuertissemens de son âge. Il se gaignoit des seruiteurs par tout; & il n'y auoit point de Dames, de l'une & de l'autre religion, qui ne se declarassent pour luy. L'ay-vû des lettres escrites en ce temps-là par diuerses personnes, qui en parlent esgalement bien. En voicy quelques extraits.

LETTRE D'VN DES PRINCIPAUX MAGISTRATS DE BORDEAUX
de 1567. où l'on n'a presque rien changé.

NOVS auons icy le Prince de Bearn. Il faut aduouër que c'est vne iolie creature. A l'âge de treize ans il a toutes les qualitez d'une personne de 18. & 19. Il est agreable. Il est ciuil. Il est obligeant. Vn autre diroit, qu'il ne connoist pas encore ce qu'il est. Mais pour moy qui l'estudie fort souuent, ie vous puis asseurer qu'il le sçait parfaitement bien. Il vit avec tout le monde d'un air si aisé, qu'on fait tousiours la presse où il est, & agit si noblement en toutes choses, qu'on voit bien qu'il est un grand Prince. Il entre dans la conuersation comme un fort honneste homme. Il parle tousiours à propos, & quand il arriue qu'on parle de la Cour, on remarque assez bien, qu'il est fort bien instruit, & qu'il ne dit iamais rien, que ce qu'il faut dire en la place où il est. Je hayray toute ma vie la nouuelle religion, de

II. PART. HH hh ij

nous auoir enleué vn si digne suiet. Sans ce peché d'otigine, il seroit le premier auprès du Roy, & dans peu de temps on le verroit à la teste de ses Armées.

AVTRE.

LE Prince de Bearn acquiert tous les iours de nouveaux seruiteurs, il s'insinuë dans le cœur avec vne adresse incroyable. Si les hommes l'honnorent & l'estiment beaucoup, les dames ne l'aiment pas moins. Quoy qu'il ait le poil vn peu ardent, elles ne l'en trouuent pas moins agreable. Il a le vilage fort bien fait. Le nez ny trop grand ny trop petit; les yeux fort doux; le tein brun, mais fort vny; & tout cela est animé d'une viuacité si peu commune, que s'il n'est bien avec les dames, il y aura bien du malheur.

AVTRE.

NOVS faisons le plus plaisant Carnauai du monde. Le Prince de Bearn a prié nos dames de se masquer, & de donner le bal tout à tour. Il aime le ieu, & la bonne chere. Quand l'argent luy manque, il a l'adresse d'en trouuer, & d'une maniere toute nouvelle & toute obligeante pour les autres aussi bien que pour luy. C'est à dire qu'il enuoye à ceux ou à celles qu'il croit de ses amis, vne promesse écrite & signée de luy, & prie qu'on luy enuoye le billet ou la somme qu'il porte. Iugez s'il y a maison où il soit refusé. On tient à beaucoup d'honneur d'auoir vn billet de ce Prince, & chacun le fait avec ioye; pour ce qu'il y a deux Astrologues icy, qui assurent que leur art est faux, ou que ce Prince sera vn iour l'un des plus grands Rois de l'Europe.

CEs petits voyages n'empeschoient pas qu'il ne continuast ses estudes, & qu'il ne s'occupast aux nobles exercices de l'esprit parmy les plaisirs de la chasse & de la solitude. Il s'appliqua aux lettres plus qu'il n'auoit fait auant le voyage de Bayonne, & tesmoigna vne passion extraordinaire de n'estre pas vn illustre ignorant. Jeanne d'Albret qui auoit tout le feu de son climat, & tout le iugement du nostre, fut quelque temps le veritable Intendant de l'éducation de son fils. Elle luy fit voir quelle honte c'estoit à ceux qui commandent aux autres, d'estre leurs inferieurs en connoissances & en raisonnemens; & sur tout d'estre obligez par leur ignorance, de se rapporter à d'autres qu'à eux-mesmes du gouuernement de leurs Estats, & de toutes les affaires de la paix & de la guerre. Il faut aduouër, à la gloire de cette Princeesse, qu'elle eust esté la merueille de son siecle & l'exemple des heroiens, si son esprit trop penetrant & trop curieux, n'eust esbranlé sa crean-

ce, & sous le pretexte specieux de la reformation & de la pureté de l'Evangile, ne l'eust precipitée dans ces horribles esgaremens, où les charmes de la nouveauté precipitent indifferemment les foux & les sages. Cependant quelque ardent que fust son zele, & quelque soumission qu'elle apportast aux conseils des Ministres, elle n'en voulut iamais approcher pas vn de la personne de son fils. Elle iugea bien que cette sorte d'esprits n'estoit pas propre pour former celuy d'un Prince. Que faisant le mestier de Declamateurs & de Sophistes, ils auoient plus d'éclat que de solidité, plus d'orgueil que de suffisance, & autant de tenebres pour le moins, que de lumieres. Qu'il entre tousiours quelque teinture de pedantisme & de ridicule dans leurs sentimens & dans leurs paroles; & qu'apres auoir trauaillé long-temps à l'elevation d'une ieune personne, ils en font presque tousiours vn fort mal-honneste homme. Sur cette opinion elle choisit des hommes de lettres, mais des hommes qui ne s'estoient point gastez dans les lettres, qui auoient l'esprit delicat, le raisonnement pur, les mœurs irreprehensibles, & la connoissance du monde, telle qu'il la faut inspirer aux Princes, pour leur faire aimer le veritable honneur & la veritable pieté. Ces excellens Precepteurs trouuerent au Prince de Nauarre vne matiere fort disposée à receuoir vne belle forme. Ils le rendirent aussi tel, que la Reine sa mere ne fit point de difficulté de le mettre à l'espreuue dès l'âge de 15. ans. Elle luy vestit elle-mesme les premieres armes qu'il porta iamais; & le mena au Prince de Condé, comme au premier Capitaine de son siecle, pour faire son apprentissage sous vn si grand Maître. Henry le suiuit par tour, & il estoit dans l'armée lors que ce Prince donna la bataille où il perdit la vie. l'Admiral & tout son party ayant fait vne perte si considerable, tournerent les yeux sur le Prince de Nauarre, tout enfant qu'il estoit; & du consentement de tout le monde, il fut déclaré Chef des Protestans, & General de leurs armées. Il est vray que l'Admiral de Chastillon demeura effectiuement la teste & le principal directeur des affaires; & fut comme le dernier Gouverneur du Prince de Nauarre. Peu de temps apres la mort du Prince de Condé, le Prince son fils parust dans les armées, & s'attacha si particulierement à la personne du Prince de Nauarre, que iusqu'à la mort il luy fut tousiours tres-fidelle & tres-affectionné. Ces deux ieunes Princes obseruans avec mesme exactitude, les ordres & les conseils de la Reine de Nauarre, ne perdoient point l'Amiral de veüe. Ils l'accompagnoient par tout. Ilz l'écouloient avec grande application, & sembloient dependre absolument de ses volontez. Les railleurs aussi, qui ne pouuoient approuuer la defférence de ces ieunes Princes, les appellerent les Pages de l'Admiral; & furent cause que tous les gens de guerre les nommoient ainsi dans leurs desbauches, & dans les occasions mesme les plus serieuses.

DAns cete fameuse conference qui se fit dans le Chasteau de S. Brix, près de Coignac, il arriva vn accident si estrange au Roy de Navarre, que ie me suiscent fois estonné de ce que nos Historiens les plus curieux & les mieux informez, n'en ont pas dit vn mot. Voicy comme la chose m'a esté apprise par vne personne d'honneur & d'esprit, qui eut part à cete auanture. La Reine Catherine de Medicis estoit allée à cete conference, avec M. le Duc de Neuers, & les principaux du Conseil du Roy, entre lesquels estoit M. de Bellicure, pour obliger le Roy de Navarre à quitter son party, pour venir à la Cour. L'histoire n'a pas oublié ce qui se passa aux premiers entretiens. Les bons mots que nostre Prince dit à la Reine & à M. de Neuers. Mais personne n'a parlé du hazard qu'il courut en ce temps-là. Vn iour qu'il n'y auoit point de conference, le Roy de Navarre sortit de fort bonne heure de chez luy, & le iour estant fort beau, monta à cheual, pour executer vne partie de chasse qu'il auoit faite avec la pluspart de ceux de la Cour & de celle de la Reine mere. Comme il fut à cinquante pas du Chasteau, il vit deux fort beaux cheuaux, sur l'un desquels estoit monté celuy qui m'a fait cecirec. Le Roy luy demanda s'ils estoient à luy. Il luy respondit qu'ils estoient à M. de Bellicure, & qu'il les auoit achevés pour quelque bonne occasion. Ce Prince si obligeant & si agreable, se tournant vers ceux qui estoient les plus proches de luy, & ce galant homme, dit-il, veut faire passer M. de Bellicure pour vn detetminé. Mais ie croy qu'il est bien plus redoutable au cabinet qu'à la campagne. En suite il considera fort ces deux cheuaux, & les voyant de bonne taille, soit qu'il eût enuie de les achepter, soit qu'il voulût les esprouuer seulement, il demanda s'ils estoient vistes. Fort vistes, respondit mon amy, & si vistes, qu'il n'y en a gueres dans la troupe de V. M. qui le soient dauantage. Je veux voir cela, dit le Prince : & ayant fait mettre ces deux cheuaux des deux costez du sien, il commanda à ceux qui les montoient, de les faire partir au premier signe qu'il leur feroit. Il estoit à la teste d'un guereff qui paroissoit fort propre pour vne belle carriere. D'un costé il estoit fermé d'une longue haye, derriere laquelle il y auoit vn chemin de charette : de l'autre c'estoit vne grande piece de bled toute verte. Le Roy leur dit, Partons, & en mesme temps les trois cheuaux partent avec vne esgalle vireffe. Ils n'estoient pas encore au quart de la carriere, que celuy du Roy audit deuançé les autres de plus de trente pas : mais il arriva par vn malheur estrange, qu'une bande de cochons qui estoient derriere la haye, furent tellement espouuantez du bruit des hommes & des cheuaux, qu'ils se ietterent confusément au trauers de la haye, entre les iambes du cheual du Roy. Quelque excellent & quelque ferme que fût ce cheual, il eut les iambes tellement embarrassées parmy ces misetables animaux, qu'apres auoir fait vn ef-

fort ou deux, il s'abbatit de toute sa force, & se renuersa sur le Roy. Tout le monde courut pour le desgager. Il le fut aussitost. Mais on le trouua sans mouuement & sans connoissance, & iettant beaucoup de sang par le nez & par la bouche. Il fut enleué comme mort, & porté au Chasteau. La Reine mere tesmoigna beaucoup de surprise & d'empressement à cette veüe, & fit la bonne belle-mere. On n'en disoit pas ce qu'on en pensoit, & chacun de son costé se tenoit sur ses gardes, de peur d'estre surpris. Il y auoit bien des gens qui rioient dans le cœur, quoy qu'ils parussent fort melancholiques. Mais le Roy de Nauarre estant reuenu à soy, & faisant paroistre qu'il estoit encore plus estonné que les autres de l'estat où il se voyoit, demanda froidement ce qui luy estoit arriué. On luy conta sa cheute; & les Medecins s'informant en quelle partie de son corps il sentoit plus de mal, il respondit qu'il n'en sentoit point du tout. En effet vne si grande cheute n'eut point de suite, & deux ou trois iours apres, ce Prince parut avec la mesme gayeté & la mesme disposition qu'il estoit auparauant. Ce fut vn grand effet de la vigueur de son excellent temperament: car les Medecins ne croyoient pas qu'il en deust estre quitte pour quatre ou cinq saignées, ny pour des incommoditez capables de luy faire garder la chambre toute l'année. Il y en eut mesmes de si flateurs, ou de si ignorans, qu'ils oserent dire à la Reine mere, que sa cheute n'auoit peu estre telle qu'elle auoit esté, sans que la teste n'eust esté offensée; & quoy qu'il ne parust rien au dehors, qu'on verroit quelque chose dans peu de temps. Mais ces prostoniqueurs interesséz receurent vn desmenty bien public, & la Reine mere s'en retourna avec vn extreme despit, de n'auoir pû rien gagner sur l'esprit de ce Prince, & avec vne secrette resolution de l'en faire repentir.

DAns cette grande & furieuse attaque que le Duc du Maine fit faire aux faux-bours de Tours, où Henry III. s'estoit retiré apres la mort du Duc de Guise, les historiens ont encore oublié vne occasion qui meritoit bien d'estre remarquée, puis qu'elle est esgalement glorieuse pour l'un & pour l'autre Henry. Celuy de Nauarre s'auançauit jusqu'à la barricade, qui fermoit l'entrée du fauxbourg attaqué. Ce fut là où se fit le plus grand effort, & où il y eut plus de monde tué. Sur les trois heures apres midy l'attaque estant vn peu cessée, & le Roy de Nauarre ayant sceu que Henry III. venoit à la barricade, il fut au-deuant de luy, non seulement pour luy rendre compte de l'estat des choses, mais aussi pour l'empescher de venir en vn lieu où il y auoit du peril. Il le rencontra dans le faux-bourg à cinquante pas de la porte, & luy ayant dit que l'ennemy n'en estoit pas où il pensoit, il le supplia de ne se point exposer, & ne pas donner cette ioye à ses ennemis de hazarder vne vie aussi precieuse que la sienne. que semblables resolutions

estoyent pardonnables à de ieunes gens, qui n'auoient point encore d'acquis : Mais qu'à vn grand Roy, qui auoit emporté des victoires à l'âge de 15 ans, & du salut duquel dependoit celuy de toute la France, ce seroit pelcher contre luy-mesme & contre le public que d'en auoir la pensée. Henry III. souriant aux prieres du Roy de Nauarre, luy respondit, que le danger n'estoit pas plus grand pour l'un que pour l'autre. Qu'il auoit esté tout le iour à la barricade, & qu'il en estoit reuenu. Qu'il y pourroit bien parroistre à son tour & en reuenir comme luy. Il marchoit tousiours en parlant, & avec vn froid tout à-fait heroïque, fut iusqu'aux paniers qui faisoient vne partie de la barricade. En mesme temps il donne du pied contre vn des paniers qu'il renuersa, & s'estant mis deuant fut vn quart d'heure à voir le combat, & à faire des commandemens, sans se souuenir du danger où il estoit. On tira mille & mille coups, dont vn seul le pouuoit tuer. Il fit tout ce qu'il crut deuoir faire, iettant l'effroy dans l'ame des plus asseurez de tous ceux qui estoient près de luy ; & sortit sur le soir d'un endroit si perilleux, avec la mesme froideur qu'il y estoit demeuré. Le Roy de Nauarre se mit sur les loüanges & les exclamations en l'accompagnant : & prenant son serieux, le ne m'estonne pas, dit-il tout haut, si nos gens ont perdu les batailles de larnac & de Moncontour. Mon frere, luy respondit le Roy, il faut faire par tout ce qu'on est obligé de faire. Les Rois ne sont pas plus exposez que les autres. Les bales ne les vont pas chercher plustost qu'un simple soldat : & ie n'ay pas ouy dire que pas vn Roy de France ait esté tué d'un coup de canon. Ce ne sera peut-estre pas par moy que la chose commencera.

*EXTRAIT D'VN DISCOVRS D'ESTAT DE M.
de Sancy, General de l'armée estrangere qu'il amena au
Roy Henry III. en l'année 1589.*

CE fut le vingtiesme de Iuillet, que ie fis voir mon armée d'estrangers au Roy Henry III. Chacun sçait l'honneur & la bonne chere que ie receus de luy iusques à sa mort, qui fut sept iours apres. Je fus si malheureux de me trouuer en sa chambre quand il fut blessé, & encore quand il rendit l'ame, le troisieme iour d'Aoust, enuiron deux heures du matin. M. le grand Escuier, feu M. le Marechal d'Aumont, & la plupart des Chefs de l'armée s'y trouuerent. Ils pleuroient & s'affligeoient. Iamais ne fut veuë vne plus grande desolation. J'auois bien ma part de l'affliction. Toutefois ie me resolos le premier, & voyant la plupart des Chefs & Capitaines dedans cette chambre, ie dis tout haut, que nos pleurs ne rappelleroient pas nostre maistre du tombeau. Qu'il falloit venger sa mort sous le commandement & la bonne fortune du Roy de Nauarre. Que tous ceux qui auoient char-

ge,

ge, deuoient, ce me sembloit, aller à leurs troupes, pour les assurer à son service. Quant à moy que ie m'en allois trouuer mes compagnons. Le Marschal d'Aumont m'embrassa, & dit tout haut, Que c'estoit ce que chacun deuoit faire. Je m'en allay à nos Suisses, Reistres & Lansquenets. Je leur annonçay la mort du Roy, leur remonstrant qu'il n'y auoit que trois condicions qu'ils peussent choisir. L'une, de se retirer les armes à la main en leur pays & s'ouuir le chemin par la force. L'autre, de demander passeport à l'ennemy. La troisieme, de s'attacher du tout à la fortune du Roy de Nauarre; & le reconnoissant pour legitime heritier du Roy defunt, le seruir avec autant de fidelité & d'affection, qu'ils en auoient promis à son predecesseur. Que la premiere estoit fort dangereuse; parce qu'ils auoient 4. ou 5. riuieres à passer, au passage desquelles ils seroient sans doute combatus & deffaits entierelement, deuant qu'ils peussent estre à la frontiere; Que la perte de l'armée de l'an 87 leur en fournissoit vne bien ample preuue. La seconde estoit fort honteuse & n'estoit gueres seure, parce que c'est chose bien miserable, de dependre de la loy de son ennemy: lequel la voulant violer, trouue tousiours quelque suiet & excuse pour ce faire. Il ne restoit que la troisieme condition, qui estoit la plus seure, & la plus honorable, parce qu'ils combattoient sous vn Prince belliqueux & heureux, qui ne les hazarderoit pas mal à propos. Que rien ne leur deuoit faire peur que la faute d'argent; mais considerant que les neuf parts de la France, estoient ennemis; le butin qu'ils pourtoient faire tous les iours, vaudroit deux fois leur paye. Et comme ces nations d'Allemagne & de Suisse ne sont pas si promptes à faire responce; ils me prierent de les laisser deliberer. La pluspart s'accorda à ma proposition, hormis trois Capitaines Suisses, qui sous pretexte de la Religion, dirent qu'ils ne pouuoient seruir le Roy s'il n'estoit Catholique. Cette question ne se pouuoit pas vider en ces temps-là. Je trouuay si grande creance parmy les autres, qu'ils me promirent d'establiir trois autres Capitaines en la place de ces trois, qui se trouuerent auoir si peu de part dans les compagnies, que pas vn soldat ne demanda à s'en aller avec leurs anciens Capitaines. Mais preuoiant la grande necessité où nous tomberions, incontinent, ie leur fis iurer de seruir le Roy trois mois sans argent, & sans pour ce refuser aucune faction de guerre. Chose qui ne s'estoit veüe estre iamais parmy les Suisses & les Reistres. Cependant le Roy ayant sceu la nouuelle de la mort du Roy son predecesseur, assembla ses anciens seruiteurs, avec lesquels il resolut de se retirer vers la riuere de Loire, pour s'assurer des villes de Boiscency, Blois, Tours & Angers; iusques à ce que Guiry venant à son opinion, dit que s'il prenoit ce conseil, il perdrait routes les places qui renoient pour le feu Roy son predecesseur sur les riuieres d'Oise, Marne, & Seine, & generalement tout ce qui estoit au delà de la riuere de Loire, lesquelles il conserueroit, pourueu qu'il pût conseruer les forces estrangeres que j'auois nouuellement conduites

en ce Royaume; lesquelles, à la verité, faisoient les deux tiers de son armée, principalement pour ce qui estoit de l'infanterie. Car il y auoit quatorze mille hommes de pied, & deux mille cheuaux. Le Roy approuua ce conseil. Mais ne croyant pas que l'eusse assez de creancee parmy ces gens-là, pour les faire resoudre si promptement; il donna charge au sieur de Guित्रy de me venir trouuer à Surenne, où ie les auois tous assembles, pour me conuier par toutes sortes de promesses de le seruir en ceste occasion. Je luy dis ee que l'auois traité avec tous nos gens, que ie n'attendois que le retour de quelque Colonnel & Capitaines, qui estoient allez à Puteaux & à Courbeuois querir leurs cheuaux, pour nous en aller tous ensemble, iurer toute fidelité & seruitee à sa Majesté. Le sieur de Guित्रy s'aduança de porter diligemment ceste nouuelle au Roy; qui n'estant pas encores accoustumé à cette grauité Royale, quand il nous vit arriuer en la Cour de sa maison à S. Cloud, descendit & nous vint receuoir au pied du degré. Il y a encore plus de deux cens Gentilshommes viuans, qui peuuent tesmoigner les promesses qu'il me fit, & de quelle affection il receut ce seruice. Tout le monde louë le seruice que j'ay fait au Roy, de luy auoir amené en ceste necessité des Suisses & des Reistres; mais ils n'en sçauent pas les circonstances, qui sont plus à considerer que la conduite de l'armée.

Ce mesme soir se tint vne assemblée des principaux seruiteurs du Roy defunt, dont ie fus l'un, en laquelle il fut disputé, si l'on receuroit le Roy de Nauarre pour Roy, qui n'estoit pas Catholique. Les historiens elcriuent bien la resolution de l'assemblée, qui fut, que dans six mois le Roy se feroit instruire. Que cependant les Princes & Seigneurs Catholiques, qui estoient en l'armée, deputeroient vn d'entr'eux à Rome, pour supplier le Pape de les vouloir fauoriser au dessein qu'ils auoient, de l'amener ce Prince à l'Eglise, & pour cet effet promettre sa benediction au cas qu'il se conuertist, & que M. de Luxembourg feroit le voyage. Mais ils ne disent & ne sçauent pas en quelle façon ceste question fut agitée, ny les propositions qui y furent faites. Il s'y en fit plusieurs dangereuses: & la principale fut celle que fit M. le Marechal de Biron. Il dit que l'on deuoit considerer qu'estant depuis plusieurs années ce Royaume party en deux partis; les vns Catholiques, les autres Huguenots, les Catholiques se trouuoient auioird'huy separés en deux: les vns de la Ligue, les autres Realistes. Que toutes les grandes villes & le menu peuple estoient du party de la Ligue, lesquels se porteroient aisement à la suiectiō d'Espagne, si les Catholiques qui estoient du party du Roy, leur faisoient perdre l'esperance de se réunir, & la perdroient sans doute si dès ceste heure nous reconnoissons le Roy de Nauarre pour nostre Roy, puis qu'il n'estoit pas Catholique, & que nous ne deuions point franchir le saut iusques apres sa conuersion: & neantmoins pour ne le laisser pas cependant sans qualité, que nous le deuions qualifier Capitaine General, & luy iurer toute obeissance en ceste qualité. La

plupart de ceux qui estoient en cette assemblée, trouua cette proposition mauuaise, mais ie suis celuy-là-seul dont Dieu se seruit pour y respondre sur le champ, & tous les Princes & Seigneurs qui estoient là, me conuièrent de ce faire, entr'autres M. de Longueville, M. le Marechal d'Aumont, & M. de Luxembourg. Ie respondis donc, que nostre Estat estant Monarchique, il ne pouuoit subsister sans Roy, non plus qu'un corps sans Chef. Que pour cette raison le Roy ne mourroit point en France; d'autant qu'à l'instant mesme que celuy qui en porte le titre & en fait la fonction, decede, celuy qui luy doit succeder par les loix, est inuesty de ce titre, sans le tenir d'autre que de Dieu. Que le Roy de Nauarre estoit le plus proche habile à succeder au Roy deffunt, comme estant l'ainé de la maison de Bourbon, qui restoit seule de la maison Royale. Que plus grand deseruicene se pourroit faire au Roy, que par la proposition dudit sieur Marechal: parce que si nous, qui estions avec luy, luy denions la qualité que la nature luy donnoit; ceux qui tenoient le party contraire auroient grand droit de le faire. Que si nous ne le voulions reconnoistre en la qualité que les loix du Royaume luy donnoient, mal-aisément luy pourrions-nous garantir celle de Capitaine General. Qu'il estoit bien plus expedient pour le Roy, que ceux qui faisoient scrupule de le servir deuant qu'il fût Catholique, se retirassent en leurs maisons en attendant, plustost que de mettre telles propositions en auant. Le Marechal de Biron se voyant pressé par la raison, se leua de sa place, me tira en un coin à part, & me dit, que iusques alors il auoit creu que t'eusse de l'entendement; mais qu'il en perdoit maintenant toute opinion: parce que si deuant que d'auoir asseuré nos affaires avec le Roy de Nauarre, nous establissons du tout les siennes; il ne nous connoistroit plus, & ne se soucieroit plus de nous. Que ce iour-là estoit venu pour faire nos affaires, & que si nous en perdions l'occasion, nous ne la recouurerions iamais, & le repentir nous en demeureroit toute nostre vie. Ie luy respondis, que ie ne croiois pas qu'il fut pour l'heure temps de penser à nostre particulier: que si le public se sauuoit, nous penserions puis apres à nos affaires. Mais qu'il falloit regarder premierement au general, & nous garantir du danger dont la confusion en laquelle estoit l'armée pendant cette Anarchie, nous menaçoit. Toutefois s'il me vouloit dire ce qu'il desiroit pour son particulier, & qu'il m'estimast capable d'en porter la parole au Roy (qui estoit en vne chambre au dessus de celle où nous estions, attendant la resolution de cette assemblée) que ie l'irois volontiers trouuer, & luy en rapporterois la response. Il m'en pria, & me dit, que si le Roy luy vouloit donner le Comté de Perigort, il ne l'abandonneroit point, quelque fortune qui se presentast. Ie l'allay dire au Roy, qui me donna charge de l'en asseurer.

C'est la vraye histoire de ce qui se passa lors, que j'ay pensé n'estre point hors de propos d'inserer en ce discours: de laquelle M. de Dam-

pierre, qui & le sieur de Rieux estoient les deux Mareſchaux de Camp du Roy Henry III. & qui ſeul reſte avec moy de tous ceux qui estoient en cette aſſemblée pour en rendre teſmoignage.

Ayant donc eſté reſolu en l'aſſemblée ſuſdite, que tous deuoient reconnoiſtre le Roy, comme il eſt dit cy-deſſus, & eſt amplement rapporté par ceux qui ont eſcrit l'hiſtoire, ſa Maieſté tint le lendemain vn conſeil, auquel il appela tous les principaux de l'armée, pour ſcauoir ce que l'on deuoit faire. Les vns propoſoient de conduire l'armée à Châteaui-Thierry, Eſpernay & Châlons, villes ſur la riuere de Marne, pour s'approcher du ſecours qu'il eſperoit d'Allemagne, & par le moyen des ponts qui ſont attachez eſdites villes, le garantir de combattre, ſi l'ennemy ne luy en preſentoit occaſion à ſon aduantage. Les autres, de reſaire en diligence le pont de S. Cloud, d'où nous auions le iour precedent chaffé les ennemis, mettre le corps du Roy deſſus ſur ledit pont; & comme l'armée paſſeroit, que tous les Seigneurs, Capitaines & ſoldats iuraſſent ſur le corps du Roy, la vengeance de ſa mort; & que de ce pas toute l'armée allaſt donner dans les faux-bourgs S. Honoré, S. Denis & S. Martin, & porter les eſchelles aux murailles de la ville, pour avec le feu & le fer venger cette mort. Le Roy ayant entendu avec patience tout le monde, loua les propoſitions qui auoient eſté faites; mais parla en Capitaine plus que tous, & dit, que comme depuis la mort du Roy pluſieurs s'eſtoient debandez, aucuns meſmes auoient pris party avec les ennemis, il en pouuoit encore reſter qui auoient meſme volonté. Pour cette cauſe, qu'il falloit faire paſſer deux riuieres pour le moins à l'armée: parce que ce qui demeureroit après nous, ſeroit aſſeuré, & avec ce on pourroit faire vn bon & aſſuré deſſein. Le Roy reuint donc à Poissy, où il paſſa la riuere de Seine, & s'en alla à Pontoise, incertain s'il iroit à Creil & à Compiègne le long de la riuere d'Oiſe, ou s'il prendroit ſon chemin vers la riuere de Marne, pour le deſſein ſuſdit. Mais pendant cette reſolution, il eut nouuelle que M. de Montpenſier eſtoit arriué à Andely avec huit cens Gentilshommes & quatre mille hommes de pied Normans, qui le conuièrent d'aller en cette Prouince. A quoy il ſe laiſſa facilement porter, pour la grande conſideration en laquelle eſt cette Prouince dans ce Royaume. Neantmoins parce qu'il eſtoit proche de Creil, il ſe voulut aſſeurer de cette place en paſſant. Le voiſinage le porta à Clermont, de là à Giſors, pont de l'Arche, & autres places de Normandie.

LETTRE DE M. DE FRESNE FORGET, SECRETAIRE D'ESTAT,
du 7. Septembre 1589.

LE Roy ayant conſideré que les ennemis s'eſtoient renfermez dans les villes, & qu'aucunes de leurs troupes ne tenoient la

campagne : d'ailleurs qu'il devoit se rendre à Tours à la fin du mois d'Octobre ; pour assister à l'assemblée des Princes & des Officiers de la Couronne, & des autres Seigneurs qu'il y avoit convoquez pour adviser aux affaires de son Estat, & qu'à cause d'une si importante convocation, il n'avoit pas assez de temps pour la continuation d'un siège aussi considerable qu'estoit celui de la ville de Paris ; il resolut, par l'avis des Princes, des Marechaux de France, des Capitaines, & des Seigneurs qui l'assistoient en son armée, de la separer en trois. Il donna à M. de Longueville, outre 3000. arquebusiers François, & trois ou quatre cens bons chevaux qu'il avoit amenez de Picardie, deux mil Suisses, pour faire la guerre dedans ce pays-là, & par maniere de dire, saouler des desordres de la guerre, les villes & les peuples qui monstroient en avoir tant d'envie. Il luy donna pour son Lieutenant le sieur de la Nouë, avec lequel il a fait sentir ce qu'il valoit ; & ayant forcé les ennemis de luy quitter la campagne, il ietta par leur retraite la plus-part des villes de Picardie dans une extreme necessité. Les habitans le sentiront encore plus fort dans quelque mois qu'ils n'ont fait jusques à present ; parce que presque toute leur recolte a esté fouragée. Depuis ce Prince a assiégé la ville de Noyon, & il y a advis d'hier au soir qu'elle s'estoit renduë.

Le Roy a aussi renvoyé M. le Marechal d'Aumont en Champagne, & avec les forees qui en estoient venues, luy a donné mesme nombre de 3000. Suisses : de sorte qu'il marche avec de si bonnes troupes, & s'est encore fortifié de tant de Cavalerie depuis qu'il est au pays, qu'il n'a pas moins de sept à huit cens chevaux. Aussi a-t'il fait quitter la campagne aux ennemis, & tellement fourragé la recolte, que les habitans des villes en ressentent toute l'incommodité, que leur rebellion merite ; & d'autant plus, que cette année est la plus facheuse dans laquelle on leur pouvoit faire la guerre. Car elle est presque sans bleds ; & ce qu'il en avoient ayant esté gasté, il n'y en a point de nouveau, & fort peu de reste de l'année precedente. Le Roy ayant encore une armée considerable avec soy, & voyant qu'il avoit trop de temps pour faire son voyage de Touraine, & qu'il ne pouvoit demeurer en ce pays-là jusqu'à la fin d'Octobre, sans perdre tout des deux costez de la Riviere de Loyre ; il se resolut, puis qu'il n'y avoit rien qui demandast sa presence, d'employer le temps qui luy restoit sur les confins de Normandie. Comme il y eust demeuré quelques iours, il crut qu'il ne feroit pas mal d'y entrer un peu plus avant, pour faire vivre son armée aux despens de ses suiets rebelles, & se rendre maistre de plusieurs petites villes qui incommodoient le pays & les passages, autant que les plus grandes.

Mais ayant appris dès les premiers iours de sa marche, que M. du Mayne estoit sorty de Paris, & avoit quelque dessein sur Estampes, il voulut le diuertir de cette entreprise par une autre, afin de donner à

celuy qui est dans le chasteau, vn peu plus de loisir pour acheuer sa fortification, comme il en faisoit tres-grande instance. Le Roy donc vint au pont de l'Arche, & passa iusqu'à Darnetal, feignant de vouloir mettre le siege deuant Rouën. Il fit auancer quelques troupes, iusqu'à la veüe de cette ville: & ayant d'entrée fait brusler tous les moulins, & les attaquer tous les iours par de bonnes escarmouches, il obligea ceux de Rouën à croire que c'estoit à bon escient. Cette feinte eust le succez que S. M. s'en estoit promis. Car le Duc du Mayne abandonna le dessein qu'il auoit sur Estampes, pour venir au secours de Rouën. En effet il marcha iour & nuit iusques à Mantes avec toutes les forces. Cependant S. M. continuant de faire viure grassement les siennes, fut vers la ville d'Eu: & bien qu'en partant de Darnetal, elle crut avec beaucoup d'assurance, que les sieurs d'Aumalle & de Brissac, qui estoient dedans, viendroient au deuant de luy pour l'arrestier; ils furent neantmoins si aduisez, qu'ils ne voulurent point luy en disputer l'entrée.

Le Roy estant deuant Eu, & le Capitaine du chasteau, pour faire mine de se vouloir defendre, ayant fait brusler vn faubourg; il luy enuoya dire que s'il l'arrestoit vne heure seulement, il n'y auroit point de quartier pour luy. A peine aussi eut-il veu l'auantgarde du Roy, qu'il composa, & rendit la place à S. M. qui ne permit pas qu'elle fuy ny pillée, ny que les habitans receussent aucun desplaisir. Elle auoit depuis peu recouuert Neufchastel. Elle fit dessein, auant que de s'en esloigner, de se rendre encore maistre de plusieurs autres, pour s'estendre d'autant dans le pays, y asseurer les chemins, & y establir plusieurs garnisons entretenues; afin qu'elles fussent toutes prestes pour seruir quand il en seroit besoin.

Cependant le Duc du Mayne ayant veu l'armée de S. M. tourner de ce costé-là, fit aussi passer la riuere à la sienne, & fait à present estat d'aller assieger le village de Gournay, qui depuis n'aguères a esté pris sur les gens par le Duc de Longueuille. Il n'y a aucune riuere entre les deux armées, & le Duc du Mayne ayant toutes les forces qu'il attendoit, & qui ne peuuent estre plus grandes; s'y estans iointes le Duc de Nemours, & Bassompierre, & le bruit est que mesme M. le Marquis du Pont est avec eux; il y auroit apparence que l'armée des ennemis affronteroit celle de S. M. Mais pour diuisée qu'elle soit, elle est encore assez forte, & bien resoluë de l'attendre si elle osierent entreprendre. Le Roy ne voulut pas aussi, par cette consideration, passer la riuere, afin d'acheuer ce qu'il auoit commenceé; & se rendre maistre de toutes les petites villes qui restoient à prendre.

Cependant M. le Comte de Soissons s'aduanee avec plusieurs compagnies de gens d'armes, qui estoient en garnison dans la Beausse, & au Perche; & s'en va ioindre le sieur de Schombert, qui conduit douze cens Reistres, & quinze cens Lansquenets, avec bien autant de

François, pour ensemblement venit attendre S. M. sur le bord de la ruiere de Seine. Le Roy ne leur a point ordonné de passer outre, se tenant assez fort & assez bien accompagné, malgré tous les ennemis pour y arriuer en seureté. Il ne pourroit se teloudre de s'esloigner encore de ee pays-ey, si ee n'estoit qu'il ne veur pas faillir à la conuocation qu'il a assignée au mois prochain. Cependant ses forces estrangeres arriueront en tel nombre, qu'il espere de paroistre bientoist deuant Paris malgré toute la resistanee des Ligueurs, & de faire en sorte que ce qui n'a esté qu'esbranlé la premiere fois, pourra tomber à la seconde; s'il plaist à Dieu, auquel S. M. a tousiours son reecours, qui fait meurir en la saison, ce qu'il fait si bien fleurir en vne autre.

*LETTRE DE M. DE FRESNE FORGET, SECRETAIRE D'ESTAT,
en Septembre 1589.*

DEpuis ma relation du 7. de ee mois, sa Maiesté ayant esté aduertie que les ennemis auoient pris Bornay, & qu'ils aduançoient tousiours leur matehe; resolut de venir à Arques, où elle auoit elle-mesme reconnu vn logement pour son armée, fort auantageux. Elle y est arriuée, afin d'estre plus près des ennemis, & a fait retrancher & fortifier ce logement, de sorte qu'elle pourra estre fauorisée du Chasteau d'Arques, qui est bon & fort d'affiette, & que tout eela ensemble luy donnera autant d'auantage sur les ennemis, que les ennemis en ont sur luy par le nombre, s'ils veulent tenter quelque combat. S. M. a esté aussi aduertie, que les Reistres, qu'elle estimoit que M. le Comte de Soissons deust conduire, estoient ioints à M. le Marechal d'Aumont. Il n'a pas plustost eu aduis de l'approche des ennemis, qu'il s'est acheminé avec les Reistres pour ioindre M. de Longueuille, & deuoient estre assemblez à Compiègne dès le 9. iour du mois passé, pour venir trouuer sa Maiesté. S'ils marchent, ils y pourront estre en peu de iours. Car il n'y a que 17. lieues de distance d'Arques à Compiègne. Les trouues qui doiuent nous ioindre sont de neuf à dix mille hommes de pied, & deux mille quatre ou cinq cens cheuaux: & ees forces estans avec les nostres, si l'armée des ennemis ne se haste de cheminer, il y a apparence que sa Maiesté les releuera de la peine de faire tout le voyage, & voudra faire plus de la moitié du chemin pour aller à eux.

Le Due du Maine voyant que toutes ses entreprises, tant du costé des faux-boutgs de Dieppe, appelé le Pouillet, que de celuy d'Arques où le Roy estoit logé, n'apportoient aucun auantage à ses affaires; mais plustost de la honte & de la confusion, comme elles auoient fait les iours precedens par la perte de plusieurs de ses troupes, il se resolut de faire tous ses efforts, pour donner quelque eschec à l'armée de sa Maiesté

& en cette resolution le mardy 19. de ce mois, il donna le rendez vous à tous ses gens de guerre, tant de cheual que de pied, si à propos, que sans apparence d aucun mouuement en son armée, & sans battre aux champs, tous lesdits gens de guerre se trouuerent le mercredi 20. à la pointe du iour en bataille deuant l'armée de sa Maieité; & pensant trouuer les tranchées aussi mal pourueuës d'hommes qu'ils eussent desiré, firent contenance de les attaquer. Mais si les iours precedens leur auoient acquis peu de reputation, celle de mercredi leur fut aussi peu favorable. Car ayant trouué ceux qui estoient ausdits tranchées, fermes & en bonne garde, ils se retirerent sans entreprendre aucune chose: & se passa la journée sans aucun effet, esperant de trouuer plus d'auantage & de faueur en l'obscurité de la nuit suivante. Ils resolurent d'entrer dans les tranchées la mesme nuit, & de faire vn grand effort. Mais le Roy s'en estant bien douté & ayant bien considré l'assiette de son camp, fortifia ses retranchements & toutes les aduenües, mit vn bon corps de garde à la teste d'une tranchée perduë, qu'il auoit fait faire plus de deux mille pas plus auant que son retranchement; droit au-dessus de Martinglize, enuiron cinq cens pas.

Et pour les tenir tousiours plus esloignez de son retranchement, entre lequel & la tranchée perduë, il y a deux assez grandes plaines, l'une du costé de la forest, l'autre du costé du marest, separée d'une haye double, dans laquelle y a vn creux, sa Maieité commanda à ceux qui estoient dedans ladite tranchée, de faire bonne garde: ce qu'ils firent toute la nuit. Aussi les ennemis firent de leur costé passer tous leurs gens de guerre, tant de cheual que de pied, sans aucun bruit, & sans tambourny trompette.

A la pointe du iour, S. M. laquelle auoit passé toute la nuit dans la tranchée, voyant toute l'armée de ses ennemis passée & rangée en bataille entre le village de Martinglize & la tranchée perduë, connut bien leur dessein, & logea tout aultost dans la tranchée & aux enuirs, quatre enseignes d'aduenturiers Suisses & deux de Lansquenets, & de trois à quatre cens Arquebuziers François, lesquels furent incontinent apres ataquez par le gros de l'armée des ennemis. Le Marechal de Biron, qui estoit suiuy du sieur de Maligny, & de la compagnie du sieur de Chastillon, en nombre de 50. à 60. cheuaux seulement, voyant que les Suisses lâchoient le pied & paroissoient esbranlez, s'aduanca par le costé de la main droite pour les soutenir en donnant iusques sur le haut de la tranchée. Il la disputa bien vne heure avec grande perte des ennemis, & peu de ceux de sa Maieité.

Du mesme temps S. M. mena du costé de la main gauche, sa compagnie de cheuaux legers, conduit par Arambures, par le sieur de l'Orges, & par le Capitaine Fournier, qui pouuoient estre tous ensemble enuiron six vingtcheuaux, & pour les soutenir, logea du mesme costé, les compagnies du sieur de la Force, de Bacquerolle & de Larchamp,

Larchamp, & vn peu au dessous, celles de Meff. les Princes de Condé & de Conty, qui pouuoient estre enuiron de quatre vingt cheuaux.

A l'instant se presentèrent 400. lances des ennemis, qui furent chargez par M. le Grand Prieur suiuy des cheuaux legers, & les combatit si heureusement, que non seulement il les mit à vauderoute avec grande perte; mais tua Sagongne d'un coup de pistolet. En suite il mena battant les fuyards plus de quatre à cinq cens pas, iusques à ce qu'ils trouuerent quatre cens cheuaux des leurs qui les ramenerent assez mollement. Mais estans rencontrez & chargez par les sieurs de la Force & de Basquerolle, & secondez par les cheuaux legers qui s'estoient ralliez avec eux, ils poursuiuirent les ennemis bien loin, & les menerent battans iusques au passage de l'eau.

Trois autres cens cheuaux des ennemis chargerent les sieurs de la Force, Basquerolle, de Larchamp, & les cheuaux legers ralliez. Mais estans soutenus par les compagnies des Princes, ils rechasserent les ennemis iusques à la cornette blanche; laquelle leur venant sur les bras, avec le reste de toute leur Caualerie, ils se retirerent au gros de nos Suisses, à la teste desquels estoit le sieur d'Ampuille & le Colonel Gallaty, lesquels avec eux arresterent les ennemis tout court, & par le moyen de nos mousquetaires & arquebusiers, en furent tuez plusieurs, entre autres quatre qui se debanderent pour donner au premier rang desdits Suisses, qui furent tuez sur le champ.

Au mesme temps que ce fit la seconde charge par la caualerie, les Lansquenets ennemis donnerent à la premiete tranchée perdue, au lieu où estoient les aduanturiers & Lansquenets de S. M. sans tirer aucune arquebusade. Mais courant à ceux du party de S. M. ils feignirent de se vouloir rendre. Les Royalistes voulant leur bailler les mains & les tirer dans leurs retranchemens; en furent aussitost inueltis & gaignez par vne estrange trahison. Il vinrent donc en mesme temps le long de la tranchée pelle-messe, & tomberent sur les bras du sieur de Biron & des autres seruiteurs de S. M. Le Marechal s'estant reconnu, & ayant connu la fourberie, fit vne telle charge à tout ce qu'ils estoient d'estrangers & des François, qu'il fit regagner la campagne aux soldats François des ennemis, qui s'estoient mellez avec les Lansquenets. Aussitost ces lâches estrangers leuerent la main, & dirent au Marechal qu'ils se rendoient au seruice du Roy. Il le crut d'autant plus aisement, que ces mesmes Lansquenets-là estoient entrez en traité du viuant du feu Roy. De là ils passerent iusques au lieu où estoit S. M. qui les reconnoissant à leurs enseignes pour ennemis, les voulut charger. Mais ils rendirent les mains à S. M. luy crierent qu'ils s'estoient rendus, & mesme plusieurs de leurs Capitaines luy vindrent toucher à la main. Peu de temps apres ils demanderent au Roy, qu'il luy plust leur permettre qu'ils traitassent de leurs interests avec le Marechal de Biron.

S. M. l'enuoya querir. On arresta avec eux qu'on leur bailleroit tout ce que le Duc de Mayenne leur auoit promis, & que la Couronne y seroit obligée. Ces traistres pensant estre au dessus de leurs pretentions, demanderent où estoit la personne du Roy, pour le reconnoistre dans le combat qu'ils meditoient. S. M. estoit au milieu d'eux, qui sans se faire autrement connoistre, leur commanda de se retirer sur la main droite. Cependant les ennemis s'aduancerent avec toute leur caualerie, & toute leur infanterie : de façon qu'ils firent retirer la caualerie qui auoit auparauant combattu à la main gauche des Suisses ; & ayant gagné le bas de la tranchée, contraignirent le Marechal de Biton de se rapprocher & se mettre à la main droite de S. M. Alors ces perfides Lansquenets descoururent leur trahison. Car ils tournerent teste contre les nostres ; prindrent deux enseignes des Lansquenets de S. M. & deux autres enseignes des auanturiers qui estoient parmy eux en petit nombre, & firent vne furieuse charge droit où estoit la personne du Roy, & le Marechal de Biron. Ils prindrent des nostres prisonniers autant qu'ils peurent de ceux qui estoient parmy eux, & se retirerent avec la caualerie des ennemis.

Il faut remarquer que ces Lansquenets-là furent deux heures entieres entre toutes les troupes de S. M. où elle les pouuoit tailler en pieces, & prendre huit drapeaux, si elle les eut voulu tenir pour tels qu'ils se firent connoistre depuis.

Sur ce point arriua M. le Duc de Montpensier avec sa cornette & vne autre de l'auant garde, & le sieur de Chastillon qui estoit demeuré aux fauxbourgs du Pouillet pour faire teste aux ennemis de ce costé-là, avec les deux parties de l'infanterie Françoisé. Cinq cent arquebusiers vinrent aussi ioindre le Roy, alors S. M. fit passer M. de Montpensier au delà de la haye, à main gauche, & fit marcher les gens de pied, partie le long de la riuiera, l'autre dedans ledit chemin ; & le reste le long de la forest : ce qu'il fit bien à propos, & comme grand Capitaine.

A l'instant les ennemis vindrent des deux costez, & se battirent courageusement. Mais le Roy les contraignit de se sauuer, & d'abandonner la tranchée, & vne maladerie qu'ils auoient gagnée par la trahison des Lansquenets. S. M. y a fait amener au mesme instant deux canons, dont il fit tirer dans les Suisses ennemis, qui faisoient leur retraite avec quelque caualerie. Voila comme cette fameuse iournée se passa. Il se verifie qu'il leur fut tué en ce combat plus de quatre cens hommes, dont il n'y en peust auoir cent cinquante de l'infanterie, tout le reste noblesse, ou pour le moins de leur caualerie. Entre les morts on nomme pour principaux Sagongne, maistre de Camp de leur caualerie legere, le Baron de S. André, frere du feu Comte de Saux : celuy qui portoit la cornette dudit Sagongne ; Bourg l'un de leurs maistres de Camp, quatre Capitaines de leurs compagnies d'Albanais,

les deux Mareſchaux de Camp du ſieur Marquis du Pont, & pluſieurs autres Gentilſhommes, la pluſpart François, dont la perte paroiſſoit beaucoup en leur armée, qui en eſt bien mal fournie. De bleſſez il y en eut vn bien plus grand nombre. De priſonniers auſſi, entre leſquels ſont le ſieur de Blain, lvn de leurs Mareſchaux de Camp, Tremblecourt Lorrain, lvn de leurs maiſtres de Camp, & pluſieurs autres, tant que les priſons de Dieppe en ſont toutes pleines.

De ceux de S. M. il ſ'y perdit ſix ou ſept Gentilſhommes, entre leſquels le ſieur Comte de Rouſſi eſt ſeul de remarqué & de nom. Il y en euſt dauantage de bleſſez, entre autres les ſieurs de Baqueuille, qui en eſt mort depuis, & de Larchamp, qui en eſt guery. Des gens de pied, il en fut tué quelques vns; & il y en eut beaucoup de bleſſez par la trahiſon deſdiſ Lantquenets, qui emmenerent auſſi priſonniers avec eux, les ſieurs Comte de Rochefort, frere de M. le Duc de Mombazon, & le ſieur de Riua, qui eſtoient demeurez avec eux, comme les tenant pour rendus. Dieu ſit voir en ce combat qu'il eſt le Dieu des batailles, l'auteur des victoires, & l'arbitre abſolu de la fortune des hommes.

Les Hiſtoriciens François ont crû faire vne iniure à la valeur de Henry le Grand, de dire qu'il ſ'eſtoit trouué fort ſurpris & fort eſtonné dans cette occaſion. Mais il eſtoit ſi genereux, qu'il l'a pluſieurs fois confeſſé luy-meſme. Il ſe crut perdu à la veüe d'vne auſſi grande armée qu'eſtoit l'armée ennemie. Il demanda ce qu'il y auoit à faire, & eſcouta la propoſition de paſſer en Angleterre. Mais il la reietta ſièrement, & dit qu'il ne vouloit pas eſtre vn autre Roy de Portugal. Le Mareſchal de Biron le ſeruit admirablement bien en cette occaſion; & luy reſpondit touſiours du ſucces. L'euenement confirma ſes promeſſes, & le ſit entrer bien auant dans le cœur du Roy ſon maiſtre.

Cependant ſi on conſidere les choſes ſans preoccupation, dira-t'on pas que c'eſt vn miracle, que quatre ou cinq cens chevaux, mille ou douze cens hommes de pied François, & la preſence de deux mille cinq cens Suiffeſ, ayent mis en route cette grande & puisſante armée, qu'ils publioient (eux meſmes) eſtre de vingt ou trente mille hommes. A Dieu ſeul ſoit la gloire, & non à ceux qu'il y a employés: car l'eſſet en eſt pardeſſus la force humaine.

Ainſi ſa Maieſté eſtant demeurée maiſtraïſſe de cette tranchée, qui auoit eſté cauſe du combat, eſtoit d'heure à autre, attendant que les ennemis y deuſſent reuenir, pour repaſſer promptement cette honte auparauant qu'elle peût eſtre diuulguée. Toutefois ils laiſſerent paſſer le Vendredy & le Samedi enſuiuant, ſans monſtrer aucun reſſentiment du dommage qu'ils auoient receu. Mais le Roy fut ineſperement aduertty, comme le Dimanche vingt-quatrieſme dudit mois de Septembre, dès la minuit les ennemis eſtoient deſlogez de leurs quartiers avec tel eſſroy & telle diligence, qu'ils laiſſerent vn grand nombre des leurs bleſſez,

de leurs munitions, & de leurs équipages. Ce qui eust d'abord fait croire qu'ils le faisoient plustost à dessein de surprendre les nostres, que de se retirer tout-à-fait. Toutefois la Maiesté sceut le lendemain qu'ils estoient allez faire le tour du Chasteau pour passer le plus loin qu'ils pourroient de son armée, & se venir camper entre Dieppe & Arques. Pour cette occasion ayant sadite Maiesté laissé dans le Chasteau dudit Arques le sieur de la Garde l'un de ses maistres de Camp, avec vne partie de son regiment, vint loger en ladite ville de Dieppe, & fit loger vne partie de son armée dans les faux-bourgs, & le reste dans les plus proches villages. L'ennemy apres avoir fait sept grandes lieues, arriva le Mar-dy vingt sixiesme ensuiuant, quasi vis à vis d'où il estoit party, & ne fit que changer de costé, pour y chercher, comme font les malades, quelque allegement ou quelque meilleure fortune. Il ne fut pas plustost logé en de petits villages, qui auoient auparauant esté tous bruslez, que S. M. fit au dessus du faux-bourg de Dieppe, qui estoit de leur costé à deux harquebulades d'où ils estoient logés, retrancher vne petite croupe, où il logea partie de son infanterie, & y fit méher deux canons. Ce qu'ayant esté reconnu par les ennemis, ils firent le semblable, & se retrancherent à bon elciet en tous les logis qu'ils tenoient, de sorte qu'à voir l'assiete du camp des deux armées, il eust esté mal-aisé de iuger quels estoient les assiegez, ou les assiegeans. Mais à la forme du combat, on eust tousiours reconnu les ligueurs pour estre les assiegez : car de leur part on n'en auoir bruit ny allarme quelconque. Au contraire, il n'estoit iour que ceux de S. M. ne donnassent dans leurs tranchées & dans les barricades de leurs logis, ne prissent des prisonniers, & ne tuassent beaucoup de leurs gens. Ils enuoyerent quelques vns loger au bourg d'Arques, où ils ne furent pas plustost arriuez, que ledit sieur de la Garde fit du Chasteau, en plein iour, vne sortie sur eux, en tua grande quantité, en desarma plus de cent cinquante, & mit le reste en route : de sorte que de routes parts il leur succedoit tres-mal. Ils voulurent le Dimanche commencer pour le moins à faire vn peu de bruit. C'est pourquoy ils mirent sept ou huit de leurs pieces en batterie de bien fort loin, & en tirerent cinq volées seulement. Quelques vnes arriuerent iusques sur les tuilles des premieres maisons d'auprés de la porte, sans qu'ils fissent autre dommage, que d'un seul homme qui fut tué : mais ils ne peurent gueres continuer. Car aussitost il leur fut fait vne autre batterie, qui des premiers coups desmonta l'une de leurs pieces, & ils eurent assez de peine de retirer promptement les autres, qui ne demurerent pas à la batterie trois heures entieres. En reuanche S. M. fit mener à plus de mille pas hors de son fort, deux canons, qui battoient sur le corps de garde de leur caualerie, dont ils receurent grande perte : enfin après auoir demeuré dix iours entiers audit pretendu siege. Et s'y estant portez tout d'une autre forme qu'il ne se fit iamais en aucun au-

tre; car ce fut sans approches, sans allarme ou escarmouche, & sans qu'aucun d'entr'eux, sinon ceux qui y furent amenez prisonniers, peust parler du retranchement où la Maiesté fit loger ses canons; tant s'en faut qu'ils sceussent rien dire de la contrescarpe du fossé, ny de la muraille de ladite ville, de laquelle ils se sont contentez de publier la prise auant que de l'auoir veüe.

Ils se retirerent fort honteusement, l'onzième iour. L'on auoit estimé qu'ils eussent certe patience, & voulussent mesnager leurs hommes pour attendre l'armée qu'amenoient Messieurs le Comte de Soissons, de Longueville, & le Marechal d'Aumont, & essayer de deffaire toutes les forces de la Maiesté en vne seule fois. Mais tant s'en faut que cela les arrestast audit siege, qu'au contraire la nouuelle qu'ils eurent le leudy, qu'elle en estoit à vingt lieues près, fut la seule raison qui les fit le Vendredy matin, desloger si promptement. Et bien que la Maiesté se fust mise en bataille avec huit ou neuf cens cheuaux, à la veüe de route leur Caualerie, qui faisoit retraite, ils eurent tant de haste de gagner pays, que cela leur fit oublier de monstrer aucun deuoir de la venir reconnoistre. Ce que ne fit pas la Maiesté, qui les fit suiure quasi iusques à leur premier logis. Bref si à l'arriuée ils ne firent rien qui vaille, au deslogement ils firent encore pis. Et ceux qui les veulent excuser, se trouuent empeschez par où commencer, ou de plaindre leurs Chefs & Capitaines, d'auoir hazardé leur reputation sous la foy de gens de si peu de valeur; ou les soldats de n'auoir trouué en leurs Capitaines tant de resolution & de bonne conduite, ny à peu près de ce qu'ils en auoient esperé: n'ayant toute cette armée montré courage, sinon d'auoir porté avec force, leur honte & leur perte; sans auoir pour cela desisté de publier leurs souhaits & leurs desseins pour effectz certains. Tantost qu'ils auoient contrainct le Roy de se retirer en Angleret, tantost qu'ils l'auoient entierement deffait, iusques à s'attribuer la victoire du combat du leudy vingt & vnième de Septembre; & au lieu de trois Enseignes que leurs Lansquenets par leur trahison susdite, auoient emportées de la tranchée, en auoir enuoyé, comme l'on dit dix-huit ou vingt à Paris, à qui ils ont fait payer le rafferai plus cher qu'il ne leur auoit coûté, encore qu'ils l'eussent acheté expressement pour le leur enuoyer.

L'Histoire rapporte toutes les suites de ce coup d'estat, & les aduantages merueilleux que le Roy tira d'une si grande & si belle action. C'est pourquoy il n'est pas à propos de les adiouter à ces deux memoires. Je diray seulement que le Duc de Parme, qui à la verité estoit vn grand Capitaine & vn grand homme de teste, mais vn esprit orgueilleux, & remply de la bonne opinion de soy-mesme, auoit accoustumé de dire, qu'il n'auoit trouué que le Roy de Nauarre capable

de le faire refuer. Il eftimoit peu le Princee d'Orange. Il se moquoit du Due d'Albe. Il mefprisoit rous les aduis qui luy venoient du Conseil d'Espagne, & disoit à ses confidens, Si le Roy d'Espagne vouloit tout perdre, il ne feroit pas autrement. Il est bien heureux d'auoir des seruiteurs fidelles. Si quelqu'un vouloit luy enleuer les Pays-bas, il en seroit bien-tost le maistre. J'ay tousiours ereu que ces paroles auoient esté la cause de sa mort, & qu'il auoit eu quelque infidelle confident. Parmy tout cela il disoit à ses amis, que le Nauarrois estoit vn grand obstacle à vn nouveau conquerant : & quelqu'un luy ayant respondu, que le bruit commun estoit que ce Prince n'estoit pas vaillant, *Es soldado*, dit-il fort serieusement, *es soldado*.

Ce Princee qui a receu de la voix publique & du consentement general de presque toutes les Nations, le glorieux surnom de Grand, estoit bien au dessus du iugement particulier du Due de Parme, & de semblables ennemis de sa vertu. Je ne veux pas aussi rapporter les témoignages non suspects, que les premiers hommes de l'Europe ont rendus à sa gloire, & n'en rediray point inutilement toutes les choses dont les hystoires sont pleines. Neantmoins auant que d'arriuer à la fin de sa vie, ie veux donner plusieurs pieces, qui sont du nombre de celles que l'Autheur du Journal des Sçauans appelle fort agreablement Fugitiues. Je les ay mises icy selon l'ordre des temps où elles ont esté écrites.





*DECLARATION DV ROY HENRY IV. DE VOULOIR
conferuer la Religion Catholique, Apostolique & Romaine, sans y rien
innouer, ensemble les habitans de la bonne Ville de Paris.*

NOUS HENRY par la grace de Dieu, Roy de France & de Navarre. Voulant ôster aux Manans & Habitans de nostre ville de Paris, tout doute de nostre intention, en ce qu'ils peuuent desirer de Nous; DECLARONS, que Nous entendons y conferuer la Religion Catholique, Apostolique & Romaine, sans y rien innouer, ny souffrir y estre innové, que par l'aduis d'un Concile legitimement assemblé. Auquel Nous nous conformons aussi, en ce qui concerne nostre creance: & à cet effet Nous auons pris & prenons en nostre protection ladite Religion Catholique, Apostolique & Romaine; ensemble tous les Bourgeois, Manans & Habitans de ladite ville de Paris, tant Ecclesiastiques que autres, leurs personnes & biens pour ce regard: Promettant en oultre, en bonne foy & parole de Roy, que ceux qui aideront à remettre icelle ville en nostre obeïssance, ne seront recherchez des choses passées, & aduenues à l'occasion des presens troubles; & seront preseruez du pillage & de rançons, dont nous ferons expedier toutes autres Declarations, prouisions & lettres, qui pour l'obseruation des choses susdites pourront estre necessaires. Et cependant la presente leur seruira pour tesmoignage de seurété de nostre volonté; l'ayant à cette fin signée de nostre main, & fait cacheter du cachet de nos armes, & fait contresigner par l'un de nos Secretaires d'Etat. A S. Denis le 1. iour d'Aoust 1590. signé HENRY. Et plus bas, REVOL. & cacheté.

*LETTRE DV DVC DE MAYENNE, ENVOYEE
par toute La France.*

MONSIEVR, Les actions & deportemens du Roy de Navarre, auparauant & depuis la mort du feu Roy, ont ouuertement fait connoistre à toutes personnes de sain iugement, qu'il n'a autre but qu'à introduire & establir l'heresie en ce Royaume, & faire vn changement à nostre vraye & ancienne religion. Ce qu'il eût ja executé, sans les empeschemens & resistances qui luy ont esté faites par les Princes, Prelats, Seigneurs, Gentilshommes, Villes & Communautéz de ce Royaume zelez & affectionnez à nostre Sainte Religion, qui se sont

vnis pour la conseruation & deffense d'icelle, & ont volontairement expose leurs vies & moyens sans y rien espargner; avec l'aide & assistance desquels Nous auons iusques à present empesché le progrez de ses pernicieuses entreprises. Et comme Nous auons esté aduertie, que ledit Roy de Nauarre, continuant les mesmes intentions, s'efforce de faire vn amas de gens de cheual & de pied, tant estrangers qu'autres, pour tenter bien tost vn dernier effort allencontre de tous les Catholiques, & paruenir, s'il luy estoit possible, à l'establissement de l'heresie, & destruction de nostre sainte Religion, & ruine de tous les Catholiques & gens de bien. A quoy Nous sommes pour nostre regard tres-resolus de Nous opposer, & ne rien obmettre de ce qui sera de nostre deuoir, pour nous acquiter dignement de la charge qui nous a esté commise & defferée, pendant l'absence de Monseigneur le Cardinal de Bourbon, Nostre Roy legitime & naturel, detenu en miserable prison & en captiuité par le Roy de Nauarre son propre Nepueu, suiet & seruiteur, & par les heretiques: Nous estimons ne pouuoir plus glorieusement employer la vie que Nous tenons de Dieu, ny acquerir plus de loüanges & recommandations vers la posterité, qu'en conseruant nostre sainte Religion, & recherchant tous moyens a Nous possibles, pour remettre nostre bon Roy en liberté, y estant obligé par la fidelité & le bon seruice que luy deuons. Ce que nous esperons semblablement que tous leuids Princes, Prelats, Officiers de la Couronne, Gentilshommes & autres Catholiques de ce Royaume s'efforceront de faire, & que volontairement ils se disposeront de nous assister & secourir, pour ne manquer au deuoir dont ils sont reenus comme Nous, enuers Dieu, & nostre Souuerain Prince; sans qu'il nous soit autrement besoin les requierir & coniuier de ce faire. Toutefois desirant oster toute excuse ausdits Catholiques de ne s'estre trouuez à si saints effets, faute d'en auoir esté aduertis en temps & saison conuenable; & afin de plus asseurer les forces qu'auons assemblées de diuers endroits, l'assistance du Ban & Arriereban de ce Royaume, qui a tousiours esté estimé l'vne des principales & seures forces d'iceluy, pour estre composé de toute la Noblesse, en laquelle gist la grandeur & seureté, & conseruation de nostre Roy, pour le secourir & deliurer: ne pouuant estre iamais conuocquée ny assemblée pour vne occasion plus importante au bien & salut de ce Royaume, & auquel ceux qui y sont suiets, soient plus tenus & obligez d'assister, sans y apporter aucune excuse oudemeure, s'ils ne veulent estre declarez indignes d'estre cy-apres tenus & reputés pour Catholiques & vrais François. Nous à ces causes vous prions; & par le pouuoir à Nous donné, mandons, que inecontinant & sans delay vous ayez à faire publier à son de trompe & ery public; par tous les lieux & endroits de vostre ressort & iurisdiction, que toutes personnes suiets audit ban & arriereban ayent à se trouuer & comparoir à tel iour qu'il leur sera par vous limité & prefix, au lieu où l'assemblée du ban

& ar-

& arriereban a accoustumé d'estre en vostre iurisdiction , pour là en estre fair la monstre selon & ensuiuant la forme qui a esté eydeuant accoustumée d'estre gardée & obseruée : & incontinent après ladite monstre, faites les marcher tous le plus diligemment que faire se pourra, droit là part où nous serons avec nostre armée : de sorte qu'ils ne failleront de s'y rendre dans le quinziesme iour de Ianuier prochainement venant, pour apres estre par nous employez ainsi, & sous la charge de celuy qui sera par nous ordonné ; en contraignant à ce faire & souffrir, tous ceux qu'il appartiendra, & qui pour celeront à contraindre, par toutes voyes & manieres deuës & accoustumées de faire en tel cas. Semblablement ferez sçauoir à tous Seigneurs & Gentilshommes, qui ont commission de Nous pour leuer & mettre sus les compagnies d'hommes d'armes, ou cheuaux legers, qu'ils ayent à se rendre près de Nous dans le quinziesme iour de Ianuier prochain, avec leursdites compagnies & les autres qui n'ont point de charge, avec autant de leurs amis qu'ils pourront promptement assembler ; pour estans tous ioints & vnus ensemble, nous opposer vertueusement à l'effort desdits heretiques, & avec l'aide de Dieu donner à l'aduenir seurété à nostre sainte Religion, & entiere liberté à nostre Roy, & la paix tant desirée à cet Estat. Nous prions, exhortons & coniurons, tant qu'il nous est possible, tous les Princes, Prelats & Officiers de la Couronne, Seigneurs, gentilshommes, manans & habitans des villes, & autres qui sont de l'vnion des Catholiques, & qui s'y voudront ioindre, de laisser & abandonner lesdits heretiques, & vouloir promptement faire executer, & satisfaire au contenu de ces presentes ; a ce que par leur deffaut ou demeure, il ne puisse arriuer aucun inconuenient. De ce faire Vous auons donné & donnons plein pouuoir, autorité, commission & mandement special. Prions, & par vertu du pouuoir à Nous donné, Mandons à tous Iusticiers, Officiers & suiers du Roy nostre souuerain Seigneur, que à nous ce faisant soit obey. Escrit à Paris ce huitiesme iour de Decembre mil cinq cens quatre-vingt neuf. Et plus bas, est escrit. Vostre plus affectionné & parfait amy, CHARLES de LORRAINE.

ASSEMBLEE DE CEUX DE LA LIGVE EN LA SALLE DE
S. Louis du Palais.

Ce iour en l'assemblée generale tenuë en la salle S. Louis, apres plusieurs seances & deliberations, M. les Cardinal de Gondy, Euesque de Paris, & M. l'Archeuesque de Lyon Primat des Gaules, ont esté requis & chargez de se transporter vers le Roy de Nauarre : & apres luy auoir remontré le miserable estat de ce Royaume, le supplier de se vouloir disposer à quelques bons moyens pour le remettre

en quelque repos, avec l'honneur de Dieu, la seureté de la Religion Catholique, Apostolique & Romaine. Et de mesme ont esté les sùldits chargez & requis de passer vers M. le Duc de Mayenne, pour le prier aussi de rechercher toutes voyes honnestes, pour faire que cét Estat puisse auoir vne bonne tranquillité, avec la conseruation de ladite Religion & seureté des Catholiques. Fait en ladite assemblée, le deuxiesme iour d'Aoust 1590.

Le Roy ayant ouï Mess. les Cardinal de Gondy & Archeuesque de Lion, & leu le pouuoir qu'ils auoient de la part de ceux de la ville de Paris, leur a respondu cequi s'ensuit.

Qu'encores que le pouuoir fust fort deffectueux, tant aux regard de sa dignité que de leur deuoir, il ne vouloit neantmoins s'arrester sur les formalitez, quand il estoit question du repos de son peuple. Qu'il estoit prest de les recevoir en sa bonne grace, & leur departir sa clemence, mais qu'il en vouloit auoir le gre; & pour ce n'entendoit point que ce fust par l'entremise & interuccion d'un tiers, qui n'y pourroit apporter tant d'affection & de consideration queluy, pour la conseruation de ceux que Dieu a soumis à son obeissance.

Et parce que lesdits sieurs Deputez luy demandoient permission d'aller vers le Duc de Mayenne, pour l'exhorter à rechercher les moyens d'une paix generale, S. M. scachant bien qu'on repaist ses pauures suiets d'un vain espoir d'estre secourus par ledit sieur Duc de Mayenne, pendant laquelle attente, il en mourroit un grand nombre, dont auroient, comme il leur a dit, à respondre deuant Dieu, ceux qui les font vainement opiniastrer contre toute apparence.

A proposé ausdits sieurs Deputez, que son intention est que la ville de Paris traite particulièrement avec sa Maiesté pour ce qui est de sa conseruation & de sa deliurance.

Que les articles qui en seront accordez, auront lieu; si ce n'est que dans huit iours, à compter d'aujourd'huy, qu'ils ont commencé à parler, ils soient secourus dudit Duc par vne bataille qui luy fasse leuer le siege. Au cas aussi qu'ils ne tirent secours, comme dit est, qu'ils luy remettent leur ville en ses mains; & de ce faire bailleront à sa Maiesté bons & suffisans ostages.

Et nonobstant deslors que les articles seront accordez, sa Maiesté donnera permission ausdits sieurs Deputez d'aller vers iceluy sieur Duc de Mayenne, soit pour solliciter & aduancer leur secours, s'ils veulent, soit pour acheminer les moyens d'une paix generale, qu'il desire plus que toutes autres choses, comme aussi il y a plus d'interest. Fait à S. Antoine, le Lundy 6. iour d'Aoust 1590. Signé HENRY. & plus bas, RVZE.

REQUESTE PRESENTÉE PAR LE CLERGE' DE PARIS,
à M. le Duc de Mayenne : & la réponse à icelle, avec la forme de iurer l'vñion receüe, ce 14. Novembre 1590.

A MONSIEIGNEVR LE DVC DE MAYENNE,
Lieutenant general de l'Estat Royal & Couronne de France.

LE Clergé, Vniuersité, corps & communauté de cette ville de Paris vous remontrent tres-humblement, comme la susdite vñion és villes Catholiques de ce Royaume a esté premierement establie & solemnisée par la prestation du serment & profession publique de chacun Bourgeois, tant Ecclesiastique que seculier, contenant l'approbation & promesse iurée d'observer tous articles & conditions nécessaires proposées pour la manutention de ladite Religion, & de l'Estat de ce Royanme tres-Chrestien dependane d'icelle. En suite de quoy aduenant depuis vne mutation de Magistrats, & Officiers ou Beneficiers, il est tres-expedient que les nouveaux pourueus prestent le mesme serment, ensemble leurs Autheurs, ausquels la prouision desdits Beneficiers pourront appartenir; afin d'obuier que les bons Catholiques ne tombent au danger & precipice de clandestines factions contraires desdits nouveaux Officiers ou Beneficiers, qui n'auront fait & presté ledit serment, ou desquels les collateurs & bienfaiteurs, à la deuotion desquels ils demeurent tousiours, n'auroient iuré & approuué ladite sainte vñion, ou qui auroient adheré au party contraire, en quelque sorte & maniere que ce soit: ioint l'importance perilleuse desdits nouveaux Officiers ou Beneficiers suspects, lesquels tenans les premiers lieux entre le populaire d'une ville, auroient plus de creance de pouuoir, ou de subtilité en quelque secrette entreprise, preiudiciable à ladite vñion & estat public d'icelle. POVR ces Considerations, Monseigneur, plaíse à vostre excellence comme chef de ladite vñion, ordonner & decerner par vos parentes, pour seruir de loy, qu'aucuns Officiers ou Beneficiers nouvellement pouruüs, ou à pouruoir en cette ville de Paris, & autres vñies, ne pourront estre receus à l'exercice & administration de leurs Offices & Benefices, que au prealable eux, & leurs collateurs & prouiseurs, & chacun d'eux n'ayent fait & presté le serment solennel, & fait profession authentique, de viure & se comporter fidelement en ladite vñion, & selon les articles & conditions d'icelle, en la forme ordinaire & accoustumée de leurs bons autres Citoyens; & qu'à cette fin defences & inhibitions seront faites à toutes Cours & sieges de iurisdicions, Chapitres & Colleges Ecclesiastiques & Congregations, tant des vniuersitez qu'autres approuuées, de recevoir aucuns Officiers ou Beneficiers nouvellement pourueus ou à pouruoir, en l'exercice, pos.

II. PART.

LLII ij

session & administration d'aucune magistrature, Office ou Benefice, ou autre charge, sinon que prealablement luy, ses Autheurs, Collateurs ou Bienfaiteurs, ayent respectivement fait ledit serment & profession actuelle, de garder & entretenir tous & chacuns les points, les regles & police de ladite sainte vnion, comme tous les autres Citoyens qui ont iuré & souscrit à icelle; & que au parlus, que ceux qui auroient adheré aucunement, fauorisé ou aidé au party contraire, ou qui ne resideront en aucune des villes vnies, ne pourront se preualoir de leur autorité & exercice de leurs dignitez, tant seculiere qu'Ecclesiastique, & que ceux qui auront droit & cause d'eux, ne s'en pourront aider, ne s'immiscer & entremettre en l'exercice de leurs Charges, Offices ou Benefices à eux conferez par rels superieurs & collateurs. Quoy faisant prieront Dieu les supplians pour la prosperité de vostre excellence, & continuation du bonheur de vostre sainte milice, entreprise pour ladite vnion.

La Requeste accordée: Et en ce faisant, qu'aucun esgard ne sera fait aux collations des benefices, & prouisions des offices faites par Collateurs & Prouiseurs, sinon que lesdits Collateurs & Prouiseurs n'ayent fait ledit serment de l'Vnion, en la forme accordée au Conseil le 17. iour du present mois: Et à cette fin seront faites desffenses à tous Chapitres, corps & communautéz, Cours souueraines, & autres subalternes, d'y auoir aucun esgard. Fair au Conseil d'estat, y presidant mondit Seigneur, à Paris le 18. iour d'Octobre 1590. Signé CHARLES DE LORRAINE, & plus bas, BAYDOVIN.

NOVS Iurons & promettons à Dieu, sa glorieuse Mere, Anges, Saints & Saintes de Paradis, de viure & de mourir en la Religion Catholique, Apostolique & Romaine: employer nos biens & moyens pour la conseruation d'icelle; & ne souffrir & endurer aueune domination d'un Heretique: ains nous employer de tous nos moyens à l'extirpation des heresies, ruine & extirpation des Heretiques, sans y tien espargner, iusques à la derniere goutte de nostre sang. Iurons aussi d'entendre de tout nostre pouuoir, à la garde & conseruation de cette ville de Paris, establisement d'un repos asseuré en icelle, & des villes & communautéz vnies, à la descharge & soulagement du pauvre peuple. Iurons aussi & promettons d'obeir à Monseigneur le Duc de Mayenne, Lieutenant General de l'Estat Royal & Couronne de France; le desfendre & conseruer enuers & contre tous, ensemble tous les autres Princes, Prelats, Seigneurs & Gentilshommes habitans de cette ville, & autres qui sont vnis, & s'vniront cy-apres pour la desfense de la Religion Catholique, Apostolique & Romaine; reconnoistre & honorer les Magistrats, & leur rendre obeissance: Et si nous scauons chose qui soit contraire à l'honneur de Dieu & de son Eglise, de mondit sieur, des Magistrats, du repos & tranquillité publique, de les en aduertir, sans y

vser d'aucune conuience ou dissimulation, pour quelque respect que ce soit : et generallyment promettons ne nous abandonner iamais les vns les autres, & n'entendre à aucun traité, sinon d'un commun consentement de tous lesdits Princes, Prelats, villes & communauze vnis sous l'autorité de mondit Seigneur le Duc de Mayenne.

MEMOIRE ENVOYÉ AV ROY PAR QVELQVE BON

François, des choses à faire par S. M. pour preuenir ce que venoit faite contre luy le Cardinal Caëtan, enuoyé legat à Latere en France par le Pape Sixté.

Cotté de la main de M. de Sillery, lors Ambassadeur en Suisse.

SUr l'aduis que nous auons, que le Pape enuoye vn Nonce, ou vn Legat en France, tant pour s'efforcer de distraire d'avec sa Maïesté les Catholiques qui luy sont ioints, que pour sommer sadite Maïesté de se ranger à l'Eglise Catholique Romaine; & au deffaut de ce, faire proceder à l'eslection d'un autre Roy, par les villes & communauze de la Ligue, & absoudre du serment de fidelité les suiets de la Couronne, avec excommunication & interdit, dont les Papes ont accoustumé d'vser en tel cas. Lequel a pouuoir du Pape de faire leuée d'argent, tant par croisade, que par vente & alienation des biens Ecclesiastiques, & generallyment de faire tout ce qu'il poura pour l'aduancement de la Ligue, & la ruine du party de la Maïesté. Surquoy les seruiteurs de sa Maïesté, qui sont par deça, n'ont voulu faillir de luy en donner aduis, avec ce qu'il leur semble là-dessus pour preuenir les inconueniens qui pourroient reüssir dans telle negotiation, s'il n'y estoit pourueu.

Il semble que sa Maïesté doit aduertir de ce que-dessus, tant Messieurs les Princes de son sang, qu'autres seigneurs & Gentilshommes qui sont aupres d'elle, pour les premunir & confirmer contre la susdite negotiation du Pape; leur representant que sous ceste couleur, le Pape veut disposer de la France, & y establir l'inquisition. Chose du tout contraire à la liberté des François, & nommement à la Noblesse. Et estant tout notoire, que le Pape, & tout le Siege Romain, sont à la deuotion du Roy d'Espagne: c'est vn moyen que le Pape veut tenir pour assuiettir les François aux Espagnols.

Il seroit expedient que sa Maïesté fit interdire de bonne heure audit Nonce ou Legat, & à tous les estrangers de sa suite, l'entrée en France, comme estant suffisamment aduertie qu'il n'y vient que pour broüiller, & faire de plus en plus souleuer ses suiets contre elle: renuerfant tous droits diuins & humains, mesme les loix fondamentales du royaume.

Et neantmoins S. M. pourroit faire vne Declaration par impression

publique, pour remedier aux maux & alterations que cette venue dudit Nonce ou Legat pourroit apporter à plusieurs esprits des François Catholiques: laquelle Declaration contiendrait ce qui s'ensuit.

Premierement, Que le Pape craignant le Concile Libre, auquel S. M. se feroit par cy-deuant soumise, & pour le prevenir, a enuoyé ledit Nonce ou Legat, pour empêcher ledit Concile, duquel il craint la touche; estant assez notoire qu'entre tous les autres, le Pape & sa Court ont besoin de reformation, si on veut voir l'Eglise Chrestienne en paix & repos. Voulant ledit Pape rompre ce qui est tenu pour resolu en l'Eglise Gallicane, & fondé sur les anciens Conciles, & mesmes de Constance & de Basse: à sçauoir, Que le Concile est par dessus le Pape. Item, que le Pape ne doit rien entreprendre sur l'Estat & Couronne de France, ainsi qu'il est amplement contenu és Canons & Decrets.

Alleguera sadite Maiesté, Que le Pape est sa partie, l'ayant excommunié contre tout droit & toutes formalitez accoustumées, mesmes en l'Eglise Romaine pour ce regard. Outre le tort que les Papes predecesseurs de celuy cy ont fait aux Rois de Nauarre, les ayans faits spolier de leur Royaume de Nauarre: qui sont plaintes tres-importantes que S. M. a à faire contre le Pape en plein Concile, avec infinies autres à deduire en temps & lieu.

Dira aussi sadite Majesté, qu'entre les autres points & articles sur lesquels elle veut estre resolué par vn libre Concile; cetruy-cy est l'un des principaux, Que le Pape ne doit rien vsurper sur les Royaumes & Estats de la Chrestienté: ains, s'il est trouué qu'il soit legitime Euesque de Rome, qu'il se doit contenir dans les bornes de la spiritualité, sans atterrer sur les Iurisdicions ciuiles & temporelles; & moins encore sur les Empires & Royaumes. Partant, qu'il fait vn manifeste attentat & preiuge, se voulant meller de la disposition de la Couronne de France.

Dauantage, qu'on sçait assez les notables & tres-importans differens qui peuuent estre entre S. Maiesté & le Roy d'Espagne, duquel le Pape est Partisan, au veu & sceu de tous.

Finalement, que le Pape s'est assez déclaré ennemy de la Couronne de France, fauorisant le Duc de Sauoye, de conseil, moyens, forces, argent, pour vsurper le Marquisat de Saluces.

Partant, S. M. protestera contre ledit Nonce ou Legat, de nullité de tous ses exploits, comme de manifestes attentats, pour les faire reparer par l'autorité d'un libre Concile; auquel, tant ledit Nonce ou Legat, que le Pape son Maistre auront à respondre de leurs actions: Faisant sadite Maiesté inhibition & defences à tous ses sujets, de prester audit Nonce ou Legat aucun ayde ou faueur, iusques à ce que lesdits troubles qui sont à present en ce Royaume, soient pacifiez. Et lors le Pape voulant enuoyer quelques-uns de sa part vers S. M. elle les oyra

volontiers, & leur fera response, par l'aduis des Estats de France vnīs & reconciliez, comme sa Maiesté espere que Dieu luy fera la grace de les voir bientost.

Et parce que ledit Nonce ou Legat, & autres adherans à la Ligue (suiuant leurs artifices accoustumez) feront courir des bruits en Allemagne, pour desgoûter les Princes qui sont tres-affectionnez à sa Maiesté, & par ce moyen retarder les forces qui sont prestes pour son secours: il semble qu'il seroit expedient que sadite Maiesté fit vne bonne despesche ausdits sieurs Princes, pour les aduertir de sa bonne & ferme resolution: mesmes pour prier lesdits sieurs Princes de s'adjoindre à elle, & demander & procurer ledit Concile general & libre.

Le tout sous le meilleur aduis du Conseil de sa Maiesté.

LETTRE DV ROY HENRY IV. AV MARESCHAL
DE BIRON LE PERE.

MON COVSIN, le vous ay escrit par mes dernieres Lettres, mon acheminement en cette ville, où estant arriué Vendtedy au loir bien tard, ie fus hier aducerty, sur les vnze heures ou midy, que le Duc de Mayenne enuoyoit à Noyon, Montdidier & Roye, vn regiment de Lanquenets nouuellement venus des Pays-bas; que le Gouverneur de Coussi ne les auoit pas voulu receuoir, & qu'ils estoient en vne extreme peur que ie ne les chargeasse par les chemins. Ie montay aussitost à cheual avec 200. cheuaux tant de ceux que i'auois amenez avec moy, que de ceux de ce pays, estant vostre fils encore derriere enuiron de 3. lieues avec le reste des troupes, & pris mon chemin droit à la porte de la Fere, où ledit regiment se deuoit retirer. Mais il y eût de mes seruiteurs plus diligens que moy, qui me teleuerent de cette peine de les combattre; & m'ont laissé le contentement de la victoire, & à eux l'honneur de l'auoir excurée. Car vn Sergent de la Garnison de S. Gobin avec cinquante Arquebuziers, & enuiron 80. paisans en esperance de faire quelque butin sur la queue, les trouua dans les bois, leur fit vne salue d'harquebuzades, & criant Viue le Roy, par la volonté de Dieu les estonna si fort, que cette petite troupe les mit en foudres & de 600. hommes qu'ils estoient, sous 9. enseignes, comme le sieur de la Bastide mon Maistre d'Hostel, qui a marché vne journée avec eux, me l'a dit; il ne s'en est sauué que deux drappeaux & enuiron 60. hommes dans la Fere. Ce qui a desia esté reconnu des morts, est le Colonel, quasi tous les Capitaines, & enuiron de 200. soldats, cent prisonniers & le reste escarté sans armes, pour les auoir iettées, afin de mieux fuir à vau de-route parmy les bois, où plus de 500. paysans les courent, & leur feront le traitement que vous pouuez penser. Voila comme les ceures de Dieu sont admirables. Il s'est retiré au pays.

bas bien 500. hommes de pied, & 200. chevaux, & ont passé en tre Ver-
vins & la Capelle, dont j'ay receu l'aduertissement. Je ne sçauois ne vous
dire point encore vne fois, combien ma presence estoit necessaire de
pardeçà. Car cela se doit dire & non pas escrire. Ceux qui estoient dans
Manican, & qui tenoient cette ville fort serrée, ayant sceu ma venuë
pardeçà, la quitterent dès le soir auparavant, & ceux de Genlis sont
inuestis. Sitost que ie l'auray pris, qui sera dans peu de iours, si Dieu
plaist, & que i'auray pourueu à cette place, ie m'en iray vous trouuer.
Cependant ie vous prie de me mander de vos nouuelles. Adieu mon
Cousin, Nostre Seigneur vous ait en sa sainte garde. Escrit à Chaulny
le vi. May 1591. HENRY. RVZE'.

*INSTRVCTION DE CE QVE DOIVENT FAIRE LES
Deputez de la ville de Paris, aux Estats qui se tiendront a Rheims,
& dont l'on pourra tirer quelques articles pour inserer en leur procura-
tion auparavant la clause Cum libera, leuz publiquement en l'Hosfel
de cette ville, le 8. Iuin 1591.*

Premierement, sera Monsieur du Maine supplié par les Deputez;
de leur faire entendre, soit en particulier, soit en general, les
affaires du Royaume; afin d'aduiser entre eux de remedes conuenables
au mal qui menace cét Estat

Et sur chacun point qu'il aura touché, & qu'ils verront important;
le supplieront de leur dire ce qu'il estimera propre pour y remedier.

Et pource que cet Estat ne peut estre sans Chef, & qu'il est besoin
d'auoir vn Roy, le supplieront de leur declarer son intention sur ce
suiet.

Le supplieront aussi de leur faire entendre s'il scait la volonté du S.
Pere & du Roy d'Espagne, & quels auantages ils entendent faire à ce-
luy qui sera esleu selon son intention; pour le tout considéré, & apres
auoir reconnu la Religion, les mœurs, les alliances, l'autorité & la
puissance du Prince qu'ils auront à gré, faire choix & eslection de ce-
luy qu'ils estimeront estre le plus vtile au bien de cét Estat.

Et au cas qu'il s'en trouue vn agreable aux trois ordres, le faire
incontinent sacrer, pour estre conduit à Paris, y prendre sa Couron-
ne, & tenir son lit de Iustice, à la façon de ses predecesseurs.

Sera pourueu au Roy nouuellement esleu d'un bon Conseil, & prin-
cipalement d'Euesques sages & craignans Dieu, & qui n'ayent aban-
donné sa cause; ensemble d'un bon nombre de seigneurs & gentils-
hommes vieux & experimentez, & tirez, s'il est possible, des Prouin-
ces de l'Vnion; afin de rapporter les plaintes de toutes les parties du
Royaume, & donner aduis sur l'occurrence des affaires.

Que si l'on trouue bon, comme il est tres-necessaire, que l'on fasse
des

des loix fondamentales de l'Estat, pour obuier aux maux que nous sentons; & en garantir la posterité, les feront iurer au Roy nouvellement esleu, avec les articles que les Rois ont accoustumé de iurer en leur sacre.

Lesquelles loix il iurera maintenir & entretenir de tout son pouuoir, & à quoy il s'obligera, tant pour luy que ses successeurs, avec clause, qu'en cas de contravention, ses suiets seront dispensés du serment de fidelité.

Et afin que telles loix soient perpetuelles, & chaque iour représentées aux yeux d'un chacun; seront icelles inscrites en airain, & apposées es Pallais des villes où il y a Parlement; aux Prouinces esquelles n'y a Parlement, elles seront mises en la premiere maistrasse place de la premiere ville de la Prouince.

La premiere loy fondamentale sera celle qui fut accordée par les trois ordres aux derniers Estats de Blois, Que nul heretique ne pourra iamais paruenir à la Couronne de France, & il sera aduisé ausdits Estats, s'il y faut mettre fauteurs d'heretiques.

Et d'autant que tous heretiques se disent Catholiques; sera aduisé s'il sera bon de specifier ce que c'est qu'heretique, & fauteur d'heretique. Mais pour couper à present toute contention, il faudra declarer nommement le Roy de Navarre, exclus de la Couronne.

Sera aussi aduisé, si pour ne rencheoir point aux maux où le defunt Roy nous a plongez, il ne sera pas bon d'ordonner pour loy fondamentale, Que si vn Roy Catholique, apres son sacre, tombe en heresie, ou que d'argent, d'armes, de conseils, d'alliances, ou autrement il fauorise les heretiques, ou prenne les villes heretiques en sa protection; en ce cas ses suiets seront absous du serment de fidelité: apres toutefois que les Estats l'aient ainsi resolu.

Lesquels se tiendront, sçauoir les generaux de six en six ans, ou tel autre temps qu'il leur sera ordonné en la ville qu'il plaira au Prince de les assembler; & à faute de les assembler, s'assembleront en la ville Capitale. Les Prouinciaux, de trois ans en trois ans, en la principale ville de la Prouince: si ce n'est que pour la necessité des affaires, il soit besoin d'une conuocation extraordinaire. Et sans lesquels Estats ne se pourra conclure par le Roy, de faire la guerre ou la paix, ou mettre tailles, subsides & impositions sur le peuple.

Et pource que le plus grand mal des Estats est l'heresie, & qu'à faute de l'auoir viuement poursuiue, elle nous a reduits au danger où nous sommes à present; & d'ailleurs que c'est aux Rois de France, comme premiers nez de l'Eglise, de s'opposer à elle, & la combattre en quelque part qu'elle se presente; sera aussi aduisé de faire passer pour loy fondamentale, Qu'outre le serment que font les Rois, de maintenir l'Eglise Catholique, Apostolique & Romaine; ils iureront nommement d'employer toutes leurs forces à chasser l'heresie de ce Royau.

me, soit par les armes, ou par les voyes de iustice, sans auoir esgard à parenté ny alliance; non pas mesme à leurs propres enfans; selon que le declara le Roy François premier, en vne assemblée notable faite à Paris: & à faute de ce faire, & si les Estats le trouuent bon, que les suiets seront absous du serment de fidelité.

Sera adiousté, que tous Princes, Seigneurs, Gentilshommes, & toutes personnes, de quelque estat, qualité ou condition qu'elles soient, qui seront attaints & conuaincus d'heresie, seront declarez eux & leurs enfans, iusqu'à la troisieme generation, indignes & incapables de tenir estats & Benefices en France; & que s'ils peuuent estre apprehendez, ils seront bruslez tous vifs, sans que la peine puisse estre moderée, & leurs biens acquis & confisquez au Roy. Et quant aux absens, que leur procez sera fait par default & contumace.

Et quant aux Princes estrangers, pour les destourner par la perte de leurs amis, de favoriser l'heresie en leur Pays; le Roy nouvellement esleu iurera de n'auoir amitié, alliance ny confederation, avec aucun Prince heretique, ou fauteur d'heretiques, & ne prendre en sa protection aucune ville heretique; & que sitost qu'ils seront declarez tels par le S. Pere ou notoirement reconnu par les Estats; il renoncera à toute amitié, alliance & confederation avec eux: si ce n'est que pour cause necessaire, il soit surfis, par l'aduis & ordonnance desdits Estats.

Et d'autant que l'heresie est vn feu violent qui s'espend de Royaume en Royaume, & qu'il le faut esteindre en sa source; iurera le Roy nouvellement esleu, & le iureront ses successeurs, que s'il y a vn Prince en l'Europe qui soit heretique, & tel reconnu, ils luy declareront la guerre à feu & à sang: au cas toutefois que les Estats le trouuent à propos: & solliciteront tous Princes Catholiques de se joindre avec eux, & faire vne croisade avec les François pour garder que cette vermine ne se niche en la Chrestienté.

Auquel cas seront leuées decimes sur les Ecclesiastiques, & subside sur le peuple, si les Estats le trouuent bon. Et seront tous Princes, Seigneurs & Gentilshommes de ce Royaume tenus en telle guerre, de seruir le Roy pour six mois à leurs propres cousts & dépens, outre tel autre temps qu'il sera ordonné, si ce n'est qu'il y ait iuste cause qui les en empesche; & à cette condition jouiront de leurs priuileges de Noblesse, & non autrement: & leur seront baillez les gouuernemens des Prouinces, & autres offices & dignitez du Royaume.

Et pource que le serment de l'vniõ des Catholiques n'a esté non moins vtile que l'vniõ, sera le serment de l'vniõ iuré par le Roy nouvellement esleu; & pour le iurer de nouveau par les suiets, sera enuoyé en toutes les Prouinces, & principalement aux Parlemens, avec grandes peines contre ceux qui oseront cy-prés y contreuenir.

Sera pareillement aduisé ausdits Estats, & proposé par les Deputtez de Paris, de supplier nostre S. Pere, & le consistoire; ensemble le

Roy d'Espagne, & les Estats d'Espagne, de se vouloir obliger de secourir d'hommes & d'argent les Estats de France, & le Roy nouvellement esleu ; afin d'auoir moyen de chasser l'heresie de ce Royaume, & garantir l'Italie & l'Espagne, voire toute l'Europe de la ruine prochaine de la Religion Catholique ; s'il aduenoit que la France ployast sous la domination des heretiques.

Et cependant, afin de nous aider des moyens que nous auons, sera ordonné de faire vn fonds de deniers pour faire & soustenir la guerre ; & sera aduisé ce que chacune ville de l'vnion deura contribuer outre les tailles & autres deniers destinez en telle affaire.

Comme aussi sera aduisé, qu'en toutes les parties qui maintiennent l'estat, & principalement es finances, il y aye quelque ordre : d'autant que nos confusions ont fait iusqu'à present prosperer les affaires de l'ennemy.

Particulierement sera pourueu, que les deniers qui souloient estre apportez à Paris deuant les troubles, soient mis es receptes, esquelles ils sont destinez ; afin de couper la racine à la conuioitise de plusieurs, qui n'ont en recommandation que leur profit particulier : & quant à la restitution du passé, y sera pourueu par les Estats.

Sera aussi pourueu, à ce que les rentes de la ville puissent estre payées ; & que Paris, sur lequel est tombé tout le faix de la guerre presente, puisse estre soulagé :

Et pource que la Noblesse du party contraire n'a senty aucune incommodité depuis les troubles, & que les vns font pour les autres, au grand desauantage de la cause de Dieu, & au detrimement des villes & du peuple ; il sera bon d'ordonner ausdits Estats, que les Chasteaux de tous ceux qui sont & qui font la guerre contre l'vnion, seront razez & mis à fleur de terre.

Sera le Concile de Trente publié par tout le Royaume, en ce qui concerne la doctrine : & grandes peines indictes à tous ceux qui osent y contreuenir. Et quant aux oppositions formées par les Chapitres & autres communautez, à cause de leurs priuileges & exemptions, en sera rescrié à nostre S. Pere par le Roy nouvellement esleu ; afin de les vuidier, s'il est possible, & y apporter vn bon reglement.

*ASSEMBLEE SECRETE DE PLUSIEURS BOURGEOIS
factieux de la ville de Paris.*

LE Samedy deuxiesme Nouembre 1591. apresdisner, quelques bourgeois s'assemblerent en la maison du sieur Boursier, rue de la vieille monnoye, suiuant ce qui auoit esté aduisé le mercredi precedent. Le sieur de Launoy y presidoit, qui proposa, qu'il estoit besoin d'obuiuer aux abus & impôts que l'on vouloit faire sur le peuple, qui su-

rent particulièrement spécifiés ; & qu'à cette fin il falloit deputer vers Messieurs de la Ville.

Le sieur Cromé premier opinant dit , qu'il ne falloit point s'arrestér à choses si legeres (vlsnt de ces mots, que l'on dispueroit de *lana caprina*) mais qu'il se presentoit des choses de plus grande importance, auxquelles il estoit besoin de remedier, sçavoir à l'injustice qui avoit esté faite au procez de Brigard, laquelle estoit telle, que iamais plus grande ne fût faite. Que Mess. de la Cour l'avoient abloüs en haine de la compagnie, tant pour luy faire despit, que pour esuiter l'importuniré qu'on leur en faisoit : & plusieurs autres propos, longs à discourir sur ce fait.

Cette affaire estant mise en deliberation, il fut dit qu'à cause du petit nombre qu'il y avoit alors, il estoit bon de remettre la resolution de ladite affaire au mardy suivant s. dudit mois, & qu'on aduertiroit la compagnie de s'y trouver.

Le Curé de saint Jacques, qui estoit present, voyant qu'on ne vouloit rien resoudre de cetter affaire, vsa de ces mors : Messieurs, c'est assez connuë. Il ne faut pas esperer iamais avoir raison de la Cour de Parlement en iustice. C'est trop endurer. Il faut iouer des cousteaux. Auxquelles paroles les deux tiers de la compagnie se teurent ; & lors vn bourgeois nommé Gourlin, se leua de sa place, & alla parler à l'oreille audit Curé de saint Jacques : ce qu'aucuns trouuerent mauvais. Ledit Gourlin se retira en sa place ; & lors ledit Curé se leua de sa place, & dit : Messieurs, ie suis aduertý qu'il y a des traitres en cette compagnie. Il faut les chasser & les ietter en la riuere ; dont toute la compagnie se trouua fort scandalisée, & se départir ayant remis ladite deliberation au Mardy suivant.

Le Mardy troisieme dudit mois, l'assemblée fut faite au logis du sieur de la Bruyere pere ; & se trouua grande compagnie. Le sieur de Launay y presidoit. S'y trouuerent entre autres les sieurs Acarie, Sanguin, Rauslant, Cromé, Ameline & cinq autres pour le moins. Ledit sieur de Launay proposa, que suivant ce qui avoit esté resolu en la derniere assemblée, il falloit aduiser pour le fait de Brigard : mais qu'auparavant il estoit besoin de donner ordre & deliberer sur deux points necessaires. Le premier, d'eslire dix bourgeois de la compagnie, bien asseurez & bien affidez, pour le conseil secer, desquels l'on aduoueroit les actions & les desportemens ; apres tourefois les auoir communiquer à la compagnie si besoin estoit. L'autre point estoit de reiterer le serment de l'union plus estroit que iamais, attendu la necessité des affaires & le nombre effrené des traitres qui estoient en la ville, desquels l'on faisoit si peu de cas de faire iustice, tefmoin le Gouverneur de la ville, auquel on deuoit avoir toute fiance, & lequel neanmoins à la derniere sortie, qui fut vers saint Denis, en la presenee de tous les estrangers, embrassa le sieur de Grillon en pleine compagnie, reconnût toute fois pour ennemy capital de cette ville. Tefmoin le iour des barricades.

Quant au dernier point, qui fut expédié le premier, il fut aduifé de réitérer le serment de l'union en la façon que l'on auoit accoustumé, & plus estroitement, si faire se pouuoit, & qu'à ce faire tous les gens de bien seroient conuiez & induits.

Quant au premier point, touchant l'eslection desdits bourgeois pour le conseil secret, il fut aduifé qu'on y procederoit par ballotages, & qu'à cette fin le lendemain Mercredy 6. du mois, la compagnie s'assembleroit pour y aduifer, & que chacun apporteroit son billet, auquel il nommeroit dix de la compagnie pour estre dudit Conseil secret.

Ledit iour Mercredy 6. dudit mois, l'assemblée fut en la maison dudit sieur Boursier apres dîner, où chacun apporta son billet. Les sieurs de Launay & Martin docteur y presidoient. Thunant bourgeois, Lieutenant du sieur du Four Colonel est nommé par ledit de Launay, pour controoleur. Lesdits billets estans ouuerts, & redigez par escrit par Lochon Greffier de la compagnie, il fut trouué que les dix qui ensuiuent, eurent plus de voix, & furent arstez pour estre dudit conseil secret; sçauoir les sieurs de saint-Yon, Acarie, le Goix, Hameline, Louchar, Thunant, Borderet, Rosny, du Rideau, Rauissant, Bezançon.

Cela fait, l'affaire de Brigard fut remise en auant par de Launay. Et d'autant qu'on en parloit diuersement, il fut resolu que la decision de cette affaire seroit remise au conseil secret des dix, pour aduifer comme on auroit raison de l'iniustice faite au procez dudit Brigard; & qu'ils en aduertiroient la compagnie si besoin estoit. Surquoy plus des deux tiers de la compagnie opinerent qu'il falloit y proceder par les plus douces voyes que l'on pourroit.

Et d'autant que le sieur Cromé estoit instruit dudit procez, fut aduifé qu'il assisteroit au conseil des Dix, pour prendre aduis sur cette affaire, & que les Ecclesiastiques qui sont Launay, les Curez de saint Jacques & saint Cosme, & le Docteur Marrin y pourroient assister, si bon leur sembloit.

Quant au serment de l'union, la compagnie fut priée de se trouuer le Vendredy suiuant 8. dudit mois, au logis de la Bruyere pere pour le réitérer, comme il auoit esté aduifé, mesme que chacun y appellast ses amis.

A l'issuë de cette assemblée, vn dela compagnie deuisant avec Cromé du fait de Brigard & de la difficulté qu'il y auoit quant à present, d'auoir raison de l'iniustice qu'on pretendoit auoir esté faite à Brigard en son procez; ledit Cromé respondit, Non, non, ne craignons point. Nous auons de bons bras, & des mains pour venger vne iniustice si évidente faite au vëu d'vn chacun.

Le Vendredy 7. dudit mois, à 8. heures du matin, on s'assembla au logis de la Bruyere, où se trouua Buffi. Outre la compagnie ordinaire, il estoit assisté du Curé de saint Cosme, qu'il auoit mandé le

iour precedent du bois de Vincennes, où il estoit allé voir le sieur de Beaulieu pour venir en cette ville, qui ne luy pouuoit escrire.

En cette assemblée le serment de l'vnion est mis en deliberation. Chacun s'accorde de le faire & signer. Bussi assisté de dix ou douze de la compagnie monte en la chambre haute dudit la Bruyete, pour, comme il disoit, rediger par escrit les articles dudit serment. Mais tout soudain il descend en la salle où estoit l'assemblée, tenant en sa main vn grand papier blanc, qui estoit de trois grandes feuilles de papier collées ensemble, & dit ces mots.

Messieurs nous serions trop long temps à rediger par escrit les articles du serment, & craindrions que la compagnie ne s'ennuist. Mais s'il vous plaist signer en ce papier apres moy, & plusieurs autres gens de bien qui signeront les premiers tout presentement, ce sera autant de temps gagné. Nous laisserons de l'espace par-dessus les signatures, où par apres nous redigerons les articles dudit serment. Plusieurs s'y accorderent, à l'instance de Launay, qui pressoit fort & importunoit de ce faire. Toutefois il y en eut vn qui dit, qu'il estoit raisonnable que ce qu'on entendoit signer, fut écrit auparavant. Que cela n'estoit point si pressé, qu'on n'attendist bien encore vn iour; & que dans deux heures lesdits articles y pourroient estre écrits. A quoy fut respondu par ledit de Launay, Que s'il auoit peur & entroit en desffiance, qu'il ne signast point. Mais qu'il ne deuoit en faire difficulté, après tant de gens de bien. Remarqua lors ledit Bourgeois, que les dix du conseil en firent mettre deux à la porte de la chambre, pour empescher qu'aucun ne sortist, qu'il n'eust signé. Et pour donner à entendre que tout ne se faisoit que pour le serment de l'vnion, la Bruyere apporta vn Missel sur la table, pour iurer sur iceluy.

L'affaire estant conduite de cette sorte, personne n'osa refuser de signer ce papier blanc; Et ainsi que chacun se preparoit à signer, de Launay faisoit mettre la main sur l'Euangile disant ces mots, Vous iurez & promettez à Dieu le Createur, de garder & obseruer inuiolablement les articles que vous allez presentement signer, pour la conseruation de la Religion Catholique, Apostolique & Romaine. Mais d'aurant que l'assemblée ne paroissoit pas assez grande, elle fut remise au Dimanche prochain dixiesme du mois, en la maison du sieur Sanguin Chanoine de Nostre-Dame; auquel lieu, assisté comme dessus, & garny de son grand papier, auquel il n'y auoit rien encore d'écrit que les signatures, le presenta avec vn Missel à bon nombre d'honnestes bourgeois, qui n'en auoient encore ouy parler, lesquels signerent tous, envoyant tant d'autres auant eux. Ce qui estant fait, il ferma le papier en son sein. Surquoy aucuns de ceux qui auoient signé les premiers, voyans que ledit papier n'estoit encore remply, soupçonnerent quelque chose de mal, caché là dessous; mesmes quelqu'un dit tout haut, M. de Bussi nous vient voir à cette heure en bonne compagnie

bien souuener. Il a la réiteration du serment de l'vniõ merueilleusement en recomandation. Dieu le veuille conseruer en eette bonne volonté. Mais nous trouuons fort estrange que l'on nous fait signer vn papier sans sçauoir ce que c'est, & sur ce la compagnie s'en alla.

Le mesme iour Dimanche dixiesme, le conseil des Dix s'assembla apresdiner chez de Launay, où ils auoient aduisé de faire l'assemblée de leur election. Là se trouuerent Cromé, Sanguin, & Louchon leur Greffier. L'on ne sçait ce qui y fut aduisé. Tant y a que le iour suivant vingt-vniesme dudir mois au matin, ledit conseil se tint eneore chez de Launay, & l'apresdinée aussi, où Busli fut mandé.

Le Mardy douziesme du mois, vn bourgeois de la compagnie ordinaire trouua du matin par les ruës Borderet Rosny, vn des dix, auquel il demanda ce qui auoit esté resolu en leur conseil touchant l'affaire de Brigard, & qu'il le prioit de luy en descouurir familièrement ce qu'il en sçauoit. Lequel Borderet respondit, M. de Busli a charge de voir Mess. de la Sorbonne, pour sçauoir si en seureté de conscience l'on pourra executer quelque entreprise. Je croy que nous en sçaurons aujourd'huy le court & le long. Ce qui donna bien à penser audit bourgeois.

L'apresdinée dudit iour, on s'assembla au logis dudit la Bruyere, où vint Busli garny de son papier, & assisté, comme dessus, du Curé de saint Cosme & autres. Là fut proposé la continuation de la signatute du serment de l'vniõ. L'on fit signer plusieurs qui n'en auoient pas ouï parler, à ce induits par de Launay. Surquoy y suruint Morin, nouveau Procureur de Ville, lequel on auoit prié de s'y trouuer; & le fit-on signer comme les autres; & ce fait Busli s'en alla, emmenant avec soy plusieurs bourgeois, entre autres le Normant, Crucé, Broüart, Mongeol, Borderet, Durand, Le peuple.

Et voyant de Launay que quelques-vns s'en offensoient; il leur dit, Mess. ils reuiendront tantost. Ne vous estonnez pas; c'est pour quelque affaire d'importance touchant la conseruation de nostre Religion.

Le Mardy treiziesme du mois, le conseil secret des Dix se tint au matin & soir chez de Launay, où se trouuerent aussi Busli, le Curé de saint Cosme, & quelques autres. Là, comme on dit, fut fait par Busli le rapport de la response de la Sorbonne sur la proposition cy-dessus; & ne sçait-on quelle elle pouoir estre. Mais tant y a que l'apresdinée l'assemblée ordinaire se tenant chez Boutsier, Busli y suruint avec son papier, & assisté comme dessus. Ce papier fut signé par aucuns suruenus de nouveau. Il fut proposé genetalement qu'il falloit donner ordre aux traistres & aux conspirations qui se faisoient contre la ville; & qu'il se falloit bien vniõ les vns avec les autres. A l'issuë de l'assemblée, comme chacun se retiroir, Busli monta à la chambre haute, avec sept ou huit de la compagnie: ce que plusieurs trouueront fort estrange, comme chose non accoustumée, & en fit entrer plusieurs en soupçon de mal.

Le leudy 14. du mois, le conseil secret s'assembla le matin chez de Launay. L'apresdinée l'assemblée ordinaite fut chez la Bruyere. Il sera remarqué que ledit iour de Launay alla dîner chez le Lieutenant Ciuil, auquel lieu incontinent apres le dîner, vn bourgeois l'alla trouuer pour quelque affaire: auquel bourgeois de Launay dit, Voulez-vous pas venir à l'assemblée, pour donner vostre voix à M. Borderet, pour estre Receueur de la ville. A quoy ledit bourgeois respondit, qu'il luy tiendrait compagnie: & de fait ils s'acheminèrent au logis dudit de la Bruyere pere; où estans entrez, & ayant trouué la compagnie assemblée, soudain Bussi y entra tenant son grand papier, lequel y fit signer à aucuns, qui ne l'auoient pas encore signé; & cela fait, & voulant se retirer dit ces mots. Mess. nous deurions souhaiter que ceux de cette compagnie eussent les principales charges de la ville. Ce feroit vn grand bien & vn grand auancement pour nostre Religion. A quoy Ameline repliqua ces mots. Je pense que ie n'ay point receu de graces de Dieu au iour de mon baptême, comme l'en ay receu d'auoir eu l'honneur d'estre en cette compagnie: & partant Mess. ie prie vn chacun d'estre ferme & stable en la manutention d'icelle; de nous entresecourir les vns les autres: & Dieu nous fera sentir les fruits de ses benedictions. Quoy dit, la compagnie se retira, plusieurs presageans quelque chose de malheureux deuoir aduenir à cause de tant d'allées & venues desdits Bussi & saint Cosme, & leurs adherans, sans qu'on aye pû au vray connoistre ce qu'ils auoient delibéré de faire.

Il faut aussi noter, qu'à cette assemblée d'apresdîner on deputa deux bourgeois, pour aller prier le Lieutenant Ciuil de fauoriser Borderet, en l'assemblée qui se feroit pour l'eslection d'un Receueur de la ville. Les deputez n'ayant peu rencontrer à propos tout le iour ledit Lieutenant, l'allerent voir chez luy entre les six & sept heures du soir, le iour estant du tout clos: & s'estant adressez au Clerc dudit Lieutenant; il leur dit que son Maistre estoit dans sa chambre empesché avec deux hommes, & qu'il luy auoit deffendu de laisser entrer personne, & partant qu'il n'oseroit l'aduertir de leur venuë. L'un d'eux, qui auoit quelque priuauté avec ledit Lieutenant, pressa tant le Clerc, qu'il le fist monter en haut, & en aduertit son Maistre: lequel Lieutenant dit peu apres, qu'on fist monter ledit Bourgeois seul, & que l'autre demeurast en bas. Ce Bourgeois estant monté en cette chambre, trouue que ledit Lieutenant communiquoit avec deux hommes: dont l'un se ietta sur vn lit, & tira le rideau, pour n'estre veu: & l'autre se mit en vne chaise, & couurit son visage de son manteau, tellement que ledit Bourgeois ne pût en connoistre aucun d'eux; Joint que lors qu'il entra en ladite chambre, il n'y auoit point de lumiere, & à son arriuee on alluma vne petite bougie qui faisoit si peu de lumiere, qu'à peine se voyoit-on l'un l'autre.

La nuit entre ledit iour leudy quatorzième & Vendredy suiuant, il se fit vne assemblée chez le Curé de saint Iacques: & outre ceux qui estoient

estoyent en conseil, il s'y trouua vn grand nombre de personnes, qui ne bougerent de la ruë deuant son logis, en cette place où est la croix de saint Jacques. Le lendemain à sept heures du matin Vendredy quinziesme, ledit Curé, accompagné de la bruyere & de trois autres bourgeois, furent veus vers le logis des Espagnols, vers saint Eustache, & dit-on que ce furent eux qui porterent au Capitaine Ligorete, le papier signé de Bussi, Touchart, Crucé, Saintyon, contenant les causes pour lesquelles ils auoient pris les armes : & qu'un papier semblable fut porté à Dom Alexandre, Capitaine des Neapolitains, par le Curé de saint Cosme & autres.

*SERMENT DE L'VNION IVRE' PAR LES BOVRGEOIS
de Paris, leu dans le Parlement, present M. du Maine du 3. Novembre 1591.*

Le premier serment pour tous les Bourgeois, est en cette forme

DE PAR LE PREVOY DES MARCHANDS ET ES-
CHEVINS DE LA VILLE DE PARIS.

Nous, bourgeois & habitans de la dizaine de Tranbouë sous la charge de M. de Grandruë Capitaine, iurons & promettons à Dieu, suiuant les sermens de l'vnion par nous cy deuant faits, de viure & mourir en l'vnion des Catholiques, en l'amitié & concorde les vns avec les autres, sans plus nous souuenir des iniures & offences passées, de nous ioindre ensemble d'une mesme volonté, comme bons Catholiques & concitoiens doiuent faire, pour nous opposer aux heretiques, leurs fauteurs & adherans; deffendre & conseruer nostre sainte Religion Catholique, Apostolique & Romaine, & cette ville en seureté & repos, sous l'autorité de Monseigneur de Mayenne, Lieutenant General de l'Estat royal & Couronne de France; à qui nous promettons rendre toute obeissance, fidelité & seruice, attendant qu'il aye plû à Dieu nous donner vn Roy tres-Chrestien & Catholique: de reconnoistre & respecter aussi la Cour de Parlement, & obeir à nos Magistrats & superieurs, chacun en leur charge; & ne prendre ny leuer les armes pour quelque cause, couleur ou pretexte que ce soit, sinon pour la conseruation de nostre sainte Religion & de la ville, par le commandement de nostre Colonel, Capitaine, Lieutenant & Enseigne, & sous M. le Gouverneur, M. le Preuost des Marchands & Escheuins, suiuant les reglemens ordinaires, faits pour les gardes des portes & ramparts, ou mandemens particuliers, qui seront par mondit Seigneur le Gouverneur ou Preuost des Marchands & Escheuins enuoiez. Si nous scauons aucuns qui fassent entreprises, monopoles, conspirations, ou tiennent aucuns conseils, & fassent assemblées secretes contre les deffen-

ARREST DONNÉ A PARIS DV RANT LA LIGVE,
par lequel est ordonné qu'un precedent Arrest sera signé
de tous les Conseillers.

Extrait des Registres du Parlement Du Lundy 23. Septembre 1591.

C E iour la Cour, toutes les chambres assemblées pour entendre la lecture de l'Arrest par elle donné le 18. du present mois à l'encontre d'un pretendu Arrest donné à Tours le 3. Aoust dernier, la matiere mise en deliberation, A esté arresté & ordonné que tous Mess. les Presidens & Conseillers d'icelle, qui ont assisté à la deliberation dudit Arrest, le signeront; & que pour approbation d'iceluy, il sera pareillement signé par ceux de Messieurs, qui pour cause de maladie, ou autre, n'ont assisté à la deliberation dudit Arrest: & que à cette fin, il sera porté aux susdits en leurs maisons, par l'un des quatre Notaires de ladite Cour, qui leur fera entendre la presente deliberation, & dont il fera procez verbal, qui sera leu à la premiere assemblée desdites Chambres.

LETTRES D'ABOLITION OCTROIEES PAR M. LE
Duc de Mayenne, sur la mort du President Brisson, l'Archer &
Tardif Conseillers. Du Mardy 10. Decembre 1591.

LE mesme iour, les Chambres assemblées, les Presidens estans en haut avec robes noires, M. du Maine y estant, furent verifiees les lettres d'abolition, dont le teneur s'ensuit.

Charles de Lorraine, Duc de Mayenne, Lieutenant general de l'Etat & Couronne de France: A tous presens & à venir, S A I V T. En la capture & emprisonnement iniurieux, meurtre & assassinat commis en cette ville de Paris, és personnes de deffunts sieurs Brisson, President en la Cour de Parlement, l'Archer Conseiller en icelle, & Tardif Conseiller au Chastelet le 15. iour de Novembre dernier passé, & exposition ignominieuse de leurs corps faite en place publique, les 16. & 17. dudit mois, deux sortes de personnes se soient trouuées coupables: les vns poussez de mauuaise volonté, se courrant de quelque pretendu entreprise & conspiration, qu'ils publioient auoir esté faite sur cettedite ville, & les autres s'y estans laissez aller par simplicité & ardeur de zele, estimans bien faire, sans sçauoir au vray les causes d'une telle violence; en quoy les loix de la iustice diuine & humaine ont esté violées, au grand estonnement des gens de bien, qui craignoient que semblable chose tolerée, ne donnast licence à chacun d'entreprendre.

II. PART.

NNnn ij

dre ee qu'il vouldroit en cetter dite ville capitale du Royaume, qui doit seruir de lumiere & de guide à toutes les autres, & de seureté & repos à tous ceux qui y resident & viuent sous l'obeissance des loix & des Magistrats. Ce qu'estant venu à nostre connoissance, Nous nous y serions promptement rendus, toutes autres affaires cessantes, pour pourueoir à ce mal, par le chastiment des principaux auteurs d'iceluy. Sur lesquels nous auons aduisé de restreindre la peine, & vsant de douueur à l'endroit des autres, les contenir en deuoir, & releuer la iustice, l'un des principaux liens de l'Estat, qui sembloit auenement alteré par vn si funeste accident aduenu en la personne de son Chef.

SçAvoir faisons, qu'apres auoir fait punir le commissaire Louchart, Barthelemy Anroux, Nicolas Ameline, Jean Emonnot, desirant empescher vn plus grand mal, & pouruoir à la seureté publique; Nous auons pour le regard des autres qui ont participé à cete entreprise, soit en la deliberation ou execution d'icelle, ou qui ont presté conseil, confort & aide en quelque sorte & maniere que ee soit, aboly & esteint, abolissons & esteignons par ces presentes, en vertu de nostre pouuoir, le fait & eas dessusdit. Voulons & entendons que tous en general, & chaeun en particulier, en soient & demeurent quittes & deschargez, comme ayant esté leur simplicité eireonuenuë par les inductions & artifices des autres, & ne s'en estans entremis que sur la crainte du peril qu'ils estimoient present, & le desir qu'ils auoient de se conseruer en ladite ville, sans que ores ny à l'aduenir ils en puissent estre aucunement inquiettez, trauallez ny recherchez. Et quant à ee auons imposé & imposons silence perpetuel au sieur Procureur General, & à tous autres: fors & execepté le Conseiller Crosmé, Adrian Cochery, & celuy qui a seruy de Greffier: lesquels nous n'entendons iouir de l'effet de la presente abolition; & les en auons, comme estans principaux antheurs de cet attentat, pour plusieurs considerations exeptez & reseruez; afin que la iustice en soit faite. Et parée que le mal est prouenu des assemblées priuées qui se font ey-deuant faites en cete ville, sans autorité & permission des Magistrats; & querels accidens pourroient encore à l'aduenir produire de plus dommageables effets, s'il estoit permis aux partieuliers de ladite ville de tenir conseils & faire lesdites assemblées; Nous faisons tres-expresses inhibitions & deffenses à toutes personnes, de quelque condition & qualité qu'elles soient, & sous quelque pretexte ou occasion que ce soit, mesmes à ceux qui se font ey-deuant voulu nommer le conseil des seize, de faire plus auenes assemblées, pour deliberer ou traiter d'affaires queleconques, à peine de la vie, & du razement des maisons esquelles se trouueront lesdites assemblées auoir esté faites: enioignant à toutes personnes sur ladite peine de la vie, qui sçauront les lieux où se font lesdites assemblées, de les indiquer promptement au Gouverneur, Procureur General, ou Preuost des Marehans & Echeuins de cetter dite ville. Et si aucuns des habitans, bourgeois ou autres des particuliers ha-

bitans de ladite ville, onr quelque chose à proposer, concernant le repos & le salut d'icelle ville, ils s'en adresseront audit Gouverneur, Procureur general ou Preuost des Marchands & Escheuins, auxquels le soin de la seureté & conseruation de ladite ville doit appartenir. Ce que nous les exhortons de faire, avec promesse de les reconnoistre de tout nostre pouuoir, selon le merite de leur affection. Aussi deffendons, sous la mesme peine, à toute personne de ne faire cy-apres aucune mention ou reproche les vns aux autres, pour raison des choses passées que nous voulons demeurer en perperuel oubly, comme chose non faite ny aduenüe : semblablement de ne passer au mespris & desauantage de ce saint party ; ains qu'au regard de toutes personnes generalement quelconques, qui voudroient troubler le repos & seureté public, & semer diuisions entre les Catholiques, ou qui fauorisent les heretiques, il soit procedé allencontre d'eux, par les rigueurs de iustice, sans exception d'aucune personne. Si prions Mess. de la Cour de Parlement que ces presentes ils fassent lire, publier & enregistrer és registres de la Cour, & par tout ailleurs où besoin sera, & icelles entretenir, garder & obseruer inuiolablement ; faisant de leur contenu iouïr & vser tous ceux qu'il appartiendra, & à qui ce pourra toucher, pleinement & paisiblement : cessant & faisant cesser tous troubles & empeschemens au contraire. Car ainsi a esté trouué iuste & raisonnable. Et afin que ce soit chose ferme & stable à tousiours, Nous auons signé cesdites presentes de nostre main, & à icelles fait mettre & apposer le scel de France, sauf en autre chose le droit de la Couronne, & l'autrui en toutes. DONNÉ. à Paris, au mois de Decembre l'an de grace mil cinq cent quatre-vingt onze. Signé CHARLES DE LORRAINE. Et sur le reply, Par Monseigneur, BAYDOVIN. Et à costé, Visa, & scellées de cire verte sur lacs de foye rouge & verte.

Leuës, publiées, & registrées, oüy sur ce le Procureur general du Roy, ce requerant. A Paris, en Parlement le 10. iour de Decembre l'an 1591. & publiées à son de trompte & cry public par les Carrefours de cette ville de Paris cedit iour. Signé BOYCHER.

Et M. d'Orleans dit, qu'il eust desiré que l'abolition n'eust esté leuë qu'à l'ouuerture du Parlement, qui deuoit estre le Lundy ensuiuant. Mais puisque M. du Mayne estoit contraint de monter à cheual

in publica commoda peccem,

Si longo sermone morer tua tempora, César.

C'est pourquoy ayant repeté ce que-dessus, il auoit dit à huis clos. Il conclut à la verification des lettres.

*CE QVI EVT PVBLIE' PAR LES SEIZE, POVR EMPES-
cher la conference.*

LEs Catholiques, disoient-ils, à l'exemple des choses passées & de l'estat present des affaires, ne la peuuent bien goustier, se faisant avec personnes affidées & fauorisant vn Heretique, & qui n'ont fait & ne font demonstration de l'abandonner. Au contraire ils vsent de sa puissance, autorité & appuy pour faire cette conference, qui ne peut estre que preiudiciable ausdits Catholiques, en la forme & en la matiere. En la forme, en ce qu'elle se fait avec personnes incapables, qui s'aduouent & s'autorisent d'un Chef heretique: en ce qu'elle se fait sans auoir parlé à tous les Princes Catholiques, Chefs de l'Vnion: en ce qu'elle se fait contre l'exemple de la Sainteté, & contre les saints Decrets, qui ne permettent de conferer avec vn Heretique relaps, ny ses adherans. En la matiere, en ce qu'ils demandent à conferer sur ce que les Estats Catholiques sont assemblez pour eslire vn Roy Catholique, comme n'ayans iamais aduoué le Roy de Nauarre, comme encore ils ne l'aduouent, & n'entendent le reconnoistre, attendu qu'il est heretique relaps, & excommunié. Et encote que cette intention soit connue à ceux qui se disent Catholiques à la suite dudit Roy de Nauarre, si est-ce qu'au lieu d'aider à cette action, & se ioindre sans luy en demander congé, ny conferer sous son autorité & puissance, ils la destournent par vne demande de conference, sur vne chose qu'ils ne peuuent ignorer, ny en douter, s'ils sont Catholiques, comme ils disent. Mais le fondement de leur qualité les desnie, veu qu'ils s'aduouent suiets du Roy de Nauarre, & sous son nom, congé & licence, veulent conferer avec les Catholiques. Que s'ils auoient bonne intention d'auoir vn Roy Catholique, ils commenceroient par quitter l'heretique: parce que ce fondement de liaison avec l'heretique, sans doute ne peut produire qu'une contrariété avec les Catholiques. Tellement que la conference qu'ils demandent, estant liée, comme elle est, avec l'autorité du Roy de Nauarre, sans doute il y a deffaut en la forme & en la matiere. Et au fond de la cause, outre que leur intention est tres-capicieuse, & attachée à l'obeissance du Roy de Nauarre, & que tout ce qu'ils font, n'est que pour paruenir d'attirer les Catholiques à sa domination, comme les paroles & les effets le font paroistre; si est ce que leurs propositions le tesmoignent assez, estans fondées sur vne repugnance de la verité, & vne deguisée ignorance des choses certaines & oculaires. Car tous leurs discours, intentions, propositions & raisons, sont de sçauoir les causes pour lesquelles l'on ne veut pas receuoir le Roy de Nauarre, pourquoy les Catholiques se sont bandez contre luy, & les declarer & iustifier en public; à ce que la posterité n'en soit recher-

chée ou offensée, & que l'on ne dise qu'il n'a pas esté dépossédé avec raisons; mais par iniute & tumulte populaire, ou ambition des grands. Dequoy il se faut purget. Comme s'ils ignoroient qu'il est Heretique relaps & excommunié; & apres auiser des moyens dont il faut vser tous ensemble pour y remédier, & le rendre Catholique, & s'asseurer avec luy de la Religion Catholique, & de la conseruation de l'estat des François, luy qui est le vray heritier de la Couronne. Et enfin apres auoir vlé de tous moyens honnestes, prieres, & remonstrances humbles enuers luy, tant de sermones, interpellations, que protestations, & que l'on voye avec le temps qu'il ne se veuille faire Catholique; lors & apres tous ces devoirs tendus, il faudra aduiser d'en eslire vn autre de sa race & ligne, qui ne soit si opiniastre que luy, & qui fasse profession de la Religion Catholique. Cependant ne rien alterer des affaires, faire suspension d'armes, renuoyer les estrangers; & que les François se reconnoissent & se soulagent l'un l'autre, comme compatriottes, afin de paruenir à vn bon accord. Voila vn sommaire du dessein, de l'intention & du but de la conference que demandent les Catholiques de la suite du Roy de Nauarre; afin de paruenir à leur intention par finesse & deguisements; ce qu'ils ne peuuent auoir par force; qui est, pendant ces questions & conferences & pratiques des hommes, surprendre les villes, empieter tousiours la domination, mettre & ruiner les Catholiques, tant François qu'estrangers: bref, rendre les Catholiques si foibles, attenez & despourueus de forces, de moyens & de secours, qu'ils soient contrains de se prostituer entre les mains & en la puissance de l'heretique, & de ses fauteurs & adhetans. Qui est chose tres-assurée, la preuve en estant toute euidente, les effets assurez, & la disposition toute notoite. Occasions pour lesquelles nostre S. Pere le Pape connoissant telles peruettes intentions apparentes & reconnues, & desquelles le Ciel & la terre sont tesmoins, ne les a voulu ouïr ny entendre, & Mess. de la Sorbonne ont déclaré par l'escriture sainte & viues raisons, que les propositions sur lesquelles l'on veut conferer, sont Heretiques, Schismatiques, & preiudiciables à la Religion Catholique, Apostolique & Romaine: & que l'on ne doit aucunement entrer en conference avec l'ennemy heretique, ny ceux de la suite qui luy obeissent, qui le seruent & qui le reconnoissent. Que si quelqu'un dit, que la conference pourra apporter quelque conuersion, & appointer les affaires, & qu'il y a douze heures au iour pour changer de volonté. A cela l'on respond, qu'ils sont en affection de se conuertir ou non. S'ils sont resolus à la conuersion, il ne faut pas qu'ils commencent leur conuersion par l'Estat, mais par leur soumission à l'Eglise qu'ils ont offensée, à la suite & connoissance d'un heretique, au chef de laquelle ils se doiuent adresser; & estans dispensés de luy, alors ils pourrout conferer avec ses membres, pour se réunir & reconcilier par l'influence & l'action du Chef. Mais commencer par les membres, & quitter la teste; c'est conferer en monstre &

imperfection. Comme à la verité il ne peut rien fortir de bon de telle conference: veu que le Chef, qui est nostre saint Pere le Pape, l'a refusée de la façon qu'ils la veulent faire, la demandant par autorité & adueu d'un heretique relaps, & non par humilité ny par penitence: n'ayant voulu sa sainteté les ouir ny permettre leurs gens entrer sur ses terres. Que s'ils ont intention de se conuertir, comme ils en font demonstration, il n'est besoin de conferer. Que si quelqu'un veut dire que la conference est necessaire pour essayer de retirer nos freres, au moins les mettre à leur tort, la conference Chrestienne est permise avec ceux qui sont en l'Eglise: Mais avec un heretique relaps, & excommunié comme sont tous ceux qui l'aduouent & le suivent, qui sont & ont encouru excommunication majeure; il est tres-expressement deffendu par l'Ecriture sainte, & au contraire de les laisser comme ethniques & Publicains. Et ne se peut faire telle conference, sans offenser & irriter Dieu, avec telles personnes qui s'aduouent, suivent, autorisent, obeissent, & seruent un heretique relaps & excommunié: & eux mesmes estant en mesmes censures, si premierement ils ne sont penitens, en quittant l'heretique, & absous des censures qu'ils ont encourues. Le salut des Catholiques ne despend pas de la volonté, conference & instruction d'un heretique, ny de ses adherans. Au contraire c'est le moyen de ruiner la cause des Catholiques. Il est bien plus seant, vile, honeste & honorable aux Catholiques, d'obeir & suivre leur Chef, qui est nostre saint Pere le Pape, & user du secours, aide & conseil de nos Princes Catholiques, spécialement du Roy Catholique, que d'esperer quelque soulagement de l'ennemy & de ses adherans, par une conference incertaine & mal aduouée. C'est l'ordinaire des heretiques, & de leurs adherans, d'user des peaux de lion & de Renard, afin que manquant l'une, ils aient recours à l'autre. Et de fait, iamais ils n'ont demandé de conferer avec les Catholiques, sinon quand ils ont veu qu'ils manquoient de forces: & leurs conferences ont esté toujours en renard: tesmoins celles qu'ils ont faites cy-deuant; le but desquelles est pour tromper les Princes Catholiques, ou dissiper leurs forces: tellement que quiconque desire accorder & aduouer telle conference, en la forme qu'elle est demandée; il fait les affaires du Roy de Navarre, & ruine celles des Catholiques. Occasion pour laquelle il vaut mieux se purger & s'aider soy-mesme, & s'appliquer les remedes propres à nostre salut, qui est d'eslire un Roy Catholique, non heretique, sous le bon plaisir de sa Sainteté, du Roy Catholique & des Princes Catholiques, que d'en attendre un par la conference industrieuse des ennemis. S'ils sont Catholiques, comme ils disent, qu'ils rentrent au bercail de l'Eglise par la porte & par les moyens ordinaires, qui est la penitence & abjuration de l'heresie & suite d'icelle. La porte leur a esté & sera tousiours ouuerte, pour les recevoir benignement, gratuitement, & avec assurance. Mais de conferer avec eux comme vnus au corps

corps d'un heretique, cela est indigne, infructueux, & contre le commandement de Dieu & de son Eglise. Protestans les Catholiques, que si au par-dessus de leur remontrance & empeschemens, telle conference se fait, & que par le moyen d'icelle indubitablement leur cause en soit empirée ou retardée, pour lors de demander, comme dès à present ils demandent à Dieu vengeance de tels inconueniens, & de toutes les miseres du peuple: desaduouant ladite conference comme inutile, non necessaire, dangereuse, importante, scandaleuse & desordonnée. Sommans au surplus Messieurs les Deputez des Estats, sans s'arrester à telle conference, ny à la corruption du conseil, d'instamment & sans aucun retardement passer outre en l'execution de leur charge, qui est d'elire & nommer vn Roy, qui n'ait esté & ne soit heretique, fauteur ny adherant; ains Catholique, puissant & debonnaire, pour conseruer la Religion & maintenir l'Estat sous le bon plaisir de la Sainteté, du Roy Catholique, & des Princes Catholiques, suiuant la resolution faite en l'assemblée generale en cette ville de Paris, en l'uin mil cinq cens nonante & vn. Laquelle il plaira à Messieurs les Deputez voir & considerer, comme estant conforme aux sentimens de tous les bons Catholiques, & contraire à l'intention de tous les heretiques, politiques, schismatiques, & leurs adherans.

SVR LA REDVCTION DE MEAVX ET DE M. DE VITRY
EN L'OBEISSANCE DV ROY.

NOs amez & feaux, Ayant tousiours eu, comme nous auons encore ferme esperance en Dieu, qu'apres tant de miseres passées en ce pauvre Royaume, sa diuine bonté toucheroit les cœurs des peuples, qu'il luy a pleu mettre sous nostre autorité, & leur desillant les yeux, qu'ils ont eu troublez iusques à present par fausses impressions, pour connoistre la verité, il les rameneroit à leur deuoir & à l'obeissance que iustement ils nous doiuent. Aussi ceux de nostre ville de Meaux ont monstré le chemin aux autres à cette feste solennelle, & renonçans à leurs trop longues erreurs, ont reconnu leur faute, & se sont rendus volontairement à nostre seruice & sous nostre obeissance, par la forme contenue cy-enclose, que nous vous enuoyons telle que nous l'auons receüe, & que nous tenons pour vn coup de la main de Dieu, dont nous tirons vne esperance qu'elle sera bientoist suiue de quelques autres villes. Car il est en la puissance de celuy qui en est l'auteur, de faire dauantage. Et pour nous en rendre dignes, nous vous prions que graces en soient rendues à sa diuine bonté, avec prieres, supplications & processions publiques, pour l'inciter à estendre sa benediction sur nous, & donner à ce pauvre Royaume, le repos qui luy est si necessaire, & de si long temps desiré par tous les gens de bien, & à benir les armes que nous sommes contraincts de reprendre; puis qu'au lieu d'esperer

la paix, comme nous l'auions pensé par la treue que nous auions accordée & continuée l'espace de cinq mois en ceste seule intention, elle a endurey le cœur de ceux qui faisoient semblant de la desirer, pour establir, s'ils eussent peu, leur tyrannie, à la ruine de nos bons seruiteurs & suiets. Donnée à Mantes, le 27. Decembre 1593.

Le sieur de Vitry promit au Roy dès son aduenement à la Couronne, & incontinent apres la mort du feu Roy, de le reconnoistre pour son Roy legitime & naturel, venir au seruice de S. M. le seruir comme son tres humble & tres-obeissant seruiteur & suiet, sitost que Dieu luy auroit fait la grace de l'inspirer & le conuertir à la Religion Catholique, Apostolique & Romaine. Pour accomplir & mettre en œuvre cette bonne & sainte volonté, il renouuella à sadite Maiesté cette mesme intention, & en aduertit le Duc de Mayenne, comme de chose qui touchoit sa conscience & son deuoir, incontinent apres la conuersion de sadite Maiesté.

Mais pource que la treue generale fut accordée quasi en mesme temps, que se fit la conuersion de S. M. & que cette treue donnoit esperance à la paix; iceluy sieur de Vitry fut prié par ledit sieur Due de Mayenne, dene point encore excecuer son intention: d'auoir encore vn peu de patience: & que par la paix qu'il esperoit conelure dans le terme de la treue, tous ensemble reuiendroient au seruice & à l'obeissance de sadite Maiesté. En ceste esperance ledit sieur de Vitry durant la treue, est tousiours demeuré en sa charge, comme auparavant: ne laissant toutefois de venir ordinairement trouuer S. M. l'assister & seruir à la chasse par tout où il a pleu à sadite Maiesté luy commander. Mais voyant que la treue s'alloit expirer, & qu'il se parloit moins de la paix qu'au commencement de ladite treue, iceluy sieur de Vitry, pour ne manquer à son deuoir, & à la foy qu'il auoit donnée & reitetée par plusieurs fois; pour ne donner point aussi d'oceanion au Due de Mayenne & à ceux de la ligue de se plaindre qu'il eust distrait de leur party la ville de Meaux, dont il auoit le Gouuernement: le Vendredy 24. Decembre 1593. se voulant retirer en sa maison, & de là au seruice de S. M. auant que de partir de la ville de Meaux, il fit monter à cheual, & sortir hors de la ville toutes les troupes & la garnison qu'il auoit en icelle, fit assembler les Officiers & principaux Habitans de ladite ville, & leur dit que son intention estoit de venir au seruice du Roy, puis qu'il s'estoit fait Catholique, & que ne voyant aucun acheminement à la paix, il ne vouloit point porter les armes contre son Roy legitime & naturel. Qu'il n'auoit iamais eu autre intention. Qu'il l'auoit dit au Duc de Mayenne, & qu'il l'en aduertissoit encore par ses lettres. Aussitost il remit les elefs & le Gouuernement de la ville entre leurs mains, monta à cheual, & suivit ses troupes qui l'attendoient hors de la ville, en uiron demy quart de lieuë.

Les Officiers & Habitans de la ville, le voyans ainsi partir, tindrent

conseil & assemblée de ville, où ils se résolurent de se rendre en l'obeissance du Roy, crierent d'une voix au sortir de l'assemblée, Vive le Roy & trouuans la Dame de Vitry, avec ses enfans & la famille qui sortoient de la ville pour suiure ledit sieur de Vitry, l'arrestèrent avec prières, de vouloir non seulement demeurer, mais de faire reuenir ledit sieur de Vitry son mary. Qu'ils auoient la mesme volonté que luy de se rendre & reduire en l'obeissance du Roy, puis qu'il estoit Catholique, & qu'elle ne sortiroit point qu'ils n'eussent responce d'iceluy sieur de Vitry, par ceux des leurs, qu'ils dépêcherent à l'heure mesme deuers luy pour le faire reuenir. Cependant ils mirent vn corps de garde deuant la porte, enuoierent deuers iceluy sieur de Vitry, & le prierent de reuenir. Ce qu'il fit à leur instante priere, & pour desgager sa femme & ses enfans, reuint avec quatre cheuaux seulement de plus de deux grandes lieues. Rentré qu'il fût dans la ville, il y fut receu & honoré de tous les Officiers & Habitans d'icelle; tous lesquels crierent de nouveau, Vive le Roy. Dés l'heure ils se mirent sous l'obeissance de S. M. priant ledit sieur de Vitry de l'en aduertir, comme il a fait, & de l'asseurer de leur fidélité. S. M. est partie ce iourd huy 27. Decembre, pour aller à saint Denis & à Dampmartin, & s'approcher de la ville, ou y aller, selon qu'il connoistra estre plus à propos pour son seruice.

ASSEMBLEE DES LIGVEURS DANS PARIS.

Du Vendredy 30. Octobre 1592. heure de huit heures du matin.

LEs bourgeois, manans & habitans de la dizaine de Iean Chastelnier, au quartier de Huot, assemblez ce iourd huy en la salle des Cordeliers, suiuant le mandement de la ville Paris, pour eslire deux bourgeois d'icelle dizaine pour faire les remonstrances necessaires: lesquels suiuant ledit mandement, ont tous d'une voix esleu, & eslisent Mess. Pithou & Lauergne, bourgeois de ladite dizaine: lesquels ils ont prié & requis d'eux transporter au logis dudit Huot quartenier, & de là par tout ailleurs où besoin sera; & remonstrer l'extreme necessité en laquelle ils sont tous reduits, & laquelle il leur est impossible de pouuoir plus endurer ny supporter, & declarer qu'ils ne scauent autre meilleur & plus prompt remede, pour conseruer en ce Royaume la Religion Catholique, Apostolique & Romaine, laquelle, à leur tres-grand regret, ils voient diminuer de iour à autre, à l'occasion des guerres, & pour subuenir au pauvre peuple & le deliurer de la misere & necessité en laquelle il est; sinon d'auoir & reconnoistre en ce Royaume vn Roy François Catholique. Et qu'enfin le Roy de Nauarre doit estre requis, sous le bon plaisir de Monseigneur de Mayenne, Lieutenant General de l'Estat royal & Couronné de France, d'abiurer l'He-

relic, & faire profession de la Religion Catholique, Apostolique & Romaine, & d'enuoyer vers la Sainteté, pour obtenir son absolution, & estre remis au giron de ladite Eglise. Et pour y paruenir, est supplié mondit sieur de Mayenne, de la part desdits bourgeois, de vouloir deputer pardeuers les princes & Seigneurs Catholiques de ce Royaume, qui suiuent le party du Roy de Nauarre, à ce qu'ils ayent à eux ioindre avec le peuple, pour le supplier d'abiurer son heresie, & embrasser la Religion Catholique. Et où il en seroit refusant, qu'ils ayent à le quitter pour eux ioindre avec le peuple, & eslire vn Roy Catholique, naturel françois. Et cependant pour donner relasche au peuple, il plaise à M. de Mayenne, de moyenner vne treue generale, pour auoir moyen de viure & de pouuoir iouir librement de leurs biens.

*QVOD PETITIO QVOD REX NAVARRÆ INTERPELLETVR
vt fiat Catholicus, inepta sit, seditiosa & impia, ex infra scriptis constat.*

1. Est contra ius diuinum, ciuile & canonicum, contra decreta Sixti V. & Gregorij XIV. & legem fundamentalem regni. Ergo non proponenda.
 2. Est contra intentionem Clement. VIII. vt videre est ex libris legationis.
 3. Est contra primariam intentionem iurate unionis.
 4. Est contra ius quæstum tertio.
 5. Effectus quisquis inde sequi potest, repugnat commodo publico.
 6. Eo notorium est, fore infructuosam, quo noteria est Henrici relapsi pertinacia.
 7. Repugnat itaque conscientia repugnancium.
 8. Turbat gloriam huc usque virtuosa patientia adquisitam à ciuitate Letetie coram Deo & hominibus.
 9. Est argumentum nouæ seditionis & diuisionis in ciuitate, & in regno.
 10. Est facta iudici non competenti: nam solus Pontifex de hoc potest discernere.
 11. Et si facienda fuisset, non debuisset fieri nisi vniuersali omnium ciuium consensu, qui hic non adest, nec in substantia, nec in forma: quinimo constat de contrario.
 12. Non debuisset insuper fieri nisi de communi totius regni consensu, qui non interuenit hucusque: quinimo constat de contrario. Ergo non proponenda.
- Qui itaque illam proponunt, vt maliciæ, inconstantes, perituri politici, seditiosi, publici boni perturbatores, heretici fautores, de hæresi suspecti & excommunicati sunt, ab vrbe expellendi, ne morbida facta pecudes totum corrumpanz ouile. Kal. Nouembris 1592.

Durant l'année 1589. a esté fabriqué en la Monnoie de Paris, la quantité de cinquante cinq mil 100. liures sol, en espee d'escus. En espee de quart & huitiesme d'escu, la quantité de vingt neuf mil quatre cens six marcs, vallant 183787 escus & demy.

Somme de ladite année 23887. escus & demy.

Durant l'année 1590. a esté fabriqué en ladite Monnoie, 121400. escus

En quarts & huitiesmes d'escu a esté fabriqué 42710. marcs d'argent 256312. escus & demy.

En deniers douzains a esté fabriqué la quantité de 190. marcs vallant 316. escus 1. tiers.

Somme de ladite année monte 388029. 10. sols.

Durant les quinze premiers iours du mois de lanuier 1591. a esté fabriqué en ladite Monnoie la quantité de 11200. escus.

En quarts & huitiesmes d'escu a esté fabriqué la quantité de 2460. marcs vallans 15375. escus.

Somme pour lesdits quinze iours 35375 escus.

Somme totale 660491. escus deux tiers.

Extrait d'un registre desdites Monnoies.

LE 29. May 1590. receu de Monsieur le Tresorier Roland, & des Religieux de S. Denis vn crucifix d'or pesant 19. marcs 4. onces 5. gros: lequel a esté fondu en leur presence, & de M. de Videuille reueu à 19. marcs 2. onces 4. gros à 20. $\text{sc} \frac{1}{2}$. l'once vaut 25 liures 5. sols 1197. escus 10 sols.

Le 16. Iuin 1590. a esté liuré à M. le Duc de Nemours par les gardes S. Denis, vne Couronne d'or pesant 10 marcs 10. onces moins deux gros laquelle a esté fondue & s'est trouuée reuenir à 9. marcs 6. gros à 12. $\text{sc} \frac{1}{2}$. le marc, vault tout dechet de fonte rabatu, 68. escus 40. sols le tout vallant 650. escus.

*PROPOS TENVS ENTRE M. DE MAYENNE ET LE
President le Maistre, sur l'Arrest donné à Paris le dernier Iuin 1593.
par lequel les estrangers estoient exclus de LL Couronne.*

Monsieur de Bellin alla le matin au Palais, a dit à M. le President le maistre que M. de Mayenne auoit grande affection de parler a luy. Mais qu'il vouloit que cela ne vinst point de luy: & le pria de vouloir aller incontinent apres dîner, au logis de M. de Lyon, où ledit sieur du maine auoit dîné, accompagné de deux Mess. de la Cour, tels qu'il voudroit choisir. Ce que ledit sieur President fit, ayant pris pour l'accompagner Mess. de Fleury & Damours. Où estant arrivez,

O O o o ij

Ledit sieur du Mayne dit, que cét Arrest seroit cause d'une sedition & diuision du peuple, & que l'on le voyoit desia assemblé par les rues, & murmurer: mesme que depuis deux iours l'ennemy estant aduertý de cét Arrest, s'estoit presenté la nuit près cette ville, pour voir s'il pourroit entreprendre quelque chose.

A cela fut respondu, que s'il y auoit aucun qui fut si hardy que de commencer vne sedition, que l'on en aduertist la Cour; laquelle scauoit fort bien les moyens de chastier les seditieux, & qu'il s'asseuroit tant du peuple, qu'il ne demandoit rien que l'establissement de la iustice. Quant aux ennemis, qu'il pense que ce soit vn faux-donné à entendre, par les menées des Espagnols.

M. de Lyon dit, que s'il aduenoit maintenant de traiter de la paix avec l'ennemy, que l'honneur en seroit defferé à la Cour, & non audit sieur Duc.

A quoy il fut respondu, que la Cour estoit assez honorée d'elle-mesme, & qu'elle ne cherchoit point l'honneur ny l'ambicion; & prierent ledit sieur Duc, & les autres, de leur dire, s'il y auoit quelque chose en l'Arrest qui ne fust de iustice, & qui les ait pû tant offenser. Car quant à eux ils ne pensent pas que pour soustenir les loix fondamentales du Royaume; pour maintenir la Couronne à qui elle appartient, & en exclure l'estranger qui la vouloit attraper, ils ayent rien fait que ce à quoy ils sont tenus & obligez. Au contraire cét Arrest peut seruir pour reconcilier & reünir tous les bons Catholiques François à la Couronne. Et quant audit sieur President, il souffrirait cent fois plustost la mort, que d'estre Espagnol ny heretique.

Le sieur de Rosne dit à M. du Mayne, que ledit sieur le Maistre auoit dit, que quand la Cour faisoit quelque remonstrance aux Rois & Princes, que ce n'estoit par necessité, ains seulement quand elle trouuoit bon de le faire. Ledit sieur le Maistre dit qu'il confessoit l'auoir dit, & le soustenoit: & qu'il ne luy pouuoit rien monstrier en sa charge, de laquelle il s'en acquittoit aussi bien que luy de la sienne.

Ledit sieur du Mayne dit, que s'il eust esté aduertý, que luy & les autres Princes s'y fussent trouuez. A esté respondu, que la Cour est la Cout des Pairs de France, & que quand ils y vouloient assister, ils estoient les bien venus: mais que de les en prier, elle n'auoit pas accoustumé de ce faire.

8200000000000000
 8200000000000000
 8200000000000000
 8200000000000000
 8200000000000000
 8200000000000000

RELATIO DICTORVM A CLEMENTE PAPA
dij 28. Decembris 1593. in Consistorio, circa Henricum IV.
& Statum Franciæ.

DISCOVERS DV PAPE CLEMENT VIII. FAIT EN
Consistoire, contre le Roy Henry IV. qu'il ne qualifie que Nauar-
rois, & dit ne scauoir quel nom luy donner. Mande le pere Possuin
au Duc de Neuers pour le diuertir de venir à Rome, ne le voulant
receuoir pour Ambassadeur, & proteste de plustost souffrir le mar-
tyre, que d'admettre le Roy dans l'Eglise: pour trois raisons, sca-
uoir à cause de son impenitence, du scandale, & du peril qu'il y auroit
à le receuoir dans l'Eglise, estant encore vny avec les heretiques.
Et s'estonne que dans Rome, le Roy aye des fauteurs & deffenseurs,
& le compare à vn loup-

Die Decembris, cum in Consistorio, post propositionem Ecclesiarum fieri
solitam, sanctissimus dominus noster reculisset, Sigismundum Polonia
Regem fideliter in patrum Sueciæ regnum ingressum, magnoque gentis illius
applausu exceptum fuisse, atque in eo Catholice fidei restituenda fundamenta
iecisse, ut ex literis Apostolici in Polonia Regno nunciæ constabat, quas ibidem
recitari iussit, que miram illius Regis Regineque pietatem, & in Sedem Apo-
stolicam obseruantiam, nec non Catholice Religionis propaganda desiderium si-
gnificabant, eaque de causa magnas Deo Opt. Max. gratias egisset, ac illu-
strissimorum Cardinalium animos summo gaudio perfudisset, ad eosdem Car-
dinales mutata sermonis ratione conuersus, non minus graui, quam pia oratio;
ne in hunc modum; quantum retinere memoria licuit, locutus est.

Venerabiles fratres, opportunum nobis nunc videtur tacite cuidam oc-
currere obiectioni eorum, qui se mirari dicunt, quod de rebus remo-
tioribus minorisque momenti sæpe in Consistorio verba faciamus: Gallicas au-
tem res, qui tanti sunt ponderis nosque propius attingant, miro inuoluamus
silentio.

Horum sanè querimonia cum ad nos perlata fuerunt, adeò importuna, adeò
à dignitate & religione huius sacri Collegii, adeò à reſtoratione aliene viſa sunt,
nobisque adeò graues & moleſte fuerunt, ut parum abſueris quin decernere-
mus interrogari tales de fide: atque niſi nos cōbibuſſemus & temperauiſſemus, id
fuiſſet factum.

Neque enim iſti ullam de nobis conuerſendi cauſam habent, qui non ali-
ter in hoc negotio, quam aliquot Pontifices, predeceſſores noſtri proceſſimus.

Negotium iſtud, ut ſciitis, non eſt nouum, neque à nobis trahi cap-
tum, ſed nos rem à prioribus Pontificibus inchoatam, eo modo, quo iſti inſtitue-
runt,

runt, persecuti sumus, atque obliti esse non potestis totam hanc causam fuisse ab initio propositam & tractatam, in aliquot generalibus Cardinalium congregationibus, & postea de totius collegij consensu, uti fieri in aliquo negotio solet, selectos ac deputatos fuisse quosdam Cardinales, qui quoties opus esset, super rebus Gallia congregarentur, ipsis omnia semper communicavimus, neque quidquam fecimus sine eorum consilio.

Cum autem nunciatum esset Navarrum se Catholicum esse cepisse profiteri, Gallicane huic congregationi, quoniam de rebus fidei potissimum agebatur, adiunximus congregationem Cardinalium sancti officii Inquisitionis, neque postea nisi communicatis utrique illi congregationi consiliis, in hoc negotio processum fuit. Ut tamen querelis prædictis aliqua ex parte satisfaciamus, opere pretium duximus, hac data occasione, totius negotii summam vobis exponere.

Præteritis diebus Navarrus ille, quem nescio quomodo appellare debeam, suas ad nos misit literas, quibus significabat, se destinasse ad nos legatum Duce[m] Nivernensem, prestiturum nobis & huic sanctæ Sedi Apostolicæ illam obedientiam, quæ Christianissimum Regem decebat.

Quam legationem instruxit, non quidem in modum suppliciter veniam petentis, sed ad instar alicuius Christianissimi Principis de hac sancta Sede optime meriti, neque minori confidentia, quam si fuisset Carolus ille Magnus à cede Longobardorum rediens, ac de urbis Italiæ liberatione triumphans.

Quod cum nullo pacto ferendum videretur, singulari tamen respectu magne nobilitatis Ducis prædicti, qui & se pietatis studiosum profiteretur, resolutum fuit mittendum ei obviam, honoris causa, patrem Possesinum Jesuitam, qui illi ex parte nostra nuntiaret, nos omnino alieno esse animo à recipienda tali legatione, eidemque aduentum in urbem, quanta posset moderatione, dissuaderet atque prohiberet. Verùm cum idem Dux prius saltē ex causis, atque ut privata persona ad urbem accendendi licentiam constanter petisset: visum tandem fuit propter certas causas, & sub quibusdam conditionibus hoc indulgeri posse eius nobilitati. Accessit is tandem ad nos, cum antea speravimus illum pro eo, quo dicitur valere ingenio & prudentia, allaturum afflictis Gallia rebus nova consilia, ac opportuna remedia; certè in suis congressibus (qui tamen fuerunt multi ac valde prolixi) nihil aliud attulit, quam ingentium Gallia miserationum & calamitatum narrationem: addens partium studia non ad Religionem aut ad Regni utilitatem, sed ad privata commoda tendere, atque si rex aliquis eligeretur, ipsum adeo debilem omnique ope destitutum fore, ut subsistere non posset. Denique cum maxima & extraordinaria postulavit instantia, ut Navarrum absolvere dignaremur: nullum enim aliud afflictio Statui superesse remedium.

Quod ad Regni calamitates, & partium studia, & Catholicorum Principum imbecillitatem, nihil novum auribus nostris attulit. Ista enim omnia, & longe plura quam ipse enarrauit, sciebamus.

Quod ad absolutionem attinet, Navarrus, ut in consultatione deductum fuit, triplex indiget sedis Apostolicæ beneficio. Primo absolutione in foro conscientia. Secundò absolutione in foro exteriori. Tertiò rehabilitatione ad Regnum.

Dicam solum de absolutione in foro conscientie: ista quidem videbatur consensu facilior; sed eam tamen tribus de causis denegandam censuimus, ratione videlicet impenitentiae, ratione scandali, et ratione periculi.

1. *Impenitentia* (ut cetera omittamus, quae aliquo pacto excusari aut dissimulari possent) manifesta est, ex quo sanctorum abest ut inhabilis ad Regni successionem à sancta Sede declaratus, ea reliquerit quae possidebat, ut arma contra Catholicos gestes, sicut gestavit haecenus, Regni Galliae magnam partem, contra iustitiam contraque sedis Apostolicae sententiam usurpet, reliquam partem vi occupare contendat, hereticos sapius in Galliam evocaverit, et evocare pergat: eorum cause faveat, cum iisdem, ac praesertim cum Anglia Regina maneat confederatus: Consiliarios hereticos teneat, Ecclesiastica bona in ditione Navarra infundata, in aliis locis direpta non restituat, damna illata non reparet, et absolutionem hanc domi sedens, ac de more ludens, tanquam aliquid leve sit, postulet. Modo etiam armatus potius extorquere nitatur, quam suppliciter petat: ex quibus abunde patet, quam longè infelix iste distet à vera poenitentiae signis.

2. *Scandalum* autem, si absolutio ista concederetur, gravissimum proculdubio oriretur non modò apud Catholicos, verum etiam apud hereticos.

Catholici dolerent, imò et iustissimam imposterum timendi ac de nobis conquerendi occasionem haberent, si pessimo exemplo lapsus, qui tot mala perpetravit, ac etiamnum perpetravit, inter omnes reciperent.

Heretici facilitatem huius Sanctae Sedis irriderent, dicentes, pro una audita Missa, aut pro una largiori per frontem deducta cruce, Papa nos, ubi voluerimus absolvet: et de sua quodammodo victoria triumpharent, ob extortam per vinum et fraudem post tam turpem lapsum, post tot illata damna absolutionem, animosque sumerent ad graviores iniurias inferendas. Neque vllus esset posthac hereticus Princeps, qui non hoc exemplo quodlibet consequi se posse speraret, etiam Regnum et Imperium.

Quanti verò periculi plena res futura esset, si post adeptam Regni possessionem et potentiam regiam, homo in heresim relabi solitus, denuo ad vniuersum rediret, nemo est qui non videat.

Hec omnia adeo sunt perspicua, ut nobis visa sint non indigere aliqua sacri Collegii consultatione, imò à Catholicis hominibus nequidem in controuersiam deduci debere.

Notum omnibus est, eum heresim abinrasse, et in gremium Ecclesiae receptum fuisse, et longè maiora quàm nunc poenitentia et vera conversionis signa edidisse, et post aliquod tempus non modò in pristinum errorem rediisse, verum etiam peiora prioribus perpetrasse. Quod firiusum suo more faciat, posthac lenia conversionis, nulla verò poenitentiae signa, quae mala orbi Christiano non evenerint? sed qua qualisue huius morae imprudentiae vel ignaviam rationem Summo Deo reddenda erit?

Mirari satis non possum, habere hereticos in hac civitate, in qua sedet Petri successor ac Christi vicarius, in bacipsa inquam, civitate habere hereticos suos non modò fautores, verum etiam propugnatores ac accerrimos defensores.

Non possum non ægerrimè ferre multos reperiri, qui ut hominum malevolentiam & inimicitias vitent, aperte in Dei inimicitiam & indignationem prostiliunt.

Abfit autem à nobis, ut in causa Dei vacillemus, & tam irrationabili postulationi assentiamur. Nunquam agemus, fauente Deo, rem tam indignam hac sancta Sede, neque causam dabimus ut posteritas dicat, tantum malum ab huius sanctæ Sedis Pontifice admissum esse, quin potius parati sumus excoriari, lacerari, ac martyrium subire. Non est more politico gubernanda Dei Ecclesia, vel more castrorum; sed iuxta sacros canones & iura præscripta à maioribus nostris in hac sancta Sede.

Speramus non defuturum nobis diuinum patrocinium. Prosestamur enim nihil nos in hac causa facere ex partialitate, vel humani affectus respectu: sed solum Dei respicere honorem, ac velle sequi leges à sanctis Patribus constitutas, optamusque vehementer Dei zelum ceteros induere, religionisque causæ primatæ studia postponere. Intellexistis rerum Gallicarum statum: si quis vesterum est qui in medium aliquid adferre desideret, parati sumus patienter ipsum (ut consueuimus) auscultare.

Hic finem dicendi fecit Pontifex, zelo Christi incensus. Illustrissimi Cardinales qui ista attentis auribus exceperant, stupebant grauem ac verè Pontificio gestu expressam Sanctissimi Patris narrationem, eumque tanquam supra se possum ac spiritu sancto plenum aliquantisper mirati, accepta (ut moris est) benedictione, discessere.

Hac Roma missa ad Magistrum dictum de Cueilly, rectorem Ecclesiæ S. Germani Antistiodorensis, Lutetia degentem.



*INSTRVCTION POVR M. LE VICOMTE DE TYRENNE,
s'en allant en Allemagne.*

LE Roy ayant ouï le sieur Oratio Pallameny, Ambassadeur en cette partie de la Reine d'Angleterre : ayant aussi charge particulière de Monseigneur le Duc de Saxe, Electeur du S. Empire, present & assistant avec luy le sieur de Strasfort Ambassadeur Ordinaire de ladite Dame Reine, sur aucuns points que ledit sieur Electeur auroit voulu faire entendre par luy tant à ladite Dame Reine, qu'audit seigneur Duc, pour mieux & solidement fonder le secours dont il les auroit fair requerrir contre ceux qui empeschent son establissement en ce Royaume, où il a pleu à Dieu l'appeller. S. M. reconnoissant par ce que ledit sieur Pallameny luy a exposé de la part de ladite Dame Reine, & dudit seigneur Electeur, l'affection de laquelle ils desirent, & veulent favoriser l'aduancement de ses affaires, & veulent correspondre par tous les moyens qui peuvent despendre d'elle à cette bonne volonté,

A resolu, avec l'aduis de son Conseil, de choisir quelque personnage de bonne & grande qualité, & qu'elle puisse estimer leur deuoir estre agreable, selon que ledit sieur Pallameny luy a fait entendre de celles qui y sont particulièrement desirées de leur part, & l'enuoyer deuers eux, & autres Princes du S. Empire, ses bons amis, pareillement affectionnez au bien de cette Couronne, pour traiter & accorder au nom de S. M. des affaires susdites, & autres choses qui pourront estre proposées pour le bien commun des Estats. Enquoy elle desire se lier avec eux de si estroite confederation, alliance & mutuelle obligation, qu'ils trouueront à propos de contracter entre leurs Maiestés & Altesse. Suiuant laquelle deliberation, considerant que les parties susdites ne se peuuent plus abondamment trouuer entre tous les seigneurs desquels elle fait principal estar, qu'en la personne de M. le Vicomte de Turenne, tant pour la qualité & ancienneté de sa maison & de son extraction, que pour le rang qu'il a de long-temps tenu auprès de sa Maiesté, & qu'il y tient encore à present, estant des premiers Gentilshommes de la Chambre, des premiers de son Conseil, & auquel elle s'est tousiours confiée comme elle fait encore, de ses principales & plus secretes affaires, pour la prudence qu'elle connoist en luy accompagnée d'une singuliere deuotion enuers la personne & la grandeur de sa Maiesté : pour ces raisons elle a fait eslection dudit seigneur, pour luy commettre ladite charge, encore que l'estat où il est de sa santé, luy eust peu seruir de iuste excuse, si l'affection qu'il porte au bien des affaires de sa Maiesté, ne suppleoit à son indisposition : ne pouuant sa Maiesté mieux resmoigner à ladite Dame Reine, & audit seigneur Electeur, l'inrierieur de son cœur à leur en-

droit, que par celuy qui en a dés long-temps certaine connoissance, & duquel les bonnes qualitez & vertus rendent à son tesmoignage vn plus fort & plus indubitable argument de creance.

Cette affaire ayant esté principalement acheminée de la part de la dite Dame Reine, par le moyen du voyage & office qu'elle auoit fait faire en Allemagne par ledit sieur de Pallameny, en faueur de sa Maiesté, & monstrant de plus en plus vne tres-bonne volonté d'en aduancer les effects : Sa Maiesté voulant luy defferer l'honneur qui luy est deu en cet endroit, & que les choses soient conduites principalement par son conseil & aduis, a ordonné audit sieur de Turenne, de passer vers ladite Dame Reine, pour luy communiquer la charge qui luy est donnée, & prendre sur icelle ses commandemens & instructions, pour la bonne conduite & instruction d'icelle.

Et après accompagné de nouvelles faueurs & recommandations de sa part, mesme de la personne dudit sieur Pallameny, comme ladite Dame a fait entendre à sa Maiesté son intention de luy renuoyer, se transporter en Allemagne, & y estant arriué il s'adressera premierement & principalement audit seigneur Esleeteur, comme à celuy que sa Maiesté reconnoist vouloir plus viuement embrasser & assister la iustice de sa cause, & aussi qu'elle le connoist le plus puissant, & tenant le premier rang de credit & d'autorité entre les Princes d'Allemagne, tant pour les vertus, merites & generosité de sa personne, que pour la grandeur de son Estat.

Après luy auoir baillé les lettres que sa Maiesté luy escrit, il luy dira que la conseruation d'estroite amitié & intelligence qu'il y a tousiours eue entre les Rois de France & la maison de Saxe, & les demonstrations de bonne volonté que luy particulierement a fait enuers sa Maiesté, mesme auant son aduenement à cette Couronne, luy ont donné argument d'esperer qu'il l'assisteroit volontiers en la présente necessité de ses affaires, & de s'adresser à luy sur cette confiance, pour y receuoir quelque bon secours de sa part, tant de ses moyens que par sa faueur & par son exemple, des autres Princes d'Allemagne, qui sont pareillement desireux de la conseruation de cette Couronne.

Que l'opinion que les raisons susdites ont donné à sa Maiesté de sa bonne volonté enuers elle, luy a esté confirmée par la déclaration qu'il luy en a voulu faire, par la bouche dudit sieur Pallameny, laquelle comme sa Maiesté a eu tres-agreable, venant de la part d'un Prince, avec lequel elle desire singulierement contracter vne parfaite amitié, Aussi luy a grandement pleu l'eslection qu'il a faite de la commettre audit sieur Pallameny, tant pour le reconnoistre de long-temps affectionné à son seruice, que pour la dexterité & prudence qu'il a au maniment des affaires qui luy sont commises. Ce qu'il a particulierement fait paroistre en cette occasion, à bien représenter à sa Maiesté tous les points de la charge que ledit seigneur Esleeteur luy auoit donnée : de sorte qu'il

le en a beaucoup receu de contentement. Et ayant par là connu les bons offices que ledit seigneur electeur desire faire à sa Maïesté, & le soin qu'il a que la conduite en soit telle, qu'elle tourne à l'aduantage de ses affaires; elle veut que ledit sieur de Turenne luy en fasse le remerciement de sa part, le plus affectueusement qu'il pourra: l'asseurant qu'elle n'aura iamais plus de contentement, que lors qu'elle luy pourra tesmoigner le reciproque, & la bien-veillance qu'elle luy porte.

Estant bien marry que la rencontre se soit trouuée si peu heureuse pour son seruice en Lionnois, és personnes qui ont eu la charge de ses affaires pardelà, & que leur entreprise n'a esté agreable audit sieur Electeur, & autres Princes, dont le desplaisir qu'elle a receu ne procede moins du respect & de l'amitié qu'elle leur porte, & qu'elle desire leur tesmoigner en routes choses, que du preiudice qu'elle en a ressenty en sesdites affaires. L'asseurant que si elle eust eu quelque indice & apperceuance, qu'ils ne les eussent volontiers veus Ministres de telles negotiations pour sa Maïesté: elle ne les y eust pas voulu employer, comme elle ne voudroit faire chose qui ne fût à leur contentement.

Qu'elle estime bien que ce desgoustement a procedé d'aucunes des actions de sesdits Ambassadeurs, qui ont peu heureusement succédé. Et quant à ce qui touche le sieur de Sancy, elle ne veut du tout excuser les siennes; entre lesquelles à faute de meilleure conduite celle qu'il a faite d'auoir baillé ses bagues par deux fois, a pû estre la cause en partie de l'accident qui est aduenü sur lesdites troupes, au dommage du seruice de sa Maïesté. Mais elle le connoist au demeurant plein de fidelité, & de tant d'affection au bien de sondit seruice, que cela luy donne occasion de supporter legerement le deffaut qui s'est peu trouuer en luy, des autres parties qui estoient requises, pour bien s'acquitter de la charge qu'il auoit entreprise.

Quant au sieur de Schomberg, Comte de Nanteuïl, sa Maïesté n'a esté meü de son opinion particuliere à luy confier la charge qu'elle luy a donnée; mais elle s'y est resoluë apres l'assurance qu'il luy auoit donnée par plusieurs de ses lettres, & par personnes enuoyées exprés vers sa Maïesté, de la ferme resolution & intention qu'il auoit à son seruice, selon les demonstrations qu'il en auoit faites en Italie, & qu'il continuoit en Allemagne, dont M. le Lantgraff luy mesme escriuit à sa maïesté lettres de fauorables tesmoignages & de recommandation, afin qu'elle se seruit de luy. Il luy en vint aussi ailleurs, mesme d'Angleterre, sur la reputation de sa suffisance & bon iugement, avec l'opinion qu'on auoit que ledit sieur Electeur l'auoit en fort bonne estime, & qu'il auoit aussi beaucoup de credit enuers luy par le moyen de son frere. Il luy estoit aussi remontré qu'elle feroit grand tort à son seruice de ce costé-là, si elle n'y employoit ledit sieur de Schomberg. Comme ces persuasions dont la plus forte a esté celle qui touche ledit sieur Electeur, le firent resoudre à luy confirmer la charge & la despeche que le feu Roy luy auoit

donnée, lors qu'il le despecha par de-là.

Il aida aussi grandement à cette resolution, pour le regard du pouvoir d'amener & commander la grande leuée que sa maiesté pensoit obtenir. Vne autre raison qui luy fut alleguée, fut que s'il luy arriuoit de rechercher quelqu'un des Princes de delà, pour en prendre la conduite, elle donneroit jalousie & peu de contentement aux autres, ce qu'elle vouloit éviter autant qu'il luy seroit possible.

Mais avec l'assurance que ledit sieur Pallameny a donnée à sa maiesté de la part dudit Seigneur Electeur du saint Empire, de vouloir mettre la main à bon escient, & employer ses moyens & autoritez à favoriser ses affaires d'un bon & puissant secours, ce qu'elle reputé à beaucoup d'honneur, qu'il vueille embrasser de si bonne façon; elle est aussi esté tres-aise d'entendre que son opinion & intention n'est pas qu'un autre que ledit sieur Electeur conduise ce secours, sans le commettre à quelqu'un des Princes d'Allemagne, sachant que cela accroist beaucoup la reputation de ses affaires: outre que la qualité & le respect d'un tel Chef contiendra lesdites forces en plus de discipline & obéissance; au moyen de quoy sa maiesté est contente, & résoluë de suivre en cela l'avis dudit Seigneur Electeur. Comme elle entend aussi qu'en toutes autres choses ledit sieur de Turenne s'y conforme. Et pour estre le sieur de Fresne des anciens serviteurs de sa maiesté, tres-affectionné au bien de ses affaires, & capable de bien servir; ledit sieur de Turenne l'y pourra employer, comme les occasions s'en presenteront, si ledit sieur Electeur le trouve bon: & se pourra aussi servir du sieur de Schomberg en ce qu'il connoistra estre à propos.

Ayant S. M. esté tres-aise de ce que ledit sieur Electeur desire entendre l'estat de ses affaires. Par où il fait d'autant plus connoistre sa bonne volonté & le soin qu'il en veut prendre. Aussi pour bien le satisfaire en cet endroit, ledit sieur de Turenne luy représentera la sincere & vraye cause des troubles dont ce Royaume, & particulièrement sa Maiesté & toute sa maison, avec tous ceux qui ont voulu suivre son parti, tant d'une Religion que d'autre, ont esté persécutés & affligés depuis trente ans par la tyrannie d'Espagne, & l'ambition de la maison de Lorraine: qui dans la foiblesse où l'Estat est tombé par la minorité des Rois, depuis la mort du Roy Henry II. n'ont laissé de travailler & faire toute sorte de pratiques, menées & efforts pour exterminer les vrais heritiers de cette Couronne, & s'en rendre les maistres.

La Religion leur a servy de pretexte à suborner & seduire le peuple en leur faueur. Les Iesuites, semence Espagnolle, jettés en ce Royaume, avec charge de servir à ce mal-heureux dessein, en ont esté des principaux instrumens, avec aucuns de semblable qualité, qui ont accordé particulièrement leur ministère aux instructions & corruptions d'Espagne & de ladite maison de Lorraine. Ce qui a eu tant de faueur, qu'encore que par les mesmes artifices ils ayent longuement abusé le feu Roy

dernier, d'une proposition, que ce n'estoit à luy, ny de son viuant, que l'on vouloit rien faire; toutefois le feu Duc de Guise & ses plus interressez Partysans, impatiens de plus retarder à recueillir le fruit de leur longue poursuite, qu'ils croyoient ne leur pouuoir eschapper, ils vinrent à telles termes contre le feu Roy, que le danger, dont il ne voyoit plus aucun remede pour se garantir, enflamma son naturel, de foydoux & pacifique, à preuenir sur la personne dudit Duc de Guise, ce qu'elle conneust ne pouuoit eüiter à la sienne.

Dequoy s'il a eu à se repentir, ce ne peut estre que d'auoir trop tard aduisé de pouruoir à la seureté de sa personne & de l'Estat. Car pour y auoir trop long-temps différé, comme le mal estoit déjà monté à tel degré, il n'a pas laissé pour la perte d'un tel Chef, d'eclore vne rebellion presque generale à l'encontre de luy, dans les villes qui n'estoient pas du party du Roy à present regnant, en estant demeuré en petit nombre en son obeissance, encore si brouillées de la meisme partialité, qu'il y a eu beaucoup de peine à le retenir.

Et ayant le Duc Mayenne pris la place de son frere defunt, non content, luy & ceux de sa faction, d'auoir ainsi spolié leur Roy & Prince naturel, ils luy ont fait son procez par ses propres Officiers, s'en estans trouuez de si dénaturez, que de l'auoir osé entreprendre, & luy vouloir oster la vie, dont les menaces & iactance estoient publiques, & le danger assez proche. Car ledit Duc de Mayenne estoit desia aux champs avec vne puissante armée, pour l'aller assaillir à Tours, où il estoit retiré, accompagné de peu de forces, & assez peu assuré de la fidelité des habitans; au moyen dequoy il n'eust aucun recours pour se deffendre de la cruauté & rage de ses ennemis qu'au Roy de present, qui nonobstant la guerre qu'il luy auoit faite, & qu'il continuoit encore, le voyant en cette necessité, s'estoit approché avec un assés bon nombre de forces, & offert à luy faire seruice; ce qu'il accepta avec trêue pour un an, qu'il auoit bien occasion de conuertir à vne paix à son besoin. Mais trop tard: car il connut apres, que le mal qu'il luy auoit fait auparauant, redondoit sur luy mesme.

Ce secours luy vint fort à temps & à propos. Car l'ennemy donna iusques dans les faubourgs de Tours, avec telle impetuosité, qu'il contraignit quatre Regimens de pied de se retirer dans la ville: & sans la diligence que fit le sieur Roy de present de s'y rendre le matin, ayant marché toute la nuict, ledit ennemy auoit entrepris de passer plus auant: au lieu qu'il délogea deuant le iour pour s'en retourner, qui ne fut sans perte de quelque nombre des deux partis, sur lequel retour le Roy de present fit donner en queue.

Dieu monstra en peu de iours combien cette reconciliation luy estoit agreable. Le Roy defunt, qui estoit auparauant comme assiégé dans vne ville, & ne sçachant aucunement où aller ny quoy faire, se mit bien tost en campagne, par la puissance, & avec les forces du
 Roy

Roy d'apresent, la reputation & renfort duquel attirent incontinent en l'armée grand nombre de Noblesse, qui auparavant n'osoient se declarer. Dieu donna vne grande & heureuse victoire au Roy deuant Senlis, sous la charge de Monsieur le Duc de Longueville, mais principalement par la sage & bonne conduite du sieur de la Nouë: Combien que le nombre des forees fut tres-inégal à celles de ses ennemis. Il y eut vne autre & grande defaite de Noblesse de Picardie en la Beauce exeottée par le sieur de Chastillon. Le Duc de Mayenne fut contraint de s'en retourner vers Paris avec son armée, pour rassurer ladite ville de l'effroy que luy auoit donné la bataille perduë deuant Senlis, & ne passa long-temps que les deux Rois se rendirent près ieelle ville de Paris, apres en auoir pris plusieurs autres depuis son departement de Tours. Mais sur le point d'une tres-apparente prosperité, & de la reduction presque infaillible de ladite ville, qu'à peine ledit Duc de Mayenne par sa puissance, & avec ce qu'il auoit encore de force, déjà fort diminuée, ne se pouoit plus retenir de recourir à la clemence du feu Roy, aduint le mal heureux assassinat de sa personne. Et combien que le Roy de present fut incontinent reconnu de toute l'armée, comme aussi tout ce qui estoit en l'obeissance du defunt, & demeuré en la sienne: toutefois cette mutation empecha qu'il ne pût retenir l'armée ensemble, à la continuation de la susdite entreprise, ayant esté contraint de la separer, & permettre à aucuns de se retirer, harassez du long-temps qu'ils auoient déjà demeuré en campagne.

L'ennemy reprit courage, redressa vne armée beaucoup plus grande que la premiere, luy estant de nouveau venu des Suisses, Reistres, Lansquenets, Wallons, & vn renfort que le Marquis du Pont luy amena de Lorraine: de sorte qu'il faisoit compte d'auoir vingt mil hommes de pied, & de cinq à six mil cheuaux.

Avec cette puissante armée, il se resolut de poursuivre sa Majesté, laquelle se trouuant au dessous de la riuere de Seine avec sept ou huit mil hommes seulement, & de six à sept cens cheuaux, l'ennemy déjà en campagne, qui pensant qu'elle passeroit ladite riuere au Pont de l'Arche, pour se retirer vers Tours, se mettoit au deuant pour la combattre; elle coula vers Dieppe, reduisant tousiours quelques places en passant, & là choisit vn camp fort d'assiette, où elle se retrancha pour attendre l'ennemy, qui ne faillit d'y venir, eomme à vne proye certaine: & là Dieu montra qu'il tient sa Majesté & ses affaires en sa sainte benediction.

L'ennemy se promet la victoire assurée, ou par le combat se fiant du grand nombre de ses forees, & du peu que sa Majesté en auoit, ou par faure de viures. Il demeura près de sept semaines à l'entour de Dieppe, sans rien essayer par la force qu'une seule fois, qu'ayant fait rendre son armée au bout du pont, à la teste d'une petite tranchée de sa Majesté, elle en soustint l'effort avec vne partie seulement de ses forces, le reste n'y estant arriué: de sorte que l'ennemy y ayant perdu grand nom-

bre de ses gens, tourna vilage, & s'en retourna en grand desordre & confusion: & ne se passoit neantmoins vn iour que sa Majesté ne les enuoyast attaquer & eslearmouher, où tousiours Dieu luy donnoit quelque aduantage.

Le second moyen dont il faisoit fondement leur succeda aussi bien que le premier. Car sa Majesté ayant la mer, ne manqua de viures ny d'autres commoditez necessaires pour son armée: en quoy elle fut grandement secourüe d'Angleterre, par la bonté de la Reyne, qui luy ayda mesme outre les choses susdites, d'une bonne somme d'argent, pour subuenir à l'entretienement de son armée; & qui plus est, luy enuoya quatre mil hommes de pied, fort bien armez, esquipez & soudoyez à ses despens; de sorte qu'à bon droit sa Majesté reconnoist luy deuoir, apres Dieu, la plus grande partie du bon succez qu'eurent ses affaires en cette occasion.

Lors que sa Majesté auoit separé son armée apres le decez du feu Roy, elle en auoit enuoyé vne partie, mesme de ses sujets en Picardie, où Monsieur le Duc de Longueville, avec lequel elle luy renuoya encore le sieur de la Nouë, & vn autre en Champagne, avec Monsieur le Marechal d'Aumont, & quand elle se vit venir l'ennemy sur les bras, elle manda ausdits sieurs de se rassembler, & la venir trouuer le plustost qu'ils pourront.

Cela ne pût estre si promptement, que l'ennemy n'eust loisir de faire ses efforts par la force. Toutefois il ne profita rien, Dieu mercy; mais leur venuë, & celle des Anglois, qui arriuerent au mesme temps, luy donna occasion de deloger, feignant d'aller au deuant desdits sieurs pour les combattre, qui tout exprés firent le chemin pour luy en mettre le marché au poing, quoy qu'ils n'eussent à la moitié près, tant de forces que luy. Mais il n'en voulut prendre le hazard: de sorte qu'ils passerent sans se rencontrer; & sa Majesté s'estant aduancée huit ou dix lieues au deuant d'eux, avec vne partie seulement de ce qu'elle auoit en son camp, où les Anglois n'estoient encore joints: Elle tourna la teste droit à l'ennemy; & pour dauantage le picquer au combat, attaqua la ville d'Eu, & le chasteau de Gamache, qu'il laissa prendre, sans se mettre en deuoir de l'empescher, & au lieu de ce, passa la riuere de Somme, pour la mettre entre les deux armées.

Au moyen dequoy sa Majesté ne le pouuant contraindre de combattre, apres auoir rassemblé toutes ses forces, mesme les quatre mil Anglois que la Reyne d'Angleterre luy auoit enuoyez, elle se resout de marcher droit vers Paris, pour voir si la jalousie de cette ville là eschaufferoit le courage de l'ennemy; & expressement pour luy donner loisir, fit quelque séjour en chemin, & ne voulut passer la riuere de Seine plustost qu'à Meulan. Mais au lieu de suiure & approcher de sa Majesté, il se ietta auant dans la Picardie, d'où apres qu'elle eût passé l'eau audit Meulan, sur l'allarme où estoient ceux de Paris, & la sollici-

tation qu'ils luy firent de venir à leur secours, il s'avança en grande haste pour y arriuer, la riuere faisant barriere entre les deux armées: & toutefois il n'y pût estre si-tost, que sa Maiesté n'eust gagné tous les cinq grands faux-bourgs de ladite ville, qui sont au delà & à l'entour d'icelle, les ayant forcez à moins de deux heures, & les grands retranchemens dont ils sont clos, où il y auoit plus de trois mil hommes de gardes, tant soldats qu'habitans de la ville des plus mutins, avec grande quantité d'artillerie, la plupart desquels furent pris ou tuez. Vingt drapeaux y furent gaignez, avec quatorze pieces de ladite artillerie.

Cer exploit, dont la renommée vola beaucoup par tout, fit voir que sa Maiesté n'estoit ny morte, ny fuite en Angleterre, comme l'ennemy auoit pat vanterie remply tout le monde, qu'elle ne pouuoit eschapper l'un ou l'autre: Dieu ayant par là fait voir comme il se moque de la vanité des hommes.

Il ne laissa neantmoins pour adoucir la perte que Paris auoit receüe en la prise desdits faux bourgs, & releuer ce peuple del'estonnement qui luy en estoit demeuré, de se vanter que dès qu'il y seroit arriué avec son armée; qu'il sortiroit pour donner la bataille. Sa Maiesté séjourna vn iour depuis dans lesdits faux-bourgs, & à la sortie demeura hors d'iceux en bataille, iusques à midy, séjourna encore le lendemain à six lieues près, puis alla prendre la ville & chateau d'Estampes, qui n'est qu'à quatorze lieues de Paris, où il fut trois iours entiers sans aucune apparence, autant à la fin qu'au commencement, que l'ennemy la voulut suiure.

Qui fut causé qu'elle passa outre, prit Genville, & quelques autres places en Beauce. Apres il alla assieger Vendôme, le prit par assaut, & reduit tout le pais en son obeïssance, ayant aussi pris plusieurs autres lieux & forts que les ennemis y tenoient: puis il retourna au pais du Maine, atenant au Vendomois, & ayant pareillement pris la ville du Mans, qui est la principale, tout le reste reuint en son obeïssance. Le mesme aduint aussi de la ville & chateau d'Alençon. De là sa Majesté se ietta dans la basse Normandie, où elle continua ses exploits tout le long de l'hyver, nonobstant la rigueur du temps, avec tel heur, que tout ledit pais, où il y a nombre d'uefchêz & bonnes villes, lors toutes occupées par les ennemis, fut presque entierement purgé de leurs armes.

L'ennemy passa la plupart de ce temps dans Paris, son armée dépariée es enuironz à manger le peuple, sans rien entreprendre, iusques à ce qu'une trahison dressée sur la ville de Ponthoïse, qui auoit esté reprise du viuant du feu Roy, le fit mettre aux champs pour l'exécuter: ce qui ne luy ayant succédé par ladite voye, ayant esté decouuerte, il l'entreprit par force, & apres grande batterie, & quelques assauts soustenus, elle luy fut rendue par composition au bout de trois semaines.

Apres il assiegea la ville de Meulan, qui est sur la riuere de Seine, & le fort en l'isle, où il perdit beaucoup de temps, tellement que sa Majesté eut loisir d'acheuer l'entreprise de Honfleur, où elle se trouua en

mesme temps, & vint au secours dudit Meulan, où elle entra, ayant fait quiter l'un des costez de la riuere à l'ennemy, & apres auoir mis quelque rafraichissement d'hommes & munitions, demeura quelque iours à l'entour: mais sans pouuoir combattre l'ennemy, à cause que la riuere estoit entre-deux. Toutefois voyant les empelchemens que sa Maiesté luy donnoit en son entreprise, il leua le siege.

Sa Maiesté ne voulant perdre temps à tousiours, & tâchant de l'attirer au combat, s'en allast assieger Dreux, où il y a ville & chasteau assez bien fortifiez. Et parce qu'y ayant fait barterie, la bresche n'estant encore guerres raisonnable, elle se trouua courte de munitions; elle se resolut d'en enuoyer querir à Caën, qui luy fit faire plus long seiour audit siege.

Pendant ce temps l'ennemy estant allé en Picardie, receuoir deux mil cheuaux que le Duc de Parme luy enuoyoit, & les ayant receus, & ramacé tout ce qu'il peust d'autres forces, il vint pour faire leuer le siege à sa Maiesté, dont il faisoit courir le bruit de loing, pensant pour estre lors de beaucoup le plus fort, que la seule reputation de sa venue feroit l'effet qu'il desiroit, sans entrer au hazard du combat.

Mais sa Maiesté qui se voyoit l'occasion en main, qu'elle auoit des long-temps reeherchée, resolut au lieu de se retirer, comme il croyoit qu'il feroit, de luy aller au deuant: ne voulant neantmoins desloger iusques à ce qu'il fust assez près, & en lieu pour ne s'en pouuoir plus dedire, comme il succeda selon le dessein de sa Maiesté: dont s'en suiuit la bataille donnée entr'eux le quatorzième iour de Mars, avec force inégale de nombre d'hommes; sa Maiesté ayant la moitié moins de gens de cheual, que Dieu rendit toutefois victorieux par sa sainte assistance, comme elle aduouë & reconnoist deuoir la gloire à sa diuine Maiesté.

Ce bon succez acquit incontinent à sa Maiesté les villes de Vernon & Manre, qui estoient seules aux ennemis sur la riuere de Seine entre Paris & Roüen: & comme il auoit le dessous, voulant aussi auoir le dessus, elle tourna de ce costé-là, & commençant par Corbeil, prit toutes les villes estans sur ladite riuere, iusques à Troyes, se rendit maistre de toute la Brie, & de tout ce qui estoit sur la riuere de Marne, excepté Meaux; comme elle fit aussi de la riuere d'Oyse, excepté Ponthoise; de sorte que Paris demouroit frustré de toutes sortes de commoditez, qu'il auoit accoustumé de receuoir par eau, qui faisoit iuger à vn chacun selon la commune opinion qui en a tousiours esté, qu'ils ne pouuoient longuement subsister.

Ce qui fit resoudre sa Maiesté de la serrer aussi par terre: ce qu'il ne peust neantmoins faire au commencement qu'il eust esté besoïn; pour ce que le siege de saint Denis, qu'il luy estoit necessaire d'auoir, luy tenoit la plupart de ses forces occupées, dont elle n'auoit pas lors grand nombre, mais des gens de pied François: mais à mesure qu'il luy en vint d'autres, ladite ville de saint Denis luy ayant esté renduë, elle fit saisir tous les faux bourgs de Paris, tant de ça que delà la riuere, ayant fait

faire vn pont de batteaux à Conflans, qui est vne lieue au dessus de la ville de Paris, pour passer d'un costé à l'autre: de sorte qu'elle a esté reduite à telle extremité, que leur deffendant le pain & toute autre viande accoustumée; la bouillie faite d'auoine & la chair de cheual, d'asne, chiens & chats ont esté long-temps la nourriture de la plus grande partie du peuple. Les principaux factieux ayans encore quelques provisions des meilleurs viures pour eux, ne se soucient pas de voir perir le reste de faim; comme il est certain qu'ils en ont vcu mourir vn grand nombre deuant leurs yeux; dont au lieu d'estre esmeus de quelque pitié & compassion, ils se sont montrez si inhumains, que si quelqu'un en la langueur ouuroit la bouche pour s'en plaindre, ils le faisoient mourir comme seditieux. Cette pratique & discipline procedant principalement de l'instruction de l'Ambassadeur d'Espagne, qui leur a fait croire iustices-là, qu'il seroit mettre en poudre les os de leurs parens morts, disant qu'il leur apprendroit à faire du pain avec certaine herbe, duquel ils seroient sustentez, & dont les plus enragez mesmes & plus seditieux du peuple ont eu horreur, que les Prelcheurs auxquels ils ont toute croyance, ayans fauorisé cette piperie aussi bien que tous les autres, qu'il a voulu forger pour endurcir le peuple en sa rebellion: ausquels il a esté aussi secondé de l'autorité du Legat, pensionnaire & du tout partial du Roy d'Espagne, comme sont aussi tous ses freres.

Il est certain que si ladite ville de Paris fut venue entre les mains de sadite Maiesté, son exemple & la liaison que les autres principales villes ont avec icelle, mesme au fait du commerce, eust grandement facilité leur reduction: de sorte que sa Maiesté a eu grande raison d'entreprendre à la reduire à son obeysance. Les Princes & Marschaux de France furent aussi de cét aduis. Donc le moyen de la forcer semblant dangereux contre vn si grand nombre de gens armez, avec le peu que sa Maiesté en auoit; autre moyen de la bloquer fut resolu comme plus seur & raisonnable.

Pendant ce siege, l'ennemy qui de foy ne se pouuoit releuer de la perte qu'il auoit faite, pour suiuiroir & cherchoit secours vers le Duc de Parme. Il enuoya aussi en Espagne pour en auoir le commandement, qui fut donné si exprés, que ledit Duc y est venu avec tout ce qu'il a peu tirer de forces des Pays-bas, laissant mesme les garnisons mal pourueues: tant ledit Roy prend à cœur de soutenir cette rebellion, violant toute raison, & la foy publique des traitez.

Sa Maiesté entendant les grands preparatifs qui se faisoient contre elle, auroit aussi donné ordre de faire venir des forces; ayant principalement mandé la Noblesse, qui y accourut si courageusement & volontairement, sur l'esperance d'une bataille, qu'en mesme temps que lesdits Duc de Parme & de Mayenne se iointrent auprès de Meaux, elle se trouua vne grande & puissante armée; la caualerie qui estoit d'environ six mil cheuaux, composée la pluspart de Noblesse, faisant le nombre

de plus de quatre mil hommes, bien montez & armez, & desirieux d'acquiescer honneur à la veüe de leur Roy. De sorte qu'à la premiere iournée que les ennemis firent pour approcher Paris, publiant qu'ils estoient resolu de donner la bataille, elle s'aduança au deuant d'eux quatre lieues près, ayant l'opinion du combat dans vn iour ou deux, qui estoit son plus grand sujet: & pour n'y entrer neantmoins temerairement avec trop grande inégalité de forces, retira celles qu'elle auoit dans les faux-bourgs de Paris, qui tenoient la ville bloquée, esperant que la bataille seroit la decision du siege, & de tous les troubles du Royaume.*

Les ennemis au lieu de continuer à marcher la seconde iournée, prirent seulement logis au costé du premier, tout proche de la riuiera de Marne, où la Maiesté aussi s'aduança, de sorte que les armées estoient à la veüe l'une de l'autre, separées seulement de quelques bois & marais. Et d'autant que dès le premier iour que les faux bourgs de Paris furent laissez, il est entré quelque rafraichissement de viures dans la ville, les ennemis apres auoir veu l'armée de la Maiesté en bataille, beaucoup plus forte & en meilleure equipage qu'on ne l'auoit despeinte au Duc de Parme, & dont il fit reproche au Duc de Mayenne; ils ne parlerent plus de donner bataille: au contraire pour en euitcr l'occasion, fortifierent leur camp de grands retranchemens, de sorte qu'avec la commodité & aduantage de l'affieté du lieu, il n'y auoit moyen de les forcer de venir au combat qu'au tres-grand desauantage & danger pour la Maiesté.

Elle fit neantmoins tout ce qu'il luy fut possible durant sept ou huit iours pour les y attirer, ne s'estant passé iour qu'elle ne les allast prouoquer & assaillir iusques à leurs retranchemens, passant vn ruisseau, & l'un des costez du marais qui estoit entre deux. Et voyant finalement qu'ils ne prenoient autre resolution que de se tenir sur la defensiue, que la Noblesse qui estoit venuë, la plus grande part sans bagage & avec peu de commodité, ne pouuoit longuement demeurer ensemble, que desia elle commençoit à sentir quelque incommodité au recouurement des viures, pour estre le país fort mangé du long-temps que le siege de Paris auoit duré, qu'il en tomboit grand nombre de malades de iour à autre, comme cette contrée y a esté fort sujette, & que l'armée ennemie fraichement venuë, soudoyée & entretenüe d'Espagne, pouuoit mieux temporiser & prendre sur ce grand aduantage, il conuint à la Maiesté se resoudre à autre maniere de guerre, à sçauoir de renuoyer partie de ses forces dans les Prouinces qui en estoient degarnies, mettre bonne & forte garnison à saint Denis, & dans les autres villes qu'elle tient sur les riuieres à l'entour de Paris, par le moyen desquelles il demeure comme bloqué, n'estant suffisant ce qui y peut venir par terre pour le nourrir, & se reseruer près de soy quelques mediocres forces, pour empescher tant qu'elle pourroit les entreprises de l'armée ennemie, & profiter de quelques autres occasions qui se pourroient offrir pour son seruice.

Et ne faut obmettre pour montrer comme le Roy d'Espagne tourne tous ses desseins à la ruine de ce Royaume, qu'en même temps que le Duc de Parme est venu, il a fait entrer d'autres forces en Languedoc, Bretagne, & du costé de Guyenne; comme aussi le Duc de Sauoye son gendre, entreprend cependant sur le pays de Prouence & Dauphiné, & le Duc de Lorraine d'autre costé, comme tous coniurez au partage de cette Couronne.

Sa Majesté a Dieu pour soy, comme protecteur de sa cause, tous les Princes de son Sang & autres Princes François, les Marechaux de France, excepté celui de loyeuse, tous les autres Officiers de la Couronne, les plus grands Seigneurs, & la plupart de la Noblesse: & encore que la plupart des bonnes villes soient rebelles, si est-ce qu'avec les autres places qu'elle a par toutes les autres Prouinces, & les garnisons qu'elle y tient, lesdites villes ennemies demeurent tellement incommodées, qu'elles ne peuvent faire aucun commerce au dehors, qu'avec tant de difficulté, que la despesne qu'ils y font surmonte le profit qu'ils en peuvent tirer.

Cependant sa Majesté a donné l'ordre que le sieur de Turenne leur representeta par toutes les Prouinces, & a enuoyé le sieur de Quiroy vers Geneue, avec pouuoir d'y dresser vne bonne force pour le secours & conseruation tant de ladite ville, que des cantons voisins, avec des moyens qui sont donnez pour l'entretenement desdites forces, par aucuns qui veulent fauoriser les affaires de sa Majesté de ce costé là.

Or combien qu'ayant sa Majesté ainsi separé son armée, celle de l'ennemy soit demeurée libre à entreprendre où bon luy semble: toutefois iusques icy elle n'a pû faire autre exploit que de prendre Corbeil, à huit petites lieues au dessus de Paris, le long de la riuiera de Seine, que sa Majesté ne tenoit au nombre d'une place qui se peust deffendre, & où elle auoit mis quelques gens de guetre seulement pour amuser quelque peu l'ennemy. Toutefois ils ont fait tel deuoir de se bien deffendre, que lesdits ennemis y ont consommé près d'un mois, & plus de trois mil coups de canon auant que de la pouuoir prendre.

Par là ils ont pû connoistre combien l'entreprise leur peut estre difficile en la saison où nous entrons, & l'issuë douteuse, de vouloir par la force rendre les riuieres libres à la ville de Paris; laquelle estant neantmoins leur but d'enlitailler & fournir d'autres commoditez nécessaires, ils ont fait rechercher sa Majesté d'accorder vne cessation d'hostilité, avec la liberté de commercer pour quelque mois. A quoy sur ce mesmement qu'on luy a rapporté que ce n'estoit l'intention des Espagnols, il luy a semblé bon de faire demonstration d'y vouloir entendre, pour voir si cela pourroit engendrer quelque mal contentement entr'eux & ceux qui les ont fait venir, ou rendre leurs progresz plus longs, que cela ne pouuoit estre à l'aduantage de sa Majesté & de ses affaires: d'autant que quinze iours gaignez en cette saison, peuuent emporter le gain de

beaucoup de temps à retarder les sieges de villes, & auoir d'autant plus à trauailler en toute diligence en celles principalement qui ferment les commoditez des riuieres à la ville de Paris, sans laquelle elle ne peut estre pourueüe pour long-temps.

Et sur cette esperance, elle a delibéré de se preparer durant cét hyver de tous les moyens qu'elle pourra ; afin de faire quelque nouuel effort au Printemps, pour la consequence ia remarquée cy-deuant.

Et pour ce qu'au fait susdit le Roy d'Espagne oste toute occasion de douter qu'il pourra en cette occasion & ailleurs donner moyen d'empescher l'establissement de sa Maiesté, & que si elle n'estoit assistée d'autres forces & moyens que ce qu'elle peut auoir d'elle mesme, non seulement elle pouroit estre frustrée de son dessein susdit, mais encore elle & cette Couronne courir à grand hazard :

Elle a estimé necessaire de faire representet si particulièrement l'estat de ses affaires audit seigneur Eslecteur, puis qu'il a voulu tant faire connoistre sa bonne volonté enuers sa Maiesté, que de montrer qu'il desire bien estre informé & asseuré, que cela luy confirmera d'autant plus l'intention qu'il a de la secourir, qu'il iugera plus clairement du besoin qu'elle en peut auoir, avec ce qu'il connoist combien l'issuë de ce fait est considerable pour l'estat vniuersel de la Chrestienté.

Donc entre autre point, ledit sieur de Turenne luy remontrera, que tout ainsi que ledit Roy d'Espagne & le Pape ont tasché dès long-temps de faire vne Ligue à la ruine de ce Royaume & de ceux qui ne sont de leur adhetance, n'ayant tenu qu'à n'y auoir iamais pû disposer les Rois de France qu'elle n'ait esté faite, sans lesquels ils n'ont estimé que la partie fust assez bien dressée. Aussi il ne faut douter que si cette Couronne demeueroit es mains de personne qui fust à leur deuotion, ou que par la ruine d'icelle, si elle arriuoit, les amis fussent priuez de son secours, ladite partie ne fut bien-tost concludë & arrestée ; car les mesmes raisons & volonteiz dont elle est née la maintenant tousiours vnie en cœur de ceux qui en pensent tirer profit. Ce qu'encore que sa Maiesté s'assure estre assez connu à la prudence dudit seigneur Eslecteur ; toutefois elle a estimé qu'en chose qui leur est de commun interest, il ne prendra qu'en bonne part qu'elle luy en ait touché ce peu de mois, en suite des autres considerations qui concourent en la deliberation des affaires qui s'y presentent.

Et pour la conclusion, sa Majesté le prie vouloir mettre à effet la bonne volonté dont il luy a fait declaration par la bouche dudit sieur Pallameny, touchant le secours dont sa Maiesté les a requis, & employant avec ce qu'il luy plaira de ses moyens, faueurs, credit & autorité enuers les autres Princes, Seigneurs, Villes & Communantez, afin qu'ils y veillent tous ayder comme en vne cause commune, & dont tout le bon succez ne peut que leur rapporter à tous tres-beaucoup de contentement, voulant sa Maiesté sur ce asseurer ledit sieur Eslecteur qu'elle luy reconnoitra

reconnoistra telle obligation, qu'il ne sçauroit iamais desirer d'elle chose, qu'elle ne s'efforce de luy satisfaire.

Pour le regard de l'équipage de l'artillerie nécessaire avec lesdites forces, sa Maïesté trouueroit bon qu'il fit iusques à dix canons. Mais parce qu'il faudroit grand attirail pour mener quantité raisonnable de munitions, mesme des boulets, & que ceux de deçà n'y pourroient seruir, n'estans lesdits canons du calibre de France, ledit sieur de Turenne portera quant & luy vn memoire, s'il le peut recouurer, du calibre & attirail de l'artillerie de France, pour y faire conuertir lesdits canons, si faire se peut, auant la venue dudit secours; y ayant aussi vne autre commodité qu'il faut desirer, qui est que l'artillerie faite dudit alliage est beaucoup meilleure & moins sujette à rompre que de la fabrication d'Allemagne.

Quant au Chef qui aura la conduite dudit secours, sa Maïesté sçait que Monsieur le Prince Christianus d'Anhalt est tant affectionné au bien de ses affaires, & tres-aïse de s'estre trouué en cette concurrence d'opinion avec celle de la Reine d'Angleterre, ainsi qu'elle a conneu par l'a duis qu'elle luy a sur ce donné. Et partant ledit sieur de Turenne priera ledit sieur Eslecteur au nom de sadite Maïesté, de luy vouloir octroyer ledit Prince pour faire ladite charge; & non seulement employer son autorité enuers luy à cette fin, mais luy faire tellement connoistre auoir agreable qu'il l'accepte, que cela luy fait d'autant plus resoudre.

Cela obtenu dudit Seigneur Eslecteur, ledit sieur de Turenne fera entendre audit Prince d'Anhalt l'estat que sa Maïesté fait de son amitié, suiuant l'assurance qui luy a esté donnée par ses lettres, & le rapport qu'aucuns de ses seruiteurs luy en ont fait, qui luy a esté encore de nouveau confirmé par ledit sieur Pallameny dont elle a esté tres-aïse & l'en remercie: & s'assurant qu'il ne refuséra de luy en donner tesmoignage en cette occasion, elle le prie faire tous bons offices enuers ledit sieur Eslecteur, à ce qu'il veuille obliger à soy sadite Maïesté, & cette Couronne selon les bons moyens qu'il en a. Ce qui ne luy sera de peu d'honneur & loüange, & lera sadite Maïesté de telle amitié & affection avec luy, qu'il en pourra à iamais esperer tous bons offices qu'il pourroit desirer: & en suite de ce propos il priera aussi ledit sieur Prince d'accepter la charge susdite de la conduite du secours: que sa Maïesté s'estimera de beaucoup renforcée & auetorisée de sa personne, tant pour la qualité & respect de sa Maison & parenté, que pour les vertus particulieres qui sont en luy, lesquelles ne peuuent que produire tres-honorables actions en si digne suier.

Que l'intention de sa Maïesté est de luy faire l'honorable traitement qu'ont eu de cette Couronne d'autres Princes d'Allemagne qui ont par cy-deuant esté au secours d'icelle: mesme le feu Duc Iean Guillaume de Saxe, dont si la capitulation se peut trouuer par delà, laquelle ne se peut recouurer icy, à cause que tous les papiers de la Couronne sont à Paris, il la passera semblable avec ledit Prince, ou autrement, selon qu'il sera

conuenu & accordé pour le mieux. En quoy ledit sieur de Turenne pourra estre aidé de l'aduis des Ambassadeurs de la Maiesté, qui sont par delà.

Quant à la charge de Marechal de Camp, encore que ledit sieur Pallameny ait dit à la Maiesté auoir entendu que le sieur de Schomberg pretend au moyen d'icelle donner le mot, dont s'enfuiueroit vne contention avec le Chef principal, laquelle lesdits Princes veulent esuiter: toutes fois la Maiesté ne peut croire que ce soit son intention: comme aussi il ne sera pas raisonnable si ladite charge est la mesme qu'ez Armées de France, celle de Marechal de Camp, & qu'il y ait encore difficulté qui empesche que ledit Seigneur Esleeteur ne trouue bon qu'il fasse sa charge en l'Armée aupres dudit d'Anhalt, elle aura fort agreable qu'il y soit receu; estimant qu'il luy pourra dignement seruir pour l'experience & bon iugement qu'il a. Aussi elle a toute confiance de sa fidelité au bien de son seruice.

A cctte cause ledit sieur de Turenne l'esclaircira en premier lieu, de l'opinion & volonté dudit sieur Esleeteur à l'endroit dudit sieur Schomberg. Et s'il connoist que cessant ladite difficulté, il trouue bon qu'il fasse la charge en ladite Armée, apres auoir aussi sçeu si ledit sieur de Schomberg s'y pourra accommoder, il s'employera à le faire ainsi resoudre d'une part & d'autre.

Mais s'il connoist qu'il ait autre occasion, pour laquelle ledit sieur Esleeteur n'ait agreable que ledit sieur de Schomberg serue en ladite Armée; la Maiesté veut tant en déferer à son iugement & bon aduis, que de s'y conformer en ce particulier: & partant ledit sieur de Turenne n'y fera autre instance, soit par lettre ou de bouche, fera entendre audit sieur de Schomberg, que la Maiesté a esté bien marie, pour l'estat qu'elle fait de son seruice, s'asseurant de la fidelité & affection au bien d'iceluy, que ses affaires ayent esté tellement trauezsez par deça, qu'il ne luy soit laissé lieu d'y pouuoir estre employé aussi dignement qu'elle luy a fait connoistre le desir, & qu'elle ne luy en impute aucune faute, & ne diminué de rien la bonne volonté qu'elle auoit en son endroit: mais elle ne peut moins faire que se conformer à l'opinion de ceux de qui despendent les moyens qu'elle attend; & ne doit pour son regard s'en fascher, puisque la Maiesté ne laisse d'auoir le mesme contentement de luy, que si par ce moyen les choses fussent reüssies ainsi qu'elle desiroit. Et puisquel'occasion luy est ostée de luy faire seruice de par delà, elle desire qu'il la vienne trouuer le plustost qu'il pourra: asseuré qu'il sera le bien venu, & y aura le mesme bien, honneur & bon traitement qu'il auoit aupres du feu Roy.

Sa Maiesté desire que la leuée & preparatifs du secours soient aduancez de sorte qu'elle le puisse auoir sur la fin d'Aoust; d'autant qu'en May l'herbe commence à estre grande pour la nourriture des cheuaux. Et quant à la nourriture des Soldats, la Maiesté donnera ordre par les Provinces où elle pretend s'en pouuoir seruir, qu'il luy soit fait des Magasins

de grains dans les principales Villes, estans en son obeysſſance : & d'ailleurs avec l'artillerie en pourra prendre de celles que les ennemis tiennent, où se trouuera aussi quantité de grains, chacun estant soigneux de fournir lesdites Villes le plus abondamment que faire se peut, tant pour leur commodité, que pour n'en laisser gueres dehors, dont l'on se puisse preualoir à l'encontre d'icelles.

Faisant aussi estat d'aller au temps susdit avec vne bonne & forte Armée rencontrer & recevoir le secours à la frontiere, afin qu'il ne luy puisse estre donné empeschement ; & au cas qu'elle se trouuast tellement occupée ailleurs qu'elle n'y peust commodement aller, elle y pouruoirait d'autre personnage de qualité, avec si bonne force, qu'il suffirait pour la seureté du passage du secours.

Quant à l'entretienement, sa Maiesté fera tout effort pour trouuer de quoy donner la plus grande satisfaction qu'il luy sera possible, sans y espargner la vente de son patrimoine, ny quelque autre sorte de moyens qui soit en son pouuoir. Car estant en partie appuyée sur ce secours l'establissement de ses affaires, elle ne se voudroit faire ce preiudice de n'apporter tout le soin qui se peut pour le retenir le plus longuement qu'il luy sera possible. Et neantmoins que où elle ne pourroit donner tel & si prompt contentement ausdits gens de guerre qu'ils desiroient, ledit sieur Esclateur & autre Prince ne luy impute à faute de bonne volonté, ledit sieur de Turenne leur représentera qu'elle n'a encore de rien peu iouir du reuenue de ce Royaume, ou que si peu, qu'il n'est considerable depuis son aduenement à iceluy ; parce que la rebellion est respandue par toutes les Provinces, le plat pays mangé, & tout ce qui se peut tirer des Villes que sa Maiesté y tient, se consomme à l'entretienement des garnisons qui y sont necessaires, & qu'elle est contrainte de tenir plus fortes, à cause des continuelles trahisons, auxquelles les habitans Catholiques sont fort faciles à estre induits sous pretexte de leur Religion. Mais outre les autres expediens que sa Maiesté cherchera pour faire vne bonne prouision de deniers, vne puissante Armée aidera à fournir de quoy se nourrir, par la reduction qu'avec icelle sa Maiesté pourra faire de iour à autre de quelques Villes de celles des ennemis, qui sont en grand nombre & des plus opulentes ; & par consequent elle en tirera de la commodité pour aider à entretenir l'Armée, comme ç'a esté le principal moyen qu'elle a pû auoir pour sustenter celles qu'elle a tousiours eues ensemble, depuis son aduenement à la Couronne.

Sa Maiesté ayant entendu par ledit sieur Pallameny, que lesdits Princes n'ont autre fin en ce secours, que la conseruation & confirmation en cet Estat, avec l'exercice libre de la Religion ; elle ne scauroit assez louer la sincerité & generosité qu'ils témoignent en cet endroit ; puisque c'est sans aucun regard de commodité particuliere pour eux. Aussi en connoist-elle vne si grande obligation, qu'elle la ressent iusqu'au plus profond de son cœur. En ce qui touche l'exercice de la Religion, elle ne

reçoit leur desir en cela seulement selon le zele dont ils sont poussez, mais aussi pour conseil salutaire & necessaire au bien de cet Estat, comme l'experience du passé, pour conuaincre ceux qui seront de contraire opinion.

Et quand la Maiesté ne seroit meue d'autre raison, celle-là seroit suffisante pour la disposer à ce qu'ils desirent: pour ce regard aussi a tousiours esté de bonne intention d'y prendre au plustost vn bon reiglement pour maintenir les suiets de l'vne & de l'autre Religion en paix & con corde sous son obeysance. Mais elle ne pense le deuoir faire que par vne conuocation & Assemblée des principaux du Royaume, pour les rendre capables de la raison & necessité de ce faire pour le repos commun de tous; ne le pouuant sa Maiesté faire autrement, mesme sur les ennemis estans puissans, armez & appuyez comme ils sont, sous pretexte de Religion, sans esmouuoir vne grande alteration contre elle, és esprits de ses suiets Catho liques, qui luy rendent l'obeysance, priant que lesdits Princes croient qu'elle a pour ce regard la mesme intention qu'eux, & qu'elle y pouruoir a aussi-tost qu'elle y verra le temps & les moyens mieux disposez.

Au demeurant la Maiesté promet tant à ladite Dame Reine, qu'audit Seigneur & autres Princes qui l'auront aidez en cette occasion, que dès lors qu'elle sera estable en ce Royaume, si aucuns d'eux estoient assaillis en leurs pays & Estats, elle les secourra non seulement de ses moyens, mais aussi de sa propre personne; & particulièrement veut estre obligée de leur fournir deux mil cheuaux & six mil bons Arquebusiers François, payez à ses despens pour trois mois, dont ledit sieur de Turenne leur passera au nom de sa Maiesté, telles promesses & obligations que besoin sera, pour les rendre plus assurez de ce qu'ils peuuent attendre de sa Maiesté en cet endroit.

Il passera aussi toutes obligations & contrats necessaires du prest de deniers qui sera fait à sa Maiesté, en vertu du pouuoir qui luy est donné à cette fin: lesquels deniers seront maniez & disposez, ainsi que ledit Seigneur Ellecteur ordonnera. Et toutesfois seront receus par les quit tances des Tresoriers de sa Maiesté, & les acquits retirez sous leurs noms, qui rendra les obligations plus valables, pour traiter, conclure & arrester de toutes autres choses qui pourront tourner à l'vtilité de ses affaires & de ladite Dame Reine, Seigneur Ellecteur & autres Princes. Lesquelles obligations ladite Maiesté ratifiera & confirmera par ses Lettres patentes de peschéées sous son grand scel, & signez de sa main, & de l'vn de ses Secre taires d'Estat, qui est la plus autentique forme qu'on a accoustumé d'vser en ce Royaume pour semblables effets.

Et parce que les Ambassadeurs de sa Maiesté qui sont en Allemagne, luy ont cy deuant fait entendre que les Princes desiroient lesdites obli gations verifiées en la Cour de Parlement & Chambre des Comptes, & qu'il leur fût respondu, pour le remonstrer audits Princes, que outre que ce n'estoit chose accoustumée, ce seroit vn moyen de diuulguer,

ce que montrait ledit secours qu'ils donnent à sa Maïesté : qu'il luy feroit un grand preiudice en ses affaires : à cause que l'esperance plus grande qu'en auoient eue les Catholiques qui le reconnoissent, les retenoit en plus de deuoir, & donnoit plus de crainte aux ennemis. Si neantmoins cela estoit encore mis en auant, ou que ledit sieur de Turenne entendist qu'ils l'eussent pris en mauuaise part ; il les priera n'estimer que ce ait esté vne excuse ou difficulté forgée pour leur refuser aucune condition d'assurance qu'ils puissent desurer pour lesdits prests : & s'ils estoient encore en opinion que cette formalité y en puisse apporter dauantage, sa Maïesté les en satisfera dans le temps qui sera pour ce promis & accordé.

Après que ledit sieur de Turenne aura communiqué de tout ce que dessus avec ledit seigneur Eslecteur, & eu son aduis & intention de ce qu'il aura à faire enuers les autres Princes, il s'y conduira & vsera tout ainsi qu'il connoistra estre sa volonté & opinion. Et pour son particulier, luy dira de la part de sa Maïesté, qu'es'il a quelque dessein ou affaire, où il connoisse qu'elle ait moyen de luy aider ; il peut auoir la mesme confiance d'elle, & de son affection à la grandeur & à son contentement, qu'il a prise de celle qu'il monstre auoir à l'auancement des affaires de sa Maïesté : l'assurant qu'elle entendra & embrassera tousiours ce qui viendra de la part, comme chose qu'elle reputera estre son fait propre ; & receura aussi de mesme son aduis, s'il le luy veut donner sur les moyens de prendre reuanche contre ceux qui ne s'estudient qu'à troubler le repos d'autrui.

Si parce que ledit sieur de Turenne apprendra estant auprès dudit seigneur Eslecteur, de son opinion touchant les sieurs de Schomberg & de Sancy, il reconnoit qu'il n'ait à desplaisir qu'ils le viennent trouuer, pour sçauoir d'eux s'ils ont quelque chose à luy dire, qui importe le seruice de sa Maïesté ; il les pourra mander, leur communiquer les affaires de sa charge, & les y employer autant que ledit seigneur Eslecteur trouuera bon. Et à la premiere occasion qui se presentera de despescher vers sa Maïesté, elle estime qu'il sera à propos que ledit sieur de Sancy s'en retienne la trouuer. Et où le fait du sieur de Schomberg ne se pourroit accommoder, aduiser avec luy quelque honneste moyen pour s'en pouoir aussi reuenir. Ce que sa Maïesté desire qui se fasse le plus à son contentement qu'il sera possible : & partant ledit sieur de Turenne fera en cela toutes les affaires qu'il pourra.

Quant au sieur de Fresne, estimant que ledit sieur Eslecteur n'aura desagréable son entremise es affaires de sa Maïesté, il demeurera auprès dudit sieur de Turenne, pour aider & seruir à la conduite d'eux, selon qu'il verra à propos de s'y employer, ainsi qu'il est dit cy-deuant : & où au progresz desdites affaires ledit sieur de Turenne connoistra estre besoin de laisser apres son partement vn Ambassadeur par delà de sa Maïesté, que ledit sieur de Fresne y demeure en cette charge ; & ayant

sur ce l'aduis dudit sieur de Turenne, luy enuoya les despêches qui luy seront nécessaires.

Si ledit sieur Esleûteur ne trouuoit bon la venue desdits sieurs de Schomberg & Sancy en sa Cour, ledit sieur de Turenne enuoyera quel qu'un là où ils seront, pour entendre ce qu'ils luy pourront donner de connoissance & de lumiere aux affaires de sa Maieité, & aduiser avec eux aux moyens qu'il y aura plus honnestes pour s'en reuenir. A quoy ledit sieur de Turenne luy rapportera toute la facilité & assistance qu'il luy sera possible, pour estre personnage que sa Maieité desire conseruer en son seruice, avec tout l'honneur qu'il se pourra.

Il pourra escrire dès qu'il sera par delà, aux Ambassadeurs de sa Maieité, au sieur de Beauuoir en Angleterre, au sieur de Sillery en Suisse, au sieur de Maisse à Venise, & au sieur Ancelle qui est près l'Empereur; afin qu'ils aduertissent de ce qui se fera de ce costé concernant le seruice de sa Maieité.

Comme il leur fera aussi part de ce qu'il connoistra estre bon leur faire sçauoir en son costé. Et pour ce faire plus seurement, luy seront baillez les doubles des chiffres qu'ils ont de sa Maieité, desquels il se pourra seruir, comme elle aduertira lesdits ambassadeurs de faire le semblable.

Il fera aussi sçauoir de ses nouvelles au sieur de Quito, lors qu'il sçaura qu'il soit arriué vers Geneue.

Sa Maieité escrit au Roy de Dannemarc, que pour luy estre enuoyée la lettre de despêche par personnage expres, comme ledit sieur de Turenne aduifera, & selon qu'il sçaura estre l'intention & opinion desdits Princes.

Par cy-deuant sa Maieité a veu les coppies d'une lettre que l'Empereur auoit escrite audit sieur Esleûteur de Brandebourg, pour auoir leur aduis sur la qualité du Roy de France, que sa Maieité porte, ensemble la responce qu'ils luy auoient faite; par laquelle ils luy ont assez fait connoistre qu'il ne la deuoit mettre en doute. Dont combien qu'elle en ait cy-deuant fait remerciement par ses lettres audit sieur Esleûteur: Toutefois ne sçachant si il les aura receuës, elle a donné charge audit sieur de Turenne de l'en remercier de nouveau, se loiant autant de la resolution qu'ils ont par là monstree auoir, de soutenir le droit de sa Maieité, comme elle a occasion de se plaindre de la difficulté que ledit Empereur y veut apporter, encore qu'il en soit plus à blasmer que sa Maieité: ny craindre de preiudice de sa part, ayant mesmement l'appuy desdits seigneur Esleûteur & autres Princes du saint Empire.

*INSTRVCTION AV SIEVR VICOMTE DE TVRENNE,
s'en allant en Angleterre 1591.*

SVR ce que le sieur Oratio Pallameny auroit fait entendre au Roy, tant de la part de la Reyne d'Angleterre, que de Monseigneur le Duc de Saxe, Ellecteur du S. Empire; sa Maiesté a aduisé d'enuoyer M. le Vicomte de Turenne, Conseiller en son Conseil d'Estat, premier Capitaine de cent hommes d'Armes de ses Ordonnances, & premier Gentilhomme de la Chambre de sa Maiesté tres-Christienne, premierement pour voir ladite Dame Reyne, pour apres s'estre acquiré de la charge qui luy est donnée enuers elle, & auoir receu ses commandemens, conseils, aduis & instruction sur les affaires pour lesquelles il est depesché, passer en Allemagne.

Estant arriué vers ladite Dame, apres luy auoir présenté les Lettres que sa Maiesté luy escrit, avec ses tres-affectueuses recommandations, il luy dira que sa Maiesté a entendu par ledit sieur Oratio Pallameny, ce que ledit sieur Ellecteur luy auoit donné charge représenter à leurs Maiestez, & pareillement ce qu'il a pleu à ladite Dame y adiouster de sa part: le tout luy ayant esté rapporté si particulierement & discrettement, que l'Ambassadeur s'est fait connoistre digne de l'eslection que ladite Dame a faite pour luy commettre lesdites affaires, & laissé à sadite Maiesté vn tres-grand contentement & bonne opinion de luy: s'assurant que tout ainsi qu'il s'est dignement acquité icy de ladite charge, & avec grande demonstration d'affection au bien des affaires de sa Maiesté, il en aura fait de mesme en Allemagne.

Que si sa Maiesté est demeurée contente de sa negotiation, elle a d'autant plus d'occasion de louer la bonté de ladite Dame, estant ce qu'elle a fait en cet endroit, vne viue representation de bonne volonté avec laquelle il luy plaist embrasser & favoriser les affaires de sadite Maiesté, dont elle la remercie tres-affectueusement, & la prie de vouloir continuer ses genereuses demonstrations de bien-veillance enuers celuy qu'elle a desia obligé; croyant, s'il luy plaist, que ses biens-faits & faueurs ne scauroient estre mieux employez à personne qui les reçoit avec plus grande deuotion de luy en rendre quelque iour vn bon tesmoignage de gratitude & reconnoissance; dont l'occasion ne scauroit si tost se presenter, que sa Maiesté le desire.

Qu'apres auoir considéré ce qui est de l'intention dudit sieur Ellecteur, elle s'est résoluë de se conformer, tant en eslection de personnage qu'ils desirent pour traiter avec eux, qu'en tous les autres points qu'ils a reconneu estre plus à leur gré & contentement.

Et d'autant que sadite Maiefté reconnoift ladite Dame en cela comme le premier motif, de laquelle principalement elle attend la perfection de l'œuvre auquel elle a donné si bon commencement, ledit sieur de Turenne la pria de se donner la peine de voir les pouvoirs & instructions que sadite Maiefté luy a donné & les corriger, reformer, & amplifier tout ainsi qu'il luy plaira : s'assurant sa Maiefté, que où elle mettra la main pour ses affaires, il s'en ensuivra tout bon. heur & prosperité.

Mais le principal est qu'il luy plaise renvoyer ledit sieur Pallameny de ce costé, comme sa Maiefté l'en prie tres-affectueusement, s'assurant que sa personne sera de grande utilité à la conduite de ses affaires, tant pour sa suffisance, que pour la confiance que ledit sieur Esleeteur a prise de luy, avec ce que sa Maiefté se promet aussi tant de sa bonté, qu'elle l'accompagnera de moyens & credit suffisant de sa part, pour aider à la levée & payement des forces dont elle desire que sa Maiefté soit secourue : laquelle l'en supplie pareillement; d'autant qu'en cela consiste le principal fondement, tant pour accroistre la somme qui se pourra tirer des autres Princes, suffisante pour rendre ledit secours assez fort, que la force de son exemple aura à les y faire contribuer : ce qu'autrement ne pourroit difficilement esperer d'eux.

Luy dira aussi qu'à la persuasion dudit sieur Pallameny, elle s'est resolu d'envoyer vers les Estats des Pays-bas, pour essayer de les faire entrer en cette contribution, iusques à la somme de trente mil escus ; dont toutesfois elle n'a aucune esperance, si la faueur & credit de ladite Dame ne les y fait condescendre. A cette cause il la pria d'y vouloir faire à cet effect la plus favorable & expresse dépesche qu'il se pourra ; laquelle auroit beaucoup plus d'efficace, estant portée par quelque personnage expres de sa part, qui eust charge d'y faire aussi de bouche, tous offices propres pour les y persuader. Neantmoins luy en ayant touché vn mot, il laissera ce dernier point à sa deuotion, sans la presser davantage pour ce regard : car si elle refout de s'y employer, elle le voudra faire de sorte qu'elle n'en soit esconduite à force de leur auoir fait connoistre, que c'est chose qu'elle affectionne.

Ladite Dame à encore adiousté nouvelles obligations à tant d'autres dont S. M. luy est redevable, pour le prest qu'elle luy a fait de la somme de cent mil francs, pour aider à entretenir ses estrangers, lesquels elle a entendu estre arriuez à Dieppe : ayant rendu d'autant plus la grace entiere, qu'elle n'a attendu que sa Maiefté les enuoyast querir, ny autre obligation, que celle que le sieur de Beauuoir luy en a passée. Ce sont actions d'une ame vraiment genereuse, que d'auoir en soy-mesme la principale satisfaction de ses bien-faits, & qui ne peuuent mieux conuenir qu'à vne grande Princesse, comme elle est, pour les bons & signalez effets que sa Maiefté en reçoit chacun iour : elle l'en remercie de tout son cœur, ne faisant difficulté de se rendre de plus en plus son obligé, pour ce qu'il luy est desia tout acquis, & ne scauroit desirer plus de satisfaction de sa Maiefté

enquelque sorte que ce soit, qu'elle a intention de luy en rendre. Et si les choses sont à estimer selon le fruit qu'elles apportent, la Maïesté aduoué que cette dernière obligation est d'autant plus grande, que la somme suldite a donné moyen à la Maïesté de retenir encore ce qu'il a referué de son armée prez de soy, qui sans cela eut esté défaite; parce que les Estrangers estoient sur le point de l'abandonner.

Que multipliant ainsi les faueurs enuers la Maïesté, ce luy est vn argument indubitable, qu'elle n'en pouuoit laisser passer le fruit à faute d'y adiouster encore dauantage: c'est pourquoy la Maïesté ne craint aussi de luy estre importun, en luy declarant & presentant l'estat de ses affaires, comme attendant de sa part son principal secours.

Par ce qui est déclaré en l'instruction baillée audit sieur de Turenne, pours'en seruir en Allemagne, elle connoistra, s'il luy plaist l'entendre, en quel destroit la maïesté se trouue à present, par les efforts que le Roy d'Espagne fait contr'elle, & à faute de s'estre trouuée accommodée pour entretenir vne armée suffisante pour faire teste à celle du Duc de Parme: au moyen dequoy elle a esté contrainte, se refoudre à mettre les meilleures garnisons qu'elle a peu dedans ses places, & à cette occasion à esperer par le long temps que l'ennemy a mis à prendre Corbeil, que la Maïesté ne tenoit en compte de place qui se peult défendre, qu'il n'aduancera pas beaucoup sur les autres cet hyuer. Toutesfois pource que se sentant la Maïesté à present foible, par la separation qu'elle a esté contrainte faire de son armée, il ne craindra possible de s'engager au siege de quelque place, encore qu'il puisse estre long, & qu'il n'y a si bonne place qui ne se puisse à la fin emporter, si elle n'est secouruë; la Maïesté desireroit se preparer secretement de bonne heure, pour audit cas; apres que l'ennemy sera matté de la longueur d'un siege qui est la ruine infaillible d'une armée, mesme en hyuer, faire à l'impourueu vn effort sur luy, esperant que le prenant en l'estat où il seroit lors, il en auroit facilement la victoire, ou bien par autre entreprise faire desmordre à l'ennemy la sienne.

Pour l'effet que dessus, elle pourra aduertir les Gouverneurs & la Noblesse d'aucunes Prouinces voisines, de se tenir prests pour se rendre où la Maïesté leur ordonnera, quand il sera temps, sans leur dire pourquoy. Mais d'autant qu'elle auroit besoin d'estre renforcée d'Infanterie, il sçaura de ladite Dames'il luy plairoit de l'accommoder de quatre mil hommes de pied pour vn mois ou six semaines: & s'il voit qu'elle s'y veuille disposer, il la priera de les faire tenir prests pour venir lors que la Maïesté les luy enuoyera demander pour l'execution de son dessein, ou bien si elle n'en a besoin à cet effet, qu'elle les voulust faire passer ez Pays-bas, pour donner occasion au Duc de Parme de s'y en retourner: lequel estant ennemy commun de leurs Maïestez, & les trauaillant des deux costez, ses desseins seront moins puisans & dangereux là où il voudra entreprendre: en quoy luy estant donné relasche d'un costé, ce luy est autant plus d'auantage pour effectuer ses desseins; & de l'un pourroit apres tourner à l'autre avec

mesme aduantage ; au lieu que luy faisant separer ses forces , chacun aura plus de moyen de luy resister.

Sur tous les points susdits & autres qui se pourroient offrir sur les lieux, ledit sieur de Turenne s'estendra selon que par la prudence il connoistra estre le bien du seruice de sa Maiesté ; taschant sur tout à laisser ladite Dame en bonne opinion de l'estime que sa Maiesté fait de son amitié & de sa bonne grace , & du desir qu'elle a de luy conseruer par tous les moyens qu'il lera possible. En quoy , & en toutes autres choses concernant le seruice de ladite Maiesté, il pourra estre aydé des aduis du sieur de Beauuoir, selon la connoissance qu'il en a , avec lequel en pourra communiquer, pour estre en iceux instruit de la façon qu'il aura à se conduire.

Et parce que le sieur de Beauuoir a de long-temps fait instance d'auoir son congé pour s'en reuenir, à cause de l'indisposition plus grande que luy portel'air & le sejour de delà ; sa Maiesté voulant luy donner contentement en cela, luy accorde son congé, ayant aduisé d'enuoyer à present le sieur de Buzenual pour demeurer en ladite Charge : apres toute fois qu'il aura fait le voyage vers les Estats, qu'elle luy a commandé de faire pour le fait susdit, où il s'acheminera incontinent que la depeche qui en est desirée de la part de ladite Dame sera faite, & de là s'en retournera prendre ladite charge ; & en attendant ledit sieur de Beauuoir continuera encore d'y seruir ladite Maiesté, comme il a diligemment fait par cy-deuant ; & le tiendra prest pour partir quand bon luy semblera , apres le retour dudit sieur de Buzenual. Laquelle resolution de sa Maiesté ledit sieur de Turenne fera cependant entendre à ladite Dame, & la pñera l'auoir agreable, sur l'assurance qu'elle a que ledit sieur de Buzenual aura principalement les yeux en ce seruice au contentement de ladite Dame, qu'elle desire en toutes choses comme le sien propre.

Apres ce premier deuoir, il visitera Monsieur le Comte de Saxe de la part de sa Maiesté, auquel il dira qu'elle est bien informée de l'affection qu'il continué enuers elle, & des tesmoignages qu'il en rend de iour à autre ; ce qu'elle reconnoist proceder de son bon naturel, & en rend sa Maiesté d'autant plus obligée en son endroit, dont elle le remercie : & parce qu'elle se promet de faire tous bons offices pour l'auancement des affaires dont ledit sieur de Turenne a charge de parler à ladite Dame, dont il en pourra communiquer avec luy ; mesme du secours d'hommes pour vne occasion predite qui se pouuoit offrir, ainsi qu'il luy fera entendre. Et le priera d'employer tout son bon credit pour y rendre ladite Dame plus facile & fauorable : quoy faisant, il acquerera tousiours d'autant plus de part enuers sa Maiesté ; & se peut assurer que la souuenance luy en demeurera à iamais pour le reconnoistre, lors que Dieu permettra tout bon heur & commodité en ses affaires , qu'elle luy puisse tesmoigner la bonne volonté qu'elle luy porte.

Il visitera aussi Monsieur le grand Tresorier , & luy fera semblable re-

merciement de la bonne main qu'il tient enuers ladite Dame aux affaires de sa Maieſté, comme de nouveau ledit ſieur de Buzenual l'en a aſſeuré par ſes lettres; & la facilite aux effets qu'elle en reçoit, le fai. auſſi clairement connoiſtre. Que pareillement elle ſçait qu'il a fait tous bons offices pour ce dernier preſt dont il a plû à ladite Dame accommoder encore les affaires de ſa Maieſté, qui luy eſt venu auſſi à propos que plaiſir qu'elle ſçauroit iamais receuoir, pour le dangeroù elle eſtoit d'eſtre delaſſée de ſes eſtrangers, ſans ce prompt ſecours; qu'elle la prie ne ſe refroidir de la bonne volonté qu'elle y a montrée enuers ſa Maieſté & ſes affaires, mais ay der touſiours de ſon pouuoir à les aduancer, qui luy acquerera bonne part au merite que ſa Maieſté en deura à ceux qui en auront donné aſſiſtance, & confirmera de plus en plus en elle vne bonne volonré de le reconnoiſtre enuers luy & les ſiens, ſelon que les occaſions s'en pourront offrir.

Fera auſſi tels complimens enuers Monſieur l'Admiral & autres Seigneurs du Conſeil, qu'il ſçaura dudit ſieur de Beauuoir eſtre à propos.

Et parce que la ſaiſon preſſe pour le paſſage de la mer, que la gelée peut fermer pour quelques mois, ledit ſieur de Turenne ſollicitera de ſon pouuoir l'expedition de ce qui ſera neceſſaire pour ſon voyage, du ſieur Pallameny, afin de preuenir, s'il eſt poſſible, le temps de ladite gelée; & que ſa Maieſté puiſſe tant pluroſt reſſentir le fruit qu'elle eſpere receuoir de ſon dit voyage, comme elle ſ'aſſure qu'en ce qui deſpend de luy, il ne ſera rien obmis de ce qu'elle y peur deſirer





*INSTRVCTION AV SIEVR DE BUZENVAL,
s'en allant au Pais-bas. 1692.*

SIEVR de Buzenual, Gentil-homme ordinaire de la Chambre du Roy, estant presentement enuoyé par sa Maïesté vers les sieurs des Estats vnis des Pays-bas, luy a donné charge de traiter en ce voyage, & pour son seruice, ce que cy-apres sera dit.

Sa Maïesté ayant aduisé sur la deliberation du secours qu'elle a besoin recouurer d'Allemagne, à quoy la Reine d'Angleterre, les Princes Protestans, tant Esleûteurs qu'autres, & aucunes villes & Communau-tez leur veulent ayder de leur moyens; a resoult de requerir lesdits Estats vouloir entrer en la contribution des frais necessaires à cet effort, iusques à la somme de trente mil escus par prest; a neantmoins estimé necessaire de faire accompagner cette requeste de la faueur & recommandation de la Reine d'Angleterre, comme sa Maïesté a donné charge à Monsieur le Vicomte de Turenne, entr'autres choses, la prier vouloir interposer son credit; & partant ledit sieur de Buzenual passera en Angleterre avec luy, pour estre accompagné à sondit voyage & negotiation des Pays-bas, de la part de ladite Dame, ou de lettres ou d'hommes expréz, si elle le veut accorder, comme il y faudra tascher, parce que cela auroit beaucoup plus de force & d'efficace à surmonter les difficultez qui serencentrent ordinairement en semblables affaires.

Cette depesche obtenuë de ladite Dame, soit par lettres seulement; ou par hommes expréz, ledit sieur de Buzenual se transportera en Zelande, & ailleurs où besoin sera; & s'il y trouue Monsieur le Comte Maurice de Nassau, Monsieur l'Admiral son frere, les sieurs de saint Audegonde & de Villiers, ou aucuns d'eux, il leur communiquera l'occasion de son voyage: ensemble à Madame la Princeesse d'Orange pour y estre aydée de leurs aduis & credit, comme sa Maïesté s'assure qu'ils donneront volontiers toute l'adresse & assistance qu'ils pourront, pour l'affection qu'elle sçait qu'ils ont au bien de son seruice; ainsi qu'ils le font de plus en plus connoistre, & l'ont encore recentemente telmoigné par le secours de poudres & nauires de guerre que sa Maïesté a n'agueres receu desdits Estats, qu'elle reconnoist principalement de la faueur dudit sieur Comte, avec la perswasion que les autres Seigneurs sùdits y ont pû apporter; dont ledit sieur de Buzenual les remerciera tous particulièrement au nom de sadite Maïesté: les priant ne se laisser de cette bonne volonté, & des effets qu'ils en rendent, que sa Maïesté espere leur reualoir quelque iour, de façon qu'ils auront occasion de s'en louer.

Après s'estre instruit avec eux du moyen qu'il aura à tenir avec les sieurs du Conseil, qui representent lesdits Estats; il s'adressera à eux en leurdit Conseil; & leur ayant baillé les lettres que sa Maiesté leur escriit, leur dira que puis que le besoin où les hommes se trouuent, fait la preuve certaine de ceux qui leur sont bons amis; à bon droit sa Maiesté les tient pour les siens. Car ils ne se sont contentez de l'asseurer de leur amitié & bonne volonté par leurs lettres, qui en portoient neantmoins tres-expresse declaration; mais y ont adioulte les effets, dont ils ont esté requis de sa part depuis son aduenement à la Couronne, l'ayant l'année passée secouruë d'une somme de deniers, telle que leurs moyens auoient pu porter; & puis n'agueres d'une bonne quantité de poudre, & six nauires de guerre, accommodées pour trois mois.

Qu'encore qu'elle ne leur ait fait plustost les remerciemens du dernier secours, ce n'est toutefois la faute de ne leur en sçauoir le bon gré qu'ils meritent.

Qu'elle ne mesure seulement selon la quantité en quoy il consiste, mais encore beaucoup plus selon la bonne volonté qu'ils monstrent de continuer à l'endroit de sa Maiesté, laquelle les remercie autant affectueusement qu'il luy est possible.

Que veritablement ils ont occasion de luy estre bien affectionnez, si la bien-veillance doit estre reciproque: car c'est une affection qui luy est de long-temps formée enuers eux, qu'elle a tousiours desiré leur faire connoistre par quelques bons effets; & a tres-grand regret que les tres-grands accidens aduenus en ses affaires, ont esté cause qu'ils l'ont en cela preueni d'obligations acquises enuers elle.

Toutefois avec leur bonne volonté, qu'ils luy ont en elle fait connoistre, c'est chose qui leur doit estre aussi attribuée à grande prudence; veu que le secours qu'ils ont donné à sa Maiesté, est contre le mesme ennemy qui dés long-temps est armé, & n'a espargné aucune sorte de violence & rigueur pour les souffinettre au ioug de ses tyranniques volontez: & tant plus de moyen que sadite Maiesté a d'empescher les progresz de son ambition, tant plus ils en demeurent soulagez des efforts qu'il pourroit faire contr'eux, s'il n'estoit occupé ailleurs.

Or puis qu'il fait connoistre de vouloir pour cette heure du tout trouuer ses desseins, & profiter de la rebellion qui l'y appelle; il est tres-necessaire que sa Maiesté se pouruoie de tous les moyens, & plus grandes forces qu'elle pourra pour luy resister. Ce qui luy seroit tres-mal-aisé de faire, avec celles qu'elle peur assembler de ses sujets; attendu l'estat où le Royaume est reduit: partant elle a iugé qu'il luy est besoin d'auoir une bonne & grosse leuée d'Allemands, & iusques à six mil Reistres, & huit ou dix mil Lansquenets; avec une autre leuée qu'elle pourra aussi faire de Suisses, pour auoir le tout sur la fin d'Avril prochain; esperant qu'avec cela elle aura dequoy donner tant d'exercice audit ennemy commun, qu'il sera contraint cependant de laisser les autres en repos.

Que s'ils entrent en quelques considerations de la grande despence que cela peut monter, ils iugeront assez, selon la connoissance qu'ils ont des affaires de sa Maiesté, que d'elle-mesme elle n'y pouuoit satisfaire; & que neantmoins les autres Princes & Estats ont interest de ne la laisser succomber, pour le mal qui leur en pourroit auenir en leur particulier, n'y ayant rien qui puisse tant empescher les entreprises de l'ennemy commun sur eux, que la conseruation de la Couronne de France és mains d'un Roy qui n'estoit à sa deuotion, ny par consequent qui luy puisse plus ouurir le chemin à leur ruine que celle cedit Estat.

La Reine d'Angleterre, Monsieur l'Electeur de Saxe, & autres Princes Protestants iugeans tres-bien cette consequence des ennemis de ce Royaume, & qu'encore qu'il soit à present le principal siege ou theatre où les Espagnols iouient leurs cruelles tragedies, si est ce que pour la qualité de tels ennemis, la guerre, en quelque part qu'ils la fassent, doit estre representée commune à tous, ont resolu d'ayder à sa Maiesté de leurs moyens, pour luy faire auoir le secours qu'elle desire faire venir d'Allemagne.

Les mesmes raisons inuitent aussi les sieurs des Estats de faire le semblable, & se peut encore dire qu'ils y ont plus d'interest que nuls autres, pour estre les premiers sur lesquels l'effort des Espagnols tomberoit, s'ils n'estoient secourus de la part de sa Maiesté.

A cette cause estimant que la requeste d'entrer en cette contribution ne sera mal receuë de leur part, elle a depesché deuers eux ledit sieur de Buzenual, pour leur communiquer l'estat susdit, & les deliberations de sa Maiesté, & les prier luy vouloir faire vn nouveau prest pour l'effet susdit, iusques à la somme de trente mil escus, qui n'est ce que la guerre, l'ayant chez eux, leur pourroit appotter de dommage & despence en vn iour, & neantmoins ils en pourront estre deschargez pour long temps, estant donné moyen à sa Maiesté de faire telte à l'Espagnol. Ce que plusieurs contributions ensemble peuuent faire avec peu d'incommodité de chacun, & toutefois vn en particulier en peut receuoir vn grand benefice, outre l'obligation plus grande que sa Maiesté aura de les assister, apres son establissement, s'ils en ont besoin: comme ledit sieur de Buzenual assure particulièrement lesdits sieurs des Estats, que les moyens qu'elle aura ne seront iamais espargnez pour leur seureté & conseruation.

S'ils accordent ledit prest, il sera à propos de le faire tenir à Francfort, pour estre misés mains du Prince qui aura la conduite de ladite armée d'Allemagne; partant ledit sieur de Buzenual sçaura si lesdits sieurs des Estats en auront le moyen, & s'ils le voudront faire, ou bien si les fournissant esdits Pays-bas, il s'y trouuera quelque autre voye pour les faire tenir audit Francfort.

Si ce sont les sieurs desdits Estats qui entteptennent & promettent de le faire, il en faudra prendre les doubles lettres, & estans fournis

les deniers en Allemagne, Monsieur de Turenne en passera l'obligation au nom de sa Maïesté, en vertu du pouuoir general qu'elle luy a baillé, pour toutes affaires qui s'offriront de ce costé-là.

Et neantmoins pour ne demeurer court à faute de pouuoir de passer ladite obligation, au cas qu'ils voulussent fournir l'argent esdits Pays-bas, il en est baillé vn particulier audit sieur de Buzenual, pour s'en seruir, s'il y a occasion de ce faire: & retenant lesdits deniers, il verra s'il y a moyen de les faire tenir à Francfort, sans les faire porter en Angleterre, où il se pourra trouuer moyen de les faire fournir en Allemagne.

Si tost qu'il aura acheué d'une façon ou d'autre cette negotiation, il s'en retournera en Angleterre, pour y demeurer & seruir la Maïesté en la charge qu'elle luy a donnée, donnaat incontinent aduis, tant à sadite Maïesté qu'audit sieur de Turenne, du succez qu'il aura en son voyage és Pays-bas.





*INSTRUCTION A MONSIEVR DE LA FIN S'EN
allant en Lionnois 1693.*

LE Roy ayant eu tres-àgreable la negociation faite par le sieur de la Fin à Lyon, & en autres endroits, où il auroit nagueres esté par le commandement de sa Maiesté ensuiuant la charge qu'elle luy auroit donné, & considerant que pour conduire les affaires d'icelles negociations à leur effet pour le bien de son seruice, elle n'en sçauoit commettre la charge à personne plus capable que ledit sieur de la Fin, mesmes pour la connoissance qu'il a des personnes avec lesquelles il est besoin de traiter desdites affaires, qui pourront aussi ensuite de la premiere communication qu'ils ont eu ensemble, prendre plus de confiance de luy que d'un autre: sa Maiesté a aduisé de le renuoyer audit pays, pour poursuivre ce qui a esté commencé en son premier voyage, & essayer d'en faire sortir des bonnes & vtils resolutions que sa Maiesté desire pour le bien publicque de ce Royaume. Et neantmoins d'autant que la despesche que la Maiesté fait par luy à Monsieur le Duc de Montmorency, ne luy pourra permettre de s'arrester longuement à la discussion desdites affaires: auant que passer outre, & que l'intermission d'iceux attendant son retour ne pourroit estre que trop preiudiciable à son seruice, sa Maiesté a trouué bon de joindre avec luy en ladite charge le sieur de saint André, premier Conseiller en son Conseil d'Etat, & President en la Cour de Parlement de Dauphiné, pour y vaquer eux deux ensemblement; afin que par cette communication ledit sieur de saint André s'en puisse mieux instruire: & apres luy seul continuëra d'y faire ce qui eschëra durant le voyage que ledit sieur de la Fin fera en Languedoc.

Mais auant qu'aller plus outre, ledit sieur de la Fin passera en Auvergne, vers Monsieur le Comte de Clermont, auquel apres auoir baille la Lettre que sa Maiesté luy escrit, il dira que comme il appartient de prez à sa Maiesté, il n'y a aussi personne qui l'aime plus qu'elle fait, & que son intention est de faire ce qu'elle pourra pour son bien & aduancement. Que de sa part, pour conformer sa Maiesté en cette bonne volonté, & luy donner occasion & tant plus de moyen de l'effectuer, il se doit estudier de rendre ses actions telles qu'elles luy puissent estre agreables & de si bonne odeur à tout le monde, qu'avec la faueur qu'il receura de sa Maiesté, elles luy acquierent vne honnorable reputation, & la bien-veillance d'un chacun.

Que pour le desir que sa Maiesté a de donner tout le meilleur ordre & establissement qu'il se pourra à ses affaires particulieres, elle veut qu'il la vienne trouuer avec Monsieur le Duc de Montmorency son Beau-pere, ne luy pouuant arriuer occasion qu'il ait de plus souhaiter de se rendre
prez

prez de sa Maieſté que de venir en la Compagnie de celuy qui luy eſt vn ſecond Pere; ſa Maieſté luy voulant touſiours tenir lieu de premier, & duquel les bons offices qu'il en peut eſperer, eſtans ioints avec la bonne volonté de ſadite Maieſté, il doit croire que ce voyage ne luy peut eſtre que tres-vtile & aduantageux & qu'à cette cauſe, il ſ'y doit volontairement diſpoſer: mais quand ſa Maieſté n'en auroit pris la reſolution, il deuroit taſcher par tous moyens de luy faire trouuer bon.

Qu'elle ſçait bien qu'il y a des gens aupres de luy qui font ce qu'ils peuuent pour l'en diſſuader, & luy imprimer des défiances de la bonne volonté de ſa Maieſté en ſon endroit. Mais ſ'il aime ſon bien, il ne le peut chercher ailleurs qu'en la bonne grace de ſa Maieſté: & doit tenir pour ſuſpectſ tous conſeils tendans à y prendre fondement, ou à faire autre choſe qui luy puiſſe apporter quelque mal contentement, comme eſtans ceux qu'il luy donnent, meus de conſiderations qui regardent leur particulier plus que ſon profit & honneur.

Que d'adiouter foy aux perſuaſions qu'ils luy font, pour luy faire croire que ſa Maieſté ne l'aime point, c'eſt deſfaillir du Jugement que Dieu luy a donné pour diſcerner le vray d'avec le faux. Sa Maieſté a intérêt à ſa conſeruation, tant pour luy attoucher, comme il fait, que pour les grands ſeruices qu'il luy peut faire, & à cette Couronne, quand il voudra prendre les vrais moyens qui doiuent accompagner l'honneur de l'extraction, pour le ſouſtenir & augmenter par merites.

Il y a encore cet argument dauantage, de ne deuoir que tres-bien eſperer de ſa Maieſté, quand il ſe comportera avec le reſpect qu'il doit, que Monsieur de Montmorency, qui l'a reccu pour ſon gendre, & qui luy voyant commencement de lignée de ſa fille, affectionne encore plus ce qui luy touche, non ſeulement ne voudroit conſentir aucune choſe à ſon preiudice, mais auoir touſiours en ſpeciale recommandation ſon aduancement.

Que ſ'il donne le lieu à la creance qu'il doit à cette raiſon trop claire & qui ne peut eſtre contredite, il doit auſſi fermement croire que ſa Maieſté n'appelle aupres de ſoy ledit ſieur Montmorency, que pour ſe repoſer & conſier en luy de tout l'Eſtat de ce Royaume, & non luy faire le deſplaiſir de mal-traiter ceux qui luy touchent de ſi prez, comme fait vn ſien gendre de telle qualité, ſa fille & vn fils que Dieu luy a donné.

Qu'il laiſſe donc telles opinions, ſi elles luy ſont enirées dans l'eſprit, & reconnoiſſant Monsieur de Montmorency comme vn propre Pere, qu'il le propoſe à ſes Conſeils en aduis pour la vraye regle de ſes volontez & actions; qui ne pourront ce faiſant produire que fruit agreable à ſa Maieſté, & à luy tres-vtile: & qu'il ſe tienne preſt pour venir trouuer avec luy ſadite Maieſté, & ſe conformant auſſi pour les regard de ſon gouvernement durant ſon abſence, à ce que ledit ſieur Duc trouuera bon d'y ordonner pour y maintenir toutes choſes en bon eſtat, ſous l'obeyſſance de ſa Maieſté.

Que pour luy donner plus de moyen de venir, la Maïesté ne luy a peu ordonner plus grande somme que celle qu'elle luy a cy-deuant accordée pour cet effet, qui est dix mil escus, laquelle luy sera payée en la recepte générale du pays, suivant l'ordonnance qu'elle luy a fait donner, & que la Maïesté l'a prié de s'en contenter, puis qu'il ne se peut rien mieux faire pour cette heure. Mais estant par deça, elle aduîséra avec ledit sieur Duc son Beau-pere, de luy faire élargir certain de son entretienement si raisonnable, qu'il aura occasion de s'en contenter.

Après ces rémonstrances & persuasions faites de la part de la Maïesté envers ledit sieur Comte, ledit sieur de la Fin fera entendre à Madame la Comtesse sa femme, la volonté de la Maïesté envers eux, & le desir qu'elle a de leur en faire ressentir les effets; lesquels sondit mary ne peut mieux accélérer qu'en s'accommodant à ce que S.M. luy mande: & partant qu'elle tienné la main envers luy à le faire résoudre de venir avec Monsieur de Montmorency, & de se conduire en tout selon les bons conseils & aduis qu'il luy sçaura donner. Lesquels comme la Maïesté s'assure qu'ils ne tendront jamais qu'à faire ce qui luy apporte contentement; aussi ils se pourrout assurer que ce sera le vray moyen pour l'inciter à faire pour eux tout ce qui luy sera possible. Et si ledit sieur Duc trouue bon qu'elle vienne avec sondit mary, ce sera chose que la Maïesté aura très-agréable: mais sur tout elle desire que ledit sieur de la Fin tire toute la certitude qu'il pourra de l'intencion dudit sieur Comte touchant ledit voyage, pour en faire rapport audit sieur Duc, quand il sera attriué vers luy: & aduertira la Maïesté au plus tost de la disposition en laquelle il l'aura laissé pour se regarder.

Sa Maïesté desire aussi que ledit sieur de la Fin fasse entendre aux Echevins & habitants de la Ville de Clermont, le bon gré qu'elle leur sçait du grand & fidele deuoir qu'ils ont rendu & continuent de rendre pour son service, tenant le soin & vigilance qu'ils apportent à la conseruation de leur Ville, & qu'elle les prie & exhorte de s'elueruer tousiours de bien en mieux: considerant qu'outre leur seureté, qui demeure par ce moyen garantie des mauvais desseins que les ennemis du repos public peuent faire pour les surprendre & ruiner, ils acquiescent de iour à autre nonneau mérite envers S.M. qu'ils trouueront tousiours à cette occasion très-disposée à les en gratifier en tout ce qu'elle pourra.

Il fera aussi telle affaire qu'il aduîséra sur le mesme sujet envers la ville de Montferrand, s'il iuge qu'il soit à propos; comme la Maïesté remue pareillement à sa prudence d'en user envers icelle ville de l'obeyssance de la Maïesté, qu'elle connoistra estre besoin: & semblablement s'il voit quelque bonne disposition en aucune des autres, de les y conforter par toutes les bonnes persuasions qu'elle pourra: faisant aussi tous les offices qu'il verra estre nécessaires étuier la Noblesse du pays, pour entretenir en bonne deuotion au service de la Maïesté, ceux qui le soutiennent, & y attirer les autres; sans tout efois s'arrester audit pays, pour faire qu'autre-

ment que la commodité s'en offrira, faisant son voyage, pour ne perdre les occasions ailleurs, qui ont besoin d'estre viuement poursuuies. Passant outre, si le sieur de saint Germain Dapchon est en la maison, il luy dira le contentement que sa Maiesté a de luy, sçachant de quelle affection il s'employe enuers son beau-frere pour le faire resoudre, qu'il luy a dés long temps déclaré vouloir faire à sa Maiesté, & l'assurera pour son particulier qu'elle luy fera connoistre par quelque bon effet, que comme il sert fidelement sa Maiesté, elle n'en laissera le merite qu'il en requiert sans condigne recompense.

S'enquerera de luy de ce qu'il a reconnu & appris de l'intention de sondit beau-frere, depuis les derniers aduis qu'il en a donnez à sa Maiesté, & quel iugement il en a fait : & si par ce qu'il luy en respondra, il entend que ledit beau-frere soit en volonté de s'accommoder, il luy dira qu'il apporte dequoy luy donner contentement en honneur & commodité, comme il luy fera connoistre quand il sera arriué vers luy, où il se rendra bien-tost : mais que sa Maiesté a trouué bon de le faire passer vers le sieur de Cheurieres & Marquis d'Urfay, pour chercher les moyens de se mettre bien ensemble, ou au moins empeschier que leur querelle ne fasse courner vne partie des forces du pays du costé de l'ennemy, au cas que la ville de Lyon se resolue, par le moyen de Monsieur de Lyon, à reconnoistre son deuoir enuers sa Maiesté, & qu'en attendant qu'il puisse arriuer en ladite ville, ledit sieur de saint Germain donne aduis audit sieur de Lyon du passage dudit sieur de la Fin, & de l'occasion pour laquelle il ne sera allé droit à luy, l'assurant neanmoins qu'il le verra bien-tost, ganny de ce qu'il a montré desirer de sa Maiesté. Surquoy ledit sieur de saint Germain le sollicitera se preparer à faire aussi de sa part ce qu'il doit, afin qu'en receuant par sa Maiesté le seruice qu'il a moyen de luy faire en cette occasion, il puisse aussi tant plustost recueillir le fruit du merite d'iceluy.

De là les susdits sieurs de la Fin & President de saint André s'en iront trouuer ledit sieur de Cheurieres, auquel ledit sieur de la Fin, assistant ledit sieur de saint André, dira que sa Maiesté a esté tres aise de l'assurance qu'il luy a portée de sa part, tant par les lettres qu'il luy a escrites, que de bouche, de vouloir embrasser son seruice, & employer ses moyens, son industrie & son credit pour y attirer la ville de Lyon & le pays dependant du Gouuernement d'icelle, & qu'elle desire aussi si bien reconnoistre le merite qu'il acquerera en ce faisant, qu'il ait occasion de s'en contenter, estant son intention de luy donner le Gouuernement de ladite ville, & des Pays de Lyonnois & Beaujollois, comme de cette heure elle en a fait expedier la prouision en son nom, & que ledit sieur de la Fin porte quant & soy.

Que sa Maiesté se trouue aucunement en peine de la pretention du sieur Archeuesque de Lyon à la mesme charge, au moins de Lyon & du Lyonnois, & que ceux de ladite ville qui desirent la voir reduite à l'o-

beyssance de sa Maïesté, donnent auis de le contenter, pour le pou-
voir qu'il y a, & le danger qu'ils craignent en ne le faisant pas, qu'il fasse
perdre ladite ville, qui tireroit avec soy la ruine & perte de tout le pays:
& par le langage que ledit sieur de la Fin dit que ledit sieur de Cheurie-
res luy en a tenu, la Maïesté a connu qu'il est de mesme auis à conten-
ter ledit sieur Archeuesque.

Que si cela se pouuoit faire en luy donnant toutes sortes d'honneurs,
qu'elle pourra accompagner de bonnes commoditez & bien faits, la dif-
ficulté en laquelle se trouue la Maïesté, seroit voidée selon son souhait,
qui est que ledit sieur de Cheurieres demeurast audit Gouvernement,
& que ledit sieur Archeuesque en luy donnant satisfaction en autres
choses, apportast les moyens en la reduction de ladite ville en son
obeyssance.

Mais s'il ne se veut ainsi accommoder, il est besoin de regarder ce
qui se doit & peut faire pour le mieux, dont elle ne s'est voulu resoudre
de soy-mesme, ny donner sous-main esperance à tous deux d'une mes-
me chose, pour attendre lequel s'acquerreroit le premier à son seruice, &
la donner à celuy-là; ains remis audit sieur de la Fin de faire cette re-
solution avec ledit sieur de Cheurieres & par son auis: s'assurant qu'il
desire tant l'auancement des affaires de sa Maïesté de ce costé-là, où il
connoist que la raison & le bien public concourent ensemble, que la
consideration d'iceluy emportera celle de son particulier, au iugement
qu'il fera aux accidens de cette difficulté. Partant elle le prie de dire sur
ce son opposition audit sieur de la Fin; & le faire d'autant plus libre-
ment, que sa Maïesté ne met en doute ny en comparaison pour le re-
gard desdites personnes, qu'elle luy peut estre plus vile; cela estant
tellement resolu en son esprit, qu'en quelque sorte que ce soit, elle
desire l'obliger, & le tient desia pour tout assuré à son seruice, & en
cette qualité elle attend de luyvn fidele conseil.

Que pour mieux iuger l'estat qui se doit faire dudit sieur Archeuef-
que, il est besoin considerer qu'encore qu'il y eust apparence de le pou-
voir effectuer sans son moyen; s'il y va du temps à le faire, la longueur
pourroit faire naistre des accidens qui en pourroient faire perdre le
fruit, dont sa Maïesté s'assure qu'il sçaura bien penser à la conse-
quence pour le resoudre à ce qu'il iugera estre plus seur & utile pour
son seruice.

Et s'il est d'aus qu'il soit necessaire contenter ledit sieur Archeuef-
que, ledit sieur de la Fin luy dira que s'il propose en cela son particulier,
sa Maïesté ne veut pourtant qu'il abandonne l'esperance de cette char-
ge, qu'elle luy desire plus qu'à tous autres, comme elle luy a dès long-
temps vouée, & qu'il ne tiendra à chose qui puisse accommoder ledit
sieur Archeuesque de la part de sadite Maïesté, apres la reduction de
Lyon, qu'il n'en prenne recompense, pour laisser icelle charge audit
sieur Archeuesque, lequel pourra penser de bonne heure aux moyens

qui se pourront tenir pour induire à cela ledit sieur Archeuesque, & pour le faire, sa Maiesté promet dès cette hebre bailler en recompense la somme de cinquante mille escus. Et où ledit sieur Archeuesque n'y voudroit entendre, elle veut & entend que ladite somme soit baillée audit sieur de Cheurieres, en attendant que par autres moyens, il puisse estre pourueu dudit Gouvernement.

Que cependant pour luy donner autorité & ne le laisser sans charge, aduenant qu'il ne soit d'aduis de donner le Gouvernement audit sieur Archeuesque, sa Maiesté a aduisé de luy faire expedier vn pouuoir pour commander aux forces qui seruent à la campagne, dont ledit sieur Archeuesque n'aura occasion de se plaindre, pour n'estre charge conuenable à la profession & qualité Ecclesiastique. Et neantmoins le mieux seroit de tenir ledit pouuoir secret, iusques à ce que le fait de Lyon fust bien asseuré pour sa Maiesté.

Que si ledit sieur de Cheurieres pense en venir à bout sans le moyen dudit Archeuesque, sa Maiesté en seroit beaucoup plus aise, pour ne departir ny luy déferer l'honneur qu'elle desire à luy seul.

Au demeurant, ledit sieur de la Fin luy dira le moyen & langage qu'il aura tenu audit sieur de saint Germain, pour le faire entendre audit sieur Archeuesque, afin de luy oster la ialousie de n'auoir esté vers luy le premier, à sçauoir que sa Maiesté craignant que la querelle d'entre luy & le Marquis d'Urfay, portast preiudice & empeschement à son seruice par-delà, & au repos du pays, a désiré qu'il passast pardeuers eux, pour leur persuader de s'en accommoder, ou au moins en remettre pour vn temps toutes recherches & ressentiment: qui n'est pas aussi chose feinte. Car sa Maiesté en a donné aussi charge audit sieur de la Fin, mesme de les prier, comme il fera, s'en vouloir remettre à Monsieur le Connestable, lors qu'il passera, auquel sa Maiesté en escrit, afin de faire ce qu'il pourra pour les accorder; & cependant elle desire qu'ils tiennent tout en assurance, & s'en donnent la parole l'un à l'autre, ayant cependant intelligence en ce qui regarde le seruice de sa Maiesté, pour s'y employer mesme ensemblement, si l'occasion le requiert: & puis que ledit sieur de la Fin se sera seruy de cét argument enuers ledit sieur Archeuesque, pour aller trouuer ledit sieur de Cheurieres le premier; il sera à propos que de son costé il fasse aussi courir le bruit que c'est ce dequoy il aura traité avec luy.

Parcillement luy dira, que sa Maiesté l'ayant chargé de depesches & commandement d'importance vers Monsieur le Connestable, au moyen dequoy il ne pourra s'arrester longuement pour les affaires de Lyon, elle a aduisé de ioindre avec luy le sieur President de saint André, qui demeurera audit pays, pendant le voyage qu'il aura à faire en Languedoc, pour poursuiure ce qui sera commencé, s'il ne se peut promptement acheuer, s'employant où il sera besoin, selon l'assurance que sa Maiesté a de sa fidelité & iustissance, & qu'à cette occasion ils veulent de sa part

Espagnoles, & par la grande part qu'ils luy disent auoir en ce Royaume, car d'en prendre sujet sur chose quine despend de sa Maïesté, il ne se peut avec raison, n'ayant rien esté obmis en la charge de Monsieur de Nevers de ce que ledit sieur de Lyon mesme iuge nécessaire.

Que s'il est des premiers à faire connoistre le contentement de ce que lesdits Espagnols se vantent, & aider à redresser l'Estat penchant à vne dangereuse cheute, qui ne pourroit estre qu'à la ruine des François, & à l'aduancement desdits estrangers, il fera vne œuvre qui luy acquerera loüange perpetuelle enuers la patrie, qui en receura le premier fruit, & vntres-grand merite enuers la Maïesté; laquelle le tendra remarquable d'une si honorable récompense, qu'avec la commodité qu'elle luy apportera, elle luy seruira de tesmoignage & de lustre à la vertu.

Que s'il luy remet en auant, pour moyen d'accommoder les affaires publiques, de bailler ledit Gouvernement au Duc de Mayenne; ledit sieur de la Fin luy osterà toute espérance, ensemble à tous ceux qui en auroient conceu quelque opinion; soit par desir ou crainte que sa Maïesté y veuille iamais condescendre: adioustant qu'elle luy accorde tant d'autres & si grands aduantages, qu'il a plus que de raison de se contenter; & qu'il ne peut refuser sans faire connoistre à tout le monde, qu'il veut plustost la ruine de ce Royaume que la paix; & que tous ceux qui aiment la conseruation de l'Estat, & qui sont aussi affectionnez audit sieur de Mayenne, ont iuste sujet de le blâmer d'estre trop demesuré en ses desirs, s'il pretend encore ledit Gouvernement, plustost que de rendre ministres de ses volonte, à la ruine ineuitable d'eux mesmes, & de celle du public.

Qu'il doit songer à soy, & que s'il fait le seruice qu'il peut à sa Maïesté, c'est à luy qu'elle adiuge & accorde ledit Gouvernement de la ville & pays de Lyonnois, comme récompense qui luy est iustement due; en signe dequoy, elle en a dès à présent baillé la prouision audit sieur de la Fin pour la luy porter: qu'outre pour bailler plus de moyen de s'y entretenir plus honorablement, elle luy accorde la somme de mille écus par mois sur la ferme du sel des pais de Dauphiné & Lionnois, qu'elle luy fera valoir par préférence à toutes autres personnes qui y ont assignations, attendant qu'elle le puisse gratifier en bénéfices de semblable valeur: luy promettant aussi que le premier chapeau de Cardinal que sa Sainteté luy octroyera, sera pour luy.

Que sa Maïesté a esté & est encores recherchée de la part du Duc de Nemours & Marquis de saint Sorlin, à toutes les conditions les plus aduantageuses qu'ils peuuent offrir pour embarrasser leur cause, qu'elle ne leur a voulu refuser, pour leur faire prendre autre adresse par desesperoir, qui seroit mettre la ville en plus grande peine & danger: à cetté occasion elle enuoye le Baron de Maugiron, qui luy auoit apporté quelque parole de leur part; & que toute la charge que sa Maïesté leur a donnée, ne tend qu'à leur oster l'occasion de molestet

ladite ville, quand elle se voudra resoudre à son deuoir enuers sa Maiesté.

Mais d'autant que le bien de ses affaires ne permet de tenir la resolution en longueur, il est besoin qu'ils assurent promptement sa Maiesté de leur intention, & qu'ils la mettent à effet, si elle est telle qu'elle attend. A quoy luy, qui a le principal pouuoir & interest, doit travailler, comme sa Maiesté l'en prie & coniure; ne luy voulant dire le mal contentement qu'elle receuroit, si elle voyoit sa bonne volonté & faueur mespriée, l'offrant si humainement comme elle fait, pour estre chose que luy-mesme sçaura assez iuger, & qu'elle s'assure qu'il voudra éviter.

Sa Maiesté entend que ledit sieur President de saint André assiste à tout, pour bien s'en informer & instruire; & qu'à ceste fin ledit sieur de la Fin fasse entendre audit sieur Archeuesque l'intention de sadite Maiesté pour ce regard, comme il luy dira aussi qu'il a charge de parler & des lettres à bailler aux Escheuins & Conseillers de ladite ville; afin qu'il connoisse que sa Maiesté ne veut rien faire traiter avec eux séparément d'auec luy.

Fera au plustost l'offre necessaire enuers lesdits Escheuins & Conseil, assistant aussi ledit sieur President: & apres leur auoir baillé la lettre que sa Maiesté leur escrit, leur dira qu'elle a esté tres-aise d'entendre par le rapport qu'on luy a fait de la bonne volonté avec laquelle ils luy auroient fait connoistre de recevoir le soin qu'elle auroit montré auoir de leur conseruation, pour l'ordre qu'elle leur auoit donné de les faire secourir & assister, s'ils en auoient besoin, & que cela luy auoit d'autant plus accru l'affection qu'elle auoit à leur bien & repos. Que c'est aussi de sa Maiesté qu'ils en doiuent attendre les vrais & assurez moyens, comme de leur Roy & Prince legitime, qui aime ceux que Dieu a soumis à son autorité, d'un amour vraiment paternel; mais qu'il ne leur en peut faire ressentir les effets, s'il n'est reciproquement aimé & honoré d'eux. Qu'ils ont desia trop expérimenté le mal qui aduient aux subjets separez de l'union & obeissance de leur Prince: que quand les choses aduiennent, c'est par la permission de Dieu, mais pour nous chastier & affliger: que la preuve que nous en auons faite, nous est vn admonestement de nous mettre en nostre deuoir: que Dieu ne peut estre bien seruy qu'en l'ordre qu'il a estably, & mesme que le seruice que nous luy voulons rendre, hors cet ordre, ne luy est agreable, ny les vies, biens & fortunes des hommes ne peuuent estre assurées: que la nation & generosité Francoise n'a iamais pû souffrir autre Gouuernement que celui de la Monarchie; & que s'il y est aduenu quelquefois de l'alteration, par la dissention de quelque membre, l'on n'a iamais cessé iusques à ce que le tout ait esté remis à sa premiere forme.

Que nos mal-heurs ont desia trop duré, il est plus que temps de venir à ce vnique remede, de nous réunir tous avec nostre Roy: que leur opinion d'y vouloir entrer ensemblement avec les autres membres, qui

qui en sont encore séparées, c'est vn souhait loüable & qui en general semble estre fondé de grande raison: mais il y en a vne particuliere qui veut & mesmes les met en necessité d'anticiper ce conseil pour eux. Le mal n'est pas seulement à leur porte: il est dans leurs propres entrailles. Ils le scauent, ils le connoissent, & ne peuuent ignorer les pratiques & menées qu'ils font contre eux: de sorte qu'il est à craindre que pendant qu'ils attendent la resolution des autres, ils ne tombent en quelque precipice, duquel il leur sera mal-aisé de se releuer, & que cette raison leur doit faire iuger qu'il leur est besoin de se resoudre promptement pour eux-mesmes. Et combien que les affections particulieres sont naturelles plus tost enuers quelqu'un qu'enuers vn autre: Toutesfois le deuoir qu'auons au public, ny qu'en cela aucun ait mis en comparaisn avec celuy que les loix & l'estat nous apprennent estre le vray & legitime, fait qu'il ne peut par raison estre mis en dispute ny controuerſe à sa Maieſté.

Que ce deuoir estant reconnu, comme elle croit que nul d'eux ne le met en doute, ils ne doiuent craindre d'estre blasmez les premiers à s'y accommoder. Puis la necessité & ſeureté de leurs affaires ne peut permettre d'attendre la generale resolution des autres voyes, ores que cette raison n'y fut. L'acte de foy estant bon ne leur apportera qu'une grande loüange de tout le monde, & vne marque d'honneur qu'ils emporteront par dessus tous, d'auoir seruy d'exemples aux autres: dont le bien sera d'autant plus grand, que la consideration du lieu qu'ils tiennent entre tous, fera haſter le reste à prendre semblable resolution, de sorte qu'ils seront cause d'aduancer le bien & repos general du Royaume, qui doit estre le but de tous ceux qui portent le titre de François. Et comme de tout temps ceux qui aux desordres & troubles ciuils ont les premiers ouuert les portes de leurs cœurs & de leurs Villes à leurs Roys, en ont obtenu des gratifications speciales, qui demeurent pour monument d'un bien & seruice signalé fait au public: à quoy ils se peuuent aſſeurer, qu'acquerans ce merite, la Maieſté leur sera si liberale en tout ce qu'ils desireront d'elle, qu'ils auront occasion de la bien louer. Et pour le regard des choses passées, elle leur en offre & produit toute oubliance, & de leur en faire expedier toutes descharges si amples en telles formes qu'ils voudront.

Qu'il est dont en leur pouuoir d'une condition incertaine & dangereuse en laquelle ils vivent maintenant, de se mettre en estât aſſeuré & de repos. Le Roy a attendu qu'ils ayent recherché. Il leur enuoye presenter ce dont ils ont besoin: nul ne doit penser que ce soit pour les tromper. Vn Pere ne recherche pas ses enfans esloignez de luy pour leur mal faire, mais s'ils negligent ce bon-heur, le temps, la longueur & les accidens qui peuuent naistre, leur en pourroient faire perdre l'occasion, de sorte qu'ils ne le trouueroient lors que par aduanture ils le desireroient. Toutefois sa Maieſté les estime si prudens & aduisez, qu'ils prendront en cela le meilleur conseil, & prie Dieu les y vouloir inspirer, afin qu'ils ne luy oſtent le moyen de leur faire ressentir les effets de sa bonne volonté.

Que sa Maïesté a esté recherchée de la part dudit de Nemours, & Marquis de saint Sorlin de les recevoir à son service, & embrasser leurs causes contr'eux: qu'elle ne leur a voulu accorder le dernier point, ny aussi leur oster l'esperance du premier, dont le refus leur feroit prendre d'autre adresse où l'on auroit le regard à la conservation de ladite Ville, que sa Maïesté a occasion & volonté d'avoir; & que neantmoins tout ce qu'elle traitera avec eux ne sera que pour mieux assurer le repos d'icelle Ville, si le conseil des habitans correspond en cela à la bonne intention de sa Maïesté.

Et pour oster toute occasion de craindre qu'elle fera rien en cela à leur prejudice, elle a voulu dès cette heure disposer du Gouvernement en faueur de personnage, que par le rapport qui luy a esté fait, elle a connu leur estre agreable, lequel ledit sieur de la Fin leur nommera, & dira en avoir la promesse en main, s'ils montrent inclination à se vouloir resoudre au service de sa Maïesté, ne pouvant permettre qu'elle demeure seure longuement en suspens de leur volonté.

Et d'autant qu'outre cette remonstrance qu'il fera en general, il est besoin de preparer & disposer aucuns des principaux particuliers, sa Maïesté s'en remettant audit sieur de la Fin de s'y conduire selon la connoissance qu'il a & pourra encore prendre sur les lieux de ceux qui y peuvent servir & de leurs honneurs & affections: promettant mesme au nom de sa Maïesté telles gratifications qu'il jugera estre à propos, à ceux enuers lesquels il connoistrera qu'elle pourroit profiter, & qui les voudront meriter par vn bon deuoir & faciliter vne bonne resolution, sur l'assurance que sa Maïesté luy a donnée pour la presente, qu'elle acquittera volontiers lesdites promesses, succedant l'effet pour lequel elles seront faites.

Et combien qu'elle desire voir la plus prompte resolution que faire se pourra en cette affaire, & qu'il soit vñ de tous les argumens possibles pour les presser, principalement sur le danger où ils demeurent de tous costez par la longueur & le mal qui leur en peut arriuer, & aussi sur l'estat des affaires de sa Maïesté: Toutesfois plustost que de rompre par precipitation, au cas qu'on ne le puisse faire promptement resoudre, il faudra prendre quelque sujet avec eux de laisser dedans leur Ville ledit sieur President de saint André. Et où ils ne voudroient souffrir sa demeure en icelle, il faudroit la choisir en tel autre lieu qu'ils adiviseront, pour tousiours continuer cette negotiation, & tascher d'y apporter tout l'advancement qui se pourra, pendant qu'ils donneront adivis à sa Maïesté des termes où ils en seront demeurez, & que ledit sieur de la Fin poursuiue son voyage en Languedoc: lequel s'il y a occasion de faire demeurer ledit sieur President de saint André, pour l'effet susdit, luy laissera le double de la presente instruction, ensemble du chiffre qu'il a de sa Maïesté, pour en user selon que les affaires le requerront, lesquelles pourroit subuenir chose qui meriteroit d'en donner adivis à sadite Maïesté, ou audit sieur de la Fin, & mesme de la communiquer à Monsieur le Connestable: En quoy ledit chiffre

luy seruira pour vn endroit & pour l'autre: se remettant au demeurant sa Maiesté à leur bon iugement, de quelle façon iceluy sieur de saint André aura à se conduire en la charge qui luy demeurera, selon que la disposition des choses, leur enseignera sur le lieu.

Et pour leur y porter plus de lumiere, ledit sieur de la Fin dès qu'ils seront arriuez en ladite Ville, ou auparavant, comme il aduîslera pour le mieux, enuoyera au sieur de Mandelet la Lettre que sa Maiesté luy escriit, où elle luy mande qu'il aduertisse ledit sieur de la Fin, s'il y a esperance de faire quelque chose sur la charge qui luy a esté donnée, au lieu où est allé, d'autant que selon qu'il luy en mandera, il pourra presser plus ou moins la resolution de ladite Ville; afin que pendant l'attente douteuse d'icelle, sa Maiesté ne perde vne autre occasion, s'il y a plus certain fondement. Et sera besoin en voyant ladite Lettre, que ledit sieur de la Fin donne bonne adresse audit sieur Mandelet, pour luy faire tenir seurement celles qu'il luy pourra escrire, soit à vne ou à diuerses fois, comme le sujet le pourra meriter.



*INSTRVCTION A MONSIEVR DE LA FIN,
s'en allant vers Monsieur le Connestable 1593.*

LE Roy, apres auoir oüy & considéré ce que le sieur de la Fin, Conseiller en son Conseil d'Estat, & Capitaine de cinquante hommes d'armes de ses ordonnances, luy a rapporté & fait entendre, tant de la part de Monsieur le Duc de Montmorency, Pair & Connestable de France, qu'autres endroits & occurrences concernans son seruice : Sa Maiesté a aduisé de le renuoyer vers ledit Seigneur, avec les responses & resolutions sur les points qui luy ont esté par luy déduits, & autres qu'elle luy a voulu adiouter, qui sont cy-apres contenus, pour estre en tout suivis & executez au plus près des intentions de S. M. qu'il sera possible.

En premier lieu, elle a esté tres-aise que ledit Seigneur Connestable ait retenu par delà ledit sieur de la Fin, comme il a fait, tant pour le faire interuenir en la conference qu'il a eue avec Monsieur le Duc d'Espernon, & autres Seigneurs qui s'y sont trouuez, que pour l'employer en autres affaires & occasions du seruice de sa Maiesté, pour l'assurance de sa fidelité & affection au bien d'iceluy, dont il a fait tres-bonne preuve, ensemble de sa dextérité & prudence en tous lieux & endroits où il s'est rencontré. Aussi elle a tousiours eu cette confiance de luy, qu'il en rendroit les mesmes bons effets par tout où il s'y trouuerra quelque sujet & a eu beaucoup de contentement que le tesmoignage que ledit sieur Connestable a donné de luy par ses lettres à sa Maiesté, se soit trouué conforme à la preuve qu'elle en auoit, comme desia elle estoit aduertie d'ailleurs de plusieurs bons offices par delà, entre lesquels elle a eu pour agreable ce qu'il a fait pour la reconciliation des sieurs d'Ordano & Desdiguieres, pour l'importance dont elle est au seruice de sa Maiesté : de sorte que ledit Seigneur ne pouuoit faire election de personne de qui elle eust receu plus de contentement que dudit sieur de la Fin, ce qu'il a voulu faire entendre à sa Maiesté, des offres d'icelle, & de ses conceptions pour le bien de son seruice.

Surquoy ledit sieur de la Fin luy dira, qu'encore que sa Maiesté ait porté avec regret le retardement de la venue dudit seigneur Connestable, pour le desir qu'elle a de le voir près de soy, & le soulagement qu'elle en espere en ses plus importantes affaires, elle a toutefois pris en bonne part les raisons qu'il luy en a fait représenter par ledit sieur de la Fin ; lesquelles font connoistre le besoin que les affaires de sa Maiesté auoient encore de sa presence, & les effets montrans l'utilité qu'elle y apporte.

Entre autre, sa Maiesté estime beaucoup pour le bien de son seruice

la prise qui s'est ensuiuie du fort de Trinquetaille, & la composition à laquelle la ville d'Arles a esté par ce moyen reduite; encore qu'aux articles qui ont esté sur ce passés, ce qui concerne la reconnoissance de sa Maiesté, & l'obeyssance qui luy est deuë, n'est si auant exprimé que la raison voudroit: toutefois elle considere bien que ce n'a esté qu'un fondement pour y faire avec le temps refondre les habitans de ladite ville, ainsi qu'ils le doiuent, & les separer, comme il a fait, du party & de l'intelligence des ennemis. Ce qui n'eust possible esté fait facilement, si l'on eust voulu au premier coup tirer d'eux exactement ce qu'avec loisir la prudence y peut acquerir. Mais ne pouuant plus auoir occasion d'auoir & rendre leur deuoir enuers sa Maiesté, elle desire que par le moyen desdits sieurs Connestable & Duc d'Espemon, ils soient induits à luy prestre le serment de fidelité, tant pour mieux insinuer en leurs esprits par cette nouuelle obligation, comme il est necessaire à cause de la rebellion où ils estoient tombez, que pour la consequence de laquelle leur exemple peut estre enuers les autres villes, qui ont commis semblable faute. Partant lesdits Seigneurs aduiseront de prendre les meilleures voyes & expedients qu'ils pourront pour disposer lesdits habitans non seulement à faire cet acte, mais à connoistre que c'est leur bien & repos; afin que leur vtilité concourant avec le deuoir, ils soient d'autant plus enclins à les obseruer.

Sa Maiesté a eu pour agreable aussi le secours que ledit sieur Connestable a donné audit sieur d'Espemon pour l'entreprise d'Aix, & le renfort qu'il auoit preparé pour enuoyer audit sieur Deldiguieres en Saouye, qui est montrer vn exemple aux autres seruiteurs de sa Maiesté, qui rendront inexcusables ceux qui n'assisteront son seruice en charges les vns des autres, selon les moyens qu'ils en peuuent auoir; puis que luy qui tient lieu si principal en ce nombre, en rend de si bons & si clairs effets; & connoissant, comme il fait, la consequence des affaires dont ledit sieur Deldiguieres a la charge sur les bras, & le besoin de les y assister, ainsi que ledit sieur de la Fin a dit qu'il le iugeroit en cet aduis. Sa Maiesté ne pouuant y donner de deça le remede qui y est necessaire, pour les grandes affaires dont elle est chargée, avec bien peu de moyens pour y suruenir, prie & coniure ledit Seigneur, encore qu'elle sçache que le pays de Languedoc soit d'ailleurs allez foulé de luy, pour faire vn effort pour vne occasion si importante, & de laquelle les ennemis, bons & mauuais, regardent si auant les Prouinces voisines, & moyennant que ledit sieur Deldiguieres en soit secouru de la somme de six vingt mille escus, que sa Maiesté y a cy-deuant demandé: pour cet effet leur mettant en consideration que nulle despenze ne leur doit sembler onereuse, pour tenir les armes d'un tel ennemy loin d'eux, en consideration de la ruine que la seule entrée de ses forces dans ledit pays leur pourroit apporter, comme le chemin leur en estoit ouuert: & est vray semblable qu'il l'eut poursuiuy sans l'empeschement que les entreprises dudit sieur

Desdiguers luy ont apporté dans ses propres pays: ce que sa Maiesté desire que ledit sieur Connestable fasse si bien conceuoir à ceux de ladite Prouince, qu'ils accordent cette subuention, sans laquelle ledit sieur Desdiguers ne pourra plus subsister en sesdites entreprises, estans les places qu'il tient en Piedmont presque entierement espuisees de toutes munitions, tant de guerre que de viures, & luy desnue d'en faire l'aschat & voiture, qui montera avec ce qui est deu aux garnisons, à plus de cent mil escus: en quoy il ne peut estre aidé d'ailleurs par sa Maiesté. Et quant à l'assistance qui y estoit promise de la part d'aucuns de ses amis, elle a esté bien petite iusques à present, & ne sçait sa Maiesté si elle en peut mieux esperer à l'aduenir, y voyant telles longueurs en leurs resolutions, & tant de lenteurs aux effes, que si cette affaire n'est cependant foimentée & soustenuë des moyens plus proches par la faueur dudit Connestable, sa Maiesté n'en peut esperer qu'une prochaine cheute, qui est cause qu'il luy en fait vne si expresse recommandation.

Sa Maiesté auoit fait rechercher & requerir semblable secours du pais de Prouence, pour le mesme effet. Enquoy les raisons susdites & le grand soulagement que ledit pais a resenty & ressent encore plus que nul autre des efforts que le Duc de Sauoye y eut peu faire sans autre empeschement, deuoit inciter ceux dudit pais à surmonter leur impuissance: laquelle combien que ledit sieur d'Espernon par ses lettres depeigne estre telles, qu'il ne laisse aucune esperance d'aide de ce costé-là: Toutefois sa Maiesté prie ledit sieur Connestable d'y employer son credit, & toutes les plus fortes persuasions qu'il pourra, pour les faire venir à vne meilleure resolution.

Et d'autant qu'elle a entendu qu'il n'y a si grande intelligence qu'elle voudroit entre ledit Duc d'Espernon & Desdiguers, & que cela peut apporter non seulement difficulté à l'affaire susdite, mais aussi grand preiudice en plusieurs autres affaires au seruice de sa Maiesté, elle prie ledit sieur Connestable, qu'il se veuille interposer à moyenner vne bonne reconciliation entre eux; afin qu'aux occasions concernans sondit seruice en leurs charges, ils se prestent l'assistance que le bien d'iceluy peut requerir.

Ayant sa Maiesté pris en bonne part ce que ledit sieur Connestable luy a fait remonstrer par ledit sieur de la Fin, touchant ledit sieur d'Espernon, & les plaintes & mal-contentemens, dont il se fait entendre, elle connoist tres-bien sa valeur & ses merites, & ne se peut dire qu'elle en ait iamais parlé qu'à la louange & honneur, & avec l'estime de ses seruiques de laquelle il sont dignes: & ne doute point de sa fidelité, sçachant qu'il est si genereux & si jaloux de son honneur, qu'il ne voudroit souiller la reputation du nom qu'il porte, par aucun acte mal-seant entre les gens de bien & de veru: & par la bonne opinion qu'elle a de luy & l'amitié qu'elle luy porte, elle est bien marrie qu'en ce qui touche son particulier les poursuites & demandes sont telles, que bien souuent sa Maiesté

ne les luy peut accorder, pour les difficultez que l'estat general de ses affaires, ou autres considerations y portent : ce qu'il impute à faute de bonne volonté & mesconnoissance desdits merites & seruices, dont il forme ses mescontentemens, qui sont tellement publiez par luy & les siens, que plusieurs en font de sinistres iugemens, comme la condition du temps porte ce mal-heur aux plus claires & saintes actions des hommes, & sont aussi les langages plus ordinaires qui sont tenus à sa Maiesté de sa part, outre les rapports qui luy en sont faits d'ailleurs; de sorte que cela entremeslé avec la reputation de ses seruices, diminué le merite & le plaisir que sa Maiesté en pouuoit receuoir, le conuertissant bien souvent en déplaisir & fâcherie; dequoy elle a esté bien aise d'auoir eu sujet de s'ouuir librement audit sieur Connestable, comme elle en a déclaré plus de particularitez audit sieur de la Fin, afin qu'il les luy puisse représenter pour la confiance qu'il a de luy, c'est afin que ledit Duc d'Espenon en l'aimant comme il fait, il fasse telle office enuers luy, que changeant ses plaintes en termes plus agreables, sa Maiesté au lieu de celle qu'elle est contrainte de faire quelquefois, ait d'autant plus d'occasion de luy faire ouerture de ses bonnes grâces; esquelles cependant il aura tousiours telle part, qu'il aura occasion de s'en contenter.

Que s'il a bien pris comme il doit ce qu'elle luy a mis en consideration sur l'instance qu'il a faite du Gouuernement de Prouence, il n'aura occasion de penser que ce fust l'intention de sa Maiesté de donner à vn autre le fruit de son labeur; mais seulement pour la descharger de tout mescontentement, & de l'enuie de tant de Princes & Seigneurs qui sont sans Gouuernement, semble à sa Maiesté, pour eüiter l'un & l'autre, qu'il se deuroit contenter de iouïr en effet de ladite charge : de laquelle l'autorité ne luy ayant esté debattuë ny contredite, ny à l'entrée ny depuis, sous le pouuoir qu'il a; il y a peu d'apparence qu'il le doïue estre à l'aduenir.

Toutefois pour luy oster les ombrages & opinions qu'il se forme là dessus, que ce que sa Maiesté en a fait, soit par deffiance de luy ou deffaveur, elle s'est relaschée de toutes autres considerations, pour luy oster cette passion del'ame, & luy donner occasion de s'asseurer de sa bonne volonté enuers luy, laquelle il trouue tousiours autant disposée à l'aymer & gratifier de tout ce qu'elle pourra, comme il luy en donnera de sujet; luy ayant accordé le pouuoir de gouverner audit pays de Prouence, & vne commission au nom du sieur du Passage pour y commander en son absence, ainsi qu'il a desiré : & quant à ses autres demandes, elle luy en a aussi donné toute la satisfaction qu'il luy a esté possible. Et pour ce que sa Maiesté aura agreable que ledit Seigneur le voye auant son partement, pour mieux reloudre avec luy des affaires de sa Maiesté; luy enuoie ledit pouuoir & commission, les ayant fait bailler audit sieur de la Fin pour luy porter; afin que ledit sieur d'Espenon les recoïue par ses mains.

Sa Maieſté a plaisir d'entendre par ledit ſieur de la Fin de la part dudit ſieur Conneſtable, ce que le ſieur Silman luy auoir rapporté de ſon voyage de Rome, & les autres particularitez qu'il luy a représentées là deſſus; ayant auſſi le bruit qu'il auoit receu & n'eult ſceu mieux deſiter de l'opinion que noſtre ſaint Pere auoit priſe ſur les affaires de ce Royaume, ſi non qu'il ait telle confiance dudit Seigneur, qu'il ſ'en ſoit adreſſé & déclaré à luy; car elle viura touſiours avec repos d'eſprit de tout ce qui ſe paſſera par ſes mains, concernant ſon ſeruice: ſ'affeurant que non ſeulement il ne permera que rien ſoit au preiudice d'iceluy, mais qu'où il verroit quelque inclination d'ailleurs, il y apporteroit tout le remede que ſa Maieſté ſçauroit deſirer & ordonner; laquelle ſçait auſſi bon gré au ſieur Alfonſce d'Ornano de ſ'eſtre comporté, ainſi qu'il a fait, ſur le meſme ſujer; & que particulièrement il ait fait entendre audit ſieur Conneſtable, ce qui ſ'eſtoit paſſé en cela pour ſon regard: afin de ſ'y conduire ſelon ſon conſeil & aduis.

Qu'à preſent Dieu ait fait la grace à ſa Maieſté de l'vnir à l'Egliſe Catholique, Apoſtolique & Romaine, pour la connoiſſance qui luy a eſté donnée que c'eſt la vraye Eglife, & ſe mettant en deuoir de ſatisfaire ſa Sainteté de l'honneur & reſpect qui luy eſt deu, & au ſainct Siege de la la part de ſa Maieſté, à quoy rend le voyage de Monſieur de Neuers; elle ſe promet que ſa Sainteté prendra aures conſeils & moyens que ceux qu'elle a ſuiuſ par le paſſé; croyant qu'en ſes deliberations elle aura pour principal but la conſeruacion de ce Royaume, avec l'affeurance de ladite Religion Catholique: & ſçaura bien iuger que la continuation de cette guerre ne peur apporter que l'eſſet contraire en l'vne & en l'autre, comme eſtans inſeparables, tout ainſi que l'ame & le corps.

Que touteſois ſa Maieſté ne doute que les ennemis de cet Eſtat ne faſſent encore tous les efforts qu'il leur ſera poſſible pour empêcher ce bien, comme du rour contraire à leurs deſſeins, & leur coupant chemin de ſe pouoir conduire à la fin qu'ils deſirent, de laquelle leurs declarations ont eſté & ſont encore ouuertes & ſi publiques de leur part, que chacun voit clairement qu'ils ont voulu faire ſeruir la Religion à l'injuſte vſurpation conceüe en leurs eſprits de cette Couronne: abuſant ſa Sainreté, & rout le monde, d'vn zele ſeindr, que Dieu abhorant comme vn vray ſacrilege, a permis qu'il ſoit deſcouuert & connu d'vn chacun.

Eſtant beſoin d'vſer de tous les moyens qui peuuent ſeruir pour empêcher que ſa Sainreté ne ſoit circonuenuë par les artiſces & calomnies deſdits ennemis; ſa Maieſté eſtime qu'il ſera fort à propos que ledit ſieur Conneſtable, prenant ſujet ſur l'affaire pour laquelle ledit ſieur de Neuers eſt enuoyé vers ſa Sainteté, ſur la reſolution de venir trouuer ſa Maieſté, ſuiuant l'inſtance qu'elle luy en a faire en le pouruoyant d'auoir eſtat de Conneſtable, deſpeſche quelqu'un vers ſa Sainreté, pour l'affeurer

l'asseurer de l'affection qu'il aura tousiours de seruir au bien & à la conseruation de la Religion Catholique, & à maintenir sa Maiesté en ce Royaume en bonne intelligence enuers sa Sainteté & le saint Siege ; & en faisant cet office, il la fera par mesme moyen supplier de se montrer fauorable és affaires que ledit sieur Duc de Neuers va traiter avec elle, & de ne tenir en longueur le bien qu'elle peut apporter à la restauration & pacification de cet Estat ; d'autant qu'és termes où les affaires demeurent, cependant la ruine & le desordre augmentent tous les iours, qui peuuent tirer avec soy des inconueniens dangeux, & qu'il seroit apres mal aisé de reparer.

Et parce que lesdits ennemis s'aydent principalement d'une faulx persuasion qu'ils taschent de donner au Pape, que la conuersion de sa Maiesté est feinte, & avec mauuais desseins, le voulans par ce moyen induire à croire que la Religion Catholique ne se peut asseurer que par les moyens qu'ils ont iusques icy pouruius ; il luy pourra dextrement faire remontrer, que tout autre conseil seroit sur ce pris que d'asseurer la Religion sous la foy & autorité de sa Maiesté, n'apporterait que la ruine d'icelle, avec celle du Royaume, comme les raisons en sont trop apparentes, ne pouuant l'Estat remuer entier, si ce n'est en sa personne : & par consequent toute autre Religion seroit pour y perpetuer la guerre, parmy laquelle on ne voit que trop clairement qu'avec la dissolution de la police civile, toute pieté & Religion s'évanouissent des cœurs des hommes : Ainsi la Sainteté au cas qu'elle donnaist lieu à ces frauduleux conseils, vetroit aduenir tout le contraire de ce que les gens de bien croient estre son intention, qui ne peut estre autre d'un souuerain Pasteur de l'Eglise, & mesme par ceux qui ont quelque connoissance du bon naturel de sa Sainteté, qui est de fauoriser la paix, qui retient les hommes en la reuerence de la Religion, comme au contraire la guerre les en diuertit & aliene. Et sur cela ledit sieur Connestable s'estendra à toutes les sages remonstrances & persuasions qu'il y sçaura bien apporter ; donnant aussi charge à celui qu'il y enuoyera, d'en parler aux Cardinaux de sa connoissance, pour les induire à faire toutes les offices qu'ils pourront.

Sur ce que ledit sieur de la Fin a remontré à sa Maiesté de la part de Monsieur le Connestable, rouchant Monsieur le Prince, elle a fait entendre audit sieur de la Fin son intention pour la luy rapporter, ensemble les raisons qui la menacent, d'attendre que ledit seigneur soit aupres d'elle, lesquels il connoistra ne tendre qu'à faire les choses en sorte que le consentement de sa Maiesté & le sien y soit aussi conioint, comme elle croit que l'un & l'autre s'y pourra mieux rencontrer, quand elle y presidera, assistée de sa presence, & avec bon conseil & aduis.

Quant au fait des Dubenas, sa Maiesté a fait connoistre qu'elle auoit receu beaucoup de plaisir de l'entreprise qui y auoit esté executée, non seulement pour le trouble que cela luy pourroit apporter aux

affaires du pays au preiudice de son seruiçe, mais aussi pour l'offence qui estoit par là faite audit Seigneur en son particulier, violant le respect deu à son authorité & la foy qu'il auoit; ce qu'elle a desiré estre réparé à son contentement, comme il aura peu voir par la depesche que sa Maiesté luy a enuoyée par son Secretaire; l'execution de laquelle elle a neantmoins esté tres aise qu'il ait voulu temperer, ainsi que sa Maiesté a entendu par les Lettres du deuxiesme Septembre, escrites apres l'arriuée de sondit Secretaire, par l'expedient qu'il auoit pris pour oster tous ombrages & jalousies à ceux des Eglises de delà: Elle desire auoir telle confiance de luy, qu'elles ne luy rendent obeysance en sa charge seulement par deuoir, mais aussi d'une franche volonté: sa Maiesté connoissant que son seruiçe en sera d'autant mieux fait & asseuté, & qu'elle ne pourroit qu'avec regret souffrir chose qui luy appottast melcontentement; & qu'elle a aussi entendu avec singulier plaisir, que sur la nouuelle de la conuersion de sa Maiesté à la Religion Catholique, il eust par ses remonstrances rassuré les esprits de ceux desdites Eglises, de l'apprehension qu'ils en pouroient prendre, & qu'il les ait trouués en la bonne disposition qu'ils luy ont montrée de perseverer en la fidelité & obeysance qu'ils doiuent à sa Maiesté.

Ledit sieur de la Fin desliurera audit sieur Conestable, les Lettres de prouisions & pouuoir de l'estat de Conestable: estimant aussi que cela authorisera & fera dauantage respecer l'ordre qu'il aura à laisser par delà non seulement en son Gouuernement, mais aussi aux autres Prouinces voisines; & autres où il passera, suiuant la resolution qu'il en pourra prendre avec les Gouuerneurs d'icelles, & pourra pareillement estre authorisé & seruir en autres occasions que le pourroient offrir en sondit voyage, desquelles elle entend qu'il prenne connoissance, & y appotte ce qu'il iugera pour le bien de son seruiçe.

Qu'elle sera bien aise qu'il voye encore Monsieur d'Espemon & les autres Gouuerneurs voisins auant son partement; n'oubliant le sieur Desdiguier pour ce qui est des affaires de Piedmont, pour le bien que cette connoissance & conference qu'ils auront ensemble, peut apporter aux affaires de leurs charges; & mesme que l'information qu'il prendra d'eux de l'estat d'icelles, seruira par l'esclaircissement qu'il donnera à sa Maiesté, avec son bon aduis aux resolutions & prouisions qui y pourront estre necessaires.

Que sa Maiesté a trouué bon l'establissement qu'il a fait de la Cour de Parlement en la Ville de Beziers par le President de Bourgade apres la deliurance avec les autres Officiers qui se sont trouuez propres pour y seruir; mais sa Maiesté assure aussi qu'il aura tenu la main à la reception & establissement des President & Conseillers qu'elle auoit depesché auant l'ouuerture susdit dudit Parlement, pour l'aller tenir dans le pays, & ne pourra receuoir plus de bien, & la iustice estre plus dignement & sincerement rendue, ayans esté tous choisis des autres Corps de ses Cours

Souueraines: & aura aussi la Maïesté plaisir qu'ils soient en cela fauorablement traitez, pour la prompte & bonne volonté avec laquelle ils se sont monstrez disposez d'aller faire ce bon seruice, dès qu'il leur a esté commandé, quelque hazard & incommodité qu'ils y vissent pour leur particulier; quiles rend d'autant plus recommandables & dignes de speciales faveurs.

Sa Maïesté veut bien aduertir ledit Seigneur Connestable, que luy ayant esté escrit par le sieur de Sillery son Ambassadeur en Suisse, que le Baron d'Hermeise luy auoit fait tenir quelque propos, & enuoyé monstrier vne Lettre dudit Duc qui tendoit à attacher quelque negotiation, elle luy a fait semblable responce que dessus, l'aduertissant aussi de tascher à voir le plus clair qu'il pourra aux intentions dudit Duc, qu'il cherche peut-estre quelque sujet de vouloir faire croire à son Beau-pere la bonne volonté qu'il a recherché, & l'en mettre en jalousie, pour en tirer plus abondant secours qu'il n'a peu iusques à present: faisant courir le meisme bruit ailleurs, pour diuertir ceux desquels la Maïesté peut auoir quelque assistance contre luy, ou tirer ceux avec lesquels il a affaire, à plus facile composition: estant connu d'un naturel duquel on a pluïstost occasion d'y presumer quelque finesse & artifices en telles negotiations, que croire vne bonne intention: de sorte qu'en prestant l'oreille aux propos qui sont mis en auant de sa part, il se faut d'autre costé tenir en garde, pour ne luy donner aucune prise.

D'autre part la Maïesté ne voudroit que nuls de ces occasions, pour n'estre que volontaires & non de necessité pressée, ledit sieur Connestable l'engagea à plus long sejour, ains le prier derechef de venir aussi tost qu'il luy seroit possible: s'assurant qu'il sera bien-aise de faire son office au sacre de la Maïesté comme elle desire.

Ledit sieur de la Fin luy fera entendre, que l'intention de la Maïesté est que Monsieur le Comte de Clermont vienne avec luy à la charge qu'elle luy a donnée de l'aduertir en passant de tenir prest, dont il représentera audit sieur Connestable la responce que ledit sieur Comte luy aura faite, & en quelle disposition il l'aura laissé: & sera bon que ledit sieur Connestable luy en mande aussi son aduis, luy prescriuant le temps auquel il le deura attendre.

Et si le Conseil de ceux qui sont prez de luy & qui craignent la recherche & chastiment de leurs mauuais desportemens, auoit tant de pouuoir enuers luy, qu'il fust difficile de satisfaire au mandement de la Maïesté, & de suivre l'aduis dudit sieur Connestable; elle le prie de les faire saisir & conduire avec luy, pour respondre de leurs actions: n'y ayant meilleur moyen de mettre les affaires dudit sieur Comte en meilleur estat, & luy-mesme en chemin de s'y conduire comme il doit, que d'éloigner de luy si mauuais & si pernicieux Ministres que ceux-là sont connus.

Et où ils s'opiniastrent à ne vouloir venir, la Maïesté se repose aussi sur ledit sieur Connestable, comme le premier Officier de la Cou-

ronne, de pourvoir à la seureté du pays, comme il estimera estre à propos, afin qu'il n'en puisse arriver inconuenient : à quoy sa Maiesté s'assure qu'il preferera ce qui est de son seruice & du bien public à toutes considerations particulieres.

Sa Maiesté desire aussi qu'en passant, il mande les sieurs de Cheurieres & Marquis d'Urfay, & fasse en sorte qu'il les puisse mettre d'accord, & les laisser en bonne intelligence pour le seruice de sa Maiesté, lequel receuroit beaucoup de preiudice, s'estans l'un & l'autre declarez ses seruiteurs, si leur querelle continuoit, qui tiendrait eux & les forces de ces pays là diuisées, & plutôt enclins & attentifs à leurs vengeances, qu'à faire quelque chose de bon pour le seruice de sa Maiesté.

Au cas que les affaires de Lyon soient en estat, & que la presence & autorité dudit sieur y puisse porter quelque aduancement pour ledit seruice de sa Maiesté, il s'y employera selon qu'il sçaura bien iuger que la disposition des choses en ouurira les moyens, pour n'en laisser elchapper les occasions, s'il est possible.

Sa Maiesté considerant le secours que ceux de Geneue ont fait à son seruice, tant d'hommes & deniers, que d'autres commoditez, pour raison de quoy la guerre leur est demeurée sur les bras, qui leur apporte vne grande ruine, consommation de leurs moyens & credit, & vne charge qui leur reste encore de tout insupportable de l'entretènement des gens de guerre, qu'ils sont contraincts d'auoir pour leur seureté & conseruation ; sa Maiesté pour aucunement leur ayder à y subuenir, & empescher que la necessité ne les fasse succomber, ou accommoder avec l'ennemy, comme ils en sont des long temps poursuiuis, qui ne pourroit estre que trop preiudiciable à son seruice, leur auroit accordé le traité de deux cens muids de sel des salins de Peccais, avec l'exemption portée par les lettres qui leur en ont sur ce esté expediées. Ce que ledit sieur de la Fin fera entendre audit sieur Connestable, & le prier de la part de sa Maiesté, vouloir fauoriser ceste-cy de fauorable gratification de ce qui sera necessaire de sa part, pour faire cesser les empeschemens & difficultez qui pourront estre faites en la iouissance d'icelles : & fera mesme office enuers le Duc d'Espernon & le sieur Alphonse d'Ornano, pour le regard de leurs charges : leur faisant à tous si bien conceuoir les iustes raisons qui requierent qu'ils y tiennent la main, & le danger du refus, qu'ils soient d'autant plus incitez à faire satisfaction à ce que sa Maiesté desire d'eux en cet endroit.

Sur l'aduiz qu'elle a eu des restrictions faites par les fermiers generaux de Languedoc au traité ordonné par sa Maiesté pour le secours de ses affaires en Piedmont, & les empeschemens que ledit Duc d'Espernon y donne de son costé, qui rendront ledit traité comme inutile, dont le seruice de sadite Maiesté pourroit souffrir vn grand destournement ; ledit sieur de la Fin dira audit sieur Connestable, que sa Maiesté desire qu'il fasse en sorte que toutes lesdites difficultez soient ostées, & qu'elle l'en

prie bien fort, pour estre chose qui touche son dit service.

Depuis la closture de cette despesche, estant arriué nouvelles à sa Maiesté de la reuolte aduenüe en Prouence contre le Duc d'Espèrnon, elle n'a trouué à propos d'enuoyer à present le pouuoir, & autres despeschés concernant le Gouuernement dudit pays, qu'elle luy a accordé, & les a fait retenir, attendant estre plus auant esclaircie du fonds de ce remuement, & du remede qui s'y peut apporter: estant considéré qu'estant baillé ledit pouuoir audit sieur d'Espèrnon, ce seroit pour faire precipiter ceux qui se sont ainsi souleuez contre luy, à quelques autres mauuaises resolutions. Elle l'eust bien enuoyé à Monsieur le Connestable, pour en vser comme il s'aduiferoit, & s'y fut resoluë, n'estoit qu'elle a aussi considéré qu'elle luy feroit plutôt tort & desplaisir qu'autrement: d'autant que si pressé dudit sieur d'Espèrnon il le luy bailloit, il en aduint vn inconuenient, elle le mettroit en peine, & le refusant ce seroit altérer l'affection qu'elle luy porte: partant sa Maiesté le prie de croire qu'elle a eu en cela plus de regard à ne faire chose qui luy apportast de l'ennuy en son particulier, qu'à toutes considerations.



LETTRE DES HABITANS DES VALEES DE LUCERNE,
Perouse, Et saint Martin, au Roy Henry IV. l'an 1593.

AV ROY DE FRANCE ET DE NAVARRE,
nostre Souuerain Seigneur.

SIRE,
Ce grand Dieu qui fait regner les Rois, a mis le plus beau Sceptre de l'Europe és mains de V. M. Vn temps estoit qu'à peine vn tout seul l'eut-il esperé; ou bien eust semblé plutôt songer que prophetiser. Mais ce Dieu regnant fait tout ce qu'il veut au ciel & en la terre. C'est luy qui vous a rendu, Sire, maistre & seigneur de la Gaule Cisalpine. La Transalpine sera aussi vostre, quand il dira le mot, ou seulement qu'il le veuille. Le Marquisat de Saluces s'en reuiendra à vous, & Milan encores. Ces valées Lueerne, Perouse & S. Martin sont desia il y a vn an vostres, & seruent à vostre Dauphiné de bastions & de murailles, que le souuerain ouurier a basties de ses propres mains, murailles, dis-ie, qui s'éleuent iusques au Ciel. C'est beaucoup, mais n'y a-il rien autre chose? Voire, Sire, car avec ees murailles de Dieu, vous auez coniointement des murailles & des fortresses toutes viuantes. Ce sont vos peuples, Sire, qui logent és entrailles de ces valées, garnisons de nature imprenables & comme inaccessibles, Peuples, dis-ie, surnommez Vaudois, & renommez par leur antiquité, qui sont maintenant consacrez & pour iamais au service de vostre grandeur. Ils ont desia fait oblation de leurs biens à V. M. Ils luy ont sacrifié leurs corps & leurs vies. Ils ont voüé eux & leurs enfans pour viure & mourir sous vostre Couronne. En vn mot, les voila tous vostres, Sire. Ils vous reconnoissent pour leur Roy & souuerain Seigneur, depuis le plus grand iusqu'au plus petit. La fidelité par eux iurée és mains de Monseigneur Lefdiguieres vous demeurera, Sire, inuiolable, & éprouuerez ees peuples, les plus obeissans de vos sujets. Si supplient tres-humblement V. M. Sire, tous ces peuples vnamment les reconnoistre pour vos peuples, & les auoir en vostre sauuegarde & protection, comme V. M. leur a promis en parole de Roy. Surquoy nous nous reposons, & auons nostre plus grande confiance, apres Dieu; lequel nous supplions, Sire, vous courir & couronner de sa grace & vertu; & vous faire regner vn iour au Ciel, comme il vous fait regner en terre à sa gloire, au bien du Royaume, & à vostre salut, Sire.

Du Villar au Val Lucerne ce de Septembre 1593.

De V. M.,

Tres-fideles & tres-obeissans sujets & seruiteurs,
Les Peuples des Valées Lucerne, Perouse, & S. Martin, qui sont
à la Religion Reformée, & en leur nom.

Du Alx Ministre de la parole de Dieu audit
lieu de Villar, & natif de Panasac sur la riuere
de Gera au Comté d'Alstarac en Gascogne.

ARREST SOLEMNEL, CONTRE CE QVI S'EST fait par la Ligue contre l'autorité du Roy Henry IV. & memoire du Roy Henry III. avec reuocation du pouuoit du Duc de Mayenne. Apres la Reduction de Paris.

EXTRAICT DES REGISTRES DE PARLEMENT.

Du 30. Mars 1594.

LA Cour ayant le 12. iour du mois de Ianuier interpellé le Duc de Mayenne, de reconnoistre le Roy, que Dieu & les Loix ont donné à ce Royaume, & procurer la paix, sans qu'il y ait voulu entendre, empêché par les artifices des Espagnols & adherans: & Dieu ayant par sa bonté infinie, deluré cette Ville de Paris, des mains des Estrangers, & reduite en l'obeyssance de son Roy naturel & legitime, apres auoir solemnellement rendu graces à Dieu de cet heureux succez, voulant employer l'autorité de la iustice Souueraine du Royaume, pour en conseruant la Religion Catholique, Apostolique & Romaine, empêcher que sous le faux pretexte d'icelle les Estrangers ne s'emparent de l'Estat, & rappeler tous Princes, Prelats, Seigneurs, Gentilshommes, & autres sujets à la grace & clemence du Roy, à vne generale reconciliation, reparer ce que la licence des guerres Ciuiles a alteré de l'autorité des Loix & fondement de l'Estat, droits & honneurs de la Couronne. La matiere mise en deliberation en ladite Cour, toutes les Chambres d'icelles assemblées, a déclaré & declatè tous Arrests, Decrets, Ordonnances & sermens donnez, faits & prestez depuis le 29. iour de Decembre 1588. au preiudice de l'autorité de nos Roys & loix du Royaume, nuls, & extorquez par force & violence; & comme tels, les a reuozquez & annullez, & ordonné qu'ils demeureront abolis & supprimez: & par special a déclaré & declare, tout ce qui a esté fait contre l'honneur du feu Roy Henry III. tant de son viuant, que depuis son decez, nul: & fait deschenies à toutes personnes de parler de la memoire, autrement qu'avec tout honneur & respect: & outre ordonne qu'il sera infotmé du detestable parricide commis en sa personne, & procedé extraordinairement contre ceux qui s'en trouueront coupables. A ladite Cour teuoqué, & reuoque le pouuoir cy-deuant donné au Duc de Mayenne, sous la qualité de Lieutenant General de l'Estat & Couronne de France: fait deschenies à toutes personnes de quelque Estat & condition qu'ils soient, de le reconnoistre en cette qualité, luy prester aucune obeyssance & faueur, confort & ayde; à peine d'estre punis comme criminels de leze-Majesté au premier Chef: Sur les mesmes peines enioint audit Duc de Mayenne, & autres Princes de la Maison de Lorraine, de reconnoistre le Roy Henry IV. de ce Nom Roy de France, pour leur Roy & Souuerain Seigneur, &

luy rendre l'obeyssance & service deus, & à tous Princes, Prelats, Seigneurs, Gentilshommes, Villes, Communautéz & particuliers, de quitter le pretendu party de l'union, duquel ledit sieur Duc de Mayenne s'est fait Chef, & rendre au Roy service, obeyssance & fidelité, à peine d'estre lesdits Princes, Seigneurs & Gentilshommes degraduez de Noblesse, & declarez roturiers eux & leur posterité, de confiscation de corps & biens, rasemens & demolitions des Villes, Chasteaux, & places qui seront refractaires au commandement & Ordonnances du Roy: A cassé & reuoké, cassé & reuoké tout ce qui a esté fait, arresté & ordonné par les pretendus deputez de l'assemblée tenuë en cette Ville de Paris sous le nom d'Estats Generaux de ce Royaume, comme nul, & fait par personnes priuées choisies, pratiquées pour la pluspart par les factieux de ce Royaume & partisans de l'Espagnol, & n'ayant aucun pouuoir legitime. Fait defenses ausdits pretendus Deputez de cette qualité de ne plus s'assembler en cette Ville ou ailleurs, à peine d'estre punis comme perturbateurs du repos public, criminels de lèze-Maisté: & enioint ausdits pretendus Deputez, qui sont encore de present en cette Ville de Paris, de se retirer chacun en leurs Maisons, pour y viure sous l'obeyssance du Roy, & faire le serment de fidelité par deuers les Iuges des lieux: A aussi ordonné & ordonne, qu'à l'occasion d'iceux cesseront, & au lieu d'icelles sera à perpetuité solemnisé le 22. iour de Mars, & audit iour faire procession generale en la maniere accoustumée, où assistera ladite Cour en robe Rouge, en mempire & pour rendre graces à Dieu de l'heureuse deliurance & reduction de ladite Ville en l'obeyssance du Roy. Et afin que personne ne puisse pretendre cause d'ignorance de ce present Arrest, a ordonné & ordonne qu'il sera leu & publié à son detrompe, & cry public par tous les Carrefours de cette Ville de Paris, leu & publié en tous les Sieges de ce ressort: & à cette fin sera imprimé à la diligence du Procureur General du Roy, & de tous les Substituts, auxquels elle a enioint de tenir la main à l'execution d'iceux, & en certifier ladite Cour: a ordonné & ordonne que les Aduocats & Procureurs receus en icelle, tant auparavant les presens troubles, que pendant iceux, continueront l'exercice de leurs charges, en faisant par eux le serment de fidelité, duquel sera fait lecture.

Fait en Parlement ledit iour & an, publié à son detrompe & cry public par les Carrefours de cette Ville de Paris, le lendemain & dernier iour du mois de Mars 1594. M. FLEVRY, Rapporteur.



LETTRE DV CARDINAL DE PLAISANCE,
à Monsieur de La Chastre.

MONSIEVR, Il vous peut souuenir des ptopos qui se passetent dernièrement entre nous sur le point de vostre partement de cette Ville, & du desir que vous monstriez alors estre en vous d'entendre promptement la bonne resolution qu'auroit prise nostre saint Pere le Pape sur les presentes affaires de ce Royaume, pour entierement vous y conformer avec le reste des vrais Catholiques : C'est pourquoy ie pensois maintenant manquer à mon deuoir, & à la particuliere affection que ie vous porte, si ie différois plus long-temps à vous faire part des plus recentes nouuelles que i'ay receuës de Rome : qui sont en somme, que sa Sainteté s'est resoluë de n'oëtroier au pretendu Roy de Nauarre, sur le fait de conscience qu'il luy a fait demander par le sieur Duc de Neuets : obstant l'expression & disposition des saints Canons, qui descendent d'impartir le Sacrement de penitence à celuy que l'on voit estre impénitent, & nullement capable ny disposé à le recevoir, tel que les effets descouurent ledit pretendu Roy de Nauarre. Sa sainteté allegue, qu'elle demeureroit responsable deuant Dieu des grands scandales & ruines qui pourroient arriuer non seulement à la France, dont la defensee & protection luy est & sera tousiours en tres-singuliere recommandation ; mais aussi en tout le reste de la Chrestienté, si ledit Roy de Nauarre, apres auoir esté absous & s'estre par ce moyen rendu maistre de cet Estat, venoit à retomber selon sa coustume, en ses premieres erreurs. Je laisse-
ray suppléer à vostre iugement & prudence, le surplus de ce qui se pourroit dire sur ce sujet, & ie me contenteray de vous auoir promptement & en peu de paroles, donné et aduis, que par aduanture vous ne iugerez pas de si peu d'importance ; & ie me suis persuadé qu'il seroit receu de vostre part comme chose fort attendue. C'est pourquoy ie le vous enuoye par homme expres. Ce que i'ay fait d'autant plus volontiers, que par le moyen de ce mesme porteur, i'espère reciproquement estre esclaircy de vostre part, de la verité des bruits que l'on fait courir de deça, touchant quelques traitez & conuentions que l'on tient estre puis n'a guetes entre vous & ledit Roy de Nauarre. Et quoy que tels bruits soient assez communs ; si est-ce qu'ils n'ont encore eu assez de force en mon endroit, pour me faire croire qu'avez iamais pensé à chose qui peust porter preiudice ny à la Religion, ny à vostre honneur : lesquelles deux choses ie scay vous estre, comme elles doiuent, beaucoup plus cheres que tous les biens du monde, & vostre propre vie : toutefois ce me sera vne grande consolation en l'honorable opinion que i'ay tousiours eüe de vous, si vous plaist par cette presente occasion, m'y confirmer de plus en plus. Je vous en prie bien affectueusement, & de vous monstrier semblable

II. PART.

Y Y y y

à vous mesme : A quoy ie voudrois vous exciter, s'il en estoit besoin, d'autant plus viuement, que ie sçay ce que peut en toutes occurrences l'exemple de vos actions, qui doiuent estre tousiours nettes, pourestre suiues comme elles ont esté cy-deuant, par ceux qui aspirent aux plus hauts degrez d'honneur & de vertu. Mais ie n'escriis pas si volontiers ny si librement de vos merites à vous mesme, que ie les public à autrui en toutes occasions. Je finiray donc la presente, apres auoir prié Dieu, vous inspirer tousiours les conseils & resolutions plus conformes à sa sainte volonté, & vous donner, Monsieur.

*RESPONSE DV DIT SIEVR DE LA CHASTRE
à la susdite Lettre.*

MONSEIGNEVR, l'ay receu la Lettre qu'il vous a pleu m'escrire du 10. de ce mois, vous remerciant tres-humblement de l'honneur qu'il vous plaist me faire par icelle, de m'asseurer de vostre bien-veillance; & encore de ce qu'il vous plaist me donner aduis de l'intention & volonté de nostre saint Pere sur la conuersion du Roy de Nauarre. Je ne me sens pas assez capable de sçauoir ny de iugement, pour disputer de chose de si grand poids, mesmement en ce qui est de l'Eglise: ie le remets aux Docteurs; encore que l'estime bien qu'ils ne seront pas Iuges diffinitifs de cette cause qui se debattrà à la campagne, les armes à la main, avec la ruine de plusieurs peuples, & particulierement de ce miserable Royaume, premier que les choses passent ainsi que vous me le mandez. Et s'il vous plaist de me permettre de parler comme naturel François, en termes d'Estat, sans offenser sa Sainteté; ie diray qu'à l'auanture vne Sentence plus modérée eust esté plus vtile à la France, & mesmes à la conseruation de la religion Catholique, qui court plus de peril, la disputant avec le hazard des armes, que s'il eust pleu à sa Sainteté d'y apporter plus de temperament, comme elle eut bien peu faire: & si elle craint, comme vous dites, le blasme, receuant le Roy de Nauarre en sa conuersion; ie le tiens bien plus grand & plus perilleux pour luy & pour nous, si les affaires des Catholiques succombent sous le fais de la guerre. Voila mon aduis quant à ce point. Pour le second de vostre Lettre, il semble que vous soyiez desirieux d'entendre particulierement l'estat des affaires de cette Ville, & comme elles se retrouuent maintenant, vous ayant esté donné quelque aduis sinistre, tant des habitans que de moy. Sur quoy ie vous diray en confession, Monseigneur, que ie suis nay & baptisé en l'Eglise Catholique, Apostolique & Romaine, de laquelle i'ay fait profession toute ma vie; & plustost que de m'en departir en tout & en partie, Dieu m'enuoye plustost soudainement la mort: & si i'auois quelque scrupule sur ma conscience, au contraire, i'en prendrois tres volontiers aduis & conseil de vous, s'il vous plaisoit m'en honorer. Quant au point d'honneur que vous

merecommandez, c'est ma profession & vacation de le suivre, & en fournir d'exemple. Ce que ie feray aussi avec vn si bon tesmoignage, que ma posterité à qui ie le laisseray, s'en seruira honorablement; & espere en cela que ce sera avec honneur, & sans blasme: vous voulant bien asseurer que ie n'ay traité en particulier directement ou indirectement avec le Roy de Nauarre, comme il semble qu'on vous en ait donné quelque impression. Sur quoy vous vous ressouuiendrez que ie vous ay quelquefois dit qu'il y a certaines gens en cette Ville qui se veulent dire gens de bien plus que les autres, se nommans les zelez de saint François, & qui n'en gardent toutefois point l'ordre en matiere d'argent: Car ils en prennent à toutes mains quand on leur en distribue pour leurs pensions, & non pas si souuent qu'ils voudroient bien: ce qui les doit rendre plus reprochables & moins croyables. I'ay donné aduis à Monsieur de Mayenne qu'à l'instance priere des habitans de cette Ville, ie me suis laissé aller & consenty depuis deux iours, qu'à l'exemple & imitation de plusieurs autres qui ont obtenu vne prolongation de treue & surceance d'armes, ils ayent enuoyé des Deputez vers le Roy de Nauarre, pour en traiter aussi & de la leuée des tailles. Ie ne commande ny possède ce peuple par force de garnisons ny citadelles. C'est pourquoy il faut que ie m'entretienne parmy eux, avec prudence, & concède à leurs necessitez qui me sont assez conneuës, & la pauvreté du plat pays mere nourrice de cette grande cité, qui tourneroit bien-tost en indigence, s'il n'y estoit pourueu par cette voye; veu le peu d'assistance qu'ils ont receu iusques à cette heure du secours estranger. Mondit Seigneur de Mayenne se peut ressouuenir que ieluy ay dit, que si durant la treue il ne se preparoit à vn accord general ou à de tres-puissans-moyens, dont chacun se ressentist en general & en particulier, il tomberoit en de tres-grands dangers & inconueniens: lesquels de ma part, i'esuiteray autant que nul autre. Et de cela, Monseigneur, n'en doutez point, & que ie ne sois vostre tres-humble seruiteur. Escrit à Orleans ce 27. Ianuier 1594.

Ce qui se passa le 7. 8. & 9. Feurier 1594. sur la Reduction de la Ville de Lyon.

MONSEIGNEUR, c'est à ce coup que ie vous escriray librement, & nommeray les personnes par leur nom, puisque Dieu m'a fait la grace de voir le Roy reconnu en cette ville, remise entierement en son obeissance, contre toute esperance humaine. Si ma lettre du quatrième du present mois vous a esté renduë, vous aurez veu que nous estions en termes & à la veille d'estre Espagnols & Sauoyards; d'autant que le Gouvernement de nostre ville estoit és mains de personnes du tout affectionnées à leur party: & vous diray en peu de mots ce qui s'est passé, sans repeter le precedent. Le Roy d'Espagne depuis peu de temps a confirmé

II. PART. Yyy 1j

plus que iamais ses pratiques & intelligences avec le Duc de Mayenne, comme nous auons veu par ses lettres écrites à Madrid le 11. Ianuier dernier, à ceux de la faction en cette ville, par lesquelles il les asseuroit d'hommes & d'argent, en execution dequoy le Duc de Terra-nouua Gouverneur de Milan, en mesme temps leur escriuit, & les asseura d'une leuée de gens de guerre; & mesme de douze cens Suisses, par le commandement de son maistre, qu'il deuoit avec d'autres forces, sous pretexte de secours contre le Marquis de saint Sorlin, frere de Monsieur de Nemours, faire approcher de cette ville; pour apres les auoir introduits & fait glisser parmy nous, avec la faueur de ceux du party d'Espagne, se rendre maistre de Lyon. Sur ces termes, quelques bons seruiteurs du Roy, postposans le danger de leurs personnes à la conseruation de leur liberté, & au tesmoignage qu'ils desiroient rendre de leur affection au seruice du Roy en vne si grande necessité, & peril si euident de voir leur ville tomber en la domination & tyrannie de l'Estranger, du consentement de quatre Escheuins, aussi seruiteurs du Roy, le Samedy cinquième à huit heures du soir, se resolurent de prendre les armes pour remettre la ville en l'obeissance de sa Maiesté: & pour fauoriser l'execution d'une si belle & si perilleuse entreprise, en aduertirent Monsieur le Colonel Alphonse d'Ornano, de l'amitié & secours duquel ils auoient toute asseurance. A quoy il ne manqua nullement, & se rendit en toute diligence aux faux bourgs de la Guillotiere le Lundy ensuiuant septième de ce mois, avec de fort belles troupes de gens de guerre. Ce mesme iour entre les trois & quatre heures du matin, Monsieur Jacques Escheuin, & l'un des quatre susdits, assistez de Messieurs de Liergues & de Seue, suivis de bon nombre de gens armez du quartier du Plastre, donnerent au corps de garde de l'Herberie au pied du ponr, où estoit & comandoit en personne Thierry Escheuin l'un des plus factieux, lequel fut forcé avec beaucoup de resistance, & quitta la place aux nostres au bruit des arquebusades. L'alarme fut donnée par toute la ville, & les barricades aussi-tost faites en la pluspart des quartiers par ceux qui estoient aduertis de ce qui se faisoit. Sur cette premiere esmorie, chacun en son quartier cria viue la liberté Françoisse, & qu'il se falloit deliurer de toute tyrannie & seruitude estrangere. Monsieur nostre Archeuesque de la maison d'Espagne, voyant vne si prompt & inopinée prise des armes, accompagné des sieurs Baron de Lux & de Chasseul, ses neueux, après auoir demeuré deux heures auant que de pouoir passer le pont de la Sone, enfin se rendit en l'Hostel de Ville, & remontra en l'assemblée, qu'il falloit estre neutres, en attendant la resolution du Pape & de Monsieur de Neuers. Cette opinion fut si mal receuë par ceux qui estoient à ladite assemblée, que sur vn murmure de leur mescontentement, ledit sieur Archeuesque se retira assez viste en son logis: & neantmoins pour cela ne fut parlé que sourdement du seruice du Roy, ny fait autre execution, sinon qu'on se saisit de l'Arсенal, & qu'on s'asseura des personnes des sept autres Escheuins factieux,

de quelques Penons, & autres Ligueurs; mais la nuit du Lundy au Mardy, la vigilance & sollicitation de ceux qui auoient hardiment acheminé cét affaire, eut tel pouuoir sur le peuple, que le Mardy on commença à prendre les vns & les autres des pannaches blanches, & peu de temps aptes des escharpes blanches, & à dix heures du matin ne se trouuoit plus de taffetas ny de crespé blanc dans la ville, tant fut grand l'affluence de ceux, & iusques aux enfans, qui voulurent porter les marques du Roy. Quelques seruiteurs de sa Maiesté en firent largesse, & se perdit le son de nos cloches par la force de la voix du peuple, qui croioit viue le Roy, chacun s'éclatant à qui mieux mieux, excepté quelque petit reste qui faisoit, ou pour le Duc de Mayenne, ou pour le Duc de Nemours. Il n'y eut rue ou carrefour où l'on n'aye fait feu de ioye, & bruslé les armes & liurées d'Espagne, de Sauoye & de Nemours, & l'effigie de la Ligue, qui fut faite & peinte en forme de forcieri; & en mesme instant furent les armes du Roy mises & élevées en triomphe par tout aux places & barricades. Les seruiteurs du Roy firent liberalité au peuple, tenans table ouuerte, & buuoient à la santé de sa Maiesté. Sur les deux heures apres midy mondit sieur le Colonel entra dans la ville à pied, botté & éperonné, accompagné des sieurs d'Andelot, de Cheurieres, & de saint Forgeu, de Botheron, la Liegue, la Baume, de Mures, & plusieurs autres Gentils-hommes du pays, tous avec l'escharpe blanche. Ledit sieur Colonel estant entré, l'on aduisa à ce qui restoit pour la seureté de la ville; & à la requeste & cry du peuple furent démis de leurs charges sept Escheuins: Sçavoir, Amable Thurry, Jean Baptiste Renaud, Pousson, Bernard, Guillaume Gella, Charles Noirrat, de Betny, & Claude du Rubis, cy-deuant Conseiller au siege Presidial, & Procureur de la maison de Ville, qu'on peut appeller le Flambeau de Lyon, & qui par son liure imprimé en 89, & par toutes ses paroles a tellement blasphemé contre la memoire du feu Roy, & contre sa Maiesté regnante, qu'il ne peut plus viure au monde qu'à la honte de tous les François. Ce dernier auoit esté suspendu de sa charge depuis l'emprisonnement du Duc de Nemours.

Au lieu des sept Escheuins delmis, ont esté créés Messieurs de Combelandes, de Montmartin, le Tresorier Henry Pelletier, Laurens Pellaion & Mormeu: les Capitaines Penons suspects ont esté ostez, & le serment de fidelité fait solemnellement au Roy avec plus de ioye, d'allegresse & de contentement qu'on ne sçauoit exprimer.

Les factieux & adherans à l'Espagnol, ont esté depuis mis dehors, qui sont les sùdits sept Escheuins, & avec eux Tourneon Lieutenant criminel, Austrain Lieutenant Particulier, du Pré & de Bourg Conseillers au Presidial, le Baron de Vaux, Platel, Piguieres, Prest, Malceul, Anthoine Telle, Mathieu Balbauï & tous les siens, & les deux de Poggio Lucquois. Quant au Thresorier Baraillon, Ianneto, Dallequi & Resmaud, ils se sauuerent en habits déguisez dehors de l'emprisonnement dudit Duc de Nemours, sçachant que comme estans des principaux instrumens, desquels ledit

sieur Duc de Nemours, se seruoit pour son entreprise d'affuiétir à luy cette grande & ancienne Ville, & qui ne peuuent attendre pour les meschancetez qu'ils ont commises, qu'une mort ignominieuse. Ces trois insignes traistres de pauvres & affamez qu'ils estoient, sont deuenus riches par leurs pratiques & voleries. Ce qui est de plus remarquable en cette execution, est qu'encore que la vie & les biens de tous les Parisisans d'Espagne & des traistres de la France fût en nostre main, & que par le droit de la guerre, nous puissions venger la mort de plusieurs gens de bien qu'ils auoient fait executer iniustement par des bourreaux, & la perte de leurs biens par eux piller: neantmoins nous auons vsé de toute douceur, tant en leurs personnes qu'en leurs commoditez, mesmes on leur a donné seureté en leurs Maisons des Champs, attendant de les remettre & rappeler quand la Ville aura obtenu pardon de sa Maiesté pour eux. Monsieur l'Archeuesque a eu quelque mescontentement de ce changement, & a demandé de sortir. Il a esté prié de demeurer. Nous attendons de reconnoistre & obeyr à celuy qu'il plaira au Roy nous donner pour Gouverneur, comme feront entendre à sa Maiesté les Deputez que dans peu de iours nous luy enuoyons: & cependant nous obeyrons aux Escheuins. Il a esté resolu en la Maison de Ville, & iuré de n'admettre iamais aux charges publiques nuls Italiens. Toutes choses sont si paisibles, que demain on leuera les Barricades. Il faut reconnoistre en cette conduite & execution vne grace speciale de Dieu, qui nous a miraculeusement deliurez de la seruitude iusques à la porte de laquelle nous auons donné. Enfin il nous a fait cette grace, que iustement au bout des cinq ans le mesme mois de Feurier, & les mesmes Barricades qui nous auoient perdus, nous ont rendu nostre liberté. Cependant Monsieur de Nemours demeure prisonnier de sa Maiesté.

Escrit par lequel ceux de la Religion pretendue Reformée, blasment le Roy de sa Conuersion.

SIRE, l'ay pensé que i'estois obligé par le droit de nature, qui m'a rendu vostre sujet, & plus encore par la deuotion que ceux de la Religion ont au seruice de vostre Maiesté, de luy donner aduis des craintes & desconfiances esquelles ils sont, que les orages ne viennent à foudre sur leurs testes, pour les occasions qu'ils voyent naistre tous les iours.

Ils disent donc, SIRE, qu'ayans cet honneur de se voir pour Roy celuy qu'ils auoient eu l'honneur d'auoir pour Protecteur, & en autorité d'entheriner leur requeste; celuy qui auoit eu le zele, au milieu de tant de dangers, de les preseruer: ils pensoient se pouoir iustement promettre qu'elle auroit soin de les tirer de peine, sans qu'ils s'en remuassent beaucoup; & pourtant s'estoient resolu à toute patience pour donner loisir à vos affaires: Au contraire auroient à se plaindre qu'au bout de quatre an-

nées vostre Maieſté ne leur auroit ſeulement oſté la corde du col, tant ſ'en faur qu'elle ait rien fair pour leur eſtabliſſement, demeurans en la pluſpart de vos Parlemens, les tyranniques Edits de la Ligue faits pour vostre ruine & pour la leur, en pleine vigueur & rigueur, nonobſtant que vostre Maieſté ait deu eſtre aſſez eſmeué à ſe ſouuenir d'eux, par la continuation de leurs ſeruices, dont ils ne remportent aujourd'huy, ſinon pour l'aduenir vne tres-juſte crainte, pour le paſſé vne trop iuſte douleur.

Diſent routeſois qu'ils ne demandoient pas par leurs requestes que la loy de l'Eſtat fut changée à leur profit ou de quelque Prince eſtranger, comme ceux de la Ligue: auſſi peu que leur Prince naturel changeaſt ſa reſolution à leur appetit, comme les Catholiques Romains, qui ſuivent vostre Maieſté: & moins encore que l'Eſtat fut deſchiré en pieces, pour contenter l'ambition de peu de gens aux deſpens du public & du vostre, comme ils ſ'agir aujourd'huy; ains ſeulement de pouuoir poſſéder leurs conſciences en paix & leurs vies en ſeureré, chacun ſelon la condition & qualité en laquelle ſous vostre autorité, Dieu l'auroit fair naiſtre. Ce qui eſt vn droit commun à tous, & non vn priuilege, reſolus touſiours d'obeyr à leur Prince, tel qu'il plaist à Dieu leur donner, ſans exception de ſa Religion: Et de deffendre au peril de leur vie, ſous ſes commandemens, les ſacrées loix de ſon Eſtat.

Se plaindre neanmoins que ces ſi iuſtes requestes à eux accordées par tant d'Edits des Roys vos Predeceſſeurs, & par vous meſme demandez & deffendus avec tant de zele & de vertu, n'ont peu eſtre eſcoulées ſous vostre regne, ſous lequel ils auroient deu mieux eſperer, & ſous lequel auſſi certes, ſans l'affection qu'ils auoient à vostre grandeur, & ſans le fondement qu'ils faiſoient de vostre bonne volonté enuers eux, ils euſſent peu iuſtement & vrilement pratiquer les voyes qu'ils auoient eſté contraincts de tenir ſous les Roys vos Predeceſſeurs. Mais que n'euffent-ils attendu & eſperé de celuy que Dieu auoir pour la protection de ſon Eglise, amené à la ſucceſſion de ce Royaume? & que pouuoient moins eſperer que liberté & vie, ceux qui eſpandoient leur ſang librement pour vous. Maintenant au bout de leur longue patience, ils voyent par tout que ſans leur pouruoir en ſorte quelconque, vous auez changé de Religion en vn inſtant.

Le vulgaire dir là deſſus; car il ne voit pas plus auant: Si c'eſt de franche volonté, qu'attendons-nous plus de ſon affection? ou ſi c'eſt par contraindre, attendons, en moins, ou n'attendons que mal; puis que noſtre mal eſt en la poiſſance d'autrui, puis que noſtre bien n'eſt plus en ſa poiſſance.

Certes, Sire, les plus aduiſez eſtiment qu'il eſt impoſſible que vostre Maieſté oublie les graces qu'elle a receuës de Dieu, qui l'a tiré par voyes extraordinaires du fond des montagnes de Bearn, pour l'amener par les armes propres de ſes ennemis à cét Eſtat; & auſſi peu des ſeruices qu'elle a tirez de ceux de la Religion en ſes aduerſitez extremes; veu que les deſ-

seruices ordinaires de ses ennemis les ramentoient assez, & croyent au contraire, que si vne fois le iour vous vous souuenez de vous-mesme, il est mal-aisé que toute l'année vous ne vous ressouueniez de vostre conscience enuers Dieu, & de vostre ancienne affection enuers vos seruiteurs.

Mais tout de mesme ils diseoient, Sire, Si au milieu de ses prosperitez il nous a mesconnus, silors que Dieu l'auoit autorisé de si belles victoires, il n'a tenu conte de nous remettre au moins en liberté, que fera-il maintenant, sinon diminuer sa gloire? ou que ne fera-il apres ce changement? Où trouuera-il assez de resolution en tant de contradictions pour nous bien faire? Et qui nous peut garantir, que qui a eu trop de pouuoir pour violer sa propre conscience, n'en retienne encore assez pour contraindre sa volonté pour abuser de sa puissance.

A cela s'adioustent les propos insolens des Catholiques Romains: se rapportent aussi les exemples passez qui ne reçoient autre responce soluable pour les conforter aucunement, que vostre magnanimité & vostre constance ébranlée ja tant de fois en ce qui estoit de Dieu & ce qui estoit de vostre ame; & pourtant en tirons derechef cette conelusion: Que ne fera-il donc au fait d'autrui, & pourquoy sera il plus constant & plus courageux pour ses sujets? Et dequoy sera-il plus de difficulté, s'il ne la fait d'offenser Dieu? Pourquoy sera il plus vertueux pour nous, qu'il s'est rendu pour foy-mesme: parce qu'il y auoit bien plus loin de la pure Religion à l'idolatrie, qu'il ne nous reste de l'idolatrie à la persecution: parce aussi que du bien au mal il y a vn effort, il y faut quelque saut d'un mal à vn autre. Il n'y a que plein pied, on y va si doucement, pour enorme qu'il soit, qu'on ne l'apperceoit point. Voyez, Sire, par quels degrez on vous a mené à la Messe? On vous disoit, Vous desirez la Reformation, nous sommes pleins d'abus; entrez seulement dedans, vous les repurerez. Or premier que d'y entrer, l'on vous a obligé aux plus grossiers & aux moins tenables: ceux qui sont tenus d'un chacun de ne croire en Dieu, vous ont fait iurer les Images & les Reliques, le Purgatoire & les Indulgences.

On vous disoit, Sire, Donnez ce contentement à vostre peuple: vous croirez ce que vous voudrez: tant peu de Messes qu'il vous plaira, pourueu qu'on vous y voye, vn voile entre deux, si vous voulez? Où est au contraire la rigueur qu'on n'y ait obseruée. On vous a fait iurer contre vostre conscience, & abiurer en termes les plus precis & les moins soustenables, ce qu'ils n'eussent pas requis ny d'un Turc ny d'un Iuis. Ces Messieurs en somme ont pris plaisir de triompher de vostre foy triomphante de tant de tentations & de tant d'efforts; quand Satan pour quitter Dieu vous presentoit le monde, quand le monde mesprisé de vous armoit contre vous toutes les Monarchies.

Les plus fins vous faisoient croire, Sire, que c'estoit le vray moyen d'auoir raison du Pape, luy oster toute l'autorité qu'il a en vostre Estat. Cela fait, que vous assembleriez vn Concile National, & esteindriez
parce

par ce moyen le schisme qui de si long. temps a tourmenté l'Eglise ; œuvre digne d'un Roy Tres-Christien. Mais voyez encore s'ils y ont bien pourueu. Il vous font iurer comme article de foy, l'autorité du Pape : Que deuiennent donc vos Parlemens & vos Arrests ? & pour coupper tout chemin à vne Conference, obligent vostre creance par mots expréz à toutes leurs interpretations, sous le nom pretendu de l'Eglise. Qu'est-il donc plus question d'assembler vn Concile , ou qu'en deurions-nous mieux attendre que de celuy de Trente ?

Vos pauures sujets par mesme chemin vous voyent mener plus outre. Ils voyent que vous enuoyez faire soumission à Rome. Ils sçauent que l'absolution ne peut estre sans penitence. Ils lisent qu'en pareils cas les Papes ont imposé à vos predecesseurs de passer outre mer contre les Infideles. Ils se resoluent donc, Sire, qu'au premier iour le Pape vous enuoyera l'espée sacrée ; qu'il vous imposera loy de faire la guerre aux heretiques, & sous ce mot, comprendra les purs Chrestiens, les plus loyaux François, la plus sincere partie de vos sujets.

Cet Arrest vous semblera dur de prime face ; il offensera vostre bon naturel, & on n'en doute point. Faire la guerre à mes seruiteurs, ceux de qui j'ay eu le sang en ma necessité. Mais on a prou de moyens pour le vous adoucir. Sire, vous auez tant fait. Il faut passer plus outre. Il faut vous rendre paisible, à quelque prix que ce soit. Aceordez-le leur enfin pour leuer tous leurs pretextes. Faites-en semblant pour trois ou quatre mois. Vous serez reconnu : & ayant gagné l'autorité, vous leur rendrez la paix. On vous fera naistre alors vne requeste : vostre peuple tant las de patir vous en priera à iointes mains ; vostre Maiesté tout doucement s'y laissera gagner. Celuy qui vous defendoit iadis s'armera contre vous : & contre tel ennemy, il n'y a conseil ny force. Pour les feux de ioye de la paix par vous faite avec ceux de la Ligue, on vous aura fait bruster vos bons sujets, embraser de vostre main, pour la dernière main, les masures de vostre Estat.

C'est, Sire, ce que diseurent vos pauures sujets de la Religion : & par consideration de tout ce qui s'est passé à cette Conference, sont esmeus à le eroire ; suppliant tres-humblement vostre Maiesté de se représenter le tout en vn tableau deuant les yeux.

Cette Conference a commencé par vn corps qui ne s'autorise point de vous, qui fut deslors suspecte à tous les gens de bien, & depuis trop funeste à vous-mesme. Le premier mot a esté, qu'il ne seroit traité ny de l'heretique, ny avec l'heretique : & tel estiez-vous réputé entr'eux. Qui ne voit que le premier proiect estoit & contre vous & contre nous, vous qu'ils ont contrainct en vostre conscience, & qu'ils pretendent par degrez amener contre nous ?

En leurs discours, ils vous figuroient la Ligue les bras estendus prests à vous recevoir. Les grandes villes à l'enuy vous ouuroient leurs murailles. Les Gouverneurs vous apportoint les clefs de toutes parts.

Mais, Sire, où est la ville, où le Gentil-homme, où la bicoque qui se soit mise encore en deuoir? Et à quoy s'est resolu tout ce bel apparat? Sinon faites nous voir que cette conuersion n'est point en feinte, que le Pape y mette son autorité, & qu'on le voye abîous, vers le quel pendant ce temps ils monopolent vostre penitence, c'est à dire de vous imposer la guerre contre nous.

Car la treve, au grand regret de tous les bons François, mesme vostre pretenduë conuersion, qui vous deuoit faire Roy, vous a-elle pas reduit d'estre Chef de Party? Et Paris qui vous deuoit ouurir ses portes, ne vous les a-il pas toutes murées, & vos bons conseils en leur donnant des viures, ne vous ont ils pas fermé cette seule qui vous restoit pour y entrer, celle, dis-je, de necessité & de famine? Que si vous faites vne paix proportionnée à cette treve, Sire, comme il semble que vous en soyez en chemin, qu'en doit-on attendre de degré en degré, sinon que de Roy par la treve, vous soyez deuenu Chef de Party, par cette paix, vous deueniez leur Capitaine general, & contre les Huguenots.

Disent, Sire, là dessus vos tres-humbles suiets de la Religion, que cette paix, sans vne trop manifeste iniquité, sans vn trop iuste soupçon, ne se pouuoit traiter par les Catholiques avec vos ennemis sans eux, sans les appeller & receuoir en ce traité. Car ceux qui sont appellez à vn procez, pourquoy ne le feront-ils à vn accord: ceux, disent-ils, qui ont voulu estre assisiez en leur extremité par ceux de la Religion, sous vostre autorité, lors que le feu Roy estoit en branle de se retirer à Moulins, lors que le Duc de Mayenne le renoit, & eux tous à la gorge, qui ont esté remis & maintenus par leur secours en leurs honneurs & en leurs biens; est-il iuste maintenant de traiter avec ceux de la Ligue, sans qu'ils soient participants du traité. Eux (quand cette obligation n'y seroit pas) qui sont partis de l'Estat non moindre que ceux-là, pour estre mesme la plus saine & moins passionnée, en ce qui sera de l'interest de vostre Maiesté & de l'interest de l'Estat.

Soupçon aussi par consequent: Car cette precaution dès l'entrée de ce traité, de ne les introduire point, à quoy peut-elle tendre, sinon à resoudre toutes les difficultez qui se presenteront, à leurs despens, faire retomber l'orage sur eux, comme il fut fait sur vous par l'Edit de l'union? Car de vouloir eroire que Messieurs du Clergé se fassent leurs Syndics, quelle apparence? s'ils ont desia bien osé vous proposer d'extirper l'heresie, à vous, Sire, qui ne faisiez qu'e sortir de la profession qu'ils blasment ainsi.

Comme aussi de dire que vostre Maiesté ait mandé à cette fin des Deputez de la Religion, ne leur peut satisfaire, qui ont esté conuozquez au vingt-cinquième Iuillet par vos lettres enuoyées en Langue doc, Prouence & Dauphiné, à peine receuës au premier iour d'Aoust, pendant qu'on traite non seulement sans eux, car ce seroit le moins, mais d'eux, de leur condition, de leur posterité: pendant qu'on extorque

de vostre Maiesté des promesses contr'eux, & à leur preiudice, pour col-
luder & rendre friuole tout ce que parcy apres sera fait avec eux.

Aux soupçons, s'adioustent des effets, aux indices des mauuais des-
seins de ceux qui vous possèdent, & precursseurs de plus dangereux à
l'aduenir. Le Presche desia exilé de vostre Cour, afin de le bannir en
consequence de vostre maison. Car qui y viendra n'y pourraviure, on vous
y seruira sans seruir Dieu, exilé mesme de vos armées, afin de les reculer
de vostre seruice, & consequemment des charges & honneurs. Car quel
homme de bien y pourra subsister, en danger tous les iours d'estre tué,
ou d'estre blessé, sans espoir de consolation, sans assurance seulement
de sepulture? Qu'on minute d'exclurre tous les iours ceux de la Religion
des principales charges de l'Estat, de la Iustice, des Finances & de la Po-
lice; dont selon leur modestie & patience, ils prennent à tesmoin vostre
Maiesté, qu'ils ne l'ont gueres importunée: mais ils vous supplient aussi
de iuger s'il est raisonnable qu'ils fassent ce tort à leurs enfans, de les en-
rendre prieux par leur stupidité, pour estre cy-apres tenus en ce Royau-
me pour luifs, ou au rang des Capots, au lieu des rangs honorables, que les
merites de leurs deuanciers leur auroient laissez; que les seruices mesme
faits à vostre Maiesté leur deuroient auoir acquis.

Et combien, disent ils là dessus, nous estoit plus tolerable de viure
sous la treve du feu Roy, ennemy toutefois de nostre profession, qui
par icelle consentoit l'exercice de nostre Religion en son armée & en sa
Cour, consentoit le ministere entretenu de ses deniers, nous bailloit
des villes pour retraites en chacune Seneschaussée ou Baillage, nous
rendoit dedans le bout de l'an en leur entier les precedens Edits.

A tout cela vos bons seruiteurs ne sçauent que respondre. Autrefois
ils respondoient qu'on attendoit le temps; & le temps s'est perdu: les
affaires sont pourries en meurissant. Cependant ils ne peuvent celer que
leurs esprits agitez passent de l'espoir du bien en l'attente du mal, de la
longue & inutile patience en la recherche du remede. Et vous, Sire,
nous le sçauons bien, n'en estes pas sans allarme. Vous ne prendrez pas
plaisir de voir vn Protecteur. Vous seriez ialoux s'ils s'adrescoient ailleurs
qu'à vous.

Sire, voulez-vous bien leur oster l'enuie d'un Protecteur; ostez en
la necessité. Soyez-le done vous mesme. Continuez sur eux ce premier
soin & cette premiere affection. Prenez leurs supplications par vn plein
mouvement, leurs iustes demandes par vn volontaire octroy des choses
necessaires.

Quand ils connoistront que vous aurez soin d'eux, ils n'en auront
point d'eux-mesmes. Mais pardonnez à qui vous dira qu'ils doutent tous
si vous en auez assez de vous-mesme. Vous sçauiez ce qui leur nuit & ce qui
leur duit: les Requetes que vous presentiez pour eux aux Rois vos Prede-
cesseurs pour leur liberte & pour leur seureté; rapportez les à vous-mes-
me. Elles n'ont certes depuis ce temps-là rabattu de leur droiture. Ils les

ont comblées depuis ce temps de bons seruites, & doiuent auoir gaigné & auoir accru en vostre autorité, qui en pouuez & rapporter, & appointer leurs iustes plaintes, & en estre sans autres Deputez, & avec plus de gré le Iuge, si vous voulez, & l'Aduocat ensemble.

MESSEIERS de la Religion, si le susdit escrit a esté delibéré en plein Synode, vous auez clairement descouuert que vous estes vne partie tres-dangereuse à l'Estat. Car sans auoir esgard à la qualité du temps, ny aux affaires qu'auoit le Roy, vous auez fait tout ce que vous auez peu pour r'allumer vn feu entre nous, que les seruiteurs de sa Maiesté taschoient à leur pouuoir d'esteindre; lequel eust à present tout consommé, si des humeurs plus tempérées que les vostres, ne s'en fussent mêlées. Il estoit bien necessaire que ceux qui gouernoient sa Maiesté, fussent meilleurs François que vous n'estes; & cependant ils ne s'en sont pas tant vantés. Ils vous ont sauuez & garentis en vostre absence, des propositions que ceux de la Ligue faisoient à vostre ruine. Vous souteenez que de iour à autre, vous estiez menacez; & vostre passion & vostre ignorance, qui vous faisoient faire tel iugement, vous ont très-heureusement trompez. Car toutes choses ont esté adoucies, Dieu mercy sans vostre ruine. Vne autre fois vous serez plus iudicieux. Au reste oubliez à vous vanter: Car si vous auez seruy le Roy, vous en auez esté grandement recompensez. Voilà ce que ie dis à ceux du party en general. Si ce ne sont que quelques particuliers qui ayent forgé cet escrit, ie les appelleray seditieux & esprits turbulens, auxquels ie diray que le succez des traitez qu'ils desferient tant, leur font bien connoistre le contraire de ce qu'ils en iugeoient. Fait à Blois ce 24. Iuin 1594.

LETTRE DE MONSIEVR DE LA CHASTRE,
à Monsieur de Mayenne.

MONSEIGNEVR, l'ay receu celle qu'il vous a pleu m'escire par d'Abincourt, & entendu de luy la creance dont vous l'auiez chargé, lequel vous representera l'estat en quoy il nous a retrouuez en cette Ville. Il vous porte aussi des Lettres de vos seruiteurs qui sont icy, non plus affectionnez que moy à vous rendre toutes les preuues de seruite, d'honneur & de respect que vous pouuez desirer. Et en ce qui est de mon particulier & de mon deuoir, vous m'y trouuez tousiours tel, & vous souuiendrez que ie vous ay plusieurs fois discours de ce qui pourroit arriuer à la fin de la trefue, si auparauant icelle vous ne prenez quelque resolution. Ie croy que ce n'est pas en cette Ville seule, qu'il se trouue la pluspart du peuple qui desirent ardemment le repos, non peut-estre avec autant d'occasion de crainte qu'en ont ceux de cettedite Ville. Les raisons qu'ils m'alleguent & representent, ie les ay commises audit d'Abincourt, pour

les vous faire entendre. Sur quoy vous prendrez tel conseil qu'il vous semblera bon, pour vous en servir comme vous pouvez faire. Pour Dieu, Monseigneur; penlez à vous, à la Religion & à l'Estat, & à vostre maison & famille; & n'assuiettissez ces choses si precieuses sous la domination d'autrui, & conservez à vostre posterité la gloire que vos ancestres ont acquise. Vous avez sceu sagement & prudemment iuger, & me l'avez confessé, l'intention de ceux qui ne taschent pas à nous oster des dangers où nous sommes, mais plustost à nous y plonger plus avant, & ne cherchent qu'à nous ruiner, perdre & defunir. Vous laisserez-vous donc maintenant aller & transporter à ceux qui sont desia tous gagez & pratiquez par eux, & desquels vous avez éprouvé la foy & fidelité qu'ils vous ont jurée, & si souvent violée; espousant par les pensions qu'ils tirent, les passions de telles gens, qui ne desirent que la ruine de l'Estat, & de vostre particulier plus que de tous: Car apres qu'ils vous auront embarqué & fait franchir le saut perilleux, sans doute ils vous abandonneront, & en porterez apres tout le blâme & deshonneur: & s'il y a de l'utilité en ce trouble, d'autres en profiteront, & non pas vous. Pouruoyez, Monseigneur, à vos affaires. Vous le pouvez encore, ne s'estans iusqu'icy rien séparé de vous, & faisant paroître vostre intention estre de rechercher le bien en general de toute la France, chacun se tiendra vny avec vous pour soutenir vos bonnes intentions. Au contraire, si l'on reconnoist que vous recherchiez ou consentiez de transporter le Royaume es mains des estrangers, violant les loix & les coustumes, infinis gens de tous ordres & qualitez se separeront & vous abandonneront. Deux choses principales alterent bien fort les volontez des habitans de cette ville, & les tiennent en crainte: l'une, qu'elle ne se voit plus auprès de vous des serviteurs affectionnez à maintenir vnaniment vostre honneur & grandeur avec celle de l'Estat: au contraire vous estes entouré de pensionnaires d'Espagne: voila l'un des points. L'autre, quel'on a mis sur le Bureau de faire vne grande proscription de plusieurs Bourgeois & habitans de la ville de Paris. Cét acte regarde toutes les villes: & ne doutez pas qu'elle ne leur serve d'exemple, & que ceux qui ne l'approuveront pas, ne demeurent en perpetuel soupçon qu'on ne leur en fasse autant; ce qui vous rendra moins aimé, & plus redouté: Mais vous avez reconnu combien la force & les actions violentes & extraordinaires ont profité à ceux qui les ont pratiquées en France: voire aux Princes mesmes legitiment établis, qui se sont perdus quand ils ont voulu entrer en ces executions, & ont reuolté leur peuple contre eux. Les François sont libres de nom & de condition: ce qu'ils ne feront de bonne volonté, la force ne les y pourra iamais contraindre; & tous ceux qui prendront & suivront les conseils estrangers, pour les penser mieux dompter, se perdront. Vos principaux serviteurs, & qui vous aiment & honorent, vous en ont aussi parlé souventefois. C'est pourquoy avec plus de hardiesse ie me suis proposé de vous en parler librement; & adiousteray pour fin de ma lettre,

vne tres-humble supplication de songer au bien commun de cet Estat & de vous mesmes, & de ne vous laisser preoccuper, vaincre & emporter à la ruine premierement de vous, & apres de nous tous : & croyez que ie feray icy tout ce que humainement ie pourray, pour retenir ce peuple en deuoir. Mais vos deportemens seuls le peuuent retenir ou perdre du tout. Sur ce ie vous baïse tres-humblement les mains.

DECLARATION DV ROT HENRT IV. CONTRE LE
Roy d'Espagne, ses suites & seruiteurs.

DE PAR LE ROY.

PERSONNE en ce Royaume, ny ailleurs, n'ignore plus que le Roy d'Espagne, n'ayant peu à guerre ouuerte enuahir, & destruire la France, protégée de Dieu, & defenduë de ses Rois d'heureuse memoire, assiste de leurs bons & loyaux sujets ; n'ait suscitè & fomentè en icelle les diuisions & partialitez qui l'ont cuidé acabler, & qui l'affligent encore de present. Car sa haine & conuoitise ont passé si auant, que non seulement il y a mis & consommé plusieurs grandes sommes de deniers, employé & perdu ses principales forces & armes, iusques à abandonner ses propres Pays & affaires ; mais aussi osé, sous pretexte de pieté, attenter ouuertement à la loiauté des François enuers leurs naturels Princes & Souuerains Seigneurs, de tout temps admirée entre toutes les autres nations du monde ; en poursuiuant iniustement & publiquement cette noble Couronne pour luy ou pour les siens. Ce qu'il auroit commencé à manier incontinent apres le decez du feu Roy Henry II. que Dieu absolue, & a tousiours continué depuis par diuers moyens ; mais principalement esclaté & manifesté du temps du feu Roy Henry III. de tres-Chrestienne & louable memoire, nostre dernier Roy & Prince Souuerain, l'an 1585. que les François iouyssans par la grace de Dieu, pieté, prudence & bonté de sa Maïesté d'un entier & general repos, lequel elle alloit affermissant & assurant iournellement à leur soulagement ; il autoit sous faux & variables pretextes remply le Royaume de feu, de sang, & d'une extreme desolation : Armant les Catholiques les vns contre les autres, & contre le plus Religieux Prince qui regna onques : dont s'est ensuiuie sa mort douloureuse, qui saignera perpetuellement au cœur des vrais François, avec tous les autres meurtres, pilleries, ruines & afflictions que nous auons depuis souffertes. Sous le pesant fais desquelles la France & les François eussent succombé & fait naufrage pour iamais, sans la grace speciale de sa Maïesté diuine, qui ne luy a onques manqué ; laquelle a donné à nostre Roy & Souuerain Prince & Seigneur la force & vetru, en dessendant magnaniment la iustice de sa cause, avec nos libertez, biens, vies, familles & honneurs, de renuerser les pernicious & miserables desseins dudit Roy & de ses confederéz, à sa honte & à leur confusion. De sorte que

la France a maintenant occasion d'esperer de recouurer sa premiere felicité, à la gloire de Dieu, sous l'obeyssance & les commandemens de sa Royale Maiesté: chacun y contribuant la mesme felicité, & vsant sa Maiesté des mesmes moyens qu'ont employez les Rois ses Predecesseurs contre leurs anciens ennemis. Quoy consideré par sa Maiesté, laquelle a avec la conseruation de nostre sainte Religion & de sa reputation, la protection & deffence de ses suiets plus chere & recommandée que celle de sa propre vie, qu'elle y a souuent & liberalement exposée, comme elle est encore prestee de faire: Et que sa conuersion, bonté & patience depuis cinq ans, ny le peril present qui menace la Chrestienté, lequel chacun reconnoist proceder de la discorde & iuste jalousie que l'ambition dudit Roy d'Espagne a excitée en icelle, n'ont peu ny peuuent encore moderer la mauuaise volonté contre ce Royaume, la personne de sa Maiesté tres-Chrestienne, & ses bons & fideles suiets, sur lesquels luy & les siens exercent encore tous les iours toute hostilité; continuant à l'assaillir à force ouuerte par diuers endroits, retenir & garder ses Villes, ptendre prisonniers, mettre à rançon, & massacher inhumainement ses suiets, y leuer contributions & deniers, & faire tous autres actes d'ennemy declaré & coniué: Sadite Maiesté fait sçauoir à tous ceux qu'il appartiendra, que ne voulant plus longuement défailir à son honneur & à la protection qu'elle doit à ses suiets, cōme elle feroit si elle vsoit de plus longue patience & dissimulation en la suite & continuation de tels attentats, auoir arresté & resolu faire dès à present la guerre ouuerte audit Roy d'Espagne, ses suiets, vassaux & Pays, pour se reuēcher sur eux des torts, iniures & offensees que sa Maiesté, & les siens en reçoient, tout ainsi qu'ont fait les Rois ses Predecesseurs en semblables occasions: avec ferme esperance que Dieu qui connoist l'interieur de son cœur & l'equité de sa cause, luy continuera sa diuine assistance, & fera prosperer & benir avec l'aide de ses bons suiets, ses iustes armes & actions. Au moyen dequoy sa Maiesté enioint tres-expressement à tous seldits suiets, vassaux & seruiteurs, de faire doresnauant la guerre ouuerte audit Roy d'Espagne, ses Pays, suiets & vassaux adherans, comme à ses ennemis & du Royaume; & pour ce faire, entrer avec forcees esdits Pays, assaillir & surprendre les villes & places qui sont sous son obeyssance; y leuer deniers & contributions, prendre les suiets & seruiteurs prisonniers, les mettre à rançon, & traiter tout ainsi qu'ils sont & feront ceux de sadite Maiesté. Laquelle leur a pour cette occasion, prohibé & deffendu par la presente, toute communication, commerce & intelligence avec eux, à peine de la hart: Reuoque à cette fin toutes sortes de permissions, passe-ports & sauue-gardes donnez & octroyez par elle, ou par ses Lieutenans Generaux & autres aux suiets & seruiteurs dudit Roy d'Espagne: les declare de nulle valeur, & leur deffend d'y auoir aucun esgard

apres la publication

de la presente Declaration aux Prouinces de Picardie & Champagne, & pour toutes les autres du Royaume

apres la datte d'icelle

laquelle elle a pourcé effect commandé estre presenremēt enuoyée, & publiée à son de trompe & cry public ; afin que nul n'en prerede cause d'ignorance, & que chacun air à l'observer & garder, sur peine de desobeysſſance. Fair à le iour de Decembre mil cinq cens quatre-vingt ſeize.

*NOMS DE CEVX QVI SORTIRONT DE LA VILLE
de Paris, ſuivant la volonte de Roy, apres la reduction en ſon obeysſſance.*

LE Curé de la Magdelaine,
ſainr Leu, ſainr Barthelemy,
ſainr Pierre aux Bœufs.
Breaulr, Chanoine de N. Dame.
Oudineau & ſon frere.
De Heere, Conſeiller.
Le Roy, Paſſemenrier.
De Leſtre, Chauſſerier;
Gqdon, Ganrier.
Paſſart, Teinrurier.

CARBL.

Maître Guillaume Roze.
Le Prieur des Carmes.
Vincy, Recteur.
Cruce.
Vn Eſpicier, ſambe de bois.
Poreau, Frippier.
Laſnier, Huiffier.
Guarlin, Procureur.

H V O T.

Senaulr.
loſſet.
Michel, Sergent.
Baſin, Commiſſaire.
Nicolas des Granges, Serrurier.
Iean Laurens.
Badran le ieune.
Meſnager.
Chauveau, Procureur.
Les Curez ſainr Coſme, ſainr André
des Arts, & ſainr Benoift.
QVARTIER DE PAVLMIER.
Nicolas, le Curé de ſainr Iacques.
Gallopın.

Boiſſer & ſon ſils.
La Bruiere le pere.
Du Ruble, Capitaine.
Boran, Medecin.
Rolland, Eſleu.
Le Sellier, Paſſemenrier.
Ysbard Cappel.
Iean Lenfant.

BOVRGEOIS.

Boué, Drappier.
Gourlin.
Gaillarder.
De la Nouë, Chirurgien.
Machault, Conſeiller.
Rolland l'aîné.
De ſainr Yon, Capitaine.
Dani le ieune, Sergent.
Le Febure S. de ſainr Yon.
Bahuet, Secretaire du S^r d'Aumale;

BORDON.

Michel, Procureur au Chastelet.
Le Normant.
Tuant, Lieurenant de du Four.
Le Commiſſaire Gruant.

CANAY.

La Bruiere, Lieurenant Particulier.
Le Bel, Conſeiller au Chastelet.
Poinreau, Sergent de
Du Fresnoy.

Marrin, Sergent.
Robior & ſon gendre.

LE ROVX.

Le Curé de S. Germain de Lauxerr.
Chaffebras, Commiſſaire.

Le Lievre, Huissier.

LE COMTE.

D'Orleans.

Jean du Bois.

Le Gresse, Aduocat.

Hoquiquan, Commis de Roland.

Le Breton, Procureur.

Vn Apotiquaire.

Ruffaie.

L'Esleu Mocquereau.

LAMBERT.

Soly.

De Lestre, Clerc du Capitaine.

Le Brun l'aîné.

Martiner, Mercier.

DV TERTRE.

Olliuier.

Befançon.

Acarie, Maistre des Comptes.

De Vaux.

Iacquet, Commissaire.

Saluancy.

Cheualier, Greffier.

Durant, Procureur.

Hennequin du Perray, President.

Thomas, Receueur des Aydes.

Nicolas Thomas, Coureur.

Lallemant, Conseiller.

Noel, Bedeau de saint Geruais.

Du Coulon, Aduocat.

DE AVEZ.

Messier, Drappier.

Coüet, Capitaine.

Drouart, Sergenr.

LE GOTS.

Luy.

Le President de Nally.

Trigallot.

Mongeot & son frere.

Loison, Procureur.

Daugere, Peintre.

PERFAICT.

Tablier, Notaire.

Bruneau, Commissaire.

Le Camus.

Chouiller.

Fresneau.

Nicolas, Procureur.

DE CHAILLT.

Le Mercier.

Le Peuple.

Le Riche.

De Courcelle, Capitaine.

Baston, Conseiller.

Taconnet.

Girard, Capitaine.

Bidault, Sergent.

Renoüar, Coureur.

Substille, Sergent.

Pere Bernard, Iesuite.

Lesdits Quarteniers aduertiront les dessus nommez de l'intention du Roy; qui est, qu'ils s'absenteront pour vn temps de cette ville; & que si aucuns d'eux se veulent retirer pardeuers le Duc du Maine, leur sera baillé passe-porr; & ceux qui voudront faire le serment, avec les sous-missions, seront conseruez en leurs biens & Offices, & pourront eux retirer es maisons particulieres dehors la ville, ou en quelque ville où il n'y ait garnison entretenüe par sa Maiesté: & leur seront deliurez passe-ports & sauue-gardes necessaires. Et à cette fin feront les Quarteniers procez verbal de la declaration des dessus nommez. Fait le trentième Mars mil cinq cens quatre-vingt seize.

LETTRE DV DVC DE FERIA AV ROY D'ESPAGNE,
traduite en François.

AV ROY NOSTRE SIRE.

Entre les mains de Dom Martin de Idiaguez.

SIRE,
Iereceus, estant à Bapaulme, le treizième d'Aoust deux lettres de V. M. du 8. 26. & 30. Aurl, & deux autres du 30. May & 4. Iuin, & soudain ie les enuoyay au seigneur Archiduc, afin que son Altesse respondit à ce que V. M. luy escriuoit, & que sur ses lettres elle peust prendre quelque resolution. S. A. me commanda de l'aller trouuer incontinent: ce que ie fis en toute diligence, & me rendis en cette ville le vingt deuxième Aoust, où ie trouuay le Duc de Mayenne & le Marechal de Rosne. Le President Ianin y arriva le mesme iour que moy. S. A. fit assembler en sa presence le Comte de Fuentes, Jean Baptiste de Tassis, Dom Diego de Ybarra, Estienne de Ybarra, le President Richardot & moy: & là se leur-
rent les lettres de V. M. & fut discours des points principaux que le Duc de Mayenne auoit proposez, par le moyen de Jean Baptiste de Tassis, Estienne de Ybarra, & Richardot. S. A. desirant scauoir mon opinion sur ce fait, & la maniere de negocier avec luy seurement, & le plus aduantageusement que nous pourrions; ie donnay mon aduis, auquel ie n'ay eu autre but que l'honneur & seruice que ie dois à V. M. l'en enuoye la copie avec la presente. Tous se conformerent avec moy, excepté Jean Baptiste de Tassis & le President Richardot, lesquels estoient d'aduis qu'on se deuoit fier au Duc de Mayenne, & que ce qui se bastisoit sans luy, rout renuerseroit. S. A. se resolut à la pluralité des voix, y adioustant, par l'aduis de Dom Diego de Ybarra, auquel i'en auois conféré, que l'on prieroit du Mayne de chasser d'aupres de luy tous les mal affectionnez, à la cause desquels les bons Catholiques se scandalisoient. Le mesme Ybarra se chargea de porter la parole aux trois qui auoient negocié avec luy. Je ne sçay ce qui en aduendra: bien sçay-je que nous n'y pouuons auoir profit, si S. A. temporise iusques à ce qu'elle ait entendu la volonté de V. M. Je l'ay aduertie de ce que ie ferois, si ie me trouuois icy seul avec le Duc de Mayenne. Elle ne veut nullement entendre à ce dont nous le requerons avec tant d'equité, qui apporteroit tant d'aduancement à nos affaires, s'il estoit diligemment exccuté. Nous n'auons point faute d'exemple sur ce sujet, mesme en la personne du grand Capiraine Empereur, lequel ayant mandé le Duc Valentin, le remit; craignant qu'à son retour il ne luy troublast ses affaires, &c. De Bruxelles ce 31. Aoust 1594.

LE DVC DE FERIA.

*ADVIS DV DVC DE FERIA, SVR LA PROPOSITION
qui fut faite à Bruxelles, en l'assemblée du 25. Aoust 1594. lequel il donna
par escrit le 27. du mesme mois.*

IE differay auant hier de donner mon aduis à V. A. sur les propositions qui y furent faites, pource que ie n'auois encore veu les Lettres que S. M. en auoit escrites; & qu'en affaires de telle importance, il ne se peut apporter trop de consideration. Ce que i'en dis & discourus lors avec le Comte & les autres, fut par forme de deuis, & non point pour en opiner comme maintenant.

Il est tres-certain que S. M. Catholique ne s'est resoluë à ces guerres sur autre fondement ne consideration, que du bien de la Religion. C'est chose qui se voit & remarque clairement par les effets, quoy que l'on s'esfaye par le monde faire courir des opinions diuerses & esloignées de la verité de ce suiet; lequel est tant loüable de foy & tant necessaire, que sans la Religion nul estat ne peut consister & demeurer vrayment Catholique. Quand bien il seroit besoin pour ce respect vendre la moitié de la Couronne de Castille, elle y seroit dignement employée; tant est l'aduantage grand qu'apporte le soin du bien de la Religion, laquelle doit preceder toutes autres considerations de ce monde, auquel nostre premier & principal but doit estre à favoriser en tout & par tout la cause de Dieu.

C'est pourquoy S. M. se doit asseurer de tout bon succez. Et puis que la resolution en est si bonne & si necessaire; il est à propos qu'elle soit manifeste à tout le monde, avec prieres instantes vers vn chacun d'y prester aide & confort. Mais afin qu'il ne semble que ce ne soit que paroles, il est besoin quant & quant nous departir de la maxime que nous tenons, qu'il nous faille cheminer à loisir en ces affaires. Ils font autres & beaucoup plus grands que nous n'auions estimé au commencement. Nous n'auons plus à faire à vn tyran; nous auons à faire à vn heretique ou relaps, ou comme les Canonistes le voudront appeller.

L'esperance du bon succez des affaires doit estre apres Dieu, colloqué aux forces de S. M. sans penser que celles de France, au moins pour vn temps; puissent faire nul progres à l'esgard des frais qui y conuiennent. Non que ie ne sois bien d'aduis d'entretenir en la France des partialitez tant que nous pourrons, & y conseruer en tout ou parrie nos intelligences sans y espargner nos moyens, gardans la reputation de nos forces. Mais sans doute si celuy qui conduit les affaires ne se iette du tout aux bras de S. M. & soit resolu plus qu'il n'a esté iusques icy, de faire chose par laquelle nous puissions auoir succez de nous confier en luy; il n'y a pas apparence que l'eueneement nous puisse estre aduantageux. Car ie puis dire que iusques icy il n'a fait chose qui vaille, & a esté plus pernicioeux à la Religion sous couleur de la deffendre, qu'autre qui en ait pretendu la ruine. Il n'a iamais eu autre consideration que de son profit particulier, sans se

l'oucier du general. Aussi en a-il perdu toute creance. Nul aujourd'huy le regarde de bon œil, nul se trouue qui se fie en luy, non ses parens mesmes. Les Politiques & faux Catholiques comme luy, & dequels il s'est tousiours seruy pour ses desseins plus particuliers, ne le suiuent que sur vne esperance qu'il leur donne de faire bien-roist la paix. Les vrais Catholiques le tiennent pour ennemy, connoissant qu'il les a trahis, apres qu'ils l'ont esleué au degré d'honneur où il se voit colloqué, & qu'ils l'ont choisi pour leur Chef, ne luy manquant plus que le nom de Roy. Il a soüilé les mains sous le manteau de la iustice, au sang de ceux qui ont apporté le principal aduancement à sa grandeur, & qui estoient des plus zelez Catholiques de la France a desliuré à l'ennemy les principales places: a esparagné le Bearn, au temps qu'il se trouuoit sans armée & sans argent. Ce ne sont point soupçons, ce sont choses fort bien auerées. Je tairay les formes qu'on a tenu aux traitez de leur accord, la Chastre, Villards, & les autres qui ont fait faux bon. Je ne remarqueray les accidens ausquels il pouuoit remédier, comme à la reddition de Meaux, de laquelle il estoit bien aduertty en temps assez opportun pour y donner, s'il en eust eu la volonté, comme il en faisoit le semblant. Il estoit venu passionné & coléré contre Vitry, pour luy auoir commis cette trahison: mais la colere ne fut point si forte qu'il ne luy renuoyast bien-toist les ioyaux qu'auoit laissé Vitry dans Paris. Quelque temps auant la reddition de Meaux, il laissa perdre Dreux, en laquelle estoient les meilleurs Catholiques de la France. La voix commune & publique est que ce fut de son consentement, afin d'intimider les Estats, & les rendre enclins à la trefue. S'il faut parler des affaires de plus grande importance, quand il rompit l'assemblée des Estats, n'estoit-ce point pour faire chose plus profitable à l'ennemy, qu'autre quelconque, & plus contraire au desir & volonté de S. M. Vne partie à la verité s'estoit licenciée d'elle-mesme: mais cela n'estoit point assez pour effectuer ses desseins, dont il se resolut de partir de Paris, & laisser la Ville en l'estat que chacun sçait, sans que les prieres du Legat, les miennes, ny celles des Estats, qui tous ensemble protestions du danger auquel il nous laissoit, les peussent détourner. Vn des principaux Euesques qu'il eût prez de luy, estoit l'Euesque de Senlis, & des plus Religieux & zelez de la France. Celuy-cy au nom des Estats l'auoit supplié auoir esgard à la conseruation & seureté de la Ville. Le mesme iour il l'enuoye querir, & l'outrage de paroles iniurieuses. Les Conseillers avec lesquels il conféra à son depart, estoient tous ennemis de la cause Catholique, & entr'autres le Preuost des Marchands, qui fut l'un de ceux qui luy cherchent argent pour s'en aller: ce qu'il n'eust fait, s'il n'eust bien sceu à quoy deuoit reüssir le voyage. Ses deportemens precedens estoient conformes à ceux-cy, comme lors qu'il fut receu à Laon par le Marechal de Rosne, lequel outre ce qu'il affectoit le party, estoit encore son grand mignon. Ce neantmoins il luy osta la Ville, & le reduisit au point que chacun sçait. En toutes ses actions, il a tousiours fait connoistre

qu'il se désoit grandement des gens de la Maïesté, & qu'il se fioit librement en ceux du party contraire : comme il s'est connu encore plus particulièrement durant le siege de Laon, & du voyage de Fere, dequoy V. A. est bien aduertie. Ce n'est point faute de bonne volonté qu'il n'accompagne l'ennemy : c'est que temporisant avec nous il luy fait plus de seruice. Quand il fut à Amiens, qu'il liura la ville à l'ennemy par l'entremise de ses plus fauoris, le Maire d'Amiens luy a soutenu en presence, que tout s'estoit fait de son consentement. Si ie voulois poursuire à compter de semblables traits, i'y serois iusques à la nuit, peut-estre iusques au matin, premier que d'auoir acheué. Enfin il ne cessera iamais d'abaisser la puissance de la Maïesté : & mesme quand il se viendrait efforcer de montrer le desir qu'il a de luy faire seruice, il ne le scauroit faire à cause de la petitesse de ses forces. Aussi ce seroit faire contre les offres qu'il a faites en Italie, par le moyen de Desportes, Rulliers, & le Seigneur Gregoire, offrans la Couronne aux Ducs de Ferrare, Sauoye, & Lorraine, & à autres que ie pourrois nommer iusques à six, voire sept. Et ne sont point fables les prieres de puis que le Duc de Hessa les escrit, & les paroles que l'on scait certainement qu'il a tenuës au Duc de Guise, iusques à luy dire, Quand viendra le temps que nous verrons avec vne grande armée contre ces Espagnols Marranes ? Et l'experience nous montre, qu'ayant parcy-deuant le Duc de Guise esté tenu pour bien constant, sans nous auoir donné la moindre occasion de soupçon, maintenant que leur amitié s'est renouée, il nous donne beaucoup de sujet de nous en desier. Encore que V. A. soit bien aduertie de toutes ces choses, ie les luy ay bien voulu ramanteuoir, afin qu'elle connoisse combien cette contrée & les bons Catholiques d'icelle ont eu à souffrir, & mesmement ceux qui pour le sujet de cette querelle en sont exiliez. Quant à l'affection qu'il a à la Religion, on la peut connoistre par les seruices qu'il fit en pleine assemblée du commencement, & depuis à moy en particulier, & ceux que n'agueres il m'a reïterez, de reconnoistre à iamais V. A. & se reputer pour tousiours seruiteur de Madame l'Infante. De tous ces sermens il fait auourd'huy fort peu de compte, disant que là où il est question d'affaires d'Estat, on ne se doit que bien peu soucier des sermens & promesses. Et il me souuient qu'à Paris, luy rememorant ce qu'il auoit promis, il me respondit que le temps se changeant, ses volontez deuoient aussi changer, & qu'il n'auoit point d'occasion de se soucier de ce qu'il auoit enuoyé dire à la Maïesté par Monpelas. Estant vne autre fois à la Fere, comme nous disputions ensemble sur ce sujet, il me dit qu'un homme ne pouuoit estre bon Chrestien & bon homme d'Estat tout ensemble, me louant fort le scauoir & les deportemens d'Alexandre sixième, lequel pourtant les bons Catholiques tiennent pour vn exemplaire de meschanceté. Puis donc que tels enseignemens ont pris racine en luy, qu'il est de mauuaise conscience enuers Dieu, ingrat à la Maïesté, en discord & mau-

uaife intelligence avec ses propres parens ; ie ne sçay quelle esperance d'amendement nous y pouuons desormais esperer , & comme nous perdrons l'opinion qu'il ne fuiue & acheue la course qu'il a de si long-temps encommencée. Lors que le Duc de Guise estoit prisonnier , encore que ce ne fust par sa faute , il ne daigna onques fauoriser sa liberté en façon du monde : En quoy il monstroit assez qu'il ne le vouloit point ailleurs que là. C'est chose toute certaine , & que les petits enfans scauent à Paris , qu'il enuoya l'Archeuesque de Lyon pour tramer la prison du Duc de Nemours son frere , avec charge de liurer la ville à l'ennemy , ainsi qu'il s'est depuis executé. Et pour montrer combien il auoit de ressentiment de ce fait , il me vint dire que le dueil qu'il auoit de la prison de son frere luy auoit fait perdre ses cheveux blancs ; tantil dissimuloit mal la ioye qu'il en auoit : Et tant s'en faut qu'il se mit en deuoir de luy ayder , comme il pouuoit bien faire , il ne permit que son fils , en estant si proche comme est la Bourgogne , le fust seulement visiter ; ains au lieu de cela , s'empara de deux places que le Duc de Nemours auoit en Bourgogne de son propre patrimoine.

Ie vous ay dit cy-deuant que la resolution de sa Maiesté est telle , qu'elle fust toute seule pour l'enleuer au Ciel , & laisser pour iamais sa memoire glorieuse en la terre. La premiere chose qu'il commande par ses lettres est , que nous auons à nous asseurer à l'aduenir par l'instruction du passé. Ie suis bien d'aduis que pour seureté nous demandions la ville de Soissons estre deliurée entre nos mains , en laquelle nous mettions garnisons pour sa Maiesté , sans y en auoir de Françoises. V. A. pourra promettre de la luy rendre , lors qu'il y aura vn Roy reconnu pour legitime , approuué par sa Sainteté , & au gré & contentement de sa Maiesté.

Les deportemens de ce personnage , pour les raisons deduites cy-dessus , l'ont rendu tellement odieux aux Catholiques , qu'il ne faut pas esperer que iamais personne se declare pour luy , s'il n'y est autrement incité que par le bruit de sa reputation , ou par l'heureux succez de ses affaires ; au contraire , ils se confirmeront dauantage à son occasion au party de l'ennemy au temps qu'ils le verroient prosperer ; tellement qu'il ne peut iamais estre Chef de party : ioint que c'est chose toute certaine , que les Ducs de Guise , de Nemours , & de Mercure ne luy obeyront iamais , & que ce seroit vn vray moyen pour effaroucher le Duc de Nemours du party , pour les enormes iniures qu'il a receues de son propre frere. Ainsi l'expérience nous montre les beaux effets qu'a produit ce tiltre de Chef de Party. Quant à moy , ie suis d'aduis qu'on traite avec luy desormais en qualité de Prince de Bourgogne. Car , comme dit le Pres. Richardot , il ne la tient plus pour Gouvernement : mesme le Duc de Guise , & les autres Gouverneurs disent tenir chacun leurs places en souueraineté , & y commandent absolument. Quant à l'entretenement , il luy faut continuer le sien , tout ainsi que s'il auoit

encore la charge de Lieutenant general. Et pour les garnisons de Bourgogne, il en faudra soudoyer quelques-vnes: pourveu que le payement s'en fasse par les Officiers de la Maïesté, qui se chargeront de faire les montres. Je ne voy point qu'il y ait autre moyen de disposer les affaires en sorte que nous puissions esperer quelque fruit de nos labeurs. l'ay entendu par gens d'autorité & de credit, que son dessein est d'amasser vne bonne somme de deniers, & de s'en aller en Bourgogne pour publier la paix: laquelle ie tiens pour faite, quant à moy, & tout le monde, pour son regard. Quant au Duc de Guise, pour luy faire perdre le goust qu'il pourroit prendre en l'accord de son oncle, il luy faudra donner bon appointement, sans y rien espargner.

La proposition de la Conference de Nanteuïl, & les conditions d'icelle me semblent indignes d'estre receuës de V. A. voire quand elles seroient beaucoup plus aduantageuses qu'elles ne sont. Voilà mon aduis touchant les points qui furent proposez. Le Comte & les autres pourront dire le leur, & peut-estre meilleur que le mien. Toutefois il sera bon de concerter. Quant aux autres demandes du Duc, ie n'en puis dire dauantage, sinon que pour la somme de deniers qu'il demande pour gagner les volontez, V. A. fera ce qu'il luy plaira: Mais il me souuient qu'apres auoir gagné Noyon, au prix du sang des Espagnols, il en obligea à soy le Marechal de Rosne, auquel il bailla la place. S. M. n'en tient dauantage en France, que si elle estoit toute entre les mains de l'ennemy. Quant à payer les garnisons Françoises, c'est chose qui a tousiours esté deniée au Duc, & qui est directement contre la volonté de sa Maïesté. La proposition de partir les villes qui se gagneront, entre sa Maïesté & luy, ne me semble à propos: d'autant que ce seroit traiter avec vn seul, & au profit d'un seul; & par ce moyen estranger tous les autres, & se les rendre ennemis. Car il est certain qu'ils ne voudront plus demeurer au party auquel ils se verront tant iniquement frustrez de la recompense deuë à leur vertu. Cela ne seroit point se conformer à la volonté de S. M. qui est de deliurer la France des mains qui l'affligent, & des dangers qui la menacent; & non pas y faire des acquisitions pour soy: veu mesme qu'il en a eu assez de moyens au commencement, & ne l'a iamais voulu faire. Cette voye me semble plus conuenable à la raison, & plus conforme aux commandemens dont sa Maïesté nous fait si expresse mention par ses lettres.

Ie puis encore faire d'autres ouuertures pour composer ce party en la maniere que i'ay dite. Mais cecy suffira pour la presente dépêche, reseruant le reste à la prochaine.

La responce à cette lettre contre le Duc du Maine, est imprimée à la 307. page du volume in 4° intitulé, *Recueil de diuers memoires*, &c. seruans à l'Histoire de nostre temps.

*LES INTIMIDATIONS QVI FVRENT FAITES
au Pape Clement VIII. par le Duc de Sessa, lors de l'absolution du
Roy Henry IV.*

LE Duc de Sessa voyant le Pape aucunement incliné à admettre la conuersion du Roy, dont il se resiouysoit, comme mesme il l'auoit fait entendre par le Iesuite Posseuin à Monsieur de Neuers, aux saintes remonstrances duquel sa Sainteté prenoit goust; se resolut de l'empescher en ce dessein, & avec ses Partisans intimider sa Sainteté de la part du Roy d'Espagne son Maistre: vsant de telles menaces, que si le Pape se laissoit aller à la requeste dudit sieur de Neuers, son Maistre luy declaroit qu'il assameroit Rome; ne permettant qu'il y vîenne aucuns grains ny autres commoditez de Sicile, Naples & autres siennes terres. Qu'il feroit vn schisme en Espagne, & autres siens Royaumes. Qu'il mettroit telle diuision parmy les Cardinaux, que cela luy apporteroit vn grand preiudice. Qu'il susciteroit l'Empereur à redemander Rome & autres Villes appartenantes à l'Empereur, & mal données aux Papes par l'Empereur Constantin: & que ledit Maistre seroit executeur luy-mesme desdites demandes: lequel au pis aller luy feroit la guerre ouuerte, comme son Pere auoit fait à Paul Farnese. Qu'il seroit in thimer vn Concile general contre sa Sainteté, par le moyen de l'Empereur & autres Princes d'Allemagne, lesquels luy pourroient faire la guerre iusques aux portes de Rome, pour la commodité qu'il leur en doneroit. Et au contraire remonstroit à sa Sainteté, qu'elle deuoit plustost laisser ruiner la France & y permettre la guerre, que de l'attirer à Rome & ruiner l'Estat Ecclesiastique, & d'auoir vn schisme general de plus grande consequence que celuy qui pourroit aduenir en France, qui ne seroit qu'en partie dudit Royaume, & en ce que tenoit le party du Roy de Nauarre. Car le reste, qui estoit la plus grande partie, reconnoistroit tousiours sa Sainteté: Remonstrant en outre que ce seroit le grand aduantage de sa Sainteté & du saint Siege, si la Couronne de France se diuisoit: parce qu'estant en parcelles, & sous la Communauté des Villes particulieres, ou sous la domination de petites Princes & Seigneurs qui en vsurperoiert chacun sa part, sa Sainteté en seroit d'eux mieus obeye & respectée, qu'elle n'a esté & n'est à present: parce que n'y ayant qu'un Roy, le corps demeure fort & entier, mesme le Clergé, qui jaloux de ses priuileges & libertez anciennes, les debat. Ce qu'il ne pourra faire pour estre diuisé en milles parts, & sous la domination de diuers Princes, de la volonté desquels lesdites parts dependront: & n'aura plus ledit Clergé la force de debatre lesdits priuileges, comme il a fait; s'opposant à plusieurs Ordonnances, Decrets & Canons des Papes, voire des Conciles, tesmoin celuy de Trente, estant outre l'autorité du Roy aidée & supportée de deux autres corps non moins forts, à
sçauoir

ſçavoir la Sorbonne de Paris, & les Cours de Parlement de France, lesquels ne pourront plus s'entremettre de corriger ou retrancher les facultez des Papes & Legats. Car le Parlement n'aura plus ſes autoritez paſſées, voulant chacun Seigneur avoir le ſien. Et quant à la Sorbonne, elle ſera ruinée & ira par terre, parce qu'eſtant compoſée de Docteurs de toutes les Prouinces de France, & partant repreſentant tout le corps du Royaume; la Ville demeurant franche à elle-meſme, les autres Villes & Seigneurs ne luy voudront deſſerer ce privilege, ny la reconnoiſtre en aucune choſe: de maniere que l'autorité du Clergé, du Parlement & de la Sorbonne, s'en iront en fumée avec les privileges & libertez de l'Egliſe Gallicane, & ſera le Pape reconnu & obey de tous ſans contredit & difficulté. Et quant aux nepveux de ſa Sainteté, que le Roy d'Eſpagne a ſceu vouloir ſauoriſer les affaires de France, il leur declaroit qu'il ſeroit leur ennemy mortel & capital, non ſeulement du viuant de leur oncle, mais apres ſa mort: & leur ſeroit paroître que ſa puiſſance & autorité eſtoit plus grand^e pour leur nuire que non celle du Roy de Nauarre. De toutes leſquelles menaces ſa Sainteté intimidée, & de l'autre coſté conſiderant que la conſeruation d'une partie de la France, eſtoit de moindre conſequence & preiudice à la Religion Catholique & au ſaint Siege, que celui de toutes les Eſpagnes & autres Royaumes appartenans au Roy Catholique, & ſes adherans, ne ſçait que faire en telle perplexité: meſme conſiderant les belles raiſons & remonſtrances dudit ſieur de Nevers, pour luy faire paroître que quelque choſe que faſſe le Roy d'Eſpagne, les pretentions luy ſeront inutiles, & ne viendra à bout de ſes deſſeins. Nonobſtant tout cela il ſemble que le Pape ſe laiſſe aller à l'Eſpagnol, ayant voulu perſuader audit ſieur de Nevers de laiſſer le party du Roy. A quoy il a genereuſement reſpondu, remonſtrant qu'il ne peut abandonner le Roy, eſtant Catholique, ny moins conſentir à la diſſipation de l'Eſtat & du Royaume, auſquels il a le ſerment comme Pair de France. L'on eſtime qu'il n'auancera pas beaucoup, bien que l'on taſche de l'entretenir de paroles. Dieu diſſipera ces pernicieux & abominables deſſeins Eſpagnols, & ſera la grace aux François de ſe reconnoiſtre & s'allier enſemblement pour empêcher la ruine de ce Royaume. Voila ce que j'ay ſceu & appris de bonne part.

LETTRE DE MONSIEVR LE DVC DE NEVERS
à Monsieur de Sancy, en l'année 1595.

MONSIEVR de Sancy, En peu de paroles veritables comme ie le ſuis, ie vous ſatisferay, reſpondant à la voſtre du troiſieſme, que j'ay receu ſeulement ce iourd'huy par les mains de Monsieur de l'Eſtormel, ſans autre enuelope, ny le memoire des nouuelles qui ont couru de delà de ce qui s'eſt paſſé à Doullens: qui eſt en ſomme, que le Lundy

IL PART.

BBBB

deuant que l'arriuaſſe prez de Monsieur le Comte de ſaint Pol, où eſtoit Monsieur le Duc de Bouillon, ils auoient eſté voir les ennemis proche du fort où ils eſtoient campez au ſiege de Doullens, où il ſ'y fit de belles eſcarmouches: & enſin y demeura Monsieur l'Admiral, & Meſſieurs de Seſſeual, Acqueuille, & autres de petite qualité. Mais la retraite fut haſtue, & de j. ou 600. hommes de pied eſleus és regimens, il n'en reuint que: res, ny les poudres & meſches que l'on vouloit mettre en la Ville; & les bagages qui auoient eſté amenez furent perdus. l'arriua y à Pequigny le Mercredy au ſoir, où ces Meſſieurs eſtoient. Le leudy matin fut reſolu que nous irions avec toute noſtre caualerie, compoſée de 1600. bons cheuaux, outre trois mil retournez en Normandie, & deſmontez le Lundy preecedent, pour nous mettre dans Doullens, afin de les ſecourir & faire deſloger les ennemis, ou à y mettre quelque bon chef, & les redreſſer pour bien ſe deffendre, pource qu'ils n'y eſtoient bien diſpoſez ny intelligens, ains intimidez au poſſible; & au cas que l'on reconneût la place non tenable, la quitter, & amener avec nous les aſſiegez & faire ſauter les baſtions, & mettre le feu dans la place pour la rendre inutile. Et fut baillé le rendez-vous à Vendredy au matin, à vne cenſe à deux lieuës de Doullens, où ie fis opiner vn chacun, parce que la propoſition auoit eſté faite le iour precedent par moy, & ne voulois l'effectuer que du commun conſentement des Gouverneurs des places & Capitaines de la Caualerie qui eſtoient là où chacun opina comme ayant deſia eſté aduert y de la propoſition faite, & fut recité & reſolu d'aller loger à Picheuilliers, diſtant deux lieuës & demy de Doullens: & la nuit fut enuoyé deux quarts de poudre conduits par des mulets par le ſieur de Rinſeual ſorty la nuit precedent avec accompagné de 60. cheuaux, qui tous y entrerent ſans qu'un ſeul ſe perdit. Ledit ſieur de Rinſeual nous aſſeuroit que les aſſiegez ne ſe pouuoient perdre par aſſaut, ains pied à pied, comme il eſtoit veritable, & que ſ'il y euſt eu gens bien entendus, ils en euſſent fait ainſi. Cela nous fit reſoudre le Samedy d'aller en Artois pour leur oſter les viures. Mais le Dimanche matin conſme penſions partir, il nous fut enuoyé vn memoire par les aſſiegez, portant que ſi nous ne faiſions deſloger l'armée Eſpagnole, ils ne pouuoient plus tenir: Cela nous fit reſoudre de nous approcher d'eux le Lundy, mais en vain: Car les ennemis ayant battu la pointe d'un baſtion pource qu'ils y loger ſeulement, lequel les aſſiegez auoient deſtaché du Chateau; il fut ſi mal deffendu, que les ennemis ſe meſlerent avec les noſtres qui ſe retiroient au Chateau, & y entrerent & prirent la Ville & le Chateau ſans y penſer, & plus de 1200. bons hommes des noſtres; qui rendit vne telle eſpouuante, que chacun penſoit eſtre perdu. Monsieur le Comte de ſaint Pol ſur d'aduis d'aller mettre ordre aux places du Boullonnois, & que i'irois de ce coſté, dequoy toute la compagnie fut d'accord, & ſuiuait leur aduis ie m'en vins à Amiens que ie trouua y en grande eſpouuante, craignant qu'ils n'attaquaſſent Corbie & les bloquaſſent. Ce qui m'enſamba tellement l'eſtomach que ie leur

promis de m'y enfermer pour les assurer, comme ils le furent aussi. Et le matin aussi ensuiuant ie vins audit Corbie, que ie trouuay en tel estat de fortification, & de ce qui estoit necessaire, qu'à le vous dire en amy, ie me repentis de m'y estre obligé en leur endroit, & du Roy, & en la presence de tout le monde, ne voyant plus de moyen de retirer mon espingle du ieu, & me deliberay à me defendre bien, & à accommoder ce qu'il falloit. En somme les ennemis ayans seiourné depuis le dernier Iuillet, que Doullens fut pris, iusques au vnziesme dudit mois à sept petites lieues de Corbie, ils prirent eette brisée; & moy bien aisé d'estre dégagé d'une telle folie, ie partis & m'en vins vers Peronne pour le secourir, s'il estoit besoin, & de là passer en cette ville pour en faire de mesme, où i'entendis que Cambray estoit attaqué, & Monsieur & Madame de Balagny par quatre lettres de luy & d'elle, me disoient qu'ils habisans estoient effrayez, & ne pensoient pas qu'ils dilayassent plus de trois iours à capituler, s'ils n'estoient secourus; se plaignans d'estre si malheureux, que de se perdre en une des meilleures places du monde, faute d'hommes pour retenir la timidité du peuple, lequel ils voyoient affectionné, pourueu qu'ils se vissent assistez de quelque force, & que i'y allasse, attendant que d'autres y vinsent; où ie me trouuay si surpris, & en telle perplexité d'esprit, qu'enfin crainte qu'elle ne se perdit, & que ie fusse blâmé de la perte, ie me resolus, par l'aduis de Monsieur de Bussy, qui est icy près de moy, & de Monsieur Tommelet, cy-deuant Gouverneur de Ville-Franche, & Marechal de Camp en l'armée de Champagne, de secourir Cambray. Et pour ce faire il me falloit hazarder mon fils, afin d'induire la cavalerie que i'auois près de moy à s'y enfermer, & de quitter le bagage. Chose que ie fis à regret, pour le grand hazard auquel ie le mettois, & pour ne perdre le temps, & aussi que ie scauois que ce iour là la cavalerie ennemie auoit fait montre generale, qui me fit penser que le soir elle se reposeroit; & aussi pour ne donner plus de connoissance aux ennemis de ma venue & de la belle armée Royale que i'auois, i'enuoyay à Cambray le iour ensuiuant mon arriuee icy toute la cavalerie que i'auois, & harquebuziers à cheual, qui estoient trois cens cinquante chevaux, & cent arquebuziers à cheual, sous mon fils, & sous la conduite de Messieurs de Bussy & de Tommelet, lesquels entrerent dans la ville le matin à Soleil leuant le Mercredy seiziesme, apres auoir combattu & defait leur rencontre, & couru fortune d'estre attrapez par toute la cavalerie, qui s'estoit mise en armes sur l'allarme que les villages, auprès desquels les nostres passoient, se donnoient de main en main, & pour le loisir que mondit fils leur donna d'une heure & demie, à cause d'un petit pont de bois par où il fut guidé, qui se rompit, où il falloit passer à pied plus de la moitié de la cavalerie, & apres auoir fait toute la nuit huit grandes lieues, tous armez, & par une pluie & grand vent continuel, en somme, il est entré sans perte aucune, que de trois chevaux legers, & huit armolets, & de quelques valets, parce

qu'il n'y auoit point de bagage; & les nostres en tuerent plus de quinze ou vingt, & amenèrent dix ou douze prisonniers, & eussent deffait 150. cheuaux qu'ils rencontrèrent, si ie ne leur eusse donné à tous charge expresse de ne s'arrester à combattre, ains de passer outre. Cela tellement rassuré ladite ville, qu'ils ont resolu de tenir bon. Mais ce ne peut estre long-temps, s'ils ne sont secourus bien-tost. Car ils sont des forts tout à l'entour, & des grandes tranchées tirans d'un à autre pour empescher le secours. Ils y trauaillent en grande diligence. Cela a esté cause de faire venir icy Monsieur le Comre de saint Pol Samedi dernier, pour conférer avec moy; & partit hier pour aller à Amiens faire punir le reste des traistres qui vouloient liurer la ville aux Espagnols depuis la prise de Doullens, & de là faire élire le Maire d'Abbeuille le vingt-quatrième de ce mois, & aussi pour assembler la caualerie du Boullonnois, & venir incessamment. Nous esperons que Monsieur de Montpensier y viendra & amenera de belles forces. L'on a escrit à la Reine d'Angleterre pour quatre mille hommes. Fougerolles est allé aux Estats, & le Prince Maurice. L'on a escrit à chacun de venir en ce commencement de Septembre. Car la verité est qu'il y a peu de soldats dans la ville, & empeschent tant qu'ils peuuent qu'il n'y en entre. Or faites de vostre costé ce que vous pourrez, & nous enuoyez le Regiment de Nanteuil, & en diligence; car d'icy il ira en Bretagne. Et en somme, n'obmettez tout ce qui est en vostre pouuoir de nous enuoyer les troupes d'Allemagne, de Suisse, de Mets, de Lorraine, & de la France: car il en est temps, & le besoin tres-grand; & s'il ne l'estoit, ie ne le uerois. Quant à mon fils, si ie vois que le secours ne vienne, ie le dégayeray plus facilement que ie ne l'ay mis dedans, & pour ce ie n'en parle pour mon particulier. Mets fut secouru du premier coup, depuis Paris & Roüen en ces dernières guerres. Vous sçavez combien il importe à la France de le secourir ou laisser perdre: la diligence y est requise, & m'en croyez; & vous supplie que ie sçache ce que vous pourrez faire, & dans quel temps. L'ay trouué fort bonne la réponse qu'avez minutée pour la Franche-Comté: & à la verité vous auez touché au but, & nul n'eust sceu mieux conseiller le Roy qu'avez fait. Car vous luy donnez loisir de faire ses affaires, lesquelles ie supplie Dieu soient telles que ie les desire. Quant à la paix ou prolongation de treue de Lorraine, i'estime qu'il seroit plus à propos de conclurre la paix, si les affaires que vous sçavez qui se preparent où vous estes, ne vous y retiennent. Car tant plus que le Pape, le Roy d'Espagne, & la France Ligue se verra que chacun s'accommodera avec le Roy, que ce sera le meilleur: neantmoins s'il y a autre respect qui nous y tienne, ie ne le sçay point, & me remets aux sages; n'ayant voulu laisser de vous en dire ce qui m'en semble, puis que le desirez comme amy intime que ie vous suis, & comme me trouuez où il vous plaira disposer de moy. Monsieur de Bouillon estoit demeuré à Montreuil pour assister Monsieur le Comre, si les ennemis eussent tourné teste de ce costé là: & maintenant il s'est

rapproché de ce costé, en attendant les forces qui doiuent venir de vostre part. Je suis reclus en cette ville, ayant enuoyé tout le monde avec mon fils, & suis demeuré avec deux cens Gentils-hommes, & cinq cens hommes de pied ou enuiron, qui est la belle armée qu'il a plû au Roy me donner, & n'ay pas seulement pû auoir les 3000. liures de Montescot, pour acheter les soixante & quinze cheuaux d'artillerie, & en tout & par tout, ie n'ay eu à present que cinq mille liures. Voila comme ie me suis laissé entraîner en vne si belle & honorable commission, ou plustost abisme de destruction, comme ie m'en suis veu bien prez, & à Corbie, & pour mon fils. Dieu veuille que la fin en soit heureuse. l'ay au moins ce contentement en moy, de n'auoir esté inutile au service du Roy, sans faire de comparaison à d'autres, qu'il prefere à moy. Neantmoins rien ne me fait pas branler, ny aucunement retarder la volonté que i'ay de le seruir en ce voyage, lequel ie prie Dieu qu'il soit bien-tost acheué, & donne à sa Maiesté victoire contre ses ennemis, & à vous, Monsieur de Sancy, bonne issuë de vostre entreprise: me recommandant de toute mon affection à vos bonnes graces. De saint Quentin ce vingt-vnième Aoust au soir, *stylo nouo*, de peur de me mesprendre.

Vn prisonnier des nostres vient d'arriuier, qui dit qu'un President qui estoit assis coste à coste du Comte de Fuentes, l'interrogeant comme i'auois enuoyé mon fils si ieune dans Cambray, & luy ayant dit, qu'en France les ieunes de quinze à seize estoient habilles au combat, il dit que les François estoient des diables, & admiroit le hazard que ie luy auois fait passer. Vostre tres-affectionné & parfaitement bon amy Lodouico Gonzaga. Et sur le dos: A Monsieur de Sancy, Conseiller de sa Maiesté, à Nancy. Et à la marge: Si l'on rend Ville-Franche, ie vous supplie de vous souuenir de Monsieur de Tommelet, qui y estoit Gouverneur. Le Roy donne bonne esperance de l'y remettre, luyuant les lettres patentes qu'il en a de sa Maiesté.

AVTRE LETTRE DE MONSIEVR LE DVC DE NEVERS,
à Messieurs du Conseil d'Etat, contre Monsieur le Duc de Bouillon,
en l'année 1595.

MESSEIEVS,

Le plus grand desir que i'aye en ce monde, depuis que i'ay commencé de porter l'espée, a esté, apres le salut de mon ame, de bien & fidellement seruir cette Couronne: & pour ce ie n'ay esparné mon bien, non plus que ma propre vie, en toutes les occasions qui se sont présentées, ainsi que chacun a veu. Car bien que ie n'aye esté despenfier outre ma qualité: neantmoins i'ay beaucoup vendu de mon patrimoine, & engagé celuy qui m'est resté, ayant eu plus de soin de bien seruir qu'à m'enrichir, ainsi que les comptes en font foy. Il y a, Messieurs, iustement

B B b b b iij

quarante-vn an que i'ay commencé à porter les armes avec le feu Roy Henry second, que Dieu absolue, auprès duquel & des Rois ses enfans, comme aussi de celuy qui est à présent, ie me suis efforcé de leur rendre tout le service tres-humble qui a esté en ma puissance, sans y oublier aucun deuoir qu'un seruiteur & sujet tres-fidele & tres-affectionné doit à son Roy & Maistre. C'est pourquoy il me faisoit fort sur mes vieux iours de me voir blâmer à tort, & rejeter sur moy la perte de la ville de Cambray (qu'à Dieu ne plaise aduenir) pour estre tres-importante à la reputation des affaires du Roy, & à la grandeur de cette Coutonne; apres que i'y ay precipité mon fils vnique, avec les personages d'honneur & gens de bien qui l'ont arresté, afin de la garantir de se perdre, comme desia elle le seroit, si ie n'y eusse enuoyé mondit fils, pour asseurer le peuple par sa presence: que ie ne leur eusse enuoyé vn gage si precieux, si ie n'eusse reconnu le moyen que le Roy auoit de le dégager & les deliurer de ce siege, & par là les diuertir de se precipiter, comme ils estoient sur le point de le faire, à cause de l'espouuante grande qu'ils auoient, se voyant abandonnez de secours, ainsi que l'on l'a connu par les lettres que Monsieur & Madame de Balagny m'ont esrites, & par la declaration que depuis ils en ont faite, comme aussi par le rapport de tous ceux qui sont sortis de Cambray, & aduis des nostres qui y sont entrez: que mesmes par les propos que les ennemis ont esté contrains de tenir, se voyant frustrez de la premiere esperance qu'ils auoient eue sur le peuple, venant au siege de ladite ville. Pour cette occasion, Messieurs, ayant fait du commencement, & depuis encore iusques à présent, tout ce qui a esté en mon pouuoir pour secourir ladite ville d'hommes, de canonniers, aduis & instructions que l'experience m'a appris, desquels i'ay pensé qu'ils en pourroient auoir besoin; & d'ailleurs n'auoir oublié à solliciter tous ceux que i'ay estimez qui pourroient venir à vne si honorable entreprise: i'ay trouué bien estrange d'auoir reconnu que Monsieur de Bouillon se soit efforcé de reietter sur moy le blâme & retardement que l'on luy donne, qu'il a fait & fait de secourir Cambray, avec l'armée qu'il a: attendu que ce retardement ne peut prouenir que de sa seule volonté, ou faute de moyens, & non pas pour mon occasion. C'est pourquoy i'ay estimé deuoir vous en esclarcir de la verité, & de ce qui se passe, tenant le lieu que vous tenez au Conseil du Roy en la ville de Paris, pendant son absence; afin de iuger de la difference qu'il y a de ses actions aux miennes. Je vous diray donc, Messieurs, qu'estant Monsieur de Bouillon party de Montreuil depuis quarante-sept ou quarante huit iours, & approché de Peronne, sur l'aduis que Monsieur le Comte de saint Pol luy donna du siege de Cambray: il s'est trouué grandement sollicité par Monsieur de Balagny de le secourir, le coniurant non seulement par le service qu'il doit au Roy; mais par l'amitié qui est entr'eux, & par les promesses qu'il luy auoit faites de le secourir aduenant l'occasion; comme aussi d'autre costé faisoit le sieur de Baillie, au nom dudit sieur de Balagny,

lequel l'auoit delaiſſé de par deçà, pour ſoliciter le ſecours qu'on luy auoit promis, en cas qu'il fuſt aſſailly. N'ayant point volonré de le faire, il deſira de ſe deſcharger ſur moy, & prit occaſion d'eſcrire à Monſieur le Vicomte d'Auchy, Gouverneur de cette ville, & audit ſieur de Baille, qu'il ne pouuoit ny deuoit rien entreprendre ſans recevoir l'ordre de moy, luy ayant commandé ſa Maieſté de me reconnoiſtre, ce qu'il luy auoit promis de faire : & pour ce, quand il feroit les choſes autrement, il en ſeroit blaſmé. Mais qu'il eſtoit marry de dependre d'autre que de ſoy, pour ne porter à Cambray tout ce qu'il euſt ſceu deſirer qui fuſt en ſa puiffance, & d'auoit eſté ſi éloigné pour recevoir le commandement que ie luy ferois, en enſuiuant la charge que le Roy m'auoit donnée: Adiouſtant, qu'il luy ſembloit que les arquebuziers pourroient difficilement entreprendre tous ſeuls de ſe ietter dans Cambray, & qu'il n'auoit de la caualerie ſuffiſante pour les aſſeurer. Mais quand il leur ſera ordonné, il faudra qu'ils l'entreprennent, & que n'ayans des guides ny reconnoiſſance de la place, & nulle information de l'eſtat de l'armée des ennemis, que par les lettres deſdits ſieurs; il ſera beſoin que ie pouruoye & enuoye quelqu'un qui ſçache & ordonne ces choſes-là: d'autant que de les tenter & ne le faire, peut porter preiudice. Par leſquels propos vous pouuez connoiſtre, Meſſieurs, qu'il vouloit bien que l'on penſaſt, que ſ'il ne tenoit qu'à luy, qu'il donneroit bien toſt le ſecours. Et d'autre coſté, il fait paroître qu'il n'a pas de caualerie ſuffiſante pour conduire les arquebuziers à cheual; & pour cette occaſion il reiette le retardement ſur moy : & comme leſdits ſieurs m'eurent fait lecture de leurs dites lettres, & prié de ſecourir Cambray, puis que ledit ſieur de Boüillon remettoit le rout à moy; ie leur fis reſponſe, en la preſence de Monſieur de Lieramont, cy-deuant Gouverneur du Caſteler, & du ſieur d'Auteüil, l'un des Capitaines de cette ville, que i'auois tres-humblement ſupplié ſa Maieſté, de ne m'obliger à commander aux forces qui ſeroient près de Monſieur de Boüillon, pour les differends & meſſiances qui ſont entre nous; ainſi qu'aucuns d'entre-vous, Meſſieurs, en eſtes bien informez, comme auſſi eſt ledit ſieur de Boüillon. Partant ie me remettois à luy de donner tout le ſecours, lequel i'auois agreable qu'il fiſt tel que les aſſiegez le demandent, tant pour le ſeruice du Roy, que pour le particulier de mon ſils; & que tant pluſtoſt il le donneroit, il ſeroit plaiſir aux aſſiegez, pour le beſoin qu'ils faiſoient paroître d'en auoir: auſſi que c'eſtoit vne ville ſituée hors la frontière de Champagne & Picardie, où ſa Maieſté luy auoit donné vn ample pouuoir de commander. Adiouſtant qu'il ne peut eſtre avec raiſon que ledit ſieur de Boüillon n'aye agreable la remiſe que ie luy fais, de commander à ſon armée deſtinée à faire la guerre au païs de l'ennemy, & quant & quant de luy donner en main vne belle occaſion de ſe ſignaler, comme mon ſils auoit fait, & de faire vn notable ſeruice au Roy, en recompenſe des grands biens faits & honneurs qu'il auoit receus de ſa Maieſté. Auſſi que i'auois iuſte occaſion de

croire qu'il seroit mieux obey par les Capitaines & soldats qu'il a en son armée, qui luy sont obligez & affectionnez, que ie ne le serois, pour n'en connoistre la plus grande partie. Ce qui me fait croire que i'auancerois plustost par certe mienne remonstrance ledit secours, à luy en laisser l'entiere disposition de le donner sans moy, comme i'auois fait le mien sans luy : duquel d'ailleurs ie ne pensois point faire rort au Roy, d'en remettre l'execution audit sieur de Boüillon ; puis qu'il auoit esté reconnu par sa Maiesté capable d'exercer l'estat de Marechal de France, & de commander à l'armée qu'il a en main, destinée à faire la guerre dans le pais ennemy du Roy d'Espagne, & estoit remarqué par tout le monde, à cause de la grande experience qu'il a acquise au fait de la guerre, pendant qu'il a exercé tant de charges honorables, qu'il a eues & a encore, par tant d'actes signalez & heroïques, si notoires à nos Historiens, qui me gardent de les raconter. D'où il faudroit conclurre, qu'il seroit paroistre auoir fort peu d'affection au seruice du Roy, & de rechercher les moyens que les gens de bien & d'honneur recherchent pour acquerir de la reputation ; s'il trouuoit mauuais la remise que ie luy faisois de donner ce secours, apres auoir esté bien informé, comme le soir ensuiuant du quatrième du passé, que i'arriuy en cette ville, i'y auois enuoyé mon fils, sans en demander l'aduis de Monsieur de Boüillon, ny esté instruit de l'assiette de Cambray, ny des gardes que les ennemis y faisoient, sinon ce que i'en auois pu apprendre seulement par le recit du Capitaine Paste, que Monsieur de Balagny m'auoit enuoyé le iour propre que mon fils partit le soir pour entrer dans Cambray, où ie n'ay iamais esté, ny mesme en cette ville depuis trente-sept ans en ça que ie demuray prisonnier en la bataille de saint Laurens ; au lieu que Monsieur de Boüillon auoit esté plusieurs fois en ces quartiers icy, & à Cambray mesme du temps de feu Monsieur, comme chacun sçait ; donc par railon il deuoit auoir plus de connoissance des aduenüs de la place que ie n'en auois. Que neantmoins ie luy enuoiérois, comme ie fis, le double du plan de l'assiette de ladite ville, des forts qui sont es enuironz & aduenüs d'icelle, que mon fils auoit dressé pour m'en seruir à leur encheminer le secours qu'ils desiroient auoir. Et pareillement luy ay depuis enuoyé les lettres que Messieurs de Bussy & Tommeler m'ont escrites, concernant quelques changemens des gardes & autres actions des ennemis, pour l'instruire de main en main de ce que s'apprendroit de ce costé là. Depuis ledit Capitaine Paste fut trouuer ledit sieur de Boüillon, qui luy a raconté tout ce qu'il m'auoit dit des aduenüs de la ville, & des gardes des ennemis. Depuis encore Monsieur de Balagny luy a expressement enuoyé le sieur de Saugny, pour l'instruire de rout ce qu'il desiroit sçauoir de ce costé-là, comme estant le plus intelligent de tous ceux qu'il auoit près de luy : esperant qu'à son arriüée il prendroit occasion de le secourir, comme il auoit charge de le presser le plus qu'il pourroit : & à cet effet luy mena six des meilleures guides

guides qu'il auoit dans Cambray, pour le conduire par le chemin que bon luy sembleroit. De façon que ledit sieur de Boüillon n'a pû iustement s'excuser de n'estre suffisamment instruit de ce qu'il luy conuenoit de sçauoir pour donner ledit secours ; & au moins il se voit qu'il l'estoit plus que ie ne l'estois quand'y enuoyay mon fils. Cette réponse ne fut trouuée que iuste & raisonnable par lesdits sieurs Vicomte d'Auchy, Lieramont & Baille, & se resolurent de la faire entendre audit sieur de Boüillon, comme ils firent aussi-tost ; & l'un d'eux adiouta à sa lettre, que puis que ie luy laissois l'entiere disposition de secourir Cambray, qu'il y alloit grandement de son honneur & de sa reputation, s'il ne le secouroit. Mesme Monsieur de Lieramont enuoya s'offrir à luy de conduire le secours qu'il y vouloit enuoyer, au cas que luy-mesme ne le voulût conduire. Par là, Messieurs, vous pouuez connoistre assez clairement que ie n'ay porté aucun preiudice ne retardement au seruice du Roy, veu que tout ce qui a esté en ma puissance de faire pour donner occasion audit sieur de Boüillon de se contenter de moy, ie l'ay fait : car des forces ie n'en auois aucunes pour luy en donner, estant demeuré en cette ville avec vn Eueuy & vn Gentil-homme seruant, & six de mes gardes, pour auoir enuoyé tous les autres avec mon fils. Je veux croire ne luy auoir donné aucune iuste occasion de se plaindre de moy, en luy laissant l'autorité libre de commander en son armée, & de rechercher vne occasion fort honorable pour acquerir beaucoup plus d'honneur qu'il n'a cy-deuant fait. Et pour ce ie pensois qu'il deust s'employer à rechercher les moyens pour donner ledit secours, ayant esté esclaircy & satisfait par moy de tout ce qu'il pouuoit iustement desirer. Mais ie me suis grandement trompé : car il a bandé tousiours son esprit à rechercher des occasions nouvelles de reietter sur moy le retardement qu'il mettroit à secourir Cambray. Car encore qu'il s'en allast à Amiens pour prendre resolution avec Monsieur le Comte de saint Pol, sur ce qu'on luy auoit mandé de ma part ; il n'a laissé encore de redoubler la mesme proposition qu'il auoit faite, ayant prié le sieur de Vic & le sieur Guilloire de venir me trouuer, comme ils firent Samedy dernier en la presence desdits sieurs Vicomte d'Auchy & de Baille, que ledit sieur de Boüillon desiroit dès à present remettre son armée en mes mains, suiuant le commandement qu'il en auoit du Roy, & que cela fait, il se retireroit en quelquelieu à part, pour me donner moyen de secourir Cambray, ainsi que ie verrois le deuoir faire : alleguant qu'il n'estoit si bien instruit que ie l'estois de ladite assiette & aduenues de Cambray, & des gardes que les ennemis y faisoient. Et finalement ils me prioient de la part de Monsieur le Comte de saint Pol, & de la leur mesme, de vouloir laisser à part les differends qui estoient entre Monsieur de Boüillon & moy, afin qu'ils ne fussent cause de retarder ou d'empescher ledit secours de Cambray. Lesquels propos, Messieurs, me firent bien paroistre que l'inten-

tion dudit sieur de Bouillon ne tendoit pas à donner ledit secours; & aussi peu à m'honorer, executant le commandement qu'il disoit auoir du Roy, ains pour penser se garantir du blâme que l'on luy donnoit, pour ne secourir Cambray, comme il y estoit extraordinairement sollicité; puis qu'il taschoit de reietter ce retardement sur moy. Ce qui me fâcha vn peu, pour vous dire vray, & me fit respondre ausdits sieurs, que ie trouuois estrange qu'il me pressast de nouveau de chose de laquelle ie l'auois si amplement esclairey, & donné iuste occasion de demeurer content de moy; & que ie ne pouuois souffrir qu'ils excusast sur moy, de ne faire ce qu'il deuoit: car de ma part i'auois fait en son endroit tout ce que i'auois peu, soit de l'esclaircir de l'assiette de ladite ville de Cambray, & actions des ennemis, que d'auoir sollicité les forces de Champagne & Ile de France à se diligenter de venir se rendre promptement entre Han & Peronne, pour l'assister au secours qu'il donneroit audit poste & ville assiegée; & pour ce, s'il pensoit auoir les moyens de le secourir promptement, qu'il le deuoit faire, & auoir bien agreable cette occasion de faire vn bon seruice au Roy. Si aussi il n'estimoit auoir les moyens preparez pour me donner ledit secours, qu'il ne deuoit reietter sur moy ledit retardement, pour penser se deschatger du blâme que l'on luy donne, comme il a essayé de faire. Que celuy que l'on luy a donné en la déroute aduenue près de Doullens, laquelle ayant receu pour auoir voulu donner teste pour teste contre le retranchement de l'armée des ennemis; il la desire excuser, sur ce qu'il a publié par sa lettre qu'il a escripte à Monsieur le Prince de Conry, le dix-neufième du mois passé, qui fut aussi-tost imprimée à Paris, que l'occasion d'icelle estoit precedée, partie par le desir que i'auois fait paroistre de sçauoir des nouvelles des Commis, à l'arriuée que ie ferois près de Monsieur le Comte, & qu'il luy deuoit suffire: qu'il deuoit avec raison faire les choses qui sont en son pouuoir, remettant à Dieu l'euenement d'icelles; parce qu'il despens de sa volonté, & non de celle des hommes. Et que sur ce propos ie ne pouuois me passer de leur dire, si ledit sieur de Bouillon se vouloit excuser de ne pouuoir bailler ledit secours par faure de caualerie, qu'il deuoit enuoyer de bonne heure les cinq Compagnies de cheuaux Legers qu'il a laissées à Sedan, pour conseruer la cueillette de ses terres, & consommer les miennes; & qu'il ne seroit contraint de faire vn seruice si signalé au Roy & à la France, comme i'auois fait de celles que i'auois tirées de Chaalons, Sainte Menchou, & particulièrement de Rethel & Donchery, qui sont à moy: ayant aymé mieux les mener avec moy au partir de Champagne, & laisser la liberté aux ennemis du Roy de rauager mes terres, que de faillir au commandement que sa Maiesté m'auoit fait de venir secourir cette Prouince. Et quant à accepter maintenant la Charge de l'armée dudit

sieur de Bouillon, que ie n'aurois aucune occasion d'en prendre l'autorité, puis que nous estions à la veille de voir le Roy par de-çà ; & en tout cas, Monsieur de Montpensier, comme il m'a promis de faire, & d'estre à Gournay Dimanche prochain, sur la requeste que ie luy ay faite de s'acheminer par deçà, l'assurant que ie le seruirois & obeyrois comme à nostre General. Mais que si ledit sieur de Bouillon eust trouué bon de me faire cette offre, six semaines sont que j'arriuay à Pecquigny, où ledit sieur Comte de saint Pol & luy estoient, que j'eusse eu occasion d'exécuter la volonté du Roy, suiuant le pouuoir qu'il m'en auoit donné : mais que ne m'en ayant dit ny fait dire vn seul mot, sinon depuis huit iours en çà, qu'il a fait paroistre vne autre intention que celle qu'il declare pour le secours de Cambray ; attendu qu'il a tousiours soigneusement gardé l'autorité sur son armée : partant que l'on ne deuoit point trouuer estrange, si ie ne voulois presentement prendre la charge de son armée ; puis que ie m'estois démis du pouuoir que le Roy m'auoit donné : lequel ie vous puis assurer, Messieurs, auoir bien soigneusement gardé dans ma boëste, sans m'en preualoir en chose quelconque, pour n'auoir encore pû recueillir l'armée qu'il auoit pleu au Roy de me destiner ; & me suis seulement contenté de le seruir bien priuement & fidellement, sans charge, comme ie cuide qu'vn chacun peut bien connoistre ; ayant laissé à part l'obiet qui se presentoit deuant moy, du peu de reputation que ma venue de par de-çà m'apporteroit en l'Estat auquel ie suis venu, pour le desir que j'ay eu d'effectuer le commandement que j'ay eu de sa Maiesté. Aucuns de vous, Messieurs, sçauent fort bien les conditions & regles que le Roy auoit trouué bon que ie gardasse avec ledit sieur de Bouillon, en prenant la Charge qu'il luy auoit pleu de me donner en ces quatre Prouinces. Ce que j'alleguerois pour m'excuser, si ie pensois auoir en cela failly. Je dis encore ausdits sieurs, &c. que ledit sieur de Bouillon ne pouuoit nier que ie ne l'eusse instruit de tout ce qui estoit venu en ma connoissance, touchant les aduenus de la ville de Cambray, & gardes des ennemis. Et qu'il auoit tort de dire ce qu'il disoit : car il en estoit desia pour le moins aussi instruit que moy, comme ie l'ay dit cy-dessus. Que neantmoins & pour tout cela, s'il me venoit en connoissance, qu'il eut besoin aucunement de mon aduis en ce fait, que ie ne luy desnirois non plus que j'ay fait cy-deuant, tandis que nous auons esté près de Monsieur le Comte de S. Pol, où j'ay assez tesmoigné que ie ne voulois point que le differend qui estoit entre luy & moy apportast aucun preiudice au seruice du Roy, ayant voulu me contraindre en l'occasion qui s'offroit du secours de la place de Doullens, pour la reconnoistres importante, de conferer ordinairement avec luy au Conseil sur les affaires qui se presentoient, ainsi que chacun l'a pû connoistre, & particulierement eux deux, qui ont tousiours assisté aux conseils qui se sont tenus.

Et que pour la mesme raison, lors que Monsieur de Montpensier sera arriué, ie procederay avec luy au Conseil, en cette occasion tant seulement, de la mesme façon que i'ay cy-deuant fait, pour le seul respect & seruice que ie desire faire au Roy; nonobstant les tres. grandes & iustes occasions que ledit sieur de Boüillon m'a données par plusieurs fois, & mesme en cette derniere, de ne prendre fiance ne assurance en luy. Les priant tous deux de faire entendre le tout audit sieur de Boüillon, & par mesme moyen le besoin & necessité que les assiegez ont d'auoir le plus grand secours qu'il sera en son pouuoir de leur donner. Car Monsieur de Balagny me presse incessamment tous les iours de luy vouloir enuoyer douze cens arquebuziers, sans lesquels il fait entendre & dire ne pouuoir longuement tenir ny garder la ville de Cambrai, & que pour ce faire il aduise si ie le puis assister de quelque chose, pour faciliter ledit secours, que ie luy fasse au plustost entendre; en quoy ie luy tesmoigneray de ce qui est en mon pouuoir, comme aussi à tout le monde, combien ie desire la conseruation de ladite ville, tant pour le seruice du Roy, que pour mon particulier: Mais que ie ne pouuois plus souffrir qu'il reietast sur moy ce retardement dauantage qu'il a fait à secourir ladite place, & aussi peu le malheur qui arriue quelquefois en telles occasions, plus par la faute des Chefs, que d'un simple hazard, mesme en cette occasion: parce que le circuit de la ville estoit fort grand, & qu'il y auoit encore trois portes ouuertes; à sçauoir celle de saint Quentin près, de saint Sepulchre, & porte Neuue: sans y compter celle de la Citadelle; par toutes lesquelles il entroit & sortoit par toutes les nuits des nostres, tant à pied qu'à cheual; mesmement cinq ou six à la fois, sans que iusques à present il s'en soit perdu qu'un seul à pied. Ce qui prouenoit à cause de la grande estenduë de ladite ville; & que les ennemis sont contraints toutes les nuits de faire trois corps de garde à cheual tres-importans, par lesquels ils ne peuuent pourtant pas forcer les nostres qu'avec vne tres-grande incommodité de leur caualerie, à sçauoir d'un costé de leur approche à trauers les terres, vers Bouchain & le Chasteau en Cambresis: L'autre, es environs du fort de Nieruy, qui est sur l'aduenü de ce costé: Et le troisieme, de-là l'eau en Artois, vers les forts de saint Yelbe & de Premy, qui me fait croire qu'ils ne peuuent tenir en chacun d'iceux plus de trois cens cheuaux; parce que iusques à present ils n'en ont tenu gueres plus de douze à treize cens. Et quant aux gens de pied qu'ils peuuent pareillement tenir en garde pour empêcher le secours, qu'il est plus aisé des'en eschapper que non pas de la caualerie, laquelle n'estant pas en plus grand nombre, qu'il est à presupposer qu'elle n'empescheroit pas qu'un secours de quatre ou cinq cens cheuaux y entraist, pourueu que l'on peust y acheminer ledit secours si adroitement & secretement, que les ennemis ne peussent auoir nouvelle de leur partement, ny aussi du chemin qu'ils prendroient, qui estoit le principal & plus important aduertissement que ie luy pou-

uois donner en ce fait. Car sans doute si les ennemis sont aduertis de leur partement, ils sont en danger de courir vne miserable fortune. Mais au contraire, si l'on conduit les choses bien secretement, comme il appartient & est tousiours de besoin, qu'il y a grande apparence de croire que ledit secours y entrera facilement. Le Dimanche troisieme Monsieur de Bouillon vint loger à Riblemont, distante de trois lieues seulement de cette ville, où lesdits sieurs de Vic, Baille & Guilloire l'allerent trouver, pour luy faire entendre la responce que ie leur auois faite, en le sollicitant de secourir promptement Cambray. Mesme ledit sieur de Vic y alla en intention de s'offrir à luy à conduire ledit secours. Mais apres auoir entendu ma responce, il entra en discours qu'il seroit plus à propos d'attendre que les forces qui doiuent venir se ioindre fussent arriuees, & non pas de se mettre en hazard & peril de faire tailler en pieces le secours que l'on luy ameneroit. Et comme il se vit pressé par ledit sieur de Vic, il le preuint, craignant qu'il ne s'offrir à luy, comme desia auoit fait Monsieur de Lieramont, à conduire ledit secours, ainsi qu'il vouloit faire; & dit qu'il ne falloit point que personne s'offrir à conduire vn tel secours; mais qu'il attendit que l'on luy commandast: & lors il appella deux Gentilshommes qu'il auoit fait aprestier pour s'en aller dans la ville de Cambray, pour reconnoistre la place & les aduenues d'icelle, afin de luy en faire rapport; ausquels il enioignit, en la presence des susdits, de s'enquerir de tout ce qu'il leur auroit commandé; & pour ce faire arrester vn iour tout entier dans Cambray. Et à l'instant lesdits sieurs retournerent en cette ville, & les autres deux furent enuoyez & entrerent dans Cambray la nuit, où ils demurerent tout le long du iour, & la nuit ensuiuant ils s'en reuindrent en cette ville. Le Lundy ensuiuant arriuerent aussi deux soldats de la garnison de Cambray, qui apporterent la nuit nouvelles que les ennemis s'approchoient fort de la contrescarpe, comme aussi du ruelin de la Noüe, & que le peuple estoit sollicité par son Euesque de se remettre en son obeissance, & euitier de la sorte leur ruine, qu'ils deuoient tenir pour toute asseurée, moyennant soixante & tant de pieces de canon dont on les vouloit battre, & qu'ils ne deuoient point s'attendre de receuoir du secours du Roy, qu'ils appellent Biarnois, parce qu'ils n'en auroient point, & que l'on les abuloit. Dauantage aussi rapporterent lesdits soldats, que le peuple estoit fort mal content de se voir ruiner leurs maisons par mille ou douze cens coups de canon, que l'on y auoit expressement tirez pour essayer de le mutiner contre'eux; & finalement qu'ils se fâchoient de prendre certaine monnoye de cuiure que ledit sieur de Balagny Gouverneur auoit fait forger quelque temps deuant le siege, combien que luy & le corps de Ville eussent promis de l'rachapter dix iours apres le siege leué. Adioustant que s'ils n'estoient bien tost secourus, ils craignoient que le iour de la grande batterie, le peuple ne prist quelque estrange resolution; & pour cette occasion nous prioient de diligenter ledit secours. Ces lettres que lesdits

sieurs de Balagny, de Buffy & mon fils m'auoient escrites, comme aussi celle que ledit sieur de Balagny auoit quant & quant escrite audit sieur de Daille, furent à l'instant copiées par ledit sieur de Vic, & enuoyées audit sieur de Boüillon à Riblemont où il estoit, afin qu'il connust le besoin & necessité que ladite place souffroit d'estre promptement secourüe; & pour ce le prioit de s'arrester encore le lendemain Mardy, où il ne faudroit luy-mesme de l'allet trouuer, & possible luy mener les deux Gentils hommes qu'il auoit dans Cambray, lesquels il estimoit que l'on les luy renuoyeroit la nuit ensuiuant, afin de se haster à le secourir; puis que l'on connoissoit assez le grand besoin que lesdits assiegez en auoient. Toutefois ces nouuelles pregnantes n'eurent pas pour tout cela assez de force pour faire secourir ledit sieur de Boüillon ce iour-là, & fit response audit sieur de Vic, qu'il se reculoit vers Marle, pour recueillir les Compagnies de caualerie qui luy venoient de sa place de Sedan. Ce qui vint fort mal à propos: parce que ledit sieur de Vic estoit prest de monter à cheval pour aller trouuer ledit sieur de Boüillon, resolu de le prier & interpellier de luy baillet les trois cens arquebuziers à cheval, & ce qu'il auoit de caualerie en son armée; & qu'il entteprendroit la nuit ensuiuant de conduire le secours dans Cambray, comme on a reccenu qu'il eust aisement fait cette nuit-là, au cas que ledit sieur de Boüillon n'en voulust luy-mesme prendre la peine. Ce qui fit rompre la resolution que ledit sieur de Vic auoit prise. Mais tost apres estant arriuez deux soldats fortis de Cambray, & quant & quant les deux qui y estoient allez de la part dudit sieur de Boüillon, pour luy remontrer la facilité de ietter le secours dans la ville, & d'autre costé le grand besoin qu'ils en auoient, craignans eux-mesmes que le iour de la batterie, le peuple ne fist quelque estrange esmotion: ledit sieur de Vic reprit sa premiere resolution, & delibera d'allet chercher ledit sieur de Boüillon iusques à Marle, comme il fit, pour s'offrir à seruir le Roy; afin de donner occasion audit sieur de Boüillon de luy laisser conduire ledit secours, ou bien de le conduire luy-mesme: comme il semble aduis à vn chacun qu'il est si engagé de le faire, qu'il ne peut s'en excuser avec honneur, puis que mon fils a fait la planche; & que toutes les remises qu'il auoit essayé de remettre sur moy pour dilayer à donner ledit secours, auoient esté bien amplement ostées. Ce qui fait croire à vn chacun, qu'il en sortira quelque chose de bon, soit qu'il laisse de conduire ledit secours audit sieur de Vic, ou que par honneur il le conduise luy-mesme, apres qu'il aura recueilly sa caualerie de Sedan: estant à presupposer, comme i'ay dit, qu'il desirera témoigner au Roy qu'il n'a pas moins d'affection à son seruice, comme mon fils & moy auons, par le hazard où ie l'ay exposé audit secours. Bien est vray qu'il faut remercier Dieu, qui a retenu le cœur du peuple à ne se precipiter à vne estrange resolution, par faute de nostre secours, dès le vingt-quatrième iour que mon fils y est entré, & tantost vn mois que la ville est assiegée. Mais s'il retarde à la secourir, que la batterie qui so

doit faire demain ou Dimanche prochain, ait esté faite, & que le peuple se soit rassuré en ce iour-là; l'on le pourra estimer le secours de Pise. Car tost apres Monsieur de Montpensier doit arriuer, Monsieur de Lauardin, & autres troupes; & le Roy ineontinent apres, ainsi qu'il l'a declaré: qui nous doit faire esperer, avec l'aide de Dieu, que l'on le secourera en gros. Je vous prie, Messieurs, ne trouuer estrange si ie vous ay fait ce discours, parce que ie me suis trouué contraint de le faire, pour vous faire connoistre l'artifice avec lequel ledit sieur de Bouillon s'est gouuerné en mon endroit en cette derniere occasion, pour dilayer à donner secours à Cambray, & m'en endosser la faute. Car il faut que vous sçachiez encore, Messieurs, que non content de l'esclaireissement que ie luy auois fait donner la premiere fois par lesdits sieurs Vicomte d'Auchy, Lieramont & Baille, & de celuy qu'il prist à Amiens de Monsieur le Comte de saint Pol, & pareillement du dernier que ie luy auois bien amplement fait donner par lesdits de Vie & de Guilloire, il a voulu faire encore aceroier audit sieur de Balagny par lesdits deux Gentils-hommes qu'il auoit depechez pour acheuer de me decrier par tout, outre ce qu'il a tant publié par cette Prouince, & à Paris, qu'il ne tiendroit pas à luy qu'il n'enuoyast du secours à Cambray, pourueu que ie luy mandasse; & que cela ne dépendoit pas de luy, ains de moy; qui fut cause que ledit sieur de Balagny escriuit vne lettre audit sieur de Baille, pour luy faire entendre ce que ledit sieur de Bouillon luy auoit mandé: & me prier de vouloir mander audit sieur de Bouillon de le secourir, puis que cela ne dépendoit pas de moy, attendu le grand besoin qu'il en auoit. Ce qui me touche beaucoup au cœur, voyant par trop continuer son artifice pernicieux & dommageable à mon honneur. Dequoy ie me voulus esclaireir, & appellay les deux Gentils-hommes en la presenece desdits sieurs de Vie, Vicomte d'Auchy & de Baille, pour sçauoir d'eux l'occasion pourquoy ils auoient tenu es propos-là à Monsieur de Balagny: lesquels me dirent, qu'ils l'auoient fait par le commandement de Monsieur de Bouillon, & qu'ils ne se mesloient de s'enquerir plus auant, que d'effectuer ce que leur Maistre leur commande. Ce que ie trouue fort estrange, comme ie cuide, Messieurs, que le trouuerez de mesme, considerant qu'il ne deuoit vser de semblables traits en mon endroit, apres auoir esté si amplement esclaircy de mon intention, & eu iuste occasion d'estre content de moy. Et enfin si ie suis coupable, ou bien si ie suis innocent du retardement qu'il a fait à secourir Cambray. Vous pouuez, Messieurs, facilement iuger, comme ie desire qu'il vous plaise de faire, afin que la verité soit conuë, & la difference qu'il y a de sa façon de proceder & de la mienne: afin que le blasme tombe sur celuy qui le merite. Voila, Messieurs, comme les choses se sont passées entour Monsieur de Bouillon & moy, lesquelles i'ay estimé estre obligé de vous représenter, tenant le lieu que vous tenez, pour vous faire connoistre quelles sont mes actions, & quels ses artifices; pour esclaireir les vnes

& les autres, & par meſme moyen l'eſprit de ceux qui ont eſté preuenus d'un faux bruit, afin que mon honneur & ma reputation n'en puiſſent eſtre entachez d'aucun blaſme du retardement qu'il a mis à ſecourir Cambray, & par là obſcurcir, comme en autre choſe l'on a taſché de faire, l'affection & fidelité que j'ay touſiours eüe au ſervice de nos Rois & de cette Couronne: qui eſt la choſe que j'ay le plus apprehendée, & qui m'a fait continuellement trauailler & hazarder tant de fois ma vie, en intention de laiſſer au moins à ma poſterité pour routes acquisitions terriennes, ce titre d'honneur, d'auoir eſté iulques à la mort tres-affectionné, tres-fidele & tres-loyal ſuiet & ſeruiteur de cinq Rois que j'ay ſeruis: Vous ſuppliant, Meſſieurs, d'excuser la peine que ie vousay donnée, à eſcouter la lecture d'une ſi longue lettre: parce qu'elle ne procede que d'une bonne & iuſte cauſe, que ie m'aſſeure eſtre embraiſſée par vn chacun de vous avec pereille affection que ie fais; & en cette aſſurance ie la finiray, me recommandant humblement à vos bonnes graces, & ſuppliant le Createur vous aſſiſter, Meſſieurs, des ſiennes ſaintes. De ſaint Quentin ce ſeptième iour du mois de Septembre 1595.

Meſſieurs, ſi ledit ſieur de Bôüillon n'eût publié par tout les affronts qu'il m'auoit faits, afin de ſe deſcharger ſur moy du blaſme qu'il craignoit que l'on ne luy donnaſt, pour le retardement qu'il faiſoit à ſecourir Cambray, & meſme à l'endroit de Monsieur de Balagny, où eſt mon ſils; ie me fuſſe paſſé de vous donner cette peine, laquelle ie vous ſupplie de receuoir en bonne part, & comme prouenant de celui qui eſt,

MESSIEURS,

Vostre tres-humble, & affectionné
à vousobeir, LVDOVICO,

TRADYCTION

TRADVCTION DV IOVRNAL FAIT EN ITALIEN
par le Secretaire du Cardinal de Florence, Legat à Latere du
Pape Clement VIII. pour la paix entre les deux Couronnes.

*Ce Journal contient tout ce qui s'est passé en la Conference tenue à Veruins pour
la paix, depuis le 6. Feurier jusqu'au premier May 1598.*

LE 6. Feurier 1598. nous partismes de S. Quentin, & ioinismes le lendemain les deputez de France. Ceux du Cardinal d'Autriche comme procureur du Roy d'Espagne, arriuerent le iour suiuant. Ils auoient avec eux le General des Cordeliers, lequel ayant vne lettre du Cardinal de Florence Legat de nostre S. Pere en France, leur auoit assigné le iour qu'ils se deuoient trouuer à Veruins. Ils furent incontinent visitez de la part du Legat par son Maistre de Chambre. Ils estoient trois : le Ptesident Richardot le premiet, Taxis Cavalier de l'habit de S. Iacques, & vn certain Audiencier des Pais-bas. Estant venu saluer M. le Legat, il les receut avec grande demonstration de contentement, & beaucoup de courtoisie. Il les fit entrer dans sa chambre, où il leur parla avec zeile & charité, les exhortant de s'accommoder autant que leurs Commiffions le pouuoient permettre, & leuer les difficultez qui se presenteroient; ayant esgard au seruice de Dieu, & à l'honneur & satisfaction de sa Sainteté, qui auoit tant trauaillé à lier cette Conference, pour le repos & aduantage des peuples soumis à l'vne & à l'autre des deux Couronnes, dont on venoit traiter la Paix. Il s'offrit ensuite comme Ministre de S. S. & non comme Arbitre, ou comme Iuge. Le P. Richardot respon dit pour tous avec beaucoup de soumission, luy tesmoignant qu'ils auoient vne tres-grande confiance en luy, & l'asseyant fort expressément que le Roy d'Espagne ne s'estoit poité à nommer le Cardinal d'Autriche son Procureur, que pour complaire au Pape, & que S. A. ne les auoit aussi Deputez, que pour ce mesme sujet; leur ayant enjoint de faire toutce que M. le Legat leur commanderoit, & qu'ils eussent à se fier en luy, le retenant non seulement pour entremetteur, mais mesme pour arbitre & pour Iuge.

Le Legat les remercia, sans se vouloir engager par ces grandes offres, se testreignant à estre simplement Mediateur. Il leur depeignit le naturel noble, & franc du Roy de France, & leur fit scauoir les bonnes conditions de Messieurs de Bellievre & de Sillery Deputez de sa M. afin qu'ils pussent se conduire avec plus de lumiere en leur negociation. Ces Deputez partirent sur cela, & ceux de France arriuerent aussi tost, qui dirent à M. le Legat, qu'ils estoient prests à faire tout ce qu'il luy plaïtoit de commander : que le Roy leur auoit donné ordre de

DDdd

s'assembler quand bon luy sembleroit, & qu'ils prissent garde que rien ne se fust que par l'autorité du Pape. En suite ils luy touchèrent vn mot de la pressence. Cela ne surprit point le Legat; pour ce que dès Paris il en auoit parlé avec le General des Cordeliers, & depuis le propos s'en estoit renouuellé à S. Quentin: Sur quoy ils auoient tous deux l'esprit si fort suspendu, & si fort partagé, qu'ils attendoient que le temps y apportast quelque accommodement. Ils songeoient neantmoins à trouuer des expedients. Le Legat n'en manquoit point, ayant esté long-temps Ambassadeur. Mais les propos fermes & resolués que luy tint M. de Bellievre l'estonnerent grandement. Il luy dit qu'il ne vouloit point de temperament en ce qui testoit de la pressence, comme on en auoit vſé au Concile de Trente. Que le Cardinal de Lorraine y auoit misérablement trahy l'honneur de la France. Qu'ils estoient resolués de se retirer plustost, que de mettre ce point en compromis, & qu'il ne falloit point y chercher d'expedient. Il fit souuenir le Legat de la declaration qu'auoit fait Pie IV. en faueur de la France, la maintenant dans Rome en la possession de la pressence; & luy dit qu'il estoit obligé, estant ce qu'il estoit, de deffendre ce qu'un Pape auoit fait. Le Legat vſa sur cela de bonnes paroles, l'assurant que ce n'estoit pas son intention de faire rien perdre à la France, & que peut-estre les autres se disposeroient à ceder, comme n'estans que deputez du Cardinal d'Austriche. M. de Bellievre repartit que M. de Sillery & luy entendoient traiter avec les Deputez du Roy d'Espagne, & non du Cardinal d'Austriche. Le Legat repliqua que le Cardinal estant Procureur du Roy d'Espagne, il pouuoit nommer des Deputez en sa place. Qu'ils ne traiteroient pas absolument au nom du Roy Catholique; mais comme personnes subdeleguées par le Cardinal. Cela adoucit aucunement M. de Bellievre, qui dit qu'il falloit voir leurs Pouuoirs, auant que de parler d'autre chose; & sur iceluy prit congé du Legat, avec M. de Sillery. Le Legat s'enferma lots avec le General, pour deliberer sur cette difficulté, laquelle luy sembloit, comme en effet elle estoit, de grande importance. Le Legat luy dit, que iamais les Flamands ne se disposeroient à ceder absolument; & sur cette inquietude, ils s'aduſerent de proposer l'expedient que voicy: Que l'Eueſque de Mantouë, comme Nonce de sa Sainteté, le trouueroit aux Assemblées, & que le Legat prenant sa place au bout de la table, le Nonce seroit à sa droite, & les François vis à vis de luy à sa gauche; les Flamands prenans leur place immédiatement au deſſous du Nonce, au nombre de trois; puis que l'audiencier estoit nommé dans leurs Pouuoirs. Quant au General, il seroit au bas bout, opposé au Legat. Ce Cardinal ayant crû cela fort conuenable, enuoya aussi-tost le General proposer cee expedient aux parties. Elles l'accepterent toutes deux sans difficulté, chacune y trouuant son compte.

Le iour ſuiuant, qui fut le 9. de Fevrier, le Legat tint la premiere aſſemblée, où l'on ne ſpecifica point ſi les Flamans eſtoient deputez du Roy Catholique, ou du Cardinal d'Autriche. A la verité les François parlans d'eux, les nommoient Ambaſſadeurs du Roy Catholique, & les meſmes François furent ceux qui parlerent les premiers. Ils voulurent que le Legat dit en cette premiere aſſemblée en quel lieu vn chacun deuoit prendre ſa place. Ce qui fut fait par le Legat apres en auoir conſeré avec les parties: car il procedoit avec grande circonſpection.

Eſtant donc tous aſſemblez ſur les deux heures apres midy, le Legat fit vn diſcours fort approprié au ſuiet; leur repreſentant eombien ſainte & neceſſaire eſtoit l'œuvre pour laquelle ſa Sainteté les auoit conuiez & ſollieiez à ſ'aſſembler. Quelle grande conſolation elle en receuoit, & quelle eſperance on deuoit prendre d'un bon ſucces; veu qu'on ne ſe le pouuoit promettre autre, eu eſgard à la promptitude avec laquelle ils ſ'eſtoient trouuez à Veruins, & la grande confiance qu'ils teimoignoient auoir les vns des autres. Il ſ'offrit en ſuite à tous les deux partis, avec meſme affection; promettant que comme le Pape eſtoit & vouloit eſtre pere commun, ſon Legat auſſi ne ſeroit point plus d'un coſté que d'autre; n'ayant d'autre but ny d'autre fin que le ſeruice de Dieu, & de toute la Chreſtienté. Il fut reſpondu qu'ils eſtoient tres-diſpoſez à faire la paix, & qu'ils eſperoient de la pouuoir conelure, non ſeulement entre les deux Couronnes, mais meſme avec les confederez: C'eſt à ſçauoir l'Angleterre & les Pays-bas. Sur quoy il y eut vn fort long diſcours, avec beaucoup de confiance & de courtoisie entre les parties. Enfin la conelution fut, que le lendemain ils ſe monſtreroient leurs pouuoirs les vns aux autres, & qu'eſtans trouuez ſuffiſans, on paſſeroit outre; & cela arreſté ils ſe retirerent qu'il eſtoit deſia nuit.

Le iour ſuiuant on ſe reſſembla, où le Legat fit la propoſition de ce qu'on deuoit traiter. Les Deputez ſe communiquèrent reciproquement leurs pouuoirs, qui eſtoient tels. Celuy de France eſtoit tres-ample & libre, & celuy d'Eſpagne à la perſonne du Cardinal d'Autriche eſtoit ſemblable eſcrit en Elpagnol; & le pouuoir dudit Cardinal en François. Celuy du Roy d'Eſpagne ne parloit point des Confederez, mais celuy du Cardinal leur donnoit pouuoir de traiter la paix avec les confederez. M. de Bellicre ſ'arreſta là deſſus, & montra par bonnes raiſons, que leur pouuoir en ce qui touchoit les Confederez, n'eſtoit pas ſuffiſant, & qu'il ne le pouuoit acceper ſans l'auoir communiqué au Roy & à ſes Confederez. Les Flamans répondirent que la Reine d'Angleterre eſtoit en guerre avec le Roy d'Eſpagne, lors que ces pouuoirs auoient eſté expediez: & comme il ne ſçauoit pas que le Roy de France la voulut comprendre, il n'auoit pas auſſi enuoyé de pouuoir pour cela. Mais bien que le Cardinal ſ'obligeaſt de faire ratifier le Roy d'Eſpagne; que ſi beſoin eſtoit, on depeſcheroit vn courier en Eſpagne, qui en ſeroit de retour en peu de iours. Cette propoſition ne plut pas au Legat, qui empeſcha avec dextérité

cet entouy du Courier, disant qu'on pourroit traiter avec France & Espagne, & venir à quelque ajustement. Là dessus Taxis demanda permission à Richardot de parler, parce qu'il n'estoit que le second, & dit, peut-estre avec trop de liberté, qu'eux deputez du Cardinal, vouloient traiter avec grande franchise, & dire nettement tout ce qu'ils auoient pouuoir d'accorder au Roy de France, qui estoit de luy rendre non seulement les cinq places de Dourlens, le Catelet, la Capelle, Ardres & Calais, mais mesme Blauet, & cela sans aucune restriction, sinon qu'on y procederoit de la mesme façon qu'à la paix du chasteau Cambresis. Monsieur de Bellievre respondit, repetant ponctuellement la proposition, laquelle estant faite sans aucune reserve, il l'accepta, en reiterant plusieurs fois les propres termes.

Le P. Richardot encore qu'il estimast que Taxis auoit passé vn peu trop auant, n'usa neantmoins d'aucune contradiction, & repeta plusieurs fois, que la restitution se feroit selon la capitulation du traité de Cambresis. A quoy les François ne contredirent nullement. Les Deputez d'Espagne demanderent en suite deux choses. La premiere, que l'Ambassadeur de Sauoye eust vn passe-port pour venir de Flandres avec 40, cheuaux, & qu'il luy fust permis d'interuenir au traité: pour sous la protection du Roy d'Espagne accommoder ses affaires en France. La seconde, qu'il peust venir quelqu'un de la part du Duc de Mercure en cette Assemblée, avec seureté, pour faire son accommodement, & qu'à cet effet, ils luy peussent escrire & donner aduis certain sur cela. Monsieur de Bellievre ayant consulté avec Monsieur de Sillery, respondit à la premiere demande, que pour ce qui estoit de l'Ambassadeur de Sauoye, ils auoient les passe-ports qu'ils demandoient, mais non pour vn si grand nombre de cheuaux. Qu'ils le donneroient, ne l'ayant retenu iusques à l'heure, que pource que le Roy leur Maistre ne vouloit pas que l'affaire du Duc de Sauoye se traitast à l'assemblée, mais à part. Quant au Duc de Mercure, que sans expresse permission du Roy, ils ne pouuoient donner aucune seureté ny passe-port, parce qu'estant son vassal, il n'estoit pas digne de cet honneur: mais qu'on pouuoit laisser traiter cette affaire entre sa Maiesté & ledit Duc, sans que personne s'en entremist. Les Flamans demurerent estonnez; & neantmoins il ne sembla pas qu'ils se souciasent beaucoup du Duc de Mercure, mais seulement qu'ils en vouloient faire quelque office pour luy. On demanda au Legat ce qu'on feroit le lendemain. A quoy il respondit, qu'on s'assembleroit à pareille heure, & qu'il falloit apporter le traité de paix fait à Cambresis. Que l'on le liroit article par article, afin de resoudre les moyens que l'on tiendroit pour faire la restitution. Cela fut accepté, & les Deputez se retirerent, laissant le Legat en grande esperance de bon succez.

Le iour suiuant ils se rendirent à l'heure donnée, & le Legat ayant proposé qu'on fist lecture du traité de paix, Monsieur de Bellievre dit qu'il auoit de nouveau considéré leur pouuoir, & qu'il persistoit en son

opinion, que celuy du Cardinal n'estoit pas suffisant en ce qui touchoit les Confederez. Que le Roy de France ne pouuoit avec honneur passer plus auant sans le consentement de ses Confederez. Que pour ce suiet il estoit necessaire qu'il en escriuit à sa Maiesté, pour sçauoir comme elle & ses Confederez receuroient cette proposition: Ceux des Pays bas se trouuans alors près de sa Maiesté, où on attendoit de iour à autre vn Enuoyé d'Angleterre, qui pouuoit bien desia estre arriué. Il remarqua que le defaut de pouuoir suffisant aux Deputez, en ce qui touchoir les Confederez, estoit de notable preiudice à son Roy, & que presumant qu'ils l'auoient, il auoit consenty que le Legat tint certe assemblée, de laquelle s'ils estoient exclus, ils n'auoient point besoin d'autre pretexte pour abandonner ses interests: & picqua là dessus avec dextérité ses aduersaires. Il parla posément, obscurément, & avec quelque equiuoque. C'est vn fin vieillard & fort aduisé. Richardot qui ne l'auoit pas bien entendu, luy fit responce avec beaucoup de chaleur, disant qu'il leur sembloit qu'on leur faisoit grand tort, veu qu'on les auoit amenez à vne assemblée sur vne affaire qui s'estoit assez traitée auparauant, pour que sa Maiesté Tres-chrestienne sceut au vray si ses Confederez vouloient ou non entrer au traité de paix: & neantmoins qu'ils n'auoient encore pu apprendre quelle estoit leur intention. Qu'ils estoient toutefois prests de traiter avec eux, ne pensant pas qu'il y allast de l'honneur du Roy d'Espagne, & qu'ils estoient venus exprez pour sçauoir quelle estoit sur cela l'intention du Roy Tres-chrestien & de ses Confederez. Il se plaignit de ce qu'ils ne pouuoient rien obtenir de ce qu'ils demandoient, ny pour le Duc de Sauoye, ny pour le Duc de Mercure: & qu'il luy sembloit que c'estoit vne estrange façon de proceder. Le Legat voyant qu'on commençoit à hausser la voix, & qu'on n'auoit pas bien entendu Monsieur de Bellievre, qui peut-estre n'auoit pas voulu qu'on l'entendit mieux, n'interrompit point la dispute, disant qu'ils ne s'entendoient pas: Et repera le discours de Monsieur de Bellievre, lequel contenoit en substance, que les pouuoirs, en ce qui concernoit les Confederez, estoient bien suffisans d'une part: mais que craignant que ce qu'on offroit ne fust pas; c'est à sçauoir de faire promettre au Cardinal, que le Roy d'Espagne ratifieroit, ledit sieur de Bellievre auoit proposé de le faire sçauoir à son Roy, puis que l'affaire estoit en autre terme, attendu que le Roy de France auoit tousiours expressement commandé, qu'il ne se fust point d'Assemblée, si on n'y apportoit des Pouuoirs suffisans, meisme à l'esgard des Confederez. Cela dit, le Legat se tourna vers le General, & luy ordonna de faire entendre à l'Assemblée, ce que le Roy de France luy auoit dit sur ce particulier. Le General confirma tout ce que le Legat auoit dit, & repeta toute l'affaire, en ce qui concernoit les Confederez. Cela appaisa les Deputez d'Espagne, qui dirent que pour ce qui estoit des Holandois (ils nommerent ainsi les Estats) ils auoient en

main de quoy leur donner toute satisfaction : mais qu'à l'esgard de l'Angleterre, il leur sembloit que ce qu'ils auoient offert, deuoit suffire. Que S. M. C. n'auoit pas deu donner procuration pour traiter de Paix avec l'Angleterre, pour ce qu'au mesme-temps que le Roy d'Espagne donnoit le pouuoir de la faire avec la France, la Reyne d'Angleterre l'atraquoit avec vne armée, & que l'honneur de sa M. C. ne souffroit pas de donner des Pouvoirs de faire la Paix avec vne personne inferieure, pendant qu'elle luy faisoit la guerre, sans qu'elle l'en requist. Les François ne dirent point s'ils acceproient ou non ces excuses, mais ils parlerent plus doucement. Le Legat ne desiroit nullement qu'on en vint iusqu'à ce particulier, d'enuoyer vn Courier en Espagne, & pour cela il moyenna que les Deputez d'Espagne trouuassent bon au Roy de France; esperant en ce que beaucoup de choses se proposent pour plus grande seureté, & non avec vne determinée resolution de les faire passer de la sorte. Voyant donc les esprits vn peu plus tranquilles, il fit que l'instrument de la Paix de Cambresis, fut leu par l'Audiancier. Il estoit en François, & fut leu en cette mesme langue. Le Legat l'auoit en Italien: ce qui le luy fit entendre, il n'y eut pas grande difficulté par ce Traité, sur les moyens de faire la restitution. La resolution fut prise, du consentement des deux partis, quoy que M. de Bellievre ne voulust pas consentir entierement quant au temps, que Calais & Andres seroient rendus deux mois apres la ratification du Roy de France, lesquels commenceroient à courir du iour que la Paix seroit jurée par sa M. tres-Chrestienne, & que les trois autres places Dourlens, le Casteler, & la Capelle se rendroient dans trois mois, ou enuiron: Car le temps n'en fut pas si expressement determiné. Que toutes les cinq places seroient données au Roy de France, avec toutes leurs ameliorations. Que le Roy d'Espagne satisferoit tous les soldats qui estoient mutinez dedans. Que l'artillerie qui y estoit, y seroit laissée par les Espagnols. Que Blauet se desmoliroit. Mais pour ce qu'il falloit icy plus de temps, ils ne voulurent pas estre pressez, & demanderent qu'on le leur donnast suffisant pour faire venir les contre-seings d'Espagne; parce que celui qui commandoit en cette place, n'en retireroit pas autrement sa garnison, ny n'en permettroit la demolition. Les François demurerent fort contents de ce Traité: & pour l'obseruation de tout ce que promettoient les Espagnols, demanderent des ostages au choix du Roy Tres-Chrestien, iusqu'à ce que les cinq places fussent restituées, & Blauet demoly. Ils furent promis, quoy qu'avec vn peu de difficulté. A la fin, M. de Bellievre s'adoucit, encore qu'il restast quelque difficulté au sujet de l'artillerie. Ce qui fut de plus important, fut que les François prirent lors assurance que l'on traittoit tout de bon. On arresta que pour le lendemain on ne s'assembleroit point; parce qu'ils vouloient auoir du temps pour escrire à leur Roy, & luy depescher vn Courier. Les Espagnols sortirent les premiers, & le Legat les voyant

vn peu en suspens, leur demanda qu'il leur pût parler le iour suivant en particulier; ce qu'ils promirent volontiers. Il parla apres cela longtemps à Meilleurs de Bellievre & de Sillery, lesquels luy dirent, qu'il s'assleuraſt que la Reine d'Angleterre ne gaſteroit rien; & qu'il ne trouuaſt pas mauuais qu'on attendiſt la reſponſe du Roy. Ils parlerent avec liberte de la Reine, & repeterent qu'ils auoient dit en l'aſſemblée, que le Roy leur Maĩſtre n'eſtoit pas ſoumis à la Reine d'Angleterre, & que les affaires ne paſſeroient pas à ſa fantaſie. Ils prièrent en ſuite le Legat de donner ordre au ſecret de cette negotiation, ayant l'œil ſur ceux-là meſme qui ne ſe trouuoient pas en l'aſſemblée; parce qu'ils ſçauoient bien qu'on eſcriuoit à Paris & ailleurs pluſieurs choſes, qui vraies ou fauſſes, auoient porté & portoient encore grand preiudice à cette negotiation. Le Legat trouuant cet aduertiffement bon, prit cet expedient apres que les François furent ſortis, de parler aux Prelats de ſa ſuite, qu'il voyoit tous fort curieux de ſçauoir ce qui ſe paſſoit, & leur dit qu'ils feroient bien d'eſcrire fort ſobrement pour pluſieurs reſpects, & particulierement pource qu'ils ne ſçauoient pas bien ce qu'ils eſcriuoient, & ne laiſſoient pas de faire beaucoup de mal aux affaires, eſcriuant le vray ou le faux. Qu'il ſçauoit bien que leurs nouuelles & leurs ſpeculations qu'ils auoient ou dit ou eſcrit à ſaint Quentin, auoient nuy grandement. Qu'ils ſ'abſtiſſent de le faire à l'aduenir, l'importance en eſtant plus grande que iamais. Qu'il ne luy ſeroit pas difficile de ſçauoir ceux qui y contreuendroient, comme il ne luy auoit pas eſté par le paſſé; & qu'il leur proteſtoit, que s'ils n'eſtoient plus retenus, il leur rendroit de tres-mauuais offices vers ſa Sainteté, pour le ſeruice de laquelle il n'auroit de reſpect de qui que ce fuſt. Il n'y eut pas vn d'eux qui luy repliquaſt rien, mais chacun ſ'alloit imaginant de qui le Legat auoit voulu parler, ne le pouuant apprendre que de leur propre conſcience; parce que le Legat parla generalement à tous, ſans ſ'adreſſer particulierement à pas vn. Ils en furent fort faſchez, & en firent de grandes plaintes.

Le iour ſuiuant les Eſpagnols vinrent trouver le Legat, eſtans fort en peine de ce qu'ils voyoient que les François ne vouloient pas la paix. Ils en auoient fait leur plainte au General dès le matin, & en parlerent encore au Legat, ne pouuant ſ'empêcher de faire paroître leur apprehenſion. Le Legat qui en auoit eſté aduertty par le General, les aſſeura d'abord qu'ils furent entrez, que les François deſiroient certainement la paix, & qu'ils eſtoient contents des conditions propoſées, comme il auoient peu voir. Auſſi que ſans doute il leur eſtoit plus preiudiciable de ne la pas faire, qu'aux Eſpagnols: Veu que cette aſſemblée que les François auoient faite, auoit donné de la ialoſie à tous leurs Confederrez. Qu'il croyoit que ce que Monsieur de Bellievre apportoit de la difficulté ſur leurs pouoirs, en ce qui regardoit l'Angleterre, n'eſtoit que pour mettre à couuert l'honneur de ſon Roy, ſelon qu'on pouoit coniecturer des propos qui auoient eſté tenus en l'aſſemblée, & à luy en

particulier. Qu'ils ne deuoient pas trouuer estrange que les François voulussent escrire à la Cour, comme il auoit esté arresté, veu que l'affaire auoit changé de face, puis qu'eux Espagnols n'auoient pas apporté des Pouuoirs pour le fait des Confederez, tels que les auoit désiré & demandé le Roy de France. Qu'ils deuoient remarquer qu'on cherchoit les moyens de n'auoir point besoin de despescher en Espagne, attendu que les François l'en sollicitoient, & qu'ils taschoient d'abreger le temps de la restitution des places. Avec telles & semblables raisons du Legat, les Deputez d'Espagne demurerent satisfaits, & luy demanderent ce qu'il luy sembloit del'affaire de Sauoye. Il fit responce que les François souffritoient qu'on en parlât; mais qu'ils ne vouloient pas entretenir le Traité precedant; parce qu'ils luy auoient dit librement, qu'ils vouloient n'auoir le Marquisat de Salusses, & qu'ils ne vouloient pas traiter en commun les interrests des deux Couronnes avec ceux de Sauoye. Les Deputez remercièrent fort le Legat, & se retirerent fort satisfaits, ainsi que l'apprit depuis le General.

Le treizième iour l'assemblée ne se tint point, pource que M. de Bellevre auoit pris medecine. Le quatorzième il y en eut, plustost afin qu'on ne s'estonnast pas de ce manquement, que pour autre chose: car en effet, on attendoit pour prendre resolution, la responce du Roy, qui estoit allé depuis peu à Fontainebleau. On y traitta, quela Paix se faisant entre les deux Couronnes, ceux-là y fussent tenus pour compris, que les Rois auoient engagez aux mauuaises graces de l'un ou de l'autre, comme aussi du Cardinal d'Autriche, si le Roy d'Espagne luy donnoit la Flandre. Le Legat fit cette proposition, à la tequisition des Espagnols; & elle fut acceptée par les François sans aucune difficulté. Les Deputez du Cardinal prirent congé les premiers, & les François demurerent. Le Legat talcha de sçauoir d'eux ce qu'ils esperoient de la responce du Roy tres-Chrestien. Ils luy responderent qu'ils l'esperoient bonne. Le Legat repartir, Il ne se peut qu'elle ne soit telle, puisque vous auez tout ce que vous demandez. Ils repliquerent qu'il estoit vray, mais qu'ils desiroient qu'on restraignist le temps des restitutions. Le Legat leur dit, Vous desirez qu'on abrege; & neantmoins vous tenez l'assemblée suspendue, proposant qu'il est nécessaire de despescher vn Courrier en Espagne, pour ce qui touche l'Angleterre. Ils dirent qu'ils ne pensoient pas que cela deust empescher le Traité, ny retarder la conclusion. Neantmoins qu'ils ne pouuoient parler avec certitude, tout dependant de la responce de sa M. de laquelle ils esperoient fort bien. Le Legat dit qu'ils ne deuoient plus craindre qu'on ne procedast en cette affaire tout de bon. Ils firent responce qu'ils s'en tenoient assurez, & prièrent de nouveau le Legat de faire que le temps des restitutions fust plus bref: disant que leur Roy estoit soupçonneux, & qu'il n'estoit pas bon de le tenir en cette
jalousie

jalousie. Estans partis, sans qu'on eust arresté si l'Assemblée se tiendrait le lendemain, & le General n'ayant rien dit le matin au Legat, sinon qu'au cas qu'il y en deust avoir, il le luy feroit sçavoir, sur vn peu d'indisposition causée par la Nephretique du Legat, il se mit au lit; où il ne fut pas plustost, que les Deputez François arriuerent. Il creut qu'ils le venoient visiter; & pour cela il les fit entrer. Vn peu apres le General luy vint dire que ceux d'Espagne venoient aussi. Le Legat se plaignit lors de ce qu'on ne luy auoit fait sçavoir plustost, & se voulut habiller viftement, pource que leur donnant audience dans le lit, l'ordre de la Seance se confondoit entietement. Les François ne voulurent iamais permettre qu'il se leuast, estans bien aises qu'il n'y eust point d'Assemblée; & le General se chargea d'empescher les autres d'entrer. Ce qu'il fit facilement. Le Legat entretenit fort au long les François; & le lendemain qui estoit le quinzième du mois, donna pareille audience aux Espagnols. Il tenoit pour assuré qu'il n'eust resté autre difficulté pour conclure, sinon que les François ne vouloient pas que le Duc de Savoye interuint au Traité; & les Espagnols ne le vouloient pas laisser derriere. Que les François vouloient auoir le Marquisat de Salusses, & que le Duc ne le vouloit pas rendre, & de plus, qu'ils demandoient qu'on abregeast le temps de la restitution des places; & les Espagnols disoient qu'ils ne le pouuoient faire. C'est où en estoit l'affaire. Cependant on attendoit la response de la Cour de France, qui ne pouoit plus gueres tarder. Le Legat auoit appris de Dom Pietro Vrsino, que le Duc de Savoye luy auoit dit qu'il ne rendroit point le Marquisat de Salusses pour faire la Paix; mais bien qu'il chercheroit tous les autres moyens de s'accommoder avec la France; luy adioustant qu'il sçauoit bien que le Legat estoit d'aduis de la restitution du Marquisat. Ce qui estoit vne pure imagination du Duc: parce que le Legat depuis la guerre, n'en auoit iamais parlé, sinon à l'heure; & si n'auoit-il pas dit qu'il falloit que le Duc rendist le Marquisat, mais seulement que les François le vouloient r'auoir; & si lors qu'il le dit, le Duc ne le pouoit sçavoir. Cela ne laissa pas de donner quelque déplaisir au Legat; mais il ne cessa pas pour cela de s'employer de tout son possible, à ce que le Duc fist son accommodement. Cependant M. de Bellicvre se trouua mal, & le Courtier n'estant venu qu'au vingtième, il n'y eut point iusques-là d'Assemblée. Le Legat pendant tout ce temps, s'occupa à ôster la jalousie & les soupçons qu'auoient les Espagnols, & se seruoit en cela du General; lequel bien qu'il luy sembla que les François ne parloient pas assez franchement, ce qui luy donnoit du soupçon, fit neantmoins ces offres, sur l'assurance que luy donnoit le Legat. Si le Legat eust procédé avec plus d'ardeur en cette affaire, & n'eust usé d'une fort iudicieuse patience, il l'eust ruinée: parce que ou il se seroit montré partial, ou il eust souffert que les parties interessées eussent tout gâté entre elles par les desiances reciproques où elles estoient qu'on les vouloit tromper. Le Legat leur

oittoit tousiours ces ombrages, estant asseuré qu'on traittoit sincerement & avec dessein de faire la paix. Cefut pourquoy il ne voulut iamais consentir au conseil que beaucoup luy donnoient, sans en estre requis, de tesmoigner quelque mescontentement du procedé du Roy Tres-chrestien, & de quelques autres; parce qu'il iugea tousiours que la patience & la neutralité conduiroient heureusement vne si grande affaire.

Le vingt-vnième, qui fut le lendemain de l'arriüée du courier de France, les Deputez vinrent dès le matin trouuer le Legat; & luy dirent que leur Roy estoit tousiours dans la mesme disposition de faire la paix, & qu'il acceptoit les conditions comme elles auoient esté traittées, sans y rien changer. Mais qu'il ne pensoit pas qu'on se peust dispenser d'enuoyer vn courier en Espagne, afin que le Roy Catholique donnast vn pouuoir suffisant pour faire aussi la paix avec l'Angleterre. Que c'estoit chose que sa Maiesté auoit tousiours demandée, comme necessaire; parce que la promesse du Cardinal de faire ratifier le Roy d'Espagne, n'estoit pas suffisante, comme il auoit esté dit. Que pour cela le Roy ne vouloit pas arrester le traitté. Qu'il se pouoit cependant auancer entre les deux Couronnes, en touchant les articles separement, & selon qu'ils seroient accordez par les parries, les signant apres tous ensemble, & que iusques à ce que la responce fust venue d'Espagne, on les deposeroit entre les mains de Monsieur le Legat, qui auroit soin de les conseruer, & de les tenir secrets. Ils s'entretinrent fort sur les loüanges du Pape, & remercièrent au nom du Roy le Legat, des peines qu'il prenoit, & de la patience qu'il auoit. Adioustant qu'ils ne demandoient rien dauantage à l'égard des Estats: parce que ce qui auoit esté traitté sur cela suffisoit. Qu'au surplus, ce courier estoit en toute façon necessaire, puis qu'il deuoit apporter le contre-seing de Blauet, pour pouuoir executer ce qui auoit esté arresté. Ils luy firent aussi entendre, qu'ils desiroient fort que les Deputez d'Espagne fussent bien informez de tout cela auant que l'on vint à l'assemblée, afin qu'ils ne fissent pas difficulté d'enuoyer le courier. Ce qu'ils ne pouuoient d'ailleurs refuser: ayant offert en pleine assemblée de le faire partir & reuenir en peu de iours. Le Legat donna part de ce que dessus aux Deputez d'Espagne par le General, arrestant que le iour suiuant, ils se trouueroient tous à l'assemblée. Il suruint quelque petit desordre, lors que chacun s'y deuoit acheminer: parce que les François n'entroient pas, pour donner temps au Legat de parler aux autres auant leur arriüée; parce qu'ils ne sçauoient pas qu'ils eussent esté informez de tout: & les Espagnols artendoient que les François fussent entrez les premiers. Le Legat s'estant apperceu de cela, les pria de venir: ce qu'ils firent. Les speculatifs s'imaginèrent sur cela qu'il y auoit differend pour les rangs, & le publierent ainsi. Ce quin'estoit pourtant nullement vray. Toute la compagnie se trouuant assemblée, Monsieur de Bellicvre exposa avec plus de douceur qu'il n'auoit de coustume, la responce du Roy

Tres-Chrestien, en la mesme façon que le Legat l'auoit fait entendre aux Espagnols. Ils l'escouterent fort attentiuement, & ayant discouru entr'eux, y respondirent fort ciuilement, acceptans la responce que l'on leur venoit de faire. Ils demanderent temps iusqu'au lendemain pour resoudre l'affaire du courier. Ils parlerent du Duc de Mercœur, tachant de traiter pour luy, & de luy faire donner aduis. Ce que les François refusèrent; & l'affaire ne passa pas outre. On parla aussi du Duc de Sauoye. Les François ne s'esloignerent pas de traiter avec luy. Ce qu'ils auoient refusé d'autres fois: mais ils estoient persuadez des raisons du Legat, qui les y auoit portez. L'assemblée se separa là dessus iusques au lendemain. Les Flamans qui auoient pris temps pour respondre, accepterent entierement la responce du Roy Tres-Chrestien, tant pour dresser les articles & les souscrire, que pour les déposer entre les mains du Legat. Ils dirent qu'ils auoient lettres du Cardinal pour expedier le courier en Espagne, & qu'il estoit desia prest pour cela. Mais puis qu'on auoit adiousté à cette despesche, de faire venir d'Espagne les contre-seings pour la demolition de Blauet, il estoit besoin qu'on prist sur cela de nouvelles lettres du Cardinal. Ce qui se feroit promptement, & qu'en suite ils despescheroient le courier, tant pour cette affaire que pour le pouuoit necessaire à l'esgard de l'Angleterre. Les François demurerent satisfaits, & le Legat accepta la consignation & la garde des articles, apres qu'ils auoient esté agreez & signez par les parties. Les François sollicitèrent la venue de l'Ambassadeur de Sauoye, laquelle ils n'auoient point iusques-là tesmoigné desirer. On arresta qu'on commenceroit à dresser les articles, & pour cet effet on ne s'assembla pas le iour suiuant vingt-troisième du mois, afin qu'on eust ce temps pour les mettre par escrit. Les François commencerent à estre plus faciles qu'ils n'estoient auparavant, d'où l'on peut coniecturer qu'ils auoient eu de plus amples commissions. Quant au Duc de Mercœur, les Espagnols faisans de nouvelles instances pour luy, il fut resolu de differer pour quelque temps à parler de son traité, estant tenu pour certain qu'il se soumettoit au Roy Tres-Chrestien, ou mesme qu'il l'auoit desia fait.

Le iour de surseance passé, on s'assembla le vingt-quatrième: les François y recapitulerent tout ce qui auoit esté traité, c'est à sçauoir, qu'on dressast des articles tels, qu'on peust auoir vne bonne & durable paix, avec toutes les assurances dont on pouuoit conuenir, & leuant tous les empeschemens qui se pourroient rencontrer. Ils demanderent qu'on restraignit le temps de la restitution des places à vn mois seulement; dirent que le Roy Tres-Chrestien auroit desiré d'auoir toute l'artillerie qui estoit dedans, ou au moins la moitié, & qu'il falloit se despescher de signer les articles, afin de les mettre, comme on auoit conuenu, entre les mains du Legat. Richardot fit responce, qu'on ne pouuoit abbreger le temps de la restitution, parce qu'ils ne pensoient pas pouuoit

plustost donner les ordres necessaires pour cela, veu qu'il y auoit dans les places des soldats mutinez, qu'il estoit raisonnable pour la reputation de leur Roy de chastier en quelque façon Qu'ils ne vouloient ce temps là que pour satisfaire à tout pleinement. Que deuant rendre les places, leur auantage estoit de le faire plustost que plus tard, tant pour se descharger de despence, que pour diuers autres respects, qu'il estoit aisé de s'imaginer, les interets du Cardinal y estans visibles. Les François ne se contentoient pas de cela, & remontroient que pour la paix de Cambray il n'y auoit eu qu'un mois de temps pour semblables restitutions, & demandoient qu'on abregeast le terme au moins de quinze iours. Les Espagnols estoient inexorables. Mais le Legat & le General s'interposans pour accommoder l'affaire, firent en sorte qu'ayant esté parlé au precedent de rendre les cinq places à deux fois, c'est à sçauoir Calais & Ardes dans deux mois, & les trois autres un mois apres, il fut arresté que toutes les cinq seroient rendues dans les deux premiers mois. Et cela fit la conclusion du differend. Quant à Blauet, il y auoit aussi de la difficulté, pour le temps dans lequel on en deuoit oster la garnison & demolir les fortifications. Les François trouuerent long le terme de trois mois, & les autres n'en vouloient rien rabattre. Le Legat voyant ces difficultez, parla à tous, & avec des raisons pleines d'efficace, fit comprendre aux François qu'ils ne pouuoient douter de l'affaire de Blauet: parce que les cinq places leur estans rendues pour faire la paix, il n'estoit pas vray-semblable qu'on fust apres difficulté de dementeler Blauet, parce que les Espagnols ne trouueroient pas leur compte, ayant restitué ces villes, à se reseruer Blauet, sans auoir la paix. Ils demurerent tous contents de ce qu'il auoit dit: & quant à la demolition de Blauet, on demeura d'accord, qu'on ne toucheroit point au terme de trois mois, avec parole expresse d'executer cela de bonne foy: & que si faire se pouuoit, les Espagnols accourciroient ce terme. L'on conclut aussi que le temps des deux mois commenceroit à courir du iour qu'on signeroit les articles, & que dans ce temps, la paix entre les deux Couronnes seroit iurée solennellement par le Roy de France & par le Cardinal d'Autriche. Et qu'apres on fourniroit la ratification du Roy d'Espagne. L'on parla du Duc de Sauoye, & les François demanderent de nouueau qu'on fust venir son Ambassadeur. Le Legat donna iour en suite pour l'assemblée: & quant au differend qui estoit pour l'artillerie, les François n'y peurent rien gagner, encore qu'ils en demandassent vne partie de courtoisie. Tout cela fut ainsi arresté, sans qu'on en deust plus parler, sinon par les articles.

Le vingt-cinquième iour se passa sans assemblée, bien qu'elle y eust esté assignée: parce que le courier de Bruxelles arriua avec les lettres & les contre-seings qu'on attendoit. Ce que les Espagnols voulurent faire voir aux François, & pour cela les furent trouuer, de sorte que la iournée se passa toute à cela. On fit les expeditions, & le lendemain matin

on depeſcha le courier en Eſpagne, la couuerture de la depeſche portant le ſceau du Legat, avec adreſſe au Nonce de ſa Sainteté, reſidant auprès du Roy d'Eſpagne: parce que les François ne voulurent pas qu'il traueſſaſt la France ſous le nom du Roy d'Eſpagne, bien qu'il n'y euſt rien du Legat en tout le paquet que la couuerture.

Le vingt-fixième on tint l'aſſemblée, en laquelle les François demanderent que Cambray fuſt remis en neutralité, comme il auoit eſté auant qu'il fut retourné entre les mains des François. On diſputa beaucoup ſur cela, ſans rien reſoudre, bien qu'il paruſt aſſez que du temps de Charles V. la fortereſſe eſtoit entre ſes mains; & ſi l'on croit pour certain que la garde des portes dependoit de luy. On parla auſſi des François qui eſtoient du party contraire au Roy, auxquels on deſiroit qu'on pardonnâſt, & qu'ils fuſſent remis dans leurs biens. A quoy Monſieur de Bellievre fit quelques fortes oppoſitions, comme de dire que c'eſtoient vaſſaux du Roy de France, duquel ſeul ils deuoient recevoir leur grace, & non par l'entremiſe du Roy d'Eſpagne, auquel ils n'auoient rendu aucun ſeruiſe, eſtans ſimplement des fugitifs. Neantmoins il ne ſe rendit pas opiniâſtre, le nombre en eſtant petit, & n'y ayant que Monſieur d'Aumale, duquel on n'auoit pas conſiſqué les biens, qui fuſt de conſideration.

Le Legat creut qu'on ne deuoit plus tenir d'aſſemblée que l'Ambaſſadeur de Sauoye ne fuſt venu, la ſubſtance des choſes eſtant arreſtée entre les deux Couronnes; de crainte qu'en tetouchant ces meſmes choſes, on ne priſt occaſion de nouuelles difficultez. De ſorte que ſur la fin de l'aſſemblée on trouua bon de n'en faire plus juſqu'à la venue de cet Ambaſſadeur. Il arriua le iour d'après, & fut receu des Eſpagnols avec grand honneur. Richardot & Taxis furent à cheual au deuant de luy, & ſe mirent entr'eux deux, ce qui luy groſſit le cœur plus qu'il ne deuoit. Car l'aſſemblée ſe deuant tenir le lendemain, il ne vouloit pas ceder à l'Audien-
cier, & pretendoit ſe ſeoir au deſſus de luy. Le General le ſiſſa uoir au Legat, qui ne ſ'en voulut point meſſer, diſant qu'ils voidaſſent entr'eux ce diſſerent, puis qu'ils n'eſtoient qu'une meſme choſe. Le General par le moyen d'un de ſes Moines qui l'auoit ſuiuy à Veruins, enuoyé expreſ pour y ſeruir le Duc de Sauoye, fit en ſorte que ſon Ambaſſadeur ſe contenta d'eſtre viſà viſ du Legat, au bas bout de la table, à la main gauche du General. Le matin ſuiuant à l'heure de l'aſſemblée, il alla viſiter le Legat: le ſalua de la part du Duc ſon Maïſtre, luy teſmoignant beaucoup de confiance. La conſclusion de ſon diſcours fut, que le Duc de Sauoye deſiroit la paix, nonobſtant la guerre ouuerte. Qu'il auoit eſcrit & les lettres du Roy à ce ſuiet, & qu'il eſperoit que ſa Maieſté entretiendrait l'accord fait de ſe remettre de tous ſes diſſerens au Pape. Le Legat ne voulut pas venir beaucoup au particulier, ne le iugeant pas à propos à cette premiere conference. Par ce qu'il auoit appris des François, il croyoit qu'ils pretendoient n'eſtre pas obligez à maintenir ce qui s'eſtoit

au parauant traité avec Sauoye ; & pour ce il pria l'Ambassadeur de vouloir faciliter les affaires, & ne pas tesmoigner d'estre si ferme en ses résolutions, de peur de tout rompre.

Le mesme iour il y eut assemblée, en laquelle le Legat eut bien de la peine à reduire l'Ambassadeur de Sauoye à vouloir faire les propositions, & rechercher les François. Ce qu'enfin il luy persuada. Il fit la proposition en la mesme forme que luy auoit dit le Legat. Monsieur de Bellievre respondit, & commença son discours par cetter toutes les obligations que la Maison de Sauoye auoit à la France, & nommément depuis François premier; remarqua beaucoup de bien-faits, & l'honneur des alliances qu'elle auoit receu des Rois Ttes-Chrestiens. Puis parla de leur droit, & de leur possession du Marquisat de Salusses, & de la façon qu'il auoit esté occupé par le Duc de Sauoye. Il discourut en suite des pourparlers & propositions de paix qui auoient esté faites, montrant qu'il n'auoit tenu qu'au Duc de Sauoye qu'elle n'eust esté conclue, & qu'il pretendoit que son Roy n'estoit plus tenu à l'observation de ce qui auoit esté autrefois traité. Mais il n'exprima pas cela nettement, ne se laissant pas absolument entendre. Il se tourna la dessus vers Monsieur de Silley, luy disant, que puis qu'il auoit négocié le particulier de cet accommodement, il en fît son rapport. Monsieur de Silley assenta que le Roy Tres-Chrestien auoit proposé de remettre au Pape les differens qui estoient depuis le premier traité concernant le Marquisat de Salusses, la restitution de Cental & du chasteau Daufin, avec les autres places nouvellement occupées, sur lesquelles de part & d'autre il y auoit des pretentions. Il dit que le Duc de Sauoye, ou son Ambassadeur Iacob n'auoit pas voulu accepter ce party-là; sans parler de deux lettres, l'une du Duc de Sauoye, & l'autre du Roy de France, qui sont de grande importance. Par celle du Duc, il demoura d'accord de remettre au Pape tous les differens, & par l'autre le Roy se fait entendre qu'il y consentiroit, & ce au temps que la guerre estoit ouuerte. L'Ambassadeur de Sauoye qui auoit ouy faire mention de ces lettres, soit qu'il n'en fust pas bien informé, soit qu'il ne s'en souuint pas, n'en parla point à la réponse qu'il fit à Monsieur de Silley: au contraire confirmant tout ce qu'auoient dit Meilleurs de Bellievre & de Silley, l'assemblée iugea qu'il n'auoit pas bien desseigné sa proposition, d'en demeurer aux termes du premier traité. L'Ambassadeur de Sauoye se retira le premier, qui ne vouloit iamais entrer ny sortir avec ses adherans, n'ayant pas vne entiere confiance en eux. Apres luy les Flamans n'ayans plus rien à faire, s'en allerent aussi. Les François demurerent les derniers avec le Legat, fort contents; parce qu'il leur sembloit qu'ils auoient mis l'Ambassadeur de Sauoye dans la confusion.

Le soir mesme, & le lendemain matin, les Espagnols & l'Ambassadeur de Sauoye furent trouuer ce Frere Cordelier, dont nous auons parlé, qui estoit malade à Veruins. Il estoit, comme nous auons dit, enuoyé

de la part du Duc de Sauoye, & se nomme F. François Martinengue. Estant mieux informé qu'eux, il leur donna les deux lettres sus-mentionnées, & vn fort long discours; par lequel on voyoit que depuis l'an vnze cens, iusqu'à François I. Le Duc de Sauoye, qui lors & longtemps depuis estoit seulement nommé Comte, & non Duc de Sauoye, auoit esté continuellement reconnu des Marquis de Salusses pour leur supérieur, & luy auoient iuré hommage: le Marquisat ayant esté possédé par les Rois de France seulement depuis François I. Ils mirent ces pieces ensemble; & l'ambassadeur de Sauoye tout fier de cette descouuerte, les porta au Legat. Il les vit, & n'esleua pas fort le courage de l'Ambassadeur: mais aussi ne luy voulut-il pas rabattre, de peur qu'il ne se défiast de luy. Il luy conseilla d'en parler le lendemain dans l'Assemblée. L'Ambassadeur en fit difficulté, pretendait que les François deuoient estre les premiers à faire leurs demandes. Mais c'est à quoy ils estoient resolus de ne condescendre iamais. L'Ambassadeur de Sauoye s'estant ainsi retiré, le Legat fit de sorte, par l'entremise du General, qu'il se modera vn peu. Les Espagnols arriuerent les premiers à l'Assemblée avec l'Ambassadeur de Sauoye, & Richardot receut de ses mains les papiers. On demeura d'accord que le Legat entameroit le propos, disant que l'Ambassadeur de Sauoye auoit encore beaucoup de choses à dire. Sur cela il parla, & rapporta ce que contenoient ces papiers. Les François ne contredirent point aux lettres, & M. de Sillery qui en auoit vne copie en la main, dit qu'elles estoient veritables; & que luy-mesme il auoit fait celle du Roy: mais qu'elle estoit conditionnée. Sur quelques difficultez, l'ambassadeur de Sauoye demanda qu'il luy fust permis de parler François, pour pouoir plus facilement dire son fait; & ainsi tous commencerent à parler François, examinans l'un apres l'autre tous les mots de la lettre du Roy tres-Chrestien. M. de Bellievre dit, que le Roy pretendoit n'estre plus tenu à aucun Traité, ny au contenu à la lettre; parce qu'elle n'auoit pas esté acceptée en temps, & que la guerres'estoit faite depuis, qui auoit rompu toute sorte de Traité. Richardot dit là dessus, que le mot de rupture, par la voye des armes, faisoit voir assez le mauuais procedé. M. de Bellievre se mit en colere à ces paroles; & repliqua que la France n'auoit iamais rien fait que bien à propos. Comme tous ces discours se tenoient en François, le Legat ne les entendit pas, & ne dit mot, comme aussi firent les parties qui demurerent dans le silence assez longtemps. Le General voyant que la bile estoit émeuë, & craignant qu'on n'en vint à de plus fâcheux termes, dit au Legat qu'on pouoit finir pour ce iour-là. Le Legat faisant reflexion sur ce que le General luy venoit de dire, encore qu'il n'eust pas entendu tout ce qui s'estoit passé; dit que telles disputes estoient accompagnées de plus d'aigreur que d'équité, & peu apres se leua, & rompit l'Assemblée: Apres que M. de Bellievre eust dit à l'Ambassadeur de Sauoye, que le iour suivant il s'expliquast de ce qu'il vouloit pour le Duc son Maistre, afin qu'il en peult

escrire au Roy. Ce qu'il prononça fort esmeu, & s'en alla avec M. de Sillery. Les Espagnols & l'Ambassadeur de Sauoye demurerent; & le Legat s'estant bien fait dire tout ce qui s'estoit passé, en fit remonstrance à Richardot, qui receut bien la reprimande, aduoüant qu'il croyoit auoir failly. Le Legat leur dit qu'ils n'auoient pas raison de vouloir que le Roy de France fust obligé en son honneur, & dans les voyes de la Iustice. Sur cela l'Ambassadeur de Sauoye s'en alla, & les Flamands estans demeurez, l'affaire fut examinée de plus prez, & avec cette conclusion, que soit qu'il y eust obligation, ou non; on n'y feroit plus de ce terme, & qu'il n'en seroit plus parlé. Ils voulurent obliger le Legat à proposer les conditions, de quoy il ne se chargea pas, disant qu'outre qu'il ne pouuoit pas mettre en auant des propositions dont il n'estoit pas bien asseuré, il ne vouloit pas aussi telmoigner de prendre aucun party. Ils prirent bien ses raisons, & s'en allerent avec resolution de ne plus vser de ce mot d'obligation. Le General estoit en peine, craignant que ces paroles ne caulassent vne rupture, & se pleignit fort de Richardot qui s'estoit eschappé de la sorte. Le Legat luy donna courage, & ordre d'aller le lendemain matin trouuer les François; & qu'il apportast tout le remede possible à ce desordre suruenü. Il les fut voir, & bien qu'ils eussent du ressentiment de ce qui s'estoit passé, si n'auoient-ils pas volonté de rompre, & conclurent qu'on ne parleroit plus de tout cela. Mesme M. de Sillery, à qui il parla hors de la presence de M. de Bellieue, luy donna quelque lumiere d'accommodement. Le General s'en estant retourné vers le Legat, le soulagea fort. La pensée de ce qui s'estoit passé, luy auoit donné vne mauuaise nuit. Il ne les eut gueres meilleures pendant tout le temps de ce Traité, estant tousiours en crainte sur la moindre difficulté, à laquelle il remedioit de tout son possible.

Le troisiéme de Mars au matin, les Espagnols & l'Ambassadeur de Sauoye, s'accorderent de demander en grace & en faueur du Roy d'Espagne, à celuy de France, parlant à ses Deputez, Qu'il luy pleust vouloir remettre les differends qui pourroient naistre entre sa Majesté & le Duc, à sa Sainteté: & sur cette resolution, on tint l'Assemblée, les François ayant eu aduis de tout. Là le Legat dit en peu de mots, que les Deputez François s'estoient chargez des dernieres lettres pour y repondre. Qu'on auoit laissé passer vniour, afin qu'on peust mieux digerer les affaires qui se presenteroient entre la France & la Sauoye. Qu'il desiroit que les François disent ce qu'il leur sembloit de ces lettres. M. de Bellieue remontra avec beaucoup de puissantes raisons, que sa Majesté tres-Christienne, n'estoit pas obligée par la rigueur, ny par l'equité, ny par sa parole, à faire ce qui estoit porté par sa dernière lettre; & dit entre autres choses, qu'il s'estoit passé dix mois, sans que le Duc de Sauoye y eust fait response, & bien qu'il eust enuoyé depuis quelques mois son Ambassadeur au Conseil d'Autriche, il ne deuoit pas enuoyer en Flandres pour cela; mais vers le Roy. Car encore que la guerre fust ouuerte,

il n'eust pas manqué de passe-ports, pour venir seurement trouver la Majesté. Aussi qu'il avoit pu donner son consentement par lettre, & faire que l'on procedast en affaire avec les instrumens publics qui estoient necessaires pour donner commencement à l'arbitrage. L'Ambassadeur de Sauoye fit responce, qu'il comprenoit bien que le Roy n'estoit aucunement obligé, ny par raison, ny par parole. Mais que neanmoins il demandoit cette grace à sa Majesté tres-Chrestienne, au nom du Duc son Maistre, qu'il luy plust agréer les conditions portées par sa lettre, qui sont telles, Qu'on remitt au jugement du Pape tout le differend, & particulièrement la question, si on suivroit, ou non, le premier traité souscrit par M. de Sillery. Les François contredirent à cela, & protestèrent que cela estoit mal proposé, puis que le Roy par sa lettre, ne faisoit point voir cette particularité, n'y ayant rien du tout de precis. Que d'ailleurs il falloit qu'ils luy escriussent sur cette demande generale de se remettre au jugement de sa Sainteté, ne pouans pas se resoudre sur cela, sans vn nouveau pouvoir; puis que la demande estoit nouvelle. Mais sans doute s'ils luy faisoient sçavoir cette demande particuliere, sa Majesté la rebuterait; non qu'ils n'eussent quelque esperance, que si l'on ne touchoit rien de cette particularité, le Roy n'agreat le compromis general de tous les differends. Apres quelques repliques, les Espagnols se retirerent à part avec le Sauoyard, & disputèrent quelque-temps. Le General voyant qu'ils ne s'accordoient pas, fut vers eux, & tesmoigna du ressentiment de ce qu'ils varioient sur ce dont ils estoient demeurez d'accord avec luy. L'Ambassadeur de Sauoye dit, quand ils furent retournez tous à l'Assemblée, qu'il se contentoit qu'on demandast au Roy la remise ou le compromis general; & remercia le Legat de son entremise, le priant de continuer, iusqu'à ce qu'on eust obtenu le consentement du Roy tres-Chrestien. Les François se chargerent d'en écrire à leur Roy, & d'en attendre la responce. Ce qui fut pris, de sorte qu'on crut aisement qu'ils estoient seurs qu'il n'y auroit point de difficulté. Le Legat voyant les choses reduites à bon point, parla de cette sorte.

Illustres Seigneurs, puis qu'il a plu à Dieu qu'une si pieuse & si sainte affaire fût portée à si bon terme, qu'on peut dire que la paix est faite, les deux Couronnes estans d'accord, & le Duc de Sauoye, apres avoir surmonté tant de difficultez qui se sont trouuées. A present que l'Assemblée deliberera pour conclurre & terminer tous les differends; ie vous supplie, Messieurs, de considerer les perils qu'il y a de prolonger la conclusion d'un bien si general à toute la Chrestienté. Je vous diray qu'il y a beaucoup de personnes qui interviennent en ce traité, l'aduis desquels est du tout necessaire pour sa perfection. Ce sont Princes, dont il y en a quelques-uns d'âge, & les autres qui sont tous les iours dans les perils de la guerre. De plus, les seditieux & les malins heretiques, viurpa-

teurs du bien d'autrui, ne cessent de faire tout leur effort, & d'vser de toute sorte d'artifice, pour empescher icy le seruice de Dieu. Croyez moy, Messieurs, que le demon vole par tout, pour semer la zizanie, ne pouuant pas recevoir vn plus rude coup que celuy-cy. Il fournit à ses partisans le fer & le feu, le poison & la cruauté, pour empescher cette paix, & mettre la guerre en sa place. Je ne puis m'empescher de m'estendre sur ce propos, & qu'avec le plus de retenuë qu'il m'est possible, ie ne vous aduertisse, que ceux qui doiuent mettre la main à la plume, le fassent nettement; afin qu'il ne soit point besoin de venir aux repliques; Que ceux qui doiuent trauailler à cette affaire, le fassent courageusement, afin de retrancher toutes les intrigues, & qu'il ne reste plus de doutes. Commencez à penser au lieu, au temps, & à la façon de dresser le compromis nouveau. Escriuez au Roy, comme il en a esté traité par deçà. Le zele me fait parler. Le mal que l'apprehende me fait insister. Le bien que j'espere me porte à vous donner ces aduertissemens. Comme seuriteur & ministre, ie vous fais cette instance au mieux qu'il m'est possible, & avec toute l'affection que ie dois. Les François luy respondirent les premiers, luy disant qu'il s'asseurast qu'en attendant la responce de leur Roy, ils ne petdroient point le temps. Qu'on dresseroit les articles entre la France & l'Espagne, & qu'ils les reduiroient à tel poinr, qu'il n'y autoit plus qu'à les signer. Ils demanderent tous au Legat son aduis sur le temps du compromis; & si pendant iceluy, il y auroit paix ou trefve entre la France & la Sauoye. Il fir difficulté de dire son opinion; neantmoins sur l'instance qu'on luy en fit avec priere, il dit que son sentiment estoit, qu'on fist le compromis le plus libre qu'on pourroit entre les mains de sa Sainteté. Que le temps fust de six mois, qu'elle pust prolonger iusqu'à vn an. Qu'on fist la paix plustost qu'une treve dès l'heure mesme, si l'on le trouuoit possible, & que pendant le terme du compromis, les choses demeurassent en l'estat qu'elles estoient, chacun retenant ce qu'il possedoit, & promettant d'observer & executer tout ce qui seroit iugé par le Pape. Tout cela fut receu avec joye, & ne fut en rien contredit. On proposa si l'on deuoit dès l'heure congédier les gens de guerre, & de quelle sorte on conserueroit les places. Les François respondirent, que quant aux gens de guerre, il ne falloit pas tout congédier à ce commencement: Et le Legat dit que les places se conserueroient *ad arbitrium boni viri*. Et ainsi l'Assemblée se separa, toutes les parties demeurant tres-satisfaites du Legat & du General. Il se trouua en suite beaucoup de difficultez à accommoder les affaires de Sauoye avec son Ambassadeur: Parce qu'encore qu'il eust consenty de se remettre de toutes les difficultez au Pape, & mesme qu'il l'eust ainsi demandé; il ne pouuoit neantmoins consentir à laisser les choses

comme elles estoient, & desiroit que pendant l'arbitrage on eust restitué au Duc son Maistre, saint Iean de Morienne. Cela ne fut pas accepté des François, alleguans beaucoup de raisons pour lesquelles on ne le pouuoit faire : & pour mieux disposer l'Ambassadeur, on resolut de ne point tenir l'assemblée le quatrième de Mars. Enfin il se contenta de se remettre, sans aucune réserve, au iugement du Pape.

Le cinquième on depescha vn courier au Roy, & depuis on demeura beaucoup de iours attendant la response, sans que pendant ce temps-là, on tint d'assemblée ny l'on proposast les articles. Il vint de Flandres des aduis aux Deputez Espagnols, qu'apporça vn Secretaire, par lesquels on leur faisoit sçauoir, que le Roy de France donnoit des paroles seulement, pour auoir le temps de se mettre en estat de bien faire la guerre. Le Legat chercha les moyens de leur oster cette opinion, & avec beaucoup de raisons leur persuada le contraire. D'autre costé les François commencerent à douter qu'il y eust quelque tromperie ou quelque entreprise, estant arriué par mer à Calais quatre mille cinq cens Espagnols, & huit cens mille ducats. Sur cela les François furent trouuer le Legat, pour sçauoir s'il croyoit que les Espagnols voulussent brouïller, & pour sçacher à decouurir s'ils auoient quelque dessein. Le Legat tascha de leur oster toutes ces défiances, disant que la venuë des Espagnols estoit vne suite des ordres donnez il y a beaucoup de mois, de sorte qu'elle ne pouuoit estre prise pour vne contrauention au traité de paix : Pource que quand ils estoient partis d'Espagne, on n'y pouuoit pas encore auoir nouvelles que les Deputez fussent assemblez, & qu'il ne croyoit pas qu'il y eust rien de tel à apprehender, puis que l'affaire estoit entierement en la main du Card. Albert, auquel il importoit extrêmement que la paix se conclust; parce qu'autrement il ne receuroit pas endot la Flandre, & ne pourroit jamais esperer de succeder par le moyen de sa femme, à tant de Royaumes & d'Estats. Neantmoins que chacun prist garde à soy; pource que n'y ayant ny paix ny treve, chacune des parties pouuoit faire ce qu'elle estimeroit luy estre le plus auantageux.

Les François s'appaiserent au discours du Legat, & quelques iours apres ils receurent des lettres de la Cour, qui estoit à Angers. Par elles ils apprirent de Monsieur de Villeroy que le Duc de Mercœur auoit enuoyé sa femme trouuer le Roy, pour faire son accommodement, & que l'on croyoit que sa Maiesté Tres-Chrestienne feroit ses Pasques dans Nantes. Cet aduis fut confirmé de Paris par plusieurs personnes. Ce qui fit que le Legat s'estonna moins que le courier ne fust pas encore de retour. Car il s'estoit passé assez de temps pour estre retourné commodement. Neantmoins il estoit en quelque défiance, pource qu'on escriuoit de Paris, qu'il estoit venu d'Angleterre vn Ambassadeur tres-bien accompagné. De sorte qu'il ne se pouuoit assurer, encore que les François dissent que cela ne pouuoit en rien alterer le traité de paix, quand bien les nouvelles, qu'ils ne croyoient pas, eussent esté vrayes, qui di-

soient que la Reine d'Angleterre auoit fait de grandes offres; parce que son Ambassadeur n'auoit voulu negotier avec personne, encore que le Roy eust ordonné qu'il s'arrestast à Paris, & qu'il traitast avec le Conestable, & quelques autres, attendu qu'il ne vouloit pas qu'il fust le voyage de Bretagne, pour ne le pas laisser approcher de si près des heretiques de France, de crainte de quelque sedition.

Les ehoses estans en ces termes, & le Roy avec vne armée en Bretagne, le Legat estoit en inquietude, à cause des longueurs, & encore qu'il fût resolu à la patience, contre l'opinion de quelques vns, il n'estoit pas pourtant sans apprehension. Pendant ce temps il fut attaqué de sa colique nephretique. Vne lettre venuë de Flandres le trauailloit encore, qui portoit, que le Cardinal Aldobrandin estoit subitement party de Ferrare pour aller à Rome. Ce qui donnoit suiet de craindre qu'il ne fust surueu quelque accident de maladie au Pape. Et encore que la lettre de Flandres, qui estoit du Nonce qui y residoit, fût dattée du cinquième de Mars, & que le Legat en eût vne autre du Cardinal Aldobrandin du vingtième de Fevrier, par laquelle on voyoit qu'il n'auoit pas lors dessein de partir qu'apres les Festes; il ne s'enluiuoit pas qu'il n'eust pû changer d'aduis. Il y auoit eu assez de temps, quoy que tres-court, pour que cette nouuelle differente peust estre venuë de Flandres.

Pendant ce temps, l'incertitude de la conclusion du traité trauailloit le Legat, considerant tous les suiets de défiance qui naissoient. Il fondeoit son esperance sur ce que vray-semblablement le Roy differoit de faire sa responce, à cause que l'accord du Duc de Mercœur n'estoit pas encore fait. Comme on estoit en cette grande attente de la responce de sa Maiesté, elle arriua le dix-neuuième au soir, portée par le mesme courrier. La matinée suivante le Legat n'en sceut point le particulier, parce que luy & les François estoient occupez au seruice du Roy de la Passion. Mais ils luy demanderent audience, qu'il leur donna apres le dîner. Estans arriuez, ils luy repeterent avec de belles paroles, ce qui s'estoit traité au nom du Roy. Ils remercierent le Legat des grandes peines qu'il se donnoit pour le bien de la paix, & luy presenterent les lettres de creance de sa Maiesté. Par ces lettres le Roy disoit auoir remercié sa Sainteté, par sa responce, de la grande affection & de l'iuincible perseuerance avec laquelle l'affaire de la paix estoit traitée. Ils entrerent apres au particulier, confirmans toute la negociation entre la France & l'Espagne par l'entremise du Cardinal d'Autriche. Ils se plainquirent pourtant de ne pouuoir obtenir l'artillerie des places qui leur deuoient estre rendues, comme aussi den'auoir pû conferuer la neutralité de Cambray. En suite ils parlerent avec beaucoup de ressentiment du procedé du Duc de Sauioye; recitant toutes les iniures que le Duc auoit faites à la Couronne de France; & les mauuais moyens qu'il auoit tenus en traittant de la paix du temps de son Ambassadeur Iacob. Que le Comte d'Auuergne en faisant sa reconciliation avec le Roy, les auoit découuerts. Ils adiousterent que

ce Duc traitant avec vn Roy puissant, & qui estoit obey de tous ses sujets, deuoit negotier comme inferieur, mesmement apres que le Duc de Mercœur auoit fait son accommodement, la femme ayant déjà soufcrit des articles, qui portoient qu'il abandonneroit le Gouuernement de Bretagne: Que le Roy luy donneroit trois cens mille escus, & cinquante mille liures de pension, & qu'une sienne fille unique de sept ans seroit donnée en mariage à César Monsieur, auquel on donneroit le Gouuernement de Bretagne. Qu'il ne restoit à ces articles, le Roy les ayant déjà agreez, que la signature du Duc de Mercœur, qui estoit attenduë de iour à autre à Angers, où le Roy estoit. Apres cette digression, ils reuinent à leur premier discours, & dirent enfin que sa Majesté n'auoit pas le compromis agreable. Non pas qu'il n'eust toute confiance en Clement VIII. mais pource qu'il croyoit qu'il y alloit de son honneur, apres s'estre accommodé honorablement avec les Espagnols, de faire son accord avec la Sauoye dans vn si grand desauantage, que de compromettre de ce qui luy appartenoit. Outre cela, qu'il n'auoit pas assurance de la vie du Pape, & que s'il venoit à manquer avant que d'auoir donné son iugement, il pourroit auoir vn successeur qui ne luy seroit pas confident, & lequel neantmoins il n'ozeroit recuser, pour ne le pas mescontenter, & se le rendre ennemy dès le commencement de son Pontificat. Ils dirent encore assez d'autres choses, qu'il n'est pas besoin de rapporter, pour n'estre pas essentielles. Enfin ils se mirent à prier le Legat, avec beaucoup de sollicitation, qu'il n'abandonnast pas pour cela l'entreprise, & qu'il persistast à procurer quelque satisfaction au Roy. Qu'il ne desespérast pas pour cela des affaires, & qu'il pourroit trouuer quelques moyens d'accorder, ayant assez d'autorité pour disposer les parties à ce qui luy sembleroit à propos. Cette responce ne contenta pas le Legat, en ce qui regardoit le particulier de Sauoye, & s'en plaignant leur repliqua qu'il ne sçauoit quel party proposer aux Espagnols, ny au Sauoyard qui estoit tout rebatu de la façon dont il auoit esté receu par l'Ambassadeur du Grand Duc. Que sans doute il se rendroit suspect, & peutestre l'estoit-il desja, d'estre partial pour la France. Qu'ils n'auoient pas deu se charger d'escrire en Cour, veu le succès, apres auoir donné esperance que le Roy trouueroit bon ce qui s'estoit traité. Que l'affaire n'estoit plus en son entier. Que les Espagnols estoient en vne extrême defiance, voyant le Roy armé avec quatorze mille hommes d'infanterie, qu'il soudoyoit tousiours: se dourans qu'il vouloit accommoder ses affaires, & se mettre en bon ordre pour faire la guerre; & cependant les entretenir de paroles. Que le Duc de Sauoye n'estoit plus en l'estat precedent; parce qu'il estoit venu nouuelle à son Ambassadeur, qu'il auoit repris la vallée de Morienne, & la ville de S. Iean, avec grande perte des troupes de Lesdiguières, & d'un fort qu'il auoit construit en ces quartiers-là; & que Croquy son gendre auoit esté pris prison-

nier par le Duc de Sauoye, avec quatre Capitaines. Les François respondirent qu'ils n'auoient appris cette nouuelle que dans Veruins : mais que quand elle seroit veritable, ce n'estoit rien ; pource que la valée de Morienne, & S. Iean n'estoient pas choses qui se pussent defendre, estans ouuertes à quiconque estoit maistre de la Campagne. Ainsi que tout cela n'autoit pas la suite que l'on pensoit ; veu que Lesciguières reprendroit tout, & mettroit le Duc de Sauoye en pire estat que deuant, Le Legat ne gousla pas ces raisons : & sur l'instance que luy faisoient les François, qu'il trouuaist quelque accommodement ; il ne iugea pas à propos d'en proposer aucun, & les conuia de faire quelque ouuerture. Estans forts pressés par le Legat, ils dirent qu'on pourroit déposer le Marquisat entre les mains de quelque Prince, nommant mesme le Pape, & au mesme-temps faire le compromis des mains de sa Sainteté. Ce party ne pleut pas pour diuers respects au Legat. Il ne le reprouua pas ; & il n'y consentit pas aussi. Apres quelques propos, on se venir le General, qui entendant la resolution de sa Majesté, à l'égard de la Sauoye, eut mauuaise opinion de l'affaire. Les François donnerent beaucoup de bonnes paroles, & conclurent qu'il falloit presser l'affaire ; disans que si elle ne se concludoit dans deux iours, c'en estoit fait, & qu'il n'en falloit plus parler. Le General dit qu'il ne voyoit pas ce que l'on pouuoit traiter, eux ne specifians point iusqu'où, & à quoy S. M. tres-Chrest. consentiroit. Les François dirent qu'il estoit bon de dormir là dessus, & que le lendemain matin on parleroit de nouveau : où peut-estre il s'ouuroit quelque party. Le General estant demeuré avec le Legat, ils resolurent que le premier iroit trouuer les vns & les autres ; tâchant d'adoucir les Espagnols & de tirer dauantage des François. Ils furent au sortir de chez le Legat, visiter les Espagnols, à qui ils parlerent fort courtoisement ; de sorte qu'ils ne comprirent nullement par leurs discours où alloit l'affaire. Le General les alla tous voir ; & les François luy dirent qu'il estoit nécessaire d'adoucir le Roy, qui estoit fort indigné contre le Duc de Sauoye ; & que le moyen de le faire, estoit de luy restituer quelque chose de ce que le Duc tenoit ; & du reste en faire un compromis au Pape. Le General leur demandant, si au cas qu'on fist condescendre l'Ambassadeur de Sauoye à quelque chose de plus, ils auoient pouuoir de conclure, sans escrire à la Court de nouveau ; ils luy respondirent qu'il y faudroit depescher, adjoustans qu'ils ne s'asseuroient pas que le Roy acceptast ce qui seroit proposé. Le General rapporta le tout au Legat, qui se fâcha de tout ce qui s'estoit passé, & soupçonna qu'il y eust là dessous quelque stratagème, pour tirer de longue sans rien faire ; & que le Roy voulust accommoder ses affaires, & puis rompre, quand il les auroit entretenus-là tant qu'il auroit iugé à propos, fondant cette opinion sur quelques indices qu'il en auoit. Estant en cette inquietude, les Espagnols luy demanderent audience, qui leur fut sur l'heure accordée. Estans venus, ils firent beaucoup de

plaintes, & dirent qu'il sembloit qu'on se moquoit d'eux, & qu'ils ne sçauoient plus que mander au Cardinal, ny comment disposer la Sauoye, ne voyans seureté sur chose quelconque. Qu'ils estoient venus pour faire la paix, mais qu'ils n'eussent iamais creu estre traittez de la sorte. Qu'ils le venoient trouuer pour prendre acte, qu'il n'auoit pas tenu à eux ny à leur Maistre, qu'on ne fust venu à vne conclusion, mais bien aux François; afin qu'il pût faire foy à sa Sainteté de cette verité. Le Legat leur fit responce avec beaucoup d'adresse, & pour les diuertir du discours qui les portoit à la rupture, leur repeta tout ce qui s'estoit passé en cette affaire de la paix; montrant que de tous costez on auoit traité réellement & sans fraude. Qu'à la verité les choses auoient quelquefois changé, mais que iamais on n'auoit trompé. Qu'il connoissoit fort bien ceux avec qui on traittoit, & particulièrement le naturel du Roy de France, qui n'alloit pas seulement à l'utile, mais beaucoup plus à l'honneur, lequel sa Maiesté mesnageoit fort. Ce qui estoit aisé à voir: parce qu'il demouroit d'accord de tout ce qui auoit esté traité avec le Roy d'Espagne & le Cardinal d'Autriche. Mais qu'il ne pouuoit souffrir qu'un sien inferieur retint son bien, & voulut traiter avec sa Maiesté avec tant d'auantage. Qu'il ne sçauoit pas bien ee que les François vouloient ou pouuoient faire; mais que quand on deuroit depescher un autre courrier, le temps pour auoir la responce n'estoit pas si long, que quand ils le deueroient perdre, ils ne deussent l'attendre, vn chacun gardant cependant ce qu'il feroit.

Il leur fit comprendre que le Roy de France ne pouuoit pas faire voler vne armée contre la Flandre & le Roy d'Espagne, & que ce qu'il auoit de troupes en Bretagne, n'estoient pas pour venir en Picardie. La plus grande partie de ceux qui seruoient là sa Maiesté, le faisoient plus pour se deliurer du Duc de Mercœur, que pour autre respect. Les Flamans ne contredirent point à ces raisons, mais ils luy firent instance qu'il fust paroistre quelque effet de son autorité; luy tesmoignant au reste beaucoup de respect, & vne grande creance. Sur quoy ils prirent congé de luy. Le Legat enuoya querir les François, & les pressa plus qu'il n'auoit iamais fait, de luy dire ce qu'ils pouuoient faire. Ils luy respondirent, que le Roy ne leur auoit donné aucun pouuoir de conclure, quoy que ce peust estre, avec le Duc de Sauoye, s'il ne restituoit le Marquisat; mais qu'ils apprenoient de leurs amis, qui auoient la familiarité du Roy, que s'il adoucissoit l'esprit de sa Maiesté, avec quelque restitution, ils esperoient avec grand fondement qu'elle consentiroit à vn accord. Le Legat leur demanda, si avec cette condition ils auoient plus d'esperance du succez qu'à l'autre proposition. Ils respondirent qu'ouy. Le Legat leur protesta, que s'il en alloit autrement, il publieroit qu'on luy auoit manqué de parole. Ils s'arrestèrent à luy faire voir avec de puissantes raisons, qu'ils auoient tousiours procedé avec verité. Que ç'auoit esté sans fraude, & qu'ils auoient desiré la paix, comme ils la desiroient encore. Et là dessus

prirent congé du Legat, le laissant en meilleure humeur qu'il n'estoit
 avant leur venuë. On ne parla depuis que fort peu aux Flamans, qui se
 plaignoient beaucoup de ce que les François vouloient traiter, n'en
 ayant pas le pouuoir, quoy qu'au commencement ils eussent dit le con-
 traire. Neantmoins le General fit tant avec eux, qu'ils consentirent, &
 l'Ambassadeur de Sauoye aussi, à la restitution de Berre, & qu'un fort
 occupé par le Duc de Sauoye fust demoly; & qu'il ne protegeroit aussi
 un certain la Fortune, qui tenoit une place dans la Prouence: Apres quoy
 l'on feroit suspension d'armes. Tous les differends se remettoient au Pa-
 pe selon le traité, & qu'on concluroit la paix: En suite qu'on feroit tou-
 tes les diligences possibles, & qu'on depescheroit un courrier au plu-
 tost. Apres cela les François furent par civilité trouuer les Espagnols,
 & traitèrent ensemble fort au long, dressans les articles du traité. Ce-
 pendant le Legat auoit l'esprit en grande inquietude, se trouuant assez
 de personnes qui le mettoient dans les défiances, luy assurant que le
 Roy ne vouloit point la paix, & n'auoit iamais eu intention de la faire.
 Qu'il s'accommoderoit avec la Reine d'Angleterre, & les Estats de Ho-
 lande, & puis se mocqueroit du Legat, l'ayant tenu cinq mois hors de
 Paris, assez indignement pour luy & pour le Pape. Qu'il estoit donc
 temps qu'il vit clair en cette affaire, & qu'il ne se laissât pas donner des
 paroles vaines. Tous ces propos estoient autant de coups qui perçoient
 le cœur du Legat: & ce d'autant plus viuement, qu'il ne se portoit pas
 bien, estant trauaillé du mal de reins, & d'une debilité d'estomach. Il
 n'auoit personne que le General sur qui il peust delcharger son cœur,
 encore estoit-il luy mesme si ennuyé de tant de longueurs & de tant de
 défiances, qu'il auoit besoin d'un tiers pour estre fortifié. Neantmoins
 le Legat estoit resolu de prendre patience. En quoy il ne pretendoit pas
 faire de preiudice au Pape, veu qu'il n'estoit pas seul en cela; les deux
 parties interessées estans obligées à la mesme chose. Il ne pouuoit croi-
 re, considerant le naturel du Roy de France, d'estre trompé; & enfin,
 il ne hazardoit rien qui touchast le Pape, duquel il scauoit que ce Roy
 auoit besoin necessairement en d'autres affaires; & d'ailleurs que tres-
 certainement il estimoit, aimoit & reueroit sa Sainteté. De sorte qu'il n'y
 auoit point d'apparence qu'il luy voulust faire un affront. Il consideroit
 que ce n'estoit pas le Roy qui se retiroit du traité, puis qu'il auoit
 tousiours dit qu'il vouloit auoir le Marquisat, & qu'il n'auoit iamais
 donné esperance d'autre condition. Il auoit donc pris une ferme resolu-
 tion de ne point rompre, d'attendre, de repliquer, de prier, d'admone-
 ster & de perseuerer, sans en venir aux protestations, que quelques-uns
 luy conseilloyent. L'estat neantmoins auquel il se trouuoit, estoit assez
 fâcheux. Son esperance estoit en Dieu, aux prieres du Pape, en la sin-
 cerité du Roy, au besoin des autres, & en la confiance qu'auoient en
 luy toutes les deux parties; qui estoient également assurez de sa bon-
 ne foy: reconnoissant sa neutralité, & son cœur exempt de tout interest,
 & de

& de toute passion. Les Deputez s'estans trouvez plusieurs fois ensemble, ayant recapitulé tout le passé, & de nouveau conuenu avec l'Ambassadeur de Sauoye; on tint le vingt-cinquième l'assemblée deuant le Legat. Là Monsieur de Bellievre rapporta tout ce qui s'estoit passé en l'affaire de Sauoye; & repeta la premiere proposition qu'on auoit es-
crite au Roy: laquelle, comme il dit, n'ayant pas esté acceptée par sa Maiesté, afin de ne pas rompre le traité, on auoit conuenu de nouveau de renuoyer vn courier au Roy avec lettres expressees, par lesquelles il estoit porté, que le Duc de Sauoye offroit de rendre à sa Maiesté, deux mois apres la signature des articles, la place de Berre, de démolir le fort d'auprès Grenoble, & d'abandonner la protection de la Fortune, qui tient vne place de la Couronne en Prouence, remettant tout le reste au Pape, comme on auoit conuenu au precedent. Monsieur de Bellievre ayant finy, le Legat demanda si tous consentoient à cela. Ils responderent qu'oüy: & l'Ambassadeur de Sauoye le pria le mieux qu'il peust, d'y contribuer sa faueur. Cela fait, cet Ambassadeur se retira, & tous les autres demurerent, discourans fort particulièrement sur plusieurs points qui importoit aux deux Couronnes.

Les François arressterent, que quand les articles seroient signez de toutes les parties, on les mettroit entre les mains du Legat: Mais que l'on tiendroir la paix secreta; & que tous demeureroient dans Veruins iusqu'à la conclusion. Ils demanderent aux Espagnols qu'apres la souscription des articles, on ostant aussi-tost de Blauet la garnison Espagnole superflue pour la garde de la place. Ce qui fut accordé par eux; en donnant par les François les barques & commoditez requises pour les tirer de là. A quoy les François ayans repliqué, qu'ils n'y estoient pas obligez, les autres les en requierent de courtoisie, promettant donner assurance que les barques seroient renuoyées. Les François promirent de faire leur possible pour l'obtenir. Mais ils firent quant & quant paroistre qu'il n'y auroit pas grand' difficulté. Ils firent tous leurs excuses au Legat de ce qu'ils l'arrestoient si long-temps, & luy faisoient souffrir tant d'incommoditez en ce lieu-là. Il repartit, qu'il estoit vray qu'il souffroit: mais que c'estoit plus de l'esprit que du corps, & qu'il ne falloit pas prendre garde à cela: estant vray que pour conduire à bonne fin vn aussi saint ou-
rage, il n'en partiroit volontiers de dix ans: Mais il les remercia tous au nom du Pape, & du sien, de ce qu'il reconnoissoit bien qu'ils cheminoient rondement & vniuersement tous pour la conclusion de l'affaire. Surquoy il tomba en vne telle tendresse, qu'on luy vit ietter des larmes. Il pressa l'expedition du courier, & escriuit au Roy vne lettre pleine d'affection, le priant avec beaucoup de raisons, qu'il voulust accepter les conditions. Il la montra aux François, qui en furent fort satisfaits. Il parla à tous deux à part, qui luy donnerent bonne esperance, & luy dirent, que la raison pourquoy on vouloit tenir la paix secreta, estoit pour donner cette satisfaction aux Confederéz, qu'ils eussent du temps pour y entrer. Mais qu'en-

core qu'on en vſast ainſi, le Roy n'entendoit pas gaſter ſes affaires en leur conſideration. Ils parloient & auoient negotié en ſorte, qu'on pouuoit croire qu'ils auoient la conſolution entre leurs mains. Neantmoins ils ne voulurent iamais, ny en public ny en particulier, nen promettre, ny dire qu'ils euſſent aucun pouuoir.

Le lendemain matin, qui fut le 16. de Mars, le courier partit avec le paquet pour le Roy. Depuis ſon partement les François receurent des lettres de M. de Villeroy, par leſquelles il aſſeuroit, qu'encore que la paix eût beaucoup d'ennemis, le Roy perſeueroit à la vouloir. Depuis celles-là, il en vint d'autres, qui accuſoient l'arriué du courier, & excuſoient le Roy, de ce qu'il n'auoit pas encore fait reſponſe, aſſurant que S. M. n'auoit ſuperſédé que ſur l'attente des Holandois, pour traiter avec eux : & quant à l'Angleterre, ils diſoient qu'on auoit negotié avec l'Ambaſſadeur de la Reine, & qu'elle eſtoit diſpoſée à la paix.

Le Legat eſtoit cependant fort en ſuſpens & fort trauaillé, eſperant d'un coſté & craignant de l'autre, en ce qu'il luy ſembloit que l'eſtat des affaires changeoit. Car le Duc de Sauoye auoit pris la Morienne, fait beaucoup de prifonniers, & entr'autres Crequy gendre de Leſdiguieres, avec vingt Capitaines. Leſdiguieres auoit pris depuis le fort de Barant par force en vne eſcalade, & le C. la Fortune s'eſtoit accordé avec le Mareſchal de Biron. Il ne reſtoit rien à faire du nouueau traité, que la reſtitution de la place de Berre. Les François donnoient bon courage, aſſurant que tous ces accidens ſuruenus, n'alteroient en rien l'affaire de la paix. D'autre coſté, ils ſe plaignoient que lors que l'on eſtoit le plus auant dans le traité de paix, le Duc de Sauoye auoit fait de nouuelles entrepriſes. Les Flamans d'autre part diſoient, que le Roy de France vouloit faire ſes affaires, ſous le pretexte du traité de paix, & qu'apres les auoir faites, il recommenceroit la guerre, ayant deſia accommodé les affaires de Bretagne avec le Duc de Mercœur, & n'attendant que le temps à propos pour rompre le traité.

Les vns & les autres alloient faire leurs plaintes au Legat : & bien que cela le falſchaft aſſez, il les appaiſoit neantmoins par bonnes raiſons ; faiſant voir aux Flamans que le Roy de France auoit beaucoup d'affaires importantes, & qui le preſſoient, auſquelles il ne pouuoit remedier qu'en faiſant la paix. Que iuſqu'à la fin il luy eſtoit impoſſible de croire qu'on le trompaſt. Qu'en tout cas, il n'y auoit trêue qu'à quatre lieux aux enuirs des lieux où ils eſtoient ; & qu'on n'empeschoit perſonne de penſer à ſoy, & faire ſes affaires. D'autre coſté, il aſſeuroit les François, que le C. Albert ne feroit rien qui puſt preiudicier à la paix, veu qu'elle luy eſtoit ſi aduantageuſe, que par ſon moyen il gaignoit la Flandre, & l'Infante pour femme ; par le mariage de laquelle il pouuoit pretendre au Royaume d'Eſpagne, n'y ayant comme rien qui l'empeschaft d'y paruenir. Il ne ſe peut dire combien de peine prit le Legat en ce temps, qui fut de beaucoup de iours. Apres leſquels le courier reuint d'Eſpagne, qui apporta les pouuoirs de traiter & d'accorder avec l'Angleterre, & les contre-ſeings neceſſaires pour le demantelement de Blauet.

Le Roy de France le sceut, & fit instance qu'on tint les choses secrètes à Veruins, se plaignant par ses lettres que le courrier auoit dit beaucoup d'impertinences à son passage par la France ; sçauoir, que la paix estoit faite, & que si le Duc de Sauoye ne se vouloit accommoder, le Roy d'Espagne l'abandonneroit. Tousces dégousts venoient au Legat, qui d'ailleurs entendoit semer de mauuaises nouuelles de Paris dans sa maison, par lesquelles on donnoit aduis que le Roy se mocquoit du Pape & du Legat. Cela l'affligeoit : neantmoins il demouroit ferme, asseurant tantost l'une des parties, & tantost l'autre. Et veritablement elles ne se retiroient iamais d'auprès de luy, qu'elles ne fussent en repos. Il tenoit toute l'affaire secreete, sans en rien communiquer à pas vn des siens. Ce qui ne laissoit pas de luy donner de l'inquietude : parce qu'ils l'importunoient sur cela de leurs plaintes, tant par personnes qui les luy rapportoient, que mesme en parlant à luy. C'est vne merueille qu'il ne luy suruint point de maladie, causée par l'agitation qui luy venoit de tant de lieux, en vne affaire de telle importance. Estant en toutes ces peines, la nuit du quatorzième d'Avril le courier retourna. Le General le sceut auant le Legat, & le lendemain matin il luy en vint donner aduis, sans sçauoir quelle responce il apportoit. Il fonda là dessus Monsieur de Sillery : mais il n'en pût rien tirer. Cela donna bien de la peine au Legat, craignant que le Roy ne persistast à vouloir auoir le Marquisat. Car il faisoit de mauuaises coniectures de ce que les François tardoient à luy en venir donner aduis, & de ce qu'ils n'auoient voulu se decouurir de quoy que ce soit au General. Quelque temps apres les François le vinrent trouuer, & avec vn long circuit de paroles, Monsieur de Bellievre dit, que son Roy vouloit la paix, qu'il n'auoit point changé d'aduis, & qu'il ne vouloit point innouer vne seule syllabe en tout ce qui auoit esté concerté. Qu'il acceptoit les conditions proposées pour le Duc de Sauoye ; c'est à sçauoir que la place de Berre luy seroit renduë, & que ses pretentions sur le Marquisat de Salusses seroient remises au iugement du Pape, comme il auoit esté arresté. Mais qu'il vouloit outre cela absolument que le Cardinal d'Albert fist vne trêve de quatre mois avec l'Angleterre & la Hollande, afin qu'ils eussent du temps pour conuenir avec le Cardinal, de la paix, dont il esperoit venir à bout, encore que les Holandois fissent tous les efforts pour faire continuer la guerre ; & qu'il estoit content qu'aussi-tost que le Cardinal auroit accepté la trêve, on fist la paix entre la France, l'Espagne & la Sauoye, & qu'on en signeroit les articles, qui seroient mis entre les mains du Legat, pour n'estre publiées qu'après qu'on auroit veu ce qui arriueroit du surplus. Cette responce fut fort agreable au Legat, & en rendit graces à Dieu. Elle luy fut confirmée par vne lettre du Roy Tres Chrestien, fort pleine d'affection & d'honneur : Premièrement enuers le Pape, & puis à l'esgard du Legat mesme. Auant que les François se retirassent, il fit appeller le General, & voulut que Monsieur de Bellievre repetast la

mesme chose qu'il luy auoit desia dite. Le General se chargea de l'aller faire sçauoir aux Deputez du Cardinal, comme il fit. Vn peu apres ils furent trouuer les François, où ils conuinrent, avec beaucoup de repliques, que le President Richardot iroit rendre compte de la réponse du Roy au Cardinal, & rapporteroit la resolution de la trêve proposée.

Il partit en poste le quinze d'Avril, deuant le iour. Ils ne donnerent point de part de cela à l'Ambassadeur de Sauoye, de peur qu'il ne le diuulgast, dequoy il tesmoigna beaucoup de ressentiment. Mais le Legat l'appaîsa, qui sçauoit si bien se conduire, qu'ils demeuroident tous dans l'observation de ce qu'il leur vouloit persuader, sans que personne le contredist, l'aymans & l'estimans tous plus qu'on ne sçauoit dire.

Le retour du President fut le dix-huitième d'Avril à midy. Le General le fut trouuer pour sçauoir quelles nouvelles il apportoit. Il luy dit, que le Cardinal n'auoit voulu aucunement accepter le party de la trêve avec les Holandois, pource qu'il y alloit de son honneur, & de celuy du Roy d'Espagne, de faire trêve avec des vassaux rebelles, qui se vantoient par tout qu'ils ne vouloient ny paix ny trêve avec le vieux Roy d'Espagne. Le President s'excusa de n'auoir peu obtenir dauantage du Cardinal, le pria de rapporter cela au Legat, mais de n'en parler si tost aux François. Le General s'en alla fort mal satisfait trouuer le Legat, & luy fit son rapport de tout. Cela le fâcha infiniment. Il consulta avec le General, ce qui se deuoit faire, pour ne pas rompre, là dessus, le traité de paix. Apres beaucoup d'aduis, ils se resolurent d'enuoyer querir les François; & que le Legat leur fîst entendre priuement cette réponse, leur demandant conseil de ce qu'il deuoit faire pour ne pas rompre. Messieurs de Bellievre & de Sillery tesmoignerent estre fort picquez de cette nouuelle; disans qu'ils auoient esté trompez, & qu'ils auoient trompé leur Roy, puis qu'ils auoient escrit à sa Maîesté, sur les paroles des Deputez du Cardinal, qu'ils auoient vne esperance comme certaine d'obtenir la trêve. Qu'ils ne pouuoient rien proposer ny donner aucun conseil, mais qu'ils estoient resolu de rompre à l'heure mesme, escrire au Roy, & partir; ne voulans plus ouïr parler de paix, de laquelle ils estoient rebutez. Que ce qu'ils auoient fait iusques là, seroit sans doute leur ruine, puis qu'ils auoient trompé leur Roy, encore que sans y penser, & qu'ils l'eussent esté les premiers. Le Legat leur laissa letter leur colere, & avec beaucoup de patience taschoit de les adoucir. Il leur dit, que s'ils vouloient rompre, il ne les en pouuoit pas empescher: mais qu'il estimoit, quant à luy, qu'il le falloit éuiter. Il leur proposoit quelques ouuertures pour les entretenir & laisser reposer leur bile. Cependant il fit venir le General, lequel venu, rapporta tout ce qu'auoit dit Richardot, comme il l'auoit desia fait entendre au Legat. Il dit aussi aux François qu'il leur estoit libre de rompre, mais qu'il seroit tousiours temps; & n'estimoit pas qu'ils le deussent faire, qu'ils n'eussent entendu la réponse

de la propre bouche de Richardot. Monsieur de Bellievre s'alençit vn peu, disant que ce n'estoit pas à eux à rompre, mais au Roy. Qu'ils seroient bien aises d'auoir vne responce precise à l'heure mesme, pour depecher vn courrier à la Maieslé, qui auoit tousiours entretenu les Confederez, pour s'accommoder avec eux, au cas qu'on ne consentist pas à la tréue. Qu'au surplus, ils ne desiroient pas qu'on les amusast dauantage, pour estre ruinez auprès du Roy, comme c'estoit peut-estre le dessein des Espagnols. Qu'ils vouloient donc auoir responce, & qu'eux estant allez faire la proposition, la ciuilité vouloit que les autres leur vinsent faire la responce. Le General leur respondit, que cela estoit de la bienfiance, mais que Richardot estoit vieux, & fort las d'auoir couru la poste. Qu'il croyoit qu'on deuoit attendre au lendemain, veu mesmement qu'il estoit desia nuit. Les François ne vouloient point consentir à cela, & disoient affirmatiuement, qu'ils vouloient depecher sur l'heure vn courrier. Le Legat voyant cette resolution, & d'ailleurs que Monsieur de Bellievre s'adoucissoit vn peu, proposa que le General alast trouuer les Flamans, & leur fist rapport de ce qui s'estoit passé avec Monsieur le Legat, leur disant que les François ne vouloient pas attendre dauantage, & qu'ils donnaient responce. Le General s'y en alla aussitost, avec promesse de reuenir leur dire ce qu'il auoit negocié, comme il fit. Cependant le Legat escha d'adoucir les François, leur disant que le Roy n'auoit pas suiet de se plaindre. Qu'il ne s'agissoit pas de chose qui fust à mespriser, & qu'il falloit retarder la rupture le plus qu'on pourroit. Qu'il estimoit impossible qu'il ne se trouuast quelque moyen de surmonter l'empeschement qui se presentoit, lequel estoit fort leger, si l'on consideroit la substance & l'importance de l'affaire. Qu'il scauoit bien que les Deputez Flamans estoient tres déplorans de cet accident, & que sans doute leur procedé estoit franc, comme ils pouuoient croire qu'auoit aussi esté le sien; pouuant dire qu'il auoit travaillé de sorte en cette affaire, que pendant six mois il auoit esté comme en Croix. Qu'il sembloit qu'il estoit iuste, que si on deuoit rompre, cela se fist de sorte, que la Sainteté ne se peust pas plaindre de tous, mais seulement de ceux qui en estoient cause. Qu'on combattoit pour vn petit poinct d'honneur, qu'on trouueroit peut-estre moyen d'accommoder; & qu'en tout cas, ayant cheminé droitement en cette affaire, ceux qui en estoient fort bons tesmoins, estoient obligez par toutes sortes de considerations, à faire que le monde, qui iuge des choses par leurs effets, conuist icy la verité; puis qu'il auoit seruy le Roy & le Royaume avec tant d'affection. Monsieur de Bellievre respondit qu'il auoit raison, & que c'estoit à quoy on ne manqueroit pas, luy feschant fort que tant de peine qu'il auoit prise ne seruoit de rien. Sur cela le General retourna, qui estoit assez satisfait. Il les pria de ne depecher point que le lendemain matin; Richardot se trouuant mal en effet. Qu'au surplus, on leur donneroit de telles raisons, que peut-estre ils auroient moins suiet de se

scandalizer. Les François s'appaiserent. Ils ne promirent pas neantmoins de ne point de pescher.

Le lendemain matin dix-neufième d'Avril, les Espagnols vinrent trouuer le Legat, & le prierent de trouuer bon que le General allast à Bruxelles, afin que le Roy Tres-Christien eust ce qu'il demandoit; c'est à sçauoir, qu'on fist vne suspension d'armes pour trois mois. Le Legat le permit, & escriuit au Cardinal, le priant de fauoriser & de mettre fin au traité de Paix: sans entrer en des considerations qui n'estoient pas de grand aduantage, & qui ne pouuoient estre approuuées.

Le General partit, & fut tant en chemin qu'à Bruxelles, jusqu'au vingtcinquième. Il escriuit pendant son seiour vne lettre au Legat, par laquelle il luy faisoit entendre accottement, que l'affaire alloit bien. Estant de retour, il rapporta que le Cardinal trouuoit bon de donner sa parole pour deux mois de trêue, & non plus. Il y eut beaucoup d'allées & de venues, & de contestations entre les François & les Flamans. Enfin les François & tous les autres s'accorderent de souscrire les articles en la façon qu'il auoit esté arresté auparauant, sans faire aucune mention des Confederez: & travaillerent à accorder leurs escritures. Estans absolument d'accord de tous les chefs, ils se donnerent entr'eux la parole de faire suspension d'armes avec les Confederez, pour deux mois seulement, qui commenceroient à courir du iour de la ratification par les deux Couronnes & Sauoye.

Cela estant ainsi arresté, le diable ne manqua pas de semer de nouvelle zizanie. Lors qu'il fallut estendre les articles entre les deux Couronnes, il suruint beaucoup de difficulté, & presque vne rupture entiere, parce que les François vouloient, à cause du Royaume de Nauarre, mettre expressement, que la prescription ne pouuoit preiudicier au Roy Tres-Christien, & les autres n'y vouloient pas consentir, leur semblant que c'estoit alterer & faire tort aux raisons qui pouuoient estre acquises au Roy d'Espagne. On alla & vint tant sur cela, qu'enfin les François trouuerent bon qu'on n'en parlast point du tout. Ils estendirent les articles: & contre la volonté & l'agreement du Legat, ils voulurent les enuoyer par vn courrier exprez au Cardinal, disans, que comme il estoit si voisin, il sembloit qu'il y auoit trop d'inciuité à ne l'en faire pas participant. On les enuoya donc, & en attendant la responce, on estendit les articles avec le Duc de Sauoye, où il y eut encore de la difficulté.

Le Legat se trouuoit plein de bonne esperance, estant asseuré par les parties, qu'il ne pouuoit naistre aucun inconuenient. Neantmoins il craignoit & pensoit aux moyens de depescher secretement à Rome, selon que les François luy en auoient donné aduis. Cela se passa ainsi entre le 27. & le dernier iour d'Avril, auquel iour le courrier enuoyé à Bruxelles retourna sur le midy, avec lettres du Cardinal Albert à ses Deputez, où il approuuoit tout ce qui auoit esté négocié, sans rien changer, sinon en

choses de peu d'importance. Ainsi on se mit à haster les escriptures, & à conuenir en ce qui concernoit la Sauoye, pour laquelle il y auoit de la difficulté, à cause de la restitution des prisonniers. Car l'Ambassadeur de Sauoye disoit, que le Duc en ayant beaucoup plus que les François, il entendoit qu'ils fussent mis à rançon. Les François faisoient instance au contraire; & disoient qu'ayant esté conuenu avec les Espagnols, qu'on restitueroit librement tous ceux qui n'auoient point arresté leur rançon, sans auoir esgard au moindre, ou au plus grand nombre; on deuoit faire le mesme party avec la Sauoye.

On différa sans conclurre iusqu'au lendemain, qui fut le premier de May, où il suruint beaucoup de difficultez, qui furent toutes surmontées par le respect qu'on porta au Legat, qui ne fut pas sans inquietude. Enfin estans tous assemblez deuant luy, les articles furent escripts, & mis entre ses mains, pour estre tenus secrez pendant vn mois, si faire se pouuoit, & puis rendus aux parties, avec cette condition, Que si plustost on demeueroit d'accord de les retirer, il plust au Legat de les leur restituer.

On despeschâ vn courrier, pour en donner aduis aux deux Rois, à quatre heures apres midy, selon que l'on compte en France. Les escriptures n'ayant pû estre acheuées le soir auparauant.

Dieu soit loüé de tout, qui par son infinie puissance, & par sa grande misericorde, fit seul toute cette affaire, par les prieres ardentes de sa Sainteté, & pour le bien general de toute la Chrestienté.



A MON COVSIN LE MARESCHAL DE BIRON,
LE FILS.

MON COVSIN. Depuis peu de iours, ie suis aduertty que l'on a fait courir vn bruit aussi peu veritable, qu'il est esloigné de route humanité: aucuns presuppofans que par mon commandement, l'on faisoit prendre & tuer quantité d'enfans, pour en rir du sang, & faire seruir à quelque indisposition quel'on presuppofe estre en mon Neveu le Prince de Condé. Aussi tost que j'en ay eu la nouuelle, desireux d'en prouuer la fausseté, & reprouuer vn si cruel dessein, j'ay mandé à mon Procureur General, comme aussi au Preuost des Marchands de ma ville de Paris, que chacun d'eux fist tout deuoir possible de reconnoistre les auteurs de tels bruits, pour les faire chastier selon leur dementie. Ils ont mis peine d'apprendre l'origine d'un tel bruit, mais ils l'ont trouué aussi tost esteint & étouffé, comme finistrement il estoit né; ne s'estant trouué personne plaintiue de la perte d'aucun enfant, non seulement es ville & fauxbourgs, mais aussi aux villages circonuofins. Tout ce que l'on a pû en fin tirer de lumiere & éclaircissement de la cause de ce bruit, est, comme l'on estime, qu'un certain Grec distillateur, frequentant la maison du sieur Marquis de Pisany, qui a la conduite & gouuernement de mon Neveu, a recherché quelques fois des Barbiers & Chirurgiens de Paris, pour luy faire recouurer du sang humain, pour s'en seruir, comme il dit, à quelques distillations, esquelles il est expert. Ce qu'estant entendu d'aucuns ignorans, ou aucunement mal-affectionnez, par equiuoque ont inuenré & mis en auant le bruit susdit. J'en fais continuer l'information, & poursuiure la recherche de personnes tant ignorantes ou malicieuses, afin que leur punition fasse connoistre la verité de leur imposture: laquelle, ie me doute, pourra paruenir iusqu'à vostre Gouuernement, ou ailleurs; & donner, si elle estoit negligée, quelque mauuaise impression à mes sujets. C'est le sujet qui me fait vous escrire la presente, afin que soigneusement, & forr exactement vous fassiez prendre garde que cette mauuaise nouuelle ne prenne cours ny pied en l'esprit de nosdits sujets: faisant entendre, si besoin est, ce que vous en apprenez par la presente; & incontinent punir & chastier ceux que vous sçaurez la mettre en auant, sans exception ny acception de personne: M'asseurant que vous n'y ferez faure, ie prieray Dieu qu'il vous air, mon Cousin, en sa sainte garde. Escrit au Bois Males-herbes, le dixième iour de Iuin 1599. HENRY. POTIER.

A mon Cousin le Duc de Biron, Marechal de France, Gouverneur & mon Lieutenant General en mes pais & Duché de Bourgogne.

*TRAITE' FAIT A PARIS, ENTRE LE ROT HENRY
IV. & le Duc de Savoie, du 27. Fevrier 1600.*

Comme nostre S. Pere le Papé Clement, dernier de ce nom, a par son autorité, prudence & sollicitude paternelle, heureusement moyenné le traité de paix fait en la ville de Vervins, le deuxieme iour du mois de May 1598. Par lequel entr'autres choses a esté conuenu & accordé, que les differends indecis par iceluy, entre tres-haut, tres-puissant, & tres-excellent Prince Henry IV. Roy tres-Chrestien de France & de Navarre: Et tres-haut & tres-puissant Prince Charles Emanuel, Duc de Savoie, seroient pour bien de Paix, remis au jugement de sa Sainteté, pour estre iugez & decidez par icelle dans vn an, à compter du iour & d'acte dudit Traité, ainsi qu'il est porté par le vingt-huictieme article d'iceluy: Sadite Sainteté desirant d'establir, & de tout son pouuoir asseurer ladite paix publique, tant pour le bien commun desdits Princes, que pour auoir moyen d'auancer ses saints & louables desseins pour la gloire de Dieu, & l'exaltation de la Foy & Religion Chrestienne, apres auoir par diuerses fois fait continuer le terme dudit compromis; auroit enfin admonesté & exhorté sa Majesté, & ledit sieur Duc, de vouloir sans attendre dauantage sondit iugement, terminer lesdits differends par composition à l'amiable; lesquels sadite Sainteté reconnoissoit pouuoir alterer ladite Paix & amitié; ayant pour cet effet enuoyé pardeuers sadite Majesté, & ledit sieur Duc, l'illustrissime & Reuerendissime Pere Bonaventure Calatagione, Patriarche de Constantinople, & General de l'Ordre de Saint François. Surquoy sadite Majesté & ledit sieur Duc, meus de la reuerence qu'ils portent à sa Sainteté; pareillement de leur proximité & amitié, & de leur affection au bien & repos general de toute la Chrestienté: Sadite Majesté de sa part auroit consenty & promis à sadite Sainteté, d'entendre lesdites propositions que ledit sieur Duc pretendoit luy faire, pour composer le differend du Marquisat de Salusses. Et ledit sieur Duc de la sienne, auroit pris resolution de venir trouver sadite Majesté, pour en faciliter de tout son pouuoir la conclusion; dont s'en seroit ensuiuy par la susdite entremise dudit sieur Patriarche, qui s'y est vertueusement employé au nom de sa Sainteté; Que sadite Majesté & ledit sieur Duc ont fait, conclu & accordé les articles qui ensuiuent.

PREMIEREMENT.

Que ledit Marquisat de Salusses, sera rendu & restitué à sa Majesté, par ledit sieur Duc de Savoie, dedans le premier iour du

mois de Iuin prochain, pour en iouyr & vſer comme faiſoient les Rois ſes predeceſſeurs, lors qu'il eſtoit entre leurs mains ; ſans aucune remiſe, longueur & difficulté, fondée ſur quelque couleur & pretexte que ce ſoit.

II.

Et ſadite Maieſté promet & accorde audit ſieur Duc, de ne donner la charge & gouvernement dudit pays, à perſonne qu'il ait occaſion de tenir pour ſon ennemy.

III.

Pareillement d'employer à la garde des villes & places d'iceluy, des Compagnies Suiſſes ; excepté dans les Chasteaux où ſa Maieſté ſe veut ſeruir de Capitaines & ſoldats François, ou de tels autres que bon luy ſemblera.

IV.

Neantmoins ſadite Maieſté n'entend d'eſtre obligée de tenir des Suiſſes dans leſdites villes, que pour le temps que durera le compromis fait en la perſonne de ſa Sainteté, cy-apres déclaré & ſpécifié.

V.

Ou bien ledit ſieur Duc cederà & deſſiurera à ſadite Maieſté, pour la recompence dudit Marquiſat de Saluſſes, dedans le ſuſdit & premier iour du mois de Iuin, tout le pays de Breſſe, qui eſt ſitué depuis la riuie-re de Saone, iuſqu'à celle de Dain : laquelle riuie-re de Dain demeurera commune entre ſadite Maieſté & ledit ſieur Duc, pour en iouyr chacun de ſon coſté ; compris en iceluy la ville & Citadelle de Bourg, & les autres places qui en dependent, Barcelonete avec ſon Vicariat, iuſques à l'Argentier ; le Ralde, Sture, celuy de Perouſe, avec tout ce qui en depend : Enſemble la ville & chateau de Pignerol, avec ſon territoire ; moyennant que ſadite Maieſté luy transportera tous les droits qu'elle a audit Marquiſat : à la charge toutesſois qu'il laiſſera iouyr les habitans dudit Marquiſat, qui ont ſeruy ſa Maieſté, ou la ſeruiront cy-apres, de leurs biens librement & ſeulement : & reciproquement ceux qui ont ſeruy & ſeruiront ledit ſieur Duc, iouyront pareillement de leurs biens, tant audit Marquiſat, qu'aux autres lieux qui ſeront remis à ſadite Maieſté par ledit ſieur Duc ; ſans qu'il ſoit rien innoué deuant ledit delay, ou apres, au preiudice de ſvns & des autres, ſelon le Reglement qui en ſera fait par ſadite Maieſté & par ledit ſieur Duc.

VI.

Dauantage, les Villes & places de Centas, Demont Lesque, Permerest, Chateaudauphin, & autres tenuës par ledit sieur Duc, appartenantes à sadite Majesté : Et pareillement celles que sadite Majesté possède en Bresse, Sauoye, Barcelonete, & ailleurs, appartenantes au dit sieur Duc, seront respectiuelement renduës au mesme temps que la restitution dudit Marquisat se fera ; & en cas de permutation, celles de Bresse & Barcelonete demeureront à sa Majesté, en la forme cy-dessus dite, & les autres seront remises de part & d'autre.

VII.

Toutes lesquelles places seront renduës en l'estat auquel elles sont de present, sans que sadite Majesté & ledit sieur Duc soient tenus de payer & rembourser les despences faites de part & d'autre, à fortifier & reparer lesdites places.

VIII.

Pareillement le fort de Beche-Dauphin, basti par ledit sieur Duc durant la guerre, sera démoly en mesme-temps.

IX.

Les inuentaires deuëment certifiez de toutes les pieces d'artillerie ; poudres & boulets, & autres munitions de guerre qui estoient dedans les villes & places dudit Marquisat quand ledit sieur Duc y est entré, seront fidellement representez à sadite Majesté, quand ledit sieur Duc eslira l'un ou l'autre desdits deux partis, sur lesquels sadite Majesté declarera sa volonté pour la restitution d'icelles ; qui sera effectuée par ledit sieur Duc, tant en especes qu'en argent, au prix & ainsi qu'il fera arresté par sadite Majesté avec ledit sieur Duc.

X.

Toutes procedures, iugemens, & sentences données en Iustice d'une part & d'autre deuant le present accord, où les parties ont contesté volontairement, auront lieu, & sortiront leur plein & entier effect, en tout cas de restitution ou permutation dudit Marquisat. Toutesfois il sera loisible aux parties de se pouruoir selon l'ordre & disposition du droit, des Loix & Ordonnances.

XI.

Ne sera fait aucune recherche des impositions, contributions, & leuées de deniers & de viures faites audit pais, contre ceux qui les ont ordonnées, executées, & receuës de part & d'autre, iusqu'au present Traité.

XII.

Et afin que les habitans des villes & pays qui doivent estre restituéz, ne soient surchargez & trauallez induëment d'impositions & levées de deniers, durant le delay accordé audit sieur Duc pour opter & effectuer l'un desdits deux partis, sous couleur du payement, tant des arrearages desdites impositions, ordonnées deuant & depuis la paix de Veruins, que du courant de la solde & entretenement des Capitaines & gens de guerre commis à la garde desdites villes & pays, & autres pre-textes, iulqu'à la susdite restitution, ou permutation dudit Marquisat. A esté accordé, qu'il ne sera fait aucune levée de deniers sur lesdits habitans desdites villes & pais contreuenants à ce quia esté conuenu, tant par le traité de Veruins, que par les Reglemens & accords faits depuis pour le payement desdits arrearages & deniers par les Deputez de sadite Majesté avec ceux dudit sieur Duc, & par les Commissions expédiées par sadite Majesté & ledit sieur Duc, au commencement de l'année, pour l'entretienement ordinaire des garnisons establies à la garde desdites villes & places, & des Officiers employez dedans les Estats desdites garnisons, sans que de part & d'autre il puisse estre de nouveau imposé d'auantage : declarant tout ce qui sera fait & entrepris au contraire, sujet à restitution & reparation.

XIII.

Et sur ce que ledit sieur Duc a requis sa Majesté de vouloir approuuer & confirmer les infeodations qu'il a faites audit Marquisat, aduenant qu'il opte la restitution d'iceluy, sadite Majesté a déclaré qu'estant informée de la qualité desdites infeodations; elle y aura tel esgard que son seruice luy pourra permettre, pour la gratification dudit Duc : sans toutesfois que sadite Majesté soit obligée au remboursement de ce qui pourroit auoir esté payé pour lesdites infeodations, sinon en tant qu'il sera de son bon plaisir.

XIV.

Et d'autant que ledit sieur Duc a requis sa Majesté de luy donner temps de conferer avec ses vassaux & suiens des deux partis susdits, deuant que d'accepter & effectuer l'un ou l'autre : Sadite Majesté desirant luy tesmoigner en cette occasion, comme en toutes autres, sa bonne volonté ; a accordé audit sieur Duc la susdite eslection : à la charge aussi qu'il optera & effectuera l'un ou l'autre desdits deux partis dedans le susdit temps du premier de Iuin ; sans en retrancher, diminuer, ou alterer aucune chose, ny vser d'aucune remise, longueur, ou difficulté, fondée sur quelque couleur ou occasion que ce soit.

XV.

A quoy ledit sieur Duc a obligé dès à présent, comme pour lors, sa foy & parole : & S. M. fait le semblable, pour l'accomplissement & execution des choses accordées par les presens articles qui dependent d'elle.

XVI.

Pareillement a esté conuenu entre sadite Maiesté & ledit sieur Duc, qu'ils consenriront, comme dès à present ils consentent, apres que la restitution dudit Matquisat aura esté reellement & de fait accomplie, si ledit sieur Duc en fait option, que nostredit saint Pere le Pape Clement VIII. iuge les differends qui sont entre sadite Maiesté & ledit sieur Duc, suivant ce qui a esté accordé par le susdit traité de Veruins, & ce dans trois ans.

XVII.

Promettant d'accomplir & executer de bonne foy, de part & d'autre, ce qui sera ordonné par ladite Sainteté dedans le susdit temps, sans aucune longueur ny difficulté, pour quelque cause & pretexte que ce soit, ainsi qu'il est porté par ledit traité de Veruins.

Et pour plus grande asseurance de l'execution & accomplissement du present traité, en tous les points & articles y contenus, lefdits sieurs Roy & Duc de Sauoye, supplient tres-humblement sa Sainteté, que comme par ses bonnes & paternelles exhortations, ils sont entrez en cette voye d'accord; il luy plaise, comme Pere commun, continuer le soin qu'il a cy-deuant montré, à nourrir la paix, & affermir entr'eux vne bonne paix & amitié: & ce faisant, es occasions qui se pourroient presenter, interposer son autorité pour l'entiere & reelle execution des choses promises de part & d'autre; ainsi & en la forme qu'il est contenu au dit present traité.

Fait à Paris le vingt-septième iour du mois de Fevrier mil six cens. Signé HENRY, & CHARLES EMANUEL; avec le cachet de leurs armes. Er plus bas, de Neufville, Roncas, Secretaires d'Estat desdits sieurs Roy & Duc.

820820808010
820820808010
820820808010
820820808010

*DECLARATION FAITE PAR LES DEPUTEZ
de Monsieur de Savoie.*

NOus soussignez Gaspard de Geneve, Marquis de Lulin, Conseiller d'Estat & Chambellan de son Altesse Serenissime de Savoie, Chevalier de son Ordre, Colonel de ses Gardes, & Gouverneur du Duché d'Aouste & cité d'Iurée : Iean François Berlis, esleu Archeuesque de Tarantaife, aussi Conseiller d'Estat, & son Ambassadeur ordinaire en France : & Pierre Leonard Roncas, aussi Conseiller de sadite Altesse, Secrétaire d'Estat & de ses commandemens, Ambassadeur & Procureur de sadite Altesse : Certifions à tous qu'il appartiendra, que ce iourd'huy 27. de Iuillet mil six cens, suiuant la charge & pouuoir à nous donné par sadite Altesse, nous auons fait declaration à sa Maiesté Tres Chrestienne, que nostre Maistre estant prest d'accomplir le traité & accord fait avec sadite Maiesté à Paris le vingt-septième iour de Fevrier dernier passé, pour luy bailler satisfaction & contentement sur les deux partis portez par ledit traité, remis au choix de son Altesse, ou de remettre le Marquisat de Saluces à sa Maiesté, ou de luy baller par eschange la Bresse, Pignerol, & autres lieux designez en iceluy. Ayant sadite Altesse conféré avec ses Ministres & Vassaux, avec toute la diligence qui luy a esté possible, selon les occurrences de ses affaires, a fait & déclaré de faire option de remettre à sadite Maiesté ledit Marquisat de Saluces, aux qualitez, conditions & reserues portées par ledit traité de Paris. Promettant l'exécution conforme à iceluy, selon la forme qui sera arrestée : Pour le regard de l'artillerie, & autres reserues & conditions dudit traité, entre les Ministres qu'il plaira à sa Maiesté deputer, & nous, selon le pouuoir & procuracion que nous en auons : à la charge toutefois qu'il plaira à sadite Maiesté d'observer & effectuer reciproquement le contenu audit traité. Eten foy de ce, nous sommes soussignez les an & iour susdits, à Lyon. Signé Gaspard de Geneve. I. François Archeuesque esleu de Tarantaife, & Roncas.

*COPIE DE LA LETTRE ESCRITE PAR LE DVC DE SAVOIE
au Comte de Brandis, Gouverneur du Chasteau de Montmelian,
Le trentième Oëtobre mil six cens.*

EN execution de ce que ie vous ay enuoyé dire par le Cheualier Bricheras, me voicy à Cheual pour passer de delà avec vne si belle & si puissante armée, que si vous me voulez donner quelque peu de temps de plus que celuy qui est porté par la capitulation, vous auriez le passe-temps de voir le choc, & obligeriez à perpetuité moy & les

miens, & toute la Sauoye, à vous reconnoître pour le plus fidele, le plus vtile, & le plus signalé vassal qui soit en ses Estats. Vous vous ferez remarquer par toute la Chrestienté, qui regarde à present vostre resolution; & vous leuerez l'opprobre & l'ignominie qui vous resulteroit de vostre capitulation. Montrez, ie vous prie, que vous estes Cavalier digne de la maison dont vous estes sorty, & de l'amitié & confiance que ie vous ay eüe. Et regardez en cecy à vostre honneur principalement, & à la consequence qui doit resulter devostre resolution. Ce n'est que bien peu de iours, en cas que ie ne puisse arriuer en temps limité, & que le Cardinal Aldobrandin, qui s'est acheminé par delà, n'opere ce qu'il estime: & ne deuez regarder aux ostages, pource qu'il n'est pas vraisemblable qu'il leur mesaduienne: & d'ailleurs le pis aller, ne peut tant importer que la perte de cette place. Ecrivez moy, s'il est possible, de ce que l'en dois esperer: Car de vous depend maintenant tout le progres que ie suis pour faire avec de si belles forces. Si ie ne fusse assuré de vous donner le secours bien prompt, ie ne vous exhorterois de rompre la capitulation. Mais cette certitude me fait vous dire que vous n'en deuez faire scrupule, pour les raisons susdites, & autres infinies que vous vous deuez représenter deuant les yeux. De Iurée ce 30. Octobre 1600. Et plus bas est écrit de la main du Duc de Sauoye.

Ie croy que desia Bricheras sera à vous. Rendez moy la preuve à ce coup de tant de promesses que vous m'avez faites, & me donnez le temps que ie vous marque, & vous verrez le plaisir de là où vous estes.

MONSIEUR, Si vous auez desir de faire pour vous & vos amis, ie vous supplie de faire tenir l'incluse à celuy auquel elle s'adresse, avec la prudence & dexterité que vous iugerez estre necessaire, & ce à quelque prix que ce soit. Et s'il vous semble à propos de vous servir des Religieux de saint Dominique, ou autre moyen plus expedient, vous connoistrez assez combien cela importe à l'œil qu'il y faudra auoir: Et sur cette assurance, ie vous baise bien humblement les mains, & supplie Dieu vous conseruer en toute prosperité. Signé, vostre tres humble Frere & seruiteur, Rochete.

MONSIEUR le Prieur de saint Dominique, Ie vous prie assister à l'effet que dessus, en l'absence de Monsieur le President de la Roche, & donner ordre que cela soit effectué promptement; mais en la maniere & discretion que dessus, que personne n'y demeure engagé. Signé, Vostre entierement affectionné amy, Rochete.

Collationné sur l'original par moy,
DE NEUVVILLE.

*COPIE DE LA PROMESSE QUE LE GOUVERNEUR
de Montmelian a faite au Roy, le troisieme Novembre, pour luy
rendre ladite place le 16. dudit mois 1600.*

Nous, Comte de Brandis, Gouverneur pour son Altesse du chasteau de Montmelian, & Capitaine de ce Preside; promettons sur nostre honneur & vie, d'observer le traité fait avec sa Maiesté de la reddition du chasteau de Montmelian, & luy rendre le iour mesme qu'il est porté aux articles & composition sur ce faites. A la charge neantmoins que sa Maiesté observera de son costé ce qu'elle a signé de sa main, & promis par les responses sur iceux articles; n'innouant & contrariant en rien de ce que les responsoz & accord portent. En foy dequoy auons signé vn chacun de nous les presentes, ce troisieme Novembre 1600. Ainsi signé, de Montmajeur, Bezart, Rubert, & M. de Montmajeur, le Cheualier de Hostan, Charaues, Vallier.

*Collationné à l'original par moy,
DE NEUVVILLE.*

*POUVOIR AUX SIEVRS DE SILLERT ET PRESIDENT
Jeannin, pour le traité del'eschange fait entre le Roy Henry IV. & le Duc
de Sauoye, du Marquisat de Saluces avec la Bresse 1600.*

A Nos amez & feaux Conseillers en nostre Conseil d'Estat les sieurs de Sillery & President Jeannin, Salut. Comme nostre tres-saint Pere le Pape Clement VIII. à present seant, meü d'vne singuliere affection & sollicitude paternelle au bien general de la Chrestienté, & à la paix & tranquillité publique, ait n'agueres enuoyé son Legat en ce Royaume, nostre tres-cher & amé Cousin le Cardinal Aldobrandin, neveu de sa Sainteté, pour promouoir & favoriser les ouuertes de reconciliation & accord entre Nous & le Duc de Sauoye: Et sur ce nous ait nostredit Cousin exhorté & prié de la part de sa Sainteté, de commettre aucuns personnages de nostre part pour conferer & communiquer en sa presence avec les Deputez, qui ont ausli esté commis par ledit Duc de Sauoye à semblable fin, des poincts, moyens & articles pour paruenir à ladite reconciliation entre nous, à la gloire de Dieu, & au commun bien & soulagement de nos peuples & suiets; Sçauoir vous faisons, Que nous desirant espargner le sang humain, dont nous auons tousiours eu l'effusion en horreur, comme vn Prince craignant Dieu, desirieux de regner en paix, & viure en bonne amirié avec ses voisins: inclinant ausli au saint & loüable desir de sa Sainteté, & aux bonnes exhortations qui nous ont esté faites de sa part par nostredit cousin le Cardinal

Aldobrandin,

Aldobrandin: & estant necessaire pour traiter de ladite paix, d'y employer de nostre part personnages de la probité, loyauté & experience desquels nous ayons entiere confiance; sçachant que pour cet effet nous ne pourrions faire meilleure eslection que de vos personnes. Pour ces causes nous vous auons commis, ordonnez & deputez, commettons, ordonnons & deputons par ces presentes, pour en presence de nostredit cousin le Cardinal Aldobrandin, Legat de la Sainreté en ce Royaume, conferer avec les Deputez dudit Duc, ayant pouuoir suffisant de ce faire, tant de la restitution de nostredit Marquisat de Salusses, que des autres droits & prentions que la Couronne de France a sur les pais possédez par ledit Duc, qui peuuent nourrir la guerre entre nous, leurs circonstances & dependances, en traiter & conuenir ensemble: Et sur iceux faire conclure & arrester vne bonne, ferme & sincere paix entre nous, nos pais, terres, seigneuries & fuits; tout ainsi que nous ferions, & faire pourrions, si presens en personne y estions; iagoit que le cas requist mandement plus special qu'il n'est contenu en esdites presentes; par lesquelles nous promettons, en foy & parole de Roy, auoir agreable, tenir ferme & stable à tousiours, tout ce que par vous sera fair, promis, accordé, conuenu, conclu & arresté es choses dessusdites, circonstances & dependances, faire le tout obseruer, entretenir & accomplir en bonne foy de poinct en poinct, & en fournir de nos lettres de ratification, toutes & quantes fois que requis en ferons; sans iamais aller ne venir directement ou indirectement au contraire. En tesmoin dequoy, nous auons signé ces presentes de nostre propre main. Donné à Chambéry le vingt septiesme Nouembre, l'an de grace mil six cens. Ainsi signé, HENRY: Et plus bas, DE NEUVILLE. Et scellées en placard des armes de France.

ENSVIT LA COPIE DES DEPVTEZ DE SAVOYE.

CHARLES EMANVEL, par la grace de Dieu, Duc de Sauoye, Chablais, Aoust & Geneuois, Prince & Vicair perpetuel du saint Empire Romain, Marquis en Italic, Prince de Piedmont, Comte de Geneue, Baugé, Romont, Nist, Ast & Tende, Baron de Vaux, Gex & Fauignay, Seigneur de Bresse, Verceil, & du Marquisat de Cens, Cucille, Maron, &c. A tous presens & à venir, Salut. Comme ainsi soit que nostre tres-saint Pere le Pape Clement VIII. de ce nom, en continuation des paternels & bons offices qu'il s'est efforcé d'apporrer à la conclusion de la paix arrestée à Vervins, & solennellement iurée & publiée en l'année 1598. se seroit de nouveau meu, par son accoustumé zeile de pieté, à vouloir moyenner vn accommodement aux differends qui sont de meurez à demesler entre le Roy de France Tres-chrestien Henry IV.

& nous: Et à ces fins la Sainteté auroit legué Monsieur le Cardinal Aldobrandin, son neveu, à la Maïesté & à nous, pour proposer de sa part, d'un costé & d'autre, les moyens d'un accord, & icelluy conduire à vne finale & salutaire resolution pour le bien de la Chrestienté. Ayant bien entendu dudit sieur Cardinal Aldobrandin, les paternelles exhortations que nous fait la Sainteté; voulant totalement nous conformer à ses iustes & saintes intentions, & faire voir à elle & à tout le monde, que la nostre a tousiours visé, comme elle fait, à la conseruation de la paix, de laquelle nous sommes & serons perpetuellement inuiolables obseruateurs; estant pour ce tres-expedient de deputer nos Procureurs, pour consentir en nostre nom à tout ce que par ledit sieur Cardinal sera conclu, traité & arresté de la part de la Sainteté. A cette cause, sur la connoissance que nous auons de la probité, solide iugement, valeur & experience de vous, nos tres-chers, bien amez & feaux les sieurs d'Arconas & des Allimes Conseillers d'Estat, & sur l'entiere confiance que nous auons en vostre fidelité; Nous vous auons esleus, faits, constituez & deputez, ainsi que par ces presentes, de nostre propre mouuement, certaine science, & par l'aduis des gens de nostre Conseil d'Estat, seans prez de nostre personne, Nous vous eslisons, faisons, constituons, deputons & establissons nos Procureurs speciaux & generaux, la specialité ne derogeant à la generalité, ny au contraire, avec pouuoir & autorité que nous vous donnons, de consentir en nostre nom à tout ce que par ledit sieur Cardinal sera fait, traité & resolu de la part de la Sainteté, pour l'accord desdits differends entre la Maïesté & nous, tout ainsi que nous-mesmes pourrions faire, si presens en nostre personne y estions: Promettant en foy & parole de Prince, pour nous & nos successeurs quelconques, d'auoir à iamais pour ferme, stable & valide, tout ce que par vous nosdits Procureurs, sera accordé & promis en nostre nom: Et de le ratifier toute fois & quantes que nous en serons requis, sans iamais y contreuenir, ny faire ou permettre y estre contreuenue, directement ou indirectement en maniere que ce soit. En foy & assurance dequoy, nous auons aux presentes, signées de nostre main, fait apposer le sceau de nos armoiries, & contre-signer par l'un de nos Secretaires d'Estat. Donné à Turin le dernier Octobre mil six cens. Ainsi signé, E M A N U E L. Et plus bas, V. D. Bello. Et à costé, Scellées en placard de cire rouge du scel des armes dudit sieur Duc. Et ont signé sous lesdites copies, *P. Cardinalis Aldobrandini. Regina. Brulart de Sillery. P. Ieannin. Francesco Arconato. De Lucigne, les Allimes.*

RATIFICATION

RATIFICATION DV DUC DE SAVOYE.

Scauoir faisons, qu'ayant entendu la lecture desdits articles de mot à autre, & desirant entretenir bonne paix, amitié & voisinance avec ladite Maïesté, auons le contenu esdits articles agréé, approuué & ratifié; agreons, approuuons & ratifions par ces presentes, signées de nostre main, & promettons en bonne foy & parole de Prince, les entretenir, accomplir & obseruer sincerement de nostre part, sans y contreuenir, ny souffrir qu'il y soit contreuenue, directement ou indirectement, en quelque sorte & maniere que ce soit. En tesmoin dequoy, nous auons icy fait apposer le grand sceau de nos armes, & contre-signer par nostre-dit premier Secretaire. A Turin le 3. Mars 1601.

TRAITE' DE PAIX FAIT A LYON,

Pour l'eschange du Marquisat de Salusses contre la Bresse.

AV NOM DE DIEV LE CREATEVR.

Soit à tous presens & à venir, notoire & manifeste, Que comme Sainctisoit, que par le Traité de paix fait à Veruins le deuxième May 1598. eust esté conuenue sur ce qui auroit esté remontré par les Deputez du tres-haut, tres-puissant & tres-excellent Prince Philippes II. Roy Catholique des Espagnes, &c. sur la priere & declaration faite par le Marquis de Rullin, Commis & Deputé de tres-excellent Prince Charles Emmanuel Duc de Sauoye, Que ledit Duc de Sauoye seroit receu & compris audit traité de paix, aux charges & conditions contenues en iceluy. Entr'autres, que le surplus des differends d'entre tres haut, tres-puissant & tres-excellent Prince Henry IV. Roy Tres-Chrestien de France & de Nauarre, & ledit sieur Duc, demeurez indecis dans ledit traité, seroient remis pour le bien de la paix, au iugement de nostre saint Pere le Pape Clement VIII. pour estre iugez & decidez dans vn an, à compter du iour & d'acte dudit traité; sa Sainteté desirant de tout son pouuoir d'establir & d'asseurer la paix publique, tant pour le bien commun desdits Princes, que pour auoir moyen d'effectuer ses saintes & louables intentions pour la gloire de Dieu & l'exaltation de la Foy & Religion Chrestienne, apres auoir par diuerses fois fait continuer & prolonger le terme du compromis, auroient enfin exhorté sa Maïesté & ledit sieur Duc, à vouloir terminer leurs differends par composition à l'amiable, sans attendre autrement son iugement. Surquoy la Maïesté, meue de la reuërence qu'elle porte à sa Sainteté, & de l'affection qu'elle a tousiours eue au bien & repos general de la Chrestienté, auroit consenty & promis à sa Sainteté, d'entendre les propositions que ledit sieur Duc pretendoit faire pour

composer le differend du Marquisat de Salusses : & ledit sieur Duc auroit pris resolution de venir trouuer sa Maiesté, pour en faciliter la conclusion, comme depuis il s'ensuiuit, par accord fait à Paris le 27. Fevrier 1600. Et pour n'auoir esté ledit accord effectué, la guerre s'estant derechef emeue entre lesdits Princes, nostredit saint Pere le Pape continuant la singuliere affection qu'il a tousiours portée au bien de la Chrestienté, & à la paix & tranquillité; desirant composer lesdits differends, pour faire cesser les motifs & l'occasion de la guerre, auroit enuoyé vers sa Maiesté & ledit sieur Duc, l'Illustrissime & Reuerendissime Pierre Cardinal Aldobrandin son neveu, Camerlingue de l'Eglise Romaine, General & Surintendant de l'Estat Ecclesiastique, Legat de sa Sainteté & dudit saint Siege Apostolique, pour exhorter lesdits Princes à la paix, & pour faciliter les moyens d'une bonne reconciliation entr'eux : ayant ledit sieur Legat premierement veu & admonesté ledit sieur Duc; lequel meut du respect & reuerence qui est deuë au paternels recors de sa Sainteté, & du desir qu'il a de donner contentement à sa Maiesté; & comme son tres-humble parent, le reconnoistre de tout l'honneur, seruite & obseruation d'amitié qui luy sera possible, auroit promis d'enuoyer ses Deputez, & se mettre en tout deuoir de donner satisfaction à sa Maiesté. Et depuis ayant aussi ledit sieur Legat visité & exhorté sa Maiesté, & prié de la part de sa Sainteté ladite Maiesté, inclinant au saint & loüable desir de sa Sainteté, & aux bonnes exhortations dudit sieur Legat, desirant espargner le sang humain, regner en paix, & vivre en amitié avec ses voisins, mesmes avec ledit sieur Duc, pour la proximité qui est entr'eux, auroit aussi ordonné les Deputez pour traiter & conclurre les poincts, conditions & articles qui seront trouuez conuenables à une bonne reconciliation & accord. Et pour cet effect, auroient esté commis de la part de sa Maiesté Messire Nicolas Brulart, Cheualier sieur de Sillery, Conseiller du Roy en ses Conseils d'Estat, & Ambassadeur vers sa Sainteté à Rome, & Messire Pierre Ieannin, seigneur de Mouien, Cheualier Conseiller du Roy en ses Conseils d'Estat, & President en la Cour de Parlement de Bourgogne: Et de la part dudit sieur Duc, les seigneurs d'Arconart, François Comte de Tufano, Conseillers d'Estat dudit sieur Duc, & René de Lusinge, seigneur des Alluies, aussi Conseiller d'Estat, & premier Maistre d'Hostel dudit sieur Duc; tous garnis de pouuoirs suffisans, dont la copie sera inserée à la fin des presentes: lesquels en vertu de leur pouuoir, en presence & par l'aduis dudit sieur Legat, qui avec grand traual, soin & diligence se seroit dignement & tres-vertueusement employé pour promouvoir & aduancer ledit accord, ont traité & arresté les articles qui ensuiuent.

PREMIEREMENT.

Que ledit sieur Duc cede & transporte, & delaisse audit Seigneur

Roy, & à tous ses successeurs Roys de France, tous les pays & seigneuries de Bresse, Beugey & Verromey, & generally tout ce qui luy peut appartenir, iusqu'à la rivièrè de Rosne; icelle comprise de sorte, que toute ladite rivièrè du Rosne, dès la sortie de Genève, sera du Royaume de France, & appartiendra audit sieur Roy, & à ses successeurs: & sont lesdits pays cedez ainsi que dessus, avec toutes leurs appartenances & dependances, tant en Souverainetez, Iustices, Seigneuries, vassaux & sujets, à tous droits, noms, raisons & actions quelconques, qui pourroient appartenir audit sieur Duc esdits pays, ou à cause d'iceux; & sans y rien reserver ny retenir, sinon que pour la commodité du passage, demeurera audit Duc le pont de Grelin sur ladite rivièrè du Rosne entre l'escluse & pont d'Arue, qui par le present traité appartiendront audit Seigneur Roy. Et par delà le Rosne, demeurent encore audit sieur Duc les Paroisses de Sez, Laueran & Cherey, avec tous les hameaux & territoires qui en dependent entre la rivièrè de Vacerone, & le long de la montagne du grand Credo, iusqu'au lieu & village appelé la Rivière. Et passé ladite rivièrè de Vacerone, demeurent encore audit sieur Duc les lieux de Maingre & Combes, iusqu'à l'entrée plus proche, pour aller & passer au Comté de Bourgogne: à condition toutesfois que ledit sieur Duc ne pourra mettre, ny lever aucune imposition sur les denrées & marchandises, ny aucun peage sur ladite rivièrè, pour le passage dudit pont de Grelin, & autres lieux & territoires cy-dessus designez, & en tout ce qui est réservé pour ledit passage. Et tout le long de la rive du Rosne, ledit sieur Duc ne pourra tenir ou bastir aucun fort; & demeurera le passage libre par ledit Pont de Grelin, & en tout ce qui est réservé, tant pour les sujets dudit S^r Roy, que pour tous autres qui voudront aller & venir en France, sans qu'il leur soit donné de-stourbier, moleste, ny empeschement. Passant neantmoins gens de guerre, pour le service dudit sieur Duc, ou autres Princes, ne pourront entrer es pays & terres dudit S^r Roy, sans sa permission, ou de ses Gouverneurs & Lieutenans généraux; & ne donneront aucune incommodité aux sujets de sa Majesté.

Et pour effectuer entièrement ce que dessus, ledit sieur Duc remettra en la puissance dudit S^r Roy, ou de celuy qui sera commis par sa Majesté, la Citadelle de Bourg, en l'estat qu'elle est de present, sans y rien desmolir, affoiblir, ny endommager, avec toute l'artillerie, poudres & munitions de guerre qui seront dans ladite place, lors qu'elle sera remise.

Et outre, a esté accordé que ledit sieur Duc cede aussi, transporte & delaisse audit S^r Roy, delà la rivièrè du Rosne, les lieux, terres & villages d'Aire, Chanzy, Amilly, Pont d'Arlo, Seissel, Chanet & P Chastel, avec la souveraineté, Iustice & seigneurie de tous autres qu'il peut avoir esdits lieux cedez, & sur les habitans d'iceux, sans en ce comprendre le surplus des mandemens desdits lieux, & de leur territoire.

Ledit sieur Duc cede aussi, transporte & delaisse audit Seigneur Roy la Baronnie ou village de Gex, avec toutes ses appartenances & dependances, ainsi que ledit sieur Duc & ses predecesseurs en ont cy-deuant iouy, & sans y rien reserver ne retenir, sinon ce qui est delà le Roine, hormis les villages & lieux d'Aire, Chanzy & Amilly specifiez cy-dessus: le tout à condition que lesdites choses cedées, seront & demeureront vnies & incorporées à la Couronne de France, & seront reputées domaine & patrimoine à la Couronne; & n'en pourront estre separées pour occasion que ce soit: ains tiendront lieu & pareille nature que les choses eschangées qui seront déclarées cy-apres.

Aussi a esté conuenu, que ledit sieur Duc rendra & restituera effectivement, & de bonne foy audit Sr Roy, ou à celuy ou à ceux qui seront à ce commis par sa Majesté, le lieu, vallée & Chastellenie du Chasteau-dauphin, avec le tour du Pont, & tout ce qui est occupé par ledit sieur Duc, ou par les siens, dependant du Dauphiné, en l'estat qu'il est à present; sans y rien démolir, affoiblir, ny endommager en aucune forte: & delaissera tout l'artillerie, poudres, boulets, & autres munitions de guerre qui se trouuent dans lesdites places au temps present. Pourront neantmoins les soldats, gens de guerre, & autres qui sortiront desdites places, faire emporter tous leurs biens meubles à eux appartenans, sans qu'il leur soit loisible de rien exiger des habitans desdites places, & du plat pays, ny emporter aucune chose appartenante ausdits habitans.

A esté aussi accordé, que ledit sieur Duc fera abbattre & démolir entierement le fort de Beche-Dauphin, qui a esté construit pendant les guerres. Et fera payer ledit sieur Duc, pour le passage cy-dessus reserué, la somme de cent mille escus de trois francs, pure monnoye de France, ou la valeur, en cette ville de Lyon, à celuy ou à ceux qui auront charge de sa Majesté: C'est à sçauoir cinquante mille escus comptant, lors que le fort de la Cherboniere sera rendu; & les autres cinquante mille escus six mois apres.

Et moyennant lesdites cessions & transports, & toute l'artillerie, poudres & munitions conquises, qui demeurent entierement à sa Majesté, & moyennant aussi tout ce que dessus est dit, ledit Seigneur Roy se contente pour bien delaisser & transporter audit sieur Duc, comme par ses presentes, sa Majesté luy cede, transporte & delaisse, & à ses heritiers & successeurs, tous les droits, noms, raisons, & actions, & generallyment tout ce qui peut estre pretendu par les Rois & Dauphins de France, à cause du Marquisat de Salusses, ses appartenances & dependances; ensemble sur les places de Cental, Demont, & Roques Parniere, sans y rien reserver ny retenir. Et a ledit Seigneur Roy quitté & remis audit sieur Duc, toute l'artillerie & munitions qui se sont trouuées dans lesdites places du Marquisat de Salusses & Cental, en mil cinq cens quatre-vingt-huict.

Prometaussile dit S^r Roy, faire rendre & restituer audit sieur Duc, effectuellement & de bonne foy, ou à celuy ou ceux quiauront charge de luy, toutes les places, pays & lieux qui se trouueront auoir esté pris, saisis & occupez depuis l'an 1588. sur ledit sieur Duc, & qui sont à present possédez par la Majesté, ou par ses seruiteurs; le tout en l'estat que lesdits lieux & places sont à present, sans y rien démolir, affoiblir, ny endommager en aucune sorte.

Restituant lesdites places, pourra ledit S^r Roy faire emporter toute l'artillerie, poudres, boulets, armes, viures, & autres munirions de guerre qui se trouueront esdites places au temps de la restitution: Pourront aussi lesdits soldats, gens de guerre, & autres qui sortiront desdites places, faire emporter tous biens meubles à eux appartenans; sans qu'il leur soit loisible de rien exiger des habitans desdites places, ou plat pays, ny emporter aucune chose appartenant ausdits habitans.

Et se fera ladite restitution de part & d'autre, ainsi qu'il ensuit. C'est à sçauoir, aussi-tost que les ratifications du present traité auront esté fournies, le dit sieur Duc fera remettre en la puissance dudit Seigneur Roy, ou de celuy ou ceux qui auront charge de la Majesté, la Citadelle de Bourg, avec l'artillerie, poudres, boulets, & toutes les munitions de guerre, qui seront dans ladite place. Et ladite restitution estant faite, ledit S^r Roy fera aussi restituer les Villes & Chasteaux de Chambery, & Montmélian audit sieur Duc; lequel incontinent apres fera rendre Chasteau-Dauphin, & ce qui en dépend, comme dessus est dit; & fera démolir le fort de Beche-Dauphin. Lesquelles choses estant effectuellement accomplies par ledit sieur Duc, le Vicariar de Barcelonete, & toutes les autres places & lieux promis par le present traité, luy seront entierement rendus dans vn mois apres, & luy sera donné seureté raisonnable à son contentement.

Tous les papiers, titres & enseignemens qui peuuent seruir pour iustificier les droits des choses eschangées, seront rendus & deliurez de bonne foy, tant d'un costé que d'autre.

Ledit S^r Royne sera tenu à l'entretienement des dons, recompenses, assignations cy-deuant données par ledit sieur Duc, ou ses predecesseurs, sur les terres & seigneuries par luy cedées à sa Majesté, ny acquitter les hypoteques qu'il a créées sur icelles. Et pour le regard des ventes & alienations faites à titres oncreux par la forme ordinaire, & avec verification requise auant cette dernière guerre, sa Majesté y sera obligée, tout ainsi que ledit sieur Duc auroit esté, & non plus auant. Le semblable sera obserué pour les dons, recompenses & alienations faites sur les choses cedées par sa Majesté.

En consequence dequoy, & de ce qui a esté accordé par le traité de Veruins, y aura paix du iour & date de ce present traité, ferme amitié, & bonne voisinance entre ledit S^r Roy & ledit sieur Duc, les enfans nez

& à naistre, leurs heritiers, successeurs, Royaumes, pays & sujets, pour quelque autre pretexte que ce soit. Et sera le commerce libre entre les suiets & pays de l'un & l'autre Prince, en payant les droits & impositions qui doiuent estre payez par les propres suiets du pays.

Les suiets & seruiteurs de l'un & l'autre part, tant Ecclesiastiques que seculiers; nonobstant qu'ils ayent seruy en party contraire, retourneront pleinement & paisiblement en la iouissance de tous & chacuns leurs biens, Offices & Benefices, suivant ce qui est contenu par le septiesme article dudit traité de Veuins; sans que cela puisse estre entendu des Gouvernemens.

Tous prisonniers de guerre, & autres, qui à l'occasion des guerres sont detenus de part & d'autre, seront mis en liberté, en payant leurs despeses, & ce qu'ils pourroient iustement deuoir; sans estre tenus de payer aucune rançon, sinon qu'ils en ayent conuenu: & s'il y a plainte de l'excez d'icelle, en sera ordonné par le Prince, au pays duquel les prisonniers sont derenus.

Tous autres prisonniers, sujets dudit S^r Roy, & dudit sieur Duc, mesme du Marquisat de Salusses, & autres lieux cedez par la calamité des guerres, detenus és galeres desdits Princes, seront promptement déliurez & mis en liberté, sans qu'on leur puisse demander aucune chose pour leurs rançons, ny pour leurs despeses.

Toutes procédures, iugemens & Arrests donnez depuis l'an 1578. avec les sujets du Marquisat de Salusses, & autres lieux cedez par ledit S^r Roy, & depuis ces dernières guerres, par les iuges & Conseil ordonné en Sauoye, Bresse, & autres lieux conquis par sa Majesté, tiendront & forriront leur plein & entier effet: sauf aux parties de se pouruoir contre lesdits iugemens, par les voyes de droir, en cas qu'elles ayent comparu ou contesté volontairement. Mais si les iugemens ont esté donnez sans comparution, ou contestation volontaire de la partie, ils seront & demeureront nuls, & de nul effet, & comme non aduenus. Et quant aux instances indecises, & non iugées, la connoissance en demeurera aux Officiers desdits Princes, auxquels elle doit appartenir.

Les habitans & sujets des lieux & pays eschangez sur le present traité, ne pourront estre molestez ny recherchez en aucune maniere, pour auoir seruy en party contraire, ou pour cause que ce soit, à l'occasion des guerres passées; ains retourneront pleinement en la possession & jouissance de tous & chacuns leurs biens meubles qui se trouueront en nature; & leur sera loisible de demeurer, ou se retirer ailleurs où bon leur semblera. Pourront neantmoins iouyr de leurs biens, & iceux rendre ou eschanger, & disposer comme ils verront bon estre pour leur commodité.

Et pour le regard des habitans du Marquisat de Salusses, & autres lieux cedez par ledit S^r Roy, qui n'auoient iouy de leurs biens depuis
le

le traité de paix fait à Veruins, leur seront rendus les fruits de leurs immeubles & arrerages des rentes, depuis la publication dudit traité de Veruins, iufqu'au commencement de la dernière guerre. Et quant aux Officiers de Saluffes, & autres qui ont feruy en Piedmont les Rois de France, ils iouyront des priuileges, immunitéz & exemptions qui leur ont esté accordées par autres traitez cy-deuant faits par les Rois Charles IX. & Henry III. avec le feu Duc de Sauoye, & depuis confirmez par ledit fieur Duc, qui est à prefent.

Prometaufsi ledit fieur Duc, que tous les officiers & autres habitans de Saluffes, & lieux cedez par ledit Seigneur Roy, ne seront molestez & recherchez, ny inquietez directement ou indirectement, en aucune maniere, à l'occasion des guerres & differends paffez entre fa Maiefté & ledit fieur Duc; ains seront maintenus en leurs libertez & franchises, pour iouyr de tous leurs biens paisiblement, en repos & liberté: & pour les charges & impositions du Pape, ne seront furchargez; mais pluftoit fauorablement traitez, pour la recommandation de fa Maiefté: & de ce baillera ledit fieur Duc les lettres Patentés en bonne & valable forme.

Les Collateurs ordinaires, fujets de fa Maiefté, qui ont benefices à leur collation dans le pays dudit fieur Duc, pourront conferer lefdits benefices, quand le cas efeherra: & ceux qui seront bien & canoniquement pourueus, iouyront du reuenu de leurs benefices, fans qu'il leur soit donné aucun empeschement. Le semblable aufsi sera obserué pour la iouyffance des benefices qui sont en France, encore que ledit titre de Collateur fust situé dans le pays dudit fieur Duc.

Et seront referuez audit Seigneur Roy, tous les droits par luy pretendus contre ledit fieur Duc, fuiuant ce qui est contenu par les traitez faits au Chasteau de Cambresis, en mil cinq cens cinquante-neuf, & à Turin 1574.

Et pource que Monsieur le Duc de Nemours & Geneuois, qui fouloit auoir & posseder toutes les terres, taillis & droits appartenans & dependans de son appanage, dans la souveraineté dudit fieur Duc, les aura dorefnauant, à caule du present traité, sous l'un & sous l'autre Princee, fa Maiefté & ledit fieur Duc ont promis respectiuellement de le traiter fauorablement, & comme leur bon parent, & ne contreuenir ny déroger aux droits & autoritez qui sont de son appanage: & en outre ont consenty & accordé, si quelque differend suruenoit cy-apres pour raison dudit appanage, de le faire terminer sommairement à l'amiable sans procez.

Et sur l'instance & priere faite par ledit fieur Legat, au nom de sa Sainteté, a esté conuenu, que toutes les forces leuées & assemblées à l'occasion de cette dernière guerre, seront séparées & licenciées, tant en France qu'en Italie, dans vn mois apres la publication du present

traité ; afin que chacun puisse iouyr de la paix generale, & du repos stipulé & promis par le traité de Veruins , lequel est confirmé en tous ses points, sinon en ce qu'ils seront changez, & expressement dérogé par le présent traité.

Et pour plus grande feuteité de ce présent traité , & de tous les points & articles y contenus ; sera ledit traité verifié & enregistré en la Cour de Parlement de Paris , & en tous autres Parlemens de France, Chambre des Comptes de Paris : comme au semblable il sera verifié au Senat de Chambery, & Senat de Turin, & autres lieux accoustumez. Et seront baillées les expeditious de part & d'autre, trois mois apres la publication.

Lesquels points & articles , cy-dessus compris , & tout le contenu en chacun d'iceux, ont esté traitez, accordez, passez, & stipulez entre lesdits Deputez au nom que dessus : lesquels en vertu de leur pouuoir , ont promis & promettent sous l'obligation de tous & chascuns leurs biens presens & aduenir de leursdites Majesté & Altesse, qu'ils seront par eux inuiolablement obseruez & accomplis. Et outre promettent fournir les vns aux autres Lettres de ratification authentiques, signées & scellées , esquelles le présent traité sera inferé, & ce dans vn mois du iour & datte de ces presentes. Et outre iureront solennellement sadite Majesté & ledit sieur Duc, en presence de tels qu'il leur plaira deputer , d'observer & accomplir pleinement & de bonne foy, le contenu esdits articles. En tesmoin desquelles choses , ledit sieur Legat , & lesdits Deputez ont signé , & souscrit de leurs noms le présent traité. A Lyon ce dix-septième Ianvier 1601. Ainsi signé PETRVS ALDOBRANDINVS Legatus. BRVLART DE SYLLERY. P. IEANNIN. FRANCISCO ARCONATO. DE LVSSINGES, DES ALIMES.

Publié à Turin le 6. Mars. A Chambery, à Lyon & Bourg en Bresse, le 14. A Grenoble le 2. du mesme mois.

ARTICLE PREMIER DV TRAITE FAIT ENTRE
le Roy & le Duc de Sauoye , le dix-septième Ianvier 1601. seruant à la
decision des differends meus, tant sur la construction du pont de Lauardis,
que sur les hameaux de Longercy, le Molard & Lanoir.

PRemierement, que le Duc de Sauoye cede & transporte au Roy, & à ses successeurs Rois de France, tous les pays & seigneuries de Bresse, Bugey & Veromey, & generallyment tout ce qui luy peut appartenir, iusqu'à la riuiera du Roïne, icelle comprise; de sorte que toute la riuiera, dès la sortie de Geneve, sera du Royaume de France, & ap-

partiendra audit Seigneur Roy & à ses successeurs : & sont lesdits pays cedez ainsi que dessus, avec toutes leurs appartenances & dependances, tant en souveraineté, iustices, seigneuries, vassaux, sujets, & tous droits, noms, raisons & actions quelconques qui pourroient appartenir audit sieur Duc esdits pays, ou à cause d'iceux, sans rien retenir ny reserver; sinon que pour la commodité du passage, demeurera audit sieur Duc le Pont de Grezin, sur ladite rivière du Rosne, entre l'Escluse & le pont d'Arle, qui par le present traité appartient audit Seigneur Roy. Et par delà le Rosne, demeurera audit sieur Duc les Parroisses de Leu, Lancrain & Chizerey, avec tous les hameaux & territoires qui en dependent entre la rivière de Vausserine, & le long de la montagne appelée le grand Credo, iusqu'au village appelé la Riviere: & passé ladite rivière de Vausserine, demeurera encore audit Duc le lieu de Negrecombes, iusqu'à l'entrée plus proche, pour aller & passer au Comté de Bourgogne: à condition toutesfois que ledit sieur Duc ne pourra lever aucunes impositions sur les denrées & marchandises, ny peages sur la rivière au pont du Grezin, & autres terres & lieux sous-designez: & en tout ce qui est réservé pour le passage, & tout le long de la rivière du Rosne, ledit sieur Duc ne pourra tenir ou bastir aucun fort, & demeurera le passage libre par le pont de Grezin, & en tout ce qui est réservé, tant pour les sujets du Roy, que tous autres qui voudront aller ou venir en France, sans qu'il leur soit donné destourbier ny empeschement. Passant neantmoins gens de guerre pour le service dudit sieur Duc, ou autres Princes, ne pourront entrer esdits pays dudit Seigneur Roy, sans sa permission, ou de ses Gouverneurs & Lieutenans generaux; & iceux ne donneront aucune incommodité aux sujets de la Maïesté.

2. Et pour effectuer entierement ce que dessus, ledit sieur Duc remettra entierement en la puissance dudit Seigneur Roy, ou de celui qui sera commis par sa Maïesté, la Citadelle de Bourg, en l'estat qu'elle est de present, sans y rien démolir ny endommager, avec toutes les artilleries, poudres, balles, & munitions de guerre qui seront dans ladite place, lors qu'elle sera remise.

3. Et outre ce, a esté accordé que ledit sieur Duc cede aussi, transporte & delaisse audit Seigneur Roy, delà la rivière du Rosne, les lieux, terres & villages de Sture, Chancy, Amilly, Pont d'Arle, Seyssel, Chaua, & Pierre Châtel, avec la souveraineté, seigneurie, iustice, & tous droits qu'il peut avoir esdits lieux cedez, & sur les habitans d'iceux; sans y comprendre le surplus des mandemens desdits lieux, & de leurs territoires.

4. Ledit sieur Duc cede aussi, transporte & delaisse audit Seigneur Roy, la Baronnie & Baillage de Gex, avec toutes ses appartenances, ainsi que ledit sieur Duc & ses predecesseurs en ont cy-devant iouï, & sans y rien retenir; sinon ce qui est par delà le Rosne, horsmis les villages & lieux d'Aire la Ville, Chancy & Amilly, specifiez cy-dessus:

le tout à condition que lesdites choses cedées, seront & demeureront vnies & incorporées à la Couronne de France; & seront reputées domaine & patrimoine de la Couronne, & n'en pourront estre separées pour occasion que ce soit; ains riendront lieu & pareille nature que les choses eschangées cy-apres declarées.

Est à remarquer que ces mots par delà le Rosne, au susdit article, se doivent interpreter, en égard à la Sauoye. Car en égard en France, il faudroit dire par deçà le Rosne, estant les Parroisses de Lia, Lauernin & Chizery du costé de la France.

Description de l'assiette & situation des lieux, terres & Parroisses reseruées par Monsieur de Sauoye deçà le Rosne, du costé du Baillage de Bugey, pour la commodité du passage des troupes, lesquelles on vouldra faire passer de Sauoye en la Franche-Comté, suivant le premier article du traité de Ianvier 1601. fait entre sa Majesté & ledit sieur Duc, & des lieux, terres & villages delà le Rosne du costé de la Sauoye, cedez au Roy par l'article troisiéme dudit traité: Ensemble des lieux & terres pretenduës en souueraineté, par la seigneurie de Geneve, enclauuez dans le Baillage de Gex, pour seruir à l'esclaircissement des limites des souuerainetes de France, Sauoye & Geneve.

Description particuliere de la montagne de Surgia, & de celle dite le grand Credo, autrement, Crest d'Oche, que ceux du pays interpretent, montagnes de terres labourables, à la difference des voisines, lesquelles sont steriles, ou ne portent que bois.

Description particuliere du pont d'Arlo, & de son territoire delà le Rosne.

Description particuliere de Pierre Chastel, delà le Rosne, autrement dite, la Barne Pierre-Chastel, & de son territoire.

Sur la construction du Pont de Lauardin.

Il a esté fait plainte par les Deputez de M. de Sauoye, sur la construction du pont de Lauardin, pretendans qu'il n'a pû estre basti sans le consentement de son Altesse, sur la riuere de Vaufferine, laquelle estant vn confin diuisible, demeure commune entre le Roy & son Altesse. A cela on respond, qu'il ne se trouuera point que la riuere de Vaufferine soit reseruée nommément, ny en tout, ny en partie. Quant à ce qui est reserué generalement sous ces mots (entre la riuere de Vaufferine, & le long de la montagne du grand Credo) ladite riuere de Vaufferine n'y peut estre en façon quelconque comprise: Car ce mot (entre) exclud les confins de la reserue; autrement la chose confinée, & celle qui confine, se trouuerroient estre en vn mesme lieu: Ce qui ne se peut. N'y ayant donc de reserué, que ce qui est entre la riuere de Vaufferine, & le long de la montagne du grand Credo; ny la Vaufferine, ny le

grand Credo ne peuvent appartenir à Monsieur de Sauoye, ny pour tout, ny pour partie: Mais ces lieux là estans compris en la cession generale qui a esté faite au Roy de tout ce qui est deçà le Rosne, appartient entierement à sa Maesté.

Des hameaux de Longerey, Lauoir & le Molard, proches du fort de l'Escluze.

Monsieur de Sauoye pretend les hameaux du Molard, Lauoir & Longerey, qui sont proches du fort de l'Escluze, lesquels il dit estre dependans de la paroisse de Leuz, qui luy est reseruee par le traité; comme aussi les paroisses de Lancrain & Chizery, avec tous les hameaux qui dependent de ces trois paroisses.

A cela on respond, qu'eneore qu'il fust certain que ces trois hameaux dependissent de la paroisse de Leuz, ce qui n'est pas confessé; neantmoins ils ne se trouueroient point reseruez en aucune façon par les termes du traité: d'autant que cette clause, de tous hameaux dependans des paroisses de Leuz, Lanerain & Chizery, est restrainite par ces mots qui suivent, entre la riuere de Vaufferine & le long de la montagne du grand Credo. Or est-il que les hameaux du Molard, Longerey & Lauoir, ne sont entre la riuere de Vaufferine & le long de la montagne du grand Credo; ains en vne assiette toute contraire, comme il se voit par cette description. Partant il ne se peut dire qu'ils ayent esté reseruez par les termes du traité. Dauantage, ce qui est reserué par Monsieur de Sauoye, est pour la commodité du passage. Or est-il que ces trois hameaux n'y peuvent seruir, estans esloignez dudit passage, & situez sur vn chemin tout contraire. Partant, ny par les termes de l'article, ny par l'intention, on ne peut induire qu'ils ayent esté reseruez: Et si bien Leuz est nommement reserué, qu'eneore qu'il ne soit pas sur le chemin dudit passage, ç'a esté à cause qu'il n'est pas esloigné de Grezin, & pour seruir de logis en cas neecessité au passage des troupes. Par cette mesme raison le village de Mentieres estant sur vne haute montagne, esloigné du passage, & de nulle commodité pour y seruir, doit appartenir au Roy; comme aussi le lieu de Magra, qui est entre Neigre-Combe & la Franche-Comté.

Pont d'Arlo.

Cette description du pont d'Arlo, & de quelques maisons & terres qui sont delà le Rosne du costé de la Sauoye, depuis ledit pont d'Arlo iusques à vn Nau, ainsi appelé de ceux du païs, qui est vn petit esgoust, par lequel les eaux des montagnes s'escoulent dans le Rosne.

Les maisons du Pont d'Arlo qui sont delà le Rosne, ne peuvent, & aussi ne sont elles debattuës au Roy: mais seulement le territoire qui en depend au delà du Rosne du costé de Sauoye, des limites duquel l'on ne peut entierement s'esclaircir. C'est pourquoy il faudra lors que l'on fera d'accord de l'interpretation dudit 3. article du traité de Ianuier mil six cens vn, & que l'on voudra planter les limites s'en informer plus

pertinemment, & si faire se peut par escrit: d'autant qu'il ne se faur pas trop fier à ce qu'en diront les habitans du lieu, lesquels ou par ignorance, ou par crainte, en ont parlé assez incertainement.

Chauaz.

Chauaz delà le Rosne, est vne paroisse qui est à l'emboucheure de la riuere de Sauiere, qui vient du lac de Bourget & entre dans le Rosne. Le territoire de cette paroisse est grand, & va iusques aux terres de haute Combe, par dessus la montagne: Et d'icelle paroisse dependent plusieurs hameaux; les principaux desquels sont Sindon, Flandres & le Boulloer.

Pierre Chastel.

Il y a vn differend particulier sur Pierre Chastel delà le Rosne; preten dans les deputez de Monsieur de Sauoye, que Pierre Chastel delà le Rosne, duquel il est fait mention au troisieme article du traité, est seulement la Tour qui sert de sentinelle au passage, & non pas le village qui est tout ioignant, lequel on appelle la Barme de Pierre Chastel.

Au contraire, les deputez du Roy ont soustenu, que iamais cette Tour ne s'est appelée Pierre Chastel simplement; n'estant que la sentinelle du passage, & vne porte sous laquelle on passe pour aller & venir dudit village à Chambéry: & que n'y ayant autre Pierre Chastel delà le Rosne que ledit village, l'article ne se peut entendre d'autre lieu; attendu mesme le voisinage de ladite tour, & qu'audit village est la paroisse de Pierre Chastel, qui est deçà le Rosne; l'Eglise saint Blaise, qui depuis quelque temps a esté bastie deçà du costé des Chartreux, n'estant qu'un secours de la paroisse dudit village, qui est delà le Rosne.

Les Deputez de Monsieur de Sauoye disent, qu'en la cession de Pierre Chastel delà le Rosne, est seulement comprise la Tour qui sert de sentinelle au passage, & non le village proche, dit la Barme de Pierre Chastel. Au contraire, l'on leur a soustenu que la Tour n'a iamais porté le nom de Pierre Chastel, ains est vne dependance & comme vne porte du village de la Barme de Pierre Chastel, pour aller & venir à Chambéry; & que sous le nom de Pierre Chastel delà le Rosne, l'on a entendu la paroisse de Pierre Chastel qui est audit village, laquelle s'estend deçà & delà le Rosne, attendu mesme le voisinage dudit village, qui est iusques sur le port; n'estant contesté que ledit lieu est la paroisse de Pierre Chastel delà le Rosne, l'Eglise saint Blaise qui est deçà n'en estant qu'un secours.

Aire la Ville.

Est à remarquer que dans l'étendue des territoires d'Aire la Ville, Chancy & Auully, sont enclaués deux lieux proche du Rosne, appelez Cartigny & Espesse, lesquels sont demeurez en la Souueraineté de Monsieur de Sauoye, pout n'auoir esté desnommez audit dernier traité.

Differend particulier touchant Aire la Ville.

Les Deputez de Monsieur de Sauoye ont pretendu qu'il y auoit vn autre lieu delà le Rosne appellé Aire, qu'Aire la Ville. Mais cette pretention s'est trouuée sans fondement: d'autant qu'Aire, qui est proche de

Veruy, est deçà le Rosne : & n'y a autre village de ce nom delà le Roire, qu'àire la Ville. Et vne riuere vers Consignon qui porte ce mesme nom-là.

Des Terres dependantes de Geneue, enclauées dans le Baillage de Gex.

La Seigneurie de Geneue possede deux sortes de terres. Les vnes qui ont cy-deuant appartenu à l'Euesque, comme estant de son temporel. Les autres appartenant cy-deuant à saint Victor & Chapitre. Quant à celles de l'Euesque, ils pretendent en auoir tousiours iouy en Souueraineté, non seulement du temps que les Bernois ont tenu le Baillage de Gex : mais aussi du temps des Ducs de Sauoye, lesquels on pretend par priuileges auoir exempté lesdites terres dependantes du temporel de l'Euesque, de leurs souuerainetez. Ces terres sont celles du mandement de Pigney ioignant le Rosne, de Gento prez le Lac, lesquelles sont separées du Baillage de Gex en cette Carte par vne ligne rouge. Et outre cela, ceux de Geneue pretendent qu'és de Sergy, Thoiry, Feymeries, Figere, Pirou & Logras, lesquels sont marquez de iaune & de bleu, ils ont droit de Souueraineté sur quelques maisons d'iceux : le surplus demeurant en la souueraineté du Roy. Comme aussi le Roy au dedans du mandement de Pigney a en Souueraineté quelques maisons qui sont au village de Raissin : d'où prouiennent plusieurs differends entre lesdits de Geneue & les Officiers de la Maïesté : & est impossible qu'il n'en suruienne tous les iours de nouveaux ; si ce n'est que l'on regle les confins de l'estenduë desdites Souuerainetez ausdits villages, ou que de part & d'autre l'on se resoue à quelque eschange.

Quant aux terres de saint Victor & Chapitre, la iurisdiction desdites terres appartient aux Officiers de Geneue en premiere instance, comme s'en pretendans seigneurs particuliers : Et les premieres appellations qui sont interpellées desdits Officiers, doiuent estre iugées par les Officiers du Baillage de Gex, & de la seigneurie de Geneue coniointement. Quant aux dernieres cy-deuant, elles estoient releuées à Berne, du temps que les Bernois tenoient ledit Baillage : & à Chambery du temps des Ducs de Sauoye. Pretendent neantmoins lesdits de Geneue, que par les transactions faites es années 1302. & 1304. entre les Comte & Comtesse de Geneuois d'une part, & le Prieur & Monastere de saint Victor d'autre, confirmées par le Pape Felix l'an 1444. les Iurisdiccions des terres y nommées furent entierement cedées ausdits de saint Victor, avec toutes leurs tailles & dependances, sans autre reserve ausdits Comte & Comtesse de Geneuois, que l'autorité d'ordonner du dernier supplice sur les delinquans. Neantmoins plusieurs desdits lieux mentionnez ausdites transactions, sont demeurez, nonobstant icelles, en la pleine Souueraineté desdits Ducs de Sauoye & de ceux de Berne, lors qu'ils ont possédé le Baillage de Gex : mesme le lieu de Mouuis, qui est enclaué au milieu dudit Baillage. La Souueraineté duquel lieu, ensemble de Chaney & Amilly, lesdits de Geneue pretendent leur auoir esté depuis

confirmée en l'an 89. par certain traité fait avec le sieur de Saufly pendant la guerre; & encore depuis par déclaration de sa Maiesté, laquelle auroit adiousté avec les villages de Chancy & Auully, le lieu d'Aire la Ville, cedez à sa Maiesté par le dernier traité par Monsieur de Sauoye, avec lesdits lieux de Chancy & Auully. Laquelle déclaration faite par sa Maiesté ausdits de Geneue, le Parlement de Dijon auroit différé de verifier: d'autant qu'il est porté par le dernier article dudit traité, que la cession desdits lieux, & autres pays desnommez en iceluy, est faite par le Duc de Sauoye, à la charge que les lieux cedez seront vniz & incorporez à la Couronne de France, sans en pouuoir estre iamais separez pour quelque cause & occasion que ce soit.

Sur les lieux dénommez au troisiéme article.

Outre les difficultez particulieres formées par les Deputez de Monsieur de Sauoye sur le fait des limites, en a esté faite vne generale sur l'interpretation de l'article troisiéme du traité de Ianvier 1601. pretendans que Monsieur de Sauoye n'auoit cédé au Roy delà le Rosne, que les lieux & villages desnommez audit article, sans y comprendre les terres qui dependent immediatement desdits lieux cedez: se fondans sur la clause qui est à fin dudit article, Sans en ce comprendre le surplus des Mandemens desdits lieux & de leurs territoires.

A cela on respond, que par l'article il se voit que Monsieur de Sauoye a non seulement cédé delà le Rosne les lieux & villages desnommez audit article, mais aussi les terres: le mot de terres y estant nommement exprimé, pour signifier le territoire qui depend immediatement desd. lieux, comme estant paroisses ou lieux particuliers, & non comme Mandemens. Et pour le regard de la clause, Sans en ce comprendre le surplus des Mandemens desdits lieux & de leurs territoires: Ces mots de leurs territoires se doiuent interpreter des territoires des Mandemens, & non pas des territoires desdits lieux. Autrement l'article impliqueroit en soy vne manifeste contradiction, l'exception ne se pouuant entendre de ce qui est nommement exprimé audit article.

Seyssel.

Cette particuliere description est du territoire dependant de Seyssel delà le Rosne, du costé de la Sauoye, appelé vulgairement les Costes, depuis la riuere du Rosne iusques au pied de la grand montagne, tirant vers Romilly. Ce territoire en sa plus grande longueur, depuis le pont des Villes, iusques à la riuere de Fiers, contient vne bonne demie lieüe: & en sa largeur plus grande, vn grand quart de lieüe ou enuiron; & consiste en dix petits hameaux, qui contiennent ensemblement quarante-sept feux: à sçauoir Coligny, qui est vn secours de la paroisse de Seyssel, sept feux. Curtil, cinq feux. Vallond, huit feux. Pologny, quatre. Espinohou, sept. Pracz, deux. Charagmen, quatre. Peyreitou, quatre. Gigny, deux: & Vaux, quatre.

Les hameaux du territoire des Costes, cy-dessus nommez & representez avec

avec Seyssel, ont de tout temps contribué aux tailles ordinaires, & à toutes despeses extraordinaires coniointement avec ladite ville de Seyssel, n'ayant fait qu'un corps & communauté avec icelle, ainsi que les habitants dudit Seyssel pretendent. Neantmoins pour le present l'on n'a accueilly aux tailles du Roy, que les terres qui sont au deça du chemin de Cristillon, & de celuy qui va au pont de Villes, y ayant mesme raison d'y comprendre le reste dudit territoire des Costes, comme terres dependantes dudit Seyssel: lesquelles neantmoins les Officiers de Monsieur de Sauoye detiennent encore, & pretendent au contraire que le surplus dudit territoire des Costes leur appartient iusques ioignant les murailles de la ville de Seyssel de là le Roine.

*ACTE DE LA PRESTATION DE SERMENT FAIT
par le Roy, sur l'observation du traité de Sauoye.*

LE Dimanche 2. iour de Decembre, l'an de grace 1601. en la presence de nous Nicolas de Neuville sieur de Villeroy, & Pierre Forget sieur de Fresne, Cheualiers Conseillers au Conseil d'Estat de tres haut, tres-excellent, & tres-puissant Prince, le Roy nostre souuerain Seigneur, Secretaires d'Estat & de ses commandemens; la Maiesté estant en l'Eglise du Conuent des Religieux de l'ordre des Celestins en cette ville de Paris, present & assistant illustre Seigneur Gaspar de Geneue, Marquis de Lulin, Cheualier de l'ordre de tres-excellent Prince Charles Emanuel, Duc de Sauoye, Conseiller en son Conseil d'Estat, son Chambellan, Colonel de la garde de Suisses, gouverneur & son Lieutenant general au Duché d'Aouste & cité d'Iurée, Ambassadeur commis & député par ledit seigneur Duc; a fait & presté le serment qu'il estoit tenu faire, en vertu du traité d'accord fait entre les deputez de sadite Maiesté & dudit seigneur Duc, à Lyon le dixseptiesme iour de Ianuier dernier passé: duquel serment la teneur ensuit.

NOVS HENRY PAR LA GRACE DE DIEU ROY Tres-Christien de France & de Nauarre, Promettons sur nos foy & honneur, & en parole de Roy, & iurons sur les saints Euangiles de Dieu & Canons de la Messe, pour ce par nous touchez, que nous observerons & accomplirons pleinement, reellement, & de bonne foy, tous & chacuns les points & articles portez par le traité d'accord conclû & arresté à Lyon le 17. iour de Ianuier dernier passé, en consequence de celuy qui a esté fait à Veruins le 2. iour de May 1598. entre nos deputez, & ceux de tres-excellent Prince Charles Emanuel, duc de Sauoye, nostre tres-cher frere; & ferons le tout inuiolablement garder & observer de nostre part; sans y contreuenir, ny souffrir y estre contreuenue en aucune lorie & maniere que ce soit. En foy & tesmoignage dequoy,

l'un en la place de l'autre, vous transporter incontinent sur la frontière desdits pays, & avec ceux qui seront deputez par nostredit Frere, proceder au paracheuement de ladite Commission, conformement au traité de paix fait entre nous & nostredit Frere, & avec eux faire poser lesdites bornes, lesquelles auront nos armoiries d'un costé, & de l'autre celles de nostredit Frere, afin que chacun connoisse à l'aduenir, qu'elles y ont esté mises pour seruir de separation entre lesdits pays. Et de tout ce que dessus dresserez procez verbal, signé de vous & des Deputez de nostredit Frere, dont retiendrez vn original, pour estre gardé aux Archiues publiques, & y auoir recours quand il sera besoin, pour la conseruation de nos droits. De ce faire vous donnons plein pouuoir, autorité, & mandement special. Car telest nostre plaisir. Donné à Paris le iour de Ianuier 1606.

*INSTRVCTION A CES MESSIEVRS POVR REGLER
les limites des pays susdits cedez à sa Maiesté par Monsieur de
Sauoye, & les pays dudit sieur Duc.*

LE Roy apres auoir veu le procez verbal de la Conference faire à Coulonge, au Baillage de Gex, au mois d'Octobre dernier, entre leidits sieurs Deputez de la Maiesté, & ceux dudit sieur Duc; & ouy ledit de Montholon en son Conseil, veut & entend que lesdits limites soient reglez, suiuant & conformement audit traité d'eschange: & en consequence, pour ce qui regarde la difficulté meüe pour le regard des villages de Longarray, le Molard, Lauoir & Mantieres, & les hameaux qui sont au dessus de la montagne de Surgie, que lesdits Deputez ayent à maintenir que lesdits villages & hameaux luy appartiennent, sans s'en departir aucunement, comme estans hors des confins & limites des terres delaissées audit sieur Duc, pour le passage des estrangers. Et neanmoins sa Maiesté est contente que le village de Magra, qui est proche du chemin qui tire à Negre-Combe au Comté de Bourgogne, & peut seruir à la commodité dudit passage, demeure audit sieur Duc; encore qu'elle le peust pretendre avec raison; pour n'estre au dedans dudit chemin, ains hors d'iceluy.

Et pour le regard des ponts de Lauardin, des Oules & de Confort, construits sur la riuere de Vausserine, ils doiuent aussi demeurer à sa Maiesté seule; attendu que ladite riuere de Vausserine luy appartient entierement.

Quant au village d'Aire desnommé audit traité, il ne peut estre entendu d'autre que de celuy d'Aire la Ville, assis au delà du Rosne, dans le Baillage de Termier, lequel doit estre conserué à sa Maiesté.

Et d'autant que sa Maieſté s'est reſervé au delà du Roſne, les villages de Pierre Chaſtel, & autres nommez dans ledit traité, pour la ſeureté de la navigation ; non ſeulement la Tour qui y eſt conſtruite luy doit appartenir, mais auſſi le village de Pierre Chaſtel, qui eſt proche d'icelle, & à l'oppoſite du fort dudit Pierre Chaſtel : ſans neantmoins que ſa Maieſté pretende aucune choſe aux hameaux & terres dependantes dudit village, fors celles qui ſe trouveront entre les maiſons & edifices d'iceluy.

Veut auſſi ſa Maieſté, que leſdits Deputez n'ayent à inſiſter à la demande des hameaux & territoires qui dependent des villages & lieux de Chanet, Pont d'Arlod, Chancy, Anully & Aire la Ville, en ce qui eſt delà le Roſne, ains qu'ils ſe contentent deſdits villages, puis que les territoires d'iceux ſont exceptez. Fors que ſi leſdits villages ſe rrouvent eſloignez de ladite riuere du Roſne, comme celuy d'Aire la Ville, & qu'il y ait des terres contre ladite riuere & ledit village dependantes d'iceux, ſa Maieſté entend que leſdites terres luy ſoient conſervées : attendu que leſdits villages ayant eſté reſervez à ſa Maieſté pour la ſeureté de la navigation de ladite riuere, il ne ſeroit raifonnable que leſdites terres demeuraffent en la ſouveraineté dudit ſieur Duc.

Et pour le regard de Seiffel, ſa Maieſté ayant eſté bien informée, qu'oultre la partie de ladite ville, qui eſt aſſiſe au delà de ladite riuere du Roſne, il y a quelques maiſons & quelques terres ſi proches d'icelles, qu'elles n'en peuvent eſtre diſtraites ſans grande incommodité de ladite ville ; leſdits Deputez eſſayeront de les conſcrver : ſans touteſois inſiſter au ſurplus des hameaux & territoires dependans dudit Seiffel : d'autant que par ledit traité ſa Maieſté n'eſt fondée à prendre aucune choſe où le chemin qui eſt au delà, & ioignant ledit Seiffel.

Leſdits Deputez feront plainte de ce que ceux qui poſſedent les terres & iſles qui ſont au milieu du Roſne, ſont contraincts à payer les tailles audit ſieur Duc ; & feront inſtance que telle entrepriſe ceſſe à l'advenir ; comme eſtant leſdites iſles en la ſouveraineté de S. M. ſans que ledit ſieur Duc y puiſſe rien pretendre.

Feront auſſi entendre les plaintes que le Roy reçoit de ſes ſuiets, qui ont des terres dans les païs dudit ſieur Duc, de ce qu'ils y ſont impolez exceſſivement aux tailles, pour raiſon deſdites terres ; afin que par rel traitement S. M. n'ait occaſion d'en faire uſer de pareille rigueur ſur les ſuiets dudit ſieur Duc, qui poſſedent des terres dans ſes pays. Et afin d'empêcher à l'avenir que leſdits ſuiets du Roy ne ſoient mal-traitez en l'impoſition deſdites tailles, leſdits Deputez s'informeront des moyens les plus propres pour paruenir à vn règlement d'icelles : Pour ſur l'auiſ qu'ils en donneront à ſa Maieſté, eſtre par elle aduiſé ce qui ſera à propos faire pour le ſoulagement de leſdits ſuiets.

S'informeront leſdits Deputez des droits que pretendent Meſſieurs de la ſeigneurie de Genneſ ſur le Mandement de Penay, & autres villages

& maisons enclauées dans le Baillage de Gex, & du reuenu, commodité ou incommodité d'iceux. Comme aussi des villages appartenans à la Maïesté, confinant avec ledit Mandement de Penay, dont ils dresleront procez verbal.

Comme aussi des entreprises que ceux du Comté de Bourgogne font en la montagne de Bouchou au Baillage de Bugay, & autres lieux desdits pays eschangez, pour y estre pourueu par la Maïesté.

Premier procez verbal des Commissaires du Roy & du Duc de Sauoye, pour les limites de Bresse & de Sauoye, fait à Gex en Octobre 1605.

MEMOIRES BAILLEZ AV PAPE CLEMENT VIII.
de la part de Henry IV. Roy de France & de Nauarre : Contre Charles Emmanuel Duc de Sauoye, touchant le differend du Marquisat de Salusses.

PAR le traité de paix fait à Veruins le deuxième iour de May 1598. il a esté conuenu entr'autres poincts, que pour le surplus des differends qui sont entre le Roy Tres-Chrestien & le Duc de Sauoye, ils sont remis au iugement de nostre S. Pere le Pape Clement VIII. pour estre iugez & decidéz par sa Sainteté dans vn an : suiuant la responce dudit S^r Roy, baillée par escrit le quatrième iour de Iuin 1597. par laquelle la Maïesté auoit deslors déclaré, qu'elle consentoit que tous les differends d'entre elle & le Duc de Sauoye, fussent remis à l'equitable iugement de sa Sainteté.

Depuis par Declaration de la Maïesté Tres-chrestienne du vingt-fixième Mars 1599. le temps du compromis a esté prolongé pour deux mois, pendant lesquels la Maïesté se promet de l'equité de sa Sainteté, d'obtenir la raison qui est due à la iustice de sa cause.

Par le traité de paix de l'an mil cinq cens cinquante-neuf, il y a reservation expresse de plusieurs droits pretendus par les Rois de France sur les Estats possédez par Monsieur le Duc de Sauoye : & pour conuenir & accorder desdits differends, furent ordonnez Deputez de part & d'autre en l'an mil cinq cens soixante-deux, qui ne terminerent pas le differend; & partant ils demurerent remis au iugement de sa Sainteté. Il est depuis suruenue nouvelle occasion d'un autre differend, par l'vsurpation du Marquisat de Salusses, qui fut faite par le Duc de Sauoye, qui est à present, en l'an mil cinq cens quatre-vingt huit, sur la Couronne de France, & sur le Roy Henry III. Roy de France son parent, amy & bien-facteur, & en temps de paix, lors qu'il s'en doutoit le moins, & qu'il eust plustost attendu tous signes d'amitié, & de la reconnoissance qui estoit due à la bonne volonté que la Maïesté auoit montrée enuers les Ducs de Sauoye.

Ce fait du Marquisat de Salusses, est ccluy qui presse le plus, duquel le Roy desunt & la Couronne de France ayant esté spoliez, la Maïesté qu'il

est à present, estant entrée en sa place, & en les droits, & estant obligée de defendre & recouurer ce qui appartient à la Couronne; supplie sa Sainteté, qu'estant acordé pour luge & Arbitre de ce differend, il luy plaist ordonner avant toutes choses,

Que sa Majesté sera remise & réintégrée en la possession pleine & entiere, du Marquisat de Salusses, & de toutes les places qui ont esté prises & vsurpées par ledit sieur Due; & que toute l'artillerie, munitions de guerre, & autres choses qui furent lors prises, retenues ou transportées, seront pareillement restituées avant que d'entrer plus avant en connoissance de ce qui cause ce differend, quel qu'il puisse estre.

Cette intention du Roy tres-Chrestien, est iustement fondée par toute raison de droit, qu'il peut tirer des Constitutions Canoniques & Imperiales, du droit des gens, & de plusieurs beaux exemples; & n'a besoin d'estre confirmée, principalement devant sa Sainteté, *cui omnia iura sunt in promptu.*

Il se dira seulement que la raison en a esté iugée si forte entre les predecesseurs de ces mesmes Princes, qu'en traitant la paix l'an 1559. le Roy Henry II. consentit de restituer au feu Duc de Sauoye la possession d'aucunes places & forteresses qu'il tenoit, sur lesquelles il pretendoit auoir droit, & reseruoit les pretenions par le mesme traité: & toutes-fois il consentit que la possession fust restituée.

Le Roy s'estoit acquis la possession de ces places en pleine guerre: au contraire Monsieur de Sauoye a pris le Marquisat de Salusses en temps de paix, par les moyens qui sont notoires à vn chaeun, & qui ne peuvent donner faueur ny priuilege en cette cause.

Ce n'est pas, Dieu merey, que sa Majesté ne soit bien assurée de la iustice de sa cause au fonds, & qu'elle n'en puisse faire promptement apparoir; mais la raison ne la porte pas de faire ce grand prejudice à sa dignité, *ut non utatur iure communi*, pour estre premierement réintégrée en la possession entiere de ce qui a esté vsurpé sur le Roy defunt, & sur la Couronne de France.

Et ne seroit iuste ny honneste, s'il faut entrer plus avant en ce differend, que Monsieur de Sauoye puisse plaider, comme l'on dit, la main garnie, demeurant en possession des choses par luy vsurpées, par les moyens que chaeun sçait.

Et neantmoins, pour faire connoistre à vostre Saincteté, & à vn chaeun la iustice de la cause de sa Majesté; il sera representé briuevement, que toutes les pretentions de Monsieur de Sauoye sont vieilles querelles & controuerses d'entre les Comtes de Sauoye & les Dauphins, qui ont esté terminées & decidées en plusieurs manieres contre ceux de Sauoye.

Mais pour toucher seulement ce qui est necessaire, & ce qui peut estre notoire à vostre Sainteté, & à vn chaeun, il suffira de dire qu'en traitant la paix de l'an 1559. tous les differends qui estoient entre les Rois de

France & le Duc de Sauoye, furent longuement & particulièrement examinez, & par ledit traité de paix furent terminez & referuez. Le Roy se reserua plusieurs grandes pretentions sur les Estats possedez par Monsieur de Sauoye. Le Duc ne reserua aucune pretention sur le Marquisat de Salusses, duquel le Roy estoit en possession de plusieurs années; & partant il se voit que le poinct de Salusses a esté terminé par ledit traité, puis qu'il n'a point esté referué.

Et pour rendre encore cecy plus manifeste, & faire voir clairement comme le iour, la verité de cette affaire, il faut sçauoir que quelque temps apres ledit traité de paix de l'an 1559. furent faits deux autres traitez en execution de celui de 1559. entre le feu Roy Charles IX. & le feu Duc de Sauoye. Le premier fut à Valentin, le troisieme Nouembre mil cinq cens soixante-vn. L'autre à Fossan, le deuxieme Nouembre mil cinq cens soixante-deux, qui contiennent plusieurs conuentions faites entre ces Princes pour le fait du Marquisat de Salusses, par lequel il est reconnu estre en tout & par tout de la Couronne de France.

Et depuis en l'an 1574. fut fait vn autre traité à Turin entre le Roy Henry III. & ledit feu sieur Duc de Sauoye, qui confirma les deux traitez cy-dessus, & amplifia grandement les priuileges, droits, libertez & exemptions accordées aux habitans du Marquisat de Salusses, comme suiets de sa Maiesté. Lequel traité a esté confirmé par le Duc qui est à present, par plusieurs Lettres & Declarations autentiques, faites pour l'execution des traitez cy-dessus mentionnez.

Et conformement à ce que dessus, apres la mort du Marechal de Belle-Garde, le Duc de Sauoye deffunt s'estant saisi, pour preuenir certains inconueniens, comme il disoit, du chasteau de Carmagnoles, & autres places dudit Marquisat: Et depuis ayant le Roy deffunt enuoyé Monsieur le Marechal de Rets vers le Duc qui est à present; il fit sortir les Capitaines & soldats dudit chasteau & dire place, & fit mettre le tout entre les mains dudit marechal, pour & au nom de sa Maiesté.

Il y a plus. C'est qu'incontinent apres l'vsurpation dudit marquisat de Salusses, ledit sieur Duc escriuit de sa propre main audit feu Roy Henry III. & à la Reine sa mere, pour asseurer leurs maiestez, que ce qu'il auoit fait, auoit esté en intention de conseruer ledit Marquisat pour le seruice de sa Maiesté, & pour empescher seulement que les Huguenots du Dauphiné ne s'en soient emparez. Il escriuit de mesme au Pape Sixte V. & à tous les Princes & Potentats d'Italie.

Par ce que dessus il apparoit assez que l'intention du Roy est iuste & bien fondée, & que le Duc de Sauoye n'a aucun pretexte legitime pour deffendre l'vsurpation par luy faite dudit Marquisat; & que cela ne peut estre sans contrauention manifeste à la paix de l'an 1559. & autres traitez qui ont depuis suiuy. Et que ce seroit reueiller toutes les querelles finies & terminées par lesdits traitez, & remettre vn nouveau trouble dans la Chrestienté: en quoy ledit sieur Duc a le plus d'intérêt, comme

celuy qui gagne le plus en ladite paix, ayant esté remis en tous ses Estats, mais encore en ceux qui sont pretendus appartenir au Roy & à la Couronne de France, comme il sera connu & iugé par V. S. apres le du Marquisat de Salusses.

Et d'autant que les Ministres de Sauoye semblent vouloir remettre en auant certains articles traitez à Bourgoing le douzième Octobre nul cinq cens quatre-vingt dix-neuf, entre le sieur de Sillery de la part de sa Maiesté, & les deputez dudit sieur Duc; il sera montré clairement que lesdits articles demeurerent inutiles, comme s'il n'en auoit esté iamais parlé; d'autant qu'ils n'ont esté approuuez ny ratifiez par sa Maiesté, n'ayant ledit sieur Duc par auanture, pour la prise de Dourlens & Cambray, & autres aduersitez de la France, voulu accomplir ny executer ce qui auoit esté promis en son nom, pour donner satisfaction à sa Maiesté. Tellement que la guerre a continué comme devant, iusques à la conclusion de la dernière paix, de sorte que les articles de Bourgoing sont demeurez inutiles & sans effect.

Et de fait, en traitant la paix faite à Veruins le deuxième May mil cinq cens quatre-vingt dix-huit, il fut reconnu en la presence de Monsieur l'illustissime Cardinal de Florence, lors Legat en France, & de tous ceux qui estoient en ladite assemblée, que le Roy ne pouuoit estre obligé pour tout ce qui auoit esté traité auparauant. Laquelle declaration fut faite expressement par l'Ambassadeur de Sauoye, assisté des Ambassadeurs d'Espagne, ainsi qu'il auoit esté conuenu. Et apres ladite declaration faite, les Ambassadeurs de France consentirent pour le bien de la paix, ce qui est contenu audit traité, pour le regard dudit sieur Duc. Ce qu'ils n'auroient fait sans ladite declaration préalable; ainsi qu'il auoit esté expressement traité & accordé, comme se pourroient souuenir tous ceux qui ont assisté en ladite assemblée.

Par tout ce que dessus, il se voit clairement que le Roy ne peut estre obligé par vertu des articles traitez à Bourgoing; pource qu'ils n'ont esté par luy approuuez ny ratifiez, & que sa Maiesté a eu bonne raison de ne les approuuer.

Il se voit aussi manifeste la iustice de la cause de sa Maiesté pour le suiet du Marquisat de Salusses, tant pour le possessoire que pour le petitoire.

Et neantmoins sans entrer plus auant, sa Maiesté se contente pour le present, que la possession luy soit rendue, & qu'il soit reintegré en tout ce qui a esté usurpé par le Duc de Sauoye sur le Roy deffunt, & sur la Couronne de France.

Extrait de la Replique du Roy.

ET quant à la possession alleguée par ceux de Sauoye, elle n'est aucunement veritable, & est refutée par leurs propres histoires, faites par les seruiteurs de cette maison, & imprimées à Turin, où il se voit que les Marquis de Salusses n'ont iamais reconnu pour Superieurs
les

les Comtes de Sauoye, sinon par force & violence, qui leur estoit faite par ceux de Sauoye, comme estant les plus proches, & plus puissants que les Marquis : & toutes & quantes fois que lesdits Marquis ont pû, ils ont réclamé, contredire & protesté ; & il y a de bons actes des protestations, qui conservent les droitz des Marquis, des Dauphins, & des Rois de France. Et par les mesmes histoires, il le voit que ceux de Salusses ont eu la dignité de Marquis, auant que le premier Comte de Morienne eust passé les Monts, & auant que le Comté de Morienne fust erigé ; & seroit absurde & contre raison, que le Comté de Morienne, le dernier erigé, fust supérieur du Marquisat de Salusses, qui auoit esté premierement erigé par l'Empereur Othon. De sorte que s'il falloit entrer au petitoire, c'est la France qui peut monstres promptement, par bons titres, qu'elle est bien fondée. 1. Il se voit par la confession de ceux de Sauoye, qu'il y a cent ans de possession paisible, pendant lesquels les Rois de France ont possédé le domaine & droit du Marquisat de Salusses, & puis ont conjoint l'utilité avec ce droit de pleine possession & propriété, iusqu'à la spoliation de l'an 1588.

Et estant ledit Marquisat demeuré libre aux Rois de France, par les traitez de paix des années 1544. & 1559. sans que l'Empereur Charles V. ny Philippes II. son fils, qui estoient contractans, ny les Ducs de Sauoye, ayeul & pere de celuy qui est à present, ayent monsté par lesdits traitez de paix, pretendre audit Marquisat de Salusses, & n'y a aucune reserue pour ce regard, comme il se verra clairement par la seule lecture. Au contraire, depuis la paix de 44. & 59. le feu Duc de Sauoye, par traitez particuliers faits au Valentin, à Fossan & Turin és années 1564. & 1574. a reconnu ledit Marquisat estre de la Couronne de France, & les habitans d'iceluy estre sujets & vassaux du Roy tres. Chrestien.

Ce qui a esté confirmé par le Duc, qui est à present, par plusieurs Lettres patentes, ayant peu auant restitué au sieur Marechal de Rets, pour & au nom du Roy Henry III. le chasteau de Carmagnoles, & autres fortresses dudit Marquisat, comme appartenans au feu Roy. Que ce qu'il auoit fait, estoit pour son seruice, & pour conseruer ledit Marquisat en son obeysance. Et de fait, long-temps apres il fit rendre la iustice au nom du Roy, & par ses Officiers Royaux, & fit faire le serment aux sujets & vassaux, sous le nom & l'autorité du Roy tres-Chrestien : & si par surprise ledit Duc auoit obtenu quelque declaration, comme il se vante par la dite responce ; il est sans doute que cela ne pourra valloir au preiudice des traitez & du droit acquis aux Rois & à la Couronne de France.

*PREMIER PROCEZ VERBAL DES COMMISSAIRES DU ROY.
Ch. de Duc de Sauoye, pour les limites de Bresse Ch. de Sauoye. Fait à Gex en Oâtobre 1605.*

NOUS Eustache de Resfuge, Conseiller du Roy en son Conseil d'Estat, Maistre des Requestes ordinaire de son Hostel ; & Guillaume de Montholon, aussi Conseiller du Roy, & Maistre des Requestes

ordinaire de son Hostel, Commissaires deputez par sa Majesté tres-Chrestienne, par ses Lettres patentes du iour de dernier, signées HENRY, & plus bas, Par le Roy, POTIER: Et scellées du grand scel sur simple queue.

Et nous Iean Claude de la Roche, Conseiller d'Estat de Monseigneur le Duc de Sauoye, premier President en la Chambre des Comptes dudit Sauoye, & Antoine de Charpene, aussi Conseiller de mondit Seigneur le Duc, Senateur au Senat dudit Sauoye, Commissaires deputez par son Altesse, par lettres patentes données à Turin le 8. iour d'Octobre 1605. scellées & signées, C. EMANVEL, V. PROVANA, & contre-signées, R. ONCAS.

Afin d'effectuer & executer le traité de paix conclu & arresté entre ladite Maiesté & ladite Altesse, le 17. iour de Ianvier 1601. en ce qui concerne la limitation des pays cedez par iceluy: Sçavoir faisons, à tous qu'il appartiendra, que nous estant trouvez & assemblez dans la ville de Belley, le vnziesme iour d'Octobre 1605. auroit esté proposé par lesdits Deputez de son Altesse, qu'ayant esté aduertis de l'arriué de nous les Deputez de sa Majesté, au lieu de Seyssel, ils nous auroient fait entendre qu'ils se rendroient audit lieu où l'on commenceroit de proceder au faire desdites Commissions, estans aduertis du iour & du lieu. Sur quoy ayant receu nos Lettres, par lesquelles leur estoit donné iour au Lundy dixiesme iour dudit mois: ils s'y sont à ces fins acheminez & remis en ce lieu, pour donner commencement, suite & paracheuement au fait de ladite Commission, estans prests d'y vacquer.

Quoy entendu, nousdits Deputez de la part de sa Majesté, auons declaré, que suivant les commandemens que le Roy nous auroit faits; Nous nous serions transportez & rendus à Seyssel, au iour pris avec le sieur de Challes, Ambassadeur de son Altesse près de sa Maiesté, qui fut le dernier du mois de Septembre dernier, auquel lieu n'ayant trouué les Deputez de son Altesse, ny eu aucun aduis d'eux; nous nous serions transportez & rendus à Belley le 3. iour d'Octobre ensuiuant, pour estre plus proche des lieux de Pierre-Chastel & Chauas, pour iceux voir, visiter & remarquer les endroits où les bornes doiuent estre posées. Ce qu'aurions fait, accompagnez des Officiers au Baillage & Election de Bugey; & estant audit Belley le 7. iour dudit mois d'Octobre seulement, nous aurions receu Lettres dudit sieur de la Roche, du 5. dudit mois, par lesquelles il nous donnoit auis d'auoir sceu nostre arriué; & qu'il estoit commis avec ledit sieur de Charpene; offrant de se trouuer aux lieux, iour & heure qui seroient par nous nommez. Surquoy nousdits Commissaires de son Altesse, auons dit n'auoir onques esté aduisez du iour & lieu certain, ausquels il conuiendroit donner commencement à ladite commission; ny aussi de l'arriué susdite, iusqu'audit iour 5. du present mois d'Octobre, par le moyen des lettres, & aduis qui nous en a esté donné de ceux lesquels nous auons priez nous rendre certains des ap-

proches ou arriué des Commissaires de la Majesté susdite.

Et pour donner commencement, a esté proposé de faire apparoir de nos pouvoirs de part & d'autre. A quoy satisfaisans, nous Commissaires de son Altesse, n'ayants en main promptement, à cause de l'indisposition d'icelle, autre commission que celle de Monsieur d'Albiny, Chevalier de l'Ordre, & Lieutenant general de sadite Altesse deçà les monts, dattées du 3. dudit mois, portant promesses de nous mander dans peu de iours ample commission de mondit Seigneur le Duc, avec approbation & ratification de ce qui auroit esté fait; icelle aurions exhibée: sur laquelle nous susdits Commissaires de la Majesté, aurions déclaré ne pouvoir entrer en conference, sans que l'on nous fist apparoir du pouvoir de son Altesse: pource qu'estant question des limites de deux Souverainetez, ils ne se pouvoient terminer qu'avec suffisant pouvoir des Souverains, ayant pour cét effet remis la Conference iusqu'à ce qu'il nous apparoilroit du pouvoir de son Altesse, leur ayant offert apres que cela seroit, de leur montrer le pouvoir que nous auons de la Majesté.

Et le lendemain douzième dudit mois, ayant esté par nous Commissaires susdits de son Altesse, receu le pouvoir & commission d'icelle, dès le soir precedent, en datte susmentionnée, serions allex trouver lescdits sieurs Deputez de la Majesté: & apres communication respectiue faite de nos pouvoirs & commissions, & donné copie d'icelles respectiuement par nous signée; Aurions discoursu de la forme & ordre que nous aurions à tenir à l'execution de nosdites Commissions: & apres plusieurs ouvertures faites de part & d'autre, sur ce, sommes tombez d'accord de voir & visiter lescdits lieux, afin d'en estre plus particulierement informez. En execution de quoy, nous nous serions transportez, non seulement es terres, lieux & villages cedez à la Majesté par delà le Rosne; mais aussi par les passages, lieux, terres & parroisses reservez & retenus à son Altesse, sçavoir les parroisses de Lean, Lauerain & Chizery, iusqu'à l'entrée de la Franche-Comté de Bourgogne: & apres avoir visité tous lescdits lieux; nous nous serions assemblez pour conferer & adviser les endroits esquels il conuenoit apposer & planter les limites.

En laquelle conference faite à Colonges, les 17. & 18. iours dudit mois; Nous lescdits Deputez de son Altesse, auons dit & remonstré, que puis que les mots du traité sont exprez, ils ne peuuent estre tirez outre la propriété d'iceux, par vne interpretation extensiuë; & où le texte ne fait aucune distinction, ou limitation; il ne conuient pas induire ou presupposer contre l'intention de l'un des transigeans: Delà s'ensuit que tout ce qui se trouuera auoir esté approprié contre la teneur des termes exprez portez par le traité de paix, conclu à Lyon le 17. iour de Ianvier 1601. doit estre réparé, restitué, & remis en son entier. Lequel traité en ce qui peut concerner l'esclaircissement de la limitation d'entre les souverainetez, contient deux articles, à sçauoir le premier & le 3.

Quant au premier, son Altesse cede & transporte à la Majesté tres-

Chrestienne, la Bresse, Bugey & Verromey, iusqu'à la riuere du Rosne, icelle comprise en cette cession, de quoy est excepté ce qui s'ensuit, qui doit demeurer à sadite Altesse, à sçauoir le pont de Grezin, les paroisses de Lean, Laucran, & Chizery, avec tous les hameaux & territoires qui en dependent entre la riuere de la Vaufferine, & le long de la montagne appellée le grand Credo, iusqu'au village appellé la Riuere. De mesme est excepté, & demeure audit sieur Duc, non compris en ladite cession, le lieu de Negre Combes, qui est dependant de la paroisse de Chizery, de ladite Vaufferine, iusqu'à l'entrée du Comté de Bourgogne.

Delà s'ensuit que la paroisse de Lean, comprend tout ce qui depend d'icelle dés le Rosne, iusqu'au plus haut crest & faiste de la montagne faisant la fin d'icelle paroisse, par ces mots, Le long de la montagne: Item par autres mots, avec tous les hameaux & territoires qui en dependent: Et par consequent, sont reseruez les villages de Lean, Grezin, Longery, le Lauoir & le Molard, & leurs territoires & hameaux; ne se trouuant pour ce regard autre exception expresse, que de l'Eseluse, sans autres dependances de villages ou hameaux: estant à noter que la riuere de Vaufferine ne touche ny aborde en aucuns endroits ladite paroisse de Lean; ains seulement le Rosne.

La paroisse de Laucran, n'a autres bornes par ledit traité, que le Rosne & la Vaufferine, & en haut le long de la montagne, distinguant la Prouinee & Baillage de Gex d'avec ladite paroisse.

De mesme, celle de Chizery, bornée en bas de ladite riuere de Vaufferine, & limitée du costé du Septentrion, par le village appellé de la Riuere, qui est de l'extremité de toutes lescdites paroisses de l'un des costez, & l'Eseluse de l'autre.

De plus, outre ladite riuere de Vaufferine, est reserué audit sieur Duc, & luy doit demeurer le lieu de Negrecombes, dependant de ladite paroisse de Chizery, s'estendant dés ladite riuere au Comté de Bourgogne, & ce en mesme façon que les precedens reseruez par ledit article; veu mesmes qu'audit article n'y a aucune restriction semblable à celle qui est portée par autre article subsequitif, par ces mots, Sans y comprendre le surplus des Mandemens desdits lieux & leurs territoires; & que le passage ne peut estre tenu pour libre, si pour iceluy n'estoit destiné autre que sept ou huit maisons, avec leur chemin pour la retraite des armées; delaisant le surplus des hameaux & territoires dudit lieu.

Surce qui est mis en difficulté, de l'endroit où se peut prendre le long du grand Credo: à cela est respondu, que c'est la montagne, visant du costé du Rosne, & située sur le chemin, appellé communement le grand chemin, sous le grand Crest dessusdit: faisant icelle montagne front sur villages & territoires de la Maladiere, Anach, Longery & le Molard, iusqu'à l'Eseluse; eu mesme esgard, que tout ce qui est au dessous dudit grand chemin, iusqu'au Rosne, sont prairies & terres arables & labou-

rables, qui ne peuvent en ce pays de Sauoye estre compris en la denomination de montagnes.

Quant au 3. article dudit traité, concernant les lieux & villages d'Aire, Anully, Chancy, Pont d'Arlo, Seyssel, Chancen & Pierre-Chastel, puis qu'en iceux, ny en leur denomination, ne peut estre compris le surplus de leurs Mandemens & de leurs territoires respectivement, ains se trouvent expressement exceptez par ledit traité; ils ne peuvent estre estendus plus outre, que des edifices & maisonemens assemblez, situés & vnis auprès du Rosne, en ce pour la commodité des ponts & ports y estans; dont sont exclus partant les autres villages & hameaux separés & escartés par quelque distance des autres: comme aussien est exclus tout le terrage & territoire. Partant il n'y a propos ny apparence de vouloir attirer tous lesdits lieux & villages sus-mentionnez, tout ce qui est de la mesme parroisse respectivement; veu que quand par ledit traité telle chose est entenduë, ce mot de la parroisse & les hameaux sont exprimez. Ce qui ne se trouve pour le regard desdits lieux, ains exclus par la fin dudit article troisieme.

Autrement se trouueroit vne repugnance euidente. Car on veut, par exemple, attirer avec la ville de Seyssel, tout ce qui depend de la parroisse, qui sont sept ou huit villages, & vne iurisdiction limitée; à sçauoir les villages de Renee, Coligny, Poligny, Cartil, Vallod, Epinofas, Charagny, Praromas, & Peyreiros, auquel lieu de Colligny y a vne Eglise, fille de la parroisse dudit Seyssel; le tout communement appellé les Costes, qui ont de tout temps recouuré leurs tailles & impositions par roolles à part, & separément; & en iceux estoient compris les habitans de la Ville de Seyssel, qui possédoient des biens riere lesdites Costes, & lesquels y ont payé & contribué les tailles & impositions, selon la cotte y tirée: il se trouueroit que tout le Mandement de Seyssel demeureroit au Roy; & par consequent la reserue portée par ledit article, inutile & illusoire: comme de mesme se peut cotter pour le regard de Chauas, la parroisse duquel lieu comprend les villages de Flandres & Sindon, separés dudit Chauas d'une montagne, qui ont tousiours contribué en Sauoye, & encore le village du Bouilloër, & plusieurs hameaux & maisons separées & escartées dudit village de Chauas, qui est tout le Mandement dudit lieu: & ainsi se peut dire de tous les autres lieux & endroits semblables.

Ne peut obster le mot de terres qui se trouve en quelques copies ou extraits, ja soit qu'en quelques autres, voire es impressions d'Histoire de France, ledit mot ne s'y trouue; veu qu'il peut estre verifié par les terrages aboutissans aux maisons, & deservans à la commodité d'icelles, & pour la difference qu'il y a entre terres & territoires, selon le droit commun.

Quant à la parroisse de la Balme, située lez le Rosne, à l'endroit de Pierre-Chastel, le terroir de laquelle, en trois villages, s'estend enuiron

vne lieuë & demie de longueur, & d'environ vn demy quart de lieuë de largeur, dependant de la jurisdiction de la Dragoniere, & non de Pierre Chastel aucunement, elle ne peut estre attirée ny dependre de la Tour, qui a esté construite dès environ dix-huit ans ençà, pour la garde & tutelle du port sur le riuage & destroit du Roine, à l'opposite dudit Pierre Chastel, duquel ladite Tour, par commun vsage du peuple, a eu le nom de Pierre Chastel; & laquelle denomination ladite paroisse de Balme n'a onques receu, bien qu'il en depende, vne filiole sous le vocable de saint Blaise, située de l'autre part du Roine, & comprise icelle filiole en terres cedées à sa Maiesté par le premier article. Partant pour n'estre fait aucune mention audit traité de la paroisse de Balme, elle ne peut en vertu d'iceluy estre censée entre les terres cedées; veu mesme qu'apres la conclusion dudit traité, par l'espace de trois quartiers subsecutifs, ladite paroisse payoit les tailles aux Receueurs & Tresoriers de son Altesse, sans difficulté, iusques à ce que ledit sieur de son autorité particuliere, l'a fait contraindre de payer les tailles aux Officiers de S. M.

Partant, nousdits deputez de son Altesse, demandons que les terres & lieux dont le trouueront les Officiers de sa Maiesté s'estre emparez contre la forme sus écrite, estre restituées à ladite Altesse, & les limites estre apposées en conformité que dessus.

A quoy par nous Commissaires de sa Maiesté a esté respondu, que l'on est d'accord que les mots du traité sont expres & clairs. Mais que l'interpretation que l'on y apporte, soit selon leur vraye propriété; c'est la question.

Par le premier article Monsieur de Sauoye a cédé au Roy toute la Bresse, Bugey, Varromey, & generally tout ce qui luy peut appartenir iusques à la riuere du Roine, icelle comprise; sans rien retenir ny reseruer, sinon pour la commodité du passage, le pont de Grezin sur ladite riuere du Roine; & par deçà le Roine, les paroisses de Lean, Lauetan & Chizery, avec les hameaux & territoires qui en dependent, entre la riuere de Vausserine, & le long de la montagne appellée le grand Credo, iusques au lieu & village appellé la Riuier: & passée ladite riuere de Vausserine, s'est ledit sieur Duc de Sauoye reserué le lieu de Negre-Combe, iusques à l'entrée plus proche pour aller & passer au Comté de Bourgogne.

Pour l'explication de cet article, l'on ne veut point reuoquer en doute que la paroisse de Lean ne soit reseruée. Mais que tous les hameaux que l'on dit en dependre, mesme ceux de Longery, le Lauoir & le Molard le soient; c'est chose qui est du tout déniée, & laquelle tant s'en faut qu'elle se puisse conclurre des mots du traité, qu'au contraire il y a vne restriction fort expresse & intelligible de ces lieux-là, à qui en a veu la situation.

Car nommement on ne reserue que les hameaux & territoires des paroisses de Lean, & autres desnommées audit article, lesquelles sont

entre la riuere de Vaußerine, & la montagne du grand Credo.

Ce mot, entre, est liminatif, ne se pouuant prendre autrement, & presuppose necessairement la designation de deux confins pour le moins, de façon que la riuere de Vaußerine estant confessée pour vn des confins, il faut que le long de la montagne du grand Credo soit necessairement l'autre confin; n'y en ayant point d'autre desnommé audit article. Aussi seroit-ce renuërser toute sorte de construction, d'y vouloir rechercher vn autre sens.

Et sous correction, la consequence que l'on tire de ces mots, Le long de la montagne, est fort contraire au sens qui se recueille de ce qui precede. Car il n'est pas dit que ledit sieur Duc se soit reserué ce qui est au long de la montagne du grand Credo; mais bien ce qui est entre la riuere de Vaußerine & le long de ladite montagne: lesquels mots en cette clause ont vne liaison necessaire, & tellement inseparable, que de les separer, c'est vouloir entrer en vn nouveau traité, & non pas suivre ce luy qui est fait.

Il y a bien difference entre ce qui est confin & ce qui est confiné; & les confins sont tousiours de diuers nature, d'avec ce qui est confiné.

L'on est d'accord que ce qui se trouue desnommé & confiné en cette reserue, appartient à Monsieur de Sauoye. Mais que les confins luy appartiennent, il n'y a nulle apparence. Car puis que l'intention a esté de separer cette reserue des Estats du Roy, il faut necessairement que les confins desnommez en cet article, qui sont la riuere de Vaußerine & le grand Credo, appartiennent entierement au Roy, comme le pays confiné appartient à Monsieur de Sauoye. Autrement la chose separée, & celle qui fait la separation seroit vne mesme chose. Ce qui ne se peut induire ny imaginer par la ratiocination & sens commun.

D'entrer en cette recherche, si le grand Credo est ce que l'on appelle autrement la montagne de Surgia, ou ce qui est au dessous, tirant plus vers le Rosne; il seroit pour la difficulté qui se presente, du tout inutile; Car en effet les villages de Longercy, le Lauoir & le Molard, pour raison desquels est le principal differend, ne sont du costé de ces montagnes, lesquelles ne regardent la riuere de Vaußerine; ains tout au contraire sont du costé opposé, regardant la montagne de saint Auctier, qui est en Sauoye delà le Rosne.

Ainsi donc, encore que, à ce que l'on pretend, lesdits villages de Longercy, le Lauoir & le Molard dependissent de la paroisse de Lean; neantmoins n'estant entre ladite riuere de Vaußerine & aucune desdites montagnes de Surgia ou Credo, il ne se peut dire qu'ils soient compris en la reserue, par ces mots, Entre la riuere de Vaußerine & la montagne du grand Credo; restrainant cette expression generale qui est auparavant, Avec tous les hameaux & territoires qui dependent desdites paroisses desnommées.

C'est la vraye interpretation des mots du traité, selon leur propriété.

Mais l'intention de ceux qui ont traité, se reconnoist encore mieux par la cause, ou le motif sur lequel principalement est fondée la reserve faite par Monsieur de Sauoye, qui est pour la commodité du passage des gens de guerre qui passeront en la Franche-Comté; lesquels passans au pont de Grezin, faudroit qu'ils reculassent vne lieüe en arriere de leur chemin, pour prendre la commodité desdits villages de Longery, le Molard & le zavoir, qui en sont esloignez. Et si bien l'on a spécifié lean dans la reserve, ç'a esté pource qu'il estoit beaucoup plus proche que non pas lesdits lieux.

Et l'expression de lean jointe avec la limitation des hameaux dudit lieu, & autres paroisses reservees, lesquelles sont entre la riuere de Vauferine & le long de la montagne dudit Ctedo, montre assez que l'on n'a iamais entendu que lesdits gens de guerre passassent par delà ledit lean, & s'allassent loger à Longery, le zavoir & le Molard, qui ne sont qu'à deux ou trois cens pas de l'Ecluse. Aussi cela ne pourroit-il estre sans donner ialousie à la garnison, & sans empescher la liberté du passage, n'y en ayant aucun autre. Ce qui seroit contre l'intention du traité.

Mais comme l'intention de Monsieur de Sauoye a esté de reserver ce qui peut seruir à la commodité du passage; aussi celle du Roy a esté de la luy laisser, & retenir à luy le surplus. De façon que le lieu de Mentire, lequel est tout en haut, & derriere la pointe de la grande montagne qui est vis à vis de Montanges, appartient à sa Maiesté, comme estant lieu non seulement du tout incommode; mais inutile pour seruir au passage, & non compris entre la montagne & la riuere de Vauferine: Et neantmoins il semble que l'on le vueille comprendre en la reserve faite par Monsieur de Sauoye. Ce qui ne peut estre.

Comme aussi l'on y veut comprendre Magra, qui est sur le chemin de Negre-Combe à la Franche-Comté, encore qu'après ledit S. de Negre-Combe, Monsieur de Sauoye ne se soit réservé aucun lieu ny autre chose sur ledit passage, sinon la permission de passer; n'y ayant de Negre-Combe iusques à la Franche-Comté qu'une lieüe, ou vne lieüe & demie pour le plus.

Quant au troisième article du traité, il est aussi clair que le premier; si l'on veut suivre la propre signification des termes avec lesquels il est couché. Par le commencement d'iceluy, il appert que son Altesse a non seulement cédé les lieux & villages d'Aire, Chanly, Anully, pont d'Arlo, Seissel, Chauas & Pierre Chastel, mais aussi les terres. Car de s'arrester à certaines impreses d'histoires d'Historiens, qui peuuent auoir esté mal-informez, où l'on pretend que le mot de terres est oublié; il n'y a nulle apparence. Il faut auoir recours aux originaux des traitez, ou copies collationnées sur lesdits originaux, où ce mot de terres est escrit.

Et pour le regard de la reserve qui est faite par le mesme article du surplus des Mandemens desdits lieux, & de leurs territoires; ces mots de leurs territoires s'entendent des Mandemens, & non pas des territoires
desdits

desdits lieux cede : Autrement l'article impliqueroit en soy vne manifeste contradiction, contre l'intention de ceux qui ont dressé le traité.

Mais comme au commencement de l'article, l'on a joint avec ces mots, Des lieux & villages, le mot de terres, pour exprimer la cession faite des territoires dependans immediatement desdits lieux ; aussi en la reserve que l'on a voulu faire du surplus des Mandemens, l'on a adiousté le mot de territoire desdits Mandemens pour vne expression plus particuliere de ce que l'on reseruoit.

De donner vne nouvelle interpretation au mot de Terres, il n'y a nulle apparence. Car on sçait que le mot de Terres, joint avec Villages & lieux, ne peut signifier ny jardins, ny vergers, ny autres espaces enclos dans les villages. Car s'il n'auoit que cette signification, le mot seroit inutile en cet endroit, veu que ces mots de lieux & villages comprennent tout ce qui y est enclos, soit qu'il soit basti ou non basti.

Quant à l'argument que l'on tire du mot de paroisse, duquel on vse au premier article du traité, pour la reserve faite par Monsieur de Sauoye des lieux deçà le Rosne, pour la commodité du passage, la consequence n'en est pas necessaire. Car entre plusieurs synonymes, on peut vser tantost de l'un, tantost de l'autre, pour euiter la repetition des mesmes mots, & ce peut faire que ce mot de paroisse est plus commun en l'usage & façon de parler es lieux reservez à Monsieur de Sauoye, & tant peut estre leus affaires reglées selon l'ordre des paroisses, que non pas es lieux desnommez en ce troisieme article, où les affaires sont reglées par Mandemens & par Ressorts.

Mais puis que ces mots de lieux, terres & villages expriment assez la cession faite non seulement des lieux desnommez audit article troisieme, mais aussi des terres, excepté le surplus des Mandemens, en vain desire-t'on que l'on ait vse du mot de paroisse.

Car entant que le territoire d'un des lieux desnommez est mesme chose, & n'est separé du territoire de la paroisse ; il est certain que le territoire du lieu est le territoire de la paroisse : & que iustement le Roy le peut pretendre, & qu'il ne faut exprimer le nom de paroisse, puis que le territoire du lieu s'estend aussi auant.

Que si pour le regard de Negre-Combe reserve à son Altesse, l'on estend ces mots de lieux aux dependances dudit Negre Combe, il y a mesme raison de luy donner la mesme signification & mesme force en cet article troisieme, & encore de l'estendre plus auant en consequence de ces autres mots qui suivent, Terres & villages.

Et pour le regard de ce que l'on dit que Seyssel est separé d'avec les Costes, il se verifera que les Costes ont tousiours esté imposées à la taille aussi sous le nom de Seyssel ; & qu'elles n'ont fait qu'un mesme corps & communauté avec ledit lieu de Seyssel, & ont contribué à mesmes charges ; & sont encore possédées presque toutes par les habitans dudit Seyssel : & mesme l'Eglise de Coloigny n'est qu'une filiole de Seyssel, &

ont contribué à mesmes charges, & sont encore possédées. Ainſi les terres de Seyſſel eſtant cedées, il n'y a point de doute quel endroit des Coſtes, qui eſt le vray territoire de Seyſſel, n'ait eſté cedé.

Je diray que ſi les Coſtes ſont comprises pour le territoire de Seyſſel, il ſe trouueroit que tout le Mandement de Seyſſel demeureroit au Roy, & par conſéquent la reſerue portée du ſurplus des Mandemens, inutile & illuſoire pour le regard de Seyſſel, comme auſſi pour le regard de Chauas.

Il n'eſt pas inconuenient que cette claue ne ſoit inutile, pour le regard de ces deux lieux : mais elle peut eſtre vtile pour quelqu'un des autres nommez au meſme article; comme pour le pont d'Arlo, duquel dependoient pluſieurs autres territoires, outre celui de la paroiſſe, & a eſté principalement cette claue appoſée pour limiter & reſtrindre le mot de terres aux territoires qui dependent immédiatement deſdits lieux eedez.

Quant à la paroiſſe de Balme de Pierre Chaſtel, ſous correction, n'y ayant point d'autre Pierre Chaſtel par delà le Roſne, il ne ſe peut dire que l'article troiſième s'entende d'autre lieu que celui-là. Car d'appeller la Tour qui ſert de ſentinelle au paſſage, en laquelle il n'y a point d'habitation; il n'y a nulle apparence.

Et meſme que le lieu que l'on appelle la Balme de Pierre Chaſtel, eſt peu diſtant de ladite Tour, laquelle luy ſert comme de porte du coſté de Chambery : & en effet, c'eſt la paroiſſe en laquelle anciennement les habitans dudit Pierre Chaſtel demeurant au deçà du Roſne, alloient à la Meſſe, en l'Egliſe appellée S. Blaiſe, qui depuis a eſté baſtie deçà le Roſne & n'eſt encore qu'un ſecours de cette paroiſſe : & l'un & l'autre ne fait qu'un meſme corps & communauté.

Il ne ſert de rien de dire, que ledit S. de la Balme de Pierre Chaſtel delà le Roſne, depend du Mandement de la Dragonerie, qui eſt en Sauoye; d'autant que l'on ne pretend rien ſur ledit Mandement, outre les terres dudit Pierre Chaſtel delà le Roſne, & ſe reſtreint-on pour ce regard à la claue de l'article troiſième, ſans en ce comprendre le ſurplus des Mandemens deſdits lieux & territoires deſdits Mandemens.

Dauantage, il ſe peut dire que la ceſſion faite de Pierre Chaſtel par delà le Roſne, ſeroit du tout inutile à ſa Maieſté, ſi l'on n'auoit entendu ceder avec la Tour qui ſert de ſentinelle au paſſage, le lieu de la Balme: d'autant qu'il ſeroit impoſſible d'entrer & ſortir de cette Tour par terre, ſans paſſer ſur les terres de Monſieur de Sauoye; & ainſi le paſſage ne pourroit eſtre libre au Roy, contre l'intention du traité.

Outre ce, le voiſinage de la garniſon que ſa Maieſté tient à Pierre Chaſtel deçà le Roſne, & les ſentinelles qui ſe mettent ordinairement en ladite Tour, qui eſt ſur le paſſage ſi proche des ſujets de ſon Alteſſe, pourroient cauſer pluſieurs ríotes & diſputes entr'eux, contre l'intention dudit traité, qui a eſté fait pour viure en paix, & y faire viure les ſuiets des deux Souuerainetez les uns avec les autres.

Ainsi donc, soit que l'on veuille expliquer ledit traité selon ses termes, ou selon l'intention de ceux qui ont traité ; il est certain que les lieux cedez ne se doiuent borner ny limiter au pied de la muraille de leur enclos : mais au finage des terres qui en dependent immédiatement. Et le territoire des lieux cedez ne se trouuant point séparé du territoire de la paroisse, ains ne faisant qu'un territoire & communauté avec la paroisse, le Roy a suiet de prendre tout le territoire qui en depend.

Auquelles raisons par nous Deputez de son Altesse, a esté repliqué, Que la reserve faite par son Altesse en la cession dont est question, comprend tous les hameaux & territoires dependans des paroisses de Lean & Laueran indifferemment : & puis qu'il n'y a autre exception ny distinction par le traité, fors de la riuere du Rosne & l'Ecluse ; il ne se doit adiouster autre exception : estant certain qu'il n'y a aucune partie de ladite paroisse de Lean qui touche ou aborde en façon quelconque de près ny de loin la riuere de Vauferine, laquelle riuere se perd dans le Rosne au dessous de Ballon, laissant un grand territoire & deux ou trois villages d'interualle, qui dependent de la paroisse de Laueran, plus d'un quart de lieuë de longueur, auant qu'on arriue au commencement de la paroisse de Lean, laquelle n'aboutit à aucune autre riuere, qu'au fleuve du Rosne : de quoy est necessaire conuenir.

Comme aussi on demande estre conuenu des choses suivantes : à sçauoir, que la paroisse de Lean comprend, comme a esté dit cy-deuant, l'Ecluse, le Molard, le Lauoir, Longerey & Grezin ; ladite Ecluse exceptée par ledit traité, à present le tout descendant iusqu'au Rosne.

Plus au delà, tirant du costé du Couchant, est la paroisse de Laueran, partie de laquelle s'estend & finit par le bas au Rosne, & partie en la Vauferine, & suiuaument le long de ladite Vauferine, & la paroisse de Chizery, reservee iusques au village de la Riuere, qui est du costé du Septentrion : le tout sans autre limitation du dessus qui puisse conuenir à ladite paroisse de Chizeray, ny à la plus grande part de celle de Lancrain sur les villages de Confort, de Lancrain & Ballon, autre que de l'extremité desdites paroisses : puis que ledit traité n'en parle point.

Quant à la designation portée par le traité, où est fait mention du long de la montagne, appelée le grand Credo, il ne se trouuera qu'onques les montagnes situées au dessus du Ballon, Lancrain, Confort & Chizery ayent esté ainsi appelées ou desnommées.

Ny pareillement que les autres villages de ladite paroisse de Lancrain, ny leurs territoires vinsent à l'endroit de la riuere de Vauferine, en tout ny en partie ; & par consequent que le lieu où ladite Vauferine entre & perd son nom dans le Rosne, puisse filer en diamètre ou autrement par droite ligne, à quelque commencement de montagne, qui ait receu ou reçoie à present le nom de montagne du grand Credo, ou autre denomination semblable, ny approchante, pour y comprendre

& enclaver les autres villages restans de ladite paroisse de Lancrain, ny aucuns de celle de Lean ou les dependances.

Par consequent, s'il n'estoit limité dès la Vaufferine, au lieu qu'on presuppõe estre le grand Credo; il s'ensuiuroit vne repugnance evidente, à sçavoir que toute la paroisse de Lean est presque la moitié de celle de Lancrain du haut en bas, iusques au Rosne, y compris le chemin du passage; & tous les hameaux des choses sùdites, voire Grezin mème, seroient exclus des territoires contenus & reseruez par ledit traité, & non cede, & neantmoins ils y sont compris par termes exprez.

Et pour le regard de la montagne du grand Credo, il ne se peut comprendre autrement que par les crests qui sont au dessus de la haute montagne; puis qu'il ne se trouuera aucun petit Credo, à difference du grand, sinon qu'on voudrøit bailler la denomination du petit à commencer à l'endroit de la fontaine de Menon, qui est au pied de la haute montagne, entre le terroir de Ballon du costé du Couchant, & la Maladerie d'Auanchy, du costé du Leuant, & de la file par la sommité des terres labourables & cultivées autour de la montagne, iusques bien près de l'Ecluse, au dessus des villages de Molard & de Longerey, iusques à ce qu'on paruiet aux rochers qui sont entre ledit Molard & la grande Ecluse, & lesquels rochers aboutissent au grand chemin de ladite Ecluse, en distance de plus de deux à trois cens pas communs, par le moyen des sinuosités, reflexions & contours qu'ils font à l'entour dudit grand chemin, auant que paruenir au terroir cultivé dudit Molard. Et si on pretend y auoir autre lieu qui puisse estre veritablement appelé Credo, ou grand Credo; il faudroit le designer & verifier.

Que l'Ecluse, outre quelque espace de chemin que lesdits rochers confrontent, en a abondante & ample commodité de l'autre costé de toute la terre & Baronie de Gex.

Qu'à l'endroit du lieu cy-dessus indiqué, lequel vray semblablement seroit ledit Credo, à difference du grand, est le chemin public tendant de Ballon à l'Ecluse, appelé communement le chemin du Credo; estant neantmoins à noter, que le traité ne met pas pour confin aucun chemin.

De plus, que Magra, qui contient seulement deux maisons, est enclavé & compris dans le finage & dixmerie du lieu de Negre-Combe, qui depend de la paroisse de Chizeray, comme souuent est dit, regardant sur le chemin du passage, duquel lesdites maisons de Magra ne sont point éloignées d'un demy jet de pierre.

Et finalement que le village de Mentieres & son territoire, qui est situé sur un rocher, droit au dessus le chemin dudit passage dans la paroisse de Chizeray; & par consequent facilement dès ledit lieu pourroient estre roulées des pierres dans ledit chemin, & empescher ledit passage; n'est pas enclavé dans la Vaufferine & le grand Credo, ny plus ny moins que

tous les autres lieux, terres, villages & hameaux de la paroisse de Chize-ray, compris neantmoins audit traité.

Ce que dessus estant veritable, comme il est, & en apparoistra par la conuention qu'on demande estre faite, ou par sommaire emprise, & preuue, & en cas de contrariété, s'ensuiura le fondement des propositions faites par les Deputez de ladite Altesse estre solide; priant les seigneurs Deputez de sa Maiesté, vouloir conuenir de ce que dessus, ou à faute de ce, assister à la sommaire emprise & preuues qui en seront faites, afin de paruenir à la limitation qui en resultera.

En ce qui est dit, que le confin est exclus de la chose confinée; il est vray, lors que le confin ne peut receuoir diuision par partie qui soit en soy ou en sa superficie: mais quand le confin contient quelque latitude qui peut estre leparée par consideration de moitié, ou autre partie, il demeure commun aux aboutissans. Pour obuier à quoy, ceux qui dressent ledit traité, ont expliqué par termes exprez, que le fleuue du Rosne appartiendra entierement à sa Maiesté.

Il n'est pas impertinent ny inconsiderable, qu'une montagne ayant sa denomination generalement, soit de Surgia ou autre, reçoie neantmoins en ses particules & parmy sa grande contenuë, diuerses & separées appellations, selon la diuersité des possessions y enclauées. Comme par exemple, ladite montagne de Surgia a en sa sommité plusieurs grands & spacieux crests, appelez en quelques endroits coupeaux de montagne; à sçauoir, entr'autres, le crest de Rochenoy, le crest de Miroër, le crest de Chastillonel, & plusieurs autres, dont les vns sont de plus ample contenuë, autres de moyenne, & d'autres de petite.

Les termes, Pour la commodité du passage, ne peuuent causer autre restriction aux termes & lieux qui sont necessaires au passage; puis qu'on voit que Lean & le terroir auprès de saint laquemos sous Ballon, comme encore plusieurs autres endroits des paroisses reserues susdites; ne deseruent ny ne sont necessaires aucunement audit passage, ains en sont esloignées; & neantmoins nommement sont comprises es lieux reseruez par le texte formel dudit traité. Partant ne peut estre inferée consequence semblable. Mais se voit que lesdits mots, Pour la commodité du passage, sont apposez seulement pour vn motif & cause impulsive, & non limitative.

Quant à la distance ou proximité du village de Longerey à l'Escluse, il se trouuera l'interualle estre de plus de mille pas communs, & dès le Molard d'environ la moitié. Mais pource qu'on ne veut s'imaginer ny pretendre que les armées passant par leur chemin, voulussent se destourner de tant, que d'y aller loger, voire non plus à Lean, qui est distant dudit chemin enuiron vn quart de lieuë, ou dauantage, veu que ce seroit par trop s'incommoder.

Par ce qui a esté remontré & mis en auant cy-dessus, est respondu à suffisance sur le particulier du village de Mentieres, & son territoire, situé

en la paroisse de Chizery, & bien avant en deçà du village de la Rivièrè du costé du Midy. Car il est sur le commencement de ladite paroisse, comme aussi est employé en tant que concerne Magra.

Les mots, Et de leur territoire, ne peuvent estre rapportez qu'aux precedens immédiatement, à sçavoir desdits lieux. Autrement seroit induire vne superfluité ou pleonasmè. Car il n'y a point de Mandement sans territoire y enclaué & compris. Bien y a-il des lieux & villes sans territoires; & ainsi peuvent subsister & estre entendus.

On ne nie que les mots de paroisse & terres soient synonymes, ny convertibles de l'un à l'autre; veu que l'un, sans comparaison, a plus ample signification, & comprend plus que l'autre & dauantage tout ensemble.

Le premier article du traité, en ce qui concerne Negre Combe, ne peut attirer à soy la clause & reserve qui n'y est pas exprimée, & en prendre communication sur le troisième article, qui est son postérieur, concernant diuerses choses, raisons & causes différentes. Moins peut donner argument valable, sous correction, pour enleuer dudit troisième article, ce qu'il a & tient compris en soy expressement. Les roolles des tailles des coltes sur Seyssel, feront apparoir de ce que pour ce regard a esté cy-deuant proposé; & d'ailleurs les paroles des lieux, terres & villages se doiuent rapporter singulierement à chacune des choses cedées, à sçavoir que le village retienne les terres qui sont dans iceluy, si aucunes y en a, & de mesme des lieux & villes, & non pas interpreter coniointement que les villages comprennent coniointement les lieux, villes, terres & paroisses, auxquelles ils sont joints; & ainsi de tous les autres reciproquement.

Comme de mesme, ne pourroit estre inferé valablement que le lieu d'Aire, qui consiste en petit nombre de maisons situées au bord du Rosne, à l'opposite deuers où est vn port à batteau, attire à soy d'autres terres voisines. Moins y auroit-il raison d'y adjoûter sur la Ville qui est ensemble, les hameaux fort distans du Rosne, par l'interualle d'une belle & grande campagne de terres labourables, & encore beaucoup plus esloignée dudit lieu appelé Aire; à sçavoir de demy lieuë, iceluy petit lieu compris & nommé audit traité, pour la commodité dudit port. Et neantmoins se trouue que les Officiers de sa Majesté, se sont de leur autorité, sans autre connoissance, saisis & emparez dudit Aire sur la Ville & de son territoire, qui est vne Seigneurie & Iurisdiction entiere.

Et de plus, ont fait construire vn pont sur la riuierè de la Vaufferine, appelé de Lauardin, & l'ont jetté & appuyé sur la terre du Cimetiere de l'Eglise, soit Chapelle du sieur Jaquemont, où sont enterrez plusieurs corps, & d'ordinaire on y fait sepulture: & plus outre ont fait dresser des chemins larges à chartoys, à trauers dudit Cimetiere & des possessions des particuliers. Içoit que le territoire soit, & appartienne en souveraineté à son Altesse: Comme aussi la moitié de la riuierè de la Vaufferine, puis que par le traité il ne se trouuera que ladite riuierè ait esté en-

tièrement cedée au Roy, comme a esté fait expressement de la riuere du Rosne, lesquelles choses doiuent estre reparées & remises en leur premier estat, ayant esté faites sans appeller ny ouyr les Officiers de son Altesse, ny autres interessez.

En tant que comme la Parroisse de Balme, qui est de la contenuë & entenduë cy-deuant proposée, l'on nie qu'elle soit nommée la Balme de Pierre-Chastel; bien qu'aucuns, pour vsr de plus spécifique & certaine demonstration, & pour la discerner d'avec plusieurs autres lieux appelez la Balme, qui sont par la Sauoye, l'appellent la Balme sous Pierre-Chastel, encore qu'elle ne soit, ny ne depende aucunement des Mandement, Iurisdiction ny Parroisse de Pierre-Chastel. Mais pource qu'encore que ladite Parroisse demeure à son Altesse, comme elle doit, on ne lairroit de passer & repasser librement, qui voudroit, par la Tour construite pour la garde du port qui est dessous Pierre-Chastel, & trauerser le Rosne par ledit port, mesme que du costé de ladite Balme, & plus outre du long du Rosne, moins aussi de l'autre costé vers Yenne, ne se trouuent aucunes terres, lieux, villes, ny villages delà du Rosne, cedez à sa Maiesté par ledit traité: joint que l'illation qu'on voudroit faire, ne concludroit pas absolument; veu mesme qu'en plusieurs autres endroits, sa Maiesté, ses Officiers & autres suiens allans & venans d'un lieu à l'autre, trauerseront necessairement quelques lieux dependans de la souueraineté de son Altesse: Comme par exemple, de Chauas à Seyssel, sans trauerser le Rosne, conuient passer toute la Chetaigne de Seyssel. A Arlo se trauersse la Seuine: d'Arlo à Chaneyles, les terres de Seuine, Corfine & le Vuache, & de Chancy à Aire, plusieurs terres du Baillage de Ternier, qui sont de ladite Altesse.

Le danger de l'accident des noises, riottes & disputes ne doit estre cause de reculer le voisinage, & de s'attribuer ce qui est au voisin. Car la prudence des Officiers des Souuerains doit empêcher tel euénement, & chastier respectiuellement ceux qui causeront semblables accidens, comme on s'assure que sa Maiesté y fera tenir la main, & aussi son Altesse de sa part. Partant est persuté comme dessus.

Surquoy nous Commissaires Deputez de sa Maiesté, auons adiousté, que nous sommes fort estonnez de ce que les Deputez de son Altesse, ne donnent seulement vne interpretation audit traité du tout contraire à l'intention des contractans; mais qu'aussi ils osteroient volontiers les mots qu'ils voyent n'estre pas à leur aduantage.

Car lesdits Deputez de son Altesse ne pouuant dénier que les villages de Longerey, le Molard & le Lauoir, ne se trouuent point assis entre la riuere de Vaufferine & le long du grand Credo, ils font tout ce qu'ils peuuent pour changer ou rendre incertain l'un desdits confins, puis qu'ils ne peuuent dénier l'autre; & mesme font semblant de douter s'il y a iamais eu montaigne de ce nom là.

C'est vouloir profiter en faisant naistre du doute, & donnant de l'ob-

securité à vne chose si clairement spécifiée, & rendre ridicule vn acte si solemnel & traité avec tant de prudence, de vouloir qu'on aye mis en iceluy pour confin, vne montagne qui ne fut onques.

Mais comme la verité est, que la Vaufferine est vn confin immuable; laquelle commençant plus haut que le village de la Riuiera, se mesle avec le Rosne, quelque peu au dessous du pont de Grezin: De mesmes, le long de la montagne du Credo, est l'autre confin aussi certain que le premier; n'y ayant aucune montagne qui se puisse rapporter aux termes du traité, que celle qui a sa racine, & prend sa naissance & commencement à la grande montagne de Surgia, plus haut que Lancrain, & peu à peu se vient baïsser iusqu'à la riuiera du Rosne, à l'endroit de Lea, & en cette mesme montagne, sur laquelle passe le grand chemin de Lyon à Geneve; non pas du long d'icelle, mais en trauiersant par la sommité. Tellement qu'il n'est besoin de faire autre apprise du lieu, puis qu'on l'indique si clairement. Au long d'icelle montagne, du costé qu'elle regarde la Vaufferine, sont les villages de Lauerain, Ballon, la Maladerie & Auauchy; & plus bas ceux de Lea & de Grezin; tous lesquels estans compris entre ladite riuiera de Vaufferine, & le long dudit grand Credo, du costé qui regard ladite riuiera: on ne met en doute qu'ils ne soient reseruez à M. de Sauoye.

Erau contraire, les villages de Longerey, le Molard & le Lauoir, ne se trouuent aucunement compris entre lesdits confins, ny ne regardent en sorte que ce soit ladite riuiera de Vaufferine, ny le long de ladite montagne du grand Credo, qui est à l'endroit de ladite riuiera; ains au contraire sont situez au costé opposite de ladite montagne, lequel regarde l'Ecluse & le Baillage de Gex: & par ainsi ne peuuent estre compris es choses reseruees par Monsieur de Sauoye, puis qu'ils ne sont compris entre lesdits confins.

Aussi que tant s'en faut qu'ils seruent pour la commodité du passage, qui est la cause motiue de ladite reserue, qu'au contraire ils se trouuent esloignez d'iceluy, & du pont de Grezin, où commence ledit passage d'une grande demie lieuë des pays; & tout à l'opposite du chemin qu'il faut tenir pour aller au Comté de Bourgogne.

Et ne sert de dire que les parroisses de Lean, Lauerain & Chizery ayent esté reseruees à son Altesse, avec leurs hameaux & territoires. Il faut que lesdits villages de Longerey, le Molard & Lauoir, qui sont de ladite parroisse de Lean, soient aussi reseruez; d'autant qu'autrement ces mots de hameaux & territoires auroient esté mis inutilement pour le regard dudit Lean.

Car premierement on n'est pas d'accord que lesdits villages soient de ladite parroisse de Lean; ains au contraire on tient qu'ils sont de celle de Coullonges, qui est au Baillage de Gex, auparauant que ceux dudit Baillage eussent entierement quitté l'exercice de la Religion Catholique, depuis lequel temps ils ont esté contraincts d'aller audit Lean, com-

me

me estant la plus prochaine parroisse.

Mais quand cela cesseroit, c'est assez que ces mots, Hameaux & territoires se verifient en vn lieu seulement, qui depend de ladite parroisse de Lean, comme ils font icy: estant certain que le village de Grezin & son territoire dependent d'icelle parroisse, & se trouuent le long de ladite montagne du grand Credo, qui regarde la Vaufferine; ne pouvant tous les villages & hameaux qui sont de ladite parroisse, estre compris & entendus sous lesdits mots en cét endroit: puis qu'ils ne se trouuent entre ladite riuere de Vaufferine, & le long de ladite montagne du grand Credo; & ne peuuent aucunement seruir audit passage: qui sont les limitations données ausdits mots qui les restreignent, & auxquelles il se faut arrester.

Le mesme est pour le regard de la parroisse de Chizery. Car si l'on se trouue quelques villages ou hameaux qui soient de ladite parroisse, qui ne soient allis entre lesdits confins, & ne puissent seruir audit passage; ils ne peuuent estre tenus pour reseruez à Monsieur de Sauoye, comme sont les villages de Mentieres, le lieu de Magta, & quelques autres granges assises au delà de ladite montagne de Credo & de Surgia.

Et si les Deputez de son Altesse pensent luy conseruer lesdits villages de Mentieres, sous couleur qu'ils disent y auoir crainte que le passage ne soit incommodé ou empêché par les pierres qu'on pourroit faire rouller sur le chemin, du dessus de la montagne iusqu'en bas, à l'endroit dudit Mentieres: A plus forte raison les villages de Longerey, le Molard & le Lauoir, doiuent appartenir à sa Maiesté: pource qu'il n'y a point d'autre chemin que par lesdits villages, pour passer à l'Escluse, & que le plus esloigné d'iceux ne l'est que de cinq cens pas au plus.

Dudit premier article, depend aussi la resolution de la plainte qu'on fait à cause de la construction du pont de Lauardin sur ladite riuere de Vaufferine, laquelle ne se trouuera, sans correction, aucunement bien fondée; d'autant que ladite riuere appartient entierement au Roy, comme comprise en la generale cession de la Bresse, Bugy & Verromey, que Monsieur de Sauoye a faite à sa Maiesté, par le commencement du premier article. Et si sur la fin d'iceluy mondit sieur de Sauoye se reserue pour le passage, ce qui est entre ladite Vaufferine, & le long de la montagne du grand Credo, les choses comprises entre lesdits confins, doiuent seules estre tenuës pour reseruées & distraites de ladite cession generale, & non pas lesdits confins; mesme ce qu'induit assez ce mot, Entre, mis audit article.

Car il ne sert de dire que les confins sont souvent diuisibles; & que si sa Maiesté eust voulu le reseruer entierement à elle en cét endroit, on eust vû de mesmes mots qu'on a fait au commencement

dudit article, où l'on a expressement mis toute la riuere du Rosne pour limite entre la Sauoye & les pays cedez; d'autant que les confins peuuent bien receuoir diuision entre les confinans, lors qu'on dit qu'une chose appartiendra à quelqu'un depuis un tel lieu, iusqu'à un autre: mais non pas quand on concède nommement ce qui est entre deux diuers lieux. Car ce mot, Entre, fait que lesdits confins demeurent du tout separez des choses confinées, & appartiennent entierement à celui qui fait ladite cession.

C'est pourquoy au commencement dudit article, où Monsieur de Sauoye cede à la Maiesté ce qui luy appartenoit, iusqu'à la riuere du Rosne; on a adiousté ces mots, Icelle comprise: d'autant qu'autrement ce mot, iusques, eust rendu le confin commun entre la Maiesté & son Altesse. Mais en cet endroit, ce mot de iusques n'ayant esté vsuré, ains ces mots, Entre la riuere de Vauferine, & le long de la montagne du grand Credo: il n'a esté besoin pour conseruer lesdites riuere & montagne entierement à la Maiesté, de les exclure par termes exprez des choses confinées: par ainsi ladite riuere demeurant entierement à la Maiesté; il a pu faire construire ledit pont de Lauardin sur icelle, sans donner sujet legitime de plainte.

Moins en peut donner le chemin qui a esté fait sur les terres de son Altesse, qui vray-semblablement deuoit plustost auoir esté fait par les sujets de Monsieur de Sauoye, pour se seruir de la commodité dudit pont, auparavant la confection duquel ils ne pouuoient faire passer leurs charriots en aucun lieu sur ladite riuere de Vauferine, pour veniren Bugey.

Et si ledit passage venoit à estre empesché, outre ce qu'on priueroit lesdits suiets de son Altesse, de ladite commodité, ce seroit contreuenir audit traité; par lequel aucun empeschement ou deslourbier ne peut estre donné sur les terres réservées par Monsieur de Sauoye, aux suiets de la maiesté.

Quant au troisiéme article, l'on y apporte vne interpretation si claire, que rien n'y peut estre adiousté dauantage; & ne peut-on refuser à sa Maiesté les terres qui dependent des lieux & villages cedez par son Altesse. Ce qui est general par tous lesdits lieux.

Et venant au particulier, les Deputez de la Maiesté s'estonnent de ce qu'on designe que le village qui est au delà le Rosne, ioignant la tour de Pierre-Chastel, n'aye tousiours esté appelé la Balme de Pierre-Chastel; veu qu'aux departemens des Tailles & autres impositions publiques, ce nom a esté donné audit village de tout temps, & n'est qu'une mesme parroisse avec S. Blaise de Pierre Chastel, qui est au deça du Rosne: & de tout temps l'un & l'autre ont esté compris aux tailles, sous mesme nom.

Outre que si ladite Maiesté n'auoit ledit village de la Balme de Pierre-Chastel, il ne se pourroit seruir dudit passage, qui luy a esté accordé

sur ladite rivière du Rosne en cet endroit, ny de la Tour qui est au delà d'iceluy : pource que ceux qui sont dans ladite Tour, qui n'a pas six ou sept pieds en quadrature, ne pourroient y entrer ny en sortir, qu'ils ne passassent sur les terres de Monsieur de Sauoye : ce qui rendroit ladite Tour inutile.

Et a voulu sadite Maïesté auoir lesdits lieux par delà le Rosne, non pour aller de l'un à l'autre du costé de la Sauoye, comme l'on veut interpreter ; mais pour faire descendre au delà dudit Rosne ceux qu'il y voudra faire passer, pour asseurer par leur moyen les ports & passages qui luy appartiennent esdits lieux. Ce qui ne peut estre, s'il n'a ledit village de la Balme de Pierre Chastel.

Moins se trouuera bien fondée la proposition faite pour le regard d'Aire la Ville, au lieu de laquelle on ne veut laisser à sa Maïesté qu'un lieu, où l'on dit n'y auoir que deux maisons, & lequel en effet ne se trouuera point.

Car il se trouue bien au deçà du Rosne & dans le Baillage de Gex, un village appelé Aire. Mais au delà dudit Rosne, il n'y a que ledit lieu d'Aire la Ville, duquel aussi iusques à present les Officiers de son Altesse n'ont point empesché la jouissance à ceux de sa Maïesté, tellement que ce n'est autre chose que faire naistre à present des difficultez en choses qui n'ont onques esté controuersées, & qui ne le peuuent estre avec apparence.

Outre ce qu'il se iuge assez par la proximité & voisinage des villages d'Aire la Ville, Auully & Chancy, qui sont contigus & ioignans l'un à l'autre, que sadite Maïesté a voulu auoir lesdits trois villages de proche en proche pour la commodité du pont qui y est, & pour s'en seruir, au cas qu'il voulût faire passer quelques gens au delà de ladite rivière.

Ce qu'estant ainsi, les Deputez de sa Maïesté ne se peuuent departir de leur demande, ny accorder ce que les Deputez de son Altesse proposent.

Surquoy, Nous Commissaires de sa Maïesté & de son Altesse, nous trouuans en diuersité d'aduis, & n'estans pû tomber d'accord sur l'interpretation des premier & troisieme article du traité, sur lesquels lesdits limites doiuent estre reglez ; nous aurions ensemblement resolu, que de toutes les raisons respectiuiement deduites d'une part & d'autre, en seroit dressé le present proces verbal, pour iceluy présenté à sa Maïesté & à son Altesse, estre par elles ordonné ce qui sera de leur volonté & intention. Fait à Collonges, pays de Gex, le vingt-deuxiesme iour d'Octobre mil six cens cinq.

SECOND PROCEZ VERBAL DES COMMISSAIRES
du Roy & du Duc de Sauoye, pour les limites de Bresse & de Sauoye.

Fait à Gex en Mars 1606.

SUR ce que les sieurs de Reffuge, Conseiller du Roy en son Conseil d'Estat, & Maistre des Requestes ordinaire de son Hostel; & de Montholon aussi Conseiller du Roy, & Maistre des Requestes ordinaire de son Hostel, Commissaires deputez par sa Maiesté tres-Chrestienne: Et les sieurs de la Roche, Conseiller d'Estat de son Altesse de Sauoye, & premier President en sa Chambre des Comptes de Chambery, & de Charpenne aussi Conseiller de son Altesse, & Senateur à Chambery, deputez de son Altesse de Sauoye pour entrer en conference sur le fait des limites d'entre les pays de Bresse, Bugey, Veromey, & Baillage de Gex, & les pays de son Altesse, estant assemblez en la ville de Bellay le 21. iour de Feurier 1606. auroit esté proposé par lesdits sieurs deputez de sa Maiesté, qu'il estoit necessaire de communiquer leurs pouuoirs les vns aux autres, auparauant que d'entrer en traité sur le fait de leur dite Commission; & que par lesdits sieurs Deputez de son Altesse auroit esté déclaré, qu'ils n'auoient autre pouuoir que celuy qu'ils auoient fait voir ausdits sieurs deputez de sa Maiesté, en la conference faite entre eux au mois d'Octobre dernier, lequel ils estimoient estre suffisant, d'autant que la commission n'estoit parfaite ny reconnuë. Aquoy par lesdits sieurs deputez de sa Maiesté ayant esté dit, qu'à present estant question de resoudre les differends meus sur le fait desdits limites, en la dernière conference, il estoit besoin d'un nouveau pouuoir, comme eux en auoient de sa Maiesté, lequel ils ne pouuoient communiquer, que par mesme moyen lesdits sieurs deputez de son Altesse ne leur donnent communication du pouuoir qu'ils auront: A esté conuenü & accordé entre eux, qu'ils se retrouueront en la ville de Gex le 4. iour de Mars prochain; pendant lequel temps lesdits sieurs deputez de son Altesse pour suiuroient à recouurer pouuoir tel qu'ils trouueront estre necessaire & à propos, pour terminer & resoudre lesdits differends, pour apres estre procedé au paracheuement de leur dite commission, ainsi qu'il appartiendra par raison. Et en cas que dans ledit iour lesdits Deputez de son Altesse ne se rendent en ladite ville de Gex avec ledit pouuoir, sera permis ausdits sieurs deputez de sa Maiesté, de se retirer la part que bon leur semblera. Ainsi signé REFFUGE, DE MONTHOLON, DE LA ROCHE ET DE CHARPENNE.

NOVS,
Deputez de sa Maiesté Tres-Chrestienne,
Et

Deputez par l'Altesse de Monseigneur le Due de Sauoye, estant assemblez en la ville de Gex, lieu assigné pour decider, terminer & resoudre les difficultez qui ont esté entre nous proposées au mois d'Octobre dernier passé, sur le fait des limites & frontieres des pais eschangez, remis & referuez respectiuellement par le traité de Lyon fait le dix-septième Ianuier mil six cens vn; & ce suiuant les commissions & pouuoirs de nouveau à nous donnez, par parentes en bonne & deuë forme; à scauoir, celles de sa Maiesté, en datte du vingt-sixième Ianuier dernier passé, scellées & signées, HENRY: Et plus bas, POTIER. Et celles de son Altesse du vingt-cinquième Fevrier, scellées & signées, CHARLES EMMANUEL, Vileés PROVANA: Et plus bas, BOVRCIER: Par nous respectiuellement veuës, & par copies d'icelles signées, communication faite de part & d'autre, sommes entrez en discours le cinquième Mars mil six cens six, sur les moyens qu'aurions à tenir & obseruer en ce fait. Et apres plusieurs propositions, enfin a esté faite ouuerture telle qui s'ensuit.

De la part de nousdits Deputez de Sauoye, à scauoir qu'estant l'intention de son Altesse, de donner tout contentement à sa Maiesté: Puis que nous ne pouuons comprendre en quoy l'vtilité de son seruice puisse souffrir quelque alteration ou incommodité par les mots dudit traité, sinon que ce fust en ce qui concerne le chemin tendant de l'Escluse à la Michaille; que si telle est son intention d'estre aecommodée outre les mots exprés dudit traité, des villages du Molard & Lauoir proches l'Escluse, & de plus du chemin tendant de ladite Escluse iusques au droit du commencement, appellé le chemin du Credo, avec toute la montagne estant sur ledit chemin és endroits susdits, filant droit à la sommire d'icelle montagne; nous faisons fors que ladite Altesse y condescendra; pourueu qu'en recompense de telle cession, sa Maiesté soit contente de remettre & ceder toutes les terres, villages, hameaux, & territoires dependans de la paroisse de Chizery, qu'en partie par ledit traité luy ont esté cedez expressément: & pour ce regard en retroceder tous droits & actions en bonne forme pour nos Souuerains & leurs successeurs à perpetuité; demeurant ledit chemin du Credo és endroits susdits des Longerey ensus, commun entre sa Maiesté & son Altesse: comme aussi pour la commodité & passage des armées de sa Maiesté Catholique d'Espagne, & successeurs deldites Maiestez & de son Altesse; sans que sur ledit chemin, ny és enuiron & aduenuës d'iceluy, puisse estre de part ny d'autre construit ny entreteru aucun fort ou Preside, autrement que comme il est de present.

Et au surplus, entant que concernent les lieux, villages & terres cedées à sa Maiesté par le troisième article dudit traité, sous les reserues y portées expressément, trouuons que les termes sont tres elairs, & que ne pouuons consentir à aucune extension, pour le preiudice qui en resulteroit: si que la paroisse, Eglise & village de la Balme, les paroisses, hameaux & territoires qui sont hors des lieux & villages cedez de delà

du Rosne, dont nulle mention est faire par le traité expressement, ne peuuent estre entendus compris en la cession & quitacion portée par l'article dudit traité: & neantmoins pour les mesmes considerations que dessus, consentons à ce que les limites soient planrés & apposés, comme cy apres est contenu.

A l'auoir, pour le regatd de la Tour & Fort appelé de Pierre Chastel, à vingt pas communs, ou enuiron, au dessus du chemin qui descend vers le port du Rosne, sous Pierre Chastel, pour la ruition & garde duquel ladite Toura esté construite pendant la guerre, & où ledit port de rourtemps estoit entrerenue avec vne corde rrauerlanre ledir fleueue du Rosne: & au dessus de ladite Tour, au bout & extremeré du melme rocher, proche de l'Eglise parochiale de la Balme, demeurant par ce moyen le chemin entre deux desdits limites à sa Maiesté, & pour la commodité de ladire Tour & bas-fort de Pierre Chastel à Chauas, les limires peuuent estre mis à trenre pas communs au dessus des maisons ioinres & vnies dans ledir village de Chauas; sans y comprendre le surplus des villages, hameaux, edifices, maisons & terroires dependans du Mandement dudit Chauas & Iurisdiction d'iceluy; & de melme aux villages du pont d'Arlo, Chancy & Auully, avec l'espace conuenable pour aller vers le Rosne ausdits villages respectiuelement à Seyssel; outre l'enclos des murailles, les limites pourroient estre planrés à cent pas communs en distance hors le circuir desdires murailles de toutes parts. Et finalement pour le chef d'Aire, où auant l'ouuerture de la guerre estoit entre-tenu vn porr à bateaux au pied d'un village de telle denomination du costé de Gex, qui respondoit à l'opposite du Rosne à certaines maisons qui anciennement estoient en estre du costé de l'autre riuage du Rosne, de melme denomination d'Aire: à present iceluy petit nombre de maisons qui estoient du costé du Terrier, estant du rour ruiné & demoly, on consent estre limité terrage conuenable pour le seruice & descente dudit port qui sera aduisé necessaire; puis melme que sur le riuage du Rosne ne trouuera-t'on autre endroit appelé par ce mot & denomination d'Aire, que le susdir; laquelle denomination ne conuiendrait sans exrensiõ & ampliariõ ouure. passant les mors du traité, à la Iurisdiction, village & terroir d'Aire la Ville. Partant ne pouuons consentir à relle ampliatiõ & extensiõ du traité de delà du Rosne. Et plaira aux sieurs Deputez de sa Maiesté de se contenter de telles propositions & offres, melme considerant que son Altesse a quitié vne li grande estenduë de pays, & payé cent mille escus pour la relierue portée par le premier article dudit traité. Ce qui leue encore l'argument d'extensiõ & ampliatiõ. Le tout soit dit sous le proteste fair & continüé, que les offres & ouuerrures sont receuës pour non dites ny proposées, sinon au cas que la resolution en soit entierement concludü.

Les Deputez de sa Maiesté ont dir, que par les raisons cy-deuant par eux proposées & contenües au procez verbal qui en a esté dressé, ils ont

tellement iustificié le droit de la Maïesté, en tout ce qu'elle possède deçà & au delà le Rosne, qu'ils s'asseuroient que si les Deputez de son Altesse eussent eu pouuoir aux premieres Conferences de refoudre & terminer cette affaire, & de relascher à ce qui estoit de la raison, ils l'eussent fait. Ne se pouuant donner, sans correction, autre interpretation aux mors dudit traité, que celle qu'eux Deputez de la Maïesté y ont apportée. D'en rapporter les raisons, ce ne seroit que redites : & auroient lesdits Deputez de la Maïesté desiré qu'elles eussent esté mieux pesées par les Deputez de son Altesse qu'elles n'ont esté, s'assurant qu'ils fussent entrez en d'autres ouuvertures qu'ils ne font; estant lesdites ouuvertures si peu considerables, qu'il semble que leur dessein soit d'incommoder en tout & par tout, contre la iustice & les propres termes du traité, les lieux qui ont esté cedez par son Altesse à la Maïesté : ne pouuant les Deputez de la Maïesté croire que ce soit l'intention de son Altesse, laquelle a voulu accommoder le Roy de tous les passages sur le Rosne, & de tout ce qui peut seruir à la liberté des ports & de la nauigation. Comme aussi la Maïesté, en ce que son Altesse s'est reserué pour le passage des troupes en la Franche Comté, a desiré & desire encore l'accorder de tout ce qui peut seruir audit passage. Mais sous ombre dudit passage vouloir retenir ledit village de Longerey, qui est du tout inutile à ce passage, & est à la porte du fort de l'Écluse, non située entre la riuere de Vaulserine & le long de la montagne du grand Credo, suivant les termes du traité; c'est, sous correction, contre toute raison : & n'estoit que la Maïesté connoist la droite intention de son Altesse, elle auroit suiet d'entret en ombre de cette demande. Aussi ne croira-t'elle iamais que ce soit son dessein d'auoir les villages de Longerey & le Lauoir, & les terres qui en dependent; aussi peu que Mentiere, qui est vn village aussi inutile au passage, en estant esloigné sur vne montagne presque inaccessible. Ce dessein d'incommoder les lieux cedez à la Maïesté, se reconnoist encore dauantage, en ce que contre toute raison, l'on veut reuoker en doute; que le village de Pierre Chastel, qui est delà le Rosne, dit autrement la Balme de Pierre Chastel, soit compris en la cession faite à la Maïesté par le troisiéme article du traité; encore que cela soit aisé à iuger par l'assiette du lieu où ledit village est, lequel est sur le pont du Rosne, où il faut necessairement que les batteaux abordent, lors que l'eau est vn peu grande, & sans lequel ny l'abord, ny la nauigation dessus le Rosne ne peut estre libre à la Maïesté: Pour laquelle neantmoins la cession de ces lieux au delà du Rosne, a esté principalement faite. Mais outre ce, l'on ne se contente pas seulement de vouloir incommoder le port & la nauigation par l'ouuerture desdits sieurs Deputez de son Altesse; il semble que l'on veut bloquer le iour mesme de Pierre Chastel à vingt-vit pas. Ces ouuvertures sont, sous correction, tres-mal à propos faites entre des Princes qui desirent viure en amitié & bonne intelligence l'un avec l'autre.

Aussi ne peuvent croire les Deputez de sa Maïesté, que lesdits Deputez de son Altesse ayent charge d'y insister, non plus qu'à la difficulté qu'ils font de reconnoître qu'Aire la Ville, soit Aire qui a esté cedée par le troisiésme article dudit traité, delà le Rosne; n'y ayant au delà du Rosne autre village de ce nom, qu'Aire la Ville. Ce que la proximité de Chany & auully, qui ont esté cedez, montre assez. Et cette imagination d'un autre Aire, vis à vis d'Aire deçà le Rosne, est, sous correction, ridicule; ne se trouuant aucunes maisons vis à vis d'Aire qui portent ce nom-là. Et s'il y a eu vn port sur le Rosne en cet endroit-là qui ait esté appelé Aire, il a pris sa denomination d'Aire deçà le Rosne. Et en effet, l'on est d'accord que lors du traité il n'y auoit, comme il n'y a encore aucunes maisons en cet endroit-là qui portent ce nom. De façon que cette interpretation est vne difficulté faite de gayeté de cœur, sans aucun fondement; & qui le fait croire, il a esté dit que si l'on estoit bien assuré de l'intention de son Altesse, l'on desireroit plustost faire naître de nouveaux differends en cette affaire, que de la terminer; remontrans les Deputez de sa Maïesté, qu'ils deuroient, auant que de respondre à ceux de son Altesse sur ladite ouuerture, attendre qu'ils en fissent vne autre plus raisonnable. Neantmoins sa Maïesté croyant que l'intention de son Altesse n'est pas de laisser cette affaire indecise, mais de la terminer du tout; les chaudes poursuires que le sieur de Chalez Ambassadeur de son Altesse en a faites en Cour, luy donnant sujet de le eroire ainsi, & leur ayant commandé d'y mettre vne fin le plütoست qu'il se pourroit, pour le contentement qu'il desire donner à son Altesse: ils entreront en vne ouuerture beaucoup plus raisonnable, quoy que preiudiciable aux droits que le traité donne à sa Maïesté: duquel droit neantmoins ils n'entendent se departir en façon quelconque pour sadite Maïesté, en cas qu'elles ne soient acceptées; mais au contraire, en ce cas protestons maintenir sa Maïesté par toutes voyes deuës & raisonnables, en la possession en laquelle elle a esté depuis le traité de paix, & d'empescher que sur le surplus qu'icelle peut & veut pretendre, tant deçà que delà le Rosne, il ne soit au preiudice dudit traité entrepris aueune chose par les Officiers de son Altesse.

Pour donc vuidier & terminer ces differends, par leurs seules & dernieres ouuertes, lesdits Deputez de sa Maïesté promettans luy faire auoir pour agreable, de retenir seulement esdits lieux, terres & villages cedez delà le Rosne, ce qui luy peut seruir à la libérté de la nauigation, & des ports de la riuere du Rosne, & à la seureté desdits lieux & places, se contentant sadite Maïesté des villages qui sont proches de la riuere du Rosne, comme pourroit estre Aire la Ville, & autres semblables, des terres qui sont entre ladite riuere & lesdits villages dependans d'iceux. Et pour le regard de Seyssel, S. M. retiendra seulement ce qui est depuis la riuere, iusques au chemin de Christellon, tirant vers saint Nicolas, ieluy chemin inclus; & sera tout autour dudit Seyssel
laissé

laissé pareille espace à sa Majesté, qu'il y a depuis la porte dudit Seyssel delà le Rosne, iusques audit chemin de Christellon en droite ligne. Quant au pont d'Arlo, Chane & la Balme de Pierre Chastel, S. M. se contentera, outre le contenu desdits villages delà le Rosne, de cent pas de terre, pour la seureté desdits lieux. Et cederà à son Altesse sur le surplus des maisons, tetricbires & hameaux, ce qui se trouuera hors lesdits enclos, le droit que le traité luy donne. Moyennant qu'aussi son Altesse se departira de la demande qu'elle a fait faire des hameaux de Longerey, le Molard & Lauoir, & terres dependantes d'iceux deçà le Rosne, lesquels demeureront à sa Majesté, suiuant le traité, & la possession en laquelle elle est.

Comme aussi demeureront à sa Majesté toutes les montagnes de Surgia, depuis le chemin du grand Credo, tirant au haut de ladite montagne; iceluy chemin inclus iusques au droit du commencement du bois de Ballon, avec le village de Mentietes, & hameaux qui sont au dessus de ladite montagne. Demeureront à son Altesse le surplus de ce qui est entre ledit chemin du grand Credo, tirant vers le Rosne, iusques au territoire des villages de Delia & Grezin. Et outre ce demeureront à son Altesse tous les hameaux, terres & villages qui se trouueront entre la riuiera de Vaußerine & le pied de ladite montagne de Surgia, iusques au village de la Riuiera; demeurant neantmoins ladite riuiera de Vaußerine, de bord en bord, à sa Majesté, & les ponts principalement qui sont sur icelle; pour la commodité desquels ponts, se contenteront leursdites Majesté & Altesse, chacun endroit soy, de laisser les chemins aboutissans à icelle, en l'estat qu'ils sont, pour la commodité des suiets de l'un & de l'autre, sans qu'ils puissent estre empeschés ou incommodés, sous quelque pretexte que ce soit. Et seront lesdits chemins entretenus par ceux qu'il appartiendra, selon la diuersité des Souuerainetez sur lesquelles lesdits chemins passeront.

Et sçachant que sa Majesté ne desire rien tant, sinon que de laisser la liberté du paisage aux estrangers, encore que le lieu de Muguet soit hors des limites des terres delaisées à son Altesse pour ledit paisage; neantmoins sa Majesté se contentera que ledit village serue à la commodité dudit paisage, & demeure audit sieur Duc.

Suiuant cette ouerture, declarent lesdits Deputez, en cas qu'elle soit acceptée par les Deputez dudit sieur Duc, qu'ils sont prests de poser & planter les limites; & en cas qu'ils ne la voulussent accepter, la reuoquent entierement: declarant d'abondant qu'ils n'ont entendu & n'entendent pour cela preiudicier aux droits de sa Majesté; au contraire persistent en leurs protestations cy-deuant faites.

Les Deputez de son Altesse pour rephique disent, qu'en tout & par tout ils ont désiré & tâché de se conformer, & à la raison & à l'intention du traité de paix, sur les mots exprimez par iceluy, sans y rien varier ny alterer; ains en cette dernière Conference pour faciliter quel-

que ouuerture, ſachant l'intention & deſir de leur Prince ſouuerain, & le reſpect qu'il deſire de montrer & faire paroître à tout ce qui concerne le ſeruice de ſa Maieſté; ils ſe ſont diſpenſez ſous & avec le vouloir de ſon Alteſſe, de propoſer vn commencement à ladite ouuerture, non contrariant aux termes du traité, au deſauantage de ſa Maieſté, ny aux argumens & propoſitions aduancées de gayeté de cœur, ridicules ou hors de raiſon: choſes que leur naturel, qualité, deſſein & vouloir ont touſiours deteſtez: Mais par la vraye conception & ſens du texte du traité, ne repugnant aucunement à la reſolution de ſon Alteſſe, qu'ils ſ'aſſeurent & croient, ſera trouuée fort ſaine & conforme à la raiſon & iuſtice, diminuant pluſtoſt de ſon droit, que de celui d'autrui.

La liberté de la nauigation du Roſne, ports & ponts ſpecifiez par le traité, ne ſe trouuera, ſous correction, en façon quelconque alterée, incommodée ny empeſchée par les propoſitions deſdits Deputez de Sauoye, qui n'ont iamais entendu ny pourpenſé vouloir à ce porter empeſchement. Auſſi leurs eſcrits en tendront teſmoignage, avec les ſituations & denominations des lieux; pour raiſon dequoy a eſté fait offre de prouuer, & pourra conſter la verité de ce qui a eſté dit de la part deſdits Deputez de Sauoye; meſme que le port ſous Pierre Chaſtel a eſté de tout temps entre deux rochers, peu au deſſus de l'endroit où à preſent ſe trouue edifiée la Tour, dite de Pierre Chaſtel, qui eſt de tous coſtez enuiroonnée de rochers du chemin paſſant entre iceux & le Roſne: iceluy port aſſez aſſeuré en tout temps, ſans qu'il ſoit beſoin le tirer plus bas à l'endroit du village de la Balme, notamment ſi on entretenoit, comme eſtoit de couſtume cy-deuant, la corde & poulie à ce neceſſaire. Se trouuera auſſi que le port d'Aire a eſté cy-deuant entretenu, & ſe rendoit au territoire de Remis, à l'autre riuage & bord du Roſne, en certain endroit deſtiné pour la montée & deſcente du meſme port: comme auſſi apparoiſtroit de toutes autres preſuppoſitions faites par leſdits Deputez de Sauoye, & miſes pour fondement de leurs dires, dont ſe verroit qu'ils ne ſont meus d'autre que par la raiſon, & non d'aucun deſir de faire naiſtre de nouueaux diſſerends.

Ce qui donne occaſion de dire qu'ils ne peuuent accepter ny ſuiure les offres & proteſtes contraires aux leurs; puis qu'on les voit tant eſloignées & différentes; & que le traité ne les y oblige pas, auquel en outre n'eſt comprise ny faite aucune mention de la montagne de Surgia, des paroiſſes & hameaux de la ville de Seyſſel, du chemin de Criſtellon, de Longerey, Molard, Lauoir, Mentieres, & Aire la Ville, la Balme, moins le pont de Lauardin, bord & riuage; & au chemin au deçà de la Vaufferine, ou autre denomination en approchant, faite par paroles expreſſes & ſpecifiques declarations, ou par termes generaux.

Les Deputez de S. M. ont dit à cela, qu'ils eussent desiré que la bonne intention que les Deputez de son Altesse disent auoir, eust paru par les effets en la conelusion d'un si bon œuvre, plutôt que par de simples paroles & discours. Ce qui les contente le plus en cette façon de proceder, est que se voyant par escrit le deuoir auquel eux Deputez de sa Maiesté se sont mis pour terminer cette affaire, mesme au preiudice de sa Maiesté, ils esperent que ceux qui n'apportent aucune passion, iugeront en cela, qu'ils n'ont recherché autre chose que de pacifier tous ces differends: & iugeront pareillement les difficultez meües pour raison de Pierre Chastel & d'Aire, estre sans aucun fondement; le port se voyant à l'œil vis à vis de la Balme de Pierre Chastel. Mais il est aisé, à qui veut, de fermer les yeux, pour ne voir point ce qui est en effet. Chose toutefois qui ne se deuroit faire en ce sujet, non plus que de les vouloir faire ouuir aux autres, pour s'imaginer vne Aire proche du Rosne, en lieu où il n'est point, ny n'a esté lors du traité; & est encore en doute s'il y a iamais esté. L'expression des lieux particuliers mentionnez en l'ouuerture que lesdits Deputez de sa Maiesté ont faite, n'est qu'une expression plus particuliere de ce qui est generalemēt exprimé dans le traité. C'est trop conter les mots, que d'entrer en ces menuës recherches. Mais ce qui fait plus croire que l'intention desdits Deputez de son Altesse n'a iamais esté de terminer cette affaire, est que sciemment ils refusent vne ouuerture que lesdits Deputez de sa Maiesté s'assurent que son Altesse, pour la candeur & iustice qu'ils estiment estre en elle, ne la rejetteroit, de façon que lesdits Deputez de sa Maiesté voyant un refus si crud, sont contrainsts de le reuoker, comme ils le reuoquent entierement; declarans que sa Maiesté se maintiendra en ses droits, non seulement de ce qu'il possède à present; mais aussi de ce qu'il peut pretendre en vertu dudit traité.

Ayant, outre ce que dessus, lesdits Deputez de sa Maiesté à faire plainre, de ce qu'aucuns de ceux qui possedent terres es illes qui sont au milieu du Rosne, sont contrainsts à payer les tailles à son Altesse, qui est vne entreprise & contrauention manifeste faite au traité de paix: Son Altesse ne pouuant rien pretendre en ce qui est de la riuiera du Rosne. Aussi n'estiment-ils que cette plainte luy estant rapportée par les Deputez, il fera cesser lesdites entreprises. Et d'autant que sa Maiesté reçoit tous les iours des plaintes de ses sujets qui ont des terres dans les païs de son Altesse, & disent qu'ils y sont impolez excessiuement aux tailles pour raison desdites terres; seroit aussi necessaire que son Altesse pouruoye à faire cesser tels mauuais traitemens; afin que sa Maiesté n'ait occasion de faire vser de pareilles rigueurs sur les sujets de son Altesse, qui possedent des terres dans ses païs.

Les Deputez de son Altesse ayant receu & veu l'escrit cy-dessus inseré, disent qu'estimans leurs raisons cy-deuant inserées, redigées par escrit, & communiquées, estre tres-satisfactoires; ils n'ont pas remply

dauantage le papier par redites, soit en ce qui concerne aire, Pierre Chastel, & autres lieux reuoequez en conteste delà du Rosne, soit aussi pour le regard des autres endroits par deçà : estant en outre tres-euident qu'à l'endroit & à l'opposire d'aire la Ville, & de tout son terroir du costé de deçà du Rosne, la souveraineté de tout le territoire, villages & hameaux regardans ou visans vers ledit aire la Ville, est tenuë & possédée par ceux de Geneue, comme se disant auoir succédé à l'Éuesque.

La response faite cy-deuant, trouuée creuë par les sieurs Deputez de S. M. a esté courte; parce que lesdits sieurs Deputez faisoient entendre que c'estoit leur finale resolution, si qu'il n'eust esté que temps perdu de deslâler dauantage l'écriture, que par simple acceptation ou par dissentiment.

Quant à la reuocation des offres & protestes contenuës au dernier escrit, les Deputez de son Altesse declarent n'auoir point de charge d'y respondre, s'assurant que sa Maiesté fera les considerations conuenables à sa grandeur.

Reste seulement pour response à ce qui est porté sur la fin dudit escrit, que s'il plaist aux sieurs Deputez de sa Maiesté, de declarer les particularitez des cas y enoncez, avec les noms des personnes qu'on pretend estre induëment trauaillées & surchargées, dont on les supplie, les Deputez de son Altesse poursuiront estre l'abus, erreur & surcharge, s'ils'en trouue, corrigez & repatez conuenablement & promptement; & iusqu'à ce ne pourront rendre sur ce autre response.

Les Deputez de sa Maiesté ont dit à cela, qu'ils ont iugé les responses des Deputez de son Altesse estre creuës, non pas pource qu'elles ne contiennent les raisons desdits Deputez sur les differends qui sont entre eux, d'autant qu'elles sont deduites assez au long au procez verbal de leur premiere Conference; & que les vns & les autres en sont assez memoratifs: Mais pource qu'ayant fait des ouuertes plus que raisonnables, & fort aduantageuses à son Altesse, ils ne croyent pas que les Deputez en deussent faire si peu d'estat, que de ne faire aucune consideration sur icelles, qu'ils estiment telles, que si S. A. les auoit entendues, elle les embrasseroit tres-volontiers.

Mais puis que les Deputez de son Altesse les reiettent & sont refus de les accepter, lesdits Deputez de S. M. les reuoequent d'abondant, & declarent derechef que l'intention de S. M. est de se maintenir en la possession des lieux qu'elle tient, & luy appartiennent en vertu du traité, & de recouurer celle des lieux qu'elle ne tient encore à present, mesme du Molard de Vyon, qu'ils ont charge de demander, comme estant vne isle dans le Rosne, qui de tout temps a passé estre d'iceluy, & en laquelle S. M. a mesme droit qu'en toutes les isles qui sont dans la riuere.

Et encore que pour le present lesdits Deputez ne puissent particula-

rifer & nommer ceux qui possèdent des terres dans lesdites isles, & neantmoins sont compris aux tailles par les Officiers de son Altesse, ny aussi ceux des sujets de S. M. qui sont surchargez aux tailles pour raison des terres qu'ils possèdent es pays de son Altesse, pour n'en avoir esté informez, il suffit neantmoins que la plainte en aye esté faite par iceux à son Altesse, & que les Deputez de sa Maiesté le fassent entendre maintenant en general aux Deputez de son Altesse, afin qu'elle y apporte le remède en general qui est iuste & raisonnable, & mettre ordre que telles entreprises ne continuent à l'advenir.

A cela est respondu par les Deputez de son Altesse, qu'ils ne feront faute de donner auidit du total à sadite Altesse, à laquelle ils enuoyeront tous les discours & escritures sur ce faites, pour discerner si les offres faites par lesdits sieurs Deputez de S. M. luy sont vriles & aduantageuses, encore qu'elles soient reuouquées par les mesmes sieurs qui les ont proposées, & d'autre part non acceptées par les Deputez de son Altesse, qui fondez en tant de raisons, & au texte mesme du traité, ne peuvent à ce joindre leur consentement, y voyant ouuertement le preiudice qui en aduiendrait. Bien se fussent-ils rendus faciles à accorder quelque chose outre les mots du traité, pour accommoder les difficultez, moyennant l'equiuallant. Mais d'autant que lesdits sieurs Deputez de S. M. se sont déclarez ouuertement d'auoir charge & estre leur intention resoluë de ne rien relascher de ce dont a esté parlé cy-deuant, n'estant notmé ny exprimé audit traité, mesme en ce qui concerne la Balme & Aire la Ville, ny aussi de Longerey, Lauoir, le Molard, & leurs territoires situez dans la paroisse de Lean, ains de plus pretendent encore le village de mentieres, qui est de la paroisse de Chizery, & située en deçà du village appellé la Riviere, desquels lieux de Mentieres, Longerey, Lauoir & Molard n'est faite mention expresse: moins se trouueroit compris sous quelque mots generaux autres que des enclauex dans la paroisse de Lean, Lanciens & Chizery, comme aussi tous autres hameaux & terres dependantes d'icelles paroisses susdites, ne peuvent estimer qu'il soit connu ou iugé telles choses estre excluses de la reserve & retenuë portée par le premier article du traité.

Quant au Molard de Vion, contenant vn Prieuré, village & territoire, outre qu'il n'est menrionné par les cessions, moins y est compris joint que la demande en est nouvellement faite, seulement ce iourd'huy. Donc par consequent nulle mention ne peut auoir esté faite par leurs memoires & instructions. Partant ne leur est loisible d'y respondre, autre que ce qui est narré en cet article par forme de remontrance & exception: adioustant neantmoins que ledit Molard de Vion est & a tousiours esté de la Choutage & Baillage de Saluoye, ne dépendant aucunement de la Prouince de Bagey: & lequel lieu, soit lors du traité, soit auparavant, ou apres, n'a esté tenu ny veu estre en forme d'isle. Toutcefois ils feront catendre telle demande à son Altesse:

Au surplus, estiment de mesme auoir esté suffisamment satisfait par les raisons cy-deuant escrites.

Surquoy les Deputez de sa Maiesté ont dit, que c'est en vain & trop tard de parler de faire entendre à son Altesse les offres par eux faites, apres que les Deputez d'icelle les ont rejetsées, & qu'elles ont esté reuouquées, ne croyant pas que sa Maiesté, qui auoit pris opinion que son Altesse auoit desir de terminer à present lesdits differends, ainsi qu'elle luy auoir fait entendre par son Ambassadeur, vueille rentrer vne autre fois esdites offres, qui luy sont si preiudiciables, ny en approcher de fort loin, veu mesme que suiuant son commandement, apres le reffus fait d'icelles par les Deputez de son Altesse, lesdits Deputez de sa Maiesté ont fait demande de ce qui luy appartient, & qui n'auoit encore esté demandé: & que sa Maiesté entend de poursuivre. Que si lesdits Deputez de son Altesse estimoient deuoir faire entendre lesdites offres à sadite Altesse, ils deuoient, sous correction, auparauant que faire ledit reffus, attendre icy son intention, afin que si d'auanture elle se trouuoit conforme ausdites offres, qu'auant que les Deputez de part & d'autre se separassent, ils pussent proceder à l'execution, & planter les bornes, suiuant le desir de sa Maiesté & de son Altesse: & ne peuuent croire lesdits Deputez de sa Maiesté, apres tant de longueurs qui ont esté faites en cette affaire, que venant à present lesdits Deputez de son Altesse à se separer de cette sorte, qu'on aye iamais eu autre volonré que de laisser cette affaire indecise.

Quoy fait, lesdits Deputez voyant ne pouuoir tomber d'accord, se sont separés. Fait à Gex le dixième iour de Mars mil six cens six. Et ont signé. DE REFFUGE. DE MONTHOLON. I. CL. DE LA ROCHE. A. CHARPENNE.

LETTRE DE MESSIEURS DE REFFUGE ET DE MONTHOLON,
A V R O Y.

SIRE;

Suiuant le commandement qu'il a pleu à vostre Maiesté de nous faire, nous nous sommes rendus en vostre ville de Seyssel, au iour pris avec le sieur de Chalez Ambassadeur de Monsieur le Duc de Sauoye près de vostre Maiesté, où n'ayant trouué les Deputez de son Altesse, ny eu aucunes nouuelles d'eux, apres y auoir seiourné deux iours, nous nous serions transportez en vostre ville de Bellay, pour estre plus proches de Pierre Chastel & Chauas, afin de remarquer les endroits esquels on deuoit poser les limites; & six iours apres y estre arriuez, les sieurs de la Roche premier President en la Chambre des Compres

de Chambery, & de Charpene, Conseiller au Senat, nous vinrent trouver de la part de son Altesse, avec lesquels voulans entrer en conference; & pour cet effet leur ayant demandé communicacion de leurs pouvoirs; ils ne nous en auroient présenté autre, qu'une Commission qu'ils auoient du sieur d'Albiny, en attendant que plus ample pouuoir leur fust enuoyé par son Altesse. Ce que voyans, nous refusâmes de conferer avec eux: n'ayant estimé à propos, puis qu'il s'agissoit de limiter deux Souuerainetez, de proceder en certe affaire, sans suffisant pouuoir des Souuerains. Et depuis leur ayant esté enuoyé pouuoir suffisant par Monsieur le Duc de Sauoye: nous nous mismes ensemble derechef, ranr pour communiquer respectiuelement nos pouvoirs, que pour respondre de l'ordre & de la forme que nous auions à tenir en l'execution d'iceux: & enfin nous tombâmes tous d'accord, de voir premierement ce qui estoit de la frontiere, & nous informer parriculierement de l'assiette des lieux cedez à vostre Maiesté, & de ceux qui ont esté reseruez dans vos pays à Monsieur de Sauoye, pour la commodité du passage des gens de guerre qui voudroient passer dans la Comté de Bourgogne. Et apres auoir visité tous ces lieux, nous nous sommes rendus les vns & les autres en ce lieu de Coullonges, dependant de vostre Baillage de Gex, pour prendre vne resolution de ce que nous auons à faire pour l'assiette des bornes. Mais les Deputez de son Altesse, au lieu de suivre les termes du traité, se sont iettez en des interpretations si esloignées d'apparence, pour reduire l'estenduë des limites de vostre Maiesté, au pied des murailles des lieux qui luy ont esté cedez, & rendu les places du passage de la riuere du Rosne, presque du tout inutiles; & s'y sont tellement opiniastréz, quelques raisons que nous leur ayons pû alleguer au contraire, qu'il nous a esté du tout impossible de les faire relâcher en aucune chose. Ce qui nous a fait croire, ou que la crainte qu'ils auoient d'estre repris, ou que quelque commandement secret les faisoit tenir si fermes. Et voyant que nous ne pouuions tirer autre fruit de ce voyage, sinon d'auoir descouuert les foibles raisons, avec lesquelles on raschoit de retrancher la iuste possession en laquelle vostre Maiesté est de la plus-part des lieux controuersez: Nous les auons fait resoudre de dresser vn procez verbal, commun entre nous, des raisons desduites de part & d'autre; afin que par la conference d'icelles, vostre Maiesté puisse estre plus parriculierement esclaircie de ses droirs, & commander sur cela ce qui sera de sa volonté; laquelle nous executons avec la fidelité & obeyssance, que doiuent ceux qui sont,

SIRE,

*Vos tres. humbles & tres. obeyssans
seruiteurs & sujets.*

LETTRE DE MESSIEVRS DE REFFVGE ET DE MONTHOLON,
à Monsieur de Gevres, Secrétaire d'Estat.

MONSIEVR, Nous escriuons au Roy ce qui s'est passé au voyage que nous auons fait sur cete frontiere, & l'issuë de la conference que nous auons eüe avec les Deputez de Monsieur de Sauoye, par où i'estime que vous iugerez assez quel'instance faite par son Altesse, pour vuidier les differends des limites, a esté plus pour rendre litigieuse la possession, en laquelle le Roy est de la plus part des lieux controuuersez, & faire naistre des pretentions où Monsieur de Sauoye n'a rien, que pour en venir à vne decision entiere, qui confirmeroit au Roy sa possession. Le retardement que les Deputez de Monsieur de Sauoye ont apporté à se trouuer au iour & lieu pris par delà avec l'Ambassadeur de son Altesse, & le desir qu'ils ont monstré de vouloir traiter sur la Commission du sieur d'Albiny, avec l'interpretation que depuis ils ont apportée au traité, esloignée de toute apparence, pour incommoder les passages que le Roy s'est reserué sur les frontieres, sans s'estre voulu relascher en chose quelconque: vous feront faire, comme ieeroy, mesme iugement que nous. Le meilleur que nous voyons en cecy, est qu'excepté quelque part du territoire de Seyssel, le Roy est en possession de tout le reste qui est en debat. Si en suite du procez verbal, & des raisons déduites de part & d'autre, lequel sera par delà représenté par l'un de vous, sa Maiesté veur qu'il s'y fasse quelque chose de plus, nous commandant ce qui sera de son intention, nous l'effectuons avec la fidelité & obeyssance que nous deuons: & si particulierement nous pouuions estre utiles pour vostre seruice; nous nous sentitions beaucoup honorez de recevoir vos commandemens, comme estans, MONSIEVR, vos plus humbles & affectionnez seruiteurs.

LETTRE DE MESSIEVRS DE REFFVGE ET DE MONTHOLON,
à Monseigneur le Chancelier.

MONSEIGNEVR, Nous estant rendus, suivant le commandement du Roy, sur cete frontiere, pour regler les limites avec les Deputez de Monsieur de Sauoye; le retardement a esté tel de leur costé, qu'ils ne s'y sont trouuez, sinon dix iours apres celuy qui auroit esté pris par delà avec l'Ambassadeur de son Altesse. Ce qui nous fit croire qu'ils n'estoient pas si elchauffez sur ce suiet en Sauoye, comme on en faisoit le semblant par delà. Pendant ce temps-là, tant pour ne point demeurer inutiles, que pour leur donner suiet de se haster dauantage, nous fismes contenance de vouloir planter les bornes sans eux, & visitâmes trois ou quatre lieux sur la frontiere. Enfin le dixième de ce mois, le
sieur

sieur de la Roche, premier President en la Chambre des Compres, & de Charpenne Conseiller au Senat de Chambery, nous vinrent trouver en la ville de Bellay, mais seulement avec vne Commission de Monsieur d'Albiny: sur laquelle ayant refusé d'entrer en conference avec eux, le lendemain ils nous en presenterent vne autre de Monsieur de Sauoye, qu'ils dirent auoir receuë le soir precedent: & ayant donné de part & d'autre communication de nos pouuoirs, nous nous resoluſmes d'acheuer de voir & reconnoistre sur la frontiere, tous les lieux qui pouuoient tomber en controuuerſe, pour apres nous assembler en ce lieu de Coullonges, dependant du Baillage de Gex, comme nous auons fait. Et estans entrez par plusieurs fois en conference, nous auons reconnu par leurs raisons, iointes à leur façon de proceder, que l'instance qui auoit esté faire si grande par delà, de vider les differends des limites, estoit plus pour controuuerſer au Roy ce dont il estoit en possession, que pour decider en effet ces differends. De façon que tout ce que nous auons pû gagner avec eux; a esté de les faire condescendre à dresser vn procez verbal des raisons desduites de part & d'autre, signé de nous & d'eux; afin que le Roy puisse estre par la conference d'iceluy, esclairey de son droit, & nous commander sur cela, ce qui sera de son intention, & de sa volonte; laquelle nous nous efforcerons d'executer à son contentement, ainsi que nous y sommes obligez, selon le bon aduis & instruction qu'il vous plaira nous donner: laquelle nous adjousterons aux autres obligations que nous vous auons, & continuerons de demeurer à tousiours, MONSIEIGNEVR, vos tres-humbles, affectionnez, & obeysſans seruiteurs.

LETTRE DE MESSIEVRS DE REFFVGE ET DE MONTHOLON,
à Monſieur le Garde des Sceaux.

MONSIEIGNEVR, Ceux qui ont traité avec les Ministres de Sauoye, comme vous auez souuentefois fait heureusement, ne trouueront pas estrange, si en ce premier voyage que nous auons fait pour les limites, nous n'y auons pas beaucoup aduancé. Car encore que l'Ambassadeur de son Altesse, qui estoit de par delà, ait fait grande instance de faire vider ces differends: nous auons reconnu en effet, par la forme de proceder des Deputez de Monsieur de Sauoye, que comme ils ne se trouuent pas bien fondez en leurs pretentions, ils n'en veulent pas voir vne entiere decision; ains semble qu'ils se contentent d'en auoir remué les difficultez; aimants mieux tenir les pretentions de leur Maistre en estat, que par vn accord en retrancher aucune chose. Nous estans rendus au iour & lieu pris avec l'Ambassadeur de Monsieur de Sauoye, sur la frontiere; Nous fusmes huit iours auant que d'auoir nouuelles des Deputez de son Altesse; & enfin les

seurs de la Roche, premiet President en la Chambre des Comptes, & de Charpene Conseiller au Senat de Chambery, nous vindrent trouuer en la ville de Bellay, où nous nous estions transportez, pour visiter la frontiere de ce costé-là: & lors que nous voulusmes entrer en conference avec eux, au lieu de nous communiquer le pouuoir de leur Maistre, ils nous presenterent vne commission, que le sieur d'Albiny leur auoit donnée. Cela joint avec le retardement de leur voyage, nous fit croire que nous n'aduancerions pas beaucoup: & ne jugeant pas à propos de traiter avec eux, sous le pouuoir qu'ils auoient dudit sieur d'Albiny, quoy qu'ils nous en priaissent & pressassent fort viuement; nous leur declarasmes, que nous ne le pouuions faire; de façon que dès le lendemain ils nous vindrent trouuer, & nous dirent auoir receu Commission de Monsieur de Sauoye; soit qu'ils l'eussent ja pardeuers eux, soit, comme ils nous dirent, qu'ils ne l'eussent receu que le soir auparauant: & ainsi estans entrez en communication de nos pouuoirs; nous resolusmes, auant que d'entrer sur les raisons de part & d'autre, de visiter cette frontiere, & voir les lieux qui pourroient tomber en differend. Ce qu'ayant fait, nous nous sommes rassemblez en ce lieu de Collonges, dependant du Baillage de Gex, où estant entrez par plusieurs fois en conference sur l'interpretation dudit traité d'eschange, ils se sont iettez en des explications si esloignées des termes, qu'ils nous ont confirmé l'opinion que nous auions prise par leur façon de proceder, que leur dessein n'auoit pas tant esté en cette conference, de decider leurs affaires, que d'en remuer les difficultez, & rendre litigieuse la possession en laquelle le Roy estoit depuis le traité, de la plus grande part des lieux controuersez. Et pource que cela apparostro mieux encore par les raisons qu'ils ont proposées, ne pouuant faire dauantage, nous les auons fait resoudre de dressez vn procez verbal, commun entre nous, de tout ce qui a esté desduit de part & d'autre, duquel le sieur de Montholon, l'un de nous, s'est chargé pour les représenter par delà; & s'il est besoin que nous nous y trouuions tous deux, sa Majesté nous commandant, nous nous y rendrons incontinent. Cependant, nous auons estimé de vous deuoir donner aduis de ce qui s'est passé en ce voyage, comme à celuy auquel nous deuons & desirons rendre compte en semblables actions, pour receuoir sur ce aduis & instruction telle qu'il vous plaira nous donner, & vos commandemens en ce qui concerne vostre service: vous priant de croire que nous demeurerons à tousiours,

MONSIEUR,

*Vos plus humbles, affectionnez,
& obeysans seruiteurs.*

Les Deputez qui ont assisté au traité fait entre le Roy & Monsieur de Sauoye, ayant conseré ensemble des moyens de faciliter & aduancer l'execution dudit Traité; & considéré s'il faut enuoyer à Turin, où est de present ledit sieur Duc, les ostages que sa Majesté a promis donner, que plusieurs iours s'écouleront inutilement attendant qu'ils soient partis pour y aller, d'autant qu'ils ne se peuuent mettre en chemin que la ratification dudit sieur Duc n'ait esté enuoyée, & ne soit receüe, ny ladite execution commencée, quand ils seront parris, iusqu'à ce qu'ils y soient arriuez, tant que ledit sieur Duc en ait donné aduis à ses Deputez, pendant lesquelles longueurs les garnisons qui sont dans les places que sa Majesté doit rendre, pourront commettre quelques desordres & rauages, à son regret & deplaisir, & au dommage & ruine des suiets dudit sieur Duc; ont aduisé ensemblement, pour éviter tels inconueniens, que Monsieur le Cardinal Aldobrandin, Legat de sa Sainteté & du Saint Siege en France, sera prié par eux trouuer bon, & auoir agreable que leldits ostages soient enuoyez & receus en la ville d'Auignon, comme en lieu emprunté, où ils pourront aller incontinent; & par ce moyen ladite execution commencée aussi-tost que la ratification dudit sieur Duc sera arriuée, sans autre remise. A quoy ledit sieur Legat ayant tres-volontiers condescendu, pour estre desireux qu'un si bon œuure soit effectué au plustost que faire se pourra: leldits Deputez en sa presence, & par son aduis, ont conuenu & accordé, que les sieurs Comtes de Maugeron & de Chiuerny, que sa Majesté entend donner pour ostages, partiront incontinent pour se rendre en ladite Ville, & y demeurer sous leur foy, ou en garde, comme bon semblera à ceux qui en auront chargé, iusqu'à ce que sadite Majesté ait fait entierement effectuer ce qu'elle a promis par ledit traité; & apres estre mis en liberté, pour se retirer où il leur plaira. A esté encore accordé, où les choses promises n'auroient esté accomplies dans le temps porté par ledit traité, que leldits ostages pourront estre transportez ailleurs, si bon semble à ceux qui les auront en charge. Fait à Lyon le vingt-troisième iour de Ianvier 1601.

8000000000000000
 8000000000000000
 8000000000000000
 000000

*INSTRVCTION DONNE'E AV SIEVR DE BVLLION,
pour l'affaire de Monsieur le Duc de Soissons ,
avec le Duc de Sauoye.*

IE ne m'entens pas que vous trouviez aupres de luy mon Cousin le Duc de Nemours : toutefois ie vous enuoye vne lettre pour luy , à qui vous pourrez faire entendre mes intentions avec plus de liberté & confiance. Car ie luy ay declaré plusieurs fois , qu'il ne falloit point s'attendre que ie baillasse iamais des terres en dot & mariage à mes filles , ny que ie fasse pour acheter l'amitié d'aucun de mes voisins à ce prix là. C'est chose aussi qui a esté declarée si ouuertement & rondement audit Iacob à son arriuée icy , & depuis , que ie ne suis moins scandalisé qu'estonné , que l'on renouuelle maintenant cette demande & pretention. L'insere de là que l'on cherche argument de rompre avec moy ou d'accroistre la jalousie que l'on donne aux Espagnols de ma susdite alliance , pour leur persuader de l'enui par sus moy. En suite de cela , ledit Iacob s'est desia laissé entendre , qu'en Elpagne on offre audit Duc Monaco , Final & Sabionette , avec de grands deniers pour le mariage de leur Infante maior avec le Prince de Piedmont. Mais ce dire me refroidira plustost qu'il ne m'eschauffera en cette prarique ; esperant que ie ne manqueray d'alliance ny de partis pour mes enfans , quand celuy-cy deffaudra , qui ne me cousteront pas si cher que l'on me veut faire acheter celle-cy. Donnée à Paris le quatrième de May mil six cens neuf.

INSTRVCTION A MONSIEVR DE BVLLION.

Le Roy enuoye presentement le sieur de Bullion , Conseiller en son Conseil d'Estat , vers Monsieur le Duc de Sauoye , pour les causes qui ensuiuent.

Premierement , pource que le sieur Iacob que ledit Duc a tenu longtemps aupres de sa Maiesté , l'en a prié res-instamment à son depart.

La deuxième , pour réiterer & confirmer audit Duc la promesse que sa Maiesté a donnée audit Iacob sur le mariage de Madame avec Monsieur le Prince de Piedmont son fils aîné.

Tiercement , pour declarer audit Duc la bonne volonté qu'a sa Maiesté de gratifier & bien faire à ses autres enfans , & spécialement audit Prince Philibert.

La quatrième , pour luy porter l'aduis & l'intention du Roy sur les ouvertures de guerre qui luy ont esté faites.

La cinquième , concerne les affaires qu'a Monsieur le Comte de Soissons avec ledit Duc.

Sur le premier point , il conuient sçauoir que sa Maiesté n'eust despeché de present ledit sieur de Bullion audit Duc , si ledit sieur Iacob n'en eust fait instance , comme d'une chose qu'il iugeoit non seulement nécessaire pour fauoriser sa negotiation ; mais aussi desirée dudit Duc ,

pour son particulier contentement. Car ledit sieur Iacob estant venu par deça, enuoyé dudit Duc exprés pour procurer sadite Maïesté de l'honneur & sa Maison de son alliance, par le moyen dudit mariage; s'en estant retourné gratifié & chargé d'une réponse favorable, il sembloit convenir à la dignité de sa Maïesté qu'elle attendist sur cela des nouvelles dudit Duc, deuant que renvoyer personne vers luy. Toutefois comme sadite Maïesté ne depart iamais ses graces ny fait les choses à demy; elle a bien voulu passer par dessus toutes formalitez & considerations de pointilles, & s'accommoder au bon desir & bon aduis dudit sieur Iacob, l'ayant reconnu conduit d'une tres-bonne volonré à venir ledit Duc avec sadite Maïesté. Chose que sa Maïesté a voulu estre inserée en ce present memoire, non pour obliger ledit sieur de Bullion de la représenter audit Duc à son atriuee, ny apres, s'il ne connoist qu'il soit besoin de le faire pour conseruer la dignité de sa Maïesté, & empescher que l'on interprete au desauantage d'icelle, qu'il arriue par delà & comparoisse si tost apres ledit sieur Iacob. Et neantmoins s'il faut qu'il iustifie cette action, il s'y comportera avec telle discretion, que l'office qu'il fera n'y puisse nuire audit sieur Iacob; les deportemens duquel ont esté reconnus estre accompagnez de telle sincerité, bonne foy & intention en tout ce qu'il a traité par deça; que si ledit sieur de Bullion decouure, s'il est possible, deuant qu'il se presente audit Duc, afin d'accommoder les premiers propos qu'il luy tiendra à la disposition en laquelle il apprendra qu'il sera, pour tousiours garder du costé du Roy, l'honneur & l'aduantage qui luy sont deus; comme sadite Maïesté se promet qu'il sçaura tres-bien faire.

Or sadite Maïesté presupposant que ledit sieur Duc non seulement perseuerera en la volonré dont ledit sieur Iacob luy a fait declaration & donné parole; mais aussi aura redoublé son affection & obligation envers sa Maïesté, apres qu'il aura sceu dudit sieur Iacob celle de sadire Maïesté qu'il luy a portée, ledit sieur entend qu'elle luy soit renouvellee & confirmée ouuertement par ledit sieur de Bullion.

Luy disant, que sadite Maïesté bien memoratiue de l'honneur qu'elle a receu de l'amitié & bonté de feuë Madame la mere, d'heureuse memoire, tant qu'elle a vescu, ayant tousiours naturellement aimé la personne dudit Duc, & estimé son courage, & les autres vertus & qualitez qui concourent en luy, dont elle a sceu que Monsieur le Prince son fils est bon imitateur & sera vray successeur; a trouué bon d'entendre & de consentir au mariage de sa fille aînée, qu'elle aime chèrement, avec ledit Prince, qui luy a esté proposé & demandé par ledit sieur Iacob au nom du pere & du fils; & le prefere aux plus grands partis de la Chrestienté qui luy ont esté presentez, & dont elle est encore recherchée journellement, avec des conditions si honorables & vtils pour la personne de sadite fille & pour la Couronne, que sadire Maïesté se fust laissée vaincre & persuader aux conseils de ceux qui en ont fait l'ouuerture, &

continüent encore la recherche & poursuite, si elle n'eust esté retenuë de l'affection particuliere qu'elle porte à sa personne & maison, & de la bonne connoissance qu'elle a des aduantages non communs qu'eux & leur maison peuuent reciproquement receuoir d'une vraye conionction & liaison de leurs volontez, tant à present sur les occasions qui se presentent, & que Dieu conseruera leur personne & vie, qu'à l'aduenir pour leurs enfans.

C'est pourquoy ledit sieur de Bullion luy dira, que sadite Maieité n'a voulu se contenter de luy faire declarer son intention par ledit sieur Iacob, encore qu'elle l'ait fait librement & ouuertement, comme elle a accoustumé de traiter en toutes choses, mais l'auoir despesché exprés vers luy pour luy reiterer la mesme declaration: laquelle il accompagnera de toute la demonstration qu'il iugera propre pour luy faire valoir & estimer la cordialité de laquelle sa Maieité procede, & ce qu'elle merite.

S'il s'enqueste de la dot que sadite Maieité donnera à madire Dame sa fille en faisant ledit mariage, il luy respondra, qu'il sera semblable à celuy que le feu Roy Henry II. donna à sa fille aînée Madame Elizabeth, quand elle fut mariée au feu Roy d'Espagne; ainsi qu'il a esté dit & promis audit sieur Iacob, quand il en a parlé à cette fin. Il luy fera voir le duplicata dudit contract, qu'il luy a esté commandé de recouurer, & porter avec luy exprés pour cet effet.

Il sçaura aussi dudit Duc, ou des siens, quel est le douaire qu'il entend donner à madire Dame, où en sera l'assiette: & montrera qu'il doit estre proportionné à la qualité de ladite Dame, & au dot qui luy sera donné: ainsi que doiuent estre les autres conuentions dudit traité.

Pour le regard de la seureté de la consommation dudit mariage, puis que madire Dame n'a encore atteint l'age requis pour cet effer, sa Maieité y engagera sa foy & sa parole, de bouche & par escrit, en la forme qui sera conuenüe & accordée entre les parties, & consentira que le traité & contract en soit passé & signé, avec les promesses & obligations reciproques qui seront iugées equitables & necessaires pour l'honneur & seureté commune desdites parties.

Ledit sieur de Bullion s'informerá si ledit sieur Duc a donné aduis au Roy d'Espagne de la recherche dudit mariage, & de la response desadite Maieité Catholique, comme elle a dit audit sieur Iacob qu'elle estoit d'avis qu'il fist, pour rendre & garder audit Roy le respect que lesdits Ducs & Princes luy doiuent, à cause de la proximité du sang qui est entr'eux. Et si ledit Duc a fait cet office, il mettra peine de sçauoir quelle aura esté la response dudit Roy d'Espagne, ou si ledit Duc la voudra attendre (s'il ne la receuë) deuant que de contracter & s'engager plus auant, & comment il voudra vser pour esclaireir sadite Maieité à son retour.

Si ledit Duc entend aduancer & conclure dès à present ledit contract, sadite Maieité aura bien agreable qu'il y employe Monsieur le Duc de

Nemours, à cause de sa qualité, & de la commune confiance que sa Majesté & son Altesse ont en son affection, dequoy il aduertira ledit Duc de Nemours, afin qu'il en sçache gré à sa Majesté: qu'il prenne garde que les enjoins qui luy seront donnez en cette commission, y apportent l'affection qu'il conuient pour en faciliter la conclusion au contentement & aduantage des parties, comme feront ceux que sadite Majesté y commettra.

Quant au second point, qui concerne les gratifications que sadite Majesté entend faire aux autres enfans dudit Duc, & spécialement audit Prince Philibert; ledit sieur Duc de Bullion dira audit sieur Duc, que sa Majesté acquerant l'amitié du pere & du fils aîné, par le moyen du mariage de sa fille aînée; comme c'est le plus précieux & assuré gage qu'elle peut donner de la sienne aux plus grands Princes de la Chrestienté pour obliger à embrasser, par preference à toutes autres, sadite Majesté a aussi espéré que l'acquisition qu'elle feroit de luy & de son dit fils aîné, seroit accompagnée & suivie de celle de ses autres enfans, & le desire ainsi, encore que du commencement sadite Majesté ait receu & quelquefois fait dire audit sieur Iacob qu'elle n'improuuoit que le Cardinal & le Prince Philibert acceptassent du Roy d'Espagne les benefices, charges & bien-faits qu'il leur feroit: estimant que l'alliance que sadite Majesté entendoit faire avec son aîné, ne deuoit empescher ny retrancher la concession & iouissance desdites gratifications du costé d'Espagne, pour n'estre chose incompatible ny indécente; estant mesmement les deux Rois en paix & amitié, comme ils sont & montrent desirer de s'y maintenir. Mais sadite Majesté ayant depuis considéré les diuers inconueniens que telle separation & partage des enfans dudit Duc pourroit engendrer, mesme en la maison d'iceluy, de laquelle sadite Majesté entend affectionner la prospérité à l'esgal de la sienne propre; faisant ledit mariage, elle seroit très-aise que ledit Duc voulust luy donner sesdits enfans, avec l'aîné, afin de ioinre tous ensemble leurs fortunes à celle de sa maison Royale, sans estre suiets ny obligez de suivre deux partis, qui peuuent deuenir ennemis & faire la guerre l'un à l'autre. C'est pourquoy sadite Majesté a depuis fait prier ledit sieur Duc de différer l'enuoy en Espagne dudit Prince Philibert, sur l'instance très-grande qu'ils en font, laquelle doit estre très-suspecte à sadite Majesté & audit Duc, & particulièrement audit Prince aîné. Car comme le gage sera en leur possession, ledit Duc ne pourra disposer de luy en toute liberté: le regne de l'aîné sera moins assuré: & sa Majesté ne pourra fonder sur l'assistance de leur maison vne entière & parfaite amitié, voisinance & assurance; à cause que le partage desdits enfans & la diuersité des partis qu'ils suivront, partageront & diuiseront les cœurs & volontez des sujets des Estats & pays dudit Duc, & les rempliront avec le temps de partialitez & factions, qui affoibliront grandement la puissance dudit Duc & de son fils, & produiront des effets très-perilleux. A quoy peut-estre aspi-

rent dès à present les Conseillers d'Espagne, voyant qu'ils ne peuvent avec raison dissuader ledit Duc de l'alliance de France, fondée sur ledit mariage.

Mais aussi d'autant qu'il n'est pas raisonnable que l'aduanement & grandeur de l'aîné soit cause de faire perdre la fortune aux autres, & principalement audit Prince Philibert, qui a desia goûté les esperances des charges & aduantages que lesdits Espagnols offrent à son pere pour luy; sadite maïesté trouue bon de donner audit Prince vne pension de cent cinquante mille liures par an, à commencer du premier iour de Ianuier prochain; avec vne promesse generale des charges, dignitez & honneurs du Royaume, se rendant digne des bonnes graces de sa maïesté, au cas que l'on ne tente l'année prochaine l'execution des entreprises de guerre qui ont esté proposées; afin que ledit Prince se ressentie des liberalitez & faueurs de sadite maïesté, en cas de paix, tout ainsi qu'il fera des aduantages que ledit Duc acquerera par les armes, aidé de celles de sadite maïesté, pour le progrez de la guerre.

La susdite pension excède toutes celles que sa maïesté donne à present aux Princes & plus grands de son Royaume. Et combien qu'il semble que les biens-faits d'Espagne surpassent en compte & nombre ceux de la France, ils sont toutefois inferieurs en effect. Car ils seront plus incertains, & moins profitables & commodés: aussi les departent-ils plus pour engager sous leur ioug & domination les Princes auxquels ils les concedent, & en ce faisant leur rogner les aïles, & leur oster les moyens de s'accroistre, que pour bien faire à leurs personnes & fortunes particulieres. Il aduient tout le contraire de l'amitié & gratification des Rois de France, lesquels font gloire d'auancer en honneur & grandeur en leurs Royaumes, les Princes estrangers; de quoy il y a plusieurs exemples, qui seront representez audit sieur Duc, & si besoin est, à ses enfans, par ledit sieur de Bullion.

Quant audit Cardinal, s'il a esté gratifié de l'Archeuesché de Mont-Real, comme l'on publie; les Espagnols se zarderont bien de l'en priver, quoy qu'indûement fassent ses freres & fils, pressant ledit Duc de l'envoyer à Rome, & d'y accepter la protection & charge principale de leurs affaires: ledit Duc peut s'en excuser sur son aage. Mais s'il est contraint de les contenter, en cela il n'arriuera tant de mal de l'engagement dudit Cardinal avec eux, que des autres causes de sa possession.

Or si lesdits Espagnols, offensez du party que les deux aînez auront pris, priuent ledit Cardinal de la iouissance desdits Benefices, ledit sieur de Bullion dira audit Duc, que sa Maïesté recompensera volontiers ledit Cardinal de ceux de son Royaume, à mesure qu'ils vacqueront, luy conferant ceux qui sont dignes de sa qualité, & de l'affection que sa maïesté entend porter audit Cardinal comme à ses autres freres. Et cependant elle luy donhera vne pension, comme ledit sieur de Bullion dira audit Duc.

Elle

Elle aura bien agreable aussi que le Prince Thomas prenne nourriture auprès de Monseigneur le Dauphin, & à cette fin le gratifier d'un appointement honneste pour s'entretenir auprès de sa personne, afin qu'il s'insinüe en son amitié & bonnes grâces, à l'imitation de sesdits freres enuers sadite Maïesté.

Pour le regard de la guerre, qui est le quatrième article duquel ledit sieur de Bullion a esté chargé, il dira audit Duc, que sadite Maïesté est toute resoluë d'y entrer, non par necessité, ny par impetuosité & precipitation, mais par iugement & meure de deliberation, comme il conuient faire pour y auoir honneur & profit.

Il est vray que les differends de la succession du pays de Cleues & Iuliers s'alterent iournellement, & prennent le chemin d'une rupture inéuitable. Car l'Empereur veut en ordonner. Les maisons de Brandebourg & du Palatin de Neubourg, qui ont le droit des deux filles aînées de la maison, encore qu'ils agissent & gouernent ensemble le pays comme s'ils estoient d'accord, ont toute fois diuerses fins, & declinent la jurisdiction dudit Empereur, disant qu'elle leur est à bon droit suspecte, à cause des declarations qu'il a emmenées contr'eux & leurs actions. La maison Palatine des deux Ponts, qui a le droit de la troisième, suit les pas des autres, mais de loin, pour auoir deux cordes en son arc: & celle de Burgau n'ose encore parler, de peur d'offenser ceux de qui elle depend. Cependant les Imperialistes fauorisent en apparence la pretention de la maison de Saxe, qui a deux fondemens diuers; & en effet, se sont saisis de la place de Iuliers, qui est la principale fortresse desdits pays, en laquelle l'Archiduc Leopold, qui y a esté introduit, se rempare & fortifie d'une façon qui fait bien paroistre que luy & les siens n'ont pas dessein de la quitter à personne. Il faut trouuer place encore aux pretentions, tant de la maison de Neuers, aînée du costé de la mere de celle de Cleues, que de celle de la Marke, les vrais heritiers de laquelle sont en ce Royaume, & partant en la protection & subiection de sa Maïesté. Tous lesdits pretendans debattent & pretendent tout, excepté les deux derniers, & nul d'eux ne fait contenance de rien ceder à sa partie pour l'appaiser, & ledit Empereur veut encore moins rien relascher & ceder de son autorité, comme il ne fera à la fin de ses droits, si la fortune fauorise sa conduite. Car les siens publient que lesdits Duchez sont siefs masculins de l'Empire, qui sont deuolus & acquis à iceluy par desfaut d'hoirs masculins. A quoy les autres opposent des raisons qui semblent estre bien fondées: mais c'est sans doute que celle des armes preuaudra sur toutes les autres; & s'il y a personne qui puisse empescher tels euuenemens, sa Maïesté seule le peut faire: Car l'Empereur l'a ja fait prier de l'entreprendre: les Archiducs de Flandres y condescendent: & les autres n'ont pouoir de resister à leurs aduersaires, s'ils ne sont assistez des armes de sa Maïesté. Quant aux Espagnols & Anglois, ceux là craignent tant la guerre publique, qu'ils s'accommoderont au desir & conseil des Impe-

rialistes & des Archiducs, & ceux-cy comme ils sont mal pourueus de moyens de faire la guerre, se contenteront d'auoir part à la gloire que sa Maiesté acquerera embrassant & faisant vn tel accord, lequel sera facile de former, si ladite Maiesté se resout de partager ladite succession. Car les parties se contenteront plustost d'un bien assuré, que de l'esperance d'un plus grand bien accompagné des perils & d'incertitudes, à quoy sont suiets ceux qui ne peuuent d'eux-mesmes defendre ny conquerir par les armes, ce qu'ils ne peuuent obrenir par iustice. Il faut donc conclure que c'est au pouuoir de sa maiesté d'abreger & rerminer cette querelle par vn accord, si elle veult y employer son autorité, afin que ledit Duc de Sauoye ne croye que ladite maiesté doieue estre forcée à cause de l'intereff qu'elle a au succez de ses affaires, d'entrer en vne guerre qui doieue luy rendre l'assistance de ses voisins si necessaire, qu'elle soit contrainte de la mendier ou achepter.

Mais puis que c'est son dessein de dresser vne bonne guerre; pour ne perdre les belles occasions qui luy ont esté proposées de la part dudit Duc, elle a deliberé de se seruir & preualoir deditz differends de Cleues, comme elle espere qu'il luy sera facile de faire, en promettant assistance aux partis qui redoutent la iustice de l'Empereur, & la conuioitise des Espagnols, ou de leurs adherans & despendans d'eux.

Pour ce faire, ladite maiesté est desia entrée en traité bien auant avec lesdits pretendans qu'elle entend favoriser, & leurs Alliez, avec lesquels elle espere dresser vne telle & si forte partie pour le Printemps prochain, qu'elle taillera tant de besogne de ce costé-là aux Imperialistes & à leurs adherans, qu'il sera facile apres, ou en mesme temps, de tenter ou executer seurement les autres entreprises qui ont esté mises en auant.

Car sans doute, comme l'on verra le feu de la guerre allumé ausdits pays, les Espagnols, comme les autres, ne faudront d'y enuoyer & faire acheminer leurs principales forces d'Italie, comme d'ailleurs; car elles y feront tout besoin: d'autant que l'Angleterre & les Estars des Prouinces vnies entreronrauec la France du costé des Allemands que l'on entreprendra de favoriser: quoy estant, il faudra que les Espagnols y enuoyent leurs meilleures forces, & partant degarnissent leurs autres Estars, sur lesquels il sera lors tres-facile d'entreprendre ce que l'on voudra. Voila donc le but & le projet de ladite Maiesté, qui sera deduit & representé par ledit sieur de Bullion audit Duc de Sauoye en sa naifueté, avec intention de dresser vne autre partie du costé d'Italie, qui puisse estre iouée bien-tost apres que la premiere sera commencée, afin que l'une facilite l'autre, comme il faut esperer qu'il aduiendra trop plus heureusement, que si on ne faisoit qu'en vn lieu.

Sa Maiesté a ja escrit à Venise, & fait parler icy à l'Ambassadeur, pour sonder les volontez de la Republique, de quoy elle attend response. Mais comme ce sont gens qui ne se remüent que par crainte ou par l'espoir

du profit, ayant aucunement diminué celle-là dont ils estoient pressés, lors qu'ils estoient en plus mauuais mesnage avec le Pape, & que les Espagnols fomentoient leurs querelles pour en profiter à leur dommage : Il sera difficile à l'engager que le jeu ne soit commencé, & ne reconnoissent pariceluy qu'ils y puissent profiter. Mais il ne faut point douter qu'ils n'y entrent lors à bon prix, & qu'ils ne prennent volontiers place en la Ligue qui sera dressée pour cet effet, pour auoir part à la conqveste.

En laquelle sa Maiesté a retiré parole, que les Grisons entreront & serviront fidelement en payant, ou leur faisant quelque part du butin; dequoy on conuiendra facilement avec eux. Mais sadite Maiesté n'a estimé à propos de s'en ouurir à eux, que routes choses ne soient comme accordées avec ledit sieur Duc, pour ne s'en decouurir inutilement.

Sa Maiesté fera ce qu'elle pourra aussi avec les Canons Catholiques, pour les rendre neutres, ou les tenir en telle ialousie par les autres, qu'ils ne puissent enuoyer dehors leurs gens.

Mais sa Maiesté n'approuue que l'on commence à executer les entreprises par la ville nommée au memoire delaisé audit sieur de Bullion par ledit sieur Iacob; d'autant que ne réussissant, ce seroit la ietter & donner tout à fait au party contraire, dequoy ils tireroient apres des aduantages tres-grands, lesquels rendroient les autres entreprises plus difficiles : ioint qu'il y a apparence d'esperer, si les premiers coups de nos armes succedent bien, que ladite ville, si elle ne suit la bonne fortune d'icelle ouuertement, sera bien aise de demeurer neutre, & s'abstenir de nous offenser.

Quant au nombre des gens de cheual & de pied qu'il conuiendra employer ausdites entreprises, il suffira de s'en declarer; lors que l'on voudra les executer : comme pour l'artillerie, attirail d'icelle, les pionniers & les Chefs François que l'on employera; afin de ne rien executer mal-à-propos. Ioint qu'il faut que sadite Maiesté sçache deuant quelles forces de pied & de cheual, canons, poudre, boulets & pionniers ledit Duc pourra fournir de sa part; pour selon cela, mieux resoudre & regler ce qui deura venir d'elle & de son Royaume.

Dauantage, il faut considerer qu'il sera necessaire que sadite Maiesté fauorisant leldites entreprises, comme l'on connoitra que le capital desdites forces viendra d'elle, l'on voudra s'en reuanger contre elle & son Royaume; & partant qu'elle sera contrainte pour asseurer ses frontieres, leuer & entretenir en diuerses Prouinces des gens de guerre, en bon nombre & à grands frais.

Sa Maiesté a aussi esprouué que ce ne sont les grandes armées avec lesquelles l'on fait les grands & beaux exploits, principalement au commencement & à l'entrée d'une guerre; au contraire, elles engendrent ordinairement plus de ialousies qu'elles ne profitent. Il faut que les premiers coups soient donnez avec peu de gens, bien choisis, & commandez par de bons Chefs; & se contenter de faire prouision & tenir

prestes les principales forces pour soustenir & espauler les premieres, lors que l'ennemy ayant assemblé les siennes, voudra les mettre en besogne. Quant au temps que l'on ne peut encore prescrire certainement, & il semble qu'il faut auparavant estre esclaircy & bien asseuré des volontez & resolutions, tant des Allemands que des Anglois, pour la guerre qui doit estre faite en Cleues.

Et pour celle qui se fera en Italie, & de la disposition des Princes que l'on entend y engager, ledit sieur de Sauoye a plus de connoissance de ceux-cy, & de creance enuers eux, pour descourir leur inclination & les persuader d'estre de la partie, que n'a sadite Maïesté; sinon pour le regard des Venitiens, auxquels elle a desia fait parler, comme il est dit cy-deuant; avec peu d'esperance toutefois de pouuoir les y engager comme il faut, deuant que la guerre soit ouuerte.

Mais sadite Maïesté espere, voire se promet, que les Estats des Prouinces Vnies des Pays-bas se ioindront entierement à ses conseils & desseins, lors qu'elle commencera la guerre; ainsi que feront les Grisons pour son argent.

Mais il est besoin de resoudre & traiter auant toutes choses avec ledit sieur Duc, touchant les seuretez & profits reciproques de la guerre; premierement entre sadite Maïesté & son Altesse, & apres les autres Princes & Potentats qui voudront estre de la partie. Car personne ne veut exposer ses Estats en peril, incertain non seulement de l'vtilité qui luy en succedera, mais aussi sans estre bien asseuré de n'estre delaisné de ses associez.

C'est donc le principal point duquel il faut que ledit sieur de Bullion discoure & traite avec ledit sieur Duc de Sauoye, apres celuy du moyen & du contentement de ses enfans, afin d'estre bien esclaircy & d'accord deuant que de passer outre.

L'intention de sa Maïesté n'est pas d'auoir part à la conqueste qui se fera delà les Monts: sa Maïesté au contraire entend qu'elle demeure entiere audit Duc & à ses enfans, si on peut se passer d'en despartir quelque chose aux Venitiens, & aux autres Princes qui entreront en la confederation. Mais comme telle conqueste doit estre principalement faite aux frais du Roy, & avec ses forces, il est raisonnable aussi que sa Maïesté soit recompensée ailleurs. Surquoy aucuns ont proposé de faire que ledit Duc quite & remette à sadite Maïesté le Duché de Sauoye, apres qu'il sera devenu Maistre de la ville & chasteau de Milan: dequoy il faut que ledit sieur de Bullion sçache la volonté & deliberation dudit Duc. Mais il doit prendre garde de s'y conduire de façon que ledit Duc ne s'en scandalize ou offense, comme si c'estoit vne condition à laquelle sadite Maïesté fust resoluë de s'assujettir dès à present. Car il seroit à craindre que cela le rebust du tout de l'amitié de sadite Maïesté.

Combien qu'il soit raisonnable, voire necessaire, s'il faut que sa

Maïesté engage ses forces & moyens ausdites entreprises, qu'elle soit du moins assurée que ledit sieur Duc persuevrera en amitié & bonne intelligence avec sa maïesté, & ne fera ey-apres aucun accoord ny traité avec les Espagnols, que du consentement de ladite Maïesté; & enfin ne fera aucun faux bond à ladite maïesté, laquelle iuge nécessaire que ledit sieur Duc adiouste à sa parole, pour ce regard, quelque caution non vulgaire: Et d'autant plus que le mariage qui doit lier à l'aduenir leurs interrests ensemble, ne peut pas estre fait de quelque temps.

Il faut donc que ledit sieur de Bullion sonde sur ce les interrests dudit Duc, le rendant capable des raisons qui obligent & forent ladite Maïesté, comme prudente & tres-affectionnée qu'elle est au bien de sa Couronne, de rechercher & desirer ladite seurété. Et si ledit Duc ou les siens font sur cela quelques offres, ledit sieur de Bullion en fera le compte, selon que la qualité d'icelles le meritera. Mais il n'en acceptera aucune sans le commandement de sa maïesté, lequel luy sera mandé incontinent qu'il en aura aduerty ladite Maïesté.

Sur tout ledit sieur de Bullion arriuant de par delà, se gouvernera à l'abordée dudit sieur Duc avec grande retenue & discretion, iusques à ce qu'il voye clair en ses intentions. Car comme ce Prince est fort changeant & muable, il cherche ses aduantages en toutes choses. Il faut en tout ce qu'on a traité avec luy estre en garde & soupçon qu'il y ait de l'artifice, & qu'il soit conduit, comme on dir, d'une arriere pensée; principalement à present que l'on parle que le Pape est apres à dresser vne partie & ligue avec l'Empereur & le Roy d'Espagne, en laquelle doivent entrer les Electeurs & Princes Catholiques d'Allemagne. Et d'ailleurs pour faire vne guerre de Religion contre les Protestants & heretiques, sous pretexte des querelles que la succession des pays de Cleues & Iuliers a suscitée. Car comme il est Prince courageux & remuant, si ladite ligue estoit sur l'enclume, & estoit recherché d'estre de la partie avec des offres d'auantages, ores quelles fussent specieuses pour l'endormir, il seroit à craindre qu'il ne s'y laissast aller. Et ne faut douter que les Espagnols obmettent à se seruir de cette occasion, & ne redoublent leurs offres & bien-faits enuers luy & ses enfans, expres pour rompre les traites de mariage & autres que chacun sçait estre entre ladite Maïesté & ledit sieur Duc: dont toutefois ledit sieur de Bullion ne montrera pas s'apperecevoir ou desier, qu'il n'ait grand suiet de ce faire: Car peut-estre que les aduis & ialousies qui ont esté données à sa Maïesté, sont imaginaires & sans fondement.

Ledit sieur de Bullion se souuiendra aussi de parler derechef audit sieur Duc des affaires de Monsieur le Comte de Soissons, pour faire sçauoir s'il a point pensé & trouué quelque moyen & expedient de les terminer au contentement dudit Comte, lequel ne demande que l'exécution & accomplissement de ses contrats, & des promesses traitées & accordées par ledit sieur Duc à sa maïesté, & suite & consequence d'iceux.

Et si ledit sieur de Bullion reconnoist que ledit sieur Duc ne puisse ou veuille contenter ledit Comte, il luy dira que sadite Maïesté a délibéré & promis audit Comte d'achepter & prendre ses droits, & en faire son propre faict, en le recompensant en argent ou autrement; ne pouvant voir & laisser ledit Comte en peine pour ses affaires, en contractant vne plus estroite amitié avec ledit Duc, pour luy estre si proche & affectionné qu'il est: sa Maïesté s'assure aussi que ledit sieur Duc le secondera en cette action. Tellement que comme ledit Comte sera mis hors d'intérêt, que sadite Maïesté iouyra des droits qu'il luy aura cedez, & en tirera l'emolument & profit qu'il conuient, soit par vne voye ou autre; il sera plus facile à sadite Maïesté de surmonter les obstacles du costé de Rome qui ont trauersé ses affaires, qu'à vn autre. Elle espere bien aussi qu'il luy en fera fait raison & iustice par sa Sainteté, quand elle verra que sadite Maïesté sera intéressée en son particulier, & en affectionnera la poursuite pour elle mesme.

Quant au Cardinal Aldobrandin, sadite Maïesté à tousiours désiré de le conseruer pour amy & affectionné de sa Couronne, tant pour la memoire des faueurs qu'elle a receuës du Pape Clement d'heureuse memoire, que pour son propre merite, & S. M. persiste en ce mesme desir & vouloir. Tellement que si ledit Cardinal, avec tout ce qui en depend de luy; suiuant les pas dudit sieur Duc, est content de se donner à sadite Maïesté, ledit sieur de Bullion dira audit sieur Duc, que sadite Maïesté fera sa condition telle que luy-mesme iugera, & luy conseillera ce qui sera conuenable à la dignité de sadite Maïesté, & à sa qualité; si bien qu'il aura occasion de s'en louer: du moins sera-il assuré que ce qui luy sera promis & accordé, luy sera obserué de bonne foy & sans déguilement.

Quant à ce qui concerne les differends des limites, & les instances & plaintes que font les suiets de sa Maïesté & de son Altesse, sa Maïesté trouue bon qu'il soit commis & député de part & d'autre des personnes qui les decident amiablement: au moyen dequoy ledit sieur de Bullion conuiendra avec ledit Duc du lieu & temps que l'on s'assemblera pour cet effet. Il sçaura aussi la qualité de ceux auxquels il donnera ladite charge. Sa Maïesté pourra employer l'Euesque de Grenoble, pour ce qui regarde la frontiere du Dauphiné, & le President de Vair pour la coste de Prouence, lesquels seront secondez encore, si besoin est, d'autres personnes propres à tel effet.

Mais il est nécessaire d'arrester dès à present le cours des violences & rançonnemens que les Officiers & douaniers dudit sieur Duc, qui sont à Ville-France, exercent sur les suiets de sa Maïesté qui trafiquent par mer, sous pretexte de leur faire payer vne dace, à laquelle ils ne peuuent estre suiets ny astraits; puis qu'ils n'entrent en les ports: & neantmoins lesdits Officiers, apres s'estre seruis de Fregates, qu'ils ont armées pour cet effet, ils employent de present les Galeres dudit Duc avec tant d'insolence & de rigueur, que c'est chose qui ne peut plus compatir avec

la liberté du commerce: de sorte que si ledit sieur Duc n'y donne ordre, en faisant cesser tels attentats, sadite Maïesté sera contrainte d'en prendre reuanche, & y remedier par la mesme voye dont l'on y procede; voyant que la patience & indulgence dont elle a usé iusques à present, a plustost accreü que reprimé leuidits excez & desordres.

Et d'aurant que ledit sieur Duc & les siens ont souuent soustenu & déclaré, pour executer telles leuées, lors que l'on s'est plaint à eux qu'ils assuiettissoient les suiets de sa Maïesté & non les autres, qu'ils les exigeoient & leuoient avec permission des Rois ses predecesseurs, ledit sieur de Bullion demandera que ladite permission luy soit exhibée, dont il prendra des copies, pour les représenter à sa Maïesté, afin qu'elle en ordonne: leur declarant, s'ils en font refus cette fois, que sadite Maïesté croira que c'est vne excuse controuuée expres, pour continuer à trauailler leuidits suiets. Tellement que s'ils ne s'en abstiennent cy-apres, elle y pouruoirra comme elle iugera necessaire, pour en soulager & garantir leuidits suiets.

Le Roy escrit audit sieur Duc de Sauoye, à Messieurs ses enfans; comme aussi audit Duc de Nemours des lettres de creance, afin qu'ils adioustent foy à ce qu'il leur fera entendre de sa part. Sur tout il sera soigneux d'aduertir promptement sadite Maïesté de la disposition en laquelle il aura trouué ledit Duc & sa Cour à son arriüée par delà, comme de toutes autres choses qui importent à son seruice. Fait à Fontainebleau le 23. Octobre 1609. signé HENRY. Et plus bas, DE NEVVILLE.

COPIE DES ARTICLES DE MARIAGE ET DES
pensions. Année 1609.

A Viourd'huy 28. Decembre 1609. Le Roy estant à Paris, après s'estre fait représenter les autres articles traitez, conuenus & accordez avec Monsieur le Duc de Sauoye de la part de sa M. par le sieur de Bullion, Conseiller en son Conseil d'Estat, pour le mariage d'entre Monsieur le Prince de Piedmont, fils aîné dudit sieur Duc, & Madame Elizabeth de France, fille aînée de sa Maïesté: desquels articles la teneur ensuit.

Le Roy ayant enuoyé le sieur de Bullion, Conseiller en son Conseil d'Estat, vers son Altesse sur le reglement des limites de leurs Estats, & quelques autres affaires qui importent à l'entretènement de leurs traitez; auroit commandé audit sieur de Bullion de réitérer au nom de sa Maïesté à sadire Altesse, la parole que le Roy a donnée au sieur Iacob, que son Altesse a tenu long-temps auprès de sa Maïesté, sur la recherche du mariage de Madame avec Monsieur le Prince de Piedmont son fils aîné. Ce qui auroit esté fait par ledit sieur de Bullion au nom du Roy. Et sur ce ayant son Altesse fait grande demonstration de l'oblige;

ce, à Messieurs les Princes ses freres
 sa Maïesté: de laquelle gratifications sadite Maïesté donnera toutes expéditions nécessaires; & seront fournies toutes fois & quantes qu'il plaira à son Altesse, es mains de ceux à qui il donnera pouuoir à cet effet.

En foy de quoy tout a esté fait, & passé ce present escriit entre son Altesse & ledit sieur de Bullion, au nom de sa Maïesté: le present escriit fait double, lequel il a promis faire ratifier dedans deux mois. Fait à Thurin en presence des susnommez le 13. iour du mois de Novembre 1609. Signé EMMANUEL, avec le cachet des armes de son Altesse. BULLION, au nom & ayant commandement de sa Maïesté: par commandement de son Altesse TROVILLOUX.

Sadite Maïesté a le contenu en iceux articles agree, approuué & ratifié; & a promis & promet en foy & parole de Roy, les observer & faire executer de point en point, sans aller & venir au contraire: ayant pour tesmoignage de sa volonté, commandé en estre expedie le present acte, qu'elle a voulu signer de sa propre main, faire sceller du cachet de ses armes, & faire contre-sceller par son Secrétaire d'estat, & de ses commandemens & finances.

LETTRE D'VN GRAND VIZIR A HENRT IV.
traduite du Turc par M. de la Croix, Interprete du Roy.

AV plus glorieux d'entre les grands Princes de Iesus, choisi entre les plus renommez & les plus nobles de la nation du Messie, l'arbitre des affaires des Chrestiens, Maïstre de grandeur, de magnificence & de maïesté, Seigneur de marque, d'honneur & de gloire, l'Empereur de France; que toutes ses affaires luy puissent heureusement succeder. Apres auoir salué vostre Maïesté, comme le requiert l'amitié & la correspondance qui est entre nous, ie diray à vostre Maïesté, que l'an passé on luy fist sçauoir sincerement de quelle façon on traita les ennemis qui faisoient des courses aux frontieres d'Auiuar, de quelle maniere leur camp, qui estoit vis à vis d'Estrouan, fut mis en déroute, & comme leur pays & prouince de Tapougion, mesme iusques vers Prague, fut ruiné & pillé. Maintenant en cette année pleine de prosperité, par les ordres expres & puissants commandemens de l'heureux Empereur du monde, vne armée nombreuse comme les estoiles est partie de Belgrade, pays de guerre; & estant allée vers la ville de Berüan, elle a trouué que les garnisons des places de Boubusge & Canise, sur le chemin de Beruan, auoient brüllé les ponts, & n'auoient espargné enuers les peuples qu'ils auoient trouué, ny le feu, ny la violence, ny la cruauté: en sorte qu'ayant reduit dans la demiere foiblesse ces pauvres affligez, & les ayant contrainsts de s'accommoder avec eux, nous auons resolu d'aller de ce costé-là. Nous auons marché premierement vers le fort de

Bubufge, & l'ayant bloqué, les affiegez ne pouuans seulement supporter l'effort de nos escarmoucheurs, qui l'ont assailly comme des victorieux, cette place s'est renduë en deux iours. Estants decampez de ce lieu-là, nous sommes allez assieger Canife, la clef du pays des Chrestiens, & la principale porte du malheureux pays de Hongrie. Les Canons, dont le bruit ressemble à celuy du tonnerre, estant braquez, on commença à la battre. En suite on remplir de clayes les lieux marefcageux. Et ayant fait charrier des bois, on en esleua aux quatre costez vne maniere de montagne: en sorte que tout estant en vn estat qu'il ne restoit plus que de donner l'assaut, le 28. iour du mois nommé Rabi el Euel, les plus celebres des commandans du Roy de Vienne, sçauoir le fils de Serin; Neradgi, Bakiani, le General Karaherfex avec la caualerie legere, & plus de 100000. hommes, tant d'Infanterie que de Caualerie, avec les gens du bagage, & les magazins d'armes s'approchans du camp victorieux & puissant, firent sonner la charge pour le combat. L'armée Turquesque à l'opposite prenant cette journée pour vn iour de feste & de Bairam, excitant de son costé le feu de l'attaque, ce ne furent que combats & que tueries. Ce iour-là plusieurs testes furent emportées, & le lendemain pareillement le combat continua. L'armée qui estoit dans les retranchemens fut aussi de la partie. Il sortit de Papa vne armée de Franes pour se joindre aux autres. Mais parce qu'on sceut qu'il y auoit des gens de vostre part, on eut du respect pour vous, & on l'espargna selon la coustume de l'alliance & de l'amitié: & derechef on s'appliqua au siege de la forteresse, comme auparauant. L'armée victorieuse la batit durant 3. iours. D'un autre costé on fit bonne guerre contre le camp des ennemis. Neantmoins ces maudits ayans par finesse creusé des fosses profonds tout autour de leur camp, & braqué leurs canons, le 4. iour nous nous rangeasmes par bataillons; & on eut soin que le milieu de la bataille, & les ailes fussent garnies de bons cimeterres & zagayes. On posa ensuite quelques milliers d'hommes, tant d'infanterie que de caualerie, vis à vis de leur camp; & outre les courreurs de ce nombre, les Tartates, gens de course, venans par derriere, & ayans donné le signal du massacre, le camp deuint trop estroit, tant il y eut de morts; & le combat continuant trois iours entiers de cette maniere, le sixième iour, l'armée qui estoit nombreuse comme les estoiles, outre les attaques qu'elle donna, ayant braqué contre leur camp plus de vingr fauconneaux, & fait pleuvoir sur leurs testes, comme pluye & gresle, les pierres & les boulets: Cette armée victorieuse, comme vn torrent de malheur, redoublant ses efforts de tous costez, le septième iour, sur le matin, par le secours du Roy des Victoires, les ennemis ne pouuans plus se soutenir dans leur calamité, & estans paruenus iusqu'à l'extremité de mal & de melancholie ils se mirent à fuir; & nos braves victorieux poursuiuant l'infanterie & la caualerie, quantité de Seigneurs passerent par le fil de l'espee, & quantité d'autres furent pris & faits esclauues. On prit en outre tous les canons,

tous les tonneaux, les magasins d'armes, les poudres, & ce qu'il y avoit de tresors. Ainsi l'armée victorieuse estant remplie de toute sorte de butin, l'infanterie fut toute taillée en pieces; il & n'y eut dans la cavalerie que les plus habiles à courir qui se sauverent. La louange en soit à Dieu, qui est le refuge de la famille. Apres cela, les assiegez demeurèrent immobiles, comme des victimes, dans la fudite forteresse. Neantmoins, parce qu'ils continuoient dans leur opiniastrété, on tira encore sur eux les canons, les mousquets & les fleches: & n'ouvrons pas encore les yeux, si les principaux de la forteresse n'entroient en pensée de se rendre, & ceux-cy ne trouvant point de seureté pour eux, la nécessité les contraignant de se soumettre, le treizième iour du mois de Rabi el akher, attachants le bord de leur robbe à la priere de la protection, la plus-part ayants résolu de se rendre, ils apporterent les clefs de la forteresse. De cette façon, ayans demandé quartier, parce qu'ils n'en pouvoient plus, & que de tout temps nous avons eü l'usage de faire misericorde, elle leur a esté accordée, à chacun selon sa condition. Et leur ayant esté donné seureté pour leur ame, pour leurs biens, leurs enfans, & leur famille; on les a enuoyez chacun en son lieu. Outre cela, le Vizir Mehemed Pacha, gouverneur de la Romanie, avec mon frere Deruich Pacha, Gouverneur de la Bosnie, apres s'estre saisis de quelques autres forteresses, & deffait l'armée des Franks, sortie de Papa, le Komorre, qui despend de Canise, & vingt autres places semblables, l'estiuar mesme estant pris, tomberent en la possession des Musulmans. On a mis garnison dans quelques vnes, & on a ruiné les autres. Ores, conformément à la sincere amitié & parfaite liaison que vostre Maïesté a tousiours eüe avec celuy qui estant Conseiller d'honneur à la Porte Imperiale, est le ferme soutien du fondement de l'Empire (*c'est à dire le premier Vizir*) & qu'il est nécessaire & de consequence, que l'on sçache toutes les victoires & les actions glorieuses avec verité & sincerité, & que j'ay dessein de plaire à vostre Maïesté, & de la resjouyr, ie luy fais sçavoir les choses ainsi qu'elles se passent. Aussi j'espere que lors qu'il se remportera quelque avantage de son costé, on ne manquera point à nous le faire sçavoir, avec l'estat des affaires qui concernent son Royaume.

J'ay ouy dire que dans la forteresse de Malthe, il vous avoit esté fait quelque piece, insulte, ou trahison par les Espagnols & autres nations. Je souhaitteroïs fort de vous mander du secours; pour mettre à la raison les méchans de ce lieu-là. Si vous avez besoin qu'on vous enuoye vne grande armée navale Imperiale, & s'il est nécessaire que j'y aille moy-mesme; ou bien quelqu'autre General d'armée, ou s'il est à propos de vous enuoyer par terre plusieurs milliers d'hommes; pour poursuivre vos ennemis; en quelque lieu, de quelque façon, & en quelque temps qu'il faille agir, faites le nous sçavoir par vne lettre d'amitié, que vostre Maïesté pourra donner à Berthelemy de Cueurs, qui est l'exemplaire des habiles hommes (que certe habilité se puisse encore augmenter en

en Iuy) & vostre Maieſté ſe doit aſſeurer que l'on exccutera icy les choſes conformement à ce qu'elle eſcrira.

Pour ce qui regarde les pays du Roy de Vienne, ſi voſtre Maieſté veut aſſaillir ceux qui ſont de ſon coſté, nous artaquerons ceux qui ſont du noſtre. Et il eſt aiſé à iuger, ſi on en vſe ainſi, que moyennant Dieu, voſtre Maieſté acquertera des pays, & fera de grandes conquêtes ſur ce Roy. Car noſtre heureux Empereur, chery de Dieu, qui eſt ſon ſecours & ſon aide, n'ayant aucun beſoin des pays qui ſont de ces coſtez-là, & n'y preſendant pas la moindre choſe, ſe contentant de ceux qui ſont de noſtre coſté, que l'on a pris cy-deuant, & qui ont déjà eſté en noſtre poſſeſſion, la conquête de tous les autres ſera pour vous; parce qu'il nous ſuffit de ce que nous poſſedons. Nous auons propoſé & parlé de cette affaire avec le Gentilhomme, voſtre Ambaſſadeur, qui reſide à l'heureuſe Porte. Il faut conferer de routes deux avec le Medecin qu'on a enuoyé à voſtre Maieſté, & laquelle que ſoit des deux affaires que l'on veuille entreprendre, qu'on aye ſoin de nous en informer exactement, afin que ſuiuant cela on faiſſe les apprêts neceſſaires. On a chargé le ſuldit Medecin enuoyé, de quelques ordres de bouche. Je prie voſtre maieſté de donner creance à tout ce qu'il expoſera, & de nous en faire donner reſponſe.

Et pour ne pas manquer tout à fait à ce qui doit, ſelon noſtre couſtume, accompagner vne lettre d'amitié; i'enuoye par le ſuldit Medecin, vne aigrette de Heron garnie, & vn poignard auſſi garny. N'eſtant pas à Conſtantinople, mais à Belgrade, pays de guerre, ie n'y ay pû trouuer que ce petit preſent. J'eſpere que voſtre Maieſté l'aura agreable, & qu'elle m'excusera. Eſcrir ſur la fin du mois de Regel le venerable, l'an de l'Egire 1009. (c'eſt en Ianvier 1601. ſelon noſtre Calendrier.)

*De Belgrade
la bien gardée.*

MEMOIRE DE MONSIEVR DE BREVES,
à vn Grand de la Porte. Traduis du Turc, par M. de la Croix,
Interprete du Roy.

ILy a quelque-temps que ie vous donnay aduis, que l'Empereur de France, mon Maistre, ayant en perſonne attaqué le Duc de Sauoye, auoit pris la plus grande partie du Duché de Sauoye; en ſorte qu'il n'y reſtoir rien de conſiderable, que la Ville de Monmilian, ſon chasteau, & vn fort nommé Sainte Carherine. Maintenant mon Maistre m'a mandé que le Duc en perſonne, ſuiuy d'une armée d'Eſpagne, s'eſt aduancé iuſques à quelques iournées de ſa Maieſté: mais qu'ayant eſté aſſeuré qu'il n'auoir pas aſſez de force pour luy reſiſter, il en eſtoit demeuré-là; & cependant que ſa Maieſté, au ſouhait de ſes amis, auoit emporté la

susdite place : & toute l'Europe sçait que dans le chasteau de Montmilian, il s'est trouué quatre-vingt pieces de canon, quatorze mille, tant halberdiers que pieques, quatre mille harquebuses, quarante mille barils de poudre, deux mille gros pierriers, cent tonneaux de farine, & cent tonneaux de bled, & de toutes sortes de provisions : & i'ay sceu mesme, quoy que ce fort soit extremement esleué & escarpé, qu'il y a dedans vn puits d'eau douce.

Et parce que le passage au Piedmont est fort difficile, à cause des montagnes qui sont entre ce pays, qui est presentement la residence du Duc, & la Sauoye que mon Maistre a conquise, & qu'il est necessaire à sa Maiesté d'en auoir deux ou trois : sa Maiesté ayant eu nouvelle que le Duc vouloit s'approcher, il s'est saisi des chemins & des lieux proches des passages, & melme a pris la forteresse de Maurien, près le passage le plus proche pour entrer au Marquisat de Salusses, qui est le fuyet de la querelle, en sorte qu'il m'a fait sçauoir, que si ce n'estoit l'hyuer, le bruit de ses armes seroit desia entendu dans le Piedmont.

Le Pape de Rome estant informé de ses conquestes, a en mesme-temps enuoyé vers sa Maiesté le Cardinal Aldobrandin son Neveu, lequel a remontré à mon Maistre, que sa Maiesté estoit desia aduancée en âge, que ses peuples ayant esté cy-deuant si diuisez entr'eux, estoient enore las de leurs querelles & de leurs guerres ; & qu'il estoit de la gloire de sa Maiesté, de faire en sorte que de son temps ses suiets iouyssent de la paix, & luy-mesme du repos, & que s'il luy plaisoit d'agrecer son entremise, il feroit cette diligence, qu'il luy seroit facile de luy faire donner satisfaction, touchant les lieux que sa Maiesté demande, & qui luy ont esté refusez. Mon Maistre luy a respondu, Que le Duc de Sauoye remette entre les mains de mes Gouverneurs, non seulement les pays qui m'appartiennent, lesquels il occupe, & qu'il m'a promis de me rendre, lors qu'il vint vers moy ; mais encore Nisse, ville maritime, son chasteau & ses dependances, & qu'il paye tous les frais & despences que j'ay faites, suiuant mes memoires, depuis le commencement de la guerre iusqu'à present, & pour l'amour du Pape vostre Oncle, ie cesseray la guerre & nos differends. Le Cardinal a dit à sa Maiesté, que si elle pretendoit tout cela, qu'il seroit bien difficile qu'elle l'obtint. Mon Maistre luy a encore fait cette responce,

Ce qui a si fort esleué le cœur du Duc, & ce qui l'a obligé à se declarer contre moy, c'est qu'il est Beau-frere du Roy d'Espagne. Comme ce Roy est riche & a beaucoup de tresors, il faut qu'il me paye pour luy les frais de la guerre.

La lettre de l'Empereur de France, mon Maistre, & celles qui m'ont esté esrites par ses Ministres, m'instruisent de quelques autres particularitez, de la verité desquelles j'espere que vous ne douterez aucunement. Je dis ecy, Monsieur, parce qu'enore bien que de pere en fils ie sois employé pour l'Empereur de France, qu'il m'ait commis pour la

conservation & affermissement de la paix & des traitez faits entre sa Hauteſſe & ſa Maieſte, & qu'il y ait plus de dix ans que l'en faſſe paroître à la porte les faueurs & les graces; & que l'aye fortement appuyé les affaires concernantes la paix, & exposé les choſes ſans diſſimulation: neantmoins i'ay appris que l'ay eſté blaſmé, quoy que iuſques à preſent vous ſoyez teſmoin, & les autres grands Vizirs & Miniſtres de l'heureux Empereur, qu'il n'a iamais rien paru contre moy ſur les affaires que l'ay traitées. C'eſt ee que l'ay eſcrit à celui qui m'a fait cette offenſe.

Ores, monſieur, le Pape ayant enuoyé ſon neveu, le deſir qu'il a de la paix, vient de l'intereſt de quelques pays d'Italie qui ſont liguez enſemble, ſçauoir Milan, Naples, la Sicile, & les autres pays que tient le Roy d'Eſpagne. Tout le pays de Rome, que tient le Pape, & le Piedmont que tient le Duc de Sauoye, tous ees Princes ſe trouuans fort en repos à cauſe des montagnes qui ſont entre la France & l'Italie: Simon Maiſtre conqueroit le Piedmont, qui fait partie d'Italie, ayant l'entrée libre en Italie, infailliblement la diuiſion ſe ietteroit parmy les ſuiets & du Roy d'Eſpagne, & du Pape, & des autres Princes, & chacun obéiroit à qui il trouueroit bon. Et c'eſt eette apprehenſion de guerre en ces pays qui incite le Pape à y pouruoir, afin de l'empêcher. Ioint que ſi mon Maiſtre eſtoit en armes, & que la paix ne ſe fiſt point, le Roy d'Eſpagne & les autres Princes qui doiuent donner du ſecours au Roy de Vienne, ne pourroient aucunement luy en enuoyer: parce qu'ayant peur que leurs ſuiets ne ſe ſouſmiſſent à mon Maiſtre, chacun auroit aſſez de peine à gouverner & garder ſon pays: & la paix ſe faiſant, les ſoldats qui ne cherchent que leur paye, ne pouuans pas demeurer ſans rien faire; il eſt certain qu'ils iroient là où ils trouueroient à eſtre payez. Iuſques là que par cy-deuant mon Maiſtre ayant eſté en paix vn à deux ans avec le Roy d'Eſpagne, beaucoup de ſes ſuiets n'ayans plus par conſequent leur paye, ſe retirèrent vers le Roy de Viennois, qui en compoſa vne armée. Il y en a maintenant encore pluſieurs auprès du grand Virir. Ainſi l'Empereur de France eſtant en paix, & ſes ſoldats ſe retirans vers vos ennemis pour auoir leur paye; ſi vous conſultez combien eette vnion d'ennemis eſt de conſequence, vous le pourrez aiſement connoiſtre.

Et comme ie ſçay que Dieu ne diminuera pas la force de l'eſpée de voſtre dit Empereur, l'oſtien du monde, ſoit que les ennemis ſoient puisſans, ſoit que leur pays ſoit pris; le ſoin que ſa Huteſſe en prendra, aura touſiours vn facile ſucces: parce que tout le monde ſçaehant que ſa Hauteſſe ne manque point de theſors, on croira bien qu'il les employera à eette occaſion. Et pour le regard de mon Maiſtre, encore que tous ſes ennemis, à cauſe de ſes affaires, s'vniffent pour le trauerſer, Dieu l'en garde, parce qu'ils voyent la deſpenſe que ſa Maieſte a faite, & qu'ils conſiderent qu'ayant encore à en faire dix fois autant, il ſe laſſera: Il eſt certain qu'avec vn peu de ſecours, il luy ſera facile de reduire & forcer ceux qui ſont ſur terre. Et pour ce qui regarde les ennemis qui pour-

roient estre en mer, mon Maistre estant entré en possession d'une partie de leur pays, les vaisseaux des Musulmans pourront nauiger en securité, & en se saisissant de quelques places, on ne manquera point de butin & de thresors. Si au Printemps on met en mer une flotte un peu considerable, j'espère que mon Maistre n'estant pas trop content de faire la paix, entrera encore en plus de despenſe que cy-deuant pour assaillir les ennemis, & qu'il fera toute diligence pour faire irruption, & pour fauoriser non seulement les siens, mais encore ceux de sa Hauteſſe.

LETTRES DV ROT HENRY IV. AV MARESCHAL DE BIRON,
en 1601. & 1602.

MOn Cousin, cette-cy n'est que pour accompagner l'aduis y joint, qui m'a esté enuoyé de bonne part, & de personnes qui sont ordinairement bien aduerties. Celuy cy n'est à negliger. Vous aduisez comme le sieur de Boëſſe doit se conduire en cette occasion. Il en prendra instruction de vous, selon le commandement que ie luy fais par la lettre que ie luy enuoye, avec copie dudit aduis. Soit que vous iugiez deuoir aller iusques à Bourg, ou mander ledit sieur de Boëſſe; la dextérité dont on peut vſer, seruira à decouurir ceux qui auront volonte d'executer quelques mauuais desseins. L'ay despesché exprés le sieur de Vienne pour vous porter ledit aduis; lequel vous dira particulierement ce qui est de mon intention : & m'assurant que vous ordonnerez sur ce suiet ce que vous iugerez le plus vtile & le plus auantageux pour le bien de mon seruice; & que le sieur de Boëſſe apportera tout le deuoir & toute la dextérité qui seront necessaires en l'execution de ce que iugerez estre à faire; ie ne m'estendray dauantage : priant Dieu, mon Cousin, qu'il vous ait en sa sainte garde. A Paris ce dix-huitième de Fevrier 1602.
HENRY. POTIER.

MOn Cousin, ayant entendu que vous auez eu quelque mescontentement d'Espinard, bien qu'il m'ait assuré de ne vous en auoir iamais donné d'occasion, ie vous ay bien voulu escrire cette lettre en sa faueur, & vous prier, comme ie fais, d'oublier le passé, & l'aimer comme estant mon seruiteur; sans luy faire, ny souffrir que l'on luy fasse aucun desplaisir; afin qu'en toute liberte & assurance, il puisse & continuë de me seruir en la charge d'Esleu des Estats de mon pays de Bourgogne : luy ayant à cette fin commandé de vous aller trouuer pour se iustifier, & vous rendre content, comme ie me promets qu'il fera. Et sur ce ie prie Dieu, mon Cousin, &c. A Orleans le vingt-troisième d'Avril mil six cens deux.
HENRY. DE NEVEVILLE.

De la main du Roy.

Mon amy, j'ay esté bien aisé d'entendre de vos nouuelles par

Hebert, & des lieux où il a esté. l'ay veu le memoire de ce qu'il vous a apporté de Milan. le mets mon coysinet sur deux gardes d'espée, lesquelles ie veux que vous choisissiez de vostre main: Car vous sçavez mieux que moy-mesme ce qu'il me faut. le retiens aussi vne toilette de Milan pour me faire vn pourpoint pour l'Esté, de telle couleur que vous voudrez. le pense que dans deux ou trois iours ie vous pourray redepescher Escures. Cependant ie vous prie m'aduertir de ce que vous apprendrez de cette armée d'Espagne qui passe pour aller en Flandres, & vous assurer tousiours de la continuation de mon amitié; de laquelle ie vous remerci-
moigneray les effets en toutes les occasions qui s'en offriront, de la mesme volonté que vous le sçauriez desirer de la personne du monde qui vous aime autant. Adieu mon amy. Ce 11. May à Amboise mil six cens deux,
HENRY.

A mon Cousin le Duc de Biron, Marechal de F.

A V T R E.

MOn amy, ayant entendu par d'Escures les faux rapports & discours qui vous ont esté faits, & desirant en estre esclairey, & vous faire connoistre les calomnies de ceux qui ont auancé de tels discours: l'ay depesché le sieur leannin & ledit sieur d'Escures pour vous aller trouuer. l'ay commandé audit sieur leannin, apres qu'il aura appris de vous les rapports qui vous ont esté faits, de mander ceux qui vous en ont parlé, & qui en sont les auteurs, pour auerir & vous faire connoistre au doit & à l'œil leurs impostures; que vous deuez tenir pour telles, sçachant comme ie vous aime, & par combien d'effets ie vous ay fait paroistre ma bonne volonté; laquelle continuera tousiours en vostre endroit: m'assurant que par la continuation de vos seruices, & par tous vos deportemens, vous m'en donnerez toutes les occasions que ie me suis promises de vostre fidelité & affection à mon seruice. Surquoy lesdits leannin & d'Escures vous feront particulièrement entendre mes intentions, & combien i'auray agreable de vous voir près de moy, & vous faire paroistre en toutes occasions les effets de ma bonne volonté: lesquels me remettant & m'assurant que vous les croirez de tout ce qu'ils vous diront de ma part, comme vous feriez moy-mesme; ie priay Dieu, qu'il vous ait, mon amy, en sa sainte & digne garde. Ce quatorzième May à Tours mil six cens deux.
HENRY.

A V T R E.

MOn Cousin, D'Escures m'a fait entendre fort particulièrement les aduis que vous me donnez, tant pour les lieux où ie puis faire arrester les Suisses, & autres gens de guerre, desquels ie voudray me seruir; comme aussi sur ce qui est pour la seureté des villes de la frontiere, principale,

principalement pour celles qui sont en vostre Gouvernement. Je louë beaucoup les auides que vous m'avez donnez. Ils sont conformes à ce qui est de mon intention. Car ie veux establir ces formes-là aux lieux où il sera requis pour le bien de mon service, & selon les occasions qui se presenteront. Pour le regard des villes de vostre Gouvernement, ie trouue bon que la garnison de Chaalons soit renforcée de 20. hommes, outre le nombre qui est porté par mon estat. Surquoy ie mande ma volonté au Baron du Sol par la lettre icy iointe, laquelle vous luy baillerez, & par mesme moyen luy ferez entendre ma volonté, tant pour la creuë de sa garnison, que pour tenir complet le nombre de soldats porté par ledit estat: Aussi pour faire que les habitans de Chaalons fassent bonne garde iusqu'à ce que l'armée estrangere, qui doit passer, soit esloignée d'eux. Voulant que ledit Baron du Sol retienne lesdits vingt hommes de creuë durant ledit temps, & qu'apres ils soient licenciés. L'estime aussi necessaire pour mon service, que la garnison de Seurre soit creuë iusqu'à vingt hommes pour pareil temps. Surquoy ie mande ma volonté au sieur de Champiron, ayant commandé au Baron de Senecey de renforcer la garnison du chasteau d'Auxonne de vingt hommes durant ledit passage, & de faire que les habitans de ladite ville fassent bonne garde pendant le passage de ladite armée. Ce que ie desire que fassiez entendre ausdits Gouverneurs & habitans desdites villes, leur faisant observer ce qui est de ma volonté, remettant à vostre iugement de pourvoir & donner ordre à ce que vous iugerez estre à faire pour la seureté de la frontiere de vostre Gouvernement. Vous aurez dans peu de iours de mes nouvelles, & vous manderay particulièrement mes intentions sur ce que vous aurez à faire pour mon service. Et cependant ie priay Dieu, mon Cousin, qu'il vous ayt en sa sainte garde. A Amboise ce 11. May 1602. HENRY. POTIER.

*J'escriis au sieur de Brèffe, qu'il tienne sa Compagnie complete,
& qu'il scaura de vous ce qu'il aura à faire pour mon service.*

A V T R E.

MON Cousin, l'ay entendu par d'Escures la resolution que vous avez prise de me venir trouver, ensemble les auides que vous me donnez sur ce qui concerne mon service. Il m'a aussi rendu compte de ce qu'a fait le sieur Jeannin pour esclaircir la verité de ce qui vous auoit esté rapporté. Je suis fort content que chacun connoisse que tels rapports sont faux; & auray fort agreable que les auteurs d'iceux soient chasteiez; afin que cet exemple retienne à l'auenir ceux qui voudroient faire le semblable, & que l'on n'adiouste creance qu'à ce qui est veritable. La connoissance que vous avez de mon affection singuliere à vostre endroit, vous oblige de ne prester l'oreille à tels rapports, comme ie seray tousiours pour ce qui me sera dit de vos actions. L'ay commandé à d'Escures d'aller au deuant de vous, pour vous dire que vous me trouuerez en ma ville d'Orleans, où ie seray la Feste-Dieu, & n'en partiray que vous n'y

soyez arriué. Pendant le séjour que i'y feray, i'espère auoir la reuanche d'un cerf que ie ne peus prendre lors que i'y passay. Et m'asseurant que vous ne faudrez de vous rendre près de moy dans la fin de la semaine prochaine, & que vous eroirez ledit d'Escures de ce qu'il vous dira de ma part, ie priray Dieu, mon Cousin, qu'il vous ait en sa sainte garde. Au Plessis-lez-Tours ce dernier iour de May 1602. HENRY. POTIER.

Autre du mesme iour.

MON Cousin, j'ay receu quasi en mesme temps les lettres que vostre Secrétaire & le Capitaine Thomasiere m'ont apportées. J'ay appris par elles ce que c'est de l'armée qui passe pour aller en Flandres, l'ordre qu'elle tient, & comme elle est auancée. J'apprens par les lettres de mon Ambassadeur en Flandres, qu'il a esté enuoyé plusieurs courriers pour la hastier. C'est que les Archiducs scauent que le Prince Maurice est en campagne avec une armée de quinze mille hommes de pied, & de quatre à cinq mille cheuaux, avec plusieurs desseins, qui leur donnent occasion de se fortifier. Mais i'estime que ces nouveaux soldats, auant qu'ils soient aguerris, seruiront plus de nombre que de force. La seconde leuée, en laquelle entrent les meilleurs soldats des garnisons de Naples & de Milan, sera beaucoup plus forte. Aussi ne sachant où le Roy d'Espagne la doit employer, j'ay estimé estre nécessaire de munir mes villes de Prouence, & m'assurer d'hommes, ainsi que ie vous ay fait entendre par d'Escures à son premier voyage. Quand vous serez près de moy, nous ferons ensemble iugement de ce que doiuent deuenir lesdites forces, & de l'ordre qu'il faudra donner pour la seureté de mes villes de la frontiere. Cependant ie priray Dieu, mon Cousin, vous auoir en sa sainte garde. Au Plessis-lez-Tours le dernier iour de May mil six cens deux. HENRY. POTIER.

LETTRE DE M^r. LE CONNESTABLE DE MONTMORENCY,

Au mesme.

MONSIEVR, En toutes occasions ie vous confirmeray mon seruice: & encore que ces iours passez ie vous aye escrit par vostre Preuost, & fait scauoir de mes nouuelles, ie n'ay pas voulu perdre cette commodité du sieur d'Escures, qui vous informera de celle du Roy, & de l'estat où il a laissé S. M. & du suiet de son voyage vers vous. Sur lequel me remettant, ie ne m'estendray pas d'auantage en ce discours. Seulement ie vous supplieray de croire qu'il n'y a personne qui vous estime plus que ie fais, & reçoie plus de contentement d'entendre vostre bonne disposition, comme ie feray lors que i'en seray participant. Cependant il vous plaira me conseruer en vostre bonne grace, & pour,

MONSIEVR,

*Vostre bien humble & plus affectionné à vous
faire seruice, MONTMORENCY.*

Le 17. May 1602.

Du mesme, au mesme.

MONSIEVR, Il y a quelque temps que i'eus le contentement d'apprendre de vos nouuelles par le donneur de la presente, que i'ay este bien aise de voir, afin que par cette occasion ie vous aye pû reconfermer mon affection à vostre seruice, & vous dire que le temps ny l'absence n'auront iamais le pouuoir de la diminuer. Aussi n'y a. il personne qui vous honore & estime à l'esgal que ie fais, ny sur qui vous ayez plus de pouuoir. Je vous supplieray donc de le croire, & qu'en toutes occasions vous le verrez. Ce porteur m'a trouué icy, où ie suis depuis douze iours, partie desquels i'ay eu le plaisir d'aller si souuent à la chasse du chevreuil, & d'en prendre si d'ordinaire que vous auez coustume les cerfs vers vos quartiers. Comme ie iouïssois de ce plaisir, il m'est arriué vn renouvellement de colique, qui m'a trauaillé durant deux ou trois iours. Mais grace à Dieu, j'en suis quitte à present, ayant commencé ce iourd'huy à quiter la chambre pour reprendre l'air & la campagne. Vn de mes regrets est de n'estre plus proche de vous, afin de vous faire participer au plaisir que ie reçois, & de vous voir plus souuent. Je ne vous mande aucunes nouuelles de la Cour, estimant que vous en auez des plus fraïches, & en apprenez plus souuent que moy. Car ie suis icy, escarté, où ie n'en reçois si frequemment que ie desirerois. D'ailleurs, le present porteur vous en pourra informer, & de l'estat où il m'a laissé, & vous dire comme il a veu vn ieune petit soldar, qui a encore le souuenir d'auoir receu de vos mains la premiere espée qu'il a eue. Ce qui l'obligera de vous faire vn iour seruice, comme ie feray pareillement. Et en attendant que cela soit, ie vous supplieray, à vos commoditez, de me faire sçauoir de vos nouuelles, & me conseruer en vos bonnes grâces, puis que ie suis,

MONSIEVR,

*Vostre bien humble & plus affectionné à vous
faire seruice, MONTMORENCY.*

De Chantilly ce 10. May 1601.

A V MESME.

MONSIEVR, Je penserois faire tort au seruice que ie vous ay voué, & à l'assurance que vous m'avez tousiours donnée de vos bonnes grâces; si ie ne vous tesmoignoïs le contentement que tous les gens d'honneur ont eu de reuoir icy le sieur d'Escures, pour beaucoup d'impostures que l'on faisoit courir en cette ville, parmy les plus notables & meilleures compagnies, que vos amis & seruiteurs combattoient du contraire. Mais c'est la pure verité que ledit d'Escures ayant esté vers vous, & puis au Roy, l'on adiouste foy à son dire, & s'est esuanoui ce

II. PART.

T T t t t ij

bruit, dont ie louë Dieu. Toute la France s'en resioyut: Car il faut qu'elle aduouë vous deuoir la plus-part de son salut: & pour moy ie veux meriter l'honneur de vos bonnes graces, pour estre,

MONSIEVR,

Vostre tres-humble & tres-affectionné seruiteur,
DE MARCHAUMONT.

De Paris ce 18. May 1602.

AV MESME, PAR DV HAILLAN.

MONSEIGNEVR, Il y a trois semaines que j'ay receu celle qu'il vous a plû m'escire du sixième du passé, par laquelle vous me tommez de la promesse que par cy-deuant ie vous auois faite de mon Histoire de France. Dés l'hyuer dernier, apres vostre départ, j'en auois fait relier vne pour vous l'enuoyer. Mais elle se trouua imparfaite en chacun des trois volumes qu'elle contient, dont il arriua querelle entre le Libraire & moy. A la reception de vostre lettre, Monseigneur, j'en ay fait lauer, regler, & relier vne autre couuerte de velours, dorée sur la tranche, & des cordons de soye verte, vos couleurs. Il y va d'un long temps à lauer & regler un si gros volume. Je l'ay entre mes mains depuis deux iours, & hier apresdinee ie fus expressement chez M. Preuost, pour sçauoir de luy quel moyen il y auroit de vous le faire tenir. Il me dit que vostre Preuost s'en alloit vous trouuer. Sur ce propos il arriua. Mais d'autant que ces troistomes sont gros, & qu'on ne les peut porter que dans un coffre, il fut resolu entre nous trois qu'il falloit attendre le depart du coche de Dijon, qui partira leudy prochain. Je ne faudray, Monseigneur, de vous l'enuoyer par cette voye, & l'accommoderay si bien, qu'elle ne se gastera point. Je vous supplieray de la recevoir en bonne part, & de la regarder de ce mesme œil fauorable, duquel vous auez tousiours regardé son luthcur, qui n'a aucune esperance qu'en vous de la ressource de ses malheurs. Je m'assure que vous voudrez quelquesfois lire quelque page de mon liure, que j'appelle mon temps perdu, & desire qu'il vous donne autant de plaisir en le lisant, que j'ay pris de peine en le faisant. Le feu Roy à qui ie la donnay, ne m'en remercia iamais, ingrat Prince qu'il estoit. C'estoit pourtant le plus beau present de liure qui luy fut iamais fait. Il voyoit, lisoit, & recompensoit bien les petites œuvres, pleines de vilainies qu'on luy presentoit. Il donnoit des Abbayes & grands biens à leurs luthcurs, & ne fit cas de ce qui seruoit à la gloire des siens & à la sienne. Aussi ne voloit-il pas pour la gloire; ains pour la volupré qui luy a fait perdre Royaume, gloire & vie. Si le papier ne me faillait rien, j'en dirois dauantage, & feray sentir à sa memoire le tort qu'il m'a fait, comme ie consume à vostre vertu le plus beau de mes escrits, & que ie suis, MONSEIGNEVR, &c. A Paris ce douzième May 1602.

Au mesme, par Monsieur de Villeroy, de sa main.

MONSIEVR, l'ay receu la lettre qu'il vous a plû m'escire par le sieur Hebert, vostre Secretaire, & entendu ce que vous luy avez donné charge de me faire sçauoir. Depuis le sieur d'Escures est arriué, qui a fort resioüy le Roy & ses bons seruiteurs, pour l'assurance qu'il nous a donnée de vostre prompt venuë auprès de sa Maiesté, qui est desirée d'elle, ainsi que vous diront lesdits sieurs d'Escures & Hebert. Aussi elle est necessaire pour son seruice & contentement, plus que ie ne vous puis escire; & me semble que le retardement d'icelle retardera à mesure les effets qui vous peuuent contenter. Nous allons donc à Orleans vous attendre. Vous y terminerez l'affaire de Monsieur le President Icannin. Car sa Maiesté le retiendra, iusqu'à ce que vous soyez arriué, lequel vous donnera occasion d'estre plus content de luy que vous n'estes, ainsi que i'ay connu par ce qu'il vous a plû m'en mander, ainsi que vous diront lesdits sieurs d'Escures & Hebert: Sur lesquels me remet; tant, ie finiray la presente, apres vous auoir asseuté de la continuation de mon seruice, & baisé les mains de tout mon cœur, en priant Dieu qu'il vous conserue en bonne santé. Du Plessis lez Tours, le 30. de May 1602.

Vostre bien humble seruiteur, DE NEVEVILLE.

Au mesme, de Monsieur de Gevre.

MONSEIGNEVR, M. d'Escures vous dira les intentions de sa Maiesté, & le desir qu'elle a de vous voir près d'elle, où vous ne pouuez vous rendre trop tost, pour le contentement que vous en receuez. Ceux qui vousaiment le desirent, & ceux qui sont enuieux de vostre bonne fortune & de vostre grandeur, voudroient le contraire, & desireroient pouuoir alterer la bonnevolonté du Roy en vostre endroit. Les rapports qui ont esté faits à sa Maiesté, & à vous, les font assez connoistre; n'y ayant aucune apparence aux vns ny aux autres, ainsi que le temps fera connoistre. Sa Maiesté a enuoyé Monsieur Icannin exprez vous trouuer, pour vous en donner éclaircissement: & quand vous serez près d'elle, elle vous fera voir l'opinion qu'elle a de ce qui luy a esté rapporté; & sa presence vous apportera le contentement, que tous les bruits qui ont courru tourneront en fumée. Si attendant vostre venuë, ie puis vous seruir, ce sera de pareille volonté que ie desire estre tousiours en vos bonnes graces, & prie Dieu, MONSEIGNEVR, vous donner en santé, longue & heureuse vie. Du Plessis lez Tours le 21. May 1602.

*Vostre tres.humble & affectionné
seruiteur, POTIER.*

T T t t t ij

DEVIS ENTRE LE ROY, ET L'AMBASSADEUR
d'Espagne, en Decembre 1605.

LE Roy ayant esté cy-deuant aduertý de diuers endroits, qu'un certain Gentilhomme Prouençal, nommé Merargues, député vers sa Maieſté pour les Eſtats de Prouence, faiſoit des menées contre ſon ſeruiſe, fit commandement le cinquième Decembre, au Lieutenant Criminel de Robbe courtte à Paris de ſe transporter au logis dudit Merargues, & le conſtituer priſonnier avec ceux qu'il trouueroit en ſa compagnie. Et d'autant qu'il ne ſe retira que fort tard, & que ledit Lieutenant fut contraint d'attendre à executer le commandement de ſa Maieſté, juſqu'à ce que ledit Merargues fuſt arriué au logis: Cela fut cauſe qu'il ne ſe faiſit de ſa perſonne, que ſur les neuf à dix heures du ſoir; & trouuant avec luy vn des Secretaires de l'Ambaſſadeur d'Eſpagne Dom Balchazard de Cimiga, nommé Bruneaux: il l'arreſta auſſi avec ledit Merargues, comme il luy auoit eſté commandé; & ſur le champ les tranſfera ailleurs, pour eſtre en ſeureté. Mais auant que de ſortir du logis, il chercha l'un & l'autre, pour ſçauoir ſ'ils auoient des papiers de conſequence, viſita auſſi toute la maiſon, retenant & faiſant priſonnier principalement l'hoſte d'icelle; & trouua ledit Secretaire chargé de memoires eſcrits en Eſpagnol de ſa propre main, leſquels il trouua cachez entre deux bas de chaufſes, à l'endroit de la jarretiere. Si toſt que ſa Maieſté ſceut cette capture, & qu'il eſtoit queſtion d'une trahiſon ſur la ville de Marſeilles, elle conſtitua Monsieur le Preſident Jeannin, qui eſt de ſon Conſeil d'Eſtat, pour interroger leſdits priſonniers: & a-t'on reconnu par leurs interrogatoires, que ledit Merargues auoit propoſé audit Ambaſſadeur, y a plus de quatre mois, de faire ſeruiſe au Roy d'Eſpagne, par certains moyens qui ſont contenus audit memoire Eſpagnol, duquel ſera cy-ioint vn double; ledit Ambaſſadeur, non ſeulement l'a écouſté, mais auſſi l'a pouſſé à l'entreprendre autant qu'il a pû; ayant à cette fin conſeré luy-meſme pluſieurs fois de nuit avec ledit Merargues, en la maiſon dudit Ambaſſadeur: comme pareillement a fait ledit Secretaire, qui eſt Flamand, au logis dudit Merargues: ce qu'auſſi ledit Secretaire a luy-meſme confeſſé. Quoy eſtant, ſa Maieſté a commandé le procez dudit Merargues eſtre renuoyé à la Cout de Parlement à Paris, pour eſtre fait & parfait en la forme ordinaire ſuiuante les loix & couſtumes du Royaume. Ledit Ambaſſadeur ayant ſceu la detention de ſon dit Secretaire, eſtant informé de la cauſe d'icelle, demanda audience à ſa Maieſté, laquelle luy fut donnée.

Le lendemain de l'emprisonnement dudit Secretaire, l'Ambaſſadeur d'Eſpagne alla voir Monsieur de Villeroy, & luy demanda ſ'il ne ſçauoit ce que ſon Secretaire eſtoit deuenu, & où il eſtoit. Il s'apperceut que

Monsieur de Villeroy trouuoit vn peu cela estrange, & pourtant il demanda à l'instant, si on luy donneroit aussi la question. Vous sçaués donc bien, dit Monsieur de Villeroy, où il est? Sur cela il luy tint d'autres propos: & puis apres demanda audience, qui luy fut accordée le huitième de Decembre, sans aucune remise, que du iour au lendemain. En cetter audience, il se plaint à sa Maiesté de l'arrest fait par son commandement de son Secretaire, lequel il a requis luy estre rendu, disant que c'estoit violer les priuileges des Ambassadeurs, & luy faire vne iniure tres-grande de l'auoir constitué prisonnier, le retenir, & depuis l'auoir fait interroger. Sa Maiesté luy respondit qu'il auoit esté pris en faisant delict, s'estant trouué à heure induë negotiant & traittant contre la foy publique, & le deuoit d vn Ambassadeur & Ministre d vn Roy, qui faisoit profession d'amitié avec sa Maiesté, pour luy faire perdre vne des plus importantes villes de son Royaume. Que sa Maiesté auoit deub, s'estant ledit Secretaire rencontré avec le traistre, non seulement s'asseurer de sa personne, mais aussi le faire interroger, pour sçauoir la verité du fait. Toutefois qu'il ne seroit point fait de tort audit Secretaire, ny aux priuileges de la charge d'Ambassadeur, lesquels aussi estoient conditionnez. Car si les Ambassadeurs estoient perionnes sacrées, & deuoient estre respectez & traitez comme tels; aussi estoient ils obligez à ne violer le droit des gens, comme ils faisoient, quand ils entreprenoient de corrompre les sujets du Prince, auprès duquel ils seruoient, & sous couleur de paix & amitié, machinoient contre sa personne & son Estat. Ledit Ambassadeur, sans respondre à ce point, a dit à sa Maiesté, comme par forme de reproche, que s'il fauorisoit & assistoit ouuertement d'hommes, d'argent & d'artillerie les rebelles de son Roy & des Archiducs, qu'il luy pourroit bien estre loisible d'escouter les sujets de sa Maiesté, qui se presentioient pour faire seruice au Roy & aux Archiducs. Que le traité qu'il auoit fait avec celuy-cy, n'auoit tendu qu'à le faire aller en Flandres, que sa Maiesté deuoit plutôt trouuer bon que ses sujets allassent de ce costé-là, qu'avec lesdits rebelles. Et d'autant plus que celuy des vns estoit celuy des Catholiques, & l'autre celuy des ennemis de nostre Religion. Dauantage, que sa Maiesté auoit fait plusieurs & diuerses entreprises depuis la paix, tant sur les villes desdits Archiducs, qu'en Espagne, mesmes avec les Morelques, ainsi qu'auoient deposé les auteurs d'icelles, qui auoient esté executez. Que le sieur de la Bauderie estant auprès des Archiducs pour le seruice de S. M. auoit mesme essayé de suborner le Comte Waudeberg & vn certain Secretaire, & que les principaux Secretaires de S. M. auoient manié & conduit la susdite entreprise, & mesme contre la foy publique & les traitez de paix, comme il apparoissoit par les procez des executez. Toutefois que le Roy d'Espagne & les Archiducs, pour le seruice de S. M. ne s'en estoient plaints, & n'auoient demandé iustice à S. M. Qu'il la prioit donc de luy faire rendre son Secretaire, sinon qu'il protestoit de violence faite à la franchise & seurété de sa

charge, qui estoit la plus grande offense qu'on pouuoit faire au Roy son Maistre en sa personne. Ces langages ayant esmeu & piequé sa Maiesté, plus auant qu'elle n'auoit delibéré, elle a respondu audit Ambassadeur, Que ses Ministres s'estoient mal-conduits en son endroit depuis la paix de Veruins, de façon que comme ils auoient donné occasion à sa Maiesté d'esperer peu de seureté de leur amitié en ladite paix, elle n'auoit aussi deu desirer qu'ils subiugassent ceux qu'ils nommoient leurs rebelles. Et que sa Maiesté confessoit auoir esté pour cette consideration plus prompte & plus libre à leur rendre l'argent qu'ils luy auoient presté, & à montrer de ne desirer leur ruine. Toutefois qu'il ne les auoit point assistez d'artillerie ny de munitions de guerre, comme il auoit dit; mais que plusieurs de ses sujets nouris & accoustumez à la guerre, les auoient seruis comme d'autres auoient fait les Archiducs, & aucuns aussi auoient passé en Hongrie, se voyans inutiles en son Royaume. Que la guerre des susdits Pays bas, ne se faisoit point pour la Religion, mais pour fauoriser les partis qui la faisoient. Que le masque estoit doresnauant trop descouvert, pour pouuoir desguiser la verité des intentions de ceux qui en auoient abusé cy deuant. Que la France marcheroit tousiours deuant l'Espagne, ainsi qu'elle auoit fait en tout temps, quand il seroit question de com battre pour la Religion Catholique. Que ledit Roy d'Espagne & lesdits Archiducs, avec leurs Ministres, auoient depuis le traité de Veruins tousiours continué à suborner & solliciter ses sujets, pour les faire souleuer contre son Estat; comme le Duc de Biron, le Comte d'Auuergne, le Prince de Giville, le Duc de Bouillon, & vn nombre d'autres de moindre estoffe. Que les predecesseurs de l'Ambassadeur en sa charge, auoient esté avec le Comte de Fuentes, les principaux instigateurs de telles corruptions & conspirations; en quoy l'Ambassadeur ne les auoit que trop inuitez depuis qu'il estoit en ce Royaume, comme il estoit euident par le traité du sieur d'Antragues, & le dernier du Comte d'Auuergne; & cetuy-cy de Merargue; sans les autres que sa Maiesté n'a encore descouverts. Que l'on auoit fait confesser à force de gehennes, de tourmens & de menaces, ou par esperance de reeompense, à ceux que l'on auoit fait mourir, & autres que l'on auoit sauuez au Pays-bas, tout ce qu'ils auoient depolé de ces entreprises au pays des Archiducs & en Espagne. Que neanmoins la Maiesté les voyant proceder sans plainte, elle ne vouloit nier qu'elle n'auoit quelquefois permis à ses Secretaires semblables propositions, pour aucunement se preparer & auoir en main de quoy se reuancher, de ce qu'elle scauoit que le Roy d'Espagne & ses Ministres tramoient journellement contre son Royaume. Mais qu'il ne se veriferoit iamais qu'il eust commandé d'en passer plus auant, ny qu'il eust fait bastir des traitez par ses ambassadeurs au preiudice des Princes de la maison d'Autriche, ainsi qu'auoit fait cet ambassadeur avec Merargue, comme il apparoissoit par l'escriit de son Secrétaire. Car il estoit question d'autre chose que d'aller secourir en Flandres vn Prince estrange, sans

ger, sans la licence de son Souverain : que l'Agent desdits Archiducs avoit engagé le Terrail & plusieurs autres, sans avoir esgard que ledit Terrail estoit domestique de sa Maïesté, & obligé particulièrement à la Compagnie de Monseigneur le Dauphin ; l'ayant cet Agent poursuivy & sollicité vn an durant par diuers moyens, pour luy faire faire ce fait. Quele Gouverneur de Perpignan avoit fait le semblable avec les Luguisses & leurs Complices, pour avoir Narbonne & Beziers. Que sa Maïesté ignoroit ce que l'Ambassadeur disoit, que le sieur de la Bauderie avoit fait avec les Comtes de Witemdetberg, auxquels il pouvoit bien avoir dit l'estime que sa Maïesté faisoit d'eux, ioint qu'ils ne sont pas obligez aux Espagnols, pour n'estre pas nez sujets des Archiducs, mais Allemans.

Mais quant au Secretaire que le sieur de la Bauderie avoit essayé de pratiquer, qu'il confessoit qu'il l'avoit fait du sceu de sa Maïesté. Toutefois que ce n'avoit esté à autre fin que pour apprendre des nouvelles par son moyen. Que sa Maïesté ne vouloit reprocher aux ambassadeurs la corruption de choses auxquelles elle sçait qu'ils se sont adressez à pareille fin, d'autant qu'elle ne vouloit blâmer vn ambassadeur, quand il cherchoit à servir son maître en cas semblable ; pourveu que telles pratiques ne passassent à des effets tels qu'estoient ceux qu'ils recherchoient de Merargues, des Luguisses, & des precedens, lesquels avoient eu tous pour but de renverser son Royaume sur sa teste, & le destruire de fond en comble. Mais que Dieu y avoit pourveu. Surquoy l'ambassadeur a voulu alleguer que le Roy d'Angleterre, en ce qui regardoit les Estats des Pays-bas, observoit mieux avec eux la paix & l'amitié qu'il leur avoit promises, que sa Maïesté, encore qu'il fût de contraire Religion. Mais l'ambassadeur s'est teu tout court, quand sa Maïesté a respondu à cela, que le Roy d'Angleterre avoit commencé à esprouver quelle est la confiance & la seureté que l'on doit attendre des Ministres d'Espagne ; & que sa Maïesté estimoit aussi qu'il autoit cy-apres pareille occasion de s'en louer, qu'ils la donnoient iournellement à sa maïesté. L'ambassadeur n'a pas laissé pour tout cela, de perséverer en ses protestations sur le fait de son Secretaire ; ce que fait, sa Maïesté luy a déclaré que tout ainsi qu'elle estoit contente de conserver la paix & toute la bonne intelligence avec son maître, s'il luy en donnoit occasion, aussi seroit-elle tousiours prestée de prester le collet à qui l'y voudroit obliger. Là dessus ledit Ambassadeur dit à sa Maïesté, qu'il sçait tres-bien quel est le courage & la prudence de Henry IV. mais qu'il prioit sa Maïesté de luy faire rendre son Secretaire, qu'il tenoit pour homme de bien. Sa Maïesté conclud, en luy disant, qu'elle se feroit informer du fond & de la verité des accusations qui estoient contre son Secretaire ; & qu'elle enuoyeroit puis apres vers luy ambassadeur, pour les luy faire entendre & sçavoir s'il les aduoüeroit ou non, pour selon la response, aduïser & resoudre ce que sa Maïesté avoit à faire. L'ambassadeur s'est retiré avec cette conclu-

sion, de laquelle il a esté remarqué qu'il est demeuré content: ce n'estoit pas aussi le but de sa Maïesté de le renvoyer mal satisfait, mais bien de ne rien faire en cela inconsiderement ny iniustement; c'est pourquoy sa Maïesté a commandé que le proces de Merargues fust renvoyé au Parlement, où il sera instruit, fait & parfait solemnellement & équitablement.

*ARTICLES SVR LESQUELS LE ROY A DECLARE
son intention; pour servir d'instruction & de commandement au sieur
de Bullion, allant trouver le sieur de Lesdiguières Marechal de France,
& avec luy ou sans luy, Monsieur le Duc de Sauoye, pour le service de
sa Maïesté.*

Sil le Roy confirme sa resolution de faire la guerre à ce Printemps contre le Roy d'Espagne, que se servant de l'occasion de l'affaire de Cleues, ou bien si sa Maïesté veut différer cette resolution iusques à ce qu'il ait entendu le Prince d'Anhalt & les Deputez des Estats des Prouinces Vnies.

Le Roy estant obligé de proteger la iustice de la cause des Princes, vrais heritiers de feu le Duc de Cleues, pour estre alliez & confederex de sa Couronne, fait vne puissante armée pour employer à cet effet, laquelle pourra estre presté dans le mois de May. Et comme le Roy d'Espagne, & ceux de sa maison entreprennent ouuertement la deffence du party contraire: Sa Maïesté a delibéré d'entrer aussi en guerre contr'eux. Dequoy sa Maïesté veut que Monsieur le Marechal de Lesdiguières, & le sieur de Bullion avec luy, ou sans luy, fasse nouvelle declaration à Monsieur le Duc de Sauoye. Et d'autant que les Electeurs, Princes & Estats de l'Empire, interesséz & vnis avec elle en cette cause, ensemble les Prouinces vnies des Pays-bas, ont fait sçauoir à sa Maïesté, qu'ils veulent ioindre leurs armes aux siennes en ce dessein, ils diront audit Duc, que le Prince Chrestien d'Anhalt, esleu Chef des forces desdits Princes Allemans, & les Ambassadeurs desdites Prouinces vnies, estoient attendus d'heure à autre auprès de sa Maïesté, pour prendre avec elle vne dernière & absoluë resolution en ces affaires, de laquelle son Altesse sera promptement aduertie par lesdits sieurs Marechal & de Bullion.

*Ce qu'il faudra dire sur l'estat auquel est à present
l'affaire de Cleues.*

L'Electeur de Brandebourg, & le Prince de Neubourg Palatin du Rhin, qui representent & ont le droit en ladite succession de Cleues des deux sœurs aînées du dernier Duc, possèdent à present les Duchez de Cleues, Berg & Iuliers, excepté la ville de Iuliers, & deux ou trois

lieux à l'enuiron d'icelle qu'occupe l'Archiduc Leopold, sous le nom & comme de Commissaire de l'Empereur. Lesdits Princes sont à present assemblez de gens de guerre, de cheual & de pied, iusques au nombre de mille à douze cens de cheual, & de trois à quatre mille à pied, avec lesquels ils font la guerre; qui a eu iusqu'à present diuers succez, attendant avec le beau temps les forces que leurs alliez & partisans leuent & preparent en Allemagne & ailleurs pour entreprendre dauantage. Lesdits de Brandebourg & Neubourg par leursdits alliez, negocient avec l'Electeur & Duc de Saxe de leurs pretentions, pour, s'il est possible, les rallier avec eux & les separer des Imperialistes, lesquels se sont seruis iusques à present de leur nom, pour inquietant & trauerfant le droit desdits heritiers, mieux courir & fauoriser le dessein qu'ils ont d'vsurper lesdits pais, auxquels ils n'ont autre droit que de bien-seance: d'autant que lesdits Imperialistes ont publié que la ligue faite par lesdits Princes Allemans, Confederéz & vniz, a pour principal but & fondement de faire la guerre aux Electeurs & Princes Catholiques, & Ecclesiastiques de la Germanie: Le Duc sera aduertý & asseuré de la part de sa Maiesté, que cela est faux & controuué: que sadite Maiesté ne seroit entrée en ladite vnion, s'ils auoient ce dessein; au contraire, elle sçait qu'ils n'ont bastý cette societé que pour reseruer la liberté publique du pais, suiuant les loix & constitutions du pays de l'Empire, dequoy ils ont fait des protestations & declarations si expressees à sa Maiesté, qu'elle a bien voulu donner les assurances qu'il conuient, mesme ausdits Electeurs & Princes Catholiques, par vn Ambassadeur qu'elle a n'aguerez enuoyé vers eux exprés pour cet effet, au moyen dequoy ledit Duc sera exhorté de n'auoir autre opinion de ladite vnion.

Si le Roy se promet tousiours que les Estats, lors de l'ouuerture de leurs guerres, romperont de leur costé.

Lesdits Estats ont franchement déclaré & asseuré sa Maiesté plusieurs fois, qu'ils feront ce qu'elle fera pour cette guerre; tellement que sa Maiesté ne doute aucunement de leur deliberation & volonté.

En quel estat on est avec les Venitiens pour le fait de la guerre.

Sa Maiesté a fait sonder les Venitiens, comme elle auoit promis au dit Duc: mais ils se sont tenus iusques à present sur les paroles generales, accompagnées neantmoins de demonstration de bonne volonté. Ce que S.M. attribué premierement à leur naturelle desfiance & longanimité. Et secondement, à la crainte qu'ils ont que les bruits & preparatifs de guerre ne s'éuanoüssent sans effet. Ce qui fait que sa Maiesté espere encore qu'ils prendront party avec elle; mais que ce sera quand le jeu sera commencé, principalement si nos premiers exploits prosperent: & d'autant plus le feront-ils, qu'ils connoissent tres-bien auoir de nouveau offensé les Espagnols, par l'accueil qu'ils ont fait en leur ville à l'Ambassadeur des Estats des Prouinces Vnies, & par le dernier exploit qu'ils ont fait contr'eux sur la riuiera

entre Bresse & Cremona;

qu'ils en doiuent attendre vne rude reuanche, s'ils ne sont retenus par vne puissance plus grande que la leur. Ce que sa Maiesté continuera de leur faire représenter avec tout ce qu'elle iugera estre à propos pour les eschauffer & engager, ainsi que doit faire son Altesse de son costé, tant par l'entremise du sieur Franceſque d'Est, que par toute autre voye.

Avec les Grisons.

Les trois Lignes grises ont fait ſçauoir à sa Maiesté, qu'ils la seruiron en certe occasion de dix mille hommes de pied, s'ils sont conduits & de-frayez, comme ils doiuent estre: de façon que l'on peut faire estat de ce renfort, quand il en sera besoin.

Avec les Suisses, pour les rendre neutres au moins, s'ils ne veulent seruir en la guerre de Milan.

Le Roy ne peut point cheuir & disposer des Canrons de Suisse, ainsi que deldits Grisons, nommement de ceux qui sont obligez par alliance & bien faits au Roy d'Espagne; pourant il ne sera difficile d'empêcher qu'il ne soit seruy d'eux, comme lera aussi sa Maiesté: Laquelle tire dès à present deldits Canrons vne leuée de dix mille hommes pour la guerre de deçà, qu'il ne pourra que rendre plus difficile & foible le secours que le Roy d'Espagne voudra auoir d'eux, lequel sera encore trauersé par la dite Maiesté & les Ministres & alliez par tous moyens.

Avec le Roy d'Angleterre.

Le Roy de la Grand Bretagne a promis secourir les heritiers sùsdits de la maison de Cleues, de quatre mille hommes de pied de sa nation, à ses propres cousts & despens, dequoy il a donné parole à la maiesté, & auldits Princes. Dauantage la maiesté & luy traitent à present vne ligue enuers tous & contre tous pour la conseruation mutuelle & reciproque de leurs Royaumes. Ils vont renouueller aussi leurs anciens traitez d'alliance; de maniere que sadire Maiesté a suiet d'attendre dudit Roy toute sorte d'amitié & bonne voisinance en ces occasions.

Ce que l'on doit faire entendre au Duc, sur l'affaire de Monsieur le Prince, de laquelle sans doute il voudra estre esclaircy.

Le Prince de Condé a couuert de diuers & foibles pretextes sa sortie hors du Royaume: mais sa conduite & la faueur extraordinaire qu'il reçoit d'Espagne, découurent & verthient assez que son dessein n'est pas d'vn iour, ny si opiné qu'il a voulu faire croire; ains estre basty sur des fondemens d'autres consequences à sa Maiesté, à Monseigneur le Dauphin, & à la France, que ne sont ceux qu'il a publiez, lesquels n'estoient pas moins indignes de luy, & des honneurs, faueurs & bien-faits qu'il receuoit de sadite Maiesté, que peu capables d'esmouuoir & engager en sa faueur la foy & protection du Roy d'Espagne si auant qu'il a fait: dequoy les langages renus par ledit Prince, estant à Bruxelles, & depuis par les principaux Conseillers dudit Roy d'Espagne, rendent preuues si suffisantes & certaines, que sa Maiesté ne doit douter de la premiere conception & deliberation dudit

Prince, comme elle ne doit faire maintenant de la mauuaise volonté de ceux qui l'assistent. Et comme en ce faisant ils violent ouuertement les traitez de paix & d'amitié qui sont entre les deux Roys; sadite Maieité est aussi obligée de rechercher & employer toutes sortes de moyens dignes d'elle, pour s'en ressentir, & empescher qu'elle & les siens, ny son Estat n'en reçoient pis à present & à l'aduenir. Et comme sa delibération en cela est tres-iuste, voire forcée, tant par le soin qu'elle doit auoir de son honneur, de ses enfans & de sa patrie, que par l'animosité non esperée ny meritée, de laquelle le Roy d'Espagne vlt en son endroit, sa Maieité se promet aussi qu'elle sera fauorilée de Dieu & des hommes, & particulièrement dudit Duc de Sauoye; & d'autant plus de luy que d'un autre, tant pour l'affection qu'il demonstre porter à sa Maieité, & l'intérêt qu'il doit auoir dorensauant à tout ce qui touche à sa Maieité, que parce que les Ministres dudit Roy ont osé dire, & faire sçauoir mesme à sa Maieité, auoir embrassé la protection dudit Prince, exprez pour se reuancher de l'alliance que sa Maieité a promise & accordée audit Duc, comme d'une iniure à eux insupportable; de laquelle si elle vouloit se deporter, ils abandonneroient aussi ledit Prince, & luy donneroient pour ce regard toute sorte de satisfaction. Mais ce sont ruses & inuentions, par lesquelles, tant s'en faut que l'on puisse esbranler la parole que sa Maieité a donnée audit Duc, qu'elles luy augmentent la volonté d'en aduancer l'exécution par tous moyens possibles: & elle se promet aussi que ledit Duc prendra de son costé la mesme resolution; de quoy il sera exhorté & prié au nom de sa Maieité, par lesdits Seigneurs Marechal de Lefdiguières & de Bullion, & pareillement de veiller sur les actions dudit Prince de Condé, retiré de present à Milan, en la forme que l'un & l'autre feront entendre audit Duc.

Si on doit absolument declarer au Duc, le nombre des gens de guerre, dont sa Maieité veut assister ledit Duc; à sçauoir douze mille hommes de pied, douze cens cheuaux, & quatre cens carabins, & si on ne luy doit pas donner esperance de plus grandes forces, ayant demandé au Roy vingt mille hommes de pied, & deux mille carabins.

Il faut dire aussi audit Duc, sur le present article, que le Roy apres auoir bien consideré les raisons escrites par son Altesse au sieur Ville-roy, par le dernier Courtier qu'elle a depesché par deçà, qui luy ont esté confirmées & repetées encore par le Capitaine Brunet, faisant son rapport de son dernier voyage, pour lesquelles son Altesse iuge estre necessaire d'auancer l'exécution des entreprises qui ont esté proposées; les a fort goustées & approuuées, au moyen dequoy a estimé estre necessaire d'accelerer l'entre-ueüe de son Altesse avec ledit sieur Marechal d'Elldiguières; & partant l'enuoye vers le dernier dudit sieur de Bullion, avec les intentions & commandemens; reconnoissant tout ainsi qu'a fait son Altesse, que le temps rendra ladite exécution plus difficile, sur les esperances & euenemens desquelles leur Maieité & Altesse ont neant-

moins fondé la resolution qu'elles ont prise ensemble d'affaillir les pays du Roy d'Espagne, tant de ça que delà les monts. Pour cette cause, sadite Maïesté desire que ladite entre-veuë & conference soit aduancée; que ledit sieur de Bullion, passe vers S. A. Pour cet effet, apres auoir veu ledit sieur Marechal, si à son arriuée vers luy, il trouue qu'il n'y ait encore esté pourueu, ou s'il n'est suruenu entre ledit Duc & ledit Marechal, quelque changement pour lequel il soit besoin d'en retarder ou interrompre l'accomplissement: auquel cas sa Maïesté remet audit sieur Marechal, d'aduiser avec ledit sieur de Bullion, s'il aura à passer vers ledit Duc, & ce qu'il aura à traiter & resoudre avec luy sur toutes les affaires qui se presentent: & conuient considerer sur cela que les Ministres d'Espagne ont pris vn tel ombrage & creance, & ont mesme discouru si auant de ladite entre-veuë, & des effets qui doiuent s'en ensuiure, qu'il semble que rien ne peut effacer l'opinion & ialousie qu'ils en ont conceuë; & partant estre plus expedient d'en tenter le hasard dès à present, s'il y a autant de suiet d'en bien esperer qu'il a esté rapporté par leurs Maïesté & Altesse, que d'en remettre l'execution à vn autre temps, ou de les rompre tout à fait: neantmoins c'est chose que sadite Maïesté remet au iugement & à la prudence dudit Duc, & dudit Marechal; estant tres-assurée qu'ils ne feront rien mal à propos, ny sans bonne consideration. Mais comme sa Maïesté n'a entendu que le dessein dudit Duc soit de commencer la guerre au Duché de Milan, si lescdites entreprises ne reüssissent, ny de les tenter qu'elles ne soient reconnues & iugées faibles; sa Maïesté n'a pas commandé aussi au dit Marechal & de Bullion de faire autre offre de ses forces & de son assistance, qu'en termes genereux, qui est de luy promettre, si ledit Roy ou les siens attendent quelque chose contre son Estat, sous pretexte de l'alliance qu'il doit contracter avec sadite Maïesté, ou autre quel qu'il puisse estre, elle l'assistera & défendra de toute sa puissance, sans aucune reservation & exception, & fera son propre fait de sa querelle, & y exposera tout pour le tout franchement & loyalement, dont luy seront données toutes les assurances requises, lesquelles seront ratifiées & approuuées par sadite Maïesté, tant par escrit que par effets dignes de la bonne foy & magnanimité d'icelle.

Mais si ledit Duc veut tenter lescdites entreprises, & prend cette resolution avec ledit Marechal, il luy offrira pour ce faire les forces & l'assistance de sa Maïesté, en telle forme qu'il iugera estre la meilleure.

Car encore que S. M. n'ait fait estat d'employer en cela que cent mille escus par mois, suiuant l'estat qui a esté dressé pour cet effet, neantmoins s'il aduient que les trois entreprises succedent, ou seulement les deux d'icelles, comme sadite Maïesté reconnoist bien qu'il faudra pour conseruer lescdites places, que ledit Duc ait des forces suffisantes, non seulement pour les garnir, mais aussi pour en mesme-temps tenir la Campagne, soit pour pouffer plus auant sa fortune, ou à opposer

aux forces de l'ennemy : sadite M. en ce cas pouruoir à renforcer ledit Duc, par le moyen desdits Grisons, ou par autres, ainsi ou pour tel temps qu'il a dit de bouche audic de Bullion : à quoy neantmoins ledit sieur Marechal & luy n'engageront sadite Maiesté, qu'ils ne voyent qu'il soit necessaire de le faire pour le bien de son seruice.

Mais afin que ledit Marechal puisse faciliter & aduancer lesdites entreprises, sans enuoyer vers sadite Maiesté, en cas qu'il trouue que ledit Duc soit resolu & disposé d'entreprendre le hazard, & qu'ils conuiennent de ce faire, il luy est enuoyé presentement par ledit sieur de Bullion, vne prouision de..... mille escus, que sa Maiesté a destinée pour les frais de la guerre qu'on projecte de faire de par delà ; laquelle part, icelle n'employera ny entamera si l'on ne doit faire lesdites entreprises, & en cas qu'on s'y resoluë, il la mesnagera aussi avec soin & discretion, & en fera tenir bon & fidele compte par le Tresorier de l'Extraordinaire.

Ce que l'on doit dire aussi sur les vingt canons, atterail, poudres, boulets, pour tirer iusqu'à trente ou quarante mille coups.

Sa Maiesté ne peut bonnement secourir ledit Duc de poudre, mais
 Il fera assister de boulets.

Ce qu'on doit traiter avec ledit Duc, sur le sujet des entreprises dont est question ; & si le Duc desire les executer presentement, quelle assignation il plaira au Roy de donner pour soixante mille escus, qu'il commandera employer à cet effet ; estant necessaire de faire partir au premier iour vn Commis de l'Extraordinaire, avec les deniers pour l'execution d'icelles entreprises, s'il sera besoin entrer en traitè avec le Duc, pour le profit & seurété de la guerre, ou remettre d'en parler iusqu'à ce que les forces de sadite maiesté soient sur pied, & notamment pour Pignerol, que le Roy veut demander pour retraite & seurété de son armée.

Sa Maiesté entend que ledit Duc tire & recueille tout le profit de la guerre & des conquestes que les forces de sadite maiesté & les siennes feront dans le duché de milan, laissant à sa discretion & à son iugement d'en faire part aux Venitiens, & autres Princes qui voudront entrer en ladire guerre avec sa maiesté, & luy. Mais aussi sadite maiesté desire qu'il soit pourueu à la seurété des forces qu'elle fera passer delà les monts, comme ils ont tousiours esté offerts : non qu'elle doute de la foy & volonté dudit Duc ; mais comme les choses humaines sont sujettes à variation & changement, soit par mort, ou autrement ; il n'est pas raisonnable que la seurété des forces de sa maiesté depende entierement de la volonté d'autrui, & d'autant plus qu'elles ne doiuent passer les monts, que pour procurer & aduancer le bien dudit Duc. C'est pourquoy sera faic instance que la ville, avec le chasteau de Pignerol, soit consignée & mise es mains, & au pouuoir d'un personnage suiet & seruiteur de sadite maiesté, faisant toutesfois profession Catholique, pour seruir de re-

traite à son armée, en cas de nécessité; & donnant de part & d'autre les promesses qu'il conuiendra, pour pourvoir à tous euenemens, afin que chacun ait son compte, sans fraude & tromperie: & fera aduisé par ledit sieur Marechal avec ledit Duc, si ledit depest sera fait deuant ou apres qu'on aura tenté lesdites entreprises. Neanmoins sa Maiesté entend queladite seureté soit donnée par ledit Duc, deuant que le gros des forces, dont sa Maiesté entend l'assister, passe les Monts.

Mais s'il a iuient que lesdites entreprises reüssissent, & qu'apres icelles, les forces de sadite Maiesté & dudit Duc fassent progresz dedans la Duché de Milan, de sorte qu'il ait fuiet d'esperer que ledit Duc puisse prendre pied, & s'agrandir audir pais: sadite Maiesté entend en ce cas, ledit Duc faisant difficulté de délaisser & quitter à sa Maiesté la propriété du Duché de Sauoye, comme il a esté quelquesfois proposé, de quoy sa Maiesté sera fondée par ledit sieur Marechal, au moins qu'il luy dispose & remette entre les mains la place & la garde du Chasteau de Montmelian, pour marque & reconnoissance des grands frais qu'aura fait sa Maiesté en la conquelte dudit Duché, pour ledit Duc. Chose neantmoins que lesdits sieurs Marechal & de Bullion aduiseront à ne proposer & de-

Si le Duc s'accorde d'exécuter les entreprises, quelles assurances on luy donnera, que sa Maiesté au mesme temps fera mettre sur pied les forces, tant de pied, que de cheual; pour en cas qu'icelles entreprises reüssissent à bonne fin, empêcher que par force ouuerie, le Roy d'Espagne n'attaque les places qui auront esté prises.

Ledit sieur Marechal donnera les assurances susdites, en la forme cy-deuant dite, ainsi qu'il sera nécessaire, afin qu'il n'ait occasion d'en douter.

Si lesdites entreprises reüssissent, quelles gens il plait au Roy estre mis dedans, & si on les donnera pas au Duc, tels qu'il luy plaira les choisir.

Cela est remis au iugement & à la discrétion dudit Duc, & à l'aduis que luy en donnera ledit Marechal.

Sera besoin aussi que ie sçache particulièrement, ce qu'il faudra dire sur la consideration que le Duc met en auant de la Religion de Monsieur le Marechal, & des gens de guerre de cette qualité, qui serviront en cette occasion.

Le Roy a commandé audit sieur Marechal de remplir les forces qu'il conduira au secours dudit Duc, du plus grand nombre de Chefs & soldats Catholiques qu'il pourra, afin de diminuer la desiance fondée sur le fuiet de la Religion, à laquelle ledit Duc ne doit s'arrester, d'autant qu'il est nécessaire qu'il soit assisté dudit Marechal, s'il veut faire quelque chose de bon. Mais il sera assuré de la part de sa Maiesté, que ledit sieur Marechal, ny autres qui le iuront en ce voyage, ne feront aucune chose qui puisse scandaliser ledit Duc, ny amis pour cause de Religion, ny preiudicier aux Catholiques & Ecclesiastiques desdits pays, qui est

tout

tout l'ordre que ladite Maieſté peut apporter à ladite deſiance.

*Quelle eſperance on doit donner au Duc, ſur ce que dès à preſent
il demande Madame.*

Eſtant Madame ieune & delicate, comme elle eſt, il n'eſt à propos de luy faire encore changer de pays & de nourriture : ioint que leuts Maieſtez deſirent l'eſſeuer auprès d'elles, la dreſſer de leur main, & iouyr de ſa preſence, iuſqu'à ce qu'elle ait atteint l'aage propre pour eſtre mariée. *Ce qu'on doit auſſi dire ſur la qualité de Duc, demandée par ſon Alteſſe pour le Prince Philibert, & notamment ſur le fait de Chartres.*

Ladite qualité de Duc de Chartres ſera volontiers accordée au Pntce Philibert, en la forme qui a eſté propoſée.

*Sçavoir auſſi ce qu'il faudra dire ſur la charge de Colonel de la Caualerie legere
que l'on demande pour ledit Prince Philibert, le Duc deſireroit
auſſi de le marier en France.*

Pour n'eſtre ladite charge vacante, ladite Maieſté n'en peut diſpoſer à preſent : mais elle rechechera tous les moyens de gratifier ledit Prince de celle-là ou de quelque autre en ſon Royaume qui ſoit digne de luy, comme de le marier à ſon contentement & aduantage.

*En quel temps on doit faire venir Meſſieurs de Nemours, Marquis de Lulline,
& autres Deputez, pour paſſer le conſtrat de mariage entre Madame,
& Monſieur le Prince de Piedmont.*

ſa Maieſté aura à plaiſir que ledit Duc enuoye par deſa leſdits ſieurs le pluſtoſt que faire ſe pourra, pour mettre la derniere main audit traité de mariage. Neantmoins elle remet cela à la diſcretion dudit Duc, & à l'aduiſ qu'elle prendra avec ledit ſieur Mareſchal.

*Avoir le Brevet de la penſion de Monſieur de Nemours, que le Roy a accordé
à vingt mille liures.*

Ledit Brevet a eſté depeſché & deliuré audit ſieur de Bullion, pour le bailler de la part de ſadite Maieſté audit ſieur Duc de Nemours, en l'aſſeurant du contentement que ſadite Maieſté a de ſa conduite & du ſeruiſice qu'il luy fait en cette occaſion, le priant de perſeuerer, & croire qu'elle le reconnoiſtra tous les iours dauantage.

Ce qu'il faudra dire au Duc ſur les eſcries du Marquis d'Olliani.

Ledit ſieur de Bullion ſe plaindra audit Duc de l'imprudence & malice de l'eſcrit fait par ledit Olliani, par lequel a eſté deſcricie & blaſmée contre la verité la foy Royale de ſa Maieſté ſi auant, qu'elle ne peut qu'elle ne ſ'en reſſente, & n'en demande réparation audit Duc : en quoy neantmoins il ſe conduira comme il conuient à la dignité de ſa Maieſté, & ſelon la diſpoſition en laquelle il trouuera les choſes par delà.

Ledit ſieur Mareſchal & ledit ſieur de Bullion trouuant ledit Duc de Sauoye changé ou refroidy des ſuſdites entrepriſes & de la guerre, ils en aduertiront ſadite Maieſté en diligence : & neantmoins pour entretenir & maintenir ledit Duc en bonne intelligence & amitié avec ſa Maieſté, l'aſſureront qu'elle ne laiſſera pour cela d'affectonner la grandeur &

prosperité de sa maison, de contracter & paracheuer l'alliance qui a esté proposée entr'eux par le mariage de Monsieur le Prince de Piedmont son fils aîné, & de madite Fille aînée de sadite Maïesté, dont ils luy diront qu'elle sera prestee de passer les contrats necessaires en la forme qu'il conuient, quand il enuoyera ses Ambassadeurs vers elle, lesquels pour cet effect il sera exhorté d'auancer dauantage, que sadite Maïesté fera iouyr Messieurs ses autres enfans des pensions qu'elle a promises & accordées à chacun d'eux; & au reste embrassera toutes sortes d'occasions qui se presenteront pour leur tesmoigner de plus en plus sa bien-veillance par effets dignes de son affection, dont ils feront audit sieur Duc & mesdits Seigneurs ses enfans, toutes les declarations qu'ils iugeront estre requises, afin qu'ils en prennent entiere assurance & confiance, leur deliurant les lettres que sadite Maïesté leur escrit, comme ils feront audit Duc celles desquelles ils ont esté chargés pour son Alteſse, & à monsieur le Duc de Nemours les siennes. Fait à Paris le 29. iour de Mars 1610. Signé, HENRY. Et plus bas, BRVLARD.

Le Roy ayant pris resolution sur la recherche & poursuite que Monsieur le Duc de Sauoye en a faite, de consentir & accorder le mariage de Monsieur le Prince de Piedmont avec madame sa fille aînée, a fait estat par mesme moyen, d'affectionner & espouser sa prosperité & grandeur, & celle de sa maison, à l'esgal de la sienne propre.

C'est pourquoy S. M. ayant esté priée & recherchée d'aider audit Duc de conquerir le Duché de Milan, en cas que sadite Maïesté voulût de son costé, pour autres considerations, faire la guerre au Roy d'Espagne, sadite Maïesté auroit volontiers promis audit Duc ladite assistance en la forme prescrite par les memoires qui ont esté signez de part & d'autre.

Et d'autant qu'il est question maintenant d'executer ce qui est proietté pour ce regard, sadite Maïesté a commandé audit sieur de Lesdiguières Mareſchal de France, & au sieur de Bullion Cōseiller en son Conseil d'Estat, d'aller trouuer ledit Duc, & s'aboucher avec luy le plütoſt que faire se pourra, pour deliberer & resoudre ce qu'il conuient faire pour cet effect.

Lesdits sieurs sont d'ailleurs si bien informez de sadite Maïesté, des moyens qu'elle entend employer en cette execution, pour les représenter audit Duc & arreſter avec luy toutes choses, qu'il n'en fera fait repetition ny prescrit autre ordre par le present memoire.

Mais sadite Maïesté veut qu'ils auſent & arreſtent avec ledit Duc, des moyens d'asseurer de part & d'autre cette commune guerre, afin qu'elle dure & prospere.

Chose que sadite Maïesté iuge qu'ils doiuent & peuent faire outre & pardeſſus ledit mariage, duquel il semble que l'on doit passer le contract, si-toſt que la guerre sera ouuerte, par vn traité de ligue offenſiue & defenſiue entr'eux, enuers & contre tous Rois, Princes & Potentats, auxquels ils ſeront contraints & obligez de faire entreprendre la guerre pour le bien, aduantage & ſeureté de leurs Royaumes & Estats, ſans

autre reservation & exception; de laquelle ligue le Roy & ledit Duc, avec leurs enfans, seruiteurs & suiets demeurent & soient par ce lien plus assurez de la foy & amitié les vns des autres, & que chacun perde l'esperance de les pouuoir desvnr & separer à l'aduenir, au preiudice & deladuantage l'un de l'autre.

Au moyen dequoy ledit sieur Marechal & ledit sieur de Bullion en feront la proposition audit Duc de la part de sadite Maïesté, qu'ils accompagneront & fortifieront des raisons qu'ils estimeront estre propres pour la faire gouster, & embrasser avec chaleur & affection.

Par le mesme traité, on conuiendra de la qualité & temps du secours reciproque qui sera donné de part & d'autre, distingué en cas de-guerre offensive & deffensive, & proportionné aux moyens & pouuoirs des parties, avec équité & raison.

Sa Maïesté ayant iugé ledit traité nécessaire, & deuoir estre preallable à autre execution & resolution pour la seureté commune des affaires & de sadite Maïesté & dudit Duc, soit que l'on commence la guerre cette année, suiuant ce qui a esté projeté & les preparatifs faits à cette intention, ou qu'elle soit retardée ou differée en autre saison; d'autant qu'il ne faut point douter que le Roy d'Espagne ne recherche les moyens & occasions de se ressentir contre ceux de leurs Estats, de la deliberation & alliance susdite de sadite Maïesté & dudit Duc, sçachant, comme il fera, qu'elle a esté dressée contre luy, & comme pour conclure & parfaire le dit traité: Ledit sieur Marechal & ledit sieur de Bullion auront besoin d'un pouuoir special, & leur sera enuoyé si-tost qu'ils auront aduertý sadite Maïesté que ledit Duc sera disposé d'y entendre; quoy attendant, ils ne laisseront de conuenir & traiter des conditions d'iceluy, sous le bon plaisir de sa Maïesté; laquelle ils aduertiront en diligence & par homme exprés, de ce qu'ils auront aduancé. Fait à Paris le 19. iour de Mars 1610. HENRY. Et plus bas. BRVLARD.

INSTRVCTION DV ROT LOVIS XIII.

au susdit sieur de Bullion.

LE sieur de Bullion Conseiller en son Conseil d'Etat, que sa Maïesté & la Reine Regente sa mere, renuoyent presentement vers Monseigneur le Duc de Sauoye, fera entendre ce qui s'ensuit.

Premierement, il luy representera les causes, voire les necessitez qui ont retardé iusques à present son voyage vers luy, resolu par leurs Maïestez tost apres l'infortuné accident aduenü à la personne du feu Roy, conformément à la volonté du deffunt, & autre exprés commandement qu'en auoit esté fait deuant son decez.

Car comme il auoit desiré & affectionné grandement la conclusion des traitez & accords faits avec le sieur de Lesdiguieres Marechal de

France, la Maïesté ayant receu vn extreme contentement, quand ils furent presentez par les sieurs de Crequy & de Bullion: La depesche duquel fut retardée seulement pour attendre le sieur de Trouilloux, que lesdits sieurs de Crequy & de Bullion dirent à la maïesté que son Altesse auoit enuoyé vers elle, tant pour lesdites lettres de ratification, que pour poursuivre l'accomplissement entier des choses promises & conuenues par les traitez, auxquels non seulement il eût esté satisfait de la part de la maïesté, sans aucun contredit & retardement; mais il est certain qu'elle auoit dessein de porter en faueur dudit Duc, avec la propre personne mesme, l'armée qu'elle auoit fait assembler du costé de Champagne, à l'instant que la place de Iulliers, qui est la seule forteresse desdits pays que detiennent les Imperialistes, eust esté remise au pouuoir des Princes vrais heritiers de la succession d'eux: de laquelle reddition l'Archiduc Leopold & ses partisans auoient commencé à traiter avec lesdits Princes, ayant sceu que l'Archiduc Albert auoit accordé le passage à la Maïesté pour son armée par ses Estats, à laquelle lesdits Imperialistes reconnoissoient ne pouuoir resister: tellement qu'il est certain que ladite place eust esté rendue ausdits Princes, au premier aduis que lesdits Imperialistes eussent eu del' arriué de la personne de ladite Maïesté en ladite armée.

Quoy aduenant, comme ladite Maïesté eult peu facilement pouuoir à la seureté desdits pays en faueur desdits heritiers, secondez en cela du Roy de la Grand Bretagne, des Estats des Prouinces Vnies, & des autres Electeurs & Princes de la Germanie, vnies & conioints ensemble; aussi eust-elle pû apres conduire & employer elle-mesme vne grande partie de ladite armée du costé de Lombardie au benefice dudit Duc de Saouoye, pour se venger de ceux qui auoient retiré Monsieur le Prince de Condé, contre sa volonté & son seruice. Mais Dieu n'a permis pour la grauité de nos pechez que le cours de ce Royal & genereux dessein, tant utile à la Chrestienté ait continué, interrompu par le mal-heureux & detestable parricide, qui a remply non seulement la France, mais tout l'Vniuers, d'horreur, de tristesse & de regrets eternels.

Dequoy leurs Maïestez sont demeurées tellement estonnées & comblées d'affliction, que sans l'assistance & grace que Dieu leur a faite, d'auoir à la mesme heure touché les cœurs de tous les François, grands & petits, de tous estats, de la reconnoissance de leur deuoir enuers elles, leursdites Maïestez eussent indubitablement succombé sous la pesanteur de la douleur de ce mal heureux accident.

Mais les grands du Royaume & de toutes les principales villes d'iceluy, avec les Cours de Parlement, & à leur exemple tous les autres de toutes qualitez, ont à l'enuy les vns & les autres, par vne conspiration infusée du Ciel en leurs ames, eschauffez de l'enormité de cet abominable assassinat, accouru aux pieds de leurs maïestez, pour leur rendre & iurer toute fidelité & obeyssance, en la forme que ledit sieur de Bullion scaura bien représenter audit sieur Duc.

Aioustant que l'affection & promptitude, avec laquelle ledit duc a voulu faire visiter & consoler leursdites Maiestez en cette occasion, & à la part qu'elles scauent qu'il a monstré prendre en leur perte & douleur, a grandement aidé encore à consoler leursdites Maiestez.

Au moyen de quoy ledit sieur de Bullion remerciera de leur part son Altesse, de la bonne souuenance qu'elle a eüe, & de la diligence de laquelle elle a vüe à leur rendre ce témoignage signalé de la continuation enuers elle de son affection, à laquelle il l'assurera que leurs Maiestez correspondront si sincerement, que si le feu Roy luy a donné occasion de bien esperer & prendre confiance & assurance de son amitié, elles rechercheront & embrasseront toutes celles qui se presenteront d'affermir, voire accroistre l'une & l'autre à son contentement, au commun bien & aduantage de leurs Maisons & Estats. A l'effet dequoy, ledit sieur de Bullion dira audit sieur duc, que leurs Maiestez ont la mesme volonté que le feu Roy leur Seigneur, d'accomplir le mariage de Madame, avec Monsieur le Prince de Piedmont, traité & accordé par sadite Maiesté avec ledit duc, aux conditions qui ont esté conuenues entr'eux, du viuant de sadite Maiesté.

Desquelles leursdites Maiestez veulent croire que ledit sieur Duc se contentera à present, comme il a fait cy-deuant, sans faire instance qu'elles soient augmentées ny changées, sous pretexte ny consideration dessus faite ou à faire du costé d'Espagne, que d'autres endroits audit Duc.

Partant si luy ou les siens luy faisoient pour ce regard quelques demandes ou propositions nouvelles, comme on a colligé des propos qu'en a tenus le sieur de Trouilloux par deça depuis le deceds du feu Roy, que son Altesse pourroit estre conseillée, ou induite de faire, ledit sieur de Bullion luy dira ingenuement, qu'elle ne doit point s'attendre que leurs Maiestez adioustent rien à ce que sa Maiesté defuncte a déclaré & ordonné pour ledit mariage. Qu'il seroit honteux aussi à leursdites Maiestez d'en vser autrement. Qu'il ne seroit mesme permis à la Reine, encore mesme qu'elle soit obeye & reconnuë de tous, comme elle doit estre, pour vraye Regente, de s'emanciper en cas semblables, sans l'aduis & consentement des Princes du Sang de France, & des autres Grands, voire des trois Ordres & Estats du Royaume, principalement quand il est question de disposer d'aucunes Pieces, Seigneuries, & Terres de la Couronne, soit par delaissement, forfait, ou par simple engagement, en quelque façon ou maniere que ce soit.

Bien approuuent leurs Maiestez, comme auoit le feu Roy, que ledit duc achapte au nom & profit de l'un des Princes ses enfans, vne terre du Domaine du Roy, qui ait titre de Duché, comme Chartres, ou autres de semblable qualité, ainsi qu'il a esté proposé; & qu'il y employe les deniers, si bon luy semble, qui prouieront des pensions que le feu Roy a accordées ausdits Princes, lesquelles leur seront confirmées &

continuées par leursdites Maïestez, avec autant de liberalité & bonne volonté, qu'elles leur ont esté concedées par sadite Maïesté deffunte, si ledit sieur Duc & Princes ont agreable de les recevoir.

Sur quoy ledit sieur de Bullion rapportera à leursdites Maïestez leur deliberation: disant au Duc de plus, & ausdits Princes, qu'en s'attachant & liant du tout à leursdites Maïestez & affectionnant le bien de leur service, elles auront à plaisir d'embrasser toutes sortes d'occasions de redoubler enuers eux les tesmoignages de leur amitié & bonne volonté.

Et neantmoins, d'autant qu'il peut estre iugé expedient, voire necess. faire par ledit sieur Duc, pour le bien de sa maison, les choses estant en ce Royaume & en la Chrestienté, aux termes auxquels elles sont à present, qu'il essaye d'oster au Roy d'Espagne la ialousie qu'il a conceüe de luy, pour s'estre monstré ces dernières années plus affectionné à la France que ledit Roy & les siens n'eussent desiré, sur la recherche nouvelle que l'on dit qu'il fair de son amitié, qu'il donne & vouë au service du Roy Catholique, vn de mesdits Seigneurs ses enfans, pour garder quelque espee de neutralité entre les deux Rois: En ce cas si ledit sieur Duc trouue ledit sieur Duc disposé au conseil; non seulement il ne l'en diuertira, d'autant que ce seroit aucunement obliger leursdites Maïestez à recompenser dauantage le party qu'elles seroient cause que luy & ses enfans refuseroient d'Espagne; mais plustost le confortera en iceluy: si tant est que ledit Duc reconnoisse qu'il puisse honorablement, utilement & seurement y entendre & s'y engager: ce de quoy leursdites Maïestez se remettent à son iugement.

Seulement elles desirent, s'il faut qu'elles prennent tel conseil, tout ainsi qu'elles s'ont contentes, d'accommoder leurs intentions & fins à la necessité & vtilité des affaires dudit sieur Duc, ainsi que doiuent faire tous vrayz & sincerés amis.

Leursdites Maïestez esperent aussi que ledit Duc & mesdits Seigneurs ses enfans, leur reserueront & partiront tousiours la meilleure & plus saine partie de leur affection, en préférant leur amitié & alliance à toutes autres, spécialement si le mariage accordé par le feu Roy & ledit Duc, doit auoir lieu. Auquel ledit sieur de Bullion dira donc audit sieur Duc leursdites Maïestez estre tres-disposées, tant pour la reuerence qu'elles portent au iugement & volonté du feu Roy, qui a choisi, desiré & accordé lesdits mariages, que pour l'estime qu'elles font à son imitation, de l'amitié de luy & des siens. Et toutesfois ledit sieur de Bullion menagera la declaration susdite de la volonté de leurs Maïestez, avec telle discretion & retenue que le requiera la dignité d'icelles, & le merite d'une telle Princeesse & alliance.

Accords & aduis que leursdites Maïestez ont voulu estre donnez par exprez audit sieur de Bullion, pour les raisons susdites, fondées sur l'honneur & reputation de leur Royale Maison, que parce que d'aucuns ser-

uteurs dudit Duc se sont laissez entendre, que deuant & depuis le deceds de sa Maiesté, que le Duc auoit refusé & refusoit encore à present pour sondit fils aîné, l'Infante d'Espagne, avec de grands aduantages; sur l'esperance que l'on auoit donnée audit Duc, qu'il feroit aceroïstre sa maison en Italie, comme ils sçauent qu'eust fait sa Maiesté deffunte, si elle eust vescu, comme s'ils vouloient pretendre ledit Duc en estre maintenant descheu par sa mort, qu'il doit maintenant preferer le party d'Espagne à celui de France, ou bien que leursdites Maiestez soient obligées d'amplifier le dot de madite Dame.

Chose que ledit sieur de Bullion reïterera, s'il n'y est proposé par le dit Duc & les siens, comme entierement contraire & repugnante à la volonté de leursdites Maiestez, & indigne de la profession que ledit Duc a faite, de rechercher & desirer leur alliance: & neantmoins il se gardera bien de faire paroître par delà qu'il ait eu aucun sentiment & connoissance d'une telle proposition, s'il n'est bien contraint de le faire; auquel cas il leur dira qu'elle a esté si mal receuë par ceux à qui il en a esté parlé par deça, qu'ils l'ont celée exprez à leurs Maiestez, sçachant qu'elles en fussent demeurées indignes & mal satisfaites; l'intention du feu Roy n'ayant donc esté comme encore n'est à present celle de leurs Maiestez, d'entrer en aucune competence pour ce regard avec le Roy, d'Espagne, ny autres.

Si donc ledit sieur de Bullion, s'apperçoit (contre l'esperoir & desir de leurs Maiestez) que ledit Duc, ou les siens ayent dessein de se preualoir de la competence dudit mariage; il ne leur osterà pour cela ouuertement l'esperance de celui de madite Dame: mais il s'abstiendra de dire & faire chose qui y engage leursdites Maiestez plus auant que la parole & volonté de sa Maiesté deffunte les y a obligiez. Dauantage si ledit Duc reïtere l'instance qu'il a faite du viuant du feu Roy, que madite Dame luy soit dès à present enuoyée & liurée pour la seureté dudit mariage, & pour prendre nourritore auprès de luy avec les Princeesses ses filles: Ledit sieur de Bullion le dissuadera de faire cette instance, tant qu'il pourra; luy disant ladite Dame estre tant chérie & aimée de leursdites Maiestez, qu'elles consentiront difficilement qu'elle parte d'auprez d'elles, qu'elle n'ait atteint l'aage d'estre mariée, sans luy laisser aucune esperance de gagner ce poinct sur leursdites Maiestez. Mais si ledit Duc demande qu'il luy soit permis d'enuoyer ses ambassadeurs, pour passer le contract dudit mariage, ainsi qu'il auoit esté conuenu entre ladite Maiesté deffunte & luy: ledit sieur de Bullion luy dira, qu'ils seront tousiours les biens venus & veus de leursdites Maiestez, & qu'ils les trouueront disposées d'excuter & accomplir pour ce regard, tout ce qui a esté promis par ladite Maiesté deffunte, aux conditions qu'ils ont esté par elle accordez.

Dieu ayant permis que la France ait esté privée si malheureusement de l'Auteur & Protecteur de sa felicité, & soit à present reduite sous la

domination d'un Roy & Prince pupille, jaçoit que le deffaut de son âge soit dignement recompensé de la prudence & vertu de la Reine sa Mere, qui a esté chargée de la Regence du Royaume, qu'elle a entreprise & commencée non moins genereusement qu'heureusement, & soit en elle tres-bien secondée, & assistée d'une affection & obeysance indicible de Meilleurs les Princes du sang, des autres Princes, des Grands & Officiers de la Coutonne, comme generalement de tous les Citoyens & habitans des Villes, & tous les Ordres & Estats du Royaume; de façon que chacun doive esperer que leursdites Maiestez conserueront leur autorité & puissance, pour en assister leurs amis en toutes occasions: neantmoins il est certain & notoire que ce ne peut estre avec telle fermeté & feureté, que du viuant du feu Roy; qui pour estre absolu, craint & aimé dedans & dehors le Royaume, pouuoit ordonner & disposer du tout à son plaisir. C'est pourquoy, comme leursdites maiestez doiuent preferer à toute autre consideration & soin le salut de leur Estat, qui depend auourd'huy principalement de la manutention, tranquillité & concorde publique des sujets du Royaume, & de l'entretenement de la paix avec leurs voisins; il est besoin aussi qu'elles s'y gouvernent & conduisent avec grande discretion, retenue & circonspection en leurs actions, pour euitier les rencontres qui pourroient troubler le Royaume & leurs voisins, & surcharger d'affaires leursdites maiestez.

Mais reconnoissant aussi bien, qu'il leur importe pour effectuer ce que dessus, qu'elles conseruent la reputation & les amis, que S. M. deffunte a acquis à la France: Ledit sieur de Bullion fera entendre audit sieur Duc de Sauoye, leursdites maiestez n auoir pas laissé depuis leur infortune, de commander au sieur de Lefdiguières mareschal de France, de le seruir & assister d'une partie des gens de guerre que le feu Roy luy auoit ordonnez d'assembler, pour executer les desseins qu'ils auoient resolu ensemble, au cas que ledit Duc fust assailly par les Espagnols, en consideration & pour vengeance des choses passées entre ladite maiesté deffunte & son Altesse: adjoûtant que leurs maiestez ont pris pareille resolution en faueur des Electeurs & Princes d'Allemagne, ses Alliez & Confederéz, touchant les affaires de Cleues & de Iuliers, ainsi que luy representera ledit sieur de Bullion plus particulièrement, avec les grandes despenfes qu'elles supportent encore pour cet effet.

Mais leursdites maiestez estiment que ledit Duc n'aura maintenant besoin dudit secours, lesdits Espagnols recherchant son amitié, comme ils font, & leurs affaires ne requerant qu'ils attaquent & offensent le dit Duc, veu mesme le bon ordre qu'il a donné aux siennes. Il est necessaite aussi que leurs Maiestez le deslechargent des frais qu'elles font pour tenir en pied lesdits gens de guerre: étant certain que la condition presente de leursdites affaires requiert, voire les oblige & contraint de proceder au licentiement d'iceux au plustost.

Au moyen de quoy, ledit sieur Duc sera prié par ledit sieur de Bullion
de

de pourvoir à ses affaires, en telle sorte qu'il se passe dudit secours, & en delcharge leursdites Maiestez au plustost dans le mois de Juillet prochain, d'autant que leursdites Maiestez n'ont moyen quelconque de les entretenir & payer plus longtemps, elles ne sont conseillées aussi de s'engager à vne guerre ny ligue offensive, telle qu'elle auoit esté accordée par sa Maiesté deffunte avec ledit Duc, pour les raisons susdites. Mais si ledit sieur desire en contracter vne deffensive pour leursdits Estats, comme elle ne peut estre iustement improuuée de personne, leursdites Maiestez auront bien agreable d'y entendre, & d'autant plus qu'elles ont esté assurées par les aduis que leur Ambassadeur, residant à Venise, leur a donné, que la Republique est bien disposée de s'y ioinde, comme pourroient faire quelques autres Princes d'Italie, & peut estre la Personne mesme de sa Sainteté, avec le S. Siege, pour la mutuelle conseruation & deffense de leurs Estats: sur quoy leursdites Maiestez auront à plaisir que ledit Duc leur fasse entendre son aduis.

Et sera à propos sur cela, que ledit sieur de Bullion luy fasse entendre comme le Roy, & celuy de la grande Bretagne sont à la veille de contracter vne pareille ligue offensive entre leurs Royaumes & sujets, des conditions de laquelle ils sont comme d'accord: De façon que l'on ne doute aucunement de la conclusion d'icelle.

Pareillement leursdites Maiestez ont renouellé & confirmé avec les Sieurs des Estats des Prouinces-Vnies des Pays-bas, celle que le feu Roy auoit faite avec eux, du sceu & consentement mesme des Ambassadeurs du Roy d'Espagne & des Archiducs de Flandres, pour la garantie & seureté de la trêve faite par lesdits Roys & Archiducs avec lesdits Estats.

Il luy dira aussi auoir laissé près de leurs Maiestez, le Duc des deux Ponts, enuoyé vers elles par les Electeurs & Princes de la Germanie, vnis ensemble pour la conseruation de leurs libertez, demandant & poursuivant la continuation d'vne mesme ligue deffensive faite avec eux en ladite par eux tenuë à Hallon Suambe, la présente année.

Et si ledit sieur de Bullion trouue ledit sieur Duc desirieux de la ligue, il sçaura de luy à quelles conditions, & en quelle forme il entend la traiter, pour en informer leursdites Maiestez; pour prendre sur cela leur finale resolution, telle que l'estat de leurs affaires le requerera.

Car encore qu'elles abondent en bonne volonté pour ce regard, meües de toutes sortes de bonnes considerations qui fauoriseront cette deliberation, neantmoins l'incertitude des ennemis futurs en laquelle il faut qu'elles viuent en l'estat où elles se retrouuent de present, requiert qu'elles se conduisent en cas semblables avec quelque retenüë & circonspection plus grande, qu'elles ne feroient si leur autorité estoit mieux affermie, ainsi que nous esperons qu'elle sera, avec l'aide de Dieu & de leurs fidels seruiteurs, en peu de temps, & mesme par la bonne assistance qu'elles attendent des prudens & sages conseils dudit Duc, desquels

ledit sieur de Bullion le priera de les assister : l'assurant qu'elles feront tousiours le compte que merite son experience & prudence, & l'affection qu'il leur porte : aussi sera-il assuré que le bien & aduantage que leurs maiestez y acquerront d'iceux, sera tousiours au desir & contentement dudit duc, & à l'aduantage de mesdits Seigneurs ses Enfans.

Ledit sieur de Bullion fera entendre audit Duc les larmes qui ont esté versées par toute la Chrestienté, sur le funeste accident aduenu au feu Roy, qui ont égalé les regrets & soupirs de ses propres sujets, & mesme les extraordinaires demonstrations de dueil & d'amitié qui ont esté faites sur cette occasion, tant par le Roy d'Espagne, que par les Archiducs de Flandres, que leursdites Maiestez ont receuës comme elles ont deu ; ensemble les offres & aduantages qui leur ont esté faites depuis sur ce sujet, de la part dudit Roy, qui ont esté telles, que veritablement leursdites Maiestez n'ont que toute occasion de s'en louer.

De quoy elles ont estimé deuoir aduertir ledit Duc, afin d'auoir son bon aduis sur icelles, & qu'il les mette aussi en telle consideration qu'il iugera que la suite d'icelles peut meriter, & si son entremise peut en cela estre utile à leurs Maiestez, & à ses affaires, comme il y semble qu'elles en doiuent yser, & luy aussi.

Et d'autant que ces occasions, & les autres qui naistront & suruiendront dorefnauant, requeroient que leursdites Maiestez en rendent participant ledit Duc, & soient suivies aussi de son bon aduis sur icelles, & partant qu'il y ait entr'elles & son Altesse, vne correspondance & communication ordinaire de toutes choses plus frequente & libre que deuant, leursdites Maiestez ont commandé au Secretaire Gueffier d'accompagner ledit sieur de Bullion en ce voyage, pour estre par luy présenté audit Duc, & luy faire trouuer bon qu'il reside & demeure dorefnauant auprès de luy, en qualité de Secretaire de la Chambre du Roy, tel qu'il est, pour cy-apres recevoir les Commandemens de leurs Maiestez, & ceux dudit Duc, pour le commun bien & aduantage de leur seruice : de quoy ledit sieur de Bullion assurera iceluy Duc, & pareillement M. le Duc de Nemours, & les ministres & Conseillers de S. A. qu'il s'acquittera fidellement & au contentement de tous ceux qui affectionneront l'entretenement de la bonne amitié entre la France & ledit Duc.

Ledit sieur de Bullion a esté chargé de Lettres de leurs Maiestez, adressantes audit Duc, & à messieurs ses enfans, à tous lesquels il tiendra les bons langages qui sont propres & conuenables, tant pour les remercier des offres faites de leur part, tant pour le sieur de la Dragonniere leur Ambassadeur, que pour les assurer de leur amitié, & leur en faire esperer des effets dignes d'icelles, & des bons preceptes que le feu Roy de glorieuse Memoire, leur a laissez pour ce regard ; lesquels il leur dira que leursdites Maiestez ensuiuront & effectueront de bonne foy & cordialement. Il verra aussi ledit sieur Duc de Nemours, pour l'assurer de la bien-veillance de leursdites Maiestez, & du desir

qu'elles ont de l'aimer & traiter, comme merite l'affection qu'il a montrée porter au service du feu Roy, duquel la Reine sçait que sa maiesté defunte estoit tres-contente, & non moins desiruse d'vler de reconnaissance en son endroit; ce que n'ayant pû accomplir, le Roy son Fils & elle ils suppleront, de façon que leursdites Maiestez luy donneront occasion de s'en louer.

Que ladite Dame Reine l'a souvent souhaité auprès de leurs maiestez, depuis leur disgrâce & perte, connoissant son esprit plein de fidelité, prudence & moderation, & desirux de choses bonnes, pour en estre assistée aux occasions qui se sont présentées, & s'offrent encore journellement, telles que luy racontera ledit sieur de Bullion, neantmoins n'auoit voulu (comme elle ne veut encore) le prier de reuenir par deça, si luy-mesme ne iuge & connoist que le service du Roy, & ce luy dudit Duc ne l'y conuie, pour l'entreteneement de la bonne amitié d'entre leurs maiestez & son Altesse. Il a ja pris tant de peine & tant contribué, que l'on reconnoist que la continuation de son entremise est tres-necessaire: auquel cas il sera assuré par ledit sieur de Bullion, qu'il sera le tres-bien venu. Et s'il connoist que ce soit à propos qu'il demeure encore par delà; il luy dira que leurs Maiestez ne laisseront de luy témoigner & faire sentir les effets de leur bonne volonté, tout ainsi que s'il estoit auprès de leurs personnes, connoissant que le service qu'il leur fera par delà, ne leur sera moins vtile, que seroit celuy qu'elles receueroient de luy par deça. Sur tout, elles donneront ordre qu'il sera payé de la pension que le feu Roy luy auoit augmentée, & traité en toutes autres choses comme il merite.

Ledit sieur de Bullion passera par où sera ledit sieur de Lesdiguières, luy communiquera & fera voir la presente instruction, prendra son aduis sur l'exécution d'icelle, luy dira les raisons pour lesquelles leursdites Maiestez tendent à se desengager du secours qu'attend d'elles ledit Duc de Sauoye, en quoy il le prierà de les seconder & servir avec son accoustumée fidelité & affection, prenant toute confiance de celle qu'elles ont en luy, & de l'estat qu'elles font de sa personne, & du pouuoir qu'elles connoissent qu'il a de les servir vilement aux occasions qui se presentent; des particularitez de toutes lesquelles elles ont chargé ledit sieur de Bullion de rendre audit sieur Marechal fidele compte, estant desiruses d'estre seruies de son bon aduis sur icelles.

Ledit Secretaire verra aussi ledit sieur Marechal en passant en Piedmont, pour prendre instruction particuliere de luy de ce qu'il aura à faire durant sa residence auprès ledit Duc, pour leur service, & dresser pour cet effet vne entiere correspondance & intelligence avec luy.

Le feu Roy auoit trouué bon qu'aucuns Capitaines & Gentilshommes, ses sujets, seruissent ledit Duc de Sauoye en la leuée & conduite de certain nombre de gens de guerre de la nation Françoisé, qu'il a monstré desirer: si ledit Duc persiste encore en cette volonté, leursdites maiestez

auront bien agreable de le contenter : mais elles desirent ſçauoir deuant les noms de ceux que ledit Duc y voudra employer, de quel nombre de gens il voudra eſtre ſeruy, en quelle forme ils ſeront assemblez, & ſoudoyez, & pour quel temps il voudra les obliger à ſon ſeruiſe, afin qu'il ne ſoit rien fait en cela ſans le ſeu, ordre & commandement de leurdites Maieſte : ainſi que ledit ſieur de Bullion a charge de faire entendre audit ſieur Mareſchal : & apres, s'il eſt neceſſaire, audit ſieur Duc, & meſme à ceux qui ſeront recherchez d'accepter leſdites commiſſions, à ce qu'ils ne ſ'y embarquent. Fait à Paris le dernier iour de Iuin 1610. Signé, LOVIS. Et plus bas, BRVLARD.

*TRAITE' DV ROT HENRY LE GRAND, AVEC CHARLES
Emmanuel Duc de Sauoye, pour la conqueſte du Duché de Milan,
à Bruſol le 25. iour d'Avril 1610.*

LL'auroit plu à ſa Maieſté d'enuoyer deuers S. A. le ſieur de Bullion Conſeiller en ſon Conſeil d'Eſtat, pour faire entendre à ſadite Alteſſe les intentions de ſa Maieſté ſur les articles propoſez au fait de la guerre : & ayant veu ſa Maieſté les reſponſes, les auroit approuuées, ſuiuant ce que plus particulièrement Monſieur le Mareſchal de Lesdiguières deuoit faire entendre à ſon Alteſſe : & pour cet effet mondit ſieur le mareſchal s'eſtant acheminé vers ſadite Alteſſe à Bruſol, luy auroit fait entendre la continuation de l'affection & bonne volonté de ſa maieſté enuers elle & ſes enfans : Et que S. M. ſe ſervant de l'occafion de l'affaire de faiſoit eſtat d'eſtre dans ſon armée au mois de May prochain : Et que comme le Roy d'Eſpagne aſſiſte le party contraire, S. M. a reſolu auoir guerre contre luy. Et parce que ſon Alteſſe auroit déclaré au Roy qu'elle eſtimoit à propos d'auancer l'execution des entrepriſes ; monſieur le mareſchal auroit déclaré à ſon Alteſſe auoir commandement de S. M. de reſoudre toutes choſes à ce neceſſaires. Surquoy auroient eu pluſieurs conférences ſadite Alteſſe & ledit ſieur mareſchal ; & icelles entrepriſes reconnues & iugées faiſables, auroit ſadite Alteſſe déclaré vouloir de ſa part employer pour paruenir à la conqueſte du Duché de Milan, quatorze mille hommes de pied, mille maîtres gens de cheual, & mille arquebuſiers à cheual. Et par mondit ſieur le mareſchal auroit eſté dit, que S. M. pour paruenir à icelle execution, auroit donné charge d'oſſrir à ſon Alteſſe douze cens maîtres gens de cheual, quatre cens carabins, & quatorze mille hommes de pied, & maintenus aux deſpens de S. M. Et auroit ſon Alteſſe fait inſtance qu'il n'eſtoit à propos de tenter l'execution d'icelles entrepriſes, que la plus grande partie, voire toutes les forces de S. M. ne fuſſent paſſées deçà les monts ; & la conduite des gens de guerre & la forme de l'execution deſdites entrepriſes reſoluë entre ſon Alteſſe & ledit ſieur mareſchal. Et pour ce qui eſt des canons, poudres, balles & chevaux d'artillerie, a eſté conuenu qu'il ſera fourny par ſon Alteſſe

trente pieces de canon, avec l'attirail, aux despens de son Altesse, de dix canons aux despens de S.M. Comme aussi de trente mille balles, & de la poudre le plus que faire se pourra, & pour tirer iusques à vingt mille coups : & pour les autres vingt mille pieces, son Altesse les fournira, à la charge qu'on s'aidera de l'attirail deldits vingt canons cy-dessus spécifiés, tant du Roy que de son Altesse.

Et parce que par le traité du 7. Ianuier 1610. auroit esté dit expressement, qu'il estoit necessaire de conuenir du profit & seureté de la guerre, & sur la declaration faite au nom de S.M. par ledit sieur Marechal, de la recompense que demandoit S. M. du Duché de Sauoye, au lieu de la conqueste de celuy de Milan, pour lequel le Roy employoit ses forces & moyens, son Altesse pourtant en la premiere responce cy-deuant faite au mois de Nouembre dernier, seroit demeurée d'accord, que lors qu'elle seroit en possession de la ville & chasteau du Duché de Milan, elle fera remettre es mains d'un Gentil-homme, duquel S. M. & son Altesse conuiendront, toute la forteresse entiere du fort & chasteau de Montmelian, pour la faire demolir & raser incontinent : Bien entendu que la conqueste entiere du Duché de Milan demeurera toute entiere au profit de S. A.

Et quant à la seureté demandée par ledit sieur Marechal, de la part du Roy à S. A. mettant en auant que comme les choses humaines sont sujettes à variation & changement, par mort ou autrement, n'estant raisonnable que les forces de S. M. dependent entierement de la fortune du hazard, auroit esté faite instance de mettre en depost le chasteau & fort de Pignerol, en donnant de part & d'autre les seuretez & promesses necessaires. Surquoy auroit esté dit par S. A. qu'elle supplie le Roy de se contenter des offres cy-deuant faites, touchant un ou deux de Messieurs les Princes ses enfans, & mesme attendu la ligue offensiue & defensiue accordée entre le Roy & son Altesse, estime qu'il est raisonnable que S. M. se contente que pour retraite & commodité des troupes qu'enuoyera sadite Maieslé, Valence & Alexandrie, ou deux autres de pareille qualité, si ces deux n'estoient prises, prouenans de ladite conqueste dudit Duché de Milan, soient laissées en depost es mains des gens de guerre de S. M. Catholiques Romains, & qu'auidites villes ne se fera exercice d'autre Religion que la Romaine. Demeurant aussi à S. A. la souueraineté d'icelles & tous les reuenus, & lesquelles seront remises à son Altesse lors que la guerre du Duché de Milan sera finie, & lors que les gens de guerre de son Altesse se retireront hors du Duché de Milan.

En outre, est accordé entre son Altesse & mondit sieur le Marechal, que sadite Altesse dans la fin du mois prochain fera partir ses Ambassadeurs pour se rendre vers le Roy au vingt-cinquiésme iour du mois de Iuin prochain, pour passer le contract authentique du mariage de madame avec monseigneur le Prince de Piedmont. Fait à brusol ce vingt-cinquiésme iour d'Avril mil six cens dix. Ainsi signé, LES DIGVIERES, & DE BULLION.

*TRAITE' DE LIGVE OFFENSIVE ET DEFFENSIVE
entre le Roy Henry le Grand, & Charles Emmanuel Duc de Sauoye,
contre Philippes second Roy d'Espagne; à Brusol le vingt-
cinquiesme iour d'Avril mil six cens dix.*

Comme ainsi soit que parcy-deuant il y ait eu plusieurs traitez entre les Rois de France & Ducs de Sauoye, pour le bien & aduantage & leureté de leurs Royaume & Estats, & que maintenant il ait esté conuenu entre tres-haut & tres-puissant Prince Henry IV. Roy de France & de Nauarre, & tres-haut & tres-puissant Prince Charles Emmanuel Duc de Sauoye, Prince de Piedmont, du traité de mariage de Madame Elisabeth fille aînée du dit Seigneur Roy de France, & de Monseigneur le Prince de Piedmont, fils aîné dudit Monseigneur ledit Duc; pour tesmoigner par sa Maïesté Tres-Chrestienne, qu'il affectionne la prospérité & grandeur de la maison de son Altesse à l'esgal de la sienne, & mesme pour affermir dauantage de part & d'autre la bonne amirié & voisinance qui doit estre entre lesdits Seigneurs Roy & Duc; auroit esté aduisé, sur les présentes occurrences, de traiter vne ligue deffenfue & offensue entre sa Maïesté & son Altesse. A cette cause il auroit pleu à sa Maïesté commander au sieur de Lesdiguières Marechal de France, & au sieur de Bullion Conseiller en son Conseil d'Estat, de venir trouuer son Altesse, pour s'aboucher avec luy, & deliberer ce qu'il conuenoit pour tels effets; suiuant quoy les presens articles ont esté accordez entre son Altesse, & ledit sieur Marechal & ledit sieur de Bullion. Le tout sous le bon plaisir de sa Maïesté: avec promesse de les faire ratifier par sa Maïesté dans vn mois.

ARTICLE PREMIER.

Premierement, les precedens traitez & confederations qui sont encore de present en vigueur avec le Roy & son Altesse, demeureront confirmez en leur premiere force & vertu, & ne seront tenus pour reuozquez en quelque sorte que ce soit, sinon entant que par le present traité il y pourroit estre derogé & innoué.

II.

Cette confederation sera offensue entre le Roy & le Duc, leurs Royaumes, Pays & Estats, contre tous Rois & Princes, sans nul excepter, mesme contre le Roy d'Espagne, ses Royaumes & pays.

III.

Et durera ladite confederation pendant la vie desdits Seigneurs Roy & Duc, & de leurs enfans, & quatre ans apres le decez du dernier desdits enfans.

IV.

A ladite ligue & confederation seront inuitez tous autres Princes & Estats, auxquels il importe de conseruer la liberte del'Eglise, du saint Siege apostolique, de toute la Chrestienté, & particulierement de l'Italie; & par ce moyen empescher les desseins du Roy d'Espagne, & entreprises contre ses voisins. Et pour cet effet seront despeschez par le Roy & le Duc Ambassadeurs à autant de Princes & Estats qu'ils estimeront à propos, pour les persuader d'entrer en ladite confederation; sans toutefois y comprendre ceux contre lesquels sa Maiesté & son Altesse peuvent auoir action de querelle, pour quelques considerations & pretentions qui puissent estre de part & d'autre.

V.

Et plustost que commandement faire se pourra, on dressera vne armée composée de forces communes, tant du Roy, du Duc, que des autres Princes & Estats qui entreront en ladite confederation, pour courir sus au deuant du Roy d'Espagne, & à ses Royaumes, pays & Estats, quels qu'ils soient, mesme au Duché de Milan, suivant ce qu'il a pleu particulièrement accorder par sa Maiesté & son Altesse, sur le fait des entreprises, & sans que pendant ladite guerre de Milan son Altesse soit tenuë de fournir gens de guerre ailleurs que dudit costé de Milan.

VI.

Lesdits Seigneurs Roy & Duc ne pourront traiter aucune paix ou treve avec le Roy d'Espagne, ses Lieutenans & Capitaines, sans le consentement l'un de l'autre: lequel consentement sera autorisé par lesdits Seigneurs, de la propre main dudit Seigneur Roy & dudit Seigneur Duc.

VII.

En cas de guerre offensue par ledit Seigneur Roy, du consentement dudit sieur Duc, fournira quatre cens chevaux & deux mille hommes de pied, pour estre employez au seruice dudit Seigneur Roy, tant & si longuement qu'il luy plaira. Et en cas que ledit Seigneur Roy ait guerre defensue, ledit sieur Duc fournira pareil nombre de gens de guerre.

VIII.

Comme aussi si ledit sieur Duc entreprend de son costé guerre offensue, S.M. luy fournira douze cens chevaux, & neuf mille hommes de pied; pourueu que telle guerre soit du consentement dudit Seigneur Roy. Et en cas de defensue, seraourny pareil nombre.

IX.

Et si la guerre s'entreprend par l'un desdits Princes sans le consente-

ment de l'un & de l'autre, sera fourny de part & d'autre la moitié moins du nombre de gens de guerre cy-dessus specifiez.

X.

Et sera fait estat de la solde & a pointemens des gens de guerre qui seront fournis tant de part que d'autre, avec le mesme ordre & forme qu'il a accoustumé d'estre conuenu en pareils traitez.

XI.

Lefdits Seigneurs Roy & Duc promettent reciproquement, que si l'un d'eux a affaire d'armes, poudres & canons, & autres munitions de guerre, qu'on les pourra acheter & transporter : Neantmoins il faudra prendre passe-port de S. M. & de S. A. ou de leurs Lieutenans generaux.

XII.

Promettant de bonne foy, lefdits Seigneurs Roy & Duc, en patole de Princes, de ne se desvnir ny separer à l'aduenir, en quelque maniere & façon que ce soit, au preiudice l'un de l'autre.

En foy dequoy le present traité a esté signé par son Altesse & ledit sieur Marechal, & dudit sieur de Bullion, pour tesmoignage de ce que dessus. Fait à Brusolle 25. d'Avril 1610. Signé, LESDIGVIERES & BULLION.

*TRAITE' DE LIGVE OFFENSIVE ET DEFFENSIVE
entre Henry IV. Roy de France & de Navarre, & Charles Emmanuel Duc
de Sauoye; Et de promesses de mariage entre Madame Elizabeth de France,
fille aînée dudit sieur Roy, & Monsieur le Prince de Piedmont, fils aîné
dudit sieur Duc.*

Copie d'un escrit de S. A. au sieur Gaspard de Purparat.

POur l'entreprise proposée, il semble plus que necessaire que S. M. rompe du costé de Flandres, les Venitiens de leur costé, & S. A. du sien, se patissant l'Estat : Ceux de Venise de la Gaucra d'Ada en la, & S. A. deçà vers le Piedmont & Vercellois, laissant quelque part aux Suisses, pour les empêcher qu'ils ne secourent le Milanois.

Pour y faire entrer son Altesse, il faut l'asseurer du mariage de Madame avec le Prince son fils, ou bien vne de ses filles avec Monsieur le Dauphin, & luy rendre les Prouinces de la Bresse, buges, Vertomey & Gez, avec assurance qu'il donne à sa Maïesté de mordre à la pomme, & faire le fair, ou bien la Maïesté de luy remettre, l'ayant fait. De cette façon il semble que ny l'un ny l'autre ne puisse estre trompé, & que tout se portera conformement à la bonne issue du dessein desiré.

Il faudra aussi assister son Altesse de moyens & gens necessaires pour tel effet, ne le pouuant faire du sien, conformes à ce qui a esté proietté, & des munitions de guerre aussi.

RECUEIL D'VNE AVTRE INSTRUCTION
de sadite Altesse, audit sieur de Purpuras.

L'Intention du Duc estoit d'entreprendre sur le duché de Milan & que le Roy s'obligeast, en cas que ladite entreprise ne reüssist, qu'on luy restituast la Bresse, Bugey, Verromey, & Gey; & que s'effe-
ctuant l'entreprise les susdits pays demeurassent à sadite maiesté.

AVTRE PROPOSITION DE SON ALTESSE.

Que pour la conqueste de milan, par le Roy, son Altesse donnera toute la commodité qu'elle pourra; pourueu qu'on luy rende la Bresse, Bugey, Verromey & Gez libres, comme auparauant, il la possedoit, & qu'il demeure maistre absolu de Geneue & de la Comté de Bourgogne; & au demeurant, tous les acquests d'Italie se feront en faueur de la Maiesté. Et en cas que le Roy die que Geneue n'est en son pouuoir, ou bien que de present on ne le peut auoir; vous luy respondrez que quand la Maiesté l'aura agreable, & qu'il sera d'accord avec son Altesse, il ne manquera pas de moyens au Duc de s'en faire Maistre, sans que sa Maiesté prenne les armes, ou se declare ouuertement. Et pour la Comté de Bourgogne, que sa Maiesté l'assiste avec armes ouuertement, iusqu'à ce que le Duc s'en soit rendu maistre; entendant sur toutes choses le mariage de Madame avec le Prince de Piedmont, ou vne des Princesses avec Monseigneur le Dauphin. Ce party est tel, qu'il peut rendre le Roy arbitre de tous les Princes Chrestiens, & plus glorieux qu'aucun des Rois de France.

Si au lieu de la Bresse, Bugey & Verromey, le Roy veut que l'entreprise de Milan soit faite, que dès à present sa Maiesté accepte le Marquisat de Salusses. Et si l'on craint que le Roy se meslant de l'entreprise de Milan ouuertement, cela ne fasse aller les Venitiens & autres plus lentement, son Altesse propose de prester, & faire vne capitulation à parr avec S.M. par laquelle elle fauorisera l'entreprise de la conqueste de l'Estat de Milan, sans les mauuais satisfactions de cét Estat, & des voisins. Le Duc croit auoir grande intelligence au Milanois, à cause des grands mécontentemens des principaux du païs. Il y a plusieurs seruiteurs, qui ne demandent sinon que son Altesse se declare: Que le Comte de Fuentes, par sa rudesse, mécontente tout le monde, & qu'il est à propos d'entreprendre, pendant qu'il gouuerne l'Estat.

LA bonne volonté de son Altesse, représentée par Monsieur le Cardinal de loyeuse, confirmée par le sieur Purpurat, a esté tres-bien receuë du Roy, avec les propositions qui ont esté faites par l'un & par l'autre, de la part de son Altesse; sa Maïesté loüant son courage, estimant grandement son amitié, & les moyens & commoditez qu'elle a d'estre utile au public & à ses amis; principalement quand elle pourra disposer de ses pays aussi librement que ses ancestres ont fait; sa Maïesté est eontente d'embrasser ses offres, y correspondre sincerement, & luy faire connoistre par vrayes effets, qu'elle affectionne sa prosperité & grandeur de sa Maison, non pour son particulier seulement, mais pour rendre leur conjunction aussi utile à l'un qu'à l'autre.

De deux poincts qui ont esté proposez, il a esté déclaré par sa Maïesté, qu'elle ne peut entendre à celuy qui comprend la Ville de Geneve; d'autant que la foy de sa Maïesté (à laquelle elle ne veut manquer aucunement) est engagée apres celle des Roys ses predecesseurs, à la protection & deffente de ladite ville; à quoy la Maïesté ne veut contreuenir par assentiment, dissimulation, conniuece, & contribution, ny par autre sorte & maniere quelconque. Il faut donc auoir recours au premier recueil des discours tenus par son Altesse à Monsieur le Cardinal de loyeuse, quand il passa à Thurin en Iuillet 1607.

Premierement l'on ne fait difficulté d'entendre au mariage de Madame, avec monseigneur le Prince de Piedmont, en cas que dudit party, & qu'il s'effectue: mais on desire, auant que passer plus auant, estre esclaircy des points qui ensuiuent.

En premier lieu, quels sont les moyens qu'à son Altesse d'exécuter & faire reüssir l'entreprise, quelles intelligences elle a audit pays, quelles sont les forces de cheval & de pied qu'elle peut y employer, l'artillerie & munitions de guerre: ce qu'il faut que sa Maïesté y contribue, tant en forces qu'en deniers & autres prouisions, en quel temps, par quel endroit, & comment il faut commencer ce dessein.

Secondement, quelles sont les volontez des autres Princes & Potentats, afin d'en estre assurée, & des moyens qu'ils pourront contribuer; comme du profit qu'ils voudront en tirer, & s'en resoudre avec eux, deuant que commencer, pour ne bastir sur vn faux fondement.

Tietcement il est necessaire de voir quel sera le succez des traitez des Pays bas, que deuiendront les forces qui seront dans l'Estat de Milan, & où fonderont celles de mer qui sont sorties du pays d'Espagne, deuant que faire chose qui donne ombre & ialousie à personne.

Il est expedient aussi que son Altesse deliure la Sauoye des Espagnols qui y sont, & qu'elle fasse prouision de seruiteurs fideles, qui ne de pen-

dent que d'elle , pour executer ses mandemens enuers , & contre tous.

Les choses, ou parties d'icelles, preparées & esclaircies comme il conuient, l'on pourra mieux iuger si l'entreprise sera executable , ou non, pour selon cela, se conduire : car c'est le fondement sur lequel il faut basir la proposition qui a esté faite. Partant il conuoient s'affermir de façon, qu'il ne s'y rencontre aucun méconte : car ce ne pourroit estre qu'au preiudice & defauantage irreparable de sa reputation , comme des Estats desdits Princes, & spécialement de son Altesse, pour les raisons qui ont esté dites. Ce principe proposé & asseuré, il sera facile apres d'accorder les autres contenus audit memoire, tiré des discours faits par son Altesse à monsieur le Cardinal de loyeuse , & de sonder vne bonne vnion & parfaite amitié entre sa maiesté & son Altesse, & leurs enfans , au mutuel contentement & aduantage de leur Maison & Estats.

INSTRUCTION DE MONSIEUR DE VAUCELAS.

LE Roy voulant tesmoigner à Monsieur le Duc de Sauoye, l'estime qu'il fait de son affection, de laquelle ledit Duc a recherché toutes occasions de donner entiere assurance à sa maiesté, & franchement , pour l'enuoy vers elle du Comte de Gatinare , sur la naissance de monsieur le Duc d'Orleans, a voulu aussi le faire visiter & congratuler sur l'occasion des deux mariages qu'il a n'agueres fait de ses deux filles aîsnées, avec les Princes de Mantouë & de Modene. Et comme son Altesse a choisi pour faire cette office, le sieur Vaucelas, Conseiller & Mestre de Camp des Compagnies de gens de pied, du titre de Piedmont; elle a ordonné la presente instruction luy estre baillée, suivant laquelle elle veut qu'il se conduise en ce voyage. Premièrement ledit sieur de Vaucelas, estant arriué à quatre ou cinq postes de Thurin, où sa maiesté estime qu'il trouuera ledit Duc, il enuoyera deuant vn de ses gens en ladite ville, pour luy retenir vn logis, auquel il puisse descendre & demeurer durant le séjour qu'il fera en ladite ville : & soudain qu'il sera arriué, il fera aduenir ledit Duc de sa venue, pour arrester de prendre l'heure de son audience, & qu'il le pourra aller trouuer pour s'acquitter de sa charge. Mais si ledit Duc luy fait preparer vn logis pour honorer sa Maiesté & sa personne, soit qu'il l'enuoye rencontrer deuant qu'il arrive en ladite ville, ou qu'il attende qu'il y soit descendu, il l'acceptera, comme il fera toutes les autres faueurs & courtoisies que l'on luy offrira, comme marques & obseruations dudit sieur Duc enuers sa Maiesté. Estant conduit & admis à l'audience dudit Duc, il luy dira, apres l'auoir salué des recommandations de sa maiesté, & présenté sa lettre, que sadite Maiesté ayant seeu le contentement qu'il a receu des deux mariages qu'il a fait des deux Infantes & Princesses ses filles, bonnes nièces de sa Maiesté, avec les Princes de Mantouë & de Modene, ses cousins,

a tellement participé à iceluy, pour la singuliere amitié qu'elle porte à sa Personne, & à sa Maison, & tous honneurs que sa maiesté portera eternellement à la memoire de feu madame la duchesse de Sauoye, mere dudit Duc, & Tante tres-honorée de sa maiesté, qu'elle a voulu le despescher exprez vers luy, premierement pour s'en conjoindre avec luy, luy augurer toute felicité & contentement, & louer la resolution qu'il a prise d'accomplir lesdits mariages, & en celebrer les nopces si heureusement & somptueusement qu'il a fait, au gré de tous, & mesme de ceux qui du commencement faisoient quelque contenance de les desaduoir.

Que ledit Duc & les siens n'auront iamais tant de bon-heur & de prosperité, que sa maiesté ne leur en souhaite encore dauantage, tant pour l'estat que ledit Duc luy a depuis certaines années donné occasion de faire de son affection & bonne voisinance, que pour l'estime que sa Maiesté a tousiours faite de sa generosité & des vertus heroïques & dignes d'un vray Prince, qui reluisent en sa personne, mieux reconnues de sa Maiesté, pour la simparchie naturelle qui est entre elle, que de nul autre.

Que ledit Duc, par sesdites alliances, n'a seulement bien marié ses filles, les ayant colloquées en maisons de Princes illustres & dignes de son amitié, mais aussi appuyé & fortifiée la sienne, & par sa prudence & prouidence ietté les fondemens d'une seureté & liberté publique pour tout l'Italie, laquelle regarde aussi celle du reste de la Chrestienté : estant certain & notoire à vn chacun, que l'Italie auoit besoin que ledit Duc prist vn tel conseil, par lequel il oblige les autres Princes & Potentats dudit pais, d'honorer & cherir dauantage sa bien-veillance, rechercher son alliance, & joindre leurs beaux aduis louables, & genereuses intentions.

Que Dieu a fait la grace à sadite Maiesté d'auoir heureusement adressé & restably les choses en son Royaume, de façon qu'elle connoist pouuoir, avec la continuation de l'assistance & protection de sa Diuine maiesté, les maintenir & conseruer en l'estat florissant auquel elles se retrouuent, & partant pouuoir aussi estre utile à ses amis & bons voisins, qu'elle peut auoir besoin d'eux.

Neanmoins comme sadite Maiesté n'affectionne moins la felicité des bons amis & voisins de sa Couronne, que la sienne propre, elle veut bien que ledit Duc sçache qu'elle estime participer au benefice de sadite alliance, & qu'elle a donné charge audit sieur de Vaucelas, non seulement de luy faire cette declaration, mais aussi luy faire offre de sa puissance, pour faire fructifier & gratifier leur conjunction, & la rendre aussi utile qu'elle est honorable, & esleue la reputation de sa prudence, creance & authorité en toutes parts, pour produire toutes sortes de bons, glorieux & aduantageux effets en paix & en guerre, à quoy sadite maiesté a remarqué ledit sieur Duc auoir tousiours aspiré par tou-

tes ses actions : ce qui a véritablement accru la bien-veillance de sa Maïesté enuers luy , & n'a peut-estre moins excité l'enuie & le déplaisir des ialous de sa gloire.

C'est donc à bon droit que sa Maïesté luy fait dire par luy, qu'elle est tres-aïse desdites alliances; s'en resioiuit avec luy; desire qu'elles produisent les fruits, que luy & ses amis en esperent; & qu'elle luy fait renouueller sur cette occasion les offres & assurances de son amitié & de la puissance que Dieu luy a donnée. Ledit sieur de Vaucelas estendra, retrancheta, & recherchera lesdits propos, selon les argumens que ledit Duc luy en donnera par ses responles; & par ce qu'il pourra descourir & apprendre de ses conceptions & intentions, tant par monsieur le Duc de Nemours, qu'il trouuera auprès dudit Duc de Sauoye, que par autres.

A cette fin, sadite Maïesté l'a chargé d'une lettre, adressante audit Duc de Nemours, en creance sur luy, laquelle il luy deliurera à son arriuée; & luy fera entendre le sujet de son voyage: le priant de luy de partir son assistance & conseil, pour mieux executer les commandemens de sadite Maïesté, de la bonne volonté de laquelle il s'assurera, comme du desir qu'elle a qu'il la reuienne voit le plustost qu'il pourra, avec la bonne grace & licence dudit sieur Duc de Sauoye.

Ledit sieur de Vaucelas ayant salué ledit sieur Duc de Sauoye, visitera apres lesdits Princes ses enfans, ensemble les Princesses nouvellement mariées, selon leur rang, leur presentera les affectionnées recommandations & lettres du Roy & de la Reine, se conioyura avec les derniers de leursdits mariages, & assurera les vns & les autres de l'amitié & bien-veillance de sadite Maïesté, & que d'icelles ils receuront toutes sortes de preuues & bons effets aux occasions qui se presenteront, en leur declarant que leurs Maïestez n'affectionnent moins leur prospérité, que celle de leurs propres enfans.

Pareillement il visitera les Princes de Mantouë & de Modene; s'il les trouue encore avec ledit Duc de Sauoye, & passera avec eux pareil office de conioyissance, les assurant semblablement de la bonne volonté de sadite Maïesté, declarant à celuy de Mantouë, que leurs Maïestez estiment estre interessées en tout ce qui touche sa personne & maison, à cause de l'affinité & proximité d'entre leurs enfans, & monsieur le Duc de Mantouë & Madame la Duchesse sa femme, qu'elles cherissent & aiment fraternellement; au moyen dequoy ils pourroient faire estat de receuoir de leurs Maïestez en toutes occasions, les effets d'une tres-bonne & cordiale volonté, en la continuation de laquelle elles nourriront & eleuetont monsieur le Dauphin, & tous leursdits Enfans.

Il assurera aussi celuy de Modene, que comme la Maison d'Est a tousiours aimé la France, & esté François & chérie par les Rois ses predecesseurs, & aussi que Mademoiselle de Modene leur mete, a

l'honneur d'appartenir à la Reine; leurs Maiestez seront tres-aises de tesmoigner leur bonne affection & volonté audit Prince, & favoriser le bien de sa maison, quand les occasions s'en presenteront.

Il fera la mesme declaration à Monsieur le Cardinal d'Est, s'il le trouve encore avec ledit Duc de Savoie; luy disant que si la consideration des interests du Duc son frere ne l'eussent obligé & lié si estroitement aux conseils qu'il a pris en ses affaires, sa Maiesté n'eust jamais permis, portant le nom qu'il fait, qu'il eust pris autre party que celuy de France, sachant que son inclination estoit bien disposée de suivre en cela l'exemple de ses predecesseurs d'heureuse memoire: Toutefois sadite Maiesté n'avoit trouvé mauvais, ny fait moins d'estime de son metite, d'avoir preferé le respect qu'il doit à son frere, à toute autre consideration: se promettant que l'un & l'autre reconnoistront avec le temps, que l'amitié & appuy de sadite Maiesté & de la Couronne de France, sera encore quelque jour, comme elle a tousiours esté, utile & honorable à la maison d'Est, dequoy elle trouvera tousiours sadite Maiesté favorable & disposée.

Ledit sieur de Vauclas visitera semblablement le Cardinal de Savoie, se rejouissant derechef avec luy de sa promotion à cette dignité; laquelle elle ne luy a moins désirée & favorisée, que fait Monsieur son pere, se promettant que le sacré College des Cardinaux sera illustré de son agregation en iceluy, à la gloire de Dieu & à l'utilité du saint Siege, qui n'est moins recommandé à sadite Maiesté, qu'il a esté favorisé par les Rois ses aneectres: l'assurant finalement de la particuliere affection de sadite Maiesté; ainsi que ledit sieur de Vauclas fera les autres Princes & Princesses enfans dudit Duc qui sont à Thurin, lesquels il visitera aussi de sa part; leur disant que leurs Maiestez luy ont ordonné de les voir & saluer, leur dire des nouvelles de leur bonne santé, & de celle de mondit Seigneur le Dauphin, comme de leurs autres enfans, & de leur rapporter des leurs, qu'elles auront à plaisir d'entendre estre telles qu'elles desirent.

Si le Nonce du Pape, l'ambassadeur d'Espagne, & celuy de la Republique de Venise residans auprès dudit sieur Duc de Savoie, visitent ledit sieur de Vauclas; il leur rendra le mesme office, & selon l'ordre & le rang qui est deu à leurs Maistres; les assurant avec la mesme consideration & proportion de l'affection que sa Maiesté leur porte, & du desir qu'elle a d'embrasser tous moyens qui pourront servir à conseruer & accroistre entr'eux leur bonne intelligence, voisinance & amitié, iugée par elle tres-vuile & necessaire à la propagation de la gloire de Dieu, & au public & general de la Republique Chrestienne: lesquels langages ledit sieur de Vauclas entendra, selon que les Ministres luy en donneront sujet par leurs discours, en observant & gardant tousiours la deference & destination deuë à leurs Ministres, & à leur affection & inclination envers sa Maiesté & la France.

Il ne faudra aussi de visiter Monsieur de Nemours en son logis, & de faire paroistre par sa conduite enuers luy & en toutes occasions, que sa Maiesté se fie entierement en luy, l'aime & fait compte de l'affection qu'il porte à son seruice.

En suite dequoy ledit sieur de Vaucelas luy dira à part, que sa Maiesté a veu la lettre qu'il a escrite au sieur de Villeroy par le sieur de la Salle, qu'il a n'aguères enuoyé par deçà; qu'elle contient deux propositions qu'elle a tirées dudit sieur Duc de Sauoye, pour fonder sur icelles vne plus estroite amitié & alliance entre sa maiesté & ledit sieur Duc, en cas de paix ou de guerre, sur lesquelles sa maiesté a estimé deuoir & declarer son intention, iusques à la conclusion des affaires qui se traitent es Pays-bas, laquelle est encore incertaine & douteuse: d'autant que les Estats des Prouinces Vnies, apres auoir obtenu des Deputez des Archiducs le point de la liberté & souueraineté auquel ils aspiroient, n'ont laissé d'insister opiniastrement, que celui du commerce des Indes leur fust accordé, du moins pour neuf ans, & par forme de treve: dequoy lesdits Deputez des Archiducs ont fait absolu refus; & neantmoins ont depuis despesché en Espagne le Commissaire General des Cordeliers, entremetteur de ladite paix, pour représenter au Roy d'Espagne la demande & les raisons desdits Estats, & la continuation de leur nauigation ausdites Indes d'Orient, afin d'entendre & rapporter sa volonté, attendant laquelle, chacun demeure en doute de l'euement de la paix.

Quoy estant, il semble à sa Maiesté qu'il est difficile de prendre vne entiere resolution sur lesdites deux ouuertures faites par ledit Duc, d'autant qu'il est nécessaire de se regler en icelles, selon que le succes du traité succedera. Car s'il ne reüssit, le Roy d'Espagne sera lors contraint de renuoyer & employer ses principales forces audit Pays-bas, pour y recommencer & continuer la guerre avec aduantage. Les autres Princes & Potentats de la Chrestienté qui redoutent sa puissance, estimeront n'auoir besoin lors de faire autre prouision pour la conseruation de leurs Estats, que d'entretenir la neutralité avec laquelle ils ont vescu iusques à present. Car sa Maiesté a esprouué qu'il n'y a que le peril ou l'apprehension d'iceluy qui puisse exciter à faire resoudre lesdits Princes & Potentats d'entendre à vne plus solide precaution en cas semblables: ou si ladite paix se fait, alors chacun sera plus soigneux, diligent & facile à persuader de prester l'oreille à toute ouuerture utile à la commune seurété & conseruation. Aussi seront-elles mieux fondées & plus reüssibles; & si les contractans n'auront faute de loisir ny de temps, non plus que de moyens de dresser leur partie, & la conduire à sa perfection, sans qu'il soit nécessaire d'en tenter & anticiper la recherche & negotiation. Car elle pourroit estre esuentée, & partant trauersée plus facilement qu'elle ne sera quand elle sera commencée, lors que chacun sera contraint & persuadé d'un danger, d'en auancer la conclusion.

Cependant la Maieſté pourra s'approcher dudit ſieur Duc de Sauoye, car elle veut faire le voyage de Prouence cette année, ayant opinion que les ſuſdits traitez dureront le reſte d'icelle, ſoit que la paix doieue auoir lieu, ou non. Ledit ſieur de Vaucelas dira donc que ſadite Maieſté n'a eſtimé deuoir faire pour le preſent autre declaration ſur leſdites ouuer- tures; & auſſi qu'elle ne veut luy celer qu'elle ne les a pas trouuées con- formes aux eſperances qu'elle auoit conceuës des intentions & deſſeins dudit ſieur Duc de Sauoye, ſur les rapports que Meſſieurs les Cardi- naux de Loyeuſe & du Perron en auoient fait à ſa Maieſté; laquelle voit auſſi qu'elle a eu peu d'eſgard aux declarations de ſa volonté, qu'elle auoit faite par ledit Duc de Nemours de faire audit ſieur Duc de Sauoye ſurce ſuier, quand il eſt party d'auprès d'elle pour l'aller trouver.

Tellement que cela ioint aux ſuſdites conſiderations de l'incertitu- de de ladite paix, & aux aduis qui ont eſté donnez à ſa Maieſté, que ledit ſieur Duc de Sauoye ait du tout renoüé ſes affaires & intelligence avec le Roy d'Eſpagne, depuis qu'il a approuué leſdits deux mariages; & la gra- tification qu'il a faite en faueur d'iceux, a meu ſadite Maieſté de proce- der avec plus de circonſpection & de retenue ſur les oppoſitions, autanc pour ne nuire aux affaires dudit ſieur Duc de Sauoye, que pour meſnager la reputation des ſiennes.

ſadite Maieſté a ſeu pareillement que ledit ſieur Duc de Sauoye a retiré à ſon ſeruiſe vn nommé Parrety, qui a touſiours plus panché du coſté d'Eſpagne que du coſté de la France, pour luy conferer la princi- pale direction de ſes affaires plus importantes & ſecretes.

Mais ledit ſieur de Vaucelas ne fera entendre toutes ces choſes qu'au- dit ſieur Duc de Nemours, pour l'entiere confiance qu'elle a en luy, mais le priera de les conſiderer, & en vſer par ſa prudence ainſi qu'il con- noiſtra eſtre à propos.

Ayant par exprés ordonné audit ſieur de Vaucelas, de n'en parler audit ſieur Duc de Sauoye, ny à autre perſonne par delà de quelque qua- lité qu'il ſoit, afin qu'il conduiſe & meſnage le tout enuers ledit Duc de Sauoye, ainſi qu'il iugera eſtre pour le mieux.

Car ce n'eſt l'intention ny l'aduis de ſa maieſté de precipiter leſdits trai- tez, la conduite deſquels n'eſt moins perilleuſe que la conſclusion en peut eſtre vtile, eſtant conduite comme il conuient.

Ioint que le but de ſadite maieſté eſt de procurer & faire le bien dudit ſieur Duc de Sauoye, & de ſa maiſon, à l'eſgal du ſien, & de ſes Royaumes, comme elle a touſiours proteſté; & non engager legerement ledit ſieur Duc en des conſeils & effets qui luy ſoient preiudiciables pour ſon ad- uantage, & preualoir en ſes affaires, comme ledit ſieur de Vaucelas priera ledit ſieur Duc de Nemours au nom de ſadite maieſté, d'aſſeurer ledit ſieur Duc de Sauoye.

Auquel ledit ſieur de Vaucelas recommandera de la part de ſa maieſté la iuſtice de la cauſe du M. Roux.

Il mettra

Il mettra peine aussi de sçauoir la verité des causes qui ont meü le sieur Duc de Sauoye de faire constituer prisonnier le feu sieur d'Albigny & le Secrétaire Roncas ; d'autant que sa Maiesté n'en a sceu que ce qui a esté diuulgué & publié par le bruit commun.

Il s'informerá aussi si les compagnies de gens de pied Espagnols qui sont en Sauoye , doiuent y seiourner encore ou non : & où elles iront quand elles en partiront. Il aura les mêmes soins rouchant les autres occurrences ; afin d'en rendre bon Compte à sa Maiesté à son retour.

Quant à son depart de la Cour de Sauoye , il le reglera selon que le sieur Duc de Sauoye le voudra despescher ; mais le plus promptement qu'il le pourra faire , sera le plus agreable à sa Maiesté ; puis qu'il l'a destiné pour seruir en son Ambassade d'Espagne.

Si ledit sieur de Vaucelas ne trouue pas en Piedmonr les deux Princes aînez de Sauoye , ny les Princes de Manrouë & de Modene , avec les Princesses leurs femmes , il rapportera les lettres de leurs Maiestez adressantes aux vns & aux autres , & se contentera de faire entendre aux sieurs Ducs de Sauoye & de Nemours , & à aucuns des principaux Conseillers du sieur Duc de Sauoye , la charge que leurs Maiestez luy auoient donnée de les saluer , & les asseurer de leur amitié ; afin qu'ils en soient aduertis par eux. Fair à Fontainebleau , ce 16. iour d'Auril 1610.





CONCLVSION
DE L'ABREGE DE LA VIE
D E
HENRY LE GRAND.

IL est temps que ie finisse cet Abbrege, puis que ie n'y scaurois adiouster que des matieres odieuses & deplorables. Les dernieres negociations m'ont conduit iusques au mois d'Avril de 1610. Vous estes trop bien instruit, mon cher Lecteur, de ce qui se passa le mois suivant, pour renououeller vn parricide qui deuroit estre retranché du nombre des choses aduenues. Il faut neantmoins que ie vous apprenne deux particularitez sur cette grande mort, que les Historiens n'ont pas remarquées. L'une est que dès l'age de vingt ans, ce Roy si aimable & si debonnaire auoit esté menacé d'une mort violente dans vn Carrosse. Quoy que la grandeur de son courage, & la confiance qu'il auoit en Dieu, l'eussent tousiours empesché de croire vne prediçion qu'il tenoit luy-mesme pour vne fausseté; il est neantmoins tres-certain qu'aux plus legeres occasions où il voyoit son Carrosse en danger, la crainte de cette mort violente ne luy permettoit pas de demeurer maistre de soy-mesme. La premiere connoissance qu'il donna de cette apprehension inuolontaire fut au siege d'Amiens. Madame la Duchesse de Beaufort l'estoit venu voir dans son quartier; & le soir approchant il la voulut remener au sien. Il monta dans son Carosse avec elle; & les chevaux qui estoient ieunes & peu accoustumés à la bride, s'emporterent dans vn chemin creux avec tant d'impetuosité, que le Carrosse en fut renuersé au premier tournant & mis en mille pieces. Madame de Beaufort qui s'estoit conserué assez de presence d'esprit, apperceut le Roy fort effroyé de cet accident, & l'ouït dire deux ou trois fois, le suis mort. Neantmoins la peur ayant esté plus grande que le mal, & le Roy s'estant releué de terre sans blessure, Dieu soit loüé, dit-il à la Duchesse, Voila la prediçion accomplie avec bien du bonheur pour moy. Il n'eut pas plustost dit cela qu'il en tesmoigna du regret, & ne voulut iamais en dire la raison, quelques prieres que Madame de Beaufort luy en pût faire. Voycy l'autre histoire, que ie tiens de la bouche mesme de la Reine Marie de Medicis. On l'entretenoit vn iour de la vanité des prediçions,

& des exemples que l'on avoit de leur fausseté. Feu Monsieur le Marquis de Chanuallon estoit le tenant en cette Dispute. Madame la Princesse de Conty & Monsieur le Comte de Carmail soustenoient, avec plusieurs autres, le contraire, plus pour complaire à la Reine que pour estre du sentiment opposé. Apres plusieurs contestations, la Reine leur imposa silence, & tesmoignant par quelques soupirs, qu'elle alloit dire vne chose dont elle estoit touchée, le me souviendray toute ma vie, dit-elle, de ce qui arriva au feu Roy Monseigneur, lors que Don Pedre de Toledé le vint trouver à Fontainebleau comme Ambassadeur extraordinaire du Roy d'Espagne. Ce pauvre Prince me pria de me parer le jour qu'il devoit arriver, & de monter en Carosse sur le soir pour aller au devant de luy. Il voulut estre de la partie, & se mit dans mon Carosse. J'estois au derriere & luy au devant. A l'entrée de la forêt, le Carosse ayant assez panché pour craindre qu'il ne versast, ce pauvre Prince qui m'avoit dit cent fois qu'il n'estoit iamais sans alarme quand il estoit en Carosse, se precipita avec tant de violence sur moy, qu'il me fit entrer dans la teste deux ou trois des poinçons de diamant que j'avois dans mes cheveux. L'en fus legerement blessée, mais pour luy, il luy salut du temps pour se remettre. Mamie, me dit-il apres, ie vous l'avoüe, ie ne suis pas sage d'estre si poltron sans luyet, & ie ne me pardonne pas cette foiblesse. Mais il m'est impossible de n'y pas tomber aux moindres occasions qui se presentent. Je laisse à mon lecteur la liberté de croire que ces prédictions sont des folies: Cependant la chose est arrivée comme elle avoit esté prédite, & le grand Henry est mort dans son Carrosse à l'âge de 38. ans, de cette mort violente dont il avoit esté menacé dès la 20. année de sa vie.

Je sçay que quelques Historiens ont escrit, que le Vieux la Brosse, qui faisoit profession de l'Altrologie, avoit esté trouver Monsieur le Duc de Vendosme le jour du Couronnement de la Reine Marie de Medicis, & luy avoit donné aduis que le Roy estoit menacé le jour suivant de quelque accident bien funeste, & que sur cet aduertissement, Monsieur de Vendosme estoit allé le Vendredy au lever du Roy, & l'avoit conjuré de ne point sortir de la journée. Mais je sçay que Monsieur de Vendosme a dit à plusieurs personnes, que cela estoit faux, & que la Brosse ne luy en avoit iamais parlé. Ce qu'il y a d'estonnant en ce que nous avons dit de cette apprehension involontaire du Roy Henry quatriesme; c'est qu'elle luy augmenta quelques iours avant sa mort, & qu'il tesmoigna à quelques vns de ceux qu'il aimoit, que la vie luy estoit ennuyeuse. Je voudrois estre mort, dit-il à l'un. On a beau faire, dit-il à un autre, on ne sçauroit éviter son heure. Il faut partir quand elle est venue. Voicy ce que Monsieur de Bassompierre en a remarqué dans le premier volume de ses memoires.

Je diray plusieurs choses des ressentimens que le Roy avoit de mourir. Il me dit peu devant sa mort, je ne sçay ce que c'est, Bassompierre, ie ne me puis persuader que j'aille en Allemagne. Plusieurs fois il me

dit & à d'autres aussi, le croy mourir bientost. Le premier iour de May, reuenant des Tuilleries par la grande Galerie, & tenant Monsieur de Guise d'un costé & moy de l'autre, il ne nous quitta point qu'il ne fût prest d'entrer dans le Cabinet de la Reine. Il nous dit lors, Ne vous en allez point &c. Nous nous appuyasmes en l'attendant, sur les balustrades de fer qui regardent dans la Cour du Louure, lors le May que l'on auoit planté au milieu tomba sans estre agité de vent ny d'autre cause apparente, & cheut du costé du petit degré qui va à la chambre du Roy. Je dis à Monsieur de Guise, Je voudrois qu'il m'eust cousté quelque chose de bon, & que cela ne fût point arriué. Voila vn tres-mauuais presage. Dieu vueille garder le Roy. Monsieur de Guise me respondit, Que vous estes foux de songer à cela. Je luy respondis, On feroit en Italie & en Allemagne bien plus d'estat d'un tel presage, que nous n'en faisons icy. Dieu conserue le Roy. Ce Prince qui n'auoit fait qu'entrer & sortir du Cabinet de la Reine, estoit venu tout doucement nous escouter, s'imaginant que nous parlions de quelque femme. Il ouÿt tout ce que j'en auois dit. Il nous interrompit alors, & nous dit, Vous estes des foux de vous amuser à tous ces pronostiques. Il y a 30. ans que tous les Astrologues, & tous les charlatans qui seignent de l'estre, medisent chacune année que ie cours fortune de mourir. &c. Cependant ce fit le Couronnement de la Reine le 13. de May. Le soir tout reuint à Paris. Le lendemain matin Monsieur de Guise passa à mon logis, & me prit pour aller trouuer le Roy qui estoit allé ouÿr la Messe aux Feuillants. On nous dit par les chemins, qu'il estoit aux Tuilleries. Nous allasmes donc luy couper chemin, & le trouuasmes dans le Berceau. Il nous dit d'abord. Je viens des Feuillants, & ay vu la pierre que Bassompierre a fait mettre sur la porte, où il y a *Quid retribuam Domino pro omnibus que retribuit mihi*: Et moy j'ay dit pour luy qui est Allemand, qu'il y falloit mettre *Calicem salutaris accipiam*. Monsieur de Guise se mit à rire bien fort, & luy dit, Vous estes à mon gré vn des plus agreables hommes du monde. &c. Le Roy l'embrassa, & luy dit & à moy aussi, Vous ne me connoissez pas maintenant vous autres. Mais ie mourray l'un de ces iours, & quand vous m'aurez perdu, vous connoistrez lors ce que ie valois, & la difference qu'il y a de moy aux autres hommes. Je luy dis alors, Mon Dieu, ne cesserez vous iamais, Sire, de nous troubler en nous disant que vous mourrez bientost, &c. Il se mit à soupirer, & medit, Mon amy, il faut quitter tout cela.

F I N.







